


Yipma Genesis and New Testament



Genesis and The New Testament in the Yipma/Baruya language

**Yipma Genesis and New Testament
Genesis and The New Testament in the Yipma/Baruya language
Buk Stat na Nupela Testamen long tokples Yipma long Niugini**

copyright © 1993, 1994 Wycliffe Bible Translators, Inc.

Language: Yipma (Baruya)

Translation by: Wycliffe Bible Translators

Video recording © The Jesus Film, a project of Cru.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2013-02-07

PDF generated using Haiola and XeLaTeX on 21 Feb 2024 from source files dated 9 Oct 2020
ef60f748-49e3-5ee0-8e6d-a25b74b7a93c

Contents

FRT	1
Jen̄z̄z̄	3
Mat̄yui	38
Maaki	104
Luk̄	142
Jon̄	212
Apozel̄yara	259
Romi	317
1 Koridi	348
2 Koridi	378
Galeziya	399
Epazaazi	409
Pilipaa	419
Kolozi	427
1 Tezalonaaika	434
2 Tezalonaaika	440
1 Timoti	444
2 Timoti	453
Taaitazai	460
Paailimon	464
Ȳv̄ru	466
Jem̄zai	491
1 Pitai	500
2 Pitai	509
1 Jon̄	515
2 Jon̄	522
3 Jon̄	523
Juth̄yai	525
W̄jalangasakya!	528

Gotiyare Yagaala Mudike'

Genesis and The New Testament in the Yipma (Baruya) language of Papua New Guinea

Buk Stat na Nupela Testamen long tokples Yipma long Niugini

Gotiyare Yagaala Mudike'

Genesis and The New Testament in the Yipma (Baruya) language of Papua New
Guinea
[byr]

© 1993, 1994 Wycliffe Bible Translators, Inc.

Print publishers: 1993, New Testament by The Bible League; 1994, Genesis by the
Bible Society of Papua New Guinea

Web version
2013, Wycliffe Bible Translators, Inc.
www.Wycliffe.org

<http://pngscriptures.org>

www.ScriptureEarth.org

This translation is made available to you under the terms of the Creative Commons
license (Attribution-Noncommercial-No Derivative Works).
<http://creativecommons.org/licenses/by-nc-nd/3.0>

Your are free to share — to copy, distribute and transmit the text under the
following conditions:

- **Attribution.** You must attribute the work to *Wycliffe Bible Translators* (but not in
any way that suggests that they endorse you or your use of the work).
- **Noncommercial.** You may not use this work for commercial purposes.
- **No Derivative Works.** You may not alter, transform, or build upon this work.
- **In addition,** you have permission to port the text to different file formats, as long
as you don't change any of the text or punctuation of the Bible.

Notice — For any reuse or distribution, you must make clear to others the license terms
of this work.

Tok Orait

Dispela Buk Baibel i kam wantaim tok orait na lo bilong Creative Commons Attribution-
Noncommercial-No Derivative Works license. Em i tok olsem **yu ken givim kopi long
narepela manmeri**. Yu ken wokim kopi na givim long husat i laikim. Tasol, yu mas
tok klia dispela samting i kam long <http://tokplesbaibel.org>. Yu no ken kisim mani na
salim dispela. **Yu mas givim nating**. Na tu, **yu no ken senisim Tok**.

Ol piksa i kam wantim ol Baibel na narapela buk i stap long dispela sait i gat tok orait
long usim wantaim dispela samting tasol. Sapos yu laik narapela tok orait, yu mas
askim husat i papa bilong copyright long dispela ol piksa.

Sapos yu laik stretim samting i no orait long dispela tok orait, stretim tok, salim Buk Baibel, o tainim Tok bilong God long nupela tok ples, yu ken **askim mipela**.
Olgeta tok orait na lo long tok ples English i stap long <http://creativecommons.org/licenses/by-nc-nd/3.0/legalcode>.

Sapos yu gat askim long dispela, **plis askim mipela.**

Yagaala Yìda'nìkengìre Yaya

[tab]Yaya tu'na[tab]Yìkwia

Jenizizi Mudi'na Yamaasa

Gotiyai yuyangi wakyaakesi.

(1:1-25)

1-5 Sinnawit kigaakuna Gotiyai sigunyası kwaakesi wakyaas! Tiwi wakakegaa' kwaaka kuneval warina kyaa!, sagaa! Gotiyare Kuryai aalibunyavı munyaba yilayamarina yaa!. Yuyaba jihinya' yadisi Gotiyai wijaa! "Yirika'gi dıvu!!" Mi'na kujaa! yirika purina yaa!. Gotiyai yirike' wanganaka wijaa! "Tewaanyasira. Yirikegaakti." Gotiyai yirike' gavi wakinna, jihinya' gavi wakinna yaa!. Wakinna yaka "Jihinya' sawisasisra," wijaa!. Mi'na kujaa! yirika piri' mi'nanyira.

6-8 Yirika mudike' kavuryaa! Gotiyai wijaa! "Aalyamwavidaaşı yiraaya bilaawana!" Widina kyaa! yiraaya bilaawina yaa!. Gotiyai wijaa! "Munya ke'ba sigunyası." Yirika piryaaai mi'nanyira, sagaa!.

9-13 Yirika mudike' kavuryaa! aalya naange' yunebanna wa'disi Gotiyai wijaa! "Aalya naanga da' avaala piba warana!" Gotiyai sara kujaa! aalya maalika wanniyina yaa!. Sagaa! sila, mugunya, kwaaka warina yaa!. Mi'na warina kyaa! Gotiyai wijaa! "Yita, maye, sigya, kure, kinna, wapaaya yuya iman'nyina yana!" Sara kujaa!, sagaa! iman'nyaakengi. Sinakeji tainakeji iman'nyaa!. Yirika daryaai dari' mi'nanyira.

14-19 Yirika mudike' kavuryaa! Gotiyai widina "Baaka naange' (Nyilyai), baaka maalike' (lawei), silingaaminya warana!" Sara widina kyaa! nyilyai, lawei, silingaaminya iman'nyina yaa!. Gotiyai widina yaa! "Yirikegaa! nyila widina yana! Sawisagaa! lawei, silingaaminya widina yana!" Savidaasi kwaakevaki yirikesi wanyiwanyasi warit!. Gotiyare simunya nyilalyi lawelyi saraarina wawinya yanya'ne sa' gavi wakinna, burikegaa'ne sa' gavi wakinna yaa!. Yirika daryaai daryaai mi'nanyira, sagaa!.

20-23 Yirika mudike' kavuryaa! sagaa! Gotiyai widina "Jawinya, buta, waalabya aalyavı wılarya'ne pinı mwaalana!" Mi'na widina kyaa! jawinya, waalabya, buta yuya aalyavı mwaalina yaa!. Mwaalina yeva aalyavı kusawi jawinya, waalabya bwaranya wılayariwannyina yaa!. Nabaai Gotiyai yuta ge ge munyawinnera wımwaaikhına, kwaakewinnera wımwaaikhına yaa!. Yusara sara wımwaaikhakeraavidaasi naanga mijayariwanniguna yaa!. Sagaa! yirika daryaai daryaai dari' mi'nanyira.

24-31 (24-24,29-30,2:9a) Yirika mudike' kavuryaa! Gotiyai yagaala widina "Jili kyaawaryya, yikuriyaawia yuya iman'nyina yana!" Sara widina kyaa! kwaakevi iman'nyina yaakengi. Nabaai Gotiyai kamaala, maa'nyaanna sara wakinna yaa!. Yuya iman'nyaakengidaasi naanga yariwanniguna yaa!. Sagaa! Gotiyai sigya, waanga tiika nya'ne simudinya yadivisaraavina wijaavina yaa!.

2

Gotiyai a'mweraavi yavikaryaa!

(1:26-2:25)

1-7 Gotiyai yuyaraavi wımwaaikhakere. A'mwelyi a'mwesi sawaarı yavikaryina. Gamı kwaibisawaari yavikaryina ya!. Gotiyai kwaake' livina yaka livigiri'mwanna yaka a'mweri yavikarina ya!. A'mwere kilaaakeji' yavikaryaka Gotiyai gamire sinnyiki pwa'nyi kamakura' sagaa! a'mwei iman'nyina kya! "Ataamima gitimire yaya! gitihwana," Gotiyai sara widina ya!.

8 ... 9-17 (9b-17) Gotiyai wawinya naange' burinna burinna ya!. Burinna burinna yaka Ataamim i maarina yaka wawinya wila lamarakina ya!. Kwaaka Yitheni aalimaangev wawinya sa' wara!. A'mwe pwai yisaridaa'nyi yisila maranaj i kwaj i gazagaasagaa kamwaaladika. Nabaai yita pwai siduta nawi'nya' siduta kayaa'nanya' yawrya'nei waaya!. Gotiyai Ataamim i wida! "Gimi wawinya dav i dimaremwaideiginyi. Yisila wawinya davidaasa da dinadengi," wida!. "Wawinya dav i tinnyaba yisai siduta yawrya'nei waayikeridaa'nyi yisila na'gizi, gimi siduta tewaanya yawi'na jithesi. 'Nabaai gimi siduta kayaa'na yawi'na jithesira,' gitihwa. Yisila sa' gimi maninnesi," widina. "Gimi na'gizi divaidesi," widina ya!.

18-20 Yuta jili kyaawarya yuya Gotiyai kwaakevidaa'nyi yavikaryakera Ataami mwaaidisyaba makwasaaba!. Kamakwasaaba! Ataami yuyaraavi yaya wida!.

21-25 Sagaa! Gotiyai da! "Ataami gavei mwaalya sa' kayaa'nanyabwi yi!. Ni mi a'mwe gaminyine' yavikarima! A'mwe sa' gaminyi wigaimwagathesira," da! Gotiyai. Sara daka Gotiyai Ataamim i se naanga marakakei wa'di'nyi Ataamimire laasari galalivimwagamaa'na yaka gamire kilaakeji i yihula yajida'na ya!. Yajida'na yaka a'mwevi laasari yavikarya!. Kyavikarya! Ataami kadikaava! Gotiyai a'mwevi wimaarina ya!. Wimaarina kya! a'mwevi Ataami wanganaka "Nimiji avaalya'ginyira," widina. "Gotiyai nimire laasari nyilivimwagakaka gyavikariwake'ne! 'A'mwe'gi,' gitihideinyira," widina ya!. Sayabadaa'nyi dahaa! a'mwe pwai ganimaangelyi ganaangesi sawaaryabadaasi yagalya'makuna yoj a'mwevi kwala maarina yoj gamire a'mwesi mwaalina yakilyiyagaa! kiyoi yune kilaaka gave piyi'nyi. Gotiyai widina ya! "Kirimire kaimiraaya jawakinidewaaihiilyira. Nabaai yikuriyaawiaraj i mala kayaawaryaraj i jili kyaawaryaraj i yuyangi dimaremwaalyidewaaihiilyira." Kannyimaayawaari sawaari wagila muvwa'nya!.

Gotiyai gami yavikaryakengi tinna dara wanganake! tewaanya naanga wa'disi wanganakengira. Yirika ata pwina ata puridaa'nyi pwai mi'nanyira sagaa!.

Yirika mudike' kavura! Gotiyai gannya wawinya mi'na yaka kwazaaka mwaala!. "Yirika daryaaai daryaaai dari sagaa'ne sa' gavinya'nesira," wida! Gotiyai.

3

A'mwera kayaa'nanyabwi yaa!

(3:1-24)

1-7 Kamaala sai sidu'nakei a'mwevi widina "Gotiyai jihithaka? 'Kirimi yisila yita dangidaa'nyi mamaranyikanesi,' jihithako?" Sara widina kya! a'mwevi widina "Yisila nakajanga yawi'manigoi. Yisila yita wawinyavi tinnyaba waayikeridaa'nyi naariimi mamaranakanesi. Yita dari yime'nakwoihij i balina yakade'naalyi," widina. Widina kya! kamaalyai widina "Kirimi divalyidewaaihi mika. Kirimi kayaa'nanya pininna tewaanya pininna yawi'na jidewaaihiilyira," widina. "Kirimi Gotiyaib i jima'nyidewaaihiilyi. Sa'na nabaai Gotiyai yawi'mani!," widina. Kamaalyai mi'na widina kya!, sagaa! a'mwevi tinna wanganake! "Yisila maranyina yima!" da!. Sara daka maranyina ya!. Nabaai gamire kwalaangeri kumarya! a'mwei yisilyai maranyina ya!. Tivi'na maranyina kya! kirimi sawaai kunya yawiragi. Yawiragi la dara yennagiya! "Kannya maaya'naai daaka!" Dahlegaa! wagila kuvwa'na yikiwasa gipwaina, kannya yira'nyina yagi.

8-13 Sawisabur Gotiyai wawinyavi kaanya yamaryina. Yamaryina yadaa'nyi Ataamiji gannya a'mwesi sawaai gaminyi wi'nagila yikaavilyavi kima'nyawi lika yulya'na yagi. Yulya'dakilyi Gotiyai jaka widina "Gawi mwaaihilo?" Sara widina kya! a'mwei wida! "Purinya kiwa gu'nawa. Kannya maayainyi lika yulyake," wida!. Gotiyai widina "Sa'na aai kagithiwakaka? 'Yisila mamaraninnesira,' gitihwa'de!

daniwaana?" w̄id̄ina ya!. W̄id̄ina kya' Ataam̄i w̄id̄ina "A'mwe nyijaavagine da' ȳis̄la kanȳmaariwa' n̄iwana." Sara w̄id̄ina kya' a'mwe' w̄ida' "N̄im̄nȳi kamaalyai kwaasiyagaala kanȳdiwa' ȳis̄la maranȳna ȳiwana."

14-15 Mi'na w̄id̄ina kya' kamaalyari Gotiyai w̄id̄ina "Sayaba kamaala s̄ivilata maaya daiḡ labwatavamarina jaho'deiḡnȳi. Gim̄re kaim̄raayara kwaraj̄ savire kaim̄raayara kwaraj̄ s̄im̄lik̄a winadiv̄' mala tannip̄'de'na w̄ij̄waakīderera," w̄id̄ina. "Gam̄re s̄ividaahunnyav̄i kayaaka ȳigaid̄za'ne' gim̄re m̄nyaḡnyav̄i ḡiv̄iza'j̄valadeiḡnȳi," w̄id̄ina ya' kamaalyari.

16 Gotiyai a'mwevi w̄id̄ina "Mudangegaa' ginnya kaim̄raayai ma'daa'giyagaa' daanga naanga ḡiv̄inade'ḡinȳra. Sara ȳija' ginnya a'mweri ȳilaaya j̄ihadesi. Nabaai gam̄i ḡimaremwaaaladelyi," w̄id̄ina ya'.

17-19 Gotiyai Ataam̄imi w̄id̄ina "Sayaba ada' ḡim̄i sara ȳwaanya sa'ne' n̄im̄i kwaakevak̄i kur̄vaariya wakideinȳi. Kwaka'muri ḡim̄i wapaaya nya'ne wawinya naanga yadi sagaa' ḡim̄nȳi maa'na naanga ginadeiḡnȳi. Yuyagaa' kwaihwaaainakeiḡi mwaala'ḡiz̄iyagaa' ḡim̄i sara j̄itheiḡnȳi. Kwaakej̄isi gyavikaryaḡnyaḡi ḡim̄i bala'giyagaa' ḡim̄re kilaakej̄i kwaaka aȳna ȳma'nadez̄ik̄i," w̄id̄ina ya'.

20-24 Mi'na w̄id̄ina yaka Gotiyai yaawih̄ilaake' maar̄na yaka kannya yavikarina yakewaai maar̄na yagīla kannya marira'nȳna yagi. Ataam̄i a'mwevi w̄ida' "Ȳva' gith̄iwe sa' ginnya yaya naange' ḡith̄iwa." A'mwe yuyaraavi kuv̄inaange' ȳma'nade'nanȳra. Ataam̄iji Ȳvasi sawaai kunya kayaa'na yawi'na, tewaanna yawi'na yadi' mwaalagi. "Ȳis̄la gaalya'ne' nȳna yakiri gazagaasagaa' namwaalyikadika!" daka Gotiyai w̄idaasina. Sara w̄idaasina yaka "Ȳta tewaanyar̄na maremwaaipi'deraava," daka wawinyaav̄i mwasilaa ejeliya dameraavi w̄imwaaisha!.

4

Keni Aivel̄imi tamakyaa!

(4:1-24)

1-24 Ataam̄iji Ȳvasi sawaai kaimaleraari w̄imwaaihagi. Keni gannya wawinyaav̄i yadaasi Aivel̄i jilīkyaaawaryaraav̄i maremwaaalina. P̄igaa' Keni wawinyaav̄idaasi wapaaya maar̄na yaka Gotiyari w̄imaarȳna. Aivel̄i sip̄zip̄iya tewaanyai maaraka Gotiyari w̄imaarȳna. Kumaaryagi tawanakei w̄imaaryaka Aivel̄imi na Gotiyai ȳilaaya ȳna ya'. Wapaaya w̄imaaryaka Kenim̄na j̄ikurya ȳna ya'. J̄ikurya ȳna kya' Keni s̄inna t̄ka kudava' sagaa' Gotiyai w̄id̄ina "Keni s̄inna t̄ka magithavanna! Kayaa'nanyabwi minnera!" W̄ila d̄vi wawinyaav̄i a'mwera mamwaalyaba Keniji Aivel̄iji saraai mwaaidakiri Keni Aivel̄imi tamak̄na. Tamak̄na kya' d̄vi sagaa' Gotiyai Kenim̄i w̄id̄ina "J̄ihwaalaangei gaz̄yaka?" Sara w̄id̄ina kya' Keni w̄id̄ina "Mwanganyiweinȳi. Gamin̄i maremwaaidiñyainȳi daaka!" Gotiyai w̄id̄ina "J̄ihwaari baar̄i ȳwaa? J̄ihwaalaangare tawej̄i kwaakevak̄i war̄i!. D̄vi sagaa' kwaakevak̄i wawinya ya'ḡiz̄iyagaa' wapaaya maalike dakanadeiḡnȳi. Gim̄i gazabazaba yamarina j̄itheiḡnȳi." Mi'na w̄id̄ina kya' sagaa' Keni w̄id̄ina "Gim̄i mala kanȳramaasa'ḡizi gazabazaba mwalamarina ȳdeinȳi. Yamaryadaa'muj̄i a'mwei nyanganoji mala nȳramakadeinȳi." Gotiyai w̄id̄ina "Aawano. Sasare' mika." W̄id̄ina yaka Gotiyai "Kenim̄i mala narabika!" daka Kenim̄ire yamev̄i p̄ikarya ya'. Sagaa' Gotiyaryabadaasi Keni kwaaka Nothinei kaanna wiña ya'. Gam̄re kaim̄raayara kwaaka mudikeba mwalaaweva kwaari'masannaj̄i, p̄iradaazannaj̄i yuya kunnya saburana yawireva yavikarye!.

25-26 (-)

5

Ataamimire kaimiraayara kwala naanga yiriyaa!

(4:25-5:32)

1-32 (4:25-4:26, 5:1-32) Kwarame naangegaa' 130 Ataami wavilavakei gannya kaimale pwai yawakina. Yiva' gawaal! Ataami ganimaangeibinanyai milaka gannya kaimaleri ganaange! widdena "Satai ginnya yaya' gitihwana." Divi sagaa' Satai naanga mena yima'nakegaa' kaimale Yinozari yawakina. Sinnawi Gotiyarina maji, mwaalina yesara Yinozai yima'nakegaa' ayina Gotiyarina dadivit mwaale!. Ataamij Yivasit sawaare kaimale taaya milagi. Kwarame 930 kwavilava! Ataami bala!. Yinozai kaimale Kenanimi kyawakina!, Kenani kaimale Maalalelimi kyawakina!, Maalaleli kaimale Jaarethari yawakina!. Jaarethai kaimale Yinokiyari kyawakina!, Yinokiyai kaimale Metuzalaami yawakina!. Gotiyareburi Yinokiyai tewaanna yina yaka mabalyakei Gotiyai maraabina ya!. Metuzalaa kaimale Lamekeri yawakina!. Kwarame 969 wavilavakei Metuzalaa bala!. Lamekei kaimale Nowaari yawakina!. A'mwe pwara kaimale taaya yawakine!. Nowaai kaimale Sami, Aami, Jaivetai saraavi yawakina!.

6

A'mwera kayaa'na yadivisara mwalyaa!

(6:1-8)

1-8 A'mwerajt a'mwejti kwala naanga kima'ne! "A'mwengi nemi kwala maraana!" deva Gotiyare kuvibwaaliavaa maarina. Maarina kye! kunnya kaimiraayara a'mwe diraginya naangera yima'ne!. Gotiyai tinna dara wanganake! kayaa'nanyaraav wangana!. "Kayaa'nanyabwi sara yaana!" yawidivisara yuyagaa' yesina Gotiyai dina "A'mwe atina ata puridaa'nyi pwainanyaraav kwarame ata siviliraai (120) kwavilavoji wakidengira kunnya balya'negaa!". "A'mwera, a'mwe, yaawarya, jiliika, yaawia, yuta, yuya tamakidengira," dina. Mi'na dina yaka Gotiyai da! "Nowaai a'mwe tewaanyarinna yivainidelyira."

9-22 (-)

7

Nowaai sipyaya'yavikaryaa!

(6:9-7:5)

1-5 (6:--7:5) Nowaai a'mwe tewaanyai Gotiyari gya'mwei. Gotiyai Nowaari widdena "Sipyaya' ange'bti' sa' aalyavi a'ba yilarade! javikarideiginti. Sipyaya maalika javikaride'na mi!. Sipyaya naange! javikarideiginti. Sipyavire yida'na saaminaange! anga naangebabti' javikari! Sipyaya' angajina lalangyaginya'bti' javikari! Yida'na kekina laalayaginya'bti' sa' duthaakwia! Sipyaya' minye'na amwi piri' tinnnyaba piri' dakineba piri' javikari! Yiritinna munyaba yunebanna yunebanna jithaakwia! Tikkurya tinnnyaba piri' a'mwera bulya'ne! kaanya' javikari!"

"Aalya naange! yunebanna pidiravadesi. Simudinya yadivisaraav yuyaraav aalya naange! wakiwija! maramiladere. Kirti' kirimiyoohl kribwaaliavavaji saraavire a'mwengiji sipyav iwilina jidengihilyi. Nimirre yagaala gitihideinyi. Sa' jilikyaaawarya yikuriyaawia kimaaka piyoina piyoina sipyav dimarulakidengi. Jilikyaaawarya yikuriyaawia pin piyoina ata puridaa'nyi pwaraaina kimaaka mi!. Sa sipyav dimarulakidengi. Wapaaya ge ge gimininyine sipyav wilapidengine wapaaya jovirawakya!" Mi'na widdena kya! Nowaai sara yina. Mi'na yina kya! Gotiyai Nowaari wida! "A'mwe pwara a'mwe pin kayaa'na yadivisangina gimi tewaanya yadinyaiginna sarimi sipyav dulyidera. Sawita ata yuyi ata puridaa'nyi pwaraai mi'na kajinnoj burike! wakideinyira. Yuya baihirinipi'dengira," wida! Gotiyai.

Kwaakevaki yunebanna aalibunya d'i'na'na yaa!
(7:6-24)

6-24 Kwarame naangegaa! 600 sagaa! Nowaar i kwavilava', gamiji gannya balaangesi sawaare kaimiraayaraj i kumire balaangeji sipiav i kule! Gotiyai kaanya' tihira!. Sipiav i kaanya' mena karihira! sawita a'mweraare ata sivilraai jinna'daa'nyi aaliburika naanga yadaa'nyi aaliyim i naanga yirivakegaa! aalya yilaabaka kwaakevaki aalibunya naange! d'i'na!. Burika naanga tivi kavawira! sagaa! aalibunya naange! yunebanna mugunyangi kamarulaka' yuya bale!. Sipiya! aalyav i a'ba yila'disi Nowaalyi sipiav i wilareta yuyaj i tewaanya mwaale!. Lawe dikaai dikaai d'i' kwaakevaki aalibunya d'i'nara!.

8

Aalya naange! mi'nanyira.
(8:1-22)

1-22 Nowaai sipiav i wilad i'nyi Gotiyai simunya yawira!. Yawiraka yihuta wakina kya' aalya' walyuina yadaasi lawe dikaai dikaai d'i' kwavilava' aalya maalika warina kya', sipiya' Ararata mugunyav i wara!. Kwara! sawita a'mwe pwaraare ata sivilraai kajinna! Nowaai sipiav i yirit innyarik i baasaka mwasawi kaamyaakeri marapilakwaasina ya!. Kwaakevaki aalibunya wa'disi kaamyaakei pilakuna. Pilakuna kya' Nowaai "Aalya tivi kye'nigwaimwaawi! daa??" daka mwasawi kwaamiryari marapilakwaasina ya!. Aalibunya' kuna wa'disi kwaamiryai mwalaawia'neba kunewi wanganaka ayawinna sipiav i bulamwaaina. Bulamwaaina kya' sawita ata pwi yaka ata puridaa'nyi pwaraai kajinna' pigaa! Nowaai kwaamiryari marapilakwaasa!. Kamarapilakwaasa! sawisiri kwaamiryai yita wobilivare kwasina' mudi'milamaraawina ya!. Kamakaba! Nowaai tinna wanganaka "Kwaakeva' yaalika menanyira," yawira!. Kyawira! sawita ata pwi ata puridaasi pwaraai kajinna' pigaa! Nowaai kwaamiryari kamarapilakwaasa' sa' kwaamiryai yuna kaanna wi na ya!. Wi na kya' Nowaai sipiav i kaanya' baasaka wanganaka'. Tinna dara wanganake' kwaake' yaalikevi wanga!. Mena kwangana' lawe pu'na kwavilava' Gotiyai Nowaar i widina, "Sarimi mwasabanna jikwalyaabilo! Jiliyaawaryaraavi yikuriyaawiaraavi divurad ihalamakwalyaama! Kum i sara kwaakevaki kwala naanga yariwanniipi' derera." Sara widina kya' sipiav i daa'nyi Nowaalyi gamire gawaalis i yuya mwasabanna walyaab i na ye!. Walyaab i na kye' Nowaai simunya yawiraka "Gotiyai neyi vaini wake'na nim Gotiyai tewannyarina yilaaya yigalide'na jiliyaawarya yikuriyaawia wijaawiwabisisa' dikevi gaayadika yiravima!" yawiraka Gotiyarine simiye' livalaaba!. Livalaabaka dika marira'na yaka "Jiliyaawarya yikuriyaawia ki maaka mwarikera," daka maarina yaka simiye livalaabakevi dikevi marakina ya!. Simahuri ka wivwasit i na yakevidaa'nyi tirinya wabatirinya winnaka Gotiyai da! "Divi yunegaa' nim ye'na simudinya yadivisang i maramuneinyira."

9

Gotiyai Nowaari k iwi nyia' w i jaa!
(9:1-17)

1-4 Gotiyai Nowaalyi gawaalivaanga kwaraj i kinidakaavi yagaaihiwi nyia wida! "Sarimi kwala naanga jima'nyideihilyira. Nabaai sarimi kwaakevaki gazabazaba mwalamarina jideihilyira. Kwaakevaki mwaaidivisa i aalyav i mwaaidivisa i yuya dimaremwaalyidengira. Sarimi maremwaaidivisa dimyideihilyira. 'Yikuriyaawia naana!' dapiji karamapiri gamire tawe kabwalaawoj i tika nyina jideihilyira." Gotiyai sara wida!.

5-11 “A'mwe pwai a'mwe pwarı karamakori gaminyi tamakina jidelyira. Malakayaawaryai a'mwe pwarı tika kadavori gaminyi tamakina jidelyira. Ni'mi a'mwera ni'mibisaraavı yavikarye'na sara diramakyideihilyira,” wi'da! Gotiyai.

12-17 “Yiraayavı ni'mire akume yilakideinyira. Akume wage'bısavı wanganapıjı da' jawiryidesıra. ‘Gotiyai neminyi'ji mwaaidivita yuyangijı gannya kiwinya' neda’, sara jawiryidesıra. Aalıbunya kwaakevakı di'narake'bısa' ni'mi wake' di'vi mulaabyı yadesıra. Kwaakevakı mwaabızangı mamaramılyı yadesıra,” wi'da!.

Nowaai aalya waainiya' nyaa!

(9:18-29)

18-27 Nowaai wi'la giraipiwawinya burıda!. Burinna yaka giraipızıla maarına, giraipızıla aalya' gulyavı ma'mwagikına aalya yırıke' waainiya' maranyına ya!. Aalya yırıke' maranaka sımunya myawırya!. Sara yaka angevı kannya maayai se warına ya!. Se kwara! Aamı, Kainanımirere ganımaangei, Nowaai kannya maayai warakerı wangana!. Wanganaka gannya ki'daraarı mwasawi mwaalagılıyaraarı sa' wi'da!, Aamı. Kuda' Samıji Jaivetalyı saraai yıvıta maarına, kırınımaangerı bwakakına tınnı mwanganyı yagi. Di'vi sagaa! Nowaai di'kaa'na yaka Aamı gawaalıvaangei yake'na yawıra!. Sımunya yawı'na “Aamı kayaa'nanya maalıka yıvanıka kırı' gawaalıvaangei kayaa'nanya naanga yadengıra,” yawıraka wi'da! “Kainanımirere avaalyara Kainanımi wımwaaikhakera wımaremwaabi'delyıra. Samımina di'vi ni'mire Gotiyai tewaanya wiadelyıra. Yı Gotiyai Jaivetare kaimıraaya kwala naanga yıma'nyına, yı a'mwe naangera yıma'nyına yıpi'derera. Kainanımirere kaimıraayara Samımirere kaimıraayaraavıne Jaivetare kaimıraayaraavıne wawınya wi'daayıpi'derera,” wi'da! Nowaai.

28-29 Nowaare mudangegaa' kwarame naanga (950) kwavılava! Nowaai bala!.

10

Nowaai gavere a'mwe a'mwera kwala naanga yırıyaa!

(10:1-32)

1-14 Jaivetai kuvıñımaangei Gomajı Maahohılyı Mathalyı Jaavanıji Tuvalıji Meseıkalyı Tıraazılyı saraavı yawakına!. Aamı kuvıñımaangei Kuzılyı Yızıpiyalyı Putıyalyı Kainanıji saraavı yawakına!. Kuzı ganımaangei Ni'mirothı yawakına!. Di'vi sagaa! Ni'mirothı a'mwe diragınyai, malyai yıma'na!. Anga naangeba Baivelı, Erekı, Aakathı, Kalıne kwaaka Sinaa mannakeba Ni'mirothı maremwaalakebera. Maremwaalaka kwaaka Azırıya anga naangeba Ninıva, Rewavothı-Yıya, Kaala, Rezanı anga sa mada!.

15-20 Kainanı kırınımaangei Saaithonıji Etılyı saraarı yawakına!. Kainanımirera Jevuzıyara, Amoyara, Gihaazıyara, Ivayara, Aakayara, Sıniyara, Aavathıyara, Semaarayara, Aamaatıyara Kainanımirera sara yıma'nyına ye!.

21-32 Samı kuvıñımaangei Elamı, Azu, Aapakızathi, Lutı, Aaramı yawakına!. Sa' Nowaarı gawaalıvaangera a'mwe yuyaraavı kwaakevakı mwaaidivısaraavı yawakıne!.

11

A'mwera anga saamınaange! Baivelı mijaye mwagamamilaawıyaa!

(11:1-9)

1-9 Kwaakevakı a'mwe mwaalesara yagaala avaala pırı'na dıne!. Kumı sara kwaaka Sinaana kaanna wına ye!. Wına yeva dıne! “Gotiyai sara neda! ‘Yuyaba dımwalamaryıla!’ nedaka kırı' nemı kwaaka gazabazaba mamwalamaryaaanna! Dava nemı a'mwe naangaina yıma'nyına yaadeine. Nemı anga naanga madaathe!

nabaai anga saaminaange' silya'bisa' madaathera," dīne!. Mi'na dīneva anga madaapiji Gotiyai daka "Nim walanganaawima!" daka walaabaka wanganaka "A'mwera kunnya yawi'na yapijyav'i sara nyipidika!" daka "A'mwera yagaala ge' ge' dīpi'de'nana," daka taalita kaginyiwaga' sagaa' yagaala avaalya' desara sagaa' yagaala ge' ge' dīna ye!. Yagaala ge' ge' dīna yeva "Anga naangeba madīna yivanigo' warana!" deva mamaje!. Anga mamajara kye' Gotiyai wiidaasina kya' anga gazabazabanna mwalamaryina ye!. Anga naangeba yosinna yeva sara yagalya'ma'nika sabanne' dīnikesi Baiveli. Yagaala ge' ge' yima'nyina yakebanne yaya' Baiveli sara wo'nyina ya!.

Samimirera kwala naanga yima'nyaa!

(11:10-32)

10-25 Samimirere gawaalivaangei Aapakizathiyai ganimaangei Kainanimi yawakina!. Yt Kainani ganimaangei Selaami yawakina!. Yt Selaa ganimaangei Eva, yt Eva ganimaangei Pelehi, yt Pelehi ganimaangei Rewi, yt Rewi ganimaangei Seruh, yt Seruh ganimaangei Naawo, yt Naawo ganimaangei Teraamii yawakina!. A'mwe dara kuvibwaalivava kuviraayava yawakine!.

26-32 A'mwe Teraa kuvintimaangei Eviramii, Naawo, Aaranii yawakina!. Aaranii ganimaangei Lotimi yawakina!. Gamire kwaaka Kalithiya saba Aaranii bala!. Kabala' Naawo Aaranimiire garaavaanga' Milkaav'i maara!. Nabaai Eviramii Saraaya' maara!. Kamaara' Saraaya' kaimiraavimaaya' mwaala!. A'mwe naanga Teraaji, Eviramij, Saraayasi, Lotij, sa angeba E kwaaka Kalithiya mannikebadaa'nyi wiina. Kaanna wiina yeva "Kwaaka Kainaninennava," deva angeba Aaranii bina yeva mwaalina. Mwaalina kye' saba Teraa bala!.

12

Gotiyai Eviramimi wiidasabyaa!

(12:1-8)

1-3 Gotiyai Eviramimi jaka widina "Ginnya angebadaa'nyi diwona! Gimiji avaalyaraav'i jahalya'makwo! Kwaaka anga dimwaaide pibanna kagivvaridaakwa'mujidimwaaideiginyi. Nim sainyi ginnya kaimiraayang'i maremwaalideinyi. Gimirera kwala naanga yima'nipi'dere. Gimii a'mwe naangei jima'nadeiginyi. Yt giminyyi jiwaalivavaavina a'mwe kwaakevak'i yuneba mwaaidivisaraav'i tewaanna yidere. Kum'i sariminyine tewaanna kyapiji kuminyine tewaanna yideinyi. Kum'i sariminyine kayaa'na kyapiji nim'i kuminyine kayaa'na yideinyira," wida' Gotiyai.

4-5 Gotiyai Eviramimi sara kuda' Eviramii angeba Aaranidaa'nyi wiina. Kwaaka Kainaninei gannya balaanga Saraayasi Loti gathaakaangare gawaalis'i gilyivita yuyaj'i kaanna makuna ya!.

6-7 Eviramii angeba Sekemi kwaaka Kainani mannikeba wavila'na yaka yi'darya More mwaalina. Mwaalina kya' Gotiyai Eviramimi wida' "Kwaaka Kainani yuneba jiwaalivaangeraav'i kinidakaavihirine yihizaavideinyira." Mi'na kuda' Eviramii "Nim Gotiyari yilaaya yigalima! Jiliikyaawaryar'i wiijaavima!" daka siminye' livalaanna yaka jiliikyaawarya gaayadika mariravake' dike' nasinna yakevidaasi Gotiyari simatirinya winna!.

8 Dīvi sagaa' Eviramii mugunyav'i angeba Beteli adaih'sabanna wiina. Sabanna wawaka angeba Beteli angeba Aayi yaareba gannya seli-anga madaka Gotiyarina yilaaya ya!.

Eviramii Kwaaka Yizipina yagalaawina yaka ayina byaa!

(12:9-13:4)

9-13 Pi'gaa! wapaaya kunegaa! mijikegaa! Eviram'i Kwaaka Yizipina wi'na. Yizipina wawaka gannya balaangevi wi'da! "Gimi tewaanya'ginyi. Yizipi mwaalyara gwan-ganapij'A'mwe sa' maraana!' dapiji nyiramakip'i'deinyira. Gim'i duthathera 'A'mwe sai nya'mwelyira.' 'Naramakipika!' da'gizi sara duthathe'ginyi. Sara kuda'gizi kave wanganakina nyip'i'deinyi," wi'da!.

14-16 Yizipi mwaalyara kunnya maremwaalakeri wi'dina yadi'vi! "Peroyaig'i, nemire a'mwe naangeiginyira." Peroyare a'mwe naangera Saraayav'i wanganeva Peroyari wi'de! "A'mwe sa' tewaanyasira." Mi'na kude! A'mwe Pero Saraayav'i gannya angevi wi'mwaaihina ya!. Wi'mwaaihina yaka Eviramimine a'mweraj'i a'mwej'i sang'i wi'daayadivisang'i wi'jaavina ya!. Nabaai jili'kyaaawarya naanga wi'jaava!.

17-20 Gotiyai Peroyaly'i gamire maremwaideraj'i saraav'i Saraayavina kayaaka yigaina ya!. Kayaaka yigaina kya! Pero Eviramim'i "Dulaamo!" kuda! Eviram'i angevi wi'lin'a kya! Pero wi'da! "Baa'na yivanigina? 'A'mwe' nimiresira,' manyijawa'dinyaig'i. Dahaa' ginnya a'mwevi dimakwo!" Sara wi'daka "Eviramij'i gamireraj'i yarai wi'pi'ka!" Pero gannya wi'daayadivisaraav'i "Eviramim'i wi'dasaawina jila!" wi'da!.

13

1-4 Eviram'i angeba Betelina gilyivisaj'i jili'kyaaawaryaj'i maryagalaawina ya!. Yagalaawina yaka Gotiyarina "Yilaaya yigalima!" daka "Su!" wi'da!.

Loti Eviramim'i yagalya'ma'na yaa!

(13:5-18)

5-13 Eviram'i bulimakaawoya gilyivita naangejiyai mwaala!. Nabaai Loti bulimakaawoya gilyivita kinijiyai avaalyaba mwaala!. Mwaalagilyaraare jili'kyaaawarya wapaaya nya'ne maalika wara!. Sa'na Eviramim're jili'kyaaawarya maremwaaidivisara Lotim're jili'kyaaawarya maremwaaidivisara maanga dinya'na ye!. Maanga dinya'na kye! Eviram'i Lotim'i wi'da! "Mayagaala madakanera! Pi'ba kwaaka naanga warika. Gim'i tuta pimagina diwona! Ni'mi pimagina wi'dera." Sara kuda! Loti waraata aalya Jothani saba aalinakeba dara wangana! "Ai, Gotiyare kwaaka tewaanyaba wa'disi kir'i mwaaidi daaka? Gotiyare wawinyabisabe," daka Loti walaawaka angeba Sothom'i angeba Gamora aya kiba mwaala!. Sothom'i mwaalyaraj'i Gamora mwaalyaraj'i a'mwe kayaa'nanaangera mwaale!. Loti kwalaawa! Eviram'i kwaaka Kainani mwaalina ya!.

14-18 Eviram'i mwaalina kya! Gotiyai wi'da! "Pina pina dimaranganamarya! Yuyaba dangadeva gi'zaavideinyi. Gim'i tinna kwangana'giz'i saba gitirebe. Nabaai gitire kaimiraayara a'mwe naanga yima'nipi'derera. A'mwera kwaatirya ata gibid'e' mi'ka. Gimire kaimiraaya kwalaalya mwaaibizang'i ata gibid'e' mi'ka." Mi'na kuda! Eviram'i kaanna yamarina yaka yi'darya Maamire yi'darigidikusaba mwaalaka Gotiyarine siminye'livalaaba!.

14

Eviram'i Lotim'i padaihasamaa'na yaa!

(14:1-16)

1-16 Pi'gaa! a'mwe naanga kingiya daraai daraalyaraj'i kumireraj'i beva angeba Sothom'i mwaalyaraj'i anga pi'banyaraj'i saraav'i baramakina. Baramakina kye! a'mwe kwalaalyara kabale' pwara mugunya piningina li'kaanya wi'na ye!. Li'kaanya wi'na kye! a'mwe naangera "Nedaayadivisarerera," deva Lotiji pwaraj'i saraav'i wi'la galyirakina ye!. Galyirakina yeva anga yuyabadaa'nyi gilyivita naanga yipalamaa'na. Yipalamaa'na kye! a'mwe pwai Eviramim'yawinna kaanyive'na wi'na yaka Eviramim'i wi'da! "Malyara anga Sothom'i mwaalyaraav'i baramakeva Lotim'i wi'la yi'rakwaa!." Sara kuda! Eviram'i gannya aawilasaraav'i jika wi'daka malyaraav'i midinna ya!.

Midiinna kya' sawita kujinna' malyaraav i tamina kye' pwara lika wina kye' pwaraav i tamina ye'. Tamina kye' Eviram i Lotiji a'mwe pwaraj i gilyivita naangej i ayawinna makabina ye'.

Melikizitheki Eviram imi yagaala tewaanya' wijaa!
(14:17-24)

17-20 Sothom i maremwaalakely i Melikizitheki anga Saalem i maremwaalakely i saraai Eviram imi wijiamaa'nyina yagi. Melikizitheki Eviram imi wapaaya wijaavina yaka Gotiyarei yagaala wida' "Gotiyai sigunyasi kwaakesi wakyaakei gimin y i tewaanya gyinikelyira. Gamzai gimi j i yagila gimin y ne yikamaangeraav i ye'mwannaramyawaaihi. Gotiyai tewaanyalyira." Kuda' Eviram i gamire gilyivisa gazabazaba kwala marapigila'na kya' gilyivita naanga atiraalya wa'di'nyi Eviram i gilyivita piri' Melikizitheki sarina yanga wijaavina ya'.

21-24 Sothom i maremwaalakei Eviram imi wida' "Gimi ma'mwaanyangidaasi a'mweraav ij i a'mwengij i yanga nyijaama! Gilyivisa gimirengira." Kuda' Eviram i wida' "Nemi wapaaya pin i niwo. Mi'na niwo'na warana! A'mwe daraai dalaraj i kumreraj i pwara niminyi marigaidaa'na nyawaaihasaraav i gilyivita pin i dumaarya! Sa' Gotiyai nyigaimwadelyira. Giminyi gilyivisa mamaari yideinyira. Nimi sara ya'muj i gimi nadithika 'Nimi Eviram imi a'mwe naangei wimwaahei' diwa," wida'.

15

Gotiyai Eviram imi yagaaih iwinja' wijaa!
(15:1-21)

1-21 D i sagaa' Eviram i waja kya'na' Gotiyai Eviram imi wida' "Li ka nadikwosi' dika! Nimi gimin yi mwata tinya'na saabyainyibisainy i gimireredaavideinyira. Gilyivita naanga gizaavideinyi." Kuda' sa' Eviram i Gotiyari "Nyibwaali' nyijaadeinyi daaka? Kanyijaava'gizi nimi kabala'muj i Eliyaizai nyidaayadei nimire gilyivita yuya mamaari yadelyira." Mi'na kuda' Gotiyai wida'na ya' "Eliyaizai gilyivisa mamaari yadengira. J iwaali' kaimiraaya pwai kyawakina'gizi gamzai maaradengira. Silingaaminyang i jilanganaawa! Silingaaminya kwalaalya warika ke'ninji jilanganaawa! Gimire kaimiraaya kwalaalya avaaina yima'nipi'dengira." Sara kuda' Eviram i "Gotiyai nebwi nyidiwa!", yawiraka wilimwagara!. Sara kulimwagara! Gotiyai dinyna ya' "A'mwe sai sara yawi'manikei dahaa' a'mwe yida'maraangei wimwaanih iwe'na diwana." Sara dinyna yaka Gotiyai wida' "Giminyi kwaaka Kalithiyadaasi gimirakulaabena kwaaka dava gizaave." Kuda' Eviram i wida' "Gotiyaigi, kwaake' nimire' be yawita'na yawiride'neka?" Wida'na kya' Gotiyai wida' "Jili kyaawaryara dinymakulaama!" Sara wida'na kya' Eviram i sara yina ya!. Mi'na makulaabaka bulatamaworipu'na yaka wakinna ya!. Yuta maalikeraavi tamakina ya!. Yuta pwara pilavamarina "Miwita ti ka nyina yaana!" deva sagaa' Eviram i tinna wanganna yaka maririgalaasina ya!. Dividaasi nyiliyai walakya'negaa' nyila daavina kya' Eviram i pigasaai waja ya'nyina yaka lika yina ya!. Mi'na lika yina kya' Gotiyai wida' "Eviram i, gimi a'mwe nei jima'nadeig i sagaa' divaideiginyi. Dahaa'na mi!. Gimire kaimiraayara kwaaka pibanna wina yapiji saba mwaabi'derera. Kwaaka saba mwaalyara 'A'mwera kumizara wawinya nedayipi'der yaadeinaava, kadapiji yima'nipi'derera. Wawinya widaayipi'der kyapiji kwarame naanga 400 kwavilavoj i sara yikamaangera yipi'derera. Nimi karama'muj i yi gimirere kaimiraayara ayawinna widaabidere. Yi gilyivikiraya kiniji kaanna makabina yipi'dere," wida'!. Mi'na kuda' sawisa' mena kajinna' Eviram i dara wanganake! "Ai, dike' miwisang i tinnnyaaba

danapiraala'manika!" Kada' Gotiyai gannya kiwinya' wida' "Kwaaka davakî sarimînidakaavihîrina yihizaawevaki," wida' Gotiyai.

16

Saraayavire widaayade' kaimiraayai milyaa!

(16:1-6)

1-6 Saraaya! Eviramître balaanga' kaimiraavimaayasira. Gamire widaayade' Yizipi kwaakebadaa'nyi mwaalake' Ehaasira. Mwaalina kya' Saraaya! Eviramîti wida' "Gimi Ehaavi dimaaka! Kamaara'gizi gami niminyine kaimiraayangî miladengira." Sara kuda' Eviramî Ehaavi maarina. Maarina kya' Ehaa' kaimiraavimunya yaka "Nimi munya'nyi a'mwe naange'nyi Saraaya' kaimiraavimaaya' maalikesi," yawi'na. Sara yawi'na kya' Saraaya! Eviramîti wida' "Ehaa' niminyina 'Saraaya' maalikesi,' kunya yawi'na yiwa'di!." Kuda' Eviramî wida' "Gimiresira. Ginnya kunya yawira'gizi sara ja!" Mi'na kuda' Saraaya! Ehaavina similika wilina yaka "Wawi'na naanga ja!" dade' kya' Ehaa' "Saraaya' kayaa'na nyivan'i! Nimi kaanna wima!" daka wina ya!.

7-16 Kaanna wina yaka a'mwera mamwaalya kuneba aaliyiminyavi sabanna Ehaa' mwalaawina ya!. Kamwalaawa! Gotiyare mamaayai ejeliyai wanganaka "Ehaa' aaga' kamwaalika," daka wida' "Ehaa', gazine'ginaka?" Sara kuda' Ehaa' wida' "Saraayavina lika bena bamwaaihena." Widina kya' wida' "Saraayayawinna jahalaawa! Yagalaawa'gizi gami savi du'nadera. Kale gyiwake'gynyi gwanganimikelyira Gotiyai. Nabaai kaimiraayai Yizimeli dimide'gynyi. Gamizai kavidaayai malakayaawaryaibisi yuyaraavî mala tamina yadelyira. Gimire kaimiraayara kwala naanga yima'nipi'derera." Sara kuda' Ehaa' dina ya! "Gotiyai nyangadelyira." Dividaa'nyi Eviramî kwarame 86 kwavilava' sagaa' Ehaa' Yizimelimi mila!.

17

Eviramî gannya kilaakejiki gurya da'nyaa!

(17:1-27)

1-22 Eviramî kwarame 99 wavilavakeri Gotiyai wida' "Gotiyainyidraginyainyira." Gotiyai sara wida' "Gotiyai naangelyira," daka walaruta'nyina. Walaruta'nyina kya' Gotiyai wida' "Ninnya kiwinya' gizaavide' gazagaasagaa' nebwi waragothesira. A'mwe gera geraavi kuvinimaangeigji ma'na ginya yaya' Eviraami wo'nadeiginyira. Gimirera pwara a'mwe naangera yima'nipi'derera. Sarimire Gotiyainyira. Nimi sainyi Kwaaka Kainani giminynajiji gimirre kaimiraayaraavina yihizaavideinyi. Gimijji giminyni kaimiraayaraji wawi'na gitthaayadivisarajisi saihi kilaakejiki pikarya da'nyina jideihilyira. Bwaranyai sawita atina ata puridaaasi dawaai kajinnojji gamire kilaakejiki pikarya davina jideihilyira. Pikarya wanganapiji nimire kiwinya' jawiridesira. A'mwe pwai 'Nimire kilaakejiki pikarya madapinera!' kadozi 'Namwaaladika!' dapiji Eviraamijiyaraav'i yuyagaa' yagalya'mavaderi duthaasideleyira. Ginnya balaanga' Seraa' yaya mudika kwo'nojji giminynina kaimiraayai miladesira. Gami sa' kuvinaange' a'mwe gera geraav'i yima'nadesira." Sara kuda' Eviraami jika gyaka wida' "Yuya'naai a'mwe ne'naalyi. Seraa' kaimiraayai gara miladevaka? O, Yizimelimi na jawi'delyira." Tivi'na kuda' Gotiyai wida' "Yizimelimi tewaanya yide'na a'mwe naangeraavire kuvinimaangei yima'nadelyi. Sa'na kirii kwarame piri' kwavilavoji Seraa' kaimiraayai giminynina kamiloji 'Aazaki,' duthatheiginyi. Nabaai gaminyina nimire kiwinya' wijsaavideinyi." Tivi'na wida' Gotiyai Eviraamimi yagalya'ma'na ya!.

23-27 Yagalya'ma'na yakegaa' sagaa' Eviraamiji a'mwe yuyaraji kunnya kilaakejiki pikarya da'nyina ye!.

18

Ejeliya daraai dai Eviraamim angirimaata yaa!
(18:1-15)

1-15 Eviraamim Maamire yidaryawi mwaaidinyi Gotiyai bwangana!. Eviraamim gannya tikuryaba mwaalaka a'mwe daraai dalyaraavi wanganaka walyuna yaka ata bwa'nyina yaka widina "Nimij dava dalamwaalyila! Wapaaya aalya sariminyine maarideinyi. Aalya yinapiji wapaaji napiji diwideihilyira." Kumi "Yo," sara kude! Eviraamim gannya angevi yarai wilina, Seraavii wida "Wapaaya yidika ja!" kaanyive'na wawaka jilikyaaawarya maalika diwinyai maarina. Maarina kya! widaayadei gurya davina yidika yina yake! Eviraamim wapaaya kumaarya' kumi nyina. Mi'na nyina yeva a'mwera Eviraamimi wida "Gimire balaange! Seraa! gawi mwaalika?" Sara kude! Eviraamim wida "Angevi wilari!." Kuda! pwai wida "Kwarame mudike! kwavilavoji nimi yagalaawidehaa! Seraa! kaimiraayari miladesira." Mi'na kuda! Seraa! yagaala davii wi'naka yimunna jika gyaka din "Naarimi sayoinaai a'mwe neyoinaalyira. Kaimiraayai gara milide'nanaka! Nimi a'mwe ne'nyira." Sara yawi'na kya! Gotiyai Eviraamimi wida "Seraa! jika baa'na gyiwaka? Gotiyainyi yuyangi yideinyira. Gamisa! diwija! kwarame piri! kwavilavoji kaimiraayari miladesi." Mi'na kuda! Seraa! lika yaka "Ai, nimi jika magiyawa." Sara kuda! Gotiyai wida "Gimti jika gyiwaano."

Eviraamim Sothomim mwaalyaraavina mala'na marejaa!
(18:16-33)

16-33 A'mwe daraai dai Eviraamim angevidaa'nyi "Sothomim angebanneinera," deva kaanna wi'na. Eviraamiji pwalyi maalikebanna wi'na. Maalikebanna wi'na kyagi Gotiyai wida! "Sothomim mwaalyaraj Gamora mwaalyaraj a'mwe kayaa'nanaangerera," sara wi'nadnyarera. Nimi walanganima! A'mwe kayaa'nanaangeraavi sara wangana'muri nimi tamakideinyira." A'mweraai "Naarimi walaawaka!" dahila walaawina kyagi Eviraamim Gotiyari wida! "A'mwe tewaanyaraj mwaaijpjara nabaai diramakideig daaka? A'mwe tewaanya nimirre ata siviliraai a'mwe pware ata siviliraai a'mwe pware atiraaina (50) mwaaidapij anga naanga yuyaburaavi diramakideig daaka? Gimti kwaaka yuyavaki maremwaanidinyaiginyi. Gimti gazagaasagaa! tewaanna yadinyaiginyira." Sara kuda! Gotiyai wida "A'mwe nyidivaanyara mwaaidapij anga naanga yuyaburaavi maramaki yideinyira." Sara kuda! Eviraamim Gotiyari a'mwe tewaanya ata siviliraai, ata siviliraai ata pwina saraavina kuda! Gotiyai "Maramaki yidera," wida!. Sara wida kya! Eviraamim a'mwe tewaanya ata siviliraai, ata siviliraalyaraavina kuda! Gotiyai wida "Angeba maramaki yidera." Sara wida kya! Eviraamim a'mwe tewaanya ata siviliraai, atiraalyaraavina ayawi kuda! Gotiyai ayawi wida!. Sara wida kya! Eviraamim a'mwe tewaanya ata siviliraalyaraavina ayawi kuda! Gotiyai ayawi wida!. Kuda! Eviraamim aayagaal wida! "Niminyina sinna tika magithavannera! Nimi gave pigaa'na gitihima! A'mwe tewaanya nimirre atiraalyara mwaaidapij anga naangangdi diramakideig daaka?" Mi'na wida kya! Gotiyai wida! "Aawano. A'mwe tewaanya atiraalyara mwaaidapij anga naangengi maramaki yideinyira." Mi'na widaaka Gotiyai kaanna wi'na ya!. Wi'na kya! Eviraamim gannya angewinna yagalaawina ya!.

19

Sothomim Gamora kayaaka yigalakyaa!
(19:1-29)

1-3 Sawisaburi Sothomi angeburinna ejeliyaraai walaabahi. A'mwe Loti tıkuryaba mwaaidi'nyi ejeliyaraai kulaabahi Loti wida! "Ata bwa'naana! Nimirre angevina kaanya wawaaji anga savi wa'mwaraana!" Kuda! ejeliyaraai widahi "Aala, mwasaba se wa'mwaraka!" Sara widaına kyagi Loti "Nimirre angevi waraana! 'Aala,' be'na diwaala? Nimirre angevi wa'mwaraana?" Sa! kuda! gamiji' wilina yeva wapaaya nyina ye!.

4-11 Ejeliyaraai "Naarimi se wa'mwaraka!" dahila yamaze yina'na yadakilyi Sothomi mwaalyara kaanna binna yeva Lotimi jaka widaına "A'mweraai gawi mwaaihila? Dımkwalyaama! Nemı saraari ata limwanna yaana!" Sara kude! Loti walyuna yaka kaanya tihi'na ya!. Tihiraka kuminyi wida! "Sarimi kayaa'na mipinera! Nimirre taayawaai saaigti'nyawaai mwaaihilyawaari dimaarila! A'mweraarinna myawipinera!" Mi'na kuda! Sothomi mwaalyara wide! "Gimi' maaveiginya. Neminyina gitmi' dinemaremwaadeigti daaka! Giminyina naangeva'na kayaa'na yaana! Baa'na nedıwaana!" Sara kude! ejeliyaraai Lotimi angevidaa'nyi mwagi'namaata yagila kaanya tihi'na yagi. Tihi'na yagila Sothomi mwaalyaraavtınna galapinyiwanna kyagi Sothomi mwaalyara tınna mwanganyeva "Kaanya' gavanaka?" deva deva tınna wanganyimaa'na ye!.

12-14 Ejeliyaraai Lotimi widahi "Gotiyai 'A'mwe anga davanyaara kayaa'na yadivsara daaka?" daka yawira!. Anga davidaa'nyi kinidakaavihi diwilä! Naarimi wo'daaina yakadera." Mi'na kudahi Loti a'mweraai gamire taayawaari maarya'neraari kaanna wiña yaka yagaala wida! "Nemı yarai likaanya wawaana! Anga dava kayaaka yadevera." Sara kuda! sa! a'mweraai kadika mu'nyi yagila saba mwaalagi.

15-22 Yırıke! gaai pu'daasiyagaa! dikaa'na, ejeliyaraai Lotimi yagaala naanga widaına "Dahaasagaa! nemı yarai kaanyaana!" Widaına kyagi Loti kave mwaalina kya' saraai Lotimijı' gannya a'mweviyi kirinnya taayawaariji "Yarai kaanyaana!" widaħila magapirina yagila angebadaa'nyi kaanna makuna yagi. Ejeliyaraai widaına "Yarai, yarai, ayahi tiginyima'nya mipinera! Mugunyavina likaanya jilaawila! Nabaibithika!" Sara widaına kyagi Loti wida! "Mugunyavina kaanya yilaawia'na lika yiwana. Angebanna yaya! Sawa nimi' wilawitjwana?" Kuda! ejeliyaraai widahi "Yo, yarai."

23-29 Yarai kaanna wiña yaka Loti nyiliyai gaai bilapijt'daa'nyiyagaa! anga Sawa wilina ya!. Wilina kya' Gotiyai dikesi silla ditnakesi sangi burike sirimya'bisa' Sothomi angebanna Gamora angebanna wasi'na kya' angeba kayaaka yina ya!. Wasini'na kya' Lotimire balaanga! tiginyima'nya kya' a'mwevi' galyewaa'mwanna kya' a'mwe' saala yima'nyina ya!. Mwanyagaa! Evraamı Sothomi Gamora angeba dara wanganake! "Ai, yunebanna jisa' jimwa!"

Lotimire Taayawaai Mawaavirijı Amonimijı milyei. (19:30-38)

30-38 Dıvi sagaa! Loti Sawa angeba mwaalya'nei lika yadaa'nyi gamiji' gamire taayawaalyi mugunyangina kaanna waweva simaangeyawı mwaalina. Mwaaidapıji' a'mwe sıraange! gya'mwevi wida! "A'mweraai nehimmaarikade'naai mamwaalyigoi. Nehirinimaangeri aalya waainiya' widaavakadera. Mi'na widaavakwoihiri kaimiraaya milakade'naarine' sinnawı nimirre gamiji' se waraka! Dıvi gitmi' se darila!" Sawisavı sıraange! sara kya' sa' myawirya! Loti. Sawita piri ganyaabulaangesi waragila sagaa' simunya myawirya!. Kinadaai sara yi sıraange! kaimiraaya Mawaavirı mila!. Yi ganyaabulaange! kaimiraaya Amonimı mila!. Savidaa'nyi Mawaavirava Amonimivava yima'nyina ye!.

20

Eviraam i Avimilek imi kwaasi wijaa!
(20:1-18)

1-7 Eviraam i Yit'darya Maamiredaa'nyi Kwaaka Geraanei kaanna wina ya!. Wina yaka ayagaa' a'mweraavine'na lika yaka wida! "Seraa' nya'mwesira." Sara kuda! Avimileki Geraa maremwaidei Seraavi gannya angevi waka!. Sawita sagaa' waja! kya'na! Gotiyai wida! "A'mwe pware balaange' ma'mwaana. Sayaba divaideiginyira." Avimileki Seraavi kwala mamaaryaka Gotiyari wida! "Niminyij nimirre maremwaaidinyaraaviji diramakijwaana? Eviraam i nyidawa'di! 'Gami nya'mwesira.' Nabaai Seraa' nyidawa'di! 'Eviraam i nya'mwelyira.' " Widina kya! Gotiyai wida! "Sa' yawi'mwa. Giminyine 'Avimileki kayaan'a nyadi!! Seraavi mamaaranner!' dena navika gimwaaihe. Eviraamimine Seraavi ayawt dumaarya! Gam i sai niminyine widadelyira. Gam i 'Avimileki nabaladika!' dozi Gotiyainy yagaala nyidathera," wida! Gotiyai.

8-18 Mwanyavi Avimileki Eviraamim i jaka wida! "Kaajo!" Eviraam i kaba! wida! "Nem i gimininyine kayaan'a myadaanyainera. Sa' baa'nebwi yivanigina?" Sara kuda! Eviraam i widina " 'A'mwe davanyara Gotiyarebur i myadivisarera,' dena 'Seraa' nya'mwesira,' yihithiwa'deinyi. 'Nyiramakipi'de'na Seraavi maapi'dera,' dena yihithiwa'deinyi. GamiZA' nimirre taaya! mwaalaka niwaavire taaya! mamwaalyi kya! nim i maare." Mi'na widina kya! Avimileki Eviraamim i na Seraavi wijaavina ya!. Nabaai wawinya yadivisaraaviji jili kyaawaryaraaviji wijaavina ya!. Wijaavaka wida! "Dava nimire kwaake warikeba gimirre kunyavidaa'nyi 'Gimirre kwaaka warikeba mwaalima!' da'gizi dimwaala!" Avimileki sara kuda! Eviraam i Avimilekim i na Gotiyari kuda! Gotiyai gaminyij gannya a'mwengij tewaanna ya!. Mi'na kya! aya'na Avimilekim i a'mwe kaimiraayang i mle!.

21

Seraa' Aazakim i milyaa!
(21:1-8)

1-8 Eviraam i kwarame 100 (waani aadireti) wavlavakei kaimiraayari kyawakina! Gotiyai sara wida'ke! Eviraam i "Gannya yaya' Aazaki," wida!. Aazaki sawita daryaaai daryaaai dari' kajinna! ganimaangai gamire kilaakevi pikarya ya!. Seraa' wida! "Gotiyai niminyina tewaanna yinikelyira. Nimij i nimire a'mwelyi sa'naai a'mwe ne'naai kaimiraayari maaroi. A'mwe a'mwera jika maregyipi'delyira," wida!. Seraa' Aazakim i aamunya mujaayi yakegaa! Eviraam i munne naange ya!.

Eviraam i Ehaasi Yizimeliji sawaari widasaa!
(21:9-21)

9-21 Ehaavire kaimalei Yizimeli Aazakim i maanga dada mala tamina yadaa'nyi Seraa' wanganaka Eviraamim i wida! "Ehaasi gamire kaimiraayalyi sawaari duthaaso! Gim i bala'gizi 'Yizimeli nimire gilyvisa namaaradika!' da'gizi duthaaso!" Mi'na kuda! Eviraamim i gannya kaimiraayaryaba kale wia!. Kale wiadaa'nyi Gotiyai widina "Ehaasi Yizimeliji sawaarin a kale magyanner! Divi sagaa' gimirre kaimiraaya Yizimelim i kwala naanga yirivadengi. Sa' Aazaki jiwaalivaanga nebulyai naangelyira." Yirika kavura! Eviraam i Ehaavine wapaaj i aalyasi wijaavaka wida! "Dahaa' diwila!" Kuda! kinaai yagalya'ma'na yagiila kaanna kaanna yamaryagila kwaaka kayaa'na naanga Biyazivana yi'ma'na. Yi'ma'na kyagi dividaasi aalitala kune' wa'disi yita maalikiki yikaavilyavi Ehaa' Yizimelim i yagalya'mavaka piba mwaalina ya!. Mwaalakebadaa'nyi din a " 'Nimirre kaimalei baladeri tinna nangamudika!' dena yikaavilyavi mwaaidisi piba mwaaimwa." Sara din a kya!

Gotiyare mamaayai ejeliyai Ehaav'i jaka widiina "Li'ka minnera! Yizimeli kinna dadaasi wi'niwa. Gam'i mwaalajare kwala naanga yadeng'i." Sagaa! Gotiyai aaliyiminyavi yibwaridaakwa!. Kyibwaridaakwa! Ehaa! aalya yirina yaka gawaaliv'i wirina ya!. Yizimeli a'mwei yima'naka Kwaaka Paraani mwaala!. "A'mwe Yizipi mwaalya! maarana!" Ehaa! daka maaraka Yizimelimina wijaava!.

Eviraami Avimileki "Nya'mweigi," dinya.

(21:22-34)

22-31 Avimilekiji gannya a'mwe naangelyi saraai Eviraamimywawinna bahila widiina "Gotiyai gihaimwadelyira. Giminyi ne ja'mweinyi yima'nigeinyira. 'Yuyagaa' ja'mwei yima'nideinyi,' nebwina nyidana! Kwaasi nadithika!" Sara widiina kya' Eviraami wida! "Avimileki, ja'mweinyi. Sara diwaanya' gimirre gitthaayadivisara nemire aalibunyavi kuka ma'mwaava." Kuda! Avimileki "Nimi mujeweinyira," yawiraka wida! "Yagaala da' myawiriwana." Sara kuda! Eviraami jili'kyawarya Avimilekimine wimaarya!. Nabaai sipizipiya diwinya dawaai dawaai da' gavinya piba wimwaihina ya!. Wimwaihina kya' Avimileki wida! "Sa gavinya piba be'na wimwaihwaana?" Mi'na kuda! Eviraami wida "Sipizipiya sa dimaa'dengina a'mwe pwara yawipi'de' Eviraami aalihavi' ninnya' likinikesira," wida!. Savidaasi kwaakavine yaya! Biyaziva wida ya! Eviraami.

32-34 Eviraami mi'na kya' Avimilekiji gamire a'mwe naangelyi saraai kiriinnya Kwaaka Pilizitiyana wina. Kaanna wina kyagi Eviraami "Gotiyai gazagaasagaa' mwaaladelyira," daka Biyaziva yita diraginya burinna yaka Gotiyarina yileyagaala wida!.

22

Gotiyai Eviraamimi wijaa! "Aazakim nyijaamo!"

(22:1-24)

1-19 Divedaa'nyi Gotiyai daka "Eviraami gara yadelaka?" wida! "Aazakimina yilaaya naanga yadinyaiginyira. Gaminyi Moraaya kwaakevina dimakwodeiginyira. Mugunya savi Aazakimti dikev'i dimarira'delyira. 'Gotiyarina wijaavideinyi,' dithadeiginyira." Mi'na kuda! yirike' kavura! Eviraami jili'kyawarya dogiyavi dikiraya yilakina kya' Aazakiji wawinya widaayadisaraalyi gamiji wina. Kaanya kuna yadaa'nyi sawita piryaaai kajinna! Moraayana kwaaka yi'mavaawina ye!. Yi'mavaawina kye! Eviraami wawinya widaayadisaraari wida "Dava jemwaalyila! Nimi'ji kaimraayalyi sainaai mugunyavina yilaawaka! Gotiyarina widakadera. Mi'na widakwoihiri naarimi yagalaawakadera." Sara widiina yaka Eviraami kwaari'matasi dikesi yengwitavamakuna ya!. Aazaki dikiraya makuna ya!. Kaanna yilaawina yadaakiri Aazaki Eviraamimi wida! "Nimwai, jili'kyawarya Gotiyarina wijaavakadei gavanako?" Kuda! Eviraami wida! "Nyibwaali!, Gotiyai jili'kyawaryar Nehizaavadelyira." Sabanna yilyi'mavaawina kyagi Eviraami siminye' livalaabaka dike yabilingaka Aazakimti wila marapwiyina yaka dike yabilingakevi a'badaa'nyi yilamaarakina yaka kwaari'mata maarina yaka din "Nimi' daakwima kwaari'mata dasi!" Kada! Gotiyare ejeliyai jaka wida! "Jiwaaliv'i maramakinnera! 'Daha' Eviraami nimirebwi yadelyira,' daka Gotiyai gimininyina yawi'mwa!." Mi'na widiina kya' Eviraami tinna dara wanganake! "Jili'kyawaryar yisiki gila'mwanna'na yi'wake' daaka!" Gawaaliv'i wilya' yaarinna yaka gila'mwanna'di'nyiyai maarina yaka tamina yaka siminyevi yilamarakinna yaka dike yira'na yaka Gotiyarina wina ya!. Eviraami yileyagaala wida! "Dava Gotiyai nejaavaderyaba." Nabaai Gotiyai Eviraamimi jaka wida! "Ninnya yaya'na gitihvanige! Nyibwaali! Aazakimti Gotiyarina wijaavima! diwaanya'na gimirre kaimraayara silinggaaminya yuyabisara kwala naanga naanga yiripi'derera. Yi kumi sara kunnya y' kamaangeraavi

maremwaaibi'derera. Yi kumiñyina niñi a'mwe kwaakevaki mwaalyaraavine tewaanna yiñerera," wiñda! Gotiyai. Mi'na kuda' Eviraamij Aazakij walaabiña kyagi Eviraamimire wawinya yadisaraalyi ayawi Biyazivana biña ye!

20-24 Diñi sagaa! Eviraamim wñ'na! "Naawo jithaakaangei gawaalivaanga a'mwere siñilraai ata puridaa'nyi pwaraalyaraav yawakina!. Gawaalivaanga pwai Betiywel taaya Revekaav yawakina!", wiñna! Eviraami.

23

Seraa'balyaa!

(23:1-20)

1-20 Seraa' kwarame 127 kwavilava! Evironi angeba bala!. Kabala! Eviraami kinna dina. Mi'na kinna dina yaka Eviraami Etiyaraavi wiñda! "Kwaaka da! niñire! daaka! Mudikeinyira. Niñnya a'mwe! wakide'na kwaaka piri nyijaayila!" Sara kuda' Etiyara wiñde! "A'mwe naangeig, nemire gilaaya wakadaanyaba saba giñnya a'mwe! dakya tewaanyaba!" Sara kude' Eviraami "Su!" daka wiñda! "Simaanga Maakipela sabanna niñgwimubya yiñhidera." Kwaaka savi gyakwai Epironi Eviraamim wñda! "Gazare wiñjaavina yiñdeinyira." Mi'na kuda! "Kwaaka'na niñgwia gizaavidera. Niñgwia gara gara gizaavijiwano?" Epironi wiñda! "A'mwera 'Gilaaya wakaana!' dadivit 90 kinaaya mubadivsasira. Nya'mweig, niñgwia warana! Giñnya a'mwe! dakya!" Sara kuda' Eviraami Epironimine niñgwia wiñjavadaa'nyi a'mwe yuyara banganara!. Kwaaka mi'na mubaka Maamire kwaaka saba simaangevi Seraavi waka!

24

Aazaki a'mwe' maryaa!

(24:1-67)

1-9 Eviraami a'mwe nei mwaalaka gannya wawinya wiñdaayade naangeri jaka wiñdaka wiñdina "Niñire kaimiraayarine a'mwe! dumaaidera. Kainani mwaalyaraayawinna munnera! Niñire avaalyaraayawinna kaanya wawa'gizti dimaraawide. Yagaala naanga! Gotiyaryaba 'Eviraamigi nyidawaanya' sara yiñdeinyira, nyidana!" Wiñdina kya' wawinya wiñdaayadei yagaala Eviraami wiñdake wiñda! "A'mwe! 'Sabanna kaanna mwiyi yiñde'nyi,' kanyidozi gamire kwaakevin Aazakim makabiña yiñdeinyi da?" Sara kuda' Eviraami wiñdina "Arıkawinyira. Niñnya kaimiraayai mamakunnera! Gotiyai gannya mamaayari yaasinä kyoj, gami gimiñyine tewaanna yadelyira. A'mwe! 'Aalo,' kadozi, 'Kaanya muwinerai!' kagiñhozi gimirre wawinya mi'nanyira. Waramaryana!" Mi'na wiñdina kya' wawinya wiñdaayadei wiñda! "Gimi diwaanyabwi yiñdeinyira."

10-14 Eviraamimire wiñdaayadei kaanya wawaka narinna, niñgwia, gilyivita naanga maaraka kaameliya atiraalyangi gilyivisa yilamarakaka kaanna makuna. Makuna yaka kwaaka Mezapotemiyana yi'mavaawina yaka angeba Aaraní aalikavi'niñnyayaba mwaalina. Gamire kaameliyara siñila tiñka'na aalikavi'niñnyayaba mwaalina. Mwaalina kya' Eviraamimire wiñdaayadei Gotiyari wiñdina "Gotiyaigi, Eviraamimine tewaanna yiñja' gimirre asirina wiñma! Davanya siñdraaya aalikavi'niñnyavina kulaabapiji siñdraaya piri' kulaaboz 'Aalya' diñyira!" sara kuda'muj, aalya! nyiryoji nabaai niñire kaameliyaraavine aalya! kwiryoji yawi'na yiñdera 'Aazakimine' daaka a'mwe dava!' diñdeinyira," wiñda!

15-25 Gotiyari wiñdadaa'nyiyagaa siñdraaya Revekaa' aalya'na biña. Siñdraaya sa' nawi'nya' kwala mamaarya' mwaalina yakesi. Eviraamimire wawinya wiñdaayadei wanganaka wiñda! "Aalya! nyiryoama! Niñma!" Mi'na kuda' Revekaa' aalya' yarai yiñrina yaka wiñjaavina. Sara yaka wiñda! "Nabaai gimirre kaameliyaraavine aalya! piriñsi wirima!" Sara wiñdake' yadaa'nyi Eviraamimire wiñdaayadei tinna wangana!

Revekaavine sinna kaditaavarya giliraka wijaavina yaka wida! “Gimaamaangei aaihware'ginaka? Gimaamaangere angevi gavinyavi nimti mwaalideinyi dingaka?” Kuda! Revekaa! wida! “Betiywelimire'nyira. Naawomti balaange! Milkaa! gamizai mila!. Nimware anga wapaaya wa'devi dimwaalideiginya'ra,” wida!

26-27 Eviraamimire widaayadei “Gotiyai naangeiginya,” daka tutan'nyina yaka wida! “Eviraami gu'nadelyira. Nyimaremwaiderine tewaanna yagina gamijt avaalyaraavina nyibwaridakiwaana,” wida! Gotiyari.

28-31 Revekaa! “Nawaav wida!ma!” daka kaanyive'na wina. Divi gathaakaangei Laivan aalibunyayabanna baka wida! “Ata bwa'naka! Kaajo! Nemire angevi tewaanya yitwevi dimwaalo!” Sara kuda! Eviraamimire widaayadelyi Laivanijt wawagi.

32-49 Laivan kaameliyaraavine wapaaya wimaarina yaka aalya yinya'nesi wapaajt maarina yaka Eviraamimire widaayaderi wijaavina ya!. Wijaavina kya! sa! widaayadei widina “Sinnawi sagaa! ‘Nimti wilaabena nimire wawinya! berivaka?’ dena dnyu'nyi! Nimire diwiyav kanyu'napijti nimti wapaa nidera. Eviraamimire wawinya widaayadinyainyi naangeinyi Gotiyai Eviraamimine tewaanna kya! gilyivikiravnakelyira. Seraasi Eviraamiji a'mwe neyoi kyima'nagi Seraa! kaimalei kamila! kaimaleri Aazak! yaya! wo'na!. Eviraami kabaloji Aazak! gilyivita yuya maaradelyira. Eviraami nyida! ‘Kaanna wija! nimijti avaalyaraavreba Aazakimine a'mwe! divramaa! Gotiyai gihaimwagadeiginya'ra. A'mwe! kagithoz “Kaanna mwiyi yide'nyi,” wawinya gimirre' miti, sara nyida! Eviraami. Nimti aalibunyayabanna bena Gotiyari wida 'Aazakimire balaanga! yima'nadevi nyibwaridaakwia!’ Kudwa Gotiyai Revekaav nyibwaridaakwiwa!. Eviraamimire gawaalivine a'mwe! Revekaa! dumarijwaai? ‘Nimi yawiriide'na kirimire simunya yawidita nyijila!’ Nimti yihu'nima!” widina ya!.

50-61 Revekaavire ganimaangei Betiywelijti Laivanijti sanidaai widahi “Gotiyai dara yake! naarimi yagaala madakanera! Revekaav dimakwona!” Mi'na kudahi Eviraamimire widaayadei gilyivita naanga yanga muda!. Mwanyavi “Nimi wima!” dadaa'nyi Revekaavire ganaangesi gathaakaangelyi widaahi “Dava sawita atirai mwaalakiri diwidewaihilyi.” Sa! Eviraamimire widaayadei wida! “Aala. Dahaa! kaanna wida.” Sara kuda! Revekaav widaahi “Dahaa! gamijti diwijiwaaai?” Revekaa! wida! “Nimi kaanna wida.” Sara kuda! gya'mwelyi ganaangesi sawaai widaahi “Gimi kaimiraaya kwala naanga maa'dizara kunnya yikamaangeraavi maremwaabi'derera.” Mi'na kudahi Eviraamimire widaayadei Revekaaviji gamire widaayadivisangiji maarina kya! kumi kaanna wina ye!.

62-67 Pigaa! sawisaburi Aazak! wawinyaivi mwaalaka dara wanganake! “Kaameliyara keibanna jinigava!” Aazak! wangadaa'nyi Revekaa! gamizari wanganaka bwalaawina yaka Eviraamimire widaayaderi wida! “A'mwei aaihwalaka?” “Aazak! gimirre kwalaangelyira.” Sara kuda! Revekaa! kawaaka yitna!. Widaayadei Aazakimti gami yake! wida!. Mi'na kuda! Aazak! Revekaav gannya angevi wimwaanihina kya! a'mweyoi mwaalagi.

25

Eviraami Keturaayav kwala maryaa!

(25:1-6)

1-6 Eviraami a'mwe piri! Keturaaya! kamaara! gawaalivaanga daraai daraai mili!. Gawaalivavaav yaya ge! ge! wida! “Pwai Simiran, pwai Jokizaani, pwai Methaan, pwai Mithyan, pwai Yiziwaak, pwai Siwaa.” Yaya wo'nikeri kamwaale! dividaasa! Keturaayavrereraav Eviraami gilyivita pwar piri'na, pwar piri'na wimaaryaka widaasaka gannya gilyivita yuya Aazakimina wijaava!.

Eviraami balina yaa!

(25:7-11)

7-11 Eviraamit kwarame 175 kwavilava' bala'. Kabala' gawaalivaangeraai Aazakiji Yizimeliji saraai Maakipela simaangevi Eviraamit Seraavi wakakevi wakagi. Yit Gotiyai Eviraamitmene tewaanna sara yake' yi Aazakimine tewaanna sara ya'. Tewaanna yadaa'nyi Aazakti aalibunya Laa'eroi saba mwaala'.

Yizimeli balina yaa!

(25:12-18)

12-18 Yizimeli kwaaka Yizipi pimagi mwaalyai kuvinimaangei gawaalivaanga siviliraai ata puridaasi pwaraalyaraavti wimwaaisha'. Yizimeli mwaalakei mwaalakei bala'.

Revekaa' Jaikopiji Yizolyi saraari milyaa!

(25:19-26)

19-26 Aazakimire a'mwe' Revekaa' kaimiraavimaaya' mwaaidi'nyi Aazakti Gotiyari Revekaavina kuda' a'mwe kaimiraavimunnake' mwaala'. Kaimiraavimunnaka' kamwaala' Gotiyai wida' "Bwaranyaraai pwaraainesi. A'mwe saraai yi pwai a'mwe pwaraavti kuvinimaangei yima'nadelyi. Yit pwai a'mwe pwaraavti kuvinimaangei yima'nadelyira. Pwai diraginna kamwaaloji pwai kibawana mwaaladelyira. Siraangei diviyarne wawinya widaayadelyira," wida' Gotiyai. Dividaa'nyi Revekaa' avaalagaa' bwaranyaraai pwaraai maara'. Kamaara' "Siraangarinne yaya' Yizoi diviyai Jaikopiti," sara dahi.

Siraangei Yizoi mubya'na "Gimi siraangeiginyira," wijaa!

(25:27-34)

27-34 Kideraaai a'mweraai kyima'nagi yi Yizoi yikuriyaawihaya'na yakelyi. Yit Jaikopiti gannya wawinyaanna yawaainada angebanna mwaaidelyi. Yikuriyaawia kamaara' waburya'na wiakei Aazakti Yizori yilaaya marina ya'. Revekaa' Jaikopimti yilaaya maryaa'. Piga' Jaikopiti ywaadabe yiraaina yakegaa' Yizoi mijika wiakei yidaryavidaasi wilaaba'. Wilaabaka Jaikopimti wida' "Wapaaya wayaaka piri' nyijaama!" Mi'na kuda' Jaikopiti wida' "Sinnawi sagaa' siraangebwina gimbima! Ni'mi a'mwe naanga yima'nideinyi,' dena gitihwa." Yizoi wida' "Mijika naanga nywake'na ni'mi kabaimudikeinyira. Ni'mi a'mwe naangeinyi dadinyaainyi dahaa' aawano. Ni'mi a'mwe naangeinyi mamwaalyi yideinyira. A'mwe naangannya warmaryana! Sa' maalikesira." Sara kuda' Jaikopiti wida' "Kwaasi yagaala nanyidithika! Naange'na nyidana!" Sara kuda' Yizoi sara ya'. Mi'na kya' Jaikopiti wapaaya kujaava' Yizoi na'.

26

Kwaaka Pilizitiya mwaaidi'nyi Gotiyai Aazakimti tewaanna yaa!

(26:1-16)

1-6 Kwaaka Kainanit Aazakti mwaaidi'nyi mijika wiadaa'nyi Kwaaka Pilizitiya wawaka Geraa angebanna yimavaawina ya'. Sagaa' "Avimilekiti kwaaka da' maremwaaidelyi," widesalyi. Gotiyai Aazakimti wida' "Dava dimwaa! Yizipi munnera! Ni'mire yagaala gimaamaangei Eviraamimi widaei tewaanna yakerine yagaala sa' gimi'ji kaimiraayarari giminynajti tewaanna yihyideinyira."

7-11 Aazakti mwaalaka Avimilekimi wida' "Revekaa' nya'mwesira." Dividaasi Avimilekiti dara wanganake! "O, Revekaa' gannya balaange' daaka!" daka Avimilekiti wida' "Revekaayaba be'na nedahina! Kwaasi yagaalya' 'Nya'mwesireva,' nedahit."

Mi'na sara kuda! "A'mweraavina lika yena yihiithe." Mi'na kuda! Avimileki gannya maremwaaideraaavi yagaala naanga wida! "Aazakimiji Revekaavij sawaaripinera!"

12-16 Aazaki Pilizitiya mwaalaka witiziila burinna kya' savidaasi silla naanga kyin'na' maara!. Nabaai gamire jiliuyaawarya kwala naanga yima'nyina ye!. Pilizitiya mwaalyara dara wanganesa! "Ai, Aazakimire gilyivita naangengira." Deva aalibunyav kwaake! maryabisin'na ye!. Maryabisin'na kye! Avimileki Aazakimi wida! "Gimi diraginyaiginyira. Dava dihalya'maka!"

Aazaki aalibunya likyaa!

(26:17-33)

17-25 Avimileki 'Dihalya'ma!!' kuda! Aazaki kaanna wawaka Geraa taawalyawi mwaala!. Saba Eviraamit mwaalakegaa! gamire widaayadivisara aalibunya like!. Sinnawi Eviraamit kabala! Pilizitiyara kwaaka maryabisin'na ye!. Aazaki ayawi dividaan'nyi jiripwasi'na!. Aazakimire widaayadivisara aalibunya likeva dara wanganesa! "Aalya' dalyuvanika!" desagaa! Geraa mwaalyaraav senna tika naanga wida!. Kudava! Geraa mwaalyara wida! "Aalya dai' nemiresira." Sara kude! Aazakimire widaayadivisara aalibunya piri' like!. Kalike! Geraa mwaalyara ayaba "Nemiresira," kude! Aazaki wawaka aalibunya piri' like!. Mi'na kalika' sagaa' a'mwera kave mwaalina ye!. Kave mwaalina kye! Aazaki dai' "Gotiyai tewaanya nemwaaihakebanyira." Dividaasi Aazaki kwaaka Biyazivana wawaka kamwaala! Gotiyai gaminyine tewaanya ya!. Aazaki tewaanya mwaalaka simnye' laabaka dike! yiravaka jiliuyaawaryari wakaka Gotiyarina yileyagaala da!.

26-33 Dividaasi pigaa! Avimilekiji gannya a'mwe naangelyi saraai wawagiila widaahi "Gotiyai gimiiji yuyagaa! mwaimwaai. Nem nyamwana dinadera," widaahi. Mi'na kudahi Aazaki tika munne naanga yavigala!. Mwanyavi sagaa' nyamwana dinne!. Kadine! Avimilekiji a'mwe naangelyi saraai kaanna kwawagi Aazakimire wawinya widaayadivisara Aazakimi wida! "Aalibunya piri' kalikwo aalya yirin'na yivanit!." Aazaki wi'naka "Nimiji Avimilekiji yagaala tewaanya dimwaai," daka "Aalibunya sa! Siva dideinyira," wida!.

Yizoi a'mwe Etiyawaari maryaa!

(26:34-35)

34-35 Yizoi Etiyaraavirebanna wawaka Biyarivare garaavaanga! Juthiti maarina. Nabaai Elonimire garaavaanga! Baazimatii maarina. A'mwewaaai maavewaari kamaara! Aazakimiji Revekaavij sawaarikale wia!.

27

Aazaki Jaikopimi yagaala tewaanya' wijaa!

(27:1-29)

1-4 Aazaki a'mwe nei tinna mwanganyina, Yizori jaka widaina kya! Yizoi wilaabina kya! wida! "Nimi a'mwe neinyi maalikegaa! balideinyi dingaka? Naangegaa! balideinyi dingaka? Mwata mwaryaginya dimaa!" Yidaryawinna wawa'gizi yikuriyaawia nybalayaawa! Yikuriyaawia maara'gizi nimnyine waburya'na miwitaa tewaanya diviraaya! Nimi mi'na na'mujii giminnyine yagaala tewaanya' gitidera."

5-17 Yizoi yikuriyaawihaya'nei kaanna kwawa! Revekaa! Jaikopimi Aazaki wida! aya wida!. Mi'na widaka wida! "Nimire divija'na ja! Jiliuyaawarya maalikewaari memeyawaari dimaa'de'na nimi miwitaa tewaanya gimaamaangerine piraayidera. Kaviraaya'mujii gimi maara'gizi duzaade. Gam noji yagaala tewaanya' gitathelyi." Sara kuda! Jaikopi wida! "Nyidaakaangei Yizoi kwazaaki'nakelyi. Nimaamaangei

awaarimaayainyi nyimwangoji 'Jaikopi kwaasi yivanika,' dozi yagaala tewaanya' manyijji nanyadika! Yagaala kayaa'nanaange' nanyidathika!" Sara kuda' Revekaa' wida' "Yagaala kayaa'nanaange' gitthozi niminyi nyidathesi. Nimiressira. Sa' diwija'na ja!" Sara kuda' Jaikopi sara kya' miwitita piraayina ya!. Piraayina yaka Yizore kanniyila tewaanya maaraka Jaikopimi marirakuna ya!. Marirakuna yaka memeyavti kilaake' asawaari tilinnyavti marabaazi'makwina ya!. Mi'na yaka Jaikopimi Aazaki'mine wapaaya wi'maarya'.

18-29 Wapaaya kumaarya' Jaikopi Aazaki'mywinnna wawaka wida' "Nimwai!" Mi'na kuda' Aazaki wida' "Nyibwaali' aaihwaigina!?" "Yizoinyi gimirre siraangeinyi gimi' sara nyidwaanya' sara yiwa. Dahaa' nimire yikuriyaawia dinana! Mi'na na'gizi yagaala tewaanya' nyidatheinyi." Mi'na kuda' sa' Aazaki wida' "Yikuriyaawia yaraina yaraina gara tamwaana?" Jaikopi wida' "Gotiyai kanyijaawa' tamwengi." Aazaki wida' "Davanna divama! Gimwanganima!" Sara kuda' Jaikopi bina kya' Aazaki ata mwanganna yaka wida' "Jaikopimire maanguraaya' gu'nena gimwangamwa. Gimire asa' Yizore'bti'nanyasira. Yizoigti daaka?" Sara kuda' Jaikopi wida' "Sahwainyira." Aazaki wida' "Nyidwaanya' yikuriyaawia nyijaama! Nimi nima! Mena na'muj yagaala tewaanya' gitthidero." Aazaki kuda' Jaikopina kujaava' Aazaki miwitaji aalya waainiyasi naka wida' "Dava divama! Yilaaya marinaka!" Mi'na kuda' kinidaai yilaaya marinagi. Aazaki gamire baazi'ma'nya kanniyila tirinya winnaka yagaala tewaanya'na widina "Gimirre baazi'ma'nya kanniyila Gotiyai wapaaya tewaanya yirivadiwakebadaasi wawidirinyavti winniwa. Gotiyai gimininye burike' wijaavina, silija wijaavina, kwaaka tewaanya wijaavina gyadeiginyi. Gimire wawinyavti tika munne naanga gitryadengi. A'mwe pwara gimininyi gitthaayipi'dera yima'napiji 'A'mwe naangeigi,' gitthipi'deiginyi. Gim'i naangeigi jima'nadeiginyi gimi'jiyara maalika yima'nipi'dere. Nabaai gimi'jiyara 'A'mwe naangeigi,' gitthipi'deiginyira. A'mwe pwai yagaala kayaa'nanaange' kagithozti gannyasira. A'mwe pwai yagaala tewaanya' kagithozti gannyasira," wida' Aazaki.

*Yizoi dara wi'nyaake! "Aazaki Jaikopimi yagaala tewaanya' duthivanika!"
(27:30-40)*

30-40 Aazaki kuda' Jaikopi wina kya' avaalyagaa' Yizoi wapaaya maarina yaka bina yaka ganimaangeri wida' "Yaawia gimininye maa'mwe dinana! Mi'na na'gizi yagaala tewaanya' nyidathera." Sara kuda' ganimaangei wida' "Aaihwaiginaka?" "Yizoinyira. Gimire siraangeinyira." Sara kuda' Aazaki bi'bita wida wida' "Wapaaya aai nyijaawaka? Nena widiwa yagaala tewaanyawo. Sinnawi yagaala tewaanya mi'na widena dividaan'nyi mudika wija sa' aawano." Mena kuda' Yizoi kinna daka wida' "Nabaai yagaala tewaanya pin nyidana!" Sa' Aazaki wida' "Jihwaalaangei kwaasi kanyidiwa' widiwa 'Gimi a'mwe naangeiginyi. Ja'mwei wabelyi. Gimire kaimiraayara gamireraavti maremwaaibi'dere,' widiwa. 'Nabaai gamire wawinya tewaanna yadengi,' widiwa." Sara kuda' Yizoi kinna maredina yaka wida' "Nimi nyine yagaala tewaanya piri'na nyidana!" Aazaki wida' "Kwaaka kayaa'nanaangeba burika maalika yadeva saba dimwaaideiginyi. Giminne wapaayanna mala diradeiginyi. Gim'i jihwaalaangerine duthaayideiginyi. Sa' dividaasi yagalya'makuna jittheiginyi."

41-46 (-)

28

Aazaki Jaikopimi Aaran angewinna widasaa!

(27:41-28:5)

1-5 (27-28:5) Jaikopi sara kya' Yizore sinna tika naanga kudava' da' "Jaikopimi mala tamideinyira." Yawita sara kya' Revekaa' dara wanganake' "Yizoi Jaikopimi

mala tamadei daaka!" Daka "Jaikopimi pibanna widaasima!" da'. Mi'na daka Aazakim i wi'da! "Yizoi a'mwe Etiyawaari maarake'ne! Jaikopi sara nyadika!' dena gitihwano." Tivi'na kuda' Aazak! Jaikopimi jaka wi'dina yaka yagaala tewaanya' wi'daka wi'dina "Kainani mwaalyavi mamaa'dinnera! Laivan! jaakaangere kaimiraaya' dimaa'deiginyi. Gotiyai kaimiraaya naanga gizaavadeiginyi. Gotiyai Eviraamim i wi'da! 'Kwaake' gizaavideinyi.' Wi'daka kwaaka dava giminijji gimirre kaimiraayaraaviji saihirine yihzaavadesira." Aazak! mi'na wi'dina kya! Jaikop! kwaaka Aaran! sawi Laivan! mwaalakewinna wawa!.

Yizoi a'mwe pirisi maryaa!

(28:6-9)

6-9 Yizoi sara wi'naka "Nimaamaangei Kainani mwaalyanna 'A'mwe tewaanya mi!', sa'bita yawimwa," daka Eviraamire gawaalit! Yizimelimire taaya! maara!.

Beteli Jaikopi waja ya'nyaa!

(28:10-22)

10-22 Jaikopi "Kwaaka Aaran! sawinneinyi," daka kaanna wi'na yakegaap i piba se wa'mwaraka waja ya'nyina yaka dara wanganake! "Kinnaanya yiravamakinike! kwaakevidaasa' yune sigunyavinnanya' daaka!" Gotiyare mamaaya ejeliyara walaabina, yilaabina yadaapi wangana!. Sara kwangana! Gotiyai wi'da! "Nimi Gotiyainyira. Eviraamijji Aazakijji saraai nyu'nagi. Kwaaka da' giminijji gimirre kaimiraayaraaji yihzaavidesi. Gimire kaimiraayara kwala naanga yima'napijji kwaaka dav! yunebanna mwaabitidengi. Gimijiyaraavina a'mwe kwaakevak! mwaabitzaraavine tewaanna yideinyi. Gimijji wawakwoihiri dava ayawinna yagalaawina yawkolyi bakadeinaalyi. Nimirre yagaalya' nebwi gitihwa." Mi'na kuda' Jaikopi dikaa'na yaka da' "Gotiyai dava mwaaidis myawiriwana. Davadaasi sigunyavinnanyasira. Nimi lika yi'wana." Yirike! kavura! Jaikopi daavaka sila yiri'mata dihaihisai yawita'nei yida'na maridaakwa!. Maridaakuna yaka "Dava Beteli (Gotiyare angeba dinikesi)," daka welivananya' dingina ya! Gotiyarina. Sara yaka Gotiyar! wi'da! "Nimi'ji kwawakwolyi, wapaaya nigwilaalaaka yivita nyijaava'gizi nimirre angewinna ayawinna kanyimakaba'giri gimirrebwi yideinyi. Gilyivita ata yuyiraai kanyijaava'gizi ayawi piri'na gizaavideinyi. Yuyagaa' yuyagaa' piri'na, piri'na gizaavideinyira."

29

Jaikopi "A'mwe maarima!" daka Rasalavina Liyaavina Laivanime wawinya yaa!

(29:1-30)

1-14 Jaikopi nyila bilyiri'devannei Kwaaka Aaran!na yimavaawina ya!. Aalibunyav! jili'kyaaawarya kwala naanga mwaaidapijji wanganaka kaanna bin! yaka jili'kyaaawarya maremwaaidivisaraavi wi'da! "A'mwe Laivan! jawimwaava?" "Yo, yawimwo. Nabaai garaavaanga! Rasala! ganimaangere sipzipiyajji makabivanike!", wi'de!. Aalibunyav! silya! maratangirakina wa'ditnyi Jaikopi silya! maarina yaka piba marakina yina yaka aalya yirina, gamire sipzipiyangina wi'jaavina ya!. Mi'na wi'jaavaka Rasalav! ata wi'bwa'naka wi'da! "Laivan! nyaakaangelyi." Sara kuda' Rasala! gannya angevin! yarai wi'na yaka ganimaangeri kuda' kaanyive'na wi'jimaa'nyina yaka ata wi'bwa'nyina yaka gannya angevin! makaba!. Jaikopi angevi bwina kya! Laivan! wi'da! "Nimirreiginyi, nebwi gitihwa." Tivi'na kuda' Jaikopi saba mwaala!.

15-20 Lawe pu' wavila'daa'nyi Jaikopi gyaakaangere wawinya yina kya! Laivan! wi'da! "Dahaa' nigwawinya mivaniginyajji gitihwana. Beri' gizaavijiwano?" Mi'na kuda' Jaikopi wi'da! "Kwareame dawaai dawaai da' sagaa' gitthaayideinyira. Nimi mena kya'mujj jiraavaanga diviya! Rasalav! nyijaadeiginyi." Sara wi'dina kya!

"Diwaanya! tewaanyasira. Gizaavidesira," wida!. Savidaasi Jaikopi yilaaya yada wawinya ya!.

21-30 Kwarame dawaai dawaai da' kwavilava' Jaikopi Laivanimti wida' "Rasala! nyijaama!" Sara kuda' Laivanitika munne yilina yaka sa' sawisavi garaavaanga Liyaa' Jaikopimina wijaava!. Mwanyavi Jaikopi dara wanganake! "A'mwe Liyaa' damwaalit!" Daka Laivanimina sinna tika widava!. Sinna tika кудава' Laivanitida' "Sinnawi a'mwe siraange' wijaavaana!" do' simunya nemiresira. Gimti Liyaasi sawita ata yuyi ata puridaasi piriwaai dimwaaidera. Mwaala'gizi sagaa' Rasala' gizaavide'na kwarame ata yuyi ata puridaasi piriwaala pin nimirre wawinya nyidaayadeiginyi." Sara kuda' Jaikopi sara ya!. Nabaai Laivanit a'mwe Silipaavt wawinya widaayadevine' garaavaangevine' Liyavine' wijaavina, a'mwe Bilaavt widaayadevine' garaavaanga piriwina wijaava!.

31-35 (-)

30

Jaikopimire a'mwewaai kaimiraaya milyei.

(29:31-30:24)

1-13 (29:31-30:13) Liyaa' kaimiraayai siraangei Ruvanit milaka kaimiraayai Simyanit milaka kaimiraayai Livaai milaka kaimiraayai Juthai mila!. Rasala' kaimiraavimaaya' mwaalake' Jaikopimine widaayadevi Bilaavt wijaava!. Mi'na kujaava' Bilaa' kaimiraayaraai mila!. Kamila' Rasala' "Nimirelyi," daka siraangere yaya Denit, diviyai Napitalaai wida!. Dividaasi Liyaa' dara wanganake! "Nimi kaimiraaya pin milide'nyi daaka!" Daka widaayadevi Silipaavt Jaikopiminevi wijaava!. Mi'na kujaava' Silipaap kaimiraayaraai mila!. Kamila' Liyaa' kirimire yaya! pwai Gethi, pwai Azai wida!.

14-24 Pigaa' Ruvanit yisila maaraka ganaanga Liyavt wijaava!. Kujaava' Rasala' wida' "Yisila piri! nyijaama!" Mi'na kuda' Liyaa' wida' "Ganimaangeri maa'dinya'gi yisila' maarima!' dathawaana?" "Yisila mi'na nyijaava'gizi sawisavi nimirre a'mweri dimaa'dera," wida' Rasala!. Nyila kwalaka' Jaikopi gannya angevina kulaaba' Liyaa' wida' "Nimirre angevina wilaabiza'na nimi giminyyi yisilanina mi'na gimbubwa. Naarimti mwaalaka!" Sara kamwaalagi Liyaa' kaimiraayai Yizakaa mila!. Dividaasi kaimiraaya pwai Sevulanit mila!. Aayagaasa' taaya Daaina' mila!. Liyaa' yuya mi'na kamila' Gotiyai Rasalavina tewaanna kya' Rasala' kaimiraayai Jozepiyai mila!.

Jaikopimire jilikyawarya kwala naanga yima'nyaa!

(30:25-43)

25-36 Rasala' Jozepiyai kamila' Jaikopi "Nemti sandakana wina yawaajti ninnya angevi mwalaana!" kada' Laivanit widina "Gimi dava mwaala'gi wawinya ja!" Mi'na widina kya' Jaikopi wida' "Giminyina gyideiginyi. Mi'na gya'mujti jilikyawarya jaane yuya maarideinyi." Laivanit wina naka wida' "Tewaanyasira."

37-43 Divi Jaikopi yisarikaavt dapaina, kilaka woipira'na ya!. Sara yaka dara wanganake! "Jilikyawarya tewaanya yawaki maniga!", daka jilikyawarya wanganaya'ne yisarikaavt marakinna ya!. Dividaasi jilikyawarya tewaanya bwaranya jaane mile!. Jilikyawarya tewaanya jaane yima'nyina kye' Jaikopi maarina ya!. Jilikyawarya wabe Laivanimire mwaale!. Jaikopi gilyivita naangejiyai mwaalina. Gamire widaayadivita naangeji jilikyawarya naangeji mwaalina ya!.

31

Jaikopi Laivanimina likaanya wiyaa!

(31:1-21)

1-16 Jaikopī dara wi'nakē! "Laivanimire gawaalivava 'Nenimaangere gilyivita yuya maa'delyira,' dathivanigava!" Mi'na daka nabaai dara wanganake! "Laivan̄ jikurya nyiwankei daaka!" Sara kada! Gotiyai Jaikopimi wi'da! "Ginnya angewinna ayawinna diwodera. Ni'mijt wawakadera." Mi'na kuda! Jaikopī Rasalaviji Liyaaviji wi'dina "Ni'mī kiriñimaangerine wawiñya naanga yadinyainy. Wawiñaangeiny yadaari gamī kwaasi nyidadely. Kwaasi kanyida! Gotiyai kiriñimaangere jilīkyawaryya kwalaalyara nyijaawa'di. Nabaai Gotiyai nyidiwa! 'Ginnya angewinna diwona!' " Sara wi'dina kya! Rasalasi Liyaasi sawaai wi'dahi "Gotiyai sara gitihwake! sara ji!"

17-21 Mi'na kudahi Jaikopī "Ni'maamaanga Aazaki Kainani mwaalyaryawinna wi'ma!" daka gannya balaangengi gannya kaimraayangj jilīkyawaryangj maarina yaka wawa!. Sa! Rasala! ganimaangere si'vuya'bisa! kuka maarina. Kuka maarina kya! Laivan̄ navika mwaala!.

Laivan̄ Jaikopimi midinyaa!

(31:22-42)

22-42 Laivan̄ "Jaikopī kaanna wi'na kyawa'di," wi'naka Jaikopimi midinna ya!. Kaanna wi'na wi'na, sawita ati ata puridaasi pwaraai kajinna' tusav̄ mi'jaahalaka wi'da! "Baari' yiwaana? Kwaasi baa'na yagina nyiraavaangewaarit wi'a yirakinkekewaari baa'na makwasawaabina? Nabaai ni'mire si'vuya'bisa' kuka baa'na maryawalyaadina? Lika be'na yulyaragina wi'wa'di? 'Ni'mī Jaikopimi mala tamima!' dena sawisav̄ waja ya'nyawaaihe. Gimire Gotiyai waja nyijawaal! 'Jaikopimi na kave duthana!' " Sara kuda! Jaikopī wi'dina "Gimire si'vuya'bisa' kuka mamaryiwa'de. Lika yulyarena diwa'de 'Laivan̄ garaavaangewaarina nanyipalamaaadika!' " Mi'na kuda! Laivan̄ Jaikopimi re gilyivisangj tinna wanganaka sa' gamire si'vuya'bisa' Rasala! lika yulyakake! mabirimaarya!. Mabirimaaryaakegaal! Jaikopī Laivan̄ mī maanga wi'da! "Baa'neka! Gimire wawiñya yadaari gimire jilīkyawaryya kwala naanga yima'nyina kye' ni'mī mamaranyena. Gimire jilīkyawaryya kunewi birena birena ni'mire gizaave. Sa! yuyagaa! ni'minyine kwaasi yagi. Gimii kwaasi kyagi ni'mire Gotiyai nyigaimwagaka sawisav̄ mayagaala gi'zawaal!, wi'dina ya!.

Jaikopiji Laivaniji saraai "Nya'mwei," dinyei.

(31:43-55)

43-55 Laivan̄ wi'da! "Nyiraavaangewaalyi, aataasi, aataravajj ni'mire jilīkyawaryajj mwaaiha!. Sa! baari' yi'jiwa?" Sara kuda! Jaikopiji Laivaniji yagaala naanga kadinagi Laivan̄ wi'da! "Naarimī geva geva kamwaalakwolyi Gotiyai nehwan-ganadelyira. Nyiraavaangewaari na kayaa'na kamaremwaala'gizi Gotiyai gwanganadeiginyira. Gimii a'mwe piriñi kamaara'gizi gwanganadelyira." Mi'na kuda! Jaikopiji yara si'la marakina kye' Laivan̄ wi'da! "Si'la naanga ti'hawawinya mara-madakwaasa' gimininyina malya'na ni'mi mwavilayi yideinyi. Nabaai ni'minyina malya'na gimi mwavilayi jitheiginyira. Gotiyarina gitihwe nebulyasi." Sara kuda! Jaikopī wi'da!, "Si'la naanga mwavilayi yideinyi malya'nesi." Jaikopī nebwina wi'daka jilīkyawaryari Gotiyarina tamaka yidika yina kya! Jaikopiji Laivaniji nagi. Yirike' kavura! Laivan̄ se wa'mwarakei di'kaa'na yaka garaavaangewaari jiriñimire kaimraayangji sangi yilaaya yigala!. Yilaaya yigalaka yagaala tewaanya wi'daka gannya angewinna wawa!.

32

Jaikopī daka "Gara yijiwana Yizoi nyanganade'na?" kaanna wi'ya!

(32:1-21)

1-12 Jaikopī kaanna wi'na yakegaa! dara wanganake! "Ni'mijt Gotiyare mamaayara ejeliyarajj mwaaiho." Sara daka Jaikopī si'humale yaasadivsaraav̄ gathaakaanga

Yizorina widaasa!. Yaasadivisara kaanna waweva Yizori wida' "Jaikopi giminyyawinna bivan!. Gamire gilyivita naanga warika." Yaasadivisara Yizori wi'neva kaanna bina yeva Jaikopimi wida' "Yizolyi a'mwe kwala naangeraji sara bivanigava." Mi'na kude' Jaikopi lika yaka Gotiyari wida' "Gihaimwagideinyi nyidahinya 'Gimire kaimiraaya kwala naanga yima'nipi'dere.' Nyigaimwadiinyaiginyi. Nabaai dahaa' nimire gilyivita naanga war!. 'Ginnya angewinna diwodera,' nyidahinya' sa' nyidaakaanga Yizorina nimilika yena 'Yizoi naneramakadika!' dena 'Nyigaimwana!' gitihwa."

13-21 "Yizori sinna tika nudavad!! Jilikyaawarya naanga yanga wijaavima!" daka Jaikopi Yizorine jilikyaawaryang maryasaka gami dividaa'nyi midina!

Kwaaka Peniyali saba Jaikopi ata sivila galalimwanna yaa!
(32:22-32)

22-32 Jaikopi gamirengi kudaasa' kumiza gamire gilyivitaj Aalya Javoki maraga'makuna. Maraga'makuna kya' Jaikopi gave kwai mwaala!. Sawisavi pwai baka Jaikopimi asangi galalimwanna ya!. Mala tannadaakiri yirika purina kya' pwai Jaikopimi wida' "Nyimakwaasa!" Sara kuda' Jaikopi wida' "Yagaala tewaanya' nyida'gizi diwodera." Pwai wida' "Ginnya yaya' Jaikopi (kwaasi yadei) sa' Gotiyariji a'mweraavij yagaala baziwaimanaawiginyaig, malya' giminna dathivalaradinyaig, ginnya yaya mudike' Yizirelimo." Jaikopi wida' "Gotiyari wanganena kwaihwaainateenyi mwaaimwa." Nyila bilaawi na yadaa'nyi Jaikopi tu'mudika wida'daa'nyi yigala kaanya wawa!.

33

Jaikopi Yizoryabanna yimavaawina yaa!
(33:1-20)

1-20 Jaikopi dara wanganake! "Yizolyi gamire a'mweraj sara jinigava!" Daka gannyang wavyila'na ya!. Wavyila'na kya' Liyaasi Rasalasi kaimiraayaj a'mwe widaayadisawaalyi sa midinna ye!. Midinna kye' Jaikopi gathaakaangeryawinna bina. Bina kya' Yizoi tewaanya mwaalaka "Jaikopiji ata bwa'naka!" daka kaanyive'na bina kya' kinna maredinagi. Mi'na kamaredinagi Jaikopimiiva bina yeva Yizorina "Ata bwa'naana!" dinna yeva ata bwa'nyina ye!. Tivi'na bwa'nyina kye' Yizoi wida' "Jilikyaawarya niminyine makabiwaanya waramaryana!" Sara kuda' Jaikopi "Nim kuneinyi daaka!" kuda' Yizoi maara!. Yizoi mi'na maaraka wida' "Nemijj sarimijj sanna kaanyaana!" Sara kuda' Jaikopi wida' "Nimire jilikyaawaryaj nimire kaimiraayaj kave kave wina yina yaadennera." Tivi'na kuda' Yizolyi gannya widaayadivisaraj sara Jaikopi yagalya'ma'na yeva Kwaaka Siyaana wawe!. Kaanna kwawe' angeba Sekimi Kwaaka Kainan mannekabanna yimavaawina yaka kwaaka mubaka saba mwaala!. Mi'na mwaalaka Yizireli Gotiyarine siminye' livalaaba!.

34

Daainavire gya'mwera angeba Sekimi kayaaka yigalyaa!
(34:1-31)

1-5 Liyaavire taaya! Daaina! "Angeba Sekimi mwaalyang angirimaata yima!" daka kaanna wina ya!. Anga saba A'mwe Aamo maremwaaida mwaala!. A'mwe sare gawaali! Sekimi Daainav wanganaka "Sidiiraaya tewaanya' maa'mujava," yawi'na. Sara yawi'na yaka ata limwanna ya!. Ata limwanna yaka Sekimi ganimaangeri wida' "Sidiiraaya da' nimire a'mwevina ganimaangeri duthana! 'Gimire taaya' nimire miginyarine nyijaama!' " wida'!

6-31 Jaikopī dara wi'nakē! "Sekim̄i n̄im̄ire taaya! ata l̄imwanna jiwaka!" D̄ina kya' gawaalivava pība yibwa'nadapij̄i navika mwaala!. Jilīkyaawarya maremwaaidivisara gawaalivava b̄na yeva ku'ne' s̄inna t̄ika naanga wīdava!. S̄inna t̄ika kudava! sa' Aamo Jaikopim̄ire gawaalivavaav̄ wīda! "Sekim̄i nyibwaalivine Taaya Daaina' nyijaama! Gannya a'mwe' maaradelyī. Sarim̄i yagaala sara nyijide' sara yīhizaavidesira." Mi'na kuda' Jaikopim̄ire gawaalivava kwaasi wīdina "Nem̄i yuyaina kilaaka pikarya neyinkeinera. Sarim̄i kilaaka pikarya kada'napij̄i Daaina' Sekim̄im̄ine' yīhizavaadesira." Sara wīdina kye' Aamojī Sekim̄i gawaalisi saraai yilaaya yagi. Kirinnya angewinna wawagila kirim̄ire a'mweraav̄ wīdahi "Jaikopim̄ire gawaalivava sara nehitihwaasa' sara yaana! Dividaasi Jaikopim̄ire gīlyivisa maraadengira." Sara d̄ineva angeba Sekim̄i mwaalyara kunnya kilaaka pikarya da'ne'. Kada'ne' kilaaka daanga wīvidaa'nyī Daainavire gya'mweraai Sim̄yan Livaai saraai wīlaabahila Sekim̄i mwaalyaraav̄ tamakina yagi. Tamakina kyagi Jaikopim̄i gawaalivava beva Sekim̄im̄ire angevīdaasi Daaina' makuna ye'. Nabaai a'mwej̄i kaim̄raayaj̄i Sekim̄i mwaalyaraav̄re gīlyivisaj̄i makwawe'. Jaikopī a'mwe pwaraavina līka yaka gawaalivavaav̄ mayagaala wīdina. Mayagaala wīdina kya' "Sekim̄i neya'mwevi kayaa'nanaanga yakelyira," wīde'.

35

Beteli saba Gotiyai Jaikopim̄ina tewaanna yaa!

(35:1-15)

1-8 Gawaalivava sara kye' Gotiyai Jaikopim̄i wīda! "Beteli sawinna dimwaaidera. Mwaala'gīzi n̄im̄inyine sim̄nye' dīlivalaama!" Mi'na kuda' Jaikopī gam̄irebadaalnyaraav̄ wīda! "Sarim̄ire sīvuya yuya sabisa dimarasi'nyila! Sarim̄ire kuryara tewaanyara mwaaibibka! Nabaai kilaakej̄ika girika'nana aalya dizinyila! Aalya j̄inapij̄i kwaabihannya baazi'ma'ny tewaanya yaaka dakyila! Beteli sawinna nem̄i kaanyaana! Saba Gotiyai n̄im̄iji mwaaderina n̄im̄i sim̄nye' līvalaabidera!" Jaikopī sara wīdina yake' gamij̄iyara sara ye'. Mi'na kye' wodaapij̄i Gotiyai a'mwe pwara yuyaraav̄ Jaikopij̄iyaraavina, "Sarim̄i a'mwe saraav̄ mipinera!" kada' a'mwe yuyara līka yina ye'. Jaikopī Beteli mwaalaka Gotiyarinna yīleyagaala wīdina ya'.

9-15 Jaikopī Gotiyai yaya! Yizireli wo'nīkei dara wanganake! "Gotiyai damwaali!" Kada' Gotiyai wīda! "Nim̄i Gotiya diraginyainyi. Gim̄ire kaim̄raavizim̄ya kwala naanga yīma'nyina yipidengi. Gim̄ire kaim̄raavizim̄ya pwara a'mwe naanga yīma'nipi'derera. Kwaaka Eviraamij̄i Aazakīji saraarinna wījaaveba ḡim̄iji ḡim̄ire kaim̄raavizim̄yaj̄i sangyihirina yīhīzaavinīke!" Sara kuda' Jaikopī s̄ila naangei daadidi'nyiyaba Gotiyarinna weliya' dingina ya'.

Jaikopim̄i kale wīyaa!

(35:16-29)

16-26 Beteli sabadaasa wodaapij̄i Rasala' kaimalei milaka bala!. Kabala' sagaa! Jaikopī kaim̄raayarina yaya! Bejamin̄i wo'na!. Jaikopī kale wiadaasi Betilemī sangineba Rasala' wakaka kwaaka saba mwaalina. Saba mwaalina yadisi Ruvanī ganimaangere balaanga Bilaav̄i ata l̄imwanna kya' Jaikopī sara yawira!. Jaikopim̄ire gawaalivavaanga sīvilraai ata puridaasi pwaraalyara yuyara mwaale'.

27-29 Angeba Maamire mwaalyai Jaikopim̄ire ganimaangei Aazakī mwaaidisi Jaikopī ba!. Aazakī a'mwe nei kwarame naanga 180 kwavilava' bala!. Kabala' gawaalivavaangeraai Yizolyī Jaikopij̄i saraai wakagi.

36

Yizoi Yithomiyaraavi kuvinimaangei yima'nyaa!
(36:1-43)

1-43 Yizolyi Jaikopiji saraare jilikyaaawarya mwaaidapiji kumire tika munne maalika wa'disi Yizoi gannya balaangeji kaimtraayaji jilikyaaawaryaji makuna yaka Siyaa mugunyav'i maremwaala'. Maremwaalaka Yithomiyaraavi ganimaangei yima'na'.

37

Jozepiyai waja ya'nyake'na wijaa!
(37:1-11)

1-4 Jaikopi Kwaaka Kainani mwaalakegaa! Jozepiyari kwarame atiraai sivila pwi yuya yaka sivila puridaasi pwaraaina kwavilava' sagaa' mwaala'. Kamwaala' Jozepiyadaraka sipzipiya yi'divaidiv'i mwaale'. Jozepiyare ganaange' maarakegaa' Yizireli a'mwe nei mwaalake'na Jozepiyari yilaaya naanga marina ya!. Gawaalivava pwaraav'i yilaaya maalika mary'a!. Yilaaya naanga maryaka Jaikopi Jozepiyarina baazi'ma'nya tewaanya' yavikarya!. Jozepiyai gaverina kyavikarya' gya'mwera "Maraajava kale newila'mwaka," kade' sinna tika davina wia'.

5-11 Jozepiyai waja ya'nyina yaka gya'mweraav'i "Nimire waja yivanige' yihiziwaaki," wida!. "Wawinyavi witiya lilaajabisa maramurita'na yadaawojo ni'mire witipwinya' dikavedaa'na yaka daavina yadisit sarimire witipwinya dikavedaa'na gi'du'na yaka 'A'mwe naangeiginti,' " wida!. Jozepiyai sara kuda' gya'mwera "Kwaasi nedawa!", deva "Neminyina dinemaremwaajiwaa?" wide!. Divi pigaa! Jozepiyai waja mudika piri' ya'naka ganimaangelyi gya'mweraji saraav'i wijiwaakina ya!. "Nyilyalyi lawelyi silingaaminya sivilraai ata puridaasi pwaina sara niminyina gi'dura'na yawaaihava." Mi'na kuda! Jaikopi wida! "Baa'na dwaana? Ni'mamaangelyi nyinaangesi nya'mweraji sa niminyina gi'du'na yipi'dera, dathijaana?" wida!. Jozepiyare yagaala'na gya'mwera sinna tika wida'daasi ganimaangei kave yawira'.

Jozepiyari gya'mwera wimubyaa!
(37:12-36)

12-17 Kwaaka Sekimi Jaikopimire gawaalivava jilikyaaawarya yi'divaidaapi Yizireli Jozepiyari "Ja'mwera tewaanya damwaaihava?" widaaka widaasa!. Kudaasa! Jozepiyai kaanna kaanna Sekimi sawinna ba!. Mi'na baka dara wanganake! "We!, nyalmwera pwara mamaalyiji'hava!" Daka wanganamaryina. Wanganamaryina yadaasi a'mwe pwai wanganaka wida! "Ni'mi ja'mweraav'i wi'niwa'de 'Kwaaka Dothan sabanna kaanyaana!' didaapi." Sara kuda! Jozepiyai kaanna wina ya!.

18-24 Badaan'yit Jozepiyari gya'mwera wanganeva dne! "Waja yadei yinikeri tamakaana! Tamakawaaji 'Kavijili'kei tamakiwakelyira,' widaathera. Tamakawaaji 'Gamire waja nebulya' daaka!' daathe'na," dne!. Kadine! Ruvani siraangei "Jozepiyari yivalima!" daka "Maramaki jide. Kavi'ninnyavi marirakina jidelyira," wida!. Tivi'na kuda! Jozepiyai yi'mavaawina kya' limwanna yeva gannya baazi'ma'nya tewaanya' yiraipurasi'na yeva kavi'ninna kunevi yirake!.

25-30 Jozepiyai kavi'ninnyavi wila'disi gya'mwera wapaaya nadaapi Mithyan'i mwaalyara badaapi Juthai gya'mweraav'i wida! "Neya'mwe Jozepiyarina a'mwe saraavine mubaana! Nenny neya'mweryaba maramakaannera!" Sara kuda! kavi'ninnyavidaasi Jozepiyari wilyabaalyi marayidivaina yeva maramwagi'namaa'na yeva kinaaya ata sivilraaina mube!. Kamube! Mithyan'i mwaalyara Kwaaka Yizipi'na makuna ye!.

31-36 Jozepiyari'gya'mwera jili'kyaaawaryai tameva gamire tawe maareva Jozepiyare baazi'ma'nya' tawevi maradivaina. Maradivaina yeva kuvintimaangeri "Baazi'ma'nya da' yakintike' maa'mwosi. Jiwaalivaangere' daaka?" widaawina ye!. Widaawina kye! Jaikopi wanganaka wida! "Yo. Nyibwaalivaangere baazi'ma'nyasi. Kavijili'kei dawakiwakerinera." Sara kuda'kale naanga wiadaasi Jozepiyarinna kinna naanga baziwina ya!.

38

*Juthalyi Taimaa si sawaai kaimiraayaraari maryei.
(38:1-30)*

1-30 Sagaa! Juthai Kainani mwaalya' kamaara' gannya a'mwe' kaimiraaya daraai dai mila'. A'mwe Ei, siraangei Taimaa' kwala maara'. Kamaara' gamirebwi kayaalnanaangebwi kya' Gotiyai "Gam balya'negaa' wakideinyira," dinike'na Ei bala'. Kabala' Juthai kutabanyai Wonanimi wida! "A'mwe Taimaa' dimaa!!" Sara kuda' maarina yaka "Kaimiraayanna waramaryana!" daka kayaa'na ya!. Kayaa'na yake'na Gotiyai din "Balya'negaa' wakideinyi." Milna dinikevi Wonani balina ya!. Kabala' Juthai Taimaa wida! "Navika dimwaala! A'mwe pwar mamaalninnera! Gimamaangeryawiinna kaanna wina ji! Saba dimwaai! Nyibwaali' aaya wiryaakei Silaa naanga girina kyoji gamizari dimaa'nana!" Widina kya' Taimaa' kaanna wina ya!. Sa! Silaa naanga girina kya' Juthai "Nyibwaalivaanga dai gannya gya'mweraalyi nabaai nabalandika!" daka Silaam "Taimaa' dimaa!!" muja!. Yagaala mujt yaka mwaalina yakere balaange' balina ya!. Balina kya' Taimaa' kwaasi kya' "Juthai Taimaa wida! ata limwamwaka," dinyna ye!. Dinya kye! Taimaa' kaimiraayaraai pwaraai avaalyagaa' maarina ya!. Maarina kya' "Siraangei Perez, dimidaasai Jeraa," wo'na!.

39

*Potipaare a'mwe' Jozepiyari'yaamiji' wiaa!
(39:1-23)*

1-5 Kwaaka Yiziipiina Mithiyan mwaalyara Jozepiyari makuna yeva A'mwe Potipaarinna mubye!. Kwaaka Yiziipi saba maremwaalakei Peroyalyira. Potipaai Peroyare a'mwe naangelyira. Gotiyai Jozepiyari wigaimwanna yada Jozepiyai gannya wawinya nayaa yina ya!. Nayaa yina yadaasi Potipaai dara wanganake "Gamire wawinya tewaanya jivanika!" Sara daka gannya angasi gannya gilyivisaj maremwaaideri wimwaaiha!. Wimwaaihina kya' Gotiyai Potipaarinna tewaanna ya!.

6-9 Jozepiyai tewaanyai angevi wida' disi Potipaare a'mwe' "Tewaanyarinna maarima!" daka wida! "A'mwaagaig, avaanna wilakade'nanyi." Sara kuda' Jozepiyai "Aala," wida' ya!. "Potipaai gannya gilyivisa maremwaaina yadinyainyi nyimwaaihina ya!. Gamire'ginyira. Nimir'e'gi daaka! Sara nimti myiwina! Sabwi kya'mujt Gotiyai niminyina simunya kayaa'na nanyawiradika!" wida' ya!.

10-23 Gazagaasagaa! Potipaare a'mwe' sana sana widae' Jozepiyai "Aala," sara wida!. Piaga! sara widaakei "Nimir'e wawinya yima!" daka angevi wida'na ya!. Wilina yadisi Potipaare a'mwe gave' mwaalaka gamire baazi'ma'nyavi limwanna yaka "Kwala nyimaa!!" wida!. Sara yaka sara wida'na kya' Jozepiyai yiraipivalakina yaka likaanya wina ya!. Likaanya wina kya' Potipaare a'mwe' sinna tika kudava' wawinya widaayadivisaraavi jaka wida'na ya!. "Yiviruyarajiyai sai kwayagaala nyidivani!. Nimi 'Aaka, aaka,' diwe'nyi gami likaanya wina yawa!. Danganyila! Gamire baazi'ma'nya' warikaagavaakana!" wida!. Sara wida'ka navika mwaala!. Potipaai gannya angevi widaabaka gannya a'mwe' widaake' kwina' sinna tika davina wia!. Davina kwia' Jozepiyari kalavuzavi wimwaaihina ya!. Wimwaaihina kya'

Jozepiyai wila'disi Gotiyai baihana'disi kalavuzavi damei Jozepiyari tewaanya ya!. "Kalavuza mwaaidivisara pwaraaviv dimaremwaasideiginyi," Jozepiyari wida'!

40

Jozepiyai kalavuzaraarinakirimire waja wijiwakyaa!
(40:1-23)

1-4 Jozepiyai kalavuzavi mwaaidisiyagaa' pigaa' gamire wawinya widaayadisaraarina A'mwe Pero senna tika davina kwia' kalavuzavi wimwaaihina ya!. A'mwe pwai Peroyare wapaayaj aalyasi wimaarina yadei, yi a'mwe pwai Peroyare girkula yidika yadei saraalyi Jozepiyalyi kalavuzavi mwaale!

5-19 A'mwe pwaraai sawisavi waja yina yagi. Waja yina kyagi mwanyavi Jozepiyai wilaabina kya' jikurina mwaalina yagila "Sawisavi naarimi waja ya'nyawaaiholynaalyira. Waja bewaja yivanigolya'na aai nehiziwaakajiwaka?" widahi. Sara kudahi Jozepiyai "Nimire Gotiyai waja yawi'delyi. Krimire waja nyiji! Gotiyai nyijiwakaadeinyi," wida!. A'mwe pwai Peroyare wapaaya wimaarina yadei gannya waja Jozepiyari wida! "Graipiwila taanya dawaai da' wa'disi nim wangamwa. Wangadaari purirya yi'nadaasi wanganyawaaihe' dahaa' mya mena yimwake' wangamwa. Mena kyimwa' Peroyare gulyavi marama'mwagikina yena wijaavina yiwana." Mi'na kuda! Jozepiyai wida "Waja sa' giiziwaaki! Taanya dawaai dasa' sawita daryaaai dari' sa'bissira. Sawita daryaaai dari' kajinnoji Pero 'Nimire wapaaya diniyimaryaama! Aya' jitthera, gitthera. Gimri sara ya'giyi niminyina jawi'deiginyi. Yawira'giyi Jozepiyai kayaa'nanya' myakeri kalavuzavi wimwaaihava, duthathera." wida. A'mwe pwai Peroyare girkula yidika yadei sara wi'naka Jozepiyari wida! "Nabaai nim waja ya'nyawaaihe. Soigilya dawaai da' kinya yilamarina yivanigeinyi. Soigilya aaya a'banyakivi girkula ge ge mihiinike yusara girkula dapanadaapi baihanakeinyi," wida!. Tivin'na kuda! Jozepiyai "Gimire waja' giiziwaaki! Soigilya akwalamwai sawita daryaaai dari' sa'bissira. Sawita daryaaai dari' kagizinnoji Peroyai yisari wila tidavoj giminyyi pigaa' wila kamragiridavoj yusara ginipi'deiginyi," wida!

20-23 Sawita daryaaai dari' kajinna' Peroyai gannya wawinya widaayadivisaraavine tika munne ya!. Sagaa! Jozepiyai sara wida' Pero sara ya!. A'mwei gamire wapaaya wimaarina yaderina jaka wida'na yaka "Gimire wawinya sinnawiya' ji!" wida!. A'mwei gamire girkula yidika yaderi wila mararidava!. Peroyare wapaaya wimaaryadei gannya wawinya yina yada Jozepiyarina Peroyari mujaka navika mwaala!

41

Jozepiyai Peroyare waja wijiwaakina yaa!
(41:1-36)

1-8 Kwarame piriwaai kwavilava' sawita pirkii Pero waja piriwaai ya'na!. Ya'nyina yaka mwanyavi kave yidaakuna kya' a'mwe kwai a'mwe kirii' waja sawaarina kunnakai mamwaalya!

9-13 Kunnakei mamwaalyi kya' Peroyare wapaaya wimaaryadei Peroyari wida "Dahaasagaa! Jozepiyarina yawi'mwa. Nimijt gimirre girkula yidika yadelyi sainaarina senna tika kagithava' kalavuzavi maranehimwaaihagi. Sawita pigaa' waja ya'nigolyainaalyira. Jozepiyai Yiviruyarajiyai saba mwaalaka naarimire waja nehiziwaaka!. Nehitha! 'Pero "Gimire wawinya sinnawiya' ji!" gitthera, sara nyida!. Girkula yidika yaderi 'Pero wila maragiridavadera, wida!. Gamire yagaala nebulyasira. Sara nehitheke! sara yagi," wida ya!.

14-24 A'mwe naangei Pero Jozepiyarina w̄dasaabina ya'. W̄dasaabina kya' Jozepiyai maryataa w̄ri'nyina yaka kwaabihannya tewaanya baazi'ma'nya tewaanya marira'nyina yaka buladaa'na ya'. Buladaa'na yadisi Pero w̄da! "N̄mi waja ya'nyawaaihe' a'mwe yuyara a'mwe yuya manyijwaa!. Giminyina 'Waja ya'nadivitanna w̄dadelyira a'mwe sai,' nyidiwa' pwai." Sara kuda! "N̄mire Gotiyai ḡimire waja'na naya ḡiziwaakadera," w̄da!. Pero Jozepiyari w̄dinna "Waja dasa' Aalya Naayili aalimaangevi daa'deri bulimakaawoya wapeminnaka daraai daraai daraai dalyara aalyavidaasi bilaawi'na yawaaiha'. Bilaawi'na yeva bulimakaawoya kuriya mudi'milanyina yadaapi bulimakaawoya maalika daraai daraai dalyara aalyavidaasi bilaawi'na yeva bulimakaawoya naangeraavi maalikera ti'ka bilanyina yawaaiha'. Nyina kyawaaiha' n̄mi dikaa'na yena nabaai se wa'mwarena ya'ne waja piri' ya'nyawaaihe. Witiyaginya' gave piri'nanyav'i s̄ila naanga dawaai dawaai dawaai dasa yi'niwakengi banganakeinyi. S̄ila tewaanya pin di'vidaasi yi'nyina. Yi'nyina yaka kuzi'nya warike witizila s̄innawini'na tewaanya yi'niwakengi maranyina yadaapi banganakeinyi. Wajawaai sara ya'niwa," w̄dinna ya'!

25-36 Pero mi'na kuda! Jozepiyai w̄da! "Wajawaai piriwaai sara yiwaanya kiripi' avaala ḡiziwaakima! Bulimakaawoyaraavina ya'niwaa'naji witizila'na ya'niwaa'naji avaaiyagaala gitidera. Gotiyai di'vi sara yade'na sara ḡiziwaainvanika giwiriwa'. Kwarame dawaai dawaai dawaai da' wavila'daawoj Yiziipi' dava wapaaya naanga waradevanyira. Kwarame dawaai dawaai dawaai da' kwavilavoji' kwarame dawaai dawaai da' sagaa' mijika di'valyidevanyira wapaaya mwaryadozi. N̄mire yagaala di'we'na 'Daha' a'mwe sidu'nakei a'mweraavi kwarame tewaanyagaa' w̄dasaawina "Mijikegaa'nana wapaaya naanga kanyijaavapij angengi marikwakina yidera," dada yaderi dumwaaihyia! Sara kya'gizi mijikegaa' wapaaya ti'ka nya'ne waradegaakira sagaaka."

Peroyai Jozepiyari Yiziipi maremwaideri w̄imwaaihina yaa!

(41:37-57)

37-45 Peroyai Jozepiyari w̄da! "Gotiyai gamire simunya gizaava'. N̄mire wawinya Yiziipi' kwaakesi dimaremwaidera." Sara w̄daka gannya ataka magalabwapaina yaka "N̄mire wawinya yadelyira," daka Jozepiyare asari ataka yihi'na ya'. Nabaai baazi'ma'nya tewaanya marawi'baazi'makuna yaka ni'gwia goloya mararinna ya' Peroyai. Mararinna yaka Yiziipi' mwaalya' a'mwe nawi'nya' Jozepiyari balaange' w̄maarina ya'. A'mwevine yaya' Aazanaati wo'nikesi.

46-57 Jozepiyai kwarame 30 kwavilava' sagaa' Peroyare wawinya ya'nei yi'ma'na'. Kwarame tewaanya dawaai dawaai da' sagaa' wavila'daa'nyi' anga yuyaba wapaaya naanga marikwakina. Marikwakina kya' kwarame dawaai dawaai dawaai da' sagaa' mijika naanga yi'ma'na'. Mijika naanga kyima'na' sabanyara Pero-yari wapaayanna jaka w̄dina. Jaka w̄dina kye' Pero w̄da! "Jozepiyaryawinna di'wila! Gam sara yihi'hathe' sara ji'la!" Jozepiyai a'mweraavi wi'naka anga ti'ka wapaaya wakadivisav' basamakwina yaka wapaaya mubina ya' a'mwe Yiziipi' mwaalyaraavine. Nabaai kwaaka yuyabanna mijika naanga wa'disi pibanyara "Nemi Yiziipi' saba wapaaya mubaana!" dinerva bi'na yeva wapaaya mubina ye' Jozepiyari.

42

Jozepiyari gya'mwera Yiziipi'na w̄ina yeva wapaaya mubyaa!

(42:1-25)

1-5 Kainani kwaaka wapaaya mwaryadisi "Kwaaka Yiziipi' wapaaya war'i," di'adaapi Jaikopi wi'nyina. Sara wi'nyina yaka gawaaliwaangeraavi w̄da! "Kwaaka Yiziipi' sabanna wopiji' wapaaya dimubyideihilyira." Mi'na w̄daka "Bejamini wiryaakei

nyibwaali' nabaladika! Dava mwaaladelyira," daka Jozepiyari gya'mwe ata yuyiraai darera gavera widasawina kya' kaanna wina yeva Yizipina yi'mavaawina ye!

6-7 Gya'mwera Yizipina yi'mavaawina yeva Jozepiyaryabanna wina yeva "A'mwe naangeigti," deva gitdu'na ye!. Gitdu'na kye' Jozepiyai dara wanganake! "Ai, sara nya'mwera dava damwaaiha!." Mi'na dinna kya' "Jozepiyalyira," majara "Yizipiyalyira," dine' kumizara. Jozepiyai "Nimi kwaasi yagaala widima!" daka maange'bii' widina "Gawidaasaihila!" widina ya!. Gya'mwera "Wapaaya mubaana!" dona Kwaakabanne yaya' Kainanidaasainera," widina ye!

8-17 Jozepiyai gannya waja'ne gya'mweraavina yawiraka wida! "Nemi kwaaka kuka maraana!" deva dava sarimi bwangamwaava." Arikawinyira. A'mwe naangeigti, 'Wapaaya mubya yaana!' dona bonanyira. Kainani mwaalyare gawaalivaanga atiraai sivila puridaasi pwaraalyiyainera. Wiryakei ganimaangelyi mwaaihi. Neyal'mwe pwai bala!" Sara kude' Jozepiyai widina "Sariminyina yaamiji yihideinyi. Davanna sarimire wryakei mabi kyoji davadaasi mwiyi jideihilyi. Gave pwai kaanna wina yoj wryakeri wijima'naawina yadelyira. Sarimi pwaihi kalavuzavi dimwaalyide. 'Sarimire yagaala kwaasi nyide!', da'muj si munya' sariminyina 'Damakaanyara bivanigava,' yawiriideinyira." Mi'na widaka kalavuzavi yuyara wimwaaihina ya!

18-25 Sawita pirtyaaina kajinna' Jozepiyai widina "Nimire diwija'na jide. Gave pwai kalavuzavi mwaalanne'ne'na pwara wapaaya sarimire kinidakaavine makuna yipi'dengira. Wryakeri kanyimakabapiji' sarimire yagaalya' yawiriideinyira. Sara kyawira'muj mabalyi jideihilyira." Jozepiyai Yizipi yagaala widadaa'nyi pwai maridina kya' Jozepiyari gya'mwera kunnya yagaala dine' "Negwaalaanga Jozepiyarinna kayaa'na yo. Gami kinna dadaasi wanganona nemi diraginna mwaalo'na dahaa' Gotiyai neminyine' kayaa'na neyivan!." A'mwe Ruvani gya'mweraav wida! "Nimi yihithe 'Miginyarine kayaa'nanyabwi mipinera!' Kyihithe' mwitnyije!." Ruvani sara kuda' Jozepiyai mwasawinna kaanna bwalyuna yaka kinna dina. Kinna dina yaka Simyanimi maaraka wila pwiyina. Wila pwiyina yaka widaayaderi kave widina "Wapaaya kumire gilya dimaramihya! A'mwe gei gere nigwia gannya gilyavidi mihihya! Nabaai wapaaya tusavine dumaari!" Sara widina kya' sara ya!

Jozepiyari gya'mwera Kainani ayahi wina yaa!

(42:26-38)

26-28 Jozepiyari gya'mwera wapegilya maareva jili'kyawarya dogiyaraavire bulevi a'ba yilamarakinna yeva angebanna kaanna makuna ye!. Kaanna makuna kye' piba wa'mwarensaba a'mwe pwai "Nimire jili'kyawaryarine wapaaya wimaarima!" daka gannya wapegilya' maariina yaka wilya' maryaa'na. Maryaa'na yaka dara wanganake! "Ai, wapaaya a'ba nimire nigwia darika! Ai, nigwia da aai mihiwaka!" Sara daka gya'mweraav wida! "Nimire nigwia gilyavidi minnar!." Tivi'na kuda' yuyara lika yina yeva dine' "Gotiyai baari' neywaka?"

29-38 Kwaaka Kainanina bina yeva kuvini'maanga Jaikopim sara yesa' sara widina. Mi'na widina kye' Jaikop wida! "Jozepiyai mamwaalyi!. Simyanim mamwaalyi!. Dahaa' sarimi 'Bejaminimi makuna yaana!' dapiji makuna jide' daaka! Savi kale nyiwaka. Bejaminim mwaalana!" Sara kuda' Ruvani ganimaangeri wijaa! "Bejaminimi nyijaama! Maremwaalideinyi. Aya giminyawinna mulaabi kya'muj nyibwaali'vaangeraari dimaramakya!" Wi'na kuda' Jaikop "Nyibwaali'vaangelyi mwikanera!" wida!

43

Jozepiyari gya'mwera Yizipi yagalaawina yaa!
(43:1-34)

1-14 Wapaaya Yizipi sabadaasa mi'na nyina kye' kuvintimaangei wida! "Sarim ayahi diwila! Wapaaya pin dinemubyila!" Juthai wida! "Bejaminiji muyi kyawaaji a'mwei wapaaya manemubi neyadera." Tivi'na kuda' kuvintimaanga Yizireli navika mwaalina yaka pigaa' wida! "Wikira. Wiryakelyi diwila! Nabaai yanga wijaaya'ne wimaarina, nigmia aya sarimire gilyavi mihakinike Yizipi mwaalyari dumaari! Nigmia navika yawa'dike dingaka? Nigmia pin maarapi wapemubyana dimakwi! Dahaa' yarai diwi!"

15-24 Yizireli sara widaake! sara ye!. Yizipi sabanna Jozepiyaryabanna kabe! Jozepiyai Bejaminimi wanganna. Mi'na wanganaka gannya angevi mwaideri wida! "Tika munne naanga jovirava! Sirigwajagaa' a'mwe darari naadera." Jozepiyai sara kuda' a'mwe pwai tika wapaaya yovirava!. Jozepiyare angevi gya'mwera davaabin yeva lika yina yeva widaayaderi wida! "Kigaa' nemire gilyavi nigmia mihakawa'dikei mwanganyiwa'do. Nigmia sa aya maa'mwo. Nabaai nigmia pin maarona wapaaya pininna mubaathera." Wi'na kude! Jozepiyare angevi maremwaaidei wida! "Lika mipinera! Kigaa' sarimire nigmia maa'mwa'de. Gotiyai nigmia pin sarimire gilyavi dahamihakawa'di?" Widina yaka Simyanimi kalavuzavidaasi maarina kya' a'mwe yuyara angevi marasaabina ye!.

25-34 Gya'mwera angevi wila'dapi sirigwajagaa' Jozepiyai wilaabina kya' gya'mwera "A'mwe naangeigt," widina yeva gi'du'na yeva wapaaya waburya yanga wijaavina. Yanga wijaavina kye' Jozepiyai wida! "Sariminyi sirintimaangei tewaanya damwaali?" "Tewaanya mwaali!", widina yeva gi'du'na ye!. Gi'du'na kye' Jozepiyai Bejaminimi wanganaka wida! "Sarimire wiryakelyi kabiwaa' yihwangamwa." Jozepiyari kale wiadaasi Bejaminimi wida! "Gotiyai tewaanna gyadeignyi, gitihima!" widaka yarai gavinyaba wiladaa'na yaka kinna maredina. Kinna maredina yaka gannya sinnyi aalya yinyina yaka ayawinna wilaabina ya!. Jozepiyai "Nemi naana!" daka siraangei pimagi wimwaanihina wiryakei pimagi wimwaanihina kutabanyara nayaa wimwaanihina ya!. Wimwaanihina yaka wapaaya jaapaina yaka pwaraavi kibangwa wina, Bejaminimi wapaaya naanga wina ya!. Sara yina kya' gya'mwera kumire gaidaa'na wanganna wapaaya naanga Bejaminimi wina yake' wanganeva attika maru'na'na ye!.

44

Jozepi yaamiji kyaa' gya'mwera tewaanya yaa!
(44:1-34)

1-9 Kidoraka mi'na kane' Jozepiyai gannya wawinya widaayaderi widina "Kumire gilyangi wapaaya dimaramihya! A'mwera nigmia gannya gilyangi dimihya! A'mwe pwarevi sara ja! A'mwe pwarevi sara ja! Nabaai nimire maa'gula tewaanya naange' wiryakere gilyavi dimaramihya!" Sara widaayaderi sara ya!. Mwanyagaa' Jozepiyari gya'mwera yagalya'makuna. Yagalya'makuna kye' Jozepiyai widaayaderi wida! "A'mwe saraavi dimijaahala! Mijaahaina ya'gizi dara dutha! 'Nimire a'mwe naangere maa'gula tewaanya naange' kuka kywaakira.' " Widaaayaderi kaanna kaanna wina yaka mijahalaka Jozepiyai widaake! sara wida!. Sara kuda' Jozepiyari gya'mwera wide! "Aawa. Maa'gula sai mamaariwo. Pware gilyavi maa'gulyai wangana'gizi gamizai dimakidelyira. Nabaai nemi yuyaina gimirre a'mwe naangere wawinya widayadaanyaina yima'naadeinera."

10-17 Jozepiyari widaayaderi wida! "Maa'gula sar kuka maa'mwaka gavei widaayaderi yima'nadelyi. Sarimi pwaihi kaanna diwila!" Mi'na widaayaderi

gilyangi wanganna wanganna yaka Bejaminimire gilyavi maa'gulya' daapina ya'. Daapina kya' Jozepiyari gya'mwera kale kwia' lika yina ye!. Lika yina yeva Jozepiyaryawinna ayina kaanna wina yeva kale wiadaasi sagaa' gitdu'na ye!. Gitdu'na kye' Jozepiyai widina "Sarimi sara yivanigasa'na nimti sidu'nakeinyi yawidinyainyira. Da' baa'na yawaatavaka?" Wi'na widina kya' Juthai wida! "Nemti yagaala beri' gitthaaziwona? Nemti kayaa'na yivanigo' dahaa' gitmi're wawinya gitthayadaanyaina yima'naadera." Sara kuda' Jozepiyai widina "Arikawinyira. Nimirre maa'gulya' kuka maa'mwakei gavei nimire nyidaayadei yima'nadera. A'mwe pwara kuvini'maangeryawinna ayahi kaanna wina yipi'dera."

18-34 Mi'na widina yakegaa' Juthai wida! "Bejaminimine nenimaangei yilaaya naanga marivanika. Kwarame kwalaalya naanga kwavilava' sagaa' neya'mwe Jozepiyai pwai mika. Sagaa' yuyagaa' nenimaangeri kale wia!. Dahaa' Bejaminimti kamaara'gitzi nenimaangei balina yadelyira. 'Bejamin kaanna wina yade,' da'gitzi nimti dava mwaala'mujt wawinya gitthaayadinyainy i'ma'ndeinyira. Bejamin kaanna muyi nyadika! Ni'maamaangeryawinna aya muyi yadi mwaalina yideinyira."

45

Jozepiyai gya'mweraavi "Jozepiyainyira," wijaa!
(45:1-28)

1-15 Juthai sara kuda' Jozepiyai kale naanga wiadaa'nyi widaayadivisara yu-yaraavi mwasawinna widasaawina. Widasaawina yaka kinna naanga maredakeri Yizipi mwaalyara wi'nyina. Kadika wi'nyina kye' Jozepiyai gya'mweraavi widina "Jozepiyainy. Ni'maamaangei nayaa kuna damwaali?" Sara widina kya' gya'mwera atika maru'na'na yeva yagaala majara navika yina. Navika yina kye' widina "Mithyan mwaalyaraavi kanyimube! kumizara Yizipina nyimakwawe!. Sarimi sara nyesaihi dahaa' kave dimwaalyi! 'Nemti kayaa'na naangeina,' maji jide'na Gotiyai 'Kumi nabalapidika!' daka sariminyina waasina nya!. Waasina nyaka 'Kwaaka Yizipi yuyaba dimaremwaasideiginyira,' nyidinikeinyira. Wapaa kungegaa' kwarame piriwaai kwavilava' kwarame dawaai dawaai da' wavilavadengi. Ni'maamaangeryawinna yarai diwila! Dara duzi! 'Ni'mwai gitminyti kinidakaavihiriji gitmi're gilyivisajt Yizipina dimakwona!' sara duzi! Wapaaya kunegaa' maremwaaina yihideinyira. 'Gami Jozepiyalyira,' mi'na yawi'mwaava. Naange' yihithiwana." Mi'na widina yaka Bejaminimti galamuji'na yaka kinna maredina yaka gya'mwe pwaraavi galamuji'na, kinna maredina ya!.

16-28 Yizipi a'mwe naangei Peroyai "Jozepiyari gya'mwera mena binna yawaal," wi'naka yilaaya yina ya!. Yilaaya yina yaka Jozepiyari wida! "Ja'mweraavi dara dutha! 'Kaariziya (kaare'bisa) dimaaryi! Kwaaka Kainanina ayahi diwila! Sabadaasi sirinimaangelyi sarimirej sangi niminyawinna dava dimakabyidengira,' dutha!" Pero sara kuda' Jozepiyai kwaabihannya baazi'ma'nya wapaaya tusavi nigwinya'ne wimaarina yaka Bejaminimine nigwia naanga baazi'ma'nya piyaakuna wimaarina. Wimaarina yaka nabaa wapaaya jilikyawarya ganimaangarine yaasina. Yaasina kya' gya'mwera Kainanina ayina wina yeva Jaikopimi Jozepiyarina wida!. Jozepiyarina kude' Jaikop balyengi'na!. Balyengi'naka wida! "Sa' neb-wina mika." Kaariziya Jozepiyai yasaabin yake wanganaka wida! "Nebulyasira. Jozepiyai kwaihwaaainakei mwaali!. Ni'mi wanganaawima! Mi'na wangana'mujt divi balideinyira," wida! Jaikop.

46

Jaikopinidaka Yizipi sabanna kaanna wijaa!
(46:1-34)

1-4 Yüzireli gannya gilyivita yuya maarina yaka anga Biyazivana yi'mavaawina yaka jılıkyaawarya Gotiyarina dikä yira'na ya!. Yira'na kya! Gotiyai wida! "Gotiyainyira. Gımaamaanga Aazakı yilaaya nyimarya!. Kwaaka Yızıpı sabanneigı lika minnera! Saba gımıreraavı kwala naangera dıragınyara wımwaanihına yideinyira. Gımtıji wawakadeinaalyıra. Nabaai gımı baladıgi Jozepıyai gımınyaba mwaaladelyıra. Wıla pıgaa! ayına bya'neihırı yıhımwaanihıdeinyıra," wida!.

5-27 Biyazivadaası Yızıpı sabanne Jaikopıji gawaalıvava garaayava sa kaanna wına ye!. Yızıpı sabanna yi'mavaaweva a'mwe daraai dalyaraavıre ata sıvılıraai yaka pware atıraai yuya mwaale!. (Yuya 70 mwaale!).

28-34 Jaikopı Jutharı widaasawına "Jozepıyaigı Kwaaka Gozani wida'naka!" Jozepıyai wıjımaa'nyına kya! galamujı'nyına yagıla kinna maredinagi. Kamaredinagi ganımaangei wida! "Gwangamweinyı dahaa' yilaaya yına, nayaa balıdeinyıra." Jozepıyai kumızangi wida! "Nımi kaanna waanyına ya'mujı Peroyarı widaına yideinyıra. 'Jılıkyaawaryajı kaimıraavızımyajı nımire sa bamwaaihava.' Sarımı dara duzi! 'Nemı jılıkyaawarya yi'dıvaidaanyainera.' Yızıpı mwaalyara jılıkyaawaryaraavına yilaaya myadıvisarera. Yi'dıvaidıvisaihi mwaaidapi Peroyai 'Gozanı kwaaka tewaanyaba dımwaaalyıla!' yıhıthathelyıra."

47

Jaikopinidaka Peroyari angyırı'maata yaa!

(47:1-12)

1-6 Jozepıyai gya'mweraavı mi'na widaaka Peroyaryawınnna kaanna wına yaka wida! "Nımaamaangelyı nya'mwerajı sara Kwaaka Gozani mwaaiha!." Jozepıyai Peroyarı widaakega! gya'mwera a'mwe daraai daraai dalyara Peroyare angevi mwaale!. Kamwaale! Peroyai widaına "Bewawınya yadıvitaihılaka?" Sara kuda' kumi wida! "Nenımaangei jılıkyaawarya kyı'dıvalı' nabaai nemı sara yi'dıvaidaanyainera. Kwaaka Kainanı nemire jılıkyaawaryaraavıne wapaaya mwarika. 'Kwaaka Gozani saba dımwaaalyıla!' kaneda'gızı saba mwalaadennera." Mi'na kude! Peroyai Jozepıyarı wida! "Gımaamaangelyı ja'mwerajı saraavı dutha! 'Kwaaka Gozani tewaanyaba dımwaaalyıla!' 'Wawınaangera pware damwaaihava!' da'gızı 'Peroyare jılıkyaawarya ji'dıvalyıla!' duthana!"

7-12 Mi'na dı nagılyagaa! Jozepıyai ganımaangerı wıjımaa'nyına yaka kaanna bına. Kaanna bına kyagi Peroyai Jaikopımi wanganaka wida! "Kwarame gara gara gwavılavaka?" Sara kuda' Jaikopı wida! "A'mwe neinyı kwarame naanga naanga (130) nyavılava!." Wi'na wida "Kwarame kwallaalya gımı tewaanna mwaaihına gyathe Gotiyai." Sara widaaka sabadaası kaanna wına ya!. Nabaai Jozepıyai kaanna wına yaka kwaaka tewaanyaba ganımaangelyı gya'mwerajı saraavıne wıjaavına yaka wapaaya kumınyıne widaavına ya!.

A'mwe yuyarajı samılıka Jozepıyarı wapaaya mubyaa!

(47:13-26)

13-26 Sagaa! Kwaaka Kainanı Kwaaka Yızıpı sabanyaai wapaaya kunegaakıra. A'mwemılıka Jozepıyarı wapaaya kamube! Jozepıyai nıgwia maaraka Peroyarına widaava!. Sana sana yına yına yakegaa! a'mwemılıka Jozepıyarı wida! "Nemı dahaa' nıgwia mwarika. Kunemılıkanera. Mıjıka naanga bala'daanyamılıkanera. Wapaaya nejaama!" Tıvi'na kude! Jozepıyai wida! "Sarımire jılıkyaawarya kanyıjaavapıji wapaaya yıhızaavıdeihılyıra." Sara kuda' a'mwemılıka jılıkyaawarya maareva widaavına kye! Jozepıyai wapaaya widaavına ya!. Wapaaya widaavına kya! kwarame pırtı kwavılava! a'mwemılıka Jozepıyaryabanna kaanna bına yeva wida! "Nıgwıajı jılıkyaawaryajı yuya mwari!. Dahaa' kunegaa! mıjıka naangegaa! nemire kwaakeje! nemıji warı!. Wapaaya nya'ne witızıla wia'ne kanejaava'gızı yuya gızavaaderı."

A'mwemilička sara kude! Jozepiyai Yizipi mwaalyaraavi wiđina "Sarimire kwaakejì sarimiđi sangihiri Peroyarine yihimubivanige nayaa jawirila! Wia'ne yihizaavanige diđurijila! Yawaka kyoji sarimi milina yapiji gilya atina mihipiji gilya gave piđi Peroyarine wiđamaarina jidesira. Sana sana witizila yuya jidengira. Gilya dawaai dawaalyangidaasi witizila nya'ne witizila wia'ne diđmaaryidengyihilyira. Sarimiresira." Sara wiđina kya' a'mwemilička yilaaya yina yeva wiđa! "Daha'a nemi mwalaadeinera. Peroyare wiđayadaanyaina yilaaya mwalaader."

Jaikop i gannya gilaaya wakadevanna wijaa!
(47:27-31)

27-31 Jaikopinidaka kwala naanga yima'nyina kye! Gozan i mwaalakei Jaikop i gilyivita naangejiyai mwaala!. Jaikop i kwarame 147 kwavilava' dara wanganake! "Ai, niđi a'mwe neinyi yarai balideinyi daaka!" Daka Jozepiyari "Yarai diđvama!" jaka wiđina yaka wiđa! "Niđi kabala'muj i Yizipi dava nanyakipika! Niđmaamaangei warikeba diđnyakideinyira." Sara kuda! Jozepiyai "Naange' gitihwana 'Ginnya dadinyaba gwakiđe'nanyira,' wiđa!"

48

Jaikop i Yipirem i na Manaazarina saraari tewaanna wijaa!
(48:1-22)

1-9 Piđaa' sagaa' a'mwemilič Jozepiyari wiđa! "Gimaamaangei nabalinakei mwaali!." Sara wiđnaka Jozepiyalyi gawaalivaangeraalyi "Nemi Jaikopim i wanganaana!" deva kaana wiđna ye!. Jozepiyari gawaali! pwai Manaazai pwai Yipiremi mwaalagi. Jaikopim i angiyiri'maata kye! Jaikop i Jozepiyari wiđa! "Anga Betel Kwaaka Kainani mannikeba Gotiyai niđinyaba wiđaabaka nyiđa! 'Gimire kaimiraaya kwala naanga gitzaavideinyira. Nabaai kuminyine gazagaasaga! Kwaaka Kainani wiđaavideinyi, sara nyiđa!. Jozepiyaig i gimirre kaimiraayaraai Yizipi saba yawakinaginyaraai niđinberraalyira. Yipiremiji Manaazalyi saraari nyimakama! Kiriminyi tewaanna wiđideinyi."

10-22 Yizireli a'mwe nei tinna jihinna wiadaa'nyi mwaalina ya!. Yizireli sara kuda! Jozepiyai Yipiremiji Manaazalyi saraari yosigalamakuna kya! Yizireli galamuji'na, yilaaya marina yaka Jozepiyari wiđa! "Jozepiyai piđaa' magwanganyadinyainyira, dena sa! Gotiyai sara kya! gimirri kaimiraayaraalyi saihiri sara yihwangamanige." Mi'na kuda! Jozepiyai gamire siraanga Manaazar i Yizirelimire angasiri wiđmwaanihina, Yipiremimi kwanaamimagi wiđmwaanihina ya!. Wiđmwaanihina kya! Yizireli asiraai wovihiralimwaga'nyina ya! kaimaleraari. Sara kya! Jozep i dara wanganake! "Ai, niđmware angasi diđiyari dathathiwagalimwagarika!" Dina yaka gamire angasi l̄mwanna yaka wiđa! "Manaazai siraangelyira. Gaminyi angasiliyi diliđmwagaka!" Kuda! Yizireli wiđa! "Aawana, kunya yawi'manigeinyira. Manaazare kaimiraaya kwala naanga yiriđadengira. Sa! Yipiremire kwala naanga naanga yiriđadengira." Nabaai Yizireli wiđa! "Gotiyai Eviraamiji Aazakiji niđiji sainaavi tewaanna sara neyakabaaib i kaimiraayaraari tewaanna sara wiđadelyira, yihithivanige. Jozepiyaig i niđi diđi maalikegaa! balidera. Sariminiđakaavihilyi Gotiyalyi sahi diđmwaalyideihilyira. Gotiyai sarimi Kwaaka Kainanina ayina makuna yihyadelyira. Kwaaka piđa Amoyaraavireba kuka maarena kwaaka saba gitzaawa. Gimiresira. Ja'mweraavire' mika."

49

Jaikop i "Nyibwaalivava sara yip i de sara wiđima!" daka wijaa!
(49:1-28)

1-28 “Nyibwaalivava kuminyine wiade'na wijiwaakima!” daka Jaikop i gawaalivavaav “Jikabila!” jaka widina ya!. Widina kya' yuyara wilina kya' Jaikop i widina

“Ruvani, nimire siraangeiginyira. Nimire a'mwevi kwala maaraginya'na kutabanyaagi yima'nyina jitheiginyira.

Simyaniji Livaalyi saraaihi sinna tika wida'daasi a'mwe yagimaayaraavi tamakagilya'na Yizirelmireraayaba piba piba mwalamarina yipi'derera kirimirera.

Juthai, ja'mwera yilaaya gimaripi'derera. Nabaai wawinya gitthaayadivisara yima'nipi'derera. Gimire yikamaangera gimininyine likaanya wipi'dera. Juthai malakayaawaryaibisai laayonnyaibisalyira. Jutharera kuna maremwaaaina yadaapi Gamirei kwaamu'nanyagaa' maremwaaidei bathelyira. A'mwe piba pibanya wa'napijgamire yagaalya' sara yipi'delyira. Yisila naanga wa'daawoj waburya'na maranadengira Juthai.

Sevulan aalibumaangevi mwaaladelyira.

Yizakaai gannya yaginya diraginyai kwaaka tewaanyaba mwaalina yadei wawinya naanga yina yadelyira.

Deni kotiyavi yawibwa'dei gamirera yagaaihwinya dathelyira. Gamizai tusav naawinaanyai mwaalikeibisalyira.

Gethiyari yikamaangera ‘Tamaana!’ dapi wilaabapiji divi likaanya wodaapi Gethiyai tamadelyira.

Azai wapaaya tewaanya wa'devanyai a'mwe naangera maremwaaidi visaraavine wapaaya sa wimaarina yadelyira.

Napitalaai namaannya kaanyive'na wodeibisalyi. Gam yagaala nayaa makabathelyi Napitalaai.

Jozepiyai yita sinakeibisalyira. Padivisara gaminyina mwata yevinna, Gotiyai mwaryaginyav gamire asawaai diraginyabwi wina yadei. Nemire Gotiyai diraginyai yuyagaa' yuyagaa' tewaanna wiadelyira.

Bejamin kavijilikei tika da'deibisalyira.” Jaikop sara widina ya!

29-33 (-)

50

Jaikop i kabalyaa! Jozepiyadaraka wakya!

(49:29-50:13)

1-13 (49:29-50:13) Jaikop i yagaaihwinya mi'na widaka widina “Dahaa' yarai balina yide. Kabala'muj Maakipela simaangevi Kwaaka Kainan i saba dinakyideinyi.” Mena widina yaka bala!. Kabala' Jozepi ganimaangeri galamuji'na yaka kinna maredina ya!. Kinna maredina yina yaka widaayadivisaraav i wida “Nimaamaangere kilaaka bwia'na marazinanya' maaraipi jivuri!” Yizipi mwaalyaraji Jaikopindakaj sawita 70 jinnadaa'nyiyagaa' kinna maredina ye!. Kinna maredina kye! Jozepiyai widaayadivisaraav i widasawina kya' Peroyari wida! “Jozepiyai gitihvan ‘Nimaamaangeri naange’ widahe “Kwaaka Kainan i gwakideinyira.” Sara widahe “Jozepiyaigi divona!” kanyida'gizi widaeinyira. Nimi baryai mi'na waka'muj ayina bina yideinyira.’ ” Sara kude! Peroyai wida! “Gimi divona!” Wi'na kuda! Jozepiyalyi gya'mweraj Yizipi mwaalya a'mwe naangeraji Kainan i na ye!. Kwaaka Aatathina yimavaawina kye' sawita atina ata puridaasi pwaraaina kujinna' kinna naanga dina ye!. Kinna naanga milna kade! Jaikopim i gawaalivava gaminyi Maakipela simaangevi wakinna ye!.

Jozepiyai gya'mweraav i nayaa wjaa!

(50:14-21)

14-21 Jozepiyalyi gya'mweraji a'mwe yuyaraji Yizipi'na ayina wina ye!. Gya'mwera Jozepiyarina lika yeva dine! "Nem i kigaasagaa! Jozepiyari kayaal'na yo. Daha'a' neminyina kayaa'na yadei dingaka? Baari! yajiw'a!?" dinya'na ye!. Dinya'na yeva Jozepiyaryawinna wina yeva wide! "Nem i kayaananyabwi gimin'yina yobwi myawiri jithe. Warana! Nem i gimirre dizav'i kadika wi'nyina gyaathei'nera. Nenimaangei mwaalakegaa! sara nejawaakakeinera." Mi'na wi'naka Jozepiyai kinna daka kavena wida! "Li'ka mipinera! 'Jozepiyari kayaal'na yaana!' kadine! Gotiyai 'Nim i a'mwe kwala naanga yivainidera mijikegaa!', daka 'Jozepiyari gya'mwera yivanigasa! sara yipide'nanyira,' da! Gotiyai. Sariminyina tewaanya maremwaalideinyira," wida!.

Jozepiyai balyaa!

(50:22-26)

22-26 Jozepiyalyi gamireji sa Yizipi saba mwaale!. Jozepiyai kwarame 110 wavilavakei gyakaangengi tinna wangana!. Tinna mi'na wanganaka gamirengi wida! "Nim i yarai balideinyira. Gotiyai sariminyi Kwaaka Kainani Gotiyai kwaaka Eviraamimine! Aazakimine! Jaikopimine! wi'jaavakebanna ayina makuna yihyadelyira. Naanga'na yagaalya! dinya'jila! 'Nem i kwaaka Kainani'na kaanyagaa! Jozepiyare yagi'na makuna yawaaj i saba wakinna yaadengira.' " Sara widaka balina ya!. Kabala! pwara "Gannya kilaake! tewaanya warana!" deva marazinanya purina yeva bikusav'i wlakina ye!.

Matiyui Matiyui Yagaala Tewaanya' Yidavakesi.

*Jizaazai Kiraazitiyari Ne Sinnawinyaraavire Yayanginesira.
(Luki 3:23-28)*

1 Jizaazai Kiraazitiyai yima'nanne'na Ne Kuvidaarava Ne Kwiyakwaravaavine yayangi. Ne Devitimire ysavaakidaa'nyi Jizaazai yima'nyina. Ne Eviraamimire ysavaakidaa'nyi Deviti yima'nyina. Yagaala da! Jizaazai Kiraazitiyareran sinnawt yima'ninikeraavnesi. **2** Eviraami Aazaki'mi ganimaangeleyi. Aazaki Jaikopimi ganimaangei. Jaikopi Juthariji gathaa'gahwaaravaavij ganimaangei. **3** Juthai Perezariji Jeraamiji ganimaangei. Perezari ganaange' avaalyagaa' kidaraari maarake' Temaa!. Perezai Ezironimi ganimaangei. Ezironi Raamimi ganimaangei. **4** Raam Aminithapimi ganimaangei. Aminithapi Naazonimi ganimaangei. Naazoni Saalmonimi ganimaangei. **5** Saalmoni Bowaazar ganimaangei. Bowaazar ganaange' Rayaa!. Bowaazai Wovetimi ganimaangei. Wovetimi ganaange' Rutiya!. Woveti Jeziyar ganimaangei. **6** Jeziyai Kingiya Devitim ganimaangei.

Deviti Solomonimi ganimaangei. Solomonimi ganaange' kwala mudimaa'nya! Yuraayari maa'nakesira. Yuraayai kabala' Deviti maaraka Solomonimi wimwaaaiha!.

7 Solomon Riyavowaamimi ganimaangei. Riyavowaam Avaazar ganimaangei. Avaazai Ezari ganimaangei. **8** Ezai Jewozapatimi ganimaangei. Jewozapat Joraamimi ganimaangei. Joraami Azaayar ganimaangei. **9** Azaayai Jotaamimi ganimaangei. Jotaami Ayaazar ganimaangei. Ayaazai Ezikaayari ganimaangei. **10** Ezikaayai Manaazar ganimaangei. Manaazai Emozari ganimaangei. Emozai Jozaayar ganimaangei. **11** Jozaayai Jekonaayariji gahwaaravaaviji ganimaangei. Sagaa' Baviloni mwaalyara Yizireliyaraavi tamakeva makwaweva Anga Baviloni menyawiinna wimwaaie!

12 Anga Baviloni kalavuziwawinya yadaapi Jekonaayai Siyalitiyalimi ganimaangelyi. Siyalitiyal Seravaavelimi ganimaangei. **13** Seravaaveli Avaayatimi ganimaangei. Avaayati Elaayakimimi ganimaangei. Elaayakimi Ezori ganimaangei. **14** Ezoi Sethokimi ganimaangei. Sethok Ekimi'mi ganimaangei. Ekimi Elaayatimi ganimaangei. **15** Elaayati Eluyaazar ganimaangei. Eluyaazai Mataanimi ganimaangei. Mataan Jaikopimi ganimaangei. **16** Jaikopi Jozepiyari ganimaangei. Jozepiyai Maariyaaav kwalaangai yima'na!. Maariyaa! Jizaazar maarakelyi. Jizaazai sahwai Kiraazitiyai wo'nikelyi. Gotiyai dahilakakelyi.

17 Sarevidaan'nyi aayawi Ne Eviraami mwalyaakegaa'daasi saaminaangegaa! Ne Deviti yima'nyina. Eviraamimidaa'nyi mijiyima'nigaveva sivilyridaa'nyi daraai daraalyara (14) yima'nyaasare. Nabaai aayawi Deviti mwalyaakegaa'daasi saaminaangegaa! Anga Baviloni kalavuziwawinya yaasagaa' yima'nyina. Yi Devitimidaa'nyi mijiyima'nigaveva sivilyridaa'nyi daraai daraalyara yima'nyaasare. Nabaai Baviloni kalavuziwawinya yaasagaa'daasi mijiyima'nigaveva sivilyridaa'nyi daraai daraalyai yima'na! Kiraazitiyai.

*Jizaazai Kiraazitiyari maarake'nesi.
(Luki 2:1-7)*

18 Jizaazai Kiraazitiyai yima'nakegaa' dara yima'ninkesi. Jizaazar ganaange! Maariyaa' sidiraaya' yima'naka Jozepiyarin dahilakin yesa! Jozepiyai kwala mamaaryadi'nyi Gotiyare Kuryai Maariyaaavire munyiki mihakina kya! dara wan-ganake! "O, Maariyaa! kaimiraavimunnake! daaka!" **19** Kwalaangei Jozepiyai a'mwe

ȳida'nanyai "Waḡila w̄ijaav̄ima!" majai. Sarei "Kave makwasak̄ina ȳima!"
 20 yaw̄i'daa'nyi, ȳithaanyi, wajav̄i Naangere mamaayai ejeliyai ȳima'naab̄ina.
 Sara ȳima'naab̄ina yaka w̄id̄ina "Jozep̄iyaiḡi, Devit̄im̄re gawaali'ḡi Maar̄iyaav̄i
 maarya'nev̄ina yaw̄ita kwalaalya minnra! Sare' dare'nes̄i. Kaim̄raav̄imunya
 sa' Kurya Tewaanyai w̄ijaavakes̄ra. 21 Kaimalei maaradelyi. Kamaaroji gannya
 yaya' 'Jizaazala,' duthathelyi. Sare' dare'nes̄i. Gam̄reraav̄i kum̄ire kayaa'nanya
 j̄ipalasi'noj̄i padaihasamaarade'na 'Jizaazala (Padaihasamaa'dela),' duthathelȳra,"
 mamaayai w̄ida!.

22 K̄igaakuna Naangei p̄ropet̄iyari (Got̄iyari w̄inawij̄waakaderi) kuja! sai
 pikarya ȳidayaa!. Got̄iyai "Sare' yunebanna ȳima'nana!" kada' Maar̄iyaai'
 kaim̄raav̄imunnake' ȳima'na!. P̄ropet̄iyare yagaalya dara d̄ini'

23 "Ȳithaanyi, s̄id̄raaya' a'mwelyi mye'mwannarya'
 Kaim̄raav̄imunya wannȳna yoj̄i
 Kaimalei maar̄na yadelyi.

Gannya yaya' 'Ȳimanyi'wel̄ma,' w̄id̄ipi'dei."

Yayavi aaya kaav̄ilya' dares̄i. Got̄iyai nemij̄i ye'mwannemwaaihonoya!.

24 Jozep̄iyai waja ya'naka d̄ikaa'na yaka Naangere mamaayai w̄idakabaabi' sara
 ya!. Maar̄iyaav̄i maar̄na ya!. 25 Sare' kiri' mye'mwannarya' yune kaim̄raayai
 maarakegaa'na. Maar̄iyaai' kamaara' gam̄ire yaya' "Jizaazala," w̄id̄ina ya!.

2

Sil̄ingaam̄inyanḡina Sidu'nakera Jizaazar̄i bwanganesa'nesi.

1 Kinḡiyai Erot̄iyai Kwaaka Juth̄iya maremwaaidi'nyi Kwaaka Juth̄iya Anga
 Bet̄ilemi Jizaazar̄i maarakegaa', ȳithaanyi, a'mwe sil̄ingaam̄inyanḡine sidu'nakera
 nȳlariyara Anga Naanga Jeruzaalem̄na bȳ'ma'na ye!. Bȳ'ma'na yeva a'mweraav̄i
 w̄id̄ina 2 "Bwaranyai Juyaraav̄i maremwaalya'nei ȳima'nakei gaw̄i mwaalika?
 Sare' dare'nes̄i. A'mwe' kamaara' nȳlyai bȳilȳri'deva gam̄ire sil̄ingaam̄inyari'
 kȳima'naaba' t̄inna wanganona d̄inȳna 'Gam̄inyi lotuya'na ȳilaaya yaana!' D̄inȳna
 yona b̄iwona," w̄id̄ina ye!.

3 Yagaala sa' Kinḡiya Erot̄iyai kad̄ka w̄i'naka j̄ikurya kya' nabaai Jeruzaalem̄i
 mwaalyara yuyara yaw̄ita kwalaalya ye!. 4 Erot̄iyai j̄ikurya yaka Got̄iyarinā
 mub̄ith̄ika ȳira'd̄iv̄ita naangeraav̄iji Ȳiz̄ireliyaraav̄ire K̄iw̄ijaraav̄iji j̄i'bware!. Sah-
 waraav̄i ȳdaangana! "K̄iraazit̄iyari Got̄iyai dahilakyaaker̄na yemwaaiman̄igo. Sah-
 wai aaih̄iba ȳima'adelaka?" 5 Sara kȳdaangana' w̄ide! "Kwaaka Juth̄iya Anga
 Bet̄ilemi sah̄iba ȳima'nadelyi. Sare' dare'nes̄i. Got̄iyari w̄inawij̄wakyaakei
 p̄ropet̄iyai dara yav̄ikarya!

6 'Bet̄ilemi angebaḡi Jutharaav̄ire kwaakev̄i sabagi
 Maal̄ikebaḡi kiri' anga p̄ibanyaav̄i naangebaḡinyi.
 Gim̄inyidaa'nyi A'mwe Naangei ȳima'nadelyi.

Sai n̄im̄re Ȳiz̄ireliyaraav̄i maremwaaladelyi.

Sare'na anga p̄ibanyaav̄i dav̄ila'devaḡinyi.' "

Sara w̄ide! Got̄iyare bukuya kunnakera.

7 D̄ividaa'nyi Erot̄iyai sil̄ingaam̄inyanḡi sidu'nakeraav̄i kave w̄ij̄vwaramaa'na.
 Mi'na w̄ij̄vwaramaa'na yaka nayaa ȳdaanganna "Sil̄ingaam̄inya sa' behaa'
 ȳima'naka?" Ȳdaanganna kya' sare' w̄ide!. 8 W̄idesagaa' Erot̄iyai Bet̄ileminā
 w̄idaas̄na ya!. Nabaai w̄ida! "D̄wila! Kaimaler̄na d̄iv̄raawila! T̄iv̄ b̄ramaarap̄iji
 d̄inȳjideih̄lȳra. Kanyidap̄iji ȳilaaya ȳde'na w̄ideinyi." Kwaasi sara w̄ida!.

9 Kinḡiyari kad̄ka w̄i'neva Bet̄ileminā w̄ina. Wodiv̄i' ȳithaanyi, sil̄ingaam̄inyari'
 nȳlarimaḡi t̄inna wanganesari' aȳna t̄inna wanganna yeva sil̄ingaam̄inyari'
 mi'dinna ye!. Sil̄ingaam̄inyari' s̄innaw̄i woda angev̄i kaimalei mwaaidi'nyi yaba

livamuda'na ya'. ¹⁰ Livamuda'na yadi'nyi sare' yilaaya wana naanga yina ye'. ¹¹ Yilaaya naanga yina yeva angevi wilina yeva kaimalelyi Maariyaa' ganaangesi sanaari tinna wanganna. Tinna wanganna yeva kwadaai gilina yeva kaimaleri lotuya'na yilaaya ye'. Yilaaya yevegaa' kumire bukusangi baasi'na yeva yanga wijaavina ye'. Nigwia goliyasi wabatirinya winya'nesi marazinanya diraginya' mesi yanga wijaavina ye'. ¹² Wijaavina yeva piba se wa'mwa'na yesara waja ya'nyina yadaapi Gotiyai wida! "Erotiyaryawinna nupidika!" Mi'na kuda' dika'a'na yeva tutapirivi wina ye' kunnya angebannera.

Jozepiyalyi gannya a'mwesi kaimalelyi Yizipina wawesa'nesi.

¹³ Wina yesagaa', yithaanyi, wajavi Naangere mamaaya pwai Jozepiyari wida! "Dika'a'na ja! Kaimalelyi ganaangesi Yizipi'na likaanya dimakwona! Saba dimwaaideiginyi. Ni'mi kagitha'mujiyagaa'na. Sare' dare'nesi. Erotiyai kaimiraayari'na 'Tami'ma!' dozi biraabathelyi. Yarai dimakwona!" ¹⁴ Sara kuda' Jozepiyai dika'a'na yaka sawisagaa' Yizipi' sabanna kaimalelyi ganaangesi sawaari makuna ya'. ¹⁵ Makuna yaka Erotiyai kuna mwaalakegaa' Yizipi' saba mwaala'. Erotiyai mena balakegaa'na Jozepiyai ayina bin'a ya'. "Kigaakuna Naangeinyi nyu'nawijawaakadei yagaala jaake' yunebanna yima'nana!" kada' ayina bin'a ya'. Yagaala dara din'i "Nyibwaalivaangeri jika kude Yizipidaa'nyai ba!" Sara dinike' yunebanna yima'na!.

Kaimaleraavi tamakya'na Erotyai widake'nesi.

¹⁶ Sidu'nakera kwawee' dividaa'nyi Erotyai dara wanganake! "Ai! Sidu'nakera kwaasi nyidiziwaimwaasainyi daaka! Ayahi mabanyijiwaava!" Sara daka similikwibwa'nyai yawi'na "Kingiya gave kwainyi mwaali deinyira. Kaimaleri tamaki'na!" Yawi'na yaka nabaai simunya yawi'na "Ni'minyi Sidu'nakera silingaaminyari' gaai bilyiri'na yakegaa'na nyijawalyaadaasa!". Sara yawi'na yaka gannya malyaraavi widaasina "Betilemi' sabanna avaalyabanna diwila! Saba kaimalera kwarame piriwaaina yima'ninikeraaviji' dahaasa maalikeraaviji' yuya' diramabwakirila!" Erotyai sara kudaasa' malyara sara ye!. ¹⁷ Sara yesavina Jeremaayai Gotiyari wida'nyiwaakadei yidayaake' yunebanna yima'na!. Dara din'i ¹⁸ "Raama saba kinna wi'nini'kesi.

Kinna divanigava. Kinna baziwivanigava.

Rasala' gawaalivavaavii kinna maredivanika.

Kumi' mamwaalyigasa'na gami' dara divaniko

'Kale naanga nyadaa'nyi gaimwange'nemili'kaavii mwit'niwina'ra!' "

Jozepiyalyi gamire a'mwesi kaimiraayalyi ayina besa'nesi.

¹⁹ Dividaa'nyi Erotyai kabala', yithaanyi, Kwaaka Yizipi' wajavi Naangere mamaaya Jozepiyari wida! ²⁰ "Dikaava'gizi kaimiraayalyi ganaangesi sawaari Kwaaka Yizirelinna dimakwona! Sare' dare'nesi. 'Kaimiraayari tamakaana!' desara mi'na bale!." ²¹ Sara kuda' Jozepiyai se waraka mwanyavi dika'a'na yaka Kwaaka Yizirelinna kaimalelyi ganaangesi sawaari makabi'na ya'.

²² Kaanna kaanna makabi'na yaka dara wi'nake! "O, Erotyarineba gawaali' Aakalayaazai Kwaaka Juthiya maremwaaidi jima'niwa'dika!" Sara daka yawi'na "Aakalayaazai Erotyaabisalyi," yawi'na yaka Jozepiyai lika yaka "Sawinna nuwidika!" din'a ya!. Mi'na din'a yaka sawisavi waja ya'nake'na piwinna Kwaaka Galilinei kaanna wina ya!. ²³ Kaanna wina yaka Anga Naazareti saba mwalaawa!. Sarevidaa'nyi Gotiyari wida'nyiwaakadivisara yidayaasa' Jizaazarina yunebanna yima'na!. Yagaala sa' dara din'i "Pwara 'Naazareti mwaalyala! Kayaa'nanyaraavidaa'nyala,' dipi'delyi." Sara dinikesi.

3

Jon̄i Bav̄itaaziya Yadei w̄ij̄iwaakake'nesi.

(Maaki 1:2-8; Luk̄i 3:1-18; Jon̄i 1:19-28)

¹ Saba Jizaazai kuna mwaalakegaa! ȳir̄ka sanḡi Jon̄i aalyav̄i bav̄itaaziya ya'nei Kwaaka Juth̄iya waw̄imaayaba bȳ'ma'na, w̄ij̄iwaak̄ina ² "Mud̄ikebwi jaw̄ramaaka! Sare' dare'nesi. Got̄yai Sigunyav̄i mwaalīkei nemaremwaalade' aya k̄igaa' ȳma'n̄iwaake'nanyi." ³ Sare' dare'nesi. Sarer̄na Got̄yari w̄i'naw̄ij̄iwaakyai Aazaayai dara d̄in̄i"

"Waw̄imaayaba pwai maanguraaya' jaka ȳiman̄i!"

'Naangei bather̄ne tusa' javada'galyilo!

Gam̄re tusanḡi ȳda'na jamakwilo!' "

Jon̄im̄ina sara d̄in̄ikesi.

⁴ Kaamel̄iar̄ilya tin̄ke' baazi'ma'naka munnaanya' ȳilakelyi. Gam̄re wapaaya baar̄innaj̄i aakaraav̄ire kwarakej̄i sa nakelyi. ⁵ Sagaa' Anga Jeruzaalem̄i mwaal-yaraj̄i Kwaaka Juth̄iya anga yuyaba mwaalyaraj̄i Aalya Jothan̄i pih̄ri pih̄ri anga yuyaba mwaalyaraj̄i Jon̄im̄yw̄inna bad̄iv̄i kad̄ika bu'nei. ⁶ Kad̄ika bu'neva kunnya kayaa'nanya yad̄iv̄isa kajal̄ikurake' Aalya Jothan̄iyav̄i bav̄itaaziya ya'.

⁷ Per̄iz̄iyara kwala naange' Sazuz̄iyara kwala naange' yawi'na "Aalyav̄i bav̄itaaziya neyana!" yawi'na yeva sara besaraav̄i Jon̄i t̄inna wanganaka maanga wi'da! "Sar̄imi naaw̄inaanyaraav̄ire kaim̄iraayaih̄ili. Got̄yai sabwine sa' kayaaka ȳihyadeih̄ili. 'S̄inna t̄ikebwi ȳma'naabathe'na līkaanya d̄iwila!' aai ȳih̄ith̄iwaka! ⁸ Sarev̄idaa'nyi sar̄imi 'Mud̄ikebwi yaw̄iramaraana!' dap̄ij̄iyanna tewaanya j̄ila! Sara yapijī simunya mud̄ikebuliyaihi ȳis̄ila nawi'nyabita nayaasara jideih̄ili. ⁹ Sar̄im̄ire simunyanḡi dara myawi'pi'na! 'Ev̄raam̄imi gyakwalaangeina mwaaiho'na Got̄yai taanga sa mu-jaayi neyade'nanyi.' Sare' mi'ka! Ȳih̄ith̄ima! Got̄yari a'mweraav̄ina w̄igainaj̄i kwaj̄i 'S̄ila da Ev̄raam̄im̄idaa'nya kaim̄iraayara ȳma'n̄ip̄ka!' dazi kwaj̄i sa kȳima'nadi'ka! Sare' ȳin̄iga wi'na yannelyira. ¹⁰ Ȳisa dawaasa'ne saaj̄inge' ȳisanḡi kaav̄iyav̄i mi'na war̄ikabaaib̄i Got̄yai sar̄im̄inyi ȳihyaw̄ibwary'a'nei yemwaalīka! Sarev̄idaa'nyi ȳita yuya s̄ila nawi'nyia myi'nyade dawaasina yoj̄i d̄ikev̄i maras̄i'na yadenḡi.

¹¹ Pwara yaw̄iranganna 'Sahwara mud̄ikebwi j̄ivan̄igava!' ȳihyaw̄ip̄i'de'na aalyav̄i bav̄itaaziya ȳihyide'nanyi. Sareinyi d̄ividaa'nyi nyim̄idin̄ikei nyav̄ilav̄ikelyi. D̄iraḡinaangelyi. Gam̄nyina n̄im̄i tewaanyainyina mi'. Wi'daayadei gam̄re maremwaaidere kwaab̄iz̄i v̄ilyawaai makwode k̄iri' sara ȳide'na ȳin̄iga wi'na nawi'nyainy i mi'ka! Sahwai nawi'nyia naangelyi. Naangei Kurya Tewaanyari pwaih̄ir̄na bav̄itaaziya ȳihyadelyira. Nabaai pwaih̄ir̄na d̄ikev̄i bav̄itaaziya ȳihyadelyira. ¹² Sahwai saavol̄iya par̄inake' gannya asiri l̄imwada wit̄iya ȳilamarasi'na ȳilamarasi'na kyoji wit̄iz̄ila bwala'na kyoji yaḡinya k̄ilaaka kur̄ivaariya ȳhuta bamakuna kyoji sai wit̄iz̄ila wit̄iz̄ilangevi marak̄ina yoj̄i di'ka mȳigaaya'nevi yaḡinya k̄ilaaka kur̄ivaariya marayira'na yadenḡi."

Aalyav̄i Jon̄i Jizaazar̄i bav̄itaaziya yake'nesi.

(Maaki 1:9-11; Luk̄i 3:21-22)

¹³ Jon̄i aalyav̄i bav̄itaaziya ya'nei Jizaazai Gal̄ilidaa'nyai Aalya Jothan̄iyaw̄inna bi'na ya'. ¹⁴ Sarer̄ Jon̄i wi'dina "Aawa, tewaanyaiḡi aalyav̄i bav̄itaaziya ȳinneiḡinyi. Ni'm̄inyaw̄inna gara bi'waa?" ¹⁵ Wi'dina kya' Jizaazai ma'maa'na "Sabwi aawa. Ḡith̄iw̄ija! d̄in̄yo! Sare' dare'nesi. Got̄yai yawi'na 'Sara ȳikajavwi ȳda'maraangesi.' Sare'na sara yaka! Ke'ba'nanyainy i." Sara kuda' Jizaazar̄i bav̄itaaziya ya'.

¹⁶ Bav̄itaaziya yakegaa' aalyav̄idaa'nyi ȳime'nyi'b̄i Jizaazai bȳlaaw̄ina kya', ȳthaanyi, Sigunyai mujaanḡina kya' Got̄yare Kuryai kwaam̄ryaib̄sar̄ t̄inna wanganna. T̄inna wanganna yadaa'nyi Kuryai Jizaazar̄i bwalamwaaina ya'.

¹⁷ Bwalamwaaina kya!, yithaanyi, Sigunyavidaa'nyi maanguraaya! wida! “Sai nimire Nyibwaalivaangelyi. Sarina tewaanna nyivu'nadelyi. Nimire kurya tewaanya wikadinyalyi.”

4

Saataani Jizaazar i yijiwaalya na widake'nesi.
(Maaki 1:12-13; Luki 4:1-13)

¹ Sagaa! Kotiya Maryadei Jizaazar i yaamijiita ya'neri a'mwamaayaba Kuryai yibwaridaakuna. ² Yibwaridaakuna kya! sawita a'mweraare sivilatiraalya wavila'daa'nyi wapaaya manya!. Wapaaya manyakei mijika wia!. ³ Mijika wiadaa'nyi Kayaa'nanyaburi Walapapalakadei gaminyawinna bina yaka wida! “Gotiyare Gawaalivaangeinyi daakaj, silla sangi kuda'gizi biretiya kyima'noji dina!” ⁴ Sara kuda! ma'maa'na ya! “Dara din! ‘Biretiya gave naja! kuryari diraginya wijaaya'ne'na mi!. Aawa. Yagaala gazasa! Gotiyare maangevi wida! kuryari diraginya wijaaya'nesi.”

⁵ Sagaa! anga tewaanyabanna (Jeruzaalemna) Kotiya Maryadei yibwarimakuna yaka Gotiyare Angevi munyaba yilamaridaakuna yaka ⁶ wida! “Gotiyare Gawaalivaangeinyi daakaj, kwaakewinna dithikwosika! Sare! dare'nesi. Dara din!

‘Giminyina Gotiyai mamaayaraav kudozi
Silyavi gimirre sivila mala nyamaa'dika!

Sare'na asaji nayaa maragilimwabika!’

Sara dinike'na kwaakewinna dithikwosika!” ⁷ Sara kuda! Jizaazai yawraka “Saataani Gotiyare bukuya! kayaa'na marayiwaka,” wida! “Yagaala piri! dara din! ‘Naangei gimirre Gotiyari yaamiji minna! Yune gimirre yawisa! yijaig! dara myawi'dinna! “Gotiyai yaasiwa'na nyigaimwagatheinyira.” Sara myawi'dinna!”

⁸ Nabaai Kotiya Maryadei ayina yibwarimakuna yaka mugunyavi ke'mwewinna yilamaridakwaawina yaka Kwaaka davaki yuyaba maremwaaidvita yuyaj kumire byaannyaj yibwaridaakwa!. ⁹ Yibwaridaakuna yaka wida! “Yuya nawi'nya sa tinna wangamanigeng gizaavideinyi. Kwadaai gila'gi lotuya'na yilaaya nymaryijaig! gizaavideinyi.” ¹⁰ Sara kuda! Jizaazai wida! “Saataani, diwo! Sare! dare'nesi. Dara din!

‘Naangei gimirre Gotiyari yilaaya dimarya!

Yisaraaviji sillaangeraaviji yilaaya minna!

Gotiyai gaveri yilaaya ja!

Sara dinike'na Saataani diwo!” ¹¹ Sara widaegaa! Kotiya Maryadei yagalya'ma'na kya!, yithaanyi, Gotiyare mamaayara walaabina yeva widaayina ye!.

Kwaaka Galili Jizaazai yamaata yake'nesi.
(Maaki 1:14,15; Luki 4:14,15)

¹² Jizaazai wi'nyina “Kalavuzangevi Jonimi wila yirakesalyi.” Sara wi'nyina yaka Kwaaka Galilina wina. ¹³ Kwaaka Galilina wina yaka Anga Naazaret yagalya'mavaka Anga Kaapaniyamina bamwaaina. Kaapaniyami saba aalibumaangevi manni'kebe. Yizireliya yisavakaai Sevyulanimiyara Napitalaariyara yisavakaare kwaakevi Anga Kaapaniyami manni'kebe. ¹⁴ Gotiyai “Kigaa! Aazaayai nyu'nawijwaakadei wijaake! yunebanna yima'nana!” kada! saba mwaalina ya!. Dara din!

¹⁵ “Sevyulanimiyaraavrebaj, Napitalaariyaraavrebaj,

Aalibumaangina Aalya Jothaniyavi pihiri

Kwaaka Galili Gotiyari mu'nyara Anga pimagi,

¹⁶ Saba mwaalyara jihinyavi mwaaidvisara

Baaka naangei mena wanganesare.

Balya'nebanne a'mabaalyav̄i kayaa'na mwaaidiv̄isaraav̄ine
Yir̄ka naange' mena w̄ivurakere."

Jizaazai mwaalakebwaj̄i w̄ij̄iwaakakebwaj̄i sara d̄in̄kesi.

¹⁷ Sagaa' Jizaazai mwaalaka yagaalya' gaai w̄ij̄iwaakina. W̄ij̄iwaakina yada w̄ida'
"Kayaa'nanyabwi wasi'na'gizi mudikewbi jaw̄ramaaka! Sare' dare'nesi. Sigunyav̄i
mwaalikei nemaremwaaladehaa' aya kigaa' ȳma'n̄wake'nanyira."

*Jizaazai a'mwe daraai daraalyara m̄id̄inya'ne'na jaka w̄idake'nesi.
(Maaki 1:16-20; Luk̄ 5:1-11)*

¹⁸ Galili Aalibumaangevi sahwai kaanya woda Saaimont̄, Pitai wo'n̄ikelyi
gamire gahwaalaangei Ediruyalyi sadaraari t̄inna wanganna. Sadaraai jaw̄inya
maa'disaraai aalibunyav̄i jaw̄igilya' wasi'di' t̄inna wanganna. Wasi'nagile'
dare'nesi. Jaw̄inya mwagi'nagilyaraalyi. ¹⁹ T̄inna wanganna yaka w̄ida'
"Saraaihi d̄nyim̄id̄inaabyi! Jaw̄inya maa'ditabaaibi' Got̄yarine a'mweraav̄i
maarya'neraaihir̄i ȳh̄iz̄iwaakideinyi." ²⁰ Sara kuda' ȳime'nya'b̄i' sadaraai jaw̄igilya'
yagalya'ma'na yagila midinna yagi.

²¹ Kaanya sangyineba w̄ina yaka Sevathiyare gawaali' kwaraai Jemizalyi gamire
gahwaalaangei Jonij̄i kidaraari t̄inna wanganna. Sadaraalyi kirinimaanga Se-
vathiyalyi sipi'yav̄i ȳlamwaaina yeva jaw̄igilya b̄i'nyina yadaapiji t̄inna wanganna.
T̄inna wanganna yaka sadaraari jaka w̄idina. ²² Jaka w̄idina kya' ȳime'nya'b̄i'
sipi'yas̄i kirinimaangelyi yagalya'ma'na yagila midinna yagi.

*Jizaazai Got̄iyare yagaala w̄ij̄iwaakada nalaavinakeraavi tewaanya yake'nesi.
(Luk̄ 6:17-19)*

²³ Kwaaka Galili yuyaba kaanya yamaryada kumire lotuangengi w̄ij̄iwirina.
Yagaala tewaanya' Got̄iyai nemaremwaalya'ne' w̄ij̄iwaakina. Sarei a'mweraav̄i
nabalya ge gej̄iyaraavij̄i yir̄ka mwaaidiv̄isaraavij̄i tewaanya yavada'gaina
ya!. ²⁴ Sara tewaanya yakerina Kwaaka Naanga Siriya yunebanna diwina ye!.
Mi'na diwina yesa'na nabalinakeraavij̄i nalaaya ge gej̄iyaraavij̄i daanga naanga
w̄ivid̄eraavij̄i yimaka widiv̄isaraav̄i b̄i'b̄ita yadiv̄i' wala'daawadiv̄isaraavij̄i
yagi'nya bainikeraavij̄i makabina ye!. Makabina kye' tewaanya yavada'gala'.

²⁵ Tewaanya kyavada'gala' Galilidaa'nyaraji Anga Atiraalyabadaa'nyaraji
Anga Jeruzaalemidaa'nyaraji Kwaaka Juthiyadaa'nyaraji Aalya Jothaniyav̄i
pihiridaa'nyaraji yikabina yeva kwala bwa'naanya naanga midinna ye!.

5

Mugunyav̄i Jizaazai w̄ij̄iwaakake'nesi.

¹ A'mwe kwala naange yikabina yadaapiji Jizaazai t̄inna wanganna yaka mugun-
yav̄i yilaawi'na yaka saba walamaaaina kya' gamire mididiv̄isara gaminyawinna
bina ye!. ² Bi'na kye' gaai dara w̄ij̄iwaakina ya!.

Jizaazai w̄idina yake' a'mwera yilaaya yipine'nesi.

(Luk̄ 6:20-23)

³ "Yilaaya yadiv̄i' tewaanaanga yinikera Got̄iyari'na dara yawi'div̄isara 'Nemi
maalikemilikane. Nemire kuryara diraginyara mi!.' Sareraav̄i Sigunyav̄i mwaalikei
maremwaalade'nanyi'.

⁴ Yilaaya yadiv̄i' tewaanaanga yinikera kale wiadaa'nyi' kayaa'nanyanna kinna
dadiv̄isara. Got̄iyai kumire simunyangi diraginna yivaimwagade'nanyi'.

⁵ Yilaaya yadiv̄i' tewaanaanga yinikera kwaamu'nanyara simili'ka yarai mwilyi
yadera Got̄iyai yawi'na 'Sahwaraav̄i tewaanya yuya Kwaaka yuya w̄ijaavideinyi',
yawi'na yakei w̄ijaavade'nanyi'.

⁶ Yilaaya yadivi' tewaanaanga yinikera, a'mwera wapaayaji aalyasi mijika wiade-vaabi' a'mwera 'Gotiyai neminyina "Yida'maraangeihi nimireihilyi," yawirana!' yawi'manigasara. Munya widevaabi' Gotiyai gamirebwi wijaavade'nanyi.

⁷ Yilaaya yadivi' tewaanaanga yinikera a'mwe pwaraavina kale wigaimwadivitara. Pwara tewaanna yadivisaraavinaji kayaalna yadivisaraavinaji kale wigaimwadivisara. Sareraavina Gotiyai kale wigaimwagathei tewaanya wiade'nanyi.

⁸ Yilaaya yadivi' tewaanaanga yinikera, Gotiyarinna simunya piri'nanyara bividivisara. Sarera Gotiyaribrimaaapi'de'nanyi.

⁹ Yilaaya yadivi' tewaanaanga yinikera, Gotiyarinna yuya maimaanga sabwi yigapalakadivisara. Gotiyai sahwaraavi 'Nimire nyibwaalivaangeiginya,' widathei'nanyi.

¹⁰ Yilaaya yadivi' tewaanaanga yinikera, tewaanya yida'maraangebwi midibizara dazahirivi taanginya' maapinera. Sareraavi Sigunyavi mwaalikei maremwaalade'nanyi.

¹¹ Yilaaya yadivi' tewaanaanga yihinkeihi, nabaai giminyyi pwara tinna gwangadivit' niminyi nyimididinya'na birlala gitthadivi' githamijamaryadivi' yagaala kayaananya dala pininna pininnanya kwaasi gitthipi'deigi. ¹² Sare'na Sigunyavi yanga naange' girivikisa' giminyyina gyemwaalike'na yilaaya ja! Sare'na gimi munyi' nayaa gaimakunna maremwaala'gi yilaaya naanga ja! Sare' dare'nesi. Sinnawi Gotiyari wtnawijawaakadivisara gal'mijamakwawevera Sigunyavi yange' tivikita nawi'nya' maryatabaabai gimi tivikita naange' dimaa'deiginya. Sare'na yilaaya naanga ja!

Saainakera Di'baa'nakeraavinesi. (Maak 9:50; Luk 14:34,35)

¹³ Gim Kwaakevakiyaraavire saalyaiginya. Saala wapaayangi waburya wiadevaabi' a'mwe davakiyara giminyyi tinna gwanganapiji tewaanyabwi yawipi'neiginya. Sare' kiri' saala waryaanya yima'naja' waburya ayina gara yima'nadevaka! Saala sasare' wapaayangi'na waburya mi yannesi. Saala sasare' yinahu marasi'na yadivi' kumire sivlyasi' pahi'divisasi.

¹⁴ Gim Kwaakevakiyaraavine di'baakeiginya. Mugunyavi anga piri' yilamannike' lika yulyaranne' mi'. Aawa. Wannadesi. ¹⁵ A'mwera laamivananyari dik'e yewita'divi' maa'gulyavi amwi wilakadivi' mi'. Aawa. Yibinyavi a'badaa'nyi munyaba yilakadivikti. Sare' a'mwe angevi mwaaidapiyaraavi wanyiwanya wiadesi.

¹⁶ Sarevi di'baakeig a'mwera tinna nayaa wangabi'de'na tewaanyabwina nayaa ja! Tewaanya yuyabwi yadaa'gizi' tinna gwanganapiji Gimamaanga Sigunyavi mwaalikei'na yawirapiji yilaaya yina yadivi' gaminyi yaya' munyaba makibi'delyi.

Gotiyare Kiwinya'na dinike'nesi.

¹⁷ Piropetiyara Gotiyari wtnawijawaakadivisaraavire yagaalyaji Ne Mozizare Kiwinyas marasi'nadei dingaka? Nimirinyina simunya sara nyawi'dika! Nimi marasita'neinyi biweinyi mika! Aawa. 'Nimi yagaala sanne yunebanna yima'nya'neinyi biweinyi.' ¹⁸ Sare' dare'nesi. Nebulya'na yihithivanige. Sigunyasi Kwaakesi aaya yima'nadehaa'na pikarya maalika aane pimili' kimili' myagalya'mayi yadesi. Nabaai Kiwinyavire maalika aane pimili' kimili' yiwawode' mi'. Arikewi. Yagaala sangi kaavilya' tivi'na yima'nadehaa'na sa mi'nanya yiwawadengira.

¹⁹ Sarevi daalnyi Kiwinyavire yagaala maalika sa' a'mwe pwai marasi'naja' a'mwe pwara kwaraavi wijiwaakadelyi 'Sasara minnera!' A'mwe sareri Sigunyavi mwaalikei maremwaalade kwai a'mwemili' mwaalademili'ki. A'mwei Kiwinya' midinajai a'mwe pwara kwaraavi wijiwaakajai midinya'na, sahwai a'mwe naangei

mwaaladelyi Sigunyavi mwaalikei maremwaaladevi. ²⁰ Sare' dare'nesi. Yagaala da gitihvanige. Kiwinya wijiwaakadivisaraavirebulyi Periziyaraavirebulyi sabwi gimirre yida'maraangebwii mwavilayi yijaigi Sigunyavi mwaalikei maremwaaiidevi dulaadeigti mi!. Arikewi.

Sinna tika wida'devurinesi.
(Luki 12:57-59)

²¹ Gimti kadika mena wi'nagi yagaala datha! Ne sinnawinyara maaresavi. A'mweri maramakinna! A'mwe pwai a'mwe pwar tamakaja'na sai kotiya wimaryipi'delyi. ²² Nebulya'na dinike' nimti sainyi gitihvanige. A'mwe gazaizai gya'mwerina sinnatika widavajai, nabaai sahwari kotiya' wimaryipi'delyi. Nabaai, a'mwe pwai gya'mweri birala widazai kotiya naange' wimaryipi'delyi. Nabaai, a'mwe pwai 'Gimi yimaka aa'naa'neiginyi,' widazai Dika Naangevi naawadelyi. ²³ Sarevidaa'nyi pigaa' gimi 'Gotiyari wijaavima nimire kayaa'nanya marasi'nya'ne!' da'gizi sare' wijaaya'neba makaba'gizi dara jawi'de' 'O, nya'mwerina yagaalya kininnakeinyi dahayinigena!' ²⁴ Sara da'gizi Gotiyari wijaaya'neba gimirre yoviravamakabiza' waka'gizi ja'mweryawinna ji'mavaawa! Ja'mwelyi yagaalya' mena yavada'gala'gizi sagaa' gimirre yovira'diza' Gotiyari duzaadesi.

²⁵ Pwai giminyna 'Kotiya marima!' kadozi yarai yavada'gainyina jideraihilyi. 'Sahwai yawibwa'deryaba nanyimarakanadika! Nabaai, yawibwa'dei nyimaaroji pilizimaanyaraavi nanyimari'mwangadika! Pilizimaanyara kalavuzangevi nanyimwaanihipidika!' jawika! ²⁶ Nebulya'na gitihvanige. Gotiyarine sareig'i kayaa'na yaginebwina yuya mamubya'gizi'yagaa'na kalavuzavi jahalya'ma'deig'i mika!

Ata limwangebwinesi.

²⁷ Sinnawi dinike' kadika mena dara wi'nivanigi. A'mwe pwarevi ata malimwadinnera! ²⁸ Sahiri'na dara gitihvanige. A'mwe gazaizai tinna bangana'na yaja! 'A'mwevi ata limwamwajainyi!' yawi'da gannya simunyavi mena ata limwamwakelyira. ²⁹ Sare'na gimirre aangasimaginya tinnyai bangana'dizi'ysi kayaa'nanyabwina kagimwagi'noji jiwa'mwagasi'na jitheiginyi. Sare' dare'nesi. Kilaaka yuyajisiyaiginyi Dikevi maragili'varamaja'na kayaa'nanyasi. Kilaaka pimaginya piji' maayaig'i mwaaidiza'na tewaanyasi. Sare' daresi. Tinnyai jiwa'mwagasi'nya'ne' daanga wivinyasi. Kirri' Dikevi wiya'ne' kayaa'nanaangesi. Sarevidaa'nyi a'mwengina nyawi'dika! ³⁰ Nabaai, gimirre aangasimaginya asi kayaa'nanyaburi givwaridaakwajai dapalasi'na ja! Sare' dare'nesi. Kilaaka yuyajisiyaiginyi Dikevi maragili'varamaja'na kayaa'nanyasi. Kilaaka pimaginya piji' maayaig'i mwaaidizya'na tewaanyasi.

Gannya a'mwevi widaasabwinesi.
(Matiyui 19:9; Maaki 10:11-12; Luki 16:18)

³¹ Kigaakuna dara dinikesi. A'mwei gannya a'mwevi widaasajai kwala maarya' yesima'nya ya'ne pikariyikwia wijaavoji widaasadesi. ³² Dinika kirri' nimti gitihvanige. Ginya a'mwevi mudaasinnera! A'mwe' pwar maridaayi yaja' gazaizai kudaasoji a'mwe pwar maa'naja' gannya a'mwevina Gotiyai yawi'na 'A'mwe sa' ata limwamanikesi. Sare kirri' gannya a'mwei yiwetawakya' gamiresi. Nabaai a'mwe pwar maa'najai mudikei savi ata limwagathelyi.

Gotiyarina yagaala diraginya' wija'nesi. Nebwi yagaala ja'nebwinesi.

³³ Yagaala piri' Ne sinnawinyaraavi wijaake' gimi kadika mena dara wi'nivanigi. Gotiyarina yagaala diraginya' 'Nyigivina!' widiza' majesima'dinna! Aawa, yuya widiza' Gotiyarina sasara ja! ³⁴ Dinike'na kirri' nimti gitihvanige. 'Sara yideinyi,' nebwina widizaig'i savina yagaala diraginya' sasara mudinna! Aangyagaala kave

duthana! Dara mudinna! 'Sığunya' nebulya'na warikabaaib'i githivangi' nebulya'na gitihivangi.' Sara mudinna! Sığunyav'i Gotiyai yilamwaaida miremwaalikebanne'na yaasiwa'na sara mudinna! (Gimireba daa!) ³⁵ Yagaala piri' nebulya yivaimwange'na Kwaakevakina mudinna! 'Kwaakeva' diraginya' warike'na nimire yagaala nebulya' gitihivangi!' Kwaaka dava' Gotiyare sivilya' pahi'remwaaidevanne'na sara mudinna! Nabaai Anga Jeruzaaleminya yaasiwa'na mudinna yagaala piri' nebulya yivaimwagya'ne!' Jeruzaalemi saba yuyang'i Maremwaaidere angebanne'na sara mudinna! ³⁶ Yagaala piri' diraginya yivaimwagya'ne'na mudinna gimire minyaginyavina! 'Nimire mijasaj'i yaaka wannana!' da'gizi yaaka yima'nadezi' daa! 'Nimire mijasaj'i jihinya wannana!' da'gizi jihinya yima'nadezi'na daa! Aawa! Wawinya Gotiyaresi. ³⁷ Sare'na aangyagaala duthana! 'Tewaanyasi,' da'gizi 'Yayo,' duthana! 'Yideinyi mi!', da'gizi 'Aawano,' duthana! Sasare sabwi wi'nanyi. Yagaala sa' mije'mwamwiya yadinya Kayaa'nanyai gizi'waakadengi.

Minya maarya'nebwinesi.

(Luki 6:29-30)

³⁸ Yagaala piri' wijaake' kadika dara wi'nivangi. A'mwe pwai pware tinnyar'i karamajwa'mwagozi gamire tinnyar'i diramajwa'mwagyila! Nabaai pware maanger'i kalivikiroj'i sarer'i maanger'i dilivikiryila! ³⁹ Sare' kiri' nim'i dara gitihivangi. A'mwei kayaa'na kagyozi tivikita minna! Aawa. A'mwe pwai maangwidaanya kagithamoji minya mamaa'dinna! Aawa! Nayaa ja! Maangwidaanya pimag'i tamya'na duzaade'na yawirannelyi. ⁴⁰ Pwai giminyyina yawi'na 'Sahvari' kotiya' ya'muj'i gamire baazi'ma'nya' maarideinyi. Sara yawi'na yajari yivisas duzaadelyi. ⁴¹ A'mwe naangei diraginna dazai 'Nimire gilyivisa esaba dimakilaawa!' Dazare gilyivita saaminyabanna dimakilaawadeiginyi. Sara Gotiyareig'i yinneiginyi. ⁴² Pwai kagithaanganoji 'Sa' dinyimaryaama!' 'Nigwia dinyimaryaama!' sarina yanga wijaavina jithelyi. Nabaai a'mwei kagithoz'i 'Yaamata nyijaama!' sahwarina bule'na mujaavinna! Yarai duzaama!

Yikamaangeravi wia'nebwinesi.

(Luki 6:27-28,32-36)

⁴³ Yagaala piri' wijaake' kadika wi'nivangi' dara dinike'na. Ja'mwerina kale gyana! Yikamaangerina sinna tika gitihavana! ⁴⁴ Sara dinika kiri' nim'i gitihivangi. Gimire yikamaangerina kale gyana! Kayaa'na gyadivisaraavina wigaimwange'na Gotiyari' dara duthana! 'Sahwaraav'i tewaanya dimwaaihyo! Tewaanna diwia!' ⁴⁵ Sara yijaig'i 'Nimaamaanga Sığunyav'i mwaalikere kaimiraayainyi yima'nima!' dad'i yinneiginyira. Gotiyai nyiliyari sara widadaa'nyi nyiliyai a'mwe kayaa'nanyaraavire wawinyangij'i tewaanya kwaraavire wawinyangij'i sara widivankabaaibisasi. Gotiyai burike' sara widadaa'nyi a'mwe yida'maraanga yadivisaraavirenginaj'i yida'maraanga myadivisaraavirenginaj'i burike' sara pivanikabaaibisasi. ⁴⁶ Sare' dare'nesi. A'mwe giminyyi tewaanna gyadivita gaveraavi tewaanna yija'na Gotiyai tivikita nawi'nya' gitzaavade' daaka! Yithaa, taakizuya maa'divisara kayaa'na yadivisara avaaina sara yadivisarerera. Sahwaraavirebwi davilaka! Gotiyai sara yadevaabib'i a'mwe yuyaraavi tewaanna diwia! ⁴⁷ Ja'mwe gaveraavi 'Nya'mweig'i' dad'i yilaaya wimarijaig'i pwaraavirebwina davila'deig'i daa! Aawa. Ajimya Pinngiyara Gotiyari malimwagyadivita kwaraj'i sara yadivisare. Yuyaraavi yilaaya dumarya! ⁴⁸ Sarevidaa'nyi Gimaamaanga Sığunyaviyai nayaa yida'na yadevaabib'i gimi' kwaig'i tewaanyaraavijnaj'i kayaa'nanyaraavijnaj'i tewaanna wia'neig'i yune nebulya'nanyaig'i yima'ninneiginyi.

6

Tewaanna ya'nebwina - yanga w̄ijaaya'nesi.

¹ Nayaa jaw̄ika! Davwi minna! Tewaanya nawi'nyabura dara minnera! A'mwera t̄inna nyangab̄ikaj̄i! 'Sai tewaanyalȳra,' yawi'p̄ikaj̄i. Sara minnera! Sara yi'jyaiḡnyi Ḡimaamaanga Sigunyavi mwaal̄ikei yanga tewaanya ḡir̄v̄ik̄iranneyi mi'!

² Sarevīdaa'nyi 'A'mwe ḡilyiv̄ita maayaraav̄ina n̄gwia w̄imaryaaaw̄ima!' da'ḡiz̄iyagaa' nabaai dara d̄izaiḡ 'A'mwera nyangab̄ika!' a'mweraav̄i s̄innawi namarayaasid̄i gware makup̄ijavaaina! Minna! Sare' dare'nesi. A'mwe kwaasiyara yadi'v̄tabaaib̄i lotuangenḡji adukulalyanḡji saba jaka wīd̄ina 'Yanga nayaa w̄ijaav̄ma n̄gw̄imaayaraav̄ine!' Sahwara yawi'na 'A'mwera n̄iminyina "A'mwe tewaanyalyi. Yangelyi," d̄inip̄ika!' yawi'na yadi'v̄i sara yadi'vik̄i. Nebulya'na ḡith̄ivanige. Sasareraav̄i w̄imaryip̄ija sa' kum̄tre w̄ir̄v̄ik̄isasi. Sasareraav̄i a'mwera ȳlaaya w̄imaryip̄ija'na yanga t̄ivi'na maapijaraav̄ina Sigunyavi mwaal̄ikei yanga tewaanya w̄ir̄v̄ik̄iranneyi mi'. ³ Sasara minna! Aawa. 'Ḡilyiv̄ita maayaraav̄ina w̄imaaryideinyi,' da'ḡizi yulya'na ji'theiḡnyi. 'Nya'mweraj̄i angebaj̄iyaraj̄i t̄inna nanyangabith̄ika!' da'ḡizi yulya'na dumaaryidevulyi. ⁴ Līka yulya'na ji'thevvi Ḡimaamaangei yawi'na 'Sahwai tewaanna ȳi'wake' a'mwera ȳlaaya mȳwaasa'na yanga tewaanya w̄ir̄v̄ik̄ideinyi.'

Tewaanna ya'nebwina - Got̄iyari w̄ija'nebwinesi.

(Luki 11:2-4)

⁵ 'Got̄iyari wīd̄ima!' da'ḡiz̄iyagaa' a'mwe kwaasiyara wīdadiv̄itabaaib̄i nud̄ith̄ika! Sahwara lotuangenḡi wīladaa'd̄iv̄i a'mwera t̄inna wanganya'nera Got̄iyari wīdadiv̄itare. Sarebwina tewaanya wīvu'nadere. Nabaai tu'nyalab̄inyaba daa'd̄iv̄i 'A'mweyura t̄inna nyangab̄ika!' dad̄iv̄i Got̄iyari wīdadiv̄isare. Sasareiḡi mȳma'n̄inna! Nebulya'na ḡith̄ivanige. A'mwera ȳlaaya w̄imaryip̄ija'na yanga t̄ivi'na maapijaraav̄ina yanga tewaanya w̄ir̄v̄ik̄radera mi'. ⁶ Sare'na aawa. Gīmi 'Got̄iyari wīd̄ima!' da'ḡiz̄iyagaa' gaveiḡi angevi kusawi wīla'ḡizi kaanya tīhra'ḡizi Ḡimaamaanga līka yulya'deva mwaal̄ikeri gaveri duthana! Ḡimaamaangei līka yulya'd̄inyanḡina t̄inna wangada ḡir̄v̄ik̄adelyi.

⁷ 'Got̄iyari wīd̄ima!' da'ḡiz̄iyagaa' yagaala kwalaalya yaasiwa'na mad̄inna! A'mwe Anga Pimaḡnyara Got̄iyari mal̄imwagyad̄iv̄isara yadi'vitabaaib̄i minna! Sare' dare'nesi. Sahwara yawi'na 'Yagaala kwalaalya wīdivainaja' yuya maraadenḡi. Yuya yīma'nadenḡi.' Yawi'na yadi'v̄i sara dad̄iv̄isare. ⁸ Sarabi' mȳma'n̄inna! Sare' dare'nesi. Ḡimaamaangei gīm̄inyi ne mena yawi'mwakelyi. S̄innawi yagaala midaanganyi kya'ḡizi mena yawi'man̄i ḡihain̄ivan̄ika yuyanna. ⁹ Sarevīdaa'nyi gīmi Got̄iyari dara duthana!

'Nen̄maangeiḡi Sigunyavi mwaaih̄inyaiḡi,
Gīm̄ire yaya' ḡir̄'maaya' yīma'nana!

¹⁰ Nemaremwaaid̄inyagaa' yarai yīma'nana!
Gīm̄ire s̄imunyabwi yunebanna yīma'nana!
Sigunyav̄yara gīm̄ire s̄imunya gīm̄id̄id̄iv̄itabaaib̄i
Kwaakevak̄iyaina gīm̄ire s̄imunya gīm̄id̄inaana!

¹¹ Yīrīka dahaa'nena aawapaaya d̄inejaama!

¹² Kaya'a'na neȳivan̄igasanna marasi'n̄wobaab̄i
Nem̄ire yīwetawakyanna d̄inemarasika!

¹³ Yījiwaala yīn̄ikeba nem̄inyi manemakab̄inna!
Aawa, Kaya'a'nanyai nudath̄iwaalad̄ikaj̄i d̄nevadaihasamaaka!
Nemaremwaaid̄inyaiḡnyi ne'nanyi.
Diraḡinya aaya kaav̄ilyaiḡnyi ne'nanyi.

Byaannyabulyiyaiginyine'nanyira.
Yuyagaa' yuyagaa' waragothe'nanyira.
Sahrisira. Nebula naangesi.'

Sara duthana! ¹⁴ Dinyu'nana! Pwara yiwtawakya gyiwaasanna marasi'niya'na Giamaamaanga Sigunyaviyai gimirrenna gimarasi'nadelyi. ¹⁵ Sahwaraavirennma marasi'nyi yija'na Giamaamaanga kwalyi gimirre yiwetawakyanna marasi'nyina gyathei mi'.

Tewaanna ya'nebwina - Gotiyarina wapaaya manya'nebwinesi.

¹⁶ Gotiyari nayaa yawirya'neigi wapaayanna ti'ka manyija' jikurya minna! Kwaasiyara kunnua sinnyika gwaraku'na yadivi! 'Pwara nyawirangabika! "Sai sinnyi' mijikilaa'na yiwaka! Sare' Gotiyarina manyadei tewaanyalyi," yawipi'ka!' yawi'divi' yadivitabaaib'i minna! Nebulya'na gitihvanige. Sasareraavi a'mwera yilaaya wimaryipi'ja'na yanga tivi'na ma'mwaasaraavina yanga tewaanya wirivikranneri mi'. ¹⁷ Aawa, gimi Gotiyarina manyagizi sinnyiki aalya yina'gizi minyaginyav welivananya' divu'nana! ¹⁸ Sara ya'gizi 'A'mwera "Sai wapaaya manyivanikelyi," nyawirangabithika' da'gizi ginnya sinnyi' sara mi. Aawa. Giamaamaanga lika yulya'deva mwaalikei gavei gimirre lika yulyarya'nebwi tinna wangada gitivikradelyi.

Sigunyav i gilyivita tewaanya mari'bwarakyabwinesi.

(Luki 12:33-34)

¹⁹ Gilyivita tewaanyanna tewaanyanna mamaryovrawakinna Kwaaka davaki dava! Kwaaka davaki maa'nyaannyaraj napolikeji gilyivisangi kayaaka yigaidengi. Nabaai kukera kurike' daburalividi' kuka maa'divisangi. Dava sa mamaryovrawakinna! ²⁰ Gilyivita tewaanyanna tewaanyanna dimaryovrawakya Sigunyav! Sahiba maa'nyaannyaraj napolikeji gilyivisangi kayaaka myigalyadengi. Nabaai kukera madaburaliviryadivi' kuka myadivisangi. (Tewaanya yuyanna gitihwe sara ya'gizi gimirre gilyivita Sigunyavya kininnakeig dimwaaideiginyi.) ²¹ Sare' dare'nesi. Gimire gilyivita tewaanya mari'bwarakinikeba sahiba gimirre simunyas warikesi. (Pwai Sigunyav gilyivita tewaanya mari'bwarakada sahiningina simunya piri'nanyai mwaaidelyi. Gotiyari yawi'delyi. Sare'na gitihwa.)

(Luki 11:34-36)

²² Tinnyai kilakejikine laamivananya' wannadevaabi' a'mweraavire simunya yawi'divisasi. Sarevidaa'nyi simunyav nayaa yawi'di yanga nayaa wimaryija' laamivananya sa' nayaa wannade yunejikira. ²³ Sare' simunyav kayaanayi yawi'di yanga nayaa mumaryija' laamivananya jihinya' wa'deziki. Sarevidaa'nyi tinnyai jihinya' sara yima'naja' gimirre simunya jihinya naange'bii' kayaananya sa yawi'dinneiginyi.

(Luki 16:13)

²⁴ Maremwaala pwaraarinna aane pwai kwai yiniga wi'na widaaya'nei mika! Sare' dare'nesi. Pwarina sinna ti'ka widaivoji pwarina tewaanna wivu'nyina. Pwar limwanna yada pwar bule'na wijsavina yadelyi. Sabaaibi' avaalyagaa' Gotiyare widaaya'neigi yima'nyina, nigwia naanga maarya'neigi yima'nyina jitheig mika! Nigwia naangenna yawi'na yijaig Gotiyari myawiri. Gotiyari yawi'na yijaig nigwia naangenna myawiri.

Simunya kwalaalya yawisabwinesi.

(Luki 12:22-31)

²⁵ Sarevi gitihvanige. Tewaanya mwaaidinyavina simunya kwalaalya myawi'dinna! Sara yawi'di dina 'Nimi beni niwineka? Be aalya niwineka?' Nabaai gimirre kilakejikina simunya kwalaalya myawi'dinna! Sara yawi'di dina

‘N̄imi kannya ȳiv̄ita ben̄i ȳira'n̄iw̄ineka?’ D̄ina mȳinna! Tewaanya mwaaid̄inya' w̄av̄ilav̄ike' midaaka t̄ika wapaaya sanḡi! Kilaakej̄i' w̄av̄ilav̄ike' midaaka kannya ȳiv̄ita sanḡi! ²⁶ Yusara munyaw̄i p̄lakwod̄iv̄isaraav̄i t̄inna dangana! Wapewia mamayad̄iv̄itare. Angenḡi wapaaya mamuj̄i'bwarakyad̄iv̄itare. Sarera kwaraav̄ina Ḡimaamaanga S̄igunyav̄iyai wapaaya w̄ijaavadenḡi. Got̄yai yusaraav̄i naya marémwaaidei yaw̄i'dele! Ḡim̄i naangeiḡi midaaka! Yusara yune maalikera midaaka! Got̄yar̄ina naangeiḡinȳra. ²⁷ Sar̄im̄ij̄ya pwai yaw̄ita kwalaalya yoj̄ ‘Kwarame kwalaalya mwaalid̄einȳi,’ d̄iraḡinna dozi sara ȳma'nadei daaka! Sare'na mīka! ²⁸ Nabaai kannya ȳiv̄isanḡina s̄imunya yaw̄ir̄ikwaasa' be'na yaw̄i'man̄iḡi! Kaabidaryaba pwasa waaȳikenḡi t̄inna jaw̄ir̄angana! M̄iraaḡik̄i'na yade mī!. Baazi'ma'nya tid̄iv̄ita mī!. ²⁹ Sara myad̄iv̄ita k̄ir̄i' dara ḡith̄ivan̄ige. S̄innawi sagaa! Ne Solomon̄i gannya n̄igw̄ilalaaka byaannaka yuya wakakelȳi. Sare' k̄ir̄i' n̄igw̄ilalaaka naw̄i'nya maayalȳi pwasa waaȳika dazab̄isa. ³⁰ Pwasa kaabinnyanḡine n̄igw̄ilalaakeb̄isa naw̄i'nya dahaa' waaȳi!. Mwanyagaa' kaabinna sam̄ilīka ‘Maalikes̄ira,’ dad̄iv̄i' dav̄ina yapij̄i' d̄ikev̄i ȳrap̄i'denḡi. Kur̄ivaarīya sasare Got̄yai pwasa wakada naya marémwaalī!. Sare’ Got̄yai naya marémwaalȳi neyadelȳi, yaw̄i'man̄iḡinyaigi naya jaw̄ika! Kur̄ivaarīya sasare Got̄yai naya marémwaalanne'na ḡim̄inȳi ḡivaazi'makwadeiḡi midaaka! ³¹ Sarevidaa'nȳi s̄imunya yaw̄ir̄ikwaasa' myaw̄i'dinna! Dara nad̄ith̄i' ‘N̄imi ben̄i n̄iw̄ineka? Be aalya n̄iw̄ineka? N̄imi kannya ȳiv̄ita ben̄i ȳira'n̄iw̄ineka?’ Sara mad̄inna! ³² Sare' dare'nesi. Got̄yar̄i mal̄mwagyad̄iv̄isara aj̄mya yuyanḡiyara s̄imudaadaanya yaw̄i'div̄i' yuya daza b̄iramaa'div̄isabulȳi. Ḡim̄irebwi p̄ibulȳi. Sare' dare'nesi. Ḡimaamaanga S̄igunyav̄iyai ḡim̄inȳina mena yaw̄i'man̄i' ‘Sa w̄imudaasiwaka.’ ³³ Sazanna s̄imunya kwalaalya myaw̄i'dinna! S̄innawi Got̄yai yuyaraavi marémwaalade gave' jaw̄ika! Got̄yare ȳda'maraanga sabwina jaw̄ika! Sara ȳjaiḡi d̄ividaa'nȳi yuya sa pīni k̄inij̄i ḡizaavadelȳi. Naya gyavada'galamaremwaaladelȳi. ³⁴ Sarevidaa'nȳi mwanyagaa'nenḡina s̄imunya kwalaalya myaw̄i'dinna! Sare' dare'nesi. Mwanyagaa' pu'dehaa' sanḡina jaw̄i'dehaaki. Dahaasagaa'ne taanginya war̄i!. Sa wi'nanȳi. Mwanyagaa'ne taanginya ȳma'nadenḡina dahaa' myaw̄i'dinna!

7

A'mweraavi wir̄iv̄ikirya'nebwinesi.

(Luki 6:37-38,41-42)

¹ A'mweraavi yaasiwa'na mamaryaw̄ibwa'dinna! ‘Sai kayaa'nanyalȳi,’ kyawirangana'gizi Got̄yai ‘Kayaa'nanyaiḡinȳi,’ gyaw̄ibwaradeiḡinȳi. ² Sare' dare'nesi. Pwaraavi yaw̄ibwa'dizabaaib̄i Got̄yai avaaina gyaw̄ibwaradeiḡinȳi. A'mweraavi t̄iv̄ik̄i'dizabaaib̄i Got̄yai avaaina ḡir̄iv̄ik̄radeiḡinȳi. ³ Sare' ke'ba'na ḡith̄ima! Ḡim̄ire t̄innyarī ȳisava' gwar̄ike' ber̄i'na myaw̄iryad̄i ja'mwere t̄innyarī ȳit̄ir̄id̄ir̄inyam̄ili' bangana'man̄iḡi! ⁴ Ȳithaa, ḡim̄ire t̄innyarī ȳisava' gwar̄ika k̄ir̄i' wīd̄ina ‘Ȳit̄ir̄id̄ir̄inya ḡimarasi'naab̄ima!’ wīd̄ina ya'gizi gatha'dara j̄itheiḡinaka! (Gam̄ire ȳwetawakya maalikem̄ili' ȳit̄ir̄id̄ir̄inyam̄ili'b̄isam̄ili' war̄ika k̄ir̄i' ḡim̄ire ȳwetawakya' naange'nanȳi.) ⁵ Kwaasiyaigi, aayagaa' ḡinnya t̄innyarī ȳisava' yune'na marasi'na'gizi ȳi d̄ividaa'nȳi ja'mwere t̄innyarī ȳit̄ir̄id̄ir̄inyam̄ili' marasi'nya'neiḡi ḡim̄ire t̄innyalȳi naya dangadeiḡinȳi.

⁶ ‘T̄ika nanȳidavadid̄ika!’ dad̄i j̄il̄ikeraav̄ina ḡir̄i'maaya mujaavinnebaaib̄i Got̄yare yagaala tewaanya' a'mwera ‘Yagaala sa' mu'naanna!’ yaw̄i'div̄isaraav̄ina mujaav̄inna! ‘Yaawaryara s̄iv̄ila nal̄ivad̄ivainadaap̄ika!’ dad̄i kwaakev̄i ḡinnya kwaalik̄a naw̄i'nya' mamarasi'n̄innebaaib̄i Got̄yare yagaala tewaanya' a'mwera yaawaryarabīsara ‘Sa' yaasiwa'nanyasi,’ d̄iraḡinna yaw̄i'div̄isaraav̄i muj̄waak̄inna!

Gotiyari diraginna wija'nebwinesi.
(Luki 11:9-13)

⁷ Gotiyari yaamiji yidaanganya i yidaanganya kya'gizi gizaavadeiginyi. Gotiyari widiizaig biri brya ya'gizi diwramaad'eiginyi. Gotiyari widiizaig kaanyavi mala tamaabi tamaabya ya'gizi Gotiyai givasamaraabatheiginyi. ⁸ Sare dare'nesi. Gazaizai yidaangada maarade'nanyi. Bi'dei bryamaarade'nanyi. Kaanyavi mala tamaabaderi Gotiyai wibasamaraabathe'nanyi. ⁹ Sarimiji yari gawaalivaangei 'Nimwai, grikulya' dinya'maryaama!' yidaanganaja'na ganimaangei siyai wimaryaabathei dingaka! ¹⁰ 'Nimwai jawinya' dinya'maryaama!' yidaanganaja'na naawiinaanyai wimaryaabathei dingaka! Sarei baawalaka! ¹¹ Sarevidaa'nyi gimi kayaa'nanyaig kwaig kiri ginnya kaimiraayang tewaanya wiadinyaiginyi. Yithaa, Tewanaangei Gimaamaanga Sigunyavi mwaalikei yuyaraavi wavilavikei tewaanya wijaavade yidaangabizaraavina! Ai, naangaange! ¹² Sarevidaa'nyi 'A'mwera niminyi na sara yipika' dizanna a'mweraavna dazahibwina sara ja! Daza! Kiwinya dinkeviji yagaala piropetiyara Gotiyari winaawijwaakadiwisaaraavireviyi aaya kaavilyasi.

Tikurya maalikevinina dinike'nesi.
(Luki 13:24)

¹³ Tikurya pwigalyariki dula! Kayaaka yigalya'neba Dikeyabanne tikurya naangaange' yaka maadaawa'nyasi. Dikeyabanne tutanya yigipala yinigukesi. Savidaa'nyi dazahirivi a'mwe kwalaalyara wimanaawigasarera. ¹⁴ Yuyagaa' yuyagaa' mwaalya'nebanne tikurya pwigalyari warikeriki. Gaalya'nebanne tutanya yagi yagi wija'nesi. Savidaa'nyi dazahiriki a'mwe pwaina pwaina biramaa'manigasarera. Sare'na tikurya pwigalyariki naya dula!

A'mwera Gotiyarina kwaasi yagaala wija'nesi.
(Luki 6:43,44; 13:25-27)

¹⁵ Naya jawika! Gotiyarina kwaasi yagaala wija'neraavina mala naya jiwannana! Kumire kilaakejika tenna wangana'gizi 'Sahwara sipzipiyarerera. Naangerera niminyawinna bivanigasarera,' yaasiwa'na madinna! Yi 'Kilaakejikina sipzipiyara mwaaihata kwara kiri simunyavina kavijili ka miji'nanyara mwaaihava,' githiwa. Sahwara kayaaka gyipi'derera. ¹⁶ Sahwaraavire saburina yisiliyabi' jawirangadeiginyi. Dara jawika! Giraipiziila namannyulyabaari maa'divisara daa! Pihiziila yita lannakiki maa'divisara daa! Sabaaibi' kayaananyabulyiyara yagaala nawi'nya naya giziwaakipi'dera daa! ¹⁷ Sasarevidaa'nyi yita tewaanya gazisi' yisila nawi'nya yi'nadiki. Yita kayaananyi' yisila kayaananya yi'nadiki. ¹⁸ Yita tewaanyi' yisila kayaananya yi'nadi' mi'. Nabaai yita kayaananyi' yisila nawi'nya yi'nadi' mi'. ¹⁹ Yita gazisi' yisila tewaanya myi'nyadi' dikevi' dapalasi'na yadiwisi. ²⁰ Sarevidaa'nyi Gotiyarina kwaasi yagaala wija'neraavire saburina jawirangadeiginyi. Kayaananyanna ya'neraavina jawika! 'Gotiyare yagaala manejivanigasare!'

²¹ Gazaizai niminyi 'Naangeig! Naangeig!' nyidadei Sigunyavi maremwaideva wilamwaaladei mi'. Aawa. A'mwei Nimmaamaanga Sigunyavi mwaalikere simunyabwi midinajai yune sahwaina wilamwaaladelyi. ²² Sagaa! Yirika Naanga sariki a'mwe kwalaalyara dara nyidipi'de 'Naangeig! Naangeig! Giminnne yaya' maaroni Gotiyare yagaala wihdahoina midaaka! Giminnne yaya' yimaka widivisaraav diraginna wihdona yimaka sa widaasina yoina midaaka! Giminnne yaya' diraginna wihdona atika maru'narya'ne sanna yoina midaaka! ²³ Sara kanyidapiji sahwaraavida jalikurakideinyi 'Yuyagaa' myihwanganyadi'nyaihilyi. Maaveihilyi. Kayaan'a yadiwisi saihi kaanna diwila!'

Anga majaraarinesi.

(Luki 6:47-49)

²⁴ A'mwe gazaizai nimirre yagaala da kadika wi'noji midinajai simunnakelyi. Pwaibisalyi. Yi, sai gamire angel'silaangeri a'badaa'nyi yilamadakelyi. ²⁵ Dividaa'nyi burika naange' padaa'nyi aalyaaka pu'daa'nyi yihusa diraginna yadaa'nyi yuya sa anga savi milyitaku'na. Milyitaku'na yaka kiri' mwalaraawia'. Sare' dare'nesi. Silaangeri a'badaa'nyi silla livalaanna kya' diraginna miwi'nike'na mwalaraawia'!. ²⁶ A'mwe gazaizai nimirre yagaala da kadika wi'noji mamidinyi yajai sidu'maayalyi. Pwaibisalyi. Yi, sai gamire ange' siwekevi madakelyi. ²⁷ Nabaai, burika naange' padaa'nyi aalyaaka pu'daa'nyi yihusa diraginna yadaa'nyi anga sa' milyitaku'na kya' ange' walaraawina. Yo, walaraawina yaka kayaaka yuna yigaina yakesi."

²⁸ Jizaazai yagaala sa' mena jit'mwannakegaa' a'mwe kwala bwa'naanyara atika maru'nakulina ye!. ²⁹ Sare' dare'nesi. Kuminyi Kiwijara wiji'waakadivitabaaibi' mujawaakya'. Aawa, yagaalyav'i aaya kaavilyai diraginnyasiyai wiji'waakake'na atika maru'nakulina ye!.

8

Jizaazai a'mwe samatanakeri'yavada'galake'nesi.

(Maaki 1:40-44; Luki 5:12-14)

¹ Mugunyav'i yagalya'mavaka kaanna walaabinna yadaa'nyi kwala bwa'naanya kwalaalyara gamire yagaala wi'nesara midinna yina. ² Midinna yina yadaapi, yithaanyi, samatanakei gaminyawi aya kibanna bina yaka lotuya'na kwaakewi walaruta'nyina yaka lotuya'na kwadaai gilina yakegaa' widina "Naangeigi, nimiryina 'Tewaanya yavada'gaina wima!' diza'na gimi' wikira." ³ Widina kya' ata dathiwanna yaka widina "Sare' nyivu'niva!". Maamidarya jima'nana!" Dazagaa' yime'nya'b'i' gamire samate yiwina kya' tewaanyai yima'nakelyi. ⁴ Tewaanyai yima'nakeri Jizaazai widina "Dinyu'nana! Sareigi a'mwe aane pwai kwari nujawaakidi'ka! Aawa. Gotiyare Angevina yarai wawa'gizi Gotiyarina mubithika yira'deri ginnya kilaaka tewaanyaji' duziwainaawideiginyi. Tinna milna kagywaroji Gotiyarina wijaaya'ne' Ne Mozizare Kiwinja' dinike' sara jittheiginyi. Sara kya'gizi pwara jalikurakina 'Sarei tewaanya yima'niva!. Gamire samate mena yiwawaka!' Pwara sara yawita'na sara jittheiginyi."

Jizaazai Romi mwaalya aawilata naangereri'yavada'galake'nesi.

(Luki 7:1-10)

⁵ Anga Kaapaniyamina wilaawina kya' Romiya aawilasaraavi maremwaalaka pwai bina yaka diraginna buthina ⁶ "Naangeigi nimirre yaasiwa'wawinyai nalaavinatei angevi warika. Gami're yagi'na yuya mena bainkerinera. Daanga naanga wivimanikerinera." ⁷ Sara buthina kya! "Nimi' wawa'muji tewaanya yavada'galima!" ⁸ Widaka kiri' aawilasaraavi maremwaalakei dara ma'maa'na "Naangeigi, nimirre angevina a'mwe maalikeinyrevina nulaabitika! Aawa. Maalikinyainyi. Gim*i* Naangeiginyira. Sare'na yune yagaalya'na kada'gizi nimirre nyidaayadei tewaanya yima'nadelyira. ⁹ Gitihwe' dare'nesi. Nimiryi naangera nyimaremwaaihasaraavi diraginnakeraavi midinna yadiinyainyi. Nabaai aawilasara pwaraavi maremwaaiheinyi. Sareiny*i* pwari widiwija' 'Gimi' diwona!' sai kaanna wina yadelyi. Nabaai pwari widina 'Gimi' kaaja!' sai bina yadelyi. Ninnya yaasiwa'wawinyari widina 'Wawinya daza' jitthe'nanyi,' sai wawinya' sara yina yadelyi. Sareiny*i* gitihwa 'Sabaaib'i' yune yagaalya'na kada'gizi nimirre widaayadei tewaanya yima'nadelyi.' " ¹⁰ Widina kya' Jizaazai sa' kadika wi'naka atika maru'na'na yina yaka a'mwera midinesaraavi widina "Nebulya'na yihithivanige. Yizreliyai diraginna

l̄imwanga da'darebulyiya aane pwai kwar̄i mab̄ramaaryad̄inyainyi. (Rom̄i mwaalya dai n̄im̄nyina yawi'na 'Diraḡnaangei yune yagaalya'na nalaav̄nakeraav̄ yavada'gaidelyi.') ¹¹ Sare'na yih̄ithiwanige. Nȳlyai bilyir̄i dimaḡdaa'nya a'mwe kwalaalyara yi'mavaab̄ina. Ȳi nȳlyai walakadimaḡ yi'mavaab̄ina. Ȳinasaraj̄ saajaraj̄ yi'mavaab̄ina yip̄i'dere. Maremwaalade Sigunyaviyavi yi'mavaab̄ina yapij̄i t̄i'munnev̄ Yiz̄ireliyaih̄re Ne s̄innaw̄nyara Ev̄raamij̄ Aazakij̄ Jaikopij̄ saraj̄ ye'mwannemwaala yip̄i'dere. ¹² Sare' kiri' Yiz̄ireliyaihi Got̄yai yih̄imaremwaalanne pwaih̄ri mwasawi j̄ih̄nya kewewin̄i yih̄imaras̄i'nadeih̄lyi. Dazah̄ba k̄inna naanga dadiv̄i maangerikaav̄i d̄ih̄iz̄vainyideih̄lyi." ¹³ Sara w̄idaka aaw̄lasaraav̄i maremwaideri w̄idinana "Ḡnnya angev̄na diwona! 'N̄im̄re yaas̄wa'waw̄nyari yagaalya'na tewaanya javada'gaidelyi,' yawi'mwaanyabaaibi' sahwai tewaanya sara ȳma'nade'nanyi." Sara w̄idakegaa' sah̄gaa' yaas̄wa'waw̄nyai tewaanya ȳma'na!"

Jizaazai kwalaalyaraav̄i yavada'galake'nesi.

(Maak̄i 1:29-31; Luk̄i 4:38,39)

¹⁴ Pitare angevi Jizaazai w̄il̄na yaka Pitar̄ ganyaali'maange' nabalid̄i'nake' wa'd̄i'nyiyav̄i tinna wanganna. ¹⁵ Tinna wanganna yaka gam̄ire asiri dath̄wanna kya' nabalid̄ike' yagalya'makuna. Sara yagalya'makuna kya' daav̄na yaka Jizaazarine t̄ika wapaaya yov̄rawak̄na ya'.

(Maak̄i 1:32-34; Luk̄i 4:40-41)

¹⁶ Sawit̄ir̄nyaburi nȳlyai walakakegaa' Kwazaakegaa' yi'mwannakegaa' Jizaazaryawinna a'mwe ȳma'naka kwalaalyaraav̄i makab̄ina ȳna. Makab̄ina ȳna kye' yagaala gave' ȳmakeraav̄i w̄idaasina. W̄idaasina yaka pwara nalaav̄naka yuyaraav̄i tewaanya yavada'gaina. ¹⁷ Sarev̄idaa'nyi Got̄yar̄ wi'naw̄ij̄waakadei p̄ropet̄yai Aazaayai k̄igaakuna jaake' yune' ȳma'nȳna. Dara din̄ike'

"Gam̄i nem̄re nagaazabwi maras̄i'mwa'!

Nem̄re nabalya yuya makuwa!"

Sara din̄ike' yunebanna ȳna ya' Jizaazai.

Jizaazari midinya'neraav̄inesi.

(Luk̄i 9:57-60)

¹⁸ Kwala bwa'naanya naange' Jizaazaryawinna yikab̄ina yadaapij̄i sai tinna wanganna ȳna yakegaa' gam̄reraav̄i w̄idina "Aalibunya kengimaḡinna wawaana!" ¹⁹ Mi'na kuda' K̄iw̄jai b̄ina ȳna yaka w̄idina "W̄ij̄iwaakyaiiḡ, n̄imi ḡimid̄inamaride'nanyi kaanya yamarija yuyabanna." ²⁰ Sara kuda' sai w̄idina "Kav̄ij̄ili'ka maalikera kwaakevak̄i daibu'nya k̄ininnakere. Nabaai sigunyavine yusara ar̄ita k̄ininnakere. Sare' kiri' A'mweraav̄ne Kaim̄raayainyi m̄nyaḡnyi d̄ihaih̄isa'neba kuneinyi. (Anga se wa'd̄inya' kuneinyi. N̄imi sareinyi 'Mid̄inima!' d̄izaiḡ se waryaba simunya yune'na yaw̄ra'ḡizi d̄inyim̄id̄inaama!)" ²¹ W̄idakegaa' mid̄inya'ne pwai w̄idina "Naangeiḡ, mid̄inya'na tewaanya' dingaka n̄innya n̄imwar̄ti'vi'na maralikiraka'muj̄yagaa'na?" ²² Sare' Jizaazai w̄idina "Kanyim̄id̄ina'ḡizi manyim̄id̄inyad̄iv̄sara bainkerabisara balyaraav̄i sara likirak̄pi'ka! Kuna nȳmid̄inaama!"

Jizaazai yih̄uta naangevi se dakake'nesi.

(Maak̄i 4:36-41; Luk̄i 8:22-25)

²³ Aalibunyav̄i a'ba s̄ipi'ya' warakevi sai ȳlamwaaina kya' gam̄ire mid̄id̄iv̄sara mid̄id̄iv̄i ȳlamwaaina kye' aalyav̄i makuna. ²⁴ Aalyav̄i makuna yadaa'nyi, ȳthaanyi, ȳhu'maanarya naange' ȳna yaka s̄ipi'yav̄i aalimavaj̄inaaka miladath̄vaina ȳna yadaa'nyi kiri' sai se war̄na. ²⁵ Se wa'd̄i'nyi w̄ina yeva yid̄kaa'na yeva yarai w̄idina "Naangeiḡ! D̄inevadaihasamaaka! Ȳwawaade'na ȳwon'a!" ²⁶ Yarai w̄idina kye' w̄idina "Li'ke' baa'na ȳvanigava! 'Got̄yai naya mamaremwaalyi

neyadelyi,’ l̄imwamanigasaihi daaka!” Sara w̄id̄ina yaka daav̄ina yaka ȳihusanḡij̄ aal̄mavaj̄naakenḡij̄ maanga w̄id̄ina. Maanga w̄id̄ina yake’na ȳihusa mȳina, aalya’ ayahi kave dath̄ivaaina ya!. ²⁷ Kave dath̄ivaaina kya’ a’mwera at̄ika maru’nakul̄ina yeva d̄inȳina “A’mwe dazai beib̄talaka? Ȳihusasi aalyasi gam̄ire yagaalya’ nebwi kad̄ka ȳina ȳiwakeva?”

*Jizaazai ȳimaka k̄ininnakeraari yavada’galake’nesi.
(Maaki 5:1-17; Luk̄ 8:26-37)*

²⁸ Aal̄bumaangevi pimaḡi Gathaara mwaalyaraav̄ire kwaakev̄ina sai ȳimavaaw̄ina. Sah̄iba a’mweraai ȳimakera k̄ininnakeraai mwaal̄ina. Sarai gilekavi’ninnyaba mwaal̄ina. Sarai sīgyaarya ȳima’nadisaraai mwaal̄ina. Sarevidaa’nyi a’mwera tutaanya saba kaanya myamaryad̄visare. Sareraai gilekavi’ninnyabadaa’nyaraai gam̄nyi burata’nyi. ²⁹ Burata’nyi na yaḡla, ȳithaanyi, jaka w̄idanganna “Nem̄nyi gara d̄ineyide’neka! Got̄yare Kaim̄raayaigt̄, Yaw̄bwasagaa’ ȳir̄ka aayari’ mavurinanyira! Davanna b̄waanya’ s̄innawi nem̄nyi sagaa’ne daanga w̄ijaaya’neiḡ dav̄waana! Ȳir̄ka sar̄i aawano.” Sara w̄idahi. ³⁰ Sagaa’ yaawarya kwalaalya naanga menya k̄ibaweba mwaaleva kur̄vaariya t̄ika n̄idaa’nyi. ³¹ T̄ika n̄idaa’nyi yadaapij̄i ȳimakera Jizaazar̄ d̄iraḡinna ȳdaanganna “Nabaai, nedaasiya’, ȳi yaawarikwala dazav̄i ȳikulaade’na dinedaasi’deiḡnyi.” ³² Sara w̄id̄ina kye’ Jizaazai w̄id̄ina “Kaanna d̄iwila!” Ȳithaanyi, sagaa’ a’mwe saraari yagalya’malna ȳina yeva yaawaryaraav̄i kusawi w̄il̄ina ȳina. W̄il̄ina ȳina kye’, ȳithaanyi, yaawarya yuya dazara kaanyave’na walaaw̄ina ȳina ye’ davaanyaba. Davaanyaba walaaw̄ina ȳina yeva aal̄bunyav̄i walaraaw̄ina yeva aalyav̄i baihulaaw̄ina ye’.

³³ Yaawaryara bal̄na kye’ sagaa’ yaawaryaraav̄i maremwaaidi’isara l̄ikaanya wīna. Sara yeva kum̄ire anga naangebanna ȳimavaaw̄ina yeva yagaala yuya daza w̄ij̄waak̄ina ȳina ye’. A’mweraai ȳima’nakeraari yaka sabwina baziw̄ina. ³⁴ Baziw̄ina kye’ anga naanga sabanyara Jizaazar̄ina bav̄ramaa’na. Sahwarina bav̄ramaa’na yeva yagaala d̄iraḡinna ȳdaanganna “Kwaaka nem̄ire dava yagalya’mavoji kwaaka pīwinna kaanna ȳina yana! kad̄wo sara ja!”

9

*A’mwe s̄iv̄ila ata bainikeri yavada’galake’nesi.
(Maaki 2:1-12; Luk̄ 5:17-26)*

¹ Sīpyav̄i ȳilamwaaaina yaka aal̄bumaangebaari pimaḡinna aȳina w̄ina yaka gan̄nya angebanna ȳimavaaw̄ina. ² Mi’na ȳimavaaw̄ina kya’, ȳithaanyi, gam̄nyaw̄inna a’mwe nalaav̄inaka pwai makab̄ina ye’. A’mwe sare yaḡnya yuya bainikei ȳib̄nyav̄i war̄bainȳina yakelyi. Makab̄ina kye’ sai kum̄ire l̄imwangebwi t̄inna yaw̄ranganna “Sahwara n̄im̄nyi na ‘Yavada’galannelyi,’ deva makab̄waava.” T̄inna yaw̄ranganna yaka nalaav̄inaka sar̄i w̄id̄ina “Kaim̄raayaigt̄, l̄ika minnera! Gim̄ire kayaa’nanya marasi’niwanige.”

³ Ȳithaanyi! A’mwe K̄iw̄ja pwara d̄inyi na “A’mwe dazai kayaa’nanya kwaasi marasi’nya’nei a’mwe kwai k̄ir̄i kwaasi yaw̄i na ‘N̄im̄ Got̄yainyi.’ Sare’na Got̄yari b̄irala w̄id̄wakelyi.”

⁴ Kum̄ire simunyanḡi mena yaw̄rangada Jizaazai dara w̄id̄ina “Sar̄im̄re simunyanḡi kayaa’nanyanna be’na yaw̄i manigava! ⁵ Sare’ dare’nesi. Yagaala naangewaai a’mwe dari w̄id̄ma! Pīri’ w̄id̄w̄i’ja’ ‘Gim̄ire kayaa’nanya ḡimarasi’niwanige,’ pīri’ w̄id̄w̄i’ja’ ‘D̄ikaava’ḡizi kaanya jamarya!’ Yagaala sawaai naangewaai midaaka! ⁶ Sar̄im̄i yaw̄ramaata jide’na ȳihiz̄waain’ma! ‘A’mweraav̄ine Kaim̄raayai d̄iraḡnya’ k̄ininnakelyi. Kwaaka davak̄i waḡilya’

marasi'nya'ne dīraginya' kīnīnnakelyi," jawiryila! dena yihiziwaainima!" Widaka yaginya yuya bainika sari widina "Dīkaava'gizi ginnya yibinya' maarina, ginnya angevina kaanna makuna ji!" ⁷ Sarei daavina yina yaka gannya angevina kaanna wina. ⁸ Kaanna wina yadaa'nyi kwala bwa'naanya' savi tīnna wanganeva lika yina. Liha yevegaal "A'mwe dari dīraginya sasare' wijsaavadele!" dīneva Gotiyarine yaya' munyaba makina ye!

Matiyuri Jizaazai jaka widake'nesi.

(Maak 2:13-17; Luk 5:27-32)

⁹ Jizaazai saba yagalya'mavaka kaanya yamaryada a'mwe pwar i tīnna wangamabina. A'mwe sai Matiyui wo'nikei taakizangevi taakiziya maa'da mwaalina. Mwaalina yadi'nyi tīnna wangamabina yaka widina "Dinyimidinaama!" Sara widina kya' sai daavina yaka midinna.

¹⁰ Sagaa! Matiyure angevi wapaaya nyemwaaina yada, ythaanyi, a'mwe kwalaal-yara taakiziya maa'divisaraj kīwinya galazekivaidivisaraj yikabina. Yikabina yeva Jizaazalyi gamire mididivisara kwaraj wapaaya ye'mwannanyina. ¹¹ Wapaaya ye'mwannanyina yadivit Periziyara tīnna wanganne yeva dividaa'nyi gamireraav maanga widina "Be'nevaka! Sarimire wijsaakyai taakiziya maa'divisaraj kīwinya galazekivaidivisaraj wapaaya be'na ye'mwannanivanikelaka! Tewaanyara daaka!"

¹² Savi sai kadika wi'nyina yaka ke'ba'na widina "A'mwe dīraginnakerab dotaravaavina wigainadera miha! Aawa. A'mwe nalaavinakerana dotaravaavina wigainadere. ¹³ Gotiyare bukuya' dara dinikesi. Bulimakaawoyangiji sipzipiyangi mubithika yirasa'ne yaasiwa'na nyijaavadivisanna aala! Pwaraav kale'na duhaimwagyidevvina nyivu'nivani'. Sara dinike' dare'nesi. Simunya nayaa jawiramaraawila! A'mwera dīraginnakerabisara 'Nem i yida'maraangeinera, didivisaraav jaka wijsa'neinyi biweinyi miha. Aawa. A'mwera nalaavinakerabisara 'Nem i kayaa'nanyainera, didivisaraav jaka wijsa'neinyi biweinyi."

Ne sinnawinyaraavireburaji Jizaazare mudikeburaji sanginesi.

(Maak 2:18-22; Luk 5:33-39)

¹⁴ Sagaa! Jonimi midinesara gaminyawinna binna yeva widina "Gatha'darevaka? Nem i Periziyaraj Gotiyari wijsa'na tika munnenka kimaakiya dakidaanya' kiri' gimi mididivisara sazabwina myadivisa' be'nevaka?"

¹⁵ Jizaazai ke'ba'na widina "Kuminyaba munnev i kwalla maaryai mwaaidi'nyi sagaa' miginyalyiyaraav kale wiadera daa! Aawa. Dividaa'nyi kuminyawidaa'nyi miginyari yipalamaapi'dehaa' sagaa' tika munnenka 'Aala!' widipi'de'nanyira."

¹⁶ Ke'ba'na piri' widina "Baazi'ma'nya yawaka dabu'nikevi gipwalya'na a'mwe aane pwai kwai kwaabihannya gaala pimili' aalya myamili' maa'dei mi'. Sare dare'nesi. Nabaai sasara maaraja' dabu'nika savi gipwalya'ne kwaabihannyamili' aalya yagaa' maalika wannyina yoj baazi'ma'nya' ayahi kayaaka lihi'na yadesi. Sara yoj dabu'nike' naanga yima'nyina yadesi." (Ne sinnawinyaraavire yagaalyavina Jizaazare yagaala mudikevinaji widina.) ¹⁷ Widina yaka ke'ba'na widina "Nabaai a'mwera aalitala memehilaaka yawakevi waainiya gaalya' mwa'mwagikadivitara mi'. Kiri' sara yipija' waainiya gaalya' bilamari'bwarakadaawori kilake' ti'miwi'na yadesi. Sara yoj waainiya' bwaladima'naawina yoj waainiyasi kilakesi kayaaka yadewaalyi. Kiri' memehilaaka mudikevi waainiya mudike' mwa'mwagikadivisa' yuyawaai teawaanna warina yadewaalyi."

Jizaazai a'mweviyi taayaviji teawaanya yavada'galake'nesi.

(Maak 5:22-43; Luk 8:41-56)

¹⁸ Jizaazai yagaala sa' kuna widadaa'nyi lotuangevi a'mwe naanga pwai aya kibanna wiлаabina yaka kwadaai bulagina yaka widina "Nimire taaya' dhaasagaa'

mena kabaimwakira. Kiri' gimi' ata buladathiwanna kya'gizi ayahi gaalya' mwaalade'nanyira." ¹⁹ Sara widina kya' daavina yaka midinna yada gamire mididivsarajij mijamakuna.

²⁰ Ythaanyi, a'mwe piri' baizaaka ma'nyaake' kwarame atiraai siviliridaa'nyi piriwaaina wavylavake' nabalinake' mwaaidi'nyi. A'mwe daza' sar'i bulyimagi kibaweba gidiku'na wilaabina yaka gamire baazi'ma'nyimaangebaari ata bulayime'nyina. ²¹ Sare' dare'nesi. Gannya simunyavi dara dina "Nimi' gamire baazi'ma'nyavi yune asa'na yime'niwiya' ayina tewaanya yima'nidera." Yawita savidaa'nyi ata bulayime'nyina. ²² Ata bulayime'nyina kya' sai ginyima'nyina yaka tinna wanganna yakegaa'widina "Nyiraavaange'gi lika minnera! Nimi'nyi diraginna yawiralimwanna ywaanya'na tewaanya gyavada'gaimwe'gynyi." Sara widina kya' sagaa'daa'nyi a'mwe' tewaanya yima'nyina ya!.

²³ A'mwe naanga dazare angevina Jizaazai bi'ma'na yina yaka, a'mwera gwarevi maku'daapi kwalaalyara kinna naanga dadaapi tinna wanganna. ²⁴ Tinna wanganna yaka widina "Dalyula! Sare' dare'nesi. Taaya' yinahu mabalyiwaka! Aawa. Se warika. Sare'na dalyula!" Sara widina kya' "Se mwarika! Baimwakevinera," deva jik maregina. ²⁵ Jika maregina kye' kwalaalyaraavi mena widaasaka sagaa' kusawi wilina yaka taavizidiraaya savire asiri limwanna yina yaka yidikaa'na. ²⁶ Sara yakevi yagaala anga yuneba maredimwina ye!.

Tibinyaraariji maanga bipainikeriji yavada'galake'nesi.

²⁷ Jizaazai anga saba yagalya'mavaka kaanya yamaraya a'mwe tibinya pwaraai midinna yagila jaka danganna "Ne Devitimire kaimiraayaig! Naariminyi kale'na dinnehihaimwana!" ²⁸ Jaka danganna kyagi angevi wilina yina kya' tibinya saraai gaminyabanna wilaabina yina kyagi sai saraari widina "Nimi'nyina dara jawiralimwamanigi? 'Sahwai naariminyine yavada'gaina nehyadelyira. Sahwai wilira.' " Sara widina kya' saraai widina "Yo, Naangeig! sara yawimwoi." ²⁹ Mi'na widina yagilyagaal kirimire tinnyyaraari ata dathiwanna yaka widina "Nimi'nyina diraginna yawiralimwamanigilabaaibi' sara yima'nyina yihyana!" ³⁰ Sara kuda' yuyaraare tinnyyaraai yita livina yaka tinna wanganna. Tinna wanganna kyagi Jizaazai diraginna dara widina "Mala nayaa jiwannyi! A'mwe aane pwai kwai dazavi nyawiranganadika! Mujwaakyikana!" ³¹ Widina yaka kiri' saraai mwasawinna walyuna yagila yagaala sa' wijiwakamarina yina yagi gaminyina anga yunebanyaavi.

³² Saraai walyuna yadaakili, ythaanyi, a'mwe pwari makabin. A'mwe sar'i yimakei wilamwaaidei maanga bipainikelyi. ³³ Sahwar'i makabin kye' yimakeri mi'na widaasina yina kya' maanga bipainikei yagaala dina. Yagaala dina yada yi kwala bwa'naanya atika maru'na'na yadiyi' dina "Nemi Yizireliyainaavireba aane kigaa' pigaa' da'dare pin wangadaanyaina mi'." ³⁴ Sare' kiri' Periziyara maanga dina "Yimaka naangere diraginyavi widaasivanika yimakeraavi."

Jizaazai a'mweraavinakale wiake'nesi.

³⁵ Anga naangebanyajj anga maalikebanyajj yunebanna Jizaazai yamarina yada kumire lotuangengi a'mweraavi wijiwirina, Gotiyai miremwaalya'ne yagaala tewaanya' wijiwaakina, nabalya yuya dala nabinyannajj nalaaya yuya dala nabinyannajj tewaanya yavada'gaina. ³⁶ Sana sana yada kwala bwa'naanyangj tinna wanganaka sahwaraavina kale naanga wina ya!. Sipzipiyaraavi miremwaidei maayara mwaaihatabaaib! sahwara taanginyajj yawita kwalaalyajj yadiyi' diragimaayara mwaalesa'na kale naanga wina. ³⁷ Sarevidaa'nyi gamire mididivsaravivi diragimaayara gaminyi limwabineraavina ke'ba'na widina "Wawinyangj tika munne kwalaalya mya mena ylakengi. Kiri' mya maa'divsara kwalaalyara mi'." ³⁸ Sarevidaa'nyi tika munne Maremwaideri duzila! 'Ginnya

yadivisaraavि gimirre tika munne mari'bwarakya'neraaavि duthaasa!' dapijि sara duzila."

10

Jizaazai gannyaraavि gannya yagaalya'na widaasake'nesi.

(Maakि 3:13-19; Lukि 6:12-16)

¹ Jizaazai gannya mididivisaraavि (12) jaka widiina kya' sarera yikabina. Yikabina kye' gannya diraginya' wijaavina. Yimaka girin nakera a'mweraavire munyikaavि wilamwaalesaraavि diraginna widaasa'nebulyi nalaaya yuya dala nabinya nabalya yuya tewaanya yavada'galya'nebulyi sazaburaavine'na gannya diraginya' wijaavina.

² Gamire yagaalya' widaasade sivilyiridaa'nyi pwaraalyaraavine yaya darengi. Aaya mudi'nanyai Saaimoni, Pitai wo'nikelyi, yi gamire gahwaalaangei Ediruyalyi. Pwai Jemizai Sevathiyare kaimiraayalyi, gaminyi gahwaalaangei Joniji. ³ Pilipiji Baatolomyulyi. Tomaazalyi Matiyui taakiziya maarakelyi. Jemizai Alipiyyaazare kaimiraayalyi Tathiyaaazalyi. ⁴ Saaimoni "Kumirebanna Romiyaraavि yirawasaana!" dadivisarajiyalyi Juthaaazai Yizikeriyotiyai dividaa'nyi Jizaazarı yikamaangeraavina wibwaridaakkawakelyi. Yuyara widaasaderera.

(Maakि 6:7-13; Lukि 9:1-6)

⁵ Siviliridaa'nyi pwaraala saraavि Jizaazai maryasa'nei yagaaikevinya dara wijaavina. Nimirre yagaalya'na duzwaakyila! Ajimya piningiyaraayawinna mupinerai. Anga naanga Sameriya mwaalyaraayawinna mwibinera!

⁶ Aawa. Yizireliya simyaraayawinna dwila! Yizireliya yuyara diraginna malimwagyadivisara sipizipyara yiwinama'na sota' sota' yigasaraayawinna dwila!

⁷ Sarimi wawopiji yagaalya' dara duziwakaawi! "Sigunyaviya maremwaaside' nebawa miha! Aya kigaa' yima'niwaka!" ⁸ Nabaai wawopiji nalaavnakeraavि javada'galyila! Bainikeraavi jathiikaayila! Samatanakeraavि tewaanya javada'galyila! Sara yadiv'i a'mweraavire munyikaavि yimakera wilamwaaidivisaraavि duthaasila! Sasare diraginyabwina sarimi yanga maa'divita nigwia mubya'ne maayangi. Sarevidaa'nyi dazabwina yanga naya duzaayila! Sanna nigwia mamaapina! ⁹ Sarinnya paawiziyangi goliyaji moneji nigwiajì mamihakipina! ¹⁰ Kaanya wodivisa'ne gilyajì mamaapina! Baazi'ma'nya pirişti kwaari'masivíla piriwaalyi yadita mavamarya'ne pirişti mamaapina! Aawa. Sare dare'nesi. A'mwei wawinya yojì gannya tika wapaaya maaranne'nanyi.

¹¹ Anga naanga pitbaji anga maalika kibaji kusawi wilapijì simunya' nayaara jawiranganyideihili. A'mwe anga dazabanyai tewaanya yaka yida'maraangei aaihwalaka? Yi, a'mwe salyi sarimi kuna ye'mwannemwaaina yapiji yune anga saba yagalya'mapijahaananneihi. ¹² Yi sareri angevi wilapijìyagaal' anga saviyayori "Nya'mwenidak! Gotiyare kwaamu'nanyabwi yihwarana!" duzideihili.

¹³ Nabaai anga saviyara sariminyina tewaanna yihiyipija' sarimire yagaala tewaanyaviya' saraavि tewaanya waradesi. Sahwara kwaamu'na mwaaibibidera. Kiri' nawi'nya myi yihiyipija' yagaala tewaanyaviya' sariminyawinna ayina ginyiravaabathesi. ¹⁴ Nabaai pwai kwai angevi makuya'na "Aala!" wivu'najai sarimire yagaalyangi kadika mu'nyi yihiyipija' anga savi, piriivi anga naanga kiba mwasawи walyabina yina yapiji "Gotiyai yagaainakei yihizathelyi," widapiji sarimire sivilyangi kwaatiridirinya yihimowi'nika sa purakirasi'na jideihili. ¹⁵ Nebulya'na yihithivanige. Kotiya mary'a'ne yirikeriki Anga Sothomi Anga Gomora kayaa'nanyabanyaai mwaalyaraavine' tivikisavi anga naanga dazaba mwaalyaraavire tivikisa' wavlavadesi.

Taanga pitbwina pitbwina yima'nade'nesi.

(Maakि 13:9-13; Lukि 21:12-17)

16 Yithaanyi! Nimi kavijili:keraavi tinityawinna sipzipiya kwaamusaihiri marayihyaasiwa. Sarevidaan'nyi sarimi simunya' nayaa yawidiv'i nayaa jideihilyi. Nabaai kwaamiryarebwibi' kave mwaaidiv'i pwaraavi kayaa'na mipinera! Nayaa duziwaakyila! **17** A'mweraavina mala nayaa jiwanneyila! Sare! dare'nesi. Kunnya kaajoliyaraayabanna kotiya yihimariipi'deihilyi. Kunnya lotuangengi kusawi wiilyabaalyi dika yihihidapi'deihilyi. **18** Nimiinyina "Walamarakaana!" yawidiv'i Ga'maaniyaraayawinnaji Kingiyaraayawinnaji yihimakupi'deihilyi. Sagaa' sahwaraavi kadika mu'nyadivisaraaviji ajimya yuyangiyaraaviji niminyine'na jalikurakya'nehi duziwaakyide'nanyi. **19** Kotiyav'i kyihimarimwangapiji yawita kwalaalya myadiv'i dara nyawipidi!! "Nemi gara widaaziwona? Nem be yagaalya' wirivikiraanneka?" Sare! dare'nesi. Sagaasagaa' yunegaa' yagaala duziwaakyide' sarimire simunyavi Gotiyare Kuryai yihwakadelyi. **20** Yune sarimi sahina duziwaakyidehi mi!. Aawa. Sirinimaangere Kuryai wileayihimwaaida yagaala sa' sarimire maangikaavidaasi wijiwaakadelyi. **21** Nabaai a'mwei Gotiyari malimwagyadei gahwaalaangeri Gotiyare limwade'na kotiya kumarimwaaahoji yinahu tamaki:pjai. Yi nabaai ganimaangei gannya kaimraayari avaala sana yadelyi. Nabaai kaimraayara kirinaangewaari yikamaanga yima'nyina yapiji tamakya'na kotiyav'i wimwaanihina. **22** Nimiire yayavine'na yuyara simili:ka widere sariminyina. Kir'i aaya yune naangegaa'na a'mwe diraginna daavajai Gotiyai padaihasamaaradelyi. **23** Nabaai anga naanga piba Gotiyarine yawisaihiri kayaaka juwi'nyina kihyapiji anga naanga pibanna likaanya yikuna jideihilyi. Sare! dare'nesi. Nebulya'na yihithivanige. Sarimi wawinya' Yizireli anga naanga yuyabanya yarai mi'mwannyadapi A'mweraavine Kaimraayai bathehaa'nanyi.

24 Mididei gannya wijiwaakyari wavilavadei mi!. Nabaai yaasiwa'wawinya'i gamire naangei wavilavadei mi!. **25** Yi mididei gamire wijiwaakyai mwaaidavaaib'i yima'naja' sa' wikira. Nabaai wawinya widaayadei gamire maremwaalyai mwaaidavaaib'i yima'naja' sa' wikira. Nimiinyi kayaa'na yipija' sariminyi kayaa'na yihithivanige. Nimi angevi maremwaaidinyainyina dara diwa'daa! "Yimaka Naangere diraginyavina yimakeraavi widaasi:van!". Sara din "Biyelizivulig Yimaka Naangeiginyi," din yawa'daasa'na sariminyina nimire angeviyahirina kayaa'na gatha'dara dipi'de'neka!

(Luki 12:2-7)

26 Sarevidaan'nyi kuminyina lika mipinera! Sare! dare'nesi. Yuyaburaaviji yuyangiji bwakakinike ku'maayaba waraabathengi. Yuya kulaa'nya lika yulyarike a'mwera yawirangabi'dengi. **27** Sareenna jihinyavi lika yulyarikevi yagaala yihithivanige daza yirikegaa' a'mweraayaba duziwaakyidengi. Nabaai sarimi kave kadiki'na witnakivanigasa angevi munya ke'ba daa'div'i naanna duziwaakyidengi. **28** Sarimire kilakejikaavi a'mwe yinahu tamaki:pideraa:na lika mipina! Kir'i sarimire kuryaraaviji tamaki:pineri mi!. Aawa. Dika Kayaa'nanaangevi Gotiyai kuryariji kilakejikiji yuyaraari kayaaka yigalannerina lika jide'nanyi. **29** Yuta maalika pwaraai nigwia pu'nanyisi mubadivisi' midaa! Kir'i Sirinimaangei "Aala!" kadozi yuta maalika sarei mabalyoj kwaakevak bwalaraawadei mi!. **30** Kir'i sariminyine'na sarimire minyaginyangi mijata yuyang ata mena ginikengi. Gotiyai sariminyina mena yuna yawi'nikieihilyi. **31** Sarevidaan'nyi lika mipina! Dare! jawiryila! Yuta maalikeraavi Gotiyai nayaa maremwaide kwalaalyaraavi nemi diraginna mena wavila'mwoinera! Sara jawiryila!

(Luki 12:8,9)

32 Sarengidaa'nyi yihithima! Gazaizai Kwaaka davaki a'mweraayaba jalikurakivanikei "Nimi Jizaazareinyi," yi sahwarina aayagaa' Sigunyavi Nimaamaangeri jalikurakideinyi "Sahwai nimirelyira." **33** Kir'i gazaizai

a'mweraayaba wijiwaakajai "Jizaazareinyi mika!" yi sahwarina Sigunyavti Nimaamaangeri wijiwaakideinyi "Sahwarina myawiriweinyi."

(Luki 12:51-53; 14:26,27)

³⁴ Sarimi simunya myawipina! "Kwaaka davakina Jizaazai mala yuya yiga'mwagakya'najt narya wakya'najt biwakelyi." Nitmi narya wakya sa'na biweinyi mit!. Aawa. Kwaari'masraminya makabeneinyi. A'mweraavi tangivalya'na biweinyi. ³⁵ Sare' dare'nesi. Yikamaanga yima'nya'nevina biweinyi. Nitminyine'na a'mwelyi ganimaangelyi simunya ge' ge' tangivalakilyi maanga dinya'na. Yi sidiraayas ganaangesi simunya ge' ge' tangivalakilyi maanga dinya'na. Yi a'mwesi ganyaalimaangesi simunya ge' ge' tangivalakilyi maanga dinya'na. ³⁶ Yi a'mwelyiyara avaaimwaalya kwara yikamaanga mwaalina yipi'derera. ³⁷ A'mwei ganimaanga pwarina ganaanga kiriivina diraginna yawi'na yada nitminyina maali'na yawi'na yade sahwai nitmirei wi'nanyai mika. Nitminyina tewaanyai mit!. Nabaai gawaalivaanga pwarina garaavaanga kiriivina diraginna yawi'na yada nitminyina maali'na yawi'na yade sahwai nitmirei wi'nanyai mika! ³⁸ Nabaai yita yovihirarannike' kanyijaavapiji makwawa'mujt yita savi balidevaabibit nitminyine taanginyanna biraizikanna "Aala!" dada kuna manyimidiinyajai nitmirei wi'nanyai mika. ³⁹ A'mwei gannya gaala yune kaveya sabwina yawi'da nitminyina "Aala," dazai gamire kuryai kayaaka yinadelyi. Yi a'mwei nitminyina diraginna yawi'da gamire mwaalyabwi yagalya'mavajai nitminyina balajai gamire kuryai yuyagaa' yuyagaa' tewaanna mwaaladelyi.

(Maaki 9:41)

⁴⁰ Nitmire yagaalya' jamaryadaapiji a'mwei wigaimwange'na yihmaarajai yi sariminyi gaveihir mamaari yihyadelyi. Avaalyagaal nitminyiji nyimaraadelyi. Nabaai nyimaraajai, yithaanyi, sarevidaa'nyi nyimaryasaabakeri maaradelyi. Tewaanya maaradelyi. ⁴¹ A'mwei yawi'na "Sahwai piropetiyai Gotiyari wi'navijiwakadei mwaalike'na wigaimwagi'ma! Piropetiyari nitmire angevina marakaabiwi'jari nayaa maremwaalima!" Yi a'mwe dazar Gotiyai piropetiyari yanga wirivikiradevaabibit yanga tivikita nawi'nya' wi'jaavadelyi. Nabaai a'mwei yawi'na "Sahwai yida'maraangei mwaalike'na wigaimwagi'ma!" Yawi'na yoji gannya angevina maarajai Gotiyai yida'maraangeri yanga wirivikiradevaabibit yanga wirivikita wi'jaavadelyi. ⁴² Nabaai pwai a'mwe maalikeraav tinnna wanganna yoji yawi'na "Jizaazare midideri wigaimwagi'ma!" Yawi'na yoji kaapivananyavi aalya nya'ne gave' yanga wi'jaavajai, yithaanyi, nebulya'na yihthivanige. A'mwe dazarine yanga wirivikita yaasiwa'na yiwawode' mit!. Arikewi.

11

Jonimire mididisaraari Jizaazaryawinna maryasake'nesi.

(Luki 7:18-35)

¹ Jizaazai gannya siviliridaa'nyi pwaraala saraavire wawinya'na kivinya daza' tivi'na jiku'na yaka sabadaa'nyi kumire anga naanga sawinna kaanna wi'na yaka a'mweraavi wi'jwiryada wi'jwawode' mit!

² Joni kalavuzav mwaalina yada Kiraazitiyai yadaa'nyiya yuya sanna Joni kadika wi'nyina yaka gannya mididisaraari gaminyawinna maryasina. ³ Dara widaasina "Nem 'Sigunyavidaa'nyi bathelyira,' dadaanyaigti dahwaigti dingaka? Pwarina yemwalaadei dingaka?" ⁴ Sara widaasina yakeraai Jizaazar yidaanganna kyagi yagaalyav tiviki'na "Joni myawinna kirimt yuya kadika wi'nagila tinnna wangamanigila sannajti duthithaakwila!" ⁵ Tibinyara tinnna yenyina, sivila kayaa'nanyara kaanya yamarina, samatanakera nawi'nya yima'nyina, a'mwe kadika mu'nyimu'nyara yagaalyangti kadika wi'nyina, bainkera ayina yidikaa'na, a'mwe

n̄igw̄imaayaraav̄i yagaala tewaanya' w̄ij̄waak̄ina yad̄inyainȳi. ⁶ Nabaai n̄im̄nȳina pwai s̄imunya p̄ir̄waalȳyai mamwaalȳi yajai d̄raḡinya nȳil̄mwagazai ȳi dazai ȳilaaya yada tewaanaanga ȳinikelȳra." Jizaazai Jon̄im̄na sara w̄ida!

⁷ Jon̄im̄re saraai mena w̄ina yadaak̄ilȳi sagaa' Jizaazai Jon̄im̄na kwala bwa'naanyav̄i dara w̄id̄ina "A'mwera maayabanna sar̄im̄ kaanna w̄ina yeva bewari wanganaaweva? Suya p̄ir̄ki ȳhusa' galaliwihrakeri'b̄isari dahawanganaawe!?" ⁸ Aawa. Sar̄im̄ t̄inna bewari wanganaaweva? Baazi'ma'nya wolata baazi'ma'n̄ikeri dahawanganaawe!?" Aawa. Ȳithaanyi! Baazi'ma'nya wolata baazi'ma'nad̄iv̄i kinḡyaraav̄ire angenḡi mwaaid̄iv̄isare. ⁹ K̄iri' bewarina waweva? Piropet̄iyari Got̄iyari w̄i'naw̄ij̄waakaderi wanganya'nehi d̄ingaka? Yo, ȳih̄th̄ivan̄ige. Dazahwai piropet̄iyai yaka k̄iri' piropet̄iyaraav̄irebwi wav̄ilav̄ikelȳi. ¹⁰ Yune a'mwe sahwarina d̄inik̄er̄nesi. Got̄iyai dara w̄ij̄ja'

'Ȳithaa, n̄im̄re w̄ij̄waakya'nei maryasaab̄idelȳi.

Ḡim̄nȳina s̄innaw̄i waanȳina yadelȳi.

Ḡim̄inne tutaanya maryov̄rawak̄ina yadelȳi.'

¹¹ Nebulya'na ȳih̄th̄ivan̄ige. Jon̄i Bav̄itaaziya Yadei a'mweraav̄idaa'nyara Kwaakevaki ȳma'n̄igata yuyaraav̄i wav̄ilav̄ikelȳi. K̄iri' Sigunyaviya Got̄iyai maremwaaid̄ine a'mwe yune maalikei ȳi sahwai Jon̄im̄ wav̄ilav̄ikelȳi. ¹² Jon̄i Bav̄itaaziya Yaderegaa' dhaaa' kuna ȳivan̄iga'. A'mwera Sigunyaviya Got̄iyai maremwaaid̄e d̄raḡinna yaw̄iramaa'man̄igasa'nanȳi. Ȳi a'mwe d̄raḡinaangera d̄raḡinna l̄imwaga'man̄igasa'nanȳi. ¹³ Sare' dare'nesi. Piropet̄iya yuyara d̄inik̄ej̄i Kiw̄inya k̄inij̄i dara d̄in̄i 'Naangei yuyaraav̄i maremwaaladelȳi.' Sara d̄inik̄e' nabaai aayaangei Jon̄i n̄im̄nȳina sara w̄idakelȳi. Sagaa'nanȳra. ¹⁴ Nabaai 'Maremwaalade' mȳma'nȳi kyoj̄i s̄innaw̄i pwai bathelȳi. Sahwai Ȳilaajare waw̄inya' yaake' makabathelȳi.' Sara d̄inik̄esi. Sar̄im̄ 'Kadika w̄i'naajaina,' yaw̄irapij̄iyaihi du'nȳila! Jon̄i Ȳilaajalȳi. ¹⁵ A'mwe kad̄i'nakei yagaala daza' nayaa w̄i'nana!

¹⁶ A'mwe dhaasaraav̄ina benib̄itaraavaka! Darebaaib̄isarera. Angwaasabanna avaannya'ne kaim̄raayara mwaaleva kaim̄raaya pwaraav̄ina jaka w̄idangaman̄ga' ¹⁷ (Jon̄im̄ne'na)

'Avaannya'na mudikangenḡine gware maku'man̄igo

K̄iri' "Kwarame aala!" d̄ivan̄igave!'

(N̄im̄nȳine'na w̄idangaman̄ga')

'Nem̄i baryanḡine k̄idaata d̄ivan̄igo

K̄iri' "Kaladaata aala!" d̄ivan̄igave!'

¹⁸ Sare aaya kaav̄ilya' da'daresi. Jon̄i bakegaa' wapaaya ge geji waain̄yas̄i 'Aala!' dada mwaalake'na dara d̄ina ȳivan̄iga', 'Ȳimakei k̄in̄nnakelȳi.' ¹⁹ A'mweraav̄ine Kaim̄raayai biwa'd̄ikegaa' wapaaya ge geji waain̄yas̄i nada mwaalike'n̄a d̄ina 'Ȳithaanyi! A'mwe sahwai munaanga naangesiyai n̄ivan̄ikelȳra. Nabaai waain̄ya kwalaalya n̄ivan̄ikelȳra. Taak̄iz̄iya maa'd̄iv̄isaraav̄ij̄i k̄iw̄inya galazek̄i vaid̄iv̄isaraav̄ij̄i kw̄ya'mwelȳra.' Jon̄ij̄i sainaai Got̄iyare s̄idusabwina maarola waw̄inya naw̄i'nya ȳivan̄igolyainaalȳi. Waw̄inya sa s̄idu'nakera dara yaw̄iranganna 'Got̄iyare s̄iduta tewaanyabwina sara ȳivan̄igi. Ȳida'maraangesira.'"

Anga p̄ibanyaara mal̄imwagyaraav̄inesi.

(Luki 10:13-15)

²⁰ Sagaa' anga p̄ibanyaav̄i Jizaazai gam̄ire d̄raḡinya kwalaalya yaka k̄iri' s̄imunya mudikebwi myaw̄iryeva. Sare'na dazagaa' sahwai maanga gaai dara w̄id̄ina ²¹ "We!" Korazini mwaalyaihile! Bet̄izaitha mwaalyaihile! We!" We!" Kayaa'na ȳhyadeihile. Menyaraav̄ireba Taayaa mwaalyaraj̄i Saaithoni mwaalyaraj̄i n̄im̄ d̄raḡinaanga sa sar̄im̄re angeba ȳwa'denḡi t̄inna wangab̄iz̄i kwaj̄i ȳi k̄igaakuna s̄imunya mudikebwi yarai kyaw̄iramaap̄idika! Kum̄rebwina

kale wiadaa'nyi baazi'ma'nya kirīkīrinakera mwaaidiv'i' kwaagisasi kavu'nipidika! Sare'na kayaa'na yihyadeihilyira. ²² Sare kirī' yihithivanige. Kotiya mary'a'ne yirikerik Taayaa mwaalyaraj Saithoni mwaalyaraj saraavire taanginya' naanga sabita mi'. Taanga yihiviramaarade sa' wavilavadesi. ²³ Nabaai Kaapaniyam mwaalyaihi Sigunyavina yihimakiladeihi dingaka? Aawa. Dikevi dalaawideihilyira. Anga Sothomi nimi diragiya da sarimire angeba yawa'dengi yiwiji kwaj haasagaa' kuna kamannadika! ²⁴ Kirī' yihithivanige. Kotiya mary'a'ne yirikerik Sothomi mwaalyaraavire taanginya maalika yaka sabaabib' yihyade'na mi'. Taanga sariminyi yihyade' wavilavadesi."

"Niminyawinna bapiji kwazaaka dimwaalyila!" dinike'nesi.

(Luki 10:21-22)

²⁵ Dazagaa! Jizaazai dara dina "Nimwai! Sigunyavnaji Kwaaka davakinaji Naangeiginyira. Su! Su! Yuya dazanna 'A'mwe simunya naya yawi'daanyaina sidu'nakeinera. Gotiyari myawiraanna!' yawi'divita saraavina lika yulyakivanigi. Sara yagina 'Nemi yune kaimraaya maalikeina. Sidu'maayaina,' yawi'divisaraavina wibwaridaakuvaniginya'na 'Su! Su!' gitihivanige. ²⁶ Yo, Nimwai, gimirre sabwi sasarebulyi. Gimire yawita 'Sare' wabahilaaka nawi'nya' nyawa', dahina sara yivaniginya'nanyi. ²⁷ Nimaamaangei yuyaj yuyaburaj nyimarimwangakeinyi saza maremwaaidinyainyi. Gawaalik naya yuna yawirangadei aane pwai kwai mi'. Aawa. Nimwai gave sahwaina Gawaalik naya yawirangadelyi. Nabaai Nimwar gazaizai naya yawirangadei pwai mi'. Aawa. Gawaali' gave sahwaina Nimwar naya yawirangadelyi. Yi Gawaali' pwai kwarina dara yawi'na 'A'mwe sahwarina Nimwar yawiranganya'na wibwaridaakuma!' Yi sara yawiraja' sahwara Nimwar yawirangabi'derera.

²⁸ A'mweihi yagiyagi yadiv'i taanga naanga maa'manigasaihi yuyaihi niminyawinna divila! Nim'i sariminyine kuryaraav kwazaake'neihiri yihimwaaahi deinyira. ²⁹ Kwaamu'nanyainyi similika yarai manyulyade'naj'i nimire simunyavi nimi sainyi walamarakidinya'naj'i nimirebwi maa'div'i nimireihi yima'nadiv'i nimire yagaala jawiramaarila! Sara yapiji sarimire kuryara kwazaake'biramaa'div'i kwaamu'nanyaihi dimwaalyideihilyi. ³⁰ Sare dare'nesi. Nimirebwi tewaanyabulyi. Taange'na mi'. Sare' yihihaimwagideihilyi. Nimire taange' naange' mi'. Sare' nimire diragiya yihizaavideihilyi."

12

Juyaraavire Kwazaakegaa'ne kimaakiya'nesi.

(Maaki 2:23-28; Luki 6:1-5)

¹ Sagaa! Kwazaaka pirk iwitwawinyavi tinnyanbanne tusavi Jizaazai kaanna wiña. Kaanna wiña yadaa'nyi gamirera mididivisara mijika wiadaa'nyi witizilya maariña yeva tika nyina. ² Tika nyina yadaapiji Periziyara dazavi tenna wanganna, sari widina "Yithaa! Gimididivisara wawinya yivanigasa'na nemire kwazaakevi kiwinya' galazekivaimanigasarera gimirera!" ³ Sara widina kye! widina "Kaya'a'na mywaava. Ne Deviti yaake dinika dazavi madanganyadivitaihi daa! Nim'i diwe dazagaa' sahwalyi yeva gamireraj'i mijika mwaalesagaaki. ⁴ Yi sagaa' sahwara Gotiyare angevi wilina yina yeva girikula Gotiyarne warike tika nyina ye!. Girikula tewaanya sa Devitiji gamireraj'i tika nya'ne mi'. Aawa. Gotiyarina mubithika yira'divita gavera tika nya'nengira. Tika nyina yesa'na kiwinya sa' galazekivaina yeti kiri' Gotiyai yagaala mujakelyi. ⁵ Nabaai Kiwinyavi dinika piri'i madanganyadivisaihi daaka! Sare' dara dinikesi. Kwazaakegaa' Gotiyare Angevi Gotiyarina yira'divisara wawinya yipinerera. Yagaala mwarika! Kwazaakegaa'ne kiwinya

d̄inikenḡ pari'ma'd̄ivsarera. K̄ir̄' yiwtawakya maayare." ⁶ Gam̄nyina ke'ba'na w̄id̄ina "Datha' yih̄ith̄ivan̄ge. Kwaaka davak̄ pwai Got̄yare Ange' wav̄lav̄kelȳ. ⁷ Ȳ Got̄yare bukuyav̄i dara d̄in̄"

'Sip̄zip̄yaraav̄ yaasi'wa'na manyijaav̄ip̄neih̄lȳ. Aala!

Pwaraav̄ina kale gaimwange'na nȳvu'n̄van̄.'

Sara d̄in̄ke' nayaa yawirangabiz̄i kwaj̄i a'mwe kayaa'nanya maayaraav̄ina 'Sahwara K̄iw̄nya' galazek̄ivaimwaa!', maj̄i kyi'pid̄ika! ⁸ Sare' dare'nesi. A'mweraav̄ine Kaim̄raayai Kwazaakegaa'ne' maremwaal̄kelȳra. Sarev̄idaa'nȳi n̄m̄ire yagaala dazav̄i d̄im̄d̄inȳla!"

(*Maaki 3:1-6; Luk̄ 6:6-11*)

⁹ Sabadaa'nȳi Jizaazai kaanna w̄ina yaka kum̄re lotuangevi w̄il̄ina. ¹⁰ Ȳthaanyi, saba a'mwe pwai gam̄re asa' yaal̄ka mena ȳn̄kei mwaal̄ina. Sahwar̄ina yawi'd̄iv̄i d̄inyina "Kwazaakebwi kayaaka kyoj̄i Jizaazar̄i kot̄ya jaana!" d̄neva sar̄i ȳdaanganna "Kwazaakegaa' nalaav̄inakeraav̄i naw̄i'nya yavada'galaadevvi d̄ingaka? K̄iw̄nya' galazek̄ivalaadevvi d̄ingaka?" ¹¹ Sara kude' sai w̄id̄ina "Sar̄im̄ij̄ya pwai kwazaakegaa' kavi'n̄nna p̄ir̄iv̄i gam̄re sip̄zip̄ya pwai walaraaw̄ina yajari mal̄mwagyada mamwagi'namakilȳi yadei gawalaka! ¹² Sar̄im̄ij̄yai yarai mwagi'namakidaavadelȳi. Kwazaakegaa'na maanga aawana! Sip̄zip̄yai maal̄kelȳra. A'mwei naangaangelȳra. Sarev̄idaa'nȳi Kwazaakegaa' a'mweraav̄ine w̄igaimwange' K̄iw̄nyav̄ina tewaanyasi." ¹³ Sara w̄id̄aka asa' yaal̄ka mena ȳn̄ker̄i w̄id̄ina "Ḡinnya asa' d̄ivyaasibwa'nana!" Sagaa' gam̄re ata ȳw̄ibwa'nȳna yada asi ayabaaib̄i ata pwib̄i maamidaryi ȳma'nȳna ya!. ¹⁴ K̄ir̄' Per̄iz̄iyara bwalyuna ȳna yeva "Jizaazar̄i tamakaana!" deva yagaalya' jamungaj̄na ye!"

Got̄yare wi'daayaderi dah̄ilakakerinesi.

¹⁵ Jizaazai kum̄re tamakya'ne sav̄na mena yawi'na yaka saba yagalya'ma'na, kaanna w̄ina. Nabaai a'mwe kwalaalyara m̄id̄inna ye!. Sara kye' a'mwe nalaav̄inaka yuyaraav̄i tewaanya yavada'gaina ȳna ya!. ¹⁶ Yavada'gaina ȳna yaka d̄raḡinna w̄id̄ina "Ḡim̄nyine'na ȳwe' pwaraav̄i muj̄iwaak̄inna!" ¹⁷ Got̄yari w̄inaw̄ij̄iwakyaakei Aazaayai d̄in̄ke' "Yunebanna ȳ'mwannana!" Got̄yai kada' sara ȳna ya!. Sahwai kave yabwina dare' d̄in̄kesi. Got̄yai sahwar̄ina dara jaa' ¹⁸ "Ȳthaanyi! W̄idah̄ilak̄wei nȳdaayade tewaanyalȳi.

Sahwar̄ina n̄m̄inȳi tewaanya nȳvu'nadelȳi.

N̄m̄ire simunya ȳlaaya yadelȳi.

N̄m̄ire Kuryari sahwar̄ina ȳlawimwaaikh̄idelȳi.

Aj̄mya yuyanḡyaraav̄i yawibwasa'nebwina w̄ij̄iwaakadelȳi.

¹⁹ Maiyagaala majada jaka dathei mi'.

Tuta naangenḡi kad̄ika w̄in̄ipi'dei mi'.

Gam̄re maanguraaya' jaka damaryadei mi'. ²⁰ Suyari' walaḡi'dura'n̄ker̄i mwa-gal̄iv̄ipaid̄iv̄itabaaib̄i'

D̄raḡimaayaraav̄i kayaaka ȳgaladei mi'.

Laam̄vananyav̄ire wikiya' maali'na nade' ȳgaa'mwadiv̄itabaaib̄i'

S̄imunyav̄i n̄m̄inȳna maali'na yawi'n̄keraav̄i ȳgaa'mwagathei mi'.

Kuna yadaawori ȳda'maraangebwi yunebanna waradehaa'nanȳi.

²¹ Aj̄mya yuyanḡyara sahwar̄i limwabi'delȳi.

Padaihasamaarya'ner̄i sahwara yemwaaib̄i'delȳi."

Piropet̄ya Aazaayai sara d̄in̄kesi.

"Ȳmaka Naangei Jizaazar̄i w̄igaimwamanike'nanȳi," desa'nesi.

(*Maaki 3:20-30; Luk̄ 11:14-23; 12:10*)

²² Dazagaa' gaminyawinna a'mwe pwari makabina yina ye!. A'mwe dazarit yimakei wilamwaalikei. Yimakei wilamwaaidisnya'na sahwai tibinyai yima'nyina, maanga bipainikei yima'nyina yakelyi. Sahwari Jizaazai nawi'nya yavada'gaina yakevidaa'nyi maanga bipainikei yagaala din a yaka tinna wanganna. ²³ Yi a'mwe kwala bwa'naanya yuya lika yiwainigulina yina yeva din yina "Dazai Ne Devitimire Kaimiraayari yemwaaimanigo sahwai dingaka!" ²⁴ Kir! Periziyara sa' kadika wi'nyina yeva din "A'mwe dazai yimakeraav! maremwaidei Biyelizivulimire diraginya' maaraka yimakeraav! widaasivanikelyi." ²⁵ Sara din yadaapi kumire simunyangi mena yawiranganna yaka widina "Maremwaide gave pibadaa'nyara pivakaai mararangivainadiv'i mala bwa'nipija! maremwaide daza' kayaaka yima'nadesira. Nabaai a'mwe anga pibanyara anga kiriviyara tinnysaba mararangivainadiv'i mala bwa'nipijaraav!reba warade! mi!. ²⁶ Sabaaibi! Saataanimirera jaapainyina yadivi! pwara Saataanimire pwaraav! widaasipijavidaa'nyi Saataanimire maremwaide! gara daavadevaka! Aawa. Kayaaka yinadevaakira. Kir! Saataani manyigaimwagyada yimakeraav! widaasivanige. ²⁷ Nabaai nyidiwaasa'na Saataanimire diraginyaavi yimakeraav! widaasiwiji kwaj sarimire mididivisara yimakeraav! widaasadivisara diraginyaavi aaihwarevi widaasivaniga! Sare'na mi!. Sarevi sarimirera sariminyi yawibwa'na 'A'mwera Saataanimire diraginyaavi yimakeraav! mudaasivanigava! Sabwi aawaawa!' Sara yawibwapiderera sarimirera. ²⁸ Kir! Gotiyare Kuryai nyigaimwadaawozi yimakeraav! widaasiwija! yi sarimi jawiranganyide 'Neminyawinna Gotiyai maremwaide! mena biwaka! Sare'na yimakeraav! sahwai widaasivanikelyi.' Sara jawiranganyide." ²⁹ Gaminyine'na ke'ba'na widina "Pwai kwai yawirajai 'Diraginyaare gilyivisangi gara maarieinyaka?' Diraginyaare angevi wilina yaka Diraginyaari wila yune'na ytrapwekaka yi sagaa' gilyivisa maragi'mwagamaa'na yiwakelyi. ³⁰ Pwai manyigaimwagyivanikei sahwai nimire yikamaangelyi. Sai nimireraav! mye'mwannayi'bwaramwaaihyivanigolyai piwi piwi nimireraav! tamaasivanikelyi. ³¹ Sarevi yihithivanige. Kayaa'nanya yuyaji birala saza dadivisaj Gotiyai marasi'nadelyi. Kir! Kurya Tewaanyarina yagaalibiraizika dazare wagilya! marasi'nadei mi!. ³² Gazaizai A'mweraavine Kaimiraayarin yagaala kayaa'nanya' birala dazai yi gamire wagilya! Gotiyai wimarasinadelyi. Kir! gazaizai Kurya Tewaanyarina yagaala kayaa'nanya' dazai yi gamire wagila daza' marasi'nadei mi!. Aawa. Dahaa' kigaasi divi yima'nade kigaasi waragwothesi. Kurya Tewaanyai yadengina pwai biralya! dazai 'Saataanimire diraginyaireva,' wagila daza' Gotiyai marasi'nadei mi!.

(Luki 6:43-45)

³³ Nabaai sarimi yawirangabineihili 'Yisi' tewaanyiki,' dipija! 'Yi gamire yisiла kiniyi tewaanyangira,' dipineihili. Nabaai 'Yisi' kayaa'nanyiki,' dipija! 'Yi gamire yisiла kiniyi kayaa'nanyang,' dipineihili. Sare' dare'nesi. Yisiлаnna a'mwera wangadiv'i yisiyangine yisikana yawi'diviki. (Nabaai "Jizaazai tewaanyanna yadevidaan'nyi sahwai tewaanyalyireva.") ³⁴ Naawinaanyaridaa'nyaihi, a'mwe kayaa'nanyaihi mwaaihasa'na yagaala nawi'nya gatha'dara dipineihilaka! Sare' dare'nesi. A'mwera simunya yunevi yawi'de daza maangevidaan'nyi dadelyi. ³⁵ A'mwe nawi'nyai gamire simunyavi yawita tewaanya wilawa'delyi. Sarevidaa'nyi yagaala yuna tewaanyabwina dadelyi. A'mwe kayaa'nanyai gamire simunyavi yawita kayaa'nanya wil'a'delyi. Sarevidaa'nyi yagaala kayaa'nanyabwina dadelyi. ³⁶ Kir! sarevidaa'nyi yihithivanige. Kotiya marya'ne yirikeriki Gotiyai yagaala gazaza yaasiwa'na damaryadivisanna maryawibwaradengira. ³⁷ Sare' dare'nesi. Yune gimirte yagaala dadinya dazahirivina Gotiyai 'A'mwe yida'maraangeiginya,' gitathelyi. Nabaai gimirte yune yagaala dadinya sahirivina

‘A'mwe kayaa'nanyaiḡnyira,’ git̄hathelyi.”

“Diraginya' wijiwaainya' ja!” widesa'nesi.
(Maaki 8:12; Luki 11:29-32)

³⁸ Dazagaa' K̄iw̄ja pwaraj̄ Per̄iz̄ya pwaraj̄ sara ma'maa'na “W̄t̄j̄waakyaiḡ, nevu'n̄van̄ike'na t̄inna wanganya'nev̄na atīka maru'nasa' wijiwaainya' ja! (Wanganawaaji 'Jizaazai nebulya' ned̄van̄ikelyi,' yaw̄raadera.)” ³⁹ W̄d̄ina kye' sai ja'nawid̄ina “Dahaasaihi kayaa'nanyaih̄lyi. A'mwei mwaaid̄'nyi a'mwe' pwaraav̄ tidavamaryadevaabi' Got̄yar̄i nayaa mi yad̄iv̄i gevwi yad̄iv̄isaih̄lyi. Sareihi nyid̄waa! 'W̄t̄j̄waainya' wanganawaaji gyaw̄iranganaadeinera.' K̄iri' wijiwaainya piñi mȳhibwar̄idaakw̄iwin̄a! Aawa. Wijiwaainya p̄ropetīya Jonaam̄ire'na yune sahir̄i'na ȳhibwar̄idaakw̄ideinyi. ⁴⁰ Sare' dare'nesi. Kigaa' Jonaa jaw̄nya naangev̄re munȳiki w̄ila'd̄'nyi ȳrika daryaai dar̄i wav̄lavakabaa A'mweraav̄ne Kaim̄raayai kwaakevī kusawī w̄ila'dozī ȳrika daryaai dar̄i wav̄lavadelyi. ⁴¹ Kot̄ya maryā'nev̄ Menya Ne s̄innaw̄inya Nin̄va mwaalyaraj̄ dhaasa daih̄lyi daavapij̄i sahwara sar̄im̄re kayaa'nanyabwina ȳh̄iz̄dap̄i'derera. Sahwara Jonaa yagaala w̄jaakevī kad̄ika nayaa wi'neva s̄imunya mud̄kebwina yaw̄ramaryasa'nanyi. Ȳthaanyi, dhaa' dava pwai mwaal̄i Jonaam̄i wav̄lav̄kei. Sahwarī sar̄imī kad̄ika wi'neva mal̄mwagaryiḡasa'na sahwara ȳh̄iz̄dap̄i'deihih̄lyi. ⁴² Kot̄ya maryā'nev̄ a'mwe naange' kwin̄ya' kwaaka aayaw̄daa'nyav̄ij̄ dhaasa daih̄rijī kihith̄kaavojō kwin̄ya daza' sar̄im̄re kayaa'nanyabwina jal̄kurakadesi. Tuta saam̄naanga k̄rīvī Solomonim̄re kunya naw̄i'nyaange' wi'nya'ne' byaake'nanyi. Ȳthaanyi, dhaa' dava pwai mwaal̄i Solomonim̄i wav̄lav̄kei. Sahwarī sar̄imī kad̄ika wi'neva mam̄id̄nyi van̄iḡasa'na kwin̄ya daza' ȳh̄iz̄davadeih̄lyi.”

(Luki 11:24-26)

⁴³ Ke'ba'na w̄d̄ina “Nabaai ȳimakei a'mwe pware munȳikīdaa'nyi bwalaaw̄ina yaka anga a'gaaye p̄ibanna b̄rya'nei yaal̄ik̄ryabanna kaanya ȳw̄inama'na. Kaanya ȳw̄inama'na yada k̄iri' mwaalya'ne saba mab̄ramaari yajai ⁴⁴ d̄ina ‘N̄nnnya angev̄daa'nyi bwalaaw̄ina ȳiwebanna aȳna w̄ideinyi.’ Sai w̄ina, anga sav̄i t̄inna wanganna ‘Mena t̄irīmaaya bwak̄ireva aaraare ȳidak̄waata kune' daaka! Yune kunesi. Wik̄ra.’ ⁴⁵ Sara dazai kaanna w̄ina, ȳimaka ata pur̄idaa'nyi pwaraalyaraav̄i w̄ij̄ima'naaw̄ina. Ȳimaka gazaizare kayaa'nanyabwi ȳimaka s̄innaw̄inyare kayaa'nanyaburi wav̄lav̄kerera. Sareraav̄i w̄ij̄ma'naaw̄ina yaka a'mwere munȳiki yuyara bulamwaaina. S̄innawi ȳimaka pwar̄ina a'mwe sai kayaa'na mwaal̄ina, d̄ividaa'nyi ȳimaka kayaa'nanaangeraav̄ina sai kayaa'na naanna mwaal̄ina. Nabaai yune sasare sah̄bwina dhaasa a'mwe kayaa'nanyaih̄rīne' ȳma'nadesi.”

Jizaazar̄i ganaangesi gahwaalaangeraj̄i sanakaav̄inesi.
(Maaki 3:31-35; Luki 8:19-21)

⁴⁶ Kwala bwa'naanyavī yagaalya' kuna w̄dadaa'nyi, ȳthaanyi, mwasawī gam̄ire ganaangesī gya'mweraj̄ bathaa'na. “Gam̄ij̄i yagaala ye'mwannadaana!” deva bathaa'na ȳna ye!. ⁴⁷ Bathaa'na ȳna yadap̄ij̄i pwai t̄inna wanganna yaka Jizaazar̄i w̄d̄ina “Ȳthaanyi, gwaangesī ja'mweraj̄i 'Yagaala ye'mwannadaana!' deva mwasaba bathaakava!” ⁴⁸ Sara kuda' k̄iri' sahwarī ma'maa'na “N̄m̄inyi niwaa! aaih̄rīvaka? N̄m̄inyi nya'mwera aaihwaravaavaka?” ⁴⁹ W̄d̄ina yaka gam̄inyi m̄id̄id̄iv̄isaraav̄i ata ȳda'na yaka w̄d̄ina “Ȳthaanyi, dazahwara kum̄re kuryaraav̄ina n̄m̄inyi niwaasi nya'mweraj̄i sanaka mwaaiha! ⁵⁰ Sare' dare'nesi. Sigunyavī N̄maamaangei mwaal̄ikere s̄imunyabwi m̄id̄inajai sahwai nya'mwelyi. Sahwai nya'mwesi. Sahwai niwaasi.”

13

A'mwei witizila p̄iraihirakakevinesi.

(Maaki 4:1-9; Luki 8:4-8)

¹ Yirička sariki angevidaa'nyi Jizaazai walyuna yaka aalibunyavina wiña yaka maangebaari walamaaaina. ² Walamaaaina yadi'nyi gaminyawinna kwala bwa'naanya naanga yi'bwa'naabina. Sara yesa'na botiya puki yi'ladikwosi'na yaka yilamwaaina yadi'nyi aalibumaangebaari kwala bwa'naanya yuya! daavina. ³ Daavina yadapi ke'ba'nanyang yagaala kwalaalya dara wižwaakina "Yithaanyi, gannya wawinyavi a'mwe pwai witizila p̄iraihirakya'nei wiña. ⁴ Wiña yaka p̄iraihirakadaa'nyi witizila piñi tutanyavi bwalaraawiña. Sarengi yusara bamaranyina. ⁵ Nabaai piba amwi siła naangeji' wa'di'nyi a'ba kwaaka maalikej'i warikeba witizila piñi bwalaraawiña. Kwaaka samwinari' maayabanne'na sa yarai yiri'na. ⁶ Kiri' nylyai bilyiri'na yada baihinyina. Sara yadaa'nyi sa pwipula d̄raginya maaya warina yadevi yinahu yawaka bidaa'nyina yada baihi'na. ⁷ Kwaakevi lannake wa'di'nyi a'ba witizila piñi bwalaraawiña yaka yiri'na kya' lange yiri'na yaka langa sabara naanga bilaawiña yada witizila yiri'dengi dathiwaaaina. ⁸ Kiri' witizila piñi kwaaka minarinaka nawi'nyavaaki bwalaraawiña yina yada tīka munne yima'nyina. Yi piñi 100 yima'nyina, yi piñi 60 yima'nyina, yi piñi 30 yima'nyina. ⁹ A'mwe kadinekei kadika wi'nana!"

(Maaki 4:10-12; Luki 8:9-10)

¹⁰ Gaminyawinna gamire mididivisara yikabina yeva dara buthina "A'mweraav ke'ba'nanya be'na wiđivanige?" ¹¹ Sara buthina kye' sai wiđina "Sigunyav mwaalīkei a'mweraav maremwaaidevinne yoimavajalikurakyanna Gotiyai mena yihivwaridaakuwake'nanyi. Kiri' sahwaraavi yawita sa' mujaayiwake'nanyi. ¹² Sare' dare'nesi. Pwai niminyine simunya kininnakei niminyina nayaa yawirojivar Gotiyai simunya kwalaalya kujaavoj sahwai simunya nawi'nya naanga naanga kininnakei yima'nade'nanyi. Pwai kadika nyu'najai niminyina navika mwaaloji niminyine simunya maayar Gotiyai simunya maalika daza kimili marasi'nade'nanyi. ¹³ Sarev ke'ba'nanya wiđivanige. Dara din'i "Tinna wangadaapi kiri' myawiranganyiwaniga".

Kadika wi'nadaapi kiri' mu'namaarivaniga'.

Aaya kaavilya' myawiramaari yivaniga'.

Sare'na ke'ba'nanya wiđivanige. ¹⁴ Sareraavina Piropetiya Aazaayare yagaala pitri' wiđaake' nebulya'na yune'na yima'ninikesi. Dara dinikesi. Gotiyai dara wiđaa' 'Kadika wi'nadiv'i kiri' kaavilyavi jawiramaaryideihi mi'.

Tinna baihana'divi' kiri' kaavilya' jawiranganyideihi mi'.

¹⁵ A'mwe dazaraavire simunya mena jinninike'nanyi.

Kadika maa'na widera kadika wi'nawaasa'nanyi.

Kumire tinnayai tibarya diraginna yawaasa'nanyi.

"Tinna nayaa nanganaadika!" deva

"Kadika nayaa nu'naadika!" deva

"Simunya nayaa nyawiraadika!" deva

Sahwara sara myipiji kwajj

Niminyina giyiwanniipi kwajj

Tewaanya yavada'galamwaaihina kyiwidiika!

Aazaayai sara dinikesi. ¹⁶ Kiri' sarimi yilaaya yipineihili. Sarimi re tinnayai yawirangamanigasa'nanyi. Yi sarimi re kadiki' wi'namaa'manigasa'nanyi. Sare'na yilaaya yadi'i teawaanaanga yinikeihili. ¹⁷ Sare' dare'nesi. Nebulya'na yihithivanige. Kigaakuna Gotiyari wi'nawijiwakyaata piropetiya kwalaalyaraj a'mwe yida'maraanga kwalaalyaraj tinna wanganya'neraavi wivu'nakera tinna

mwanganyi. Sarimi tìnna wangamanigasangi tìnna mwanganyi. Nabaai sarimi kadika wi'niwanigasangina sahwaraavi wivu'nakera kadika mu'nyaasare. Tìnna sara wangamanigasa'najì kadika sara wi'niwanigasa'najì yilaaya yipineihilyi.

(Maaki 4:13-20; Luki 8:11-15)

18 Sarevidaa'nyi sarimi ke'ba'nanya witziла píraihírakamaryadevi aaya kaavilyavi du'namaarila! **19** Witziла tusavinya daresi. Gazaizai, Gotiyai maremwaalade yagaalya' kadika yaasiwa'na wi'nada aaya kaavilya' myawíramaaryaderyawinna Kayaa'nanyai widaavada gamire simunyavi yagaala wilaburinnike' yarai yipalamarasi'delyi. **20** Witziла sìla naanga kiniinnakebanne daresi. Pwai yagaalya' wi'nada yilaaya yina yada yime'nya'bì' maarina. **21** Kiri' sahwai witiya pwipula diragiya maaya waayikabaaibì' diragiyaayai maalikegaa' yagaalya' yagalya'ma'na. Pwara nimire yagaalya'na maanga widina, taanginya wijaavina. Kayaa'na yadivisa'na yime'nya'bì' yagalya'ma'delyi. **22** Witziла lannakebanne daresi. Pwai yagaalya' wi'nyina yada lìmwanna yada dahaa'ne simunya kwalaalya kuna yawi'da Kwaakevakìya gilyivisanna nigwia kwalaalya mari'bwarakya'na yawi'da yi daza nimire yagaalyavi dathivaidelyi. Yi sare'na tiка munne yi'nade mi'. **23** Witziла nawi'nyavaakine daresi. Pwai yagaala kadika wi'nada aaya kaavilya' nayaa yawirangada tiка munne yi'nadevaaiibì' tewaanya naanga yadelyi. Pwai waani aadiretiyai wana nawi'nyaanga yadelyi. Pwai sikizitiyai wana nawi'nya yadelyi. Pwai tetiyai nawi'nya yadelyi."

Witiwawinyavi kurivaariya kayaa'nanya pwa'nadenginesi.

24 Ke'ba'nanya piri' wijaavada dara widina "Sigunyaviya maremwaaidel a'mwe pwai sìla nawi'nya gannya wawinyavi píraihírakakabaaibì'nesi. **25** Kiri' a'mwera se wa'dapiyavi sarine yikamaangei bìna yaka kurivaariya kayaa'nanyangire sìla witiyangi a'ba bwasi'na yaka kaanna wina. **26** Kaanna wina kya' diwi witiya yiri'na yaka sìla yi'nyina kya' dara wanganesa! 'O! kuriya kayaa'nanyajì waayike daaka!' **27** Mi'na deva yaasiwa'wawinyara wina yeva gyakwari widina 'Maremwaaidinyaigi, ginnya wawinyavi sìla nawi'nya píraihírakagini midaaka! Sarevidaa'nyi kurivaariya kayaa'nanya wangamwoya gawidaa'nyangaka?' **28** Widina kye' sai widina 'Yikamaanga pwai kyakira.' Widina kya' yaasiwa'wawinyara widina 'Wawaaji kurivaariya yuya daza guvileyi'bwarakina yaajiwona?' **29** Kiri' sai widina 'Aala. Sarimi kurivaariya mari'bwarakipi'ja' witiyajì nyelaapidika! **30** Waayana! Yuyawaai mena kirivamwannakilyi sìla yune yabwaryagaa'nannengira. Witziла yabwaryagaa' a'mwe wawinya dazaviyaraavi widideinyira "Sinnawi sarimi kurivaariya kayaa'nanya mena mari'bwarakipi'ji dika mariraya'ne wiла dimaramuritawakyi! Kiri' witiya mari'bwarapipi'ji anga wilarya'nevì nimire tiка munne dimarakyidengi," widide, 'wida!'."

Ke'ba'nanyawaai aranya'bìta maazitetiyavinaajì yiziyyavinajì dinike'nesi.

(Maaki 4:30-32; Luki 13:18-21)

31 Ke'ba'nanya piri' wijaavina. Sigunyaviya maremwaaidel da'bìsasi. Maazitetiya yisikidaa'nyi yisila yiri'da saaminyi' giryadevaaiibì' sinnawi Gotiyai pwara pwaraavì maarina yoji diwi a'mwe kwala naanga naanga wi'maremwaaladevinnyi. A'mwe pwai yita maazitetiya sìkidaa'nyi yisilyamili' maarina yaka gannya wawinyavi maraburinna. **32** Maazitetiyikre yisilya', yisila tiка munne pukaavirebita mi'. Aawa. Sa' wana maalikesi. Kiri' dividaa'nyi yisi' naanga yima'nyina, yuya tiка munne wawinya saviya sangi wavila'na yadikira. Yisi' yima'nadaa'na yadi'nyiyiki yusara sigunyaviyara gamire taanyabaraavì bamwaaina yesikira.

³³ Ke'ba'nanya piri' wiđina "Sigunyaviya maremwaide' yiziya'bisasi. A'mwe piri' yiziya daza' maarina yoj girkulya'ne pilawaaya naanga yeginyiwanna. Divedaa'nyi girkula yuya daza liwinya milamakina yakesi."

(Maak 4:33,34)

³⁴ Yagaala yuya sa Jizaazai kwala bwa'naanyangi yune ke'ba'nanya yagaalyavina wijiwaakakengi. Yagaala aane piri' kiri' ku'maayaba wijalikurakakei mi!. Aawa. Yune ke'ba'nanyavina wijiwaaka'. ³⁵ Sarevidaa'nyi piropetiyai dinike' yunebanna yi'mwannyina. Jizaazarina dara dinikesi.

Maange' taava'muj i ke'ba'na dideiniyi.

Kwaaka dava' wakyaakevidaa'nyi

Li ka yulyarikenaj i yoimavideinyi.

Kuriya kayaa'nanyangine ke'ba'nanya dinike'nesi.

³⁶ Sagaa' Jizaazai kwala bwa'naanyangi yagalya'ma'na yaka angevi wilina. Wilina kya' gamire mididivisara gaminyawinna yikabina yeva wiđina "Ke'ba'nanya dazavine aaya kaavilya' wawinya kurivaariya kayaa'nanya pwa'nika daza'na dinnejwaakya!" ³⁷ Sara wiđina kye' dara wiriviki'na "A'mwei witizila nawi'nya piraikhirkakakei sai A'mweraavine Kaimiraayainyi. ³⁸ Wawinya sa' Kwaaka davaki. Yi witizila nawi'nya sa maremwaidevine kaimiraayarera. Yi kurivaariya kayaa'nanya sa Kayaa'nanya Saataanimire kaimiraayarera. ³⁹ Yikamaanga kurivaariyangire piraikhirkakaka dazai Kotiya Maryadelyi. Ti ka munne yabwarya'negaa', Kwaaka dava' aayagaa'nesi. Wawinya widaayadivisara yabwarya'nera sahwara Gotiyare mamaayarera. ⁴⁰ Sarevidaa'nyi kurivaariya kayaa'nanya mari'bwarapiji dikevi marirapi'devaabi' Kwaaka davaki yirika aayariki yuna sasara yipi'dere.

⁴¹ A'mweraavine Kaimiraayainyi ninnya ejeliyaraavi maryasaabideinyi. Kwaaka davaki nimire maremwaaidinyaba pwaraavire simunya kayaaka yigaidivita yuyaraaviji yaasiwa'na kayaa'na yadivita kwaraaviji maryi'bwarapiji ⁴² di ka naangevi marasipi'dere. Di ka dazav konna naanga dadivit kunnya maangerika kidikivainya yipi'dere. ⁴³ Dazagaa' Kuvinimaangere maremwaidevi a'mwe yida'maraangera nyilyaibi' baaka naanga baviwina yipi'derera. A'mwe kadinakei kadika pada'galawi'nana!

Kwaakevi nigwibukusa' yulyakinikesi kwaalituryaanga mubya naangesiyawaarinest.

⁴⁴ Sigunyaviya maremwaide', nigwibukuta piri' wawinya piri'lika yulyakinikabaaabisasi. A'mwe pwai wawinya savi likina yaka 'Nigwibukusa' daaka!' daka ayina lika yulyakina. Sai yilaaya naanga yina, gamire gilyivisangina kale mwi yakei yuya marayaasina yaka nigwia naanga maarka nigwibukusa' maarya'nei wawinya saji' yasaawina.

⁴⁵ Nabaai Sigunyaviya maremwaide' a'mwei kwaalituryaanga nawi'nyanna nawi'nyanna mubada ayina mubade sabaaabisasi. ⁴⁶ Sai birina birina yada kwaalituryaanga wana nawi'nyanga piri' tinna wanganna yaka nigwia naanga wigainakei gamire gilyivita yuya marayaasina yaka kwaalituryaanga nawi'nyaa daza' mubaawina, 'Nimiresira,' dinna.

Jawigilyavinesi.

⁴⁷ Nabaai Sigunyaviya maremwaide' saalaalyavi jawigilya naange' waketabaaabisasi. Sara yadivti' kusawi jawinya dala nabinabinya wilamwaaina yeva ⁴⁸ yune warina kye' aalimaangebaari tiyawinna makulaabina. Makulaabina yeva jawinya nawi'nyanna nawi'nyanna tiwinya naangevi marakina. Kiri' jawinya kayaa'nanya marasi'na. ⁴⁹ Kwaaka davakiya yirika aayariki sasara yima'nadehaakti. Gotiyare mamaayara walaabapiji a'mwe yida'maraangeraav

tinnyawi mwaaihata a'mwe kayaa'nanyaraavi jaapaina yapiji⁵⁰ kayaa'nanyaraavi dika naangevi maralivarabi'dere. Dika dazav i kinnna naanga dadiv'i kunnya maangerika kijivainipi'dere."

⁵¹ Sara widi na yaka gamireraavi yidaanganna "Yagaala yuya dangine aaya kaavilya' mena dahayawi'mwaava?" Sagaa' kumi widi na "Yo, yawi'mwona." ⁵² Sai widi na "Sarev K̄wiya gazaizai Sigunyav'ya maremwaai devine mididei yima'nyina yakei angevi gyakwalaanga pwai mwaalakabaaibisalyi. Angevi gyakwai gannya yovravemwaalyav' wilna yaka gilyivita aya piniji mudika piniji makwalyaabina. Sabaaibi' nimirei K̄wiyyavi sidiu'nakei Gotiyare yagaala ayaj nimirre yagaala mudikeji yawiramaa'delyira." Jizaazai sara wida!.

Naazaret mwaalyara Jizaazar i ginyira'na yesa'nesi.

(Maaki 6:1-6; Luki 4:16-30)

⁵³ Jizaazai ke'ba'nanya sa mena wida na yaka anga dazaba yagalya'makuna.

⁵⁴ Sara yaka gannya angebanna wilawina yaka kumire lotuangevi wilna yaka wijiwaakina. Sarevidaa'nyi lika yiwainigulaawina yina yeva din "Yawita dazaj ddraginya dazaj a'mwe dazai gawi maarakengaka!" ⁵⁵ A'mwe dazai kaa'madaayarei midaaka! Nabaai Maariyaa' ganaange' midaaka! Jemizalyi Jozepiyalyi Saaimoniyi Juthaazalyi gaminyi gahwaalaangera midaaka! ⁵⁶ Nabaai gamire gya'mwe yuya nemiji mye'mwannemwaalyadivisa daaka! Sarevidaa'nyi siduta dasasi ddraginya dazaj yuya gawi maarakengaka?" ⁵⁷ Sara din yevegaa' sahwarina jikurya yina yadivisare. Jikurya yadivisaraavi Jizaazai wida na "Piropetiyarina anga yuyabanna 'A'mwe naangelyi,' didiviki. Kir'i gannya angebannaj gannya angevinaji 'A'mwe naangelyi,' majadiviki." ⁵⁸ Sagaa' anga dazaba ddraginya ya kwalaalya mya' kumi sahwar malimwagyadaapiya'na.

14

Joni Bavitaaziya Yadei mena balake'nesi.

(Maaki 6:14-29; Luki 3:19-20; 9:7-9)

¹ Sagaa' naanga Erotiyai Galili maremwaalakei Jizaazarina yihusiri kadika wi'nyina ya!. ² Kadika wi'nyina yaka gamire wigaimwadivisaraavi wida! "Dazai Bavitaaziya Yadei Joni. Sai likirakinkevidaa'nyi ayina dikavakelyi. Sarevi ddraginya naanga daza' mi'na maaraka nawi'nyangi yivanikesi."

³ Sa! darevinyi. Erotiyai Jonimi galalmwanna yaka wila seniyabaalyi yirina yaka kalavuzangevi wimwaaihina. Erotiyaaza' kigaa' Erotiyare gya'mwei Pilipimire a'mwevinesi. Pilipi kuna mwaaidi'nyi Erotiyai gya'mwere balaangevi yaasiwa'na maarake'nanyi. ⁴ Sare! dare'nesi. Joni Erotiyari wida na "A'mwe pware daza' maa'mwa'dinya sa' Gotiyare kiwinya' galazekivaimaniginyaiginyi." Widi wija yade'na Erotiyaaza' sinna tika wida'daa'nyi kuda' Erotiyai kalavuzangevi wimwaaihina. ⁵ Wimwaaihina yaka "Joni tamakima!" daka yaka kir'i a'mwe yuyaraavina lika yina. A'mwe sahwara yawi'na "Joni Gotiyari wi'nawijawaakadelyi. Piropetiyalyira." Sahwara sara yawi'na yadiv'i sahwaraavina lika yina navika mwaalina yakelyi.

⁶ Pigaa' yirikeri' Erotiyari ganaange' mudanga yaka sarikina yawiremwaalya'na a'mwe pware Erotiyalyi yi'bwa'nemwaaina. Tika munnev'i yi'bwa'nemwaaleva Erotiyaazavire taavizidraaya' kuminyi tinnyaba kwarame yiwilaabina. (Ju yaraavirebwi "A'mwe tewaanya' a'mweraayaba kwarame myannera!" dinikebulyi.) Kwarame yiwilaabina kya' Erotiyai wabahilaaka yina. ⁷ Sarevidaa'nyi yagaala ddraginaanga wakina "Gotiyarina naanga nebulya'na gitthima! 'Giminyi giyu'najanna kanyidaangana'gizi giminnyi wijaavina gideinyi. (Nyigivina!)"

⁸ Sara wakina kya' sidīraaya dazavi ganaange' gaminyi simunya' wījaavina yina kya' sidīraaya' wīdina "Jonī Baviaaziya Yadere minyaginya' tīwinya nyegalanya puki dīgwala'gizi dava niminyina dinyijaadeiginya." ⁹ Wīdina kya' maremwaaidei Jonimina kale wiadaa'nyi yawīna "A'mwe yuya dathara nimire yagaala dīraginya' kadika kanyu'nwaakira." Sara daka gamire wīdaayadivisaraavvi wīdina "Taaya' sara nyidiwake' sara jīla!" ¹⁰ Mi'na wīdina kya' gamirera kalavuzangevi walaawina yeva Jonimire mnyaginya' wopuramaa'na yeva ¹¹ tīwinya nyegalanya puki gamire mnyaginya' dīgwalamakabina, sidīraaya dazavina wījaavina. Wījaavina kye' ganaangeyawinna makuna. ¹² Ganaangeyawinna makuna kya' sare' Jonimirera kadika wi'nyina yeva gilaayaribamaal'na yina yeva likirakina. Mena likirakina yeva Jizaazarwīdaawina ye!

Jizaazai a'mwe 5,000 wapaaya wījaavake'nesi.

(Maak 6:30-44; Luk 9:10-17; Jon 6:1-14)

¹³ Jizaazai yagaala sa' kadika wi'nyina yakegaal' anga saba yagalya'ma'na yaka sipīyavvi yilamwaaina yaka a'mwera mamwaalyigata pībanna kaanna wīna. Kaanna wīna yadaa'nyi kwala bwa'naanya anga naangengidaa'nyara kadika sara wi'nesara kwaakaanya gaminyi mijamakuna. ¹⁴ Mijamakuna kye' dīvi Jizaazai tīyawinna bularaawaka a'mwe kwalaalya naangera bamwaaidapi sai tinna wanganna. Kwalaalyaraavvi tinna wanganna yaka kale wina kwia' nabaai kumire nalaavinkeraavvi yavada'gina. ¹⁵ Sara yada sawitirinyaburi gamire mididivisara gaminyawinna binna yeva wīdina "Dazimagi a'mwera maaymaginyi. Nabaai yirikeri' mena buwa'. Sarevidaa'nyi a'mweraavvi dimarayaasa! 'Angebanya yunewinna yamaryapiji' wapaaya mubipīka!' da'gizi dimarayaasa!" ¹⁶ Sara wīdina kye' kiri' Jizaazai wīdina "Be'na wīpineraavaka? Sarimi saihi wapaaya duzaayīla!" ¹⁷ Sara wīdina kya' gamirera wīdina "Nemt dava tika wapaaya kwalaalya manewarika. Girikula atinanya gave piniji jawinya gave pwaraalyina warika." ¹⁸ Wīdina kye' sai wīdina "Daza niminyaba davanna dimakabila!" ¹⁹ Sara wīdina yaka a'mweraavvi wīdina "Kaabinnyavvi dalamwaalyīla!" Wīdina yaka girikula ata pwinanyajj jawinya pwaraalyi maarina yaka Sigunyavvi maranganna yina yaka "Wapaaya naanga nyijawaanya'na yilaaya gyiwa!" Gotiyari wīdina. Wīdina yaka wapaaya sa maragunyina yaka gamire mididivisaraavvi wījaavina. Wījaavina kya' sahwara a'mweraavvi yanga mudina. ²⁰ Yanga mudina kye' yuyara yunebanna nyina yeva munya yinyina. Munya yinyina kya' gamirera wapaaya pin nagihesa mari'bwa'na yina yeva soigilya tinika siviliyiridaa'nyi pukaalyangi maanga yeku'nyina. ²¹ A'mwe gavera paaivi taawizaniyara ninike'na. Nabaai a'mwe kwalaalyajj kaimiraayajj ninikengi.

Jizaazai aalibunyavvi a'ba yilayamaryake'nesi.

(Maak 6:45-52; Jon 6:16-21)

²² Sagaa' yime'nya'bii mididivisaraavvi wīdina "Sipīyavvi dikwosifnapiji yilamwaalapiji aalibunyavvi pimiginna sinnawi sahwahidaa'nyi daanyīla! Kwala bwa'naanyang maryasaas'mujiyagaa'na yihizima'naawideinyi." ²³ Mi'na wīdina yaka a'mweraavvi mena maryaaasina yina yaka sai gavei mugunyavina yilaawina, Gotiyari wīdina. Kuna wīdina yadaa'nyi sawita maalika jinnyina kya' mugunya savi yuna gavei mwaalina. ²⁴ Mwaalina yadi'nyi sipīya aalyavvi naangebanna wīlaawina yaka widawadaa'nyiyagaa' yihusa' sinnyimagidaa'nyi wīlaabina yaka aalimavajinaake' sipīyavvi galarivik'i'na yadaa'nyi sipīya' mihīla'mihīla' kaanya wīna. ²⁵ Kuna galarivik'i'na yadaa'nyi yirikunyagaa' Jizaazai aalibunyavvi a'ba wīlaabina yaka kuminyawinna yi'ma'na. ²⁶ Yi'ma'na kya' mididivisara tinna wanganna yadi'vi "Akai, sai gilaaya pwalyira," dinna yeva lika yiwainigulaawina

yina yeva "Aaka! Aaka!" jaka dina. ²⁷ Jaka dina kye' sahwai yime'nya'bti' widina "Diraginna dimwaalyila! Nimi sahwainyira. Lika mipinera!"

²⁸ Pitai gamire yagaalya' kadika wi'naka ja'nawidina "Naangeigti yune saigt mwaaidzaigti 'Aalyavti a'ba niminyawinna dulaama!' diraginna dinya'dana!" ²⁹ Sara widina kya' sahwai widina "Dulaama!" Widina kya' Pitai sipyavti walyuna yaka aalyavti a'ba wilaawina yina yaka Jizaazaryawinna wilaawina. ³⁰ Kiri' yihusa' wanganaka lika yina yada aalyavti kusawi kibaweba gaai walaawina. Sara yada jaka dina "Naangeigti dinya'dadaihasamaako!" ³¹ Jaka sara kuda' yime'nya'bti' Jizaazai ata yiwibwa'na yaka yiribwa'na yaka widina "Gimi niminyi limwangebwi yuna maalikebuliyayagintyira. Simunya piriwaalya' be'na yawti'manigti!" ³² Widina yaka saraai sipyavti dikwositi'na kyagi yihusa' mi'na yiwina. ³³ Mi'na yiwina kya' sipyavti mwaalesara gamintyikwadaai gilina yeva yilaaya wina yeva widina "Naanga yuna nebulyasi. Gimti Gotiyare Gawaalivaangeigintyira!"

*Jizaazai nalaavinaka Ganezaareti mwaalyaraavi tewaanya yavada'galake'nesi.
(Maaki 6:53-56)*

³⁴ Aalbunyavti mena livajulaga'maveva Ganezaareti simaginna yimavaawina yina ye!. ³⁵ Yimavaawina yina kye' a'mwe anga dazmagintyara yawti'na "Sai Jizaazalyira." Yawti'na yeva anga yuyabanya daza yagaalya' widaasina yina ye!. Sara kye' gamintyawinna nalaavinaka yuyaraavti makabina. ³⁶ Sara makabina yeva a'mwe nalaavinakera tewaanya yima'nya'nera gamire baazi'ma'nyavti maangebaarit asa'na widathiwabti'de'na yidaanganna wie!. Sara yidaanganna kwie' sahwara sara yeva yuyara ayina tewaanya yima'nesarera.

15

*Gotiyare kiwinya dinike' Ne sinnawintyaraavire yagaalyavti wavilavike'nesi.
(Maaki 7:1-23)*

¹ Sagaa' Periztya pwaraji Kitiya pwarajti Jeruzaalemi yagalya'maveva Jizaazaryawinna kaanna binna yeva widina ² "Gimire mididivisara Ne sinnawintyara nejaavintika sabwi marasita yadivisa' gatha'darevinaka? Sare' dare'nesi. 'Tika wapaaya naana!' dadivti' Ne sinnawintyara dinikabaaibti' kunnya asa aalya yidivitara mikta! Girikita'nanyara tika nadivisare. Be'neka?" ³ Sara widina kye' sai wirivikti'na "Sarimi yune sarinnyaburina midimanigasaihiliyti. Sara yadivti' Gotiyare kiwinya dinikengiji galazekivaimanigasa' gatha'darevinaka! ⁴ Sare' dare'nesi. Gotiyai diniti 'Gimaamaangelyi gwaangesi sawaare yaya makidi duhaimwana!' Yti nabaai diniti 'A'mwei ganimaanga pwar ganaanga kiri'vi biraifyagaala widdade sai yinahu balana!" ⁵ Kiri' sarimi Gotiyare yagaalya' mamiidintyadivti' Ne sinnawintyaraavire gavebwi mididivti' dara dadivsaihiliyti 'Gazaizai nigungia kininnakei gannya ganimaanga pwar ganaanga kiri'vi widina "Gimintyine gaimwange'ne daza' Gotiyari' wijaaya'ne' dahilakwesi. Sare'na yihizaavivineinti mti'." ⁶ A'mwei sara widadai sarimi dina 'Sahwai ganimaanga pwarina ganaanga kiri'vina mugaimwaganner!' Sara dina yadivita sasare dazaburi' sarimi Gotiyare yagaalya' walamarakadivsaihiliyti. Sara yadivti' yune sarinnya sabwine'na munyabanna makidivsaihiliyti. ⁷ Kwaasiyaihi! Sarimintyna Piropettya Aazaayai yida'na wijaa!. Dara diniti'

⁸ 'A'mwe dara maangejti niminne yaya' munyaba makidivti' Kiri' kumire simunya niminty menyaba warikengti.

⁹ A'mweraavire yune kitintyanna wijiwaakadivsangina "Gotiyare yagaalya'na dimidintyila!" widadivisare. Sarevidaa'nyi yilaaya yaasiwa'na nyadivsare.' Sarimintyna naya sara dinikesi."

¹⁰ Kwala bwa'naanyavî gamînyawînna jaka wîjîvwaramaa'na yîna yaka wîdîna "Sarîmî kadi'ka wî'napijî nayaa jawîrila! ¹¹ Yuya maangevî kusawî wide'na a'mwerî gîrîka yîgalakade' mi'. Aawa. Maangevi'adaa'nyî yagaala walyaabya' yune sahîri'na gîrîkita'nanyai yîma'nadesîra."

¹² Sagaa' gamîre mîdîdîvîsara gamînyî buthîna "A'mwe Perîzîyara gîmîre yagaala sa' kadi'ka wî'neva jîkurya yîvanîgasaraavîna jawî'manîgîna?" ¹³ Sara wîdîna kye' sai ke'ba'na wîrîvîki'na "Nîmaamaangei Sîgunyavî mwaalîkei gazavîzavî maburi'jake' yune a'mweraavîre' pwipula kînijî laavadesî. ¹⁴ Perîzîyaraavîna yawîta kwalaalya mipinera! Sahwara tîbînyara tîbînya pwaraavî wibwarîdaakwadîvîsare. Kîri' tîbînya pwai tîbînya pware' tusari' wibwarîdaakwajai yuya saraai kwaraai kavi'nînnyavî walaraawîna yîkaderaalyî." ¹⁵ Sara wîdîna kya' Pitai wîdîna "Maangevî widevîne ke'ba'nanya dazavîya kaavîlya' dînejalîkurakya! Sara kya'gîzî wî'naadeinera." ¹⁶ Wîdîna kya' wîdîna "Sarîmî kwaihîlyî wana sîmumaayaihi kuna jîvanîgava! ¹⁷ Dare'na myawîrijîhyîvanîgava! Gazaza kwa'a'nakejî kwa'a'maaya'jî maangevî kusawî wide sa munyîki' wîlaminada dîvidaa'nyî lîkavi'nînnyavîna kewîni marasî'de. (Sarevîdaa'nyî wapaaya saza gîrîkita'nanyari' mumwaaihyadengi.) ¹⁸ Kîri' yagaala maangevi'adaa'nya walyaabya daza sîmunyavîdaa'nyî yîma'nîvanîkengi. Yî dazahînîza a'mwe gîrîkita'nanyari' wîmwaaihadengi. ¹⁹ Sare'dare'nesî. Sîmunyavîdaa'nyî yîma'nade sa darengi. Sîduta kayaa'na yawî'na, a'mweraavî tamakîna, a'mwengî ata lîmwanna, wagîla maarya'ne gîrîkita'nanya yîna, kukebwi yîna, kotiyavî kwaasi jalîkurakîna, bîraiyyagaala dîna. Yuya sabwi sîmunyavî mi'na yawî'na yeva sara yadîvîsangî. ²⁰ Sarevîdaa'nyî yuya daza a'mwe gîrîkita'nanyari' wîmwaaihîna yînîkengi. Kîri' a'mwei gannya asi aalya minyajai tîka wapaaya nojîya'na sahwai gîrîkita'nanyai Gotîyarîna yîma'nadei mi'!"

Kenaani mwaalya' Jizaazarîna dîragînna lîmwagake'nesî.

(Maaki 7:24-30)

²¹ Sahîba Jizaazai yagalya'ma'na yîna yaka anga Taayaajî anga Saaithonîjî sîmagînna kaanna wîna. ²² Kaanna wîna yaka keiba yamaryadaa'nyî, yîthaanyi, Kenaani mwaalya pîrî' menya' dazîmagî mwaaiide' bîna yaka jaka buthîna "Naangeigî, Ne Devitîmîre Kaimîraayaigînyî nîmînyîna kale dînyîgaimwana! Nînnyâ taayavî yîmakei yuna kayaaka nyîgalakivanîka!" ²³ Sara wîdîna kya' kîri' yagaala pîrî' ja'naja' mi. Ja'naja' mi kya' mîdîdîvîsara gamînyawînna bîna yeva dîragînna wîdîna "A'mwe daza' yune jake'na jake'na nedamîdînîka. Savî ayîna dîmaryaasa!" ²⁴ Sara wîdîna kye' sai dara wîdîna "Yîzîrelîyaraavîre yîsavaakîdaa'nyî sipîzipîyara yîwînadaa'na yînîkeraavîna gaveraavîna nyîmaryasaabakeinyî. (A'mwe da' Yîzîrelîya' mi'ka. Menyasîra.)" ²⁵ Wîdîna kya' sa' wîlaabîna yaka kwadaai bulagina yîna yaka bularuta'nyîna yaka wîdîna "Naangeigî dînyîgaimwana!" ²⁶ Kîri' sai ayîna ja'nawîdîna "Kaimîraayangîre tîka wapaaya marawaajî jîlikeraavi namaralîvaramaadîka!" ²⁷ Sara wîdîna kya' sa' wîdîna "Naangeigî nebulya'na dîwaana. Kaimîraayara tewaanya mwaaidîvîsare. Nabaai jîlikera wapaaya tîridîrînya kwîyakwaravaavîre yî'bînyavî bwala'daawade maribwaranadîvîsare." ²⁸ Sara wîdîna kya' Jizaazai ja'nawîdîna "A'mwe'gi, nîmînyîna gîmîre dîragînna lîmwangebwi sa' naangesî. Nyîdîwaanyavîna gîvu'nîvanîkabaaibî' sa' yîma'nyîna gyana!" Sara kuda' sagaasagaal gamîre taaya' ayîna tewaanya yîma'nyîna yakesî.

Nalaavînakeraavi tewaanya yavada'galaka kwalaalyaraavî (4,000) wapaaya wîjaavake'nesî.

²⁹ Anga saba Jizaazai yagalya'ma'na yîna yaka Galîli aalîbumaangebaari' aya kîbanna wîlaawîna yaka mugunyavî yîlaawîna, yîlamwaaina. ³⁰ Yîlamwaaina yadî'nyî a'mwe kwalaalyara gamînyawînna bi'bwa'nyîna. Bi'bwa'nyîna yadîvî'

siv̄la kayaa'nanyaraj̄i yaginya yadi'mwannikeraji tibinyaraj̄i maanga jininkeraji, nabaai a'mwe nalaav̄naka kwalaalya pwaraji saraavi makabina yeva gamire siv̄lyiryaaba gidi'ku' yarai wimwaaihina. Sara yadapi tewaanya yavada'gaina wia!. ³¹ Sareviidaa'nyi kwala bwa'naanya atika maru'na'na. A'mwe maanga yinahu jininkera yagaala dadaapi tinna wanganna, yi yaginya yadi'mwannikera maamidarya yima'nyina, yi siv̄la kayaa'nanyara kaanya yamarina, yi tibinyara tinna yenyina yadaapi tinna wanganna yeva atika maru'na'na. Atika maru'na'na yeva Yizireliyaraav̄ Gotiyarina yaya' byaannake' munya ke'banna makina ye!.

(Maaki 8:1-10)

³² Jizaazai gamire mididiv̄saraav̄ jaka widina yina yaka widina "Kwala bwa'naanyavina kale naanga nyivanika. Nimi'ji yiri'ka daryaaai dari' mena nye'mwannamwaaleva wapaaya maayaraavina. Ayina mijikaanya maryasa'a'na 'Aala!' divanige. Tutaanyav̄ nabalapidika!" ³³ Widina kya' sahwara widina "Dathimaḡ a'mwera maaymaginyira. Sare'na nemi' kwala naanga dav̄ wapaaya sara wijaaya'ne girkula kwalaalya gawi maraajiwona?" ³⁴ Widina kye! Jizaazai widina "Sariminyine girkula gara gara warika?" Widina kya' widina "Neminyi girkula ata puridaa'nyi pwaraaina newarika. Jawinya maalika pwaina pwaina warika." ³⁵ Widina kye' kwala bwa'naanyav̄ widina yina kya' kwaakevi walamwaihulina. Kwala bwa'naanya' walamwaihulina kye' ³⁶ girkula ata puridaa'nyi pwaraala saji jawinyaraj̄i maarina yina yaka Gotiyari "Su! Su!" widina yaka gunyina, gamire mididiv̄saraav̄ wijaavi wijaaya yina kya' sahwara a'mweraav̄ yanga bumumulina. ³⁷ Yanga bumumulina kye' yuyara yunebanna mi'na nyina. Sara yeva munya kwina' nagiheta bwalaraawake ayina mari'bwa'na yina yeva soigilya tinika naanga ata puridaa'nyi pukaalyangi ayina yunebanna maanga yeku'nyina ya!. ³⁸ A'mwera tika nya (4,000) po taawizaniyare. Nabaai a'mwej̄i kaimiraayaj̄i tika nesangi. ³⁹ Soigilyangi mari'bwarakina kye' kwala bwa'naanyangi maryaa'sina yaka sipyav̄ yladikwosinamwaaina yina yaka Maahathani simaginna kaanna wina ya!.

16

"Wijiwaaanya' diraginya' tinna wanganaana!" widesa'nesi.

(Maaki 8:11-13; Luk 12:54-56)

¹ Periziyaraj̄i Sazuziyaraj̄i sara Jizaazaryawinna bina yeva ijawaalya'na yaamiji widina "Gotiyai gmaryasaabakegi dingaka? Sigunyav̄ diraginya' maara'gizi atika maru'nata wijiwaainya' kya'gizi gimininyina yawiraade'nanyi." ² Kir'i sahwai yagaala sa' kadika wi'nyina yaka wiriviki'na "Sawisaburina dara dadiv̄saihili 'Sigunya' wayaaka yirarakwake'na nawi'nyagaa' yima'nadera." ³ Nabaai pigaa' mwanyavina dara dadiv̄ki 'Yiraayange' tinga mila'naraka sigunya wayaakesira. Sare'na dahaa' ythusasi burikesi waradera.' Sara dadiv̄ki. Yo, sasare' sarimi sigunyavreburi wangadiv̄i' nayaa maryawibwa'div̄ki. Kir'i dahaa'ne sangiji diraginya ivanigengiji wangadiv̄i' nayaa mamaryawibwaryivaniga'. 'Gotiyai naangegaa' wakadehaa' yarai yima'nadesi,' majivaniga'. ⁴ Dahaasaihi kayaa'nanyaihili. A'mwei mwaaidi'nyi a'mwe' pwaraav̄ tidavamaryadevaabi' Gotiyari yagalya'ma'na yeva gevwi yadiv̄saihili. Sareihi nyidivwa' 'Diraginya' wijiwaaanya' wanganaana' Kir'i wijiwaaanya' mihibwaridaakwina! Aawa. Divi piropetiya Jonaami yaake' wijiwaaanya sa' danganyideihili." Sara widina yaka yagalya'ma'na yaka kaanna wina. (Mat̄yui 12:39,40)

Periziyaraj̄i Sazuziyaraj̄i saraavire wijiwaaakyabwina ke'ba'na dinike'nesi.

(Maaki 8:14-21)

⁵ Aalibunyavi Jizaazalyi mididivisarajt livajulaga'ma'na yeva gamirera girkula pininna navika yina, mamakabi. ⁶ Mamakabi kye' sagaa' Jizaazai widina "Mala nayaa jiwannyila! Periziyarajt Sazuziyarajt saraavire yiziya'na mala nayaa jiwannyila!" ⁷ Sara widina kya' kirri' sahwara dinya'na "Sai dara diwa' Nimirera girkula liwinya pamidakya mamakabi yiwaal." ⁸ Sara dinya'na kye' Jizaazai kumire yagaalya' yawiranganna yaka widina "Nimnyi maali'na limwagakava. 'Sahwai negaimwagathelyi,' majivanigasaihilyi. Kirri' 'Girkulya maayainera, be'na dimaniga!' ⁹ Sarimi simunya maayahidi dngaka! Girkula ata pwinanya sa a'mwe 5,000 maaresanna myawirijivaniga! Sara yeva soigilya tinikengi maange' yunebanna gara garengi yekure? ¹⁰ Nabaai sarimi myawirijivaniga' girkula ata puridaalnyi pwaraala daza a'mwe 4,000 ma'mwa'daasanna! Sara yeva soigilya naanga tinikengi gara garengi maramihwa'daa? ¹¹ Myawirivanigasa' gatha'darevaka! Nimti girkula pamidakyanna myihizivanige. Nimti yihithivanige. Sarimi mala nayaa jiwannyila Periziyarajt Sazuziyarajt saraavire yiziya'na!" ¹² Sagaa' sahwara simunya nayaa yawiramaa'na "Girkula pamidakyavine yiziya'na yipi'de'na, dinika mi!. Aawa. 'Periziyarajt Sazuziyarajt saraavire wijiwaakyanna nadapamaapidika!' daka dinikesi."

*Pitai "Jizaazai Kiraazitiyalyla," jalikurakake'nesi.
(Maak 8:27-30; Luk 9:18-21)*

¹³ Sizaariya Pilipai simaginna Jizaazai bi'mavaawina yaka gamire mididivisaraav yidaanganna "A'mwera A'mweraavine Kaimraayaainyina dadivita aaihwalaka?" ¹⁴ Yidaanganna kya' kumi dina "Pwara dara dina 'Jon Bavitaaziya Yadelyira.' Pwara dina 'Sai Ne Yilaajalyi.' Nabaai pwara dina 'Sai Ne Jeremaaya dngaka? Sai ne piropetiya pwai dngaka?'" ¹⁵ Mena dina kye' sai widina "Sarimi saihi 'Aaihwala?' nyidivanigava." ¹⁶ Sara widina kya' Saaimoni Pitai "Gimi Kiraazitiyaiginyi. Gotiyai dahilakyaakeiginyi. Gotiyai yuyagaa' gaala mwaaidere Gawaalivaangeiginyira." ¹⁷ Sara widina kya' Jizaazai "Saaimoni Jonaamire kaimraayaig yilaaya yadi tewaanaanga yinikeiginyi. A'mwe Kwaakevakiyara miwisajt tawesi kininnakera givwaridaakwetara mi!. Aawa. Nimmaamaangei Sigunyavi mwaalikei sahwai givwaridaakwiwakelyi. Sare'na tewaanaanga yinikeiginyi. ¹⁸ Nabaai nimti giminnyi gitihivanige. Gimti Pitaiginyi. Yagaala dara dinii 'Silyaiginyi.' Yi gitmi nyidwaanya' silaange'bissavt munyaba nimire kusilaanyara ange'bissaraavt diraginya wimwaaihideinyi. Sahwara diraginya sara mwaaidivt balyabwine diraginyasi saza diraginyaaraavi dathiwanna yade mi!. ¹⁹ Gotiyareraya yima'nya'nebwina Sigunyaviya maremwaaidevine diraginya kaanya baasa'ne! gitzaavideinyi. Kwaakevakiyangina 'Kayaalnanyangi,' kada'git+y sangina Sigunyavt Gotiyai mena sara yawi'na. Kwaakevakiyangina 'Tewaanyangi,' kada'git+y sangina Sigunyavt Gotiyai mena sara yawi'na yinikelyi." ²⁰ Widina yaka sagaa' gamireraavt diraginna widina "A'mwe pwaraavt 'Gamti sai Kiraazitiyalyla,' nudipidika!"

*Jizaazai "Kabala'muj'i ayina nyidikaavadeinyi," widake'nesi.
(Maak 8:31-9:1; Luk 9:22-27)*

²¹ Sagaa'daa'nyi Jizaazai Kiraazitiyai mididivisaraavt gaai yibwaridaakuna "Jeruzaalemina wiwneinyi a'mwe naangerajt Gotiyarine tamira'divita naangerajt Kitiyarajt sara daanga naanga nyijaavipideinyi. Nabaai nyiramakipi'deinyi. Dividaa'nyi yiri'ka darikaai dariki ayina nyidikaavadeinyi." ²² Sara widina kya' Pitai maanga tiyabaarinamakuna yaka maanga widina "Naangeigi, aawa nebulyasi. Gotiyarit giminnyina sinna tika wida'devwi magyma'nannerai!" ²³ Widina kya' kirri' gaminyawinna sai ginyiwannyina yaka Pitari widina "Saataantgi, nimnyi dusmagi bulaawa! Nimire tusavt kaanya nanyirihidika! Gotiyare simunya"

myaw̄ramaarivan̄gi. Aawa. Yune a'mweraavire' yaw̄ramaa'man̄ginyaiḡnyi." 24 W̄idina yaka sagaa' Jizaazai gamire m̄ididivisaraavi w̄idina "Gazaizai n̄im̄nyina 'M̄idin̄ma!' dazai gamirebuliyi gamire yayasi kwaakewi walamarakoji a'mwera kayaa'na nyapij̄i ȳita yovih̄rarann̄keviri nȳramakip̄i'devaabi' sahwai kayaa'nanya maarya'nei 'Jizaazarina wik̄ra!' dozi nȳmidinaabana! 25 Sare' dare'nesi. A'mwe pwai 'Jizaazarina nanȳramakip̄idika!' dazai nȳmaras̄i'najai padaihasamaa'nade kiri' gamire gaalyabwi ȳw̄ina yadevulyi. Kiri' a'mwe pwai n̄im̄nyina yaw̄iroj̄yai balya'nei diraginna nȳlimwagazai gamire gaalyabwi biramaaradevulyi. 26 Sare' dare'nesi. A'mwe pwai Kwaakevakya gilyiv̄ita yuya maarajai kiri' gamire gaalyabwi ȳw̄ina yadevulyi. Sarevidaa'nȳ gilyiv̄ita sa gatha'dara w̄gaimwagathelaka! Sahwai gamire gaalyabwi aȳna mubamaarya'nei be n̄igwia w̄jaavadelaka! 27 Dare'nanyi. A'mweraavine Kaimiraayai Ganimaangere byaannyasi gannya ejeliyara kwaraji ye'mwannigwalaabathelyi. Ȳrika dazagaal a'mwe yuyara yadiv̄ita yune sabwine'na w̄ir̄v̄ik̄rade'nanyi. 28 Nebulya'na ȳih̄thiyan̄ge. Dava daakata pwara mabalyadapiyara kuna mwaaidiv̄i A'mweraavine Kaimiraayai a'mweraav i maremwaalya'nei nawi'nyari t̄inna nayaa wangabi'dehaa'nanyi."

17

Jizaazare kilaakeji' nabinna ȳma'nakerinesi. (Maakti 9:2-13; Luki 9:28-36)

¹ Ȳrika ata puridaa'nyi piri'na mena wavila'na kya' mugunya ke'mwewi ȳinaawin̄kevi Jizaazai Pitariji Jemizalyi Joni gamire gahwaalaangelyi saraariji gaveraavi makilaawina. Sagaa' yune kuminna mwaalina. ² Yadapi Jizaazare kilaakeji' kumire timyiralyari piyi'b̄i ȳma'nyina yaka nabinna ȳma'nyina. Nabaai gamire sinnyi' nȳlyab̄i l̄ivamwadina, gamire baazi'ma'nya sa baake'b̄i yaaka naanga mwadina. ³ Sara yada, ȳthaanyi, Ne Mozizalyi Ne Ȳlaajalyi saraai ȳma'naabina yagi'la Jizaazalyi yagaala ye'mwannadina yadaakiyti t̄inna wanganna wie!. ⁴ Pitai t̄inna wanganaka Jizaazarin̄ w̄idina "Naangeigi dava mwalaaja' sa' tewaanyasira. Sara yawi'diza'na dava siminya dawaai dasa maridaakudengi. Piri' giminne!, piri' Ne Mozizarine!, piri' Ne Ȳlaajarine!" ⁵ Sai yagaalya' kuna dadaasi, ȳthaanyi, ȳraaya piri' wanywanya naanga ȳna yaka kumi'nyi bwaakina. Ȳthaanyi, ȳraaya savidaasi maanguraaya piri' yagaala dara din'a "Dai nimire Nyibwaaliivaangelyi. Darit kurya w̄kadinyalyi. Ȳlaaya nȳgiman̄i". Dahwarit kadika du'nyila!" ⁶ W̄idina kya' mididivisara kadika wi'nyina yeva kwaakewinna walaruta'nyina, kumire sinnyi' kwaakevi tutawa'na ȳna yadiv̄i sahwara lika naanga yenayina. ⁷ Lika naanga ȳna yadiv̄i Jizaazai kumi'nyawinna w̄laabina yaka ata yime'nyina yaka w̄idina "Sahwaihi dih̄ikaayila! Lika mipinera!" ⁸ W̄idina kya' t̄inna maradihaih̄ranganna yeva aane pwai kwarit mamaranganyi. Aawa. Jizaazai yune gaveri maranganna.

⁹ Sagaa' mugunyav i yagalya'ma'na yeva kewinna kuna waidaawadiv̄i Jizaazai diraginna w̄idina "Sarimi t̄inna wangamwaata dazanna a'mwe pwaraav i nudip̄idika! A'mweraavine Kaimiraayarit balojiyari yidikaavojiyagaa'na duzideih̄ilyira." ¹⁰ W̄idina kya' mididivisara yidaanganna "Kiwija sidu'nakera dara gatha'dara dadiv̄itavinvaka? 'Ȳlaajai mena kabozit dividaa'nyi Kiraazit̄yai Gotiyai w̄dahilakyaakei walaabathelyi.' " ¹¹ Yidaanganna kye' sai ja'nawidina "Yo, nebulya'na w̄dadiv̄isasi. Ȳlaajai sinnawi bina, yuya byavada'galawimwaaiphy'a'neliyi. ¹² Kiri' yih̄thiyan̄ge. Ȳlaajai mena bake kwarit kiri' a'mwera myaw̄ranganyesalyi. Aawa. Yune kunnya saburina mididiv̄i dala nabinabinyabwi wiesalyi. W̄ramakesalyi. Nabaai sasare sahirisavi A'mweraavine Kaimiraayarit wana kayaa'na wip̄idelyi." ¹³ Sara w̄idina kya' gamirera yawi'na "Joni Bavitaaziya Yaderina danediv̄anka! Sahwai Ȳlaajalyra."

*Kaimaleri yimakei wimwaalikeri nawi'nya yavada'galakerinest.
(Maak 9:14-29; Luk 9:37-42)*

¹⁴ A'mwe kwala bwa'naanya naangeraayabanna y'i'mavaawina kye' a'mwe pwai gaminyawinna bina yaka kwadaai bahina yaka ¹⁵ wi'dina "Naangeig, nimire kaimiraayarina gimi kale'na dinya'gaimwana! Yimaka wida gannya kilaaakeji' yuna kayaa'na mwaaidelyira. Sare' dare'nesi. Kwalaalyagaa' dikevi wala'daawadelyi. Nabaai aalyavi wala'daawadelyi." ¹⁶ Gimire gimi'didivisaraayawinna makabiwei tewaanya mi kiwaakira." ¹⁷ Wi'dina kya' Jizaazai ja'nawi'dina "Sarimi a'mwe dahaasaihi naangegaa' mwaaidi diraginna nyilimwadivisaihi mika. Nabaai sarimi're simunyasi tewaanya' mika! Niminyina nayaay myawiryaahi sarimi'ji kuna gatha'daregaa' yihye'mwannemwaalidehaa'nanaka! Gotiyare diraginya yawiramaarya'neihirina kuna gatha'daregaa' nyadehaa'nanaka! Kaimiraaya sari dava niminyabanna dimakabila!" ¹⁸ Wi'dina yaka Jizaazai yimaka sari maiyagaala wi'dina kya' kaimiraaya dazar yagalya'makuna kya' sarevi yuna sagaasagaa'daasi tewaanya mwaalina. ¹⁹ Tewaanya mwaalina kya' Jizaazaryawinna yune gamirerana bina yeva, pwara yagalya'mavesagaa' wi'dina "Nemi yimaka dazar yiniga wi'na mudaasiya' gatha'dara yaannevinaka?" ²⁰ Wi'dina kye' sai wi'dina "Gotiyari yiniga wi'na malimwagyivanigasa'nanyi. Sare' dare'nesi. Nebulya'na yihithivanige. Maazitetiya savire yisilya' maalitaayasi. Maalike' girinikabaaibi' diraginna limwanga maalitaaya daza' kininnakeihi mwaabizaihi mugunya daza' kudapiji 'Keibanna diwona!' yi nabaai sa' kaanna wi'na yadesi. Nabaai aane piri' kiri' mi jide' mi'. Yuyanna jideihili. ²¹ Kiri' yimaka sasarera wi'daasa'ne' davwi jila! Ti'ka wapaaya kimaakiya wakinna yapiji, Gotiyari diraginna jithaanganyidevulyi. Sabwi gavebwi yapiji yimaka dazaraavvi duthaasideihili."

*Jizaazai ayawidaasi "Kabala'muj ayina nyidikaavadeinyi," widake'nesi.
(Maak 9:30-32; Luk 9:43-45)*

²² Anga Galili sabanna ye'mwanniguna yesagaa' Jizaazai wi'dina "A'mweraavine Kaimiraayainyi a'mwe pwai makaboz a'mwe naangeraavina kanyimarimwangoji ²³ nyiramakipi'deinyi. Nimi mi'na balina kya'muj yirika daryaaai dariki ayina nyidikaavadeinyi." Sara wi'dina kya' gamirera kale naanga wiadaa'nyi simunya yawiri'maa'na yina yeva sana mwaalina.

Jizaazai taakizinigwia Gotiyare Angevina wakake'nesi.

²⁴ Di'vi anga Kaapaniyamina y'i'mavaawina yina kye' Gotiyare Angevine taakiziya maa'divisara Pitaryawinna buthina "Sarimi're yihiziwaakadei Gotiyare Angevina taakiziya wakadei midaaka?" ²⁵ Buthina kye' sai wi'dina "Yo." Sara wi'daka angevi wi'linna kya' sinnawi Jizaazai wi'dina "Saaimonig dare'na gara yawi'manigina? Kingiyara Kwaakevakiyaraavvi maremwaaidivisara nigwitaakiziya saza aaihwaraavaavvi maa'divitaraavaka? Kunnya jilikaimiraayaraavvi maa'divisara dingaka? A'mwe pwaraavire maa'divisara dingaka?" ²⁶ Wi'dina kya' Pitai wi'dina "A'mwe pwaraavire nigwia maa'divisare." Wi'dina kya' Jizaazai wi'dina "Sarevi'adaa'nyi sahwaraavire jilikaimiraayara taakiziya wakadivitara mi'. (Sabaabibi' Gotiyare Kaimiraayainyi Gotiyare Angevina taakiziya wakadinyainyi mi'). ²⁷ Kiri' 'Taakiziya mwaki kyakwoihiji naarininyina jikurya nyawipidika!' dena gitima! Sare'na wawo'gizi aalibunyavvi jawiwikiya dasi'naawa! Sara wasi'na'gizi jawinya aaya mudi'na wiravabwa'dizai maarina ya'gizi maange' galaraa'mwanna ya'gizi nigwia pu' kusawi wila'doz di'vramaa'deiginyi. Nigwia dazahu' maarina ya'gizi yuya kwainaarine taakiziya' dumhaarideiginyi." Sara wi'dina ya'.

18

*“Sigunyaviya a'mwe naanga sinnawinyai aaihwalaka?” yawirya'nesi.
(Maaki 9:33-37; Luk 9:46-48)*

¹ Dazagaa' m̄id̄id̄iv̄isara Jizaazaryawinna b̄na yeva "Kwaaka davaaki Jizaazai nemire Kingiyai yarai ȳma'nadelyi," deva w̄id̄ina "Sigunyaviya maremwaaidevine ḡim̄re m̄id̄idaanyainajiyai yuna naangei aaihwalaka? Yuyainaav̄ wav̄ila'man̄kei aaihwalaka?" ² W̄id̄ina kye' kaimale pwari jaka j̄ivwaramaa'na yaka t̄innyaba maridaakuna yaka ³ dara w̄id̄ina "Nebulya'na ȳh̄ih̄ivanige. Sar̄im̄ kaim̄raaya maal̄kerab̄i' mima'nyi ȳpija' Sigunyaviya maremwaaidevi dulyideihi m̄i. Ar̄kew̄nȳra. ⁴ Sarev̄daa'nyi pwai yune gam̄i sai kwaakew̄ walamarak̄noji kaim̄raaya dazaib̄i' ȳma'najai, ȳi Sigunyaviya maremwaaidevine'na a'mwe dazai pwaraav̄ wav̄lavadelyi. ⁵ Nabaai pwai kwai n̄im̄nyi na yawiroj̄i kaim̄raaya dareib̄isari maaraajai ȳi sarevi n̄im̄nyi nȳmaaradelyi.

(Maaki 9:42-48; Luk 17:1-2)

⁶ Pwara kaim̄raaya maal̄kera kwaamu' mwaaidiv̄isarabitara n̄im̄nyi na d̄raginna limwab̄izaraj̄ya pwar̄i a'mwei walapapalakya'na w̄id̄ina kyoji n̄im̄rei kayaa'nanyabwi yaja' ȳi a'mwe dazar̄na ȳh̄ih̄ima! Sahwai sara yajai Gotiyarinā yagaainakei kȳma'noji Gotiyai kayaa'na d̄raginaanna wiadelyi. Sinnawi n̄im̄rer̄i kayaa'na mujahaa' s̄ila naangei gam̄ire t̄il̄innyav̄ l̄ivaridap̄ij̄i kwaj̄i saalaalyavi kewewin̄i maral̄ivarab̄iz̄i kwaj̄i tewaanya' kwaradika! Gotiyai kayaa'na d̄raginaanna wiade'ne'na sabwi tewaanya' kwaradika! ⁷ We', a'mwe Kwaakevakiyara pwaraav̄ kayaa'nanyabwi walapapalakyaraav̄na Gotiyai taangebwi w̄ir̄iv̄ik̄raderaav̄na kale nȳwaka. Pwara n̄im̄nyi yagalya'map̄ija'na sahwaraav̄ Gotiyai d̄raginaanna wiadelyi. We', sare'na sahwaraav̄na kale nȳwa!. Sare' dare'nesi. Kayaa'nanya dazabwi ȳma'naabathevulyi. Nebulyasi. Kir̄i' a'mwe sasare sabwi makabade sarina, we', Gotiyai kayaa'nanaanga w̄ir̄iv̄ik̄rade'nanyi. ⁸ Nabaai ḡim̄re asilyi kayaa'nanya ȳjaiḡi ḡim̄re s̄imunya' kayaaka kȳgaloj̄i 'Kayaa'nanyaba namwaaimudika!' d̄izaiḡi sasare ḡinnya asir̄i daku'nyi na ya'ḡizi l̄ivaranna ja! Ata gave pwina k̄in̄nnakeiḡ yuyagaa'ne gaalyabwina dimwaaideiḡnyine'na tewaanyasi. Ata puraai k̄in̄nnakeiḡ Dika mȳgaaya'nev̄i maraḡil̄ivarab̄i'de'na kayaa'nanyasi. Sare'na sabwina minna! Nabaai ḡim̄re s̄iv̄ilyi ȳi wawa'ḡizi kayaa'nanya ȳjaiḡi s̄imunya' kayaaka kȳgaloj̄i 'Kayaa'nanyaba nanyimwaaiahadika!' d̄izaiḡi sasare s̄iv̄ilyi'r̄i daku'nyi na ya'ḡizi l̄ivaranna ja! S̄ivila gave pwina k̄in̄nnakeiḡ yuyagaa'ne gaalyabwina dimwaaideiḡnyine'na tewaanyasi. S̄ivila puraai k̄in̄nnakeiḡ Dika mȳgaaya'nev̄i maraḡil̄ivarab̄i'de'na kayaa'nanyasi. Sare'na aȳna d̄raginna git̄h̄ima! Sasarebwina minna! ⁹ Nabaai ḡim̄re t̄innyalyi kayaa'nanya wangadizaiḡi s̄imunya' kayaaka kȳgaloj̄i 'Kayaa'nanyaba nanyimwaaiahadika!' d̄izaiḡi sasare t̄innyari jiwa'mwanna ya'ḡizi l̄ivaranna. Tinna gave pwaina k̄in̄nnakeiḡ yuyagaa'ne gaalyabwina dimwaaideiḡnyine'na tewaanyasi. Tinna pwaraai k̄in̄nnakeiḡnyi Dika Naangevi maraḡil̄ivarab̄i'de'na kayaa'nanyasi. Dazasare'na sabwina minna!

*Sip̄izip̄iya yadakun̄keina ke'ba'na w̄idake'nesi.
(Luk 15:3-7)*

¹⁰ Mala nayaa j̄iwannyi la! Sar̄im̄ s̄imunya kaim̄raaya daraav̄na dara nyawip̄idi! 'Dazaraj̄ya p̄imili' wana yaasiwa'nanyalyira.' Sare' dare'nesi. Dara ȳh̄ih̄ivanige. Ejeliyara kaim̄raayaraav̄ nayaa maremwaaidiv̄isarerera. Sahwaraav̄ daanga wina yadaa'nyi taanga maarina ȳpija yuyanna ejeliyara N̄mwai Sigunyav̄i mwaal̄keri w̄ij̄iwaakadiv̄isare. ¹¹ Sare' dare'nesi. A'mweraav̄ne Kaim̄raayainyi tusav̄i yadakun̄keraav̄ padaihasamaarya'neinyi b̄weinyi.

¹² Sarimi' dare'na gara yawi'manigava? A'mwe pwai sipizipiya waanti aadiretiyara kinnakei mwaalajai sipizipiya pwai kyadaavoji biri'brya'nei wawadei midaaka! Sai mugunyangi sipizipiyara 99 mwaaidapi yagalya'ma'na yoj sipizipiya gave pwainanya yadaavaja dazaina biri'brya ya'nelyi. ¹³ Nebulya'na yihihivanige. Sai mena baramaarajai sipizipiya gave pwainanya dazarina yilaaya naanga yadelyi. Yi' sipizipiyara 99 myadaayi yadaapiyaraavina yilaaya maalika yadelyi. ¹⁴ Sasare sabaaib! Sirinimaanga Sigunyav'i mwaalikei maalika dazarajyarina simunya' dina 'Kaimiraaya dazai myadaavanna! Aala!' dada baramaa'mani'.

Gya'mwei gya'mwerina yi'wetawakyabwi yajai yavada'gala ya'nebwinesi.
(Luki 17:3)

¹⁵ Nabaai ja'mwei kayaa'nanya pibwi gyazaryawinna wi'na ya'gizi yune kiriminna mwaalina yakilyi gamire kayaa'nanyabwi jalikurakina. Nabaai sai kadika nayaa gu'najai yi' tewaanna yavada'galamwaaida gimi'ji avaaiizimunya je'mwannamwaalyideraaihili. ¹⁶ Kir'i' gimirre yagaalya' kadika magu'nyajai yi' a'mwe pwaina a'mwe kwaraaina maarina ya'gizi gimi'ji wi'na. Wi'na kyapiji a'mwe pwaraaihi daraai dala kwaihi gamire yagaala jalikurakya'neihi ditihinyideihili. ¹⁷ Kir'i' sahwaraare yagaalya' kadika mu'nyi yajai nimire kusilaanyaraav'i widina. Nabaai kusilaanyaraavire yagaalya'na kadika mu'nyi yajai sarina dara jawi'delyi. Anga naanga pimaginyai menyai yi'ma'nadei daaka! Taakiziya maa'da kuka maa'dei daaka! Sareraav'i yi'van'gevaaib! sahwar'i sara yi'deinyi. ¹⁸ Nebulya'na yihihivanige. Nimirreihi srya'mweraavina Kwaaka davaki dimaremwaalyideihili. Sahwaibisaraavina Kwaaka davaki 'Sabwi kayaa'nanyabulyi. Kusilaanyainaayawi diwona!' widapiji'yagaa' yi' Sigunyav'i Gotiyai 'Sabwi kayaa'nanyabulyi,' mena sara yawi'na. Nabaai Kwaaka davaki 'Sabwi tewaanyabulyi,' dapiji'yagaa' Sigunyav'i 'Sabwi tewaanyabulyi,' mena sara yawi'na yadelyi. ¹⁹ Nabaai yagaala ayina yihihivanige. Kwaaka davaki gazazangina sarimi'ji'yaraai avaaiizimunya'na yakilyi Gotiyari yi'daanganyikaja' yi' sasare' Sigunyav'i mwaalikei Nimaamaangei sahwaraarinayannelyi. ²⁰ Yo, niminyina a'mwe pwaraaihi daraai dala kwaihi anga piba yi'bwa'nemwaabizaihi sarimi'nyi tinnyaba mwaalide'na Nmwai sara yihi'gaimwagathe'nanyi." Sara widina ya'!

²¹ Dazagaa' Pitai gaminyawinna bina yina yaka widina "Naangeigit, nya'mwei kayaa'nanya yiya kanyoj gamire kayaa'nanya marasi'nya'neinyi kayaa'nanya sa gara gara nyadengaka? Yiniga wi'na ata puridaa'nyi pwaraainanya'na dingaka?" ²² Widina kya' Jizaazai dara widina "Ata puridaa'nyi yune pwaraainanya'na gitihwe'na mi'. Aawa. Yiniga wi'na kwala naanga naangenna gitihwa."

²³ Sara widina yaka savina ke'ba'nanya' dara widina "Sarevidaa'nyi Sigunyav'iya maremwaaidevi a'mweraavire kayaa'nanyanna marasi'nya'nebwi dare'bisabulyi. Pi'gaa' a'mwe pwai Kingiyai maremwaaiidei yawi'na 'Ninnya nyidaayadivitaraavire nigwiti'vikita yavada'galamaarima!' ²⁴ Sara yawi'na kya' nigwia gaai yamaasagaa' dinaaya naanga naange! (10 miliyon kinaaya) kinnakeri makabina. ²⁵ Makabina kye' kir'i' dinaaya yiniga tivikirya'ne' sai nigwia maayalyi. Sarevidaa'nyi kingiyai diraginna widina 'A'mwe dazalyi gamire a'mwesi kaimiraayaji gannya gitihita yuyaji marayaasipi'ka! Sara mi'na yaasina yapiji nigwia daza niminyine'na dinaaya tivikirya'ne maapika!' ²⁶ Sara widina yakevidaa'nyi widaayade dazai kingiyaryaba kwadaai bulagina yaka kinnna dina yaka widina 'We', niminyina kale kagyoz ni'minyina yemwaala dinya! Nabaai dinaaya yuya' gitivikirideinyira.' ²⁷ Kadika sara wi'naka widaayade dazare naangei sahwarina kale wina kya' widina 'Wikira. Gimire dinaaya' manyijaayi dnyideiginyi. Wi'nanyira. Mi'na gimarasi'nyiwana.' Sara widina yaka dinaaya sa' yinahu marasi'nyina. ²⁸ Sara kya' mwasawinna

widaayade dazai walyuna yaka gam̄ijiya widaayade pware walyanganna. Sahwai s̄innawinyarina dinaaya maalike' (100 kinaaya) k̄ininnakelyi. Ȳthaanyi, s̄innawinyai avaaiwawiya dazar̄i walyanganna yaka galalimwanna ȳna yaka gam̄ire t̄linnyavi galaḡraa'diwanna yada w̄idina 'N̄m̄inyine' ḡm̄ire dinaaya yuya yunebanna d̄iriv̄ik̄ka!' ²⁹ Sarev̄idaa'nyi gam̄ire avaaiwawiya kwadaai ḡlinā yaka d̄raginna ȳdaanganna 'N̄m̄inyina kale kagyozi n̄m̄inyina yemwaala d̄nya! N̄m̄ire dinaaya ḡiriv̄ik̄ri deiginyi.' ³⁰ K̄ri! sai 'Aala!' d̄ina. Aawa. Sar̄i kalavuzavi marimwaaihina yaka 'Sahwai dinaaya sa' n̄m̄inyina t̄iv̄ik̄radehaa'na yagalya'mavadelyi.' ³¹ Sara w̄idina kya' sarev̄idaa'nyi gam̄ire avaaiwawiya sasare sabwi wanganeva kale naanga wiadaa'nyi kum̄ire naangeri yagaala yuya daza w̄ijiwakaawina. ³² Sara w̄ijiwakaawina kye' a'mwe naangei widaayade dazar̄i jaka w̄idina yaka dara w̄idina 'Yaasiwa'wawinya kayaa'nanyaig! Aayagaa' n̄m̄inyi k̄inna kanyid̄waa sare'na ḡm̄ire dinaaya yuya yaasiwa'na ḡmarasi'nyiweiginyi. ³³ N̄m̄i kale ḡihaimwamwebaaib̄i ḡm̄ire avaaiwawiya kale kugaimwadika! Sara ȳij̄i kwaj̄i sabwi nawi'nya' kwaradi!!' ³⁴ W̄idina yaka gam̄ire naangei s̄inna t̄ika wida'daa'nyi a'mwe daangita w̄ijaavadiv̄isaraayaw̄i marimwangakina. Gam̄ire dinaaya yin̄iga wi'na ȳimwannya'neri marimwangina yakelyi. ³⁵ Nabaai sar̄im̄ire simunyangi sar̄imi yuyaihi s̄rya'mwe gazarazaraavire kayaa'nanya mamarasi'pija' ȳi N̄maamaangei Sigunyav̄i mwaal̄kei avaaina sana ȳhyathelyi." Sara wida'!

19

A'mwenḡi widaasa'nebwinesi.

(Maaki 10:1-12; Luk̄ 16:18)

¹ Jizaazai yagaala daza ji'mwannyina yakegaa' anga Galili yagalya'ma'na ȳna yaka Aalya Jothan̄ pimagineena anga naanga Juthiyanna wi'na. ² Wi'na kya' kwala bwa'naanya naanga sahwar̄i mid̄nyina kye' daz̄maḡi kum̄ire nalaaya tewaanya yavada'gaina wia'.

³ Nabaai gam̄inyawinna Periz̄iya pwara binā yeva "Kaya'a'na ja'nanedaz̄waka?" yawi'na yad̄iv̄i' yaamij̄i yij̄iwaaina ya'nera w̄idina "Nem̄ire k̄iwinya d̄in̄ikebur̄i gazannazanna a'mwei gannya a'mwevi ȳinahu widaasa' tewaanya' dingaka?" ⁴ Sara w̄idina kye' sai ja'nawid̄ina "Got̄iyare bukuyav̄i d̄in̄ika datha' madanganyadiv̄isaihi daaka! S̄innaw̄i k̄igaakuna Got̄iyai yuya wakyaakegaa' kwalyalyi balyasi sawaari yav̄ikarina yaakeyolyi. ⁵ Sara yaka sai d̄ina 'Sarev̄idaa'nyi a'mwei gan̄imaangelyi ganaangesi sawaari yagalya'mavoji gannya a'mwesi ȳraku'na ȳkadeyolyi. Nabaai sayoi k̄ilaaka gave pīj̄i'nanyayoi ȳma'nyi kadeyolyi.' Yagaala dazav̄i myaw̄iryadiv̄isaihi daaka! ⁶ Sarev̄idaa'nyi sayoi k̄ilaaka pīj̄ikaaina ayawi ȳkadewaai mi'. Aawa. Sayoi yune k̄ilaaka gave pīj̄i'nanyi. Sarev̄idaa'nyi sasare sabwi Got̄iyai mena ye'mwannemwaaiahin̄kelyi. A'mwera nadahaabwapidika!" ⁷ W̄idina kya' sahvara w̄idina "Nediwaanya'na Ne Moz̄izai k̄iwinya' dara be'na d̄in̄ikavaka? 'A'mwei gam̄ire balaangevi widaasa'nei pīkar̄iȳkwav̄i ȳda'na yoj̄i a'mwevi w̄ijaavoj̄i yunakaanna widaasadelyira.' Be'na d̄in̄ikevinaka!" ⁸ W̄idina kye' sai w̄idina "Sar̄im̄ire simunyangi galarlav̄imwaaiahin̄yina kiwaakira. Sarev̄idaa'nyi Moz̄izai sar̄im̄ire a'mwenḡi widaasa'na baihana'na ȳhyaakelyi. K̄ri! s̄innaw̄i k̄igaakuna sasare dazabwi waryaakebwi mi'. ⁹ Nabaai dara ȳh̄ith̄ivanige. Pwai kwai gam̄ire a'mwei mud̄keri maridaayi yaja' sah̄ir̄iv̄i yaasiwa'na widaasadev̄idaa'nyi a'mwe pīr̄iv̄i nayaa ȳdaanganoji kwala maarajai ȳi sahwarina Got̄iyai d̄ina 'A'mwe sai ata limwangebwi kayaa'na ȳwakelyi.' "

¹⁰ Sagaa' gam̄ire mid̄idiv̄isara w̄idina "A'mwei gannya a'mwevi sara mudaasi yaja'na nem̄i kwala namaraadika! Nem̄i a'mwe maayaina mwalaadevwi nawi'nyasi."

11 Widiina kye' sai widiina "Yagaala daza' yiniga wi'na yawiramaarya'nera yu-yaraavina mi'. Aawa. Gotiyai kwala mamaarya sasareburine diraginya' wijaavojya pwaraavinanyi. **12** Sare' dare'nesi. Yi kwala yiniga mamaarya'nera a'mwe dala pwarana pwarananyavinyi. Pwara kuvinaange maarina yesagaa' kwala maarya'nera mamwaalyi yipinerera. Pwaraav i a'mwera munya da'nikera kwala yiniga maapi'dera mi'. Pwara Sigunyav iya maremwaaidevine wawinya' yawidiv i kumi' sara kimaakiya dakadiv i kwala mamaaryadivisare. A'mwei yagaala daza' yiniga wi'na yawiramaarannei sai yawiramaa'na yana!"

Jizaazai kaimiraaya maalikaaya yilaaya wimaryake'nesi.

(Maak i 10:13-16; Luk i 18:15-17)

13 Sagaa' gaminyawinna kaimiraaya maalika pwaraav i makabina. "Kumire minyaginya' gamire asa' widathiwada Gotiyari sahwaraavina widan!" deva makabina. Mi'na makabina kye' kir i gamire mididivisara kuminyi maanga widiina. **14** Maanga widiina kye' Jizaazai widiina "Niminyawinna kaimiraayaraav i dimaryasaabila! Sarimi' darihiralimwagata mipinera! Sare' dare'nesi. Sigunyav iya maremwaaidevinera maalika sasareraavina Gotiyai yanga wiaavade'nanyi." **15** Sara widiina kya' gaminyawinna bina kye' asa' minyaginya' dathiwanna wia!. Sara wiaka dividaa'nyi dazimagi yagalya'ma'na yaka kaanna wina ya!.

Miginyai gilyivita kwalaalya kininnakerinesi.

(Maak i 10:17-31; Luk i 18:18-30)

16 Yithaanyi, a'mwe pwai gaminyawinna bi'ma'na yaka widiina "Wijawaakyagi, 'Yuyagaa' yuyagaa'ne gaalyabwi maarima!' da'muj i tewaanya gare'na yideinyaka?" **17** Widiina kya' ja'nawidiina "Tewaanya'na niminyina be'na nyidaangamanigina? Tewaanyai yune gave sahwainanyalyra. Kir i gimi 'Gaala nebulyaburi mwaalya'neinyi,' yawi'diza' kiwinya dinikengi nayaa dimidina!" **18** Sai widiina "Kiwinya garengaka?" Jizaazai widiina "Datha'darenna 'A'mwe maramakinnera! Pware a'mwevi ata malimwadiinnera! Kuka minnera! A'mwe pwaraavina kwaasi yagaala majalikurakinnera! **19** Gimire gimaamaangelyi gwaangesi sawaare yaya munyaba makidi duhaimwana! Giminyina giyu'nadevaabi' pwaraavina avaaina nawi'nya giyu'nana!" **20** Sara widiina kya' miginya sai widiina "Kiwinya yuya daza mena mididinyangira. Niminyi kuna gare' nyigainivanikevaka?" **21** Widiina kya' Jizaazai widiina "Gimi 'Yune nebulya'nanyainyi yima'nima' dizaiji gimirre gilyivita yuya yasaawa'gizi a'mwe gilyivi'maayaraav i nigwia duzaama! Sarevidaa'nyi Sigunyav i gimi gilyivita kwalaalya kininnakeig i jima'nadeiginyi. Nabaai niminyi dinyimidinaama!" **22** Widiina kya' miginya yagaala daza' kadika sara wi'nyina yaka kale wiadaa'nyi kaanna wina. Sare' dare'nesi. Sai gilyivita kwalaalya kininnakelyi.

23 Sagaa' Jizaazai gamire mididivisaraav i widiina "Nebulya'na yihithivanige. Sigunyav i maremwaaidevi a'mwe nigwihiravinatei yagiyagi wiladelyi. Yaasiwa'na mi'. **24** Ayahi yihithivanige. Kaameliyai 'Langa kwaabihannya gipwaidivita sarikire daibu'nyavi wilima!' dozi sa' yagiyagi wawinya maayasi. Nigwihiravinatei 'Gotiyai maremwaaidevi wilima!' dozi sa' yagiyagi wawinyaasi." **25** Widiina kya' mididivisara kadika sara wi'nyina yeva lika yiwainigulaawina yina yeva widiina "Nigwihiravinatei aawa!" daakaj i aaihwari padaihasamaarannelaka?" **26** Widiina kye' Jizaazai tinna baihana'na wiaka widiina "A'mwera wi'na mik! Kum i sara Gotiyaryawinna mabi yipinerera. Kir i Gotiyai yuyabwi yiniga wi'na yannelyi." **27** Widiina kya' sagaa' Pitai ja'nawidiina "Yithaa, nemi yuyangi yagalya'mavona gimirimwona. Sarevidaa'nyi nemi tivikirya'ne beni maraadengaka?" **28** Widiina kya' Jizaazai kuminyi dara widiina "Nebulya'na dara yihithivanige. Yuya mudika yima'nadehaa! A'mweraavine Kaimiraayai diraginyasi byaannyasi kininnakei

kingiyari namwaalyita nawi'nyavi mwaalade dazahigaa' sarimi nyimididivisaihi kwaihilyi namwaalyita nawi'nya siviliridaa'nyi pwaraala sangt dimwaalyideihilyi. Sara yadiv'i yawibwarya'nehi Yizireliyaraavire yisavakaavi siviliridaa'nyi pwaraala savakaavi dimaremwaalyideihilyi. ²⁹ Nabaai gazaizai niminne yayavina yawi'da nimire wawinya yada yi sahwai gamire angevi yagalya'ma'na. Yi gya'mwe pwaraav'i gya'mwe kiningi yagalya'ma'na. Yi ganimaanga pwar'i ganaanga kirivi yagalya'ma'na. Yi gamire kaimiraayangi yagalya'ma'na. Yi aawawinyang'i yagalya'ma'na. Yi sarevidaa'nyi sahwai tewaanya kwalaalya naanga maaradelyi. Nabaai sara yoj'i Ganimaangere yuyagaa' ne gaalyabwi maaradelyi. ³⁰ Kir'i dahaa' a'mwe kwalaalyara kumire yaya munyaba warikera divi niminyine'na kumire yaya kwaakeba waraderera. Nabaai dahaa' a'mwe kwalaalyara kumire yaya kwaakeba warikera divi niminyine'na kumire yaya munyaba waraderera.

20

Giraipiwawinyavi yadivisaraavinesi.

¹ Sare' da'daresi. Sigunyaviya maremwaaid'e a'mwe pwai aawawinya kininnakei yinikabaabisasi. Wana mwanyav'i (6 kilok'i) gamire giraipiwawinyavi widaaya'ne pwaraav'i maarya'nei kaanna wiña. ² Kaanna wiña yaka a'mweraav'i widina 'Nimire giraipiwawinyavi nyidaaya'neihiri nemire sabwine'na pwar'i dahaa'ne kinaaya' pwar'i dahaa'ne kinaaya' yihizaavideinyi.' 'Yo, wika,' ja'nawidina kye' gamire wawinyavina widaasina. ³ Widina yaka mwanyizirigwajaha'a' maaketiyaba ayahi wiña yaka a'mwe pwara yaasiwa'na yadapiyaraav'i tinna wanganna. ⁴ Tinna wanganna yaka widina 'Sarimi kwaihilyi nimire wiwawinyavina kaanna wawopiji jaawila! Yi nabaai nigwia yida'nanya yihizaavideinyira.' Kuda! sarevidaa'nyi kaanna wiña. ⁵ Kaanna wiña kye' dividaa'nyi sirigwajahaasi siviraryagaas gyakwai ayahi wiña yaka avaaina sana yina. ⁶ Nabaai sawisaburi (5 kilok'i) ayahi kaanna wiña yaka a'mwe pwara daa'dapiyaraav'i tinna wanganna yaka widina 'Dava nyilaanga dav'i yaasiwa' gatha'darevina daakava?' ⁷ Sahwara ja'nawidina 'Neminyi wawinya nejaaya'nei pwai midaakajinyira.' Ja'nawidina kye' sai widina 'Sarimi kwaihilyi nimire wawinyavina diwila!' ⁸ Sara widina kya' yuyara wawinya yina kye' nyila walakyagaa' mena kyima'na' wiwawinyavi gyakwalaangei gamire maredaasar'i dara widina 'Wawinyavi nyidayiwaasaraav'i jaka wida'gizi nigwia duzaama! Wawinya aaya dividaa'nyaraav'i sahwaraavidaa'nyi duzaama! Nigwia sahwaraav'i kuna kuna wijaava'gizi yune wawinya sinnawi widaayaraayabanna jit'mwannadesira.' ⁹ Sara widina kya' maredaasai sara yina yada a'mwera wawinya' yamaa'div'i yune sawisaburi (5 kilok'i) yesara bi'ma'na yina yeva pwai kinaaya piri' pwai kinaaya piri' maarina. Sagaa' yirika yunevina wawinyavi nigwia kinaaya pukira. ¹⁰ Maarina kye' wawinya aayagaa'daa'nyi yamaa'nika sara tinna wanganna yeva yawi'na 'Dividaa'nyara pwai kinaaya piri' pwai kinaaya piri' ma'mwaasa'na nemi pinji maraadeinera.' Sara yawi'na kye' kir'i sara kwaraj'i pwai kinaaya piri' pwai kinaaya piri' maarina. ¹¹ Sara maarina yeva jikurya yina yeva wawinyavi gyakwalaanger'i maanga widina ¹² 'A'mwe dazara aaya dividaa'nyi yima'naabadiv'i wawinya' yune waani aawaaya'na wavyla'derera. Gim'i nigwia saraav'i wijawaanya' nemi maraanne' wijawaana! Kir'i nemi wawinya naanga yadaa mwanyavidaa'nyaina yune nyila walakyagaa'na yi'mwannivanigoinera. Sara yadaawori nyila naange' nebaihinivanikeinera.' ¹³ Maanga sara widina kye' wawinyavi gyakwalaangei kumi'jya pwar'i ja'nawidina 'Nya'mweigi, gimininyina kayaa'na magivanige. Naarimi kinaaya piri'na "Tewaanyasira," myawirijihywola? ¹⁴ Sarevidaa'nyi ginnya nigwia' maarina ya'gizi kaanna wiña ji! Nyivu'nivanika daresi. Gizaavanigevaabi' a'mwe aaya dividaa'nya dazar'i avaala wijaawa. ¹⁵ Sare' yune nimiresi. Ninnya nigwia'

yune sangina yiniga mi yiwineinyi dingaka? Nimi tewaanyabwina yadinyaainyine'na simunyav ijkurya yawid'i wabarinnna yivaniginyaig'i dingaka?' wida'. ¹⁶ Ke'ba'na yihithiwe da'daresi. A'mwe divedaa'nyara sinnawinyara yima'nipi'dererera. Nabaai a'mwe sinnawinyara yune divedaa'nyina yima'nipi'dererera. (Gotiyai gannya gaalyabwi aaya divedaa'nyaraavina avaaina sinnawi wijaavaderera. Nabaai gannya gaalyabwi sinnawi aayagaa'daa'nyaraavina divedaa'nyi widaavaderera.)"

Jizaazai balina, ayina yidi kaaya'nei dahaa' wida'nesi.

(Maak 10:32-34; Luk 18:31-34)

¹⁷ Jeruzaaleminna kaanya ylaawia'nei woda gamire siviliridaa'nyi pwaraalyara gavera gaminyabanna jit'bwaremakuna yaka tutaanyav i kavena widina ¹⁸ "Yithaanyi, dahaa' Jeruzaalemineina yimanaawigo. Sahiba a'mwe pwai A'mweraavine Kaimiraayainyi Gotiyarina mubithika yira'divita naangeraavijnaji Kwiijaraavinaji nyimarimwaaikhadelyi. Marimwaanihina kanyoj'i kotiyav ni'minyina widina 'Kayaa'nanyai balana!' ¹⁹ Sara widina yapiji ajmya pinngiyaraavina Menyaraavina nyimarimwangipi'deinyi. Wimarimwangina kanyapiji yagaabiraizika nyidanganapiji wiла kayaa'nanyabaalyi mala naanga nyiramapiji yisaviri maranyramarimupi'deinyi. Sara kanyapiji yirika darikaai dariki ayina nyidikaavadeinyi."

Jemizalyi Joniji kidaraai "Naangeinaai mwaalaka!" dahila yagilya'nesi.

(Maak 10:35-45)

²⁰ Dazagaa' Sevathiyare balaangesi gamire gawaalivaangeraalyi kinidaka ye'mwanniguna yeva Jizaazaryawinna bina. Mi'na bina yeva kwaakevi kirinaange' walaruta'nyina yaka "Piri'na gitaaanganijiwana?" widina. ²¹ Widina kya' widina "Givu'nivanike' berivaka?" Widina kya' widina "Gimire dimaremwaaidevi nimire kaimiraaya datharaai, pwai gimire aangasimagi, pwai gimire kwanaamimagi mwaalyikade'na sara dinyidana! Sare'na nyivu'nivanikesi." ²² Widina kya' ja'navidina "Yidaangamanigata daza' nayaa myawiranganyivangi'. Kaapivananyav i nidevaabib' maalikegaa' taanga naanga nyadesi. Taanga naanga sa kyihyoji kirimi yiniga wilna yikaneraaihi daaka?" Sara widina kya' kidaraai widina "Naarimi wi'na yakaneinaalyira." ²³ Widina kyagi widina "Nebulyasi. Nimire kaapivananyav i dinyideraaihiliy. Kiri' Nimire aangasimagi sahwai mwaalana! Nimire kwanaamimagi sahwai mwaalana!" wida'ne! nimire! mika! Aawa. Sahibanyaari mwaalya'neraarina Niamaamaangei mena dahilakinna, sara yawi'mwakelyi."

²⁴ Nabaai atiraalyara yagaala daza' kadika wii'nyina yeva sadaraarinna sinna ti ka davina. ²⁵ Sinna ti ka wida'daa'nyi kirii' Jizaazai gaminyawinna jaka jivwaramaa'na yaka widina "Sarimi yawi'maniga' Kingiyara ajmya yuyangiyaraavirera kunnya a'mweraav i dathiwanna yadi'i diraginya wimaremwaaidivisarerera. Nabaai kumire a'mwe naangera diraginya yadivisare. A'mwera a'mwemiliika kumire yagaalya midinya'na diraginya yadivisare." ²⁶ Kiri' sasare dazabwi sariminyi myihwaranner! Aawa. Pwai kwai sarimiijiyai 'Naanga mwaalima! A'mwe naangeinyi yima'nima!' wivu'najai sarimiire yihithaayadei mwaalana! ²⁷ Nabaai pwai kwai sarimiijiyai 'Aaya sinnawinyainyi mwaalima!' wivu'najai yaasiwa'wawinya yadeib' nanyai mwaalana! ²⁸ Sabaaib' A'mweraavine Kaimiraayainyi 'Nyidaayipi'de'nanyi,' maji yena biweinyi. Aawa. 'Yune kuminyi widaayide'nanyi. A'mwe kwalaalyaraavineba ayina mubamaarya'neinyi balideinyi,' dena biweinyi. Nimi yadinyabaaib' sarimi duthaayidehiliy."

Jizaazai tibi'ya pwaraari tewaanya yavada'galake'nesi.

(Maak 10:46-52; Luk 18:35-43)

²⁹ Sagaa' anga Jeriko yagalya'ma'na yina yeva kaanna wiña. Kaanna wiña yadaapi kwala bwa'naanya naange' midinyina. ³⁰ Midinyina yadaapi, yithaanyi, tu'maangebaar'i a'mwe tibinyaraai mwaalina yadi! "Jizaazai bivanikerinera," kadika wi'nyina yagiла jaka diraginna dina "Naangeig'i, Ne Devitimire Kaimiraayaig'i, naariminyi kale'na dinnehaimwana!" ³¹ Jaka sara kudahi kwala bwa'naanya! "Jaka sa' maku'nyika!" deva maanga widina. Maanga widina kye' kiri' saraai jaka naanga diraginna kuna widina "Naangeig'i, Ne Devitimire Kaimiraayaig'i naariminyi kale'na dinnehaimwana!" ³² Sara widina kyagi Jizaazai muda'na yaka saraari jaka wijiwwaramaa'na yaka widina "Kiriminyi gara yihide'nanaka? Berivina yihivu'nadevaka?" ³³ Widina kya! "Naangeig'i 'Naarimire tinnyara tewaanya yavada'galana!' kadakwoihiji dinehya! Sare'na yawi'manigoi." ³⁴ Kadika sara wi'nyina yaka Jizaazai kale naanga wina kya' sagaa' kirimire tinnyaraavi asa dathiwanna. Sarevi wana sagaasaga' kirimire tinnyara nawi'nya wanganna. Nawi'nya wanganna yeva saraai gaminyi midinna yina yagi.

21

Jeruzaalemina Jizaazai kingiyai wilawake'nesi.

(Maaki 11:1-11; Luk 19:28-38; Jon 12:12-19)

¹ Jeruzaaleminera wiña yeva Jeruzaalem kibaweba anga Bepaaza aya kibanna yi'mavaawina. Anga maalika sa' Mugunya Wolivi gidikusaba mannekebe. Aya kibanna yi'mavaawina kye' Jizaazai gamire mididita pwaraari widaasina ² "Kirim'i anga maalika dazaba sangihiri wifikilyi yime'nya'b'i dogiya piris'i gamire diwinyai kwalyi wilyabaalyi galyiraknkenaari danganyideraiahili. Sanaari wiла yaramaa'na yakiliyi niminyawinna dimakabyideraiahili. ³ Nabaai a'mwe pwai kwai yagaala piri' yihithazai dara duzideraiahili 'Naanger'i wana kuneri kinaarinwa wiganivankene'nyi.' Sara kudakiliyi yime'nya'b'i sanaari marayhyasaabathelyira."

⁴ Sara yeta daza' Gotiyai "Piropetiyare yagaala dinika dazavi yunebanna ya'ne' yima'nana!" kada' sara ye'. Yagaala sa' dara dinikesi.

⁵ Mugunya Saayoni mwaalyaraavi dara duzila!

"Yithaanyi, sariminyawinna sarimire kingiyai bivanikelyi.

Sahwai kwaamu'nanyai nawi'nyabwi yina yadelyi.

Sagaa' dogiyari a'ba yilamwaalaka bivanikelyi.

Sai dogiyavire diwinyari a'ba yilamwaalikelyi."

Piropetiyare yagaalya' sara dinikesi.

⁶ Jizaazai gamire mididisaraari sara widaasina kya' saraai sara yina. ⁷ Dogiya ganaangesi diwinya kwalyi sanaari makabina yagiла kiranyya baazi'ma'nya diraginya dogiyari a'ba yifikina kyagi sai munyaba yilamwaaina kya' makuna.

⁸ Makuna yadaa'nyi kwala bwa'naanya naange' tutaanyavaki yilaaya'na kumire baazi'ma'nya yiraipu'nyina yeva kwala piglavajiri'bwarakwilaawina yina ye'. Nabaai pwara yitaanya paayina yadivi' tutaanyavi yilaaya'na wakwilina. ⁹ Kwala bwa'naanya pin'i Jizaazar'i sinnawi yima'nyina yadivi' waanyina, kwala bwa'naanya pin'dividaa'nyi midinyina, yuyara jaka widamidinna

"Ne Devitimire Kaimiraayari yilaaya maryana!

Naangere yayavinei bivanikeri tewaanya wijaavana!

Sigunya ke'mwewi Gotiyarie' munyabanna makilaana!"

Jaka sa' widi wija yina ye'. ¹⁰ Jaka widina widina yadaapi Jeruzaalemina wilina yada a'mwe yuya angebanyara jaanga dikinigulina yina yeva dina "A'mwe dazai aaihwalaka?" ¹¹ Sara dina kye' a'mwera kaanya wodiv'i dina "Dazai piropetiya Jizaazalyi. Naazaret mwaalyai Galilidaa'nyalyi."

Jizaazai Gotiyare Anga Naangevi yake'nesi.
(Maak 11:15-19; Luk 19:45-48; Jon 2:13-22)

¹² Gotiyare Anga Naangevi Jizaazai wīlina ȳna yaka savi a'mwe yuyara nīgwia maarya'nera mubadīvisaraav̄i wīlatamabwak̄raasina. Yi a'mwera nīgwiyadaihamata yadaapiya ȳbinya yuya marapuratawak̄ina. Yi kwaam̄rya Gotiyar̄i wījaaya'neraavine a'mweraav̄ire namwaalyisanḡi marapuratawak̄ina. ¹³ Sara yaka sai wīdina "Gotiyare bukuya' dara d̄n̄ikesi. Nīmire Ange' anga Gotiyainyi nȳdip̄īdev̄na d̄p̄īdes̄ra. Sara d̄n̄ika kiri' sarimī kayaa'na yadīv̄i a'mwe kukeraav̄ire kima'nyawib̄sa wak̄vanigasaihīlyi," sara wīda!.

¹⁴ Gotiyare Anga Naangevi mwaal̄ina yadīnyi a'mwe t̄bīnya pwarajī sīv̄la kayaa'nanyaraj̄i gam̄nyawinna b̄ina kye' nawīnya yavada'gaina wia!. ¹⁵ Kiri' nawīnya ȳna yakenḡi Gotiyar̄ina mubithika ȳra'div̄ita naangeraj̄i K̄wījaraj̄i sara t̄inna wanganna yeva nabaai Gotiyare Angevi kaimiraayam̄lik̄a jaka wīladadaapi "Ne Devit̄im̄re Kaimiraayar̄ina ȳlaaya yaana!" kad̄ka wīnyina kye' sahwaraav̄i sīnna t̄ika naanga dav̄na. ¹⁶ Sīnna t̄ika dav̄na yadaa'nyi wīdina "Dazam̄lik̄a yagaala dīwaata daza' du'n̄iwaana!" Sara wīdina kye' Jizaazai wīdina "Yo, wīn̄wana. Sare' d̄n̄ike' madanganyadiv̄itaihi daaka! Dara d̄n̄ikesi.

Kaimiraaya maal̄kem̄lik̄aav̄ire maangevi
Aamunya nīvanigasam̄lik̄aav̄ire maangevi
Ḡmī ȳlaaya nawīnya galawiratayiwa.
Ḡm̄nyine yaya' munyabanna makimanigasam̄like.

Sara d̄n̄ike'na dīvan̄iga!". ¹⁷ Wīdina yaka sahwaraav̄i yagalya'ma'na yaka anga naangeba mwasilaa walyuna ȳna yaka sawita sariki Betaanina wa'mwaraawinna.

Jizaazai kada'ȳta pihiȳi' yawaka bal̄ina yake'nesi.
(Maak 11:12-14,20-24)

¹⁸ Mwanyav̄i anga naangebanna aȳna wīna yadaa'nyi mij̄ka wina. ¹⁹ Mij̄ka wina yadaa'nyi wodimaḡinna tu'maangebaar̄i ȳta pihiya piri' t̄inna maranganna yaka sav̄na bi'ma'na yaka kiri' t̄ika munne aane piri' kiri' mwaryadīnyi wanganna. Aawa. Yune k̄wasiran̄a wa'dīnyi wanganna. Ȳta sav̄i dara wīdina "Yuyagaa' t̄ika munne aane piri' kiri' mȳi'nyi jithe'ḡnyi." Sagaa' ȳta pihiya sa' yawaka bal̄ina. ²⁰ Mi'na yawaka bal̄ina kya' mididiv̄isara t̄inna wanganna yeva līka ȳwilīna. Līka ȳwilīna yeva wīdina "Ȳta pihiya sa' dahaa' yawaka yarai gatha'darevinna baimwaka?" ²¹ Wīdina kye' Jizaazai ja'nawidina "Nebulya'na yihithivanige. Sarim̄i diraḡinna limwab̄za' sarimī simunya pirīwaai maaya yip̄neihi yī ȳta pihiyav̄i ȳwebaaib̄ī ȳn̄iga wīna yip̄neihīlyi. Yune sahir̄i'na yanne' mi'. Aawa. Sarim̄i mugunya dazavi wīdina 'Mugunya'ḡī dikaava'ḡizī saalaalyav̄ina dīthikwos̄ka!' Wīdina kyap̄ijī sa' sasara yannesi. Pwara mi yip̄nebaaib̄ī sarimī sasare' yip̄neihīlyīra. ²² Nabaai sarim̄i diraḡinna limwaga'div̄ī yuya sare ya'ne wijanḡi Gotiyar̄i kidaaganap̄ijī yī sa yadenḡi."

"Diraginya' aaihwai ḡizaawakavaka?" Jizaazar̄i ȳwaaravesa'nesi.

(Maak 11:27-33; Luk 20:1-8)

²³ Gotiyare Angevi wīlaawinna yaka kusawi a'mweraav̄i wīj̄waak̄ina yadaa'nyi Gotiyar̄ina mubithika ȳra'div̄ita naangeraj̄i a'mweraavine a'mwe naangeraj̄i gam̄nyawinna b̄ina yeva wīdina "Dazanna ȳvaniḡnya be diraginya' maaraḡina ȳvaniḡnyaiḡinaka? Nabaai diraginya daza' aaihwai ḡizaawakavaka?" ²⁴ Sara wīdina kye' Jizaazai ja'nawidina "Nīmī kwainyijī piri'na yihiwaaравide'nanyi. Nīmire ȳwaarata sa' nȳrīvik̄ipīja' nīmī kwainyijī be diraginya' maarena daza ȳvanige'na yihithideinyi. ²⁵ Jonim̄re bavitaaziyabwi gaw̄i ȳma'nakavaka? Sabwi Sigunyav̄idaasa' daaka? A'mweraav̄irennanya' daaka?" Sara wīdina

kya' sahwara yagaala dinya'na "Nem'i 'Sabwi Sigunyaviyasira,' widaaza' sai dara widina 'Nabaai niminyine sahir'i'na diraginna be'na malimwagiwa'daa'?' ²⁶ Kiri' yawi'daanyavidaa'nyi 'Sabwi a'mweraaviresi,' widaaza' sarevi yuyara dara yawi'na 'Jon'i sai piropetiyalyira.' Yawi'na yadivisa'na 'Naneramakipidika!' yawi'daa lika yaanneinera." ²⁷ Mi'na dinya'na yeva sarevi'adaa'nyi sahwara Jizaazar'i ja'nawidina "Nem'i myawirivanigona." Ja'nawidina kye' dara widina "Nimi kwainyiji 'Be diraginya' maarena daza yivanigevina,' myihithiwineinyira.

²⁸ Nabaai sarimi gara yawi'maniga'? A'mwe pwai kaimiraaya pwaraai kininnakei. Gamire siraangeryawinna wina yaka widina 'Kaimiraayaigit, dahaasaga' giraipiwiwawinyavi jaawa!' ²⁹ Kiri' sai ja'nawidina 'Aala! Myiwina!' Sara widina yaka dividaa'nyi simunya ayahi yawiraka kaanna wina, wawinya yina. ³⁰ Nabaai ganimaangei kaimiraaya pwaryawinna wina yaka avaaina sasara widaawina kya' sai ja'nawidina 'Yo, nimwai naangeigit nimi yideinyi.' Sara widaka sai mwiyina. ³¹ Kaimiraaya pwaraala saraaridaa'nyi ganimaangere simunyabwi midinakei aaihwalaka?" Sara yawaara'na kya' sahwara widina "Aaya mudikei." Widina kye' Jizaazai dara widina "Sariminyi nebulya'na yihithivanige. A'mwe kayaa'nanya taakiziya maa'divsaraj'i yaasiwa'na maradaakudivisaj'i sa sariminyi wavila'na yeva Gotiyai maremwaadevi sinnawi waamanigasangi. ³² Sare' dare'nesi. Sariminyawinna Jon'i tewaanya yidasabwi yihibwariidaakkwia'nei bin'a kya' sarimi a'mwe naangeihi gamire yagaalya' diraginna limwagetaihi mi!. Kiri' taakiziya maa'divsaraj'i yaasiwa'na maradaakudivisaj'i gamire yagaalya' diraginna limwanna yesare. Sarevi tinna mena wanganeva kiri' sarimire simunyabwi mudikebwi myawiramaari yeva diraginna malimwagyesaihilyi.

Wawinyavi maremwaaleta kayaa'nanyaraavinesi.

(Maaki 12:1-12; Luk 20:9-19)

³³ Ke'ba'nanya piri' kadika du'nyila! A'mwei kwaaka naanga kininnakei mwaala'. Sahwai giraipiwiwawinya' yina. Kurita yagi'mawakina yaka giraipiwiyabara dapalaburinna yaka wawinyavi kusilaasilaanga giraipiya mwa'mwagikya'ne likayavikarina yaka anga maremwaalyarine pu' yilamanna. Sai wawinya saj'i'na a'mwera wawinya yadivisaraav'i widina 'Nimire wiwawinya' maarapiji' nayaa maremwaalapiji' divi wizila mya kyoji wizila niminyine wakapiji' sariminyine dimaaryideihilyi.' Sara widina, piwinna wina. ³⁴ Piwinna wina kya' dividaa'nyi giraipiwiyabaraav'i silya mari'bwarakyagaa' gaminne wizila pin' maarya'neraavi widaayadivisaraav'i widaasinna. ³⁵ Sara widaasinna kya' wawinya savi yadivisara gamire widaayadivisaraav'i mujaayeva galalimwanna. Yi pvari wiylabaalyi mararanna, yi pvari yinahu tamakina, nabaai pvari silyaj'i livaranna. ³⁶ Sara yina kye' gyakwai gannya widaayadivita pwaraav'i ayahi maryasaabina. Kwalaalya kibaweraav'i maryasina, kigaa' maryasaka sarabi'na mi!. Maryasaabina kya' wawinya savi yadivisara avaala sasare sabwi kayaa'na yina ye! ³⁷ Nabaai dividaa'nyi aayagaa' wawinya savi gyakwai dara yawi'na 'Nyibwaalivaangeri sahwara dinipi'derera "Gawaali' naangelyira." Sara dinya'na nayaa yipi'derera.' Gyakwai sara yawi'na yaka gannya gawaalivaangeri maryasina. ³⁸ Maryasina kya' kiri' sahwai kuna kaanna wina yadaa'nyi wawinya savi yadivisara gawaalivaangeri tinna wanganna yina yeva kumi sara dara dina 'A'mwe dathai ganimaangere yuya maaradelyira. Yarala! Nem'i yarai tamakaana! Sara yawaaj'i gamire wawinya dava da' maraadeinera.' ³⁹ Sarevi'adaa'nyi sahwara sari galalimwanna yeva wawinyavi mwasiлаanna maraasina yina yeva sari yinahu tamakina. ⁴⁰ Sara tamakina yesavidaa'nyi wiwawinyavi gyakwalaangei bozi a'mwe wawinyavi yivanigata dazaraav'i gatha'darebwi byathei dingaka?" ⁴¹ Sara widina kya' a'mwe naangera widina "A'mwe kayaa'nanya dazaraav'i wana

kayaaka wigalakaderera. Sara yigalakojit sai giraipiwawinya' a'mwe pwaraavt maremwaalya'neraavina wijaavaderera. Nabaai tika munne maarya'negasa sahwarina wizila wijaavipidelyi."

⁴² Jizaazai kuminyi widina "Sarimti Gotiyare bukuyavt yida'nika daza' madanganyadivti daaka! Sa' dara dinikesi.

Silaangeri sianga madivisara yawibwarasi'nesalyi.

Simijamaanga nawi'nyai yima'nyina yakelyi.

Naangei sasare' mena yakelyi.

Tinna yawiranganona 'Nawi'nyabulyi,' dinolyi.

Nebwina sara dinikesi. ⁴³ Sarevit a'mwe naangeihiri yihithivanige. Gotiyai maremwaaideti sariminyi yihimarasinoji a'mwe anga naanga pimaginya pwaraavina gamire maremwaaideti nawi'nyabwina wizilyabisabwina yipi'deraavina yanga wijaavadelyi." ⁴⁴ Widina yaka gami sarina widina "Nabaai silaangerina dima! Silaanga dazari a'ba walarannajai wana kayaaka wisinadelyi. Nabaai silaanga dazai pwai kwari a'badaa'nyi bwalararamajai sari surinya yinahu bwalarinti'nyina yojyihusa'ti'rya sa pwa'nyi makurasinana yadelyi." Jizaazai pwara malimwagyaraavina wida'.

⁴⁵ Gotiyarinayira'divita naangerajit Perizi'yarajit gamire ke'ba'nanyangit kadika wi'nyina yeva dara yawiresa! "O, nemti kwainaavina dathivanika!" ⁴⁶ Sara deva "Sahvari galalimwagaana!" deva kiri' kwala bwa'naanyangina lika yina. Kwala bwa'naanya yawi'na "Jizaazai piropetiyalyi." Sara yawi'na yesa'na "Sila naliwakipidika!" deva navika mwaalina ye!.

22

Kwala maarya tika munne ke'ba'nanyavinesi.

(Luki 14:15-24)

¹ Jizaazai kuna widada ke'ba'nanya piri' dara widina ² "Sigunyavtya maremwaaidet darebaaibisasi. A'mwe kingiyai gannya gawaalivaangerine kwala maarya munne naange' yina. ³ Tika wapaaya naanga yovrawakina yaka sinnawit a'mwe pwaraavti tika munne nya'neraavti yagaala mena widithaakwakeraavina yagaala widaasina. Gamire widaayadivisaraavti, jaka wijiwwaramaarya'neraavti sahwaraayawinna maryasina. Maryasina kya' widaayadivisara sara widina kye' sahwara siumyangit muvu'nyakera 'Aala! Mabi yideinyi,' dinata. ⁴ 'Mabi yideinyi,' desavidaa'nyi ganimaangei widaayadivita pwaraavti wida' 'A'mwe jaka widaeweraayawinna wawopiji' dara duzila! "Yithaanyi, nimire tika munne mena yovrawakivani. Bulimakaawoya naangerajit diwinina minarinakerajit mena tamapiraayina. Nabaai yuya pinjiti mena yovrawakiwo warika. Kwala maarya'negaa' jikabila!" ⁵ Widadaayadivisara yagaala daza' widaawina ye!. Kiri' sahwara kadika mu'nyina yeva kaanya yiwinama'na. Pwai gannya wawinyawinna wina, pwai mubya'nei gannya sitiwaayavina kaanna wina. ⁶ Sara yina kye' kiri' pwara kingiyare widaayadivisaraavti galalimwanna yina yeva birala yina, mala tamina, yinahu tamakina. ⁷ Sarevidaa'nyi kingiyari senna tika davina kwia' gannya aawilasaraavti maryasina kya' aawilasara widaayadivisaraavti tamaketa saraavti tamakya'nera wina yeva sara mena yeva sahwaraavire anga naange' dikayira'na. ⁸ Sara kye' kingiyai widaayadivisaraavti wida' 'Tika munne kwala maarya'ne mena yovrawakiwaasa warika. Kiri' a'mwe nimti jaka widaewera sara galazekivaimwaasara yiniga wi'na yipi'dera mikta. ⁹ Sarevidaa'nyi yuya tutaamaanga yalabinha yikebanya kaanya jamarila! Nabaai a'mwe yuyaraavti tinna wanganapiji tika munnenna jaka duziwwaramakabila!' ¹⁰ Sara wida' kya' widaayadivita dazara tutaanya yuya sabanyana yiwinama'na yina yeva a'mwe

yuyaraav̄i mari'bwa'na. A'mwe kayaa'nanyaraj̄i a'mwe tewaanyaraj̄i mari'bwa'na. Mud̄kanga saba bamwaaaina yeva yunebanna m̄ilalimwaga'na.

¹¹ A'mwera walamwaaaina yadaapi kingiyai t̄inna wanganya'nei w̄ilaab̄ina. W̄ilaab̄ina yaka a'mwe pwar̄i kwala maarya'ne baazi'ma'nya' nawi'nya' mamarakyaker̄i t̄inna wanganna. ¹² T̄inna wanganna yaka w̄id̄ina 'A'mweiḡi, kwala maarya'ne baazi'ma'nya mamarakyaḡina kuta daw̄inna gatha'dara b̄wimwaanyaiḡinaka?' Sara w̄id̄ina kya' k̄ir̄i sai yagaala maayai. ¹³ Sarev̄idaa'nyi kingiyai w̄idaayad̄iv̄isaraav̄i dara w̄id̄ina 'Sar̄im̄i gam̄ire s̄iv̄ila asanḡi w̄ila galapw̄iyapiji' mwas̄lāa j̄ih̄inyav̄i mwaalade'na d̄imaraliv̄aramila! J̄ih̄inya dazav̄i a'mwera k̄inna dad̄iv̄i' kunnya maanger̄ika k̄ij̄ivainad̄iv̄isarera.' " ¹⁴ Sare' dare'nesi. Ke'ba'na sara w̄id̄ina yaka w̄id̄ina "Yo, Got̄yai a'mwe kwalaalyaraav̄i jika w̄idadelȳra. K̄ir̄i sai gave pwaraav̄ina pwaraav̄ina dah̄lakadelȳi. A'mwe kwalaalyara kad̄ka mu'nyi yadi'vi' gam̄inyawinna mabyad̄iv̄isare."

Sizaari taakiz̄iya w̄ijaaya'na Jizaazar̄i ȳiwaaravesa'nesi.

(Maaki 12:13-17; Luk̄ 20:20-26)

¹⁵ Per̄iz̄yara Jizaazar̄ina yagaalya' daaw̄ina "Sari w̄ila galapw̄iya'nev̄i nem̄i yagaalya' gara jamungajakaaj̄iwona? Sai yagaala kayaa'nanya' kudozi yaawi-i naanyav̄i l̄ivapadevaabi' pw̄iyaana!" ¹⁶ D̄inȳina yeva jamungajak̄ina yeva kum̄ire m̄id̄id̄iv̄isaraav̄ij̄ Kingiȳa maal̄ikei Erot̄yare kwaraav̄ij̄ w̄idaas̄ina kye' Jizaazaryawinna ȳi'mavaaw̄ina ȳina yeva "Kwaasiyagaala kudawaaji sai nav̄ika mwaaloji yaasiwa'na kanedozi w̄ila ȳiraana!" deva w̄id̄ina "W̄ij̄iwaakyaigi, nem̄i yawi'man̄igo 'Ḡim̄i a'mwe ȳida'maraangeiḡinȳra. Nabaai yagaala yune nebulya'nanyav̄i Got̄yarebwi w̄ij̄iwaakad̄inyaiḡinȳra. Ḡim̄i a'mwe pwar̄ina s̄imunya kwalaalya yawi'd̄inyaiḡi m̄ika. Aawa. A'mwe yuyaraav̄i yagaala avaainanya w̄ij̄iwaakad̄inyaiḡinȳra." ¹⁷ Sarev̄idaa'nyi d̄inedana! Ḡim̄i gara yawi'man̄iḡina? Yunebanne Kingiȳai Sizaari taakiz̄iya w̄ijaaya'nebwi tewaanyabwi d̄ingaka? Got̄yai 'Kayaa'nanyabulyi, yawi'd̄dei d̄ingaka?' ¹⁸ K̄ir̄i Jizaazai kum̄ire s̄imunya kayaa'nanya sabwi yawiranganna yaka w̄id̄ina "Kwaasiyaihi, yaamij̄i be'na nȳij̄iwaaiman̄igava! ¹⁹ Taakiz̄iya wakya'ne n̄igwia pu' d̄nyibwarzidaakwila!" W̄id̄ina kya' sahwaryawinna n̄igwia s̄i' makab̄ina. ²⁰ N̄igwia s̄i' makab̄ina kye' sai s̄ik̄ina ȳidaanganna "A'mabaala dathasi yaya dathasi sa' aarin̄evaka?" ²¹ Ȳidaanganna kya' w̄id̄ina "Sizaar̄inesira." W̄id̄ina kye' w̄id̄ina "Sare'na Sizaar̄ine sa Sizaar̄ina dur̄iv̄ik̄iryidenḡra. Nabaai Got̄yare sa Got̄yar̄ina dur̄iv̄ik̄iryidenḡra." ²² Yagaala sa' kad̄ka w̄i'neva l̄ika ȳiwaainȳna. L̄ika ȳiwaainȳna yadi'vi' sari yagalya'ma'na ȳina yeva kaanna w̄ina.

A'mwera baid̄iv̄i' aȳina d̄ikaasa'na ȳiwaaravesa'nesi.

(Maaki 12:18-27; Luk̄ 20:27-40)

²³ Ȳir̄ika dazar̄ik̄i Sazuz̄yara gam̄inyawinna b̄ina. Sazuz̄yara dara dad̄iv̄isare "A'mwera bal̄na yadi'vi' aȳina d̄ikaapi'dera m̄ika. Aawa. Ȳinahu baid̄iv̄isarera." Gam̄inyawinna b̄ina yeva dara ȳiwaara'na ²⁴ "W̄ij̄iwaakyaigi, Ne Moz̄izai k̄iw̄inya dara d̄in̄ikesi. A'mwe pwai kaim̄raav̄imaayai kabaloji' gahwaalaangei gam̄ire a'mwevi' kwala maaroji' gathaakaanga baryarie kaim̄raaya ȳimav̄idaakuna yana! ²⁵ Sara d̄in̄ike'na k̄igaa' ata pur̄idaa'nyi pwaraala k̄idarak̄a nem̄ij̄iyadaraka mwaale-sare. Nabaai aaya mud̄kei kwala maaraka mwaalakegaa' mena bal̄na. Sai kaim̄raaya maayai balakev̄idaa'nyi gam̄ire a'mwe dazav̄i gahwaalaangei kwala maarina yaka nabaai sahwalyi kaim̄raaya maayai bal̄na. ²⁶ Nabaai ayahidaa'nyai avaala sana ȳina, nabaai ayaw̄idaasalyi. Sana sana ȳiw̄ina yeva aaya w̄iryaakei yune ata pur̄idaa'nyi pwaraala sai avaaina ȳina. ²⁷ Yuyara mena bal̄na kye' aaya d̄ividaa'nyi a'mwe k̄iris̄i bal̄na. ²⁸ Sarev̄idaa'nyi a'mwe bain̄kera aȳina d̄ikaasagaa'

a'mwe daza! ata puridaa'nyi pwaraala saraavि a'mwe aaihware' mwaaladevaka? Sare' dare'nesi. Yuyara kwala maaresa'na aaihware' mwaaladevaka?"

²⁹ Jizaazai ja'nawidina "Gotiyare yagaala dinikengij+ Gotiyare diraginya kiriwinaj+ myawirivani+gata sarevidaan'nyi nayaa myawiryadiv+ diwaasaihily+. ³⁰ Sare' dare'nesi. A'mwe bainkera ay+na dikaaasagaa' a'mwera kwala ayahi mamaary+ yipi+derera. Nabaai a'mwe kwala ayahi mamaa'nyi yipi+dengira. Aawa. Sigunyavi ejel+vara kwala mamaaryarabisara mwaabib+derera. ³¹ Nabaai bainka sara ay+na dikaaasa'na Gotiyai sarimire Ne sinnyawinyaraavi yihzaake yagaalya' madanganyadiv+saihi daaka! Gotiyai Ne Mozizar+ wi+jaake' dara dinikesi. ³² Daha'a' kuna nim+ Eviraamimire Gotiyainyira. Aazakimire Gotiyainyira. Jaikopimire Gotiyainyira. Sara dinike'na sahwai a'mwe bainkeraavire Gotiyai mi+ka. Aawa. Gamire bainkeraav+ kuna maremwaaidely+. Gaminyine a'mwe gaala mwaai-hasaraavire Gotiyaly+. ³³ Gamire yagaala sa' kwala bwa'naanya kadika wi+neva li+ka yiwainigulaaw+na ye!"

Gotiyare kiwinya naange'nesi.

(Maak+ 12:28-34; Luk+ 10:25-28)

³⁴ Periziyara dara wi+nesa! "Yithaanyi, Sazuziyaraav+ kumire yagaalyang+ maange galabipaimwakei daaka!" Sara deva gaminyawinna yi'bwa'naabina. ³⁵ Yi'bwa'naab+na yeva kumi+jiya pwai kiwinya sidu+nakei "Yiwetawakya dana!" daka yijiwaalya'na yawaara'na ³⁶ "Wijawaakyagi+, kiwinya yuyangi wavilavaka naanga wavilavike' kiwinya berivaka?" ³⁷ Yawaara'na kya' widina "Gimire Naangei Gotiyarina ginnya simunyavi yunebanna tewaanya gi vu'nana! Ginnya kuryai sahwar+ yilaaya yiniga wi'na wi+maryana! Ginnya sidusavi yunebanna sahwar+ jawiranganan! Ginnya simunyavi yunebanna, ginnya kuryari yunebanna, ginnya sidusavi yunebanna gimire Naangei Gotiyarina tewaanya gi vu'nana! ³⁸ Kiwinya daza' naangesi. Sa' gami wana naanga nebulyasi. ³⁹ Nabaai ayawidaasa' dazahiri+ sa'b+sasi. Sa' daresi. Giminyina kale gyadevaabib+ a'mwe pwaraavina kale tewaanya gyana! ⁴⁰ Kiwinya piriwaala dazawaai kiwinyangine yagaala yuya kaavilyawaai, nabaai Gotiyar+ wi+neva wi+jaata piropetiyaraavire yagaala kaavilyawaaly+."

Jizaazai Periziyaraavi Kiraazitiyarina yidaanganake'nesi.

(Maak+ 12:35-37; Luk+ 20:41-44)

⁴¹ Periziyara kuna yi'bwa'nemwaaidapi Jizaazai kuminyi yidaanganna ⁴² "Sarimi Kiraazitiyarina Gotiyai maryasaabyarina gara yawi+manigava? Sai kaimiraaya aaihwarelaka?" Yidaanganna kya' sahwara widina "Ne Devit+mir Kaimiraayalyira." ⁴³ Widina kye' widina "Nabaai Kurya Tewaanyai Devit+mi simunya kujayaa' Devit+gatha'dare' widina 'Naangeig+!' Dara dinikesi.

⁴⁴ Naangei nimire Naanger+ dara wida'

'Gimi+ nimire aangasimagi diraginyaba dimwaala!

Nabaai dividaa'nyi gimi+re yikamaangeraav+ dathiwagideiny+.

Gimire si+lyiraar+ amwi dathiwagideraa+ marulawaki+dehaa'nanyi.'

⁴⁵ Sara dinike'na yi Deviti widaakei 'Naangeig+na,' sahwai 'Devit+mir kaimiraayalyrevi, gatha'darevaka?' ⁴⁶ Sara widina kya' gamire yagaala sa' yiniga wi'na ja'nawidakei a'mwe pwai kwai mi!. Sahwara dara myawiryesa! "O, Kiraazitiyai Gotiyare Gawaalivaangei daaka!" Majeva nabaai yirika dazariki yidaanganya'nenna li+ka gaai ye!. Nabaai dividaa'nyi majanawij+ yipinera pininna midaanganyi yina ye!"

23

Kiwijaraji Periziyaraji saraavirebwinesi.
(Maaki 12:38-40; Luki 11:37-52; 20:45-47)

¹ Divedaa'nyi Jizaazai kwala bwa'naanyangiji gamire mididivisaraaviji widina
² "Kigaakuna Ne Mozizai Kiwinja' nejaavaka nemire sinnawinyaraavi wijiwaakina
 neyaakelyi. Dahaa' Mozizai yaakabaaibi' Kiwijaraji Periziyaraji Mozizare
 namwaalyisavi Kiwinja yihiziwaakivanigasarera. ³ Sarevidaa'nyi Gotiyare
 bukuyavine yagaala yuya sa yihiziwaakivanigasa kadika nayaawit nadivi' sana sana
 dimidinyila! Kiri' kumire yadivita sabwi sarimi mamidibinera! Sare' dare'nesi.
 Sahwara kiwinjanna dadivisa kiri' sabwi myadivisarer. ⁴ A'mwera gilyivita
 ge ge wiila maramuritaveva pwaraavire egwengi yilakeva 'Sahwara taanga yuya
 sa makupika! Kiri' taanga sa nemire ata maalika kimiliika mamakwawaanna!'
 yawi'na yeva yivanigatabaaibi' Kiwijaraji Periziyaraji taanginya kiwinja
 taangananya wiijaavina yadivi' sazaburana myadivisarer. ⁵ Yuyangi yadivisanna
 yawi'na 'A'mwera nenganapiji "A'mwe sahwai tewaanyalyi," yawirapiji nemire
 yaya munyaba makibika!' Sara yawi'na yadivi' yuya yadivisare. Kumirebwi
 dare'nebuliyi. Nem Juyainaavirebwina kumire gilyika Gotiyare yagaala pikariyikwia
 maalika mihya'nikaav'i naanga yavikaryadivi' a'mwera tinna wanganya'nera
 yamengiji asangiji marapwiyadivisare. Gotiyari wijalnegaa'ne baazi'ma'nyangi
 maangebara saaminaangebara yavikaryadivi' a'mwera tinna wanganya'ne'nanyi.
⁶ Tika munnengi namwaalyita aaya naangengi walamwaalya'nera nawi'nya
 wima'naderera. Nabaai lotuangengi walamwaala ya'ne aaya kekyiri'na 'A'mwe
 naangeinyi sahiba mwaalima!' yawi'divi' nawi'nya wima'naderera. ⁷ A'mweraayaba
 yikabadivisaba 'A'mwera nedipi'ka! "A'mwe naangeigit! Tewaanyaigit!" Nabaai
 a'mwera nedipi'ka! "Wijiwaakyaigit!" Sazabwi tewaanya wivu'naderera. ⁸ Kiri'
 nimireihirina a'mwera 'Ravaai, Wijiwaakyaigit!' nyihithipidika! Sare' dare'nanyi.
 Sarimi're wijiwaakya yune gave pwainanyainyi mwaaiheinyi. Sarimi' yuyaihi
 kwiya'mweihiilyi. (Avaalyaihiilyi.) ⁹ Nabaai Kwaaka davaki dava a'mwe pwar
 'Nenimaangeigit!' madipina! Sare' dare'nanyi. Sarimi're sirinimaangei yune gave
 pwainanyalyi. Sahwai Siganayav'i mwaalikelyi. Sare'na a'mweraav'i 'Nenimaangeigit!'
 madipina! ¹⁰ Nabaai a'mwera 'Nemaremwaaidinyaigit!' nyihithipidika! Sare'
 dare'nanyi. Sarimi're maremwaalyai yune gave pwainanyalyi. Sahwari Gotiyai
 dahilakaka maryasaabakei Kiraazitiyalysi. ¹¹ Sarimi'ya pwai 'A'mwe naangeinyi
 yima'nima!' dazai wawinya yihithaayadei sarimi're yagaala mididei mwaaladelyi.
¹² A'mwei yaya yune gaminne'na makinajai gaminne yaya' kwaakewi waradesi.
 Nabaai a'mwei gaminne yaya' kwaakewi kamarakwoji yaya naange' maaradelyi.
¹³ We! Kiwijaihiilyi Periziyaihiilyi saihi maanga pirawaalyaihi mala nayaaw
 jiwannyila! Siganayav'iya maremwaaid kaadihi'sa' a'mweraavire sinniyikaav'i
 maratihidi'visaihiilyi. Sare' dare'nesi. Sarimi' kusawi widivitaihi mik'a. Nabaai
 a'mwera 'Maremwaaidi' kusawi wiilaana!' dadivi' yadaapi sarimi' tusavi kaanya
 wividivisaihiilyi. Sare'na mala nayaaw jiwannyila! ¹⁴ We! Kiwijaihiilyi Periziyaihiilyi
 saihi maanga pirawaalyaihi mala nayaaw jiwannyila! Yaanyiwaakemilikaavine
 angengina kwaasi dadivi' angengiya yaasiwa'na maa'divi' sahimiliika yune kunemiliika
 wimwaaihadivi'saihiilyi. Sareihi sarimi're kayaa'nanya dazangi lika yulyakya'neihi
 Gotiyari yagaala saaminya kwaasi widadivisaihiilyi. Sarevidaa'nyi kayaa'nanya
 sahibwina tivikirya'ne naanga dimaaryideihilyi. Pwara tivikirya'ne maalika
 maapi'derera. ¹⁵ We! Kiwijaihiilyi Periziyaihiilyi saihi maanga pirawaalyaihi mala
 nayaaw jiwannyila! Saalaalyaviji kwaakevakiji wavila'na yadivi' 'A'mwe pwai nemire
 kiwinja midinana!' yawi'divi' birikaanya yamaryadivisaihiilyi. Mi'na biramaa'na

yadiv'i sahwai yihimidaasi Dikevi naawia'neri wimwaaihadivisaihilyi. Nabaai gamire kayaa'nanyabwi sarimire kayaa'nanyabwi wavila'na yadelyi.

16 We!! Tinna tibinyaihi 'Tusari' wibwaridakwaana! dadivisaihi mala nayaajiwannyila! Dara kwaasi dadivisaihilyira. Gazaizai Gotiyare Angevina dozi gamire yagaalya' diraginna yivaimwagazai nabaai sara mi yaja' sa' yaasawa'nanyasira. Kir'i gazaizai Gotiyare Angevine goliyanna dozi gamire yagaalya' diraginna yivaimwagazai nabaai gami dazabaaibi' sana yina yadelyira. **17** Tinna tibinyara tusari' mwanganyadivitabaaibi' sidu'maayaihi mwaaihasaihilyi. Dinyiji! Goloya naange' daaka? Gotiyare Ange' goloya tewaanya' wakake anga sa' naange' daaka? Y Gotiyare Angel naangesi. Goliyav'i wavila'nikesi. **18** Nabaai kwaasi dara dadivisaihilyi. Gazaizai yagaala diraginya' ja'nei Gotiyarine sipzipiya sazangine kwaraanyabanna (taangeji marewija'nebanna) dozi diraginya sa' dazai sa' yaasawa'nanyasi. Kir'i kwaraanyaba Gotiyari wiyaaya'ne sipzipiya sazangina dozi yagaala diraginya sa' dazai nabaai gami dazabaaaina sana yina yadelyi. Sana myi yoj yagaainakei yima'nadelyi. **19** Tinna tibinyaihilyira. Sare' dare'nesi. Sipzipiya saza naange dingaka? Kwaraanya' sipzipiya sazangi tewaanya yima'nade kwaraanya sa' naange' dingaka? Kwaraanya sa' naangesi. **20** Sarevidaa'nyi a'mwei kwaraanya'na dozi yagaala diraginya' dazai kwaraanyabannajt kwaraanyabanne sipzipiya saza yuyanginajt yagaala diraginya' dathelyira. **21** Nabaai pwai Gotiyare Angevina dozi yagaala diraginya' dazai y Gotiyare Angevinajt Gotiyare Angevi mwaalikerinajt yagaala diraginya' dathelyira. **22** Nabaai pwai Sigunyavina dozi yagaala diraginya' dazai Gotiyare namwaalyisarinajt namwaalyisar ylamwaalika dazarinajt yagaala diraginya' dathelyira. (Matiyui 5:33-37) **23** We!! Kijaihilyi Periziyaihilyi maanga piriwaalyiyaihi mala nayaajiwannyila! Sare' dare'nanyi. Wawinyaviya maalika yuya jisa'bissasi ymaasa'bissasi saza yuya sarimi ata yuyiraai marajaapaidiv'i ata yuyiraalya pimaginya yilaaya'na Gotiyari duzaayidengi. Kir'i sarimi Kijiyaviya yagaala naanga pimaginya yagalya'ma'mwaa!. Yi a'mweraav'i maryawiwbata ya'ne yagaala yida'maraangebwi myivaniga!. Yi kale gaimwange'nebwi myivaniga!. Yi Gotiyari naya malimwagivaniga!. Kijinya Gotiyarine ata yuyiraalya pimaginya' wiyaaya'nebwi nyagalya'mapidika! Kir'i Kijiyaviya yagaala naanga yihithiwe naya nebulya'na jila! **24** Tinna tibinyaihi 'Tusari' wibwaridakwaana! kwaasi dadivisaihilyi. Sarimire aalyav'i kavagazeri liwasinadiv'i kir'i sarimire aalyav'i kaameliyarit tinna mwanganyina, yenigu'nadivitabaaibi' sarimi maalikebwina naya yadiv'i kir'i Gotiyare Kijinya naanga tinna mwanganyina, navika'na myadivsaihilyi. Sare'na tinna tibinyaihilyi.

25 We!! Kijaihilyi Periziyaihilyi maanga piriwaalyiyaihi mala nayaajiwannyila! A'mwera paletiyangiji kaapiyangiji mwasimagi giriika pu'ma'div'i kir'i kusawi giriika wa'da aalya wapaaya siyya bu'nikabaaibi' sarimi a'mwera tinna wanganya'neraavina maalikebwina naya yadiv'i kir'i kusawi sarimire simunyangi kuka yipalamaasabulyi wabahilaaka yihyada naanna yabulyi maanga yihyeku'nikeihilyi. **26** Periziyaiig'i tibinyaig'i 'Mwasimagi kimagi' tewaanya yima'nana!' da'gizi sinnawi kaapivananyari kusawi yune'na divu'mawasi'nadesi. Kusimagi naangimagine. Mwasimagi maalikimagine.

27 We!! Kijaihilyi Periziyaihilyi maanga piriwaalyiyaihi mala nayaajiwannyila! Sarimi gilekavi'ninnyang'i yaakesi pu'nikeibisa'nanyi. Mwasimagi tinna wanganya'nyimagi nawi'nyimagine. Kir'i kusawi a'mwe mena bainkeraavire yaginayi bwia yuyaji giriikita'nanyaji yunebanna wiliayihihunari!. Sasarebisaihi mala nayaajiwannyila! **28** Sabaaibi' sarimi kwaihi kwaasi yadiv'i a'mwera tinna yihwangadiv'i 'A'mwe tewaanyarer,' yawi'div'i kir'i sariminyi kusawi kwaasiyabulyi Kijiyav galazekivalyabulyi wiliayihwarikeihilyi.

²⁹ We!! K̄w̄ijaih̄ilȳ! Per̄z̄iyaih̄ilȳ! maanga p̄ir̄waalȳyaihi mala nayaa j̄iwannyila! Sare' dare'nanyi. Ne p̄iropet̄yaraavire ḡilekavi'n̄nnyanḡ ḡileange mad̄visaih̄ilȳ. A'mwe ȳda'maraangeraavire ḡileangenḡ ȳwaala ȳwad̄visaih̄ilȳira. ³⁰ Ȳwaala ȳwad̄iv̄i' nabai d̄ina 'Nem̄ire Ne s̄innaw̄nyaraav̄regaa' mwalaaji kwaj̄i p̄iropet̄yaraavire tawe' munya daya'na magaimwagi kyaadi!' ³¹ 'Nem̄ire Ne s̄innaw̄nyara,' dad̄iv̄ita sarevīdaa'nyi sar̄imi p̄iropet̄yaraav̄ tamaketa saraav̄reihi mwaaihasa' jal̄kurak̄iman̄iga'. Got̄yare yagaalya' mamaarivan̄gasa'na avaaina yad̄visaih̄ilȳ. ³² Sarehi, yarala! Sar̄imi're Ne s̄innaw̄nyaraav̄rebwi yunebanna jaawila! ³³ Kamaala kayaa'nanyaihi! Naaw̄naanyaraavire kaim̄raayaaihi sar̄im̄nyi Got̄yai kot̄ya' ȳh̄imaryōj̄ D̄ikev̄na ȳh̄imaras̄i'nadeih̄ilȳ. L̄ikaanya gatha'dara d̄wideih̄ilaka! ³⁴ Sarev̄i, ȳthaanyi, sar̄im̄nyawinna n̄imi p̄iropet̄ya pwaraav̄i a'mwe s̄imunnakeraav̄i n̄im̄ire K̄w̄ijaraav̄i maryasaabideinyi. Kamaryasaaba'muj̄i sahwaraav̄ pwaraav̄ d̄ramakyideih̄ilȳ. Pwaraav̄ ȳsav̄ri nil̄ya jeramyideih̄ilȳ. Sar̄imi're lotuangenḡ pwaraav̄ w̄la kayaa'nanyabaalȳ l̄ikurap̄īji taanga w̄ijaaya'neihi anga naanga p̄ibanna sara yap̄īji anga naanga p̄ibanna d̄ha'm̄ijamakwideih̄ilȳ. ³⁵ Sara kyapīji Kwaaka davaki ȳda'maraanga yuyaraavire tawe' munya dayaasav̄ne t̄vik̄ita d̄maaryideih̄ilȳ. Sa' yune sar̄innyabur̄nyi. Sar̄imi ȳda'maraangeraav̄ mena tamakyaasaraav̄ Aivel̄ ȳda'maraangeridaa'nyi tamak̄ina, kuna kuna yeva yune Sekaraayari tamak̄ina. Sekaraayai Berakaayare kaim̄raayari Got̄yare Angev̄īji Got̄yarine sip̄izip̄iya sazanḡne kwaraanyabaj̄i t̄innyaba sar̄imi mena tamakyaasalȳ. Sa' yune sar̄innyabulȳi. ³⁶ Nebulya'n̄a ȳh̄ith̄ivan̄ge. Yuya kayaa'nanya dazanna a'mwe dahaa' mwaaihata dazaih̄iri t̄vik̄isa' ȳhima'nadesi. (Gami're yagaalya' bule w̄ijaavesa'naj̄i gam̄nyi tamakya'naj̄i sara w̄d̄ina ya').

³⁷ Jeruzaalemi mwaalyaihi! Jeruzaalemi mwaalyaihi! Sar̄imi Ne p̄iropet̄yaraav̄ tamak̄ina, sar̄im̄nyawinna Got̄yai w̄daasakeraav̄ s̄ila liwak̄na yaasaih̄ilȳ. Kukuraaya' gannya bwaranyanḡ jaka j̄ivwaramaa'da gannya piyayawi marulakamaremwaaidervaabi' sar̄im̄reraav̄ mari'bwarimwaaiphy'a'neinyi gara garegaa' nȳvu'naka k̄iri' sar̄im̄nyi mihiyu'nȳvan̄ka! We!! ³⁸ Ȳthaanyi, sar̄imi're anga dav̄i mena yenadakup̄ījava ȳma'nadesi. ³⁹ Sare' dare'nesi. Dara ȳh̄ith̄ivan̄ge. Ayaw̄daasi t̄inna d̄nyanganyideinyi m̄ika! Ar̄kew̄nyi. D̄vi n̄im̄nyina dara d̄zidehaal'nanyi.

'Naangerine yayav̄ a'mwei bathelȳira.
Sahwar̄ Got̄yai tewaanya wiadelȳira.'
Sara dap̄īji d̄nyanganyideih̄ilȳi."

24

Jizaazai Got̄yare Ange' kayaaka ȳgalakya'na dake'nesi.
(Maaki 13:1-2; Luki 21:5-6)

¹ Got̄yare Angev̄i Jizaazai yagalya'ma'na yaka kaanna wodaa'nyi gam̄ire midid̄iv̄sara Got̄yare Angev̄ya angenḡ ȳbwar̄daakwia'n̄era gam̄nyawinna b̄ina yeva ȳbwar̄daakuna. ² Ȳbwar̄daakuna kye' ja'nawid̄ina "Anga yuya da dangaman̄ga!! Nebulya'n̄a ȳh̄ith̄ivan̄ge. Dava s̄ila pwai s̄ila pwar̄ ȳlar̄keri wanganak̄ipi'dei mi'. Ar̄kew̄i. Yuya kayaaka wo'dalasi'na yapi kewin̄i piwi piwi maral̄ivarabi'denḡi."

(Maaki 13:3-13; Luki 21:7-19)

³ Mugunya Woliv̄yav̄i walamaaidi'nyi midid̄iv̄sara gavera mwaaid̄iv̄i gam̄nyawinna gavera b̄ina yeva w̄d̄ina "Got̄yare Ange' kayaaka ȳgaib̄i'de ned̄waanya gath̄ngaa' ȳma'nadengaka? Nabaai nem̄i t̄inna ber̄i wanganawaaj̄i yaw̄ranganaadeinaavaka? 'Naangei yarai walaabathehaa' aya k̄igaa' ȳma'n̄wa'!"

Nabaai aayagaa' Kwaaka davasi yuyaji yarai yiwodengira.' " ⁴ Sara wiđina kye! Jizaazai dara ja'nawidina "Mala nayaa jiwanneyila! A'mwe pwai kwai kwaasi yagaala kihithozı sarimı kwaasiya nyipidika! ⁵ Sare' dare'nesi. A'mwe kwalaalyara niminne yaya' bihithadiv'i' dara dipi'dere, "Nimi sahwainyi Kiraazitiyainyireva. Gotiyai nyidahilakaka nyimaryasaabakeinyira." Sara kyapiji a'mwe kwalaalyara kwaasi yagaala wi'napiji kwaasiya midibid'erera. ⁶ Malyangij+ malyavire yihukyagaalyangij+ kadika du'nabalaryideihili. Mala nayaa jiwanneyila! Lika miwaainipinera! Sare' dare'nesi. Mala saji maiyagaala saji yima'nadengi. Kir+ aayagaa' yaraina mi!. ⁷ Sare' dare'nesi. Anga naanga pimaginyara anga naanga pimaginya pwaraavi malya' bwa'nipi'derera. Nabaai kingiya pware yita pivaav' kingiya pware yita pivaasi malya' bwa'nipi'derera. Kingiya kwalaalyara sana sana yipi'derera. Nabaai kwaaka piwi piwi mijika naange' wiaderera. Kwaakevak+ piwi piwi wintinya yadevakira. ⁸ Taanga yuya daza yima'nade a'mwe' mudangegaa' kaimiraaya maarya'ne' sinnaw+ aayagaa' daanga wiwdevaaib+ yima'nadeng+. Divi taanga naanga yima'nadeng+.

⁹ Dazagaa' nimireihiri yihilimwangipi'derera. Sara yihyadiv'i' daanga yihizaavapij+ nabaai yihiramakipi'derera. Nabaai ajimya yuyangiyara sariminyina simili ka wimwaaladerera. Niminne yaya' yihwa'de'na nyimididivisaihiri na simili ka wimwaaladengira. ¹⁰ Nabaai dazagaa' kwalaalyara nyilimwabizara niminyi yagalyamapi'derera. Yagalya'mavapij+ kunnya kwiya'mweraavi yikamaangeraavina yibwaridaakupi'derera. Nabaai kumi sara kunnya kwiya'mweraavina simili ka wimwaaladerera. ¹¹ Kwaasiya piropetiya kwalaalyara yima'naabapij+ 'Gotiyai kanyidiwa' yihithivanigeinyi', kwaasi yihthipi'derera. Nabaai a'mwe kwalaalyara kwaasi yagaala wi'napiji kwaasiya midibid'erera. ¹² Kayaananya sabwi naanga yima'nyina yadevulyi. Sarevidaa'nyi a'mwe kwalaalyaraavire kale yabwi yiwodesi. Kale mwiaderera. ¹³ Kir+ yune yirika aayagaa'na a'mwei diraginna daavajai sahwar+ Gotiyai padaihasamaaradelyira. ¹⁴ Nabaai Gotiyai maremwaaidi yagaala tewaanya dazavina wijiwaakipi'derera. Ajimya yuyangiyaraavi jalikurakya'ne' Kwaaka yuyaw+ gazawizaw+ mwaalyaraavi wijiwaakipi'dere. Sahiriv+ dividaa'nyi yirika aayar+ yima'nadehaaki.

(Maak+ 13:14-23; Luk+ 21:20-24)

¹⁵ Ne Deniyali+, piropetiya Gotiyari+ wi'naka yavikaryaa!. Dara dinikesi, "Anga nawi'nyavi kayaa'nanaangei kayaaka yigaidei daavadelyi." Pirkarya daza' danganajai yagaala sa' simunya nayaa yawiran! Nabaai dara wiđina "Yi kayaa'nanaangei kayaaka yigaidei Gotiyare Angevi daa'doziyari tinna wanganapij+ sarevidaa'nyi ¹⁶ Juthiya mwaalyara mwaabiżara 'Naneramakadika!' dapiji+ mugunyangina likanya yilaawiþika! ¹⁷ A'mwei angevi a'ba yilamwaalojiyai gilyivita maarya'nei gannya angevi mwalaawanna! Aawa. Likaanya wawana! ¹⁸ Nabaai a'mwei wawinyawi mwaalojiyai gannya yivisa' maarya'nei ayina mwawanna! Aawa. Likaanya wawana! ¹⁹ We! Yirika saryaavi a'mwe kaimiraavimunnakej+ a'mwe bwaranyangi aamunya wi'maaryadaapiyaj+ likanya yarai wipi'de mi!. We! ²⁰ Gotiyari nayaa duzila! 'Yirilyagaa'naji kwazaakegaa'naji kayaa'nanyagaa' likanya nawaadika! Sarevidaa'nyi tewaanyagaa' dihakidesi.' ²¹ Sare' dare'nanyi. Dazagaa' taanga naange' yima'nade'nanyi. Maalike'na mi!! Sinnaw+ Kwaaka dava' mudikeva' yima'nyaakevidaa'nyi dahaa' kuna wa'di'nyiyagaa' sasare taanginya sabwi mima'nyaaka taanginya sabulyi. Nabaai divi kigaasi taanginya sasarebwi yima'nadevwi mi!. ²² Gotiyai yirika sagasa myesimayaj+ kwaj+ a'mwe yuyara yiwina yipiñere. Kir+ gannya a'mwe mena dahilakakeraavina Gotiyai yawi'da sarevi yirika sagasa yesima'na yadehaaki. ²³ Dazagaa' pwai kwai kwaasi yihithazai 'Yithaanyi,

dava Gotiyai dahilakaka maryasaabaka Kiraazitayai mwaalika!' nabaai yihithazai 'Agaiba mwaali!', sarimti diraginna nyawirralimwabithika! ²⁴ Sare' dare'nesi. A'mwe pwara binna yapiji pwara kwaasi yagaala dara bihitipi' derera 'Nimi Gotiyai nyidahilakaka nyimaryasaabakeinyi Kiraazitayainyi.' Pwara dara bihitipi' derera 'Nimi piropetiya pwainyi. Gotiyai kanyidawa' yihithivanigeinyi.' Kwaasiya sahwara yijiwaaanya naangeji atika maru'naryaj iipi'dengi. Gotiyai gaminne mena dahilakakeraavina 'Navika marayadangiraana!' dadiv'i dahilakakera kwaasiya kayaa'nanya midinya'neraav walapapalakya'na yaamiji widipi' derera. ²⁵ Yithaanyi, sara myima'nyagaa' daza'na mena yihithiwa. ²⁶ Sarevidaa'nyi kwaasi dara githipija' 'Yithaa! Kengimagi a'mwera maaymagi mwaalika!' gitmi sahimaginna mwiyi jidimaginyi. Kwaasi dara githipija' 'Yithaa! Ku'dika lika yulyarikevi mwaalika!' diraginna nyawirralimwadika! ²⁷ Sare' dare'nesi. Nyilyai bilyiri'dimagidaa'nyi yune nyilyai walakadimagine yinamiraata yadevaabi' A'mweraavine Kaimiraayainyi yuyara sara nyangabi'deinyi. Walaabidehaa' lika yulya'na yideinyi mi'. Ku'maayaba walaabideinyi. ²⁸ Gazabazaba a'mwe bainkere kilaakeji' warikeba tika nya'nera kaamyaakera bi'bwa'nemwaaidivsabe.

(Maaki 13:24-27; Luki 21:25-28)

²⁹ Taanginya sagaasa davwi mena kabwawoj maalikegaa' nyilyai jihinya ya'na yadelyi. Sara yoj lawei baaka mavi yadelyi. Nabaai sigunyavidaa'nyi silingaaminya bwalapi'dengi. Nabaai sigunyaviya diraginaange yonyi yonyi yiwainigulaawiipi'dengi. ³⁰ Dazagaa' sigunyavi A'mweraavine Kaimiraayainyire yijiwaaanya' yima'nadesi. Sara kyima'noji Kwaaka davakiya pivaka yuyavaki kinna naanga dipi' derera. Kinna dadiv'i sahwara tinna nyangabi'dere. Sigunyaviya yiraayangi A'mweraavine Kaimiraayainyi yilamwaala'muj diraginya naangesi byaanna naangesi sawaalyayainyi walaabideinyi tinna nyangabi'derera. ³¹ Waidavadaa'muri gware' yagaala naange' kyinnoji nimire ejeliyaraav maryasaabideinyi. Kamaryasaaba'muj sahwara ninnya dahilakeraavi yuymagidaa'nyi Kwaakevak aaya tiya kitiy iyunewidaa'nyi makabiipi' derera.

(Maaki 13:28-31; Luki 21:29-33)

³² Ke'ba'nanya' yita pihiyarine' simunya jawramaarila! Gamire taanyabaraavi wivya naanga yada sedala pwa'nyina yada sarimti mena dara yawirangadiviki. Jarisagaal' yarai yima'nadesi. ³³ Sara yadevaabi' yuya yihithiwengi tinna wanganapiri dara jawiranganyideihili. Aya kigaa' mena jima'niwaka! Kaanyayaba bathaavadei daaka! ³⁴ Nebulya'na yihithivanige. Dazagaasa a'mwe dazara mabalyadapi yuya yihithewe daza yima'nadehaa'nanyi. Arikawi. ³⁵ Sigunyasi Kwaakesi yiwawodesi. Kiri' nimire yagaalya yiwawode mi'. Arikawi.

(Maaki 13:32-37; Luki 17:26-30,34-36)

³⁶ Yirika sarikina sagaa'na yawirangadei a'mwe pwai kwai mika. Aawa. Sigunyaviya ejeliyara kwaraji myawiryare. Gawaal' kwalyi myawiranganyalyi. Aawa. Nimwai gave pwainanyai sagaa'na yawi'delyi. ³⁷ Sare' dare'nesi. Nowaaregaa' sabwi yaatabaaibi' yadaapij A'mweraavine Kaimiraayainyi ayina bamwaalidehaaki. ³⁸ Sare' dare'nesi. Aalyaaka naange' mima'nyagaa' sagaa' tika wapaaya nyina, aalya nyina, kwala maarina, kwala maa'nyina, dazabwi kuna yadaapi Nowaai sipyavivili yaka sagaa'na. ³⁹ Wilina yaka wilamwaaidi'nyi simunya myawiryara yaasawa' sana mwaalina yadapi aalyaaka naange' bathi'nigilina yaka a'mwe yuya dazaraavi maraminna. Navika mwaalina yaatabaaibi' a'mwera kuna yadiv'i yadaapij A'mweraavine Kaimiraayainyi ayina bamwaalidehaaki. ⁴⁰ Dazagaa' wawinyawi a'mwe pwaraai yina, ejeliyara pwarina maarina yapiji pwar marivainyina. ⁴¹ Witizila maal'i na liliwadivisavi a'mwe piriwaai liliwanna yadaakili ejeliyara piri'i maarina yapiji piri'i marivainyina. ⁴² Sarevidaa'nyi nayaai divaihanaryila!

Sarimire Naangeinyi walaabidehaa' myawiri jide'na nayaa dīvaihanarila! ⁴³ Nayaa dara jawirila! Angevi gyakwai mena yawiraj i kwaj 'Sawisav sagaa' kukei wiлаabathehaakira,' nayaa pada'galamaremwaaina kyadika! Nabaai gamire angevi wo'dalamakulajar kuka dazar kwanganakadika! Kuka dazar kavadaihırakadika! ⁴⁴ Sarevi dīvada'galemwaalyıla! A'mweraavne Kaimiraayaingi walaabidevina myawiryadaapiyagaa' walaabide'na sagaa'nehi nayaa dīvada'galemwaalyıla!

(Luki 12:42-46)

⁴⁵ Kumiregaa' angevi maremwaidereraavina wapaaya wiјaaya'neri bewari dahılakadelaka? Yi wiдаayade sımunya' yawi'dei gamire wawinyaivi nayaa pada'galamaremwaide sahwari dahılakadelyi. ⁴⁶ Mi'na dahılakoji piwinna wiна. A'mwe naangei ayına bozi gannya wiдаayaderi sara wiđakabaaib'i sara yadaawojıyarı tınna bwanganna yajai wiдаayade dazai yılaaya yada tewaanaanga yınadelyıra. ⁴⁷ Nebulya'nai yihıthıvanıge. Gamire gılıvıta yuya sangıne'na maremwaalya'neri dahılakadelyıra. ⁴⁸ Kırı' wiдаayade dazai kayaa'nanyai mwaalajai gannya sımunyavi dara yawirajai 'Nımire a'mwe naangei yarai bathei mıka,' ⁴⁹ gamire wiđaimwadıvisaraavı mala tamına yada munnejı tıka nyına, yımaka wiđivısaraayaba ye'mwannanyına yajai ⁵⁰ 'Daha!' ayına bathelyi, sımunyaya myawiri yadaawojıyagaa', yi sagaa'na sıdu'maayai mwaaidozıyagaa' wiдаayade dazare naangei bathelyi. ⁵¹ Mena bozi wiдаayade dazarı yuna dakurakına yoj a'mwe kwaasiyaraavıji marye'mwannamwaaihadelyi. Dazımagı sahwara kinna naanga dadıvı' daange'na kunnya maangerıka kijivainıpı'derera.

25

Sıdiraaya atıraalyangıne ke'ba'nanya' dınike'nesi.

¹ Dazagaa' Sigunyavıya maremwaidevwi dare'bıası. Sıdiraaya atıraalya mwaaidıvı' kunnya laamıvananya maarına yeva a'mwe mıgınyai kwala maarya'neri līvawıjımaa'nya'nemılıka wiна. ² Atılya sımunya kayaa'na yawi'na, atılya sımunya tewaanna yawi'na. ³ Sımunya maayamılıka kunnya laamıvananya makabına. Sara yeva kırı' welivananyası mamakabi ye!. ⁴ Nabaai sımunnakemılıka kunnya welivanadalyangı welivananya dıngikına yeva kınıji tıhu'na makabına yına ye!. ⁵ A'mwei kwala maarya'nei yarai mabi. Yarai mabi kya' sarevi a'mwe yuyamılıka se'na yıđakuwiлаawına yına yeva se wakulına. ⁶ Se wakulına yadapi sawıta kalawawegaa' jaka pırı' yınnıgavına 'Yıthaanyi! Kwala maarya'nei kaanya yıñıka. Tutaanyavı wiđıma'naawapıji dımakabila!' ⁷ Jaka yınnıgavına kya' sıdiraaya yuya sa dıkaa'na yeva kumire laamıvananya yovırawakına. ⁸ Yovırawakına yadıvı' sıdu'maayamılıka sıdu'nakemılıkaavı wiđına 'Nemire laamıvananya mena yıgaavade'na yıwaka. Sare'na sarımirre welivananya maalıka piji' dınejaayıla!' ⁹ Kırı' sıdu'nakemılıka ja'nawıđına 'Nemire welivananya da' nemınyıji sarımirınyıji yıñıga wi'na neyade! mıka! Aawa. Mubangevına wawopıji yune sarınnıya'ne' dımubaawila!' ¹⁰ Sara wiđına kye' samılıka welivananya' mubya'nemılıka kaanna wiна. Kaanna wiна yadaapi a'mwei kwala maarya'nei kaanya bi'ma'na. Kaanya bi'ma'na kya' sahwarına yemwaaleta samılıka kwala maarya munne naangevinemılıka gamıji' ye'mwannıgwına. Sara kye' kaanya' maratihı'na. ¹¹ Kaanya' tıhı'nıke' dıvidaanıyi sıdiraaya pımlıka bına yeva sahımlıka wiđına 'Naangeigi, naangeigi, kaanya' dınebasamaraama!' ¹² Kırı' ja'nawıđına 'Nebulya'nai yihıthıvanıge. Sarımirınyı mihwanganyadınyainyi.' ¹³ Sareviđaa'nyı a'mwe kwala maarya'nei byahaa'na myawiryetabaaib'i bıde yırıka sarıkına sagaa'na myawırvıgasa'na nayaa dıvaihanaryıla!

*Widaayadivisara nigwia naanga maremwaalyavine ke'ba'nanya' dinike'nesi.
(Luki 19:11-27)*

¹⁴ Bidehyaa'ne! dare'nesi. A'mwe pwai 'Menyabanna kaanya wi'ma!' dakei gannya widaayadivisaraavi jaka wi'dina yaka gannya gi'lyivisa wi'maarina. ¹⁵ 'Kumire simunya genna gennanya warika. Simunya nawi'nya yaderina naanga wi'jaavima! Simunya kibawe yaderina kibawe wi'jaavima! Simunya maalika yaderina maalika wi'jaavima!' daka pwarina paaivit taawizani kinaaya (K5000) wi'maarina, nabaai pwarina tu taawizani kinaaya (K2000) wi'maarina, nabaai pwarina waani taawizani kinaaya (K1000) wi'maarina. Yuya wi'maarina yaka pi'winna kaanna wi'na. ¹⁶ Kaanna wi'na kya' paaivit taawizani kinaaya maarakei yi'me'nya'b'i' wi'na yaka mubimubyia yaka paaivit taawizaniya mudika pi'niyi ye'mwagakina yaka teni taawizani kinaaya limwanna. ¹⁷ Nabaai sabaaib'i' a'mwe 2,000 kinaaya maarakei sai kwalyi mubimubyia yaka 2,000 kinaaya pi'niyi ye'mwagakina. ¹⁸ Kir'i' a'mwe 1,000 kinaaya maarakei kwaakevi kavil'ni'nnya'l ikaawina yaka nigwia sa gannya a'mwe naangere sa likirakina.

¹⁹ Divedaa'nyi saaminyagaa' mena buna kya' widaayadivita sahwaraavire a'mwe naangei ayina bina yaka 'Sahwarajit nimire nigwia wi'jaave sanna yagaalya' ye'mwannadima!' dina. ²⁰ Dina yaka ye'mwannadina yada paaivit taawizani kinaaya maarakei bina, sai nigwia 5,000 kinaaya pi'niyi makabina yaka 10,000 kinaaya wakina yaka wi'dina 'A'mwe naangeigt, 5,000 kinaaya nyijaavaginya. Yithaa! Mubimubyia maryena 5,000 kinaaya pi'niyi maa'mwengira.' ²¹ Sara wi'dina kya' gamire a'mwe naangei wi'dina 'Tewaanyasi. Nyidaayadinya tewaanyaiginya. Sara githe wawinyaavi tewaanna limwadi'nyaiginya. Wawinya piri' piri'vi tewaanna limwadi'nyaiginya. Sarevidaasi wawinya kwalaalyangt maremwaaidinyaiginya gimiwaaihima! A'mwe naangeinyire yilaaya naangevi dulamwaala!' ²² Sara wi'dina kya' tu taawizani kinaaya maarakei kwalyi bina yaka wi'dina 'A'mwe naangeigt, 2,000 kinaaya nyijaavaginya. Yithaa! Mubimubyia maryena 2,000 kinaaya pi'niyi maa'mwengira.' ²³ Sara wi'dina kya' gamire a'mwe naangei wi'dina 'Tewaanyasi. Nyidaayadinya tewaanyaiginya. Sara githe wawinyaavi limwadi'nyaiginya. Wawinya piri' piri'vi tewaanna limwadi'nyaiginya. Sarevidaasi wawinya kwalaalyangt maremwaaidinyaiginya gimiwaaihima! A'mwe naangeinyire yilaaya naangevi dulamwaala!' ²⁴ Sara wi'dina kya' kir'i' waani taawizani kinaaya maarakei kwalyi bina yaka kwaasi wi'dina 'A'mwe naangeigt, mena dara yawi'manige. Gim'i a'mwe kir'i'miryaginya. Wawinyaangt gimir'e gitthaayadivisara buridivita ti'ka munnengt midinyaiginya. Pwara witiziila piranihramaa'divita witiziila sa maarakadinyaiginya. ²⁵ Sasareiginya'ne'na ika yena gimir'e nigwia 1,000 kinaaya kwaakevi ika yulya'mwagake. Gimire nigwia dathavaaka.' ²⁶ Sara wi'dina kya' gamire a'mwe naangei ja'nawidina 'Nyidaayadinya kayaa'nanyaiginya. Maa'na gideiginya. Nyidiwaanya' yawi'maniginyaagi daa! Wawinyaangt pwara buridivisangti' ti'ka munne yabwaryadaari pwara witiziila piranihramaa'divita maarakadinyaainyi. ²⁷ Sara kwaasi yawi'na yi'jaigti bengiyavti ni'nnya nigwia mwaki be'na yi'waana! Sare' tewaanna nyakiji' kwajti ni'nnya nigwiajti nigwia pi'niyi kabamaa'mudikeinyi.' ²⁸ Sara wi'dina yaka pwaraavti wi'dina 'Sarevidaa'nyi sarimi gaminyi 1,000 kinaaya daza' yi'palamaarapiji' teni taawizaniya kininnaka dazar duzaayila! ²⁹ Sare' dare'nesi. Gazaizai pi'ni kininnakeri pi'niyi kujaava'mujti naanga naanga kininnakei yi'ma'nadelyi. Kir'i' pi'ni maayarit maalikej'i navika limwagariket maari'delyi. ³⁰ Nyidaayade waryaanya dazarit mwasilaanna jihinya aayawinna dimarasit'nyila! Dazimagi kinna naanga dadiv'i daange'na kunnya maangerika kijivainya yipi'devanyira.'

Aayagaa' maryawi'bwarya'nesi.

³¹ Dìvi sagaa' A'mweraavine Kaimiraayai gannya byaannyavi maaroji ejeliya yuyara kwarajì ayina bathelyi. Dazagaa' gannya maremwaaidem namwaalyita byaannakevi walamwaaladelyi. ³² Nabaai ejeliyara nìmìnyawinna ajimya yuyangiyaraavì maryi'bwaremakabina kyapiji sipizipiyaraavì maremwaaidem pimagi sipizipiyaraavì pimagi memeyaraavì maryawi'bwaridaakuna yadevaailibì' pimaginyaai maridaakwidere. ³³ Aangasimagi tewaanyara sipizipiyaraavì maridaakuna, kwanaamimagi kayaa'nanyara memeyaraavì maridaakuna. ³⁴ Maridaakuna ya'mujì nìmìre aangasimagi mwaaidapiyaraavì Kingiyainyi widina 'Nìmaamaangei tewaanya yihzaavìnikehi bamaarideihilyi. Aaya Kwaakeva' mudika yima'nakegaa' Nìmwai mena yovrawakìnikeba sariminyineba nayaayihmaremwaaladeva sìrinimaangereba yanga dìviramaaryideihilyi. ³⁵ Sare' dare'nesi. Nìmì mijika nyakeinyina sarimi wapaaya wijsavina nye!. Aalya'na mijika kanya' sarimi aalya' wijsavina nye!. Nìmì angavaayaainyi mwaaleinyi sarimire angengina makuna nye!. ³⁶ Nìmì baazi'ma'nya maayaainyi sarimi baazi'ma'nya' wijsavina kanye' baazi'ma'neinyi. Nìmì nalaavìnakeinyi mwaaideri sarimi maremwaaina nye!. Nìmì kalavuzangevi mwaaideri sarimi banyanganesaihilyi.' ³⁷ Sara widina kya'mujì a'mwe yida'maraangera ja'nawidina 'Naangeigi, nemi mijitnanyaiginyi gathinggaa' gwanganona wapaaya gizaavo? Aalya'na mijike' gathinggaa' kagya' aalya' gizaavo? ³⁸ Gimì angavaayaiginyi gathinggaa' gwanganona nemire angevina gìmakwawo? Gimì baazi'ma'nya maayaigi gathinggaa' yada'gi baazi'ma'nya gizaavo? ³⁹ Nalaavìnakeiginyi gathinggaa' gwanganona gímaremwaalo? Kalavuzangevi gathinggaa' mwaaida'gi gíminyawinna bo?' ⁴⁰ Sara kanyidapijì Kingiyainyi ja'nawidina 'Nebulya'na yihthivanige. Nya'mwera a'mwe darajiya pwai a'mwe maalikei mwaaidi'nyi kiri' sahwarì sara yadivì' yi nìmìnyi sara nyesaihilyi.' ⁴¹ Sara widina ya'mujì sagaa' kwanaamimagi mwaaidapiyaraavì widina 'Dìkevi marasi'nya'neihi nìmìnyawidaa'nyi diwideihilyi. Gotyai Dìka daza' Saataanimìnaji gamire ejeliyaraavìnaji yovrawakìnikesi. Sare kiri' Dìka daza' myigaayi ya'nevì diwideihilyi. ⁴² Sare' dare'nesi. Mijika mwaaideri nya'ne nyijaavetaihi mi'. Aalya'na mijika nyadaa'nyi aalya' nyijaavetaihi mi'. ⁴³ Angavaayaainyi mwaaideri sarimire angengina nyimakwawetaihi mi'. Baazi'ma'nya maayaainyi baazi'ma'nya' nyibaazi'makwetainyi mi! Nìmì nalaavìnakeinyi mwaaleinyi, kalavuzangevi mwaaideri sarimi nyimaremwaletaishi mi!.' ⁴⁴ Sara widina kya'mujì nabaai kumi kwara ja'nawidina 'Naangeigi, gimì mijika yadaa'gi gathinggaa' gwangoiginaka? Nabaai aalya'na bidaa'gi nabaai angavaayaigì nabaai baazi'ma'nya maayaigì nabaai nalaavìnakeigì nabaai kalavuzangevi gathinggaa' mwaaida'gi nemi nayaamagyavada'gallyo?' ⁴⁵ Sara kanyidapi ja'nawidina 'Nebulya'na yihthivanige. A'mwe darajiya pwai a'mwe maalikei mwaaidi'nyi kiri' sahwarì sara myadivì' yi nìmìnyi sara nyetaihi mi!.' ⁴⁶ Sara widina kya'mujì a'mwe dazara daangesi taangesi maraawi'pi'derera. Kiri' a'mwe yida'maraangera gaala yuyagaa' yuyagaa'ne mwaalya'nebwi maapi'derera."

26

*Jizaazare balya'na a'mwe naangera jamungajakesa'nesi.
(Maakì 14:1-2; Lukì 22:1-2; Jonì 11:45-53)*

¹ Jizaazai yagaala yuya daza mena ji'mwannaka dazagaa' gamire mididivisaraavì widina ² "Sarimi yawi'maniga' Yiri'ka piri'kaaina kwavilavojo' Pari'ma'munne' yima'nadesi.' Sagaa' A'mweraavine Kaimiraayainyi yisaviri niliya nyiramari'mudaakwia'neinyi nyimari'mwangipi'deinyira." (Pari'masa'nega'a' Ne Mozizai mwaaidi'nyi Gotyai Yizi'reliya sinnawinyaraavì yivainyaakegaa'ne yawisa'nesi.)

³ Dazagaa! Gotiyarine tamira'divita naangeraji a'mweraavire a'mwe naangeraji sara Gotiyarina mubithika Yira'de Naangere angevi yibwa'nyina. Gotiyarina Yira'de Naangei Kaayapaazai wo'nikelyi. ⁴ Yibwa'nyina yeva yagaakiwinya bathiwina "Jizaazarina kwaasi yawaaji kima'nyawi galalimwagawaaji maratamaana!" deva jamungajake!. ⁵ Kiri' sahwara dina "Tika Munnev'i sasare sa myaannera! A'mwera mala naranni'pidika!"

*A'mwe' Jizaazare minyaginyavi welivananya wabatirinnake' dingake'nesi.
(Maaki 14:3-9; Joni 12:1-8)*

⁶ Betaani anga Saaimoni Samatanakerevi Jizaazai mwaaidi'nyi ⁷ gaminyawinna a'mwe piri' bina, sitala nawi'nyavi welivananya' niggia naanga mubyia yinike' makabina. Makabina yaka yi'binyavi mwaaidi'nyiyagaa' gamire minyaginyavi welivananya sa' dingina. ⁸ Dingina yadaa'nyi mididivisara tinna wanganna yina yeva sinna tika wida'daa'nyi dina "Welivananya sa' yaasiwa'na be'na yiwaka! ⁹ Sare' dare'nesi. Nem'i welivananya daza' a'mweraavina mubyia'na wijavaaja' savina niggia naanga marawaaji a'mwe gilyivita maayaraav'i wijavaannengira." ¹⁰ Kiri' Jizaazai kumire yagaalya' yawiranganna yina yaka sahwaraav'i widina "Ai, a'mwe davi taanginyabwi be'na wijaavanigava! Sare' dare'nesi. Sahiri' tewaanyabwi nyivanike'na kave mwaalana! ¹¹ Sare' dare'nesi. Yuyagaa' a'mwe gilyiv'i'maayara sarimi'ji ye'mwannemwaaidivisarera. Kiri' nim'i sarimi'ji yuyagaa' ye'mwannemwaalideinyi mi'. ¹² Nabaai sare' dare'nesi. A'mwe' nimire kilaakejiki' welivananya daza' nyidingsiwake' sahir'i' sasara yiwaka daza' kavi'nnnyavi yavada'galayirakya'neinyi nyiwake'nanyi. ¹³ Nebulya'na yihithivanige. Kwaaka yuyavaki yagaala tewaanya daza' wijiwakmaryadivi' a'mwe daza' dava nyiwaka dazanna dipi'dengi. Sara kyapi'ji sarevida'a'nyi a'mwevina simunya nayaayawipi'de'nanyi."

*Juthaazai Jizaazari a'mwe naangeraavina wimaarya'na diraginna dake'nesi.
(Maaki 14:10-11; Luki 22:3-6)*

¹⁴ Dazagaa' sivilyiridaasi pwaraalyarajiya pwai, Juthaazai Yizikeriyotiyai wo'nikei Gotiyarine tamira'divita naangeraayawinna kaanna wi'na yaka ¹⁵ widina "Sarimi'nyina gaminyi kyihibwaridaakwa'muj'i niminyi beni dinyijaayideihilaka?" Widina kya' niggia silivaaya tetiya (30) ata gili'na yeva wijaavina ye!. ¹⁶ Wijaavina yesagaa'daa'nyi "Sahwar'i kumi'nyina wibwaridaakwia'neinyi tewaanyagaa' yima!" daka yaami'ji yina ya!"

Naangere tika nya'nesi.

(Maaki 14:12-21; Luki 22:7-14,21-23; Joni 13:21-30)

¹⁷ Kave mwaalya'nega'an'e yiri'ka sinnawinyariki' biretiya yizi'ya maayagaa' mididisaraai Jizaazaryawinna bina yagi'la wida'na "Pari'ma'munne' tika nya'neiginyina tika wapaaya gawi yovravawakakadeinaalaka?" ¹⁸ Widina kyagi gami' wida'na "Kirim'i anga naangewi wilaawakilyi a'mwe nyinagaawaryawinna wi'na yakilyi duzila! 'Wijiwaakyai dara gitihwaka "Nimiregaa' aya kigaakira. Gimire angevi nimrerari Pari'ma'munne' ye'mwannanaade'nanyi," gitihwa!, duzila!" ¹⁹ Jizaazai sara wida'kabaaibi' mididisaraai sara yagi'la Pari'ma'munne' yovrawakina yagi.

²⁰ Sawisa' kajinna' yi'binyavi sivilyiridaa'nyi pwaraalyaraji walamaaina. ²¹ Wapaaya kuna nadivi' sai wida'na "Nebulya'na yihithivanige. Sarimi'nyidaa'nya pwai nimire yikamaangeraavina niminyi nyibwaridaakwadelyi." ²² Sara wida'na kya' kumire kale naanga wiadaa'nyi pwaidaasi pwaidaasi gaai yidaanganna "Naangeig'i, nim'i daaka!" ²³ Sara wida'na kye' sahwai ja'nawidina "A'mwe dazai nimiji diziyavi

ata ye'mwannamakwaimwaawola sai ku'maayaba nyimarima'naabathelyi. ²⁴ Yo, Gotiyare bukuyav mena dinkabaaibit A'mweraavine Kaimiraayainyi wideinyi. Kiri! we! a'mwe dazai A'mweraavine Kaimiraayainyi yikamaangeraavina nyibwaridaakwaderi kayaaka wigaladelyi. A'mwe dazar ganaange' gaminyi mamaaryajt kwajt gaminyina tewaanya' kwaradika!" ²⁵ Sara widina kya Juthaazai yikamaangeraavina wibwaridaakwia'nei ja'nawidina "Wijwaakyait nimti daaka?" Gamti widina "Yi diwaanya kibaaibisasi."

(Maak 14:22-26; Luk 22:15-20; 1 Koridi 11:23-25)

²⁶ Tika munne kuna nadaapi Jizaazai biretiya' maarina yaka Gotiyari "Su! Yilaaya gimirwa," widina yaka gunyina yaka mididivisaraavina wijaavina yaka widina "Maarapiji dinyaila! Daza' nimire kilaakejikira." ²⁷ Nabaai waainiyavi kaapivananya' maarina yaka Gotiyari "Su! Su!" widina yaka sahwaraavina wijaavina yaka widina "Sarimi yuyaihi aalya daza' dinyaila!" ²⁸ Sare' dare'nesi. Daza' nimire tawe' wilimwagarkebwi ya'nesi. A'mwe kwalaalyaraavire wagilya marasitnya'ne' nimire tawe' yadimwawaknadesi. Gotiyai nimire tawe' bwalarade' tinna wangojo' wilimwagarkebwi nebulya' dakadesi. ²⁹ Yihithivanige. Giraipiwilyabaari yisi-aalya ayahi nideinyi mi!. Arikawi. Divi Niamaamaangei maremwaaladevi sarimi'ye'mwannemwaaina yaade yirika sagaa'na yisi-aalya mudike' ye'mwannanidesi."

³⁰ Daata piri' mena dina yeva mwasawinna walyuna yina yeva Mugunya Wolivina kaanna wina. (Yiledaata 118)

Pitai Jizaazarina "Sahwarina mwanganyainyi," widake'nesi.

(Maak 14:27-31; Luk 22:31-34; Jon 13:36-38)

³¹ Sagaa' Jizaazai widina "Daha' sawita davit sarimi yuyaihi lika yapiji dinyaagalyamayideihili. Sare' dara dinkipe'nanyi 'Nimi' sipizipyaraavi maremwaideri karama'muj Sipizipyavaakiyara likaanya yiwinama'na yipi'derera.' Sara dinkabaaibit likaanya yiwinama'na jideihili. ³² Kiri' ayina kyanyidikaavoji Galilina yihibwaramakwaanideinyi sarimi'nyi waanideinyi." ³³ Sara widina kya Pitai ja'nawidina "Yi pwara yuyara lika yapiji likaanya gyahalya'mapijara nimi' sainy yuyagaa' lika mi ya'muj gyahalya'mavideinyi mi!. Arikawi." ³⁴ Widina kya Jizaazai widina "Nebulya'na gitihivanige. Daha' sawita dathavi kukuraayai jaka majadori dahasaai dahan' dara dithatheiginyi 'Sahwari mwanganyivanigeinyi.' " ³⁵ Widina kya Pitai widina "Arikewi. Gimijt ye'mwannabaimujainyi kir'i dideinyi mi! 'Sahwari wangamanigeinyi mika!' Aawa nebulyasi." Nabaai Pitai sara widakabaaibit mididivita yuya kwaraji avaaina sara dina ye!.

Wawinya Gazamani Jizaazai Gotiyari widake'nesi.

(Maak 14:32-42; Luk 22:39-46)

³⁶ Sagaa' kwaaka pimaginya Gazamani Jizaazai kumi'ye'mwanniguna yaka mididivisaraavividina "Dava dalamwaalyila! Mwaaidapi kengimaginnna wawa'muj Gotiyari widima!" ³⁷ Widina yaka Pitarijt Sevathiyare kaimiraayaaraai kwaraaritj ye'mwanniguna yaka kale naanga wiadaa'nyi naanga yibwakinna. ³⁸ Naanga yibwakinna yada kumi'nyi widina "Nimire kuryai naanga kuna yibwakmanige. Sare'na nimi' balide'na yiwana. Dava mwaalapi se mwapina! Niminyina nyemwaalapijt nimi'nyina Gotiyari duzila!" ³⁹ Widina yaka kibaweba sangir'wina yaka gamire sinnyi' kwaakeyina walaruta'nyina yaka Gotiyari widina "Nimwai, 'Wi'nanyira,' dizaigti taanginya daza' dinya'marasika! Kiri' nimire yawisabwi manyimididinnera! Aawa. Yune gitimire yawisabwina dimidideiginyira." ⁴⁰ Widina yaka mididivisaraayawinna kaanna binna yaka se wa'dapi tinna wanganna. Tinna wanganna yaka Pitari widina "Gatha'darevaka? Maalika gavegaa'na nimijt

mye'mwanneyemwaalyi yip̄ineihi daaka! ⁴¹ Sar̄imi yemwaala yap̄iji Got̄iyari duzila! 'Kayaa'na jiла!' Saataani yih̄ithaabya'nei nyih̄iv̄iramaaradika! Sare'na Got̄iyari duzila! Nebulyasi. Sar̄imire simunya' tewaanya yadaawori kiri' kilaakeji' diraginya maayaajikira." ⁴² Sara w̄idina yaka ayahidaasi w̄ina yaka Got̄iyari wiјa' ayabaaib'i'na w̄idina "N̄mwai, taanginya daza' yiniga manyav̄layi yanne' sarev̄idaa'nyi taanga daza' nyana! Sara yaja' yune ḡimire simunyabwina yima'nana!" ⁴³ Nabaai ayahi b̄ina yaka se wa'dapi tinna bwanganna. Sare' dare'nesi. Kumire timakirikiryajt yadapiya'na se warina yesarera. ⁴⁴ Bwanganna yaka ayahi yagalya'makuna yaka dahasaai dahaa' Got̄iyari w̄idina. Got̄iyari wiјa' ayagaa' w̄idaka sabaaib'i'na w̄idina. ⁴⁵ W̄idina yaka d̄ividaa'nyi mididiv̄isaraayawinna b̄ina yaka w̄idina "Sar̄imi se kuna wareva kave damwaaihava! Yithaanyi! N̄minyinegaa' mena yima'n̄iwakegaakira. A'mwe kayaa'nanyaraavina A'mweraavine Kaimiraayainy nyibwaridaakuvanikeinyi. ⁴⁶ Sar̄imi d̄ikaavapijt nemi kaanya w̄ijima'nawaana! Yithaanyi! Kibawe maalikeba yikamaangeraavina nyibwaridaakuvanikei biwakelyi."

Juthaazai yikamaangeraavire asiri Jizaazar i wimaaryake'nesi.

(Maaki 14:43-50; Luk 22:47-53; Jon 18:3-12)

⁴⁷ Kuna w̄idadaa'nyi, yithaanyi, Juthaazai siv̄iliriдаaa'nyi pwaraalyarajt yai b̄ina. A'mwe kwala naange' kwaari'mas̄raminya' kili'kejt limwagevera saliyi ye'mwannigavina. Sahwaraav Got̄iyarinna mubithika yira'divita naangerajt a'mweraavine a'mwe naangerajt maryasaabina yesarera. ⁴⁸ Nabaai a'mwe yikamaangeraavina wibwaridaakwia'nei sinnawi w̄ijwaainya'ne'na w̄idina "N̄mi a'mwe pwar maangwidaanyaba bu'buta yiwijai sahwalyira. Sahwari d̄ihalalimwagyidelyira." ⁴⁹ Sara w̄idakei yime'nya'b'i Jizaazaryawinna wilaabina yina yaka w̄idina "Nya'mwei! W̄ijwaakyraig!" W̄idina yaka gaminyi nayaa bu'buta yina. ⁵⁰ Bu'buta yina kya' Jizaazai w̄idina "A'mweigt, ḡimi ya'ne sanna biwaaig ja!" Sagaa' gaminyawinna kaanna b̄ina yeva Jizaazar galalimwanna. ⁵¹ Sara galalimwanna kye' a'mwe pwai Jizaazalyi ye'mwannemwaaina yakei gamire gamire kwaari'mas̄raminya' magalabwa'nyina yaka "Jizaazar yavadaihasamaarima!" daka Mubithika Yira'de Naangere widaayadere kadiki' dakurasi'na. ⁵² Dakurasi'na yakegaa' Jizaazai gamirer w̄idina "Gimire kwaari'mas̄raminya' ayaba dakya! A'mwe yuyara kwaari'mas̄raminya' maratabizaraav kwaari'mas̄raminya' kayaaka yigaidiv̄isarerera. ⁵³ Gim mi myawrijwaana! Niamaamaangeri yiniga wi'na myidaanganyi yiwineinyi daaka! Sara yidaangamwijai dahaasagaal ejeliya kwalaalya naangeraavi aamiya siv̄iliriдаaa'nyi pwaraalyarajt pwarajt saraav nyijaavadeinyi midaaka! Sara myawrijwaana! ⁵⁴ Kir'i' sara yiwija' Got̄iyare pikarya yuya sasara yima'nya'na dinke' yune' gara yima'nadevaka!"

⁵⁵ Dazagaa' Jizaazai kwala bwa'naanya' w̄idina "Kwaari'mas̄raminya' kili'kejt limwanna yadi'i a'mwe kuka yipalamaa'der galapwiyadivitabaaai ya'neihi beva daaka! Yirika gazagaasagaal Got̄iyare Angevi wilamwaaidi a'mweraav w̄ijwaakadinyagaa' magalanyilimwagyadivisaihilyi. ⁵⁶ Kir'i' piropetiyaraavire pikarya dinke yunebanna yima'nya'nenna yuya daza nyivanigasannanyira." Sara w̄idina kya' mididiv̄isara Jizaazar yagalya'ma'na yevera likaanya yiwina'na.

Juyaraavire kaajoliya naangera kotiya maryesa'nesi.

(Maaki 14:53-65; Luk 22:54,55,63-71; Jon 18:13,14,19-24)

⁵⁷ A'mwe Jizaazar galalimwagevera Got̄iyarinna Mubithika Yira'de Naangei Kaayapaazaryawinna makuna. Kaayapaazaryabanna Kibijarajt a'mwe naangerajt yibwa'nemwaaina yesarera. ⁵⁸ Makuna yina yadaapi Pitai menyaba mijamakuna yaka Got̄iyarinna Yira'de Naangere angwaasabanna yima'na yaka wilna yaka

widaayadivisarajt ye'mwannemwaaina. “Aaya! berit' yima'nade' dingaka? Yawiranganima!” daka ye'mwannemwaaina yakelyi. ⁵⁹ Sai mwaaidi'nyi Gotiyarina yira'divita naangerajt kaajoliya naanga yuyarajt a'mwera kwaasi jalikurakya'neraavina birina birina. Jizaazarina kwaasi yagaala ja'nera sara jalikurakya'na “Sahwari tamakaana!” deva birina birina. ⁶⁰ Kiri' kwaasiya nayaa jalikurakya'neraavi mabiramaarina. Yi a'mwe kwalaalyara bina yeva kwaasi yagaala yaamiji buthina yeva kwaasi kayaa'na jalikurakina yesa'na mabiramaarina. Mabiramaari kye' kiri' dividaa'nyi a'mwe pwaraai bi'ma'na yagiila ⁶¹ widina “A'mwe dazai dara dakelyi 'Gotiyare Ange' wo'daaimwiineinyi. Sara ya'muji dahasaai dahaa' ayina mamuneinyi.” Sara dakeri naari mi nayaa wi'nolyarinera.” ⁶² Sara kwaasi kudahi Gotiyarina Yira'de Naangei daavina yaka gaminyi widina “A'mwe dazaraai yagaala daza' githaangamanigilya'na yagaala aane piri' kiri' mama'nawidiziwaana?” ⁶³ Kiri' Jizaazai yagaala majai maadinnna yina. Maadinnna yina kya' Gotiyarina Yira'de Naangei gaminyi widina “Gotiya gaala kininnakerine'na diraginna githaanganima! ‘Naanga nebulya' dinedana! Gotiyai gitihahilakaka gmaryasaabakeigi Kiraazitiyaigti Gotiyare Gawaalivaangeigti daaka?’” ⁶⁴ Sara widina kya' Jizaazai widina “Yi diwaanya kibaaibisasi. Sare' kiri' yihithivanige. Dahaa'daasi A'mweraavine Kaimiraayai Gotiyare aangasiri, yuya diraginya kininnakere aangasiri mwaalojiyari danganyideihilyi. Nabaai sahwai sigunyavi yiraayangti yilamwaaloji walaabathelyira.” ⁶⁵ Sagaa' sara widina kya' Gotiyarina Yira'de Naangei sinna tika wida'daa'nyi gannya baazi'ma'nya' lihivainyina yaka “Yune a'mwei mwaalikei kiri' 'Gotiyare diraginyaba mwaalideinyi,' diwake'na Gotiya nawi'nyarina birala yiwakelyira,” daka widina “Dazai Gotiyarina biraiyagaala divanika! Sare'na kusizikelyira. Ayahi a'mwe pwaraav i jalikurakya'neraavi jaka beri'na widaatheinaavaka! Yithaanyi! Dahaasagaa' Gotiyarina biraiyagaala divanke' kadika mena wi'nivanigava. ⁶⁶ Sarimt gara yawi'mwaava?” Sara widina kya' sahwara ja'nawidina “Kayaalnanya kininnakelyira. Balana!” ⁶⁷ Widina yeva sagaa' gamire sinnyiki maagwala wopwakina yina yeva asa gwaamwanna tamina yeva pwara a'araraalyajt gamire maangwidaanyawaari jiri'bwaratanna yeva ⁶⁸ widina “Kiraazitiyaigti mwaaidizaigti nabaai Gotiyai gitihada nedadi'nyaigti mwaaidizaigti dinedana! Malya' aai giramwaka!” Biraiyagaala sa' widina.

*“Jizaazar mwanganyiweinyira,” Pitai widake'nesi.
(Maaki 14:66-72; Luki 22:56-62; Joni 18:15-18,25-27)*

⁶⁹ Mwasawi angwirisavi Pitai mwaaidi'nyi a'mwe' widaayade piri' gaminyawinna wlaabina yaka widina “Jizaazai Galili mwaalyaryaba gimi kwaigijt ye'mwannemwaaidinyaiginyi.” ⁷⁰ Kiri' a'mwe yuyaraayaba yuna widina “Aawana. Gimire diwaanya dazar ni'mi mwanganyiweinyira.” ⁷¹ Widina yaka mwasawinna walyuna yaka tikuryavi yihuliviliyavi walyamwaaina. Walyamwaaina yadi'nyi a'mwe piri' tinna wanganaka saba mwaaidapiyaraavi widina “A'mwe dazai Jizaazai Naazareti mwaalyalyi ye'mwannemwaaidelyi.” ⁷² Widina kya' sai ayina widina “Gotiyaryaba nebulya'na yihithima! A'mwe dazar mwanganyiweinyira.” ⁷³ Widina kya' divi maalikegaa' a'mwe pwara mwaaleva bathakulaawina yeva Pitari buthina “Naanga nebulyasi. Gimti a'mwe sahwarajtyaiginyi. Sare' dare'nesi. Ginnya maanguraaya' wo'dimwaaiiginyi.” ⁷⁴ Widina kye' sagaa' sai yagaala diraginna dina “Gotiyai nyangamanike'na kwaasi yihithiwijt kwajt bule'na nyijaavadeinyira! (Daaina!) A'mwe dazar mwanganyiweinyira. Aawa, nebulyasi.” Sai mena kada' yime'nya'bti kukuraayai jaka dina ya'. ⁷⁵ Jaka dina kya' Pitai Jizaazare yagaalya' widake' ayina yawi'na “Kukuraayai jaka majadozi dahasaai dahaa'

dara d̄iθatheīḡnyī “Sahwar̄i mwanganyīvan̄igeinyī.” ’ ’ Sara yaw̄īna yaka yune mwasawinna walyuna yaka k̄inna naanga walyadina.

27

Paailatīmyawinna Jizaazar̄i makwawesa'nesi. (Maaki 15:1; Luk̄i 23:1-2; Jon̄i 18:28-32)

¹ Yir̄ike' mena kavura! Got̄yar̄ina mubithika ȳra'd̄iv̄ta naangeraj̄i a'mweraavire a'mwe naangeraj̄i sara yagaak̄iw̄nya Jizaazar̄i tamakya'na jamungajak̄ina. ² Mena jamungajak̄ina yeva wīla pw̄iȳna yeva Ga'maan̄ya naangei Paailatīmyawinna makuna yeva wījavaawinna.

(Apozeliyara 1:18-19)

³ Sagaa! Juthaazai ȳkamaangeraavina Jizaazar̄i wibwar̄idaakkwakei dara wan-ganake! “Kotiyavi walamarakadiv̄i! ‘Balana!’ diraginna diwaasai daaka!” Sara daka simunya mudikewbi yaw̄īna ȳna yaka n̄gwia sil̄vaaya (30) daza aȳna makabina yaka Got̄yar̄ina ȳra'd̄iv̄ta naangeraj̄i a'mwe naangeraj̄i saraavina yaamij̄i wījaavina. ⁴ Sai wīdina “N̄mīt kaya'a'na yīweinȳra. A'mwei kaya'a'nanya maayari gam̄re ȳkamaangeraavina wibwar̄idaakuweinȳra. Sarei tawesi balade'na n̄mire yīwetawakyasī.” Kirīt sahwara wīdina “Sasare sa' nemirevīdaasī daaka! Aaya kaav̄ilya' ḡim̄rev̄idaasinȳra.” ⁵ Sara wīdina kye' Got̄yare Angev̄i n̄gwia sil̄vaaya (30) wasīna yaka gam̄i sai wīla l̄ivapwaraawīna ȳna ya!. ⁶ Kirīt Got̄yar̄ina ȳra'd̄iv̄ta naangera n̄gwia sil̄vaaya daza maar̄ina ȳna yeva dina “N̄gwia datha a'mweri tamakya'nenna n̄gwianḡra. Sare'na Got̄yare Angevine n̄gwiangij̄i ye'mwagakya myaannera!” ⁷ Yagaala p̄ir̄i jamungajak̄ina ȳna yeva n̄gwia dazaj̄i wawinya pīj̄i kwadīka yav̄ikaryaderej̄i wo'n̄ikej̄i mubina. A'mwe anga menyabadaasaraavina ḡilekavi'n̄nnyaba līkyirakya'nera saj̄i mubina. ⁸ Sarevī wawinya dazaj̄i yaya din̄ike! “Wawinya Tawanakejik̄ira.” Nabaai yaya daza' dahaa' kuna war̄i. ⁹ Sara kye' sagaa! yagaala p̄ir̄i s̄innawi Got̄yai Ne p̄iropetīya Jeremaayar̄i wījaake yune'na ȳma'nakesī. Dara din̄ikesī. N̄gwia sil̄vaaya (30) sa Yiz̄ireliyaraajīya pwar̄i muby'a'ne sil̄vaaya dahilaketa daza maar̄ina yeva ¹⁰ Naangei nyidakabaaib̄i kwadīka yav̄ikaryadere wawinya j̄i muby'a'nera wījaavesanḡra. Sara din̄ikesī.

Paailatī Jizaazar̄i yīdaanganna yake'nesi. (Maaki 15:2-5; Luk̄i 23:3-5; Jon̄i 18:33-38)

¹¹ Ga'maan̄ya naangeryaba Jizaazai daavina yadi'nyi Ga'maan̄ya naangei yīdaanganna “Gimī Juyaraavire kinḡyaigi daaka?” Yīdaanganna kya' Jizaazai wīdina “Yī d̄iwaanya k̄ibaaib̄isasī.” ¹² Sagaa! Got̄yar̄ina mubithika ȳra'd̄iv̄ta naangeraj̄i a'mwe naangeraj̄i sahwari kotiya' marina. Kirīt sahwai maj'a'nawij̄ina. ¹³ Maj'a'nawij̄i kya' sagaa! Paailati wīdina “Yagaala yuya kotiya ḡimariwanigata daza kad̄ika mu'nyij̄i vaniḡina!” ¹⁴ Wīdina kya' sahwai yagaala p̄ir̄i maj'a'nawij̄i. Sarevīdaa'nyi Ga'maan̄ya naangei at̄ka naanga maru'na'na ya!

(Maaki 15:6-15; Luk̄i 23:13-25; Jon̄i 18:39-19:16)

¹⁵ Kwarame yuya sanḡi Munne savi Ga'maan̄ya naangei a'mwe kalavuza pwar̄ina ȳralawaasadelyi. Kwala bwa'naanya' a'mwe gave pwar̄ina din̄a yadaapi Paailati yune gave saina ȳralawaasina wiadelyi. ¹⁶ Nabaai dazagaa' kalavuzangevi a'mwe kayaa'nanya pwar̄ina kad̄ika wīnadiv̄sai mwaalina. Sahwai Baravaazai wo'n̄ikelyi. ¹⁷ Sarevīdaa'nyi kwala bwa'naanya' yī'bwa'naabina ȳna kye' Paailati wīdina “Sar̄im̄nyawinna ȳhiralawasaabide'na aaihwar̄ina yaw̄īmanigava? Baravaazari ȳralawaasij̄iwana? Jizaazar̄ina sahwara din̄a 'Kiraazit̄iyar̄inera,' dadiv̄sari ȳralawaasij̄iwana?” ¹⁸ Sara wīdake dare'nesī.

Sahwai yawi'na "Jizaazarinə simunya kayaa'na jawi'manigava! Tiganaarya'na kotiya marina yi'vaniga!" ¹⁹ Paailati yawi'bwa'dere namwaalyisari yilamwaaina yina yadi'nyi gamire a'mwe' yagaalya' dara widasabina "A'mwe yida'maraanga dazarinə minnera! Sawisav'i nim'i waja' ya'nena banganakelyira. Sara ya'nena taanga naanga nyimwake'nyira. Sare'na minnera!" ²⁰ Sara widasabina kya' kiri' Gotiyarina yira'divita naangeraj i a'mwe naangeraj i kwala bwa'naanyangire simunyavi yidikavimwaaihina "Paailatimina jakakadapi Baravaazar kudaasoj Jizaazar tamaki'pi'de'nana!" ²¹ Yidikavimwaaihina kye' Ga'maanaya naangei yaamij i widina "A'mwe dazaraaridaa'nyi aaihwari yiralavijiwana?" Widina kya' sahvara dinā "Baravaazai." ²² Dina kye' Paailati widina "Sarevidaa'nyi Jizaazar sahvara Kiraazitayariner, dadivisari gara yijiwana?" Widina kya' yuyara widina "Yisaviri dimarayeramyila!" ²³ Kiri' Paailati widina "Be'nanaka! Be kayaa'nanya yi'wakalaka!" Kiri' jakanaa danganna "Yisaviri dimarayeramyila!"

²⁴ Sagaa' Paailati yibwakinna "Nimire yagaalya' yintga wi'na mi yade' daaka! Sarevi mala naange' dikaavajiwaka!" Sarei aalya piri' maarina yaka kwala bwa'naanyayaba gamire asiraari aalya yinyina. Sara yaka widina "A'mwe dazai balaja' kayaa'nanya' nimire' mika! Yune sarinnyaburinyira. Sarevidaa'nyi ninnnya ata aalya yimwana!" ²⁵ Widina kya' a'mwe yuyara ja'nawidina "Gamire tawe'na yiwetawakya daza' neminyawinna nabaai nemire kaimiraaya kwaraaviji bathesira." ²⁶ Widina kye' sagaa' Paailati Baravaazar yiralaawasina yina. Yiralaawasina yina yaka Jizaazar wila kayaa'nanyaabaalyi li'bwa'na yina yaka "Yisaviri niliya marayerabika!" daka aawilasaraav'i wimaarina ya'.

Aawilasara Jizaazar biraifyagaala widesa'nesi.

(Maak 15:16-20; Jon 19:2-3)

²⁷ Dazagaa' Ga'maanaya naangere aawilasara Jizaazar Ga'maaniyare angevina makuna, sagaa' sahraryabanna yuyavaakiyara yibwa'naabina. ²⁸ Yibwa'naabina yina yeva gamire baazi'ma'nya saza galyiraipu'na yina yeva baazi'ma'nya wayaaka nawi'nya piri' baazi'makuna. Kingiyara baazi'ma'nya sa' baazi'ma'nadivisa' sara baazi'makuna. ²⁹ Baazi'makuna yeva wila lannakebaari kingiyare nyili pwaibisa' gitavagwavaaihi'na yeva gamire minyaginyavi yilamwaaihi'na. Sara yeva sua piri' kwaasiya kingiyare yisari' gamire aangasimagi wimwangina yeva "Sahwai kwaasiya kingiyai yima'niwaka. Sarevi birlala yaana!" yawi'na yadi'vi' sahvari kwadaai gilina yeva biraifyagaala widanganna "Juyaraavire kingiyaigi! Tewaanya dimwaala!" ³⁰ Biraifyagaala widanganna yadi'vi' maagwalyaj i wopamijirakina yadi'vi' sua sari' maarina yeva gamire minyaginyavi maratanna yadi'vi' sara yina. ³¹ Sara yina yina yeva birlala mena yina yeva baazi'ma'nya sa' galyiraipuramaa'na yina yeva gannya baazi'ma'nya aya' marabaazi'makuna. Aya' marabaazi'makuna yeva yisaviri niliya maratamarimwia'nera gaminyi kaanna makuna.

Jizaazar yisaviri niliya tamesa'nesi.

(Maak 15:21-32; Luk 23:26-43; Jon 19:17-27)

³² Kaanya wodivisagaa' a'mwe Saairini mwaalya pwar i gaminne yaya' Saaimoni, yi sari tinna wanganna. Tinna wanganna yeva sahvarina diraginna dinā yeva Jizaazarine yita yovihirrarannike' makwiya'na. Diraginna kye' a'mwei yita makuna yada ³³ piba Golhota wo'nikebanna yimavaawina. Yaya savina aaya kaavilya' daresi. Piba Gileminyaginyabanna. ³⁴ Yimavaawina yeva waainiya marazinanya yirikesi yeginyiwannike' daange'ne' maarina yeva "Sai nana!" deva wijaavina. Kiri' nagaanganna yaka "Aala!" dinā. ³⁵ "Aala!" dinā kya' yisaviri niliya mena tameva "Gamire baazi'ma'nya saza yamaraana!" deva saatuyara maragirida'na. Saatuyara maragirida'na yeva baazi'ma'nya jaapaina

yeva pwai p̄ir̄! pwai p̄ir̄! maar̄ina. ³⁶ Maar̄ina yeva sah̄iba walamwaaina ȳna yeva sahwar̄i maremwaaina. ³⁷ Munyaba gam̄ire m̄inyaḡinyav̄i munyaba gam̄inyne yagaala kot̄ya maryesa! ȳilayidawak̄ina yesasi. Dara ȳdavesa! “Dathai Jizaazalȳi. Juyaraav̄ire Kinḡiyalȳi.” ³⁸ Jizaazaryaba gidikusaba ȳsav̄iri kuka ȳpalamaa'disaraari nil̄ya maratamar̄imuna. Aangas̄maḡ pwar̄i kwanaamimaḡ pwar̄i maratamar̄imuna yesaraalȳi. ³⁹ A'mwe kaanya ȳnadaa'div̄sara sahwar̄i b̄raiyyagaala danganna. Kum̄re m̄inyaḡinyari w̄inaanḡw̄inaanḡita yad̄iv̄! ⁴⁰ b̄raiyyagaala dara danganna “Got̄iyare Ange' wo'dalakadi 'Dahasaai dahaa' aȳna mad̄idesira,' jaiḡ ḡmi saiḡ d̄ivadaihasamaa'nana! Ḡmi Got̄iyare Gawaalivaangeiḡ mwaaid̄zaiḡ ȳta yovih̄rarann̄ika sav̄i yagalya'mava'ḡizi dalaama!” ⁴¹ Sasarebaaib̄! Got̄iyar̄ina mubith̄ika ȳra'div̄ita naangera Kiw̄ijaraj̄ a'mwe naangeraj̄i saraj̄i b̄raiyyagaala w̄id̄ina ⁴² “Gami padaihasamaarya'nei a'mwe pwaraav̄i gaimwanna yaka gam̄i sai ȳn̄iga gaimwannannei m̄ika! Gam̄i Ȳz̄ireliyaraavi kinḡiyai midaaka! Ȳta yovih̄rarann̄ikevi yagalya'mavoji kwalaaboz̄i sahwar̄i d̄raginna yaw̄ralimwagaathe'nana! ⁴³ Got̄iyar̄ina gannya simunyav̄i d̄ikav̄imwaaiah̄nȳna yakei midaaka! Got̄iyai sahwar̄ina w̄ivu'najai dhaasagaa' padaihasamaarana! Sare' dare'nesi. Sahwai d̄ina ‘Got̄iyare Gawaalivaangeinȳra.’” ⁴⁴ B̄raiyyagaala sara w̄idetabaaib̄! kuka ȳpalamaa'disaraari Jizaazaryaba ȳsav̄iri maratamar̄mwesaraai b̄raiyyagaala w̄idah̄ilyaraalȳi.

Jizaazai mena bal̄ina yake'nesi.

(Maaki 15:33-41; Luk̄ 23:44-49; Jon̄ 19:28-30)

⁴⁵ Sir̄gwajahaa'daa'nȳi kwaaka yuneba j̄ih̄nya! j̄innadaa'nȳiyagaa' yune s̄iv̄raryagaa'na mi'na ȳna. ⁴⁶ S̄iv̄raryagaa' aya k̄igaa' Jizaazai Ȳviruyagaala jaka d̄raginna d̄ina “Yili, Yili, lama savak̄itaani?” Sa' daresi. Nīmire Got̄iyaigi, nīmire Got̄iyaigi, be'na nyagalya'ma'mwaana! ⁴⁷ Jaka sara d̄ina kya' sah̄iba daavesaraj̄i yeva pwara sa' kad̄ka w̄i'nȳna yeva d̄ina “A'mwe dazai Ne Ȳlaajar̄i jaka w̄id̄ivan̄ika.” ⁴⁸ Sara d̄ina kye' ȳme'nȳa'b̄! kum̄j̄iyya pwai kaanyave'na wawaka saalaalyav̄iya ji'm̄nya p̄ir̄! maraaw̄ina ȳna yaka yir̄kaalyav̄i marapaih̄ina yaka aalinake' sua p̄ir̄ki ȳlamarak̄ina yaka “Nana!” daka w̄ijaav̄ina. ⁴⁹ Kiri' pwara d̄ina “Kavaaya! Nem̄ t̄inna mena wanganawaaj̄ina. Ȳlaajai padaihasamaraabazari t̄inna wanganaade'nanȳi.” ⁵⁰ Sara d̄ina kye' Jizaazai jaka naanga d̄raginna aȳna d̄ina yaka gam̄ire kuryari yaasina.

⁵¹ Ȳthaanyi, Got̄iyare Angevi kusaw̄inya t̄ikuryav̄i janne naange' maj̄ik̄inadaa'de' munya ke'ba lihi'na yake' yune kewin̄inna sara yaka pimaḡinyaaai ȳma'nȳna. Sara yaka Kwaakeva' w̄in̄nya ȳna yada s̄ilaange tinḡira'na. ⁵² Sara yaka ḡilekavi'n̄inny bas̄inadaa'na yaka tewaanyara s̄innaw̄i se mena bain̄kera kwalaalyaraav̄ire k̄ilaakej̄ika aȳna ȳdikaa'na. ⁵³ Ȳdikaa'na kya' kavi'n̄innyanḡi yagalya'ma'na yeva Jizaazai aȳna mena d̄ikaavakega'a anga naanga tewaanyabanna Jeruzaalemina w̄ina. W̄ina yeva a'mwe kwalaalyaraayaba w̄ij̄waainȳna kye' sahvaraav̄i t̄inna wanganna yesarera. ⁵⁴ W̄in̄nya yakevi aaw̄lasaraav̄i maremwaalyalyi aaw̄lasaraj̄i Jizaazar̄i dame maredaata yesara t̄inna wanganna yeva nabaai nabinabinya ȳma'nȳna yadaapiyanḡi t̄inna wanganna yeva lik̄a naanga ȳna. Lik̄a naanga ȳna yad̄iv̄! d̄ina “Naanga nebulyasi. A'mwe dazai Got̄iyare Gawaalivaangelȳra.”

⁵⁵ Dazaba a'mwe kwalaalya k̄ibaweba keiba paa'bwa'na daav̄ina yeva bangana'na yad̄iv̄! mwaalesanḡira. A'mwe daza Galili yagalya'maveva “Sahwar̄i w̄igaimwagaana!” devenḡira. ⁵⁶ Saj̄ya a'mwe p̄ir̄! Maar̄yaa' Maah̄ithaala mwaalyas̄i nabaai p̄ir̄! Jem̄zalȳi Jozep̄iyalȳi saraari ganaange' Maar̄yaasi, p̄ir̄! Sevathiyare gawaalivaangeraari ganaangesi sa mwaalina.

Jizaazare kilaakeji' simaangevi wilarakesa'nesi.

(Maak 15:42-47; Luk 23:50-55; Jon 19:38-42)

57 Sawitiriñyabwi kima'na' a'mwe pwai wiña. Sai gilyivita naangejiyai Aarimathiya mwaalyai Jozepiyai wo'nikelyi. Sahwai Jizaazar i mididei mwaala'.

58 Sai Paailatimywinnna wiña yaka Jizaazare kilaakeji' maarya'na yidaanganna. Yidaanganna kya' sagaa' Paailat aawilasaraav dıraginna wiđina kya' Jozepiyari gilaayai wiđmaarina. **59** Wiđmaarina kye' Jozepiyai gilaayari maarina yaka kwaabitannya yaaka nawi'nya' maarina yaka marayewaa'mwanna. **60** Sara yina yaka gannya simaanga mudikevi gilaayari kave wiłakina. Simaanga sa' sillaanga pwar liliśamakulaawinkesi. Kave wiłakina yaka silla naanga sai maramwarangikulaawina yaka kavi'niđaangevi silya' tihi'rakina yaka kaanna wiña. **61** Jozepiyai kilaakeji' wakadaa'nyi dazaba simaangevi akyamwi a'mwewaai walawaaaina. A'mwe piri' Maariyaa' Maahithaala mwaalya', yi' piri' Maariyaa piri' giřyawo'nya'. A'mwe sawaai keiba walawaaaina yagi.

Aawilasara simaangevi dame daavina yesa'nesi.

62 Yirika dıvidaa'nyarik, kwazaakegaa'na yovrawakya'negaa' dıvidaa'nyarik Gotiyarina mubithika yira'divita naangeraji Periziyaraj Paailatimywinnna bi'bwa'nemwaaina. **63** Bi'bwa'nemwaaina yeva wiđina "Maremwaalyaig! A'mwe kwaasiya dazai kuna mwaalakegaa' nedake' mena yawi'mwo. Dara dina 'Dıvidaa'nyi yirika darikaai dariki ayina dikaavideinyira.' **64** Sarevıdaa'nyi gimi' nayaa kada'giyi yune yirika darikaai darikinannev simaanga dazav'i nayaa tihi'pi'de'nanyi. Gamire mididivisara kuka bulalivamaarapiri a'mweraav'i nudipidika! 'Kavi'niđnyavidaa'nyai ayina mena dika'a'mwakeri'nera.' Sara kudapiri dıvidaa'nyi kwaasiyabwi kigaasa kwaasiyaburi navilavadika!" **65** Sara wiđina kye' Paailati wiđina "Sarim a'mwe dame daaya'ne pwaraav dımaaryila! Sarim wawapij simaanga dazav'i dameraav'i dıthaakwila! Sarim nayaa mi'na yawi'na yipinebaabi' dameraav'i dıthaakwila!" **66** Sara wiđina kya' sahwara kaanna wiña yeva gilekavi'niđnyav'i dame daakuna. Silla sari baavesi wakina, kaanya tilina yeva saba dame daaya'neraav'i wiđimwaaiahina ye!

28

Jizaazai ayina dikaavake'nesi.

(Maak 16:1-10; Luk 24:1-10; Jon 20:1-18)

1 Kwazaakegaa' mena kabawo' wikeyarikine yirika mudikerik yirikunyagaa' Maariyaa' Maahithaala mwaalyasi Maariyaa piri' gilekavi'niđnyabanna wanganya'newaai wiña. **2** Yithaanyi! Sagaa' wiñnya naange' yina. Sare' dare'nesi. Sigunyavidaa'nyi Naangere ejeliyai walaabina yaka silyai birkwasamakulaawina yina yaka silyari a'ba yilamwaaina. **3** Sahware sinnyi' yinamiraasa'b'i' wannyina, nabaai gamire baazi'ma'nya' sigujaakavire yaakebi' wannyina yakelyira.

4 Gaminyina aawilasara lika naanga yina yeva bi'bita yina yeva a'mwe mena bainikerabi' yima'nyina. **5** Yima'nyina kye' ejeliyai a'mwe sawaari wiđina

"Kirimi lika mikanera! Ni'mi yawi'na 'Jizaazar i isaviri tamarimuwa'daasarina birkaanyawaaihi bivanigila.' Sare'na lika mikanera! **6** Sai dava mamwaalyika!

Sare' dare'nesi. Kigaa' dakabaaibi' mena yidikaa'mwakerina! Gami' wa'de adava bulanganyila! **7** Nabaai yarai wawakilyi gamire mididivisaraav'i duthaawila!

'Kavi'niđnyavidaa'nyi mena yidikaa'mwakelyi. Nabaai, yithaanyi, Galilinei sariminyi sinnawi waanadelyi. Dazmagi sahwari tinna danganyiderina.' Yithaanyi, mena yihithiwa." **8** Wiđina kya' sawaai lika yadi' yilaaya kuna kuna yina yadi' simaangeyaba yarai yagalya'ma'na yagila gamire mididivisaraav'i wiđa'newaai

kaanyave'na w̄ina. ⁹ Kaanyave'na w̄ina yadaak̄iȳi, ȳthaanyi, tusavi Jizaazai sawaaryabanna ȳma'nadavaab̄ina yaka w̄id̄ina "Nya'mwewaaifi! Tewaanya kwaamu'nanyabwi ȳhwarana!" W̄id̄ina kya' sawaai aya k̄banna w̄ilaab̄ina yaḡla gam̄tre s̄iv̄ilyaraari l̄imwanna yaḡla lotuya wina. ¹⁰ Dazagaa' Jizaazai sawaari w̄id̄ina "L̄ika m̄ikanera! Wawakiȳi nya'mweraav̄ Gal̄lina w̄ipi'de'na duthaawila! Nabaai dazahimaḡ nyangab̄i'deinȳra."

Dame daavesaraav̄inesi.

¹¹ A'mwe sawaai kuna wodaak̄iri, ȳthaanyi, dame pwara ḡilekavi'n̄nnnyaba maredaavesara anga naangeba w̄il̄na ȳna yeva yuya ȳma'naka sanna Got̄iyar̄ina ȳira'd̄iv̄ita naangeraav̄ w̄id̄ina. Sara w̄id̄ina kye! ¹² sahwara a'mwe naangeraj̄ ȳbwa'nemwaaina ȳna yeva yagaala p̄iri' jamungajak̄na yeva dameraav̄ n̄gwia kwalaalya w̄ijaav̄ina ȳna yeva ¹³ w̄id̄ina "N̄gwia dazanna maarap̄iri dara d̄izideih̄lȳi 'Sawisav̄ nem̄ se wa'dori gam̄tre mid̄id̄iv̄sara l̄ika yulya'na beva ḡilaayar̄i kuka bamaryawaaihasarera.' Duzide'na ȳh̄imub̄wo. Sara kadap̄ij̄i ¹⁴ Ga'maan̄ya naangei yagaala daza' kad̄ika w̄i'najar̄i woyagaala w̄id̄awaaj̄i sar̄im̄i simunya kwalaalya myaw̄rya'neih̄ri ȳh̄imwaihaadeih̄lȳi." ¹⁵ Sara w̄id̄ina kye' damera n̄gwia sa maar̄ina ȳna yeva sara w̄idetabaaib̄i' sara ȳna. Sara ȳna yad̄iv̄i' yagaala daza' Juyara gazabazaba w̄i'nȳna ye'. Nabaai dahaasagaa' daza' Juyara kuna w̄dad̄iv̄isasi.

Jizaazai gam̄ireraav̄i waw̄inya w̄ijaavake'nesi.

(*Maaki 16:14-18; Luk̄ 24:36-49; Jon̄ 20:19-23; Apozeliyara 1:6-8*)

¹⁶ S̄iv̄il̄ridaa'nȳi pwainanyara Gal̄linera kaanna w̄ina yeva mugunya Jizaazai sahibanna sara dakebanna ȳmavaaw̄ina. ¹⁷ Ȳi'mavaaw̄ina yeva gam̄inȳi t̄inna wan-ganna yeva lotuya w̄imarina. Lotuya sara w̄imarina yad̄iv̄i' k̄iri' pwai pwai simunya p̄iri'waai yawi'na. ¹⁸ Sara yad̄iv̄i' yuyaraayaw̄inna w̄ilaab̄ina yaka dara w̄id̄ina "Sigunyav̄ij̄i Kwaakevakiȳi sabanyaari diraḡinya' Got̄iyai nȳijaavakeinȳi. Diraḡinya yuya p̄in̄inḡna wav̄ila'd̄inyainȳra. Waw̄inya yuya sabanyaai maremwaaidiñyainȳi. ¹⁹ Sarevidaa'nȳi sar̄im̄i Kwaaka davakiya aj̄mya p̄in̄inḡiyara n̄im̄ire nȳim̄id̄id̄iv̄sara ȳma'n̄ip̄i'de'na duthaawila! N̄mwalȳi Gawaalivaangeinȳi' Kurya Tewaanyalȳi sainaav̄ire yayav̄i a'mweraav̄i aalyav̄i bav̄taaziya jideih̄lȳi. ²⁰ Nabaai sara yapi yagaala ȳh̄izaave gazazanna mid̄inya'neraav̄i duziwakamaryideih̄lȳra. Ȳthaanyi! Yuyagaa' yune aaya'ne dazagaal'na sar̄im̄ij̄i ye'mwannamwalaadeinȳra."

Maak† Yagaala tewaanya' Maakiyai yidaavakesira.

*Jon† bavitaaziya yadei wijiwaakakevinesi.
(Mat†yui 3:1-12; Luk† 3:1-9,15-17; Jon† 1:19-28)*

1 Gotiyare Gawaaliwaangei Jizaazai Kiraazitayai gamire yagaala tewaanya mudike' sinnawi yima'na!. **2** Gotiyare wi' nawijiwaakakei Piropetya Aazaayai dara din† Jizaazarina,

“Yithaa, nimire widaasadinyai giminnyina waaman!”.
‘Gimire tusavi nayaa yadera,’ gitihwa.
3 Wawinya maayaba ja'maanguraaya' yiman!,
‘Naangei batherine tusa' javada'galyilo!
Gamire tusangi yida'na jamakwilo!’ ”

4 Sara dinike'na Jon† wawinya maayaba mwaalaka sinnawi sagaa' a'mweraavt aalyavt bavitaaziya yada widina “Sarimire simunyabwi mudikebwi yawiramaa'na kyapiji niimi bavitaaziya yihideinyi. Gotiyai sarimire kayaa'nanyabwi yihmarasi'nadelyira,” widina Jon†. **5** Sara widina yadaa'nyi “Gaminyawinna wawaaji yagaala sa' kadika wt'naana!” deva Kwaaka Juthiya mwaalyaraj Anga Jeruzaalem mwaalyaraj yuyara wina. Mi'na wina yeva gamire yagaalya' wi'neva wjalikurakina “Nebulyasira. Nemtayaa'nanyabwi sana sana ywosira.” Widina kye' Aalya Jothaniyavt bavitaaziya ya' Jon†.

6 Jon† baazi'ma'nya kaameliyavire arilya' yavikarinke' marira'nyina yaka bulimakaawomunnaanya marida mwaalakelyi. Gannya wapaaya baarinnej aakangire kwarakaji tika nada mwaalakei. **7** Yagaala da' widina “Niimi biweinyi. Divi pwai bathelyira. Niimi ddraginya' wa'di'nyi kiri' gamire ddraginya naange' nabaai wavila'na yadesi niiri. Naangere kwaari'masivilyavt wila pwiyintke' kwadaai gila'mwi galyaa'mune' niimi naangeinyi mika. Mywneinyira. **8** Niimi aalya gavevit bavitaaziya yihivanige sa' Naangei Kurya Tewaanyari bavitaaziya yihydelyira,” widina ya'!

*Alyavi Jon† Jizaazar bavitaaziya yake'nesi.
(Mat†yui 3:13-17; Luk† 3:21-22)*

9 Jon† sara widadaasiyagaa' Kwaaka Galili Anga Naazaretidaa'nyai Jizaazai bin kya' Aalya Jothaniyavt Jon† bavitaaziya yina. **10** Mi'na bavitaaziya yina kya' aalyavt sai bilaawaka yime'nya'bti' dara wanganake! “Sigunya' tivi damujaangika! Kekwai Kuryai kwaamiryabisa daimwaabika!” Mena kada' Kuryai walaabin yaka gamire munyiki kusawi bulamwaaina. **11** Bulamwaaina kya' Sigunyavidaasi Gotiyarebadaasi Gotiyai yagaala widina “Saigt, niimi yidaavakesira kya' Nyibwaaliwaangeiginyi. Kurya tewaanya gukadinyaiginyi. Sahwaigti yilaaya nyigaimanigti,” wida'!

*Kayaa'nanya'na Saataani Jizaazar widaake'nesi.
(Mat†yui 4:1-11; Luk† 4:1-13)*

12 Yime'nya'bti' Kuryai “A'mwera maayabanna yarai diwo!” jiri'galaasa'. **13** Jiri'galaasina kya' sahwai kaanna wina kya' yiri'ka a'mweraare sivlatiraai kwavilava' a'mwera maayaba mwaaidisi Saataani “Kayaa'nanyabwi yana!” daka yaamiiji yijiwaala!. Yijiwaaina yakegaa' malakayaawaryarana mwaaidapiyaba Jizaazai sarari ye'mwannamwaaina ya!. Sahwai saba mwaalakegaa' Gotiyare mamaayara ejeliyara wigaimwanna ye'!

Jawiñya maaryaraavî wîda' Jizaazai.
(Matîyui 4:12-17; Lukî 4:14-15)

14 Dîvidaa'nyî Jonîmî wîla yîrakîna kye' Jizaazai Kwaaka Galîlina wîlaawîna yaka saba Gotîyare yagaala tewaanya' wîjîwakamarina. **15** Wîjîwakamarina yakegaa' wîda' "Daha'a' yemwaalyagaa' aayasîra. Daha'a' yunegaa'nanyî. Gotîyai a'mweraavî maremwaaidehaa' yîma'nîwa' dahan'a'. Gotîyarîna sarîmîre sîmunyabwi mudîkebwî jawîramaarila! Yagaala tewaanya' wî'napîji 'Nebulyasîra. Sara yaana!' dîthînyide'na yîhîthîwa. Yagaala sa' nayaa dîlîmwagarila!" wîjîwaakîna ya'!

(Matîyui 4:18-22)

16 Galîli aalîbumaangevi sahwai wodaa'nyî Saaimonîjî Saaimonîmîre gahwaalaangei Edîruyalyî sadaraai jawîgîlya' aalyavî marasî'na yadaakîlyî wangamabîna ya'. Marasî'nagîle' dare'nesi. Jawînya mwagi'nagîlyaraalyî.

17 Wangamabîna yaka wîda' "Dînyîmîdînaabyîla! Kanyîmîdînaabakîlyî kihîzîwaaka'muri jawînya maa'ditabaabi' Gotîyarîne a'mweraavî maarya'neraaihîri yîhîmwaaikhîderaaikhîlyîra." **18** Mi'na kuda' yîme'nya'bî' kîrinnya jawîgîlya yagalya'ma'na yagîla midînna yagi. **19** Midînna kyagi Jizaazai pîzî'gwa wawaka Sevathiyare gawaali' kwaraai Jemîzalyî Jonîjî sadaraai wanganakeraai sîpiyavî mwaalagîla jawîgîlya kayaaka yînîke bî'nyîna yagi. **20** Bî'nadaakîlyî yîme'nya'bî' jaka wîdîna kya' "Yarai dulaabilâ!" kîrinîmaangei Sevathiyalyî gannya nîgwîwawînyarari sîpiyavî mwaalesaraavî yagalya'ma'na yagîla kîdaraai gamînyî midînna yagi.

Jizaazai yîmakerî marasî'na!

(Lukî 4:31-37)

21 Kumî sara angeba Kaapanîyamîna wîna kye' Juyaraavîre Kwazaakegaa' yîma'nyîna kya' yîme'nya'bî' gamî Juyaraavîre Lotuangevi wîlinâ yaka Gotîyare yagaala wîjîwaakîna. **22** Wîjîwaakîna kya' yuyara gamîre yagaalya' wî'neva atîka maru'na'muluna ye!. "Kîwîjaraavîrebwi kwaasi kwaasiya'bîsabulyî. Jizaazai gannya sîmunyavî yuya yawî'nîkelyî," dîdaapi atîka maru'na'na ye!. Sare' dare'nanyî. Jizaazai dîragînya kînînnakei wîjîwaakake'nanyî.

23 Yîme'nya'bî' a'mwei yîmaka widei Lotuangevi wîlinâ yaka **24** jaka danganna "Jizaazai Naazaretî mwaalyaigî, nemînyî berî' dîneyîde'na bahîneka? Nemî aa'neinaavî kayaaka dîneyîgaide'na daaka? Gîmînyîna yawî'mwa. Gotîyare tewaanyaigînyîna yawî'mwa." **25** Mi'na jaka kada' Jizaazai maanga wîdîna "Yagaala madînnera! A'mwe sarîdaasi dîwona!" **26** Sara kuda' yîmakei a'mwerî yîkîlaaka wîlaka jaka naanga daka kaanna wîna ya!. **27** A'mwera yuyara tînna wanganeva atîka maru'nakulîna yadîvî' kumî sara dîne' "Ai, da' berîvaka? Wîjîwaakya'ne' mudîkesi. A'mwe sai yagaala dîragînna wîdîvanîkelyî. Nabaai yîmakeraavî sara wîdîwake sara yîvanîgava!" **28** Kadîne' yîme'nya'bî' Galîli yuyabanyara Jizaazai yake'na maalîkegaa' wî'nyîna ye!.

Jizaazai a'mweraavî tewaanya ya!

(Matîyui 8:14-15; Lukî 4:38-39)

29 Yîme'nya'bî' Jizaazai Lotuangeviada'nyai bwalyuna kya' Jizaazalyî Jemîzalyî Jonîjî pwarajî sara kaanna wîna yeva Saaimonîjî Edîruyalyî saraare angevi bwina ye!.

30 Bwina kye' midîka wîda'daasi Saaimonîmî ganyaali'maange' wa'dîsî yîme'nya'bî' kumî Jizaazarî wîdîna. **31** Mi'na wîdîna kye' nabalinakeyabanna bîna yaka maradihaa'bwa'na ya!. Jizaazai sara kya' nabalya' mena yîwîna kya' a'mwe' kumînyîne wapaaya yovîrawakîna ya!.

(Matîyui 8:16-17; Lukî 4:40-41)

³² Nyiliyai mena walakyagaa' sabanyara nabalinakengiji yimaka widivisangiji sangi gaminyawinna makuna ye!. ³³ Makuna yeva saba mwaalyara yuyara tikuryaba davaabinna ye!. ³⁴ Davaabinna kye! Jizaazai a'mwe nabalya ge ge wa'divisaraav nabalya' wangadaa'nyi "Tewaanya jima'nana!" sana sana kuda' tewaanya yima'nigulina ye!. Nabaai aa'ne kwalaalyaraav widaasina ya!. Aa'nera gaminyina yawid'aapiya'na wangada "Yagaala madipinera! Kwaasi yadivisaihiri nayihu'nipidika!" widaaka widaasina ya!.

Kwaaka Galili Jizaazai wijiwaaka!

(Luki 4:42-44)

³⁵ Jizaazai se wa'mwarakei yirikunyagaa' dikaa'na yaka walyuna yaka a'mwera maaya kunebanna kaanna wina yaka Gotiyari yagaala wida. ³⁶ Kuna wida yadaa'nyi Saaimoniji gaminyaba mwaalesaraj birebirikaanyara wina yeva ³⁷ yirimaa'na yeva widel "Yuyara gimininyina biramarianigava a'mweraava." ³⁸ Ti'i'na kude' gami wida "Angeba pini aya kibanna nemti kaanyaana! Anga saba Gotiyare yagaala wijiwaakide'na bwalyuwa." ³⁹ Widaka Galili yuyaba kumire Lotuangengi yagaala Gotiyare wijiwakamarya!. Sagaa' a'mwe yimaka widivisaraavidaasa yimakeraavi widaasa!.

Samatanakei tewaanya yima'na!

(Matiyui 8:1-4; Luki 5:12-16)

⁴⁰ A'mwe samatanakei gaminyawinna bina yaka "Jizaazai naangelyi," daka kwadaai gilina yaka yagaala naanga diraginna wida! "Nimire kilaakeji! Tewaanya mwaalana!" nyawi'diza' gimi sara dinyaavada'gala! Sara yinneiginyi gimi. ⁴¹ Widina kya! Jizaazai kale kwia' ata dathiwanna yaka wida "Sara yima!" yawi'manige. Gimire kilaakeji! yihula dana!" ⁴² Widina kya! yime'nya'bii samate sa! ya'ma'na yaka gamire kilaakejiki yarai yiwina ya!. ⁴³ Kilaakejiki yiwina kya! Jizaazai maanga wida yaka ⁴⁴ wida "Nayaa dnyu'nana! (Niminyina najibwa'nemwaaibithika!) A'mwe aane pwai kwar 'Sara nyiwaka,' mudinna! Aane pir'i kir'i mujawaakinna! Aawa. Kaanna wawa'gizi sipzipiya Gotiyarina mubithika yira'deri piritiyari duziwaainana! Dahaal kilaake! tewaanya warike'na Mozizai dinike! Gotiyarine' dumaaide'na a'mwera yawi'na 'A'mwere samate' menanyira, gyawipi'dera.' Mi'na wida yime'nya'bii widaasina ya!. ⁴⁵ Sara kudaasa! a'mwei walyuna yaka yuyaba yagaala sa! wijiwaakya'nei yuyaraavi widaivainadaa'na yikwaasa!. Gami sara kya! "A'mwera nyanganapiji niminyina nanyidahidi wagamaremwaabithika!" daka Jizaazai angeba mwiyai yaayeba mwaalina yadisi gazabazabadaa'nyi gaminyawinna yikabina ye!.

2

Jizaazai yaginya bainkeri yidikavamwaaiha!

(Matiyui 9:1-8; Luki 5:17-26)

¹ Sawita pijaa! kajinna! sai Kaapaniyamina ayina yagalaawaka bamwaaina ya!. Bamwaaidi'nyi dara winesa! "Anga aya mwaadevi damwaali!!" ² Sara deva kwala yi'bwa'nyina ye!. Kwala yi'bwa'nyina yeva tikuryaba daavanneba kune piba madaayi yeva angavine' mwasabanne' bamwaihwodapi yagaalya' wijiwaakina ya!. ³ Wijiwakadaa'nyi pwara makabina kye! a'mwe daraai daraalyara kilaaka yaginya bainkeri marikwavamakabina ye!. ⁴ Marikwa'na yeva "A'mwe kwalaalyara damwaaihava!" deva kwala bwa'naanyavine'na Jizaazaryawinna mabamakulyara angevi a'ba bamaraga'nigilaawina yina yeva munyaba Jizaazai wilamwaaidisiyaba kwavisa' daburaabina yeva yaginya bainkei yibinnakeri marala'mwagakina ye!. ⁵ Marala'mwagakina kye! Jizaazai kumire limwangebwi yawiranganna "A'mwe

dara 'Jizaazai dīraginaangei a'mweri tewaanya negaimwagathelyira,' yawireva makabīwaava," Jizaazai yawiraka yaginya bainikeri wīdīna "Nyibwaalit", gīmire kayaa'nanya gīmarasi'mwa." ⁶ Sara wīdīna kya' Kīwījara pwara saba mwaaleva kumire kunya yawi'na ⁷ "A'mwe dai yagaala sa' baa'na dīvanika! 'Gotiyari wavi'la'mweinyi,' dathivani'ka! Kayaa'nanya aai marasi'nadelaka! Gotiyai gavei marasi'nadelyira. Sare' Gotiyari yagaabi'raizika dīwakei daaka!" yawiranganna ye!. ⁸ Yawirangadaapi yime'nya'bī' Jizaazai gannya sīmunyavī yawi'na "A'mwe dara sara jawi'manigava!" daka wīdīna "Sarimire sīmunyangi sare' baa'na yawi'manigava! ⁹ Darewaai naangewaai midaaka! Piri' dare!. Yaginya bainikeri wīdīde' 'Gīmire kayaa'nanya gīmarasi'mwa.' Piri' dare!. Wīdīde' 'Dīthīkaaka! Yibinya' maara'gīzi dīmakwalyona!' Yagaala yuya sawaai naangewaai midaaka! Nīmī kuda'muri 'Dīthīkaaka! Yibinya' maara'gīzi dīmakwalyona!' sara yade'na ¹⁰ sarimi yawi'na 'Ai, Kwaaka davaki a'mwe sai kayaa'nanya marasi'nya'nei dīraginnakelyi,' jawiryideihiliy. Sara jawiryide'na A'mweraavine Kaimiraayai yaginya bainikeri sara wīdīna!" ¹¹ A'mweri wīdīna "Gīthīwa, 'Dīthīkaaka! Gīnnya yibinya' marikwava'gīzi gīnnya angevina dīmakwalyona!" " ¹² Sara wīdīna kya' daavaka yime'nya'bī' yibinya' marikwa'na yaka kaanya walyodaa'nyi sare'na a'mwe yuyara tīnna wanganna yeva atika maru'nakulina yeva Gotiyari yilaaya yeva "Sabwi nemi sara mwanganyainera," dīnyina ye!.

Jizaazai Livaayari wida' "Nyimidinaama!"

(Matiyui 9:9-13; Luk 5:27-32)

¹³ Jizaazai ayina walyoka aalibumaangevi mwaaidisi a'mwera yuyara yibwa'nyina yeva mwaaidapi Jizaazai wījwaakina ya!.

¹⁴ Livaayai Alipiyaazarei taakiziya maa'dei taakiziya maa'deva mwaaidi'nyi Jizaazai wangamabaka wīdīna "Nyimidinaama!" Mi'na wīdīna kya' daavina yaka mījīwīna ya!.

¹⁵ Livaayare angevi Jizaazai namwaaidisi taakiziya maa'divisarari a'mwe kīwinya maali'na yadivisarari sara Jizaazalyi gamirerari saraayaba mwaalina ye!. Sare' dare'nesi. Kum sara kwalaalyara gaminyi midinesara. ¹⁶ Namwaaidapi Kīwījara Periziyara "Gam salyi kīwinya maali'na yadivisarari taakiziya maa'divisarari je'mwannanivanigava!" deva gamireraavi wīdīna "Taakiziya maa'divisaraj i kīwinya maali'na wīyadivisaraj i saraayaba baa'na nīvanika!" wīdīna. ¹⁷ Yagaala sa' wīdīna kye' Jizaazai wīnakei wīdīna "Dotarina nabali'maayara wīgainadera mi!. Aawa. Nabalinakera wīgainadere. Sare'na nīmī sainyi a'mwe yida'maraangebuliyainajiyaraav i jīvwaramaarya'neinyi mabye. Aawa. Kīwinya maali'na yadivisaraavine'nanyi."

Wapaaya manya'nesira.

(Matiyui 9:14-17; Luk 5:33-39)

¹⁸ Pīgaa' Jonimireraj i Periziyaraj i "Gotiyarina wapaaya manaannera!" deva navika mwaaidapi pwara wīlaabina yeva Jizaazar i wīdīna "Be'neka? Jonimirerari Periziyaraavirerari sara wapaaya manyara mwaalina yadapi kīri' gīmirera wapaaya baa'na nīvanigava!" ¹⁹ Wīdīna kye' Jizaazai wīdīna ya! "Mudikangeyabanne munne yadivisagaa' a'mwe' maarade miginyai mwaaidoz i a'mwe a'mwera tīka munne manipi'ne yipijara daaka! ²⁰ Miginyai mwaaidoriyagaa' wapaa nīpi'dengira. Pīgasa kima'noji kuminyabadaasai a'mwe' maarade miginyai yipalasi'na kyapi sagaa' kumi sa wapaa tīka manyi yipidengira. Sare' kanyipalasi'napiri nīmirera wapaaya manyi yipidengira."

²¹ Sare' Jizaazai gamire yagaala mudike'na wīdīna "Yīvīta gaalya' a'mwe pwai dakuroj i 'Yīvīta ayiki mīwīrima!' myawiryajai tewaanyalyira. Sara mīwīna yaj i

kwajि miwita'ne yivita yivisikи kayaaka kyadika! Yivita gaalyamili' yivita ayikи kayaaka yade'na naanga lihi'na yadesira. ²² Nabaai memekilaaka waainitalya' a'mwe aane pwai kwai waainitala ayavi waainiya gaalya' mamaradingga kayaaka kyojि waainiya' bwalaraawina yadesira kilaaka yuya ti'miwirojija. Sare' aawa. Waainiya gaalya' memekilaaka mudikevi maradingga na yaja' tewaanya warina yadesira."

Juyaraavire Kwazaakegaa!

(Matiyui 12:1-8; Luki 6:1-5)

²³ Juyaraavire Kwazaaka pigaal lilaajabita witziwawinyavi tinnyaba tusavи sai widavadaasi gamirera midinaabina, mijika wiadaa'nyi witzila gimujina ye!. Sa'na kiwinja dinike! "Kwaakaanya yamaryadiv' tusavи a'mwera witzila maapika!" dinikesira. ²⁴ Gimujina kye! Perizyara Jizaazar widden "Yithaa, Kwazaakegaa' dahaa' baa'na gimujivanigava! Kiwinja sare'na warikesira. Sa pigaal dihimujidengira. Kwazaakegaa' mipinera sabwi!" ²⁵ Sara widden kye! Jizaazai widden "Baa'na nyidwaava! Ne Devit yaake pikariyikwiavи tinna mwanganyadivisaihi daaka? Deviti gamijiyarajи sara wapaaya kunera mijika wiadaa'nyi ²⁶ sipizipiya Gotiyarinna Yira'de Naangei Avaayathai mwalyaakegaa' Devit Gotiyarinna yira'de pwari girkulya'na widaaka Gotiyare Angev wilaabina kya! Gotiyai tinna wanganya'ne girkula wakyaasa kujaya maranyina yaa!. Girkula sa mi'na kwaryaa 'Gotiyare yira'divisara gavera maranadivisarera,' kiwinja' sara dinikesira. Devit Gotiyarinna yira'dei mamwalyaakei maranyina yaka nabaai gamijiyaraavina wimaryaa!. Sare! Gotiyai maiyagaala mujaal!." ²⁷ Sara widaaka widden ya! "Sinnawi Gotiyai a'mweraavi yavikaryaka dividaasi a'mweraavine'na Kwazaakegaa' wakya!. Sinnawi Kwazaakegaa' mwaryaka dividaasi Kwazaakegaa'ne'na a'mweraavi myavikaryaa!. Arikewi. ²⁸ Sara yaake'na A'mweraavine Kaimiraayai Kwazaakegaa'ne Naangei 'A'mwera sara sara yipi'derera,' widadelyira," wida' Jizaazai gaminyine'na.

3

Kwazaakegaa' Jizaazai pware ata kayaa'nanya' nayaa yavada'gala!

(Matiyui 12:9-14; Luki 6:6-11)

¹ Lotuangevi ata pimaginyi yaalika mena yinkei mwaaidi'nyi Jizaazai ayina wilamwaaina. ² Wilamwaaina kya! "Jizaazai Kwazaakegaa' a'mwere asa' tewaanya yavada'gaina yajiwaka?" deva A'mwe Perizyara bangana'na ye!. "Asa' tewaanya yavada'gaina yaja' nemi' kotiya wimwaaihina yaadeinaava," deva bangana'na ye!. ³ Nayaa bangana'na yadapi Jizaazai ata kayaa'nanyari widden "Tinnyabanna dihaaka!" ⁴ A'mweraavi widden "Kwazaakegaa'na kiwinja gara divanika? Kwazaakegaa'na tewaanya yija'nebwi sara dathivanika? Kwazaakegaa'na kayaa'nanya yija'nebwi sara dathivanika? Nabaai 'A'mweraavi tewaanya mwaabitide'na dihaimwana!' dathivanika? 'A'mweraavi diramakya!' kiwinja sara dathivanika?" widden. Sara widden kya' kumi' sara yagaala mujit, maadinna mwaalina ye!. ⁵ Maadinna mwaalina kye' kumire simunyangi' ata yaalika yinikerina kuminyi' kale mwiadaa'nyi Jizaazai wangamabina. Wangamabina kya' saraavine'na kale wiadaasi avaalyagaa' maadinna mwaaidapiyaraavina gamire sinnna tika wida'daasi a'mweri widden "Ginnya asa' jiwibwaka!" Sara widden kya' ata yina kya' ata kayaa'nanya' maamidarya' yima'nyina. ⁶ Maamidarya' yima'nyina kya' yime'nya'bti' Lotuangevi Perizyara bwalyuna yeva Eritiyarerajи yibwa'nyina kye' jamungaje' "Jizaazai balade'na nemi' gara yaadelaka?"

Kwala bwa'naanya aalibumaangebaari mwaale!

⁷ Jizaazalyi gamirerajî saba yagalya'ma'na yeva Aalibunya Galilina wiña. Nabaai kwala naanga kaanna wiña. Kwaaka Galili mwaalyarajî Kwaaka Juthiya mwaalyarajî⁸ Anga Jeruzaalemî mwaalyarajî Kwaaka Yithumîya mwaalyarajî Aalya Jothanî pimagî mwaalyarajî Anga Taaya Anga Saaithoni sabanyaai mwaalyarajî yuya sara "Jizaazai sana sana yivanikelyira," deva gaminyawinna kaanna binâ. ⁹ Kaanna binâ kye! kwala bwa'naanya naange'na gamireraavi wîdîna "Kwala bwa'naanya da' bule nanyinadîka! Botiya' niminyine' jovrawakyila! Aalyavi wa'dî'nyi botiyavidaa'nyi wîjîwaakideinyi." ¹⁰ Sare' dare'nesi. Sara wîdîna yake'ne' Jizaazai a'mweraavi tewaanya yavada'gaina kya' nalaavînakera "Jizaazarî yimetavîma!" dîneva yimeta'na yesa'na wîdîna ya!. ¹¹ A'mwe pwara yimaka widivîsara Jizaazarî tînna wanganeva gaminyawi wala'na yeva "Aakayi," jaka dîna "Gotiyare Gawaaliwaangeiginyira," wîdîna. ¹² Sara wîdîna kye! Jizaazai yimakeraavi yagaala diragînînaanga wîdîna "Nîmînyine 'Gotiyare Gawaaliwaangelyi,' madipinera!"

Jizaazai a'mwe atiraai sivilyiridaa'nyi pwaraalyaraavi dahîlaka!

(Matiyui 10:1-4; Lukî 6:12-16)

¹³ Jizaazai mugunyangi wîlaawîna yaka "A'mwera nimirera yima'nîpi'dera," dakeraavi jaka wîdîna kya' kumi wîlaabîna ye!. ¹⁴ Wîlaabîna kye' a'mwe atiraai sivilyiridaa'nyi pwaraalyaraavi dahîlakîna yaka "Nîmînyaba dimwaalyila! Nabaai yagaala wîjîwakamarya'na yîhîthaasidera! ¹⁵ Yimakeraavi widaasa'ne diraginya' yîhîzaavideinyi," wîdîna ya!. ¹⁶ A'mwe atiraai sivilyiridaa'nyi pwaraala sareraavîne yaya darengîra. Yî pwai Saaimoni yaya pîri' Jizaazai wîdake' Pitai, ¹⁷ yî pwaraai Jemizai Sevathiyare gawaaliwaangelyi Joni Jemizare gahwaalaangelyi sadaraai yaya pîri' wîdake Bawanezizi (aangyagaalya'na Yîmuyagaainakeraai), ¹⁸ yî pwai Edîruyai, pwai Pilipi, pwai Baatolomyui, pwai Matiyui, pwai Tomaazai, pwai Jemizai Alipîyaazarei, pwai Tathiyaazai, pwai Saaimoni "Kumtreba Romiyara wîpîka!" dadei, ¹⁹ pwai Juthaazai Yîzikeriyotyi dîvidaasi Jizaazarî yikamaangeraavîna wibwarîdaakwia'nei.

"Jizaazalyi Biyelizivuli'i saraai yivanigi," wîde' Periziyara.

(Matiyui 12:24-32; Lukî 11:14-23; 12:10)

²⁰ Jizaazai gannya angevi wîlaabîna. Mi'na wîlaabîna kya' kwala bwa'naanya yîbwa'namwaaina kye! Jizaazalyi gamirerajî sara yîna yîna yeva "Wapaaya warana! Gotiyare wawînya yaana!" deva wapaaya manyi ye!. ²¹ Wapaaya manyi kye! Jizaazai yake'na gamire jîlikaimiraaya sara wîneva "Nemî gaminyi marawaana!" deva kaanna binâ ye!. Sare' dare'nesi. "Simunya maayai mwaalika," desa'nanyi.

²² Kîwijara Anga Jeruzaalemidaasara dîna "Jizaazarî munyîki yimaka Biyelizivuli' kininnakelyira." Nabaai dîna "Yimakeraavi maremwaala naangei gannya diraginya' kujaava! Jizaazai yimakeraavi widaasîna yadelyi." ²³ Sara dîna kye! Jizaazai a'mweraavi "Kaajila!" wîdaka ke'ba'na yagaala wîdîna "Saataani Saataanîmi gara yoji widaasinannelaka? ²⁴ Kingiyare a'mwera anga kîba mwaalyara jaapaina yîpija' mala bwa'nyîna yîpija' sahwara diraginya daapîne' mîka! ²⁵ A'mwe pînidaka kajapalemwalmaryapiji sanidaka diraginya daapîne' mîka! ²⁶ Savîne'na Saataanîji gamirerajî jaapaina yîpija' mala bwa'nyîna kyapiji' Saataanî maremwaaidava diraginya madaayi yannesi. Aawa. Savîne'na Saataanî mi'nanyi. ²⁷ A'mwe aane pwai kwai a'mwe diraginyaare giilyivisa kuka yipalamaasa'na gamire angevi mulaawi yannelyi. Arîkewînyira. Sinnawî sai a'mwe diraginyaari wîla pwîyaja' dîvi kuka yipalamaaradelyira. ²⁸ Yagaala da' jawîka! Nebwina gitihîma! A'mwera kayaa'nanyabwi yîvanigasabwi sabulyi Gotiyarîna yagaai'bîraizîka ge ge dîza yîvanigasajî yîvanigasara Gotiyari kudapiji Gotiyai kayaa'nanya sa

wimarası'nadelyıra. ²⁹ Sare kırı! Kuryai Tewaanyarına yagaabırıraizıka wıdıvanıgasa yuyagaa! Gotıyai mumarası'nyı yadelyıra. Aawa. Kurya Tewaanyarına bırala sabwina yıwetawakya sabwi yuyagaa! yuyagaa! waragothevulyıra. Sabwi Gotıyai mamarası'nyı yadelyıra!" wıdına ya! ³⁰ Jizaazarına "Yımakei kınınnakelyı. Gotıyare Kuryai kınınnakei mıka," dınesa'na Jizaazai sara wıda!.

Jizaazarı ganaangesı gahwaalaangerajı wılaabe!
(Matıyui 12:46-50; Lukı 8:19-21)

³¹ Sagaa! Jizaazarı ganaangesı gahwaalaangerajı bi'ma'na. Mi'na bi'ma'na yeva angevi mwasaowi daaveva gamınyına pwaraavı wıdına " 'Gımjıyarajı gwaangesı mwaaihava,' duthaawila!" ³² Sara wıdına kye' kwala bwa'naanya' gamınyaba wılamwaaleva wıdına "Yıtha! Gwaangesı ja'mwerajı ja'mwejı sa mwasaşa bamwaaleva gımjınyına jaka dıvanıga!" ³³ Jizaazai wı'naka ma'maa'na "Nınnıa nıwaa' berıvaka? Nyıgwaalaangera bewaraavaka?" ³⁴ Wıdaka gamınyaba bamwaihwodapiyangı tınnna wanganaka wıdına "Yıthaanyi! Dathara nıwaası nyıgwaalaangerajı mwaaiha!". ³⁵ A'mwe pwara kwara Gotıyai wıdınıke' sara yıvanıgasara sahwara nıwaasi nyıgwaalaangerajı nyınyaabulaangejı mwaaihava."

4

Witızıla pıraihırakakesıra.
(Matıyui 13:1-9; Lukı 8:4-8)

¹ Pıgaa! Jizaazai aalıbumaangebaarı gaai wıjıwaakına. Wıjıwaakına yadaası kwala yı'bwa'nemwaalesı'na sıpiyavı wılamwaaina kya' sıpiya' aalyavı a'ba yıla'na yadısı kwala bwa'naanya yuya aalıbumaangebaarı mwaalına. ² Sara mwaalına yadapi Jizaazai wıjıwaakya kwalaalya kumınyıne'na yagaala ke'ba'na wıdına ya! ³ "Dınyu'nyıla! Yıthaanyi, pıgaa! a'mwe witızıla pıraihırakya'nei kaanna wına ya!. ⁴ Wawaka gannya wawınyavı sıla kavıraihıraka' sıla pıni tu'maangeba bwalaraawına kya' yusara bamaranyına ye!. ⁵ Pıba amwi sıla naangejı' wa'dı'nyı a'ba kwaaka maalıkejı' wa'dı'nyıyaba sıla pıni pıraihırakake witızıla yarai yırı'na ya!. ⁶ Yırı'na kya' gannya miwırinya naanga magıri kya' nyıla naanga wıdına yakegaa' yawaka baihinyına yaka yuya balına ya!. ⁷ Kwaakevı lannake wa'dısı a'ba sıla pıni pıraihırakake yırı'na kya' lannake kınıji' yırı'na yaka naanga gırına yaka kayaaka galadathıwanna kya' kurijırıka dına yaka gamıre sıla mi'nyı ya!. ⁸ Sıla pıni kwaaka tewaanyavı kavıraihıraka' sıla sa tewaanya yırı'na yaka naanga gırına, sıla tewaanya yı'nyına ya!. Yı'nyına yake pıni sıla pırıvıdaa'nyı kıbawe (30) yı'nyına ya!. Sıla pıni sıla pırıvıdaa'nyı naanga kıbawe (60) yı'nyına ya!. Sıla pıni sıla pırıvıdaa'nyı naanga (100) yı'nyına ya!", sara wıdına ya! Jizaazai. ⁹ Yagaala ke'ba'na mi'na wıdaka Jizaazai wıdına ya! "Kadı'nakeinyı daakajı nayaası dınyu'nana!"

Yagaala ke'ba'na wıdakebwınesı.
(Matıyui 13:10-17; Lukı 8:9-10)

¹⁰ A'mwe kwala bwa'naanya mena wına yesagaa! Jizaazare atıraai yaka sıvılyırıdaası pwaraai sarajı a'mwera gamıjjı mwaaidıvısarajı sa Jizaazarı yıwaara'na "Yagaala ke'ba'na dıwaanya' dınejıwaakya!" ¹¹ Sara yıwaara'na kye' Jizaazai wıdına "Yagaala nebulya' yoimavajalıkurakya' Gotıyai maremwaaide'ne' Gotıyai yıhızıwaainıwaka. A'mwe pwara mwasiılaanyara yagaala yuya ke'ba'nanya gave pırıvına wı'nıvanıga!. ¹² Sa'na yıma'nya'ne' dıníkesıra. Tınnna sara wangadıvı' kırı' sımunya myawıranganyıvanıga!. Kadıka sara wı'nadıvı' kırı' sımunya myawıramaarivanıga!. Yawırapıjjı mudıkebwı yawıramaapıjjı kwajı' Gotıyai kumıre kayaa'nanyabwi kamarası'nadıka!

Yagaala p̄iraihirakake'na Jizaazai w̄ij̄iwaaka'.
(Mat̄iyui 13:18-23; Luk̄i 8:11-15)

¹³ Sai w̄id̄ina “Yagaala ke'ba'nanya sa' myaw̄iryij̄iwaava? Yagaala sa' myaw̄iri yeva yagaala ke'ba'nanya p̄in̄i gara jaw̄iryideih̄ilaka? ¹⁴ A'mwei ȳih̄ith̄wei ȳis̄ila p̄iraihirakakei Got̄iyare yagaala w̄ij̄iwaakadelȳira. ¹⁵ S̄ila p̄in̄i tu'maangevi p̄iraihirakake bwalaraaw̄ina kya' yusara maranȳina yeta pwara Got̄iyare yagaala ku'napij̄i ȳime'nya'b̄i! Saataan̄i yarai b̄ina yoj̄i yagaala w̄i'n̄ip̄ija' yarai marasi'n̄a yadenḡira. ¹⁶ S̄ila amwi wa'd̄is̄i kwaaka maal̄ikej̄ik̄i ȳis̄ila p̄iraihirakake pwara sabaabib̄i! Got̄iyare yagaala ȳime'nya'b̄i ȳilaaya'n̄a w̄i'nȳina yap̄ij̄i ¹⁷ kumi sara d̄raḡinya' k̄in̄innakera mamwaalȳi. Aawa. D̄ivi maal̄ikegaa' a'mwera Got̄iyare yagaalya'n̄a maanga w̄id̄ina, taanginya wina kyap̄ij̄i ȳime'nya'b̄i Got̄iyar̄ina ya-galya'ma'n̄a ȳip̄i'denḡira. ¹⁸ Kwaakevi lannake wa'd̄is̄i s̄ila p̄in̄i p̄iraihirakake pwara Got̄iyare yagaala nayaa w̄i'nȳina ȳip̄i'denḡira. ¹⁹ A'mwe sara Kwaaka davak̄ina yaw̄i'na, n̄igw̄ilalaakenna yaw̄i'na, ḡilȳiv̄ita naangenna yaw̄i'd̄iv̄isara sara ȳip̄i'de'n̄a Got̄iyare yagaalya' kayaaka galadath̄wanna kyoj̄i a'mwera nav̄ika mwaaipt̄jara Got̄iyare yagaala nav̄ika ȳip̄i'dere waryaanyara. ²⁰ Kwaaka tewaanyav̄i s̄ila p̄in̄i p̄iraihirakake pwara Got̄iyare yagaala nayaa w̄i'nȳina, daap̄ina ȳip̄i'denḡira. A'mwe sara Got̄iyar̄ine tewaanya ȳip̄i'dererera. Pwara tewaanya k̄ibawe (30) ȳip̄i'de, pwara tewaanya naanga k̄ibawe (60) ȳip̄i'de. Pwara tewaanya naanga (100) ȳip̄i'des̄ira.”

Laamuyai maa'gulyav̄i marayulyak̄ina ȳin̄ike'nesi.
(Luk̄i 8:16-18)

²¹ Sagaa' sai w̄id̄ina “A'mwe pwai laamuyai maa'gulya' marir̄i'mwagakin̄ikeri l̄ika marulyakadei daaka! Nabaai se waryalne ȳilb̄inya dalaangevi laamuyai l̄ika marulyakadei daaka! Aawa. Ȳib̄inyav̄i ȳilakade'nes̄ira. ²² Sare' dare'nes̄i. Ni'm̄ire yagaala aane p̄ir̄i' k̄ir̄i' l̄ika yulya'n̄ike' d̄ivi nayaa ȳibwar̄idaakwades̄. Dahaa' w̄ij̄iwaak̄iyagaala w̄idad̄inya aane p̄ir̄i' k̄ir̄i' bwakak̄in̄ike' a'mwera myaw̄irivan̄igasa' ‘D̄ivi ku'maayaba ȳima'naabana!’ dena bwakake'nanȳi. ²³ Kad̄i'nakeinȳi daakaj̄i nayaa du'nana!” ²⁴ Jizaazai w̄id̄ina “Kad̄ika w̄i'n̄ivan̄igasa' nayaa jaw̄irila! Yaw̄ibwasa' d̄ir̄iv̄ik̄i'de' sa' ḡir̄iv̄ik̄rades̄. Nabaai p̄ir̄i' gye'mwagah̄izaavades̄. ²⁵ Sare' dara ȳih̄ith̄van̄ige. A'mwe pwai 'Jizaazare yagaala waburya nȳiwaka! W̄i'n̄ma!' kadoz̄i Got̄iyai yagaala p̄in̄i w̄ij̄iwaakadelȳira. Pwai 'Jizaazare yagaalya taanga nȳiwaka. Waramaryana!' dazai Got̄iyare yagaalya myaw̄iri yajai ni'm̄ire yagaalya' was̄i'najari Got̄iyai yagaala p̄in̄i muj̄iwaaki yadelȳira.”

W̄ij̄iwaak̄iyagaala s̄ila ȳir̄ita'nesi.

²⁶ Yagaala p̄ir̄i' w̄id̄ina “Got̄iyai a'mweraav̄i maremwaaide' naanga ȳima'nya'ne'n̄a dares̄i. A'mwei waw̄inyav̄i s̄ila p̄iraihirakadevaabisasi. ²⁷ P̄iraihirakadevi a'mwei saw̄isav̄i se wa'da ȳir̄ika pu'daasiyav̄i d̄ikaa'n̄a yada nav̄ika mwaaidi'nȳi s̄ila p̄iraihirakadenḡdaa'nȳi bilȳir̄i'na. Bilȳir̄i'na yadevi naanga sara bilȳir̄i'daa'nȳi'ya'n̄a myaw̄iri. ²⁸ Kwaaka gam̄i sav̄idaasi ȳilaabina. Sinnawi wit̄iya maal̄ike bilȳir̄i'na, d̄ivi pur̄rya ȳi'nȳina, d̄ivi s̄ila yawaka ȳina yades̄i. ²⁹ A'mwei dara wangade' ‘Yawaka mi'na ȳi'wake' daaka!’ dada ȳime'nya'b̄i kwaari'mata yadi'mwagakin̄kes̄i maraw̄idilavamaa'n̄a yade s̄ila maaryagaalnanȳi. Got̄iyai a'mweraav̄i maremwaaide' naanga ȳima'nya'ne'n̄a sah̄iris̄ira. Sare'na a'mwera myaw̄iryarerera.”

W̄ij̄iwaak̄iyagaala maaziteti s̄ilyanna.
(Mat̄iyui 13:31-35; Luk̄i 13:18-19)

³⁰ Jizaazai w̄id̄ina “Got̄iyai a'mweraav̄i maremwaaide'n̄a be yagaala ȳih̄iz̄iwaak̄ij̄wana? Sa'na ke'ba'nanya beriv̄i wakaadevaka? ³¹ Darebaabisasi.

Gotiyai maremwaide' sinnawi maalika warina, divi naanga yima'nya'ne'na yisi' maaziteti wo'nikikine sila maaziteti maalikesira. Yuya pin Kwaakevak naangengira. Yisi' maaziteti aranya naange'bisikira. ³² Yisila maalika sa' pwai kwaakevi maraburinna yada yisila maalitaayamiliidaa'nyi yisi' yiri'na yada naanga grina yada sigya naange' waayadi'nyi yutara sigunyaviyara gamire taanyangi arita yilyalaanna yadi'vi' kima'nyawi mwaaidivisare. Gotiyai maremwaide' sahirisira." ³³ Jizaazai yawi'na "Kumire yawisa navila'mudika! Nayaa yawipinebaabi' wijiwaaki'na!" daka ke'ba'nanya kwalaalyangamire yagaala widina. ³⁴ Widina yakevi a'mweraavi ke'ba'nanyanna widina. Kiri' kima'nyawi gannya gaveraavi aangyagaala nayaa wijiwaaki'na ya!

Jizaazai yihuta naange' widaasa!

(Matiyui 8:23-27; Luk 8:22-25)

³⁵ Yirika savi nyila kabwalaawa' aalibumaangevi Jizaazai gamireraavi widina "Aalibunya dav kengihiri ga'makwawaana!" ³⁶ Widina kya' kwala naangengi yagalya'ma'na yeva gamirera sipyav Jizaazai wilamwaaidi'nyiyav wilamwaaina kye' gami kwariji makuna ya'. Nabaai sipyia pin aalyav iilarake wina ye!. ³⁷ Kaanna kaanna wodaapi yihu'maanarya' kya' aalimavajinaaka sipyav iławiresi'naabina kya' sipyav aalya buladi'nyina ya'. Aalya naange' buladi'nyina kya' gamirera dara wanganesa' "O, we!, nemi balaajiwona!" ³⁸ Deva Jizaazai sipyav likimagi mwaalakei dihaihisavi se warakeri. Deva dihikavimwaaihina yeva yarai widina "Aaka, Nejwaakadinyaagi, nemi yarai nyiwawaadi'ka! Neminyina 'Nabaipika!' myawirijivanig?" ³⁹ Sara widina kye' Jizaazai dikaa'na yaka yihusavi maanga widaka "Mi'nanyira," aalyav widina "Aalya'gi jaka madinna! Kave warina ja!" Widina yakevi yihu'maanarya' mi'na muda'na kya' aalya' kave warina ya!. ⁴⁰ Aalya' kave warina kya' Jizaazai widina "Li'ka baa'na yivaniga!" Gotiyari malimwagyivaniga' li'ka yiwaasa!" ⁴¹ Gamirera sara wanganeva li'ka naanga yeva din'e "Yihusasi aalyas sawaai gamire yagaalya' wi'niwaalya' be a'mwelaka!"

5

Jizaazai yimaka wideri tewaanya yavada'gaina ya!

(Matiyui 8:28-34; Luk 8:26-39)

¹ Aalibunya pimiginna A'mwe Geraaza mwaalyara mwaaidapiji'yabanna yimavaawina kye! ² sahwai sipyavidaa'nyi walamaaaina yadi'nyi yime'nya'b'i a'mwe pwai simaanga gilaaya wakesabadaa'nyai yimaka widei gaminyina wi'ima'naabina ya!. ³ A'mwe sai yuyagaa' gilaaya wakesaba mwaalakelyi. A'mwe aane pwai kwai gaminyi seniyabarara maareva asiraari wila pwekipweky sivilyiraari wila pwekipweky kye' gami sai asiraari wila pwekipweky sivilyiraari wila pwiyinike silyalyi livatamayesi'nyina ya!. Sare' aane pwai kwai diraginnakei sahwar madathivalyi yannelyi. ⁵ Yuyagaa' yirikevi sawisavi gilaaya wakadivisabaji mugunyabaj kaanya yamaryada jika naanga dada gannya kilakejik silyaji livadaidaarivainyina ya' yimaka widei.

⁶ Sai saaminyabadaa'nyi daavakei Jizaazarit inna wanganakegaa' yarai kaanyave'na walyaabina yaka "Sahwai naangelyi," daka gaminyawi kwadaai gilaka ⁷ jika naanga widina "Jizaazai, Gotiyai Sigunyav munya ke'mwi mwaaidereig midaaka! Ni'minyina beri' jiziwaana? Gotiyarine'na naange' gitihivanige. Daanga manyijaavinnera! Mala manyiradinnera!" ⁸ Sare' dare'nesi, Jizaazai "Yimakaihi, a'mwere munyikidaa'nyi dwila!" widake'na. ⁹ Sai yiwaara'na yawalyaadid "Giminyine yaya' berivaka?" Yiwaara'na yawalyaadike' yimaka widei widina

“Niminyine yaya! Kwala Naangeinyi. Sare' nemì kwala naangeina mwaaiho'nanyi.”
 10 Sara wìdaka yagaala dìraginna dìza ya! “Kwaaka davidaasi yìmakeraavi mudaasinna!” 11 Mugunya sakyavì yaawaryara kwala naanga nìdaa'nyìna yadaapijì
 12 yìmakera dìraginna wìdina “Yaawaryaraayabanna dìnedasa! Yaawaryaraavìre munyìkaavi wimilaade'na dìnedasa!” 13 Yìmakera sara wìdina kye! Jizaazai “Yo, dìwila!” Wìdina kya! yìmakera a'mweridaa'nyì bwalyuna yeva yaawaryaraavì wìlinà kye! yaawaryara kwala naanga (2,000) mwaaidapiyara davaanyavì yarai walaawìna yeva aalibunyavì wala'na yeva yuyara balìna ye!

14 Saba yaawaryaraavì yì'dìvaidìvisara dara wanganesa! “O, akai, nemìre yaawaryara mena davaimwaava!” Deva yarai wìna yìna yeva angebajì wawinyangijì saraavì wìde' yagaala sa!. Wìdesa'na a'mwera dìnyìna “Sara yìma'nìwake' nemì walyanganaana!” dìneva walyaabìna. 15 Jizaazaryawinna walyaabìna yeva dara wanganesa! “A'mwei kwaabi'hannya marira'nakei sìduta nayaa yawì'manìkei kigaa! yìmaka kwalaalyara mwaalesai tewaanyai damwaalika!” Deva lìka naanga ye!. 16 Lìka kye! a'mwera yuya wanganesara mudikeraavi yìmaka wìlakerì sara yìma'nakevinajì yaawaryaraavinajì wìjìwaakìna. 17 Sara wìjìwaakìna kye! sabanyara sari naanga wìdina “Nemìreba davì namwaaidìka! Dìwona!” 18 Wìdina yesavì sai sìpiyavì yìladaa'dì'nyì yìmaka wìlakei naange! widaanganna “Gìmìjì mwaaimuneinyì wìma! gìthìwa.” 19 Sara wìdina kya! Jizaazai wìdina “Aawa. Sare kìri' gìnnya angevìna wawa'gìzi gìnnya jìlikaimraayangì Gotìyai sara nayaa gyìwakenna gìmìnyìna Gotìyare kale yìwake'na sara duzìwaakya!” 20 Wìdina yake'na sai kaanna wìna yaka Angaba Atiraalyaba saba Jizaazai gamìnyìna sara yakenna sara kujìwaaka' a'mwe yuyara atìka maru'na'na yìna ye!

Jaarazare garaavaangesì a'mwe pìri' Jizaazare yìvìsavì ata yìme'nakesì sawaarìnesì.

(Matìyui 9:18-26; Lukì 8:40-56)

21 Jizaazai sìpiyavì wìlamwaaidìsi ayìhìrìna sìpiya! ayìna makuna yakegaa! gamìnyawinna kwala bwa'naanya naange! yì'bwa'namwaaina yadapi sai aalibumaangevi mwaalìna. 22 Mwaalìna yadi'nyì Lotuangevi maremwaaide pwai Jaarazai wo'nìkei bwanganna yaka gamìre sìvìlyaraaryaba kwadaai gìlinà yaka 23 yagaala dìraginna wìdina “Nìnnya taaya nabalinake' balade'na. ‘Tewaanya' yìma'nana! Gaala mwaalana!” da'mujì “Nìmìre asìraai dathìwagaawìma!” ‘da'gi dulaama!” 24 A'mwei sara wìdina kya! gamìjì wawagi. Kaanya wodaakìlyì kwala naange! wawesara gamìnyawi galyìtata ye!. 25 Galyìtata kye! a'mwe nalaavìnake' mwaalake' baizaaka ma'nade' yuyagaa! kwarame atìraai sìvìlyìrìdaa'nyì pìriwaalya wavìla'nìke' mwaalakesìra nalaavìnake!. 26 Nalaaya maalìka wa'dì'nyì nalaavìnakevi dotarava yaamijì yìya kye! daanga naanga wìvìnake!. Gamìre yuyajìya mena wìjaavìna yake!. Tewaanya aane pìri' kìri' mi wiake!. Aawa. A'mwe nìgwìmaaya' sìnnawì nalaaya maalìke' kìnnìnnake', sagaa! nalaaya naange! kìnnìnnake!. 27 Sare' Jizaazarìne'na wì'naka kwala naangevi dusìdaa'nyì lìka yulyaraabìna yaka gamìre kwaabiyìvìsavì yìme'nyìna. 28 Sare' dare'nesì. “Gamìre kwaabiyìvìta gavevi yìme'nìwìja' nìmì tewaanya yìma'nìma!” dake'nanyi. 29 Yìme'nya'bì' kurabala yaalìka mi'na yìna. Mi'na yìna yaka dara wanganake! “Nìmìre nabalya' mi'na daaka!” 30 Sare' yìlaaya kya! yìme'nya'bì' Jizaazai sahwai dara wanganake! “Nìmìnyì dìraginya' nyalyìwake' daaka!” Dakegaa! kwala naangevi yarai gìnyìwannaka wìdina “Nìmìre kwaabiyìvìsavì aai yìme'nìwaka?” 31 Sara wìdina kya! “Kwala bwa'naanya datha' gìmìnyì galyìtata yìvanìgasa'na gara nedìwaa? ‘Aai yìme'nìwa?’” wìde' gamìrrera. 32 Wìdesa' sahwai sare' yake' tìnna wanganya'nei tìnna wanganaasìna. 33 Wanganasadaa'nyì

a'mwe sa! "Nimire kilaakeji' tewaanya' yima'niwaka," daka lîka yîna, bi'bîta yaka gamînyabanna bula'na yaka yuya sanna wîdîna. ³⁴ Yuya sanna wîdîna kya' sai wîdîna "Nyîraavî, niminyîna nayaa yawîralîmwamwaanya'na gîmî maamîdarya yîma'nîwaa. Gimire kilaake' kuna warade' kwaamu'na dîmwaihwode'gînyî," wîdîna ya'!

³⁵ Kuna wîdîna yadaa'nyî Lotuangevi' maremwaaiderera angevîdaasi bwalyuna yeva kaanna bîna yeva wîdîna "Ginnya taaya' mena baimwaka. Gotiyare yagaala wîjîwaakaderi wawînya naanga kuna minna! Taanga wîjaavanigînya' kabaimwakîra." ³⁶ Sahwara wîdadaapi Jizaazai yagaala sa' kadîka wî'nada Lotuangevi' maremwaaiderî wîdîna "Lîka minna! Niminyîna sîmunyavî dîragînna dîlimwana!" ³⁷ Sara wîdîna yaka a'mwe pwaraavî wîdîna "Sarîmî dîmwaalyi! Nimijî Pitalyî Jemîzalyî Jonî Jemîzare gya'mwelyî gave saina wawaana! Aane pwaigî kwaigî aawa." ³⁸ Wîdîna yaka kaanna wîna yeva Lotuangevi' maremwaaidere angevîna yî'mavaawi'na kye' dara wanganake' "A'mwemîlîka yagaala naanga bazîwodaapi pwara kînna dathîvanigava! Jakînna dathîvanigava!" ³⁹ Mi'na wanganaka angevî wîlinâ yaka wîdîna "Yagaala naangesi jakînnyasî baa'na dîvanigava! Taaya' balya myîwa!. Aawa. Se warî!." ⁴⁰ Sara wîdîna kya' gamînyîna mayagaaijîka kamaregye' kîrî' sahwai yuyaraavî mwasawînna maratîvatawaasîna yaka taayavî ganaangesi ganîmaangelyî gamînyawî mwaalesarajî sa makuna kya' taayayabanna wîlinâ ye!. ⁴¹ Mi'na wîlinâ kye' gîlaayavî ata lîmwanna yaka kunnya yagaala wîdîna ya' "Talitha kumi!" aangyagaala dîna "Taaya'gî dîthîkaaka!" gîthîwa." ⁴² Sara wîdîna kya' yîme'nya'bî' taaya' dîkaa'na yaka kaanya dîkavayamarina ya'. Sare' dare'nesi. Taaya sa' kwarame atîraai sîvîlyîrîdaasi pwaraalya wavîlavakesîra. Kaanya dîkavayamarina kya' yîme'nya'bî' atîka kamaru'nare' ⁴³ sai dîragînna wîdîna ya' "Sarîmî nayaa dînyu'nyîla! Nimî yîwe sa' a'mwe pwai kwai a'mwe pîrî' kîrî' nyu'nadîka! Dahaa' taayavîne wapaaya nya'ne dumhaarila!"

6

Naazaretî mwaalyara "Jizaazai a'mwe naangei mîka," de!

(Matîyui 13:53-58; Lukî 4:16-30)

¹ Sabadaasi sai gannya angebanna wîya'nei wîna. Gamîrera mîdinna. ² Gamîre angebanna kyî'mava' Juyaraavîre Kwazaakegaa' yîma'nakegaa' Lotuangevi' buladaa'na yakegaa' wîjîwaakîna. Sara wîjîwaakîna yadaa'nyî a'mwe kwalaalyara wî'neva atîka maru'nareva dînyîna "Yagaala daza' a'mwe dai gawî maa'mwaka! Bewai yîwîrvanîka! Dîragînya yîya wî'nîwa'do gamîre asîraalyî gara yîwaka!" ³ Kaa'madaayai midaaka! Maarîyaa' gawaali' midaaka! Jemîzalyî Jozîzalyî Juthaazalyî Saaimonîjî saraavîre kwîya'mwei midaaka! Dava nemijîya ganyaabulaanga damwaaihava! Nemijî avaalyalyî. A'mwe naangei mîka," dînyîna ye!. Sara dînyîna yeva Jizaazare sîmunya myawîri kye' sagaa' gamînyîna sînna tîka davîna. ⁴ Sînna tîka wîda'daa'nyî Jizaazai wîdîna "Pwara Gotiyare wî'nawîjîwaakyarîne yaya' yîlaaya makimanîga!". Kîrî' gamîre kwaakeba mwaalyarajî kwîya'mwerajî gannya angevî mwaaihasajî sa gamîre yaya' mamakîlyîvanîga!." ⁵ Sara wîdîna yaka angeba saba dîragînya ya'ne aane pîni kîni mya!. Kîrî' nalaavînaka pwaina pwaina, pîrî'na pîrî'na ata kudathîwaga' tewaanya mwaalîna ye!. ⁶ Sara yesa'na dîna "A'mwe kwalaalyara nîmînyîna manyîlîmwagyîwaava!" Sara yesa'na maru'na'na ya!"

Jizaazarera wîjîwakamaraye!

(Matîyui 10:5-15; Lukî 9:1-6)

Sabanne angebanna wîjîwakamarina ya!. ⁷ Sara yakegaa' atîraai sîvîlyîrîdaasi pwaraalyara bîna kye' "Nimire yagaalya'na a'mwe pwaraaihi pimagînna

dîwila! A'mwe pwaraaihi pimagine dîwila! A'mwe yuyaihi sana sana jiła! Nîmire dîragînyabwi kyîhi'zaava'muji a'mwe yîmaka widîvisaraavî wanganapijî yîmakeraavî gîri'nakeraavî duthaaasideihîlyî. ⁸ Tusavîne gîlyîvîta maayaihi yadisarîkananyaihi dîwila! Tîka wapaaya, gîlya!, nîgwîgîlyî' mamaapinera! ⁹ Aawa. Kwaari'masîvîla dîvaazî'ma'nyîla! Baazi'ma'nya pîrîwaai mabaazi'ma'nîpinera! Sare'na yarai dîwideihîlyîra." ¹⁰ Nabaai gamîreraavî wîdîna "Angebanna yî'mavaawapijî anga gave pîrîvî dîmwaalyîla! Wapaaya'na myîri'maranamaripinera! Anga gave saba se wapijavadaasi kaanna dîwideihîlyî. ¹¹ Anga pîbanyara 'A'mweraaihi kaajîla!' mihi'za pwara 'Kîrimire yagaalya' wî'naana!' mihi'za kwara kamwaalapijî kaanna wîyagaa! 'Anga gîrikita'nanyababisaba midaaka!' dîna yakîlyî tîrya saraaihîre sîvîla warojîya purakîrasî'na yakîlyî kaanna dîwide'na angebanyara kunnyabwi yawîpî'derera. Sare' jalîkurakya'nesî." ¹² Gamîrera mi'na wî'neva pina pina yîwînadaa'na yeva a'mweraavî wîdîna "Sarîmire sîmunyabwi mudîkebwî jawîramaarila!" ¹³ Sara wîdîna yesagaa! yîmaka kwalaalyaraavî wîdaasîna yeva a'mwe nabalinakeraavî yîsiwelivananya' mînyagînyangî dîngîna yeva tewaanya wîmwaanihîna ye' gamîrera.

Jonî Bavîtaazîya Yadei bala!
(Matîyui 14:1-12; Lukî 3:19-20; 9:7-9)

¹⁴ Yuyaba a'mwera gamî yakengî dînyîdînya yadîvisa'na pîba maremwaidei Erotiyai dara wî'nake! "Sahwai nawî'nya jîvanîka!" Wî'nake' daresî. Pwara Jizaazarîna dînyîna "Gamî sai Jonînyîra. Jonî Bavîtaazîya Yadei balaka Gotîyai yîdîkaavaka savîna kwaihwaaainakei dîragînya dîvanîgînya' maaraka tewaanya saza yîvanîkelyîra." ¹⁵ Sara dînyîna kye' pwara dîne' "Gamî sai Yîlaajai kîgaakuna balyaakelyîra." Dînesavî pwara dînyîna "A'mwe sai wî'nawîjîwaakadei sînnawi Gotîyarî wî'neva a'mweraavî wîjîwakyaasarabisalyî." ¹⁶ A'mwe pwara sana sana kadîne' Erotiyai wîdîna "Jonî sahwalyîra. A'mwerî wîde 'A'mwe Jonîmî tîlinnya' doripuka!" Kude balakei daaha! tewaanya mwaali!", wîda!. ¹⁷ Sare' dare'nesî. Sahwai Erotiyaaaza' gya'mwe Pilipîmire balaanga' kwala maara!. ¹⁸ Sare' dare'nesî. Jonî wîdîna "Ja'mwere a'mwe' baa'na ma'mwaana! Sabwina Gotîyare Kîwînyabwi galazekîvaimwaa," wîdîna. ¹⁹ Sara wîdîna kya' Erotiyaaazavî sînna tîka wîda'daa'nyî Erotiyai Erotiyaaazavî yîlaaya maryaka yake'na Erotiyai a'mweraavî kudaasa' Jonîmî wîla marirakîna yeva kalavuzangevi wîmwaanihîna ye!. Jonî kalavuzangevi kamwaala' Erotiyaaazavî sînna tîka kuna wîda'daa'nyî "Jonîmî tamakîma!" dada Erotiyari' kuda' "Aawa," wîdîna. ²⁰ Sare' dare'nanyî. Sai dîna "Jonî a'mwe naangelyîra. Sahwai yîda'maraangei. Tewaanyaburi mwaaiidei," daka "Erotiyaaaza' naramakadîka!" daka Jonîmî kalavuzangevi nayaa maremwaaina. Maremwaaina yakei Jonîmire yagaalya' wî'nada sîmunya kwalaalya yawî'na yada yîlaaya ya!.

²¹ Pîgaa! Erotiyaaazavînegaa! yîma'nakegaa! Erotiyai daka "Nîwaa! nîmînyî nyîmaarakegaa! jîma'nîwaka!" daka gamîre wîdaayadîvisaraavî wîdîna "Yarala, da-haa' Kwaaka maremwaaidîvisarajî aawîlasaraavî maremwaaidîvîta naangerajî Galîli mwaalya naangerajî saraavîna tîka munne jovîrayîla daaha! sagaaka!" Wîdîna kya' Erotiyaaaza' dara wanganake! "Daha! Jonîmire balyagaa! daaka!" ²² Sara kada' tîka munne nadaapi Erotiyaaazavîre garaavaanga' bulaawi'na yaka kwarame yîna. Taaya' kwarame sara kya' Erotiyalyî a'mwerari yîlaaya yîna. Yîlaaya yîna kye' Erotiyai taayavî wîdîna "'Sare nyîjaama!' kanyîda'gîzi gîzaavîdeinyîra. ²³ Nebulya' gîthîwa 'Nîmire gîlyîvîta naange warî'. Gîlyîvîta sa Kingîyainyîreba yune tînnyabanna gîzaapalyîdeinyî,' " wîdîna. ²⁴ Sara wîdake' walyuna yaka ganaangevi wîdîna "Nîmî berî'na wîdîjîwana?"

“ Jonि Bavitaaziya Yadere minyaginya' dinya'maryaama! ”²⁵ Sara widiна kya' yime'nya'b'i taaya sa' yarai bulaawina yaka Erotyari widiна “ Dara yawi'manige. Jonि Bavitaaziya Yadere minyaginya' maara'giz'i paletiyavi waka'giz'i yarai nyijaama! ”²⁶ Widakevi Erotyai kale naanga wiadaa'nyi “ Nebulya' gitihwa, ” widake'na nabaai tiка munne nesara sara wi'nesa'na “ ‘Aala,’ nudiwidiка! ” daka²⁷ yime'nya'b'i damer+ widaasa! “ Jonि Bavitaaziya Yadere minyaginya' dalamaralingipuramaraawa! ” Widaaasakei walyuna yaka kalavuzangevi Jonimire tilinnya' woripu'na yaka²⁸ minyaginya' paletiyavi wakina yaka makulaabaka taayavina bulawijsaava!. Kabulawijsaava' taaya' ganaangeviна wijaavina.²⁹ Sagaa' Jonimirera dara wi'nesa! “ We!, Jonि mena davaimwaka! ” Deva kaanna wina yeva kilaakej'i maarina yeva kaanna makwaweva simaangevi wakina ye!

Jizaazai a'mwe kwala naanga naangeraavi wapaaya wijaava!
(Matyui 14:13-21; Luk 9:10-17; Jon 6:1-13)

³⁰ Jizaazai widaasawakera yagalaaweva ayina beva gaminyi kumi yuya sara yesa'na nabaai wijiwaakesa'na widina. ³¹ Widina yesara mwaaidapi kwalaalyara bulawi'nyaagaidiv'i wodaapi pwara bulawi'nyina yadaapi Jizaazalyi gamireraj'i wapaaya nya'negaa' mwarina. ³² Wapaaya nya'negaa' mwari yake'na gan-nyaraavi widina “ Gaveina a'mwera maayawiinna kwawaaji pigaa' kwazaaka dimwaalyila! ” Sara widina kya' sahwara gavera sipi'yavi wilamwaaidapi piwi a'mwera maayawiinna makuna ya!. ³³ Makuna yadaa'nyi a'mwe kwalaalyara tinna wanganeva “ Jizaazai gamirerari damakuvanika! ” deva anga yuyabanyara aalibumaangevi kaanyave'na kaanyave'na sahwaraavi wavilaveva a'mwera maayabanna yi'ma'na ye!. ³⁴ Yi'ma'na yevera aalibumaangevi mwaaidapi gami kwaakevak'i bwalamwaaina yaka dara wanganake! “ Kwala bwa'naanya naange! daaka! ” Daka “ O, a'mwe dara a'mwe da jilikyaaawarya sipizipiya yi'divaidei maaya yaasiwa'na mwaai-hava. ” Sara dinna yake'na gamire kale wiadaa'nyi yagaala kwalaalya gaai wijiwaakina yina ya!. ³⁵ Wijiwaakina yina kya' sawitirinyaburi gamirera binna yeva widina “ Sawisaburi menanyira. ³⁶ Dava anga mamannyika dava a'mweraavi duthana! ‘Davadaasaihi, angeburaj'i wawinyaba anga mannikkebj'i wawopiji sariminnne wapaaya nya'nehi dinyaide dimubyila! ”³⁷ Sara widina kye' sai widina “ Sarimi saihi wapaaya dumaarila! ” Widina kya' “ Nem'i gara yaaj'wo? Nigwia kwalaalya (200 kinaaya) maraaji kwaj'i girkula mubaawiya yawaaji a'mwe yuyara wapaaya maalika kanipidika! ” widina gamirera. ³⁸ “ Wapaaya gara gara war? Danganamarila! ” widina. Sai widina yakera tinna wanganamaryaaaweva ayawiinna beva widina “ Girkula dawaai dawaai da' jawinya pwaraalyi wa'di'nyi wangamwona, ” buthe' gaminyi. ³⁹ Buthina kye' a'mwe sahwaraavi widina “ Kuriyaar yangi yuyaraavi naya geva geva jawibwaramwaaihila! ”⁴⁰ Sara widina kya' piba kumi kwala naanga (100) mwaalina, piba kwala naanga (50) mwaalina, sana sana ye!. ⁴¹ Sana sana mwaalina kye' Jizaazai girkula atilya dazaj'i jawinya pwaraalyi maarakasigunyavina maranganaka Gotyarina “ Su! Wapaaya danna gimirere yaya' makimwa, ” widaka girkula gunyina gunyina yaka gamireravaivi wi'maarina a'mwe kwala naanga mwaaidapijiyaraavina yanga wimuja'ne. Nabaai jawinya pwaraai mlikina mlikina yaka yuyaraavina yanga jaapalawimuda!. ⁴² Kajaapalawimuda' tiка nyina kye' munya yunebanna kwina!⁴³ pin warina niganakesa warina kya' gamirera maarina yeva jawinya sara niganaketa maarina yeva gilya atiraai sivilyiridaa'nyi pukaalyang'i maramihyeku'na ye!. ⁴⁴ Wapaaya nesamilikaavidaasara a'mwe gavera (5000) paaiv'i taawizaniyara mwaaleva nyina ye' wapaaya.

Jizaazai aalyavi a'ba wawoke'nesi.
(Matyui 14:22-23; Jon 6:15-21)

⁴⁵ Yime'nya'b'i' gannyaraavi widina "Yarala, sipyavi wilamwaalapiji angeba Betizaaitha aalibunyav pimagi mannikebanna diwideihilyira. Wodaapiji kwala bwa'naanya davi wididehaa'nanyi 'Sarinnya angengi diwila!' Diwi nimti wilaabidera." ⁴⁶ Sara widakera wina kye' kwala bwa'naanyav "Tewaanya diwila!" widaka "Gotiyari widima!" daka mugunyangi yilaawina ya!. ⁴⁷ Yilaawina kya' sawisa' kajinna' gamirera sipyavi mwaaidapi aalibunyav tinnyyaba sipyia' wila'di'nyi gavei kwaakevak i mwaalina. ⁴⁸ Mwaalina yakei wanganake! "O, yihuta naange' tivaata'mwake'na nimrera aalyavi yisikari yarai yarai makwuya yadaapi sipyia' kavena damakuvanika!" Daka yirkunyagaa' aalibunyav a'ba ga'niguna yaka sipyia' wa'disyaba "Nimreraavi wavilavima!" yawi'na. ⁴⁹ Yawi'na yakei aalyavi a'ba ga'niguna yakeri gamirera wanganeva "Ai, gilaayai daaka!" deva "Ewi," jaka widina. ⁵⁰ Sare' dare'nanyi. Yuyara gaminyina tenna wangananna yadiv'i lika naanga yina. "Ewi," jaka widina kye' yime'nya'b'i' widina "Diraginna dimwaalyila! Nimnyira. Lika mipinera!" ⁵¹ Sara widina yakei sipyav yilamwaaina kya' yihusa' mi. Yihusa' mi kya' gamirera kumi sara tenna banganakulina ye!. Atika naanga maru'na'na ye!. ⁵² Sare' dare'nesi. Gamire diraginya'na myawiri ye!. Sahwai wapaaya gunyadaa'nyi wapaaya kwalaalya yima'nyina yakevi wanganyawalyaadaasara myawiri ye!. Aawa.

Kwaakeba Ganezaareti Jizaazai nalaavinakeraavi tewaanya yavada'gala!
(Matiyui 14:34-36)

⁵³ Aalibunyav ga'makuna yeva Kwaaka Ganezaaretina yi'mavaaweva sipyia' wila marirakinna ye!. ⁵⁴ Marirakinna yeva sipyavidaasara waidavadaapi yime'nya'b'i' a'mwe a'mwera gaminyi tenna wanganeva ⁵⁵ kaanyave'na waweva anga yuya dangi a'mwe nabalinakeraavi maramarina. Sai mwaaidisyabanna yi'binnakeraavi makabina "O sahibanna damwaalika!" deva sahibanna makabina. ⁵⁶ Sahwai anga naanga kiba anga maalika piba gazabazaba wilyiri'maa'na kya' kumi wapemubyia yadivisabanna nabalinakeraavi makabina ye!. Makabina yeva yagaala naanga widina "Nabalinakera gimore kwaabihannyav maangebari yime'nyina yipika!" deva widina kye' nabalinakera gamire kwaabihannyav yime'nyina yeva yuya sahwara tewaanya mwaalina ye' nabalinakera.

7

Juya sinnawinyaraavirebuliyi.
(Matiyui 15:1-9)

¹ A'mwe Periziyaraj yagaaikeiwijara Jeruzaalemidaasara pwaraji sara gaminyawinna yibwaramakabina yeva ² dara bwanganesa! "Gamire pwara ata girkita'nanyara asangi aalya minyara wapaaya danivaniga!" ³ Sare' dare'nesi. Periziyaraj Juya yuyaraj sara dinke'na nemti sara yaana!" Dinyina yadiv'i asangi aalya minyara wapaaya nadivitara mi!. ⁴ Sara wapemubyasiyara kunnya angevi wileva aalya minyevera wapaaya manyi ye!. Ne sinnawinyaraavirebwi kumire simunyangidaasi maalikebwina mi!. Naangebuliyi piburaj limwadiv'i "Nemire kuryara girkita'nanya nyipidika!" deva kaapvananya maa'gula paletiya aalya yina ye!.

⁵ Sara yadivisara Periziyaraj yagaaikeiwijaraj sara yikabina yeva yawaara'na "Gimore 'Ne sinnawinyaraavirebwi yaana!' majara ata girkita'nanyaj niwaniga'. Ne sinnawinyaraavirebur kaanya myamarivaniga!. Aawa. Ata girkiki'nakera wapaaya niwaniga!. Sabwi be'na yivaniga?" ⁶ Tivin'na yawaara'na kye' wida! "Aazaayai Gotiyari wi'nawijwaakadei piropetiyai sarimnyina kwaasyabwi yadivisaihirina nayaa dinikabaaibisasira.

A'mwera nayaa maangi'na nyidivaniğasa'
Kumire sümunyaabwi menyaba warı'.

⁷ Gazare yillaaya nyidivaniğasangı mu'nyivanıge.
A'mweraavirebwi yaasiwa'na wıjıwakadaapıri
'Gotıyarebulıyıra,' yawı'na yıvanıga'.

Sara dıñkesıra. ⁸ Sarımi Gotıyare yagaaikevinya yagalya'ma'manığasa'
a'mweraavirebwi nayaa lımwamanıga!." ⁹ Nabaai wıdına "Nawi'nyına Gotıyare
yagaaikevinya wası'na yadıvı' sarınnyyabwi mıdınıya'neihi yıvanığasaihılyıra.
Be'na yıvanıgava! ¹⁰ Sare' dare'nesi. Mozızai wıjaa' Gımaamaangelyı gwaangesı
sayırı nayaa kadıka dıvada'galawı'nana!' Nabaai 'Pwai yuyagaa' ganımaangerına
ganaangevinıa bırala yadei yuna balana!' ¹¹ Mozızai sara wıdına yaaka kırı' sarımi
dadıvı' 'Pwai wıdaza' "Nımwai pwai nıwaa' kırı' kamaaradıke nımirıe Kovanıya'
warıkengıra." (Kovanıya' yagaala sa' "Gotıyarına wıjaaya'neva dıñike!.") ¹² Sara
kudozı 'Kovanıya' mi'na waka'gızı gımaamaanga pwarına gwaanga kırıvına
mujaavinna!' sarımi sara dakadıvı' a'mwe sai navıka mwaaladelyı. Sara yadıvı'
'Nemırebura nemıre kaimıraayaraavı wıjıwakaana!' ¹³ Sara dadıvısa'na 'Gotıyai
wıjaake' gesıra,' yawı'dıvıtabaaibısastı. Nabaai avaalyabıta kwalaalya sana sana
yadıvısaihılyıra."

Yuya gırıkita'nanya.

(Matıyui 15:10-20)

¹⁴ Sagaa' kwala bwa'naanyavı jaka ayına jıvwaramaa'na yaka wıdına "Yuyangıhi,
nyu'napi sümunya nayaa jawırıla! ¹⁵ Mwasımagınya aane pırı' kırı' a'mwe pwarı
kulaabozı gırıka yıma'nannei mıka. Aawa. Yuya a'mwe sare kusımagınyavıdaasa
kwalyaabozı gırıka yıma'nadengıra. ¹⁶ A'mwei kadı'nakei nayaa wı'nana!"

¹⁷ Kwala bwa'naanyavı yagalya'mavaka angevı wılinıa yakegaa' gamırerıa yagaala
ke'ba'nanya'na wıdına. ¹⁸ Sara wıdına kye' wıdına "Nabaai pwarajı sarımiji
sara myawırijıwaava! 'Yuya kamaranojı mwasımagınya a'mwerı kulaabozı gırıka
yıma'nannei mıka,' myawırijıwaava! ¹⁹ Wapaaya sa sümunyaavı mulyı yade'nanyı.
Aawa. Gamıre sıngwalıkerı bwalaawına kyojı lıka wırası'na yadengıra." Sara
wıdake' "Tıka wapaaya yuya kımaaka mıka." ²⁰ Sai wıdına "A'mwere ku-
sawınyavıdaasa' walyaabına kyojı sa' gırıka yakadesıra. ²¹ Sare' dare'nanyı.
A'mweraavire sümunyaavıdaası yawıta kayaa'na naanga yına, gamı marıdaakunına,
kuka yına, a'mwerı tamakına, ²² a'mwevi ata lımwanna, gılyıvısangı wabarınna
yına, yı sınna tıka wıdaya'nebwi yına, kwaası yına, jılıkera yadıvısabaabı'
yına, tıganaarya yına, pwarına kwaası yagaala dına, bırala yına, pihadıka
yına, yı yaasiwa'yamarya yına yadıvısangıra. ²³ Kayaa'nanya yuya davura ku-
sawınyavıdaa'nyı walyaabına, a'mwere sümunyaavıdaa'nyı walyaabına kyojı gırıka
yakına yadengıra," Jizaazai wıdına ya!.

"Jizaazai dıragınaangelyı," a'mwe' wıda!

(Matıyui 15:21-28)

²⁴ Sabadaasai angeba Taayaa sabannei wına. Anga saba Kwaaka Sırıya
mannıkeba. Sai wına yakei "Aane pwai kwai aane pırı' kırı' nanyanganadıka!"
daka angevı kave mwaalına yada lıka yulya'dı'nyı kırı' a'mwera dara wan-
gane! "O, dava sahwai damwaalıka!" Mi'na kade' lıka myulyari yakelyı.

²⁵ Yıme'nyıa'bı' taaya' yımaka widevi ganaange! "Sahwai mwaalıka," wı'naka
bına yaka gamıre sıvılyıraaryaba a'mwe sa' bularutawa'na ya!. ²⁶ A'mwe
sa' Gırikıyagaala dade' Kwaaka Sırıya mwaalya Pıñızıyaraavıre' a'mwe sa'
naanga yıwaara'na "Nyıraavaangavıre munıykı yımakerı duthasaawadeigı daaka?"

²⁷ Yıwaara'na kya' Jizaazai Juyaraavı wıgaimwadei wıjıwakıyagaala wıdına

“Sinnawi kaimiraayangina wapaaya wijsaavipika! Sare! dare'nesi. Sinnawi jılıkeraavina kaimiraayangire wapaaya namarasi'nipidika!” Sa'na wıdake' sinnawi Juyaraaviwigaimwadelyira. ²⁸ Sara wıdına kya' a'mwe sa' daka “Juya'nyi mika. Maave'nyira. Jılıka sarabis'a'nyi,” daka wıdına “Yo, Naangeigi sa'na kaimiraayangire wapepwaka kabwalaraawojojılıkera yı'binyavı dalaangevi mwaalapıji maribwaranıpi'derera.” ²⁹ “Gimi nyidiwaanyavina ginnya angebanna wawo'gizi taayavı dangadera. Dahaan' yımakai taayavire munyikidaa'nyi mena wıwaka.” ³⁰ A'mwe' wı'naka gannya angebanna wına kya' taaya! yı'binyavı wa'dı'nyi dara wanganake! “Yımaka marawınaangidei mena davwalyuwaka!”

Kadıkıryai yagaala majai tewaanya yıma'na!

³¹ Anga Taaya sabadaasai Saaithonı angeburına yı'mavaawına yaka pina lavıta'na yaka Atıraalyaba angeburaavi gi'mavamaryaka aalıbunya Galılinı yı'ma'na ya!. ³² Yı'ma'na kya' gamınyawınnı a'mwe pwara a'mwe kadıkıryare taalı'mabyarı jıvwaramakabına yeva naanga wıdına “Kadıkıryare mınyagınyavı ata dıthathıwana!” ³³ Sara wıdına kye' sahwai kadıkıryarı sangineba makuna kya' gaveraai mwaaidakılıjı Jizaazai gamıre kadıkikaarı asıraai tilavalımwaga'nyına yaka asırı maagwala yınyına yaka kadıkıryare taalısarı dathakına yaka ³⁴ sigunyayına maranganaka sımuđingwaimale yaka wıdına Juyaraavire yagaalyavı “Epaata!” Yagaala sa! “Kadıka divaaso!” kadıka tewaanya wı'nyına dınikesi. ³⁵ Wıdına kya' kadıkıryare kadıka tewaanya wı'nyına yaka gannya taalısalıyı yagaala tewaanya dına sagaa!. ³⁶ Kadıkıryai tewaanya mwaaidı'nyi Jizaazai a'mwe pwaraavı wıdına “Nımi yıwe'na aane pwari kwari yagaala mudıpınera!” wıda! yagaala naanga. Dıragınnı sara wıdake sa'na wıdıwıja yesara dıragınaanga sara ye!. ³⁷ Pwara wı'neva atıka maru'nareva “Sahwai yuyangı tewaanya yıwakelyıra. Kadıkıryara nayaawı'nyıneraavı wımwaaihada taalı'mabyara nayaawı'nyıneraavı wımwaaihadei,” dıne!.

8

Jizaazai a'mwe kwala naangeraavı (4000) wapaaya wijsaava! (Matıyui 15:32-39)

¹ Yırıka sangı gamınyawınnı kwala naange! yı'bwa'nyına yeva tıka wapemaa-yara mwaaidapi Jizaazai gamıreraavına jaka jıvwararamaarakı wıdına ² “Kwala bwa'naanya dası nımtıjı yırıka daryaai dari' mwaaidori ya'na dahan' wapaaya maayaraavına kale nyıwa!. ³ Kumi mıjıka wiadaası 'Sarınnıya angebanna dıwıla!' wıdıwıja' a'mwe pwara maave keiba mwaalyarajı a'mwe pwarajı tusavı mıjıka nababalapıka!” ⁴ Wıdına yakevi gamırera yagaala ma'maa'na “Dava a'mwera mamwaalyadıvisaba aane pwai kwai a'mweraavıne wapaaya gawı maarajıwa!” ⁵ Sai yıdaangana! “Gırıkula gara gara warıka?” Sara kyıdaangana! “Atı ata purıdaa'nyi pwaraaina.” ⁶ Sara wıdına kye' kwala bwa'naanyavı wıdına “Yuyangihi, kwaakevi dalamwaalyıla!” Wıdına yaka gırıkula ata purıdaa'nyi pwaraalyangı maaraka Gotıyarı “Su! Su!” wıdaka gunıyna gunıyna yaka a'mwengıne wapaaya wijsaaya'nera gamıreraavı wijsaavına kya' sara kwala bwa'naanyavına wijsaavına. ⁷ Mi'na wijsaavına yesara jawınya pırı'na pırı'na wa'dısiya wijsaavına kye' Gotıyarı “Su! Gımirę yaya' makimwa,” wıdaka gamıreraavı wıdına “Jawınya dajı a'mweyuraavına yaga dumaarilı!” ⁸ A'mwe yuya maranyına kye' munya yınyına kya' wapaa pıni nıganakına yeta bwakuna wapaaya pıni gılya atı ata purıdaa'nyi pukaalyangı maramihe' gamırera. ⁹ Tıka wapaaya neta kwala naanga naanga (4000) mwaalesare. Mwaalesaraavı sai wıdına “A'mweihi, wapaa mi'na nıvanıgasaihi, sarınnıya

angebanna d̄wila!" ¹⁰ Sara w̄d̄ina yaka ȳme'nya'b̄! w̄daas̄na, gam̄rerari s̄piyav̄ w̄lamwaaina kya' Kwaaka Dal̄maanutaneraav̄ makuna ya'!

*Periziyara Jizaazar̄ wide! "A'mwera mwanganyadivisa' ja!"
(Mat̄yui 16:1-4; Luk̄ 12:54-56)*

¹¹ Saba Periziyara pwara gam̄nyawinna w̄laab̄na yeva "Gami sar̄ kayaa'nanya'na yaamij̄i w̄daana!" yawireva "Yidakwasanganaana!" deva w̄d̄ina "Gotiyare diraginya' maara'gizi w̄j̄iwaainya diraginya' ja! Wanganaade'na Gotiyareiḡ d̄ngaka?" ¹² Sara w̄d̄ina kye' gam̄re simunyav̄ kale wiadaa'nȳ simud̄ngwaimale yaka w̄d̄ina "Dahaal mwaaihasara 'W̄j̄iwaainya diraginya' ja!' baa'na nyid̄waava! Nebwi yihthivanie. W̄j̄iwaainya diraginya' mwanganyi jidehiliyira dahaasaihi. Arikawinyira." ¹³ Sara w̄d̄ina yakei kumi saraav̄ yarai yagalayamavaka s̄piyav̄ w̄lamwaaina kya' aal̄bunyav̄ pimagiinna makuna ya'!

*Periziyaraj̄ Erotiyalyi saraavire yagaala kayaa'nanya'nesira.
(Mat̄yui 16:5-12)*

¹⁴ Gam̄rera wapaayanna nav̄ka ȳna kye' kumi j̄i s̄piyav̄ ḡrikula gave p̄ri'na wara!. ¹⁵ Ḡrikula gave p̄ri'na wa'di'nyiyagaal gam̄i "Dinyu'nyila! Mala nayaa j̄wannyila! Periziyaraavire liwinya pamidakya'nesi Erotiyare liwinya pamidakya'nesi nayaa jawirila!" ¹⁶ W̄d̄ina kya' gam̄rera d̄nyina "Wapaaya mamaariwo'na nediwaka." ¹⁷ D̄nyina yesa'na Jizaazai yawiraka w̄d̄ina "Nem̄ wapemaayainere!", baa'na dimaniga! Kunya' myawirijivani! S̄du'maayaihi daa! ¹⁸ Tinakeihi, t̄nna mwanganyijivani! Kad̄'nakeihi, kadika mu'nyijivani! Ni'm̄ s̄innawi ye'na nayaa myawirijivani! ¹⁹ Sagaa' ḡrikula atina gunyina kye paaiv̄ taawizaniyara mi'na kane' wapaa bwakuna yake sar̄m̄ ḡilya gara garenḡ maramihe??" Sara w̄d̄ina kya' w̄d̄ina ye' "Atiraai s̄ivilyiridaa'nȳ pukaalyangi maramiho." ²⁰ W̄d̄ina kye' w̄d̄ina "Ḡrikula ati ata puridaa'nȳ pwaraalyangi po taawizaniyara kan̄wa'daa' wapaaya pininna yunebanne ḡilya gara gara maramih̄wa'daa??" Sara w̄d̄ina kya' w̄d̄ina "Ati ata puridaa'nȳ pukaalyanginyi." ²¹ W̄d̄ina yesaraav̄ w̄d̄ina ya' "Sa'na dhaa! kunya kuna myawirijivani?!"

Anga Betizaaitha tinnyaraai yuyaraai tibinyai wangana!

²² Kumi Anga Betizaaithana kȳl'mave' gam̄nyawinna a'mwe pwara a'mwe tibinyari j̄vwaramakuna yeva naanga w̄d̄ina "A'mwe dari ata d̄thathiwade'nanyi!" ²³ Sara w̄d̄ina kye' Jizaazai tibinyare asav̄ maaraka angebadaasi j̄vwaramakuna yaka gam̄re tinnyaraari maagwala wop̄na yaka gam̄re tinnyaraari ata dathiwagaka yidaanganna "P̄ri' kiri' dangamwaana?" ²⁴ Yidaanganna kya' maranganamaryaka w̄d̄ina "A'mweraav̄ dahawangamanige? Yisara kaanya yamaryivankabaaib̄ sahwaraav̄ wanganaasiwana." ²⁵ Sagaa' w̄dakere tinnyaraari ata aȳna dathiwanna kya' a'mwei diraginna kwangana' gam̄re t̄nna tewaanya kȳma'na' yuyanḡ t̄nna nayaa wangana!. ²⁶ Nayaa wangadaa'nȳ sai w̄daas̄na ya! "Ginnya angevina diwona! Anga dava aȳna mulaawiinera!"

*Pitai Jizaazarina nayaa wida!
(Mat̄yui 16:13-20; Luk̄ 9:18-21)*

²⁷ Jizaazalyi gam̄rerari sara Sizaariya Pilipaa angeburaav̄na gi'mavamarina yadaapi gam̄rereraav̄ w̄d̄ina "Ni'm̄nyina a'mwera aaihwala nyidivani??" ²⁸ Gam̄rera w̄d̄ina "Gim̄nyina 'Joni aalyav̄ bavitaaziya yakei dikavakela,' pwara dimaniga!. 'Ne Yilaajai dikavakela,' pwara dimaniga!. 'Gotiyari wi'navijiwakyaaka pwai dikavakela,' pwara dimaniga!." ²⁹ Sara w̄d̄ina kye' ywaara'na "Sahwaihi, ni'm̄nyina baariva dimanigataihilaka?"

"Kıraazıtuyaiginya'ra. Gotiyai gitħasaabakeiginya'ra." ³⁰ Pitai sara wiediña kya! sai "Naange' yihithiwa. Sa'na niminny'na aane pwar i kīrīv mudipinera!" wiediña ya!.

Jizaazai gannya daanga wivinya'na gannya balya'na wida!

(*Matiyui 16:21-28; Luki 9:22-27*)

³¹ Sai gamireraav i gaai wijiwaakina "A'mweraavine Kaimiraayainyi daanga naanga nyivinadeiny'ra. Juyaraavire a'mwe naangeraj i sipizipiya Gotiyarina mubithika yira'divita naangeraj i Kīwījaraj i sara niminny'na 'A'mwe kayaa'nanaangely'ra,' dinapiri nyiramakipi'deiny'ra. Kanyiramakapi yirika daryaaai dari' kanyavilavoj i baryainy i ayina dikaaavideiny'ra." ³² Yagaala sa' ku'maayaba aangyagaala wiediña kya! Pitai sahwar i sangyinebanna jivwaramakwoka maanga wiediña "Naangeig i, sabwi myawi'dinna!" ³³ Sara maanga wiediña kya! ginya'ma'naka gamireraav i tinna wanganaka Pitari maanga wiediña "Saataanig i, niminny i dusmaginna diwona! Gotiyai sara yawi'manikebura myawirivanig i. Aawa. A'mwera sara yawi'manigasabura yawi'maniginya'nanyi." ³⁴ A'mwe kwala bwa'naanyavij i gamireraavij i jaka wijiwwaramaa'na kya! gaminyawinna bin kye' wiediña "A'mwe kiri' a'mwe kwai 'Jizaazarareiny i. Midinima!' yawiraja! 'Niminny'ne'na myawi'munera!' dathe'na pwara 'A'mweri yita yovihirarannikeviri tamakaana!' kadapiri sai 'Jizaazarina balideiny'ra,' dozi nimirebw i yawi'dei nyimidinadely'ra. ³⁵ Sare' dare'nesi. Y i a'mwe pwai lika yoj i 'Nanyiramakipi'ka! Nimire gaalya' padaihasamaa'nima! Jizaazar i wasi'nideiny'ra,' dozi navika mwaalajai gamire kuryai kayaaka yadely'ra. Kiri' pwai 'Jizaazarina nyiramakipi'deiny'ra. Nimire gaalya' kayaaka yana!' yawi'da nimire yagaala tewaanya'na yawiraja' yuyagaa' gamire kuryai nayaa padaihasamaa'dely'ra. ³⁶ Sare' dare'nesi. A'mwe pwai Kwaaka davaki gilyivisaj i yuyaj i sangi maaroj i manyilimwagari kyoj i gamire kuryai yiwina yadely i. Sa' tewaanya' daaka! Arikewiny'ra! ³⁷ Sare' dare'nesi. A'mwere kuryai kayaaka yima'nyina kyoj i gannya kuryarina a'mwe sai Gotiyari beris i mubathelaka! Aawa. ³⁸ Sare' dare'nesi. Kwaaka davaki mwaaidivisara Gotiyarina navika yadi'vi' a'mwe' a'mwe pwari ata limwanna yade'bisarera. Kayaa'nanaangera niminny'naj i nimire yagaalya'naj i sangina 'Wagila nanevwa'nadika! Sahwar i wasi'nima!' deva yivanigasara. Nabaai divi A'mweraavine Kaimiraayai Ganimaangere byaanna diragi'na' kamaaroj i Gotiyare mamaayara ejeliya tewaanyaraj i kwalaabori wagila wivwa'nivankeraavina gami sar i wagila wivwa'nadely'ra. Saraav i wasi'nadely'ra."

9

Jizaazare kilaakeji'yaaka naanga byaannakeji'yima'na!

(*Matiyui 17:1-13; Luki 9:28-36*)

¹ Sai a'mweraav i wiediña "Nebwi yihithiwa. Dava mwaaihasaraj iya pwara divi kwaihwainakera kuna mwaalapij i mabaly i yapij i dara wangabi'de' 'Ai, Gotiyai diragi'na damaremwaalika!' Sara wangabi'dehaa'nanyi."

² Yirika daryaaai daryaaai kwavilava' Jizaazai Pitaly i Jemizaly i Jonij i saraav i maarina kya' mugunya naangevi yilaawina yilaawina yeva gavera daavina kye' pwara mamwaaly i kye' gamire kilaakej i nawi'nyaj i gavinyaj i kyalingina' kumi tinna wanganna. ³ Tinna wanganna yadaapij i gannya kwaabihannya yaaka naange' yima'nakevi Kwaakevak i mwaaidivisara yaaka sa' sara myalinginyadesira.

⁴ Yaaka naange' kyima'na' Ne sinnawinyaraai Yilaajaly i Mozizaly i saraai Gotiyarebadaasaraai yima'naabina, daavina yagila Jizaazar i wiediña kyagi dinya'na.

⁵ Sara dinya'na kye' gamirera tinna wanganna yeva Pitai Jizaazar i yaasiwa' wiediña "Nejwaakadinyaigt, nem i dava mwaaiho' tewaanyasira. Siminya dawaai dasangi yarilaana! Pir i giminnyine', pir i Mozizarine', pir i Yilaajarine' yarilaana!" ⁶ Sare'

dare'nesi. Pitai "Nimि gara dijiwa?" diна yakelyi. Nabaai sare' dare'nesi. Sahwalyi gamireraalyi sara lika naanga yesa'nanyi. ⁷ Sagaa' yiraaya' kumiñyi git'dala yirina kya' yiraayavidaasi maanguraaya! "Dathai nyibwaalivaangelyi. Yilaaya yadi kurya wikadinyalyira. Dahwari nayaa du'nyila!" ⁸ Yagaala sa' wi'neva yime'nya'b'i' dara wanganesa! "Ai, aane pwai kwarì tinnna mwanganyi, Jizaazai gavei nemijit damwaalika!"

⁹ Siyaridaa'nyi gamirerari waidavadaapi sai naanga widina "Wangamwaasa'na a'mweraavì mudipinera! Dìvi A'mweraavine Kaimiraayainyi bala'muri bainikeraayawidaa'nyi dikaa'mujahaa'na yi sagaa' duzideihilyira." ¹⁰ Sara widina kya' kumi sara a'mweraavì yagaala sa' mujwaaki. Mujwaaky'a'nera dinya'na "Bala'muri bainikeraayawidaa'nyi ayina dikaavideinyira,' ned'wake'na be yagaalavaka?" ¹¹ Sara dinya'na yeva gaminyi ywaara'na "Yagaakiwijara nedivaniga' 'Sinnawi Ne Yilaajai kabozì dìvi Kiraazitiyai bathelyira.' Savine'na baa'na nedivaniga'?" ¹² Sara wi'naka widina "Yo, dinike' sinnawi Yilaajai bozi yuyangti yavada'galadelyira. Nabaai A'mweraavine Kaimiraayainyi'na dinike' 'Yi Kwaaka davaki daanga naanga wivnadeltyira. Yi yilaaya mamari yipi'delyira.' Sare' gara yida'nikevaka? ¹³ Kiri' nim'i sainyi yihithivanige. Yilaajai mi'na bakelyira. Mi'na bakeri' kayaa'nanaangenna wiesa' Gotiyare bukuya' sara dinikabaaibisa'nesira."

Kaimalei yimaka wideri Jizaazai nayaa yavada'gala!

(Matiyui 17:14-21; Luk 9:37-43)

¹⁴ Gamire pwaraavì wiji'ma'naaweva dara wanganesa! "Kwala bwa'naanya naange' kumiñyaba mwaaidapi Yagaakiwijaraji nemirerajì maanga dathimanigava!"

¹⁵ Diña kye' yime'nya'b'i' bwa'naanya yuya' gaminyi tinnna wanganesagaa' atika maru'nareva gaminyawinna kaanyave'na beva "Naangeigi," widina. ¹⁶ Sara widina kye' sai ywaara'na "Maanga be'na dimanigataihilaka?" ¹⁷ Ywaara'na kya' bwa'naanyavidaa'nya pwai widina "Nejwaakadinyaigti nyibwaalivaangei yimaka widei yagaala majari gimiñyawinna makabiwa. ¹⁸ Yimakei galalimwanna yada kaimaleri kwaakevinna bwalamarakinna yadehaa' gamire maangevi maagwaitala yima'nada maangerika maagilaku'gilakuta yadaasi gamire kilaka yuneba diragi'nya yima'nade sagaa'. Yimakei duthaasila!' dena gimireraavì kudiwa sahwara yina yina kywaal yimakei kuna widelyira. Myi yipinere." ¹⁹ Sara widina kya' sai ma'maa'na "Dahaasaihi, malimwagyadivsaihi sariminyaba mwaala'mujit yihizwaaka'mujit sariminyine'na taanga kuna gathingaa' maarideinyaka! Kaimale dai niminyawinna dimakabyila!" ²⁰ Mi'na widina kya' makabi'na kye' yimakei Jizaazari wanganaka yime'nya'b'i' kaimaleri yikilaaka galyima'na kya' kwaakewi bwala'na yaka ginyiwannyi ginyiwannya yina kya' gamire maangevi maagwaitala yima'nyina.

²¹ Sara yima'nyina kya' sai ganimaangeri ywaara'na "Sa' garegaa' yima'nakavaka?" Ywaara'na kya' ganimaangei widina "Kaimale maalikegaa' sara yima'na! ²² Kyima'na' yimakei kwalaalyagaa' kaimalerina 'Tamakima!' daka dikevi marasti'na yada avaala kwai aalyavi marapaihina yadei. Sare' kir'i 'Nimire diragi'nya' darika!' diza' naariiminyina kale kagyozi nehigaimwana!" ²³ Sara widina kya' Jizaazai widina " 'Nimire diragi'nya' darika!' diza' pwai nayaa nyimidi'manikei sahwai yuya yannelyira." ²⁴ Diraginna sara kuda' yime'nya'b'i' ganimaangai yarai widina "Gimidi'manigevwi maalika warike'na naanga yima'nya'ne' dinya'gaimwana!"

²⁵ Jizaazai dara wanganake! "O, kwala bwa'naanya' kaanyave'na jikabivanigava!" Daka yimakeri maanga widina "Yimakeigti kadikiryaigti yagaala majai' kaimaleri be'na wimwaihina! Gamire munyikidaasi yunakaanna diwona! Ayina nabwidika!" ²⁶ Sara widina kya' yimakei jika diña yaka kaimaleri naanga galyima'na yaka bwalyuna. Sara bwalyuna kya' kaimalei baryaib'i warina kya' pwara dinya'na "Mena

baimwaka.” ²⁷ Sara dinyina kye' Jizaazai gamire asavi yiri'bwa'na kya' kaimalei sagaa' tewaanya dikaa'nna yaka daavina ya'. ²⁸ Angevi mi'na wilamwaaina kya' gamiji' gamirerari gavera mwaaidapi gamirera yidaanganna “Sahwaina yimakeri widaasanne' gara yawaajt widaasannekajnyira?” ²⁹ Yidaanganna kye' sai widina “Yimaka darina Gotiyari tibariyagaala kadapiri bwalyawodelyira. Aane piri' kiri'na mika!”

Jizaazare balyagaa'na pigasaai wida!

(Matiyui 17:22-23; Luk 9:43-45)

³⁰ Sabadaa'nyara Kwaaka Galili wavila'na. Wavila'na yadaapi “A'mwera nanyangabithika!” daka sai kave wina. ³¹ Sare' dare'nanyi. “Nimireraavi wiijwaakima!” daka widina “A'mweraavine Kaimiraayainyi pwai niminyi yikamaangeraavina kwibwaridaakwojti yikamaangera kanyiramakapiri balideinyira. Mi'na bala'mujti yirika daryaai dariki ayina dikaavideinyira.” ³² Sara widina kya' yagaala sa'na myawiryadivti nabaai, yidaanganya'na lika yina ye'.

“A'mwe naangei bewalaka?”

(Matiyui 18:1-5; Luk 9:46-48)

³³ Angaba Kaapaniyamina yimaveva angevi ayina kabulamwaale' sai gamireraavi yawaara'na “Tusavi wivanigasaihi be yagaala dimigatavaka?” ³⁴ Widina kya' sahwara yagaala majara mwaalina. Sare' dare'nesi. Tusavi dinyina “Nemiji'yi a'mwe naangei aaihwalaka? Nimi dingaka?” ³⁵ Majara mwaalina kye' walamaalaka gamire attraai sivilyiridaa'nyi pwaraalyaraavti jivwaramaa'na yaka widina “Pwai gannya simunyavti 'Sinnawinya'nyi yima'ni'ma!' yawirajai sai yuyaraavine aayaangei yima'nana! Yuya saraavina widaayadei yima'nana! Sai yawitna 'Nimi' maalikeinyira. Yuyaraavire widaayideinyi yima'ni'ma!' doziya sahwai naangei yima'nadelyira Gotiyarina.” ³⁶ Widina yaka kaimiraayamili' maaraka tinnyaba mwaaidapiyaba gannya titmunyavti maramujti'na yaka widina ³⁷ “Pwai kwai niminyina yawirojt kaimiraaya daibisamili' maaraja' niminyi nyimaaradeinyira. Nabaai sai sara nyimaarajai niminyi gaveinyi nyimaaradeinyi miti. Aawa. Nimaamaangei nyidasaabakerijti maaradelyira.”

Neya'mwelyireva.

(Luk 9:49-50)

³⁸ Joni widina, “Nejiwaakadinyaigt, nemti' dara wangamwo! ‘A'mwei gitmirre yaya' widaka yimakeraavti a'mweraavire munyikaavidaasi dathasivanaabitka!’” Sai nemijiyai miti. Savidaasi nemti' widiwo ‘Sabwi minnera maaveigt!’” ³⁹ Mi'na widina kya' Jizaazai widina “‘Sabwi minnera!’ mudipinera! Sare' dare'nesi. Aane pwai kwai nimire yaya' widozi diraginaange' yojti maalikegaa' niminyina kayaa'na widathei miti. ⁴⁰ Sare' dare'nesi. A'mwe nemire yikamaangei mamwaalyikei neminyinelyi. ⁴¹ Sare' dare'nesi. Pwai sariminyina ‘Kiraazitayarerit mijika'na aalya titka nya'ne' wiijaavima!’ doziya'na niminyina yihizaavajai. Yit sahwarina nebwi yihithwa. Gotiyai gaminyine titvikita tewaanya mujaayti yadei mika! Arikewi.”

Kayaananaangebwi a'mweraavti kayaaka yadevulyira.

(Matiyui 18:6-9; Luk 17:1-2)

⁴² “Pwai kaimiraaya damili'bisamili' niminyi nyilimwaga'demili' pwarebwi kujaawa' wala'mwaake' kayaa'nanaangesira. A'mwei sara yajarina Gotiyari sinna titka naanga widavadelyira. Sinnawi sahwai pwarebwi mujaayadi'nyiyagaa' a'mwe dari maapijti kwajti sila naange' gamire titlinnyavti timupijti kwajti aalibunyavti wivaihina kyipike'na wabana yinikesira.” ⁴³ Jizaazai yawiraka “Kayaanana nyipidika! Dikewi nulaawi'pika!” daka ke'ba'na widina “Nabaai ginnya asasi kayaa'nanyabwi yiji' kwajti

gınnya asavि woripu'na'gi ata gavesiyaigि Gotiyarebanna jılaawade'na tewaanyasıra. ⁴⁴ Kayaa'nanyabwi yiji kwajि asawaalyiyaigि yaayebanna gazagaasagaa' Dike' yida'nıvanıkevına dulaawade'na kayaa'nanaangesıra. ⁴⁵ Nabaai gınnya sıvılyası kayaa'nanyabwi yiji kwajि woripu'na'gi sıvıla gavesiyaigि Gotiyarebanna du-laawade'na tewaanyasıra. ⁴⁶ Kayaa'nanyabwi yiji kwajỉ sıvılyawaalyiyaigि Dikevına dulaawade'na kayaa'nanaangesıra. ⁴⁷ Nabaai gınnya tınnyalı kayaa'nanyabwi yiji kwajỉ gınnya tınnyalı galajıwa'mwanna'gızỉ tınnna gaveliyaigि Gotiyai maremwaaide-vanna dulaawade'na tewaanyasıra. Kayaa'nanyabwi yiji kwajỉ tınnnyaraalyiyaigि Dikevına dulaawade'na kayaa'nanaangesıra. ⁴⁸ Dika savi yuyagaa' gumılıka gılaayangи tıka nadıvısa mabalyi yipi'dengıra. Dika myigaakuri yadesıra.

⁴⁹ Sare! dare'nesi. A'mwera Gotiyare yagaalya' wı'nadıvisara tewaanna mwaabi'dere. Kayaa'nanyabwi dike'bıسابwi kyıma'noji Gotiyare diragınyabwi kujaavoji diragınya tewaanna mwaabi'dere. ⁵⁰ Saalya' nawı'nyasıra. Sa'na saalya' gırıngwıta yıma'noji nawı'nya ayına gara yadevaka? Aawa. Nawı'nya mima'nyi yadesıra. 'Nemı saala gırıngwısa'bısaina nyıma'naadıka!' dapıji nayaadımwaalyidera. Gazaizai gamınyi pwarına kwaamu'na mwaalana!"

10

A'mwera a'mwamarya wası'dıvısbwina wıjıwaaka' Jizaazai.

(Matıyui 19:1-12; Lukı 16:18)

¹ Sabadaasai sai Kwaaka Juthıya wavılavaka Aalya Jothanı ga'mavaka kwaaka saba kamwaala' gamınyawi kwala bwa'naanya mwaaidapi wıjıwaakadevaabibı' aya kını nayaadımwaalyidera. ² Sara wıjıwaakına yadaa'nyi Perızıya pwara wılaabeva "Sahwai kayaa'nanya' yana!" deva yaamıji yıwaara'na "Pwai gannya balaangevi wası'naja' sabwi tewaanna yadewvi daaka? Kayaa'na yadewvi daaka?" ³ Sara yıwaara'na kye' wıdına ⁴ "Savıne! Ne Mozızai sırıñımaangeraavi yagaala berıvi wıjaihılaka?" Sahwara wıdına "Mozızai da' dıńı! 'A'mwe pwai yawırojı "Nınnya a'mwe' wası'nıma!" dozi pıkarıyıkwıavı yagaala sa' yıdavojı gannya balaange' yunakunyayı wası'nadelyıra." ⁵ Sara wıdına kye' Jizaazai wıdına "Sarımire sımunyangı galarılavımwaaıihınyına yıwaata sabwina kıwınya sa' Ne Mozızai dıńıkesıra. ⁶ Dıńıke' sınnawı sagaa' Gotiyai yuya wakyaakegaa' Gotiyare yagaala dıńı! 'Gotiyai kwalyalyı gannya balyası yavıkaryaake'na ⁷ a'mwe pwai ganımaangelyı ganaangesı sawaari yagalya'makuna yojı a'mwe' maarına yojı ⁸ gamıre a'mwesi mwaalına yakırıyagaa' kıyoı avaalyawaalyı. Kılaaka gavejı' yıma'nikadewaalyı. Sa' dıńıke'na a'mwe pwalyı a'mwe pırisı sawaai mıka. Aawa. Kılaaka gavejısiyawaalyı. ⁹ Sarevıdaa'nyi Gotiyai kılaaka gavejısiyawaari wakake'na kwalaangei gannya bal-aangevi mwasi'nannesıra."

¹⁰ Salyı gamırerari angevi bulamwaaina kye' gamırerı a'mwevi wası'nyı'a'na yıwaara'na. ¹¹ Savıne! yıwaara'na kye' wıdına "Pwai kwai gannya balaangevi wası'noji a'mwe mudıkevi kamaarojı Gotiyai wanganoji 'Gannya balaanga ayavına a'mwe mudıkevi ata lımwamwakelyıra,' dathelyıra Gotiyai. ¹² Nabaai a'mwe' gannya kwalaangerı byenıda'makwalyuna yaja' a'mwe pwari kamaa'noji 'Gannya kwalaangerına a'mwe mudıkerı ata lımwamwakesıra,' dathelyıra Gotiyai."

Jizaazai kaimıraayangına tewaanna wıda!

(Matıyui 19:13-15; Lukı 18:15-17)

¹³ A'mweyura "Sahwai ata yımetavana!" deva gamınyawınnı kunnya kaimıraayaraavı makabına kye' gamırerı maanga wıdına "Mıpınera!" ¹⁴ Jizaazai dara wanganake! "Ai, nımırıra maanga duthıvanıgava!" Daka sınnı tıka kudava' wıdına "Nımırınyawınnı kaimıraaya bıpıka! Kumınyına kaanya marıbınera!"

Sare' dare'nesi. Gotiyai maremwaaidesa pwara kaimiraaya darabisara Gotiyari l̄mwadiv̄sara mwaabib̄'denḡra. ¹⁵ Nebwi yihith̄wa. Pwai kwai 'Gotiyareba mwaalima!' dazai 'Kaimiraayai Gotiyari yillaaya yadeibisainȳ yima'n̄w̄jainȳ,' maji kyori Gotiyare maremwaaidae nawi'nyaba mulaabi yadelȳra. Arikawinȳra." ¹⁶ Sara wīdaka kaimiraaya gannya asawaalȳ muj̄'na yaka ata yimeta'na yaka "Gotiyai ḡiminȳ tewaanna gyathelȳra," wīdina wīdina ya'!

A'mwei gilyiv̄ita naangej̄iyarinesi.

(Matyui 19:16-30; Luk 18:18-30)

¹⁷ Angebadaasai kwaakaanya wodaa'nȳ a'mwei gaminyawinna kaanyave'na wawaka "Naangelȳra," daka kwadaai gl̄laka ȳwaara'na "Nej̄waakadinya tewaanyaiḡ, 'Gotiyare yuyagaa' yuyagaa'ne gaalyabwi maarima!' da'muj̄ gara yideinyaka?" ¹⁸ Sara wīdina kya' Jizaazai wīdina "Tewaanyaiḡ, nyid̄waanya' baa'na nyid̄waa? Pwara kayaa'nanyara, Gotiyai gavei tewaanyalȳra. ¹⁹ Yagaaikeiw̄nya dara yawi'mwaa. A'mwe maramakinna! A'mwenḡi ata malimwadiinna! Kuka minna! Kwaasi yagaala majalikurakinna! Kwaasiya ya'gizi pwarenḡi kuka mamaa'dinna! Gimamaangelȳi gwaangesi giz̄kaja sara jitenḡra. Kirimire yaya' dimakila!" ²⁰ A'mwei sare wīnaka wīdina "Nej̄waakadinyaiḡ, yagaaikeiw̄nya sangi kawe'nyagaa'daa'nȳi sara mididinyainȳ." ²¹ Wīdina kya' Jizaazai wanganaka gaminȳna wīvu'nakeri wīdina "Gave piri'na gihainivan̄. Wawa'gizi ginnya gilyiv̄isa yaasa'gizi n̄gwia maara'gizi gilyiv̄i'maayaraav̄ yanga wījaava'gizi Gotiyareba warade gilyiv̄saj̄yaiḡ nyimidinnaadeiḡnȳra." ²² Sara wīdake'na a'mwere kale wiadaa'nȳi "Aala," din̄a jikurya yaka kavena wīna ya'. Sare' dare'nesi. Gamire gilyiv̄ita kwalaalya kininnakelȳ. ²³ Mi'na wīna kya' Jizaazai a'mweraav̄ maranganaka gamireraav̄ wīdina "Gilyiv̄kiraya naangej̄yara wawinya naanga yina yina yipijara kwaj̄ Gotiyai maremwaaidesa tewaanyaba kupidikerera." ²⁴ Sara wīdina kya' gamirera atika maru'nakulina. Atika maru'nakulina kye' Jizaazai ayina ma'maa'na "Kaimiraayaihi, Gotiyai maremwaaidenva wīlya'na wawinya naangesira. ²⁵ Langa lilitavalo'ma'nikeriki jilikyaawarya kaameliyai wīlaawade'na wawinya maalikesi. Gotiyai maremwaaidesa gilyiv̄ita naangej̄yai wīlaawade'na wawinya naangesira." ²⁶ Sara kuda' atika maru'na'muluna yeva dinya'na "Gotiyarebanna aai yilaawadevanaka? Aari padaihasamaaradelaka?" ²⁷ Dinya'na kye' Jizaazai kuminȳ tinna wanganaka wīdina "A'mwera yapi mulaawi yipi'dera. Aawa. Gotiya gavei kyoji wīlaawipi'derera. Sare' dare'nesi. Gotiyai yuyanna yadelȳra." ²⁸ Pitai sar̄ gaai wīdina "Yithaa, nemi yuyangi ya'mawakona ḡimidinnaabih̄o." ²⁹ Sara wīdina kya' Jizaazai wīdina "Nebwi yihith̄wa. Aane pwai kwai niminyne'naji yagaala tewaanya'naji gannya ange' gya'mwera gya'mwe ganaange' ganimaangei gannya kaimiraaya gannya wawinya ya'mawakoj̄ ³⁰ kir̄i dahaasagaa' anga kwalaalya, gya'mwe kwala naange, ganaanga kwalaalya, kaimiraaya kwala naanga naanga, wawinya naangeva' mamaari yadei midaaka! Kwaaka davaki naanga naanga maarade kir̄i niminyne'na pwara taanginya wījaavipi'de divi yima'nadehaa' Gotiyare nawi'nyaba yuyagaa' yuyagaa'ne gaalyabwi maaradelȳra. ³¹ Sa'na Kwaaka davaki pwarina 'A'mwe sinnawinyalȳra, dimanigasarina Gotiyareba 'O, aayaangemilik̄ra, dinipi'delȳra. Yi pwarina 'A'mwe aayaangemilik̄i, dimanigasarina Gotiyareba 'O, sinnawinyalȳra, dinipi'delȳra. Yi kwalaalyaraav̄na sara dinipi'derera."

Dahasaai dahaa' Jizaazai gannya baryagaa'na wīda!

(Matyui 20:17-19; Luk 18:31-34)

³² Jeruzaalem̄nera tusavi kaanya widawadaapi Jizaazai kaanya wodaa'nȳi pwara "Sabannei lika myiwaka," deva atika maru'nakulina yeva midinna yesara lika yina.

Lîka yîna kye' sai gamîreraavi pîba wîmwaaikhaka gamînyîna yîma'nya'ne'na wîdîna
 33 "Yîthaanyi! Jeruzaalemîneina yimanaawîgo. Saba A'mweraavîne Kaimîraayainyî maarapi sipîzipîya Gotîyarîna yîra'dîvîta naangerajî yagaaike'wîjarajî saraavî kanyîmarîmwaaikhori a'mwe sara nîmînyîna 'Sai baladelyîra,' jîdavapi anga naanga pimagînyaraavî (Romî mwaalyaraavî) nyîmarîmwaaikhîpi'derera.
 34 Kanyîmarîmwaaikhapi birala nyapîri maagwala nyopwasî'napîri lannaka wîlyabaalyî mala nyîramapîri nyîramakîpi'deinyî. Kabala'muri yîrikâ daryaaai darî' kwavîlavojî kwaihwaaikaneinyî ayîna dîkaavîdeinyîra."

Jemîzalyî Jonîji kîdaraai Jizaazarî yîdaanganagi.
(Matîyui 20:20-28)

35 Sagaa' Jemîzalyî Jonîji kîdaraai Sevathiyare gawaali' kwaraai saryawînna wîlaabahîla wîdîna "Nejîwaakadînyaigî, gîthakade' naarîmînyîne'na sara jîtheinaalyîra. Sara yawî'mwoi." 36 Mi'na wîdîna kyagi wîdîna "Kîrîmînyîna baarî' yîjîwa?" wîdîna ya!'

37 "Naarîmînyîna tewaanyaba maremwaala'gîzî gîmîre byaannakevi 'Pwaigî aangasavî pwaigî kwanaamevi namwaalyîta nawî'nyawaari kwalamwaalakîlyî nemî maremwaaladeinera,' sara nehithana!" 38 Sa' wîdîna kyagi Jizaazai wîdîna "Nyîdaangamanîgîlya' myawîriwaa. Daanga nyîvînade'na kaapiya sa' dînyideraaihi daaka? Nabaai daanga kihîvînojî dîragînyaraaihi daa'? Nîmîre kîlaaka yuyajîkî daanga nyîvînade'na nîmîre bavîtaazîya' nyîma'nadesîreva nabaai kîrîmîre kîlaaka yuyajîkî daanga kihîvînojî kîrîmî dîragînna dimwaalyideraaihi daaka?" 39 Sara wîdîna kya' wîdîna "Naarîmî dîragînyainaai wikîra. Wi'na yakaneinaalyî." Jizaazai wîda' "Kaapiyavî aalya nîde' savî aalya dînyideraaihîlyî. Nîmînyî bavîtaazîya' nya'de' kîrîmînyî yîhwaradesî. 40 Sare kîrî' nîmîre aangasavîjî nîmîre kwanaamevi'jî walamaalya'na nînnya wawînya' daaka! Aawa. Gotîyai yawîrojî gamî sahwai namwaalyîta nawî'nyawaai yovîrawakyaakewaa'na pwaraari wîmwaaikhadelyîra."

41 Gamîrera pwara atîraalyara sadaraai wîdahîlya' wî'nyîna kye' Jemîzalyî Jonîji sadaraarîna sînna tîka wîdavîna. 42 Sînna tîka wîda'daa'nyî Jizaazai wîjîvwaramaa'na "Yuyaihi, kaajîla!" wîdîna "Ajîmya yuyangîyaraavîrebwi yawî'mwaa'. Ajîmya yuyangîyaraavî maremwaaidîvisara 'Nemî a'mwe naangeinera,' dîdîvî' a'mweraavî marulawakîna yadîvî' mwaaiha'. Nabaai kumîre a'mwe naangera kumînyî dîragînna yadîvisarera. 43 Sabwi mipînera! Sarîmîjîyai pwai 'Nîmî a'mwe naangeinyî yîma'nîma!' yawîrojî pwaraavî wîdaayojî a'mwe naangei yîma'nadelyîra. 44 Pwai kwai 'Pwaraavîne sînnawînyainyî yîma'nîma!' yawîrojî pwaraavîre yaasiwa'wawînyai yîma'nojî sînnawînyai yîma'nadelyîra. 45 Sare' dare'nesi. Sahwainyî A'mweraavîne Kaimîraayainyî pwara nyîdaayîpi'de'na mabyîwa. Aawa. Pwaraavîre wîdaayîde'na bîweinyî. A'mweraavîre kayaa'nanyabwina mubya'na kabala'mujî a'mwera tewaanna mwaaiibîde'na bîweinyî. Kwalaalyaraavîna a'mwamînîgwiainyîra."

Jizaazai tîbînyari tewaanya yavada'gala!
(Matîyui 20:29-34; Lukî 18:35-43)

46 Anga Jeriko yî'mavaaweva sahwalyî gamîrerari kwala bwa'naanyasi sara Jeriko ya'ma'daapi Baatîmayaazai, Tîmayaazare gawaali', tîbînyai a'mweraavî "Nîgwia nyîjaama! Tîbînyainyî," dadei tu'maangebaari mwaalîna. 47 Mwaalîna yaka dara wî'nake' "Jizaazai Naazaretî mwaalyai daaka!" Daka jaka wîdîna "Ne Devitîmîreigî, Jizaazai, nîmînyî kale dînyîgaimwana!" 48 Sara jaka wîdîna kya' pwara maanga wîdîna "Madinna! Kave dîmwaala!" Maanga wîdîna kye' kîrî' jaka naanga naanga wîdîna "Ne Devitîmîreigî, nîmînyî kale dînyîgaimwana!" 49 Jizaazai sara wî'naka mudaraka pwaraavî wîdîna "Nîmînyawînna duzîvwaramaarila!" Mi'na

widina kya' sahwara tibinyari jaka jivwaramaa'na, widina "Wikira. Jivaimwanna! Gizivwaramaa'mwake' yarai dithikaaka!" ⁵⁰ Widina kye' gannya yivita tapalasi'naka yarai dikwosi'nadaavaka Jizaazaryawinna wilaabina. ⁵¹ Wilaabina kya' Jizaazai widina "Giminyina beri' yijiwa? Gara yawi'mwaa?" Tibinyai widina "Naangeig (Ravuni), 'Nimi tinna wanganima!' dena gitihawa." ⁵² Sara widina kya' Jizaazai widina "Niminyi nyilimwamwaanya'na gimore tinnyaraai tewaanya yana! Kaanya diwona!" Sara widina kya' gamire tinnyaraai tewaanya kyima'na' tusavi Jizaazai kwawa' a'mwei midinna ya'.

11

Anga Jeruzaalem Jizaazai tewaanna wilaawa!

(Matyui 21:1-11; Luk 19:28-40; Jon 12:12-19)

¹ Jeruzaalem adaihisaba Anga Bepaaza Anga Betaani mannikeba Mugunya Wolivi yima'na kye' gamire pwaraari widaasina ² "Angeba sakyiri' sakyaba wilaawakilyi yime'nya'bii' dogiya naanga saadiwinyai wila pwekinikeri wanganakilyi dogiyari a'mwe aane pwai kwai milamwaalyari wila yaarakilyi niminyawinna dimakabyila! ³ A'mwe pwai kwai 'Sabwi baa'na yivanigi?' yihithaza' dara duzila! 'Naangei sarina kugainvanikira. Nabaai mi'na kyoji sagaa' yime'nya'bii' dogiyari ayina maryasaabathelyi.' " ⁴ Mi'na widaasina kya' saraai kaanya wawagiла adusavi dogiya naanga saanyai tikuryaba mwasawti wila pwekinikeri wanganagiла wila yaarinna. ⁵ Wila yaarinna kyagi saba pwara daavina yeva widina "Baari' yivanigi? Diminya sar baa'na yaa'manigi?" ⁶ Sara widina kye' saraai Jizaazai widake' kudahi "Wikira. Dimakwila!" ⁷ Sara widina kye' Jizaazaryawinna dogiya saanyari makabina kyagi yivita mararaapaleva dogiyari yilakina kye' sahwai yivisikaavi a'ba yilamwaaina. ⁸ Sara yilamwaaina kya' a'mwe kwalaalyara "Sahwai naangeri yilaaya yaana!" dinyna yeva kunnya yivisa tusavi marakina kye' pwara "Tinna tewaanya wanganya'nengi," deva taanya kiwa'nake peda'na yeva tusavi nayaa marakina. ⁹ Nayaa marakina kye' sai yilamwaaidi'nyi sinnawnyarajti dviyarajti sara yilaaya yeva jaka widanganna "Naangeig, Gotiyai padaihasamaaran! Gotiyai Naangei githasaabake'na gaminyine yayavi biwaanyaigini tewaanna gizaavana! ¹⁰ Sinnawi Ne Deviti tewaanya nemaremwalyaakabaaibi' Gotiyarina dinemaremwaala! Maremwala savi Gotiyai tewaanna wiana! Menya ke'mwewinyaigti dnevadaihasamaaka! Su! Su!"

¹¹ Sai Anga Jeruzaalem wilaawina yaka Gotiyare angevi wilaawaka saba yuyangi tinna wangamabina yaka sagaa' sawisirina mena yima'nakegaa' Betaani anga maalikevina gamirera atiraai siviliyiridaa'nyi pwaraalyarajti kaanna wina ya'.

Jizaazai yita pihiyari wida!

(Matyui 21:18-19)

¹² Mwanyavi dikaaveva Betaanidaasara wodaapi gaminyi mijika wina. ¹³ Mijika wina yadaa'nyi keiba yita pihiyai kiwa'nakeri tinna wanganaka "Yisilya daaka?" daka kaanna wina. Yisaryabanna baka sagaa' dara wanganake! "O, kiwata gave daaka?" Sare' dare'nesi. Yita yuya yisila mya milyadi'nyi. ¹⁴ Daka yisari widina "Yisimaayaigi yuyagaa' aane pwai kwai gimore yisila manyi gyatheigini." Sara widadaasi gamirera wityna ye'.

Jizaazai Gotiyare Angevina wawa!

(Matyui 21:12-17; Luk 19:45-48; Jon 2:13-22)

¹⁵ Jeruzaalemina yimavaawina kye' Gotiyare angevi saba Jizaazai wilaabina yaka yaasaraavi maririgalaasina ya'. Ngwia yanga yinya'neraavire yibinyangiji kwaamiryaa yaasadivisaraavire namwaalisangiji marapuratawasinna yaka

¹⁶ a'mweraavi widina "Gotiyare anga davti aane pwaigi kwaigi gilyivisa

mamwa'nalota'dinnera!" ¹⁷ Sara widiina yaka wijiwaakina "Gotiyare bukuya' dinike' 'Gotiyai dara widaKE'na daaka! "Nimire ange' tibariyagaala ja'nesira. A'mwe ajimya yuyangiyara angevi wilaabapi tibariyagaala nyidipi'desira." ' Sara dinike' pwara wilaabina kyiwaa' sahwaraavire niggia mwagi'nya'neba daa dava!"

¹⁸ Sipizipiya Gotiyarina mubithika yira'divita naangeraji yagaaikiwajaraj sara wi'nadiv'i Juya naangera gaminyina "Balade'na gara yaadeinaavaka?" dinya. Sare dare'nesi. Sahwarina lika naanga yesa'nanyi. Sare' dare'nesi. Kwala bwa'naanya' wijiwaakiyagaalya'na atika maru'na'muluna ye!. ¹⁹ Sara dinya kye' sawisa' kajinna' angebadaa'nyi saliyi gamireraj bwalaawina ye!.

Yita pihiyai wijiwaakya'nesira.

(Matiyui 21:20-22)

²⁰ Mwanyav'i tusavi kaanya wodaapi yita pihiya' pwipulyaj i taanyaj i yuya yawaka balake' tinna wanganna. ²¹ Tinna wanganna kye' Pitai mi'na yawiraka sar widiina "Nejawaakyai, dangana! Yita pihiyai yagaala diraginya' widiwa'dinya mena baimwaka." ²² Widiina kya' kuminyi widiina "Gotiyari dilimwagarila!

²³ Nebwi yihithwa. Pwai mugunya' widozi 'Mugunyai dikaava'gizi saalaalyav diwahlina!' Nabaai gamire simunyav'i 'Mugunyai sara yadelyira, kalimwagaroj Gotiyai gaminyina sara yadelyira. ²⁴ Savine'na yihithwa. Tibariyagaala duthathe ginnya simunyav'i 'Gotiyai mena sara nyijaawa!', kada'gizi gizaavadengira.

²⁵ Tibariyagaalya'na daava'gizi yawi'diza! 'Ai, pwai kwai kayaa'na nyiwaka! Senna tika nyida'mwa!', sagaa! 'Gamire kayaa'nanya' mi'na marasi'niwa,' jawika! Nabaai Gimamaangei Sigunyav'i mwaalikei gimirre kayaa'nanya marasi'nade'na sara ja!

²⁶ Kir'i pwara kayaa'na gyiwaasa'na kumire yiwetawakya mamarasi'nyi yija', yi gimirre yiwetawakyanna Gimamaangei Sigunyav'i mwaalikei mamarasi'nyi yadelyira."

Jizaazare diraginya' aai wijaava'?

(Matiyui 21:23-27; Luk 20:1-8)

²⁷ Jeruzaalemna ayina wilaabina. Mi'na wilaabina kye' sahwai Gotiyare angevi kaanya bulayamaryadaa'nyi gaminyawinna sipizipiya Gotiyarina yira'divita naangeraji yagaaikiwajaraj a'mwe naangeraji wilaabeva ²⁸ widiina "Sa be diraginya yawaaihinyavaka? Yawaaihinya'na sa ya'neiginyi diraginya' aai gizaavakasiyaka?"

²⁹ Jizaazai sahwaraavi widina "Yagaala piri! yihiiwaaravima! Savi kaja'nanyidapi sara yawaaihe'ne diraginya' yihiziwaakideinyira. ³⁰ Joni aalya bavitaaziyawina Sigunyavidaasi Gotiyai duziwaakaka? Kwaakevaki a'mwera duziwaakeva? Diza'nanyijila!" ³¹ Sara widiina kya' yagaala dinya "Sigunyavidaasasira, kudawaaj 'Joni niminyina wijiwaaka'. Baa'na mu'nyetaihilaka!' nanedathika!

³² Sare' kir'i 'A'mweraavidaasasi,' madaanna! Kwala bwa'naanya' nanerabika! Sahwaraavina lika yadaa mwaaiho." Sare' dare'nesi. A'mwe yuyara yawi'na "Nebulyasi. Joni Gotiyari wi'nanejiwaakadelyi." ³³ Sara dinya yeva Jizaazar ma'maa'na "Sa'na myawirivanigo." Jizaazai widina "Nabaai manyijvanigasa'na nim'i yawaaihe'ne diraginya'na mihiiziwaakiwinesi."

12

Waainiwila wawinyaviyadivisaraavinesira.

(Matiyui 21:33-46; Luk 20:9-19)

¹ Sahwai ke'ba'na widina "A'mwe pwai wawinyav'i giraipizila maarya'na burinna ya!. Sai kurita yavikaryaka giraipiwila buridaka kavi'ninnyav'i giraipizila mwa'mwagikya'ne' likaka anga maaliki' wawinyaba banganarya'ni' madina. Mi'na madina yaka pwaraavi wida' Nimirre wawinya' maremwaalapi giraipizila

pinti yihizaavide.' Sahwara wawinya' kamaremwaale' a'mwe sai kwaaka pibanna kaanna wiña. ² Kaanna wiña kya' gitraipiziла mya yakegaal' sai gannya wawinyaawinna widaayaderi wawinyaavine sila pinnna widaasina. ³ A'mwe widaasina yakei kaanna wiña kya' wawinya' maremwaaidivisara widaayade sar galalimwanna yeva mala wirameva ayina wawinya' gyakwaryawinna simaayar widaasina. ⁴ Sara widaasina kye' gyakwai widaayade pwar widaasina kya' gamire minyaginyavi kayaaka yeva birlala yina. ⁵ Sara kye' widaayade pwar widaasina kya' sar mena tamakeva widaayade pwaraavi widaasakeraavi pwaraavi mala tamina yeva pwaraavi mena tamakina ye!. ⁶ Sara kye' wawinya gyakware pwai gawaaliavaangei yilaaya wimaryadei kuna mwaala'. Ganimaangei daka 'Nyibwaalivaangerina tewaanna yawipi'derera,' daka widaasina. ⁷ Widaasina kya' widavadaa'nyi wawinya' maremwaaidivisara tenna wanganeva din 'Sai gawaali' divi ganimaangere yuya maaradelyira. Yarala, tamakawaaji gamire wawinya' namaaradi'de'nara maraadeinera.' ⁸ Sara dinya yeva galalimwanna yeva tamakina yeva gitraipiziwawinyaadaa'nyi marasi'na ye!.

⁹ Gitraipiwawinyaav naangei beri' yadelaka? Sahwai wilaabozit a'mwe saraav kayaaka wigalakoji' a'mwe pwaraavi 'Sarimi nimire wawinya' dimaremwaalyideihilyira,' widathelyi. ¹⁰ Gotiyai dinke' pikariyikwia tenna mwanganyi yadivisa' daaka?' widina ya!. Widina yaka sahwai yawi'na "Silaangeinyira," yawiraka widina "Dara dinke'
Anga madivisara silaangeri wanganeva
"Kayaa'nanyai," dinева marasi'na yesai
Simijamaanga nawi'nyai yima'nyina ya!.

¹¹ Gotiyare sara wakin yake'
Tenna wanganona "Tewaanya!", din.'

Gotiyare bukuya' sara dinkesti." ¹² Juya naangera dara wangane! "O, neminyina ke'ba'nanya' duthiwaka!" Deve'na "Jizaazar wila yirakaana!" dinева kwala bwa'naanyavina lika yeva gaminyawi yagalya'mavaawina ye!.

Taakiziyagaalya'nesira. (Matyui 22:15-22; Luk 20:20-26)

¹³ A'mwe naanga sara Perizya pwaraj Eritiyare pwaraj saraav widaasina "Jizaazai kayaa'na widathei'na diwila! 'Kayaa'na kudozi kalavuzav wimwaihaana!' dapiri diwila!" ¹⁴ Sara widaasina yesara kaanna bin yeva widina "Nejwaakadinyaigt, 'Nebulya' dade' midaaka!' gyawi'mwo. A'mwe aane pwai kwai gitminyina divanike'na lika myivanigt. Sare' dare'nesi. A'mweraavire sinna gavevi tenna mwanganyadinyaiginyi. Aawa. A'mwe naangeraaviji a'mweraaviji avaaina widadi Gotiyarebwi gavebwi nayaa wijiwaakadinyaiginyira. Romi maremwaadei Sizaari taakiziya wijaaya na nemire yagaalkiwinya beri' dinikavaka? Tewaanya' daaka? Aawa daaka? Taakiziya wijavaadeina daaka? Mujavaanneina daaka?" ¹⁵ Sara widesara kwaasi yagaala widesaraavina yawiraka widina "Sahwai kayaa'nanyabwi yana!" yawireva yaamiji baa'na nyidawaava! Mone' tenna wanganya'neinyi dinyamaryaama!" ¹⁶ Widina kya' mi'na makabin kye' widina "Pikizaaya dasi pikarya dajt aaihwarengaka?"

¹⁷ "Maremwaadei Sizaarengira," wide' sahwara. Sara widina kye' Jizaazai widina "Sizaari Sizaare ayina duzaayila! Gotiyari Gotiyare ayina duzaayila!" Sara widina kya' gaminyina "Nawi'nyabwina dadele!" dinya ye!.

Baryara ayina kwaihwainakera dikaaya'nesi. (Matyui 22:23-33; Luk 20:27-40)

¹⁸ A'mwe Sazuziyara, "A'mwera kabalapi yuna madikaayi yipi'dera," yawiresarajîya pwara gaminyawinna beva yiwaara'na ¹⁹ "Nejiwaakadinyaigî, Ne Mozizai nedînike' A'mwe pwai kware gya'mwei balajai kaimiraavimaayai a'mwevi bwasikwoja' a'mwei a'mwe savi maaroji kaimiraaya maryawakinna, yaya'baryarîne' wîdîna yadengîra." ²⁰ Sa'na dînike' a'mwe ata puridaasi pwaraalyadaraka mwaale!. Kamwaale' siraangai a'mwevi maaraka kaimiraavimaayai gamire sivigwa'jikerînei kunei bala!. ²¹ Kabala' dîviyai a'mwe savi maaraka kaimiraavimaayai bala!. Kabala' dîviya pwai avaaina ya!. ²² Sana sana yuyara ata puridaasi pwaraalyadaraka a'mwe savi maareva kaimiraavimaayadaraka bale!. Kabale' aayagaa' a'mwe sa' bala!. ²³ Dikaasagaa' sahwaraavi kyidikaavojo' a'mwe gaware' mwaaladevaka? Sare' dare'nesi. Ata puridaasi daraalyara yuya sadaraka balaanga sa' maaresa'nanyi." ²⁴ Sara yiwaara'na kye' Jizaazai wîdîna "Sarimire simunya kayaa'na yawi'maniga!. Gotiyare bukuyasi Gotiyare diragi'nyasi myawirivanigasav'i kayaa'na yawi'manigasa'na midaaka!" ²⁵ Sare' dare'nesi. Baryara dikaapi'dehaa' a'mwera a'mwengi mamaarina, a'mwe a'mweraav'i mamaa'nyi yip'i'dengi. Aawa. Sigunyav'i balaangengi mamaaryadiv'sara mamaayara mwaaihatabaaibisarera. ²⁶ Nabaai baryara dikaapi'de'na Ne Mozizai yidayaake' yisi' dika nyaake' yagaalyav'i mwanganyijeva! Yisikidaasi Gotiyai Mozizar'i wijaal 'Daha' Eviraamimire Gotiyainyi. Daha' Aazakimire Gotiyainyi. Daha' Jaikopimire Gotiyainyi.' ²⁷ Mozizai sara yidayaake' a'mwera baleva Gotiyareba mwaaihasa'na Gotiyai wîdîna 'Kumire Gotiyainyi.' A'mwera yawi'na 'O, a'mwe bainkera.' Kir'i Gotiyai yawi'na 'Niminyine'na gaala mwaaihasara.' Sarimire yagaala kwaasi yagaalyasira," wîdîna ya!.

*Yagaaike'winya naange'nesira.
(Matiyui 22:34-40; Luk 10:25-28)*

²⁸ Yagaaike'wija pwai baka dînyina yesa' wi'naka dara wanganake' "Sahwai nayaa duthivanika!" Daka yiwaara'na "Yagaaike'winya kwalaalya warî!. Yagaaike'winya aaya sinnawinya' berivaka?" ²⁹ Jizaazai ja'nawidîna "Yagaaike'winya sinnawinya' dara dînike' Yizireliyaihi du'nyi! Naangei nemire Gotiyai Naanga gave pwainanyalyira. ³⁰ Naangei gîmire Gotiyarîna naanga gi vu'nana! Gîmire simunya yuyavij'i gîmire kurya naangeinaj'i gîmire yawita yuyangij'i, gîmire diragi'nya yuyangij'i Gotiyarîna naanga gi vu'nana!' ³¹ Yagaaike'winya aya kir'i' dara dînike' 'Gîmi saig'i gîmînyina kale gyivanike' a'mwe gîmire angeba mwaalikerîna sara kale gyana!' Yagaaike'winya dawaai naangewaalyira. Yagaaike'winya aane pîri' kir'i' yuya sawaari wavila'manika pîri' mi'!" ³² Sara wîdîna kya' Yagaaike'wiji wîdîna "Nejiwaakadinyaigî, tewaanya diwaana. Nayaa diwaa 'Gami' gave pwainanyalyi. Gotiya aane pwai kwai mamwaalyi!'" ³³ Gaminyina simunya yuyasi, munyi' yuyisi, yawita yuyasi, diragi'nya yuyaj'i, naanga nevu'nade'na tewaanyasira. Nabaai neminyina kale neyivanike' a'mwe nemire angeba mwaalikerîna kale sara neyana! Sa' tewaanyasira. Sawaai naangewaalyira. Gotiyarîne sipzipiya bulimakaawoya yuyara dika nasi'na yadeji yuya yanga wi'maarina yadaanyaj'i sa maalikengira." ³⁴ Sara wîdîna kya' Jizaazai dara wanganake' "Gami' sai tewaanya dathivanika!" Daka wîdîna "Gotiyai maremwaaidiva maavewi mamwaalyigî." Sara wîdîna kya' a'mwe aane pwai kwai myawiramaari "Nim'i lika myivanige. Yagaala pin'i yiwaaravideinyira," myawiramaari ya!.

*"Kiraaazit'iyai aaihwalaka?" Jizaazai wida'.
(Matiyui 22:41-46; Luk 20:41-44)*

35 Gotiyare Angevi Jizaazai wijiwaakakei widina “ ‘Kiraazitiyai, Gotiyai widsaaabathei Ne Devitimi Gawaalikira,’ Yagaaikiwijara sara be’na widivanigava?

36 Gotiyare Kuryari Deviti sahwai pikarya yidayaa!

‘Nemire Naangei nimire Naangeri wida’

“Naarimi yuyaraav i maremwaalakadeinaalyi.

Nimire aangasabanna dimwaaideiginyi.

Gimire sivilyiraari yikamaangeraav i marulawakidehaa’nanyi.” ’

37 Deviti sahwai Kiraazitiyarina ‘Naangelyira,’ sara dinike’na gamire gawaaliavaangi gara mwaalika!” Sara widina kya’ kwala bwa’naanya wi’neva yilaaya ye’!

Yagaaikiwijaraavirebwi.

(Matyui 23:1-36; Luk 11:37-54; 20:45-47)

38 Sara wijiwaakina “Yagaaikiwijia pwaraavirebwi mipinera! Mala nayaajiwannyila! Kumi sara yilaayabwi ‘A’mwera yawipi! “Sara sidu’nakera mwaaihava!” ’ deva yivita gaala saaminya’ marabwaayeva kaanya yamarivvanigasabwi. Mubyabanna a’mwera ‘Naangeigi. Tewaanyaigi,’ widivanigasabwi. **39** Lotuangevi naangeraavire namwaalyisang mwaaimanigasabwi. Ti ka munnegaa’ nawi’nyaba gaveba nivanigasabwi. Sabwina yilaaya marivaniga’. **40** Sara yivanigasara yaanyiwaakengire angengi kuka yuna maa’manigasara. A’mwera ‘Kumi sara tewaanyarera,’ yawirya’nera tibariyagaala naanga kwaasi widivaniga’. Sara yivanigasaraav i Gotiyai naanna jidavadera daanga naanga wivinaderera,” widina ya’!

Yaanyiwaake’ Gotiyari nigwia wijaava!

(Luk 21:1-4)

41 Gotiyare angevi nigwia wakya’neba aya kiba Jizaazai mwaalaka a’mwera nigwia wakesangti tinna wanganna. Tinna wangadaa’nyi a’mwera gilyivita naangejiyara nigwia naanga kwake! **42** yaanyiwaake’ gilyivimaaya’ baka nigwia maalikikaai wakinna. **43** Sara wakinna kya’ sai gamireraav i jivwaramaa’na yaka widina “Nyu’nyila! Nebwi yihithiwa. Yaanyiwaaka gilyivi’maaya da’ Gotiyari naanga wijaawaka. Pwara maalit’na wijawaava. **44** Sare’ dare’nesi. Sahwara nigwia naange wakiwaasa Gotiyai wanganaka nabaai nigwia naanga naanga kumire angengi kuna warike wanganaka divani’ ‘Yanga maalikesira.’ A’mwe’ nigwia maalikikaai wakiwakevi Gotiyai wanganaka dara wangamwake! ‘Ai, a’mwe sa’ wiganiwake’ gannya yuya dakiwaka! Nigwia pin’ wapaaya mubya’na mwarijika!’ Daka divani’ ‘Yanga naangesira.’ ”

13

Gotiyare ange’ kayaaka yinya’ne’na widake’nesi.

(Matyui 24:1-2; Luk 21:5-6)

1 Sai Gotiyare angevi bwalyodaa’nyi gamire pwai widina “Nejijaakadinyaigti, dangana! Sila anga tewaanya sangi dangana!” **2** Jizaazai widina “Anga tewaanya dangi mwanganyijvanigina? Silaanga a’ba yila’di’nyiya’ kunewi mwari yadesi. Arikewi. Yuya wo’dalayiwinasip’tengti.”

Daangegaa’nesira.

(Matyui 24:3-14; Luk 21:7-19)

3 Divi sagaa’ Mugunya Woliv’ sai mwaaidi’nyi Gotiyare Ange’ pihiri mannadisi wangadaa’nyi a’mwera mamwaalyaba Pitalyi Jemizalyi Joniji Ediruyalyi sara yawaara’na **4** “Dinedana! Dawaanya sa’ Gotiyare angevi na gathihaa’ yima’nadevaka? ‘Jizaazai sara nedake’ yarai yima’naabazi!’ be wijiwaainya’ wanganawaajti

yawiraadevaka?" ⁵ Mi'na ȳwaara'na kye' Jizaazai gaai w̄dina "Sarim̄i mala nayaa j̄wannȳla! Pwai kwai kwaasi yagaala nayih̄thathika! ⁶ A'mwe kwalaalyara niminyine yaya' maarapij̄i w̄dipi'dera 'N̄mi sahwainȳra. K̄raazit̄iyainȳra.' Sara kadapij̄i a'mwe kwalaalyara 'Nebulyas̄ra,' dapi kuminȳi a'mwe kwaasiyaraav̄i midib̄i'derera. ⁷ Nabaai malyanginaj̄i malyangine ȳhukyagaalyanginaj̄i wi'napij̄i yawita kwalaalya mipinera! Aawa. Sa ȳma'nanne'na k̄ri' Kwaakevak̄i aaya' yarai yade' mi'. ⁸ Sare' dare'nesi. Anga naanga pimaginyara anga naanga pimaginya pwaraj̄i mala bwa'nip̄i'derera. A'mwe naanga kinḡya pwarera a'mwe naangai kinḡya pwarerari mala bwa'nip̄i'derera. Kwalaalyaba w̄ninya yadenḡra. Mij̄ka naanga ȳma'nadenḡra. Yuya yuya sa ȳbwasiñapi d̄vidaas̄i kayaa'nanya ȳma'nadehaak̄ra. ⁹ Kayaa'nanyara kayaaka nayihigaibi'de'na nayaa jawirila sarim̄i saihi! Pwara sarim̄inȳi w̄la ȳrakapij̄i kaajoliyaraav̄i ȳhimaarij̄i'dere. Lotuangenḡ ȳhirabi'deih̄lȳi. N̄minyina Ga'maaniyaraavij̄i a'mwe naangeraav̄i kinḡiyaraavij̄i kih̄mwangapij̄i sarim̄i yagaala tewaanya' nebulya'na d̄zalikurakyide'nanyi! ¹⁰ Got̄yai yawirake'na a'mwe aj̄mya yuyangiyara gazabazaba mwaaihasaraav̄i Got̄yare yagaala tewaanya' s̄innawi kuj̄waakapij̄i d̄vi aaya'na ȳma'nadehaak̄ra. ¹¹ W̄la ȳhirapij̄i kotiya yadiv̄ita angev̄ina ȳhimarimwaaishya'nera kih̄makabapij̄i sarim̄i yawita kwalaalya mipinera! 'N̄mi gara w̄di'deinyaka?' myawip̄inera! Aawana. Sagaa! Got̄yai yagaalya' sara kȳhizaavoji dathaza' sara duzideih̄lȳra. Sare' dare'nesi. Sagaa! sarim̄i duzideihi mi'ka. Aawa. Kurya Tewaanyai sara w̄dathelȳra. ¹² A'mwe pwai d̄na 'Nya'mweri tamakiipi'de'nanyi,' dozi gya'mweri kot̄ya yadiv̄isabanna w̄marimwaaishadelȳi. Nabaai gan̄maanga pwai gannya kaim̄raayari w̄marimwaaishadelȳi. Kaim̄raaya pwara kuv̄in̄maangeyuraav̄i kot̄yabanna makuna ȳpi'de yuya baib̄i'denḡra. ¹³ N̄mire yayav̄ina ȳhyawi'div̄i'saih̄ri'na a'mwe yuyaraav̄i s̄inna ti'ka w̄idavaderera. K̄ri' a'mwe pwai n̄minyina diraginna daavajar̄i aayagaa! gannya barya'negaa! Got̄yai padaihasamaaradelȳra."

Kayaa'nanaange' kayaaka ȳgaide'nesi.

(Mat̄yui 24:15-28; Luk̄ 21:20-24)

¹⁴ Yagaala da' ȳdavide'na nayaa jawirila! Sahwai w̄dina "Kayaananaangei kayaaka ȳgaidei saba madaayi yajava kadaavoji danganyideih̄lȳi." P̄ikarya sav̄ wangana'ḡizi Jizaazare yagaala sa' jawiramaaka! "Daa'disi Juth̄ya mwaalyara mugunyangina yarai li'kaanya w̄pi'ka! ¹⁵ A'mwe pwai namwaalikwaasav̄i mwaaloj̄yai 'Angevi ḡilyiv̄ita kin̄i w̄lamaarima!' majai yarai li'kaanya w̄ina yana!. ¹⁶ A'mwe pwai wawinya ȳvanikei gannya angev̄ina ȳiv̄ita maaryal'nei aȳna mabannelȳi. ¹⁷ Dazagaasagaa!, we!, a'mwe kaim̄raavimunnakenge! We!, aamunya w̄jaavanigave sagaake! ¹⁸ 'Bur̄ke' nabwalaradika! Ȳri'lya' nanedathika!' dapij̄i t̄bariyagaala duzi'la! ¹⁹ Sare' dare'nesi. Sagaa'na a'mweraav̄i daanga naanga w̄vinadehaak̄ra. Daanga naanga nevinaja sagaa'kayaananyagaak̄ra. S̄innawi Got̄yai wakyaakegaasi k̄gaasi dahaa' k̄gaasi w̄la d̄vi k̄gaasi daanga sabwi aawano. Ar̄kewi. ²⁰ 'Ȳri'ka sa daanga naangegaa' yesimavadima!' Got̄yai yagaala sara maj̄i yaja' a'mwe yuya k̄laa'nake mamwaalyi ȳpi'denḡra. Aawa. ' "N̄mire dahilakiwera nabaib̄ithika!" dena n̄im̄i yesimavadima!' Got̄yai d̄na ya!. ²¹ Sagaa! pwai kwai git̄haza! 'Dangana! Dava K̄raazit̄iyai mwaali!', nabaai git̄haza! 'Dangana! Keiba mwaali!', sarim̄i mu'nip̄inera! ²² D̄vi kwaasi kwaasi K̄raazit̄iyara, Got̄yar̄i wi'nawij̄iwaakadiv̄ita kwaasi kwaasiyara kum̄i sara kwaasi yawiradid̄vi' w̄laabapij̄i dapij̄i 'Got̄yai dahilakakera yawip̄i'de' dingaka? Kwaasi yagaala w̄nip̄ika! Kayaa'na ȳpi'ka!' w̄ij̄waainyaj̄i at̄ka maru'nataj̄i kwaasi ȳpi'derera. ²³ Sara ȳpi'de'na sarim̄i saihi tewaanna nayaa divaihanarȳla! Mala nayaa j̄wannȳla! D̄vi yuya sa ȳma'nȳna yadenḡna s̄innawi sagaa' ȳhith̄vanige.

“A'mweraavine Kaimiraayainy i walaabideiriyi, ”widake'nesi.
(Matyui 24:29-31; Luk 21:25-28)

²⁴ Sare! kiri! sagaa! daanga naanga wivinade sasa! tivi'na kyoji yirika sangi nyiliyai mujt kyoji jihinya yima'nyina, nabaai lawei mujt yadelyi. ²⁵ Sigunyavidaasi silingaaminyarika piri! bwala'na, piri! bwala'na, sigunyavi diraginya warikevi wintinya naange'na yima'nadesi. ²⁶ Wintinya kyoji A'mweraavine Kaimiraaya yiiraayavi diraginya naange', tewanya naange', byaanna naange' wa'doziyavi kwalaaboz wangabi'delyira. ²⁷ Sahwai ejeliyaraavi widaasina 'Nimire dahilakengi Kwaakevaki yuneba pimagi pimagi akyamwidaa'nyi akyamwidaa'nyi kwala dalmari'bwarawila!' widaasabina yadelyira."

Aayagaa'na yita wijiwaakya'nesira.
(Matyui 24:32-35; Luk 21:29-33)

²⁸ "Yita pihya wanganapiji ke'ba'nanya sa! jawirila! Pihitaanyavi wivya naanga kyoji sedala pwa'nyina yojiyagaa' sarimi yawidivii 'Pihya! li'mwa!. Nyiliyagaa' aya kigaa' yima'nadehaaki.' ²⁹ Sara yawidivitabaaibii' sarimi diwe sangi yipi'dengi wanganapiji dara jawirila! 'Gami mi'na yarai walaabathei. Tikuryavi daavi!.'

³⁰ Nebulya'na yihithiwa. A'mwe sagaa' mwaalyara kuna myimanigwiadapi yuya diwe sa yima'nadehaa'nanyi. ³¹ Sigunyas Kwaakevasi savakaai divi sagaa' kiwawoj kiri! nimire yagaalya' yiwawode' mi!. Waragothesira."

Aayagaa'na yuyara myawiryarerera.
(Matyui 24:36-44; Luk 17:26-30,34-36)

³² "Yirika walaabide sagaa'na aane pwai kwai yawiradehaa' mi!. Ejeliyara Gotiyareba mwaaihasara myawirivaniga!. Gotiyari Gawaalivaangai myawirivanii!. Nimwai gavei yawi'mani!. ³³ Sarimi mala nayaa jiwannyila! Sare! dare'nesi. 'Sagaa' gathihaa' yima'nade' dingaka?' myawirivanigo. Sare'na divaihanaryila!

³⁴ A'mwe daibisainyira. A'mwe sai piwinnei gannya wawinyaangi widaayadivisaraavi maramwaaihina kumire wawinya'na, pwai gannya wawinya wijiwaakina, pwai gannya wawinya wijiwaakina sana sana yaka tikuryaba mwaaiidei damerit widina 'Nayaa divaihana!!' widiwakelyi. Sahibaaibi' yihithima! ³⁵ 'Sarevdaa'nyi nimireihi, nabaai nayaa divaihanaryila!' Sare! dare'nesi. Angevne naangerina yawi'na 'Gami gathingaa' bathei dinga!!' myawirivanigo. 'Sawisavi bathei dingaka? Kalawawegaa' bathei dingaka? Yirkunyagaa' bathei dingaka? Yirike byaaka gaai yadaaworiyaga' bathei dingaka? Nemt myawirivanigo,' dapi nayaa divaihanaryila! ³⁶ 'Nimi yime'nyabi' yima'naaba'mujt yarai walaabide'na se wa'dapi nayihwangamudi!'

³⁷ Nabaai nimirerajt kayaa'na nabaibithika' dena yihithivanige sa'na a'mweraavi widaivanige 'Nayaa divaihanaryila!'" widina ya! Jizaazai.

14

"Jizaazai balana!" desa'nesi.
(Matyui 26:1-5; Luk 22:1-2; Jon 11:45-53)

¹ "Sawita daryaaai kajinnoji tika Pari'ma'munne'naji tika munne Girikula liwinya pamidakina myade'naji naadengira," Juyara dinya. Sara dinya kye' sagaa' sipizipiya Gotiyarina mubithika yira'divita naangerajt Juyaraavire Yagaaikiwijarajt dinya "Nemt lika gavabi' yulyarawaaaji wila yrawaaaji tamakaade'na sahwar?" dinya ye!. ² Sare! dare'nesi. Sahwara dina "Tika munne sagaa' a'mwera mala nanerabika! Sagaa' sarina mwaalana!"

A'mwe' Jizaazar wabatirinya winya'ne' dinga!
(Matyui 26:6-13; Jon 12:1-8)

³ Sai Anga Betaani mwaalaka Saaimoni Samatanakere angevi wiliна wapaaya nya'nei walyamwaaidisі a'mwe' wilaabina. A'mwe' simaa'gula nawi'nya wabatirinya naathі tiriya winya'ne mubyia naange yake' yi'nikesi makulaabina. Makulaabina yaka simaa'gulya' ting'i'na yaka gamire mi nyagi nyavи ding'na ya'. ⁴ Tivil'na ding'na kya' pwara simunyangi sinna tika wida'daa'nyi dinyina "Wabatirinya winya'ne' be'na wasi'niwaka!" ⁵ Sare' dare'nesi. Wabatirinya sa' kinaaya kwala naanga naanga (yirika 300 wawinya'ne niggwia) mubazi kwajи a'mwe niggwimaayaraavи niggwia kujaavadika!" Dinyina yeva "A'mwemil'i'g'i baa'na yiwa!" maanga widina. ⁶ Maanga mi'na widina kye' Jizaazai widina "A'mwe' mwaalana! Sara baa'na widivanigava! Ni'minyina tewaanya nawi'nya' nyi'wakesira. ⁷ Sare' dare'nesi. Sariminyaba yuyagaa' a'mwe niggwimaayara mwaaidiv'i 'Wawinya maayaraavi tewaanya wideinyi, yawirapiyagaa' tewaanya jideihilyira. Wawimaayara yuna mwaaidiv'i kir'i ni'mi sariminyaba yuyagaa' mamwaalyi yideinyira. ⁸ A'mwe sa' yanne'na yiwa!. Dahaa' ni'mire kilaakejik'i kanyiding'iwa' dividaasi wabatirinakeinyi balideinyira. ⁹ Nebulya'na yihihiwa. Kwaaka yuyavakaavi yagaala tewaanya' widipi'devakaavi a'mwe' nyinike' gaminyi yawipi'de'na wijiwaakipi'desira."

Juthaazai da' "Jizaazare yi'kamaangeraavi widima!"
(Matyiui 26:14-16; Luki 22:3-6)

¹⁰ Sagaa' gamire a'mwe ata yuyiraai sivilyiridaasi pwaraalyara mwaaidiv'i a'mwe gavei Yizikeriyotiyai Juthaazai wo'nikei mwaaida "Kum wila yrakipi'de'na widima!" daka sipzipiya Gotiyarine tamira'divita naangeraayawinna wina. ¹¹ Mi'na wawaka yagaala widina kya' kumi yilaaya marina yeva "Giminyna niggwia gizavaana!" widina ye!. Mi'na widina kye' yawi'na "Kum Jizaazari wila yrakipi'de'na ni'mi gara yideinyaka?" Yawiraka kuna yawi'na ya!.

Jizaazalyi gamirerajи tika munne ne!
(Matyiui 26:17-25; Luki 22:7-14,21-23; Joni 13:21-30)

¹² Munne Girikula liwinya mamiyyade' gaai yi'ma'nyi'na kya' sagaa' Pari'ma'munne sipzipiya divinyari Juyara tadivisagaa' gamirera widina "Nem kwallaajи gimi Pari'ma'munne sipzipiyari dinade'na gava yovrawakaajiwona?" ¹³ Sara widina kye' gamireraari widaasina ya! "Angeba wilakiri a'mwe pwai aalitalya' kinya marina yi'wakeri duzima'naawila! Wiji'ma'naawakiri angevi wilaawadevanyari dimidinyila! ¹⁴ Saba angesiyari duzila! 'Gotiyare yagaala wijiwaakadei gitthivan'i "Gavi ku'dika yarinikevi se wa'deva gavanaka? Pari'ma'munnevi ni'miji ni'mirerari naadevanyira." ¹⁵ Kirimi sara kudakiri gavi ku'dika naanga munyaba yarinikevi neminyine namwaalyitaji taivoliyajи warikevi yihibwaridaakkadevi neminyina wapaaya jovrawakyila!" ¹⁶ Tivi'na widaasina kya' gamireraai wawagiла angeba wilaawina yagiла dara wanganagi'ya "Jizaazai sara nehihiwake dari!!" Mi'na yawiragila Pari'ma'munne yuya yovrawakina yagi. ¹⁷ Sawisa' mena kajinna' sahwai gamirerari bi'na ya!. ¹⁸ Bi'na kya' wapewakamaranyavina asirajи dihaihit'na yadivi' namwaaidapi Jizaazai widina "Nebulya'na yihihiwa. Sarimijija pwai ni'minyina yi'kamaangera wila nyirakipi'de'na nyimari'mwaaikhadei ni'miji wapaa ni'vanigolyai ni'minyina yi'kamaangeraavi widathelyi." ¹⁹ Sara widina kya' kumi'nyi kale wiadaa'nyi pwai widina "Ni'mi daaka? Ni'mi dingaka?" pwai widina "Ni'mi daaka?" yuyara sana sana widina. ²⁰ Mi'na widina kye' sahwai widina "Atiraai sivilyiridaasi pwaraalyaihilyiya pwalyi girikula maa'gula gavevi diwlavani'vanigolyalyira. ²¹ Gotiyare bukuya' dinikabaaibisa'na 'A'mweraavine Kaimiraayai barya'nei wawadelyira.' We!, a'mwei A'mweraavine Kaimiraayarina

yikamaangeraav! w̄idathele! Sara kyoj a'mwe sar̄ ganaange' mamaari yaj̄ kwaj̄ tewanya kyad!!"

Jizaazai aalya waainiya' ḡirikula w̄ijaava!

(Mat̄yui 26:26-30; Luk̄ 22:15-20; 1 Korid̄ 11:23-25)

²² Kum̄ nadaapi Jizaazai ḡirikula maaraka Got̄iyari w̄ida! "Ḡim̄re yaya' makimwa. Su! Su!" Mi'na w̄idaka gunȳna gunȳna yaka w̄ijaavaka w̄idina "D̄imaaryila! Da' n̄im̄re k̄laakejik̄ra." ²³ W̄idaka kaap̄ivananya' maaraka Got̄iyari "Su!" w̄idaka w̄ijaavina kya' kum̄ sara yuyara pwai nȳna pwai nȳna ye!. ²⁴ Mi'na nȳna kye' w̄idina "Waainiya' mi'na n̄waasa' ȳi, w̄il̄mwagar̄kebur̄ne n̄im̄re tawe' n̄waasast. N̄im̄re tawe sa' ḡiraḡre a'mwe kwalaalyaraavina bwalaravadesi. ²⁵ Nebulya'na yih̄th̄vanige. Aalya waainiya' ḡiraip̄w̄ilyavidaasa' aȳna manya'muj̄ Got̄iyai maremwaaideva waainiya mud̄ke' n̄idehaa'nanȳ. Ar̄ikewinȳ." ²⁶ T̄vi'na w̄idina kya' ȳledaata p̄iri'na deva Mugunya Woliv̄na kaanna w̄na ye!.

"N̄im̄nȳna Pitai 'Maavelyi,' w̄idathelȳra."

(Mat̄yui 26:31-35; Luk̄ 22:31-34; Joni 13:36-38)

²⁷ Jizaazai w̄idina "Sar̄imi l̄ika yapi n̄im̄nȳ d̄inyagalya'makwideih̄lȳra. Got̄iyai dara d̄in̄kesi. Sip̄zip̄ya ȳi'd̄ivaideri karamaka'muj̄ sip̄zip̄yara l̄ikaanya ȳiw̄nadaapi'derera. ²⁸ Sara jide k̄iri' n̄im̄ kabala'muj̄ kanyad̄kaavoji Gal̄ilineinȳ sinnawi ȳhibwaramakwaanideinȳ waanidera." ²⁹ Sara w̄idina kya' Pitai w̄idina "A'mwe yuyara kyaḡhalya'makwopi n̄im̄ aawa!" ³⁰ Jizaazai w̄idina "Nebulya'na ḡith̄wa. Saw̄ta dahaasagaa' n̄im̄nȳna 'A'mwe sar̄ mwanganyainȳra,' duthatheiinḡnȳra. Dahasaai dhaaa' kada'ḡizi kukuraayai yagaala p̄iḡasai datheleȳra." ³¹ Sara w̄idina kya' yagaala d̄raḡinna baz̄iw̄na "Ḡim̄nȳna 'A'mwe sar̄ mwanganyainȳ, maj̄ ȳw̄ija' neh̄ramak̄pi'deinaalȳra. Ar̄ikaw̄t." Gam̄ sara w̄idake' yuyara sara w̄idina ye!.

Gazamani saba Jizaazai t̄bar̄yagaala w̄ida!

(Mat̄yui 26:36-46; Luk̄ 22:39-46)

³² Yaayeba Gazamani wo'n̄ikebanna w̄na kye' sai gam̄reraav! w̄idina "N̄im̄ t̄bar̄yagaala w̄idadaa'muj̄ dava dalamwaalȳla!" ³³ Pitalȳ Jem̄zalȳ Jon̄iji saraavi p̄ibanna makuna yaka l̄ika kya' gam̄re kale dus̄na ḡnȳwanna'na kya' ³⁴ kum̄nȳ w̄idina "N̄im̄re kale dus̄na nȳiḡnȳwanna'mwake' bal̄deinȳ dingaka? Dava mwaalap̄ji d̄vaihanaryi!" ³⁵ Sara w̄idina yaka sangir̄na wawaka kwaakevinā wala'na yaka t̄bar̄yagaala w̄idina "Daanga nȳiv̄nadehaa'na ḡith̄wa. N̄im̄nȳna 'Daanga mav̄inanner!' d̄iza' daanga nȳiv̄nya'ne' mȳma'nȳ yana! ³⁶ Tataai, N̄mwai, d̄raḡinaangeigt, yuya nayaa ȳinneiḡnȳra. 'Daanga nuv̄inad̄ka! Sabwi maras̄i'n̄ima!' d̄iza' d̄maras̄i'na! K̄iri' simunya n̄im̄rebur̄daasi minnera! Aawa. Ḡinnyabur̄daasi ja!" ³⁷ Aȳna baka dara wanganake' "Se dakava!" Daka Pitar̄ w̄idina "Saaimoni, se dak̄? Maal̄kegaa' mabaihanarij̄waa? ³⁸ Sar̄imi t̄bar̄yagaala d̄thavaihanarila! 'Saataani kayaa'na naneyad̄ka!' majaihi 'Nem̄ nayaa baihanaraana!' kuryaraav! yaw̄i'maniga'. Sar̄im̄re k̄laakejik̄ki maa'na naanga ȳihimanike'na se wa'mwaa'." ³⁹ Sara w̄idaka aȳna wawaka t̄bar̄yagaala w̄idake' ayaw̄daasi w̄idina. ⁴⁰ Mi'na w̄idina yaka aȳna baka dara wanganake' "Se dakava!" Sare' dare'nesi. Kum̄re t̄innya se'na ȳdaakwe!. Sara kada' kum̄ d̄na "Nem̄ ber̄i w̄idaaz̄wona?" deva nav̄ka mwaal̄na ye!.

⁴¹ Dahasaai dhaaa' yagalaawaka w̄idina "Kwazaaka se wa'man̄gasaihi daaka? Mi'nanȳra. Ȳthaanȳ, dhaaa' kȳma'n̄iwa' A'mweraavine Kaim̄raayaainȳ tamakya'na pwai kayaa'nanyaraav! malya'neraav! mena wibwar̄daakuwaka!

42 Dîthaayîla! Nemî wîrata'naana! Yîthaanyi, nîmînyîna yîkamaangeraavî wibwarîdaakwakei yînî!"

Jizaazarî wîla pwîye!

(Matîyui 26:47-56; Lukî 22:47-53; Jonî 18:3-12)

43 Sagaa' wîdadaa'nyî yîme'nya'bî' Juthaazai a'mwe atîraai sîvîlyîrîdaasi pwaraalyarajîya pwai bîna. Gotîyarîna mubîthîka yîra'dîvîta naangerajî Juyaraavîre Kîwîjarajî Juya naangerajî sara wîdaasîna kye' kwala naanga mwaalevera kwaari'masîramînya, kîliyî'gwahaalya lîmwanna yevera Juthaazalyî bîna ye'.

44 Sînnawî sagaa' yîkamaangeraavî wibwarîdaakwakei wîjîwaakakei "Nîmî yîlaaya mariwijai sahwalyî. Nayaa lîmwagapijî nayaa baihana'dîvî' dîmakwila!"

45 Sara wîjîwaakakei baka yîme'nya'bî' gamînyawînna wîjîmaatavaka wîdîna "Naangeigî!" Tîvi'na wîdaka yîlaaya marina ya!. **46** Yîlaaya marina kya' aawîlasara ata galalîmwanna yeva wîla yîrîna. **47** Wîla yîrîna kye' daavesarajîya Jizaazarei akwai, kwaari'masîramînya' maaraka sipîzipiyya Gotîyarîna Yîra'de Naangere yaasîwa'wawînyari yîrî'gainyîna yaka gamîre kadîkiki lihîwî'na ya'.

48 Sara kya' Jizaazai malya'neraavi wîdîna "Kuka yîpalamaa'dînyainyî daaka! Kwaari'masîramînyajî kîliyî'gwahaalyajî lîmwanna yeva 'Yîpalamaa'deibîsari wîla yîraana!' deva davîvanîga!! **49** Gazagaasagaal yîrikeryaavî Gotîyare Angevi sarîmîjî mwaaidî yîhîzîwaakadînyagaa' wîla manyîryadîvisaihîlyî. Aawa. Sa'na kîgaakuna Gotîyai dînîke' yune'na yîma'nana!" **50** Tîvi'na wîdîna kya' gamîrerâa yagalya'ma'na yeva lîkaanya wîna ye'.

51 Mîgînya akwai kwaabîhannya pîrî'na yewaa'bwa'nakei mîdînna kya' pwara kwaabîhannya' galamwagi'nyîna kye' **52** kamagaduyîvale' kannyîmaayai kaanyave'na wîna ya'.

A'mwe naangeraayawî Jizaazai mwaala!

(Matîyui 26:57-68; Lukî 22:54-55,63-71; Jonî 18:13-14,19-24)

53 Jizaazarî Gotîyarîna Yîra'de Naangeryawînna makuna yadaapijî Gotîyarîna yîra'dîvîta naangerajî Juya naangerajî Juyaraavîre Kîwîjarajî yî'bwa'nîgavîna.

54 Yî'bwa'nîgavîna yadaapi Pitai menyaba mîdînaawîna yaka Gotîyarîna Yîra'de Naangere angwaasavî wîna kya' damerari mwaaleva dîka yimwannyîna. **55** Dîka yîmwannyîna yadaapi Gotîyarîna Yîra'dîvîta naangerajî kaajoliya yuyarari sara dînyîna "Nemî tamakaade'na a'mwera dîna Jizaazai kayaa'na yakevi wanganena,' dîpi'dera gawi mwaaihava?" Dînyîna kye' kîrî' a'mwe sahwara mamwaalyîna.

56 Sare' dare'nesi. A'mwe pîjaakuna gamînyîna kwaasi yagaala jalîkurakesa' kîrî' kumîre yagaala avaainanya' majasi.

57 Pwara daavîna yeva kwaasi yagaala dara wîjalîkurakîna **58** "Gami dake' nemî wî'no. Dara da' Gotîyare anga da' a'mwera yavîkaryaasa' kayaaka yîgala'mujî yîrikâ daryaaai darîkî anga pîrî' a'mwera mamajî yîpî'de' madîdeinyîra, sara wî'no." **59** Sare kîrî' kumîre yagaala ge' ge' dîna yesa' avaainanya' mîka.

60 Gotîyarîna Yîra'de Naangei tînnyaba daavaka Jizaazarî yîwaara'na "Yagaala pîrî' mama'maa'dînneigî daaka? A'mwe dara jalîkurakya aane pîbwî kîbwî mama'maarijîwaana?" **61** Sara yîwaara'na kya' sahwai yagaala majai aane pîrî' kîrî' marîvîkîri ya!. Pîgasaaai Sipîzipiyya Gotîyarîna Yîra'de Naangei yîwaara'na "Kîraazitîyaigî daaka? Gotîyai tewaanaanga yînîkere kaimîraayaigî daaka?"

62 Sara yîwaara'na kya' Jizaazai wîdîna "Sahwainyîra. A'mweraavîne Kaimîraayai Gotîyai dîraginnakere aangasîmagî kamwaalojî Gotîyalyî maremwaalyîkaderârî danganyidelyîra. Nabaai yîraaya sîgunyavî wa'dengî gamî walaabathelyîra." **63** Mi'na wîdîna kya' Gotîyarîna Yîra'de Naangerî sînna tîka kudava' baazî'ma'nya' maralihi'vainyîna yaka yuyaraavî wîdîna "Nemî tîvi'na wî'nîwo' gamînyîna yagaala

jalîkurakya'ne pwaraavîna nemudaasiwakeina daaka! ⁶⁴ Gotiyarîna yagaaibîraizîka dîwake' sarîmî mi'na wî'nîwaava. Berî' dîzijîwaa'?" Sara wîdîna kya' yuyara jîda'na "Kayaa'nanyabwi yîwake'na balana!" ⁶⁵ Pwara gamînyî maagwala wopwakîna yeva gamîre sînnyavî bwakakîna yeva asîlyî gwamwagaranna yeva wîdîna "Gotiyari wî'na'gîzi dînejîwaakya! 'Aai gîramwaka?' " Mi'na wîdîna kye' damera gamînyî araraalyajî tamamakuna ye!.

Pitai wîda' "Sai myawîrivanige."

(*Matîyui 26:69-75; Lukî 22:56-62; Jonî 18:15-18,25-27*)

⁶⁶ Kwaakeba angwaasaba Pitai mwaaidî'nyî Gotiyarîna Yîra'de Naangere wawînya wîdaayade' baka ⁶⁷ Pitai dîka yimwannakerî tînna wanganaka baihana'na ya!. Baihana'na yaka wîdîna "Gîmîjî Naazaretî mwaalyai Jizaazaryaba mwaaidînyaigînyîra." ⁶⁸ Sa' wîdîna kya' Pitai "Nanyîrabîka!" daka kwaasi wîdîna "Arîkawînyî. Gîmî nyîdîwaanya' myawîryadînyainyîra." Mi'na wîdaka adîkurya savîna mwalaawîna. ⁶⁹ Mwalaawîna kya' wîdaayade' wanganaka a'mwe yaasiwa'mwaalyaraavî ayahi wîdîna "A'mwe dai kumîjîyalyîra." ⁷⁰ Pitai nabaai wîdîna "Arîkawînyî." Dîvi sagaa' kîbawegaa' a'mwe yaasiwa'mwaalyara Pitarî ayahi wîdîna "Nebulya'na gîthîwaka. Kumîjîyaigînyî. Sare' dare'nesi. Galîli mwaalyaigînyîra." ⁷¹ Sara wîdîna kye' yagaala dîraginya wîdîna "(Daaina!) Gotiyaryaba nebulya'nanyasîra. Kwaasiya'na mîka! Sarîmî dîwaata a'mwe sarî mwanganyadînyainyîra." ⁷² Mi'na wîdîna kya' yîme'nya'bî' kukuraayai yarai pîgasaaai dîna ya!. Dîna kya' Pitai yawî'na ya! "Jizaazai sara nyîdîwa' 'Kukuraayai pîgasaaai jika majî kyojî nîmînyîna dahasaai dahaa' julyakîdeigînyî.' " Pitai sara yawîraka " 'Jizaazareinyî mîka,' be'na wîdîweinyaka!" kale kwia' kînna baziwîlaawiya ya!.

15

Paailatîmyaba Jizaazai daava!

(*Matîyui 27:1-2,11-14; Lukî 23:1-5; Jonî 18:28-38*)

¹ Mwanyagaa' yîrike' gaai pu'daa'nyî yîme'nya'bî' Gotiyarîne tamira'dîvisarajî a'mwe naangerajî Juyaraavîre Kîwîjarajî kaajolîya pwarajî sara gamînyîna jamungajîna. Mi'na jamungajîna yeva Jizaazarî wîla pwîyîna, Ga'maanîyai Kwaaka Juthîya maremwaaide Paailatîmyawînna makuna yeva sarî marîmwaaikhîna. ² Marîmwaaikhîna kye' Paailatî gamînyî yîwaara'na "Juyaraavî maremwaaidînyaigî kingîyaigî daaka?" Yîwaara'na kya' Jizaazai wîdîna "Gîmî nyîdîwaanya' nebulyasî." ³ Sara wîdîna kya' Gotiyarîna yîra'dîvîta naangera "Gamîre kayaa'na yade sanna Paailatîmi wîjîwakaana!" deva kwaasi yagaala kwalaalya wîjîwakaana. ⁴ Mi'na wîjîwakaana kye' Paailatî ayîna yîwaara'na "Tîvîkîta pîrî' kîrî' ja'nadîna jîtheigî midâaka? Yîtha, gîmînyîna kayaa'nanya kwalaalya nyîjîwakîwaasange!" ⁵ Yîwaara'na kya' Jizaazai yagaala aane pîrî' kîrî' majai mwaalake'na Paailatî atîka maru'na'na ya!.

"Jizaazai balana!" wide!

(*Matîyui 27:15-26; Lukî 23:13-25; Jonî 18:39-19:16*)

⁶ Kwazaaka naanga munne yanyagaa' yuyagaa' Juyara Paailatîmi wîdadîvisare "Ayabaaibî' kalavuzarî yunakaanya duthaasa!" Sara dînîke'na Paailatî sara yakelyî. ⁷ Sagaa' a'mwera kwaakevakî maremwaaidîvisaraavî mala bwa'daaveva a'mweraavî karamake' naangera kalavuzangevi wîmwaaikhîna. Kalavuzangevi wîmwaaikheta pwai Baaravaazai wo'nîkei mwaalîna. ⁸ Mwaalîna kya' kwala naange' beva Paailatîmi gaai wîdîna "Dahaa'na nemînyîna ayîna yîyabwi yagînya' sara ja!" ⁹ Wîdîna kye' Paailatî wîdîna "A'mweihî, Juyaraavî maremwaaiderî wîla yaarijîwa?" ¹⁰ Sare' dare'nesi. Paailatî dara yawîrakelyî "A'mwe kwalaalyara Jizaazari yîlaaya

wimariwaasa'nanyi. Gotiyarina yira'divita naangera tiganaarya yadiyi! kotiyav mariwimwaihina yawaava." ¹¹ Mi'na widina kya' Gotiyarina yira'divita naangera kwala naangevi wijiwirina "Jizaazai waramaryana! A'mwe Baravaazar nejaavana! yarai duzila!" Sara wijiwaakina kye' sara yina. ¹² Mi'na yina kye' Paailati ja'nawidina "Nyidwaasa'na 'A'mwe sai Juyaraavi maremwaaidela,' dadivisarina gara yijiwa?" ¹³ Widina kya' ayina jaka danganna "Yisaviri tamakya'na niliya diramo!"

¹⁴ "Baa'nevaka? Be kayaa'nanya yiwakalaka?" Sa'na widina kya' kwala bwa'naanya' jaka naanga danganna "Tamakya'na yisaviri niliya diramo!" ¹⁵ Sara danganna kye' Paailati "Kwala bwa'naanya niminyina yilaaya yipiika!" daka Baravaazar wiла yaaraka dameraavt widina "Jizaazar wiла nilinakebaaly tamapij yisavi niliya jeramyila!"

Aawilasara Jizaazar birala ye!

(Matyui 27:27-31; Joni 19:2-3)

¹⁶ Kwaaka Juthiya maremwaide angwaata Piraitoriyam (koti ange!) wo'nikewinna damera Jizaazar jivwaramakwaweva aawilata yuya pwaraavt jivwaramaa'na. ¹⁷ Jaka jivwaramaa'na kye' yuyara yikabeva "Jizaazai kwaasikingiyai yima'nana! Birala yaana!" deva kingiyivita wayaake' egwevit marajikireva wiла lannakesi gihipaleva gamire mnyaginyavt maramwaaihi'na. ¹⁸ Maramwaaihi'na yeva biralya'na widina "Naangeigt, Juyaraavt maremwaaidinyaig yuyagaa dimwaaideigine!" ¹⁹ Sara widina yeva yisaris mnyaginyavt tamina yeva gaminyi maagwala wopwakina yeva "Naangelyira," kwaasiya' deva kwadaai gile!. ²⁰ Biralya' sara yina yeva yivita wayaake' mararaakurasi'neva gamire baazi'ma'nya' marajikireva "Yisavi niliya wiramaana!" deva jivwaramakuna ye!.

Yisaviri Jizaazar niliya yerame!

(Matyui 27:32-44; Luki 23:26-43; Joni 19:17-27)

²¹ Tusavi Saaimoni Anga Saairini mwaalyai, Aleki'zaadaly Rupaazaly saraari kritnimaangei wawnyabadaa'nyai Jeruzaalemnei wirata'nyina yeva aawilasara naanga widina "A'mwe sare yisa' dimakiлаawa!" Mi'na naanga widina kye' Saaimoni yisa' makilaawiina. ²² Makilaawiina yadaa'nyi Mugunya Golhotabanna Jizaazar wiјvwaramakuna. Golhota "Gileminyaginyabanna," dinikesi. ²³ Saba "Daanga naanga nuvinadika!" deva aalya waainiyavt kiwata mriya wo'nike yikeva "Da' dinana!" widina kye' "Aala!" widina. ²⁴ "Aala!" widina kya' aawilasara Jizaazar maareva yisavi niliya wirameva "Gamire yivita baazi'ma'nya saza japalaana! Saatuya yawaaji ata gilyavt wanganawaaji jalamakwawaana!" deva saatuya yeva gamire baazi'ma'nya jaapaina. ²⁵ Sagaa' yisavi niliya wiramesaga' mwanyavt naani kilokiyagaakira. ²⁶ Tamakya'ne pikarya "Kingiyai Juyaraavire maremwaidei," yidaveva yisavi munyaba yilakina. ²⁷ Yilakina yeva gamire aangasimagi a'mwe pwari kwanaamimagi pwari niliya wirame kuka yipalamaa'disaraari. ²⁸ Sa'na wiramina kye' sagaa' Gotiyare bukuya' dinike' yuneba yima'na!. Yagaala sa' "Kayaananyaaraavt sara yipi'de' gaminyiji sara yipi'delyira," dinikesira.

²⁹ A'mwe a'mwera wavilavesa kunnya mnyaginyara winaangi'nyi winaangi'nya yadaapi birala dara wina. "A'a! 'Gotiyare Angevi kayaaka yigala'mwi yirika dawai dasangi mamwineinyi,' nedahinyaigt, ³⁰ sahwaigt gimi saigt gaimwanna'gizi niliya lawasi'na'gizi yisavidaa'nyi dalaama! Divadaihasamaa'nana!" ³¹ Sara birala widina kye' nabaai sabaaibti Gotiyarina yira'divita naangera Juya yagaaike'wajaraj Jizaazarina birala dne! "Pwaraavina diraginna padaihasamaarakel! Gam sahwai padaihasamaa'hannele! ³² Kiraazitayi Yizireliyaraavt maremwaidei kingiyai yisavidaasi kwalaabozt wanganawaaji gaminyi nayaalimwagaraade'nanyi." Birala sara dnyina kye' gaminyawt pwaraai niliya wiramesaraai birala widina yagi.

Jizaazai bala'.

(*Matîyui 27:45-56; Lukî 23:44-49; Jonî 19:28-30*)

³³ Sîrigwajahaa' kyîma'na' kwaakeva' yuyava' yîrîka kîgaa' jîhînya' jînnaka tîri kîlokîyagaal jîhînya' mi'na jînnakegaalnanyî. ³⁴ Sagaa' tîri kîlokîyagaal Jizaazai jika naanga gannya yagaalya' danganna "Eloi, Eloi lama savakîtaani." Yagaala sa' aangyagaala "Nîmîre Gotîyaigî, nîmîre Gotîyaigî be'na nyagalya'ma'mwaana?" ³⁵ Jaka sara danganna kya' saba daaveta pwara wî'neva dînyîna "Yîthaanyi, Yîlaajarî jika wîdîwaka." ³⁶ Dînyîna kye' pîbanna pwai kaanyave'na wawaka aalya waainîya yîrîkevî saalaalyaviya jî'mînya' marapaihaka aalînake' yîsarîkîre sînnyarîkî wakaka "Aalya' nana! Pîzî'gwa mwaalana!" daka makîlaawaka pwaraavî wîdîna "Kavaayîla! Yîlaajai bozî yîsavîdaasi makwalaabaza' wanganadera." ³⁷ Wîdîna kya' Jizaazai jika naange' wîdaka sîmudînya yînahu yekî'na ya'!

³⁸ Gotîyai Gotîyare Angevî janne naange' jîkî'nîke' munyabadaasi kwaakewînna kayaaka dabura' yuneba. ³⁹ Jizaazarî nilîya tameta yîsavî aawîlata naangei Anga Romî mwaalyai maredaavakei dara wanganake' "Sara davaimwaka!" Daka wîdîna "Nebulyasîra. A'mwe dai Gotîyarî gawaalîvaangelyîra." ⁴⁰ Wîdadaa'nyî keiba a'mwe daaveva tînna wanganna. A'mwe sa, Maarîyaa' Maahîthaala mwaalyasi Maarîyaa' Jemîzai dîviyalyî Jozîzalyî kîdaraarî kîrînaangesi Saalomiyasi sa ⁴¹ Jizaazai Kwaaka Galîli mwaalakegaal kaanya ye'mwannayamarypeva wapaaya aalya wîjaavesajî a'mwe pînîjî Jizaazalyî Anga Jeruzaalemîna yîlaabeta a'mwe pînîjî sangyîneba mwaalîna yeva tînna wanganna ye'!

Jizaazarî likyîrake'.

(*Matîyui 27:57-61; Lukî 23:50-55; Jonî 19:38-42*)

⁴² Sawîsaburî kyîma'na' Jozepîyai Aarîmathîya mwaalyai bîna. ⁴³ Bîna yakei a'mwe tewaanyai Kaajolîyai sagaa' Gotîyai Kwaaka yuyavakî maremwaadehaa'na kave yemwaalakelyî. Jizaazai balakegaal Pîraaidehaa' Jozepîyai "Kwazaakegaa' gîlaayai enana narîbainadîka!" daka Juyaraavîre Kwazaakegaa' yovîra'daapiyagaa'na dîragînna yîvaimwanna yaka Paailatîmyawînna baka Jizaazare kîlaakejîkîna wîdîna "Gîlaayai walyamarirakîma! Nyîmaryamaa!" ⁴⁴ Sara wîdîna kya' Paailati maru'na'na "Ai, dahaa' mi'na davalîka?" daka aawîlata naangerîna jîvwaramaa'na. Sara jîvwaramaa'na kya' naangei kulaaba' yîdaanganna "Jizaazai mena baimwakei daa'?" ⁴⁵ Yîdaanganna kya' sai "Yo. Mena baimwa!", wîdîna kya' Jozepîyarî wîdîna "Wikîra. Gîlaayarî dulamaraawa!" ⁴⁶ Sara wîdîna kya' Jozepîyai wawaka kwaabîyîvîta saamînya yaake' mubyawalyaadîkei yîsayabanna baka gamînyî makwalaabaka yaakesi yewa'mwagapwîyaka makulaawaka kavi'nînnyavî simaangevî lîlîvîdaakunîkevî wîlakaka sîla naangei simaangevî tihîrakîna ya'!. ⁴⁷ Jozepîyai sara yadaa'nyî Maarîyaa' Maahîthaala mwaalyasi Maarîyaa' Jozîzarî ganaangesi gamîre wakya'neba tînna wanganna yagi.

16

Jizaazai baryai ayîna dîkaava'.

(*Matîyui 28:1-8; Lukî 24:1-12; Jonî 20:1-10*)

¹ Kwazaakegaa' mi'na kwavîlava' Maarîyaa' Maahîthaala mwaalyasi Maarîyaa' Jemîzarî ganaangesi Saalomiyasi sa "Nemî Jizaazare kîlaakejîkî puraana!" deva marazînanya wabatîrînnake' mubîna. ² Mena mubîna kye' Saadehaa' mwanyavî yîrîke' gaai pu'daa'nyîyagaa' simaangevîne a'mwe kaanna wîna. ³ Kaanna kuna wîna yesa dînyîna "Sîlaangei kavi'nîmaangevî warîkerî nemînyîna aai baasade-laka?" ⁴ Sara dîneva maranganna yadi'vî' dara wanganesa' "Ai, sîlyai mena davaasînîka!" Sare' dare'nesi. Sîla sai wapemînnakei warakelyî. ⁵ Mi'na

deva simaangevi wilaawina yeva kuminyi aangasimagi miginyai kwaabihannya yaaka nawi'nya! yira'nakeri tinnna wanganna. Tinnna wanganna yeva lika yina yeva atika maru'na'na. ⁶ Atika maru'na'na yadaapi miginyai widina "Li'ka mipinera! Jizaazai Naazareti mwaalyari yisaviri niliya wiramwa'daasarina bi'manigava. Sara yawi'mwa. Kyidikaa'mwa' dava mamwaalyika. Yithaanyi! Wakawa'daasaba danganyila! ⁷ Sare kir'i wawopiri gamireraj Pitaly'i saraav duthaawila! Sennawi Kwaaka Galili kwaana'muj'i sarimi nyimidiinaabyidera! Mi'na yihithevaabib'i saba dinyanganyideinyira, sahwai sara nyidiwa!". ⁸ Sara widina kya' simaangeyabadaa'nya kaanyave'na walyaweva likaanya wi'na. Sare' dare'nesi. Bi'bita yadi'v'i lika yeva simunya nayaa myawiri. Likaanya wi'na yeva aane pwar kwari aane piri'v'i kiriv'i muj'i ye!. Sare' dare'nesi. Li'ka naanga wiake'na sahin kunna marinaawina yesangi.

Maariyaa' Maahithaala mwaalya' Jizaazar'i wangana!
(Joni 20:11-18)

⁹ Saadehaa' yirikunyagaa' Jizaazai dikaavaka sennawi Maariyaa' Maahithaala mwaalyavidaasi yimaka ati ata puridaa'nyi pwaraalyaraavi marasi'nakevi gaminyina wijiwaaina'.

¹⁰ Wijiwaainakegaa' a'mwe sa' wawaka gamijiyara yikwaraamaya dadaapiyaraavi buthi'na "Jizaazai kwaihwaaainakei mwaaidi'nyi wangamwerinera." ¹¹ Sara kadika wi'neva "Kwaasi yagaala nediwaka," dinyna yeva sa'na malimwagi ye!.

Gamireraai Jizaazar'i wanganagi.
(Luki 24:13-35)

¹² Sara yina yesagaa'daasi a'mweraai wawinyanneba kaanya kyamaryagi sahwai mudikeibisai wilaabaka pigasaai wijiwaaina'. ¹³ "Jizaazalyi," sara yawiragi'la ayina wawagila gamire pwaraavi widina kyagi sahwaraare yagaalya'na "Kwaasiya!", dinyna yeva sa'na malimwagi ye!.

Jizaazai gamireraavi wijiwaaina!
(Matyiui 28:16-20; Luki 24:36-49; Joni 20:19-23)

¹⁴ Divedaa'nyi angevi gamirera atiraai yaka sivilyiridaasi pwaina sarera wapaaya ti'ka nadaapi sahwai wilaabaka gami mena dikaavakeri pwara tinnna wanganeva gamire pwaraavi widesa' malimwagyesa'naj'i simunya myawryesa'naj'i maanga widina. ¹⁵ Maanga mi'na widaka widina "Yuyabanna Kwaaka yuyavakina wawopiji yagaala tewaanya! Gotiyai wakyaaka yuyaraavi duziwaakyideihilyira. ¹⁶ Savine'na pwai kanyilimwagaroj'i alyav'i bavitaaziya kyapi Gotiyai kayaa'nanya marasi'nada padaihasamaaradelyi. A'mwe pwai manyilimwagaryoj'i gannya kayaa'nanya yinahu waragothengira. Sahvari jidavadelyi. ¹⁷ A'mwera kanyilimwagarapi wijiwaainya dara yima'nade. Nimirre diraginiya' maarapiji niminyine yayavi yimakeraavi a'mweraavire munyikaavidaasi widaasiipi'de. Nabaai Maaveraavire yagaala widipi'de. ¹⁸ Naawinaanyari maarapiji aalya nabaidivisa' napiji mabalyi yip'i'de. Arikawinyira. Nabalinakengire minyaginyangi ata kadathiwagapiji nabalinake tewaanya mwaabib'i'de. Sara yima'nipi'dengira," widina ya!.

Jizaazai Gotiyarebannei Sigunyavina yilaawa!
(Luki 24:50-53; Apozeltyara 1:9-11)

¹⁹ Sarevidaan'nyi mi'na widina yakegaa' Gotiyai Naanga Jizaazar makilaawina. Sara makilaawina kya' Gotiyareba Sigunyavina Jizaazai yilaawaka Gotiyare aangasimagi walawaaaina. ²⁰ Mi'na walawaaaina kya' gamirera waweva yuyaba wijiwakadaapiji Naangei wigaimwaga'. Kugaimwaga' gamiji nawi'nya kye' a'mwera

tinna wanganya'nera dara wija'na "Yagaala sa! Gotiyaresira," sahwai wijiwaainya ya!.

Luk Yagaala tewaanya' Lukiyai yavikaryakesi.

Lukiyai yavikarya'yagaala da' Tiyopilaazarinesi.

1 A'mwe naanga Tiyopilaazaig, yagaala dav du'nana!

Kigaa' a'mwe kwalaalyara Kiraazitayarina nayaa yidavesa' neminyawi Gotiyai sara yake'na yidavesasi. **2** Sinnawit sagaa' a'mwe pwara yuya sa tinna nayaa wangadiv'i' nayaa jalikuraketabaaibita yidave!. A'mwe kwaraavire tinnyasi wanganikeraav miididiv'i' yidave!. A'mwe sara Gotiyare yagaalyasiyara sahwaraavire maangik miidine!. **3** Tiyopilaazaig, diraginyaig, nimti sara yidavesaviji sara nyidesaviji yawiramaarena Naangerine yagaala aaya kaavilyang sabura biramaarena "Sare'na yavikaride'na tewaanyasi," yawirena yagaala da yavikarivanigeinyi. Sinnawinyasi tinnyabanyasi diviyasi yagaala yuya sa yavada'galakena gimininyine nayaa yavikarivanige. **4** Savidaa'nyi tinna wanganagizi jawika! "Yagaala sa' nimti kadika mi'na wi'ne' naanga nebulya'na yawiramaarima!" da'gi jawika! Sare'na gyavikarivanige.

Ejeliyai Sekaraayari "Jonimi maaradesi," widake'nesi.

5 Naanga Erotyai Kwaaka Juthiya maremwaalakelyiyagaa' Sekaraayai mwaalina. Sai Gotiyarina mubithika yira'delyi piritiyai sahwai. Gamijiyara piritiyara yita pivaaakiya Avaazarera. Nabaai gamire balaange' Yilizavetiya' Eronimi yisavaakidaasasi kirisi. Eroni sai Gotiyarina Yira'de Naangei aaya sinnawinyali. **6** Sayorina Gotiyai yawi'na "Tewaanna mwaaidisawaalyi. Nimire kiwinyaj yagaalyaji nayaa mididisawaai," yawi'na yakeyolyi. **7** Sayoi kaimiraaya kunewaai. Yilizavetiya' kwaziika mwaaidi'nyi ya'na kunewaai. Nabaai kirimti sawaai newaai.

8 Pigaal Sekaraayalyiyara Gotiyare Angevi yadaapiyagaa' Sekaraayai sai Gotiyarina yina. **9** Piritiyara kunnya wawinyanna dinya'na yadiv'i' Sekaraayai dahilakesai "Wabatirinya'ne yikunaabitika mariravima!" daka Gotiyare Angevi wilina. **10** Sagaa' piritiyai yikunaabitika yira'na yadehaa! Juya pwara mwasawi yibwa'nemwaaidiv'i' Gotiyari widadivisabulyi. **11** Gotiyare Angevi wilina kya' yikunaabitika yira'nike dibinyavi Gotiyare mamaayai ejeliyai yima'naabina yaka dibinyavi tewaanyaba aangasimaginna daavina. **12** Daavina yadisti Sekaraayai tinna wanganaka simunya kwalaalya yawiraka lika naanga yina. **13** Lika naanga yina kya' sagaa' mamaayai wida' "Sekaraayai lika minnera! Gotiyai gimirre yidaanganya' gu'niewake'nanyi. Gimire a'mwe' Yilizavetiya' gimirre kaimalei maaradesi. Gamire yaya' 'Jonima,' duthathelyi. **14** Sai kima'noji yilaaya naanga jitheiginyi. A'mwera a'mwe yilaaya yipi'dengi sahwarina. **15** Sare' dare'nesi. Gotiyai tinna wanganaka sarina dathe 'A'mwe naangelyi.' Sai aalya waainyasi byaaya'bisisi aawa, manyi yadelyira. Ganaangevire munyiki mwaaidori aayawidaasi Gotiyare Kuryai yune'na wilamwaaladelyi. **16** A'mwei yima'noji Gotiyarina wijiwaakina kyoji Yizireliya kwala naanga simunya mudika maarapiri kunnya Gotiyai Naangeri yilaaya ayina yipi'dengira. **17** Kigaa' Gotiyari winaawijawaakadei piropetiyai Yilaajai diraginna yaakabaaibi' sai waanyina, widina kyoji divi Naangei bathelyi. Diraginna wijiwakamaryadaawori kuvintimaangera kumire kaimiraayang tewaanya yipi'derera. Nabaai Gotiyarebwi myawiryaraav mwagi'namaarojiyara yida'maraangeraavire simunyaburi midibidi'nanyi. Sara jovrawakina kyoji Naangerina yemwaabi'dere."

¹⁸ Sekaraayai ejeliyarī wīda' "Nyidīwaanya' gara yojī nyidīwaanya sare' yawīramaarīdeinyaka! Sare' dare'nesī. Nīmī neinyī. Nīmīre a'mwevi kwaramē naanga naanga wavīla'nīkesī."

¹⁹ Ejeliyai ja'nawīdīna "Nīmī Gevīriyelīnyī. Gotiyare sīnnyīkī daa'dīnyainyī. Gotiyai kanyīdasīwaabī' walaabena yagaala tewaanya' gīmīnyī gīza'neinyī makwalaabeneinyī. ²⁰ Sara yīwe' kīrī' nīmīre yagaalya' malīmwagiwaa. Dīwe sa, nebulya yīma'nadengī kumīregaa!. Yīthaa, nīmīre yagaalya' manyu'nyīwaanya'na yagaala majī yīnneigīnyī. Yagaala majaigī kuna mwaala'gīri gīthīwe kima'naabozīyagaa'na dīthatheigīnyīra."

²¹ Sara dīdaakīlyīyagaa' mwasawī a'mwera Sekaraayari yemwaaidīvī' yawi'dīvī' "Gotiyare Angevī naangegaa' be'na wīlamwaali??" yawi'dīvī' atīka maru'na'na yadi'vī' mwaalīna. ²² Mwaalīna yadapi walyuna yaka yagaala majī yannei kamwaala' dara wanganesa! "O, Gotiyare Angevī a'mabaaitīnna wanganakei daaka!" Mi'na kade' yagaala majai asa'na yīna yakelyī.

²³ Gotiyare Angevī Sekaraayai gannya wawīnya' mi'na yakegaa' gamīre angevīna wīna. ²⁴ Angevīna wīna kya' dīvī gamīre a'mwe' Yīlīzavetīya' kaimīraavīmunnake' mwaalīna. Kaimīraavīmunnake' mwaalīna yada gannya angevī lawe atina kave wīlamwaaina. ²⁵ Wīlamwaaina yada dakesī "Naangei nīmīnyīna kale wiadaa'nyī tewaanna dara nyaka a'mweraayawīnna nīmīre wagīla maare sa' nyīmarasī'mwa'."

Jizaazare mudange'na wīdake'nesī.

²⁶ Lawe ati ata purīdaa'nyī pukī Yīlīzavetīya' kaimīraavīmunnake' mwaaidī'nyīyagaa' Gotiyai Ejeliya Gevīriyelīmī wīdasaaba' "Kwaaka Galīli Anga Naazaretīna dalaawa! ²⁷ Nīmīre yagaalya' sīdirāayavī duthana! Sīdirāaya Ne Devitī yīta savaakīdaa'nyai Jozepīyarīna dakīnīkesī. Sīdirāaya sa' Maariyāasī."

²⁸ Gotiyai kudasaaba' ejeliyai taayayawī wīlaabīna yaka wīda' "Kwaamu'nanyabwi gwarana! Gotiyai gīmījī mwaali'. Gotiyai tewaanya naanga gyīwake'gīnyī."

²⁹ Ejeliyai sara wīdake'na Maariyāa' sīmunya kwalaalya yawi'da dīna "Sa' be yagaala nyidīwake'nyaka?" ³⁰ Dīna yaka ejeliyai wīda' "Maariyāa', līka minnera! Sare' dare'nesī. Gotiyai tewaanya gyīvanī!. ³¹ Yīthaa, kaimīraavīmunnake'gī mwaala'gīzī kaimīraayai mīla'gi gamīre yaya' 'Jizaazala,' dīthatheilyī. ³² Sai naangei yīma'nadelyī. A'mwera gamīnyīna dīna 'Gotiyai munya ke'mwewīnyare Gawaalīvaangelyīrevā.' Naangei Gotiyai kingīyarī wīmwaaihadelyī. Kīgaa' Ne sīnnawīnyai Devitī gamīre gyakwalaangei kingīyai mwalyaakabaaibī' mwaaladelyī. ³³ Yuyagaa' yuyagaa' Jaikopījīyaraavī maremwaaladelyī. Sai a'mweraavī maremwaalagwothe' kayaaka mi yadesī."

³⁴ Maariyāa' ejeliyari' yīdaangana' "Kwala manyīmaarya'nyī mwaaihevi gara yīma'nade'na dīwaana?"

³⁵ Mamaayai ja'nawīdīna "Kuryai Tewaanyai gīmīnyawī walaabathelyī. Nabaai Gotiyare dīragīnya' gīvwakalīmwagarade'gīnyī. Gotiyai sara kyojī kaimīraaya tewaanyarīna 'Gotiyare Gawaalīvaangelyī,' dīpi'delyī. ³⁶ Yīthaa, gīmīnyī jīnyīwanaanga Yīlīzavetīya' ne' mwaaida 'Kaimīraaya mamaaryadesī,' deta kīrī' dahaa' kaimīraavīmunnake' mwaaidī'nyī lawe ati wavīla'mwakesī. ³⁷ Gotiyai mi yade pīnī aawa; mwarika! Sare'na gamīre yagaala gazasa' sara yīma'nadesī."

³⁸ Maariyāa' wīda' "Gotiyare wīdaayadīnya'nyī. Gotiyare yagaalya' sara nyidīwaanyabaaibī' nyīma'nade'nyī." Mi'na kuda' mamaayai kaanna wīna ya!

Maariyāa' Yīlīzavetīyavī angyīri'maata yake'nesī.

³⁹ Yīrīka sangī Maariyāa' yarai kaanna wīna. Kwaaka Juthīya sabanne mugunyangīna kaanna wīna. ⁴⁰ Kaanna wīna yaka angebanna yī'mavaawīna yaka Sekaraayare angevī wīlīna yaka Yīlīzavetīyavī wīda' "Aama!" ⁴¹ Mi'na

kuda' sagaa' Yilizavetiya' kadika ku'na' gamire munyavi bwaranyai yarai yita'na. Bwaranyai yarai yita'na kya' Kuryai Tewaanyai Yilizavetiya' simunyav yunebanna wlamwaaina kya! ⁴² jaka naanga widina "Gotiyai gamire bwaranyar maarya'ne'ginyi dahilakake'na a'mwe yuya piningina Gotiyai tewaanya naanga yanga gyade'nanyi. Nabaai bwaranyai gimirre munyavi minkeri Gotiyai tewaanya naanga yanga yadelyi. ⁴³ Nimirre Naangeri ganaange'gi niminyi angyiri'maata nyiwa. Nimi a'mwe naange'nyi daaka! Maalike'nyi. ⁴⁴ Sare' dare'nesi. Yithaa, 'Aama,' kanyidiwaa nimirre munyiki bwaranyai yilaaya yada yarai nyita'mwake'nyi. ⁴⁵ Gim'i dahina 'Naangei nyidiwake' nebulya' yima'nadesi,' dahina yilaaya yadi tewaanaanga yinike'ginyira.' Wida' Yilizavetiya'.

Maariyaa'yiledaata dake'nesi.

⁴⁶ Maariyaa' wida'

"Nimirre simunyav Naangeri yiledaata divanige.

⁴⁷ Gotiyai nimire padaihasamaarya'neri sahwari

Nimirre kuryai yilaaya yiwa'!

⁴⁸ Gotiyare widaayadinya' nyi maalike'nyi nyawi'mwake'na

Nimi sa'nyi yilaaya naanga yivanige.

Sare' dare'nesi. Diraginya nawi'nyabwina nyiwa'!

Mijayima'nigwiyara 'Maariyaa' tewaanaanga yinikesira,' maredimwipi'de'nanyi.

⁴⁹ Diraginya Naangei naangenna nyiwenkenne' diwipi'desi.

Gotiyarina yaya' tewaanya' makilaana!

⁵⁰ Gotiyarina 'Naangelyira,' dadaanyainaavinaji

Divi mijayima'nigwiyara mijayima'nigwi'deraavijnajidiwipi'deraavijnajid

Yuyainaavina Gotiyai kale'na negaimwadelyi.

⁵¹ Gamire atasi diraginna yina yada

Pihadikeraavire simunyav 'Tewaanyainyi,' yawidivisaraavi,

Sara yipi'dera dingakaji

Gazawizawi marasi'namarina yadelyi.

⁵² Gotiyai maremwaa idivisaraavi kwaakeba marulawakadelyi.

A'mwe kwaamu'nanyaraavi munyaba makiladelyi.

⁵³ A'mwe gilyivi' maaya kuneraavi yanga wijsavade

A'mwe kwalaalyajiyaraavi mujaayi yoj

Kuneraavi widaas yadere gilyivi'nakeraavi.

⁵⁴ Nemire Ne sinnawinyaraavi wijsaake' yawidida

Yizi'reliyaina wida yada anyaina avi kale'na negaimwamwa'.

⁵⁵ Eviraamimnajidneyakwalaangeraavijnajid kale wiada

Gotiyai sahwaraavi nayaawijsakabaaib

Yuyagaa' Eviraamimrevaakidaanyainaavi tewaanna negaimwadelyi."

⁵⁶ Maariyaa' sara daka Yilizavetiyyabawa lawe dikaaidit mwaalina yaka gannya angebanna ayina wina ya'.

Joni Bavitaaziya Yaderi maarake'nesi.

⁵⁷ Yilizavetiya' kaimiraaya maarya yunegaa' ybwakinaka kaimiraayai maarina.

⁵⁸ Kaimiraayai maarina kya' anga avaalyabanyarajid gamijiyarajid dara wi'nesa! "Ai,

sare'na Naangei Yilizavetiya'na kale naanga wiwakei daaka!" Mi'na deva gamiji

yilaaya yina ye!. ⁵⁹ Sawita ati ata puridaa'nyi dawaai kwavilava' bwaranyare

kiлаaka pimaginyajid dawasi'nya'na beva yawidiv "Ganimaangere yaya Sekaraayai

widaana!" ⁶⁰ deva sa' ganaange' ja'nawidina "Aawa, gamire yaya' Joni." ⁶¹ Kumi

wide! "Gimijija aane pwai kwai yaya savi mamwaalyika." ⁶² Sara wida deva

ganimaangeri yaya'na asa'na yina ye".

63 Sekaraayai yagaala majai p̄ikariȳikwiasi p̄ikariȳisaris̄ makabya'neraav̄i ata akwebwata kya' mi'na w̄ijaav̄ina kye' p̄ikarya ȳidava' "Gannya yaya' Jon̄." Sara kidava' at̄ika maru'na'na. **64** At̄ika maru'na'na kye' sagaa' Sekaraayai maanga tavad̄ina, Got̄iyari ȳilaaya wiada ȳileyagaala w̄id̄ina. **65** Ȳileyagaala w̄id̄ina kya' anga avaalyabanyara l̄ika ȳina yeva d̄ivi Kwaaka Juth̄iya mugunya yunebanna d̄iw̄ina yagaala sa!. **66** D̄iw̄ina yeva yuyara sav̄ w̄i'neva s̄imunyav̄i nayaayaw̄irak̄ina yeva d̄inȳina "Kaim̄raaya sai bewaib̄itai ȳima'nadelaka?" Sare' dare'nes̄. Tinna dara wanganesa' "Got̄iyare d̄iraḡinyabwi gam̄ij̄i damwaaimwaka!" Deva sara d̄inȳina ye!.

Sekaraayai ȳileyagaala dake'nes̄.

67 Jon̄imi gan̄imaangei Sekaraayare s̄imunyav̄i Kuryai Tewaanyai yune'na w̄ilamwaaina yadi'nȳi Sekaraayai Got̄iyari w̄i'nav̄ij̄iwaak̄ina yada w̄ida'

68 "Naangeri ȳilaaya wiaana!

Naangeri ȳiledaata w̄idaana!

Ȳiz̄ireliȳainaav̄ire Got̄iyari w̄idaana!

Gam̄ireinaav̄ negaimwamwake'na

Wiwaw̄inyabwi neȳipalas̄i'naka

Nemaa'mwake'na ȳilaaya yaano!

69 W̄idaayadei Devit̄im̄ire ȳisavaak̄idaasar̄ w̄imwaaihadelȳi.

Ayaw̄i nevadaihasamaaraderi D̄iraḡinyari w̄imwaaihadelȳi.

70 Aayaw̄idaasi Got̄iyari w̄i'nav̄ij̄iwaakad̄iv̄isaraav̄i w̄ijaakabaaib̄i'

Sahwara tewaanyara nem̄inȳina ȳidayasa!

71 Naange'nanya' ȳih̄ith̄iwa'

'Ȳikamaangeraav̄i ȳih̄ivadaihasamaaride

Sar̄im̄inȳina sim̄ilīka wimwaaiderera.

Sahwaraav̄ire d̄iraḡinya marasi'n̄iderera.'

72 Nem̄ire Ne s̄innaw̄inyaraav̄ina w̄ida!

'N̄im̄ire limwagaka tewaanya' yaw̄i'd̄i

Sar̄im̄inȳi kale ȳih̄igaimwamanige Got̄iyainyi.

73-74 Ne Ev̄iraam̄imi d̄iraḡinya' w̄idena

Yune naanga nebulya' w̄ide

"Ȳikamaangeraav̄i ȳih̄ivadaihasamaride

L̄ika myad̄iv̄isaihi d̄inȳidaayideih̄ilȳi.

75 Yuyagaa' mwaabit̄zagaa' tewaanyaihi

N̄im̄inȳina ȳida'maraangebw̄i yaw̄i'd̄iv̄isaihi

N̄im̄inyaba tewaanna dimwaalyideih̄ilȳi." "

76 Sekaraayai daka gawaali' Jon̄imi w̄ida'

"Nȳibwaali', ḡim̄inȳina pwara d̄ipi'de'

'Got̄iyai munya ke'mwew̄i mwaal̄ika

Sahwari w̄i'nav̄ij̄iwaakadelȳi p̄iropetiyai.'

Ḡith̄iwe sare' da'dare'nes̄.

D̄ividaa'nȳi Naangei bathev̄ina

S̄innaw̄i waanȳina ya'ḡizi

Tusa' javada'galakya j̄thes̄ra.

77 Sarev̄ina gam̄ireraav̄i duthatthe'nanȳi,

'Naangei sar̄im̄ire kayaa'nanyabwi ȳih̄imarasi'noj̄i

Ȳih̄ivadaihasamaaroj̄yai gannya tewaanyabwi ȳih̄yadelȳi.'

78 Nem̄ire Got̄iyai kale'na negaimwadelȳi;

Naw̄i'nya tewaanyabwi nemaremwaaidelȳi.

S̄igunyav̄iya ȳir̄ikeri nem̄inȳina yasaabathe.

79 Baakei walaaboz̄i j̄ih̄inyaw̄i mwaidaanyaina

Balya'na lïka yadaanyabwi marasi'noji
 Kwaamusagaa' tewaanya mwalaadevwi nejaavadelyi."
 Sekaraayai sara wiða!.

⁸⁰ Kaimiraaya sai gîrina yada gamire kilaakejisi kuryalyi naanga ya!. A'mwera mamwaalyaba mwaalaka dîvidaa'nyi a'mwe Yizireliyaraayawî ku'maayaba gamire wawinya' yakegaa'nanyi.

2

Maariyaa' Jizaazarî maarake'nesi. (Matîyui 1:18-25)

¹ Yirika sangi Romi Ga'maanîya Maremwaidei Sizaa Wohazitaazai wiða! "Kwaaka yuyavakaavî mwaalyaraavire yaya bukuyavî maapîka!" ² Sagaa' yaya mudî'na maaryagaa' Kvirinîyaazai Kwaaka Sirîya maremwaidehaaki. ³ "Yaya maapîka!" kuda' sare'na kuvînîmaangeraavire angewînna yuyara kaanna wiñna ye!. Gazaizai gannya abwaibwalaasavîna wiñna.

⁴ Ne Devitîmire yisavaakidaasai Jozepiyai mwaalakelyi. Ne Devitîmirei Kwaaka Galili Anga Naazaretîdaa'nyai Kwaaka Juthîya Anga Betilemîna kaanna wiñna. Anga savi kigaakuna Kingîya Devitîmire angebanyi. Saba Devitîmi ganaange' maryaakekanyi. ⁵ Jozepiyarîne taaya' dakînîke' Maariyaa' kaimiraavîmunnake' kîrîsi "Naarîmire yaya maapîka!" dahila kaanna wiñna. ⁶ Kaanna wiñna yagîla Betilemî mwaaidakîlyi Maariyaa' kaimiraaya maaryagaa' yibwakîna!. ⁷ Sara yaka gannya sîraangei maarîna. Maarîna yaka kwaabîhannya maryewaa'mwanna yaka bulimakaawoyaraavire wapaaya nadîvîsavi maradi'gwalakîna ya!. Anga pwara waraawia'nevî yuneba gîrasî'nake'na bulimakaawoyaraavîrevi maradi'gwalakîna yakelyi.

Ejeliyara sipîzipiyangi maremwaaidîvisaraavî wiðesa'nesi.

⁸ Saba angeba mwasilaa sipîzipiyangi maremwaaidîvisara mwaaidîvi' sawîta savi kaabidaryawi sipîzipiyangi maremwaaina ye!. ⁹ Sipîzipiyangi maremwaaina yadapi Naangere ejeliyai yima'naabîna kya! Naangere byaanna dîraginya' wanneyina yakesi kumînyaba. Wanneyina kya' lîka naanga kye! ¹⁰ mamaayai wiða! "Lîka mipîna! Sare' dare'nesi. Yîthaanyi, yagaala tewaanya' makwaimanaabîhe. Yagaala sa' yuyara wiñapiji yîlaaya naanga yîpi'de' makwaimwaabe. ¹¹ Dahaasagaa' Ne Devitîmire angeba kaimaleri maa'mwakei. Sai sarîmire kayaa'nanyaburi'ji pwaraavire kayaa'nanyaburi'ji yîhîvadaihasamaaradelyi. Sarî Gotiyai dahîlakaka maryasaabiwakei Kîraazitîyalyi. Naangelyi. Sare'na kwalaalyara yîlaaya naanga yîpi'de'nanyi. ¹² Sarîmî wawapiji sarîminyi wiñwaainya'ne' dara wangabîza! 'Ai! Bulimakaawoyaraavire wapaaya nadîvîsavi kwaabîhannya yewaa'mwannîkei daaka!' Tinna mi'na wanganapiji jawîryide 'Nebulyasi. Sai nemaaradelyi.'

¹³ Ejeliyaryaba ejeliya kwala naange' yarai yîma'naabîna yeva Gotiyare aamiyara Gotiyari yîlaaya yadîvî' yîledaata pîri' naanna de'

¹⁴ "Gotiyai Sîgunyavî munya ke'mwewî mwaalî'.
 Sarîna nemi yîlaaya naanga yaana! Su!
 Kwaakewînyaraavîna Gotiyari kale wiada
 'Kwaamu'nanyabwi wiwakîma!' dîna yadelyi."

Sipîzipiyangi maremwaaidîvisara Jizaazarî tinna wanganya'nera.

¹⁵ Mamaayara Sîgunyavînera ayîna yîlaawîna kye' sipîzipiyangi maremwaaidîvisara dînyîna ye! "Betilemîna kaanyaana! Sara yîma'nîwakevîna Gotiyai sara nedîwake'na tinna wanganaade'na kaanyaana!" ¹⁶ Dînyîna yeva yarai kaanna wiñna yeva wanganna ye!. Maariyaa Jozepiyalyi bulimakaawoyaraavire

wapaaya nadivisavi kaimiraayai wila'disiyaba tinna wangane!. ¹⁷ Gaminyi tinnna wanganeva yagaala mamaayai widake' wide' kaimiraaya bwaranyarina. ¹⁸ Kumi sara yagaala kade' pwara wi'nyina yeva atika wi'nare!. ¹⁹ Maariyaa' gannya simunyavt yagaala sa wakina yaka yawiramaremwaaina yadesi. ²⁰ Sipizipiyangti maremwaaividivsara ayina wodivt "Ejeliyai sara nediwake' nebulyasira. Nemti kadika wi'nona tinnna wangamwo naange'nanyasi," diwina yadivt Gotiyari yaya' byaannake' munyaba makina yeva Gotiyari yilaaya naanga yiwinna ye!.

Jizaazarit yaya' widesa'nesi.

²¹ Divi sawita ati ata puridaa'nyi piriwaai mi'na kajinna' kilaaka pimaginyajti dawasi'na yadivisagaa' kaimiraayare kilaaka dawasi'na yeva "Jizaazala," widina ye!. Kigaa' Maariyaa' kaimiraavimunya kune' mwaaidi'nyi mamaayai yaya sa' widake' "Jizaazala," widina ye!.

Gotiyare Angevi Simiyoniji Anasi Jizaazarit wanganagilya'nesi.

²² Ne Mozizare Kiwinja dinike'na (yirika 40) Jozepiyalyi Maariyaasi sayoi mudange'ne girkita'nanya' wasi'nya'ne'na Angeba Jeruzaaleminna kaanna wi'na. ²³ Nabaai Naangere Kiwinja dinikabaaibisasi. Bwaranya sinnawinyai Naangerinelyi. Sara dinike'na Jeruzaaleminna kaimiraayarit wi'jiwaainya'na kaanna makuna. ²⁴ Nabaai Naangere Kiwinja' dinit! "Kwaamiryawaai dahamwaaihi? Gulikwaamiryatihinyawaai dahamwaaihi?" da'gizi' dika yira'na yija' dika nasi'na yadesi Gotiyarine'. Mudange'ne girkita'nanya marasi'nya'nebwinanyi." ²⁵ Yithaa, Angeba Jeruzaalemi a'mwei Simiyoni wo'nikei mwaalina ya!. Sai a'mwe tewaanyai Gotiyare yagaala diraginna limwaga'dei Simiyoni Yizireliyaraavti tewaanya yivaimwaderina yemwaaina yakelyi. Gotiyare Kuryai Tewaanyai gaminyi mwaaida yagaala naanga wida! ²⁶ "Sinnawi Naangere widahilakyai Kiraazitayarit tinnna wanganagizi' divi divaideignyi. Sinnawi divaide' mika!" ²⁷ Sarei mwaalina kya! Kuryai Tewaanyai Gotiyare Angevi wibwariidaakuna kya' sai kaanna wi'laabina. Kaanna wi'laabina yaka Gotiyare Angevi mwaaidi'nyi ganimaangelyi ganaangesi sayoi kaimiraaya Jizaazarit makabina. "Gotiyare kiwinja' dinike'na sara wijiwainaawina yaka!" dahila makabina. ²⁸ Mi'na makabina kyagi Simiyoni kaimiraayarit asiri yilamarayagalakina yaka Gotiyarina yilaaya yada widina

²⁹ "Naangeigit, dhaaa' naanga nyidahinya' yi'waa.

Githaadinyainyi nimire munya tewaanya wa'deinyi

Tewaanna yawi'na yadinyainyi nayaa balideinyi.

³⁰ Nayaa balide sare' dare'nanyi.

Ninnya tinnnyaraai dara wangamanige!

'Gotiyare neminyi Nevadaihasamaaraderi dangamanige!'

³¹ Sai tewaanyari dahilakagina wimwaihwaa.

A'mwe yuyara wanganya'neri wimwaihwaa.

³² Sai baakei ajmya yuyangi'yaraavti wijiwakada

Gimireburti mudikera nayaa tinnna wangabi'dere.

Gimireina Yizireliyaina byaanna diraginyavti mwalaadeine."

³³ Simiyoni kaimiraayarina widake'na kaimiraayare ganimaangelyi ganaangesi sawaai atika maru'na'na yagi. ³⁴ Atika maru'na'na yadaakilyi Simiyoni wida! "Gotiyai tewaanya yanga yi'hyadelyi." Widaka ganaanga Maariyaaavti wida! "Gotiyai kaimiraaya dari dahilakakelyi.

Yizireliya pwara ku'napiji munyaba makiladerera.

Pwara mu'nyi yipi'jara kwaakeba marulawakaderera.

Sai Gotiyare simunya' wijiwaa inada

Kwalaalyara sahwarit maanga widipi'devine'na

³⁵ Yawita kayaa'nanya l̄ika yulya'divisaraavina
A'mwe yuyara nayaa yawirangab'i'de'nanyi.
Kale naanga gyade'na
Kwaari'masiraminya s̄innake' gitlavadevaibisa'na
K̄inna naanga d̄ithathe'ginyi."

³⁶ Gotiyari wi'navijwaakade' p̄ropetiya' Ana' mwaala!. Sa' Panyiwelimire garaavaanga!, Ne s̄innawinyai Aazarevaakidaa'nyasi. A'mwe sa' nesi. A'mweri maa'naka a'mwelyiyagaa' kwarame ati ata puridaa'nyi p̄iriwaai mwaalaka ³⁷ yaanyiwaake' kwarame 84 (a'mwe daraai daraalyaraavire atiziviliraai yaka dawaai dawaai) wavila'nike' a'mwe ne' mwaala!. Gotiyare Angevi yagalya'mata mi, yuyagaa' Gotiyari diraginna yidaangade' wapaayaj manyi, kimaaka mwaaida Gotiyari widada mwaalakesi. ³⁸ Simyon kuna widadaa'nyiyagaa' a'mwe sa' bina yaka Gotiyari "Su! Su!" widaka kaimiraayarina pwaraavi widina. Gotiyai Anga Jeruzaalem mwaalyaraavi wiwawinyabwi yipalasi'nya'na yemwaalesara sahwaraavi widina ya' a'mwe sa'.

Anga Naazaretina ayina wina yesa'nesi.

³⁹ Naangere K̄iwinya dinika yuya mi'na yeva Kwaaka Galili kunnya Anga Naazaretina ayina wina yeva mwaalina ye!. ⁴⁰ Kaimiraayai naanga girina yaka diragiya yakelyi. Sai simunyu nayaa yawirakei Gotiyare yanga wigaimwangebwi wa'delyi.

Gotiyare Angevi kaimale Jizaazai mwaalake'nesi.

⁴¹ Kwarame yuyagaa' Angeba Jeruzaalemna Jizaazare ganimaangelyi ganaangesi kaanna wina. Kigaakuna Gotiyai Yizireliyaraavi maramyi yaka pari'ma'na yaake'na Juyara Pari'ma'munne' nyina yadivisa'na sawaai kaanna wina yagilyawaalyi. ⁴² Jizaazar i kwarame atiraai sivilyridaa'nyi piriwaai kwavilava' sagaa' ayabaabib'i munne tika nya'na Jeruzaalemna wina yadi' Jizaazar makilaawi. ⁴³ Mi'na makilaawi yagila munne nyina yagila kirinnya angevina kaanna wina. Kaanna wina yadaakiyi Anga Jeruzaalem kaimale Jizaazai mwaalina. Sa'na ganimaangelyi ganaangesi myawiri yagila ⁴⁴ "Pwaraji wiwaka," dahila yirika sari kaanna wina. Kaanna wina yagila sawisiri "Gawi mwaalika?" dahila kirimiyyaraayaba kiryamweraayaba birina birina. ⁴⁵ Aawa. Kunewi wanganagila Jeruzaalemna ayina wina yagila ⁴⁶ yirika daryaa dariki Jizaazar baramaa'na. Gotiyare Angevi Gotiyare k̄iwinya wiwaakadivisara Juyaraayaba baramaa'na yagi. Saba Jizaazai walawaaaina yada wiwaakadivisaraavire yagaala wi'naka kuminyi yiwaara'na ya!. ⁴⁷ Sai simunyu nayaa yawid'a yagaala nayaa widake'na a'mwera wi'nyina yeva atika maru'na'na ye!. ⁴⁸ Nabaai ganimaangelyi ganaangesi tinna wanganagila atika maru'na'na yagila ganaange' widina "Kaimiraayaigi, naariminyina baa'na yiwa? Yithaa, gitamaamaangelyi nimiji sa'naari taanga nehyadaa'nyi gimininyina bi'manigoi."

⁴⁹ Sai wida' "Niminyina be'na bi'manigila? Nimware angevi mwaaimuja'na be'na baramarivanigila? Kirimi myawirijwaai?" ⁵⁰ Sara kuda' kirii sawaai myawiramaaryagi wida!

⁵¹ Anga Naazaretina kirimi walaawaka mwaalaka kirimi sawaari kwaakewi nayaa mwaala!. Jizaazai yuya yake'na ganaange' gannya simunyav i nayaa wakaka kave maremwaala!. ⁵² Simunyu diraginna yawidaa'nyi Jizaazare kilaaakejis simunyasi tewaanna yada Gotiyalyi a'mweraji tinna wanganeva yilaaya yadaapiji mwaala!.

3

Joni Bavitaaziya Yadei yavada'galijiwaakake'nesi.

(*Matiyui 3:1-12; Maaki 1:1-8; Joni 1:19-28*)

¹ Taaiviriyaazai Sizaai yuyaraavì maremwaaidì'nyì kwarame potiniya (14) wavila'daa'nyìyavi Anga Juthiya sìmagì Podiyaazai Paailati Ga'maanìya naangei mwaaidì'nyì Galili saba Erotyai maremwaalaka maalikei mwaaidì'nyì Yituriyanajì Tirakonaaitazinajì sabanyaai Erotyari gya'mwei Pilipì maremwaalaka maalikei mwaaidì'nyì Aavlinì saba Laazanìyaazai maremwaalaka maalikei mwaaidì'nyì ² nabaai Anaazalyì Kaayapaazalyì sanyalidaai Gotiyarìna Mubithika Yira'dita Naangeraai mwaaidakilyì yi dazagaa' a'mwera mamwaalyìgasaba Joni Sekaraayare gawaalìvaangei sahwaryawi Gotiyare yagaalya' bi'ma'na. ³ Sareviadaa'nyì sai Aalya Jothanìyavi yunewì yuyaba yamaryada "Gotiyai a'mweihìre kayaa'nanya marasi'nya'na sìmunya mudikebwi yawiramaa'na kyapijì bavitaaziya' yihide'nanyi," sara wiðamaryakelyì. ⁴ Sare' kigaakuna Aazaayarì Gotiyai kujaabukuyavì pikarya yavikarinikabaaibisasi. Dara dìni!

"Wawimaayaba pware maanguraaya' jaka yìmani!"

'Naangerìne tusa! nayaa yavada'galakìna jiþlo!

Gamìre tusangi yìda'na nayaa jamakwilo!

⁵ Taawala yuyangì yunebanna nayaa marajìngìrapìjì

Mugunya naangejì maalikejì sa dìthavapiraalayìlo!

Tuta kayaa'na naadìya yìda'na javada'galyìlo!

Tutaanya sìla yaasi'wa'na waramarike dimarasì'nyìlo!

⁶ Sarevi Gotiyai padaihasamaaryabwina yuyara wangabi'derero. "

Sara dìníkesi.

⁷ A'mwe kwala bwa'naanyara Jonimìre bavitaaziya maarya'nera yikabadaapìjì sasarei saraavì wiðìna "Naawinaanyara kave kwaasi neyadi'vìtabaai sarìmì sìmunya ayabwina kìnìnnakeihi bavitaaziya yaasi'wa'na maarya'neihi bìvanìgasaihi daa! 'Gotiyai kayaa'nanyanna taanga nyihizaavadika! Yaasi'wa'na bavitaaziya maapijaihi tewaanna dimwaalyideihìlyìra,' kwaasi sara aai yihithìwaka! ⁸ Sareviadaa'nyì taanga naange'na sìmunya mudikebwina nayaa yawiramaa'na jiþla! Sara yapìjì sìmunya mudikebulyìaihi yìsìla nawì'nyabita nayaa sara jideihìlyì. Sarìmì saihi dara madibìnera! 'Eviraamìmì gyakwalaangeina mwaaiho'na Gotiyai taanga sa mujaayì neyade'nanyi.' Sara myawipìna! Sare' dare'nesi. Nayaa yihithìma! 'Sìla daza Eviraamìmìre kaimiraaya yìma'nana!' Gotiyai sara wiðazai yi sahwai yìnìga wi'na yannelyì. 'Eviraamìmì gyakwalaangeinera,' dimanigasa' naange' daaka! ⁹ Dahaasagaa' Gotiyai yìsarì kaavilyawi dapalya'nei gannya saajìngei mena lìmwagi'kelyì. Sareviadaa'nyì yìta gazarazara yìsìla tewaanya mi'nyì yajara sare sara dapalojì dìkevì marasi'naderera."

¹⁰ Sai sara wiðadaa'nyì yi kwala bwa'naanyara yìdaanganna "We!" Sareviadaa'nyì nemì gara yaadeinaavaka?" ¹¹ Sara yìdaanganna kye' ja'nawidìna "A'mwei baazi'ma'nya pìriwaai kìnìnnakei a'mwe pwarì baazi'ma'nya' maayarì pìri' wiðavaana! A'mwei wapaaya kìnìnnakei sai kwalyì wapaayanna avaaina sana yìna yana!" ¹² Wiðìna kya' a'mwe taakizìya maa'divìta pwaraji bavitaaziya maarya'nera gaminyì wiðìna "Nejìwaakadinyaigì, nemì gara yaadeinaavaka?"

¹³ Wiðìna kye' sai wiðìna "Ga'maanìyai yihithìvanìkabaaibì'na taakizìya nìgwia yìnìga wi'nanya dimaaryideihìlyì. Nìgwia kwaala pìnìjì mamwagi'nìpìnera!" ¹⁴ Wiðìna kya' nabaai aawilata pwaraji sahwari yìdaanganna "Nabaai nemì sahwaina gara yaadeinaavaka?" Sara wiðìna kye' sai wiðìna "Sarìmì a'mweraavì kwaasi kotiyaji myadìvì' kumìre nìgwia mwagi'nya'neihi mipìna! Nìgwia

mwagi'nya'neihi a'mweraavı mala maramamaripınera! Sarıṁire maremwaaiidei nı̄gwia yı̄hı̄zaavanı̄ka sahı̄nınna 'Wikı̄ra!' dı̄thı̄nyı̄la! Nı̄gwia pı̄nı̄jı̄na mudı̄pı̄na!"

¹⁵ A'mwe yuyaraavıre sı̄munyavı Jonı̄mına dı̄ragı̄nna dara yawı̄'na "Bewalaka? Berı̄'na yadelaka?" Yawı̄'na yadı̄vı̄' dara yawı̄'na "Gotı̄yai pwarı̄ dahı̄lakojı̄ maryasaabathei Kı̄raazıtı̄yai dı̄ngaka Jonı̄?" ¹⁶ Sara yawı̄'na yadaapı̄jı̄ Jonı̄ ja'nawı̄dına "Nı̄mı̄ sainyı̄ aangaalyavı̄ bavı̄taazı̄ya yı̄hyadı̄nyainyı̄. Dı̄vi a'mwe pwai bathei yı̄ gamı̄re dı̄ragı̄nya' nı̄mire dı̄ragı̄nyavı̄ nyavı̄lavı̄kelyı̄. Gamı̄re mamaayainyı̄ nı̄mı̄ nebulya'nanyaainyı̄ mı̄ka! Sahwarı̄na nı̄mı̄ wana maalı̄keinyı̄ra. Wı̄gaimwagya'neinyı̄ gamı̄re kwaari'ması̄vı̄lya' galyaa'mune' nı̄mı̄ a'mwe nawı̄'nyainyı̄ mı̄!. Sahwai sarı̄mını̄yı̄ pwaihı̄rı̄na Kurya Tewaanyarı̄ kusawı̄ bavı̄taazı̄ya yı̄hya'nei Kurya Tewaanyarı̄ wı̄layı̄hı̄mwaaihadelyı̄. Nabaai pwaihı̄rı̄ mu'nı̄ya'neihı̄rı̄ daangevı̄ bavı̄taazı̄ya yı̄hya'nei dı̄kevı̄ wı̄layı̄hı̄mwaaihadelyı̄. ¹⁷ Sai gannya saavolīya parı̄nake' gannya asırı̄ lı̄mwada witı̄ya yı̄lamarası̄'na yı̄lamarası̄'na kyojı̄ yagı̄nya kı̄laake kurı̄vaarı̄ya yı̄huta bamakuna kyojı̄ witı̄zı̄la gamı̄re witı̄zı̄langevı̄ marakadelyı̄. Gamı̄re mı̄nyevı̄ witı̄ya kune kwarojojı̄ kurı̄vaarı̄ya dı̄ka migaya'nevı̄ mariravadengı̄." ¹⁸ Sarevı̄daa'nyı̄ Jonı̄ sara wı̄dına yaka nabaai kumı̄re sı̄munyavı̄ yı̄dı̄kavı̄mwaaihyı̄ ya'nei yagaala kwalaalya pı̄nı̄jı̄ dı̄na yı̄na ya'. Nabaai sasare dazabwi a'mweraavı̄ yagaala tewaanya' wı̄jı̄waakadevulyı̄.

¹⁹ Kırı̄' sai A'mwe Erotı̄yarı̄ kumı̄re maremwaala maalı̄kerı̄ maanga wı̄dına. Erotı̄yare gya'mwere a'mwe' Erotı̄yaazavı̄ kuka maarake'najı̄ nabaai kayaa'na yı̄wetawakya yuya sara yake'najı̄ maanga wı̄dına. ²⁰ Maanga wı̄dına kya' Erotı̄yai kayaa'na yı̄wetawakya yaka yuya daza yı̄wetawakya pı̄risı̄ ye'mwanna yakesı̄. Sahwai Jonı̄mı̄ kalavuzavı̄ wı̄mwaaihı̄na yakelyı̄. Sara yakesı̄.

Jonı̄ Jizaazarı̄ bavı̄taazı̄ya yake'nesi.

(Matı̄yui 3:13-17; Maakı̄ 1:9-11)

²¹ Jonı̄ tewaanya mwaalakegaa' a'mwe yuyaraavı̄ bavı̄taazı̄ya yakegaa' yı̄ Jizaazai kwarı̄jı̄ bavı̄taazı̄ya kya' Jizaazai Gotı̄yarı̄ wı̄dadaa'nyı̄, yı̄thaa, sı̄gunya' mujaangı̄na kya' ²² Kurya Tewaanyai walaabı̄na. Kurya Tewaanyai yuta kwaamı̄ryaibı̄sai sahwaryawı̄nnei walaabı̄na. Mi'na walaabı̄na yaka bwalamwaaina kya' Sı̄gunyavı̄daa'nyı̄ maanguraaya pı̄rı̄' jaka yı̄nyı̄na "Gı̄mı̄ nı̄mire Nyı̄bwaalı̄vaangeigı̄nyı̄ra. Gı̄mı̄nyı̄na tewaanna nyı̄vu'nadeigı̄nyı̄. Kurya tewaanya gukadı̄nyaigı̄nyı̄."

Jizaazarı̄ gyakwalaangeraavı̄ne yayannesı̄.

(Matı̄yui 1:1-17)

²³ Jizaazai gamı̄re wawı̄nya aaya mudı̄'na yamaata yakegaa' gamı̄re kwarame a'mwere sı̄vı̄latı̄raalya pware atı̄raalya (30) pı̄nı̄jı̄ mena kwavı̄lava' kırı̄' a'mwera yawı̄'na "Sai Jozepı̄yare gawaalı̄kı̄ra."

Sahwai Yı̄laarelyı̄. ²⁴ Sahwai Maatatı̄mı̄relyı̄.

Sahwai Livaayarelyı̄. Sahwai Melı̄kaarelyı̄.

Sahwai Janaarelyı̄. Sahwai Jozepı̄yarelyı̄.

²⁵ Sahwai Matataayazarelyı̄. Sahwai Emozı̄mı̄relyı̄.

Sahwai Nayaamı̄mı̄relyı̄. Sahwai Ezı̄laarelyı̄.

Sahwai Nahaarelyı̄. ²⁶ Sahwai Mayaatı̄mı̄relyı̄.

Sahwai Matataayazarelyı̄. Sahwai Semenı̄mı̄relyı̄.

Sahwai Jozekı̄mı̄relyı̄. Sahwai Jotharelyı̄.

²⁷ Sahwai Jowaananı̄mı̄relyı̄. Sahwai Rezarelyı̄.

Sahwai Seravaavelı̄mı̄relyı̄. Sahwai Sı̄yalı̄tiyalı̄mı̄relyı̄.

Sahwai Neraarelyı̄. ²⁸ Sahwai Melı̄kaarelyı̄.

Sahwai Ethaarelyı̄. Sahwai Kozaamı̄mı̄relyı̄.

Sahwai Elımathaamı̄mirelyī. Sahwai Erı̄mirelyī.
 29 Sahwai Jozuwaakı̄relyī. Sahwai Elı̄yazarelyī.
 Sahwai Jorimı̄mirelyī. Sahwai Maatatı̄mirelyī.
 Sahwai Livaayarelyī. 30 Sahwai Sı̄mı̄yonı̄mirelyī.
 Sahwai Jutharelyī. Sahwai Jozepı̄yarelyī.
 Sahwai Jonaanı̄mirelyī. Sahwai Elaayakimı̄mirelyī.
 31 Sahwai Melı̄yarelyī. Sahwai Mennaamı̄relyī.
 Sahwai Matatarelyī. Sahwai Netaanı̄mirelyī.
 Sahwai Devitı̄mirelyī. 32 Sahwai Jeziyarelyī.
 Sahwai Wovetı̄mirelyī. Sahwai Bowaazarelyī.
 Sahwai Saalı̄monı̄mirelyī. Sahwai Naazonı̄mirelyī.
 33 Sahwai Aminı̄thapı̄mirelyī. Sahwai Athı̄minı̄mirelyī.
 Sahwai Anaarelyī. Sahwai Ezı̄ronı̄mirelyī.
 Sahwai Perezarelyī. Sahwai Jutharelyī.
 34 Sahwai Jaikopı̄mirelyī. Sahwai Aazakı̄mirelyī.
 Sahwai Evı̄raamı̄mirelyī. Sahwai Teraamı̄relyī.
 Sahwai Naaworelyī. 35 Sahwai Seruhı̄mirelyī.
 Sahwai Rewı̄mirelyī. Sahwai Pelehı̄mirelyī.
 Sahwai Evemı̄relyī. Sahwai Selaamı̄relyī.
 36 Sahwai Kainaanı̄mirelyī. Sahwai Aapakızathı̄mirelyī.
 Sahwai Samı̄mirelyī. Sahwai Nowaarelyī.
 Sahwai Lamekı̄mirelyī. 37 Sahwai Metuzalaamı̄relyī.
 Sahwai Yı̄nokı̄mirelyī. Sahwai Jaaretharelyī.
 Sahwai Maalalelı̄mirelyī. Sahwai Kainaanı̄mirelyī.
 38 Sahwai Yı̄nozarelyī. Sahwai Satarelyī.
 Sahwai Aataamı̄mirelyī. Sahwai Gotı̄yarelyī.

4

Saataanı̄ Kayaa'nanyaı̄ Jizaazarı̄ yı̄jı̄waala wia'na yaamı̄jı̄ walapapalakya wiakebwinesī.

(Matı̄yui 4:1-11; Maakı̄ 1:12-13)

1 Kurya Tewaanyai Jizaazarı̄ yuneba wı̄lamwaaidīnyı̄ Aalya Jothaniyavı̄ yagalya'ma'na yı̄na yaka ayı̄na kaanna wı̄na. Sarevī a'mwamaayabanna Kurya Tewaanyai sahwarı̄ yı̄bwarı̄daakuna yadaa'nyı̄ 2 sai a'mwera mamwaalyı̄gata dazaba mwaalı̄na yadı̄'nyı̄ yırı̄ka a'mwe pwaraare sı̄vıla atı̄raalya (40) bwodaa'nyı̄yagaa' Kotı̄ya Maryadei kayaa'nanya'na yaamı̄jı̄ walapapalakı̄na. Yaamı̄jı̄ walapapalakı̄na yadaa'nyı̄yagaa' sai wapaaya aane kırı̄' pırı̄' tı̄ka manyı̄ kya' dı̄vidaa'nyı̄ mı̄jı̄ka wina. 3 Mı̄jı̄ka wina yadaa'nyı̄ sagaa' Kotı̄ya Maryadei wı̄dı̄na "Nabaai gı̄mı̄ 'Gotı̄yare Gawaalı̄vaangeinyı̄ daakajı̄,' yı̄ sı̄la dazarı̄ duthana! 'Sı̄lya'gı̄ bı̄retı̄ya jı̄ma'nana!'" 4 Wı̄dı̄na kya' Jizaazai ja'nawı̄dı̄na "Bukuya' dara dı̄nı̄! 'Yune bı̄retı̄ya'nanya' sa' a'mwerı̄ gaala yı̄nı̄ga wı̄jaavade' mı̄ka! (A'mwerı̄ kuryarı̄ yı̄vaimwagathe' mı̄!)" 5 Mīna wı̄dı̄na kya' mugunya naangevinı̄na makilaawīna yaka sare' yı̄me'nya'bı̄' Kwaakevakı̄ya maremwaaidīvı̄ta kingı̄yaraavı̄ne yuya sangı̄ wibwarı̄daakuna. 6 Yı̄na yaka Kotı̄ya Maryadei wı̄dı̄na "Maremwaaidı̄vı̄ta yuya dı̄ragı̄nya daza gı̄mı̄nyı̄ gı̄zaavı̄deinyı̄ra. Dazahı̄nı̄ngı̄ne byaanna dı̄ragı̄nyajı̄ gı̄zaavı̄deinyı̄. Yuya gı̄thı̄we daza nı̄mı̄re yuya mena yı̄ma'nını̄kengı̄ra. Sare'na nı̄mı̄ 'A'mwe pwarı̄ wı̄jaavı̄ma!' dı̄wı̄ja!', yı̄ nı̄mı̄ wı̄jaavı̄na yı̄deinyı̄ra. 7 Nabaai gı̄mı̄ walaruta'na'dı̄zaigı̄ nı̄mı̄nyı̄ lotuya nyı̄maryı̄jaigı̄ sarevīdaa'nyı̄ yuya daza gı̄mı̄re yı̄ma'nadengı̄ra." 8 Sara wı̄dı̄na kya' Jizaazai wı̄rı̄vı̄kī'na "Bukuya' dara dı̄nı̄! 'Gı̄mı̄ Naangerı̄ gı̄mı̄re Gotı̄yarı̄ yı̄laaya nayaa dumarya!"

‘Yune gave sahware wawinyanna nayaa limwaga’na jitheiginyi.’ ”

⁹ Widina kya! Jeruzaalemina yibwaridaakuna yina yaka Gotiyare Angevi yuna munya ke’bevanna yilamarakaawina yaka widina “Nabaai gimi ‘Gotiyare Gawaalivaangeinyi daakajit,’ davadaasi kewininnna dithikwosika! ¹⁰ Sare dare’nesi. Bukuya! dara din!

‘Gamiire ejeliyaraavi kudozi giminyyi nayaa gimaremwaabi’derera.’

¹¹ Nabaai

‘Sila pwai gimirre sivilyari nagimwinadika!

‘Sahwara kumire asajit maragili’mwagapi’derera.’

Sara dinike’nesi.” ¹² Sara widina kya! Jizaazai ja’nawidina “Yagaalya! dara din! ‘Gimi Naangeri gimirre Gotiyari yaamiji minnera! Gotiyare simunya! wa’dori yune ginnya simunyavidaa’nyi sara minnera!” Sara dinikesi.” ¹³ Mi’na widina kya! Kotiya Maryadei walapapalakya dala pininnanya yaamiji mena yaka Jizaazar yagalya’malna yaka pigaa’nei yemwaaina ya!.

Galili Jizaazai wawinya’ mudi’na yamaarake’nesi.

(Matiyui 4:12-17; Maaki 1:14-15)

¹⁴ Kurya Tewaanyare diraginyavi Jizaazai Galilinei ayina wina ya!. Sarevi’daan’nyi gaminyine yagaalya! anga saba yuyaba yi’namarya!. ¹⁵ Sarevi yuyagaal a’mweraavi kumire lotuangengi wijiwaakina. Sara wijiwaakina yadaa’nyi a’mwe yuyara gaminne yaya! byaannake! munyaba makina yadiviki.

Naazaret mwaalyara Jizaazarina “Aala!” desa’nesi.

(Matiyui 13:53-58; Maaki 6:1-6)

¹⁶ Jizaazai Naazaretnei kaanna wina. Sinnawi maalikegaa!, sai anga naanga dazaba mwaalakelyi. Sara mwaalaka naanga yima’nakelyi sahiba. Sai yuyagaal yadevaabi’na kwazaakegaa’ lotuangevi wilaawina. Wilaawina yaka Gotiyare yagaalya’ tinna danganya’nei daavina. ¹⁷ Sarerit bukuya piropetiya Aazaayai wijaake’ dinike’ wijaavina. Wijaavina kya! bukuya! maratilaayina yaka yagaalya! dara yida’nikevi wanganna

¹⁸ “Naangere Kuryai niminyi nyimwaaliika.

Sarevi’daan’nyi gilyiv’maayaraavina yagaala tewaanya! wijiwaakya’neinyi

Welivananya! dingina nyadevi niminyi nyidahilakakeinyi.

Kalavuziyaraavi dara wijiwaakya’neinyi nyimaryasaabakeinyi

‘Kalavuzwawinyavi yagalya’mavapi kaanya dwila!’

‘A’mwe tibinyaihi tinna ayina danganyila!’

Taanga yihyadeihi taanga sa’ marasiti’nya’neinyi

Nayaa tewaanyaihi yihimwaaiphy’neinyi nyidasaaabakeinyi.

¹⁹ Naangere tewaanyagaa’ na padaihasamaaryagaa’na wijiwaakya’neinyi.”

Sara tinna wanganna, widina yaka ²⁰ bukuya! marabuku’na yaka maremwaalyari ayina wijaavina yaka wijiwaakya’nei walamwaaina. Sarevi a’mwe yuya lotuangevi mwaaidapiyara tinnya! yune gave sahwarina yi’bwaranganna yesalyi.

²¹ Walamwaaina yaka sahwaravii gaai widina “Dahaasagaa! Gotiyare pikarya daza! yuna nebwina yima’niwaka. Sarevi sarimi kadika mena wi’niwaasagaa’ nebwina yima’niwaka.” ²² Sara widina kya! sahwarine yayavii munyaba makidiv’i yagaala nawi’nya gamire maangikidaa’nyi widakevina atika maru’na’na yeva dinyna “Ai, a’mwe dazai Jozepiyare kaimiraayai midaaka!” ²³ Dinya kye! sahwaravii widina

“Naanga nebuliyasi. Sarimi yagaala ke’ba’nanya datha’ dinijideinyi ‘Dotaig’ gimirre kilakejikti nayaa javada’gainadeiginyi.’ Anga Kaapaniyam yaginyabaaibi’na, sa kadika mena wi’nongi nabaai gimirre anga dava gimirre kilakejibisaba avaala

sahibaabib'i'na ja!" ²⁴ Sara w̄idina yaka w̄idina "Nebulya'na yihithivani ge. Gannya angeba p̄ropetiya aane pwai kware yagaalyav̄i kadika mu'nyadiv̄isarera. ²⁵ Ȳithaanyi, naanga nebulyav̄inyi. Yihithivani ge. P̄ropetiya Yilaajaregaal' Yizireli saba yaanyiwaaka kwalaalya mwalyaaasangira. Dazagaa' kwarame dawaai da' yaka lawe ata puridaa'nyi pu'na wavila'daa'nyi nyila naangegaa' yada burika mi yada anga yuyaba yuneba mijika naange' yima'nyina yaakegaakira. ²⁶ Kiri' Yizireliadaa'nya yaanyiwaaka p̄iriyawinna Gotyai Yilaajar i mamaryaasi yina ya!. Aawa. Sai Sarepaati Saaithon si maginneri yune menyabanya' yaanyiwaaka p̄irivi mijike'na wigaimwagya'neri maryaaasina. ²⁷ Sabaaibi' P̄ropetiya Yilaazare sahigaa' Yizireli saba a'mwe samatanaka kwalaalyara mwaalina yadapi kiri' sahwaraavi myavada'galawimwaaihi kyaa' tewaanyara mima'nyaasare. Aawa. Yune menyabanyari Siriyadaa'nya Nemaani sahwari yavada'galawimwaaihi na yaakelyi." ²⁸ Jizaazai sara w̄idina kya' a'mwe yuyara lotuangevi mwaaleva yagaala savi kadika sara w̄i'nyina yeva sinna ti ka yune davina. ²⁹ Sinna ti ka yune davina kwia' daavina yeva anga naanga saba mwasila maryaaasina. Kumire anga naanga dazaba mugunya p̄irivi yilamannaawodi'nyiyaba. "Davaanyavi kewini sahwari livaramaana!" deva sahwari kumire anga yilamannadi'nyiya davaamaangebaari kaanya makuna. ³⁰ Kaanya makuna kye' kiri' sahwai kumi nyi tinnnyaba p̄raaihi'nyina yaka kaanya mena wi'na.

Jizaazai yimakeri maanga widaasake'nesi. (Maaki 1:21-28)

³¹ Sai Kaapaniyamina walaawina. Anga naanga sa' Galili mannikesi. Walaawina yaka Juyaraavire kwazaakegaa' wijiwaakina yina. ³² Sare savi sahwara kadika w̄i'nyina yeva atika maru'na'muluna. Sai diraginya naange' kininnakei wijiwaakya nawi'nya' w̄idake'na atika maru'na'muluna. ³³ Lotuangevi a'mwe pwai mwaalina. Sahwari yimakei w̄imwaaidi'nyiyalyi. Sai mwaalina yada jaka naanga danganna ³⁴ "Akai! Naazaretidaa'nyi Jizaazaig, neminyi gara ya'neig bahineka? Neminyi kayaaka neyigalya'neig bahineig daaka? Giminyina simunya mena gyawi'mwa. 'Gimi' Gotyare tewaanya nawi'nyaangeig daaka!' yawi'mwa!" ³⁵ Jaka sara danganna kya' kiri' Jizaazai maanga w̄idina "Yimakeig maange' bipala'gizi a'mwe sarj jahalya'makwona!" Sara maanga w̄idina kya' a'mweraayaba yimaka dazai a'mwe sarj kwaakewi yivatawakina yina yaka sarj kayaaka migalyi yaka sarj yagalya'makuna. ³⁶ Sara yagalya'makuna kya' a'mwe yuyara lika yiwainigulina yadiyi' kumi sara dara dinyina "Yagaala sasare sa' be yagaalavaka? A'mwe naangeibisai diraginnakei yimakeraavi diraginna w̄idiwake' sahwara kadika w̄i'neva a'mweraavi yagalya'maveva kaanna w̄iwaasarera." ³⁷ Sarevdaa'nyi Jizaazarine yagaalya dazimagi anga yuneba yamarina ya!.

Jizaazai kwalaalyaraavi tewaanya yavada'galake'nesi. (Matiyui 8:14-17; Maaki 1:29-34)

³⁸ Sagaa' Jizaazai daavina yaka lotuanga savi yagalya'ma'na yaka Saaimoni'mire angevinha wiлаawina. Saaimoni'mire ganyaalimaangevi bi'bi'nalaaya' wiadaa'nyiyavi. Wiлаawina kya' "Sahiri'vi wigaimwagana!" yawireva gaminyina yidaanganna. ³⁹ Yidaanganna kye' sahiri'yaba aya kiba gaidavaabina yina yaka bi'bi'nalaaya sa' maanga w̄idina. Sare' bi'bi'nalaaya sa' yagalya'makuna. Yuna sagaasagaa' a'mwe daza' dikaa'na yina yaka kumi nne wapaaya yovrawakina ya!.

⁴⁰ Nyiyai gaai walakyagaa' Juyaraavire kwazaake' mena yiwawakegaa' sawitirinyaburi a'mwe kwiya'mwanakera nalaaya dala nabinabinyajiyaraavi sahwaryawinna makabina. Mi'na makabina kye' sai gamire asa' a'ba yilakadaa'nyi a'mwe yuya sare saraav tewaanya ayina yavada'gaina. ⁴¹ Nabaai yimakera

a'mwe kwalaalyaraavì yagalya'ma'dìvì' yuna kaanna wìna. Yìmaka dazara jaka naanga danganna "Gìmì Gotiyare Gawaalì'gìnyìra." Sahwara sìdu'naka dare'na yawì'dìvìsa'na "Sai Kìraazì'tiyai daaka! Gotiyai dahìlakaka maryasaabakei daaka!" jaka sara danganna. Jaka danganna yadaapijì sahwai mayagaala wìdìna kya' sahwara maanga bìpaina yeva kaanna wìna.

(Maakì 1:35-39)

⁴² Yìrìka gaai pu'daa'nyì anga saba yagalya'ma'na yìna yaka a'mwera mamwaalyìgasìmagìnna kaanna wìna. Kaanna wìna kya' kwala bwa'naanya sahwarìna bìrìbìrya yìna yeva gamìnyawìnnna yìkuna. "Nemìnyì neyagalya'mavoji nawodìka! Gamìnyì dahalalìmwagaana!" yawìrevä yìkuna. ⁴³ Kìri' sahwai wìdìna "Gotiyai maremwaide yagaala tewaanya' anga naanga pìbanyakì wìjìwaakìma! Wawìnya daza' ya'neinyì Gotiyai nyìdasaabakeinyì." ⁴⁴ Sarei nabaai Juyaraavìre lotuangengì yagaalya' wìjìwaakìna ya'!

5

Jizaazai gamìre mìdiidìvìta sìnnawìnyaraavì jaka jìvwaramaa'na yake'nesì.

(Matìyui 4:18-22; Maakì 1:16-20)

¹ Pìgaa' aalìbunya Ganezaaretì maangebaarì daavìna. A'mwe kwala bwa'naanya' gamìnyì yuneba gìhìpalemwaaina Gotiyare yagaalyavìna kadìka wì'nya'nere.

² Aalìbumaangebaarì botìya pukaai wa'dì'nyì kìri' a'mwe jawìnya maarya'nera botìyìkaari yagalya'ma'na yìna yeva jawìnya mwagi'nya'ne jawìgìlya aalya lìvayìna yesarera. ³ Daavìna yaka kwala bwa'naanya' yuneba gìhìpalemwaalesaraavì tìnna wanganna yada botìya puki dìkwosì'na. Botìya sì' Saaimoni'mìrikì. Sara yaka botìyìki gyakwalaangerì wìdìna "Botìya dìkì kengina maalìkìbaweba jìtawaasa!" Sagaa' botìyìki yìlamwaaina yaka kwala bwa'naanyangì wìjìwaakìna. ⁴ Yagaala mena wìjìwaakìna yakegaa' Saaimoni'mì wìdìna "Botìyi' aalyavi tìnnyaba pìzì'gwana jìtavamakulaawa! Sara ya'gìzi kìrimìtì jawìnya maarya'ne jawìgìlya' dakyìla!"

⁵ Sara wìdìna kya' Saaimoni wìdìna "A'mwe naangeigì dahaa' sawìta darìki nemì yuyaina yagi'yagì wawìnya yìvanìgoine. Sara yadaa kìri' jawìnya aane pìni kìnì maa'manìgoina mi'. Sare' kìri' gìmi dìwaanya'na jawìgìlya' marakìma!" ⁶ Sara yìna yagi'la jawìnya kwalaalya naanga bulaminyìna yadaapiyagaa' jawìgìlya' mara-mumwìnyìrìjì yìna. ⁷ Sara kya' sagaa' botìya puki mwaaidakiya kumi'jìyaraarì jaka wìdìna yagi'la kìrimìnyì gaimwange'na akwebwata yìna kyagi sara yìkabìna kyagi botìya sìkaari' jawìnya yunebanna yeku'nyìna. Sagaa' botìya sìkaai kewìni makwalaawìjì yìna. ⁸ Sara yìna yadaa'nyì Saaimoni Pitai tìnna wanganna yaka Jizaazaryawì sìvìgi'nyìryawi' walaruta'nyìna yìna yaka dìna "Naangeigì, nìmì kayaa'nanyabwi kìnìnnakeinyìna nyagalya'mava'gìzi dìwona!" ⁹ Sare' dare'nesì. Sahwai jawìnya yuya maareta sangì tìnna wanganaka lìka yìwaainyìna. Nabaai a'mwe gamìjì ye'mwannamwaaleta kwarajì sara kwara lìka yìwaainyìna.

¹⁰ Nabaai sabaaibì' Sevathiyare kaimìraayaraai Jemìzalyì Jonìjì saraai Saaimoni'mì ye'mwannayadisaraai kwaraalyì lìka yìwaainyìna. Pitai lìka yìwaainyìna yaka sara wìdìna. Sara wìdìna kya' Jizaazai Saaimoni'mì wìdìna "Lìka minnera! Dahaa'daa'nyì a'mweraavì gaala mwaalya'neraavì maarì maarya jìtheigìnyìra." ¹¹ Wìdìna kya' maangebaarì tìyawìnnna botìyìkaai yìtavamakulaawìna yìna yeva yuya sa saba yovìgaipwakìna yeva sahwarì mìdìnyìna ye'!

Jizaazai samatanaka pwarì tewaanya yavada'galake'nesì.

(Matìyui 8:1-4; Maakì 1:40-45)

¹² Jizaazai anga naanga pìba mwaaidì'nyì, yìthaa, a'mwe pwai gamìre kìlaakejìkì yunebanna samate wa'dì'nyìyai mwaalìna. Sai mwaalìna yaka Jizaazarì tìnna

wanganna, gamire sinnenyikti kwadaai walaruta'nyina yaka sahwarit diraginna yidaanganna "Naangeigit, ginnya simunyaviti sara yawit'diza' yiniga wi'na tewaanya nyavada'gaidinneiginti." ¹³ Sara yidaanganna kya' asa' yiwibwa'na yaka sahwarit asa' dathiwanna yaka widina "Simunyaviti sara yawit'mwa. Tewaanya jima'nana!" Sara widina kya' yime'nya'bti samate sa' mena yiwina. ¹⁴ Mena yiwina kya' "A'mwera niminyawinna yaasiwa'na nabipidika!" daka diraginna widina "Sarevit a'mwe aane pwai kwarit nujawaakidika! Aawa. Gimire kilaakejiti Gotiyarina mubithika yira'derit piritiyarit duzivainaawa! Sara ya'gizi Mozizai dakabaaibti yira'nade' dika nasi'nade giminyyina girayadelyira. Sarevitdaa'nyi a'mwera gyawirangabti'derera 'O, sare samate' mena jiwiwaka!' " ¹⁵ Sara diraginna widina kya' kiri' sanna yihusinna yinnagiti'mavaka kuna naangeba yi'namarina. Sara yadaa'nyi sarevitdaa'nyi kwala bwa'naanya kwalaalya gaminyawinna yikabina. Gamire yagaalyaviti kadika wit'nya'nera kumire nalaaya marasi'nya'najit yikabina. ¹⁶ Yikabina yadaapi kiri' yuyagaa' sai a'mwera mamwaalyigasaba woda gavei Gotiyari widadelyi.

Jizaazai ata sivila bainikeri tewaanya yavada'galake'nesi.

(Matiyui 9:1-8; Maaki 2:1-12)

¹⁷ Pigaal sai wijiwaakina yadaa'nyi Periziya pwaraji kitiwinya dinikengina maremwaaidivisarajit sara mwaalina. Anga yuyabanyadaasi Galili simagidaasi Juthiya simagidaasi Jeruzaalemi simagidaasi yikabevere. Sarevit Naangere diraginya! Jizaazarit wila'dit'nyi nalaavinkeraaviti tewaanya yavada'galya'nei mwaalina. ¹⁸ Sara mwaalina yadi'nyi, yithaa, a'mwe pwara a'mwe pwarit yibinyaviti makabina. A'mwe dazare yagiya yuya mena bainikei. Sare sarina "Angevi marikwavamakulaawina yawaajit gaminyaawiti aya kiba gidiku'nawakaana!" deva ¹⁹ kiri' kwala bwa'naanya'na yesarera. Kwalaalyara mijahibalakina yadapi nalaavinkaka sari makulaawia'ne tutaanya aane piriti minyadit'nyi biribirya yi'maareva. Sarevitdaa'nyi angevi munyabanna bamaraga'nigilaawina yina yeva angevi munyabanna daburaabina. Mena daburaabina yeva yi'binyaviti yila'dit'nyiyarit maralaal'mwanna yina yeva wilyabaari a'mweraayaba tinnyaba kewinti kave yibwa'mwagaasina yeva Jizaazarit kusmagi walakina. ²⁰ Walakina kye' kumire gaminya'ne'na limwanga saburit yawiranganaka widina "A'mweigt, gimirre kayaa'nanya mena gimarasi'mwana." ²¹ Widina kya' Kitiwitarajit Periziyyarajit kumi sara yagaalkwalaalya dinya'na "A'mwe dazai yuna bewai dingaka! Gotiyarina yagaai'biraizika yivanika sala! Kayaa'nanya sangi yinahu marasi'nadei a'mwei pwai mikka. Sa' Gotiyai wawinya' yune gave sahwaresira." ²² Dinya'na yadaapi Jizaazai kumire simunya yawit'daapiyangi mena yawirangananna yaka kumi'nyi dara ja'nawidina "Sarimire simunyangi simugwalaalya yaasiwa'na yawit'manigasa' be'neka!" ²³ Kaveya ya'ne piri'waai beri'waalaka! Nabaai nimti diwija' dingaka? 'Gimirre kayaa'nanya mena marasi'mwana?' Nabaai nimti diwija' dingaka? 'Gimi daava'gizi kaanya diwona?' Aawa. Yuyawaai naangewaalyi. ²⁴ Kiri' sari'minyina 'Sahwara nayaa dara yawipika! "A'mweraavine Kaimiraayai Kwaaka davakine'na kayaa'nanyanna yiniga wi'na marasi'nya'nei diraginya kininnakelyi," dena yima!" A'mwe gannya yagiya yuya mena bainika sari dara widina "Githiwa. Gimidaava'gizi ginnya yi'binya' maara'gizi ginnya angevineigiti kaanya dimakwona!" ²⁵ Sara widina kya' a'mwe dazaraavire tinnyarit yuna sagaasagaa' sai daavina yaka kigaa' yilarake' maarina yina yaka gannya angevina kaanna wi'na. Sarevit sai Gotiyarine yaya' munyaba makina yada kaanna wi'na. ²⁶ Kaanna wi'na kya' yuyara atika maru'nakulina yeva Gotiyarine yaya' byaannake' munyaba makina yadivit'likai yiwainigulina yeva din "Daha' nemi nabinya piburi wangamwona!"

Jizaazai Livaayari jaka jivwaramaa'na yake'nesi.
(Mat 9:9-13; Maak 2:13-17)

²⁷ Dívidaa'nyi yagalya'ma'na yada taakiz̄iya maa'dívita angevi taakiz̄iya maa'de pwai Livaayai wo'n̄kei mwaaidi'nyiyar̄ t̄inna wangamab̄ina yaka w̄id̄ina "D̄nyim̄d̄inaama!" ²⁸ W̄id̄ina kya' daav̄ina yaka yuya sa saba yagalya'mawak̄ina ȳna yaka Jizaazar̄ m̄id̄nyi'na.

²⁹ Sara yakei Livaayai gannya angevi gam̄nyine t̄ika wapaaya ȳd̄ika naanga ȳna. A'mwe taakiz̄iya maa'dívita kwalaalyaraj̄ a'mwe kwalaalya pwaraj̄ walamaaaina ȳna yeva saraalyi t̄ika wapaaya ye'mwannanyi'na. ³⁰ Sahwaraj̄ ye'mwannanyi'na yadaapi Per̄z̄iyaraj̄ kum̄rera K̄w̄ijaraj̄ sara gam̄tre m̄id̄dív̄saraav̄ maamaya-gaala w̄id̄ina. Sahwara w̄id̄ina "A'mwe taakiz̄iya maa'dív̄saraj̄ ḡrikita'nanyaraj̄ sar̄imi t̄ika wapaayaj̄ aalyaj̄ be'na ye'mwannan̄van̄gava!" ³¹ Maanga w̄id̄ina kye' Jizaazai w̄ir̄iv̄ki'na "A'mwe maam̄daryara dotaayaraav̄ina w̄igainadera m̄ka. Aawa. Yune nalaav̄naka sarana w̄igainadere. ³² N̄imi a'mwera 'Nem̄i ȳda'maraangeinera,' d̄id̄v̄sara s̄imunya mud̄ke' yaw̄ramaap̄kaj̄ jaka jivwaramaarya'neinyi b̄weinyi m̄ka! Aawa. A'mwe ḡrikita'nanyara s̄imunya mud̄ke' yaw̄ip̄de'na jaka jivwaramaarya'neinyi b̄weinyi'ra."

Got̄yar̄ina t̄ika munnenḡ k̄maakiya dakyabwinesi.
(Mat 9:14-17; Maak 2:18-22)

³³ Sagaa' gam̄nyi dara w̄id̄ina "Jon̄im̄rera t̄ika munnenḡ k̄maakiya dakadív̄sare. Sara yad̄iv̄ Got̄yar̄i saam̄nyagaa' w̄idadív̄sare. Sabaaib̄i Per̄z̄iyainaav̄re kwaraj̄ avaala sara yad̄iv̄sare. Sare' k̄ir̄i ḡm̄rera k̄maakiya madakyad̄iv̄i t̄ika wapaayaj̄ aalyaj̄ t̄ika n̄van̄gave!" ³⁴ Sara w̄id̄ina kye' Jizaazai sahwaraav̄ w̄id̄ina "Mud̄kangegaa' a'mwe pwaraav̄re kw̄iya'mwei kwala maarya'nei a'mwe dazai saraj̄ kuna ye'mwannemwaaidori sar̄imi t̄ika munne ȳni'ga k̄maakiya dak̄p̄neihi daaka! Aawa. ³⁵ K̄ir̄i d̄vi sagaa' kum̄nyi a'mwe kwala maarya'ne dazar̄ kipalamakwop̄i' ȳi dazagaal̄ kuna t̄ika munne k̄maakiya dak̄ib̄i'derera." ³⁶ W̄id̄ina yaka ke'ba'nanya' sahwaraav̄ w̄id̄ina "Baazi'ma'nya gaalyav̄idaa'nyi p̄m̄ili' dava-maaroj̄ baazi'ma'nya lihi'n̄ka yawakev̄i m̄iw̄rya'nei a'mwei aane pwai kwai m̄ka! Aawa. A'mwe pwai sasara yaja' baazi'ma'nya mud̄ke' kayaaka ȳgaladelyi. Nabaai kwaab̄iyi'v̄ita davamaaraja gaala mud̄kemili' baazi'ma'nya yawaka daza'b̄i' avaaina wannadewaaai mi'. ³⁷ Nabaai a'mwe aane pwai aalya waain̄ya mud̄ke' meme k̄laaka aya yawakev̄i marad̄ingi'dei mi'. Aawa. Pwai sara yajai waain̄ya gaala mud̄ke' aali'maagwala bilamari'bwarakada k̄laake' maramumw̄nyiroj̄ kwaake-vak̄na bwaland̄ma'naawi'na. Sara yoj̄i nabaai meme k̄laaka k̄risi kayaaka ȳnyi'na. ³⁸ K̄ir̄i a'mwei meme k̄laaka yune gaala mud̄kev̄na waain̄ya gaala mud̄ke' marad̄ingikadelyi. Ȳi tewaanyasi." ³⁹ Gam̄tre w̄ij̄waakya mud̄kev̄na sai w̄id̄ina "Nabaai yuyagaa' a'mwei aalya waain̄ya aya yawake' mena nadei aalya mud̄ke'na w̄ivu'nade' mi'. Sare' dare'nesi. Yuyagaa' aya yawake'na yaw̄i'na yada dadelyi 'Aya yawake' waburyas̄ra.' "

6

Kwazaakegaa'ne Naangerinesi.
(Mat 12:1-8; Maak 2:23-28)

¹ Kwazaaka pi'gaa' wit̄wawinyavi tusav̄i kaanya yamarina yadaa'nyi gam̄tre m̄id̄dív̄sara wit̄zi'la p̄ni' gimuj̄na ȳna yeva kum̄re asangi l̄l̄iv̄wanna yeva t̄ika nyi'na. ² T̄ika nyi'na kye' k̄ir̄i Per̄z̄iya pwara d̄ina "Gimuj̄na yeva l̄l̄iv̄wanna ȳwaasa' Kwazaakegaa'na k̄maakes̄ra. Sar̄imi be'na ȳvan̄gava!" ³ Sara d̄ina kye' Jizaazai w̄ir̄iv̄ki'na "Ne Devit̄i yaka dazanna p̄karya d̄in̄kev̄i madanganyad̄iv̄taihi

daaka! Dıvanıge dazagaa' sahwalyı gamırerari saraavı mijıka yesagaa'. ⁴ Devitı Gotıyare Angevi wılaawına yına yaka bıretiya! Gotıyaryaba wakyaasa' maarına yaka tıka nyına. Bıretiya daza' a'mwe yuyaraavına kımaakıya dakınıkesi. Yune pırizıyarana tıka nya'nesi. Yı sare' kırı! Devitı tıka naka gamıre kwaraavıjı wıjayaakesi. Dazahırıvı madanganyadıvtaihi daaka! Sai yaasıwa'n na manyaake'n na Gotıyai maanga majaakelyı." ⁵ Wıdına yaka wıdına "A'mweraavıne Kaimıraayai kwazaakegaa'ne Naangelyı. (Kwazaakevi 'Sa' nawı'nyabulyı. Sa' kayaa'nanyabulyı, dakannelyı.)"

(Matıyui 12:9-14; Maaki 3:1-6)

⁶ Kwazaaka pırıki Juyaraavıre lotuangevi wılaawına yaka a'mweraavı yagaalya' wıjıwaakına. Sagaa' a'mwe pwai gamıre aangasımagınya asi yaalıka yınnıkei mwaalına. ⁷ Sarei mwaalına yadı'nyı Kıwıjarajı Perızıyarajı Jizaazarı yawırabangana'n. "Yawıranganaana! Kwazaakegaa' nalaavınakeraavı tewaanya yavada'galadei dıngaka? Sara yaja' kotıya' maryı'neina yaana!" deva yawırabangana'n. ⁸ Sara yadaapi kırı! kumıre sımunyangı mena yawıranganna yaka a'mwe dazarı asi yaalıka yınnıkerı wıdına "Gımı daava'gızı tınnıyaba dıthaaka!" Wıdına kya' sai dıkavedaa'n. ⁹ Sara yına kya' Jizaazai kumınyı wıdına "Yıhithaanganıde'nanyıra 'Nabaai kwazaakegaa' tewaanyabwina yadaanya' yıda'nanya' dıngaka? Kayaa'nanyabwina yadaanya' yıda'nanya' dıngaka? Nabaai a'mweraavı padaihasama'daanyabwine' dıngaka? A'mweraavı kayaaka yıgaidaanyabwine' dıngaka?" ¹⁰ Wıdına yaka a'mwe yuyaraavı tınnıa wanganamarina yaka a'mwe dazarı wıdına "Gımıre asa' jıwıbwaka!" Wıdına kya' a'mwei sara yına kya' gamıre asa' ayına maamıdarya yıma'nyına. ¹¹ Yıma'nyına kya' kırı! sahwara sınnıa tıka yuna naanga davına yadaa'nyı kumı sara dınaawına "Nemi Jizaazarı gara yaadeinaavaka?"

Jizaazai gamıre sıvılırıdaa'nyı pwaraalyaraavı dahılkake'nesi.

(Matıyui 10:1-4; Maaki 3:13-19)

¹² Dazagaa' "Nımwarına wıdıma!" daka mugunyavına yılaawına yına yaka Gotıyarı wıdına. Sawıta dazagaasa sarıki Gotıyarına kuna yıdangadaa'nyı yune yırıke'na mıdaihırakına. ¹³ Nyılyai bilyırı'na kya' gamıre mıdıdıvisaraavı jaka wıdına kya' yıkabına. Sara yıkabına kye' sahwarajıya sıvılırıdaa'nyı pwaraalyaraavı dahılkına yına yaka "Yaya' Apozelıyaihılyı. (Nımıre yagaalya'nı yıhıthaasıdeihılyıra,) wıdına. ¹⁴ Pwai Saaimonınyı. Sarei sarı Jizaazai "Pitaigınyı," yaya sa' wıdına. Nabaai Edıruyai, Saaimonımı gahwaalaangelyı. Nabaai Jemızalyı Jonıji Pilipıji Baatolomyulyı ¹⁵ Matıyulyı Tomaazalyı. Nabaai Jemızai Alıpıyaazare gawaalıktı. Nabaai Saaimonı yaya pırı! Selotıma wo'nıkelyı. (Selotı - gannya kwaakevakına yawi'dei.) ¹⁶ Nabaai Juthaazai Jemızare gawaalıktı. Nabaai Juthaazai Yızıkerıyotıyalyı. Dıvidaa'nyı sai Jizaazarı gamıre yıkamaangeraavına wıbwarıdaakwıai yıma'nakelyıra.

Yılaayabwina taangebwina sawaarınesi.

(Matıyui 4:23-25)

¹⁷ Dahılkakegaa' kewıni kumıji ye'mwanniğwalaawına yeva kwaaka waraasaba daavına. Sahıba gamıre pwara kwalaalyarajı a'mwe kwala naangerı, yuya Juthıya sabadaasarajı Jeruzaalemdıaasarajı saalaalyavı maangebaarı Anga Taayaajı Anga Saithonıji sawaari aya kıbadaasarajı mwaalına. ¹⁸ Gamıre yagaalyavı kadıka wı'nyı'nera "Sahwai nemıre nalaaya nemarası'nade'nana! Nemınyı pwaraavı, yımakera taanga wıjaayaraavı yımakeraavı wıdaasade'nana!" yawırevı yıkabına. Sarera yıkabına kye' tewaanya yavada'gaina. ¹⁹ Sagaa' gamıre dıragınya' yına yaka yuyaraavı tewaanya wıma'nake'na kwala bwa'naanya' yuyara "Gamınyı yune asa'na

kime'nawaajì tewaanya neyavada'galade'nana!" Sara deva sara yeva tewaanya mwaalìna.

(*Matiyui 5:1-12*)

20 Gamìre mìdìdìvìsaraavì tìnna maranganna yìna yada wìdìna

"Yìlaaya yadìvì' tewaanaanga yìnìkeihìlyì gìlyìvì'maayaihi.

Gotìyai maremwaaidevì sarìmì sahwaihìre warìke'nanyì.

21 Yìlaaya yadìvì' tewaanaanga yìnìkeihi,

Dahaa' mìjìka yìhivanìkeihi

Dìvi yunebanna napìjì

Sarìmìnyì munya yìhinade'nanyì.

Yìlaaya yadìvì' tewaanaanga yìnìkeihi,

Dahaa' kìnna dìwaainìvanìgasaihi

Dìvidaa'nyì jìka dìhide'nanyì.

22 A'mweraavìne Kaimìraayainyì nyìmìdidaapiya'na a'mwera sarìmìnyìna sìmìlìka wìladere. Sara kwìyojì sarìmìnyì yìhìthaasadìvì' navaruyagaala yìhìthadìvì' sarìmìnyìne yaya yuna kayaa'na marihìlaasìna yìhipì'dere. Nìmìnyìne'na sara kihyapìjì sare sa'na yìlaaya yadìvì' tewaanaanga yìnìkeihìlyì. **23** Sagaa' sasare sa' yìhipìja' yì yìlaaya naanga yadìvì' yìlaaya nebwina kwarame jideihìlyì. Yìthaanyì! Sare' dare'nesì. Sigunyavì Gotìyaryaba sarìmìre wìrìvìkìsa' yuna naangesì. Nabaai sare' dare'nesì. Sìnnawì kwìyakwarava kuvìdaarava Gotìyarì wì'nawìjìwaakadìvìsaraavì pìropetìyaraavì avaaina sasara yaasare tìvìkìta nawì'nya maarya'neraavì.

24 Sare kìri'

'We!' Gìlyìvì'nakéihi sìmunyangì tewaanya yìhya'ne

Sarìmì mena maaresa'na mala naya jìwannyìla!

Sareihi Gotìyarì myawìrya'neihi taanga wìjaavìna yìhyadeihìlyì.

25 We!! Dahaa' yunebanna neva munya yìhimwakeihi

Dìvidaa'nyì mìjìka yìhyade'nna sarìmì mala jìwannyìla!

Sareihi Gotìyarì myawìrya'neihi taanga wìjaavìna yìhyadeihìlyì.

We!! Dahaa' jìka givanìgasaihi mala jìwannyìla!

Dìvidaa'nyì kìnna dadìvì' kìdaraalya naanga bwalayìhìravaawadengì,

Sareihi Gotìyarì myawìrya'neihi taanga wìjaavìna yìhyadeihìlyì.

26 We!! Yuyara sarìmìnyìne yaya munyaba makibìza'na yì nabaai mala jìwannyìla!

Sare' dare'nesì. Sìnnawì kwìyakwarava kuvìdaarava pìropetìya kwaasiyaraavìne yaya munyaba avaaina sasara makìlyaasare tìvìkìta kayaa'nanya maarya'neraavìna.'

Yìkamaangeraavìna tewaanna wìvu'nyabwinesì.

(*Matiyui 5:38-48; 7:12*)

27 Kìri' nìmìre yagaalya' kadìka nyu'nìvanìgasaihìri' yìhìthìvanìge. Sarìmìre yìkamaangeraavìna kale yìhyana! A'mwera sarìmìnyìna sìmìlìka widaaworiyaraavì tewaanyabwina jideihìlyì. **28** A'mwera sarìmìnyì paasiyagaala yìhìthìpijaraavì gaimwangebwina duzideihìlyì 'Gotìyai tewaanna yìhyana!' A'mwe bìraiyyagaala yìhìthìpijaraavì gaimwange'na Gotìyarì duzideihìlyì. **29** Nabaai a'mwe pwai gìmìre maangwìdaanya pimagì kagìramojojì yì gìmìre maangwìdaanya pimagì tamya'na gìnyìwannyìna jìtheigìnyì. A'mwe pwai gìmìre yìvisà' kagìmwagi'nojì gìmìre baazi'ma'nya' maaraja'na kìmaakìya madakìnnera! **30** Nabaai gazaizai gìlyìvìta pìnìnnna kagithaanganojì sari wìjaavìna jìthelyì. A'mwe pwai gìmìre gìlyìvìsa kagìmaarojì 'Ayìna dìnyìjaama!' dìragìnnna mudangadìnnna! **31** Sasare sabwi sarìmì yawì'dìvìsabwina 'A'mwera sara nyìpìka!' dapi sasare sahìbaaibì' kumìnyì sara jideihìlyì.

³² Nabaai sariminyina kale wiadevaabi! sarimi a'mweraavina kale yihyaja' Gotiyari sariminyi yanga gaimwanga ya'ne beni dimaaryideihilaka! Sare' dare'nesi. A'mwe kayaa'nanya kwaraji sahwaraavina kale wiade saraavina kale wiadere. Sarehi sahwaraav wavyala'manigasaihi daa! ³³ Sare' dare'nesi. Sarimi a'mwera tewaanna yihipijaraavi tewaanyabwina wiadivi! sariminyi gaimwanga ya'ne beni dimaaryideihilaka! Yi a'mwe kayaa'nanya sara kwaraji sasare sabwi yina yadivisare. ³⁴ Sarimi gilyivita yaamata wijaaya'neihi yawi'na 'Sa ayina nyijaavadelyi,' Gotiyari sariminyi gaimwanga ya'ne beni dimaaryideihilaka! 'Avaalya ayina maarima!' dadivi! kayaa'nanya kwaraji kayaa'nanya kwaraavi yaamata wijaavadivisare. ³⁵ Sare kirri! sarimi sarinnya yikamaangeraavina kale yihyana! Sahwaraav nayaa tewaanyabwina jila! A'mweraav gilyivita yaamata nayaa duzaayila! 'Ayina nyirivikipi'dengira,' sanna simunya nyawipidika! Sarimi sara yipijsa!, Gotiyaryaba sarimire wirivikisa' yuna naangesi. Nabaai sarimi Gotiya Munya Ke'bevanyare kaimiraayaihi dimwaalyideihiliyi. Sahwai a'mwera gaminyi 'Su! Su!' mujadivisaraav a'mwe kayaa'nanya kwaraavi naange'na wiade'nanyi. Sarei yadevaabi! tewaanna yipijaihi sasare sare kaimiraayaihi dimwaalyideihiliyi. ³⁶ Siriniimaanga Sigunyaviyari a'mwe yuyaraavina kale wiadevaabi! a'mweraavina kale nayaa yihyana!

A'mweraav yawibwa'deibi' maryawibwasabwinesi.

(Matiyui 7:1-5)

³⁷ Sarimi a'mwe pwaraav mamaryawibwaryadivi! 'Kayaa'nanyarera,' madipina! Sara majipijaihirina Gotiyai kwalyi 'Kayaa'nanyarera,' dathei mika! Arikewi. Nabaai pwaraav majidapinera! Sara majidayipijaihir Gotiyai kwalyi jidavadei mika! Arikewi. A'mweraavire kayaa'nanya sariminyine dimarasinnyideihiliyi. Sara yipijaihire kayaa'nanya Gotiyai yihimarasi'nadelyi. ³⁸ Sarimi a'mweraav gilyivisanna yanga nayaa duzaayideihiliyi. Sara yipijaihir Gotiyai yanga nayaa yihizaavadelyi. Yanga naanga naanga yihizaavadelyi. Maanga yunebanna yeku'nya'ne wijaavina, tivipalamihya yina, purata'nyina, naanga naanga wijaavina, kuneba mwari yada pini bwalaraawina yade sabaaibi' yihizaavadelyi. Sare' dare'nesi. Yiniiga wilnanya sarimi a'mweraavirivikidivisa yanga wijaaya dazahinngi Gotiyai sariminyi ayina yihirivikiradelyi."

³⁹ Ke'ba'na yagaala pirri' wijiwaakina "A'mwe pwai tibinyai a'mwe tibinya pvari tusari! yiniga yibwariidaakwannei dingaka! Aawa. Yuyaraai kavi'ninnyavi walaraawina yikaneraalyi. (Gotiyari myawiryai Gotiyarebur pvari yibwariidaakwannei mika!) ⁴⁰ Nabaai sikuliya yadei gamire wijiwaakyari wavilavadei mika! Gazaizai sikuliya mena yi'mwannoji gannya wijiwaakyabi' avaaina yima'nadelyi. ⁴¹ Giminyi ja'mwere tinnyari yitiridirinya maalikemili' wa'di'nyi tinnna wanganna. (Sare' daresi. Ja'mwere yiwetawakya maalikemili' wa'di'nyiyasi.) Tinnna wanganna yaka kirri' ginnya tinnyari yita naangewa' gwa'di'nyiyaigi nayaa be'na myawiryraiginaka! ⁴² Gatha'dara ya'gizi ja'mweri yiniga wilna widdinneiginaka! 'Nya'mwei, gimirre tinnyari yitiridirinya maalika gwarika sa' gitihhaamwagideinyira.' Gimiri tinnna nayaa myennyai gimirre tinnyari yita naanga gwarika savaa'na sara gatha'dara duthatheiginaka! Kwaasiyaigi, aayagaa' gimirre tinnyari gwarika yita naanga savaa' yune'na papurasin'na'gizi di'vi tinnna nayaa pada'galangana'gizi yitiridirinya maalika pimili' ja'mwere tinnyari warike' divapurasi'deiginyi.

Yisas gamire yistlyaji sanginesi.

(Matiyui 7:17-20; 12:34-35)

43 Sare' dare'nesi. Yita tewaanyi' yisila kayaa'nanya yi'nadi' mika! Nabaai yita kayaa'nanyi' yisila tika munne tewaanya yi'nadi' mika! **44** Sare' dare'nesi. A'mwera yita gazisiki tika munnengi mena yawiranganapijiyara sahwara yawi'na 'Sikire yisila nawi'nya yi'nawake'na yita tewaanyikira.' Yita pukina yawi'na 'Sikire yisila kayaa'nanya yi'nawake'na yita kayaa'nanyikira.' Tika munnengi mena yawiranganna yadiv'i yawi'divisare. Sare' dare'nesi. A'mwera yita pihiyikire yisilya lannakengi maa'divitara daa! Nabaai wila giraipiwyav i yisilya mubwawilyabaar+ gimujadivita daa! **45** A'mwe tewaanyai gamire simunyav i nawi'naange wiwarikei. Sarevdaa'nyi sai tewaanyabwina yadelyi. A'mwe kayaa'nanyai gamire simunyav i kayaa'nanaange wiwarikei. Sarevdaa'nyi sai kayaa'nanyabwina yadelyi. Sare' dare'nesi. Yawita sasare sa' simunyav i yunebanna wila'de!, yi sa' maangi' dadevulyi.

Anga maja piburaainesi.

(Matiyui 7:24-27)

46 Sarimi 'Naangeig! Naangeig!' be'na nyidangadivisaihila! 'Naangeig!' nyidangadivita kiri' nimire yagaalyangi mamidinyi yipijaihili. **47** Nabaai gazaizai niminyawinna boziyai nimire yagaalyangi kadika nyu'nada yagaalyangi midinajar, gamirebwina simunya jawiryide'na yhibwaridaakwideneiyi. **48** A'mwe dazai a'mwe pwai 'Ange' madima!' dada yadevaabisalyi. Aayagaa' kavi'ninnya' likwaidaawada kwaakevi kusawi yune sila naangevaaki girikwidelyi. Sara yada nabaai dividaa'nyi ange' sahivaaki a'badaa'nyi yilamadesi. Nabaai dividaa'nyi aalyaka naange' pu'da aalya' anga dazavi tivitawakina yadaasi kiri' mwalaraawi yina yadesi. A'mwe dazai ange' tewaanya madevina mwalaraawi. **49** Kiri' pwai nimire yagaalya' kadika nyu'nada mamidinyi yajai, yi sai a'mwe pwai ange' kwaakevak yaasiwa' madathihidaakuna yadevaabisalyi. Aayagaa' kwaakevi kusawi yune sila naangevaaki girikwidei mi!. Divi aalya sa' anga savi tivitawakina yadaa'nyi yime'nya'bti walaraawina yada yinahu kayaaka yima'nyina."

7

Aamiyaraavi maremwaaidere limwangeburinesi.

(Matiyui 8:5-13; Jon 4:43-54)

1 A'mwera kadika wi'nya'ne gamire yagaalya mena widaka sabadaa'nyi anga Kaapaniyami sabanna yi'mavaawina. **2** Saba a'mwe atilyaraavire sivila atiraalya aawilasaraavi maremwaaidae akwai mwaalina. Sare sai gamire yaasiwa'wawinyai sarina tewaanya wi'vu'nadei. Yi widaayade dazai sagaa' nalaaya' kininnakei mena balya'neba yadaa'nyi **3** aawilasaraavi maremwaidei "Jizaazai bamwaalika!" kadika wi'nyina yaka Juyaraavire a'mwe naanga pwaraavi dara widaasina "Gimi ba'gizi nimire nyidaayaderi tewaanya javada'gaideig daaka?" **4** Widaasina kya' sahwara Jizaazaryawinna yi'mavaawina yina yeva sahwari wida dina yeva yagaala diraginna wida "Sai a'mwe tewaanyarinera. Gimi yiniga wi'na dihaimwaderinera.

5 Sare' dare'nesi. Sai nemi Juyainaavina tewaanya wi'vu'naderinera. Sai yune gami sai nemire lotuange' madakerinera." **6** Sara wida kye' sahwaraji Jizaazai ye'mwanniguna yaka angeyaba aya kibanna mena yi'mavaawina kya' aawilasaraavi maremwaaidae dazai gya'mwe pwaraavi maryasina yina kya' Jizaazar yaagaalya' dara wi'ja'nera makabina "Naangeig, niminyawinna bya'neiginyi taanga nagzaaviwidi! Sare' dare'nesi. Nimi a'mwe tewaanyainy daaka! Nimir angevi bwidi'za'na nimi yiniga wi'na nawi'nyaigibisainy daaka! Tewaanyaiginyinera.

7 Sarevdaa'nyi nimi kwainyi yawi'mwa 'Nimi a'mwe nawi'nyaainy daaka! Nabaai gimininyawinna yiniga wi'na wiedenyi daaka!' Aawa. Gimi yune yagaalya'na kada'gizi nyidaayadei ayina tewaanya yima'nana! **8** Sare' dare'nesi. Nimi kwainyi

a'mwe naangera nyimaremwaaidi' wawinya nyijaavadivisainy. Sareinyi mwaaidi nabaai nimire aawilasara kininnakeinyi kwaakewi nyimwaaishara. Yi nabaai nimpi pwar i kuda'mujit 'Gimi diwona!' yi sai kaanna wi na yadely. Nabaai nimpi pwar i kuda'mujit 'Gimi kaaja!' sai kaanna binna yadely. Nabaai nimire yaasiwa'wawinya wi dina 'Gimi wawinya sasare sa' ja!' Sara kuda'mujit yi sai wawinya sa' yina yadely. (Sarevidaa'nyi yune yagaalya'na kada'gizt nyidaayadei tewaanya yima'nadely.)⁹ Sara widasaabina kya' Jizaazai yagaala dazavi kadika wi'naka atika maru'na'na yaka ginyima'nyina yaka kwala bwa'naanya mididapiya saraavt widina "Sariminyi anga menyabadaa'nya sarina yihithivanige. Yune Yizireli kibadaa'nyi yawiralinwanga sasare sabwi kininnaka a'mwe pwar mabiramaaryainy."¹⁰ Sara widina kya' aawilasaraavt maremwaaidei maryasaabaka a'mwe dazara angevina ayina wi na yeva wawinya widaayaderi maamidaryai mena yima'nakeri tinna wanganna.

Jizaazai yaanyiwaakevirer ayina yidikaavake'nesi.

¹¹ Dvi maalikegaa' mwanyavt anga naanga pitbanna Neni wo'nikebanna kaanna wi na. Gamire mididivita kwarajt kwala bwa'naanya naangerajt ye'mwanniguna. ¹² Ye'mwanniguna yadaapi sai kaadihit anga naangeyabanya dazayaba aya kibanna badaa'nyi, yithaa, a'mwe bainika pwar makabina. A'mwe bainika dazar ganaange kaimiraaya yune gave dazahwainanyalyasi. A'mwe sa' yaanyiwaakesi. Anga naanga dazabadaa'nya a'mwe kwala bwa'naanya naangera a'mwe dazasi ye'mwannigavina. ¹³ Sara yina kye! Naangei a'mwe dazavi tinna wanganna yaka gaminyina kale yenyi'nyina yaka a'mwevi widina "Kinna madinnera!" ¹⁴ Sara widina yaka aya kiba gidiku' wilina yaka a'mwe bainikei yila'di'nyiya yibinya savi asa' dathwanna kya' a'mwe bariyi'binya sa' makabadaapiyara sana dakulina yina yadapi widina "Miginyaigi giminyyi githivanige. Dithikaaka!" ¹⁵ Sara widina kya' mena bainika dazai dikaa'na yaka dikavamwaaina yaka yagaalya' gaai dina. Sara yadaa'nyi sai a'mwe dazar ganaangevina wi'maarina. ¹⁶ Sarevidaa'nyi a'mwe yuyara lika naanga yina yeva Gotiyarne yaya' byaannake' munya ke'beva makina. Sahwara dina "Neminyi pitropetiya naangei Gotiyari wi'navijwaakadei mena kima'naabika!" Nabaai dina "Gamire a'mweinaavt gaimwanga ya'ne Gotiyai mena bakelyrevi." ¹⁷ Dina kye! a'mwera Juthiya yuyabaji yuya bularaawia kibajt yamaryadivt gami yaka sanna yagaaikejinya bathiwina.

Joni gamire pwaraari Jizaazaryawinnersaari widaasabake'nesi. (Matiyui 11:2-19)

¹⁸ Jizaazai yaka yuya dazangina Jonimire mididivsara kalavuzangevi Jonimi wijiwaakin. ¹⁹ Sarevi Joni gamire pwaraari jaka widina yaka Naangeri wi'ja'ne yagaala piri' makwuya'neraari widaasina. Sai saraari widina "A'mwe bathelyira, Juyaina dadaanyaigi sahwaigti bahinyaigti dingaka? Pwarina yemwalaadeina dingaka?" ²⁰ Widasaabina kya' a'mwe pwaraala dazaraai gaminyawinna mena yima'na yina yagiila widina "Joni Bavitaaziya Yadei giminyyawinna nehmaryaswaabikeinaalyira. Sai dara diwa! 'A'mwe bathelyira,' dadaanyaigi sahwaigti bahinyaigti dingaka? Pwarina yemwalaadeina dingaka?' "²¹ Widina kyagi dazahigaa' a'mwe kwalaalyaraavt tewaanya yavada'gaidaa'nyiyagaa'. Nalaaya dala nabinabinya kininnakeraavijt nabalya taanga wi'jaaya'ne kininnakeraavijt yimakera kininnakeraavijt tewaanya yavada'gaina. Nabaai tibinya kwalaalyara, yange'na yavada'gaidaa'nyi tinna yenyina. ²² Sara yavada'gaina yaka Jonimireraari yawaarasa'na ja'nawidina "Kaanya wawokilyi Jonimi duthithaakwila! Dahaat tinna wangadi' kadika wi'nwaalyangina duthaawila! A'mwe tibinyaara tinna ayina yenyina, sivila kayaa'nanyara kaanya yamarina, samatanakeraavire kilaakejika

nawi'nya yima'nyina. Nabaai a'mwe kadika mu'nyimu'nyara yagaalyangi kadika wi'nyina, a'mwe bainkera ayina dikaa'na, a'mwe gilyiv'i maayaraav'i yagaala tewaanya' wi'jwaakina yadinyainyi. Sasarera sara yivaniga!. ²³ Nabaai a'mwei niminyi limwangebwina yawita kwalaalya myaja sare sai yilaaya yada tewaanaanga yinikelyi." Jizaazai Jonimina sara wida!.

²⁴ Joni maryasaabaka saraai mena kaanna wodaakili' kwala bwa'naanyaraav'i Jonimina widina "A'mwera maayabanna tinna bewari wanganya'neihi wiwa'daataihilaka? Suya piri' yihusa' galaliwihirakeri'bisari tinna wanganya'neihi wiwa'daasaihi dingaka? ²⁵ Aawa. Tinna bewari wanganya'neihi wiwa'daataihilaka? Baazi'ma'nya wolasa baazi'ma'nikeri wanganya'neihi wiwa'daasaihi daaka? Yithaanyi! Baazi'ma'nya nawi'nyinaangenna wakadiyi' kilaakejikine gilyivita nawi'nyanna kininnaka sasara a'mwe dazara kingiyaraavire angengi mwaaidivisare. Sasarerabitari mi!. ²⁶ Aawa. Tinna bewari wanganya'neihi wiwa'daataihilaka? Piropetiya Gotiyari wi'navijwaakadei dingaka? Yo, sariminyi yihithivanige. Sai piropetiyai yaka kirii yi piropetiyaraavireburu wavlavikelyi. ²⁷ Nabaai a'mwe yune dazahwarina Bukuya' yida'nikerinera. Dara din!

'Yithaa, nimire yagaalya' makwiya'neri maryasaabideinyi.

'Sinnawi giminyyi yibwaramakwaannga gyathelyi.

'Sai giminyyina tusa' maryovrawakina yadelyi.'

Sara dinikesi. ²⁸ Sariminyi yihithivanige. Joni Kwaakevak a'mweraavidaa'nyara yima'nigata yuyaraavi wavlavikelyi. A'mwe Gotiyai maremwaalademili' yima'najamili' yuna maalikemili' mwaaloriyamili' kirii Jonimi wavlavademili'kira."

²⁹ Sara widina kya' sahwara kadika wi'neva a'mweraji a'mwe taakiziya maa'divisaraji sahwara dina "Yo, Gotiyare sabwi yida'maraangebulyi." Jonimi sahwara bavitaaziya maaresare. ³⁰ Kirii nabaai Periziyaraj kivnyang'i yawidivita sidu'nakeraji Jonimi bavitaaziya maaretara mi!. Sarevidaa'nyi sahwara Gotiyai wibwaridakwadaa'nyi nya nawi'nya savi bule'na widaavesare.

³¹ Jizaazai dina "Sarevidaa'nyi nimi dazagaa'ne a'mweraavina ke'ba'nanya beri' yihithima! Sahwara gatha'dara a'mweraavaka! ³² Sarera darebaibisamili'ke. Avaannya'ne kaimiraayamili'ka angwaasabanna mwaaidivi' kaimiraaya pimili'kaavina jaka dangadivisamili'ke (Joni yaasiwakebwi myaderina)

'Kwala maa'nya'ne gware maku'manigo.

Kiri' "Kwarame aala!" divanigave!

(Nimi angyiri'maasabwi yadinyainyi)

'Nemi baryangine kidaata divanigo.

Kiri' sarimire kidalaala mabwalayihiravaawivanike!'

³³ Sare' da'dare'nesi. Joni Bavitaaiziya Yadei bina yina yaka pigasa biretiya tika manyi, yuyagaa' waainiya tika manyi. Sare'na nabaai sarimi dina 'Yimakei kininnakelyi.' ³⁴ A'mweraavine Kaimiraayai bina yina yaka tika wapaa nada waainiyasi nadaa'nyi sarimi dina 'Yithaanyi! Sai a'mwe tika kwalaalya nadelyira. Sara yada waainiya kwalaalyaj nadelyi. Yaawaryaisalyi. Sai a'mwe taakiziya maa'divisaraaviji a'mwe kayaa'na girikit'anayaraaviji sahwaraav'i kwiya'mwelyira.' Sara dadivisaihili. ³⁵ Kirii Joniji sainaai Gotiyare sidusabwine kaimiraayainaai wawinya nawi'nya yivanigolyainaalyi. Wawinya sa sidu'nakerera dara yawranganna 'Gotiyare siduta tewaanyabwina sara yivanigi. Yida'maraangesira.'

A'mwe kayaa'nya piri' Jizaazare sivilyiri' welivananya' purake'nesi.

³⁶ Periziya pwai gamiji tika wapaaya bye'mwannanya'na Jizaazar widina. Sara widina kya' Periziya dazare angevina kaanna wi'na yaka tika munne savi

mwaalina. ³⁷ Yithaa! Anga naanga dazaba a'mwe kayaa'nanya yade' mwaalina. Sare sa' "Jizaazai anga Periz̄iya dazare angevi t̄ika wapaaya n̄ivan̄ikeva," wi'nȳina. Sarevi a'mwe daza' gamire kayaa'nanyanna yawiraka sitala (sila alivezita) saadaaya nawi'nyaange' yi'nike' makabina ȳna yaka ³⁸ wiлаabina ȳna yaka Jizaazaryaba bulyimagi aya kiba sivig'i nyiryaw̄i gidiku' bulagaidaa'na ȳna yaka kinna diwaainȳna. Kinna diwainadaa'nȳi gamire k̄dalaalya Jizaazare sivilyiri bwalaravaawina kya' gannya mijata saaminyasi yaalika ȳmwanna. Sara mi'na yaka gamire sivilyiri bu'buta kwalaalya biwina yaka welivananya saadaayas̄ sivilyiri yevu'na. ³⁹ Sara ȳna yadaa'nȳi Periz̄iya gaminȳi wiwvarijima'a'naka dazai sasarevi tinna wanganaka simunyav̄i dara yawi'na "A'mwe dathai sai p̄ropet̄ya nebulyai mwaalaj̄i kwaj̄i a'mwe gaminȳi ata dathiwamanika sav̄ kyawiranganadika! Nabaai gamire kiburiji kyawiranganadika! Yi daza' a'mwe kayaa'nanya yade' mwaalike'nanyi." ⁴⁰ Sara yawi'na kya' Jizaazai gamire simunyaburina ja'nawidina "Saaimoni, yagaala p̄ir̄i githide' war̄i." Widina kya' sai widina "Nej̄waakadinyaiḡ dinyidana!" ⁴¹ Sara kuda' widina "A'mwe pwaraai a'mwe pwari dinaaya' kininnakerai. Pwai dinaaya' naanga naanga (K500) wiwarikei, nabaai pwai yune kibawe (K50) wiwarikei. ⁴² Sarai dinaaya daza' yiniga wilna yikaderai mika! Sarevidaa'nȳi a'mwe sai 'Saraaih̄re dinaaya maarideraaihi mi!', widina yadelyi. Nabaai sarevidaa'nȳi dazahwaraaridaa'nȳi pwai sahwarina tewaanya naanga wi'vu'n̄ivan̄ikei aaihwalaka?" ⁴³ Widina kya' Saaimoni dara ja'nawidina "N̄imi yawi'manige. A'mwe dazai dinaaya naange' mi'nanya' dak̄wakei dingaka!" Sara widina kya' sahwari widina "Gimire yawi'bwata yiwaanya' yida'nanyasira." ⁴⁴ Widina yaka a'mwe dazaymaginna ginyima'nȳina yaka Saaimoni mi widina "Gim̄i a'mwe dathava dav̄i tinna mwanganyijwaana! Angyir̄i'maasaraavina Juyaina yadaanyabaaib̄i gimir̄e angevi kabwimwa nimire sivilyav̄i aalya yinya'ne' nyijawaanyaiḡ mika. Kir̄i' a'mwe datha' gamire kidaraaib̄ir̄ikesi nimire sivilyiraari nywakesira. Sara yaka gannya mijasasi yaalika nyimwamwakesira. ⁴⁵ Gim̄i bu'buta maranyiwaanyaiḡ mika! Kir̄i' nabaai nim̄i bwimwegaa'daasi yaka kuna dhaakigas̄i a'mwe datha' nimire sivilyawaari bu'busa' kuna maranyivanika. ⁴⁶ Nimire minyaginyav̄i welivananyasi nyi'vu'mwaanyaiḡ mika! Kir̄i' a'mwe datha' nimire sivilyawaari welivananya saadaayas̄ nyi'vu'mwakeinyira. ⁴⁷ Sarevidaa'nȳi gimir̄i githivanige. Dazahir̄i' kayaa'nanya kwalaalyabwi yadevi gamire kayaa'nanya daza marasi'mwe'na, sarevidaa'nȳi sahir̄i' niminyina yuna nebwina wi'vu'n̄ivan̄ikesi. Kir̄i' a'mwei kayaa'nanya maalikemili' yaderi nim̄i marasi'n̄iwija sa' yi sai niminyina yuna maali'na wi'vu'nadelyi." ⁴⁸ Widina yaka sahir̄iv̄i widina "Gimire kayaa'nanya mena gimarasi'mwengira." ⁴⁹ Widina kya' a'mwera gamiji' wapeyi'binyav̄i ye'mwannemwaalesara kumi' sahvaraavi gaai dinyina "A'mwe kayaa'nanyabwi marasi'mwaka dazai bewai dingaka?" ⁵⁰ Sarevi Jizaazai a'mwe sav̄ widina "N̄iminyi diraginna nyilimwamwaanya'na gimir̄i kayaa'nanyabwina givadaihasamaa'mwe'ginyi. Gim̄i kaanna wawo'gizi' gimir̄e munyi' kwaamu' kave nayaa gwarana!"

8

*Wawinyav̄i witizila p̄iraihirakya'na dinikebwinesi.
(Matyui 13:1-9; Maak 4:1-9)*

¹ Di'vi maalikegaa' anga naangebanyak̄i anga maalikebanyak̄i Jizaazai kaanya yamarina yada Gotiyai maremwaaidenv̄e yagaala tewaanya' wi'j̄iwaakina. Sagaa' sivili'ridaa'nȳi pwaraalyara gamiji' ye'mwannayamarina. ² Nabaai a'mwe pin̄i, sinnaw̄i kigaa' Jizaazai kumij̄ya pin̄inḡi yimakera marasi'naka pin̄inḡire nalaaya marasi'nake, sa kinj̄i' sahwalyi ye'mwannayamarina. A'mwe p̄iri' Maaruyaasi.

Sahirivina Maahithaala mwaalyava widadivisasi. Sinnawi Jizaazai sahirivi yimaka ata puridaa'nyi pwareainanyara marasi'nakesi. ³ Nabaai piri' Jowaana', Erotiyare angevi maremwaide Suzaamire a'mwesi. Piri' Suzanasi. Nabaai a'mwe yuya kwalaalya piniji sahiniji sahwalyi ye'mwanniguna. A'mwe daza Jizaazariji gamireraavij kumire gilyivisangi wigaimwagesang.

⁴ Sarevi a'mwe kwala bwa'naanya naangera bi'bwa'nemwaaina yadiv'i anga piningidaa'nyara gaminyawinna yikabina yikabina yina kye' yagaala ke'ba'nanya' widina ⁵ "Piraihirkade pwai witizila piraihirkaka'nei wina. Wina yaka wawinyavi witizila piraihirkamarivanikelyi. Sai piraihirkakwodaasi nabaai witizila pin tusavi bwalaraawina. Sare sangi nabaai a'mwera sivilyajipaihramarina yadaapi yusara sigunyaviyara tika maranyina. ⁶ Nabaai witizila pin silaangevi kwaaka maalikevi bwalaraawina. Sa yiri'na yaka kirii' kwaakeva' aalya ti'grya maayavaki sarevidaan'nyi silla sasare daza yinahu yawaka baidaa'na yaka balina. ⁷ Nabaai witizila pin wila lannakebaraayaba bwalaraawina. Sare sa wila lannakebaraj ye'mwannayiri'na yina yaka a'ningi dathiwaaaina. ⁸ Nabaai witizila pin kwaaka nawi'nya minarinakevak bwalaraawina yinike sa yiri'na yaka tika munne kwalaalya yi'nyina. Darebisa yi'nyina, gavemilikidaa'nyi waani aadiretiya yi'nyina." Sara widina yaka jaka diraginna widina "A'mwe kadi'nakei yagaala dathavi kadika nayaa wi'nana!"

(Matyui 13:10-17; Maaki 4:10-12)

⁹ Gamire mididivisara gaminyi ke'ba'nanya dazavine'na yagaala kaavilya'na yidaanganna. ¹⁰ Yidaanganna kye' sai widina "Sariminyi Gotiyai gannya maremwaidevwina yulyakiyagaala dinika aaya kaavilyav yawiranganya'neihiri mena yhibwaridaakuwakelyi. Sarevi kirii' a'mwe pware yune ke'ba'nanya yagaalyav kadika wi'nivaniga'. Sarevidaan'nyi 'Tinna wangadiv'i kirii' yawirangadiv'i mi'.

Kadika wi'nadiv'i kirii' wi'namaa'div'i mi'.

(Matyui 13:18-23; Maaki 4:13-20)

¹¹ Ke'ba'na yagaala dazavine aaya kaavilya' yi daresi. Witizila daza yi sa Gotiyare yagaalyasi. ¹² Nabaai witizila pin tusavi bwala'daawade, yi sa a'mwera yagaalya kadika wi'nadivisa'nesi. Kirii' dividaan'nyi Kotiya Maryadei badehaa' kumire simunyav yagaala daza marasi'delyi. Sai 'Gotiyari nalimwabika! Sara kyapiji Gotiyai nuvadaihasamaaradikal' daka marasi'nadelyi. ¹³ Nabaai witizila pin silaangevi kwaakejiki bwalaraawina, yi sa a'mwera yagaalyav kadika wi'nadiv'i wi'namaa'na yadiv'i savine'na yilaaya naanga yina. Sahwara pwipula maayara maalikegaa'na limwadiv'i kirii' yijiwaala pigasa lika sangina yigidaa'divisare. ¹⁴ Nabaai witizila pin wila lannakebaraavi bwala'daawade yi sa a'mwera yagaalya kadika wi'nadiv'i kaanya yamaryadaapiji taanginya dala nabinya piburaji niggwi gilyivita saji Kwaaka davakiya yilaaya dala nabinya saburaji widathivaidere. Yuya sa Gotiyari mwagi'nadengi. Sarevidaan'nyi kumire tika wapaaya sa yi'nabaladengira. Bwyangira. ¹⁵ Kirii' witizila kwaaka nawi'nya minarinakevak bwala'daawade daza, yi sa a'mwera kumire simunya nawi'nyaangevi Gotiyare yagaalya kadika wi'nadiv'i yuna diraginna limwaga'na. Sara yadiv'i taanginya wiadaa'nyi diraginna kuna yadiv'i tika munne naanga yima'nadaa'nyi mwaalina.

Dibaake'yibinyavi yilimwaaihya'nesi.

(Maaki 4:21-25)

¹⁶ A'mwe aane pwai kwai laamivananya' yewita'da maa'gulyavi amwidaa'nyi yulyakadei mi'. Nabaai se warya'ne yi'binyavi dalaangevi marulyakadei mi'. Aawa. Laamivananyavine yi'binyavi a'ba munyaba yilimwaaihadesi. 'A'mwera angevi bulapiriyara dibbaaka dazavi tinna wangabika!' dada munyaba

yiliimwaaiahadesi. ¹⁷ Sare' dare'nesi. Yuya lika yulyakintike diyi nabaai sa ku'maayaba yuna yaliku'naraabathengi. Yuya bwakakinike diyi nabaai sa ku'maayaba jaliku'naraabathengi. Sare sangi nabaai a'mwera yuna yawirangabi'dengi. ¹⁸ Sareviada'nyi sarimi mala nayaa jiwanneyila! Sara yapi nimire yagaalyavi kadika nayaa dinyu'nyideihilyi. Sare' dare'nesi. A'mwe pwai nimire yagaalya' limwagarojyari sare sar'i nabaai Gotiyai limwanga pibulyi yanga kuna wijaavadelyi. Kir'i pwai nimire yagaalya' malimwagaryajai nebulya'na kwaasi yawi'manike 'Mena limwamanigena, yawi'manike'na, yi sa Gotiyai marasi'nadengi.' Jizaazai sara widakesi.

Jizaazari ganaangesi Jizaazari gahwaalaanga kwaraavijinesi.

(Matyui 12:46-50; Maaki 3:31-35)

¹⁹ Sagaa' gaminyawinna ganaangesi gahwaalaangeraj ikiabina. Kir'i a'mwe kwala bwa'naanya naangera kwala yi'bwa'nyina yadaapijyavina gaminyaba aya kibanna gidiku' mulaabi. ²⁰ Mulaabi kye' sahwar'i a'mwe pwara widina "Giminyi gwaangesi gimire jihwaalaangeraj tinna gwanganya'nera mwasawi bathaakava." ²¹ Widina kye' kir'i sahwai sahwaraavi ma'maa'na "A'mwe Gotiyare yagaalya' kadika wi'nadiyi' midibizara, yi dazara niminyi niwaavaj nyigwaalaangerera."

Jizaazai yihu'maanarya' maanga kuda' mudarake'nesi.

(Matyui 8:23-27; Maaki 4:35-41)

²² Yirika piriiki sipiya piriiv'i gamire mididivisaraji yiladikwosi'namwaaina yaka kuminyi widina "Nem'i aalibunyavi pimagi, kengimagineenba bwalyawaadeinera." Sara widina yaka kaanna wiina. ²³ Sipiya' kaanya wodaa'nyiyagaa' sai se warina. Se warina yadi'nyi aalibunyavi yihu'maanarya' yima'nyina kya' sipiav'i bwaladi'naawina yadi'nyi kewini walamaradathata'neba aya kiba mena yima'nyina kya' ²⁴ bulaawina yeva gaminyina bulyidikavaawina yevegaa' widina "A'mwe naangeig'i! A'mwe naangeig'i! Yuna dahaasagaa' nem'i yaraina yiwaawade'na yiwooneva." Widina kye' daavina yaka yihuta sasi aalimavajinaaka naanga sasi maanga widina. Sara widina kya' yihuta yinahu muda'na kya' aalya' ayina aalimavajinaaka mima'nyina. ²⁵ Sara kya' sagaa' sai widina "Sarimiire diraginna limwangebwi gawi warika!" Sagaa' sahwara lika yina yadi'i atika maru'na'na yadi'i dinya'na "Sareviada'nyi be a'mwelaka! Sai yihusasi aalyasi maanga kudowa' kadika wi'nyina yiwaai!"

Jizaazai a'mweri yimakeraavi marasi'nake'nesi.

(Matyui 8:28-34; Maaki 5:1-20)

²⁶ Diyi sipyihuseliya' makuna yaka Geraaza simagineenba yimavaawina. Anga dazaba aalibunya Galili pimagi warikeba. ²⁷ Yimavaawina kya' Jizaazai sipyav'i yagalya'mavaka tiyawinna wilaawina kya' a'mwe anga naanga dazabne mwaalyai sahwar'i wirata'nyina. A'mwe dazar'i yimaka pwara wimwaaidapiyai. Saaminyagaa' sahwai kwaabihannya kuna mira'nyadei. Sahwai anga aane piri' kirivi mwaaiidei mi'. Aawa. Sai gilekavi'ninnyabanya mwalamaryadelyi. ²⁸ A'mwe dazai Jizaazari tinna wanganaka jaka danganna yina yaka gamire sivigi'nyiryaba aya kiba wilaabina yaka kwaakevak'i bula'na yaka jaka naangave'na danganna "Jizaazai, Gotiya yuna munya ke'bevanyareig'i! Niminyi gara dinya'de'na bahineiginaka? Akai, diraginna yidaanganna gima! Niminyi daanga manyijaavinnera!" ²⁹ Sara widake' dare'nesi. Jizaazai yimaka dazarina mena widina "A'mwe dazar'i yagalya'makuna yina ja!" Nabaai sare' dare'nanyi. Saaminya kwalaalyagaa' yimaka dazai a'mwe dazar'i galalimwaga'delyi. Sareviada'nyi a'mwera yuyagaa' sahwar'i asawaalyi wila senyabaalyi yapwekina yadi'i sivilyaraalyi wila yapwekina yadi'ita sahwar'i maredaa'divsalyi. Kir'i sahwai yuya kwaari'mawila kibara yesivalakiwina yada

sarevi yimaka dazai a'mwera mamwaalyigata pimagine na yidangiramakwodelyi.
 30 "Daanga manyijaavinnera!" jaka kuda' Jizaazai sahwar iidaanganna "Gimenne yaya' aaihwainaka?" Yidaanganna kya' sai widdena "Kwalaalyainyi." Yimaka kwalaalyara gaminyi wilamwaainikerina "Kwalaalyainyi," widdena. 31 Widdena yaka yimaka dazara jaka diraginna danganna "Gimi neminyi dikewewinneinaavina mamaraneyaasinnera!" 32 Sara diraginna danganna yevegaa' yaawarikwala naange' mugunyavi aya kiba kurivaariya nidaa'nyina yadaapi yimaka dazara yawi'div'i "Daanga naangeba nalarawaadika!" jaka diraginna danganna "Yaawarikwala naanga dazaraayawinna kanedaasa'gizi yuimilaana!" Diraginna sara danganna kye' widdanganaasina yina. 33 Widdanganaasina yina kya' yimaka dazara a'mwe dazar i yagalya'ma'na yina yeva yaawaryaraavire munyikaav i wiminna. Sara kye' yaawarikwala daza' davaanyavi kaanyave'na diraginna walaawina. Sare sara aalibunyavi walakuna yina yeva aalya mihuna yina yeva yuya kwalya' baihiriri'na ye!.

34 Yaawaryaraav i yidivaidivisara sasara yima'naka dazangi tenna wanganna yeva likaanya wina. Likaanya wina yeva anga naangebanyaviji wawinangengij i mwaaidivisaraavina yagaala daza' wijiwakmaryawina. 35 Sara yina kye' a'mwera dazangi tenna wanganaawia'nera Jizaazaryawinna bi'ma'na yina yeva a'mwer i yimakera mena yagalya'makwawesari tenna wanganna. Sai kwaabihannya' yira'ni'kei gamire simunyai nawi'nya yawi'da Jizaazare siviliryaba gidiku' aya kiba mwaaidi'nyi. A'mwera dazavi tenna wanganeva lika naanga yina.

36 Nabaai a'mwera sasare dazangi tenna wanganesara sinnawi a'mwe dazar i yimakera wilamwaaidapiyar i ayina tewaanya yavada'galakerina sara wijiwaakina.

37 Wijiwaakina yina kye' a'mwe yuya anga Geraaza simagidaa'nyara gaminyi widdena "Neminyi neyagalya'mava'gizi kaanya diwona!" Kumi lika naanga yadivisa'na sara widdena. Sara yadaapi sipyav i dikwositi'na yaka ayina kaanna wina. 38 Kuna mwaaidi'nyiyagaa' a'mwe yimakera mena yagalya'makwaweta dazai diraginna yidaanganna "Nimi gimi'ye'mwanniguma!" Sara widdena kya' kir i sahwar i widaasa'neri widdena 39 "Ginnya angebanna ayina kaanna diwodeiginyira. Sara wawo'gizi Gotiyai giminyyi giwaka yuya sanna duziwaakideiginyira." Sara widdena kya' sarevidaa'nyi a'mwe dazai kaanna wina yaka gamire anga naangebanya yuyaraav i yagaalya' wijiwaakina. Jizaazai gaminyi wivada'galaka yuya sanna wijiwaakina.

Taaya' bainikesi a'mwe nalaavinakesi sawaarinesi.

(Matiyui 9:18-26; Maaki 5:21-43)

40 Jizaazai ayina kaanna bakevi a'mwe kwala bwa'naanya' wiji'ma'naabina yeva yilaaya yina. Sare' dare'nesi. Yuyara sahwarina yemwaaina yadivit i yilaaya yina. 41 Yilaaya yina yadaapi a'mwe pwai sahwarine yaya' Jaairazai bi'ma'na. Sai Juyaraavire lotuange' maremwaide pwalyi. Sai bi'ma'na yaka Jizaazare sivigi'nyiri' bula'na yaka diraginna yidaanganna "Nimire angevina divama!" 42 Ninnya taaya' yune gave kir i'nyasyira. Yi gamire kwarame attirai siviliridaa'nyi pwaraaibasi. Sare'na sa' balade'na nebawa mika. Sare'na yarai divama!"

Jizaazai kaanya wodaa'nyi a'mwe kwala bwa'naanya naange' gaminyi yunebanna bathkwamwadakuna. 43 Bathkwamwadakuna yadapi a'mwe piri' mwaalina. Dazahiri' yuyagaa' baizaaka ma'nada kuna mwaaidi'nyi kwarame siviliridaa'nyi pwaraaina mwaainike'. Nabaai gamire nalaaya sasare daza' a'mwe tewaanya yavada'gala ya'nei aane pwai kwai mamwaalyina. 44 A'mwe daza' gaminyi dusi bulyimagina wilaabina yina yaka gamire baazi'ma'nyavire maangebaari asa' dathiwagaavina. Asa' sara dathiwagaavina kya' sagaasagaa' gamire tawe' yaalika yilina yaka ayina mima'nyi. 45 Ayina mima'nyi kya' Jizaazai widdena "Niminyi asa'

aai nyidathiwamwaabika!" Widina kya' sare'na yuyara mijadiwilina "Nimi aawa. Nimi aawa." Sara yina kye' Pitai widina "A'mwe naangeigi, a'mwe kwala bwa'naanya naangera giminyyi gyahihipaledaakava. Yi sara yeva yunebanna gihipaledaakava!" ⁴⁶ Widina kya' kiri' Jizaazai widina "Pimili' ata nyidathiwamwakeinyira. Sare' dare'nesi. Nimi yibwakimanige. 'Nimire diraginya pimaginya' mena wiwakeinyi daaka!' yawi'manige." ⁴⁷ Widina kya' a'mwe daza' yawi'na yaka "Gaminyina lika myulyaki yide'nyi daaka!" yawiraka. Sarevidaa'nyi sa' lika naanga yina yada gaminyi aya kiba kwaakevakti kwadaai bulagina. Sara yaka a'mwe yuyaraayaba gananya nalaaya'na asa' dathiwagake' wijiwaakina yaka nabaai widina "Sara yena sagaa' nimire nalaaya' yarai yiwiwake'nera." ⁴⁸ Dina kya' sahirivi widina "Nyiraavt, gimirre diraginna nyilimwamwaanyabwi giminyyi ayina tewaanya gyavada'gaimwake'ginyi. Gimire munyi' kave kwaamu' wa'doz kaanya diwona!"

⁴⁹ Sai yagaalya' kuna dadaa'nyi a'mwe pwai maremwaaidere angevi'idaa'nyai bina yina yaka maremwaaideri widina "Gimirre jiraavaange' mena kabaimwakira. Nejijaakaderi yaasiwa'na mamakunnera!" ⁵⁰ Sara widina kya' kiri' Jizaazai daza' kadika wi'naka ganimaangeri ja'nawidina "Gimi lika minnera! Gim i yune diraginna dinyaawiralinmwagaka! Sare'na gimirre kaimiraaya' ayina tewaanya yima'nadesi." ⁵¹ Widina yaka maremwaaidere angevina kaanna wi'na yaka a'mweraavt mwanaganaki, gamiji' angevina ye'mwannigulya'na. Aawa. Sahwai yune Pitariji' Jonimiji' Jemizariji' taayavt ganimaangeyoriji' maarina yaka gamiji' ye'mwannigwina. ⁵² Nabaai a'mwe yuyara kaimiraaya dazavina kinna jakinna bazemwaihuna yadaapi kiri' widina "Sarimi kinna madipinera! Sa' mena baimwaka' mika. Aawa. Sa' se warika." ⁵³ Widina yadaa'nyi gaminyi jika maredina. Kumi yawi'divt "Sa' mena baimwakesira," birala widina. ⁵⁴ Birala widina kye' sarevi' kiri' kaimiraayavire asiri' limwaga'na yina yaka jika widina "Kaimiraaya'gi dithikaaka!" ⁵⁵ Sara widina kya' taaya dazavire kuryai gaminyawinna ayina bina yaka bulamwaaina kya' sagaasagaal' taaya' dikavamwaaina. Mi'na dikkavamwaaina kya' sarevina sayori' widina "Sahirivi wapaaya dumaarila!" ⁵⁶ Taayavt ganimaangeyoi atika maru'na'na yadaakilyi' sahiyori' diraginna widina "Nimi yiwe daza'na kirimiyoihi a'mwe pwaraavt nujijaakikadika!"

9

*Jizaazai gamire siviliridaa'nyi pwaraalyaraavi widaasake'nesi.
(Matiyui 10:5-15; Maaki 6:7-13)*

¹ Sagaa' gamire siviliridaa'nyi pwaraalyaraavi jika wijiwarijimaa'nyina yina yaka sare saraavi diraginya naangesi naangaangenna ya'neraavine diraginyabulyi wijaavina. Yuya yimakeraaviji' nalaaya dala nabinanyangiji' marasi'nya'nebwi wijaavina. ² Gotiyai a'mweraavt maremwaaideviji' wijiwaakya'neraavt nabaai nalaavinakeraavi tewaanya yavada'galya'neraavt widaasina. ³ Widina yakegaa' widina "Sarimi gilyivita kaanya yamarya'ne aane pir'i kiri' namaapidika! Yadirikajt gilya yivilyaji' wapaayaji' nighwiaji' wana yuna namaapidika! Nabaai sarimi baazi'ma'nya pirwaaina namaapidika! ⁴ Nabaai sarimi anga pirivt wilapiji' yi yune anga dazahirivina dimwaalyideihilyi. Anga saba wijiwaakina jideihilyi. Divi anga dazavt yagalya'mavapiji' yi kaanna diwideihilyi. ⁵ Pwara kumire engengina mihimakwi yihipi'jaraavi anga naanga dazaba jahalya'makwideihilyi. Sara yapiji'yihi sarimi're sivilyangi' kwaatiridirinya divurakrasinigwideihilyi. Sahwara tinna wanganapiji' kumire sabwinaji' Gotiyai taanga wijaaya'najt yawipi'de'nanyi.

Kuminyine jalikurakya'nesi." ⁶ Widina kya' sahwara anga yuyabanya kaanya yamarina yadiv'i yagaala tewaanya' wijiwaakina yadiv'i gazabazaba nalaavinkakeraav'i nawi'nya yavada'galamwaaihina ye!.

(Matyui 14:1-12; Maaki 6:14-29)

⁷ Galili saba maremwaalaka maalikei Erotiyai yuya dazangine'na kadika wi'nyina yaka yawita kwalaalya yina. Jizaazarina a'mwe pwara dina "Jon kavi'ninnyavidaa'nyai ayina dikaa'mwakerinereva." ⁸ Nabaai pwara dina "Ne Piropetiya Yilaajai yima'naabivankinerereva." Nabaai pwara "Piropetiya sinnawi kigaakunanya pwai ayina dikaa'mwakerinereva." Sara widesa'na yawita kwalaalya yina. ⁹ Sarev'Erotiyai dina "Nimi Jonimire tilinnya' mena woripuragerinera. Kiri' a'mwe dazai yagaala dazavi sasara wi'niwanigei bewalaka?" Sara dakei "A'mwe sahwarit inna wanganima!" daka yakelyi.

Jizaazai a'mwe paaivi taawizaniyaraavi (5,000) wapaaya wijaavake'nesi.

(Matyui 14:13-21; Maaki 6:30-44; Jon 6:1-14)

¹⁰ Widaaakera apozeliyara yagalaawina yeva yuya kumi' yageta sanna gaminyi widina. Mena widina kye' sahwai sahwaraav'i maarina yaka a'mwe pwaraav'i yagalya'ma'na yina yaka yune kumi' sarana anga naanga pibanna Betzaaitha wo'nikebanna kaanna makuna. ¹¹ Makuna kya' kiri' dividaa'nyi a'mwera dazavina yawi'na yeva sahwarit mijamakuna. Sara yevera gaminyawinna yikabina kye' gaminyawinna bahesa'na sahwai yilaaya yina. Yilaaya yina yaka Gotiyai a'mweraav'i maremwaaidevina wijiwaakina. Sara yada a'mwe nalaavinkakeraav'i nawi'nya yavada'gaina. ¹² Sara kya' sawitirinyaburi gamire siviliridaa'nyi pwaraalyara gaminyawinna bina yina yeva widina "Gimi a'mweraav'i kamaryaasa'gizi anga yuyabanyajiwawinangeji sawinna 'Wawopiji wapaaya napijise wa'mwaraawipika!' da'gizi dimaryaasa! 'Nem i mwaaihoya dimagi a'mwera maayimaginyira, gitihwo'nanyi.'" ¹³ Sara widina kye' kiri' widina "Yune sarimi saihina tika nya'ne duzaayila!" Kiri' sahwara widina "Nem i wapaaya kwalaalya manewarika. Biretiya atina yaka jawinya pwaraalyina warika. A'mwe yuya datharaavine'na nemi tika munne mubawaade'na sara dahayawimwaana?" ¹⁴ Sare dare'nanyi. A'mwe paaivi taawizaniya (5,000) darerabi' mwaaidapi. Gamire mididivisaraav'i widina "Sarimi duzila! Piviti pivitiyara avaala piba yi'bwa'napiji nayaa walamwaaina jila!" ¹⁵ Widina kya' sara widina yeva a'mwe yuyaraav'i nayaa sara waladimwaaihina. ¹⁶ Waladimwaaihina kye' biretiya atilya saji' jawinyaraalyi maarina yaka Sigunyavina maranganna yaka "Wapaayanna yilaaya gmarywa!" widina. Sara mena yakegaa' gunyina yaka a'mwe kwala bwa'naanyaraav'i yanga bumumulaawia'ne gamireraav'i wimaarina. ¹⁷ Wimaarina kya' yuyaraavina wijavaawina kye' yunebanna mena nyina yeva. Yuyara munya mena yinyina kwia' niganamudiwiraketa yuya sa kuna bwakwodin'nyi soigilya sivilridaa'nyi pukaalyang'i maramihina.

Pitai "Jizaazai Kiraazitilyalyira," jalikurakake'nesi.

(Matyui 16:13-28; Maaki 8:27-9:1)

¹⁸ Pigaa' sahwai gavei Gotiyaritidadaa'nyi gamire mididivisara gamiji ye'mwannemwaaina. Sagaa' sahwai sahwaraav'i yidaanganna "Kwala bwa'naanya niminyina nyidivangata aaihwainyaka?" ¹⁹ Sarev'i nabaai sahwara ja'nawidina "Pwara 'Jon Baviaaziya Yadeliyira, gitihvanigasaiginyi. Nabaai pwara 'Yilaajalyira, gitihvanigasaiginyi. Nabaai pwara dina 'Piropetiya sinnawi kigaakunanya pwai gilekavi'ninnyav'i ayina dikaa'mwakelyireva.' " ²⁰ Sara ja'nawidina kye' sai widina "Nabaai yune sarimi saihi niminyina nyidivangata bewainyaka?" Sara widina kya' Pitai ja'nawidina "Gimi Gotiyai gitihhlakaka maryasaabakeig'i

Kiraazitiyaiginyira. Gotiyareiginyira.” ²¹ Kiri' kuminyi diraginna widdina “Mala nayaa jiwannyila! A'mwe pwara kwaraavi yagaala daza' wijiwaakya'na kimaakiya mi'na dakwana!” ²² Sara widdina yaka widdina “A'mweraavine Kaimiraayai taanga kwalaalya maaradelyira. Sarevi nabaai a'mwe naangerajti Gotiyarivne tamira'divita naangerajti Kwiijarajti sahwarit bule'na wijaavipidelyira. Sara yapijti sahwarit tamakipijai yirika daryaaai darikti sahwarit ayina yidikaavadelyi.”

²³ Sahwai yuyaraavi widdina “Nabaai a'mwe pwai kwai niminyi ‘Midinima’ yawirajai gami sai gannya simunyavie wiekrakada yuya yirikerikaavie gannya yita yovihirarannike' nayaa marikwavade'b'i'na ‘Nimi Jizaazarina baimuja' tewaanyasi. A'mwera Jizaazarina kayaa'na nyipi'de' wikira,’ yawi'da niminyi sivig'nyiri nayaa nyimidnadeltyi. ²⁴ Sare' dare'nesi. A'mwe pwai ‘Jizaazarina nanyiramakipidika!’ dazai niminyi nyimarasi'najai kuna mwaalade kiri' gamire gaala mwaalyabwi yagalya'mavadevulyi. Kiri' pwai niminyina yawirojti balajai diraginna nyilimwagazai yi yiniga wi'nanyira. Sahware gaalyabwi tewaanna padaihasamaa'nadelyi. ²⁵ Sare' dare'nesi. A'mwe pwai nigwia gitlyivita saza Kwaakevakya yuya sa maarajai sarevi gami sai yuna kayaaka yima'nada nabaai gamire gaala mwaalyabwi yagalya'mavoji gami yuya maarina yaja sasare daza gaminyi gatha'dara gaimwagathengaka! ²⁶ Sare' dare'nesi. A'mwe pwai niminyinajti nimire yagaalyavinajti sangina ‘Wagiila nanyivwa'nadika! Sahwarit wasi'niema!’ dazai A'mweraavine Kaimiraayai gannya byaanna naangeviji Niimwareviji ejeliya tewaanyaraavireviji walaabathehaa' yi sahwai ‘A'mwe dazai kwarina wagila nanyivwa'nadika! Bule wijaavima!’ widdathelyi. ²⁷ Sare' kiri' nebulya'na yihithivanige. Nabaai a'mwe pwara dava daakata dara yarai mabalyadapi Gotiyai a'mweraavi maremwaaidetinna wangabi'dehaa'nanyi.”

*Jizaazai kilaakejti' nabinna yima'nake'nesi.
(Matyui 17:1-13; Maaki 9:2-13)*

²⁸ Yagaala daza mena dakegaa', divi yirika ata puridaa'nyi daraai mena kwavilava' sahwai Pitariji Jonimiji Jemizariji maarina yina yaka mugunyavina Gotiyari wija'nei yilaawina. ²⁹ Yilaawina yaka Gotiyari kuna widdivainadaa'di'nyi gamire sinnyi' mudika pwaibii' yima'nyina yaka nabaai gamire baazi'ma'nya' yuna yaake' wannyina, kimihiimila yina. ³⁰ Sara kya', yithaa, a'mwe pwaraai sahwalyi yagala ye'mwannadina. Pwai Ne Mozizalyi. Pwai Ne Yilaajalyi. ³¹ Yi sahwaraai byaanna naangevi yagleraai yima'naabina yagiila sare saraai Jizaazai Jeruzaalemi yune'na ya'na sanna dinyna. Sahwai Kwaaka davaki yagalya'mavoji wawodelyira. ³² Widdina yadaapi Pitalyi pwaraai gamiji'yaraalyi seyivita kwima'na' kiri' yaaka dikavayima'nyina yeva byaanna naange' sahwariadaa'nyi kima'na' tinna nayaa wanganna. Nabaai a'mwe dazaraai kwaraalyi sahwalyi ye'mwannadaa'dakilyi tinna wanganna. ³³ Saraai “Gaminyi yagalya'mavakwoihili wawaka!” dahila yadaakilyi Pitai Jizaazarit widdina “A'mwe naangeigi, nemi dava mwaaihoya' tewaanyasira. Siminya dawaai dasa yirlaadeinera. Piriti' gitminyine', piri' Mozizarine', piri' Yilaajarine!” Pitai sahwai simunya nayaa myawiryakei yagaala daza' sara widdina. ³⁴ Kuna widdina yadaa'nyi yiraaya pijti' galayewaa'mwanna. Yiraayajti' galayewaa'mwanna yadaa'nyi sahwara lika naanga yina. ³⁵ Lika yina yadaapi yiraaya savi kusawidaa'nyi maanguraaya piri' jaka yinyina “Dathai nimire Nyibwaali'vaangelyira. Nimi mena widdahilakelyira. Gamire yagaalyavi kadika du'nyila!” ³⁶ Maanguraaya daza' mena kabinigwawa' Jizaazai yuna gavei mwaaidi'nyi tinna wanganna. Sara yeva kumire maange bipaina. Nabaai dazagaa' a'mwe aane pwai kwarit sahwara tinna wanganeta sanna mujina.

*Jizaazai kaimiraaya yimakei mwaaidi'nyiyari tewaanya yavada'galake'nesi.
(Matiyui 17:14-21; Maak 9:14-29)*

³⁷ Yirika ayawidaasariki mugunyavi yagalya'maveva walaawi'na kye' a'mwe kwala bwa'naanya naangei gaminyina burata'nyina. ³⁸ Burata'nyina kye', yithaa, a'mwe pwai kwala bwa'naanya dazavidaa'nyai jaka danganna, "Wijwaakadinyaig, diraginna githaanganima! Nimirre kaimiraayari tinna dinyaanganya! Nimirre kaimiraaya yune gave dazahwainanyainyira. ³⁹ Sare sari, yithaa, yimakei galap-welmwaga'delyira. Sara wiadaa'nyi sahwai jaahwasa'bti' kayaal'jaka dadelyira. Nabaai sara yada yimaka dazai yuna kayaa'na galarivitawakadelyira. Sara wiadaa'nyi gamire maangevidaa'nyi maagwaitala yaake' yima'naabadeleyi. Gamire kilaakejiki yuna kayaaka wigalakada yarai yagalya'makwodei mi'. ⁴⁰ Nabaai 'Yimaka dazai marasipika!' dena gimirre mididivisaraavivi wiedena yaginna yidangadaari kiri' yuna aawaawa. Myi yipinere." ⁴¹ Jaka sara danganna kya' Jizaazai ja'nawidina "Sarimi a'mwe dathahaasaihi diraginna limwangebwi kuneihi, sarimire simunya' nayaa yida'na mwarikeihi, sarimiiji kuna gatha'daregaa'na yihye'mwannemwaala'mujj sarimire taanginya maarideinyaka! Gimire kaimiraayai davanna dimakulaama!" ⁴² Wiedina kya' gamire kaimiraayai kuna widavadaa'nyi yimaka dazai kwaakewi marawinangirakinna yaka yuna kayaa'na yawinangirakinna. Sara wiadaa'nyi kiri' Jizaazai yimaka dazar maanga wiedina yaka kaimiraayari tewaanya yavada'gaina yina yaka ganimaangeri ayina wijaavina. ⁴³ Sarevi a'mwe yuyara Gotiyare diraginya' byaanna savi tinna wanganeva lika yiwainigulina.

(Matiyui 17:22-23; Maak 9:30-32)

A'mwe yuyara Jizaazai yaka yuya dazanna atika kuna maru'na'na yadaapi gamire mididivisaraavivi wiedina ⁴⁴ "Sarimi yagaala dathavine'na gitihide' kadikiki nayaa dakyila! Da'daresi. Divi kibawe maalikegaa' A'mweraavine Kaimiraayainy nimirre yikamaangeraavina nyibwaridaakkwadeinyira." ⁴⁵ Kiri' sahwara yagaala dazav nayaa myawiramaari. Yagaala dazavine aaya kaavilya' sahwaraavina kuku'nya wila'na. Sareviadaa'nyi sahwara sahirivina nayaa myawiramaari. Sarevi nabaai sahwara yagaala dazavina yidaanganya'na lika yina.

Gamirera "Neminyidaa'nya naangei aaihwai dingaka?" dinesa'nesi.

(Matiyui 18:1-5; Maak 9:33-37)

⁴⁶ Sagaa' gamirera gemarasiti'nyiyagaala piri' "Nemijya naangei aaihwalaka? Nimirre," ge' bivikiniguna. ⁴⁷ Ge' bivikiniguna yadaapi Jizaazai kumire simunyav'i gemarasiti'nyiyagaalyav'i yawiranganna. Yawiranganna yaka sarevi sahwai kaimiraaya maalika pimili' maarina yaka gamijj marye'mwannadaa'na. ⁴⁸ Sara yaka sai wiedina "A'mwe pwai kaimiraaya maalika dathamilik nimirre yayavina maarajai sai nimirre nyimaraadelyi. Nabaai sai nimirre nyimaraajai yi nimirre nyimaryasaabaka dazar maaraadelyi. Sarebwi dare'nebuliyi. A'mwei sarimi yuyahlirine'na tinnnyabanyai yuna maalika mwaalajai yi Gotiyarina sai yuna naangelyi."

(Maak 9:38-40)

⁴⁹ Joni ja'nawidina "A'mwe naangeigt, a'mwe pwai gitinyine yayav'i yimakeraavivi widasadaa'nyi tinna wangamwoine. Sara yada kiri' neminy manemidinyvanike'na sahwarina kimaakiya dakwolyi." ⁵⁰ Wiedina kya' kiri' Jizaazai sahwari wiedina "Sahwarina kimaakiya madakipinera! Sare! dare'nanyi. A'mwei sariminyina yikamaanga mihivanikei sai sariminyinelyira. Yikamaangei mika!"

Sameriya mwaalyara kunnya angeba Jizaazarina kaanya tihiresa'nesi.

⁵¹ Jizaazar Siguonyavina makilaawia ya'ne Gotiyaregaa' aya kigaa' mena kima'na' gamire simunyai yovirawakinna yaka Jeruzaalemina kaanya wiya'na. ⁵² Sarevi

gaminyi sinnawi yovirawakaawia'na pwaraari yagaalya' wiдаasina. Mi'na wiдаasina kya' dazaraai kaanna wina yeva Sameriya mwaalyaraavire anga pibanna wiлаawina. ⁵³ Sabanna wiлаawina kyagi kiri' anga dazabanyara Jizaazar'i kumire angengina makwiya'na "Aala!" dina, mamaari. Sahwara yawi'divi' "Sahwai Jeruzaalem'na wawade'nanyira. Nemire naangebanna mi'." Sahwara gevwi yadivisa'na "Aala!" dina. ⁵⁴ "Aala!" dina kye' gamire mididisaraai Jemizalyi Joniji' sahwaraai sasare sabur'i wanganagila wiđina "Naangeigi, kayaa'na sara ywaasa'na Sigunyavidaa'nyi dike'na kudawaaj'i dike' walaaboz'i a'mwe datharaavi dike' nakade'na simunya myawirijiwaana?" ⁵⁵ Wiđina kyagi kiriminyimagi ginyima'nyina yaka maanga wiđina. ⁵⁶ Maanga wiđina yaka sahwara anga pibannera kaanna wina.

*A'mwera "Jizaazar'i midinima!" dipijara yadivisaraavinesi.
(Matyui 8:19-22)*

⁵⁷ Sahwara tutaanyav'i kaanya wodiv'i a'mwe pwai gaminyi wiđina "Gimi' kaanya yamarija anga yuya sabanya nimi' kwainyiji' gimiridinamarideinyi." ⁵⁸ Wiđina kya' Jizaazai wiđina "Kavijili'kera kwaakevak'i kumire daibu'nya kininnakerera. Nabaai sigunyavine yuta kwaraji arisa kininnakerera. Sare' kiri' A'mweraavine Kaimiraayai gamire minyaginyi' yladihaihita ya'neba kunelyira." ⁵⁹ Wiđina yaka a'mwe pwar'i wiđina "Niminyi' dinya'midinaama!" Kiri' sai wiđina "Gimi' niminyina 'Ya,' maji jitheig'i dingaka? Niminyi' nimaamaanger'i tivi'na maralikirakaawa'mujineinyira. (Mi'na kabaloji' bideinyira.)" ⁶⁰ Wiđina kya' kiri' sahwari wiđina "Baa'nana! Pwara, Gotiyarina majadivisara, kurya bainikera baryaraav'i maralikirakipi'derera. Kiri' gimi' kaanya wawa'gizi Gotiyai maremwaaidenvina a'mweraav'i duz'wakaawa!" ⁶¹ Wiđina kya' nabaai a'mwe pwai wiđina "Naangeigi, gimin'y gimiridimune kiri' niminyina 'Ya,' kyawira'gizi nimi' wawo'mujiyagaa' nimir'i avaaimwaalya yuyaraavi ata yune'na bwa'naawi'ndeinyi." ⁶² Sarevi Jizaazai sari wiđina "Pwai nimir'e wawinya yadei kwai kiri' yuyagaa' dusimiginna gamire ayabwina ginyima'nangadei sasare sai Gotiyai a'mweraav'i maremwaaiden'a wijiwaakya'nei yiniga wi'na yadei mika."

10

Jizaazai a'mwe kwala naangeraavi (72) gamire wawinya'na wiдаasake'nesi.

¹ Sa yaka dividaa'nyi Naangei a'mwe sevedituya (72) pwaraavij'i dahilakina yaka pwaraarinna pwaraarinna maryasina. Gaminyine'na sahwaraav'i sinnawi wiдаasina. Anga naanga yuyabanyaavijnaji' anga maalika yuyabanyaavijnaji' dividaa'nyi yune gami' saina wiya'nebanyaana sahwaraav'i maryasina. ² Sarevi sai sahwaraav'i wiđina "Piri' daresi. Tika munne kwalaalya wawinyaav'i mena yovigaipwakin'kengira. Piri' daresi. Tika munne maarya'ne a'mwera kwalaalyara mika. Sarevi'adaa'nyi sari'ni' wawinyaav'i Naanger'i kidaanganapiji' gamire tika wapaaya mari'bwarakya'nera gamire wawinya wiđaayadivisaraav'i yarai wiđasaderera. ³ Nabaai sari'ni' kaanya dwila! Yithaanyi! Nimi' yihimaryaasi'weihi kavijili'keraav'i tinnyabanna sipi'zipi'ya maalikebisaihi divideihilyira. ⁴ Sari'ni' nigwipaawiziyasi' gilyasi' kwaari'masivila piriwaalyi namaapi'dika! Tutaanyav'i a'mwera badaapiyaraavi aangaa'na divainadaasa'na 'Nya'mwei! Nya'mwei!' mudipi'na! ⁵ Nabaai sari'ni' anga piri'vi' wiłapij'i yi' sinnawi aayagaa' dara duzideihilyi 'Anga dav'i wiłamwaaidivisangihiri' kave kwaamu' tewaanya yihwarana!' ⁶ Nabaai a'mwe pwai kave kwaamu' maa'dei anga dazaviyai mwaalajai yi' sari'ni' kwaamu' wijsaavipija sa' dazar'i wiławiwaradesi. Kiri' nabaai a'mwe pwai sasara mi yaja' yi' sabwi sari'niyawinna ayina bozi' kwiyakwaihiri' bihwaradesi. ⁷ Kiri'ni' maarina yipijara sahwaraavire yune anga gave piri'vi'na dimwaalyideihilyi.

Sara yapi t̄ika wapaaj̄ina aalyaj̄ina yih̄izaavip̄ja d̄nyideih̄ilȳ. Sare' dare'nanȳ. Wawinya wiðaayadei gannya wawinya'na gannya n̄gwia yin̄ga wi'na maarannelȳ. Sarebaabi'na yih̄izaavip̄ja d̄nyideih̄ilȳ. Anga p̄iriv̄idaa'nȳ anga p̄iriv̄ina t̄ika wapaaya maarya'nehi yaas̄wa'na nyamarip̄ka! ⁸ Nabaai sar̄imi anga naanga p̄iba kulaawop̄ij̄ sahib̄anyaara yih̄maarap̄ij̄ kunnya angenḡna kih̄makwop̄ij̄ yi wapaaya yanga yih̄izaavip̄ja d̄thaapyideih̄ilȳ. ⁹ Nabaai anga dazabanya a'mwe nalaav̄nakeraav̄ aȳna tewaanya yavada'gaina jideih̄ilȳ. Sara yapij̄ duzideih̄ilȳ 'Got̄yai a'mweraav̄ maremwaaid̄ ȳma'naabathehaa' sar̄im̄nȳna mena aya kigaa' ȳma'naab̄waka.' Sara duzideih̄ilȳ. ¹⁰ Kiri' sar̄imi anga naanga p̄ibanna kulaawap̄ij̄ sahib̄anyaara kunnya angenḡna mihi makw̄iȳ kih̄yap̄ri yi anga dazabadaa'nya tu'maangeba davaawap̄ij̄ dara dizideih̄ilȳ. ¹¹ 'Sar̄im̄re anga dazabadaa'nȳ kwaat̄ryam̄lika naar̄im̄re s̄iv̄lyangi nehim̄iw̄'n̄iwake sar̄im̄nyaw̄inna aȳna yih̄purak̄ras̄'naabakadenḡ. Sare' kiri' simunya nayaa dara jawirila! "Got̄yai a'mweraav̄ maremwaaid̄ ȳma'naabathehaa' mena aya kigaa' ȳma'naab̄waka!" ¹² Nīmi yih̄ith̄van̄ige. Yiri'ka aaya sar̄iki anga naanga dazah̄banyaraav̄ taanginya naanga wiðaavadere. Taanginya daza' kayaa'nanyara Sothom̄ mwaalyaraav̄ taanginya naange' wiðaavadel̄ wav̄lavadesi.

(Mat̄yui 11:20-24)

¹³ We'! Korazin̄ mwaalyaih̄le! We'! Bet̄zaaitha mwaalyaih̄le! We'! Nīmi anga Taayaaji anga Saaithon̄ij̄ sabanyaai nīm̄re d̄raḡnya' ȳwīji kwaj̄i sar̄im̄re angeba nīmi yebaabi' yi sarevī s̄innawī ȳme'nya'b̄ī sabanyaalyara kale'na baazi'ma'nya mumunȳ'nīka baazi'ma'nadīv̄' kwaaḡisav̄ mwaalap̄ij̄ simunya mudike' kyawīpidik̄a! ¹⁴ Sare kiri' Got̄yai a'mweraav̄ maryaw̄bwata yadehaa' taanginya naange' Taayaaji Saaithon̄ij̄ sabanyaalyaraav̄ wiðaavadere. Taanginya naanga sar̄im̄nȳ yih̄izaavade' yi sahwaraav̄rev̄ wav̄lavadesi. ¹⁵ Nabaai Kaapan̄yam̄ mwaalyaihi 'Nemi Sīgynyav̄inna nennȳ yaya mak̄laana!' dad̄iv̄' kiri' yune D̄kev̄na dalaawideih̄ilȳ.

¹⁶ A'mwei sar̄im̄re yagaalya kad̄ika nayaa yih̄hu'najai yi sai nīm̄re yagaalya kad̄ika nyu'nadelȳ. Nabaai a'mwei sar̄im̄nȳ bule'na yih̄izaavajai yi sai nīm̄nȳ bule'na nȳjaavadelȳ. Kiri' nīm̄nȳ bule'na nȳjaavajai yi sai nīm̄nȳ nȳmaryasaabaka sai kwar̄ij̄ bule'na wiðaawakelȳra.' Jizaazai sara wiða'.

¹⁷ Dīvi a'mwe sevedituyara aȳna beva sahwara yilaaya naanga yin̄na yad̄iv̄' wiðina "Naangeigt̄, nem̄ ḡim̄inne yaya' kumīnȳ wiðaasa'neina wiðadaawori ȳmaka kwaraj̄ nem̄re yagaalyanḡ mid̄id̄iv̄' a'mweraav̄ yagalya'makuna yesera." ¹⁸ Sara wiðina kye' sai wiðina "Ȳmakeraav̄ wiðaasiwa'daasagaa' nayaa dara wangamwa'de 'Yiraayavī yīmunya pidevaabi' Saataan̄im̄re d̄raḡnya' yarai bwalarakelȳ.' ¹⁹ Ȳthaanyi, sar̄im̄nȳ d̄raḡnya' mena yih̄izaawa. Yi sarevīdaa'nȳ naawīnaanyaraav̄ij̄ marayin̄igaawalyaraav̄ij̄ s̄iv̄ly'a' yin̄ga b̄iza'j̄ivaib̄ineih̄ilȳ. Nabaai Ȳkamaangerine d̄raḡnya yuya sanḡ yin̄ga wi'na dav̄layideih̄ilȳ. Sarevī sar̄im̄nȳ kayaaka ȳgalakya'ne yuya piñī sa kayaaka yin̄ga wi'na yih̄igalakade mī'. ²⁰ Sare kiri' sar̄imi yilaaya myad̄iv̄' dara ȳvan̄gasaih̄ilȳ 'Ȳmakera nem̄re yagaala dīvan̄go danḡ mid̄inna kȳwaa' wiðaasiwan̄gorera.' Aawa. Sabwi maal̄kebuliȳ. Sar̄im̄nȳne yaya Sīgynyav̄i mena yav̄karyakiwakebwi naangebuliȳ. Sare'na Got̄yar̄na yilaaya nayaa jīla!"

(Mat̄yui 11:25-27; 13:16,17)

²¹ Dazagaasagaa' Kurya Tewaanyai Jizaazare simunyav̄ yilaaya ȳwaḡmwaaiah̄na yin̄na kya' sahwai wiðina "Nīmwai, ḡim̄ saiḡ Sīgynyav̄naj̄ Kwaakevak̄naj̄ yuna Naangeiḡnȳ. Ḡim̄re yaya' munyaba makiman̄ge. 'Su! Su!' Ḡim̄ a'mwe daraav̄ s̄kul̄ya myaraav̄na yuya da wibwar̄dakuwaanyaiḡnȳ. Yi a'mwe simunnakeraav̄naj̄ s̄kul̄ya yaraav̄naj̄ yuya da līka yulyakiwaanyaiḡnȳ. Yi

sare'na ḡim̄re yaya' munyaba makimanige. Yo, N̄mwai ḡim̄re s̄imunya sabwi yune sasarebulyi. Sare'na sara yadīnyaiḡnyi." ²² Sara w̄id̄na yaka a'mweraav̄ w̄id̄na "N̄maamaangei s̄imunya yuya nȳmar̄mwangakeinyi. Sarevīdaa'nyi Gawaalīvi aaya kaav̄ilya' yawirangadei a'mwe aane pwai kwai mī!. Aawa. Sahwar̄i N̄mwai yune gave sahwaina yawirangadelyi. Sarevī nabaai N̄mwarī yawirangadei a'mwe aane pwai kwai mī!. Aawa. Sahwar̄i yune Gawaalī'na yawirangadelyi. Nabaai a'mweraav̄ Gawaalī! N̄mwarī wibwar̄idaakwajara, sara N̄mwarī yawirangabīdere."

²³ Yune gam̄re mid̄id̄iv̄isarana Jizaazalyī ye'mwannamwaaleva yī sahwai kum̄nȳmaḡinna ḡinȳma'nȳna yaka w̄id̄na "Sar̄mī wangaman̄gasanḡi pwara wangadiv̄ī sahwara ȳlaaya naanga yadīvī tewaanaanga winadere. ²⁴ Sare' dare'nesi. N̄mī yih̄thīvanige. Ne p̄ropetīya kwalaalyarajī ne kinḡya kwalaalyarajī yuyanḡi sar̄mī t̄inna wangaman̄gata sanḡ 'Wanganaana!' deva yeta kirī! sahwara t̄inna mwanganȳna. Nabaai yagaala sar̄mī kad̄ka w̄īn̄van̄gata dazangī 'Kad̄ka w̄īnaana!' deva yeta kirī! sahwara kad̄ka mu'nȳna. Sare'na ȳlaaya j̄la!"

Sameriyadaa'nya tewaanyai yikamaangerina kale wiakerinesi.

²⁵ Sagaa', ȳthaa, k̄w̄inyanḡi w̄ij̄waakade pwai Jizaazar̄i yaamij̄i walapalakya'nei daav̄ina yaka w̄id̄na "W̄ij̄waakad̄inyaigi, gara ya'muj̄i yuyagaa' yuyagaa'ne gaala mwaalyabwi maa'muneinyaka?" ²⁶ Sara w̄id̄na kya' sai w̄id̄na "K̄w̄inyav̄i be yagaalya' d̄nīkevaka? Gim̄i gatha'dara dangaman̄g?" ²⁷ W̄id̄na kya' sahwai ja'nawid̄na "Naangei ḡim̄re Got̄iyai sahwarīna ḡim̄re s̄imunya yunev̄i yuna tewaanya ḡivu'nadeiḡnyira. Nabaai ḡim̄re kurya yuyarī yuna tewaanyarinajī ḡim̄re diraginya yuyavī yuna tewaanyarinajī ḡim̄re siduta yuyavī yuna tewaanyarinajī ḡivu'nadeiḡnyi. Nabaai yune ḡim̄i saiḡnȳna tewaanya ḡivu'nadevaab̄ī a'mwe pwar̄ina avaaimwaalya kwar̄ina tewaanya nayaa ḡivu'nada duhaimwadeiḡnyi." ²⁸ W̄id̄na kya' sai w̄id̄na "Gim̄i yagaala nebulya' ja'nanyid̄waanya!. Yī sasara ya'ḡizī yuyagaa' gaala dimwaaideiḡnyi."

²⁹ Sare' kirī! sidu'nakei yawī'na "Pwara n̄m̄nȳna yawip̄ika! 'Sahwai sasarebwine yida'maraangei mwaaidelyi.' " Sara yawī'na yaka Jizaazar̄i w̄id̄na "N̄m̄nȳi avaaimwaalyai bewalaka?" ³⁰ Sara w̄id̄na kya' Jizaazai sahwarī dara ja'nawid̄na "Juya pwai Jeruzaalem̄i yagalya'mavaka Jerikonei kaanya waidawadaa'nyi tutaanyavī a'mwe ȳpalamaa'd̄iv̄sara sahwarī b̄iramaareva sahware ḡilȳv̄ita yuya ȳpalamaa'na ȳna yeva ȳraip̄ivalak̄ina ȳna yeva mala naanga mi'na tameva balya'neba yagalya'ma'na ȳna yeva kaanna w̄ina. Sarei sai tutaanyavī war̄na yadīnyī sai mena balya ya'neba. ³¹ Dazagaa' tutaanya dazavī Got̄iyar̄ina mub̄ith̄ika ȳra'dei p̄iriz̄iya pwai kaanna w̄ina. Kaanya sara wodehaa' a'mwe sarī t̄inna wanganalik̄mawakaab̄ina yaka sarī wangamab̄ina ȳna yaka tutamaangebaarī yaaikaanna w̄ina yaka wav̄lakuna. ³² Sasare sahibaaab̄ī nabaai Got̄iyare Angevī w̄idaayadei Livaaya pwai sahimagī bi'ma'na ȳna yaka a'mwe sarī kave wanganyik̄mawakaab̄ina yaka sarī wangamab̄ina yakegaa' tutaamaangebaarī yaaikaanna w̄ina yaka wav̄lakuna. ³³ Nabaai a'mwe Sameriyā mwaalya pwai Juyara j̄ikur̄it̄inna yadīvisaraav̄idaa'nyai tutaanyavī kaanya badehaa' a'mwe sai wa'd̄is̄yaba bi'ma'na. Mi'na bi'ma'na yaka sahwarī t̄inna wanganna yaka kale naanga yenȳlanguanna. ³⁴ Sara yakei sahwaryabanna w̄ilaaw̄ina yaka gam̄re k̄ilaakej̄ik̄i mala tamaḡithaaih̄resanḡi welivananyasī waainiyasī dingavu'na yaka wa'waaya sanḡ w̄ila pw̄iȳna. Sara mena yaka a'mwe sarī d̄ihaa'bwa'na yaka gam̄re dogiyarī munyaba ȳlamaramwaaih̄na yaka kaanna makwalaaw̄na, angavaav̄haanya wod̄iv̄sara waraawia'ne angev̄na marakaaw̄na yaka nayaa maremwaaaina. ³⁵ Sarevī ȳrīka d̄ividaa'nyar̄ik̄i gam̄re ḡilyav̄i n̄gwia pukaai daap̄ina yaka a'mwe anga angavaayara warya'ne sav̄ gyakwar̄i w̄ijaav̄na yaka w̄id̄na

'A'mwe dathari nayaa dimaremwaaidelyira. Nabaai gimirre nigwia piniyi a'mwe darina yigainamayidiza' yi ayina ba'mujiyagaa' nimire nigwia bahizaavideinyi.'
 " 36 Jizaazai sara widina yaka widina "Dahaa' gimi gara dahayawi'mwaana? Daraai dala saraavidaa'nyi pwai a'mwe yipalamaa'divisara sara kye' kayaaka yinaka dazarina avaaimwaalyai yima'nakei bewai dingaka?" 37 Sara widina kya' sahwai widina "A'mwe kale kwia' gaimwanga yaka dazalyi." Widina kya' Jizaazai widina "Gimi wawo'gizi avaaina sasara jitheiginyi."

Maathasi Maariyaa si kinadaare angevinesi.

38 Kaanya wodivisagaa' Jizaazai anga pibanna kaanya wilawina. Kaanya wilawina kya' a'mwe piri' gaminne yaya' Maatha' sahir'i' gamire angevina "Dineyiri'marimwaaihya!" widina. 39 A'mwe sare' gaminyi ganyaabulaange' sahirivine yaya' Maariyaa' kininnakesi. Maariyaa sa' Naangere sivigi'nyiryawi bulamwaaina yaka sahware yagaala dadaa'nyiyangi kadika bulawi'bale'na. 40 Kadika bulawi'bale'na yadi'nyi Maatha' tika wapaaya yovirawakya' wawinya kwalaalya biwina. Sara biwoda gamire simunyai kewi kewi simunya yawidaa'nyina. Sara yawidaa'nyina yake' gaminyawinna wilabina yaka widina "Naangeigt, niminyi nyinyaabulaange' niminyi gave'nyi nyagalya'makuwake'nyira. Sare'nyi tika wapaaya yovirawakivanigena. Ai, gimi dazavine'na simunya myawirijvanigina? Niminyina 'Wigaimwagan!' da'gizi sara duthana!" 41 Kir'i Naangei sahiriv ja'nawidina "Maatha', Maatha', gimi simugwalaalya yawidigimirre simunya' yawita kwalaalyangina yawa'nadikaata yivanikesi. 42 Kir'i gave piri'nanya' wimudaasivani'. Sare'na dare'nanyi. Maariyaa' tewaanya daza' maa'manike'nanyira. Sahiriv sa' tewaanya daza' mamarasi'niwina!"

11

Gotiyari wijawwina Jizaazai wijiwaakake'nesi. (Matyui 6:9-15; 7:7-11)

1 Pigaal Jizaazai gave pimagine bulamwalaawaka Gotiyari widina. Divi sai mena widakegaa' gamire midide pwai gaminyi widina "Naangeigt, Joni gamire mididivisaraavijijiwaakakabaaibi! Gotiyari widaathevwinadinejijwaakya!" 2 Sara widina kya' sai saraavijijiwidina "Sarimi Gotiyarina 'Widaana!' yawrapijiyagaa' yi dara duzideihiliy,"

'Nimwai, giminne yaya' giri'maaya' yima'nana!

Gimirre maremwaaidinya' yuneba nayaa yima'nana!

3 Gazagaasagaa' neminne mwanyagaa'ne nyinya'ne dinjejaama!

4 Nemire kayaa'nanya dinemarasika!

Sare' darevinya'

Kayaa'na neyade gazaizare

Wiriwika marasi'daanyabaaibisasi.

Yaamiji yijiwaala ya'ne saburi

Maneyibwaridaakunnera neminyi!

Gotiyari sara duzideihiliy."

5 Nabaai sai widina "Sarimiyya pwai gya'mwe pwai kininnakei mwaalajai sawita naanga kalawegaa' kaanna wiina yoj gya'mwe dazari widaawina 'Nya'mweig, biretiya dawaai data pini dinijaama! 6 Niminyi nya'mwe pwai kaanya yamarivanikei niminyawinna kabi'ma'mwa' sahwari wijaaya'ne wapaaya kuneinyi yenanyira." 7 Nabaai a'mwe anga dazavijijiwidina "Taanga manyakinera! Kaanya' mena tihi'niwakesira. Sarevi nabaai nimire kaimiraayamilka kuvinimaangeinyi yi'binyavi mena ye'mwanna'mwaasainy."

Nimti madikaayi ya'muj magimaari yiwineinyira,' wida'. Sarevit gatha'darevaka! ⁸ Sariminyi yihithivanige. Angevit gyakwai a'mwe sarina gya'mwe kwai mwaala-jai kiri' mujaayi. Sare' kiri' a'mwe sai jake'na jake'na kudozi sahwai yuna maa'na wida sareviadaa'nyi sai gaminyi wimudaasa yuya sa wimaarina yannelyi. ⁹ Nabaai sariminyi yihithivanige. Sarimti Gotiyari kuna naya kidaanganapiri yihizaavadelyi. Yidaanganya' kuna naya biramipiri yi diviramaaryideihilyi. Kaanyavi mala kuna karamapiri Gotiyai kaanya' yihivasamaraabathelyi. ¹⁰ Sare' dare'nesi. A'mwe gazaizai Gotiyari maarya'nei sahwarit yidaangada maa'delyi. Biribiryu yadei biramaa'delyi. Nabaai kaanyavi mala tamaabaderi Gotiyai kaanya' wibasamaraabathelyi. ¹¹ Sarimijya ganimaanga pwarit gawaalivaangei kidaanganoji 'Nimwai, jawinya piri' nyimaryaama!' naawinaanyarit wimaaryadei daaka! ¹² 'Yukwaraka piri' nyimaryaama!' kidaanganoji marayinigaawalya' wimaaryadei daaka! Arikewinyi. ¹³ Sareviadaa'nyi a'mwe kayaananyaihi mwaaidivit' sarimtre kaimraayamlikaavit tika nya'ne nawi'nyanna wijaavpitjaihi sasare sahibwi Gotiyai wavila'dei daaka! Sahwai Nimwai Sigunyavidaa'nyi a'mwe gaminyi yidangadaapiyaraavina Kurya Tewaanyarit wijaavadere." Sara widina.

*Jizaazalyi Biyelizivuliji saraarinesi.
(Matiyui 12:22-30; Maaki 3:20-27)*

¹⁴ Yimaka pwai a'mwe pwarit wilamwaaina yada a'mwe sare maange' mena bipainikelyi. Jizaazai yimaka sahwarit widaasina kya' sare sari yimakei mena wina kya' a'mwe maanga bipainika dazai yagaala widina kya' kwala bwa'naanya atika maru'na'na. ¹⁵ Atika maru'na'na kye' kiri' a'mwe pwara dinya "Sahwai yimakeraavit marasi'manike'na Biyelizivulimtre diraginya marasi'manikelyi. Yimakeraavit maremwaaidere diraginya marasi'manikelyi." ¹⁶ Nabaai a'mwe pwara "Yaamiji yijwalaana!" yawireva sarera widina "Gotiyai gamiji dahamwaalika?" yawita'neina dara gitthaana! Sigunyavidaa'nya diraginya piri' kya'gizi tinna wanganaana!" ¹⁷ Sara yawi'na yadaapi kiri' kumtre simunyangi yawiranganna yaka widina "Maremwaaidere gave pitbadaa'nya pwara pivakaai tangivalapijti mala bwa'nipi'ja' maremwaaide daza' kayaaka yinyina yadesi. Nabaai gave kinidaka tangivainapiri mala bwa'nipi'ja' dazanidaka kayaaka yima'nyina yipi'denidakera. ¹⁸ Nabaai Saataantimtre yisavaa' pivakaai tangivainapiri mala bwa'nipi'ja' gamtre maremwaaide' gara warannevaka! Sarimti kanyidawaakira 'Biyelizivulimtre diraginya widaasivankelyireva.' ¹⁹ Nabaai Biyelizivulimtre diraginya yimakeraavit widaasiwiji kwajit yi sarimirera diraginya aaihwaresi widaasadivitavaka? Sarevit kumi sara sarimirer kwaasi yagaala dazangi yihyawibwapitdere. ²⁰ Kiri' Gotiyare a'jawinyai niminyi nyigaimwadaa'nyi nimti yimakeraavit widaasiwija' yi sarimirer yanna Gotiyai maremwaaide' mena bivanit'. ²¹ A'mwe diraginaanga kwai mwaryaginya' mwsaaagalyajt yune limwadei damei gannya angwaasaba naya diraginna maredaa'na yadi'nyi gamtre gilyivita yuya sa naya datihvaina waradengi. ²² Kiri' diraginaanga pwai sinnawinyare diraginya' wavila'dei bina yaka datihvaina yaka gamtre mwaryaginya mwsaaagala kilika gaminyi yivaimwade sa yuya tamipalamaa'na. Sara tamipalamaa'na yaka gamtre gilyivita yuya sa yanga mudina. ²³ Pwai yaasiwa'na 'Yimakeraavit maremwaaidere diraginya' yawi'de sai niminyinei mwaaidere mit'. Yi sahwai niminyina yikamaangelyi. Pwai nimiji sipzipyaraavit mye'mwannamwaihyi yada sahwai yaasiwa'na tamayiwinasamaryadelyi.

(Matiyui 12:43-45)

²⁴ Yimakei a'mwe pwarit mena yagalya'mavaka nawi'nyi piba biramaryae'nei agaaye mwaalya'nei yaalikryabanna lo'mavamarina. Nabaai sasare piba

mabiramaari yaka yi' dara dina 'Anga sinnawnnañ nimi' mwaale dazavidaa'nyainy'i ayina kaanya wide'nanyira.' ²⁵ Sare sai kaanna wi'na yaka anga dazavi tinnna wanganaawina, dara yake! 'Mena pada'galabwakiraka mena nayaa warike' daaka! Kune' daaka!' ²⁶ Sara dozi kaanna wi'na yoji yimaka gamire kayaa'nanya' wavilaveta ata puridaa'ny'i pwaraainanyaraav i kayaaka yigalakya'neraav i wi'jima'naawina. Sara yaka yuyara bina yeva sare sara kusawi wi'li'na yeva wilamwaaina. Sinnawi a'mwe dazai kayaa'na mwaalakelyi. Kiri' aayagaa' yuna kayaa'nanaangei mwaalina. (Sasarebaaibi' a'mwera simunya' kune' wa'di'ny'i Gotiyai mulamwaalyadi'ny'i sahwai kayaa'nanaangei mwaalina yadelyi.)"

²⁷ Yagaala daza kuna widina yadaa'ny'i kwala bwa'naanyav i a'mwe piri' jaka widanganna "A'mwe sinnawi gimi'ny'i mudanga gyaka aamunya gizaavaka sa' yi sahiri' yilaaya yada tewaanaanga yinikerera." ²⁸ Jaka widanganna kya' kir i' sai widina "Aawa, a'mwera Gotiyare yagaalya' kadika wi'nadiv i midibizara sahwara yilaaya yadiv i tewaanaanga yinikerera."

Jonaam i ne diragi'nya' wi'j iwaainya'nevinesi.

(Mat i yui 12:38-42; Maak i 8:12)

²⁹ Kwala bwa'naanya kuna bi'bwa'nemwaaidapi sai dara widina "Dathahaasara a'mwe kayaa'nanyarera. Sahwara 'Diragi'nya wi'j iwaainya piri' tinnna wanganaana!' yawireva jaka widina. Sara kanyidiwaal' kir i' sahwaraav i diragi'nya wi'j iwaainya piri' wi'j iwaainideinyi mi'ka. Aawa. Ne Jonaam ire diragi'nya wi'j iwaainya yune dazahiri'nanyawiku' wi'j iwaainideinyira. ³⁰ Sare' dare'nesi. Sinnawi kigaa' Jonaam Niniva mwaalyaraavina Gotiyare wi'j iwaainya'ne' yima'nyaakabaabi'yi A'mweraavine Kaimiraayai dathahaasaraavinei Gotiyare wi'j iwaainya'ne' yima'nadelyi. (Sare'na sarimi' yawi'na 'O, Gotiyai Jizaazar maryasaabakelyi.)

³¹ Di'vi Gotiyai a'mweraav i yawi'bwaradehaa' saawitiyimagidaa'ny'i kwin'ya' maremwalyaakevi a'mwe dathahaasa daraavij i yidikaa'na kyoji kwin'ya sahiri' kumire kayaa'na yadi'visabwine yagaainakeraav i jalikurakaabathesi. Kwin'ya daza' Kwaakevak i tiyawinnanyawi Solomonimire sidusabwi kadika wi'nya'ne' bina. Yi sahiri' bina kyaa', yithaanyi, dahaa' Solomonim i wavila'dei dava mwaalika dalaaka! Mwaalika kir i' sarimi' manyu'ny i vanigasa'ne'na kwin'ya sa' nayaa wi'nyaake' sarimi're kayaa'nanyabwi jalikurakaabathesi. ³² Nabaai maryawi'bwaradehaa' a'mwe Niniva mwaalyaraav i dathahaasaraavij i yidikaa'na kyoji dathahaasaraavire kayaa'nanyabwina jalikurakaabip i derera. Niniva mwaalyara Ne Jonaam wi'j iwaakadaa'nyangi' kadika wi'nadiv i simunya mudike' yawiramaa'na. Sahwara sara yi'na kyaa', yithaanyi, dahaa' Jonaam wavila'dei sai dava mwaalika dalaaka! Mwaalika kir i' mu'ny i vanigasa'ne'na Niniva mwaalyara nayaa wi'nyaasara kumire kayaa'nanyabwi jalikurakaabip i derera.

Kilaakejikine baake'na dinikesi.

(Mat i yui 5:15; 6:22,23)

³³ A'mwe aane pwai kwai laamivananya' yewita'da lika yulyarya'neba wilakada mi'. Nabaai maa'gula piri' amwihiadaa'ny'i wilakada mi'. Aawa. Yi'binyav i munyaba yilakadesi. Sarev i a'mwera kusawi'na bwidi'vi 'Di'baaka wanyiwanya dazavi tinnna wangabika!' dada saba yilakadesi. ³⁴ Gimire tinnnyai kilaakejikina laamivananyalyi. Tinnnyai baake' maa'delyi. Tewaanyabwi baake'bisabwi simunya nayaa yawi'di yi' gimirre yuya kilaakeji' baaka padeziki. Kir i' kayaa'nanyabwi jihinya'bisabwi simunya yawi'di yi' gimirre kilaaka yuyaji' yuna jihinya yima'nadeziki. ³⁵ Sarev i daa'ny'i nayaa dimaremwaainyila! Baaka gimiry i wilagwarika daza' jihinya nyima'nadika! Ni'miny i na nayaa jawika! ³⁶ Sarev i daa'ny'i gimirre kilaaka yuyaji' baaka kininnakeji' yajazi' pimaginya pij i jihinya pij i

myajaz̄i' yi sarevi laam̄ivananyavire baake' ḡil̄ivamwadadevaabi' ḡim̄ire k̄ilaakej̄i' yunebanna baaka padez̄iki."

*Periz̄iyaraji Kiwiyaraji kayaa'nanyabwi yigasa'nesi.
(Mat̄yui 23:1-36; Maaki 12:38-40; Luk 20:45-47)*

³⁷ Jizaazai yagaala mena ji'mwannaka yadi'nyi Periz̄iya pwai gam̄ire angevi wapaaya ti'ka nya'na sahwar̄i jaka j̄vvarij̄maa'nyina. Sarei sai angevinā wilaawinā yaka wapaaya nya'ne ȳlb̄nyav̄i mwaalina. ³⁸ Sare yaka sinnaw̄i ata aalya minyai wapaaya nadaa'nyi Periz̄iya sai tinna wanganna yaka aalya minya'na ni'ni'ka ȳna. ³⁹ Ni'ni'ka ȳna kya' Naangei wi'dina "Sar̄imi Periz̄iyaihi kaap̄ivananya palet̄yangi mwasim̄inna aalya yadi'v̄ki. Kiri' sar̄im̄inyi kusaw̄i kukebuli' kaya'a'nanya ḡir̄ikita'nanyabulyi yuna w̄ilayihwarikeih̄ili. ⁴⁰ A'mwe si'du'maayaahi! Got̄yai yune mwasawinā yavikaryaka nabaai kusawinā yavikaryaakei daaka! (Sar̄im̄ire simunyav̄i pada'galamaremwaaina ji'la!) ⁴¹ Sare kiri' sar̄im̄ire simunyav̄i a'mwe ḡilyiv̄isanna w̄igainiv̄anikeraav̄i yanga nayaa duzaayi'lā! Kwaasiya'nna mujaavip̄ina! Nabaai sasara tewaanya yip̄ija' a'mwera dara yawip̄ide' 'O, a'mwe sasarei gam̄ire simunyai' yune'na tewaanya warike' daaka! Yuya ḡir̄ikita'nanya maaya daaka!"

⁴² We! Periz̄iyaihi mala nayaa ji'wannyila! Sar̄imi yimaasaj̄i j̄saj̄i si'gya yuya dala nabinyaj̄i milik̄ivaidiv̄i' atiraai yima'nadaa'nyi pimaḡnyavaa' Got̄yari w̄ijaavadiv̄isaih̄ili. Sara nayaa yadi'v̄i' kiri' yida'maraangeburij̄i Got̄yarinā tewaanya w̄ivu'nyaburij̄i wav̄ila'div̄isaih̄ili. Sasare sabwi yadi'v̄i' pi'bwi si'gyaj̄iyabulyi myagalaya'mayi yip̄ija' sa' tewaanyasi. (Sare'na Got̄yai daanga w̄ijaaya'neihi mala ji'wannyila!) ⁴³ Periz̄iyaihi, we! Sar̄imi lotuangengi a'mweraavi sinnyikaav̄i tewaanyaba walamaalya'na tewaanya yih̄ivu'nadeih̄ili. Sarevi nabaai a'mwera kwala yib̄wa'nadi'visaba 'A'mwe naangeiḡi!' w̄ija'na nawi'nya yih̄ivu'nadeih̄ili. Sare'na mala nayaa ji'wannyila! ⁴⁴ Sar̄imi we! Gilekavi'ninnya kwaakevi kusaw̄i li'ka yulyarikebisaih̄ili. Sara yulya'dit'nyi a'mwera tinna mwanganyadiv̄i' ḡir̄ikita'nanya'nna myawiryadiv̄i' sah̄in'ingi a'badaa'nyi yilayamaryadiv̄isare. Sar̄im̄ire ḡir̄ikita'nanya li'ka yulya'div̄isa'na mala nayaa ji'wannyila!"

⁴⁵ A'mwe kiwinya din̄ikengi si'du'naka pwai gam̄ire yagaalyanḡ ja'nawidina "Wi'jiwaakadinyaagi, sara wi'dadi ḡim̄ire yagaala taanga nem̄i kwainaavij̄i diraginna nedangamaniḡina!" ⁴⁶ Wi'dina kya' sai wi'dina "Kiwi'nya din̄ikengi yawi'div̄isaihi, we! A'mweraavi taanginya yilakadiv̄isaih̄ili. Naanga dakadiv̄isaih̄ili. Sara wiadaapi yagiyagi makidiv̄isarerera. Kiri' sar̄imi saihi taanginya maakata dazangi ya'neihi ata pwi wakya yadi'vitaihi mi'. Sare'na mala nayaa ji'wannyila!

⁴⁷ Sar̄im̄inyi we! Sar̄im̄ire Ne sinnawin̄yara p̄ropeti'yaraav̄i tamakesarerera. Sarevi sahwaraav̄ire ḡleange madiv̄isaih̄ili. Sare'na mala nayaa ji'wannyila! ⁴⁸ Sasare dazabwi a'mweraavi dare'b̄i' yib̄wari'daakwadiv̄isaih̄ili 'Ne sinnawin̄yara sasara yaata sabwina nawi'nyasi.' Yi, p̄ropeti'yaraav̄i tamakadaapiji' sar̄imi ḡleange madiv̄isa'na 'Ya, tewaanyabulyi,' jalikurakidiv̄isaih̄ili. ⁴⁹ Sarevi sar̄im̄inyi'na Got̄yare si'duta naangesiyai sai mena dara din̄i' P̄ropeti'yaraavij̄i wi'daadinyaraavij̄i maryasiwijaraav̄i pwaraav̄i tamayiwinasamaryadiv̄i' pwaraav̄i tamakipi'derera.'

⁵⁰ Sarevi'daa'nyi a'mwe dathahaasaihi sinnaw̄i kigaakuna p̄ropeti'ya yuyaraav̄i tamakyaasaih̄ire mi'nya maarya'ne sangij̄i dahaa' kigaasi kuna yivanigasaih̄ire mi'nya maarya'ne sangij̄i dazahiriv̄ine taanginya' d̄maaryideih̄ili. ⁵¹ Yi sinnaw̄i Aivelim̄ire tawe' bwalaawinā yaakelyi sareibisara dividaa'nyi tinnyabanyaraav̄ire tawe bwalaawinā yaakeraj̄i aayagaa' Sekaraayare tawe' bwalaawinā yakelyi saraavine tawevinanyira. Aayai Sekaraayari kwaraanyabaj̄i (taangeji marewija'nebaj̄i) anga nawi'nyavij̄i tinnyaba tamakesalyi. Yo, sar̄im̄inyi yih̄ithiv̄anige. Yuya dazavine'na dathahaasaih̄iri mi'nya

maarade'nanyi tawe sa!. ⁵² Kìwinya dìnkengi sìdu'nakeihi, we!! Sarimi Gotiyarie yagaalyavì sìduta yawiramaarya'ne sìmunya'kiya'bì' kuka marasi'mwaasasi. Sarimi saihi sìmunya dazavi kaanyavì mabaasadivì' kusawi mulyivaniga!. A'mwe pwara 'Kusawi wiilaana!' dadivì' yadaapi sahwaraavì kaanya' tihi'manigasaihili. Sare'na mala nayaa jiwannyila!"

⁵³ Anga dazavidaa'nyi walyuna yadaa'nyi Kìwìjarajì Periziyarajì saraavì sìnna ti ka naanga wiida'daa'nyi gaminyi kwaasi yagaala jidaya'ne'na yagiyagi bìrinia. "Gaminyi yaamijì walapapalakaana!" yawidivì' yaamijì yina yina. ⁵⁴ Sahwarì kotiya yiniga mary'a'ne sa'na "Gamire maangikidaa'nyi yagaala piri' kinori bìramaraana!" yawidivì' sahwarì nayaa baihanaramarina.

12

Kwaasi javwina nayaa yavada'gainya'nesi.

(Matiyui 10:26-33; 12:32; 10:19,20)

¹ Sarevi a'mwe kwala bwa'naanyavìne taawizaniya naangera yi'bwa'nyi na yeva pwaraavìre sìvìyangi dìhibainadivì' yuneba mijahibalakina. Yuneba mijahibalakina yadapi sìnnawì gamire mididivìsaraavì gaai wiđina "Periziyaraavìre yìzìyavìna nayaa javada'galayawirila! Kumire kwaasiya sabwina yihithivanige. (Bìretiya yavikaryadivì' yiziya' yuneba pamidakina yadevaabi' Periziyaraavìre kwaasiya sabwina sariminyi yuneba nulayihwaradika!) ² Yuya sa bwakakina yinike yi ku'maaya yama'mawakina yadengi. Nabaai yuya kuku'nyi yagaalya yawirangabi'dengi. ³ Sarevida'a'nyi sarimi yagaala yuya jihinyavi dadivisa yirikevì a'mwera kadika wi'nipi'dere. Nabaai yagaala yuya sarimi angengi kusawi kadikengi yuna kavena a'mabyahaala dadivisa, yi sare sa angevi munyaba yiladaavapìjì wìjìwaakipìdengi.

⁴ Nìnnya nya'mweihi, sariminyi dara yihithivanige. A'mwera sarimire kilaakejì' yuna baimwagakya ya'na lika mipinera! Sare'na nabaai divi ayahi piniji yipi'dera mi!. ⁵ Sarimi lika jiderina yihibwaridaakwìdeinyi. Sai Gotiyai tamakoji divi diraginya' kìninnakei a'mweraavi Dìkevi kewinì maralivaramanne dazarina lika jideihili. Yo, sariminyi yihithivanige. Dazahwarina lika nayaa jideihili. ⁶ Binna atilyara nìgwia maali ka pukaalyina mubadivisikaai daaka! Sare'na kiri' Gotiyai yuta sasare gave saina navika yadei mi!. ⁷ Aawa. Sarevi sahwai sarimire mìnyaginyangìya mijata yuyangi ata mena gimanikengi. Sare'na lika mipinera! Binna kwalaalyaraavìne nìgwangi sarimi mena wavila'nikeihili.

⁸ Sariminyi yihithivanige. A'mwe gazaizai nìminyina a'mweraayaba jalikurakajai 'Sahwarì mididinyainyi,' yi A'mweraavìne Kaimiraayai sai kwai dazarina Gotiyare ejeliyaraayaba jalikurakadelyi 'Sahwai nìmirelyira.' ⁹ Kiri' pwai nìminyina a'mweraayaba jalikurakajai 'Mamidinyadinyainyi,' yi dazarina Gotiyare ejeliyaraayaba 'Nìmirei mika,' jalikurakadelyi. ¹⁰ Gazaizai A'mweraavìne Kaimiraayarina bìraizika wiđazai, yi Gotiyari kudozi gamire kayaa'nanya sa' marasi'nadelyi. Kiri' Kurya Tewaanyarina yagaabibraizika dazai, yi Gotiyai gamire kayaa'nanya sa' marasi'nadei mi!. ¹¹ Nabaai kotiya'na lotuangengi maremwaaidivìsaraayabajì ga'maaniyaraayabajì yawibwa'divìsaraayabajì yihimakwodivì' sarevi yawita kwalaalya mi yadivì' sìmunya dara myawipinera! 'Nemi yagaalya' gara wìrivìkiraadeinaavaka? Be yagaala wiđaaatheinaavaka?' ¹² Sare' dare'nanyi. Dazahiri'savì dazahaasagaa' Kurya Tewaanyai sarimire yagaala wiđipine' kihizaavoj duzideihili."

Gilyivikiravìnakei navi'navika yadevwine ke'ba'nanyavinesi.

¹³ Kwala bwa'naanyav i a'mwe pwai w idina "W ij waakadinyaig i nehirinimaangei kabaimwa'di' nyidaakaangei gilyivita yuya maa'mwa'dikelyi. Sahwari duthathe'na gitihwana. Gilyivisa t innyaba jaapaloji pimaginyavaa' nyijaavade'na." ¹⁴ Widina kya' sai widina "Gatha'darevaka! Kiriminyi yawibwata'neinyi aaihwai nyidahilakiwakainyaka! Gilyivisa jaapala yihthaaya'neinyi daaka!" ¹⁵ Sara widina yaka kumi nyi widina "Sarimi mala jiwannyila! Nayaa javarannemwaalyila! Gilyivisangina tiganaarya nyipidika! A'mwe gilyivita naanga kwalaalyajiyai, sai gamire gilyivita dazangina gaalyabwi kinnnakei daaka!" ¹⁶ Widina yaka ke'ba'nanya piri' widina "A'mwe pwai gilyivikiravinakei gamire wawinyaji' tika munne kwalaalya maarakejiki. ¹⁷ Sarevine'na a'mwe dazai gannya simunyavi dara yawrakelyi 'Aka, nim i dainyi gara yiwinke! Nimirre tika munne yuya yiniga mari'bwarakide ange kuneinyire!' ¹⁸ Dina yaka sai dina 'Yi, nim i dara yidesi. Nimirre anga yuya tika munne marikwakadinya sa wo'daala'muj i yune naangenna naangenna madideinyira. Sara mada'muj i nimire witiya yuyaj i gilyivita yuyaj i anga dazangi mari'bwarakideinyira. ¹⁹ Sara ya'muj i nabaai nimire kuryari widina "Kuryaigi, kwarame kwalaalyangine tika munne yiniga waradengira. Sarevi dhaaa' kave a'gaaye dimwaaide'nanyi. Tika wapaaji nad i waainiyaji nad i yilaaya yadi dimwaaide'nanyi." ²⁰ Sara dina kya' kir i Gotiyai sahwari widina 'A'mwe simumaayaigi! Yuna dhaasagaa' sawita dav i divaideinyi. Gimire kuryari maaridelyi. Sare'na gilyivita yuya yovigaipwakivaniginya yi sa aaihwai maaranadengaka! Gim i aawa!' ²¹ Sasarebaaibi' Gotiyarinna nawi'nya naangebura maayai, Gotiyarinna gilyivikiravinakei mamwaalyi yajai gilyivita gannyanne kwalaalya naanga mari'bwarakadei gamire kuryai waryaanyai yima'nadelyira."

Gotiyari nayaa limwadaanyaburinesi.
(Matyui 6:25-34)

²² Gamire mididivisaraavi widina "Sarevi sarimi nyi yihithivanige. Sarimirre mwaalyabwina simunya kwalaalya myawipinera! Sara yawi'div i dara nadipika! 'Nemi tika munne beni naadeinaavaka?' Nabaai sarinnya kilaakejikaavina simunya kwalaalya myawipinera! Sara yawi'div i dara nadipidika! 'Nemire kilaakejik be yaawiaji baazi'ma'naadeinaavaka?' ²³ Sare dare'nanyi. Gaalyabwi sabwi naangebulyi. Tika nya'nennanya sa maalikengi. Nabaai kilaaka saji' naangejiktra. Baazi'ma'nya sa maalikengira. ²⁴ Yusaraavina jawiranganyila! Witiya wia buridivitara mi'. Tika munne gimujayi'bwarakaabadivitara mi'. Kumire tika munne angeji anga yuhwakamaarya'nej kunere. Kir i Gotiyai tika wapaaya wijsaihi midaaka! ²⁵ Sarimi j iya pwai simunya kwalaalya yawirajai sangiri' kibawamaali'na piri si gamire mwaalyagaa'na yibwa'mwagannei daaka! ²⁶ Sarevidaa'nyi sarimi sare maalika samili' mi yipinehi mwaaibiza' yi yuya pininna simunya kwalaalya be'na yawi'maniga! ²⁷ Sarimi mayawaa' pwasangina jawiranganyila! Tretiya mihwiadivisangi. Kwaabiyivita marilyadivisangi. Kir i sarimi nyi yihithivanige. Kigaakuna Kingi ya Solomon i gamire nigwilaalaaka byaanaka yuya yawaala yiwannyaakelyi. Kir i mayawaa' pwata dazabaaibi' sahwai gamire yawaala tewaanya kinnnakei mi'! ²⁸ Wawinyangi dhaaa' kurivaariya waayike sare sa yune mwanyagaa' davapiji' dkevi sitoviyavi marirapi'deng. Nabaai yaasiwakuriya sa, yi sangi Gotiyai yawaala yiwagithaakwadeng. Sarevidaa'nyi yi sarimi diraginna maali'na limwadivisaihi kurivaariya sa yuna naanga wavila'divisaihi yihivaazi'makwadei daaka! ²⁹ Sarevi sarimi yawirikwaasa kwalaalya myipinera! 'Nemi tika wapaaya beni naadeinaavaka? Aalya beni naadeinaavaka?' Nabaai simudaadaanya myawipinera! ³⁰ Sare dare'nesi.

Kwaaka davaki Naangerina malimwagyadivisara ajimya yuyangiyara wapaaya aalya gilyivita sazanna baramaarya'nera simunya kwalaalya yawidivisare. Sarimi yuya sasarennayihimudaasada sanna Sirinimaangei mena yawi'manikelyi. ³¹ Sare kiri' Gotiyai a'mweraav maremwaaid baramaasa'na simunya jawiryide'nanyi. Sara kyawirapiri yuya daza kiniji yihzaavadelyi.

(Matiyui 6:19-21)

³² Sarimi sipizipiya maalikevaasyaihi lika mipinera! Gamire maremwaaid yihzaaya'nei Sirinimaangei yagaalya' mena jamungajakelyi. Sare' yilaaya yakelyi. Sare'na lika mipinera! ³³ Sarimire gilyivisa mubyayapiji sare niglianna wimudaasivanikeraavi gaimwange'na yanga duzaayidengi. Sara kyapiri Sigunyav gilyivita nawi'nyanna nawi'nyanna sariminyine warade'nanyi. Sigunyav yilaivisa yuneba dimari'mwanade mi'. Sara kyapiri Sigunyav saremininyine nigliipaawiziya kayaaka minyi yade waradengi. Sarevi nabaai kukera kuka mama-raabyadivisangi. Saba maa'nyaannyikera tika manyadivisangi. ³⁴ Sare' dare'nanyi. Sarimire gilyivita nawi'nyanna nawi'nyanna warkebanna yit dazahibanna sareminire simunya yawiribainyina jidevera.

Naangerina limwadivisara tavaravana mwaabi'de'na dinike'nesi.

³⁵ Tavaravanane'na sareminire kwaabihannya ke'banna gitmwagayira'napiji munnaanya divadathivainyla! Sara yapiji laamivananya' yewitawakapiji tavaravana dimwaalyila! ³⁶ A'mwera kunnya naangerina mudikangeyaba munne naangeyabadaa'nyai bazarina yawi'divi' yemwaaidivitabaabib'na jemwaalyila! Nabaai 'Sai bozi kaanyav mala kabaramoj kaanya' yime'nya'b'i basamaraana!' dapi jemwaalyila! ³⁷ Naangei bozi gamire widaayadivisara nayaabaihana'divi' se mwaryadapi wanganoji yilaaya yada sarevi widaayadivita dazara yilaaya yadiyi' tewaanaanga yintkerera. Naanga nebulya'na yihthivaniye. Naangei sai gami sai kwaabihannya' tu'na gitmwagayira'noji munnaanya' padathivainojo gamireraavi 'Yibinyavi walawaaibikaji,' widathelyi. Sara yoj gami sai tika wapaaya buzaavadelyi. ³⁸ Nabaai sai sawisav kalawawegaa' bathei dingaka? Yirijihinyagaa' bathei dingaka? Sara bazai tinna dara wanganaja' 'O, se mwarijihava!' Yit widaayadivita sara yilaaya yadiyi' tewaanaanga winaderera. ³⁹ Da'dare' jawirila! 'Angevi gyakwalaangei mena yawirajt kwajt "A'mwe kukei sagaa' bathei daaka!" a'mwe kuka dazai angevi kadavaliviramakula' sahwari kwanganakadika!' ⁴⁰ Nabaai saremi' kwaihiliy naya tavaravana dimwaalyila! A'mweraavine Kaimiraayai gave pigaa' bathehaa'na saremi' jawiryidehaa' 'Dahaasagaa' mabi yadelyira,' yit dazagaasagaa' bathelyira. Sare'na tavaravana dimwaalyila!"

(Matiyui 24:45-51)

⁴¹ Sagaa! Pitai widina "Naangeig, ke'ba'nanya daza'na yune neminyine' dahanedivinigina? A'mwe yuya kwaraavijine' dahanedivinigina?" ⁴² Sara widina kya' Naangei widina "Yi, maremwaaid simunya nawi'nya kininnakei gannya wawinyav naya limwaga'dei aaihwalaka? Dazahwai sari gannya naangei gamire widaayadivisaraav maremwaalya'neri dahilakadelyi. Maremwaalya sahwai sahwaraavinegaa' kima'noji wapaaya saza yanga wijaaya'nelyi. ⁴³ Gamire naangei ayina kaanya bya'negaa' sinnawi widakabaaibi' sara yaderi yi yaasiwa'wawinya dazari tinna dara kwanganori yi sarevi yilaaya naanga yada tewaanaanga winadelyi. ⁴⁴ Nebulya'na yihthivaniye. Naangei gamire gilyivita yuyang maremwaala ya'neri dahilakadelyi. ⁴⁵ Kiri' yaasiwa'wawinya dazare simunyavidaayadivisangi' mala tamina. Sara tamibainadaa'da tika munne naangeji biyaayaji nyina yada yimaka wilbainadaa'na. ⁴⁶ Sahwai sasara yibainadaa'dori

yaas-iwa'wawinya dazare naangei yirika pigaa' ayina bina yadelyi. Baza sagaa' sari-ki wi-daayadei yemwaala yadei mi!. Nabaai yirika gave pigaa' sahwai yawirangadei mi!. Kayaa'na yi-na yadaawori naanga dazai sahwari yuna woripu'na yadelyi. Sara yada a'mwe malimwagyadivisaraavire tivik-saburi ye'mwagamwaaihi-na yadelyi. ⁴⁷ Widaayade dathai gamire naangere saburi mena yawi'da kiri' tavaravana myada naangere saburi mami-dinyade sareri naangei mala diraginna tamina yadelyi. ⁴⁸ Kiri' wi-daayadei simunya myawiryai naangere saburi gaminyi mala yini-ga tamannerina, sa'na naangei mala maali'na tamina yadelyi. A'mwe kwalaalya maa'divisara ayina kwalaalya wiri-vikradere. Nabaai a'mwe pwarit gilyivita kwalaalya wi-jaavipijai yi sare sari 'Gilyivita kwalaalya piniji nerivikrana!' yawirapiji jaka widipi'delyi.

*Jizaazarina a'mwera maratangivala ya'nebwinesi.
(Matiyui 10:34-36)*

⁴⁹ Dike' kuruya yaaye yingakinike nadevaabi' a'mweraavi maratangivalya'neinyi Kwaakevakina bi-weinyi. Sarevi tewaanna yawi'manige dik'a daza' yi-me'nya'b'i yi-dathe'na. ⁵⁰ Taanginyav (bavitaaziyav) nyivaihade' kininnakeinyi. Daha'a' sara manyainyi nimire simunya' taanga nyina'manike'na 'Yarai yima'nade' tewaanyasi,' yawi'manige. ⁵¹ Sarimi niminyina dahayawi'manigava? 'Kwaakevakiya yuyaraavt avaaizimunya wakya'nei bi-wakei dingaka!' Aawa. Sarimi nyi yihithivanige. Ni-mi a'mweraavi maratangivalya'neinyi bi-weinyira. ⁵² Sare dare'nesi. Dahaasi divi kigaasi anga piriivt a'mwe atilya mwaalapiriyangti pivakaai tangivainipi'dengi. Dawaai dasamiliika piriwaarinna simunya ge' kininnake mwaabi'dengi. Nabaai piriwaai dawaai dasangina simunya ge' kininnakewai mwaalyikadewaalyi. ⁵³ Kinidaai jaapainakilyi ganimaangei gevwi yawi'na, gawaalivaangei gevwi yawi'na yadi' mwaalyikaderaalyi. Nabaai kaimiraayai gannya ganimaangerina gevwi yawi'na yadelyi. Kinaai jaapainakilyi ganaange gevwi yawi'na, taaya' gevwi yawi'na mwaalyikadewaalyi. Nabaai kiyataai jaapainakilyi a'mwe naange' gyaaya' gevwi yawi'na, gyaaya' gevwi yawi'na yadi' mwaalyikadewaalyi."

*Yima'naabathe pininna simunya yawisabwinesi.
(Matiyui 16:2-3; Maaki 8:11-13)*

⁵⁴ A'mwe kwala bwa'naanyangiji widina "Nyilyai walakadimagi yiraaya tinga yemina yadaa'nyi sari-mi tinna sara wangadiv'i yi-me'nya'b'i dara dadivisaihili 'Ai, burike' bwalarade'nanyira.' Sara deva yadapi yi sara yima'nyina. ⁵⁵ Nabaai yihuta diraginya' saawitiyimagdaa'nyi badevi tinna wangadiv'i sari-mi dadiviki 'Nyilya' tirikwaa'dika naden'a yi-waka.' Yi sare sa' yima'nyina yadesi. ⁵⁶ Kwaasi yadivisaihi, Kwaakevakiya saburiyi sigunyaviyi saburiyi tinna nayaa yawirangadivisaihili. Sare kiri-vidaa'nyi kiri' dahaasa sabwine'na Gotiyai yivanika aaya kaavilya'na simunya myawiranganyivanigasa' baa'na yadivikaka!

(Matiyui 5:25,26)

⁵⁷ Sarimi saihi niminyina simunya nayaa mamaryawibwaryadiv'i 'Sai yida'maraangeli,' be'na yadivikaka! ⁵⁸ Sare dare'nesi. Kotiya'neig a'mwe pwalyi tutaanyavt kaanya ye'mwannigwodi' a'mwe sai kotiya gimaryanelyi saraaihi tutaanyavt kaanya kuna wodi' yi dazagaa' yagaalya' yune'na jamungajakya' jideraaihili. Sahwai yawibwa'deryawinna nagimakwodide'na. Sara kagimakwawojt yi yawibwa'dei pilizimaaniyar kagimaaryojt pilizimaaniyai kalavuzangevi nagimwaaiahidi. ⁵⁹ Giminyi gitihivanige. Kalavuzanga dazavt yarai jahalya'makwodeigti mika! Aayagaa' gitire yadinya naanga sannajti maalika sannajti yune'na tivikira'gizi'yagaa'nanyi. Gotiyai nagimaryawibwaradika!"

13

A'mwei simunya mudikebwi myawiramaari yajai sai yinahu kayaaka yinade'nesi.

¹ Sahigaa' a'mwe pwara bamwaaina yeva a'mwe Galili mwaalya pwaraavina widdena. Sahwaraavi Paailati tamakaka Naangerina Piriziyara simakuri'dika tamira'mwa'daata sangire tawesi sahwaraavire tawesi waramwannyina kyiwa'di' balina yiwa'daasaraavina widdena. ² Widdena kye' sai ja'nawiddena "Sarimi' dahayawi'maniga' 'O, a'mwe Galilidaa'nya dazara taanginya sara maa'mwa'daasa'na nemi yawi'mwo "Galilidaa'nya yuya pwaraavire yuna kayaalnanya girkita'nanyabwi wavilakasarera." ' Sara dahayawi'maniga'? ³ Nimi yihithivanige. Sasarebwi mi!. Aawa. Sarimi' simunya mudikebwi myawiramaari yipi'ja' sarimi' yuya kwaihi yuna kayaaka avaaina sasara jima'nyideihilyi. ⁴ Nabaai a'mwe (18) eitiniyara kigaa' anga saaminaanga Silowamine' kumi'nyi dithingita tamaka tamakina yakere. Sa'na sarimi' dara dahayawi'maniga'? 'Baihiraka saraavire tivikisabwina a'mwe pwara anga Jeruzaalem mwaaihata saraavire kayaalnanyangine saburi wavilavikebwi dingaka!' ⁵ Nimi yihithivanige. Sasarebwi mi!. Aawa. Sarimi' simunyabwi mudikebwi myawiramaari yipi'ja' sarimi' yuya kwaihi yuna kayaaka sa'b'i'na jima'nyideihilyi."

⁶ Ke'ba'nanya da' wijiwaakina yina "A'mwe pwai gamire giraipiwawinyajiki yita pihiya' waayikesi. Sara waayikevi pigaa' tika munne pin yinajanna bioramaarya'nei kaanna bina. Aawaawa, pin mi'nyina. ⁷ Sarevidaa'nyi wawinyavivi widaayaderi widdena 'Yithaa, kwarame dawaai dasangi yita pihiya savi yisila yinajanna bwanganya'neinyi, kirii' mi'nyi yadesi. Sare'na yita sa' dawasi'na jitthesi. Kwaakevakya minarya saji' yaasiwa'na be'na yigainamayidezikaka!' ⁸ Sara widdena kya' sai ja'nawiddena 'A'mwe naangeigi, kwarame dhaasa dav'i wanganakina jitthelyi. Pizi'gwa waayadelyi. Yita siki' kaavilyawi kwaakeji' lika'muj bulimakaawoyaraavire likeji marakaabidehaa'nanyi. ⁹ Kwarame ayawidaasa piri'i yisilya tewaanya yinadi' dingaka? Sarevi nabaai mi'nyi yaji' dapalasi'na jitthiki.' "

Kwazaakegaa' Jizaazai a'mwe piri'i tewaanya yavada'gaina yake'nesi.

¹⁰ Kwazaakegaa' lotuanga piri'i a'mweraavi wijiwaakina. ¹¹ Yithaa, sagaa' a'mwe piri' nalaaya yimakei mwaaidi'nyiya' mwaalina. Sarevi yimaka dazai nalaaya' kuna wijavadaa'nyi kwarame (18) eitinyya wavila'nikesi. Sarevidaa'nyi a'mwe dazavire bulayaginyar' naadiya gishaarini'keriki. Sara yinikevi yida'na nayaamadaayi yadesi. ¹² Jizaazai wijiwaakina yada a'mwe sahirivitinnna wanganna yina yaka jaka jivvari'jimaa'nyina yakegaa' widdena "A'mwe'gi, gimirre nalaaya' mena wilgyaa'mwesira." ¹³ Sara widdaka a'mwe dazavi asa' yiladathiwanna kya' jaahwasa'b'i' yida'na tewaanna daavina. Yida'na tewaanna daavina yaka Gotiyarine yaya' munyaba makida yilaaya naanga yina kya' lotuangevi maremwaaiidei Jizaazai kwazaakegaa' tewaanya yavada'gaidaa'nyiya'na sinna tika davina. Sarevi maremwaaiidei kwala bwa'naanyavivi widdena "Wawinya ya'ne yiriterika ata puridaa'nyi pwaina. 'A'mwera nemire nalaaya nemarasipi'ka' yawi'jaihi wawinya ya'ne yirika dazarikaavi dividiehilyi. Sasare sa ya'neihi kwazaakegaa' mikabi'pi'nera!" ¹⁵ Sara widdena kya' Naangei ja'nawiddena "Kwaasi yadiv'saihi! Kwazaaka sagaa' sarimi' yuyaihi wodiv'i bulimakaawoya pwaraaviji dogiya kwaraaviji pwiyinikeraavi yiralawaasadivisaihilyi. Sara yadiv'i aalyanya'neraavti aalyayawinna makwodivisaihilyi. Sa' tewaanyabulyi. ¹⁶ Kirii' a'mwe datha' a'mwesi. Ne sinnawinya Eviraamimiresi. Sarevi Saataani, yithaanna, kwarame (18) eitinyyangti dathwagamaremwaidesi. Sare' pwiyinikesi. Kwazaakegaa' sasare pwiyinika daza' wilaya'muja', yi sa' kayaa'nanya' dingaka!" ¹⁷ Sai

sara kuda' sagaa' gamire yikamaangera wagila maarina. Nabaai sai nawi'nya byaan-naka yaka sangi kwala bwa'naanya yuya' wanganeva yilaaya naanga mijiwilina.

Yisila maazitetyarinaji yiziyavinaji ke'ba'na dinikesi.

(Matyui 13:31-33; Maaki 4:30-32)

¹⁸ Sarevidaan'yi ayahi pinji widina "Gotiyai a'mweraavi maremwaaidel' beribitavaka! Ni'mi gatha'dara yihiziwaakiwinevaka! ¹⁹ Davaaibisasira. A'mwe pwai arajila piri' maaraka gannya wawinyajiki maraburinna. Sara maraburinna yaka savi naanga yirin'na yaka yisi' yima'nyina. Sara yakiki sigunyaviya yusara taanyabaraavi bamwaaina. Sabaaibisasira."

²⁰ Sarei ayina widina "Ni'mi Gotiyai a'mweraavi maremwaaidelina gatha'dara yihiziwaakiwinevaka! ²¹ Davaaibisasira. A'mwe piri' yiziya' maaraka girkwimaa'gula naangevi yeginywanna kya' divedaa'nyi girkula yuya sa liwinya pamidakina. Sa'bisisasira."

Kaadihita maalikerikinesi.

(Matyui 7:13,14,21-23)

²² Sahwai Jeruzaalem sabannei kaanya woda anga naanga pibanyaaji anga maalika pibanyaaji sabanyaavi lotavamarina. Kaanya sara lotavamaryadehaa' yuyaraavi wiijizaakina. ²³ Lotavamarina yadaa'nyi a'mwe pwai yidaanganna "Naangeigti, Gotiyai a'mwe pwinaa pwainanyaraavina padaihasamaaradei dingaka?" Sara yidaanganna kya' yuyaraavi widina ²⁴ "Kadidhita maalika dazariki wilya'nevi sarimire yaginya nayaa diraginna taabiriwala dithaayila! Ni'mi yihithivanige. A'mwe kwalaalyara 'Kusawi wilaana!' dapiji yipijara kirii' yiniga wi'na wibi'dera mi'. Sare'na sarimire yaginya nayaa diraginna taabiriwala dithaayila! ²⁵ Divi sagaa' anga savi gyakwalaangei angeviya kaadihisa' kaanya maratihi'na yajav. Sarimi mwasaba bathaa'na yapiji kaanyavi mala baramidaanadivi' jaka dara dina jideihili 'Naangeigti, neminyi kaanya' dinnebasamaraama!' Sara kudapiji sai sariminyi dara yihithathelyi 'Ni'mi mayhwanganyadinyainyira. Sarimi a'mwe anga gavadaasaihilkaka!' ²⁶ Sare'na nabaai sarimi gaai duzideihili 'Nemi gimi' tika wapaaya aalya ye'mwanmanoneinera. Nabaai gimi nemire tusabanyaavi neminyi nejizaakaginyaiginya.' ²⁷ Kirii' sahwai sariminyi ayina yihithathelyi 'Ni'mi mayhwanganyadinyainyira. Sarimi a'mwe anga gavadaasaihilkaka! Sarimi a'mwe kayaa'nanyabwina yadivisaihi, sareihi yuyaihi niminyi dava ganyila!' ²⁸ Sarimi Ne Eviraamimi' Ne Aazakimiji Jaikopimiji piropetiya yuyaraaviji tinna danganyideihili. Yi sahwara Gotiyai maremwaaidel'i mwaaidapiji kirii' sarimi sahi yinahu mwasilaayi yihimarasinajaihi dimwaalyideihili. Sarevi sarimi kinna dadivi' sarinnya maangerikaavi dihizivainyidesira. ²⁹ Yi, a'mwerajji a'mwejji nyiliyi bilyiridimagidaan'nyarajji nyiliyi walakadimagiдаasarajji akyamwidaan'nyarajji sahwara Gotiyai a'mweraavi maremwaaidel'i tika munne nyemwaabi'dere. ³⁰ Yithaanyi, a'mwe pwara kumire yaya kwaakeba warikera divi kumire yaya munyaba waraderera. Nabaai pwara kumire yaya munyaba warikera divi kumire yaya kwaakeba waraderera."

Jizaazai Jeruzaalem mwaalyaraavina kinna dake'nesi.

(Matyui 23:37-39)

³¹ Sagaasagaa' gaminyawinna Periziya pwara yikabina yina yeva widina "Erotiyai gimi'nyi giramakade'na anga dathava yagalya'mava'gizi pimiginna diwodeiginya." ³² Sara widina kye' kumi'nyi widina "Kavijili'ka kayaa'nanya dazar'i dara duthaawila! 'Yithaanyi! Dahaasi mwanyagaasi ni'mi yimakeraavi widaasad'i a'mwe nalaavinkeraavi tewaanya yavada'gaimanigehaaki. Sarevi yirika daryaaai dariki nimire wawinya' yuneba yi'mwanni dehaaki.' ³³ Sare' kirii' dahaasi mwanyagaasi

alyiji nimi kaanya wi(dehaakti. Anga piba piropetiya aane pwar tamakipi'dei mi'. Aawa. Yune Jeruzaalemi sahibanna nyiramakipi'deinyi. ³⁴ Jeruzaalemigi, Jeruzaalemigi piropetiyaraav tamakadinyabaginyi. Sara yadi Gotiyai a'mweraav gi'minyawinna maryasaabaderaav silyaji liwakadinyabaginyi. 'Kukuraaya' gannya piyayawi bwaranyang marulakamaremwaidevaabi' saamnya kwallaalya naangegaa' gi'mire kaimiraayang mari'bwarima!' dena yiweinyi. Sarimi 'Aala,' dadaapijinyi. ³⁵ Yithaanyi! Gi'mire angevi Gotiyai mena yagalya'ma'mwakesi. Sariminyi yihithivanige. Sarimiwi dipija sagaa'na 'Naangerine yayavina bivanika dazar yaya' munyaba makilaana!' dinyaanganyideinyi. Pi'gaa' niminyi ayawidaa'nyi dinyaanganyideinyi mika! Arikewinyi."

14

A'mwe Periziyapware angevi Jizaazai mwaalake'nesi.

¹ Kwazaaka pi'gaa' piriki Periziyaraav maremwaaidere angevi Jizaazai tika wapaaya nya'nei wi'na. Wi'na yaka sara nadaa'nyi kumi nayaa baihana'na. ² Naya baihana'na yadaapi, yi'thaa, a'mwe pwai, gannya kilaakeji' milamakinkei, sare sai gaminyaba aya kiba bamwaaina. ³ Aya kiba bamwaaina kya' Jizaazai kiwinyang maremwaaidivisaraaviji Periziyaraaviji yidaanganna "Kwazaakegaa' nemi nalaavinkeraav tewaanya yavada'galaanne' tewaanya' dingaka? Aawa dingaka?" ⁴ Yidaanganna kya' sahwara kadika wi'nabalakulina yadapi a'mwe sar maarina yi'na yaka tewaanya yavada'gaina yaka gannya angebanni widaasina. ⁵ Widaasina yaka sarevi widina "Sarimi'jiya pwai kavi'ninnyavi gamire kaimiraaya pwai bulimakaawoya kwai kwalyi'naraawoj kwazaakegaa' a'mwe sai yi'me'nyalbi' malivamakilyi yadei daaka!" ⁶ Sarevidaa'nyi ayina muja'nawiji yipinerera.

⁷ A'mwera tika munne dazavina badaapi namwaalyita nawi'nyangina "Mwalaana!" dadiv'i yadaapi sahwai tinna wanganna yaka sarevidaa'nyi ke'ba'na yagaala pir'i wi'jawaakina. Sai widina ⁸ "Nabaai a'mwe pwai mudikangegaa'ne munne naanga savina jaka gitihijimaa'najaig namwaalyita nawi'nyav mamwaaidinna! A'mwe mudikanga sahirisiyai a'mwe pwar gi'minyine yayavi gwavilavika pwar jaka nuji'vwarijimaa'nadika! ⁹ Nabaai sasara yaja' yi a'mwe yuyaraaihiri jaka yihizi'vwarijimaa'najai dara gitathelyi 'A'mwe daahawai namwaalyita daaha' maaranai!' Sara kyoji gi'mi wagila naange' maarina ya'gizi gaminyi dusmagidaasi kewinina walyamwalaawina jitheiginyi. ¹⁰ Namwaalyita nawi'nyav yarai mwaalya'nebwi jitheig m!. Aawa. A'mwe pwai jaka gitihazaig munne savina wo'giziyaig yune aaya tiyawinna dimwaaideiginyi. Gi'mi sara yija' a'mwe gi'minyi jaka gitihazai sai bina yoji gitathelyi 'Nya'mweig, namwaalyita naanga nawi'nya dava dav bilamwaala!' Sai sasara kyoji a'mwe yuyaraavire tinnyari yaakima'nyaig mwaala'gizi tika wapaaya je'mwannanadeiginyi. ¹¹ Sare' dare'nanyi. Gazaizai yune gaminne yaya' munyaba makilajai Gotiyai dalaangewi marulawakina yadelyi. Kiri' pwai yaya' gaminyina mamakinyi yajai yi'sarina Gotiyai gaminne yaya' munyaba makiladelyi."

¹² Sagaa' sai tika munne savina jaka jivvarijimaa'naka a'mweri widina "Nabaai gi'mi tika munne naanga pir'i yidika yijaig gi'minyi gwaja'mweraaviji jitthaajihwaaravaaviji gi'mire avaaitawejikiyaraaviji gi'mire angebanya avaaimwaalya gi'lyivikiravinkeraaviji Gotiyai tivikita gitzaaya'neig jaka mudinneiginyi. Nabaai dividaa'nyi gi'minyi jaka kagithapiji kumire angengi gi'mire tika wapaaya yidika widaayija sanna nanaawidika! Sara kya'gizi Gotiyare wirivikita dimaa'deig m!! ¹³ Aawa. Gi'mi tika munne yidika naanga ya'gizi yi a'mwe gi'lyiv'maayaraaviji a'mwe kilaaka kayaaka yi'ma'ninikeraaviji sivila kayaa'nanyaraaviji a'mwe tinna tibinyaraaviji duzimaa'nadeiginyi. ¹⁴ A'mwe

sasare sara t̄ka munne ḡmire sanna aȳna ḡriv̄kiipi'dera mi!. Sare'na ȳlaaya yadi tewaanaanga gȳnadeiḡnyi. Sare' dathare'nesi. D̄vi a'mwe ȳida'maraangeraav̄ kavi'n̄nnnyav̄daa'nyi aȳna ȳdikaavajahaa' Got̄yai t̄ka munne daza ḡriv̄k̄radeiḡnyi."

T̄ka munne naangevina ke'ba'na d̄inike'nesi.
(Mat̄yui 22:1-10)

¹⁵ A'mwe saraav̄daa'nya pwai gam̄ji t̄ka wapaaya ye'mwannanyi na yada yagaala dazav̄ kadika wi'nakei sahwari w̄idina "A'mwe Got̄yai a'mweraav̄ maremwaaidevi t̄ka munne najai sai ȳlaaya yada tewaanaanga ȳnadelyi." ¹⁶ W̄idina kya' sahwai w̄idina "A'mwe pwai 'T̄ka munne naanga ȳdika ȳma!' daka a'mwe kwalaalyaraav̄ t̄ka munne sav̄na ȳkabya'n̄eraav̄ jaka mena w̄idakere. ¹⁷ Nabaai t̄ka munne sa nya'negaa' mena kibawa kima'na' gam̄ire w̄idaayaderi w̄idaasina kya' a'mwe s̄nnaw̄i jaka w̄ijivwarakeraav̄ w̄idaawina. Sai dara w̄idina 'Sar̄im̄ kaajila! Yuya t̄ka wapaaya sa t̄vi mena yov̄gaipwakiwona.' ¹⁸ Kiri' a'mwe yuya dazara s̄munya p̄ir̄vi yagaalya' d̄na yeva w̄idina 'Nem̄ mwawaanneinera.' A'mwe pwai w̄idina 'N̄im̄ wawinya p̄iji' mena mubena t̄inna wanganaawidera. We', munne sav̄ yuna w̄ideinyi m̄ika!' ¹⁹ Nabaai pwai w̄idina 'N̄im̄re wawinya ya'ne bulimakaawoya mena mubeneinyira. Sara mub̄we sa yaam̄ji yaawide'nanyi. We', munne sav̄ yuna w̄ideinyi m̄ika!' ²⁰ Nabaai pwai w̄idina 'Yuna dahaasagaa' mudikange' madeneinyira. Sidīraaya' mena maareneinyira. Sareinyi yuna w̄ideinyi m̄ika!' ²¹ Yuyara avaaina 'Aala!' w̄idina kye' w̄idaayade dazai aȳna w̄ina yaka sasare sab-wine'na gam̄ire a'mwe naangeri w̄idina. W̄idina kya' angevi gyakwalaangei s̄inna t̄ka w̄ida'daa'nyi gam̄ire w̄idaayaderi w̄idina 'Yarala! Tutaanya naangebanya yarai wawa'ḡizi anga naangebanna ȳniguka tutaanya maalika yuyabanyanaj̄ diwodeiḡnyi. Sara wawa'ḡizi a'mwe ḡilȳvi'maayaraav̄ji a'mwe kilaaka kayaaka ȳma'n̄in̄keraav̄ji a'mwe t̄inna t̄binyaraav̄ji a'mwe s̄iv̄la kayaa'nanyaraav̄ji sasare sara mari'bwaremarya'ḡizi n̄im̄re angevina dimakadeiḡnyi.' ²² Sara w̄idina kya' w̄idaayade dazai sara yaka d̄na 'Naangeigi, ḡmire yagaalyav̄i mena ḡim̄dimwana. Kiri' namwaalyita p̄in̄ sihumale p̄in̄ yaasiwa' warina.' ²³ W̄idina kya' naangei gam̄ire w̄idaayaderi w̄idina 'Tutaanya yuya naangebanya wawa'ḡizi wawinyabanya wawidiv̄maangebaraav̄ yamaryadi a'mweraav̄ a'mwemiliikaav̄ bulamari'bwarimwaaihy! "N̄im̄re ange' yunebanna yana!" dena yawi'manigena. ²⁴ Sare' dare'nesi. Ḡim̄nyi ḡithi'vanige. A'mwe yuya dazara s̄nnaw̄i k̄gaa' n̄im̄ jaka j̄ivvar̄j̄maa'nera n̄im̄re t̄ka wapaaya ȳniga wi'na nagaangabi'dera m̄ika.' "

A'mwei s̄munya naya pada'galayawiroji Jizaazar̄i midinya'nebwinesi.
(Mat̄yui 10:37-38)

²⁵ Jeruzaalem̄na kuna woda kwala bwa'naanya naangera gam̄ji kaanya yamarina yadaapi sahwai ḡnyima'nyi na yaka w̄idina ²⁶ "Gazaizai n̄im̄nyawinna bazai, kiri' sai gan̄maangeri ji ganaangevi ji gannya a'mwevi ji kaim̄raayangji gathaa'gahwaaravaav̄ji gya'mwengji nabaai gannya gaala kiri viji sangina tewaanya naanga w̄ivu'najai nabaai n̄im̄nyi na tewaanya maali'na w̄ivu'najai yi sahwai n̄im̄re nȳim̄di dei mȳma'nyi yannelyira. ²⁷ A'mwei balya'nei gannya ȳta yovih̄rarannike' mamarikwayi yojiyai nȳim̄dinajai yi sahwai n̄im̄re nȳim̄di dei mȳma'nyi yan-nelyira. ²⁸ Sare' da'dare'nesi. Sar̄im̄jiya pwai 'Anga saaminaanga ke'mwewinya p̄ir̄i madima!' doziyai yi sai kave kwaamu' mwaaloji anga dazavine nīgwia'na s̄munya naya yawi radelyi. Sai yawrade 'Nīgwia anga sav̄ne' ȳniga wi'na maj̄'mwannya'ne' dingaka?' ²⁹ Nabaai yune'na sasara mi yaja', yi dīvidaa'nyi sim̄nye' mena laaboziya kiri vi anga sa' yunebanna maj̄'mwannade' mi!. Sarevi

a'mwe yuyara t̄inna wanganna ȳna yapij̄i a'mwe dazari yagaabit̄raizika buthangamuna nyip̄idika! ³⁰ Dara w̄idina 'A'mwe dazai anga daza' madithaakuna ȳna yaka n̄igwia'nā maji'mwannya'nei mi yannelȳra.' ³¹ Nabaai kinḡya pwai kinḡya pwalyi mala bwa'nya'nei, yi sarei nayaa kwaamu' mwaalojī simunya nayaa yawiradelyi. Gam̄i sare aawilasara (10,000) teni taawizan̄yarajiyai dara yawi'na 'Kinḡya sahware aawilasara (20,000) tiwedī taawizan̄yarajiyalyi malya' ȳniga wi'na bwa'nideinyi d̄ingaka? Aawa d̄ingaka?' Sare savine'na yune'na yawiroj̄yai ³² sai yawi'na 'Malya' ȳniga wi'na mwavila'muneinyi daaka!' yawirojī, ȳthaanyi, gam̄ire ȳkamaangei mena saaminyaba kuna ȳdori, sai a'mwe pwara maryaaśna yadelyi. Maryaasa-jara wawapij̄i malyavi woyagaala dahidiwagaawia ya'nera. ³³ Sasare sahibaaib̄i sarimij̄ya gazaizai gannya gilyivita yuya sangina bule'na mujaayi yajai, yi sahwai n̄imire nyimidīdei myima'nyi yannelȳra.

(Mat̄yui 5:13; Maaki 9:50)

³⁴ Sarev̄idaa'nyi yihithima! Saala sa yuna nawi'nyaangengi. Kiri' nabaai saalya' gam̄ire yirila mi'na kadozi yi ayina gannya saalya' nawi'nya' nemi gara kyawaaj̄i ȳma'nannevaka! ³⁵ Sasare saala sa' wawinyanḡi nemi ȳniga wakaanne mi!. Nabaai bulimakaawoyanḡre likejī ȳniga wi'na marirakurakaanne mi!. Nem̄i yaasiwa'na bwakirasi'daanyanḡi. A'mwei kad'i'nakei yagaala daza' sai kadika nayaa wi'nana!"

15

Sip̄zip̄yai yadaa'nikerina ke'ba'na yagaala dinike'nesi.

(Mat̄yui 18:12-14)

¹ P̄gaa' a'mwe taakiz̄ya maa'divsarajī a'mwe ḡrikita'nanyaraj̄i gam̄ire yagaalya' kadika wi'nya'nera gam̄inyawinna yikabina ȳna. ² Yikabina ȳna yeva Periziyaraj̄i K̄w̄jaraj̄i mayagaala yawi'na, d̄inyina "A'mwe dazai a'mwe ḡrikita'nanyaraj̄i ye'mwannemwaaida t̄ika ye'mwannan̄vanikelȳreva."

³ Sai sarevit̄ yawi'na yaka ke'ba'na yagaalya' w̄idina ⁴ "A'mwe pwai sarimij̄yai sip̄zip̄ya (100) waani aadiretiya kininnakei, nabaai sip̄zip̄ya pwai sanguineba yadaa'na kyojī sip̄zip̄yanḡi gyakwalaangei (99) naaidi naainiyanḡi pimaḡi a'mwamaayaba yagalya'ma'na yoj̄i kurivaariya n̄ida'nadaapi kaanna w̄ina sip̄zip̄ya pwai yadaavajaina biramaarajahaa'na. Sarimij̄yai sara yadei midaaka! ⁵ Mena biramaarojī gam̄ire egwevi yilamarakwojī yilaaya naanga yada marikwavamakuna.

⁶ Nabaai gam̄ire angevi bamari'mavojī gam̄ire gya'mweraavij̄i avaaimwaalyaraavij̄i jaka wiji'bwa'na kyojī sarera bi'bwa'nyina. Bi'bwa'nyina kyapij̄i sai w̄idina 'Sarim̄i n̄imij̄i yilaaya d̄nye'mwannayila! N̄imire sip̄zip̄ya pwai yadaa'nikei n̄im̄i birena mena biramaa'mwana!' Sara w̄idathelyi. ⁷ Sarim̄nyi yihithivanige. Sasarebaaib̄i, Sigunyav̄i mwaaidivisara yilaaya yadivisarera. A'mwe naaidi naainiyara "Nemi yida'maraangeina," dadaa simunya mudikebwi yawiramaarya'neina mamwaalyigoinera!" yawi'divisara yi sahwaraavina yilaaya myadivisasi. Kiri' a'mwe kayaa'na yade pwai simunya mudikebwi yawiramaajarina yilaaya naanga yadivisasi.

Nigwi'yimaaninike'na dinike'nesi.

⁸ Nabaai a'mwe p̄iri' n̄igwia atiraalya kininnake' divi n̄igwia pu' yimaanyina. Da'dara yadei midaaka! Laamivananyai yewita'na ȳna yoj̄i n̄igwi'na bwakiranganna, bavuralangasiwalyuna, kuna birina yada yune biramaarajahaa'na.

⁹ Mena biramaa'na yoj̄i gam̄ire gya'mwengij̄i gam̄ire avaaimwaalyayuraavij̄i jaka w̄idina kyojī bi'bwa'nemwaaina kyapij̄i w̄idina 'N̄imij̄i yilaaya d̄nye'mwannayila! N̄imire n̄igwia nawi'nya pu' yiwawaki' mena biramaarena ayina mena maa'mwana!' Sara w̄idathesi. ¹⁰ Sarev̄idaa'nyi sarim̄nyi yihithivanige. Sasarebaaib̄i a'mwe

kayaa'na yade pwai s̄imunya mud̄kebwi yaw̄ramaaraja'na Got̄yare mamaayara ȳlaaya ȳpi'dere."

Miginyai ganimaangeri yagalya/makwoke'na d̄inike'nesi.

¹¹ Nabaai w̄d̄ina "A'mwe pwai m̄iginya pwaraai k̄ininnakei. ¹² Sarev̄i gahwaalaanga aaya w̄ryaakei ganimaangeri w̄d̄ina 'N̄mwai, n̄im̄i ḡlyiv̄ta yuyanḡna dara yaw̄l̄mwa "Naari'm̄i yuya darainaari d̄ineh̄zaapalya! Sara jaapala'ḡz̄i n̄im̄inȳneva'a' dahaa' yune'na d̄inȳjaapalya!"' W̄d̄ina kya' k̄irin̄imaangei gam̄re ḡlyiv̄ta yuya sadaraari w̄jaapalȳna. ¹³ W̄jaapalȳna yaka aaya w̄ryaaker̄na w̄jaav̄na kya' sahwai saba maal̄kegaa' mwaal̄na yaka gam̄re ḡlyiv̄ta yuya mari'bwa'na yaka anga saam̄nya mena p̄wi pwaraav̄rewinna mwalaawīna. Anga dazaba kuna mwaaida gam̄re ḡlyiv̄sa yaas̄wa' mariw̄inama'na ȳna yaka gannya kayaa'nanya yade sabur̄daasi yuna ḡlyiv̄i'maayai mwaal̄na. ¹⁴ Sahwai gam̄re ḡlyiv̄ta yuya mena was̄'nakei mwaaidi'nȳ d̄ividaa'nȳ anga dazaba m̄ij̄ka naanga p̄ri'i ȳma'nȳna. Sara ȳma'nȳna kya' sai ḡlyiv̄ta aane p̄imili' muwaryadis̄. ¹⁵ Sarei anga dazabadaa'nya a'mwe pwar̄ waw̄nya' w̄idaaȳna. A'mwe sai gam̄re yaawar̄ikur̄sabanna w̄idaas̄na ȳna yakei yaawaryaraav̄ maremwaaida ȳ'd̄ivaina. (Juyaraav̄ne waw̄nya sa' ḡr̄kita'nanya' war̄ka k̄ri'i ȳna.) ¹⁶ 'Yaawaryara nad̄iv̄sa n̄im̄re munya wi'na wiana!' daka yakelȳ. Sahwar̄ wapaaya w̄jaaya'nei a'mwe aane pwai kwai mi'. ¹⁷ Sagaa' gam̄i kayaa'na mwaalake sabwine'na s̄imudaadaanya kwalaalya yaw̄raka gam̄nȳne'naya yaw̄'na yaka d̄na 'N̄im̄nȳ n̄imware yuya waw̄nya w̄idaayad̄visara t̄ka munne kwalaalya nadaapi k̄ri'i dava yune n̄im̄i mwaaihe dainȳ m̄ij̄ka naangel̄ yuna j̄van̄gena! ¹⁸ Baa'nana! N̄im̄i w̄ladaa'na ya'muj̄ n̄innya n̄mwaryaw̄inna aȳna w̄de'nanȳ. Sara ya'muj̄ n̄imwar̄ d̄ara w̄d̄ideinȳ. N̄mwai, n̄im̄i kayaa'nanyabwi sana ȳweinȳ. Sigunyav̄ya Got̄yarij̄i ḡm̄nȳj̄i kayaa'nanyabwi sana ȳweinȳ. ¹⁹ Dahaa' n̄im̄i a'mwe naw̄i'nyainȳ mi'. Sare'na n̄im̄nȳna ayaw̄daa'nȳ "N̄im̄re kaim̄raayalȳra," nȳd̄inneinȳ mi'ka. Gim̄re waw̄nya ḡthaaya'neinȳ d̄inȳdahilak̄deiḡnȳira.' ²⁰ Sarev̄i sai gan̄maangeryaw̄nnei kaanna w̄na. Sara kaanna w̄na yake sai mena keiba kuna widavadaa'nȳ gan̄maangei t̄inna maranganna. T̄inna maranganna ȳna yaka gan̄maangere kale sahwar̄na yenȳ'nanganna wiadaa'nȳ kaanyave'na walyuna yaka gannya kaim̄raayari walyagalamuji'raaw̄na ȳna yaka maangw̄idaanyaba bu'buta marina. ²¹ Bu'buta marina yadaa'nȳ gawaali'vaangei w̄d̄ina 'N̄mwai, n̄im̄i kayaa'nanyabwi sana ȳweinȳ. Sigunyav̄ya Got̄yarij̄i ḡm̄nȳj̄i kayaa'nanyabwi sana ȳweinȳ. Dahaa' n̄im̄i a'mwe naw̄i'nyainȳ mi'. N̄im̄nȳna ayaw̄daa'nȳ "N̄im̄re kaim̄raayalȳra," nȳd̄inneinȳ mi'ka!' ²² K̄ri'i gan̄maangei gam̄re yaas̄wa'waw̄nyaraav̄ w̄d̄ina 'Yarala! Sar̄im̄i baazi'ma'nya naw̄i'nyaanges̄ maarap̄j̄i makabap̄j̄i d̄ivaazi'makwila! Sara mi'na yapij̄i n̄igw̄lalaaka naw̄i'nya d̄iri'mwila! Nabaai kwaari'mas̄v̄lyai maarap̄j̄i d̄ivaazi'makwila! ²³ Sara mena yapij̄iyagaa' bul̄imakaawoya d̄iw̄nya sigunnaakei galȳramakabap̄j̄i baramila! Nem̄i t̄ka munne yabwak̄lanadaa ȳlaaya yaade'nanȳ. ²⁴ Sare' dare'nanȳ. N̄im̄re kaim̄raaya dathai mena bain̄kei, k̄ri'i dahaa' sai gaala aȳna mwaal̄ka. Mena yadakwokei, k̄ri'i nem̄i aȳna b̄iramaa'mwolȳra.' Sara daka wapeȳd̄ika naanga p̄ri'i ȳna.

²⁵ Ȳlaaya yadaapi aaya s̄iraangei waw̄nyaw̄i ȳbwa'nȳna yaka d̄ividaa'nȳ angebanna b̄na yaka anga kwala bwa'naanya bwamwaihodapiyabanna w̄laab̄na yaka kad̄ke' w̄'nȳna 'P̄radazaj̄i tadi'vi' kwarame dah̄'ma'man̄igava!' ²⁶ Kad̄ka w̄'nȳna yaka w̄daayade pwar̄ jaka j̄vvar̄j̄maa'nȳna ȳna yaka sahwar̄ ȳdaanganna 'Gatha'dara ȳvan̄gava?' ²⁷ Ȳdaanganna kya' sai w̄d̄ina 'J̄hwaalaangei aȳna mena b̄waker̄nereva. Sara b̄waker̄na ḡm̄nȳ ḡmaamaangei

bulimakaawoya diwinyai maratamaka sahwarina yidika yakevinyira. Gannya kaimiraayai kigaakuna mena yiwinika kwai ayina mena maaraka maamidarya mwaaimwakerina yo'dakwuya miwakerina yiwake'nanyi.' ²⁸ Nabaai sare kirivi aaya siraangei sinna tika wida'daa'nyi angevi wilya'na 'Aala!' yawi'na. Sara yawi'da'nadaa'nyi gannya ganimaangei mwasawinna bwalyuna yina yaka yagaala nawi'nya' bwalyawidina. ²⁹ Sara widadaa'nyi ganimaangeri ja'nawidina 'Yithaa, kwarame kwalaalya bodaa'nyiyangi nimire gimirre wawinya' limwaga'dinyaainyi. Yuyagaa' nimire gimirre yagaalya' galagizekivaidinyaainyi mika! Sare'na kiriv' gimirre memediwinyai pwai nimire nya'mweraji yilaaya yadi yidika yaniwinei nyi'daalyadinyaainyi mika! Yuna aawaawa. ³⁰ Sarevi da gimirre kaimiraaya dathazai gimirre gilyivita yuya dazaza a'mwe kayaa'na girkita'nanyabwi yadivsamilikaav yanga yaasiwa'na wjavamaryada yuya gilyivisa yimingaasnakelyi. Sara yakei ayina bakeri, gaminyina kale kagiwa' bulimakaawodiwinyai maratamagina yidika yivanigi.' ³¹ Sara widina kya' sai widina 'Kaimiraayaig, gazagaasagaa' naariminidainaai ye'mwannemwaaidasanidainaalyi. Sarevi nimire gilyivita yuya sa yune giminynannengi. ³² Sare kirivi dhaasagaa' nemire yilaaya yaade'nanyi. Yilaaya sara yawaaj nemire munyi' tewaanya nawi'nya yima'nade'na. Gimire jihwaalaanga dazai mena yinahu bainika kwai, kiriv' dhaaa' gaalyai mwaaimwa'. Sai mena yagalya'makwokei kwai, kiriv' dhaaa' nemire ayina biramaa'mwolyi. Sare'na yilaaya davwi yakade' tewaanyasira.' "

16

Widaayadivisaraavi maremwaide sidu'nakei keiba'na dinike'nesi.

¹ Nabaai Jizaazai gamire mididivisaraavi widina "A'mwe gilyivikiravinaaka pwai gamire wawinyaavi maremwaidei kininnakelyi. Nabaai a'mwe pwara gilyivikiravinaaka saryawinna yikabina yeva wawinyaavi maremwaide sarina jida'na 'Gimirre wawinyaavi gimirremwaalyadei gimirre gilyivisa yaasiwa'na mariwinama'na yivanikelyira.' ² Sara jida'na kye' sai gamire wawinyaavi maremwaideri jaka jivvarijimaa'nyina yaka widina 'Giminyna yagaala wi'niwe' gatha'darevaka! Kaanya wawa'gizi gimirre wawinya'ne pikariyikwia yavada'galakaawina ja nimire gilyivita yuya maremwaaidinya sanna! Sare' dare'nesi. Gimire maremwaalya' ayahi pirisiti jitheig mika!' ³ Sarevi maremwaala dazai gamire simunyav dla dinya'na 'Aka, nimire naangei nimire maremwaala yadi'nya savi nyidaasade'na nyi'wake'na gara yideinyaka? Nimire kwaakeva' yiniga maliki yiwineinyi diraginya maayaainyira. Sare'na nabaai a'mwe pwaraavi wapejanna damaasa'na, niminyi wagila nyivwa'nadeinyira. ⁴ Kiriv' dhaaa' nimire yawi'manige. Nimire gara ya'muj i deinyaka? O, mi'na yawiramaa'mwana! Naangei maremwaala savi nyidaasajahaa' "A'mwera kumire angengi wiwijahaa' niminyi nyimaapika!" dad'i mena yawi'mwa.' ⁵ Sara yawi'na yaka sarevi sai a'mwe gamire naangeri dinaaya damaadivisaraavi jaka widina kya' sare sara pwaidaa'nyi pwaidaa'nyi gaminyawinna bina. A'mwe pwaidaa'nyi sinnavi wilaabina kya' maremwaidei yidaanganna 'Nimire naangeri dinaaya gara gare gwarikaiginaka?' ⁶ Yidaanganna kya' sai widina '(100) Waani aadireti kwadi'ka naanga welivanatainakengira.' Widina kya' maremwaidei widina 'Gimirre dinaaya daza'ne pikariyikwia' maara'gizi sarevi walawaaaina ya'gizi yune (50) pivitiya'na yarai jithaka! Nabaai niminyina nayaa sara jawika!' ⁷ Nabaai dividaa'nyi a'mwe pwai bi'ma'na yina kya' sahwai yidaanganna 'Gimirre dinaaya gara garengaka?' Sara widina kya' sai widina 'Gilya naanga (100) waani aadireti witiyangira.' Widina kya' sai widina 'Gimirre dinaaya'na pikariyikwia da' maara'gizi yune (80) eitiya'na jithawakya!' Sana sana yina. ⁸ Sana sana yina kya' naangei sare' yawiranganna yaka maremwaala kayaa'nanya kukebwi

yaka kiri' dazai a'mwe siduta yaw'i'nikeibi' yade sabwine'na yi sahwari wi'dina 'Gimi saiginyi gaimwannya'neigi sidu'nakeigine!' A'mwe naangei sara yina. Sare'na dare'nanyi. Kumiregaasaraavina a'mwe Kwaaka dathavakiyabwinera kumire wawinya yabwina diraginya yadivisare. Sara yadiv'i a'mwe baakeviyabwineraavi wavila'divisare. ⁹ Nabaai nimi sariminyi yihithivanige. A'mwera nigwia maa'div'i dazajt kayaa'nanya dala nabinabinyanna marayadivisare. Sara kiri' sarimi daza maarapiji dazajt nawi'nyanna kamarayapiji sarinnya srya'mwe yima'nipi'de'nanyi. 'Divi nigwia limwagasagaa' mena kiwawojt yi anga yuyagaa' yuyagaa' nayaa kwaamu' mwaalya'nebanna Gotiyai nemaramwaaihana!' dapi sara jideihilyi. ¹⁰ A'mwe kwai gilyivita wana maalike'na nayaa pada'gainemwaaina yajai yi sai gilyivita naanga kirivinajt nayaa pada'gainemwaaladelyi. Nabaai a'mwei gilyivita wana maalike'na kayaa'na yina, yida'na myajai yi sai gilyivita naanga kirivinna kayaa'na yina, yida'na mi yadelyi. ¹¹ Sarevidaa'nyi sarimi Kwaaka davakiya nigwiajti kayaa'na marayadivita sanna mavada'gainemwaalyi yipi'ja' nebula nawi'nya maremwaala ya'neihirti aaihwai yihizaavadeihilaka! ¹² Nabaai sarimi pware gilyivisangi nayaa mamaremwaalyi yipi'ja' yi nebula nawi'nya sarinnyannanya' Gotiyai diraginna dake! yihizaavade! daaka! ¹³ Angevi widaayadei maremwaala yuyaraare wawinyawaai limwagaradei aane pwai kwai mika. Aawa. Sare' dare'nest. Maremwaala pwarina similika wimwaaina yojt pwarina tewaanna wima'nyina yadei dingaka! Pwarilimwaga'na yada pwarilule'na widaayipi'neihi mika!"

¹⁴ Periziyara nigwianna tewaanya wima'nadere. Sare sara Jizaazai dadaa'nyiya yagaala yuya dazangti kadika wi'nevera gaminyi biraifyagaala wi'dina. ¹⁵ Sara yina yadaapi sai wi'dina "Sarimi yawi'na 'A'mwera nenganapiji neminyina yawipika! "A'mwe yida'maraangerera." ' Yawi'na yadiv'i yivanigasaihilyira. Sara yadivita sabwina sarimire simunyaburi Gotiyai mena yihyawirangamanikelyi. A'mwera yilaaya yadivisanna yi Gotiyare tinnyari girikitina'nanya kayaa'nanyabulyira.

¹⁶ Mozizare yagaala Kiwinyavinesi piropetiyaraavire yagaalyasi yune Jonimiregaa'na wa'mwa'dikengi. Kiri' yune Jonimiregaa'dasit yaka dhaakigaasi Gotiyai a'mweraavii maremwaidevne yagaala tewaanya' anga yuyabanya yima'nivanaabikesi. Nabaai a'mwe yuyara maremwaide dazavilamwaalya'na diraginya kuna yivanigasare. ¹⁷ Sigunyavasi Kwaakevasi yiwawode' wawinya maalikesi. Kiri' kiwinyavija maalika pimaginyamili' sa' yiwawode' wawinya naangesi. Yunenna yima'nadengi.

(Matiyui 5:31-32; 19:9; Maak 10:11,12)

¹⁸ Gazaizai gannya a'mwevi widaasada a'mwe mudika pirivi maarajai ba'dalavalimwangebwi yina. Ata limwangebwi yina. Nabaai a'mwei a'mwe pirivi sinnawi gannya wasi'najavti kwala maarajai sai ba'dalavalimwangebwi yina.

Gilyivikiravnakelyi Lazaarakalyi saraarinesi.

¹⁹ A'mwe pwai gilyivikiravnaketi mwaalina yakelyi. Yuyagaa' baazi'ma'nya taaihija tewaanyanna tewaanyanna, baazi'ma'nya wayaakeji wakadelyi. Sara yada yuya yirikerikaavti tika wapaa tewaanyanna tewaanyanna yovigalamaa'delyi. ²⁰ Gamire angevine tikuryaba a'mwe gilyiv'i'maaya pwarilwalawimwaanihina yesalyi. Gaminne yaya' Lazaarakai wo'nikei gamire kilaaakejiki yunebanna wa'waaya wa'disyai. ²¹ 'A'mwe gilyivikiravnaka dazare yi'binya wapewakyaba wapaaya tiridirinya yi'binyavti dalaangewi bwala'dawadaa'nyiya maranideinya. Sa maranadi munya nyinadeinya,' yawi'da nabaai jilikera wilaabina yadiv'i gamire wa'waayangti kumire taalisajti yanyina. ²² Divi a'mwe gilyiv'i'maaya dazai balina yina kya' sare' ejeliyara maarina yina yeva makuna yevera Eviraamiji ye'mwannamwaihaawina. Nabaai a'mwe gilyivikiravnaka sai kwalyi balina yina kya' likirakinna. ²³ Sai

Dikewi mwaalaka daanga naanga wivinyina. Sara wividaa'nyi munyaba kekina tinna maranganna. Eviraamit saaminya menyaba mwaaidi'nyi Lazaazarazai sahwalyi ye'mwannemwaaidi'nyi tinna wanganna. ²⁴ Tinna wanganna yaka gilyivikiravinakei jaka danganna 'Nimwai, Ne Eviraamit, dikä davä daanga naanga kayaa'na nyivimanike'na niminyina kale kagyozi "Gamire a'jawinyai aalyavi bwalapaihoji a'mwere taalisari kudathiwagaavoji yirila maali'na widana!" da'gizi Lazaazarari dimaryasaama!' ²⁵ Sara danganna kya' kirii' Eviraamit widina 'Kaimiraayaigi, dahaa' gimi pinnna jawika! Sinnawi gimi gaala mwaalagindegaa' gilyivita yuya tewaanya maaragi. Nabaai Lazaazarazai yuya kayaa'nanya maarakelyi. Kirii' dahaa' anga dava gamire munyi' tewaanna wa'manika. Sara yadaa'nyi gimi daanga kayaa'nanya maa'manigi. ²⁶ Nabaai piniyyavi neminyi tinna dava sariminyiji neminyiji Gotiyai sitikulala naanga pirii' wakakesi. Sarevina a'mwe dava mwaaihasara sitikulala savi maviralavaabyapiji' sariminyawinna wiya'na wipinera mi'. Nabaai a'mwe kengimagi mwaaihasara sitikulalyavi mavraalayapiji' neminyawinna wilaabipinera mi'. ²⁷ Widina kya' sai widina 'Sarevidaa'nyi Nimwai, giminyyi githaangamanige. Nimamaangere angevina Lazaazarari dimaryaasa! ²⁸ Sare' dare'nesi. Nimti atila nyidaa'nyigwaaravaava mwaaihasara kininnakeinyi. "Saraayawinna Lazaazarazai wawoj yagaala jalikurakina yana! Nabaai daanga naanga maarya'ne davanna sara kwaraji nabipidika!" dena githaangamanige. Simunya mudikebwi yawramaapija' daanga wivinadera mi'ka! ²⁹ Widina kya' Eviraamit widina 'Mozizare yagaalyaji Gotiyari wi'navijiwakyaasaraavirej warika. Sare sangi kadika wi'nipika!' ³⁰ Widina kya' sai widina 'Aawaawa, Nimwai Eviraamit, sa' yiniga wi'nanne' mi'ka! Aawa. A'mwe bainika pwai bainikeraayaw i ayina dikavoj kuminyawinna kwawoj sahwara simunya mudikebwina yawrama'a'na yipi'derera.' ³¹ Widina kya' kirii' widina 'Nabaai Mozizare yagaalyangiji wi'jaata piropetiyaraavirengiji kadika mu'nyi yipi'ja' yi nabaai a'mwe pwai bainikeraayaw i ayina dikavajalna nabaai sa' kirii'najidraginna limwabi'dera mi'ka!'"

17

Kayaa'nanyabulyi diraginna limwangebulyi widaayaderebulyi saburinesi.
(Matiyui 18:6-7,21-22; Maak 9:42)

¹ Sagaa' sahwai gamire mididivisaraavi widina "Dala pinnna pinnnanya sabura a'mweraavi kayaa'nanyabwina walapapalakya'na yima'naabathengi. Kirii' a'mwe walapapalakyabwi sasara wi'jaavaja sarina we', mala nayaa yiwannana! ² Nabaai kaimiraaya maalikemili'kaavidaa'nya pimili'ki kayaa'nanyabwina walapapalakadelyi. Yi' sahwai sara kayaa'na myi yojiyagaa' silla naanga lili'nika pwai gamire tilinnyavi maryegipwiyapiji' saalaalyavi kewint maralivarabi'de' yi' gaminyina tewaanyasira. Pimili'ki kayaa'nanyaburi marulawakajar Gotiyai kayaa'na yade'na yi' gaminyina kayaa'nanaangesi. ³ Sarimi sahwihirina mala nayaa jitwannyila! Giminyi jitthaajihwaai kayaa'nanyabwi kagyozi sar maanga duthatheiginyi. Nabaai sai mudikebwi kyawramaaroji gamire kayaa'nanyabwi dimakwaasa! ⁴ Nabaai yirika gave pigaa' piri'ki sai kayaa'nanyabwi giminyyi ata puridaa'nyi pigasaina kagyozi nabaai ata puridaa'nyi pigasaina giminyyawinna ayina bozi widina 'Kale nyiwaka! Mudikebwi yawramaarima!' Sara kagithozi gamire kayaa'nanyabwi dimakwaasa!"

⁵ Naangei maryaaasadera apozeliyara Naangeri widina "Pwaraavire kayaa'nanyabwi marasi'nya'neburina giminyyina nemire limwangebwi naanga jahiriwana! Nem yiniga wi'na yaanneina daaka!" ⁶ Sara widina kye' Naangei widina "Sarimire limwangebwi aranyavire silla maalikemili'bisabwi giryaa'nebwi waraji' kwaj yita mijamaanga da' dara duzideihili' Gimirre pwipula likalaa'na'gizi

saalaalyavi ayina dithavaawa!' Yt sara kudapijt sarimtre yagaalyavi yihu'noj kihimidinadika!

⁷ Nabaai a'mwe sarimnyidaa'nya pwai yaasiwa'wawinya pwai kininnakei mwaalajai gamire wawinya kwaaka budawakiwodei dingaka? Sipizipiyarajt maremwaidei dingaka? Sare sai dividaa'nyt wawinyaividaa'nyt ayina bin kyojt maremwaalyai sahwari dara widathei daaka! 'Yime'nya'bti kaanya ba'gizi bamwaala'gizi tika munne dinana!' Sara widathei daaka! ⁸ Aawa. Sai widina yadelyt 'Munnaanyasi marila'gizi niminne wapaaya jovirawakya! Sara ya'gizi niminne wapaaya livadi'gwala'gizi dimakulaama! Tika wapaajt waainiyasi mena kana'mujt dividaa'nyt gimi tika wapaajt waainiyasi dinadeiginty. ⁹ Yaasiwa'wawinya dazai gamire yagaalya' nayaa yade'na a'mwe naanga sai yilaaya yada 'Kaimala! Su!' widadei dingaka! Aawa. ¹⁰ Sarevidaa'nyt nabaai sarimi kwaihi Gotiyai yihithathengi sara yapijt nayaa dara diji! 'Nem yaasiwa'wawinya waryaanyainera. Wawinya sara ytwo sa, yt sa yuna nemire wawinya'na y Wongira. Wawinya kwaala mywo.' "

Jizaazai a'mwe atiraala samatanakeraavi tewaanya yavada'galake'nesi.

¹¹ Jizaazai anga Jeruzaaleminei woda anga Sameriyanaaji anga Galilinajt tinna yaareba wina. ¹² Wina yada anga piba yt'mavaawina yina yadaa'nyt a'mwe samatanaka atiraalyara tutaanyavi baviramaa'na yeve kwara menyaba sangirti daavina yeva ¹³ jaka diraginna widina "Jizaazai, a'mwe naangeigit, nemnyina kale'na dinegaimwana!" ¹⁴ Jaka sara widina kye' sai sahwaraavt tinna wanganna yina yaka widina "Piriziyara Gotiyarinna mubithika yira'divisara 'Tewaanyaihilyira,' wija'neraayawinna sarimtre kilaakejti makwopijt duziwainaawila!" Sara kudaasa' sahwara kaanna yikuna yina yeva yadaapi kumtre kilaakejti tewaanya yima'nytina. ¹⁵ Sarevi nabaai sahwaraavt tinnyabadaa'nya a'mwe pwai gannya kilaakejti tewaanya yima'nitakejiki tinna yennaka sai ayina kaanna bin. Sara yake sai jaka naanga dada Gotiyarine yaya' byaannake' munyaba makina. ¹⁶ Makina yada Jizaazare sivigt'nyiyawt yarai walaruta'nytina yaka "Kaimala! Su!" widina. A'mwe dazai Juyai mika. Sahwai anga Sameriya mwaalyai. ¹⁷ Widina kya' Jizaazai yagaala dina "Nimi yawt'mwe! 'A'mwe atiraalyara tewaanya dahayima'niwaava.' Kiriti' a'mwe ata puridaa'nyt daraai daraalyara pwara gazt mwaaihava! ¹⁸ Ayina bozti Gotiyarine yaya' munyaba makiladei a'mwei pwai mika! A'mwe anga pimagidaa'nya dazai yune gave pwainanyai dingaka!" ¹⁹ Nabaai sai widina "Daava'gizi kaanna diwona! Nimi nyti diraginna yawralimwangebwi tewaanya ayina gyavada'gaimwaka."

"Gotiyai a'mweraavi maremwaalade' bathe'nanyi," dinike'nesi.

(Matiyui 24:23-28,37-41)

²⁰ Pigaat Periziyara sahwari yidaanganna "Gotiyai a'mweraavi maremwaalade' gathingaa' bi'mavadevaka?" Sara yidaanganna kye' sahwai ja'nawidina "Gotiyai a'mweraavi maremwaalade' bathehaalna a'mwera a'mwemilika tinnyarajt baihana'divisara mika. ²¹ Sahwara dara dadivisara mi!! 'Yithaa! Dava dahawarika! Agaiba dahawarika!' Yithaanyi! Sare dare'nesi. Gotiyai a'mweraavi maremwaalade' sarimnyt kusawt mena yihimwaalika!" (Gamti sahwarina "Mena yihimwaalika!" widina ya!).

²² Sagaa' gamire wimididivisaraavt widina "Divi pigaa' yima'najahaa' A'mweraavine Kaimiraayare yirika piri' tinna wanganya'neihi sarimtre simunya' tewaanna kuna yihivu'nadeihily. Kiriti' sarimi tinna danganyideihi mi!. ²³ Nabaai yihithipi'desi. Yithaanyi, aagimagi mwaalika! Pwara yihithipi'desi. Yithaanyi, dava mwaalika! Kiriti' sarimi mupinera! Sahwaraavt mamjamakupinera! ²⁴ Sasarevi dare'nesi. Sigunyavt yuneba, pimagidaa'nyt simaginna yinamiraata yadevaabit A'mweraavine Kaimiraayai bi'mavadehaa' yuyara wangabi'delyira. ²⁵ Kiriti' sahwai

taanga kwalaalya maarojiyari a'mwe dahaasa dathara bule'na wijaavipi'delyira. ²⁶ Nowaare yirikeryaavi yetabaaib! A'mweraavine Kaimiraayaregaa' yima'nade yirikeryaavi yi sara yipi'dere. ²⁷ Ti ka munneji niwainadaapi, waainiyaj! nadaapi, kwala ma'daapi, kwala ma'nadaapi yune Nowaai siyav! wilaka sagaa'na. Yithaanyi, sagaa' burika naange! bwala'na yaka aalibunya naange! padin'nyina yakegaa' yuya a'mweraav! yuna kayaaka yigalakina. ²⁸ Nabaai Lotimire yirikeryaavi avaaina sasare yesare. Ti ka munne nyemwaaina, waainiyaj! nadaapi, gilyivisa mubina, 'Gilyivisa pwara mubyia neyipka!' yawi'div! mubina, wawinyaj! yina, angej! madina. ²⁹ Kir! anga Sothomi Loti yagalya'mavaka kaanna wiya yaakegaa' nabaai yirika yune dazahigaasariki sigunyavidaa'nyi burike'b! dikesi sila di'nakesi anga saburina wasi'naabina kya' yuya a'mweraavij! a'mwengij! yuna kayaaka baihirakina. ³⁰ Yi avaaina sasare sahibaaib! A'mweraavine Kaimiraayai ku'maayaba yima'naabathe yirikeriki yima'nadesi. ³¹ Yirika dazariki a'mwe pwai gannya angevi munyaba yilamwaaloji, nabaai angevi kusawi gamire gilyivisa wa'doriya gilyivisanna angevi nulamaaradika! Nabaai sasare sahibaaib! a'mwe pwai wawinyawi mwaalojyai ayina nawodika! ³² Lotimire a'mwe! gilyivisanna tiginyima'nya yiwiaakevina sarimi simunya nayaa jawirila! Likaanya jila! ³³ A'mwe gazaizai gannya kilakejikine mwaalyabwina yilaaya yawi'da limwagarajai yi gamire gaalyabwi yiwawodevulyi. Sare! kir!, nabaai a'mwe gazaizai gannya mwaalyabwi yagalya'mavojyai yi gamire gaalyabwi tewaanna nayaa wivadaihasamaaradesi. ³⁴ Ni'mi yihithivanige. Sawita dazariki a'mwe pwaraai yibnya piri'i se warina yadakilyi Gotiyai pwar! maarina yoj! pwar! saba yagalya'ma'na. ³⁵ A'mwe piri'waai witziila lili ka yima'nya'ne yadaakilyi yagaa' Gotiyai piri'i maarina yoj! piri'i saba yagalya'ma'na. ³⁶ A'mwe pwaraai wawinyawi mwaalina yadakilyi Gotiyai pwar! maarina yoj! pwar! saba yagalya'ma'na." ³⁷ Yagaala daza' kadika wi'neva sahwara widina, "Naangeigi, nedawaanya dazasa' gawi yima'nade'nevaka?" Sara widina kye! sai widina "Bainkeraavire kilakej! warikeba yune dazahibeve yuta kaamyaakera kwala bi'bwa'divsabera."

18

Yaanyiwaake' gamire kotiya'na yawibwa'deri jaka wija'nesi.

¹ Sagaa' yuyagaa'na Gotiyarina yidaangabi'de!, maa'na nyunadi'de'na Jizaazai ke'ba'na dara wijiwaakina ² "Anga naanga piba yawibwa'de pwai mwaalina. Yawibwa'de dazai Gotiyarina myawiri yada nabaai a'mwe kwaraavinaji simunya kwalaalya myawiryadei. ³ Nabaai a'mwe piri' yaanyiwaake' anga naanga dazaba mwaalina. Yuyagaa' yawibwa'de dazaryawinna bbyia yibainadaa'dehaa' widadesi 'Ni'mire yikamaangei kayaaka nyigalakade'nanyi. Sahvari gimi kotiyavi nayaa di'nyigaimwade'nanyira.' ⁴ Sara widiwija yada sinnawi sagaa' yawibwa'de dazai sahiri'vinha kotiyavi gaimwange'na 'Aala,' yawi'na. Sara yawi'na yaka kir! divi sai gannya simunyavi dara yawi'na 'Ni'mi Gotiyarina lika mivanigeinyi. Nabaai a'mwe kwaraavinaji simunya yawirikwaasa mivanigeinyi. ⁵ Kir! a'mwe dathava datha' yaanyiwaaka datha' ni'minyi taanga nyijaavadeinyira. Yuyagaa' yuyagaa' bbyia yibainada'davadaawori divi ni'mire kilakej! yuna maa'na nanyima'nadi'ka!' daka gamire kotiya'na gaimwanna wina yakelyi." ⁶ Naangei sara widina yaka dara widina "Yawibwa'de kayaa'nanya dazare yagaalya' nayaa jawirila! ⁷ Yawibwa'de kayaa'nanyai kave kave yawibwarakelyi. Gotiyai avaalyai daaka! Gotiyare dahilakakera yuya yirikerikaavij! yuya sawisarikaavij! sahwari ydaangadivsaraav! kotiya'na yarai gaimwanna mwi yadei daaka! Sahwaraav! kave kave gaimwanna mwi yadei daaka! Aawa. ⁸ Yihithivanige. Sai kotiya'na yarai wigaimwagathelyi. Sare! kir!

divi A'mweraavine Kaimiraayai bathehaa' dazagaasagaa' a'mwe Kwaakevakiyaraavi tinnna wanganaja' diraginna limwadiv'i dingaka!" widina.

Taakiziya maa'delyi Periziyalyi saraarinna ke'ba'na dinike'nesi.

⁹ A'mwe pwara yaya' yune kumi saraavine'na makinadiv'i "Nemi a'mwe yida'maraangeinera. A'mwe pwara yuna kayaa'nanaangerera," dadivisaraavi ke'ba'na dara widina ¹⁰ "A'mwe pwaraai Gotiyar'i wija'neraai Gotiyare Angevina kaanna wilaawina. Pwai Periziyai. Nabaai pwai a'mwe taakiziya maa'delyi. ¹¹ Periziyai dazai daa'da yune gannya simunyavina Gotiyarina dara dina 'Gotiyaig', nimi a'mwe pwarabtaintyi mika! Sarevidaa'nyi gimi nyina "Su! Su!" gitihwa. Pwara kwaasi yina yadiv'i kuka yina yadivisare. Nayaa yida'maraangebwi myadivisare. Pwaraavirengi ata limwadivisare. Nabaai nimi a'mwe taakiziya maa'de dazaibtaintyi mika. Kir'i nimi aawa. ¹² Yuya wikitayarikaavi yirika piriikaarina tika wapaaya kiamaakya dakadinyainyi. Nabaai yuya maa'dinya ata yuyiraai jaapaidi pimaginyavaa' gimi nyi gizaavadinyainyi. ¹³ Sara widina kya' kir'i a'mwe taakiziya maa'dei menya saaminya keiba daavina yaka Sigunyavina kekina mamaranganya!. Aawa. Sai gamire kayaa'nanyabwina kale wiada gannya kihisaba mala tannyina yaka dina 'Gotiyaig', nimi a'mwe kayaa'na yadinyainyi. Sareinyina kale'na dinyigaimwana! Nimi nyina gimirre sinna tika wida'devwi dinyimaras'i'na! ¹⁴ Sariminiyi yihithivanige. A'mwe taakiziya maa'de dazai, Gotiyai gamire kayaa'nanyanna marasi'naka 'Tewaanyaiginyira,' widakei sarei gannya angevina ayina wawakelyi. Kir'i nabaai a'mwe pwai aawa. A'mwei yaya' yune gaminne'na munyaba makilajai, Gotiyai dalaangewi marulawakadelyi. Kir'i a'mwei gaminyine yaya' munyaba mamakinyi yajai, yi Gotiyai gaminyine yaya' munyaba makiladelyi."

Jizaazai kaimiraaya maalikemiliikaavi ata nayaa dathiwagake'nesi.

(Matiyui 19:13-15; Maaki 10:13-16)

¹⁵ Kaimiraaya maalikemiliikaaviji gaminyawinna makabina yina. Sahiyura yawi'na "Tewaanya'na asa' dathiwagathe'na gaminyawinna makwawaana!" deva makabina yadaapi kir'i gamire mididivisara dazavi tinnna wanganna yeva sahiyuraavi maanga widina. ¹⁶ Maanga widina yadaapi Jizaazai kaimiraayamiliikaavi gaminyabanna jaka jivvarijimaan'nyina yaka widina "Kaimiraayamiliika yune niminyawinna bipika! Sarimi magaladalimwabinera! Sare dare'nesi. Gotiyai a'mweraav'i maremwaaside', yi sasaremiliikaavinesi. ¹⁷ Nebulya'na yihithivanige. Pwai kwai Gotiyai a'mweraav'i maremwaaside' kaimiraaya maalikemili'b'i mamaaryajai, yi sai kusawi yiniga wi'na wiladei mika. Arikewi."

A'mwe naangei gilyivikiravinakerinesi.

(Matiyui 19:16-30; Maaki 10:17-31)

¹⁸ A'mwe naanga pwai gaminyi yidaanganna "Wijwaakya tewaanyaig, nimi gara ya'muj gaala yuyagaa' yuyagaa' tewaanya mwaalya'ne' maarideinyaka?"

¹⁹ Yidaanganna kya' Jizaazai widina "Tewaanyaiginyireva," be'na nyidivaana? Tewaanyai, Gotiyai yune gave sahwainanyalyira. Pwara aawa. ²⁰ Kiwinya dinkevi mena yawi'dinyaiginyi. Dara din'i 'A'mwe pwaraavirengi ata malimwadinnna! A'mweraav'i maramakinna! Kuka mamaa'dinna! A'mwe pwarine'na kwaasi majalikurakinna! Ginnya gmaamaangelyi gwaangesi sawaare yagaalyangi nayaa dimidina! Kirimire yaya' dimakila!' " ²¹ Widina kya' sai widina "Kigaa' yune kawe'nyagaa'daa'nyi dhaakigaasi kiwinya yuya dazang'i midimanigeinyi."

²² Jizaazai yagaala daza' kadika wi'naka sahwari widina "Yune gave pininne'na kuna gmuudaasivankeiginyira. A'mwera mubya gipi'de'na gimirre gilyivita yuya duzaama! Nigwia maara'gizi a'mwe gilyiv'i'maayaraavi gimirre nigwia

duzaama! Gim'i sassara yija', Sigunyavine nawi'nyaange kiniinnakeiginyira. Sareig'i dinya'midinaama!" ²³ Widina kya' dazai yagaala daza' kadika wi'naka gamire simunyai taanga yima'nyina. Sare' dare'nesi. Sahwai a'mwe gilyivikiravinate. ²⁴ Gamire simunyai taanga yima'nyina kya' Jizaazai sahwari tinna wangada widina "A'mwe gilyivita kwalaalyajiyara Gotiyai maremwaidevi yagiyagi wibiderera. ²⁵ Sare' dare'nesi. Kaameliya' 'Langerikire daibu'nyav'i wilima!' dozi yaja' sara mi yadesi. Sahibaabib' a'mwe gilyivikiravinate 'Gotiyai maremwaidevi wilaaawima!' dada yagiyagi yina yaja' yadei mi'." ²⁶ Widina kya' a'mwera daza' kadika wi'nevera widina "Nabaai sassara yaja' aari wivadaihasamaaradelaka? Gaala yuyagaa' yuyagaa' mwaalya'ne' maaroji mwaaladei aaihwalaka?" ²⁷ Sara widina kye' sai widina "A'mwera yuya mi yipine sangi, sa Gotiyai yiniga wilna yadengira." ²⁸ Widina kya' Pitai widina "Yithaa, nemire angebanyakti gilyivisangiji mena yagalya'mavoneinera. Sara yona giminipi gimididaanya'nanyi." ²⁹ Widina kya' sai kuminyi widina "Nebulya'na yihithivanige. A'mwe aane pwai kwai, Gotiyai maremwaidevina yawi'da angevijji a'mwevijji gathaa'gahwaaravaaviji ganimaangeyoriji kaimiraayangiji yagalya'mavakerina, ³⁰ nabaai dahaasav'i Gotiyai kwalaalya sanna mibwa'mwagi yadei daaka! Nebulyasi. Nabaai sarei divi naanga yima'najahaa' gaala yuyagaa' yuyagaa' mwaalya'ne' maaradelyira."

Jizaazai dahasaai dahaa! "Bala'mujiyainyi ayina dikaaavideinyira," dake'nesi.
(Matiyui 20:17-19; Maaki 10:32-34)

³¹ Sagaa' gamire atiraai siviliridaa'nyi pwaraalyaraavi maarina yina yaka widina "Yithaanyi, dahaa! Jeruzaaleminna wimanaabaho. Sahiba A'mweraavine Kaimiraayainyina Gotiyai piropetiyaraavi kuja'a yagaala yuya sa yidayaasangi yuna yima'nyina yade'nanyira. ³² Sare' dare'nesi. Sahwainyi a'mwe Anga Naanga Pimaginyaraavina nyimarinmwangi'pi'deinyira. Sara yapijji yagaaiibiraizikejji nyidangadivi' yuna kayaa'na nyigaidivi' nimire sinniyiki maagwala nyura'mwawakipi'deinyira. ³³ Wilyabaalyi dika nyili'bwarapiji maratamanyirimpipi'deinyira. Bala'muri yirika daryaai dariki ayina dikaaavideinyira." ³⁴ Widina kya' yagaala daza' myawirina. Yagaala dazavine aaya kaavilya' kuminyi lika yulya'na. Sahwara simunya' nayaayi myawiri yagaala widaka dazav'i.

Jizaazai a'mwe tibinya pwari tewaanya yavada'galake'nesi.
(Matiyui 20:29-34; Maaki 10:46-52)

³⁵ Sahwai anga Jeriko aya kibanna yim'a'na yaka, yadaa'nyi tu'maangebaari a'mwe pwai tibinyai walamaaida a'mweraavi nigwianna jaka widangadelyi. ³⁶ Sarevi sahwai a'mwe kwala bwa'naanya' yikabivanigaveva, kadika wi'nyina yaka sai a'mwe pwaraavi yidaanganna "Gatha'dara yivanigaveva?" ³⁷ Yidaanganna kya' ja'nawi'dina "Jizaazai Naazaret mwaalyai kaanya bivanikeva." ³⁸ Sara widina kye' sai jaka widanganna "Jizaazai, Devitimi gawaali'gi niminyina kale gyana!" ³⁹ Jaka widangadaa'nyi a'mwe aaya sinnawi yikwaadivisara maanga dara widina "Maange' bipaina ya'gizi dimaku'nana!" Kiri' jaka naanga kuna danganna yada widiwija yina "Devitimi gawaali'gi, niminyi kale'na dinya'gaimwana!" ⁴⁰ Sara widiwija yina yadaa'nyi Jizaazai bathaa'na yina yaka saraavi diraginna widina "Davanna niminyabanna dimakabila!" Widina kya' sai mena aya kibanna wilaaabina yina yaka yadi'nyi sai sahwari yidaanganna ⁴¹ "Nimi giminipi beri' gara gide'nanaka?" Yidaanganna kya' sai widina "Naangeigi, 'Nimi tinnya' ayina wanganima!' dena yawi'manigena." ⁴² Widina kya' Jizaazai widina "Gimire tinnyai ayina danganna! Ginnya diraginna limwangebwii giminipi tewaanya gyavada'gaimwaka." ⁴³ Sara widina kya' jaahwasa'bii gamire tinnyai tewaanya yima'nyina yaka yennyina. Sarei

Jizaazar† m̄idinna ȳna yaka Gotiyarine yaya' byaannake' munyaba makina. Sarevi a'mwera dazav† t̄nna wanganeva Gotiyarine yaya' munyaba makina ye'!

19

Sak̄yaazarina dinike'nesi.

¹ Jeriko sawinna w̄laawaka adutaanyav† kaanna w̄na. ² Ȳthaa, sagaa' saba a'mwe pwai, Sak̄yaazai wo'n̄kei mwaalina. Sai a'mwe taak̄z̄ya maa'div̄saraav† maremwaaide a'mwe naangelyi. Sare sai n̄gwia kwalaalya k̄n̄nnakelyi. ³ Sahwai "Jizaazai bewai d̄ngaka? Yawiranganima!" daka yakelyira. A'mwe kwala bwa'naanya' mwaaaidapi Sak̄yaazai sahwai a'mwe tu'nanylalyi. Sare sai gaminyi t̄nna mwanganyina. ⁴ Sara mwanganyi yakegaa' s̄nnaw† gamidaa'nyi kaanyave'na w̄laawiña ȳna yaka "Sahwari t̄nna ȳwarima!" yawi'na yaka ȳta migilyari ke'mu ȳn̄gina. Sahwai yawi'na "Sarei tutaanyari' darik† bathei daaka!" ȳladaa'na. ⁵ Ȳladaa'na yaka yemwaaidi'nyi'yimagine Jizaazai bi'ma'na ȳna yaka kekina maranganna yaka w̄dina "Sak̄yaazai, ȳta sar† yarai yagalya'ma'na ya'ḡzi dalaama! Yuna dhaasagaa' n̄mi ḡmire angevi mwaalidera." ⁶ Sara w̄dina kya' w̄i'nyi'na yaka yarai walaabina ȳna yaka gamire simunya' ȳlaaya ȳna yakegaa' gamire angevineri kaanna makuna. ⁷ Nabaai a'mwe yuyara daza' t̄nna wanganeva k̄n̄myagaala d̄na "A'mwe kayaa'na yade pware angevi angyiri'maata ȳvanikelyira." ⁸ K̄n̄myagaala sara d̄na kye' Sak̄yaazai daavina yaka Naangeri w̄dina "Naangeigi, ȳthaa, n̄mire ḡlyivita yuya sa yune t̄nnyabanna jaapalide'nanyira. Sara jaapala'muj† pimaginevaa' a'mwe ḡlyivi'maayaraav† yanga w̄jaavideinyira. Nabaai n̄mi a'mwe gazarizari kwaasi yagaala w̄dena gamire ḡlyivita p̄iri' kuka sara maarena ȳi gaminyi ḡlyivita dawaai dawaalya sanna ayina w̄rivikirideinyira." ⁹ Sara w̄dina kya' Jizaazai sahwar† w̄dina "Yuna dhaasagaa' a'mwe anga dathaviyari Gotiyai mena w̄vadaihasamaal'mwakelyira. A'mwe dazai kwai Ne s̄nnawinya Ev̄raamim̄rei nebwina ȳma'n̄wake'nanyi. ¹⁰ Sare' dare'nesi. A'mweraavine Kaimiraayai a'mwera yagalya'ma'n̄keraav† ayina biramaarya'nei nabaai padai-hasamaarya'nei b̄wakelyira."

A'mwe at̄raalyara n̄gwia maarya'nebwina ke'ba'na dinike'nesi. (Matyui 25:14-30)

¹¹ Sagaa' sahwara yagaala daza' kadika w̄i'nyi'na yeva yawi'na "Yuna dhaasagaa' Gotiyai a'mweraav† maremwaaalade' ku'maayaba ȳma'naabathe'na ȳwaka! Gotiyai nevadaihasamaaroj† Jizaazai nemire kingiya naangeri yarai w̄mwaaihade'nanyi." Sara yawi'na ȳna yesa'naj† nabaai anga Jeruzaalemina aya kiba mena ȳmata ya'neba ȳdi'nyi'yaj† ke'ba'na yagaala p̄iris† w̄dina. ¹² Sarevidaa'nyi dara w̄dina "A'mwe naanga akwai anga saaminya menya piwinna kingiyai ȳma'nya'nei yagalaawina ya'nei w̄na. ¹³ S̄nnaw† sare sai gamire yaasiwa'wawinya at̄raalyaraav† jaka j̄i'bwa'na yaka n̄gwia kinaaya jaapaina yaka s̄iv̄latiraala pwar† s̄iv̄latiraala pwar† sana sana avaaina yanga w̄jaavina. Sara yakegaa' w̄dina 'Sarim̄ n̄gwia daza makwawopij† n̄m̄nyineba b̄ziniz̄ya p̄ini javikaryaawila! Yune n̄mi ayina b̄w̄jahaananeihilyira.' Sara w̄dina yaka kaanna w̄na. ¹⁴ Kaanna w̄na kya' k̄ri' a'mwe anga dazabanyara dazalyiya avaaimwaalyara sahwarina similika wimwaaina. Similika sara wimwaaina yadiyi' gaminyi dividaa'nyi a'mwe marewijaraav† maryasina kye' sahwar† dividaa'nyi mijamakuna. Sara yevera sahwara d̄na 'Nem̄ yawi'mwo. A'mwe dazai nemire kingiyai namwaaladika!' ¹⁵ Yagaala sa' mijamakuna kye' k̄ri' sar† kingiya dahilakina yesai divi ayina bina ȳna yakei. Sai w̄dina 'N̄mire nyidaayadivita s̄nnaw† n̄gwia w̄jaavena maryasage dazaraav† jaka duzila! N̄mi yawiranganide'na a'mwe yuya pwaina

pwainanyara n̄igwia kwaala gara gare ma'mwaata d̄ingaka?' ¹⁶ Sara w̄id̄ina kya' sahwara b̄na yeveraav̄daa'nyi pwai aayagaal' maarakei w̄id̄ina 'Naangeiḡi, ḡim̄re n̄igwia t̄wedi kinaaya (20) dazanḡdaa'nyi b̄zin̄iz̄ya yav̄ikaryena n̄igwia kwaala tu aadireti kinaaya (200) maa'mwana.' ¹⁷ Sara w̄id̄ina kya' kinḡyai w̄id̄ina 'Nȳidaayad̄inya tewaanyaiḡi, waw̄nya tewaanaange'na yadīnyaiḡinyīra. Ḡlȳv̄ita maalikenḡne'na nayaayavaada'gainad̄inyaiḡinyīra. Sarev̄daa'nyī da-haa' anga at̄iraalyanḡ d̄imaremwaaid̄eiḡinyī ḡithah̄lak̄weiḡinyīra.' ¹⁸ Nabaai ayaw̄daa'nyī pwai b̄na yaka buth̄na 'Naangeiḡi, ḡim̄re t̄wedi kinaayaj̄i (20) n̄im̄i b̄zin̄iz̄waw̄nya yadī dahaa' n̄igwia kwaala waan̄i aadireti kinaaya (100) maa'mwana.' ¹⁹ Sara w̄id̄ina kya' kinḡyai w̄id̄ina 'Nabaai sabaaib̄ī anga at̄ilyanḡ d̄imaremwaaid̄eiḡinyī ḡithah̄lak̄weiḡinyīra.' ²⁰ Nabaai waw̄nya w̄idaayade pwai b̄na ȳna yaka w̄id̄ina 'Naangeiḡi, ḡim̄re n̄igwia t̄wedi kinaaya (20) dava war̄ka dangaakana! Kwaab̄iȳvī'bubunya p̄ir̄iv̄i yewaa'mwagena wake davaakana! ²¹ Sare' dare'n̄es̄. Ḡim̄nyī gwangad̄i a'mwe k̄irī'm̄iryayiḡinyī. Ḡlȳv̄ita a'mwe pwara wakamaremwaaid̄visa, sa ḡim̄i maar̄ina yadīnyaiḡinyī. Nabaai t̄ika wapaaya a'mwe pwara bur̄id̄visa, sa ḡim̄i yabwarina yadīnyaiḡinyī. Sare'na n̄im̄i ḡim̄nyīna l̄ika naanga yadīnyainȳi.' ²² Sara w̄id̄ina kya' kinḡyai waw̄nya w̄idaayade dazari w̄id̄ina 'Nȳidaayad̄inya yuna kayaa'nanyaiḡi, yune ḡinnya yagaala dazah̄ir̄iv̄ine'na kot̄ya' ḡimarideiḡinyīra. Ḡim̄i yawī'd̄inyaiḡinyī. N̄im̄i a'mwe k̄irī'm̄iryainȳi. Nabaai ḡlȳv̄isa a'mwe pwara wakamaremwaaid̄visa n̄im̄i maa'd̄inyaainȳi d̄inga!! Nabaai t̄ika munne a'mwe pwara bur̄id̄visa, sa n̄im̄i yabwaryad̄inyaainȳi d̄ingaka! Sasareinȳi d̄ingaka! ²³ N̄innya n̄igwia "Benḡiyav̄i wak̄ima!" maja'neiḡi be'na yadīnyaiḡinaka? Sara ȳij̄i kwaj̄i nabaai aȳna bena n̄igwia kwaalyaj̄i ȳlak̄ip̄ja kabamaa'mud̄ka!' ²⁴ Nabaai a'mwe aya k̄iba gaida'daavadapiyaraavī dara w̄id̄ina 'Dazahware t̄wedi kinaaya (20) daza' w̄idamaarapij̄i a'mwe tu aadireti kinaayaj̄īya (200) dazari dumaarila!' ²⁵ Sara w̄id̄ina kya' sahwara w̄id̄ina 'Naangeiḡi, sai mena tu aadireti kinaaya k̄in̄nnakelȳra.' ²⁶ Sara w̄id̄ina kye' sai w̄id̄ina 'Ȳih̄ith̄vanige. A'mwe gazaizai tewaanya k̄in̄nnakei l̄mwagaza' nabaai n̄im̄i naanga p̄in̄ji yanga w̄ijaav̄deinȳi. K̄irī' a'mwe pwai tewaanya mal̄mwagaryajai, sai yune maalikenna l̄mwagaraja' sasare sa' marasi'nd̄es̄. ²⁷ Sare k̄irī' n̄im̄re ȳkamaanga dazara, sahwara yawī'na "Sai nem̄re kinḡyai namwaalad̄ka!" Sara yawī'd̄iv̄isa'na sar̄mī n̄im̄re t̄inna daryabanna makabap̄ij̄ī baramakila!' "

Jeruzaalemi Jizaazai kinḡya pwai w̄ilaawake'nes̄.

(Mat̄yui 21:1-11; Maak̄ 11:1-11; Joni 12:12-19)

²⁸ Jizaazai yagaala daza' mena ji'mwannaka s̄innawī anga Jeruzaaleminā kaanya waanyīna. ²⁹ Waanyīna yadehaa' anga Bepaaza anga Betaani sabanyaaina aya k̄ibanna ȳl'ma'na, mugunyav̄i Wolivi wo'n̄ikebanna, sare sabadaa'nyī gam̄ire m̄id̄idita pwaraar̄ī dara w̄idaas̄ina ³⁰ "K̄irīmī saraaihi anga akyamwina dulaawideraaih̄ilȳra. Sara w̄ilaawak̄ilī dogiya d̄iw̄nya pwai w̄ila ȳrak̄in̄ker̄ī b̄ramaa'na jideraaih̄ilȳī. Dogiya sai aaya mud̄i'na a'mwe aane pwai kwai milamwal̄bwaaayarī. Sare sai w̄ilya' yar̄makwaasak̄ilī d̄imakabidelȳī. ³¹ Sare sav̄i nabaai a'mwe pwai kwai dara ȳih̄ithaanganajai 'Dogoya sarī be'na ȳrala'man̄igileva!' ȳī k̄irīmī aȳna dara duzideraaih̄ilȳī 'Naanger̄i kumudaas̄wa' bamaa'mwoi.'

³² Saraarī sara mena maryaaśina kya' saraai kaanna w̄ina yagīla k̄irīm̄nyī yuya sara w̄idaka sanna b̄ramaa'na. ³³ B̄ramaa'na yagīla dogiya d̄iw̄nya sarī w̄ila'nya ȳl'd̄ivalak̄in̄ke' yaarīna yadaak̄ilī dogiya sahwarī kw̄iyakwarava saraarī ȳdaanganna "Dogoya d̄iw̄nya sarī w̄ilya' be'na galyaa'man̄igileva?" ³⁴ Sara ȳdaanganna kye' saraai w̄id̄ina "Naanger̄i kumudaas̄wak̄ira." ³⁵ W̄id̄ina kyagi "Wik̄ra," w̄id̄ina kye' Jizaazaryaw̄inna saraai d̄iw̄nya sai makab̄ina

yagila kirimtre baazi'ma'nya saaminya dogiyari a'ba yilakina kyagi Jizaazai a'ba bulevi yilamwaaina. ³⁶ Dogiyari yilamwaaina yadi'nyi makuna yadaa'nyi a'mwera a'mwemilika yilaaya'na kumire baazi'ma'nya saaminya tutaanya kaanya widavadaa'nyiyavaki kwala pigilawakiwilaawina. ³⁷ Kwala pigilawakiwilaawina yadaapi sahwai aya kiba tu'adaihisaba Mugunya Wolivi mena wilaabina. Mena wilaabina yakegaa' aaya walaramwannasaba gamire mididivisara kwala bwa'naanya yuyara Gotiyari yilaaya naanga yina. Yuya diraginya yijiwakadaa'nya tinna wanganeta sanna yawidiv' jaka diraginna dina yadiv' Gotiyari yaya' munyaba makina. ³⁸ Jake! dara dina

“Naangerine yayavina biwaka Kingiyari
Tewaanya naanga yanga yana!
Sigunyavine narya' yarai yima'nana!
Munyawinyarine yaya' byaannake' makilaana!”

³⁹ Jaka sara dina yadaapi Perizya pwara kwala bwa'naanyavidaa'nyara gaminyi widina “Wijawaakadinyaig, gimirre gimiididivisaraavi mayagaala duthathe'nanyira.” ⁴⁰ Sara widina kye' ja'nawidina “Yihithivanige. Kumire maange bipaibiza!, yi silyara kumi sara yagaala jaka dipidera daaka!”

⁴¹ Jeruzaalemi aya kibanna sai yi'mavaka anga naangeba tinna wanganna yina yaka savina kinnna maredina. ⁴² Sai dina “Dahaal yirika darikti nabaai gimi kave mwaalya sabwina, naryavine mena kyawi'dikebagi - we! Kiri' dahan' niminyina myawiryadinya'na naryavi wakya'nebwi myawiramaarivanig. (Niminyina 'Aala!' dadiv'i' daza gimi tinna mwanganyivanig.) ⁴³ Pigaal yima'najahaa' mala bwa'nya'ne gimirre yikamaangera gimi nyi yunewinna kurita ke'beva saaminya gyamaapi'de'ginyra. Kurita dazavt yunebanna bamwada'narapiti yunebanna akyamwi akyamwi maragihipaledaa'na gyipi'de'ginyi. Akyamwidaa'nyi akyamwidaa'nyi mala makulaabipi'devaginya. ⁴⁴ Sara yapiji gimi nyi kayaaka kuna gihalakapiji gimiiji ginnyaraji sanaaihiri kayaaka yihigalakipi'denaaihili. Sare'na giminne sila pwarit wanganakipi'dei mi'. Kurikavine sila pwarit a'ba yilamwaalikei mwari yadelyi. Aawa. Yuya wo'dalasi'nipi'dere. Aane pwai kwai waradei mi'. Aawa. Gotiyai maryasaabakei givadaihasamaarya'neri gimi simunya myawiri yagina bule wijaavaniginya'ginyi.”

*Gotiyare Angevi Jizaazai yake'nesi.
(Matiyui 21:12-17; Maaki 11:15-19; Joni 2:13-22)*

⁴⁵ Sai sara kinnna maredina yada sara dina yakegaa' Gotiyare Angevi wilaawina yaka sahiba kusawi nigwia mwagi'nadivisaraavi wlatamabwakiraasina yada ⁴⁶ widina “Gotiyare Bukuya' dara yida'nikesi. Nimire ange' niminyi wija'ne' mannadesira. Sara dinika kirii sarimi yawaasa'na a'mwe kukera lika yulyarya'nebabisaba yima'nwakebera.”

⁴⁷ Yuya yirikerikaavt Gotiyare Angevi wijiwaakada mwaalina. Sare sarina Gotiyarina mubithika yira'divita naangeraji Gotiyare Kiwijaraji a'mweraavire a'mwe naangeraji “Sahvari tamakaana!” deva yesare. ⁴⁸ Sare' dare'nesi. A'mwe yuyara gamire yagaalya' kadika wi'nya'na diraginna yivanigasaraavine'na.

20

*“Wawinya diraginya' aai gizaawakavaka?” Jizaazar yidaanganesa'nesi.
(Matiyui 21:23-27; Maaki 11:27-33)*

¹ Yirika pirkpi pigaal Gotiyare Angevi sai a'mwemilika a'mweraavt wijiwaakina yina yada yagaala tewaanya' wijiwaakina. Sara yadaa'nyiyaba gaminyawinna Gotiyarina mubithika yira'divita naangeraji Kiwijaraji nabaai a'mwe naangeraji

yıkabına. ² Sara yıkabına yeva wıdına “Neminyi dınedana! Daza yıvanıginya be dıraginyaşı yıvanıginya vaka? Dıraginya daza' aaihwai gızaawakavaka?” ³ Sara wıdına kye' sai kuminyi ja'nawıdına “Nabaai nımı kwainyiji yagaala pırı'na yıhithaanganıde'nanyıra. Nıminyı dınyıjıla!” ⁴ Jonımire bavıtaazıya yade' Sıgunyavıya' dıngaka? Sa' a'mweraavıre sımunyaburıdaa'nya' dıngaka?” ⁵ Sara ja'nawıdına kya' sarevı kumi sara dınyına “Nabaai nemı wıdaaza' ‘Sabwi Sıgunyavıyabulyıra,’ sai nedathe ‘Jonımire yagaalyavına dıragınna malımwagyaihi be'na yadıvıtaihilaka!’” ⁶ Nabaai nemı wıdaaza' ‘Sabwi yune a'mweraavıre sımunyaburıdaa'nyabulyıra,’ sara wıdaaza'na a'mwe yuyara sıla nanelıwakıpıdika! Sare' dare'nesi. Yuyara ‘Jonı Gotıyarı wı'nawıjıwaakadei, pıropetıyalıyıra,’ dıragınna yawıdıvısa'nanyıra.” ⁷ Sara dınyına yeva ja'nawıdına “Nemı myawırivanıgo. Jonımire bavıtaazıya' gawıdaa'nyı yıma'nake' dıngaka?” ⁸ Ja'nawıdına kye' Jizaazai kuminyı wıdına “Sasare savıdaa'nyı ‘Nımi dıragınya gatha'daresıyainyı yadınyainyakeva,’ mayıhızı yıhideinyı.”

Kayaa'nanyara gıraipıwawınyavı maremwaaidıvısaravaavınesi.

(Matıyui 21:33-46; Maakı 12:1-12)

⁹ A'mweraavı ke'ba'na yagaala datha' gaai wıjıwaakına “A'mwe pwai gıraipıwawınya pıjı' yaburıdakına yajazıki. Gıraipıwawınya sajı' ‘A'mwe pwara maremwaibıkajı,’ wıjaavına yakei gamı sai anga menya pıwı saamınyagaa' mwaalya'nei. ¹⁰ Gıraipıwawınyajıki tıka munne yabwaryagaa' gamıre wawınyavı maremwaaidıvısarayaayınnı gamıre wıdaayade pwarı maryasaabına. ‘Wawınya maremwaaidıvıta sangıdaa'nyı tıka munne pıvaa' wiabwariplıkajı,’ maryasaabına. Sara yına kya' kırı' a'mwe wawınyavı maremwaaidıvısarı wıdaayaderı mala tamına yeva kuneri ayına maragaibwakırasaabına. ¹¹ Sara yına kye' nabaai wawınyı wıdaayade pwarı ayına ayawınnı maryaaşına. Maryaaşına kya' nabaai sai kwarıji mala tamına yeva bıralyabwi yına yeva maragaibwakırasaabına. ¹² Nabaai ayına ayawınnı pwarına maryaaşına. Sarerı yınahu tamına yeva ga'bwarala naanga yınıkerı mwasiłaa marası'nyına kye' sai kunei ayına bına. ¹³ Sara yadaapıri wawınyavı gyakwai dına ‘Gatha'dara yıdeinyaka? Nınnıya nyıbwaalıvaangei nawı'nyına tewaanna wıvanıgei maryaaşıderı. Sahware yagaalyavı kadıka yınıga wi'na wı'nıpı'dei dıngaka?’ ¹⁴ Maryaaşına kya' kırı' wawınya dazavı maremwaaidıvıta dazara gamıre gawaalıvaangei badaaworiyarı tınnı wanganna yeva kumi sara dınyına ‘A'mwe dazai dıvi ganımaangere yuya sa maaradelyıra. Yarala, tamakaana! “Wawınya dazı' yune nemı saina lımwagaraana!” dawaaçı tamakaana!’ ¹⁵ Sara dınyına yeva gıraipıwawınya sajıki mwasiłaa makwalyuna yeva yınahu tamakına. Sarevıdaa'nyı gıraipıwawınya sajıki gyakwai sahwaraavı gatha'dara wiadelaka! ¹⁶ A'mwe wawınyavı maremwaaidıvısaravaavına bına yojı kayaaka wigalakadelyı. Sara yojı gıraipıwawınya sajı' a'mwe mudıka pwaraavı wıjaavadezıki.” Jizaazai sara wıdına kya' sa' kadıka wı'nevera wıdına “Sasare sabwi myıma'nanna! Arıkawı.” ¹⁷ Sara wıdına kye' sahwai kuminyı tınnı wanganaka wıdına “Bukuyavı yagaala dazavı be kaavıla' warıkavaka?

‘Sıla dazai anga madıvisara yawıbwarası'nesi,

Angevı simıjamaanga yuna naangei yıma'nıwakelyıra.’

¹⁸ Sara dınike' a'mwe gazaizai sıla dıragınaanga dazarı walatannojıyai, yuna kayaaka wısi'nadelyı. Nabaai sıla dazai a'mwe pwai kwarı a'badaa'nyı walaramajai dazai yuna kayaaka mılıki'nyına yojıyai yune surınya yıwagakına yadelyıra.”

¹⁹ A'mwe Kıwıjarajı Gotıyarıne tamira'dıvıta naangerajı sahwara yawı'na “Yuna dazagaa' sahwari galımwagaana!” dınyına. Sare' dare'nesi. “Sahwai yagaala

daza' neminyine'na kwaasi dìvanikeva." Kiri' a'mwe yuyara mwaaidapiyavina lika naanga yina yeva kave mwaalina.

Sizaari taakiziya wijaayabwina yidaanganesa'nesi.

(Matiyui 22:15-22; Maaki 12:13-17)

²⁰ Sagaa' gaminyi baihana'na yadiv'i a'mwe pwaraavi gamirebur'i kwaasi yawiramaata'neraavi maryasaabina. A'mwe dazara kwaasi darebwi yadiv'i "Neminyina 'A'mwe yida'maraangerera,' yawirana!" yawiresaraavi "Gamire yagaala kayaa'nanya' wi'nawaaji Ga'maaninya naangeryaba kotiyavi marakaana!" deva maryasaabina. ²¹ Sarera kwaasi dara yidaanganna "Wijiwaakadinyaig'i, nemi nayaa yawi'manigo 'Gimire yagaalya' yida'maraangesira. Sara yadi gimi saigi a'mwemiliikaavi a'mweraavi yagaala nebulya'na wijiwaakadinyaiginya'ra. A'mwe naangeraavina lika myadinyaiginya'. Aawa. Yuyaraavi Gotiyarebwi yune nebulyabwina wijiwaakadinyaiginya'ra." ²² Sareig'i gara yawi'manig'i? Gotiyare kiwinya' ber'i dinikavaka? Sizaari taakiziya wijavaadeina dingaka? Mujaayi yaadeina dingaka?" ²³ Sara yidaanganna kye' sahwai kwaasi yagaala widadaapiya dazabwina mena yawi'na. Sarevi sai widina ²⁴ "Taakizinigwia piri' dinya'jiwaainyila! Nigwia dazavi pikaryasi pikizaayasi warike' aarnevaka?" Widina kya' sahwara widina "Sizaarinnesira." ²⁵ Sara widina kye' sai widina "Yi Sizaarinne sa, Sizaari duzaayidengira. Nabaai Gotiyare sa, yi Gotiyari duzaayidengira." ²⁶ Sara nayaa widina kya' a'mweraayaba gamire yagaalyavina magalalimwagi ye!. Yagaala kuminyi wiriviki'daasiya dazanna atika maru'na'na. Sara yeva yagaala majin.

A'mwera baidiv'i ayina dikaaasabwina yidaanganesa'nesi.

(Matiyui 22:23-33; Maaki 12:18-27)

²⁷ A'mwe pwara Sazuziyaraavire yisavaakidaasara gaminyawinna bina. Sahwara Sazuziyara yuyara dara dadivisare "A'mwe baidivisara ayina madikaayi yipi'derera." ²⁸ Sarera bina yeva yidaanganya' widina "Wijiwaakadinyaig'i, neminyina Mozizai yagaala piri' dara yidayaakesira 'A'mwe pwai kwai kwala maaroj'i yai divedaa'nyi kaimiraavimaayai balina yaja' nabaai gamijya gathaa'gahwaai pwai a'mwe savi kwala maarina yoji baryarine kaimiraayai yimavidaakuna yana!" ²⁹ Sara yida'nikeviedaa'nyi kumi avaalyadaraka ata puridaa'nyi pwaraalyara mwaalina. Sareraavidaa'nyi pwai aaya siraangei a'mwevi kwala maarina. Sarei sai kaimiraavimaayai balina. ³⁰ Sara balina kya' ayawidaa'nyi gahwaalaanga pwai a'mwe dazavi kwala maarina, balina. ³¹ Divedaa'nyi ayawi gahwaalaanga pwai avaaina sana yina. Sasare savi ata puridaa'nya pwaraala yuya sadaraka a'mwe savi kwala maareva yuyara kaimiraavimaayara balina. ³² Yuyara sara balina kye' divedaa'nyi a'mwe sa' kiris'i balina. ³³ Sarevidaa'nyi a'mwe baidivisara ayina dikaaapijahaa' a'mwe daza' a'mwe aaihware' mwaaladevaka? Yidaanganya sare' dare'nesi. A'mwe ata puridaa'nyi pwaraalyara a'mwe savi kwala maareva kumire a'mwe mwaalake'nanyira."

³⁴ Jizaazai kuminyi widina "Yuna dhaaasara kwala maa'divi' kwala maa'nadivisare. ³⁵ Kiri' divi nawi'nya sagaa' kurinakera mwaabitinera, ayina dikapinera yi dazara kwala mamaari yina, kwala mamaa'nyi yina yipi'derera. ³⁶ Sare' dare'nesi. Ayawidaa'nyi ayina mabalyi yipi'dera. Sare' dare'nesi. Ejelyarabi' mwaabit'derera. Gotiyai baryaraavi ayina yidikaavaja'na gamire kaimiraayara mwaabit'derera. ³⁷ Nabaai a'mwe bainikera ayina dikapidei' Mozizai kwalyi nejwaakadelyi. Yita maalikiki ditaalita yidadaa'nyiya'naj'i kiwinya dara dadelyi 'Daha' Naangei Eviraamimire Gotiyalyi. Aazakimire Gotiyalyi. Jaikopimire Gotiyalyi.' Sara dinikesi. ³⁸ Sasare savidaa'nyi Gotiyai yune a'mwe bainikeraavina Gotiyai miha. Aawa. Sai Gotiya a'mwe gaala kurinakeraavinelyi. Sare' dare'nesi.

Gotiyai yawi'na 'A'mwera yawi'na "Bainikerera," kiri' yuyara gaala kurinakerera.' " 39 Sara widi'na kya! Kiwi'ja pwara gaminyi ja'nawidi'na "Wiji'waakadinyaigti gimi' tewaanya diwaana." 40 Sare' dare'nesi. A'mwera ayina yidaanganya aane piri' kirisiti wi'ja'ne' lika naanga yesa'nanyi.

*Jizaazai gamizarina Periziyaraaviyidaanganake'nesi.
(Matyui 22:41-46; Maak 12:35-37)*

41 Kuminyi' widi'na "Gatha'darevi dadivitavaka? 'Kiraazitiyai, Gotiyai dahilakakei, Devitimire kaimiraayalyireva.' 42 Yidaanganya sare' dare'nesi. Bukuya Saamiyav Deviti gami sai dara wi'jaa' 'Naangei nimire Naangeri dara wida'

"Gimi' nimire aangasimagi diraginyaba mwaaida'gizi"

43 Yikamaangeraavi gimirre sivilyiraari marulawaki' dehaan'nyi," "

44 Sara dinikeviedaa'nyi Deviti gami sai dina 'Naangelyira.' 'Sai gamire kaimiraayala, gatha'darevinaka?"

(Matyui 23:1-36; Maak 12:38-40; Luk 11:37-54)

45 A'mwe yuyaraayaba, yuyara kadika wi'nyina yadaapi, sai gamire mididivisaraavi widi'na 46 "A'mwe Kiwi'ja daraavina yawirapiji nayaa javada'gainyideihilyira. Mala nayaa jiwannyideihilyira. Dareraavinesi. Baazi'ma'nya saaminya baazi'ma'nadi'v'i kaanya yamarya'na tewaanna wi'vu'naderera. A'mwe a'mwera kwala yi'bwa'nemwaaidivisaba wabwiwayagaala 'A'mwe naangeigi!' wi'javwina tewaanna wi'vu'naderera. Lotuangevi nawi'nyaba a'mweraavire tinnyari' walamwaalya'na tewaanna wima'naderera. Sara yadi'v'i tika munne naangengi namwaalyita nawi'nyari' yilamwaalya'na tewaanna wi'vu'naderera. 47 Sarera a'mwe yaanyiwaakengi kwaasi yagaala widadiv'i kunnya angengiya kuka yuna maa'divisarera. 'A'mwera neminyina "Tewaanyarera," yawipi'ka!' deva Gotiyari wi'javwina saaminyabwi mijemwamwodivisarera. Sara yadi'vita sabwine'ne' wirivikrya'negaa' taanginya naange' pwaraavi wavilasa' kuna maapi'dererera."

21

*A'mwe yaanyiwaake' Gotiyarine nigwia wijaavake'nesi.
(Maak 12:41-44)*

1 Maranganna yaka baihana'di'nyi a'mwe gi'lyivita naangejiyara Gotiyarine nigwia wakadivita bukusari nigwia sihumale waki wakya yina. 2 Waki wakya yina yadaapi tinna baihana'na yada a'mwe yaanyiwaaka wiganaka piri'vi tinna wanganna. Sahiri' bukusari nigwia maalika pukaainanyikaai yirakakesi. 3 Tinna wanganna yaka widi'na "Nebulya'na yihithivanige. A'mwe yaanyiwaaka wiganada daza' nigwia yirakivanike' a'mwe pwaraavi wavila'mwakesira. 4 Sare' dare'nesi. Yuya dazara nigwia naanga kininnakera, sarera Gotiyarine wijaaya'ne pimaginya maalikemili'na wijaavanigasarera. Kiri' a'mwe daza' yuna wiganadaa'nyi kiri' gamire nigwia yira'ki'na yivanike', gaminne tika wapaaya mubya'ne pin' mivainyi yiwakesira."

*Jeruzaalem i kayaaka yinya'nesi. Aayagaa'ne wijiwaainya'nesi.
(Matyui 24:1-2; Maak 13:1-2)*

5 A'mwe pwara Gotiyare Angevina dina "Anga dazavi silla tewaanya paidapaise yi'dej'i mannikesira. Nabaai Gotiyarine yuya nawi'nya, sihumale saji aaraare yawakadivisasira." Sara dina yadaapi sai widi'na 6 "Dahaal' sarimi tinna wangamanigata daza pigaa' yima'najahaa' silla pwai silla pwar a'badaa'nyi yilamwini' naradei mik! Yuya budawasi'na yipi'ja kewini' bwalariaawadengira."

(Matyui 24:3-14; Maak 13:3-13)

⁷ Sahwari yidaanganna wie! “Nejiwaakadinyaigi, dazaba gathihaaasagaa' yima'nadevaka? Sarevi nemt yawiranganaade ‘Sarevi sa' yima'nadehaa' aya kigaa'ne wijiwaainya' berivaka?’ ” ⁸ Sara yidaanganna kye! sai wiidina “Sarimi mala nayaa jiwannyila! Kwaasiyabwina nayihithipi! Sarevi dare'nesi. Sarimi nyawinna a'mwe kwalaalyara badivti niminyine yaya' yihithadivti wiidina ‘Nimi sainyi sahwainyira.’ Nabaai sahwara yihithipi!de ‘Aya kigaa' mena yima'niwakegaakira.’ Sara yihithipi!jaraavti namidibithika! ⁹ Mala naanga bwa'nadivti dadaapiya sangina sarimi kadika du'nyideihili. Sare sanna sarimi lika nyiwaainipidika! Aawa. Sare! dare'nesi. Sasare dazaza sinnawi mena yima'noji kirii yirika aayari'negaal' yime'nya'bii yima'nade! miika!”

¹⁰ Sagaa' sahwai wiidina “A'mwe anga naanga pimaginyaarajt a'mwe anga naanga pimaginya pwaraji mala bwa'nipi'derera. Nabaai kingiya pware savaasi kingiya pware sarajt mala bwa'nipi'derera. ¹¹ Kwaakevakti wiiniya naangenna naangennanya lavirimwagakadevakira. Anga pimagidaa'nyi anga pimaginna a'mweraavi mijika naangeji nabalya naangejt yima'naderera. Sigunyavi dala nabinabinya naangenna naangennanya wijiwaainya yima'naabazangti lika yiri'galamihya'ne danganyideihili. ¹² Kirii yuya daza mima'naabyadozi sarimi nyi ata galayihilimwagapiji yuna kayaa'na yihipi!deihili. Lotuangengi kotiya yihimaryadivti kalavuzavti yihimwangimwaanihipi!deihili. Niiminne yaya savina ‘Marulawakaana!’ yawi'divti kingiyarajt Ga'maaniya naangerajt saraayawinna yihimakabadivti yihimaridaakupi!deihili. ¹³ Sasare savi niminyina nayaa jalikurakina jide'nanyi. ¹⁴ Sare savidaa'nyi sarimi yagaala kumi nyi ayina wija'ne sarimire simunyar myawiramaremwaabi'na! ¹⁵ Sare! dare'nesi. Sarimire maangikaavti nimt sainyi nimire yagaalya yihwakadi simunya tewaanya yihizaavideinyira. Sare'na sarimire yuya yikamaanga kwara nimire yagaala yihizaavijia dazavti marayihirivikipi'dera miika! ¹⁶ Sirinimaangerajt siridaasirigwaaravajt avaalyarajt sryamwerajt sara yikamaangeraayawinna yihimaariipi!deihili. Sara yadaapi sarimi nyidaa'nya pwaraavti tamakipi'derera. ¹⁷ Nabaai a'mwe yuyara niiminne yaya savina yawi'divti sarimi nyina simili ka wimwaalade'nanyi. ¹⁸ Kirii! sarimire miyanginyangiyi mijata aane pwai kwai samwi yala'daavadei miika. Arikewi. ¹⁹ Sarimi diraginna daavapijyavti sarimire gaalyabwi dimaaryideihili.

(Matyui 24:15-21; Maaki 13:14-19)

²⁰ Divi Jeruzaaleminna aamiyara aawilasara bapiji bahihipaidapi sarimi danganyidehaa' jawiryide ‘Anga naangeba kayaaka yigalakya'negaal' mena nebawa miika!’ ²¹ Dazagaa' a'mwe anga Juthiya mwaabi'zara mugunyangina likaanya yilaawipi!ka! Nabaai a'mwe Jeruzaalemi mwaabi'zara yarai yagalya'mavapiji piwinnera wipi!ka! Yi anga naangeba mwasila mwaabi'zara sahiba kusawi mulaawi'pi'na! ²² Dazahigaa' yi Gotiyaregaa' kayaa'nanyabwina tivikita ya'negaal' yima'nadehaakira. Sarevi daa'nyi yagaala yuya Gotiyare Bukuyavi yida'ni ke sa yuna nebwina yima'nadennanyira. ²³ Yirika sasareriikaavti a'mwe kaimiraavimunnakenna we!! Nabaai kaimiraayangti aamunya ya'daapijyanna we!! Sare! dare'nesi. Kwaaka dazavakti taanginya naange! yima'nadevaka! Gotiyare sinnna tike! a'mwe dazaraavti a'mwe dazamiliikaavti waradesira. ²⁴ Kwaari'masiraminya! yuneba tamaasaderera. Yikamaangera kalavuza maa'divti ajimya yuyangiyaraavti marimwaanihipi'dere. A'mwe ajimya yuyangiyaraavire sivilyajt Jeruzaalemi paihi'divti dathiwagemwaaibi'derera. Sara yapiji'yaraaviregaa' dividaa'nyi ajimya yuyangiyi saraaviregaa'na yinahu mi'na kyima'noji Jeruzaalemi Juyara ayina nayaa maremwaaibi'desira.

(Matyui 24:29-31; Maaki 13:24-27)

²⁵ Nyiliyariji laweriji silinggaaminyarikaaviji sigunya yunewi dala nabinabinya wijwaainya'ne yima'nadengi. Nabaai Kwaakevakti saalaalyavire aalimavajinaake' yimunya'bti wilapida gazamilisamil'i wilamujangi'daawori a'mwe ajimya yuyangiyaraavire simunyavi yuna kayaaka wigaida lika naanga yipi'dererera. ²⁶ A'mwera Kwaakevakti yima'nade sanna yawi'div'i kumire kilaakejiti'na lika naanga yipi'dererera. Sare'na kumire tinnyara jihimihita kiribibinya wibwaa'naderera. Sare' dare'nesi. Sigunyavija diraginya di'nake sa yonyi yonyi yima'nade'nanyira. ²⁷ Daza' kima'noji A'mweraavine Kaimiraayainyi yiraaya piyikti waidavadaa'muri diraginya naangesi byaanna naangesiyainyi nyangabti'deinyi. ²⁸ Divi yuya daza gaai yima'nadaawori 'Gotiyai neminyi ayina maarya'negaa' aya kiba menanyira,' yawi'divi' sara yima'nya'ne'na nayaa diraginna daavapijji sarimire minyaginyi' kekina dihahita jideihilyi."

(Matiyui 24:32-35; Maaki 13:28-31)

²⁹ Sahwai ke'ba'na yagaala piri' kuminyi widina "Yita pihiyikiji yita pukaaviji tinna wangadivisaihilyi. ³⁰ Yikwarake' yinariwaala kya'noji tinna wanganapiji sarimi saihi jawiryide 'Nyiliyai gaai damaaroji tewaanyagaa' aya kigaa' yima'nade' daaka!' ³¹ Sasare sahibbaabisisa' sasare sahini kima'noji tinna wanganapiji jawiryide 'Gotiyai a'mweraav'i maremwaaidemena aya kiba daaka!' ³² Nebulya'na yihithivanige. Sarevi a'mwe sagaasara mabalyi kyapiri yuya daza mena yima'nadehaananyi. Arikewi. ³³ Sigunyas Kwaakesi mena yiwina yojikiri' nimire yagaalya' yiwode' miika. Arikewi.

³⁴ Sarimi mala nayaa jiwannyila! Biyaaya nyawaaihasa'na minyaginyi' kiribibinya nyihima'nadiika! Biyaaya yuyagaa' yaasiwa'na nadivi' yimaka nyuibithika! Kilaakejikine sanna simudaadaanya nyawi'mwaainipidika! Sasare sabwi sarimire simunyavi kuna dathivaina yihyoji yi sagaa' naanya' yaawiarilivavudihidivaib'i Naangere yirikeri' yime'nya'bti yihibiramaaradeihilyi. ³⁵ Sare' dare'nesi. Yirika dazar'i a'mwe Kwaakevakti yuneba mwaaihata yuyaraavi yima'naderiki. ³⁶ Gazagaasagaa' sarimi nayaa divaihanaryila! Sara yadivi' 'Neminyi diraginya nejaavana!' dapi Gotiyari diraginna jithaanganyila! Sarevi'daa'nyi yi yima'naabathe yuya dazangi davilayideihilyira. Sara yapi A'mweraavine Kaimiraayainyaba dithaayide'nanyira."

³⁷ Yuya yirikerikaavi Gotiyare Angevi a'mweraav'i wijwaakakelyi. Sawisavi Mugunya Wolivi wo'nikevina se yila'daawadelyi. ³⁸ Sarevi yuya a'mwera yuna mwanyavina dikakwalyodivi' Gotiyare Angevna gamire yagaalyang'i kadika bu'nya'nera badivisarera.

22

A'mwe naangeraavina Jizaazari wibwaridaakwia'na Juthaazai nebwina widake'nesi.

(Matiyui 26:1-5,14-16; Maaki 14:1-2,10,11; Joni 11:45-53)

¹ Girkula liwinya mavamidakya'ne munnegaa' nawi'nyagaa' aya kigaa' mena yima'nyina. Yi "Pari'ma'munneva! Gotiyai Ne sinnawinyaraav'i yivainyaakegaaka!" dadivisagaaki. ² Aya kigaa' mena yima'nyina kya' Gotiyarina mubithika yira'divita naangeraji Kwiijarajti sahwara aanga'mweraavina lika yina yeve'na kuna dinya'na "Nemi sahwar i kave gatha'dara yawaaji tamakaadelaka?"

³ Sagaa' Kayaa'nanyai Saataani Juthaazare simunyavi wilamwaaina. Sai Yizikeriyotiyala wo'nikei, siviliridaa'nyi pwaraalyaraavidaa'nyai. ⁴ Sarei wawokegaa' Gotiyarina yira'divitara piriziya naangeraji Gotiyare Angevi maremwaaidivita naangeraji yagaalya' jamungajina. Sahwar kuminyineba wimaarya'ne tusari'na brya'nei. ⁵ Sara mena jamungajevera yilaaya yeva Juthaazarit

n̄igwia w̄ijaaya'ne'na jamungajak̄na. ⁶ Sarev̄ kum̄tre yagaalyav̄na Juthaaazai “Ya!” w̄d̄na yakei sahwar̄ kum̄nȳneba w̄maarya'ne tusar̄'na b̄r̄na b̄r̄na. Sarei yune gave p̄gaa'nei, a'mwe gamij̄ mye'mwannamwaalyadapiyagaa'nei.

T̄ka wapaaya ye'mwannanya'ne aaya'nesi.

(Mat̄yui 26:17-25; Maaki 14:12-21; Joni 13:21-30)

⁷ Ḡir̄kula l̄iw̄nya mavamidakya'ne ȳr̄ke' ȳma'nȳna. Ȳr̄ka dazar̄ki Pari'ma'munne sip̄zip̄iya d̄w̄nyai tadivisagaaki. ⁸ Sarev̄ sai Pitariji Jonim̄ji saraar̄ maryasa'a'neraari w̄d̄na “K̄rim̄ wawok̄lȳ nem̄inne t̄'munne t̄ka naade jov̄rawakaawila!” ⁹ W̄d̄na kya' saraai w̄d̄na “Naar̄m̄ gaw̄ yov̄rawakade'na neh̄th̄waana?” ¹⁰ W̄d̄na kyagi sai w̄d̄na “Ȳthaanyi! Anga naangebanna w̄laawak̄lȳ a'mwe pwai kwad̄ka naangevi aalya' makwoj̄iyai tutaanyav̄ k̄rim̄nȳ ȳhurata'najai. Ȳ k̄rim̄ sar̄ m̄jamakuna yakilȳ anga gam̄ w̄laja sav̄na kwaraaih̄lȳ w̄lin̄na jides̄ra. ¹¹ Sara yakilȳ anga dazav̄ gyakwalaanger̄ nayaa dara duzideraaih̄lȳ ‘Nej̄waakadei ḡim̄nȳ ḡith̄wakeiḡnȳ “N̄mireraj̄ t̄'munne naade' n̄minne ku'd̄ke' gava war̄ka?”’ ¹² Sara kudakilȳ sai ku'd̄ka yarin̄ka naange' munyaw̄, wapeȳ'b̄nyaj̄ namwaalȳsaj̄ k̄innnakevi ȳhibwar̄daakwadelȳ. Ku'd̄ka dazah̄ir̄vi t̄'munne jov̄rawakyideraaih̄lȳ.” ¹³ Mi'na w̄d̄na kya' maryasakeraai kaanna w̄na yaḡla gam̄ w̄d̄aka k̄baaina sana ȳna yagi. Sara yaḡla Pari'ma'munne yov̄rawak̄na.

(Mat̄yui 26:26-30; Maaki 14:22-26; 1 Korid̄ 11:23-25)

¹⁴ T̄ka nya'negaa' mena kima'na' ȳl'b̄nyav̄ sai walamaaaina yadaa'nȳ w̄daasadera apozel̄yara walaye'mwannemwaaina. ¹⁵ Sai w̄d̄na “Sar̄im̄ji Pari'ma'munne da' ye'mwannanya'na tewaanya d̄raḡinna nȳvu'n̄van̄! Sara ya'muj̄yainȳ d̄vi daanga maar̄deinȳra. ¹⁶ Sare' dare'nesi. Dara ȳh̄th̄van̄ge. Sar̄im̄ji t̄'munne ayaw̄daa'nȳ sasara ȳhye'mwannan̄deinȳ m̄ka. Ar̄kaw̄. K̄ri' Got̄yai a'mweraav̄ maremwaalade sa yune nebwina ȳma'najahaa'na ȳ sagaa' aȳna n̄deinȳ.” ¹⁷ W̄d̄na yaka kaap̄ivananyaai maar̄na yaka Got̄yari sua w̄d̄na yaka w̄d̄na “Sar̄im̄ datha' maarap̄ij̄ yanga d̄mun̄gulaawila! ¹⁸ Sare' dare'nesi. Dara ȳh̄th̄van̄ge. Dahaas̄ d̄vi k̄gaas̄ waain̄w̄lyabaar̄daa'nȳ ȳisiaalya manȳ ȳdeinȳra. Ar̄kaw̄. Got̄yai a'mweraav̄ maremwaalade sa' yune' nebwina ȳma'najahaa'na ȳ sagaa' aȳna n̄deinȳ.” ¹⁹ W̄d̄na yaka ḡrikulya' maar̄na yaka Got̄yari sua w̄d̄na yaka gunȳna yaka w̄jaav̄na yakegaa' w̄d̄na “Daza' n̄m̄ire k̄laakej̄ik̄ra. Sar̄im̄nȳne'na w̄jaav̄n̄idezik̄ra. Sar̄im̄ yuyagaa' sasara yadi'vi' n̄minȳna aȳna jaw̄ryidevwinesi.” ²⁰ W̄d̄na kya' mena nevegaa' kaap̄ivananya sahwar̄ avaaina sana ȳna, “Kaap̄ivananya dathai n̄m̄ire tawev̄ya yagaala w̄limwagar̄ke mud̄kes̄ra. Sar̄im̄nȳneba n̄m̄ire tawe' ȳh̄th̄ingik̄des̄ra. Nȳramak̄pi'des̄ra. ²¹ K̄ri' ȳthaanyi, a'mwe n̄minȳ ȳkamaangeraav̄na nȳb̄war̄daakwia'nei ȳl'b̄nya dava dav̄ n̄m̄ji' ye'mwannamwaaihola dalaakana! ²² A'mweraav̄ne Kaim̄raayainȳ s̄innawi Got̄yai tut̄ yaw̄b̄warakakevi mid̄iman̄ge. K̄ri' we!! Ȳkamaangeraav̄na nȳb̄war̄daakwia'ne dazari kayaaka gara ȳgainadei d̄ngaka! We!!” ²³ Sai sara daka yadi'nȳ kum̄ sara ȳdaanganȳ ȳdaanganya bin̄gul̄na “Sasare sabwi aaihwai yade'nevaka?”

²⁴ D̄vi maal̄kegaa' sahwara gavamaras̄'nȳyagaala d̄nȳna, “A'mweraayaba nem̄nȳdaa'nȳ nem̄ire a'mwe naangei aaihwalaka? N̄mi' d̄ngaka!” ²⁵ Sara w̄desav̄na sai w̄d̄na “Aj̄mya yuyanḡya kinḡyara kwaakewinna a'mweraav̄ marulawakad̄visara. A'mweraav̄ maremwaalyabwine d̄raḡnya' k̄innnaker̄a yawi'na 'A'mwera nem̄nȳna yaw̄p̄ka! “Sahwara yanga neyad̄iv̄sarera.”’ ²⁶ K̄ri' sar̄im̄ sasare sabwi nȳpid̄ka! Aawa. A'mwe sar̄im̄nȳdaa'nȳ pwai

naanga yima'najai sai aaya dìviyai yima'nana! Nabaai sarimire maremwaalyai sara yihthaayadei mwaalana! ²⁷ Sare' dare'nesi. A'mwe naangei aaihwalaka? A'mwei yibinyavì namwaalyisari mwaaidi dìngaka? A'mwei wapaaya bulawijaaya'ne widaayadei dìngaka? Namwaalyisari yilamwaalaka tika munne nada a'mwe dazai sahwalyira. Kir'i sariminyi tinnyaba sariminyi gaimwanga ya'neinyi yihthaayadeibisainyira."

²⁸ "Niminyi yijiwaala'ne yima'nakegaa' sarimi kwaihiliyi kuna nye'mwannamwaaimanigasaihiliyi. Nyagalya'makuvanigataihi mika. ²⁹ Sarevì niminyina Niamaamaangei maremwaalyaburi nyijaavakabaaibì' sariminyina maremwaalyabwi yihzaavideinyira. ³⁰ Nimire maremwaaidinyainyire yibinyavì ti'munne nye'mwannanadivi' aalya nye'mwannanya'neihi yihzaavideihiliyi. Nabaai kingiyaraavire namwaalyisaraavi mwaalapiri a'mwe Yizireliya yita savakaaviya sivilaridaa'nya pwaraalyaraavine yawibwa'divsaihi dimwaalyideihiliyi."

(Matyui 26:31-35; Maak 14:27-31; Jon 13:36-38)

³¹ "Saaimoni! Saaimoni! Yithaa! Kayaa'nanyai Saataani sariminyi maarya'na mena widiwakeihiliyi. Wituya asasi giridavaliliavaidevaabibì' yijiwaalya'neihiri walayihivapalakadeihiliyiira. ³² Sare kir'i Gotiyari gimininyina dara yidaangamweiginyi 'Saaimoni'mire diraginna limwagasabwi mimaananna! Sareigì niminyina ayina ginyima'naawa'gizi ba'giziyaigì gimiijiya ja'mweraavì jivaimwadeiginyira." ³³ Sara widina kya' sai widina "Naangeigi, gimiiji kalavuzangevina ye'mwannigwiya'naji gimiiji ye'mwannabalya'naji mena yawima'niveinyira." ³⁴ Sara widina kya' sai widina "Pitaigì gitihivanige. Sawita datharikì yirikunyagaa' kukuraayai jaka majadoriyagaa'na dahasaai dhaaa' Jizaazarì mwanganyainyira,' duthatheiginyira."

³⁵ Sai yuya sahwaraavì widina "Sinnawi kigaa' nimi yihimaryaaseihi, nigwipaawiziyajì gilyajì kwaari'masivilyajì mamakwiyi yesaihiliyi. Dazahigaa' sarimi gilyivita piri' kir'i yihimudaasakeihi daaka?" Widina kya' sahwara widina "Aawa. Neminyi aane piri' kir'i mika!" ³⁶ Widina kye' sai widina "Kir'i dhaaa' a'mwei nigwipaawiziyakininnakei sai sa' nayaa maarana! Gilya kirisi avaala sara jila! A'mwei kwaari'masiraminya maayai gannya yivisa' nigwianna mubina yoji kwaari'masiraminya piri' mubathelyira. ³⁷ Sare' dare'nesi. Dara yihthivanige. Gotiyare bukuyavì yida'nike' yunebanna niminyi nyima'nana! Dare' dinì 'A'mwe kiwinyangì galazekivaidivsaraji ye'mwagakip'i'delyira.' Sare' dare'nesi. Yuna dazahiriisa'na niminyina yida'nike daza', sai yunebanna dhaaa' nebwina nyimwannade'nanyi. (A'mwera niminyina kayaa'na yawi'manigatabaaibì' nabaii sariminyina yawipi'devina yihthiwa.)" ³⁸ Sara widina kya' sahwara widina "Naangeigi, yithaa, kwaari'masiraminya piriwaai dathawaalaakana!" Widina kye' sai widina "Sa' yiniga wi'nanyira!"

(Matyui 26:36-46; Maak 14:32-42)

³⁹ Anga naangebadaa'nyai walyawoka yuyagaal ayabanna widaawadeva Mugunya Wolivinei kaanna wina yadaa'nyi mididivsara sahwari midinna. ⁴⁰ Sara yadaapiji simagi kiba mena yimavaka sahwaraavì widina "Naangeri nayaa duzila! Yijiwaala'ne kayaa'nanyabwi sariminyi nyihbiramaadaridika!" ⁴¹ Widina yaka saraavì yagalya'ma'na yaka menya sangiri' a'mwei sìla liwakadaa'nyi wa'daawadevanna wina. Mi'na wina yaka kwadaai walagina yaka widina ⁴² "Nimwai, gimi tewaanna nyawira'gizi kaapivananya dai dimarasid'vevaabibì' balya'ne da' dimarasika! Sare' kir'i nimirebwi mamididinna! Aawa. Yune ginnyabwina dimidina!" ⁴³ Widina kya' Sigunyavidaa'nya ejeliya pwai gaminyawinna walaabina yaka diraginna yivaimwanna. ⁴⁴ Sagaa' Jizaazai gamire kilaakejiki taanga naanga widaa'nyi yibwakida Gotiyarina diraginna naanga

kuna w̄idina. Sara w̄idadaa'nyiyav̄i gam̄ire d̄ikwaḡilya' tawe'b̄i' ȳima'nyina yaka kwaakevak̄ina bwalaravaaw̄ina. ⁴⁵ Bwalaravaaw̄ina kya' mena w̄idakegaa' daav̄ina yaka gam̄ireraayaw̄innei kaanna w̄ina. Sarei gam̄ireraav̄i t̄inna dara wanganake' "Se dakava!" Simunyai taanga wina'daa'nyi, sareviidaa'nyi wa'dapi. ⁴⁶ Sara daka w̄idina "Se da! be'ne! wakava! D̄ikaavap̄ij̄ Got̄iyari duz̄la! Sariminyi ȳij̄waala'ne kayaa'nanyabwi bozi nayihilimwagath̄ika!"

(Mat̄yui 26:47-56; Maaki 14:43-50; Joni 18:3-12)

⁴⁷ Sahwai yagaalya' kuna dadaa'nyiyagaa', ȳithaa, kwalaalyara ȳikab̄ina. A'mwe dazai Juthaazai wo'n̄kei, sai s̄iv̄ilir̄idaa'nyi pwaraalyaraavidaa'nyai, ȳi sahwai wibwaridaakuna. Sarei maangw̄idaayilaaya ya'nei Jizaazaryaba aya k̄ibanna w̄ilaab̄ina. ⁴⁸ W̄ilaab̄ina kya' k̄iri' Jizaazai w̄idina "Juthaazaiḡ, A'mweraavine Kaimiraayari maangw̄idaayilaaya ȳiwaanya' ȳi daza' n̄im̄re ȳikamaangeraav̄i nȳimarimwangide'na daaka!" ⁴⁹ W̄idina kya' gam̄inyaba daavesara ȳima'nyav̄ina yawiranganna yeva d̄ina "Naangeiḡ, dahwaraav̄i nem̄ kwaari'mas̄ram̄nyasi tamakaade'na ḡim̄ gara yawi'mwaana?" ⁵⁰ D̄ina kye' gam̄ire pwai Got̄iyarina Mub̄ith̄ika Ȳira'de Naangere w̄idaayaderi mala yarai tam̄ina yaka kad̄ika aangas̄maḡinyi' yuna daku'na kya' bwalaraaw̄ina. ⁵¹ Sare sav̄i Jizaazai t̄inna wanganaka ja'nawidina "Sabwi mip̄ina!" Sara w̄idaka a'mwe dazare kad̄ikikyaba ata dath̄wanna ȳina yaka a'mweri aȳina tewaanya pada'galawimwaaiah̄ina. ⁵² Tewaanya pada'galawimwaaiah̄ina yaka Jizaazai Got̄iyarina ȳira'div̄ita naangeraj̄i Got̄iyare Angevi maremwaaaidiv̄isaraj̄i a'mwe naangeraj̄i sara gam̄inyi galalimwange'na ȳikabesaraav̄i w̄idina "Kuka ȳipalasi'naderi ȳirav̄imaarya'neihi bad̄iv̄itabaaibi' kwaari'mas̄ram̄nya darikaj̄i k̄ili'ka daj̄i makab̄iwaata daihi b̄iwaasaihi daaka! ⁵³ Yuya ȳirikerikaavi Got̄iyare Angevi sarimij̄i ȳihye'mwannemwaaidinyainȳira. Sare sagaa' galanyilimwadiv̄itainȳi mi'ka. Aawa. Daha'a' sagaa' yuna sarim̄regaa'ira. Daha'a' j̄ih̄nyav̄ire diraginya' wav̄lavadehaak̄ira."

Pitai Jizaazarina "Mwanganyainȳira," w̄idake'nesi.

(Mat̄yui 26:57-58,69-75; Maaki 14:53,54,66-72; Joni 18:12-18,25-27)

⁵⁴ Sari galalimwanna yeva makuna. Got̄iyarina Ȳira'de Naangere angev̄ina makwina. Sagaa' Pitai kwalyi midinna yake kwai k̄iri' menyaba sangir̄i mwaalina. ⁵⁵ Angwir̄ika byarihwinaakevi d̄ike' ȳira'na yeva mwaihulinna. Sara mwaaidapiyaba dividaa'nyi Pitai walaja'nagaimwaaaina. ⁵⁶ Sarei d̄ikev̄i mwaaidi'nyi w̄idaayade a'mwe p̄iri' t̄inna wanganna. W̄idaayade daza' baihana'na yaka w̄idina "A'mwe dazai kwalyi sahwalyi ye'mwannemwaaidakili' wangamwa'delȳira." ⁵⁷ D̄ina kya' k̄iri' sai "Aawa," w̄idina yaka w̄idina "A'mwe'gi n̄imi mwanganyainȳira." ⁵⁸ W̄idina kya' d̄vi maalikegaa' a'mwe pwai t̄inna wanganakei w̄idina "Ḡim̄i kwaiḡi sahwaraj̄yaiḡinȳira." Sara w̄idina kya' Pitai w̄idina "A'mwaagaiḡ, n̄imi sahwainȳi mi'ka!" ⁵⁹ D̄vi k̄ibawa nyihaanya p̄iri' mena kabwawa! a'mwe pwai diraginna w̄idina "Naanga nebulyasi. A'mwe dazai kwalyi ye'mwannemwaaidelȳira. Sare! dare'nesi. Sai a'mwe Galilidaasalȳira." ⁶⁰ W̄idina kya' k̄iri' Pitai w̄idina "A'mwaagaiḡ, yagaala diwaanya sav̄i n̄imi myawirayainȳira." Sai kuna dadaa'nyi jaahwasa'b̄i' kukuraayai jaka d̄ina. ⁶¹ Jaka d̄ina yakegaa' Naangei ḡinyima'nyina yaka Pitar̄i maranganna. Pitar̄i maranganna kya' sai aȳina yawi'na yagaala Naangei w̄idaka sa'na. Sagaa' dara w̄idake'na "Saw̄ita dazarik̄i kukuraayai jaka majadori ḡim̄i dahasaai dhaaa' d̄ithatheiḡinȳi 'Jizaazar̄i mwanganyainȳira.' " ⁶² Sara yawi'na yaka mwasilaanna walyuna yaka kinna walyadina.

Jizaazar̄i b̄iraiyagaalyaj̄i w̄idadiv̄i' mayagaala w̄idesa'nesi.

(Mat̄yui 26:67-68; Maaki 14:65)

⁶³ A'mwera gaminyi galalimwanna yeva biraifyagaala wi'dadi'vi' mala tamina
⁶⁴ yadiv'i kwaabiyivisasi gamire tinnyari kawaaka yrakina yeva yidaanganna "Gotiyari wi'nawidadi'nyabaaib'i dinedana! Malya' aai giranmanika!" ⁶⁵ Yagaala kayaa'nanya kwalaalya piniji biraizika wi'dina ye'.

Jizaazai Paailatimyabaji Erotyaryabaji daavake'nesi.

(Matyui 26:59-66; Maaki 14:55-64; Joni 18:19-24)

⁶⁶ Nyilyai bilyiri'daasiyagaal a'mweraavire a'mwe naangera savaakiyara, Gotiyarina yira'divita naanga kwaraj Kwi'ja kwaraj sara yi'bwa'nemwaaina. Sarera gaminyi kumire kaajoliyaraayawinna makuna yina yeva wi'dina ⁶⁷ "Gimi Kiraazitiyaigi mwaaidizaigi dinedana! Kiraazitiyaigi daaka?" Dina kye' sai wi'dina "Nabaai nimi yihithiwija' sarimi diraginna myawiralinwagi jideihili. ⁶⁸ Nabaai yagaala pininna yihithaangamuja', nimirre yihithiwijavi dinya'ja'najideihi mika! Arikewi. ⁶⁹ Kir'i' dahaasi yuya divi kigas A'mweraavine Kaimiraayai Gotiyare aangasimagi diraginya naangesiyaba walamwaaladelyi." ⁷⁰ Wi'dina kya' yuyara wi'dina "Sarevidaa'nyi yuna gimi saig Gotiyare Kaimiraayaigi daaka?" Dina kye' sai wi'dina "Sarimi saihi diwaasa!. Yi nimi sahwainyira." ⁷¹ Wi'dina kya' sahwara dinya'na "Yagaalya' jalikurakyaraavire kadike' ayina be'na wi'naajiwona! Sare' dare'nesi. Gamire maangikidaa'nyi yagaala daza' kadawa' nemi mena wi'niwona."

23

(Matyui 27:1,2,11-14; Maaki 15:1-5; Joni 18:28-38)

¹ A'mwe yuyara daavina yeva gaminyi maarina yeva Paailatimyabanna makuna. ² Sara yeva kotiya' gaai marina yadiv'i wi'dina "Nemi a'mwe dazarit tinnna wanganmani'golyi. Nemijiya yita savaakiyaraavirebwi yipalasi'da gamirebwi yivanikelyira. Sizaari taakiziya wijaaya'naj kimaakiya nedakivanikelyira. Nedadelyi 'Nimi sainyi Kiraazitiyainyira. Kingiyainyira.' " ³ Wi'dina kye' Paailati sahwari yidaanganna "Gimi Juyaraavire kingiyaigi daaka?" Wi'dina kya' Paailatimi ja'nawidina "Gimi saig sara diwaanya' sahirisira." ⁴ Wi'dina kya' Paailati Gotiyarina mubithika yira'divita naangeraj kwala bwa'naanyaviyaraj saraavwi wi'dina "A'mwe dathari gamire ywetawakya aane pimili' mabiramaariwana!" ⁵ Sarevi kir'i' sahwara naanga diraginna kuna wi'dina "Sahwai a'mweraav a'mwemili'kaav yagaala wijiwaakada Juthiya simagi yunebanna lika ywainigwimanaawigasalyira. Galili sabadaa'nyi yamaa'dei sasare sabwi mijimabada yune davannanyira."

⁶ Paailati kadika sara wi'naka sahwaraav yidaanganna "A'mwe dazai Galili mwaalyai daaka?" ⁷ Yidaanganna yaka kumire ja'nawija' "A'mwe kwaaka Erotyai maremwaaide simagi'daa'nyalyira," kadika wi'naka yawibwarynei Erotyaryawinneri maryasina. Dazagaa' kigaa' Erotyai kwalyi Jeruzaalemi mwaaidi'nyi. ⁸ Maryasina kya' Erotyai Jizaazarit tinnna wanganaka yilaaya naanga yina. Sare' dare'nesi. Sahwarina yagaalya'na kadika wi'nadei, saaminyagaa' kuna "Sahwari ywarima!" yawi'dei. Nabaai "Sahwai atika maru'nata pir'i' wijiwaainya' kyoji wanganima!" yawi'dei. ⁹ Sare sagaa' Erotyai kwalaalyanna bithangamuna. Sare' Jizaazai gamire yagaalyangina yagaala aane pir'i' kir'i' muja'na muraayi. ¹⁰ Muja'na muraayi kya' Gotiyarina yira'divita naangeraj Kwi'jaraj sara gaminyaba bahaidaa'na yina yeva kotiya' diraginna marina. ¹¹ Sara yadaapi Erotyai gamire aawilasaraj yuna kayaa'na jiw'i'nyina yada biraifyagaalyaj wi'dina. Mi'na wi'dina yeva biralyla'na kingiyare yivita nawi'nyaanga pir'i' maarina yeva marabwakaabina yeva Paailatimyawinna ayina maryasina ya!. ¹² Sinnawi kigaa' Erotyai Paailatiji yikamaanga yima'nagiyaraalyi. Kir'i' dhaaa' saraai nya'mwana dinagila nawi'nyina mwaalina.

(Matyui 27:15-26; Maaki 15:6-15; Joni 18:39-19:16)

¹³ Paailati Gotiyarina yira'divita naangeraaviji a'mwe naangeraaviji a'mweraaviji jaka widiina kya' sarera bi'bwa'nyina. ¹⁴ Bi'bwa'nyina kye' sai widiina "A'mwe niminyawinna nyimakabawaata dazarina sarimi' diwaa' 'A'mweraavirebwina nemaruwinakadelyira.' Sare'na nabaai sarimire tinnyari yidasaba yagaala dazahiri'ne'na yidangadaari. Yithaanyi! Sarimi' kotiya marivanigata daza'ne' nimi' gamire yiwetawakya aane piri' kiri' mabiramaariwelyira. ¹⁵ Aawa. Eroti'yi kwalyi avaala sana yiwakelyira. Sara yaka neminyawinna nemaryasiwaabikelyira. Yithaanyi! A'mwe dazai nemi yiniga wi'na maratamarimwaade' yiwetawakya aane piri' kiri' yadei mi'ka! ¹⁶ Sarevidaa'nyi wilyabaalyina li'bbara'muj widaasidelyi." ¹⁷ Kumirebwi sasarebwi yadivisara "Yuya Pari'ma'munne tewaanya sarikaav Paailati a'mwe kalavuzari kumi'nyina wimaaryadelyi."

¹⁸ Sagaa' kwala bwa'naanyasi jaka naanga'na dara dina "Yisaviri dimaratamarimwia! Sara ya'gizi Baravaazai neminyawinna dinjeama!" ¹⁹ Baravaazai sai anga naangeba ga'maaniyaraav'i mala bwa'delyi. Sara bwa'da a'mweri tamakadaa'nyi kalavuzavi wimwaanihinikelyi. ²⁰ Jaka sara kade! Paailati "Jizaazar widaaside'nana," yawiraka ayina jaka widiina. ²¹ Sara yadaa'nyi jaka widiina ye! "Maara'gizi yisaviri jeramo! Yisaviri jeramo!" ²² Jaka sara widiina kye' dahasaai dahaa' widiina "Be'nanaka! A'mwe dazai be kayaa'nanyabwi yiwakalaka! Nem'i gaminyi yiniga wi'na maratamarimwaade kayaa'nanya aane piri' kiri' mabiramaariwelyira. Sarevidaa'nyi wilyabaalyi li'bbara'muj maryasima!" ²³ Widiina kya' kiri' jaka diraginna naanga'na dina yina yeva jaka naanga diraginna kuna dina, "Sahwar maara'gizi yisaviri jeramo!" Kumire jaka naanga bathiwaweta sa Paailatimire yagaalya' dathiwanna. ²⁴ Sara kye' Paailati kumire yagaalyang'i midinna. ²⁵ A'mwera jaka widiina a'mwe kalavuzavi mwaaidi'nyi'ya sari ayina maarya'na ga'maaniyaraav'i mala bwa'da a'mweri tamakakeri sagaa' Paailati kumire asirina wimaarina. Kumireburi midinna yaka Jizaazar aawilasaraavire asirina wimari'mwaanihina.

Jizaazar yisaviri niliya wiramesa'nesi.

(Matyui 27:32-44; Maaki 15:21-33; Joni 19:17-27)

²⁶ Gaminyi makwodivi' a'mwe pwari Saaimoni Saairini mwaalyari galalimwanna. Sai anga naangeba wilaawia'nei tutaanyavi kaanya yidi'nyi. Galalimwanna yeva yita yovihirarannike' gamire egwevi yilamarakinna kye' yikwavamakwoda Jizaazar midinna. ²⁷ Midinna yadaa'nyi kwala bwa'naanya naanga, a'mweraj'i a'mweji gaminyi midinna. A'mwe sa kale wiadaa'nyi kinna dadivi' kaladaasaj'i damidinna. ²⁸ Damidinna yadaapi Jizaazar ginya'ma'nyina yaka widiina "A'mwe Jeruzaalemidaasangihi, niminyina kinna madipinera! Aawa. Kinnya' yune sariminyine'naji sarinnya kaimiraayanginaji dizide'nera. ²⁹ Yithaanyi! Sare' dare'nanyi. Divi pigaa' yima'najahaa' dipi'de 'A'mwe kaimiraayanna yaginyaj'i bwaraminya kwazika kininnakeji aamunya myaayadivisaj'i kumi sa yilaaya yadi'i' tewaanaanga winadengira.' ³⁰ Dazagaa' a'mwera mugunyangi dangabi'dengi 'Mugunya ke'nungihi bwanelamwaalyila!' Mugunya maalikerikaavi widiipi'de 'Mugunya ketirikaavihi bwanelamwalabihirakyila!' Lika naanga yadi'i' sara dipi'dere. ³¹ Sare' dare'nanyi. Yita gaalyari dike' naviridevaiba'i' tewaanyainyi kiri' nyiramakipi'ja' yi yita yawakeri dike' yarai nas'i'devaaib'i' kayaa'nanyaihir'i gatha'dare' yihima'nadeihilaka!"

³² A'mwe pwaraai kwaraariji makuna. A'mwe saraai kayaa'nanyabwi yadisaraari. Saraai gaminyiji yeramya'neraari. ³³ Kaanya makuna yadi'i' piba Gileminyaginyaba wo'nikebanna yi'mavaawina yevegaa' dazahiba gaminyi yisaviri wirame!. Nabaai a'mwe kayaa'nanya saraai kwaraariji yerame!. Pwar'i gaminyi aangasimagi tamina,

pwari kwanaamimagi tamina. ³⁴ Yisaviri kurame' Jizaazai widdena "Nimwaigi, kumire kayaa'na yawaata davuri tivikita dimarasika! Sare' dare'nesi. Yivanigata dahibwina myawirrarera." Widdena kya' aawilasara gamire kwaabiyivita saza maramunyina yeva saatuyara giri'ga'giri'data yeva pwai wavilavakei piva' maarina. Sana sana yeva yuyara yunebanna maarina. ³⁵ Sare savi a'mwe bathakuna yeva baihana'na. Sahwara baihana'na yadaapi a'mwe naangera gaminyi bira'yagaala widdena "Sai a'mwe pwaraavi padaihasamaa'na mena yakelyi. Gotiyare Kiraazitiyai, Gotiyai dahilakadei mwaalaja' yi sarei gami' sai padaihasamaa'nana! Nabaladika!" ³⁶ Bira'yagaala widdena yadaapi aawilata kwaraji bira'yagaala widdena yadiyi' gaminyabanna wilaabina yina yeva "Waainya yirike' wijavaana!" deva yaamiji makina yeva ³⁷ dara dina "Juyaraavire kingiyaig i mwaaidizaig gi'mi saig i divadaihasamaa'na!" ³⁸ Pikarya piri' gaminyi munyaba yida'nike' dina "A'mwe dazai Juyaraavire Kingiyalyira."

³⁹ A'mwe kayaa'nanya tamarimweta saraaridaa'nya pwai gaminyi birlala widdena "Kiraazitiyai' daaka! Gi'mi saig i divadaihasamaa'nana! Nabaai naarimi' kwainaariji' dinenhivadaihasamaaka!" ⁴⁰ Birlala sara widdena kya' kayaa'nanya pwai yagaala daza' kadika wi'naka maanga widdena "Sahwalyi' daange' avaaina ma'mwaanya'na Gotiyarina lika mijwaana!" ⁴¹ Naarimi' nehiramwaasa', sa' tewaanya yidasabwi yawaasasi. Sare' dare'nesi. Naarimi' taanga maa'mwola davwi naarimi' yadata yuna yidata sabwina maa'mwoi. Kir'i a'mwe dava dai yiwetawakya aane piri' kir'i myadelyi." ⁴² Widdena yaka widdena "Jizaazaig i, divi diraginna maremwaala'gi'z i niminyina nayaa dinya'i' deiginyi." ⁴³ Dina kya' sai widdena "Nebulya'na gitihwa 'Yuna dahaasagaa' nimiji' anga Tewaanyaba dimwaaide'nanyi Parathaazi.' "

Jizaazai mena balina yake'nesi.

(Matiyui 27:45-56; Maaki 15:33-41; Joni 19:28-30)

⁴⁴ Nyilyagaal sirigwajahaa'bisaagaa' yima'nyina kya' nyilyai balina. Sarevi jihinya' anga yuneba jinnaraka yune sawi'jihinya' tiri kilokiyagaal'na sawisiri. ⁴⁵ Yirike' yimaanyina yaka dividaa'nyi Gotiyare Angevya kwaabiyivita naange' jiki'nadaa'di'nyi'ya janne sa' yuneba kayaaka lihi'na yina yaka pivakaai yima'nyina. ⁴⁶ Sagaasagaa' Jizaazai jaka naanga diraginna widdena "Nimwai nimire kuryai gi'mire asiri gwakiwana." Sai sara widdena yaka gannya kuryari yaasina. ⁴⁷ Yaasinna kya' aawilasaraav i maremwaidei dazang i tinna wanganaka Gotiyarine yaya' munyaba makilaka sai dina "Yuna nebulyasi. A'mwe dazai yuna yida'maraangelyira." ⁴⁸ Dina kya' kwala bwa'naanya baihanasa'na bi'bwa'nesara yima'naka sangi tinna wanganeva kunnya kihisangi kale'na mala tannadivi' kaanna ayina yikwawe!. ⁴⁹ Sarevi gamire yuya gya'mweraj i a'mwe Galilidaa'nyi yawima'neva gaminyi midinaabesamilikaj i sangiri' menyaba daaveva yuya yima'naka dazang i tinna wanganne!.

Jizaazare kilaakej i' sikavi'ni'nyav i wakesa'nesi.

(Matiyui 27:57-61; Maaki 15:42-47; Joni 19:38-42)

⁵⁰ Yithaa! A'mwe pwai Jozepiyai wo'nikei Juyaraavire Anga Aarimathiya sabadaa'nyai mwaalina. Sarei Juyaraav i kaajoliyi, a'mwe tewaanyai yune yida'maraangei ⁵¹ kaajoliyi pwaraavire simunyabwinaj i kumirebwinaj i aala wivu'nadei, sai Gotiyai a'mweraav i maremwaidevina yemwaaidelyi. ⁵² A'mwe dazai Paailatimywina kaanna wina yaka sahvari Jizaazare kilaakej i' maarya'na yidaanganna. ⁵³ Sara yaka yagaalya' maarina yaka wina yaka yisavidaa'nyi gamire kilaakej i' makwalaabina yina yaka kwaabiyivita yaakesi yewaa'bwa'na yina yaka simaangevinna wilakaawina. Simaanga daza' sila naangevi lili'siwinike'. Sinnawi kigaa' a'mwe bainika aane pwai kwar i mulakibwaayavi, mudi'na waka'.

⁵⁴ Sagaa' yırıka tıka munne yovırawakya'nerıkıra. Kwazaakegaa' maalıkegaa' yıma'nya'negaakt. ⁵⁵ Jozepıyai sara yadaa'nyı a'mwe Galılıdaa'nyı yawıma'neva Jizaazarı mıjımabesa sahwari mıjamakuna. Yevemılıka simaanga dazavı tınna wanganna yeva gamıre kılaakejı' sara wakınikejı' tınna wanganna. ⁵⁶ Tınna mena wanganna yeve sagaa' kunnya angengına ayına kaanna wına. Saremılıka marazınanyajı welivananya wabatırınnaka nawı'nyajı yovırawakına ye!.

Sara yevemılıka kwazaakegaa' kıwınya' sara dıñkevına kave mwaalına ye!.

24

Jizaazai ayına dıkaavake'nesi.

(*Matıyui 28:1-10; Maakı 16:1-8; Jonı 20:1-10*)

¹ Wikıya mudıkeriki Saadehaa', byaaka wanyıwanya yakegaa' simaangeyabanne kaanna wına. Sınnawı mena tıvi'na yovırawaketa welivananya nawı'nya tırınnaka sajı maarına yeva makuna. ² Sare dara wanganesa' "O, sılyai kengimagı' mena mwarangıramwahı'waasai daaka!" Simaangevıre tıkuryavı marihı'nyaryadı'nyı sara dına. ³ Dına yeva kusawı wılinıa yeva dara wanganesa' "O, Naanga Jizaazare kılaakejı' mwarijıka!" ⁴ Sara deve sa'ne'na sımunya kwalaalya yawı'daa'nadıvı' navı'navıka yıdaa'nyına. Sara yadıvı', yıthaa, a'mwe pwaraai kumınyabanna yıma'naabahıla daa'dakılyı wanganna. Saraai kırımlıre baazı'ma'nyawaarıdaa'nya lıvamwadadaa'nyıyaraai. ⁵ Wanganna yeva lıka naanga yadıvı' kumıre mınyagınya samwina tutı'nareva kwaakeyına baihana'na yadapi saraai wıdına "A'mwe bainıkeraavıreba a'mwe gaala kınınnakerına be'na bı'manıgatangihı'laka! ⁶ Dava mwarika. Aawa. Mena yıdıkaa'mwakerınera! Sınnawı sai Galılı kuna mwaalakegaa' yıhıthaka daza'na ayına jawırlıa! ⁷ Sai dara yıhıtha' 'A'mweraavıne Kaimıraayai a'mwe kayaa'nanyaraavıre asırı kumarımwangapıjı yısavıri tamarımupı'delyı. Sarei yırıka darıkaai darıki ayına dıkaavadelyı.' ⁸ Sara wıdına kyagi sa gamı kıgaa' yagaala wıdaka sanna yawı'na yına yeva ⁹ simaangeyaba yagalya'makuna yeva sıvılırıdaa'nyı pwainanyaraavıjı a'mwe yuya pwaraavıjı yuya wanganeta dazanna wıdaawına. ¹⁰ A'mwe sa, Maahıthaala mwaalya' Maarıyaası Jowaanasi Maarıyaa' Jemızare ganaangesı sajı a'mwe pımlıka ye'mwannamwaaina yesamılıkağı' sa apozelıyaraavı yagaala daza' wıdaawına. ¹¹ Sara wıdaawına kye' kırı' sahwara yawı'na "A'mwe da kırıbıbıyagaala dahanedıwaava!" Sara yawı'na yeva kumıre yagaalyangi myawıralımwagina. ¹² Sara yadaapi Pitai simaangeyabannei yarai kaanyave'na wına yaka walaruta'nyına yaka ke'mu kusawınnna wangkanaaśına yakei kwaabıyıvisanna gavenna wa'dı'nyı wanganna. Sarei angebanna ayına wına yaka mena wanganaka sanne'na sımugwalaalya yawı'na.

Anga Emayaazine tutaanyavıne'nesi.

(*Maakı 16:12-13*)

¹³ Yıthaa, yırıka dazahırıka sagaa' kumınyıdaa'nya pwaraai, saraai anga maalıka pıba Emayaazi wo'nıkebanna kaanya wına. Tuta sa' yune Jeruzaalemıdaa'nya' Emayaazi'na yınamudarıke' levenı kilomitaayababısaba. ¹⁴ Saraai kaanya wodi' yuya yıma'naka dazanna yagaalya' dıñiguna. ¹⁵ Kırımlı saraai yıdaanganyı yıdaanganya yadi' wına. Sara yıñigodaakılyı Jizaazai gamı sai aya kıbanna yıma'nadavaabına yına yaka saraalyı ye'mwanni'gwaanna. ¹⁶ Saraalyı ye'mwanni'gwaanna yadaa'nyı kırı' kırımlıre tınnyangı nabinya pıñı bı'lıralımwaga'dı'nyı saraai myawıri "Sai Jizaazai daaka!" ¹⁷ Sara myawıri kyagi sai wıdına "Saraaihi, benna dıñigodı' wıvanıgilı?" Sara wıdaka sa'nı saraai daavına yagıla sımunya' taanga wına'dı'nyı sınnı' gwaraku'na. ¹⁸ Sara yagıla a'mwe pwai Kılayopaazai wo'nıkei ja'nawıdına "A'mwe kwalaalya anga pıbadaa'nya pıbadaa'nyara dahaa' Jeruzaalemı yune

sabanna mwaaihava. Sare'na nabaai gimi gaveiḡi yune yirika dahin̄inḡi anga naanga Jeruzaalemi yima'n̄waka savi myaw̄ryaiḡi daaka!" ¹⁹ Sai sara daka yadi'nyi sahwai saraari yidaanganna "Beninneka?" Yidaanganna kya' saraai widi'na "Yima'n̄waka sa Jizaazai Naazareti mwaalyarinera. Sahwai Gotiyar̄i wi' nawij̄iwaakadei Gotiyare tinnyar̄iji a'mwe yuyaraavire tinnyar̄iji wawinya diraginyaj̄i yada yagaala diraginyaj̄i dadelyi. ²⁰ Sarer̄i Gotiyarina yira'divita naangeraji nemire maremwaaidivisaraj̄i Ga'maaniyare asiri marakesariner. Sarer̄i Ga'maaniyai balya'nerina yagaala jamungajakerinera. Sarer̄i tamarimwiwa'daasariner. ²¹ Sare kiri' kigaa' nemi diraginna dara limwagoine. A'mwe dazai Yizireliyainaav̄i ayina nevadaihasamaaradei daaka! Yo, nabaai yagaala p̄risi kuna war!'. Sasare daza mena yima'n̄wa'dikevi yi dahaa' yirika gaminne darikaai yaka dariknyi. ²² Sarevi yuna dahaasagaa' neminyidaa'nya a'mwe pin̄i neminyabanna kabathwaa' lika ywaainwoinera. Yuna mwanyavi simaangeyabanna wawevemili'ka ²³ gamire kilaakej̄i mwanganyiwaasamili'kera. Sara mwanganyi yeva ayina beva dara nediwaa' 'Nemi ejeliya pwaraari wangamwo. Sahwaraai nediwaaai "Sai gaala mwaal!". ²⁴ Nabaai neminyidaa'nya pwaraai simaangeyaba wawogila a'mwe nediwaaatabaai avaaina sarenḡi wangamwaalyaraalyi. Kiri' yune gami' sar̄i miwariwaala." ²⁵ Sara widi'na kyagi widi'na "Kirim̄i simunya maa-yaraaihi! Yagaala yuya p̄ropetiyara dihata sangina kirim̄ire simunya' diraginya' yawirralmwadi' mi! ²⁶ Gatha'darevinaka! Kiri' mi myawiriwaai 'Kiraazit̄iyai daange' aayagaa' mena maaroj̄iyai divi gannya byaanna diraginyav̄i wilamwaaladei daaka!" ²⁷ Sara widi'na yaka Mozizare yagaalyanginaj̄i p̄ropetiyaya yuyaraavire yagaalyaj̄i sare' wij̄iwaakina. Yune gami' sar̄ina dinika Bukuyav̄i yuya aaya kaavilyaj̄i maridina.

²⁸ Sarera saraai pu'n̄gohila anga saba aya kibanna yim'a'na. Sarevi gami' "Sangiri' kibawa wi'ma!" yawirakei sara yina. ²⁹ Sara yina yadaa'nyi saraai dahalalimwanna yagila widi'na "Naarim̄iji ye'mwannamwalaana! Nyilyai gaai waladathakadaa'nyiyagaa' sawita milyinigubala ya'ne kibawa yadi'nyi." Sara diraginna widi'na kyagi sai kusawi wilina yaka saraalyi wile'mwannamwaaina. ³⁰ Sara yina yeva divi "Tika wapaa naana!" deva saraalyi walamwaaina yaka ayabaaibi' biretiya' maarina yaka Gotiyar̄i "Wapaayanna gimirre yaya' makimwa!" widi'na yaka gunyina yaka saraari wi'jaavina. ³¹ Sai sara kya' kirim̄ire tinnya pada'galayenna yina yagila sagaa' sahwar̄i ywaranganna. Sara mena kyagi sawi sai kaanna yimamajina'na kya' saraai ayawi mwanganyi yagi. ³² Sarevi saraai dinya'na "Naarim̄i tutaanyav̄i badaakwoihilyiyagaa' yagaalya' nehiziwaakada Bukuyavire yawita aaya kaavilyabwi nehidikaal'mwake' daaka!" ³³ Sara dinya'na yagila dazagaasagaa' kuna Jeruzaalemineraai ayina kaanna wina yagi. Wawogileraai yibwa'nemwaaaidapi sivili'ri'daa'nyi pwainanyaraavij̄i kiryamwe pwaraavij̄i biramaa'na. ³⁴ Sara kyagi saraari widi'na "Naangei nebwina ayina dathikaa'mwaka! Saaimonim̄i mena yim'a'naabiwakelyi." ³⁵ Sara widi'na kye' saraai tutaanyav̄i wodi' wanganagilyanna wij̄iwaakina. Saraai widi'na "Sai gunyadaa'nyi naarim̄i yawirrangamwolyinera."

Jizaazai gannya mididivisaraayaba yima'naabake'nesi.

(Matiyui 28:16-20; Maaki 16:14-18; Joni 20:19-23; Apozeliyara 1:6-8)

³⁶ Yagaalya' kuna dinibainadaa'dapi sahwai kuminyi tinnyaba yima'nadavaabina yaka widi'na "Kwaamu' dimwaalyila!" ³⁷ Sa'ne' lika ywaaineva lika naanga yina. "Kurya pwar̄i dahawangamwona," yawireva lika yina kye' ³⁸ sai widi'na "Sarim̄ire simunyai be'ne' yiwinkivangava! Nabaai simunyangi yawita kwalaalya be'na yawi'mangava!" ³⁹ Nimirre asiraalyi sivilyiraalyi dinya'nganyila! Nimirre sainy sahwainyira. Asa nyimwangadiv'i dinya'nganyila! Sare' dare'nanyi. Nimirre

nyangamwaatabaaib† kuryai m̄iwita yaginya kunely†. ”⁴⁰ Sara w̄idina yaka kuminy† gamire ata sivila w̄ijwaainyina. ⁴¹ T̄ivi'na w̄ijwaainyina kya' ȳlaaya naanga yadivisa'naj† atika maru'na'divisa'naj† sare' myawiralmwagi yadaapi sai w̄idina “Dava sarimire tika wapaaya p̄in mwarij†ka?” ⁴² W̄idina kya' ȳidika yakinika jawinya pimaginyaavaa' w̄imaarina kye! ⁴³ sai maaraka nadaa'nyi t̄inna wanganna.

⁴⁴ Sai kuminy† w̄idina “Kigaa' sarimij† kuna mwaalena yagaala da mena yihithe. Sinnawi kigaa' niminyina yuya yidaveta sa Mozizare Kiwinayiji p̄iropetiyaraavire bukuyangij† Saamiyangij† yuya daza yi yunebanna sara yima'nya'neviny†. ”⁴⁵ W̄idina yaka sagaa' Gotiyare Bukuyavi yawiranganya'nera kumire simunyangi yiwirinya'ne simunya wakina yaka ⁴⁶ w̄idina “Bukuya' dara din'i 'Kiraazit*yai* daange' maarojiyai yuna baladei yiriika darikaai darik† ayina dikaaavadely†. ⁴⁷ Sarerine'na nabaai gaminne yayavi yuya ajmya yuyangiyaraavi w̄ijwakadaapiri pwara simunya mudikebwi kyawiramaarapiri Gotiyai kumire girikit'a'nanya duimwagas*f*'naderera. Wawinya daza' Jeruzaalemidaa'nyi yamaapi'derera.’ ⁴⁸ Yuya dazanna a'mweraavi jalikurakyaihily†. ⁴⁹ Yithaanyi! Nimwai yune naanga nebulya'na dake' yihizaaya'neri sariminyawinna yihysaabide'nanyi. Kiri' anga naanga dathahiba kuna mwaalapij† yune ke'mwewi Sigunyavidaa'nya diraginya' walaabazahaa'nanneihily†.

Gotiyai Jizaazar i Sigunyavina makilaawake'nesi.

(Maaki 16:19-20; Apozeliyara 1:9-12)

⁵⁰ Gamireraavi Betaani sabanna makuna yaka. Sara yakei gamire asiraai munyaba makilaka Gotiyare diraginya yanga wijaaya'nei kuminy† tewaanaange' winade' w̄idina. ⁵¹ Kuna w̄idina yada kuminy† yagalya'makuna kya' Gotiyai Sigunyavineri makilaawina. ⁵² Makilaawina yadaa'nyi sahwara gaminy† yilaaya w̄imarina yeva Jeruzaalemna ayina wawesara yilaaya naanga yina. ⁵³ Sarera yuyagaa' Gotiyare Angevi mwaaidiv† Gotiyarine yaya' munyaba makidivisare.

Jon Yagaala Tewaanya' Joni yidavakesi.

Gotiyarine Yagaalyai (Jizaazai) mwaalikerinesi.

¹ Sinnawi kigaakuna Kwaaka dava' mima'nyaw i Gotiyarine Yagaalyai mwalyaakew nyi. Nabaai, Gotiyai mwaalakew i gami'nyaw i Gotiyarine Yagaalyai mwaal i. Gotiyarine Yagaalyai sahwai Gotiyai.

² Sinnawi kigaakuna aayawidaasi Gotiyalyi sahwai mwalibainyina yaakelyi. ³ Gotiyai sara kyawira' sahwai yuyangi sara wakin kengi. Aane piri' kiri' gami saba yima'nakam mi'. Aawa, sahwai wakakengi yuya sa. ⁴ Sinnawi sagaa' sahwari gaalyabwi warakelyi. Gaala sabwi a'mwe yuyaraavire Baakelyi. Yinika sai a'mweinaavina kunya tewaanya yawrya'ne nejaavinkerina. Kunya tewaanya yawrya'ne wijaavina kaneya' baaka savi nayaa mwaidaanyaine. (Gotiyarina nayaa yawi'daanyaine.) ⁵ Saburidaasi jihinya kayaa'nanyaburi Gotiyare baake' wannynina. Nabaai jihinya sa' baakevi mwavilayin kesi.

⁶ Gotiyai yawi'na "A'mwera baakevi mwaabika!" yawiraka sinnawi a'mweri widaasakelyi. Sai Joni (Bavitaaziya Yadei) widaasakelyi. ⁷ A'mwe sahwai jalikurakya'nei bina. "A'mweraavi a'mwengi Jizaazai Baakerina wikalikurakana!" daka widaasakei bina. "Kadika wi'napiji Naangeri limwagapika!" dakei bina.

⁸ Joni gami sai Baakei mi'ka! Aawa. "Baaka nawi'nya sarina jalikurakana!" dakelyira. ⁹ Divi Baakei Kwaaka davakina walaabaka a'mwe gazainazainaavina Baaka nebulya'nanyalyi. A'mwe yuyainaav i kunya tewaanya yawrya'ne nejaavadei.

¹⁰ Nabaai, Kwaaka davaki sai bamwaaina ya!. Sinnawi Gotiyai kyawira' sahwai Kwaaka dava' sara wakin. Sara wakin yaka bamwaaina kya' kiri' Kwaaka davaki mwaalyara gami sahwari myawiramaari yesalyi. ¹¹ Gannya Anga Yizrelina bina yaka bamwaaidis gamijiyara mamaari. ¹² Sara yina yeva mamaari kye' kiri' a'mwera pwara "Nebulyasira. Naangelyira," deva maarina ye!. Maarina kye' sai yuya saraavina gannya diraginyabwi wijaavina ya!. Gannya diraginya sabwi sahwara Gotiyare kaimraayara yima'nya'nebulyi. Gam'i sahwarinaj'i gamire yayavinaj'i limwaga'divisaraavinebulyi. Yi sahwara mudikera yima'nyina ye!. ¹³ A'mweraavire yisavakaavidaasi tawengina mudikera mima'nyina. Aawa. Kilaakejik'iya sidusaburi mudikera mima'nyina. Aawa. A'mweraavire diraginyav i mudikera mima'nyina. Aawa. Gotiyai gevwi yawi'na "Sahwara nimire kaimraayara mudikeraav i yawakinima!" kadini' yima'nigavinkengi.

¹⁴ Gotiyarine Yagaalyai a'mwe kilaa'nakei yima'nyina yakei neminyaw i gannya seli ange' yiladaakuna. Gamire kilaakejik'i wilamwaaina yina yada tinna dara wangano! "O, Nawi'nyai diraginaangei daaka!" Sara dadaa gamire byaannyav i tinna wangano. Ganimaangeridaa'nyai gavei yamakinarikabaaibita byaanna sasi. Sahwari yunega yanga gaimwangebulyi nebulyabulyi maanga yeku'nikelyi.

¹⁵ A'mwe Joni gami'nyina nejalikurakada jaka dara danganna "A'mwe dazarina yihithelyi. Ni'mi Gotiyare yagaala kyihithiwa diviya pwai bozi yihiziwaakadei Naangelyi. Ni'mi sahwainy mi'ka! Ni'mi maalikeinyira. Ni'mi mima'nyagaa' kuna mwalyaake'na Sinnawinya."

¹⁶ Sahwai maanga yeku'nikevdaa'nyi nemi yuyainaavina wana nawi'nya nejaavade'na tewaanna mwaaiho. Neminyina gamire yanga gaimwagaimwange' nejaavada nejaavinkelyi. ¹⁷ Sare' Gotiyai kuja'a Ne Mozizai Gotiyare Kiwin

tewaanya' wijaavina. Wijaavina neyinike' neminyawinna Gotiyai Kiraazitiya Jazarit widasabina. Widasabina kyin' sahwarit neminyina yanga gaimwangebuliyi nebulyabulyi yima'ninike'nanyi.

¹⁸ Gotiyari a'mwe Kwaaka davakiyaina wangadaanyarina mi!. Aane pwai kwai tinna mwanganyi. Aawa, Gotiyai gavei Ganimaangeryaba kusimagineen mwaalikei neminyi yibwaridaakwia neykelyi.

Jon a'mweraavi aalya' yadei widinike'nesi.

(*Matiyui 3:1-12; Maaki 1:7,8; Luk 3:15-17*)

¹⁹ Jonimire jalikurakya daresi. Jonimywinnna Juyara Anga Jeruzaalem mwaalya naangera a'mwe pwaraavi widaasina. Gotiyarina mubithika yira'divisaraaviji Gotiyare Angevi widaayadivisara Livaayaraaviji widaasina. Mi'na widaasina kye' wina yina yeva Jonimi ywaara'na "Gimi bewaiginaka?" ²⁰ Ywaara'na kye! Joni "Yagaala sa' madiwiner!" myawiri yaka aangyagaala nebulya' kave nayaa widina "Nimi Gotiyai Nyidahilakyaaka Kiraazitiyainyi mika!" ²¹ Sara ywaara'na "Nabaai, bewaiginaka? Ne Yilaajaig daaka?" Sara ywaara'na kye! Joni widina "Aawa, nim miaka!" Sahwara widina "Gotiyari nayaa wi'nanejiwaakade naangerina yemwaaiho sahwaig daa?" Widina kye' ma'maa'na "Aawa!" ²² Sarevidaa'nyi gaminyi widina "Dinedana! Bewaiginaka? Nedasiwaasaraavi ja'nawiya' nayaa widaana!" dona gyiwaara'manigo. Sahwaig gimininyina be yagaala dimaniginyavaka?" ²³ Widina kye' sai widina "Nimi sainy dareinyira

"A'mwamaayaba maanguraayainyi jaka widangadinyainyi.

"Naangei tuta tewaanyavi wawode'na

"Tusa' yida'na nayaa jamakwila!"'

Wi'nawijwaakya Aazaayai niminyina sara dinikesi."

²⁴ Ywaaraveveraavi a'mwe Periziyara widaasina yesare. ²⁵ Sahwara gaminyi ywaara'na "Githahilakinika Kiraazitiyaig mika! Gimi Ne Yilaajaig mika! Wi'nawijwaakya naangerina yemwaaiho sahwaig mika! Sarevidaa'nyi a'mweraavi aalya' baa'na yivanigina?" ²⁶ Joni ma'maa'na "Aalyavi bavitaaziya' yadinyaainyi. A'mwe pwai sariminyaba tinnayaba daavikeri myawiranganyivanigava. ²⁷ Gami sai a'mwe naangelyi. Sinnawi nim biweinyi, sahwai diviyai yarai bathei naangei mwaalika. Nimi gaimwange'na naangere kwaari'masivilya' yraipurideinyi mika. Sahwarina nim a'mwe nawi'nyainyi daaka!" sara wida' Joni.

²⁸ Yuya sa Aalya Jothani kengihiri Anga Betaani Joni aalyavi bavitaaziya' yadaa'nyi yaba yima'nyina yakengi.

Jizaazai neminyina balakerinesi.

²⁹ Mwanyagaa' Joni mwaalaka Jizaazai bakeri tinna wanganaasina yaka a'mweraavi widina "Yithaanyi, dazai Gotiyarei Sipizipiya Divenyala! Kayaa'nanyanna a'mwera sipizipyari tamina yadiyi' kwaraanyaba Gotiyarina dika nasi'na yadevaabil'i sai Kwaakevak'i mwaalyainaavire kayaa'nanyanna marasisa'na baladelyi. ³⁰ Sahwarina yihithadinyalyi. Nimi biweinyi, divi a'mwei bathelyi. Nimi mima'nyagaa' sai kuna mwalyaakelyi. Sai sinnawinyai Naangelyi. Nimi maalikeinyira. ³¹ 'Boziyai Naanga kwarinera,' yawirena gaminyi myawiranganyainyi. Aawa. 'Sahwarina Yizirelyaraavi yibwaridaakwia'na yima!' dena biwa. Aalya yihyadinya savi dara jawiryide! 'O, sai Naangei daaka!'"

³² Joni tinna mena bahanaraka a'mwe Juyaraavi wikalikurakina "Sigunyavi Gotiyarebadaa'nyi Kuryai Tewaanyai kwaamiryaibisai walaabina yaka a'mwe sari mwalibainikeri tinna wanganerina. ³³ Sinnawi gaminyi myawiranganyainyi. Aawa. Bavitaaziya'na nyidasaabakei sahwai nyida' 'Divi dara dangadeiginyi. Kurya Tewaanyai a'mwe pwarit bwalamwaaina yaja' wangana'gizi dara jawi'de'

"Ai, sai a'mweraavina Kurya Tewaanyari yanga wijaavadei daaka!" Gimti aalyavti bavitaaziya' jithe' sai Kuryari bavitaaziya' yadelyi.³⁴ Sara widina nyake' tinna nayaa wangamweinyi yihizalikurakivanige. Sai Gotiyare Gawaalivaangelyi."

Jizaazarera sinnawiinyaraavinesi.

³⁵ Mwanyagaa! Jonijti gamireraalyi sara ayaba daa'dapi Jizaazai kaanya yamarina. ³⁶ Kaanya yamarina yada Joni wanganaasaka gannyaraari widina "Yithaanyi! Sai Gotiyarei Sipizipiya Diwinyaala!" ³⁷ Widina kya! Jonimireraai kadika wi'nyina yagilyaraai saraai Jizaazarit midinna. ³⁸ Sara midinna yina yadaakilyi ginyima'naka saraai midinaabina yagilyaraari tinna wanganaka yawaara'na "Berin na bi'manigila?" Saraai widahi "Ravaai, anga garivi mwaaihina?" Yiviruyagaalya! "Ravaai," yagaalya! "Nejawaakadinyaagi," widinikesi. ³⁹ "Ravaai, anga garivi mwaaihina?" widina kyagi sai widina "Kaanya bakilyi danganyila!" Sareviadaa'nyi gamijti wina yagila gannya anga mwaaidevi tinna wanganaka yagila sagaa' gaminyaba mwaalina yagi. Bina yina yagilegaa' sawitirinyagaak (4 kilok).

⁴⁰ Saraai Jonimi kadika wi'nagila Jizaazalyi wawagila pwai Ediruyalyi. Ediruyai sai, Saaimoni Pitare gya'mwelyi. ⁴¹ Ediruyai sai sinnawi wina yaka Saaimoni gya'mwerina birkaanya yina yaka widina "Ai! Nemti Mezaayarit mena baramaa'mwona!" Yaya sa! "Mezaayai," dinil "Kiraazitiyai." ⁴² Widina yaka Saaimonimti gaminyawinna makuna. Makuna kya! Jizaazai tinna wanganaka widina "Gimti Jonimire gawaalitginyi Saaimonigti. Gimire yaya! Sipaazai gitihivanigesi." Juyaraavire yagaala "Sipaazai," Girikiyagaala "Pitai," aangyagaala "Silaangei," dinikesi.

Jizaazai Pilipiji Nataanyaliji saraari widinike'nesi.

⁴³ Mwanyagaa! Jizaazai "Pwarajti Galilineinera," daka Pilipimi birina yaka widina "Dinyimidinaama!" ⁴⁴ Pilipi sai Anga Betzaaitha mwaalyalyi. Anga saba Ediruyalyi Pitalyi sadaraai mwaaidisaba. ⁴⁵ Pilipi kadika wi'nyina yaka Nataanyalimi baramaa'na yaka wida! "Kaanyaka! Ne Mozizai kiwibukuyavi pwarina yida'nike' nabaai, Gotiyari wi'nawijawaakyara sarina pikarya yida'nikevne sar mena baramaa'mwona. Sai, Jizaazai Jozepiyare gawaalit Naazaret mwaalyalyi."

⁴⁶ Widina kya! Nataanyali yawaara'na "Naazaretidaa'nyara tewaanyara daaka! Savidaa'nyi tewaanyai dalyaabiwaka!" Pilipi wida! "Sahwaigti bwangana! Nebulya'na gitihwana. Bwangana!"

⁴⁷ Nataanyali badaa'nyi Jizaazai tinna wanganaka sarina wida "Yithaanyi! Sai Yizireliya tewaanyalyi. Kwaasi yadei mitka!" ⁴⁸ Nataanyali savi kadika wi'nakayiwaara'na "Niminyina gara yawi'mwaana?" Yawaara'na kya! sai wida "Sagaa! Pilipi gitinyina mabiriwakega! yita pihiya kaavilyavti mwaaida'gi gwangamweiginyira," wida!. ⁴⁹ Nataanyali wida "Ravaai, Nejawaakadinyaagi, gitinyina diwa. Gimti Gotiyare Gawaaliki. Yizireliyainaavti nemaremwaaidinyaagine!" ⁵⁰ Widina kya! sagaa! sai wida "Yita pihiyavti mwaaida'gi gwangamwa, gitihwe'na niminyina danyilimwamwaana! Sabwi maalikebwi, divi naangengi dangadengira." ⁵¹ Gaminyi wida "Nebulya! yihithivanige. Sigunya basinadaadozi Gotiyare mamaayara ejeliyara A'mweraavine Kaimiraayaryawinna walaabina, yilaawina yadaapiri danganyideihilyira," wida ya!

2

Anga Kena a'mwei kwala maarake'nesi.

¹ Yirika daryaaai dariki Kwaaka Galili Anga Kena savi kwala maarya yina. Kwala maarya yina kye' tika munnev Jizaazarit ganaange' mwaalina yadi'nyi nabaai,

² Jizaazalyi gamirerari saraavti munne'na jivwaramaa'na. ³ Sara yina kye' munne'

nyina yadaapiji aalya waainiya'na wigainityna yadaa'nyi ganaange' Jizaazarit widina "Aalya waainiya' maayarera." ⁴ Widina kya' sai widina "A'mwe'gi 'Sana sana ja!' baa'na nyidiwaana? Nimigregaa' miika!" ⁵ Sara widina kya' ganaange' widaayadivisaraavi widina "Sara yihihathet'hana sara jila!"

⁶ Juyara aalya yinyabwina wa'dit'nyi si-aalitala atina ata puridaa'nyi nyidala kune warakengi. Aalitala gazasa' maanga kyeku'na' aalya naanga (80, 100 litaaya) dit'na'nikesi. ⁷ Si-aalitala sa kune warake, sahwai widaayadivisaraavi widina "Aalitala sa aalya maanga yunebanna yeku'nade dimaradindikaabyila!" Widina kya' maanga yeku'nya'ne aalya maradindikina maradindikina kye! ⁸ Widina "Aalya pit'i yirapiji tika munnev'i maremwaiderina dumaryaawila!" Sara widina kya' makuna yeva wijaavina kye' sai yaamiji nyina. ⁹ Aalya sa' sinnawi aangaalya' dit'na'dit'nyi divi aalya waainiya' yima'nyina yinikesi. Yaamiji nyina yaka dina "Waburyasi. Waainiya da' gawidaa'nyavaka?" Sai myawiri yada sare'na widaayadivisara yawireva aalya wijaavina yesarera. Kuna myawiri yada miginyai taaya' maarakeri munnev'i maremwaalakei widina "Kaajo!" ¹⁰ Widina yaka widina "Neminyina tewanya yawaana! Sinnawi a'mwe pwara gazarazara aalya waainiya nawi'nya' munne wijaavina yadiiv'i divi a'mwera waainiya naanga nadiv'i nayaa myawiryaraavina aalya waainiya yirike' wijaavina yadivisare pwara. Sare'na yadiyaig'i miika! Kwaig'i aalya waainiya nawi'nya' navika yi'nadi'nyi, waainiya pit'i mi'na kaniwo divi nawi'nya' wijaavina neywaanyaig'nyi," widina ya!.

¹¹ Kwaaka Galili Anga Kena saba Jizaazai wijiwaainya'ne sa' yina ya'. Wijiwaainya'ne sinnawi'nya' yakesi. Gannya byaanna diraginyaabwi wijiwaainake'na wijiwaainya'ne sa' yakesi. Gamirera naangebwu wanganeva gaminyi limwanna ye!.

¹² Mena yakegaa' sagaa' Anga Kaapaniyami sabanna gamiji ganaangesi gya'mwerari gamirerari walyuna yeva yirika pit'i pit'i saba bamwaaina ye!.

Gotiyare Angevina Jizaazai wawoke'nesi. (Matiyui 21:12,13; Maaki 11:15-19; Luk 19:45,46)

¹³ Juyara dina "Aya kigaa' Pari'ma'munne' naadera Gotiyai neminyina diraginna kavadaihasamaryaa' yaasiwa'wawinya Yiziipi saba yagalya'mayaawo' yawita'negaa!" Juyara didaapi Anga Jeruzaalemi sabanna yilaawina. ¹⁴ Yilaawina yaka Gotiyare Angevi wiliina yaka dara wanganake! "O, a'mwera bulimakaawoyeraj'i sipizipiyaraj'i kwaamiryaraj'i damubivanigava! Nigwia nawi'nya Gotiyarit wijaaya'na nigwia pimiliika yanga yinyina yadivisara kunnya yi'binyang'i damwaaihava!" ¹⁵ Dina yaka "Sabwi mipinera!" daka wilyabaai maarina yaka mala li'bwarya'ne' yavikarina yaka Gotiyare Angeviadaa'nyi sipizipiyaraj'i bulimakaawoyeraj'i saraavi tamaasina yaka nigwia mariwinas'i'na yaka yanga yinyina yadivisaraavire yi'binya yarai marapuratawas'i'na. ¹⁶ Sara mi'na yaka kwaamiryaraavi mubadivisaraavi widina "Sa dimakwalyula! Nimware ange' mubange'na miika. Dimakwila!" ¹⁷ Widina kya' gamirera yawi'na "Gotiyare bukuya' dinyina 'Gotiyaig'i gimirre angevina yilaaya dika nimire simunyavi nyinadevaabisasi.' Dinikesi Gotiyare bukuya', sahwarina."

¹⁸ Sara yakevidaa'nyi Juya naangera sinna tika wida'daa'nyi yawaara'na "Yawaanya'na aai gitihwaka? Gotiyai naangeig'nyi gimirreahwake' yawiraade'na diraginya wijiwaainya' ja!" ¹⁹ Yawaara'na kye' widina "Gotiyare anga nawi'nya dari kayaaka kyigalapiri yirika daryaaai dariki ayina yidikaavidesi." ²⁰ Sarevidaa'nyi Juyara widina "Sa' be'na diwaana! Yirika daryaaai dariki yarai madidesi, diwaai kigaa' kwarame piyaakuna (46) sara wavilavakesi anga da' madaapi. Yirika daryaaai dariki gaverikaavi dimadeig'i dathwaana!"

²¹ Widi'na yesa'na kiri' sahwai gannya kilaakejikina widi'na silangavina mi'. ²² Sara widi'na kye' di'vi Jizaazar'i ayina yidika'a'na kya' gamirera yagaalya' wida'ke'na yawi'na yeva dina "Gotiyare bukuya' sara dinike'na kigaakuna Jizaazai wida'ke'nebulyasi," dina, limwanna ye!.

Jizaazai a'mwe yuyaraavirebw i yawi'na yake'nesi.

²³ Anga Jeruzaalem'i sagaa' Pari'ma'munneega' mwaalina yada nawi'nyajidraginyaji yadaa'nyi a'mwe kwalaalyara tinna sara wanganeva gaminyina dina "Sahwai naangelyi," gaminne yaya' limwanna. ²⁴ Sara limwanna kye' a'mweraavirebwina a'mwera yaasiwa'wi'nya yesa'na nayaa yawi'da kuminyina yilaaya yarai myina. ²⁵ A'mweraavire yawita'naji kumire sidusa'naji nayaa yawi'dei. Sarebwi pwai mujwaakyi ya!. Sarebwi wigainadei mi!. Sare' dare'nesi. Sahwai a'mweraavine sidu'nakei nayaa yawiralinwagarikelyi.

3

Jizaazalyi Nikothimaazalyi saraarinesi.

¹ Juya pwara Perizikiwinya yadi'i mwaalina yeve pwai Nikothimaazai wo'nikei Perizi'yai mwaalina yakelyi. Sai a'mwe naangei Juyaraavi maremwaaiidei mwaalakelyi. ² Mwaalina yaka sawita piri'vi Jizaazaryawinna binna yaka bamwaaina yaka widi'na "Wijiwaakyai," 'Gotiyai gitashawaabikeig' bahina wijiwaakina neyivanigi. Sare' dare'nesi. A'mwera wijiwaainyangi yivanigi. Diraginya yivanigi. Gotiyai magihaimwagyazi kwaj'i sara mi kyidi' diraginya davwi, sara yawi'mwona."

³ Jizaazai ja'nawidi'na "Naanga nebulya'na gitihivanige. A'mwe pwai kwai ayahi mudikei mima'nyi yajai Gotiyai maremwaaladeva tinna mwanganyi yannelyi."

⁴ Nikothimaazai widi'na "A'mwe naangei mudikei yima'nade'na gara yoji yima'adelaka? Pi'gasaaai a'mwei ganaangevi munyiki ayina wilaminyina kyoj' ganaange' gara maaradelaka ayahwala!"

⁵ Sai ja'nawidi'na "Naanga nebulya'na gitihivanige. Kurya Twenaayai a'mweri aalya myi kyoji mudika mumwaaihi kyoji sai Gotiyare maremwaaiideva wiladei mika! ⁶ A'mweyore kaimiraayai mi'wi'naka yaginnakalyi. Gotiyarei, gamire munyiki Kurya Twenaayai bulamwaaina kyoji sai a'mwe Gotiyare Kuryai kininnakelyi mudikei. ⁷ Gitihive'na 'Sarininyi mudika ayahi yihimwaaiahana!' gitihive'na atika maru'nata myinnera! ⁸ Yihuta gami sa' kaanna wina yadevaaiibisasi. Yihusa' kadika wi'nadinyaigi 'Sawinna wawade' daaka! Sabadaal'nyi bathe' daaka!' dadinyaigi mi!. Aawa, sare'na Gotiyare Kurya Twenaayai gazaizare munyiki bulamwaaina yinikei mudika yima'ni!. Mudikei tweaanna yada a'mwera tinna wangamaniga!. Kum mwanganyivaniga' aaya kaavilyavi."

⁹ Nikothimaazai ma'maa'na, "Nyidiwaanya' gara yima'ninikavaka?"

¹⁰ Sai widi'na "Yizi'reliyainaavire nejwaakadinyaigi sabwi myawirivaniginyaigi daa? ¹¹ Naanga nebulya'na gitihivanige. Nayaa yawirama'daanya yawi'daa yihithivanigo. Tinna nayaa wangadaanya yihithivanigo. Sara yihithivanigo'na nemire jalikurakyav'i mamaaryivanigasaihiliyi. Sabwi kadika myivanigata sa' baa'na yivaniga!. ¹² Kwaaka davaki yinikengina kyihithiwa malimwagyivaniga 'Nebulyasi,' sara maji yawaasa! Sigunyavi yinikengina yihithiwija' gara dilimwagyideihilaka! ¹³ Sigunyavina yilaawakei a'mwei pwai kwai mika. Sigunyavi A'mweraavine Kaimiraayai mwaalaka savidaa'nyi sai gavei walaaba!"

¹⁴ Kigaa' a'mwamaayaba Ne Mozizai kwaari'makamaalya' yisavaki pwiyaka daakuna yaa!. Kamaalyari makilyaakabaaibi' yisavaki tamakya'na A'mweraavine Kaimiraayari sara makibidelyira. ¹⁵ Sahwai "Gazaizai nyilimwagarori gaala yugaa'nebwi maarana!" kadozi sara makibidelyira. ¹⁶ Sare' dare'nesi. Kwaaka

davakiyainaavina Gotiyari kale naanga kwia' Gotiyai neminyina Gawaalivaanga gaveri nejaavakelyi. "Gazaizai sahwari wilimwagaroj myiwawanna! Aawa. Gaala yuyagaa'nebwi maarana!" daka nejaavakelyi. ¹⁷ Sare' dare'nanyi. Gotiyai din "Nyibwaalivaangei a'mweraavi kotiya'na maryawibwaradela!" daka myasaabya!. Aawa. "Nyibwaalivaangeri a'mweraavina padaihasamaata yima!" daka kwaaka davaki yasaabina ya! Gotiyai.

¹⁸ Gawaalivaangerina limwagaza pwari Gotiyai kotiya' maryawibwa'dei mi!. Malimwagyaza pwai kotiya' mena yawibwa'nikelyi. Gotiyare Gawaalivaanga gaverina gamire yayavinaj malimwagaryaja'na kotiya' mena dinkesi. ¹⁹ Kotiya'na dara din "Nemire kwaaka davaki pwai nebulya' nejwaakake'na Baakei walaabina yaka kir! a'mwera kayaa'nanya yadivisara kayaa'nanyabwi jihinyaburina wivu'nakere. Baakerina wivu'nakara mi!. Sare' dare'nesi. Kumi yadivisa kayaa'nanyangira," sare'na dinkesi. ²⁰ Sare' dare'nesi. Gazaizai kayaa'nanya yadei Baakerina simili ka wimankei Baakeryawinna mabi yivan!. "Baakeryaba pwara nimire kayaa'nanyabwi nanyangabika!" daka mabyivan!. ²¹ Sara yada kir! pwai nebulya'na tewaanna yadei Baakeryawinna nayaa bivan!. "Baakeryabanna kwawa'muj pwara yawita'na 'Gotiyari yuya sa tewaanna jivanika!' " daka kaanna bivanikelyi.

Jizaazalyi Joniji saraarinesi.

²² Sangi dividaa'nyi Kwaaka Juthiya sawi Jizaazalyi gamirerari kaanna. Mi'na kaanna yaka saba kumijim mwaalaka bavitaaziya' aalya yina. ²³ Bavitaaaziya' yadaa'nyi nabaai aalya naange' wa'di'nyiya'na Joni Kwaaka Ynoni Anga Selimi pimaginna wawaka bavitaaziya' yina. Bavitaaaziya' yina yada gaminyawinna a'mwera a'mwe samili ka badaapi kuminyi bavitaaziya' yina ya!. ²⁴ Sare' dare'nesi. Sagaa' tewaanna mwaalaka kalavuza mumwaaihyagaa' Jonimti.

²⁵ Sagaa' Juyai yawi'na "Aalya yinya'nebwi yiniga wi'na daaka? Be bavitaaziyavaka nawi'nya!" Dina yaka Jonimireraavi yagaala naanga widina kya' maanga dinyni. ²⁶ Mi'na dinyni kye' Jonimywainna gamirera bina yeva widina "Wijawaakyagi, kigaa' Aalya Jothan pimagi pihir! mwaalagina a'mwe pwalyi mwaalagina sarina nejalikurakaginyalyi. Yithaa, dahaa' sai bavitaaziya' yivanike' gaminyawinna yuyara wivaniga!"

²⁷ Joni ma'maa'na "Sarinna simunya kwalaalya myawipinera! Sigunyavidaa'nyi Gotiyai a'mweri mujaayi yaja' aane pir! kir! mamaari yannelyi. Gotiyai din 'A'mwe pwai naangelyi. Pwai maalikelyi, sana sana yina yadelyi Gotiyai. ²⁸ Sarimi sahwaihi nimire yagaala kadika nyu'nesaihilyi. Dara yihithe. Gotiyai dinika Kiraazitiyainyi mik! Aawa. Gotiyai niminyidaasi nyidaasakeinyi. Divi sahwai bathelyi, sara yihithe. Ke'ba'na yihithima! ²⁹ Miginyai taaya' maa'mwakelyi. Mudikangegaa' miginyaryawinna taaya' wina. Wina kyawa' miginyai yilaaya yina yaka widina. Widina kyawa' gya'mwei mwaalaka gamire maanguraayav kadika wi'nyina yaka yilaaya naanna yina. Taaya' gya'mweryawi mwaalike'na yilaaya yina yawa!. Sa'bisa'na a'mwera Jizaazaryawinna wina yivanigasa'na yilaaya yuna yivanige. ³⁰ Gam naangei nyavilavikelyi. Nimi naangeinyi myima'nivineinyi. Nimi maalikeinyi yima'ndeinyi," widina ya! Joni.

³¹ Munyabadaasi diraginyai walaabakei yuyainaav nevilavikelyi. Kwaakevakidaasi pwaina Kwaakevakiyaina kwaakevakiyabwi widina, kwaasi kwaasi yagaala widina yadaanyaine. Sigunyavidaasai yuyainaav nevilavikelyi. ³² Sai Gotiyaryaba tewaanyabwi tinna wanganakengi kadika wi'nakengi sangina jalikurakina. Sare jalikurakina kya' kir! aane pwai kwai kadika wi'nakka gamire yagaalya' mu'nya!. Aawa. ³³ Pwai gamire jalikurakya' daapina yake' yi, "Gotiyai

nebulya'nanyai!" dīraginna dīna ya!. ³⁴ Sare' dare'nesi. Sahwari Gotiyai yasaabina kya' Gotiyare yagaalyangti wījīwaakina. Sare' dare'nesi. Gotiyai sahwarina gamire Kuryari wījaavina ya!. Gotiyai gamire Kuryari maali'na wījaavakarina mi!. Naanga yuyabwi wījaavakerina. Gotiyai gamire Kuryari yīnahu wījaavake'na sai Gotiyare yagaalya' nayaawidīna neya!. ³⁵ Gawaalīvaangerina Ganīmaangeri tewaanya wīvu'nada yīlaaya yada dīraginyajti yuyajti mwangina yada wīdīna "Yuya dīmaremwaala!" wīdakerina. ³⁶ Gawaalīvaangeri nayaalimwaga'dei gaala yuyagaa' yuyagaa'nebwi kīnīnnakelyi. Kwai Gawaalīvaangeri malimwagaryadei gaalyabwi tīnna mwanganyi. Aawa. Gotiyari sīnna tīka wīdayabwi sahwari kuna wīwarikelyi.

4

Jizaazalyi Kwaaka Samerīya mwaalyasi sawaarinesi.

¹ A'mwe Periziyara dara wī'nesa! "Ai, a'mwe kwalaalyara Jizaazarera yīma'nyīna yeva a'mwe pwai pwai Jonimirera yīma'nyīna. Jizaazai a'mwe kwala naangevi bavītaaziya' jīvanīka!" ² Sara wī'neta kwaraavi Jizaazai bavītaaziya' mya!. Aawa. Gamirera gavera bavītaaziya' yīna ye!. ³ Periziyara sara dīdaapi sarevīdaa'nyi Jizaazai sa'na wī'naka Kwaaka Juthīya ya'ma'na yaka "Kwaaka Galīlina ayīna wīma!" daka ⁴ Kwaaka Samerīya lotaya'nei kaanna wīna ya!.

⁵ Wawakegaa' Kwaaka Samerīya Anga Saika wo'nīkebanna yī'mavaawīna. Kīgaakuna Ne Jaikopi gawaalīvaanga Jozepiyari'ne kwaake' wījayaakeba anga sa'mannīkebe. ⁶ Nabaai saba Ne Jaikopi aalīkavi'nīnnya' līkyaakeba kavi'nīnnya' kuna dī'na'dīsiyaba. Jizaazai kaanna kaanna wodaa'nyi maa'na naanga wiadaa'nyi sīrīgwajahaa' aalīkavi'nīnna sayabanna yī'mavaawīna yaka walamaaaina ya!.

⁷ Aalya yīrya'ne' Kwaaka Samerīya mwaalya' bīna yīna kya' Jizaazai wīdīna "Aalya' dīnyīryaama!" ⁸ Sare' dare'nanyi. Gamirera "Wapaaya mubaana!" deva anga savīna wīlaawīna yesai gavei sara wīdīna ya!.

⁹ Sarevīdaa'nyi a'mwe sa' wīdīna "Gīmī Juyaigti, nīmī a'mwe'nyi Samerīya mwaalya'nyi aalya'na nyīwara'mwaanya'na gīthīwa." Sare' dare'nesi. Samerīya mwaalyara gwarewakiti aalya' nyīna yadīvī! Juyara gwarewakina "Aala!" dadīvīsa'na wīdīna ya! a'mwe'!

¹⁰ Jizaazai ja'nawīdīna " 'Gotiyare sīhumale' nyījaavana!' yawī'dīza' a'mwe sai gīthīwaka sa' 'Aalya' dīnyīryaama!' gīmī wīdīzī kwajiti sai aalya' a'mwera gaala mwaabitne' kagīzaavadīka!"

¹¹ A'mwe' wīda' "A'mwe naangeigti, aalīkavi'nīnna da' saamīnaange' warīke' kebanī aalya' dī'nī!. Aalīgware' maayaigīnyi. Aalya' a'mwera gaala mwaabitde' gawī dīmaa'jīwaa? ¹² Nemire Ne Jaikopi aalīkavi'nīnna da' nemīnyīne' kalīkyaa' aalya kuna nadaanyannera. Gamījī gawaalīvaangerari gamire jīlīkyaaawaryarari aalya da' nyīna yaa' aalīkavi'nīnna tewaanya davī. Sarei nemire Nei a'mwe naangelyi aalya naanga nejayaakei. 'Aalya tewaanya naange' gīzaavīma!' dahīna gamīnyi wavīla'mwaanyaigti daa?"

¹³ Jizaazai ja'nawīdīna "A'mwe yuyara aalya da' nadīvī! dīvi mījīka ayīna wiade' kīrī! ¹⁴ a'mwe dai aalya' wījaavīde' nojiti yuyagaa' mījīka mwi yadelyi. Arīkewi. Aalya' wījaavīde' gamire munyīkī wīlarojti nabaai yimīnya' yīma'nadelyi. Yimīnyavīdaasi aalya nawī'nya' bilyīrī'na yada a'mwe savī yuyagaa' yuyagaa'ne' gaala wīmwāaihadelyi."

¹⁵ A'mwe' wīdīna "A'mwe naangeigti, aalya sa' nyījaama! 'Na'muri mījīka ayīna manyojojti davanna mabi ya'mujī aalya' myīri yīde'nyi,' dena gīthīwa."

¹⁶ Sai wīdīna "Gīnnya a'mwerīna duzīma'naawa!" ¹⁷ Wīdīna kya' a'mwe' ja'nawīdīna "A'mwamaaya'nyi." Jizaazai wīdīna "Naange' nyīdīwaana 'A'mwamaaya'nyi.' ¹⁸ Sare' dare'nanyi. Kīgaa' a'mwe atīlyaraavī maa'nagīna kīgaa'

pigaa' yuyaraavī byenidakwawagi. Dahaā' a'mwe mwaaihīyai gitmireina mīka! Nebulya' sara nyidīwaa."

¹⁹ A'mwe' wīdīna "A'mwe naangeigī, gitmīnyīna dara wangamwe! 'O, a'mwe dai Gotiyari wi'nawījīwaakadei daaka!' ²⁰ Mugunya davī nīmīre Ne sīnnawīnyara Samerīya mwaalyara Gotiyari yīlaaya yīna. Sara yīna kyaa' kīrī' Juyaihi sahwaihi wīdīna 'Aawa, Gotiyari yīlaaya Jeruzaalemi yīpī'deva.' Sara nedīvanīga!"

²¹ Jizaazai wīdīna "A'mwe'gi, gitthīde'na du'nana! Divi pigaa' yīma'nadehaa' mugunya davī a'mwera Nīmwarī yīlaaya mi yīpī'de' Anga Jeruzaalemi yīlaaya mi yīpī'dehaaki. Aawa, yawīta sabwi. ²² Kwaaka Samerīya mwaalyaihi sīduta maalīka' yadīvī' Gotiyari yīlaaya kwaasi kwaasi yadīvisaihīlyī. Juyainaavīdaasi dakīnīkei bīwaka, a'mweraavī padaihasamaa'de'na Gotiyari nayaa yawīna yadaa yīlaaya tewaanna yadaanyaine Juyaina. ²³ Sare' kīrī' sagaa' yīma'nadehaa' gitthīwegaa', dahanī mi'na yīma'nīwakgeaa' a'mwera, a'mwe Nīmwarī yīlaaya nebwina yīpī'dera. Kumīre kuryara yīlaaya yīpī'de' nabaai, nebulya'na yīlaaya yīpī'dera. Sare' dare'nesi. Sara yīlaaya yīpī'deraavīna Gotiyai dīna 'Sahwara yīlaaya nyīpīka!' dadelyī. ²⁴ Gotiyai Kuryalyī. A'mwei mīka. Sare'na a'mwera kumīre kuryaraavījī nebulyaburījī yīlaaya yīpīnerera. Yaasīwa'na yīlaaya mipīna!"

²⁵ A'mwe sa' wīdīna "Dara yawī'mwa. Divi Mezaayai yaya pīrī' Kīraazītīyai wo'nīkei bathelyī. Sai bazai yuyabwi, yuyangī nedathelyī."

²⁶ Jizaazai wīdīna "Dahaā' gitthīvanīge dainyī nīmī sahwainyī."

²⁷ Sagaasagaa' Jizaazarera yagalaawīna yeva dara wanganesa! "Ai, a'mwevi wīdīvanīkei daaka!" Deva atīka maru'na'na yeva kīrī' kumījīya aane pwai kwai savī mujīna "Baa'na bahīneka?" sare' myīwaarayīna "A'mwe savī baa'na wīdīvanīgīna?" Sara mujī, navīka mwaalīna ye!"

²⁸ Sarevīdaa'nyī a'mwe' gannya aaligware' wakīna yaka gannya angebanna ayīna wīlaawīna yaka a'mwe anga sabanyaraavī wīdīna ²⁹ "Ai, a'mweihī kaajīla! A'mwe pwarī danganyīla! Yuya yadīnyanna nyidīwakelyī. Gotiyai dahīlakyaakei Mezaayai dīngaka?" ³⁰ Sara wīdīna kya' anga saba ya'ma'na yeva sahwaryawīnna wīna ye!"

³¹ Angebanna a'mwe' wodaal'nyī gamīrera Jizaazarī wīdīna "Nejīwaakadīnyaigī, wapaa dīmaranana!" ³² Sara wīdīna kye' kīrī' wīda! "Aala, wapaa pīnījīyainyī sare'mī mwanganya." ³³ Mi'na wīdīna wīyakevīdaa'nyī gamīrera yīwaara'nyīna "Pwai wapaaya dahamakabīwaka?"

³⁴ Jizaazai wīdīna "Nīmīre wapaaya pīrisī. Da'na yīhīthīvanīge. Nyidasaabakei sara nyidīvanīkebwi gamīre sīmunyabwi sara yīvanīge'na nīmīre wapaayasi. Gamīre wawīnya' mi'na yī'mwannya'ne' nīmīre wapaayasi. ³⁵ Sarīmī wawīnya tīnna wangadīvī' dara dīdīvī' midaaka! 'Lawe dīkaai dīkaai kwavīlavojī wapaaya mīlaadera.' Yīhīthīwa. Dahaā' sa' madīpīna! Yīthaanyi! Wawīnya keinīngī nayaa danganyīla! Kīgaa' pwara burīnna yeva witīzīla yawaka yī'nīkabaaibī' a'mwera nīmīnyīna yarai nyū'nīpī'derera. ³⁶ Pwai wapaaya mīlojī mīlojī kave yovīrawakade' gamīre tīvīkīta mena maa'manī'. Yī witīzīla yuyagaa' yuyagaa'ne gaalyabwine mena yovīrawakīvanī!. Sīla pīraihīrakadelyī wapaaya yovīrawakadelyī 'Witīzīla mena warīke'na yīlaaya yaka!' dahīla sara yovīrawakīvanī!. Sa'na pwai Gotiyare yagaalya' wījīwaakīna yadelyī pwai a'mwera Gotiyarereraavī wīmwaaihīna yadelyī saraai sare'na yīlaaya yīkaderaaalyī. ³⁷ Sare' dare'nesi. Darevī nebulya' dīdīvī' 'A'mwe pwai burīnna yadelyī. A'mwe pwai midelyī.' Yī sa' nebulyasi. ³⁸ Wawīnya pīrīvī sare'mī myesavīna 'Wapaaya dīmaaryīla!' yīhīthīwe. Wawīnya savī pwara mīraagīkī'na kye' sare'mī kumīre wapaaya dīmaaryidengī. Sīnnawī pwara a'mweraavī Gotiyare yagaala wījīwaakīna yadīvī' dahanī sare'mī yagaala tewaanya' kudapījī a'mwera nīmīrera yīma'nīpī'derera," wīdīna ya!"

³⁹ Anga saba mwaalyara Kwaaka Sameriya mwaalyara kwalaalyara a'mwevire jalikurakya' kadika wi'nyina "Yuya yadiyanna nyidiwakelyi." Sara kadika wi'nyina yeva Jizaazari limwanna yadiyi! "Mezaayai Kiraazitilya." Gotiyai dahilakyaakelyi," dina. ⁴⁰ Sarevidaa'nyi Kwaaka Sameriya mwaalyara gaminyawinna wina yeva diraginna widina "Neminyawi se da'mwaka!" Widina kye' savi yirika daryaa mwaalina. ⁴¹ Mwaalina yada gamire yagaala widina yake'na pwara kwalaalyara gaminyi limwanna yeva dina "Mezaayalyi. Gotiyai dahilakakelyi!" ⁴² Dina yeva a'mwevi widina "Nabaai, dahaa' gaminyi limwamanigo. Nedawaanya'na mika! Sare dare'nesi. Nem sahwaina kadika wi'nona dara yawi'manigo! 'O, nebulya!, Kwaaka davaki mwaalyaraavina Naangei padaihasamaaradei daaka!' Sara dona gaminyi limwamanigo."

Jizaazai kaimiraayarina nabalya' marasi'nake'nesi.

⁴³ Anga saba sawita daryaa Jizaazai wa'mwaraka saba ya'ma'na yaka Kwaaka Galilina wina. ⁴⁴ Jizaazai sahwai widake! "Gannyaba mwaalyara a'mwe piropetiyai Gotiyari wi'nawijawaakaderi muji 'A'mwe naangeiginyi,' muji yadivisalyi." Widake'na Galilina wina. ⁴⁵ Mi'na wina kya' saba mwaalyara gaminyina maarin. Anga Jeruzaalem Pari'ma'munne'na kaanna yeva munnegaa' Jizaazai yuyang tewaanna yadaa'nyiyangi tinnna wanganeva "Tewaanyasi," desa'na gaminyina yilaaya yina ye!"

⁴⁶ Kwaaka Galili Anga Kena mannikebanna Jizaazai ayina wina. Saba kigaa' diraginna kya' aangaalya' wa'di'nyi aalya waainiya' yima'nikabe. Anga piba Kaapaniyami kingiyare a'mwe naangei mwaalina yadi'nyi gamire kaimiraayai nabinalnakei warina ya!. ⁴⁷ Jizaazai Anga Kenana ayina wina kya' kingiyare sai dara wi'nake! "Galilina Juthiyadaa'nyai Jizaazai damwaali!!" Mi'na daka gaminyawinna wina yaka yidaangana! "Nimire kaimiraayai yarai balade'na nimiji wawa'gizi nabalya sa' dimarasi'nana! Yarala!" ⁴⁸ Jizaazai widina "Sarimire yawi'divisabwi yawi'mwa. Nimire yijiwaainyaj diraginyaj sarimi tinnna mwanganyipija' niminyi manyilimwagy jideihili."

⁴⁹ Kingiyarei kave widina "A'mwe naangeig, ninya kaimalei nabalandika! Naarimi yarai wawaka!"

⁵⁰ Jizaazai widina "Ginnya angevinna kaanna diwona! Ginnya kaimalei mabalyai mwaali!. Nabalya' maayai mwaali."

Jizaazai widake! a'mwe sai limwanna yaka dina yada "Nebulyasi," kaanna wina. ⁵¹ Gannya angevinna kuna kaanna wina yadaa'nyi gamire yaasawa'wawinyara wi'jimaa'nyina yeva widina "Gimire kaimiraayai tewaanya mwaali!. Nabalya' aawa." ⁵² Sarevidaa'nyi sai yawaara'na "Nimire kaimiraayarina gathingaa' yiwiwaka?" Sara yawaara'na kya' widina "Wona sirigwajahaa' waani kilokiyagaa' kilaaka dika menanyira." ⁵³ Sarevidaa'nyi ganimaangei yawi'na "Yo, sagaasagaa' Jizaazai nyijawaali! Ginnya kaimalei tewaanyai mwaali!." Sara yawi'na yaka kinidaka sahwari limwanna yesanidakera.

⁵⁴ Kwaaka Juthiyadaasi Kwaaka Galilina yimavaawina yaka Kwaaka Galili yijiwaainyai kaimalerina yake' diraginya piriwaalya' ya!.

5

Aalibunya Bethezitha Jizaazai a'mwe nalaavinkakeri yiidiikaavake'nesi.

¹ Sare mena kyima'na! Juyara Gotiyarina tika munne nadivisagaa' kyima'na! Anga Jeruzaalemna Jizaazai kaanna wina ya!

² Jeruzaalem saba Sipzipitikurya' wo'nikevi pimaginyavi aalibunya' di'na'na ya!. Aalibumaangevi yihuliviliya ati manni!. Aalibunya sa! "Bethezitha," Yiviruyagaala

wo'nikesi. ³ Yihuliviliyangi nalaavınaka kwala naanga mwaalına ye!. Nalaavınakera pwara tibinyara, pwara sıvıla nadıya yinikera, pwara kilaaka bainikera mwaalına ye!. Savı yuyara aalya' kwaayakwaaya'na yemwaaina. ⁴ Piğaa!, piğaa! aalyavı Sığunyavıdaasai Naangere mamaayai ejeliyai walaabına yaka aalya' ginyaıwanna. Sara ginyaıwanna kya' sagaa' sinnawınyai nalaavınakei aalya sınaapwipulyavı yarai walaawına, yithaa, maamıdaryai yıma'nakelyi. ⁵ Yemwaaina yadıvı' nabaai, a'mwe akwai yemwaaina yada kwarame naanga naanga (kwarame 38) wavıla'daa'nyai nalaavınakei mwaalına. ⁶ Sai mwaalına yadı'nyı Jizaazai bına yaka yawı'na "We", a'mwe sai nalaavınakei kwarame kwalaalya mwaaidelyi," yawı'na yaka wıdına "Gımire sımunya 'Maamıdaryainyı yıma'nıma!' yawı'dınyaigı daaka?"

⁷ Nalaavınakei ja'nawıdına "A'mwe naangeigı, aalya' kwaaya yadaa'nyıyagaa' 'Aalıbunyavı nyımarapaihana!' dena a'mwe bewai yanneka? Walaawına yadaazi sinnawı pwai yarai wavıla'na nyada aalyavı pahiınyına yadelyi."

⁸ Jizaazai wıdına "Daava'gızı nalabwarya' pwala'gızı kaanya dımakwo!" ⁹ Sara kuda' yıme'nya'bı' a'mwei maamıdaryai yıma'naka gannya nalabwarya' pwalaka kaanna wına ya!.

Sagaa' Juyaraavıre Kwazaakegaa!. ¹⁰ Sareviдаa'nyı Juyara naangera nalaavınakei tewaanyai yıma'nakerı wıdına "Juyainaavıre Kwazaakegaa ki. Nemire kıwınya' dıni' 'Kwazaakegaa' nalabwarya' mamakunnera!' Sara dınikegaa' be'na makuvanıgına?"

¹¹ Sai wıdına "A'mwei maamıdarya nyıdıkaa'mwakei nyıdıwa' 'Gınnya nalabwarya' pwala'gızı kaanya dımakwo!' Sara kanyıdıwakıra."

¹² Kumi yıwaara'na "Gınnya nalabwarya' pwala'gızı dımakwo!" gıthıwakei aaihwılakıra?" ¹³ Yıwaara'na kye' kırı' tewaanya yıma'nakei myawırina. Sare' dare'nesi. Aalıbunyavı kwala naanga mwaaidapi Jizaazai kave wına kya' sai sahwarına wıda' "Aaihwı dıngaka?"

¹⁴ Dıvi sagaa' Gotıyare Angevi Jizaazai gamınyı bıramaarakı wıdına "Yıthaa, dıhaa' maamıdaryaigı mwaaihi. Kayaa'nanyabwi minna! Kıgaa' nabalya kayaaka gıhaideigınyı. Aya kayaa'nanaanga gyade'bıta naanga pırı' nagyathıka! Gımire kayaa'nanya minna!"

¹⁵ A'mwei Jizaazarı kadıka wı'nyına yakegaa' Juyara naangeraayawınnıa wıdaawına "A'mwei maamıdarya nyıdıkaa'mwakei Jizaazalyı." ¹⁶ Sareviдаa'nyı naangera dara yawıresa' "Nıwaava, Juyainaavıre Kwazaakegaa' kayaaka'na a'mwe sai sabwi yadei daaka!" Sara deva Jizaazaryawınnıa kaanna yeva sagaa' Kwazaakegaa' sara yake'na "Balana!" deva maanga gaai wıdına. ¹⁷ Maanga gaai wıdına yadıvı' Jizaazai wıdına "Dahaa'na nınnıa Nımwai yıvanıkegaa'nanyı. Nabaai nımi yıvanıgeinyı."

¹⁸ Sareviдаa'nyı Jizaazai sara wıdakegaa' Juya naangera dınyına "Nemire kıwınya' Kwazaakegaa'na kayaaka yıwa!. Sa' kayaa'nanyası. Kayaa'nanya' kırı' nedıwa' 'Gotıyai nınnıa Nımwalyı, sa' kayaa'nanaangesi. Yarai balana!" Jizaazai wıdına "Gotıyai nınnıa Nımwalyı," yaka "Nımi Gotıyarı avaalyainyı," dınike'na dınyına ye' Juyara.

Jizaazare dıragınya'nesi.

¹⁹ Juya naangera dınyına yesagaa' Jizaazai gamınyına wıda' "Naanga nebulya'na yıhıthıvanıge. Gawaalıvaangei gamıre sımunyavıdaa'nyı aane pırı' kırı' yanınei mi!. Aawa. Nımwai yadaawori wanganajanna yadelyi. Sare' dare'nesi. Yuya Nımwai yade Gawaalı' yıvanıke sahıñıngı. ²⁰ Sare' dare'nesi. Nımwari Gawaalıvaangerına wıvu'nade'na Nımwai sahwı wawınya yıvanıka yuya sa yıbwarıdaakwadelyi. Gawaalı' nabalinakerı tewaanya yaka wawınya maalıkesi. 'Sarımı atıka maru'na'na jıla!' daka Nımwai wawınya naange wıbwarıdaakwojı

Gawaali' sana yadelyi. ²¹ Sare' dare'nesi. N̄mwai bainikeraavi yidi'kaa'da gaala w̄jaavadevaabi' Gawaali' "Sahwaraavi yidi'kaavima!" da'muj̄ w̄mwaa'ihi'ma! dozi gaalyabwi w̄jaavadelyi. ²² Sare' dare'nesi. N̄mwai aane pwar̄ kwar̄ kotiya' mujadelyi. Aawa. Wawinya savina d̄raginya' Gawaalivaangeri kujaawa' sai kotiya yuyanna w̄dathelyi. ²³ Sarevi 'A'mwe yuyara N̄mwainyine yaya' munyabanna makimanigatabaaibi' Nyibwaalivine yaya' makibika!' daka w̄jaawakelyi. Gawaalivaangerine yaya' munyaba mamakilyadei yi sai N̄mwai w̄dasaabakerine yaya' mamakilyadelyi.

²⁴ Naanga nebulya'na yihithivanige. A'mwei yagaalyavi kadika nyu'najai Gotiyai nyidasaabakeri limwaga'na yoji sagaasagaa' yuyagaa' yuyagaa'ne gaalyabwi kininnakelyi. Sai kotiya' jidaya'neba wilaabathei mi'. Aawa. Sahwai balyaburidaa'nyi gaalyaburina mena ga'ma'na yiwakelyi. ²⁵ Naanga nebulya'na yihithivanige. Pi'gaal yima'nya'negaa' dahaa' bainikera balyabwi yadi'sara Gotiyare Gawaalivaangere maanguraaya' kadika mena wi'napijji nabaai, kadika wi'nipi'jara gaala mwaabi'dere. ²⁶ Sare' dare'nesi. N̄mwai d̄raginna mwaalikei gami sahwai gaalyabwine aaya kaavilyai mwaalikabaaibi' Gotiyai Gawaalivaangerina dina kya' Gawaalivaangei gami sahwai gaalyabwine aaya kaavilyalyira. ²⁷ Sahwai, A'mweraavine Kaimiraayai mwaalike'na Gotiyai wida' 'D̄raginya' kagizaawa a'mweraavina kotiya' jawibwa'deiginyi.' ²⁸ Sara w̄daka sa' atika mamaru'napi'na! D̄ivi pi'gaal yima'najahaa' wakadivisangidaa'nyi baryara gamire maanguraayavi wi'napi'ri ²⁹ kunnya wakinikeba yagalya'ma'na, walyaabina yipidere. Pwara mwaalyagaa' tewaanna mwaabizara dikaavapijji gaalyabwi maapi'dere. Pwara mwaalyagaa' kayaa'na mwaabizara kadikaavapijji kotiya' jidasabwi maapi'dere.

³⁰ N̄mire simunyavidaa'nyi aane piri' kiri' mi yiwineinyi. Yagaala N̄mware wi'niwebaaibi' maryawibwa'manige a'mweraav'i kotiya'na. N̄mire simunyav'i mabiramaarivanige. Aawa. Nyidasaabaka sare simunya' maa'manige'na n̄mire yawibwata sa' yida'maraangesi.

³¹ Sahwainy gaveinyi 'Naangeinyi,' jalikurakimujji kwajji pwara 'Nebulya' mi'ka!' kadipidika! ³² N̄minyina nayaa jalikurakadei pwai mwaalit'. Yagaala sara yihizalikurakivanike' 'Jalikurakya sa' nebulyast,' yawi'mwa. ³³ Joni myawinna sarimi a'mweraav'i kudaase! Joni nebulyaburina yihizalikuraka'. ³⁴ Sare'na a'mwe gaveraav'i n̄minyina jalikurakyabwina mamaaryadinyainyi. Aawa. 'Sarimi'nyi nayaa yihivadaihasamaarima!' dena yihithivanige. Joni yihithake'na ³⁵ Joni di'baakelyi. Di'baaka sai naka a'mweraavina wanyina yakelyi. Joni mwaalaka gannya baake' sarimi'nyina wanyina yake', maalikegaa' baaka savina gamire yagaalyavina yilaaya yesaihiliy. Joni n̄minyina nayaa yihithakelyi. ³⁶ Nabaai, n̄minyina jalikurakya pin' warike Jonimire yagaalyavi wavila'na yaka dinikengi. Sare' dare'nesi. Yuya yivanige N̄mwai 'Sana ja!' nyidade wawinya sa yivanige tinna wanganeva dara yawi'mwaasa' 'O, Jizaazai sara yade'na Ganimaangei widaabakei daaka!' Jalikurakya sahirisi. ³⁷ N̄mire wawinya sa n̄minyina yihithivanika nabaai, N̄mwai nyidasaabakei n̄minyina nayaa jalikurakiwakelyi. Sare'na sarimi gamire maanguraaya' kadika mu'nyadiv'i gamire sinnya' tinna mwanganyadivisaihiliy. Arikawi. ³⁸ Sarimi'ne sidusangi gamire yagaalya' mwaribainy'i. Sahwai nyidasaabakeinyi dainyi manyilimwagyadivisa'na gamire yagaalya' mwaribainyina. ³⁹ Sarimi' yawi'na 'Yuyagaa' yuyagaa'ne gaalyabwi kininnakeinyi mwaalima!' yawi'na yadi'visa'na Gotiyare bukuya' kave birina birina yadi'saihiliy. Gotiyare bukuya' dinike sahin' n̄minyina jalikurakini'keinyira. ⁴⁰ N̄minyina dinike'na kiri' sarimi' 'Gaalyabwi kininnakeinyi mwaalima!' deva n̄minyawinna divide' sarinnya simunyangi myawirivanige'.

⁴¹ N̄im̄inȳina ‘Ȳlaaya yaadeina daaka!’ d̄ip̄ja’ sar̄imi’resti. A’mweraav̄ byaan-nya’ mamaarivan̄ige. ⁴² Aawa. Sar̄imi’renȳina yaw̄i’mwa. Sar̄imi’renȳ Got̄iyari’na tewanya ȳih̄ivu’nadewwi mwari!. Sare’ yaw̄i’mwa. ⁴³ N̄im̄ware d̄iragi’na’ maarena gam̄inȳine yayav̄ biwa. Kab̄iwa k̄iri’ sar̄imi n̄im̄inȳ mamaari. Pwai gannya d̄iragi’na’ maaroji’ gannya yayav̄ bazai, ȳi sahwar̄ d̄imaaryideih̄ilȳ. ⁴⁴ Sahwaihi sar̄imi’renȳina ‘A’mwe tewaanyalȳi,’ deva ȳlaaya marivan̄gasa’ byaan-nya’ w̄ijaavan̄gasa’na ‘Got̄iyai gavei ȳlaaya neyana!’ majaih̄ilȳ. Sar̄imi sara yadi’v̄i’ n̄im̄inȳina gara d̄inȳil̄mwagyideih̄ilaka? ‘Naangeiḡinȳi,’ gara d̄izideih̄ilaka? ⁴⁵ Sare’na myaw̄iri yadi’v̄i’ d̄ivi sar̄imi d̄inȳina ȳipi’de ‘Gan̄imaanger̄ nem̄inȳina kot̄ya’ j̄ina yadei daaka!’ Sara myaw̄ip̄na! Aawa, n̄imi kot̄ya’ j̄ina myiw̄ina! Sar̄imi Ne Moz̄izar̄ina d̄inȳina ‘Sai nevadaihasamaaradelȳi,’ d̄inȳina yadi’v̄i’ k̄iri’ Ne Moz̄izai sar̄imi’renȳina kot̄ya’ j̄ina yih̄yathelȳi. ⁴⁶ Sare’ dare’nesi. Moz̄izai n̄im̄inȳina bukuya’ ȳida’n̄ike’na sar̄imi Ne Moz̄izar̄i nayaa l̄imwanna ȳipi’ji kwaj̄i kanyil̄mwabith̄ika! ⁴⁷ Kwaasi yadi’v̄i’ Moz̄izai ȳida’n̄ike mal̄mwagi yeva yagaala yih̄ith̄iwe gara d̄inȳil̄mwagyideih̄ilaka?’

6

Jizaazai a’mwe kwalaalyaraav̄ (5,000) wapaaya w̄ijaavake’nesi.
(Mat̄yui 14:13-21; Maaki 6:30-44; Luk̄ 9:10-17)

¹ Sare mena kȳma’na’ Aal̄bunya Gal̄ili (yaya p̄iri’ Aal̄bunya Taaiv̄iriyaazav̄i) Jizaazai s̄ip̄iyav̄i w̄lamwaaina kya’ pim̄inna makuna. ² Makuna kya’ kwala bwa’naanya’ mid̄inna. Ȳij̄waainya naange Jizaazai nalaav̄inakera tewaanyaraav̄ w̄imwaaikh̄ina yake t̄inna wanganna yesa’na Jizaazar̄i mid̄inna yeva gam̄inyaw̄inna bi’na. ³ Mi’na bi’na kye’ mugunyav̄i ȳlaawi’na yaka saba gam̄irerari walamwaaina. ⁴ Sagaa’ Juyaraav̄ire Pari’ma’munne’negaa’ aya k̄igaa’ ȳima’nakegaakt̄. ⁵ Walamwaaina yaka Jizaazai wanganaas̄ina yaka t̄inna dara wanganake’ “N̄im̄inyaw̄inna kwala naanga dav̄van̄iga!” Sara dake’na Pilip̄im̄i w̄id̄ina “ ‘A’mwe dara wapaaya n̄ip̄ka!’ dona ḡir̄ikula yuyaraav̄ine gawi mubaaziwona?” ⁶ Jizaazai Pilip̄im̄ina d̄ina “Gara nȳidaz̄hȳiwaka? Yaamij̄i w̄id̄ma!” Sare’ dare’nesi. “Sara ȳideinȳi,” mena yakei.

⁷ Pilip̄i ja’nawid̄ina “We!, ‘Gazaizai maal̄ike’ maarana!’ dona kinaaya 200 (tu aad̄ireti) wapaaya b̄iretiyanne mubaazi kwaj̄i wi’na ȳima’nade’ mi’!”

⁸ Gam̄ire pwai Ed̄ruyai Saaimon̄ Pitare gahwaalaangei Jizaazar̄i w̄id̄ina ⁹ “Dava kaimale pwai ȳis̄ila baali b̄iretiya at̄ilyaj̄i jawinya p̄iriwaalȳi sa k̄in̄innakei mwaal̄i!. Sare k̄iri’ a’mwe kwalaalya darera t̄ika nya’ne wapaaya sa beningaka!”

¹⁰ Jizaazai w̄id̄ina “A’mweraav̄ a’mwenḡi duz̄ila! ‘Dalamwaalȳila!’ ” Saba kur̄darya naangebe. Sarev̄daa’nȳi a’mwera a’mwe walamwaaina. A’mwera gavera kwalaalyara (5,000) mwaal̄ina yeva walamwaaina. ¹¹ Yuya, a’mwera a’mwe walamwaaina kye’ Jizaazai b̄iretiya sa maar̄ina yaka Got̄iyari “Su! Su!” w̄id̄ina kya’ b̄iretiya naanga ȳima’nadaa’nȳi a’mwe walamwaaina yadapiyanḡina yanga w̄ijaav̄ina. W̄ijaav̄ina yaka b̄iretiya w̄ijaavakabaaina jaw̄inyawaai w̄ijaav̄ina kya’ “Sare’ n̄ima!” yawi’d̄iv̄i’ sara nȳina kye’ munya wina!. ¹² Munya kwina’ sai gam̄ireraav̄i w̄ida! “Nagih̄waasa yaasiwa’ warya nyad̄ika! Wapaaya wa’mwaka yuya d̄imaaryi!” ¹³ Sarev̄daa’nȳi gam̄irera sara yeva soiḡlya at̄iraai s̄iv̄ilȳir̄idaa’nȳi p̄iriwaalyanḡi mihi’na mihi’na kye’ maanga yeku’nȳina. A’mwera a’mwe ȳisibaalib̄retiya nagihesa soiḡlya sanḡi maanga yeku’nȳina ya!.

¹⁴ Sarev̄daa’nȳi a’mwera Jizaazai ȳij̄waainya sa’ yake’ t̄inna wanganna yeva d̄inȳina “Got̄iyai w̄ijaaka ‘Kwaakevak̄i nyu’naw̄ij̄waakadei bathelȳra,’ w̄ijaakei sahwalȳi. Nebulyas̄ra. Sahwalȳi.” ¹⁵ Sarev̄daa’nȳi Jizaazai dara wanganake’

“ ‘Kingiyai nemaremwaaladei yima'nana!’ dapi yarai galalimwanna nyipi'dera daaka!” Sara daka mugunyav i ayina yilaawina ya' gavei.

Aalibunyav Jizaazai ga'nigoke'nesi.

(Matiyui 14:22,23; Maaki 6:45-52)

¹⁶ Sawitirinyagaal aalibumaangebaarinna gamirera walaawina yeva ¹⁷ sipyav i ylamwaaina kye' aalibunyav i Anga Kaapaniyamina makuna. Sawisa' kajinna' kuminyawinna Jizaazai kuna mabya'. ¹⁸ Sipyav i makuna yadaa'nyi yihuta naange' yaka aalimavajinaaka naanga yina yadaa'nyi ¹⁹ naangeba (5 kilomitaaya pin, 6 kilomitaaya kin) gamirera sipyav i yisaj aalyav i maarimaarya yina. Sarevidaa'nyi aalyav i a'ba Jizaazai ga'niguna yaka sipyav i aya kibanna yima'na yakeri tinna wanganna yeva lika naanga yina. ²⁰ Lika naanga yina kye' sai widina “Niminyira. Liki mipinera!” ²¹ Sara widina kya' gamirera dinna “Sipyav i ylamwaalana!” Dina kye' sahwai ylamwaaina kya' sagaa! “Sabanna yimavawaana!” desabanna sipyav i yarai yima'naabin ya’.

A'mwera Jizaazarina biresa'nesi.

²² Mwanyav i aalibunya pimagi kwala bwa'naanya' kuna mwaalina yeva dara yawiresa! “O, wona sipyav pin mwari kyawa'di' gavei yila'mwa'dike' daaka!” Nabaai, dara yawiresa! “Sipyav i gannyaraj i Jizaazai milamwaaly i yawaalit!. Aawa. Sahwar i ya'ma'na kyawaaiha' sipyav i gavera damakwiawaalika!” ²³ Dadaapi Anga Taaiviriyaazidaa'nyi aalibumaanga sabaarinna sipyav pin bina. Naangei Gotiyari “Su! Su!” widina kya' kwala bwa'naanya' biretiya nesaba samwinebanna sipyav sa bina. ²⁴ Sarevidaa'nyi kwala bwa'naanya' dara wanganesa! “O, Jizaazai pwai midaaka! Jizaazarera pwara midaaka!” Mena deva sipyav sangi ylamwaaina yeva “Jizaazarina biraana!” deva Anga Kaapaniyamina wina ye’.

“Jizaazai Sigunyavine Wapaayalyi,” dinike'nesi.

²⁵ Aalibunyav i a'mwera ga'ma'na yeva Jizaazarina birina birina yeva biramaa'na yeva yiwaara'na “Wijiwaakyaig, dava gathinggaal biwaa?”

²⁶ Jizaazai ja'nawidina “Naanga nebulya'na yihithivanige. Nim ddraginna yadinyaingina yijiwaainskyangina sidusa' nayaa myawiryadivi' nyib i maniga!. Aawa. Biretiya neva munya yihinyawaalike'na nyib i maniga!. ²⁷ Wapaaya bwia bu'denna wawinya' minna! Aawa. Yuyagaa! yuyagaa!ne gaalya'ne wapaaya ge waragwode sanna wawinya' ji! Wapaaya sa A'mweraavine Kaimraayai gizaavadeng. Sare! dare'nesi. Gotiyai Ganmaangei gannya ddraginya' kujaava' baavanaka sahwai sara yadelyira.”

²⁸ Sarevidaa'nyi kumi widina “ ‘Nem Gotiyare wawinya'yaana!’ dona gara yawaaj i yaadeinaavaka?”

²⁹ Jizaazai ja'nawidina “Gotiyare wawinya sa'na daresi. Sahwai widasaabakerina ddraginna dilimwagarila!”

³⁰ Sarevidaa'nyi kumi widina “Nabaai, ‘Nem tinna wanganawaaji gilimwagaana!’ dawaaj i yijiwaainya' gariv i dineyidevaka? Beri' jiziwaana? ³¹ A'mwamaayaba Ne sinnawinyaara sigunyavidaa'nya wapaaya manaaya nyaasare. Gotiyare bukuya' dinikabaaibisasi. Sigunyavidaasi wapaaya tika nya'ne wijaava!. Sara dinikesi.”

³² Sarevidaa'nyi Jizaazai widina “Nebulya'na yihithivanige. Mozizai Sigunyavidaa'nya wapaaya' mena yihizayaakei mik! Aawa. Nimaamaangei yuyagaa! Sigunyavidaa'nya Wapaaya Nebulyari yihizaavadely. ³³ Sare! dare'nesi. Gotiyare Wapaayai Sigunyavidaa'nyai Kwaakevak i mwaalyaraavina gaalyabwi wijaavadely yuyagaa!.”

³⁴ Sarevidaa'nyi kumi widiina "A'mwe naangeigt, yuyagaa' wapaaya nedawaanya' dinejaadeiginyi."

³⁵ Jizaazai widiina "Gaalyabwine wapaaya sai sahwainyi. A'mwera aawa-paaya ti ka nyina yadi'i ayaw i miji ka yina. Aalya nyina yadi'i ayaw i miji ka yadi'i tara. Pwai niminyawinna wi laaboz gannya kuryai miji ka mwi. Arikewi. Sai nyilimwagozi aalya'na mwinyi yadelyi. Arikawi. ³⁶ Aawa. Nabaai, piriwaaina dara yihithwa. Tinna nyangamwaasainyi. Manyilimwagyivanigasaihiyi. ³⁷ Nimwai nyijaavajara yuyara niminyawinna bipi'deinyi. Niminyawinna sara boziyar mwasimaginna marasi'nidei mika. Arikewi. ³⁸ Ni'mi 'Ni'mire simunyabwi miwina! Aawa. Nyidasaabakere simunyabwi yima!' dena Sigunyavidaa'nyi walaabeinyi. ³⁹ Nyidasaabakere simunyabwi daresi. Niminyina yuyaraav i nyijaavake aane pwar i kwar i myagalya'mayainyi. Aawa. Yirika Aayagaa' sahwari tewaanna yidikaavidel yi. ⁴⁰ Sare' dare'nesi. Ni'mamaangere simunyabwi dara yawi'manikesi. Gazarizai Nyibwaaliv wanganoji sahwari limwagaroj yuyagaa' yuyagaa'ne gaalyabwi maarana! Sara kanyida! Yirika Aayagaa' sahwari yidikaavidel yi."

⁴¹ Jizaazai widiina "Sigunyavidaa'nyi Wapaayainyi walaabeinyi." Widiina yake'na Juyara pware jikurya yeva kinmyagaala di na. ⁴² Sarevidaa'nyi dinya'na "Baa'na nedawa? A'mwe dai Jizaazai Jozepiyare gawaalivaangei daaka! Ganmaangerinaji ganaangevinaji yawi'mwo. 'Sigunyavidaa'nyi walaabeinyi,' gara nediwakelaka!"

⁴³ Jizaazai ja'hawidiina "Jikurya yeva kinmyagaala dimanigasa'na mipinera! ⁴⁴ Nimwai nyidasaabakei niminyawinna aane pwar i kwar i mamwagi'nya yaja' sai ni'mirei yima'nya'nei mabyi yannelyi. Nimwai sahwari mwagi'nyi yajari Yirika Aayagaa' tewaanna mwaalade'na yidikaavideinyi. ⁴⁵ Gotiyari wi'nawijawaakyara yidayasang i dara dinikesi. Gotiyai a'mwe yuyaraav i wijiwaakadelyi. Sara dinike' gazaizai Ni'mwari kadika wi'nyina yoji gamire wijiwaakya' maarina yada sahwai niminyawinna bathelyi. ⁴⁶ A'mwe pwai kwai Ni'mwari mwanganyadei mi!. Gotiyaryawidaasai dazahwai gaveina wangana' Ni'mwari. ⁴⁷ Naanga nebulya'na yihithivanige. A'mwe nyilimwagarajai yuyagaa' yuyagaa'ne gaalyabwi kininnakelyi. ⁴⁸ Sahwainyi gaalyabwine Wapaayainyi. ⁴⁹ A'mwamaayaba sarimire Ne sinnawinyara wapaaya manaaya' nyaata kwara balina. ⁵⁰ Balina yaasa' Sigunyavidaa'nyi Wapaayai walaabina yake' daresi. Pwai kwai Wapaaya sari maranajai mabalyi yadelyi. ⁵¹ Wapaaya sai Sigunyavidaa'nyi walaabeneinyi sahwainyi. A'mwe pwai kwai Wapaaya sainyi nyinajai yuyagaa' yuyagaa' tewaanya mwaaladelyi. Wapaaya ni'mi wijaaviwija' ni'mire miwisa ji'na nabaai Kwaakevak i mwaalyaraavina miwita saji' muba'muj Kwaakevak i mwaalyaraav i gaalyabwi wi'maaridezikira."

⁵² Sara widakevidaa'nyi Juyara maanga naanga dinya'na yeva yiwaara'nyina "A'mwe dai gannya miwisa ji' nya'ne' gara nejaavannelaka!"

⁵³ Sarevidaa'nyi Jizaazai widiina "Naanga nebulya'na yihithivanige. A'mweraavine Kaimiraayare miwisa si gamire tawesi manyi yija' sahwaiginyi gaalyabwi kininnakeig i mi!. ⁵⁴ A'mwei ni'mire miwisa ji' nyina, ni'mire tawe' najai yuyagaa'ne gaalyabwi kininnakelyi. Yirika Aayagaa' sai baryari yidikaavidel yi. ⁵⁵ Sare' dare'nesi. Ni'mire miwisa ji' wapaaya nebulysi. Ni'mire tawe' aalya nyinya'ne nebulysi. ⁵⁶ A'mwei ni'mire miwisa ji' nyina, ni'mire tawe' najai ni'minyi wilamwaaina nyadelyi. Sar i wilamwaaina yidelyi. ⁵⁷ Nimwai yuyagaa' gaala mwaaida mwaalikei nyidasaabakeinyi Ni'mware diraginya'na mwaaihevaabi a'mwei nyinajai ni'mire diraginya'na mwaaladelyi. ⁵⁸ Sigunyavidaa'nyi Wapaaya sai walaabakelyi. Ne sinnawinyara wapaaya manaaya' neva balyaasa' wapaaya sabaalbita' mika! A'mwei Wapaaya sai najai yuyagaa' yuyagaa' gaala mwaaladelyi."

⁵⁹ Anga Kaapaniyam i Juyaraavire lotuangevi wijiwaakina yada yuya sa sara wida'.

A'mwera tewaanya mwaalyabwina dñikesi.

⁶⁰ Sarev̄daa'nyi w̄idakē! gam̄rera kwalaalyara kadika w̄i'nyi'na yeva dñyina "Yagaala sa' taangesi. Aai w̄i'noj̄ daapadevaka!"

⁶¹ Jizaazai gannya s̄imunyavi' dara yawirake! "Nimire mididivisara savina k̄in̄myagaala ȳivanigasara daaka!" Sara daka w̄idina "Yihithiwe'na sarimire s̄imunyabur̄ navika galayigala j̄ihywaka! Niminyi dñyasi'nyideihi daaka?

⁶² Sarev̄daa'nyi s̄innawi' A'mweraavine Kaimiraayai mwaalakewinna ayina ȳlaawina kyoji' sarimi' wangabiza' sagaa' garevaka! ⁶³ Yuyagaa'ne gaala sabwi Gotiyare Kuryai yihizaavadelyi. A'mweraavire miwisajik̄ dimaaryidevwina mi'. Yagaala sa niminyi'na yihithivanige sa Gotiyare Kuryaina yihithivanige. Yagaala sa gaalyabwinenna yihithivanige. ⁶⁴ Sare kiri' sarimi' pwaihi manyilimwagyivanigasaihi mwaaiha!". Sare' dare'nesi. Aayawidaasi Jizaazai malimwagy i p̄ijaraavina mena yawirake' nabaai s̄innawi "Yinagaawai ykamaangeraav n̄iminyi'na wibwaridaakwadei daaka!" mena yawirakelyi. ⁶⁵ Sai w̄idaka w̄idina "Sarevi' dara yihithiwa. Nimwai aane pware kware sidusavi 'Jizaazar dimidina!' yawita mwaki yaja' niminyawinna a'mwe sai mabi yannelyi."

⁶⁶ Sarevi' gam̄rera kwalaalyara gaminyi' yagalya'maveva ayina wina. Yuyagaa' gamiji' ayina myamari ye!. ⁶⁷ Sarev̄daa'nyi Jizaazai gam̄rera siviliyraai ata puridaa'nyi pwaraalyaraav w̄idina "Nabaai, sahwaihi dinya'mayideihi daaka?"

⁶⁸ Saaimoni Pitai ja'nawidina "Naangeigi, aaryawinna wawaadeinaavaka! Aawa, yuyagaa' yuyagaa'ne gaalyabwine yagaalya k̄ininnakeiginyi. ⁶⁹ Gilimwaga'manigo. Giminyi'na dara yawi'mwo. Gotiyare Tewaanaangeiginyi. Girika maayaiginyi. Sara yawi'mwo."

⁷⁰ Jizaazai ja'nawidina "Siviliyraai ata puridaa'nyi pwaraalyaihiri dahilakeihi daaka! Yo, sare' sariminyidaa'nya pwai yimakelyi." ⁷¹ Saaimoni Yizikeriyotiyar gawaali' Juthaazarina w̄idina ya!. Sare' dare'nesi. Jizaazarei a'mwe atiraai sivila puridaa'nyi pwaraalyai Juthaazai kwalyi mwaaleva kiri' divi maalikegaa' ykamaangeraavina Jizaazar wibwaridaakwadelyi.

7

Jizaazalyi gya'mwerari kidarakaavinesi.

¹ Sare mena kyima'na' Kwaaka Galili saba Jizaazai kaanya yamarina. Sare' dare'nesi. Juya naangera dñyina "Jizaazar tamakaana!" dñyina yesa'na gamire s̄imunyavi "Kwaaka Juthiya kaanya myamari yidera." ² Sagaa' Juyara "Aya kigaa' Ti'ka Munne Siminange' munne' naadesi," desagaaki. ³ Sarev̄daa'nyi gamire gya'mwera gaminyi'na mu'nyadivi' w̄idina "Nimi' naangeinyi' daakajit, dava ya'mava'giri Kwaaka Juthiya diwodera. 'Naange yivanigenna nimirera tinna wangabika!' da'gizi' diwodera. ⁴ Sare' dare'nesi. Aane pwai kwai yawi'na 'Yuyara nyangabika!' daka yinike' lika myulyarivan!. Sara yija kwaaka yuyavakku'maayaba sara jitthera," wide!. ⁵ Sare' dare'nesi. Pwara gaminyi'na "Naangelyi," malimwagyesi' nabaai, gya'mwera malimwagyesare.

⁶ Sarev̄daa'nyi Jizaazai w̄idina "Nyidiwaasa' niminyine tewaanyagaa' myima'nyiwa'. Yuyagaa' sariminyine tewaanyagaa' warit. ⁷ Kwaakevak̄i mwaalyara sariminyina s̄inna ti'ka mudayi yipineihili. Kiri' nimi' 'Sarimire yadivisabwi kayaa'nanaangebuli,' wijalikurakivanige'na a'mweraav ni'minyina s̄inna ti'ka davina yivanikere. ⁸ Ti'ka munne' nipi'dewi jilaawila! Dahaal' Munne savi milaawiwin! Nimire tewaanyagaa' yuna myima'nyiwa!." ⁹ Sara w̄idina yaka Kwaaka Galili pizi'gwa mwaalina ya!.

Ne s̄innawinyara siminya yamwalyaasaviya Munnev Jizaazai mwaalake'nesi.

¹⁰ Munnevi gya'mwera mena wawesagaa! Jizaazai mwaalina yaka savina kave wina. A'mwe kwala naangeraji mwiyi. Aawa. Divi kima'nyikaanyabi kave wina. ¹¹ Sarevidaa'nyi Munnevi Juyara yaamiji birina yeva y*waara*'nyina "Gava mwaalika?"

¹² Kwala bwa'naanyavi a'mwera gaminyna a'mabyahaala dinyina dinyina. Pwara widina "A'mwe nawi'nyalyi." Pwara widina "Sare' mi[!]. Aawa, a'mweraavi kwaasi widadelyi." ¹³ A'mabyahaala dinyina yeve' kiri[!] Juya naangeraavina lika yesa'na ku'maayaba aane pwai kwai muji ya!"

¹⁴ Munnevi t*innyagaa!* Gotiyare Angevi Jizaazai wilaawin a yaka wi*j*waak**na. ¹⁵ Wi*j*waak**na yadaa'nyi Juya naangera atika maru'na'na yadi*v*[!] dinyina "Nemire s*kuliyang*i myake! s*duta* naange! gara yawiraamaarakalaka?" ¹⁶ Sarevidaa'nyi Jizaazai ja'nawidinna "Wi*j*waak**adi*nya*! ni*mire* wi*j*waak**ya! mi*ka*! Aawa. Wi*j*waak**ya sa! Nyidasaabakeresi. ¹⁷ Pwai kwai gannya s*dusav*[!] dina 'Gotiyai sara kanedozi sara nebwina y*ima*!' Dina yaja' yawita kiri[!] dathelyi 'Gotiyai Jizaazar*i* wi*j*waak**ya' kujaava' Jizaazai sara nej*waak*ivanikelyi.' Nabaai yawita p*ir*[!] dathelyi 'Jizaazai gavei yawiraka yaas*wa*'na nej*waak*ivanikelyi.' Yi Gotiyare si*munyav*i mi*dinajai* s*dusav*[!] di*raginna* dara yawi'na yade' 'Ai, Jizaazare nej*waak*ade! Gotiyaridaa'nyi daaka!' ¹⁸ A'mwei gannya s*dusav*[!]daa'nyi gannyabwi a'mweraavi wi*dada* 'Ni*miny*na a'mwera di*nipika*! "A'mwe sai naangelyi," sara di*nipika*! yawi'delyi. Sara yada kiri[!] pwai yawi'na 'A'mwera nyidasaabakerina di*nipika*! "Gotiyai naangelyi. Byaannakelyi," yawi'na yada nebuliyabwi dadelyi. Sai nadiyabwi gami*ny*i mwari!. ¹⁹ Ne Mozizai Ki*wi*nya! y*hi*zayaakei daaka! Y*hi*zayaaka kiri[!] sarimij*ya* aane pwai kwai Ki*wi*nya! di*nikebwi* myadelyi. Ni*miny*na dinyina 'Sari tamakaana!' Sa'na baa'na di*manigataihilaka*?"

²⁰ Kwala bwa'naanya sa' ja'nawidinna "Y*imakei* gi*mwaalikeig*![!] Aai gi*ramakajiwaka*!"

²¹ Jizaazai ja'nawidinna "Kwazaakegaa! di*ragi*nya p*ir*[!] kye yuyaihi atika maru'na'na yesaihilyi. ²² Ne Mozizai di*nit*[!] 'Sawi*ta* ati ata puridaa'nyi p*iriwaaly*[!] kajinnoji gi*nnya* kaimiraayare k*ilaakej*[!] di*thako*!' Di*nike*'na pi*gaa*! Kwazaakegaa! kaimaleri davesaihilyi. Sara yadi*v*[!] 'Tewaanyasi,' dadiv*iki*. Sabwi si*naw*[!] Mozizai yakebwi mi[!]. Aawa. Si*naw*[!] k*igaa*! waryaakebulyi. ²³ Sarim*i* dinyina 'K*ilaaka* daya'na Mozizare Ki*wi*nya kayaaka nyigalaadi*ka*! Kwazaakegaa'na yawita myaanna! Kwazaakegaa! kaimaleri k*ilaakej*[!] davaadeinera.' Sara dinyina yadi*v*[!] Kwazaakegaa! nabalinakeri maamidarya y*inahu* y*idikaaveiny*na si*nna* ti*ka* be'na y*ihitha*'mwaka! ²⁴ Sare'na sarim*i* mwasimag*nya*! t*inna* wanganna yadi*v*[!] mip*in*na! Aawa. Yawibwata yida'maraangebw*i* naya*jila*!"

"Kiraazi*ti*yai daaka?" di*nesa'nesi*.

²⁵ Sarevidaa'nyi Anga Jeruzaalem*i* mwaalya pwara dinyina 'Sari*na* Tamakaana!' di*manigasai* daaka! ²⁶ Y*ithaa*, ku'maayaba a'mweraayaba wi*divanikelyi*. Maiyagaala aane p*ir*[!] kiri[!] yuyara muj*vaniga*!. Ni*waava*, a'mwe naangera mena dinyina 'Sai K*iraazi**ti*yal*y*! Gotiyai dahilakyaakelyi,' naya*da* dinyina y*vanigasara* midingaka! ²⁷ Sare'na kiri[!] K*iraazi**ti*yai kaboz*i* aane pwai kwai gami*ny*na dinyina 'Gawi*daasi* bi*wakalaka*! Aawa, myawiryaadaanyaine.' A'mwe dai bakew*inna* yuyaina yawi'mwo."

²⁸ Sarevidaa'nyi Gotiyare Angevi Jizaazai wi*j*waak**akegaa! sagaa! naangave'na wi*dina* "Ni*miny*na t*iv*[!] yawi'mwaasainy*i* daaka! Ni*mi* bahew*inna* jawi'manigava! Ni*mi* sainy*i* s*dusa*! yawirena mabye. Aawa. Nebulyai nyidasaabakei sahwar*i* myawiranganyadi*visaly*[!]. ²⁹ K*i*ri[!] sai kanyidasaaba! gami*ny*yawidaa'nyi bahe'na sari yawi'manige."

³⁰ Sarev̄idaa'nyi a'mwe naangera d̄ina "Jizaazar̄i w̄ila pw̄iyawaaj̄i kalavuzav̄i wakaana!" d̄ina yeva yaam̄ij̄i ȳna ȳna yeva Jizaazare balya'negaa' kuna mima'nyi yake'na aane pwai kwai magalalimwagi ye!. ³¹ Kwala bwa'naanyav̄i a'mwe kwalaal-yara gam̄inyi l̄imwanna yeva d̄inyina "K̄iraazit̄iya kwai boz̄i dahware yij̄iwaainya ȳvan̄ike wav̄ila'na yadei daaka! Aawa."

Jizaazar̄i w̄ila pw̄iyawaaj̄i na damera wawesa'nesi.

³² Kwala bwa'naanya' sanḡi Jizaazar̄ina a'mabyahaala d̄idaapi A'mwe Per̄iziyara kad̄ika w̄i'nyina yeva "Sahwar̄i w̄ila yip̄ika!" deva sahwaraj̄i Got̄iyar̄ine tamira'd̄iv̄ita naangeraj̄i sara Got̄iyare Angevi dameraav̄i w̄idaas̄ina.

³³ Sarev̄idaa'nyi Jizaazai kwala bwa'naanya' w̄id̄ina "P̄iz̄i'gwa sar̄im̄inyaba mwaala'muji d̄ivi nȳdasaabakeryawinna kaanya w̄ideinyi. ³⁴ N̄im̄inyina 'T̄inna wanganaana!' d̄izide' k̄iri' mab̄iramaari d̄nyideih̄ilyi. Sagaa' mwaimujawinna mw̄iyi jideih̄ilyi."

³⁵ Sarev̄idaa'nyi Juyara naangera d̄inyina "Mab̄iramaari yaanne'na gawin nelaka? A'mwe Ḡirikiyaraav̄ire angenḡi Juyara mwaaidiw̄isanḡina wawoju Ḡirikiyaraav̄i w̄ij̄iwaakadei daaka? ³⁶ Ned̄wa! 'N̄im̄inyina "T̄inna wanganaana!" d̄izide' k̄iri' mab̄iranyi maari d̄nyidera. Mwaimujawinna mw̄iyi jideih̄ilyi.' Sara ned̄wake' be yagaala ned̄waka?"

Aalya nawi'nya walyuna yadenna gaalyabwinenḡinesi.

³⁷ Munnev̄i aayagaa' sagaa' naangegaaki. Sagaa' Jizaazai daav̄ina yaka naangave'na w̄id̄ina "Pwai kwai aalya'na mij̄ika wiajai n̄im̄inyawinna boz̄i nadelȳra. ³⁸ Got̄iyare bukuya' n̄im̄inyina d̄inikabaaib̄i' 'Pwai l̄imwanna nyada gam̄ire munyav̄idaa'nyi aalya gaalya'ne walaawina yadenḡira.' " ³⁹ Jizaazai nabaai Got̄iyare Kuryar̄ina w̄id̄ina. A'mwera Jizaazar̄i l̄imwanna yadi'vi' maal̄kegaa' kum̄ire munyanḡi Kuryai maapi'delyi. Sare' dare'nesi. Sagaa' Jizaazai mabalyi yaka mad̄ikaayi yaka Nawi'nyaba byaannakei kuna mȳima'nyake'na Kuryaregaa' mi'. D̄vi Jizaazai ȳlaawina kya' Kuryari w̄ijaayagaa' ȳma'nakegaak̄ira.

A'mweraav̄ire yawita jaapainanya'nesi.

⁴⁰ Kwala bwa'naanyav̄i a'mwe pwara yagaala sa kad̄ika w̄i'nyina yeva w̄id̄ina "Nebulyasi. Got̄iyari w̄i'nwaj̄iwaakadei p̄ropet̄iya kwar̄ina yemwaaiman̄igolyi."

⁴¹ Pwara w̄id̄ina "Sai Got̄iyai dahilakyaakei K̄iraazit̄iyalyi."

W̄id̄ina yesa' k̄iri' pwara w̄id̄ina "N̄iwaava, K̄iraazit̄iyai Gal̄ilidaa'nyai daaka! ⁴² Got̄iyare bukuya' d̄ini' 'K̄iraazit̄iyai Ne Devit̄im̄re ȳsavaak̄idaa'nyalyi. Nabaai, Devit̄i mwalyaakeba anga Betilem̄i saba K̄iraazit̄iyari ganaange' maaradelyi.' Sara d̄in̄ike' daaka!" ⁴³ Sarev̄idaa'nyi kwala bwa'naanyav̄i jaapalya' ȳma'nyina. Pwara Jizaazar̄ina ȳlaaya yadaapi pwara ȳlaaya mi. ⁴⁴ Pwara yawi'na "Kalavuzangevi w̄imwaihaana!" yawi'na yeve' k̄iri' aane pwai ata magalalimwagi ye!"

Juya naangera Jizaazar̄i mu'nyesa'nesi.

⁴⁵ Sarev̄idaa'nyi Got̄iyar̄ina mub̄ithika ȳra'd̄iv̄ita naangeraj̄i A'mwe Per̄iziyaraj̄i w̄idaaseta saraayawinna damera aȳna w̄ina kye' sahwara ȳwaara'na "Gam̄inyi mamakabyi be'na ȳwaava?"

⁴⁶ Damera ja'nawid̄ina "Pwara manejesare dhaaa' a'mwe ned̄van̄ikabaaib̄i."

⁴⁷ Sarev̄idaa'nyi Per̄iziyara ja'nawid̄ina "Gam̄ire kwaasi yagaalya'na 'Nebulyasi,' dath̄iwaai! ⁴⁸ A'mwe naangeraj̄i Per̄iziyainaj̄i sainaav̄idaasai pwai kwai gam̄inyi l̄imwaman̄kei daaka! ⁴⁹ Aawa. Kwala bwa'naanya da' Ne Moz̄izare K̄iwinya' myaw̄ryeva gam̄inyi yaasiwa'na l̄imwaman̄gasa'na Got̄iyai D̄kevi sahwaraav̄i maras̄i'naderera."

⁵⁰ Nikothimaazai kumijiyai mwaalina. Sinnawi Jizaazaryawi sai angyir'i'maata yakelyi. Sai mwaalina yada ⁵¹ widiina "Nabaai, 'Yaasiwa'na kotiya' ja!' madinyika nemire kiwinya!. Dara din'i 'A'mwere yagaalya nayaa wi'nyina ya'gizi gamirebwina nayaa yawira'gizi divi sagaa' kotiya'na "Kaya'a'nanyaigii," dizida'deigiiyti,' " wida!

⁵² Kumi ja'nawidiina "Nabaai, Galilidaasaigii daaka! Gotiyarena yida'nikengii nayaa wangana'gizi dara jawi'de! 'Piropetiya pwara Galilidaa'nyara yima'nipi'dera daa!" "

⁵³ Sagaa' wiina. Gazaizai gannya angebannelyi.

8

A'mwe ata limwagakevinest.

¹ Kunnya angengina wiina kye! Mugunya Wolivna Jizaazai yilaawina. ² Yilaawina yaka yuna mwanyavi yiri'ke' purakegaa' Gotiyare Angevina ayina wiina. Ayina wiina kya' gaminyawinna a'mwe yuyara yi'bwa'na yina kye' Jizaazai walamwaaina yina yaka wijiwaakina. ³ Wijiwaakina yadaa'nyi Juyaraavire Kiwiyarari Periziyarari sara a'mwevi makulaabina. A'mwe sa' pwarit ata limwadaa'nyi galalimwanna yesasi. A'mwevi makulaabina yeva a'mwe yuyaraayaba tinnyyaba wimwaanihina. ⁴ Mi'na wimwaanihina yeva Jizaazarit widiina "Wijiwaakyaigii, a'mwe da' ata limwagyawaalikevi pwara galalimwagyawaaiha!". ⁵ Nemire Kiwinyavii Ne Mozizai dakintike' 'A'mwe' ata limwagaza' tamakya'na silyajit dilwakyidesi.' Sarevidaa'nyi gimi' gara dadinyaiginaka?" ⁶ Kumi yawi'na "Jizaazarit yaamijit yijiwalaana! 'Sai kayaa'na widiina kyoji kotiya' jina yaana!' dara widaana!" yawi'na yeva widiina. Widiina kye' kiri' Jizaazai walaruta'nyina yaka kwaakevi gannya asiliyi pikarya yida'na. ⁷ Pikarya yida'na yadaa'nyi kumi kwara daavina yeva kuna yawaara'na kye' sai daavina yaka widiina "Sarimijiyai pwai dina 'Kaya'a'nanyasi,' dina yojt yuyagaa'na kayaa'nanya myade sai sahwaidaa'nyi silya' liwakadelyi." ⁸ Widiina yaka ayina walaruta'nyina yaka kwaakevi pikarya yida'na. ⁹ Pikarya yida'na yadaa'nyi widakevi kadika wi'nyina yeva kunnya kayaa'nanya yawireva yuyara ya'ma'na. Pwai wiina, pwai wiina, sara ya'ma'na. Sinnawi a'mwe naangera wiina, divi a'mwera wiina, divi miginyara wiina. Yuyara ya'ma'na kye' Jizaazai gavei mwaalina. A'mwe' tinnyyaba daavina yadi'nyiyasi Jizaazai gavei mwaalina. ¹⁰ Gavei mwaalina yaka daavina yaka a'mwevi widiina "A'mwe'gi, gawi mwaaiha!! Yuyara 'A'mwe kayaa'nanyasira, gizi'daveva sila magiliwakiwaatara daa!" ¹¹ A'mwe' widiina "Naangeigi, aawa, aane pwai kwai mika!"

Jizaazai widiina "Nabaai, sara yawaasa' nimiji sara magizi'ida'muna! Wawa'gizi kiri' dahaa'daasi kayaa'nanyabwi ayina minna!"

Kwaakevakina Jizaazai di'baakerinesi.

¹² Sarevidaa'nyi Gotiyare Angevi kwala bwa'naanya' mwaaidapiyaraavi Jizaazai ayina widina "Kwaakevaki mwaalyaraavire Baakeinyi. Pwai nyimidinaabozit jihinyavii kaanya myamari yadelyi. Arikewi. Aawa. Sahwai Gaalya'ne Baakei kininnakei mwaaladelyi."

¹³ Sarevidaa'nyi a'mwe Periziyara widina "Gimi sahwaiginyina nejalikurakwaanya' yaasiwa'na nediwaa. Sabwi gaveigii dadinyaigire jalikurakya' nebula' mi'."

¹⁴ Jizaazai ja'nawidiina "Aawa, niminyina yihizalikurakwija' kiri' nimire yihithadinya' nebulyasi. Kaanya bahevidaa'nya' yawi'mwe' kaanya wiedewinnya' yawi'mwe'na nebulyasi nimire yagaalya'. Kaanya bevidaan'nya' sarimi' myawiriwaasa' kaanya wiedewinnya' myawiriwaasa'nanyi. ¹⁵ Sarimi' a'mweraavirebwi kilaaakejisyabwi yawi'divi' yawibwa'divisaihilyi. Dahaa' aane pwarit kwarit kotiya' myawibwarivanige. ¹⁶ Kiri' yawibwa'muja' nimire

yawibwata sa' nebulyasi. Gaveinyi mika. Aawa. Nimiiji nyidasaabakelyi sainaai widakade'na nebulya' widadinayaini nimi. ¹⁷ Nabaai sarimire Kiwinja' dara dinikesi. A'mweraare jalikurakya' nebulyasi. ¹⁸ Sara dinike'na niminyina yihizalikurakivanige!, nabaai, nyidasaabakei Nimwai niminyina nayaayihizalikurakivanikelyi."

¹⁹ Sarevidaa'nyi kumi ywaara'na "Gimaamaangei gawi mwaalika?" Widina kye' Jizaazai ja'nawidina "Sarimi niminyi myawiriwaa!. Nimaamaangeri myawiriwaa!. Niminyina yawipiija' Nimwarina kyawipidika!" ²⁰ Gotiyare Angevi ku'dika Gotiyari na nigwibukusa wa'di'nyiyaba Jizaazai wijiwaakada yagaala yuya sa widina. Sara widakeri aane pwai kwai kalavuza'na magalalimwagi. Gamiregaa' balya'negaa' mima'nyi yake'na magalalimwagi ye!.

"Nimi wiwijawinna dwidehi mi!, "widake'nesi.

²¹ Sarevidaa'nyi Jizaazai ayina widina "Kaanna kwawa'muri sarimi yaasiwa'na birina nyapiji kiri' sarimire kayaa'nanyaburi divalyideihilyi. Nimi wijiawinna sarimi mabyi yipineihilyi."

²² Sarevidaa'nyi Juyara naangera dinya "Neminyi 'Nimi wijiawinna sarimi mabyi yipineihilyi,' widina neyiwake'na gaminyi tamakinadei daaka? Gara nediwaka?" ²³ Sara dinya kye' sai widina "Sarimi dava kwaakewinyangidaa'nyaihilyi. Nimi Munyabadaa'nyainyi. Kwaaka davakidaa'nyaihilyi. Kwaaka davakidaa'nyainyi mi!. ²⁴ Sarevidaa'nyi dara yihithiwe. Sarimire kayaa'nanyangi divalyideihilyi. Sare! dare'nesi. 'Mwaaiheinyi niminyira,' yihithivanige' malimwagyi yipijaihi sarimire kayaa'nanyangi divalyideihilyi."

²⁵ Sarevidaa'nyi kumi widina "Bewaiginaka?" Sara widina kye' Jizaazai widina "Aayawidaa'nyi yihithadinya'nyainyi. ²⁶ Yagaala kwalaalya yihithiwijaihilyi. Yadivita kwalaalyangina yihithiwijainyi. Sarengina yihyawibwa'mujainyi. Sare! kiri' nyidasaabakei nebulyalyi. Nyidwake yagaala sa kadika wi'nadikwaakevak'i mwaalyaraavi widadinya'nyainyi."

²⁷ Ganimaangerina widake' sidusa myawirina. ²⁸ Sarevidaa'nyi Jizaazai widina "A'mweraavine Kaimiraayar makilarimwapiji' dara jawiryide! 'O, Jizaazai neda' 'Mwaaiheinyi niminyira,' nedake! nebulya' daaka!' Nabaai 'O, gaminyi simunyav'i aane piri' kiri' mijivanika!' Aawa. Nimwai sara nyijawaakwakabaaibi' nayaayihizalikurakivanige. ²⁹ Nyidasaabakei nimiji mwaaidelyi. Nyidasaabakei yilaaya yade yuyagaa' sara yadinya'na nimi gaveinyi manyamayiwakelyi."

³⁰ Yagaala sa Jizaazai widake a'mwe kwalaalyara kadika wi'nyina yeva gaminyi limwanna yesalyi.

Yaasiwa'wawinyaaraavinaji a'mwe diraginyaaraavinajiyanesi.

³¹ Sarevidaa'nyi Juyara Jizaazar'i limwanna yesaraavi Jizaazai widina "Nimire yagaalyav'i sara mwaabizaihi nimireihi nebulyaihi dimwaalyideihilyi. Sara yapiji nayaayi dimidinyaideihilyi. ³² Nimire nebulyabwi yipijaihi nebulyabwina sarimire yaasiwa'wawinya yihimarasi'nadengira."

³³ Kumi widina "Ne Eviraamimire yisilyaina. Gamire kaimiraayainera. Yuyagaa' yaasiwa'wawinya myadaa mwaaihoinera. 'Sarimire yaasiwa'wawinya' yihimarasi'nadengira,' nedawaanya be yagaalavaka?"

³⁴ Jizaazai ja'nawidina "Naanga nebulya'na yihithivanige. Gazazhai kayaa'nanyabwi yada kayaa'nanyabwine'na yaasiwa'wawinya'nyi."

³⁵ Yaasiwa'wawinya kwai yuyagaa' yuyagaa' angevi mamwaalyadelyi. Gawaali' yuyagaa' yuyagaa' angevi mwaaidelyi. ³⁶ Sarevidaa'nyi Gotiyari Gawaali' sarinnya yaasiwa'wawinya kyhipalasi'noji diraginyaaihi nebwina dimwaalyideihilyi.

37 Sarinnya kilaakejikana ‘Eviraamimire yisilyaihilyi,’ yawi'mwa. Sa'na kiri' niminyina dina ‘Nemire sidusangi gamire yagaalya' mulannera!’ dina yadivisa'nai ‘Sari tamakaana!’ dinyina yivanigasaihilyi. **38** Nimwaryaba yawirangane sara yihithivanige. Sarevidaa'nyi sirinimaangeri wi'neva sara yivanigasaihilyira.”

39 Kum ja'nawidina “Aawa, Ne Eviraami nenimaangelyi. Sahwalyi.” Widina kye' Jizaazai widina “Eviraamimireihi mwaabibizi kwaj Eviraami yaake avaalyabwi kyipidika! **40** Yuyagaa' Gotiyari kadika wi'nena nebulya' sara yihithadinyainyi. Sara yadi kiri' niminyina dinyina ‘Sari tamakaana!’ Sabwi Eviraami myina. **41** Sirinimaangei yadevwi yivanigasaihilyi.” Sara widina kya' kum yarai widina “A'mwe yaasiwa' maryawakidivi' nemwaaihinkeina mi!. Nenimaanga gavei kininnakeine Gotiyai.”

42 Jizaazai widina “Gotiyai sirinimaangei nebwina mwaalaji kwaj niminyina kyihivu'nadika! Sare! dare'nesi. Gotiyaridaa'nyainyi walaabina yena dava mwaaihe. Sare! dare'nesi. Simunya nimirevidaa'nyi bina yeinyina mi!. Aawa. Gotiyai sahwai nidasabakeinyi. **43** Yagaalya' yihithivanige' myawiramaari baa'na yivaniga'? Nimire yagaalya'na sarimi mu'nyi yipineihilyi. Sarimi dinyina ‘Kadika mu'naanner!’ **44** Sirinimaangei Kotiya' Jadereihilyi. Sirinimaangere yawisaj gamirebuliyi sangina dinyina ‘Sabwi yaana! Nevu'nivanikebulyi.’ Sahwai sinnawidaa'nyi a'mweraavi tamakadelyi. Gamire sidusav nebulya' maaya kunesi. Sare'na yuyagaa' nebulyaburi madaayadelyi. Sare'na yuyagaa' nebulya'na sinna tika wida'delyi. Kwaasi yagaalya' dadei gami saharebwi yadelyi. Kwaasi yagaalyaburi gyakwalaangelyi. Sare'na kwaasi yagaalya' dada gannyang dadelyi. **45** Nebulya' yihithadinya'na manyilimwagyadivita gamireihilyi. **46** Niminyina nebwina aai widiwaka ‘Kayaa'nanyabulyiyalyi!’ Aawa. Nebulya' yihithad malimwagyi baa'na nyadivitaihilaka? **47** Gotiyaridaa'nyai Gotiyare yagaalya kadika wi'nadelyi. Sarevi sarimi Gotiyaridaa'nyaihi Gotiyareihi mamwaalyigasa'na yagaala sa mu'nyi vanigasaihilyira.”

Jizaazalyi Ne Eviraamiji saraarinesi.

48 Juyara Jizaazar ja'nawidina “Giminyina ‘Sai kayaa'nanyai Kwaaka Sameriya mwaalyalyi. Yimakei kininnakelyi,’ nebwina sara dinoina daaka!”

49 Jizaazai ja'nawidina “Yimakei maayainyi. Aawa. Niamaamaangerine yaya' munyaba makidinya'ni. Sara makidinya kiri' niminyine yaya' marulawakadivisaihilyi. **50** Ni'mi a'mwe naangeinyi, byaannakeinyi,’ majadi mabirivanige a'mweraavina. Aawa. Pwai niminyina ‘A'mwe naangei byaannakelyi,’ dada niminyina ‘Nebwina dadelyi,’ jawibwa'delyi. **51** Naanga nebulya'na yihithivanige. Pwai kwai nimire yagaalya' midinajai yuyagaa' yuyagaa' balyabwi mwanganyi yadelyi. Arikawi.”

52 Juyara widina “Sare'na giminyina ‘Sarei yimakei kininnakelyi,’ diraginna yawi'mwo. Ne Eviraami balina yaa!. Gotiyari wi'nawijawaakyara piropetiyara balina yaa!. Sare' kiri' nediwaa ‘Pwai kwai nimire yagaalya' midinajai yuyagaa' yuyagaa' balyabwi myagaanganyi yadelyi. Arikawi.’ **53** Neyakwalaanga Eviraami balyaakerina, ‘Eviraami maalikelyi. Ni'mi naangeinyi,’ sara danediwaa! Nabaai, piropetiyara balina yaasa' gimi sahwaiginyina yawi'dinyaig bewaiginaka!”

54 Jizaazai ja'nawidina “Ni'mi gaveinyi widina ‘A'mwe naangeinyi, byaannakeinyi,’ sara widina yiwija' ninnya byaannya' yaasiwa'na yima'nadesi. Sa' kunesi. Ni'minyina ‘Sai byaannakelyi,’ widina yade Ni'maamaangelyi. Ni'mwai sahwarina sarimi dinyina ‘Nemire Gotiyalyi,’ dinyina yadivita sahwalyi. Sare'na ni'minyina avaaina kadipidikeihilyi. **55** Yuyagaa' gaminyi myawiramaarivanigasa' kiri' gaminyi yawiramaa'manige. ‘Sari myawirivanige,’ yihithiwiji kwaj kwaasi dadinyainyi

sarimibisainy† kyima'niwidika! Sare'na gaminyina yawi'manige' gamire yagaalya' sara mididinyainy†. ⁵⁶ Sirinimaanga Eviraam i niminyina dina ‘“Gotiyai dahilakakeregaa' wanganima!” da'muji yilaaya yiwiainy†.’ Dina yaka sare' tinna wanganaka yilaaya yina yaa!’

⁵⁷ Sarevidaa'ny† Juyara widina “Neig† daaka! Kwarame pwaraare sivilatiraai pware atiraalya gwavilavakeig† daaka! Ne sinnawinya Eviraamimi tinna danganye!” ⁵⁸ Jizaazai widina “Naanga nebulya'na yihihivanige. Sinnawi Ne Eviraam mima'nyagaa'daa'ny† sahwainy† niminyira.” ⁵⁹ Sarevidaa'ny† kumi “Sila liwakaana!” deva livina kye' kiri' Jizaazai yulya'na yaka Gotiyare Angevina ya'ma'na yina ya’!

9

Jizaazai tibinyari tewaanya tinnakeri yavada'galake'nesi.

¹ Jizaazai kaanya yamaryada a'mwe pwarit tinna wangamabina. A'mwe sar† mudangegaa'daa'ny† tibinyai mwaala'. ² Tinna wangamabina kya' gamirera yiwaara'na “Nejwaakadinyaig†, tibinyarina kayaa'nanyabwi aai yake'na yima'nakalaka mudangegaa'? Sahwai kayaa'nanyabwi yakei dingaka? Gaminy† ganimaangeysi kayaa'nanyabwi yagilyayoi dingaka?”

³ Jizaazai ja'nawidina “Tibinyai mwaalike'na gamire kayaa'nanyaj† ganimaangeyore kayaa'nanyaj† sangina miKa. Aawa. Tibinyai mwaalike'na Gotiyai ‘Gaminyina nimire wawinya wijiwaainima!’ daka sara ya'nesi.

⁴ Yiri'ke' pu'daa'ny† nyimaryasaabakere wawinya kuna yaanneinera. DiVi aane pwai kwai wawinya mi yannegaa' jinnadesi. ⁵ Kwaakevak† mwaaidi kwaakevak† mwaalyaraavine Baakeiny†.”

⁶ Jizaazai mena widina yakegaa' kwaake' maaraka kwaakevi maagwala wiraa'mavaka maagwalyasi kwaakesi yamwaaihaka a'mwere tinnyaraari araka marayepuraka ⁷ widina “Aalibunya Silowamiyawinna wawa'giri ginnya sinnya' aalya jinana!” widina. Yaya' Silowami “Maryasaawinikevi,” dinikesi. Sarevidaa'ny† a'mwei wawaka gannya sinnya' aalya yinaka tinna nayaa wangada ayina bina ya’!

⁸ Sarevidaa'ny† gamire ange' avaalyaba mwaalyaraji sinnawi sai “Nigwia nyijaama!” widadaa'ny† yari tinna wanganesaraj† yiwaara'nyina “Walamwaaina yada a'mweraavi ‘Nigwia nyijaama!’ widadei midaaka?” ⁹ Pwara widina “Sahwaly†, widina yesa' kiri' pwara widina “Aawa, sai miKa! Saibisaly†.” Sara dininya yadaapi a'mwe sai widina “Sahwainyira.” ¹⁰ Sarevidaa'ny† kumi yiwaara'na “Ginnya tinnyaraai tewaanyaraai wa'di'ny† gara yima'niwaka?” ¹¹ Gam† ja'nawidina “A'mwe Jizaazai wo'nikei araka yamwaaihaka ninnya tinnyaraari maranyiraka nyidiwa! ‘Silowamiyawinna wawa'gizi ginnya sinnya' aalya jinana!’ Sarevidaa'ny† kaanya wi na yena yinwegaa' sagaa' tinna yarai wangamweiny†.” ¹² Sara widina kya' kumi yiwaara'na “Gaw† mwaalika?” Gam† widina “Aawa, sarina myawiriwa. Gaw† dahamwaalika?”

Periziyara tibinyari kave yiwaaravesa'nesi.

¹³ A'mwe Periziyaraayawinna a'mwera kigaa' tibinyai mwaalakeri yibwaramakuna. ¹⁴ Jizaazai araka yamwaaihaka gamire tinnyaraai “Yenana!” dakegaa' Juyaraavire Kwazaakegaaki. ¹⁵ Sarevidaa'ny† Kwazaakegaa'na Periziyara yiwaara'na “Tinna tewaanna wangamaniginya' gara yagineka?” Yiwaara'na kye' sai widina “Nimire tinnyaraari araka pir'i kamaranyi'mwa' ninnya sinnya' aalya yinena, yithaa, tinna tewaanna wangamanige.”

¹⁶ Sarevidaa'ny† Periziyara pwara widina “Kiwinya Kwazaakegaa' myade'na a'mwe sar† Gotiyai maryasaabakei miKa. Tewaanyai miKa!” Widina kye' kiri' pwara

widina "Sabwi yijiwaainya yakebwi a'mwe kayaa'nanyai gara yannelaka! Tewaanyai dingaka?" Sara dinyna yeva kuminyi jaapainyina yadiv'i maanga dinyna ye!.

¹⁷ Sarevidaa'nyi pigaa! Periziyara a'mweri ayina yiwaara'na "Nediwaa 'Nmire tinnyaraai tewaanyaraai wakiwa!' Nabaai, nedawaanya' sarina beriva nedivanig?" A'mwei widina "Gotiyar i wi'nawij iwaakyai piropetiyalyi."

¹⁸ Sarevidaa'nyi Juyara naangera siduta ge' ge' yawi'na yeva dara mu'nyi yesa! "Ai, sinnawi tibinyai mwaalaka dahaa' tinna nayaa wangamanikei daaka!" Mujevegaa'na pwaraav i widina "A'mwe dari ganimaangeyorina dimaraawila!" ¹⁹ Sawinna bina kyagi a'mwe naangera yiwaara'na "A'mwe dai kiribwaaliwaangei daaka? Mudangegaal! Tibinyai daaka!" dathahi? Sarevidaa'nyi dahaa' tinnya' gara yaka wangamanika?"

²⁰ Sarevidaa'nyi neyoi ja'nawidina "Sahwai nehiribwaaliwaangelyi. Mudangegaal tibinyai maarolyai daaka!" yawi'manigoi. ²¹ Sare'na dahaa' tinna wangamanike'na myawirivanigoi. Tinna jena! widiwakeri mwanganya'naalyira. Gaminyyi jiwaarayila! Nehiribwaaliwaangei a'mwelyi. Sahwai gaminyina yihithathelyi."

²² Juya naangeraavina lika yadisa'na neyoi sara widina. Sare' dare'nesi. Juya naangera mena dinya'na "Yo, pwai kwai widina 'Sahwai Kiraazit yalyi. Gotiyai dahilakyaakelyi,' widina neyajai nemi widina yaanneinera 'Nemire lotuangengi muidinna! Maaveiginyi.' " ²³ Mena dinya'na yesavidaa'nyi lika yagila sara widina. Neyoi widina "A'mwelyi. Gaminyyi jiwaarayila!"

²⁴ Sarevidaa'nyi pigasaai a'mwei mudangegaal tibinyai yima'nakerina ayina jaka widina yeva gaminyi widina "Gotiyai gwangamanikerina 'Byaannakelyi,' duthana! Sare'na nedana! A'mwe sari nedawaanyai 'A'mwe kayaa'nanyalyi,' nayaa sara yawi'manigo." ²⁵ Sarevidaa'nyi a'mwe sai ja'nawidina "A'mwei nawi'nyai dingaka? Kayaa'nanyai dingaka?" Sare' myawirivanige. Gave pir'i'na yawi'mwa 'Kigaa' tibinyainyi mwaale. Dahaa' tinnameinyi tinna wangamanigeinyi. Sara yawi'mwa."

²⁶ Sarevidaa'nyi kumi yiwaara'na "Giminyi gara gyaka? Gara yaka 'Tinna jena!' gitihwake!?" ²⁷ A'mwei ja'nawidina "Mena yihithiwa. Sara yihithiwe' kadika mu'nyiwaataihi daa! 'Savi kadika wi'naana!' ayina baa'na nyidiwaa!. Sarimire simunyavi 'Gamireina yima'naana!' dimanigasaihi daaka!" wida!. ²⁸ Sara widina kya' kumi sari birala widina yeva widina "A'mwe sahareiginyi. Nem Ne Mozizareinera. Sari mididaanyaina. ²⁹ Gotiyai Mozizari wijsaake'na yawi'mwo. 'A'mwe pwai gawidaa'nyai dingaka!' nemi myawiriwo."

³⁰ A'mwei ja'nawidina "Sara nyidiwaasa'na atika maru'na'manige. Sawidaa'nyai bake'na myawirivanigasai 'Tinna jena!' nyidiwakelyi. ³¹ A'mwera kayaa'nanyabwi yadivisaraav Gotiyai kadika mu'nyi yivanike' yawi'mwo. Aawa. Pwai kwai Gotiyarina dina 'Naangelyi. Lika yadinyalyi. Sara nyidathe' gamire simunyavi sara yideinyi,' daderi Gotiyai kadika nayaa wi'nyina yivanikelyi. ³² Sinnawi Kwaakevaki wakyaakegaa'daasi yuyagaa' kadika dara mu'nyadaanya! 'O, pwai mudangegaal tibinyai yima'nakeri "Tinna jena!" dathaka!' Sara mu'nyadaanyainera. ³³ Gotiyaryawidaa'nyi mabi yajai Gotiyare diraginya aane pir'i' kir'i' kyadika' mika."

³⁴ Kumi widina "Mudangegaal yuna kayaa'nanyaiginyi. Divi kuna kayaa'nanyabwi yadinyaiginyi. Sareig i danej i wakiwaana!" Sara widina yeva lotuangevi gaminyi marasi'nyina ye!"

Simunya kayaa'na yinike'nesi.

³⁵ Jizaazai kadika dara wi'nake! "Lotuangevi a'mwerina dasi'n i waa!!" Mena daka a'mweri biramaa'na yaka widina "A'mweraavine Kaimraayari dalimwaga'manigina?" ³⁶ Widina kya' a'mwei widina "A'mwe naangeigt, a'mwela divaniginyarina 'Sahwari midinima!' dena dinyaibwaridaakwia!" ³⁷ Jizaazai widina

"Gami sahwari tìnna mena wangamwaa. Sai dahaa' gitihivanikei sahwalyi." 38 A'mwei wìdina "Naangeigi, gilimwaga'manigena." Wìdina yaka Jizaazaryaba kwadaai gilina yaka lotuya yina ya!.

39 Jizaazai yuyaraavì wìdina "Kwaaka davakì nìmì a'mweraavì yawibwata'na bìna ye. Tìbinyara bì'manigasara, nabaai sara wangabìka!" dena bìna. "Tìnnakera "Nemì tewaanyainera," dadivitara, nabaai, tìbinyara yìma'nìpìka!" dena bìna ye."

40 Perizìya pwara gaminyì mwaalesara Jizaazai wìdake! kadìka wì'neva yìwaara'na "Nemìnyìna dathìwaana? Tìbinyaihi Gotiyarìna sidusa' myawirivanìga!', sara dathìwaana?" 41 Jizaazai wìdina "Tìbinyaihi bì'manigasaihi mwaaibìzi kwajì kayaananyaaihi kuna mamwaalyì kyipidìka! Sa'na 'Tìnna nayaa wangamanigo tewaanyaina,' dadivì' kayaananya kìninnakeihi mwaaisha!"

10

Sipìzipìyaraavìne kurisa'nesi.

1 Jizaazai wìda! "Naanga nebulya'na yìhìthìvanìge. Sipìzipìkurisavì tìkuryavì mulyì yaja' kìri' kukidaa'nyì dìkwosì'na yajai yì sai kukelyì. Nabaai, kuka yìpalamaa'delyì. 2 Tìkuryavìna a'mwe pwai wìlaabìna yajai sai sipìzipìyaraavì maremwaaidelyì. 3 Sahwarìna kaanyavì maremwaidei kaanya basadaawori sipìzipìyaraavì maremwaide sai gannya sipìzipìyaraavì 'Yìnagaawai! Yìnagaavaiha!' jaka wìdina yadaa'nyì sipìzipìyara gaminyì maanguraaya' kadìka wì'nyìna yadaapi mwasilaanna yìbwaramakwalyuna yadelyì. 4 Mwasìlaa gannya yuyaraavì mena yìbwaramakwalyuna yada sìnnawi waanyìna yadaa'nyì gaminyì mìdìnnna yadivì' gamìre maanguraaya' wì'namaa'na yadivìsa'na mìdìdìvìkì. 5 A'mwe mudìkerì mìdìdìvì' mi'. Arìkawì. Aawa. Mudìkerìna lìkaanya wìna. Mudìkeraavìre maanguraaya' yadivìsa'na lìkaanya wìna yadivìsarera."

6 Jizaazai yagaala ke'ba'nanya sa' kuda' kìri' kumi' dìnyìna "Nedìwaka sa' be yagaalavaka? Myawiriwona."

Jizaazai sipìzipìyaraavì maremwaide tewaanyarìnesi.

7 Sarevidaa'nyì Jizaazai ayìna wìdina "Naanga nebulya'na yìhìthìvanìge. Nìmì sainyì sipìzipìyaraavìne kaadihìsainyì. 8 Yuya pwara sìnnawi kukera kuka yìpalamaa'dìvìsarera. Nìmì mabyahaa' kwaasiyara yìhìthesà' kìri' sipìzipìyara nìmìrera kadìka mu'nyì ye!. 9 Kaadihìsainyì nìmìnyìra. Nìmìnyawìnnna a'mwe pwai bazai kusawìnnna wìlajai Gotiyai wìvadaihasamaaradelyì. Sipìzipìkurisavì sai wìlamwaaina yada mwasìlaa wapaaya bwalyamaa'na yada ayawìnnna wìlinìna yadelyì. 10 Kukei 'Kuka maarìma! Saraavì tamìma! Saraavì kayaaka yìgalakìma!' dada badelyì. Nìmì 'Saraavì gaalyabwi maapìka! Yì gaalyabwi naanga naanga maapìka! Munya winana!' dena baheinyì.

11 Sipìzipìyaraavì maremwaide tewaanyai nìmìnyìra. Sipìzipìyaraavì maremwaide tewaanyai dìna 'Nìmìrera mwaaibìka! Nìmì balìma! Nìmìrera nabaibìthìka!' dada gamìre gaalyabwi walakìna yadelyìra. 12 Nìgwìwawìnyai kavìjìlìkei bozìyari' tìnna wanganoji' sipìzipìyaraavì ya'ma'na yojì lìkaanya wìna. Nìgwìwawìnyai sipìzipìyaraavì maremwaidei mi'ka. Gannyaraavì gyakwai mi'ka. Savìdaa'nyì sai lìkaanya wìna. Lìkaanya wìna kyojì kavìjìlìkei sipìzipìyaraavì tìka davìna kyojì pwara pìwìnnna pìwìnnna lìkaanya wìna yapìjì yìwìnadaa'na yìpì'derera. 13 Nìgwìwawìnyai gannya nìgwiannajì gannya kìlaakejì'naji gavenna yawi'na yada myawirina 'Sipìzipìyaraavìna yìlaaya yìma! Tewaanna maremwaaimujainyì, sara myawiryozi nìgwìwawìnyai lìkaanya wìna yadelyì. 14-15 Sipìzipìyaraavì maremwaide tewaanyai nìmìnyìra. Nìmwai nìmìnyì nyawi'da nìmì Nìmwarì yawi'dìnyabaibì' nìmì nìmìreraavì

yawi'di kumi nimi nyi nyawi'divisainyi. Kuminyi yawi'di kumi nyina nimir gaalyabwi walakina yadi baimujainyi. ¹⁶ Sipzipiya pwara nimirera mwaalina yadi'vi' sipzipikurita dav mamwaalyi yadi'visarera. Sahwaraaviji makabina yidere. Nimir maanguraaya' kadika nyu'napiri dahaa' nimir sipzipiyara mwaaihasaraj mudikera nimireraj sipzipikwala gave' yima'nipi'desira. Yuyaraav maremwaaladei gavei mwaalkelyira.

¹⁷ Savidaa'nyi nimi dina ' "Nimir gaalyabwi ayina maarima!" da'muj nimireraavina sabwi walakideinyi, dadinya'na Nmwai nimi nyina kurya nyukadelyi. ¹⁸ Aane pwai kwai nimir gaalyabwi mamaaryiwa'. Aawa. Nimi sainy kave walakina yideinyi. Nimi navika mwaalina kya'muri pwara nyiramakipi'de! mi!. Aawa, nimi sainy dina 'Pwara nyiramakika!' dina kya'muri nyiramakipi'deinyi. Sahwainy ddraginyainyi dina 'Pwaraavina balima!' nabaai Nmwai sara nyidakakeinyi ddraginya' nyijaavake! divi sara yideinyira."

¹⁹ Jizaazare yagaala sanna kadika wi'nyina yeva Juyara maanga dinya yeva ayina jaapainyina. ²⁰ Kwalaalyara dinya "Yimakei kininnakelyi. Aa'nelyi. Yimakyagaala divanikelyira. Gaminyi kadika baa'na wi'niwaava!" ²¹ Sara dinya yadaapi pwara widina "Yagaala sa yimakei wilamwaaidere yagaala mi. Aa'nei a'mwe tibinari 'Tinna jena!' gara widiwaka?" widina ye! Juyara.

Juyara Jizaazar malimwagyesanesi.

²² Piga! Anga Jeruzaalemi Juyara yawi'divi' "Gotiyare Ange' tewaanya' ayina yima'nyaake'na tika munne naana! Gotiyari yilaaya yaana!" Dinya yesagaa' yirilyagaa' burikegaaki. ²³ Munne sagaa' Gotiyare Angevi Ne Solomonimine yihukangevi Jizaazai kaanya yamarina. ²⁴ Sarevidaa'nyi gaminyawinna Juyara yikabina, dakwamwada'na yeva widina "Nemi 'Sahwai dingaka? Pwai dingaka?' kuna yawi'mani go'na nayaa gathingga' dinedathevaka? Aangyagaala nebwina kavena dinedana! Kiraazitiyaigi Gotiyai gitahilakakeig mwaaidiza' naange'nanya' dinedana!"

²⁵ Jizaazai ja'nawidina "Mena yihithena kiri' nimi nyi malimwagy iwaava. Nmaamaangere ddraginyasi tewaanna yivanige wawinyanna nayaa nyjalikurakyaka kiri' sarimi manylimwagyvaniga". ²⁶ Nimir sipzipiyaihi mwaabizi kwaji kanyilimwabithika! Nimir sipzipiyaihirina mi!. Sare'na manyilimwagyvaniga!. ²⁷ Nimir sipzipiyara nimir maanguraaya' kadika wi'nadivi' nimi yawi'manige sarera nyimididi'sare. ²⁸ Yuyagaa' yuyagaa'ne gaalyabwi wi'jaavadi yuyagaa' yuyagaa' myiwiyi yipi'dere. Arikawi. Nimireraavi a'mwe pwai kwai nimir asiri myipalasi'nyi nyapiji kayaa'na myi yipi'dere. ²⁹ Nmaamaangei sahwaraavji nyijaavakei ddraginaangelyi. Yuyara pwara ddragimaayare. Nmaamaangei miremwaaimanikeraav aane pwai kwai Nmware asiri mipalasi'nyi yannere. ³⁰ Nimi Nmwalyi sanidainaai avaalyainaalyi," widina ya! Jizaazai.

³¹ Sagaa' Juyara "Tamakya'na silaange liwakaana!" deva sila ayina maarina. ³² Ayina maarina kye! Jizaazai ja'nawidina "Nmwai nyida! 'Ddraginyaj tewaanyaj ja!' Sara kanyida' sarimi nyawti kwallalya sara yiwa. Nimir wawinya gari'na yawi'divi' 'Liwakaana!' dadivi' yivanigava silyaj?"

³³ Juyara ja'nawidina "Gimi wawinya tewaanyavina 'Sila liwakaana!' divanigo'na mi!. Aawa. Gotiyarina birala yivaniginya'na sa'na yawi'daa 'Sila liwakaana!' divanigo'na. Gim sahwaigi a'mweig kwaigi kiri' nediwaa 'Nimi Gotiyainyi,' sara nediwaa'na birala yivaniginyaig nyi a'mwe kwaigi."

³⁴ Jizaazai ja'nawidina "Sarimi re yagaalki'niya' dini! 'Gotiyai widina "Sarimi gotiyaihiliyj." ' ³⁵ Sara dinike' nabaai, 'Yuyagaa' Gotiyare bukuyav yagaalya'

d̄inike' waragothesi,' yawi'daanyainera. A'mwe saraavi Gotiyai w̄idina 'Sarim̄i gotiyaih̄ilyi,' w̄idina yaake'nanyi. ³⁶ Sare' Nimwai gamire wawinya'na nayaa yi'de'na tewaanyainyi nyidahilakaka Kwaakevakina maryasaabina kanya' sareinyi 'Gotiyari Gawaalivaangeinyi,' yihih̄ithiwe'na 'Sahwai Gotiyari b̄irala yiwaka,' gara dimaniga! ³⁷ Yithaa, Nimwai yivanikabaaib̄i' gamire wawinya'na myiwiji kwaj̄i malimwagyi d̄nyideih̄ilyi. Sarebwi tewaanyabulyi. ³⁸ Sare' kir̄i' Nimwai yivanikabaaib̄i' ni'mi sara yivanige'na d̄nyilimwagyila! Ni'mi yagaala yihih̄ithiwe'na malimwagyi nyipija' wawinya'na sanna yivanigevwi wanganapiri d̄limwagyila! Sara yapiri "O, Nimwai Jizaazar̄i w̄lamwaalikei daaka! Jizaazai Nimwari w̄lamwaaidei daaka!" yawiraana! Kuna sara yawiraana!' dapiri wawinya'na sanna d̄limwagyila."

³⁹ Sarevidaa'nyi kumi yagaalya'na jikurya yeva ayina yawi'na "Kalavuza'na wiла pw̄yaana!" Sara deva yesa!. Jizaazai kuminyabadaa'nyi kaanna wodaa'nyi tinna wanganeva wanganakina ye!.

⁴⁰ Aalya Jothaniyav Jizaazai ayina ga'ma'na yaka sinnawi sagaa! Joni aalyav bavitaaziya' yakewi wiña yaka saba mwaalina. Saba mwaalina yadi'nyi ⁴¹ gaminyawinna a'mwe kwalaalyara bina. "Joni sahwai atika maru'nata aane p̄ir̄i' kir̄i' myi ya!. Yuya a'mwe darina nedakabaaib̄sa nebulyangt," d̄nyina yeva bina. ⁴² Bina kye' saba a'mwe kwalaalyara gaminyi limwaga'na ye!.

11

A'mwe Lazaazarazai balake'nesi.

¹ A'mwe pwai Lazaazarazai wo'nikei Anga Betaani mwaalyai nabalinakei yima'nyina. Anga Betaani savi Maaruyaasi ganaanaanga Maathasai sanadaai mwaalagilyabanyi. ² Maaruya sa' Naangere sivilyaraari welivananya wabatirinya' d̄ingina yaka gananya mijsasi yawaipiwanna yake' gaminyi gathaakaanga Lazaazarazai nabalinakei mwaalakesi. ³ Nabalinakei yima'nyina yakevidaa'nyi kinadaai Jizaazar̄i yagaalya' wiдаasina "Naangeigt, ginnya ja'mwei nalaavinkelyi," wiдаasina yagi.

⁴ Jizaazai kir̄imire yagaalya' wiдаasagilya' kadika wi'nyina yaka gamireraavi w̄idina "Nabalya sa' yuna balyabwine'na mika. Aawa. Nabalya sa' yima'nawa'dike'na a'mwera d̄nyina 'Gotiyai Naangelyi. Gotiyai byaanna diraginya' kininnakelyi.' Sare'nesi. Nabaai niminyina 'Gotiyare Gawaalivaangei Naangelyi. Byaannakelyi,' daka nabalya sa' yima'nawa'di!'" ⁵ Jizaazai Maathaviji gamire ganyaabulaangeviji Lazaazarazariji saginyirakaavina wivu'nakelyira. ⁶ Sarevidaa'nyi "Nabalinakei mwaali'," wiдаasagilya' Jizaazai kadika wi'nyina yaka saba mwaalakeba yirika p̄ryaar̄i kuna mwaalina. ⁷ Mena kuna mwaalina yaka gamireraavi w̄idina "Kwaaka Juthiyanna Lazaazarazare angewinna ayina wawaana!"

⁸ Gamirera w̄idina "Akai, nejwaakadinyaiḡ kigaa' maalikegaa' Juyara d̄nyina 'Jizaazar̄i sillaangej̄i liwakaana!' Sare'na Juthiyanna ayina jitheiḡ daaka!"

⁹ Jizaazai ja'nawidina "Ni'miregaa' mi'na daaka! Yithaa, yirikegaa' nyiliyai dadehaa' (12 aawaaya) midaaka! Kwaaka davaki yirike' pu'daasiyagaa' a'mwe pwai yirikevi kaanna yamarina yajai kwaaka davakiya baake' tinna wangade'na mala myamaari yadelyi. ¹⁰ Sare' kir̄i' sawisavi sai kaanna yamarina yajai baake' gaminyi mularike'na mala yamaaradelyi. Dahaa' yirike'b̄isagaal' wawaana!" ¹¹ Sa w̄idina yaka p̄ir̄i' w̄idina "Neya'mwei Lazaazarazai se wa'mwaka kir̄i' kaanna wawa'muri yidikaavideinyi."

¹² Sarevidaa'nyi gamirera w̄idina "Naangeigt, se wa'manike' tewaanyabulyi. D̄vi nalaaya' mena yadelyi. Sare'na mawaanna!"

¹³ Jizaazai gamire balya'nebwina widakesi. "Lazaazarazai mena baimwaka." Gamirera yawi'na "Se wa'mwaka, nediwakesi." ¹⁴ Sara yawi'na yesavidaa'nyi Jizaazai aangyagaala kave w̄idina "Lazaazarazai baimwakelyi. ¹⁵ Savidaasi kir̄i'

gaminyaaba mamwaalyiwe'na 'Nimirera nyilimwagapika!' dena yilaaya yivanige. Sare' gaminyaawinna kaanya wawaana!"

¹⁶ Sareviadaa'nyi A'mwe Tomaazai Jizaazare pwaraav i widina "Wikira. 'Gamiyi balaana!' dawaaji yuyainaji wawaana!" wida'. Tomaazai gira'miraala maarakei mwaalaka kunnya yagaala "Dithimaazai," wo'nikelyi.

Jizaazai a'mweraavi wiimwaihyo'neji baryaraavi yidikaaya'nejiya'nesi.

¹⁷ Sareviadaa'nyi Jizaazai kaanna wiina yina yaka savina yi'ma'na yakegaa' dara wi'nake! "Lazaarazai kabaimwa'di' yirika daryaai daryaalyav simaangevi wakinikelyira." ¹⁸ Anga Betaani sa' Anga Jeruzaalemidaa'nyi esabera. Jeruzaalemidaa'nyi kilomitaaya dawaai dasaba mannikebanyi Anga Betaani.

¹⁹ Juyara "Betaani esabera," dinna yeva kwalaalyara Maathaviji Maarinyaavij sanadaarinna angyiri'maata yina. "Kirya'mwerina kale'na wigaimwagaana! 'Kale nyiwaka,' widaana!" deva angyiri'maata yina.

²⁰ Maatha' kadika dara wi'nake! "Ai, Jizaazai davivanika!" Sara dakeviadaa'nyi mwasawinna walyawijima'naawina kya' gannya angevi Maarinyaaa' mwaalina.

²¹ Maarinyaaa' mwaalina yadi'nyi Maatha' Jizaazar i wijiamaa'nyina yaka widina "Naangeigi, dava mwaaidizi' kwaji nyidaakaangei mabalyi kyadika!" ²² Savina kirji' yawi'na 'Nabaai dahaa' sagaa' gimi Gotiyari jiwaara'de'na Gotiyai sara wiijaavadelyira.' Sara yawi'mwe'nyi." ²³ Jizaazai widina "Jithaakaangei mwaaladei dikaaavadera." ²⁴ Sara widina kya' a'mwe' widina "Nimi yawi'na 'Aayagaa' Kwaaka dava' aaya' yi'ma'nadehaa' dikaaasagaa' ayina mwaaladelyi. Dikaaavadelyi, sara yawi'mwana." ²⁵ Jizaazai widina "Nimi a'mweraavi a'mwengi yidikaadinyainyi niminyira. Dikaaasabwi niminyira. Nimi a'mweraavi a'mwengi wiimwaihadinyainyi. Gaalyabwi niminyira. Pwai nyilimwagazai balajai mwaaladelyira. ²⁶ Gazaizai tewaanna mwaaida nyilimwada yuyagaa' mabalyi yadelyira. Arikawi. Sabwina dalimwamanigi?"

²⁷ A'mwe' widina "Yo, Naangeigi, gimininyina dara limwamanige 'Gimi Kiraaazitiyaigti Gotiyari Gawaalivaangei Kwaaka davakina bahnyaiginyira.' Sara yawi'na yewe'nyi."

Jizaazai kinna dake'nesi.

²⁸ Sa' Maatha' widakegaa' ayina wiina yaka ganyaabulaanga Maariyaavi kave danganna yaka kuku'nya widina "Dava Nejijaakadei bamwaalaka gitathelyi."

²⁹ Widina kya' a'mwe sa' wi'nyina, daavina yaka wijiamaa'nya'ne' yarai walyuna.

³⁰ Sagaa' anga saba Jizaazai mwilaabyi. Aawa. Maatha' wijiamaa'nakeba kuna mwaalina yakelyi. ³¹ Yarai walyuna kya' angevi Maarinyaayaba Juyara wilamwaaina yeva kale wiakera tinna dara wanganesa! "O, Maarinyaaa' daavina yaka yarai walyuvanike' daaka!" Sara deveviadaa'nyi midinaabina. Juyara yawi'na "Gilaayar i wakinikeba kinnya'na walyuvanika," yawi'na yeva midinaabina ye!"

³² Jizaazaryawinna Maarinyaaa' yi'ma'na yaka tinna wangadeviadaa'nyi gamire sivilyaraari wala'na yaka avaaina widina "Naangeigi, dava mwaaidizi' kwaj nyidaakaangei mabalyi kyadika!"

³³ Maarinyaaa' kinna dadaasi Jizaazai tinna wanganna. Nabaai gamiji Juyara besara kinna dadaapi Jizaazai tinna wanganna. Tinna wanganna yakeviadaa'nyi kale naanga wiadaasi gamire kuryari simuyawaala yawi'na, a'mwera barya'na simunya kwalaalya yawi'na. ³⁴ Simunya kwalaalya yawi'na yaka yawaara'na "Sarimi gawi wakiwa'daava?" Kumi widina "Naangeigi, bwanganna ja!" ³⁵ Widina kye' Jizaazar i kidaraalya walaabina. ³⁶ Kinna dinna yadaa'nyi'a'na Juyara dinynina "Yithaa, Lazaarazarinna tewaanya wivu'nakerinesi." ³⁷ Dinyina kye' kirji' pwara dinynina

“Tibinyari ‘Tinna jena!’ wida’. Sa’na daaka! Sarebaaibi’ gami widina ‘Lazaarazai mabaidinna’ widadi kwajit sahwai mabalyi kyadikei daaka!” dinya na ye’.

Balakeri yidikaavakeresi.

³⁸ Sarevidaa’nyi Jizaazai kale naanga ayina wiadaasi gaminyi simuyiwaala ayina yawi’na yada gilaayai wakinikewinna wina. Gilaaya wakinike sa’ simaangesi. Simaangevi tikuryavi silaangeva’ tihinikesi. ³⁹ Gilaayai wakinikewinna mena wina yaka widina “Silaanga da’ divaasila!” Sara kuda’ Maatha’ gilaayarit ganyaabulaange’ widina “Aawa, Naangeigti, butirinya’ wilarika. Sare’ dare’nesi. Yirika daryaai daryaalyariki dahaa!!”

⁴⁰ Jizaazai widina “ ‘Gimi nyilimwaga’gizi Gotiyare byaanna diraginyabwi tinna dangade’ginyi,’ gitihweinyi midaaka!’” ⁴¹ Sara widina yakevidaa’nyi silaange’ baasina. Mena baasina kye’ Jizaazai maranganna yaka widina “Nimwai, ‘Su! Su!’ gitihwa. Kadika nyu’niwaanya’na ‘Su,’ gitihwa. ⁴² Yuyagaa’ kadika nyu’nadinyaiginyine’na yawi’mwe’ kiri’ dava kwala naanga mwaaihasaraavina sara gitihwa. “Gotiyai Jizaazarit yasaabakeva,” limwabika! dena sara gitihwa.” ⁴³ Sa mi’na widina yaka maanguraaya naangeva’na jaka widina “Lazaarazaigt, dalyaama!” ⁴⁴ Sara widina kya’ baryai walyaabina. Baryare asiraalyi sivilyiraalyi kwaabihannya’ gwavaaihi’ni’ke’, gamire sinnya’ kwaabiyivisa’ gwavaaihi’ni’kelyi. Sare kiri’ baryai walyaabina kya’ Jizaazai a’mweraavti widina “Kaanya wawode’na jitdaalyila!” wida’. Kuda’ sara ye’!

Juya naangerera “Jizaazai baladelyi,” dinesa’nesi.

(Matiyui 26:1-5; Maaki 14:1,2; Luki 22:1,2)

⁴⁵ Sarevidaa’nyi Juyara Maariyaa’ angiyiri’maata yeta kwalaalyara Jizaazai yake’ tinna wanganeva Jizaazarit limwanna yadi’viti’ “Kiraazitiya sahwalyi,” dina. ⁴⁶ Sara dinna kye’ kiri’ pwara A’mwe Periziyaraayawinna wina yeva Jizaazai yake’na widina. ⁴⁷ Mi’na widina yesavidaa’nyi Periziyarajit Gotiyarinna yira’divita naangerajit Ju-yaraavire Kaajoliyarajit yi’bwa’na yeva dinya na “ ‘Gara yaadevaka?’ A’mwe dai yi’jwaainya kwalaalya yi’vanikele!” ⁴⁸ Nemt mujina ‘Sabwi minnera!’ mujt yaaja’ yuyara gaminyi limwabidi’delyi. Sara kyapiji’ A’mwe Romiya naangerera yaasinna kyapiji’ aawilasara binna yapi Gotiyare Angevi kayaaka yigalapi yita davaakitya Juyainaavti neramakipi’de’nanyi.”

⁴⁹ Kumijya pwai Kaayapaazai wo’ni’kei sagaa’ Gotiyarinna Mubithika Yira’de Naangei mwaalina yaka widina “Siduta maayaihili. Aane piri’ kiri’ myawiriwaava.

⁵⁰ ‘Pwai a’mweraavina balana! Gave pwai balaja’ nemire yisavaakitya yuyaraavti kayaaka myigalakipina’ dawaajit sa’ tewaanyasi. Sara myawirivanigasaihi daaka!’

⁵¹ Sare’ widina yake’ sai gavei sara mujakelyi. Aawa. Kwarame sagaa’ Gotiyarinna Yira’de Naangei mwaainikerine’ Gotiyare yagaala wida’ “Juya yisavaakityara mabaibina! Jizaazai sahwaraavina baladelyi.” ⁵² Sara dake yisavaakitya sahwara gvera mi’. ‘Pwara piwinna piwinna kigaakuna yosinigasara Gotiyarerera yima’ni’pika!’ dozi yuyara Gotiyare avaalyaraavti maryi’bwaramwaaihade’na Jizaazai baladelyi.

⁵³ Sarevidaa’nyi sagaa’daasi Juya naangerera “Sahvari tamakaana!” deva dinya na “Davwina tamakaana! Pi’bwi dingaka? Gevwi dingaka?” ⁵⁴ Mi’na jamungajakina yesavidaa’nyi Kwaaka Juthiya a’mweraayaba ku’maayaba Jizaazai kaanya myamari ya’. Aawa. Ya’ma’na yaka a’mwamaayaba pimaginna kaanna wina Anga Yipiremnei. Saba gannyarari mwaalina yakelyi.

⁵⁵ Juyara yawi’na “Gotiyai yikamaangeraavti tamakyaake! Ne sinnawinyaraavti maramaki yaka kave pari’mayaake’nanyi.” Sara yawi’diviti’ “Pari’ma’munne’ tika naana!” dadiviti’ yi’bwa’nemwaaina yesasira. Munne sa’ aya kigaa’ kyima’na’ wawinyangdaa’nyi Anga Jeruzaalemnera yilaawina. “Nemt

Munne' naadeinaavine' k̄iwinya' sara d̄inike' aalya' ȳinaana! Kwaabihannyaj̄i baazi'ma'nyaj̄i aalya' yaana!" deva ȳilaawina. ⁵⁶ Ȳilaawina yesavidaa'nyi d̄ina "Jizaazai damwaalika?" d̄ina yeva Gotiyare Angevi ȳikabina yeva d̄inyina "Ber'i d̄ivaniḡna? Munnevina sai mabi yadei daaka?" ⁵⁷ Gotiyarina ȳra'd̄ivita naangeraj̄i Periziyaraji yagaala w̄idina "Sarimi yawi'na 'Saba sahwai mwaali!', yawi'na yipija' sare' yarai d̄nejila!" Kum̄i "Jizaazar̄i w̄ila pw̄yaana!" d̄ina yeva sara w̄idina yesare.

12

*Anga Betaani Jizaazar̄i welivananya' dingake'nesi.
(Matyui 26:6-13; Maaki 14:3-9)*

¹ Juyara d̄inyina "Sawīta dawaai dawaai kajinnoj̄i Pari'ma'munne' naadera." D̄inyina yadaapi "W̄ila pw̄yaana!" desavidaa'nyi Anga Betaanina Jizaazai w̄ina. Anga saba Jizaazai a'mwe baryari ȳidikaavakei Lazaarakazai mwaalakebe.

² Anga Betaani sabanna w̄ina yakevidaa'nyi gaminyine wapaaya ȳidika kye' Maatha' wapaaya w̄imaarina. Nabaai wapewakya tevoliyavi gamiji walamwaaina yesaraj̄i ya pwai Lazaarakazalyi. ³ Sarevidaa'nyi yuyara nyina nyina yadaapi Maariyaa' Lazaazar̄i ganyaabulaange' welivanadalya' maarina yaka Jizaazar̄i sivilyaraari dingina yaka gannya mijata saaminyasi yaalika yimwanna. Welivananya sa' wabatirinya naange' yinike' purīya naathiyangidaa'nyi welivananya nawi'nya' yavikaryadivisa' Maariyaa' n̄igwia naanga mubakesi. Dingina kya' anga yuneba wabatirinya winnyina. ⁴⁻⁵ Wabatirinya winnyina yinike' gamire pwai Yizikeriyotiyai Juthaazai w̄idina "Welivananya naange' kinaaya naanga naanga (yirīka 300 wawinya'ne n̄igwia) mamubi belna yiwaka! N̄igwia sa n̄igwimaayaraavina yanga kujaavadikengira." Sai d̄ivi maalikegaa' Jizaazare yikamaangeraavina Jizaazar̄i yibwaridaakwadelyira. ⁶ Juthaazai sai n̄igwimaayaraavina kale wina yake'na muj̄ ya'. Aawa. Sai kukelyi. Sai kumire n̄igwigilya' maremwaaidi, pigaa', pigaa' n̄igwia gaminyine maa'delyira.

⁷ Sara w̄idakevidaa'nyi Jizaazai w̄idina "Madinna! A'mwe' sara yana! D̄ivi maalikegaa' nyirakipi'dehaa' a'mwe sa' 'N̄imi welivananya yovrawakintike dingima!' daka nyi'wake'nesi. ⁸ Sare' dare'nesi. Gazagaasagaa' sarimi'nyaba n̄igwimaayara mwaabitde' kiri' gazagaasagaa' n̄imi sarimi'nyaba mamwaalyi yideinyira."

"Lazaazar̄i tamakaana!" w̄idesa'nesi.

⁹ Juyara kwala naangera kadika dara w̄i'nesa! "Anga Betaani savi damwaalika!" Sara devevidaa'nyi sawinna kaanna w̄ina. Jizaazai gaverina kaanya' mi!. Aawa. Nabaai Jizaazai Lazaazar̄i baryari ȳidika'a'na yakerina "Tinna wanganaana!" deva kaanna w̄ina ye!. ¹⁰⁻¹¹ Juya kwalaalyara Lazaazar̄i ȳidikaavake'na yawi'na yeva Juya naangeraavirebwi ya'ma'na yeva Jizaazar̄i limwanna ye!. Sare'na Gotiyarina mubithika ȳra'd̄ivita naangera "Lazaazar̄i tamakaana!" deva sara jamungajakina ye!.

Jeruzaalem̄i Jizaazai Kingiyai w̄ilake'nesi.

(Matyui 21:1-11; Maaki 11:1-11; Luk 19:28-40)

¹² Mwanyav̄i Pari'ma'munne'na kwala naange' besara kadika dara w̄i'nesa! "Ai, Anga Jeruzaalemina Jizaazai davivanika!" ¹³ Sara deva Jizaazar̄i ȳilaaya'na aaburyabisangire k̄iwasa maarina yeva gaminyi w̄ijmaa'nya'na w̄ina yeva jaka d̄ina "Gotiyaiḡi, ḡiminyi ȳilaaya ȳvanigo. Naangeigire yayavinei w̄idasaabahinyari tewaanna d̄iwio! Gotiyai Yizirelyainaavire maremwaideri tewaanna wiano!"

¹⁴ Jizaazai dogiya d̄iwinyar̄i birina yaka ȳlamwaaina. Gotiyare bukuya' d̄inika

¹⁵ "Anga Saayon̄i mwaalyaihi lika mipina!

Sariminyi maremwaaaina yadei dogiya diwinyari
Yilamwaaina yaka, yithaa, bina yivanikelyi."

¹⁶ Sara dinike' sagaa' sinnawit gamirera sare'na myawiri ye!. Aawa. Jizaazai byaannakei ayina yima'nyina yakegaa' kumi dara yawi'na "Gotiyare bukuya' sara dinike' Jizaazar'i sara yawalyaadosi," yawi'na yina ye!.

¹⁷ Sinnawit Jizaazai baryari wilakyawidaa'nyai Lazaarakar'i jaka widaaka baryari yidikaavakeryaba kwala bwa'naanya' mwaalina yeva tinna wanganna yevevidaa'nyi sa'ne' pwaraavi witalikurakinna. ¹⁸ Sarevi kwala bwa'naanya naange' Jizaazai yijwaainya' yake'na kadika wi'nyina yeva sahwari wiji'maa'nyina ye!. ¹⁹ Sarevidaa'nyi A'mwe Periziyara dinya'na "Danganyila! Sahwaraavina nemirebwine aane piri' kiri' negaimwagyade' mi'ka! Ya'ma'na neyivanigava. Yithaa, Kwaaka davaki mwaalyara yuyara a'mwe sari midinaawi'na yivanigava."

Maavera Girikiyara Jizaazarina biresa'nesi.

²⁰ Anga Jeruzaaleminta wawesarajya pwara Menya Girikiyara "Nem Munnev Gotiyar'i yillaaya yaana!" deva mwaalina. ²¹ Sarevidaa'nyi Pilipi Kwaaka Galili Anga Betzaaitha mwaalyaryawinna sahwara bina yeva ywaara'na "A'mwe naangeigt, Jizaazar'i tinna wangananaana!' sara yawi'manigo."

²² Pilipi kadika wi'naka kaanna yaka Ediruyari sara widina ya!. Ediruyalyi Pilipi' saraai Jizaazarina widaawi'na. ²³ Mena widaawi'na kyagi Jizaazai ja'nawidina "Nimiregaa' yima'niwakegaaki. Dahaal' A'mweraavine Kaimraayai byaannya' kininnakei yima'nadelyi. ²⁴ Nebulya'na yihithivanige. Witizi'la pwai kwaakevina walaawi'na yori mabalyi yajai gavei kuna waradelyi. Sai kwalaalyara mima'nyi yadelyi. Kwaakevi witizi'lyai balajai kayaaka yajai yi, yirivadehaa' witizi'la naanga naangera maarina yadelyi. ²⁵ Pwai gannya gaalyabwina Kwaaka davakina yuna wivu'nadei gannya kuryai yigaladelyi. Pwai gannya gaalyabwina Kwaaka davaki simili'ka yuna widei yuyagaa' yuyagaa' gannya kuryai miremwaaaladelyi. ²⁶ A'mwe pwai kwai 'Jizaazar'i widaayima!' dina yajai nyimidinaabana! Nyidaayadei sara yoji nimi' mwaaimujava sahiba mwaaladelyi. Pwai kwai nyidaayajai sahwar Nimaamaangei gaminyi'ne yaya' makiladelyira."

Gannya balyagaa'ne' Jizaazai widake'nesi.

²⁷ Jizaazai widina "Dahaal' simuyiwaala naanga yawi'manige. Sare' beri' widijiwana? 'Nimwai, dahan'ne savi dinya'vadaihasamaaka!' Sara widijiwa! Aawa. Sahiri'na biweinyi. Daanga sagaa'na nyade'na biweinyi. ²⁸ Nimwai, gimore yaya' byaannake' diraginna yima'nana!" Sara kuda! Sigunyavidaa'nyi maanguraaya' widina "Sa' byaannake' mi'na wakesira. Nabaai byaannake' ayina wakidesi."

²⁹ Sarevidaa'nyi kwala bwa'naanya' daaveva maanguraaya' kadika wi'nyina yeva dinya'na "Ai, yimunya' pimwaka!" Pwara dinya'na "Gotiyarine mamaayai ejeliyai widiwaka." ³⁰ Sara dinina kye' Jizaazai ja'nawidina "Maanguraaya' diwake' niminyine'na mi'. Aawa. Sariminyine'nanyira. ³¹ Dahaal' Kwaaka yuyavaki mwaalyaraavine maryawibwasabwi yima'niwaka. Gotiyai kotiya' maryawibwaradelyi. Dahaal' Kwaakevak'i mwaalyaraav'i miremwaaideri (Kamaalyari) Gotiyai marasi'na yadelyi. ³² Kwaakevida'nyi munyaba yilamaranyakipi'jainyawi'na yuyaraavi mwagi'ni'deinyira. Kwalaalyara nimirera yima'nipi'dere." ³³ Sara widake' gamire balyabwina wijiwaaina'. Dara widinikesi. Yisaviri niliya kanyiramapiji' balideinyi.

³⁴ Sarevidaa'nyi kwala bwa'naanya' Jizaazar'i ja'nawidina "Nemire Kivinyav nedini' 'Kiraazitiyai yuyagaa' yuyagaa' miremwagothelyi.' Sara nedini'ke'na 'A'mweraavine Kaimraayai yilamarakipi'delyi,' be'na nediwaa? A'mweraavine Kaimraayai aaihwalaka?" ³⁵ Sara widina yesavidaa'nyi Jizaazai widina "Maalikegaa' sarimijyaba Baakei kuna mwaaladelyira. Baakei kininnakeihi mwaaidivitabaaib'i"

kaanya jamaryideihili. ‘Jihinya’ nanebwakalimwagaradika!’ dapi sara jila! Jihinya pwai kaanya yamaryada tinnna mwanganyi yada ‘Gawinneinyaka?’ dada yaasiwa’na kayaa’na wivanikeyi. ³⁶ Baakei mwaaidozi baakeri dilimwagarila! ‘Nemi baakevinne kaimiraayaina yima’naana!’ dapi sahwari dilimwagarila!’

Juyara Jizaazar mu’nyesa’nesi.

Sa Jizaazai widaakegaal kaanna wina yaka “Sahwara nanyangabithika!” daka lika yulya’na. ³⁷ Gamire yijiwaainya naanga naanga wilimwabine tinnna wangadaapijikiri! kumi malimwagyina. ³⁸ Ne piropetiyai Aazaayai dinike’ nebulya’ yune’na yima’nya’ne’na malimwagyi ye!. Aazaayai sai dara dinike’

“Naangeigi, gimirre yagaala dithaakwo’ aai limwagaka!

“Naangeigi, gimirre aangasa’ wijiwaainagiya’ aai banganaraka!”

³⁹ Sarevi malimwagyi yesa’na Aazaayai yagaala piri’ dinike’

⁴⁰ “Kumire tinnyajji nangabithika!” daka

‘Kumire simunyangi nyawipidika!’ daka

‘Kumire tinnyangji pidanayakere.

‘Kumire simunyangi silya’bi’ yiwagakaka.

‘Tewaanyabwi maapijaraavi kwajt tewaanyaraavi kumwaaihiwidi.’

⁴¹ Ne Aazaayai Jizaazare byaannya’ tinnna wanganaka gaminyina dake’na sara dinikesi.

⁴² Sare kiri! Juya naangera kwala naangera malimwagyi kye! kiri! Juya naangera kwalaalyara gaminyi limwanna. Limwanna yevera a’mwe Periziyyaraavina lika yina yeva dina “Juyainaavire Lotuangevi nanyasi’nipika!” dina yeva a’mweraayaba naya mujalikurakyi ye!. ⁴³ Sare! dare’nesi. Sahwara yilaaya’na dina “A’mweraavire tinnna byaannakeinyi yima’nya’ne’ tewaanyasi. Nimiyyina ‘Tewaanyalyi,’ dinipika!” Sahwara maji “Gotiyai gavei nimiyyina ‘Tewaanyalyi,’ dana!” maji yeva a’mweraayaba Jizaazarina lika yulyakina ye!.

Jizaazare yagaalya’ a’mweraavi kotiya’ wijathe’nesi.

⁴⁴ Jizaazai jaka naangave’na widina “A’mwe pwai nyilimwagazai nimti gaveinyi nyilimwagathei mi’ka! Aawa. Nyidasaabakeriji’ limwagathelyi. ⁴⁵ Sahwai nyangana jai sagaa’ nyidasaabakeri wanganadelyi. ⁴⁶ Kwaaka davakina Baakeinyi baheinyi ‘Gazaizai niminyi nyilimwagazai jihinya’ kuna namwaaladika!’ dena baheinyira. ⁴⁷ A’mwe pwai kwai nimire yagaalya’ kadika wi’nojti savi mamidinyi yajai sahwari kotiya’ yawibwarya’neinyi beinyi mi’. Sare! dare’nesi. ‘Kwaaka davaki mwaal yaraavi kotiya’na yawibwarima!’ dena baheinyi mi’. Aawa. ‘Kwaaka davaki mwaalyaraavi padaihasamaarima!’ dena baheinyira.

⁴⁸ A’mwe pwai bule! nyijaavoji nimire yagaalya’ mamaaryajai kotiya’ wijathe’ kininnakelyi. Yirika Aayagaa’ nimire yagaalya’ sa’ sahwari kotiya’ wijathesi. ⁴⁹ Yayo, nimire yagaala gave’ nimti gaveinyi mihi’tivanige. Aawa. Nmwai nyidasaabakei kiri’nya’ nyijaavaka yuya yagaala sare nyidake yihithivanige. ⁵⁰ Nimi naya yawi’mwa ‘Gotiyare kiri’nya sa’ yuyagaa’ yuyagaa’ne gaalyabulyira.’ Sareviada’nyi nimi sara yihithivanigenna Nmwai nyidakabaaibi’ sara yihithivanigengira.”

13

Jizaazai gannyaraavire sivila aalya’ yake’nesi.

¹ Juyara dinyna “Mwanyagaa’ Pari’ma’munne’ naadera,” dinisagaa’ sahigaakti. Jizaazai dara yawirake! “Daha! Kwaaka davaki ya’mava’mujti Nmwaryawinna yilaawi’dehaa’daaka!” Sinnawi, kusagaa’ Kwaaka davaki gamirera mwaalesaraavina Jizaazar tewaanya wivu’nada aayagaa’ kumi’nyi ya’masagaa’ tewaanya kuna wivu’nakelyira. ² Sawisavi Jizaazalyi gamirerari wapaaya nyina. Sagaa’ Kotiya’

Jadei Saaimoni Yizikeriyotiyari gawaalivaangei Juthaaazari "Jizaazaryawinna yikamaangeraavjivwaridaakwia!" widaka sahare siumnyavi mena wakakegaaki.
³ Sagaa' Jizaazai dara yawi'na "Nimwai nimire asiraarina draginya yuya nyijavakengira. Gotiyaryawidaa'nyainyi walaabe. Gotiyaryawinna ayina wideinyira." ⁴ Sara yawi'da "Tewaanya' yima!" daka wapewakya'nevidaa'nyi Jizaazai daavina gannya baazi'ma'nya' wakaka munnaanyaba taawiliya' marayewaa'bwa'nyina. ⁵ Marayewaa'bwa'nyina yaka aali'maa'gulyavi aalya' dingikina yaka gannyaraavi sivila aalya gaai yaka taawiliya' yewaa'bwa'nyina yakesi yaalika yimwanna. ⁶ Sarevidaa'nyi Saaimoni Pitaryawinna bina kya' Pitai widina "Naangeigt, nimire sivilyiraari aalya jiziwaana!" ⁷ Jizaazai ja'nawidina "Dahaa' yivanige'na myawiriwaanya' kir'i divi jawi'deiginyi." ⁸ Pitai widina "Yuyagaa' yuyagaa' nimire sivilyiraari aalya myi jitheigi. Arikawi." Jizaazai ja'nawidina "Gimire sivilyiraari aalya mi yiwija' nimiji dimwaaideig mika!" ⁹ Sara widina kya' Saaimoni Pitai widina "Naangeigt, sara nyidawaanya' nimire sivila gaveraari aalya mi. Nimire asiraariji nimire minyaginyaviji aalya ja!" ¹⁰ Jizaazai widina "Pwai aalya yimwakei gamire kilaakej'i yuyaj'i aalya ya'ne' mwigainyadelyi. Aawa. Sahwai kaanya wivankei gamire sivila kwaanaka gaviraari aalya ya'nelyira. Sarimi tewaanyaihi giri'ka maayaihilyi. Kir'i yuyaihiriina mika!" ¹¹ Sare' dare'nesi. Gamire yikamaangeraavina wibwaridaakunanyarina Jizaazai mena yawrake'na widina "Yuyaihi giri'ka maayaihi mika."

¹² Sarevidaa'nyi Jizaazai kumire sivila aalya mi'na yakegaa' gannya baazi'ma'nya' yivisa' ayaba marakin yaka tevoliyav iyi'na walamwaaina. Ayina walamwaaina yaka gamireraavt yawaara'na "Sarimi'nyi milna yihywewbwi jawi'mwaava?
¹³ Nimi'nyina 'Nejwaakadinyaig, Naangeigt,' nyidivanigasa'na tewaanna divanigasaihilyi. Sare' dare'nesi. Sasareinyira. ¹⁴ Sarimi're Naangeinyira. Sarimi're wijiwaakyainy mwaaihe. Sahwainy mwaalena sarimi're sivila aalya kyihiyiwa sarimi're sivila aalya yibizaihi. Pwaig pware sivilyiraari aalya yijaig. Sana sana yuyaihi jideihilyi. ¹⁵ Sare' dare'nesi. Nimi' tewaanyabwi yihizwaainiwa. 'Sarimi'sarebwi yihywewbwi sara jila!' dena sara yihizwaainiwa. ¹⁶ Naanga nebulya'na yihithivanige. Yaasiwa'wawinyai maalikelyi. Gaminyi maremwaadei naangelyi. Nabaai a'mweri widaasade a'mwe sai maalikelyi. Pwai sari widaasadei naangelyi. Sare'na nimi' ywebwi sarimi' sara jideihilyi maalikeihi. ¹⁷ Dahaa' nebulya da' yawi'mwaasabwi sara yipija' yilaaya naange' yadi'vi' tewaanaanga yihinadeihilyira.
¹⁸ Yuyaihiriina myihizvanigehihiy. Aawa. Yihithahilakeihiriina yawi'mwa. 'Gotiyare bukuya' dinike' nebulya'na yima'nana' kadozi sara yadelyi. Dara dinike 'Nimire wapaaya nadei nimire yikamaangai yima'niwakelyi. Gamire sivilyas nyiramadelyira.' ¹⁹ Sara dinike' dahaa' sa' myima'nyi yadehaa' sara yihithiwa. Sara yima'nadehaa' sarimi' 'Ai, Jizaazai neda' "Mwaaiheinyi nimi' sahwainy." "Nedake'na sahwari wlimwagaraana!" dizide' yihithiwa.' ²⁰ Sarei kayaa'na yade' kir'i naanga nebulya'na yihithivanige. A'mwe pwai nimi' pware widaasieri maarina yada nimi'nyi nyimaaradeinyi. Nabaai, sahwai nimi'nyi maarina nyada nyidasaabakeri maarina yadelyira."

Yikamaangeraavina yibwaridaakwia'na Jizaazai widake'nesi. *(Matyui 26:20-25; Maaki 14:17-21; Luk 22:21-23)*

²¹ Jizaazai widakegaa' gamire kuryari simuyiwaala yawi'da aangyagaala jalikurakin "Naanga nebulya'na yihithivanige. Sarimi'jiya pwai nimi'nyina yikamaangeraavt wibwaridaakwadelyi." ²² Sara widina kya' gamirera tinna wanganna yineva yawi'na "Aarin nediwaka?" ²³ Gamire pwai Jizaazai yilaaya

wiakei Jizaazare kusimagi walamwaaaina. ²⁴ Sarevidaa'nyi Saaimoni Pitai tidiraginya wanganna yaka kavena widiina “Nediwakerina jiwaaraka! ‘Aaihwalaka?’ ”

²⁵ Sara widiina kya! Jizaazare kihisavi yokina'na yaka yawaara'na “Naangeigti, aaihwalaka?”

²⁶ Sarevidaa'nyi Jizaazai ja'nawidiina “Girikula maalike' wape-aalyavi yaali'bwa'na ya'mujit wijaavijai sahwalyira.” Sarevidaa'nyi girikula maalike' maarina yaka yaali'bwa'na yaka Saaimoni Yizkeriyotiyare gawaalivaangei Juthaazari wijaavina. ²⁷ Wijaavina kya! Juthaazai maranyina yaka dina “Jizaazarikayaan yima!” dina kya! Saataani wlamwaaaina. ²⁸ Sarevidaa'nyi Jizaazai widiina “‘Yarai yima!’ diza' yarai ja!” Tevoliyav nesara yuyarajya aane pwai kwai Jizaazai sara widake'na myawiri. ²⁹ Sare! dare'nesi. Juthaazai nigwigilya' maremwaadei mwaalake', gamirera pwarana dina “Jizaazai widiina ‘Munne'na nemi nyinya'ne wapaaya pinidimubya!’ dahawidiwaka? ‘Nigwimaayaraavina yanga dumaryaawa!’ dahawidiwaka?” Gamirera yaasawa'na dina yeva sarebwi myawiri ye!

³⁰ Juthaazai girikulya' dapanyina yakevidaa'nyi yime'nya'bip walyuna ya!. Sagaa' sawisasira.

Yagaalkiwinya mudike'nesi.

³¹ Sarevidaa'nyi Juthaazai ya'ma'na yakegaa! Jizaazai widiina “Dahaan A'mweraavine Kaimraayai byaannakei yima'niwaka. Dahaan' gaminyina Gotiyai byaannakei yima'niwaka. ³² Gamininyina Gotiyai byaannakei yima'najai A'mweraavine Kaimraayai byaannakeri wimwaaikhadelyi. Yime'nya'bip byaannakeri wimwaaikhadelyira. ³³ Ninnya kaimraayaihi, divi maalikegaa' sariminyaba kuna mwaaiheinyi. Birina yapiji kirri' Juyaraavi widiwa'devaabit dahaa' yihithivanige. Nimi wiwijawinna diwideihi mi!. ³⁴ Yagaalkiwinya mudike' yihizaavanige. Sirya'mweraavina tewaanya yihivu'nana! Niminyyi sariminyina tewaanya nyivu'nadevaabit' sariminyi sirya'mweraavina tewaanya yihivu'nana! ³⁵ Sarimi sara yinapiji saburidaasi a'mwe yuyara sariminyina yawi'na ‘Sahwara Jizaazarerera.’ Yt sariminyi wivu'nyabwi waraja' sara yawi'na yihyipi'deihiliyira.”

“Pitai niminyina Menyalyira, ‘widatheva,’ Jizaazai widake'nesi.

(Matyui 26:31-35; Maaki 14:27-31; Luk 22:31-34)

³⁶ Saaimoni Pitai widiina “Naangeigi, gawinneiginaka?” Jizaazai ja'nawidiina “Dahaan' wiwijawinna manyimidiinya'gizi kirri' divi nyimidiinaadeiginyi.” ³⁷ Pitai widiina “Naangeigi, dahaa' mamidiinaabyi gyiwineinyi be'na gideinyaka? Nimirre gaalyabwi gihaimwagya'na wakawa. Gimiji' balideinyira.” ³⁸ Jizaazai ja'nawidiina “Niminyyina gimirre gaalyabwi dalakideigti daaka? Naanga nebulya'na githivanige. Sinnawi kukuraayai jika majahaa' dahasaai dahaa' niminyina duthathei ‘Sari myawiriwa. Menyalyi.’ Ya, duthathehaa'na!”

14

Jizaazai Nimwaryawinna nemakilaawade'nesi.

¹ Jizaazai gamireraav widiina “Sarinnya simunyangi simuyiwaala myawipina! Gotiyari dilimwagyila! Nabaai niminyi dinilimwagyila! ² Nimaamaangere angevi ku'dika tewaanya kwallaalya yarinikengi. Sangi sarimi dimwaalyide'na yovigalakaawideinyi. Sabwi mwarya' kwajit savina mujit kyihiwidika! ³ Kaanna wiwija' saba sariminyina yovigalakiwija' ayina ba'muri ‘Nimi mwaaimujawit' sarimi dimwaalyila!’ da'mujit niminyineihiri yihimaarideinyi. ⁴ Sawinneinyi wiwija' tusa'na yawi'manigasasira.”

⁵ Tomaazai, gamirei widiina “Naangeigi, wijawinna nemi myawiriwo. Sarevidaasi tusa'na gara yawiraajiwona?” ⁶ Widiina kya! Jizaazai widiina “Sahwainy tusa'neinyi.

Nebulyainy. Gaalyabwi aaya kaavilyainy. A'mwe aane pwai kwai tuta piri'vi bwa-woji Nmwaryawinna yi'mavaabya'ne' tusa' piri' minyika. Aawana, niminnanyira.
 7 Niminyina nyawi'pij kwajit Nimaamaangeri kyawi'pidika! Sare'na dahaa'daasi Nimaamaangeri yawi'divi' tinna wangamwaasaihily."

8 Pilipi widi'na "Naangeigi, Nmwari naangeegaa' sariminyaba mwaaidinyagaa' manyanganyadinyaig daa! Pwai niminyi tinna nyangamwakei Nmwari tinna mena wangamwakely. Savidaa'nyi be'na nyidiwaa? 'Nmwari naangeegaa' Pilipi, dare' malimwagyijwaana? 'Jizaazai Nmwari wlamwaalit'. Nabaai Nmwai Jizaazarit wlamwaalit.' Sara malimwagyijwaana? Yagaalya yihithiwe niminyidaa'nya mika. Nmwai niminyi wlamwaaiidei nyidadaa'nyi yihithivanige. Gamire wawinya yivankegira. 11 'Nmwari wlamwaaihe. Nmwai niminyi wlamwaalit', yihithiwe'na dnyilimwagyila! Sare'na 'Aala!' dina yipi'ja' nim Nmware wawinya yadinyanna dnyilimwagyila! 12 Naanga nebulya'na yihithivanige. Kwai nyilimwagori nim nayaa yadinya sahwai nayaa sara yadely. Yayo, Nmwaryawinna wawa'muj ddraginaange' nimrereraavina wijaavide'na yadinyang nimrerera wavlapidengira. 13 'Jizaazai sara sara dadevaabisanna widima!' dapiji niminyi yaya'na kanywaaravapiji sara yidesira! 'Yi a'mwera tinna wanganapiji Gawaalivaangeinyina a'mwera Gotiyarine yaya' munyaba makibika! da'muji sara yidesira. 14 Niminyi yaya'na piri' kiri' kanywaaravapiri sa' sariminyine' yideinyira.

"Divi Kuryai Tewaanyai walaabathelyi," Jizaazai widake'nesi.

15 Niminyina tewaanya yihivu'naja' niminyina kiwinyanna sara jideihily. 16 Nim Nmwari ywaara'na kya'muri 'Maredaa'dei yi, Maredadei Pwai yuyagaa' yuyagaa' sarimiji mwaalana!' dozi yihizaavadelyira. 17 Sahwai nebulyabwine Kuryari Kwaakevak mwaalyara mamaari yipinere. Sahwara Kurya sari tinna mwanganyi, siduta myawiri yadivisa'na mamaari yipi'dely. Sarimi siduta yawi'maniga'. Sarimiji kuna mwaalaka divi sariminyi wihimwaalade'na sahwarit yawi'maniga'. 18 Sigiraayahiri mihyagalya'mayi yideinyi. Sariminyawinna ayina bideinyi. 19 Divi maalikegaa' Kwaakevak mwaalyara tinna mwanganyi nyipi'de' kiri' sarimi dnyanganyideihily. Nim mwaaidinya'na sahwaihi dimwaalyideihily. 20 Sagaa' yima'nadehaa' nim Nimaamaangeri. Sarimi niminyira. Nim sariminyira. Yi sagaa' sare' jawiryideihilyira.

21 Da pwai nimire yagaaikevina kinnakei sa midida sahwai niminyina tewaanya wivu'nadely. Nabaai niminyina tewaanya wivu'nade sahwarina Nimaamaangeri tewaanya wivu'nadely. Nim sainyi sahwarina tewaanya nyivu'noji sahwarina nim sainyi wijwaaininidelyira.

22 Gamire pwai Juthaazai wo'nikely. Sai Juthaazai Yizikeriyotiyai mika! Juthaazai pwai mwaalakei widi'na "Naangeigi, maalikegaa' gimirreinaavina gimininy dnejwaa inade' Kwaakevak mwaalyaraavina mujwaainskyi jithe'na be'nanaka?"

23 Jizaazai ja'nawidi'na "Pwai kwai niminyina tewaanya wivu'najai nimire yagaalya' midinna yadely. Sahwarina Nimaamaangeri tewaanya kuvu'noji saryabanna naarimindainaai bin yakwoihiji saryaba ku'dikevi mwaalakadely. 24 Pwar niminyina tewaanya mwivu'nyivankei nimire yagaalya mamidinyvanikely. Sarimi yagaalya' kadika nyu'nwaasa' nim gaveinyire mika! Aawa. Nmwai nyidasaabakeresira.

25 Sarimiji kuna mwaaidi sa yihithiwa. 26 Nmwai yawi'na 'Jizaazarebwi nayaa wijwaainana!' yawi'na yoj ni'mire yayavi sariminyawinna Maredaderi

yasaabathelyi. Maredade sai Kurya Tewaanyalyira. Kuryai Tewaanyai yuyangti yihizawaakoji, nabaai, yihithiwe yuya nayaa jawiryideihiri yihimwaaiahadelyira.

²⁷ Dahaa' kaanyagaa' yihithima! 'Tewaanna dimwaalyila!' Sareburidaaninyi kwaamu'nanyabwi sariminyaba yagalya'mavidesi. Yi ninnya kwaamu'nanyabwi yihizaavide'nanyi. Kwaakevakti mwaalyara yaasiwa'na dina 'Tewaanna dimwaalyila!' yaasiwa'na dadivitabaaibti' ninnya kwaamu'nanyabwi mujaayi yihyide'nanyi. Nayaa yihizaavide'na sarimire simunya' simuyawaala myawipina! Simunya gami sa' lika myanna! ²⁸ Yihithiwa. 'Kaanya wawa'mujti kiriti' sariminyawinna ayina bideinyi,' diwe kadika nyu'niwaa!. Sarimi niminyina tewaanya nayaa yihivu'najti kwajti Nimwaryawinna wide'na yilaaya kyipidika! Nimwai naangelyi. Nimi maalikeinyira. Sare'na yihithiwa. ²⁹ Dahaa' sa yihithiwa. Sa myima'nyagaa' yihithiwa. 'Divi sara kyima'nori dinya'limwagyila!' dena sara yihithiwa. ³⁰ Naangegaa' yagaala kwalaalya yihithideinyi mika. Sare' dare'nesi. Kwaakevakti mwaalyaraavt maremwaaideli 'Jizaazarit kayaa'na yima!' daka bivanit!. Sai niminyi aane piri' kiriti' maayalyira. ³¹ Aawa. 'Kwaakevakti mwaalyara "O, Jizaazarit Nimwarina tewaanya wivu'nadelyira," yawipi'ka!' dena sara yivanige. Nimwai sara nyidakakabaaibti' yuya sara yivanigeinyira," wida'!

"Kaanyaana! Davidaa'nyi wawaana!"

15

Jizaazai giraipiwila nebulyarinesi.

¹ Jizaazai gannyaraavti widina "Nimi sahwainyi giraipiwila nebulyainyira. Niamaamaangei giraipiwawinya nayaa maremwaaidelyi. ² Sahwai niminyi taanya gazabaaizabaai silla myi'nyadevaai pidalasi'na yadelyi. Nabaai gazabaaizabaai silla yi'nadevaai 'Sabaai silla pin'i yi'nana!' dada nayaa pidaaaina. Gami dinna 'Taanya savi buwita yuya sedala waryaanya yuya pidaalima! Taanya sa' tewaanya' yima'nana! Yisilla naanga yi'nadevaalyi.' Dina yaka nayaa pidaaaina yadelyi. ³ Yagaalya' yihithiwe' sarimire sidusangi tewaanyaihi giri'ka maayaihiliyira. ⁴ Niminyi kuna dulanyimwaalyila! Sariminyi kuna wilayihimwaalima! Taanya pibaai giraipiwila kaavilyavti kuna mwari yajavaai yisilla gami sabaaai myi'nyi yadevaaiibti' niminyi kuna mulamwaalyi nyipijaihi yisilla myi'nyi jideihiliyti.

⁵ Nimi sahwainyi giraipiwila kaavilyainyti. Sahwaihi giraipiwila taanyabaraavihiliyti. Pwai kuna wilanyimwaalajai gaminyi kuna wilamwaaimujai yisilla naanga yi'nadengti. Sariminyi mulamwaalyi yihiyiwijaihi aane piri' kiriti' nayaa mi jide'nanyira. ⁶ Pwai niminyi mulamwaalyi nyajai taanyabaaibisari' mwasilaa wasi'na ya'nelyi. Taanya sabara wasi'nikebara yawaka baihi'na yinikebara, sabara mari'bwarakinna yinikebara dikevi' marira'na ya'nengi. ⁷ Niminyi kuna wilanyimwaabizaihi nabaai sariminyi nimire yagaalya yihwarajaihi yawi'na 'Sa'na maarima!' yawi'na yapiji' Gotiyari sara kyawaaravapiji' sariminyina yima'nadesira. ⁸ Sarimi yisilla yi'niipi'ja'na a'mwera tinna yihwanganapiji' dina 'A'mwe sara Jizaazarerera,' dipidesi. Sarimi tewaanna sara yapijiya'na a'mwera Niamaamaangerina dinya'na 'Byaannakelyi. Diraginyalyi,' dinya'na yipi'de'nanyi. ⁹ Nimwarit niminyina wivu'nadevaaiibti' sariminyina sara nyivu'nadeinyi. Nimire wivu'nyaburi kuna dimwaalyila! ¹⁰ Nimire kiwinya kuna midibiza' nimire wivu'nyaburi yinahu dimwaalyideihiliyti. Nimi sainyi Niamaamaangere kiwinya midinena gamire wivu'nyaburi yinahu mwaaiheinyi. Sara yigveaaibti' sara dimwaalyideihiliyira.

¹¹ Sa yihithiwa. 'Nimire wivu'nyabwi sariminyi yihwarana! Sarimire yilaayabwi yuneba yihyeku'nana!' dena sa yihithiwa. ¹² Nimire kiwinya da' yihithima! Niminyi gimininyina tewaanya nyivu'nifikabaaibti' nimire pwaraavina tewaanya

givu'nana! ¹³ A'mwe pware kware wivu'nyabwi gya'mweraavina wiadaa'nyi gamire gaalyabwi wakaja' naangebuliyi. Naangebwi pibwi aane pwai kwar i mwarika! ¹⁴ Kiwinya yihithivanigengi yipijaihi nya'mweihilyira. ¹⁵ Dahaal myihizivanige. Yaasiwa'wawinyaaihilyi. Maalikeihilyi. Widaaayadei gamire maremwaaiderina yawi'na 'Beri' yadelaka? Nimi myawirivanigeinyi.' Sara yawi'na yade'na 'Nya'mweihilyi,' yihithiwa. Niamaamaangeri yuyanna wi'nena mena sara yihithiwa. Saburiadaasi 'Nya'mweihi,' yihithivanigeihilyi. ¹⁶ Nimi nyi manyidahilakyesaihilyi. Aawa. Sarimini yihithahilakeinyi. Yihithahilakena dara yihithakawa. Wawapiji giraipiwilyabaai sila naanga yadevaabib! sarimi sara jila! Nabaai sila sa yuyagaa' kuna waragwona! Nimirrewi yawiramaa'na yadi'i! nimire yayavina Nimirri yuya sara kywaaravapiji 'Nmwai yihizaavana!' dena yihithakawa. ¹⁷ Sare' kiwinya' dara yihithivanige. Pwaig pwarina givu'nana! Pwaig pwarina givu'nana! Yuyaihi sara jila!

Kwaakevak i mwaalyara Jizaazareraavina sinna tika wida'de'nesi.

¹⁸ Kwaakevakiyara Gotiyari myawiryadivisara sariminiyina simili ka kuloji atika mamaru'napiina! Dara jawiryide! 'O, sinnawi sagaa' Jizaazarina simili ka dulaka!' ¹⁹ Kwaakevak i mwaalyaraavireihi mwaabibizi kwaj i Kwaakevakiyara 'Nennyavaaalyarera,' dipiji kwaj i sariminiyina tewaanya kuvu'nadika! Sarimi Kwaakevak i mwaalyaraaj i mamwaalyigasaihilyi. Aawa. Dahaal nimi Kwaakevak i mwaalyaraavidaa'nyaihiri yihithahilakeihilyi. Sarevi Kwaakevak i mwaalyara sariminiyina sinna tika wida'manikeihilyi. ²⁰ Kigaa' yagaalya' yihithe' jawirila! 'Yaasiwa'wawinyaai maalikelyi. Gami nyi maremwaaidi naangelyi.' Sare'na yihimaremwaaidinyainyi nimi nyi kayaa'na nyevera, nabaai sariminiy i kayaa'na yihipi'de'nanyi. A'mwera nimire yagaalyav i midinnevera, nabaai sarimirevi yihimidibid'e'nanyi. ²¹ A'mwe sara nyidasaabakeri myawirivanigasa'na nabaai nimi nyi 'Gamire yaya' kininnakera daaka!' dapiji yuya kayaa'na sara yihipi'dererera. ²² Nimi kaanya mabyiwiji kwaj i yagaalya' mujiwiji kwaj i Gotiyai maj i kyadi' 'Sudu'nakera kayaa'na yadivisare.' Sare'na mena widina ye'ne' sahwara mujina 'Nm i myawiryena yaasiwa'na yiweinyi,' muj i yipide'nanyi. ²³ Pwai nimi nyi sinna tika widavaka nabaai Niamaamaangerinaj i sinna tika wida'manikelyi. ²⁴ Kuminyaba diraginna myiwiji kwaj i sare tinna mwanganyipiji kwaj i sahwaraavina Gotiyai muji 'Kayaa'na yeverera.' Diraginna sara kye yuyagaa' yuyara sara myesabulyi. Sare'na kir i nayaa kye kumi tinna wanganna nyeva kuna kayaa'na yadi'i! nimi nyinaj i Niamaamaangerinaj i sanidainaarin i sinna tika wida'manikerera. ²⁵ Sahiri war i. Kumire Kiwinya' Gotiyai wijaavake' dinike' yune'na nebulya'na yima'nadesi. Dara din i 'Nimi nyi sinna tika yaasiwa'na widavakerera.'

²⁶ Maredadei Kuryai walaabathelyi. Sai nebulyabwi yadei Kuryai Nimirri daa'nyai walaabathelyi. Nimirri daa'nya Kuryari sariminyawinna yasaabideinyi. Mena kyasaaba'muj i sai nimi nyi yihizalikurakadelyi. ²⁷ Nabaai, sarimi nimi nyi pwaraav i duzalikurakyideihilyi. Aayawidaa'nyi nimi j i mwaidaanya'na pwaraav i duzalikurakyideihilyi nimi nyi.

16

- ¹ 'Nimirera nimi nyi nanyimarasinpidika!' dena yagaala sa kavena yihithiwa.
- ² A'mwera sariminyi simili ka kuloji kumi yihithipi'de 'Nemire Lotuan gevidaa'nyi yuna dalyula!' Yithaa, kayaa'nanyagaa' pigaa' yima'nadehaa' a'mwera sariminyi tamakina yihyapiji kwaasi din 'Yiwo' Gotiyare wawinya' widaayivanigo inera.'
- ³ Nimirri nimi nyi manehyawiriwaasa'na sariminyi kayaa'na sara yihipi'dere.

⁴ Sagaa' sara yapijiyagaal 'Sarimti dara jawirila! "Ai, Jizaazai sara nedake yima'niwakengi,' dena yagaala sa kavena yihithiweinyi.

"Kuryai Tewaanyai yadevulyi," widake'nesi Jizaazai.

Sinnawidaa'nyi sariminyaba mwaale'na yagaala sa mujina. ⁵ Mujt yihyena kiri' dahaa' diyi nyidasaabakeryawinna ayina wideinyi yuya sa yihithivanigeinyi. 'Ayina wideinyi,' kyihithiwa kiri' sarimijiya aane pwai kwai manyidaanganyiwa' 'Gawinneiginaka?' ⁶ Sara kyihithiwa sarimire simunyangi kale naanga yuna yihiyvan. Kale naanga kyihiyvan! kiri' ⁷ nebulya' yihithivanige. Sariminyine nimti kaanya wide' tewaanyabulyi. Sare dare'nesi. Nimti kaanya mwiyi yiwija' sariminyawi sari yasaabina. ⁸ Sar yasaabina kya'mujt walaabina yojt Kwaakevaki mwaalyaraavi mena wijiwaainade 'Sarimti yuyaihi kayaa'nanyabwi yivanigava. Yida'maraangeburina nayaa myawirivanigava. Gotiyai kotiya' sariminyi yihizidavadelyira.' ⁹ Niminyi manyilimwagyivanigasa'na kayaa'nanyabwi yivanigava. ¹⁰ Nmwaryawinna tewaanyainyi kwawa'mwi yuyagaal 'sarimti tinna dinyaanganyideinyi mi'. Sa'na Kurya Tewaanyai 'A'mwera Jizaazarina nayaa yawipika!' dozi yida'maraangebwi wijiwaainade. ¹¹ Kwaakevaki mwaalyaraavi maremwaaidei Saataanimi kotiya' mena wijdavake'na Gotiyai yuyaraavi kotiya' wijathelyi. Sana sana Kurya Tewaanyai Kwaakevaki mwaalyaraavi wijiwaainadelyi.

¹² Yagaala pinji myihiziwa. Aawa. Dahaa' yagaala sa nayaa mamaari jideihilyi. ¹³ Sa'na kiri' diyi Kurya Tewaanyai nebulya' dadei sahwai walaabozu nebulya yuyangi nayaa yihibwaridaakwade. Sare dare'nesi. Kuryai yawiroj gannya sidusa' mujt yihyade. Aawa. Nimiji Nimamaangelyi widakaja' yihithathe. Dyi yima'nya'ne yihithathelyira. ¹⁴ Sahwai niminyina dinna 'Naangelyi,' yaka byaanakeinyi nyimwaaikhadelyi. Nimire diwija' maarina yojt sa' yihithathelyi. Sara yihithozi byaannakeinyi nyimwaaikhadelyira. ¹⁵ Yuya Nmware sa nimirengira. Yuya Nmware yagaala sa widadinyaangi. Sareburidaasi 'Nimire diwija' maarina yojt sa' yihithathelyi,' yihithiwa.

Kale'nesi yilaaya'nesi sawaarinesira.

¹⁶ Diyi maalikegaa' tinna mwanganyi dinyaidera. Sagaa'daasi maalikegaa' kwavilavoji tinna dinyaanganyideinyi." ¹⁷ Sarevidaa'nyi gamire pwara gamire pwaraavvi widina "Nediwake' be yagaalavaka? Nedawa' 'Maalikegaa' tinna mwanganyi dinyaidera. Sagaa'daasi maalikegaa' tinna dinyaanganyideinyi.' Nabaai nedawa' 'Nmwaryawinna wide'nanyi.' ¹⁸ Sara nedwake yagaala 'Maalikegaa'na,' be yagaalavaka? Nedivanike' myawirivanigoina," widina ye'.

¹⁹ Jizaazai kumire yawaarata wija'na yawirakei, widina "Yihithiwa. Maalikegaa' tinna mwanganyi dinyaidera. Sagaa'daasi maalikegaa' tinna dinyaanganyideinyi. Sa'ne sarimti sara jiwaara'nivaniigava! ²⁰ Naanga nebulya'na yihithivanige. Sarimti kinna, kidaata dzide' kiri' Kwaakevaki mwaalyara yilaaya yipi'desi. Sariminyi kale yihyade' kiri' diyi sarimire kale' yilaaya yima'nadesi. ²¹ Mudangegaa' a'mwe' gamiregaa' yima'nake'na bwaranyaryaba daanga wividu kale wiadesi. Nabaai mena maa'da gannya bwaranyai Kwaakevaki yima'nade'na yilaaya yina yadesi. Yilaaya yade'na gannya kale'na ayina myawiryadesi. ²² Sarevidaa'nyi a'mwe' sara yadevaabi' sarimti sara jideihilyi. Dahaa' kale yihiyvanike' kiri' tinna ayina wanganna kyihya'mujt sarinnya kuryara yilaaya naanga yipi'deihilyi. Sarimire yilaaya sa' a'mwe aane pwai kwai kuka mipalamaari yadeihilyi.

²³ Yirika savi niminyi aane piri' kiri' miwaarayi dinyaideinyi. Naanga nebulya'na yihithivanige. Niminyina nayaa yawidiv'i Nmwari sara yawaarapija piri' kiri' Gotiyai niminyine yayav sara yadelyi. ²⁴ Kigaa' niminyine yayav mywaarayi

ye!. Daha'a'daasi sara yiwaaravapiji sa' daapina jideihili. 'Nemire yilaaya' naanga yinahu neyeku'nana!' dapiji dithaapyideihili.

Jizaazarebwi Kwaakevaki mwaalyaraavireburi wavila'nike'nesi.

25 Yagaala da ke'ba'nanyang'i yihithiwa. Sara yihithena aawaaya pigaa' yima'nadehaa' ke'ba'nanyang'i kuna muj'i yihideinyi. Aawa. Sagaal' Nmwari na aangyagaalya' kave yihithideinyi. 26 Yirika savi niminyine yayaviji yawidiv'i Gotiyar'i jiwaarayidelyi. 'Nmwar'i sariminyina yiwaaravima!' muj'i yihideinyi.

27 Sare' dare'nesi. Nmwai sahwari sariminyina tewaanya wivu'nade'na kadika nayaa yihu'nadelyi. Niminyina tewaanya yihivu'nivanike'naji 'Jizaazai Gotiyaridaasalyi,' yawidiv'i nyilimwamanigasa'naji Nmwai sariminyina tewaanya wivu'nivanikelyi. 28 Nmwariidaasainyi walaabena Kwaakevakina biweinyi. Nabaai dhaaa' Kwaakevakidaasi ya'mava'mwi Nmwaryawinnna ayina wideinyira."

29 Sagaal' gamirera widina "Yithaa, dhaasagaa' aangyagaalya' kave nedivanigi. Ke'ba'nanya aane piri' kiri' manejivanigi. 30 Daha'a' dara yawi'mwo' 'Ai, Jizaazai yuya yawidelyi.' Nemire yiwaarata magiziwogaa' yuya sa nayaa yawid'i nayaa sara nedivanigi. Sarebwi yivaniginyaivi dara gilimwamwo' 'Ai, sahwai Gotiyaridaasai daaka!'"

31 Jizaazai ja'nawi'dina "Daha'a' danyilimwamanigava! 32 Yithaa, aawaaya pigaa' yima'nadehaa' dhaakki. Daha'a' gazaigizaig'i ginnya angevinna likaanya wina jitheiginyi. Piwinna piwinna yiwinama'na yapiji' niimi gaveinyi mwaalidewi dinyaagalya'mayideihili. Niimi gaveinyi mwaalya'na mi'. Nmwai niimi' mwaalade'na gaveinyi mika. 33 Niimi dina 'Nmirera niminyi kwaamu'nanyabwi kininnakeri mwaaiibika!' dena yuya sa yihithiwa. Kwaakevaki daanga naanga kininnakeihili. Sare' kiri' kwaakevakiya kayaa'nanya dathiwamwenna jivaimwannyila!"

17

Jizaazai gannyaraavina Gotiyari widake'nesi.

1 Yagaala sa Jizaazai mena widakegaa' sagaa' Sigunyavi maranganna yaka Gotiyari widina "Nmwai, dhaaa' naangeegaa' yima'nivakegaakki. Nyibwaalivaangei byaannakeinyi nyimwaihana!" da'gi'zi Jiwaalivaangei byaannakeri dumwaaihyaa!

2 Kilaa'naka yuyaraav'i nyijaavaginyaaraavina gimi' dina 'Yuyagaa' yuyagaa'ne gaalyabwi wijaavana!' dahi na sahwaraav'i maremwaalyabwi gaminyina wijaavaginyaabaaib'i byaannakeri dumwaaihyaa! 3 Yuyagaa' yuyagaa'ne gaala sabwi daresira. Gotiya Nebulyaigi Nawi'nya gaveiginyiji Jizaazai Kiraazitiiyar'i widasaabahinyariji yawiramaata'nesira. Sa' yuyagaa' yuyagaa'ne gaalyabulyira.

4 Kwaaka davakiyav'i a'mweraav'i gimirre byaannyabwi wijiwaaine. 'Diraginna sara sara ja!' kanyidahi mena sara yi'mwannyina yena wijiwaaine. 5 Kigaakuna Kwaakeva' myima'nyaakegaa' gimi'j'i byaannyabwi kininnakeinyi. Nmwai, dhaaa' byaanna sabwina gimi' sahwaiginyaiba byaannakeinyi dinya'mwaihyaa!

6 Kwaakevaki mwaalyaraayawidaa'nyi pwaraav'i wijaavina nyagiya sahwaraav'i gimirre sidusa'na gimirre yaya'na wijiwaainiwa. A'mwe sara gimirera mwaale'. Gimirera mwaalesaraav'i nyijaavaginyaarer. Gimire yagaalya' mena midimwaa'.

7 Mena midimwaaasaraavine dhaaa' gitihivanige. Yuya nyijawaanya sare giminyyidaa'nyangira. Nabaai sare' mena yawi'manigasarera. 8 Yagaalya nyijaavaginya yagaala sa sahwaraavina wijaavina kye a'mwe sara daapina yeva nebwina dara yawi'mwaasa' 'Yo, Gotiyaridaasai Jizaazai walaabakei daaka!' Nabaai dara limwamwaasa' 'Ya, Gotiyai Jizaazar'i jasaabaka!' Yi sare'na mena yawi'manigasarera.

⁹ Kuminyina Gotiyaiginyi gyiwaara'manige. Kwaakevakiyara gimirrebwi myadivisare. Kwaakevak i mwaalyaraavina magyiwaarayivanige. Aawa. A'mwe nyijawaanyaraavinesi. Giminyinera mwaaihasa'na gyiwaara'manige sahwaraavina. ¹⁰ Nimirre yuya gimirrengira. Gimire yuya nimirrengira. Sare' sahwaraav byaanakeinyi yima'nawa. ¹¹ Sare'na dahaa' giminyawinna bivanige. Kwaakevak i kuna mamwaalyi yidera. Kiri' Kwaaka davaki nimirrera mwaabib'dera. Nmwai Tewaanyaig i giri ka maayaig i, ginnya diraginya' ginnya yaya' yawira'gizi saraavi tewaanna dimaredaaka! Gimire yaya sa' kanyijaavagi tewaanna mwaaihe. 'Nimij i gimi ji avaalyainaai mwaaiholabaaib i avaalyara mwaabibka!' da'gizi kuminyi sara dimaredaaka! ¹² Kuminyaba mwaaidi sahwaraav maredaave. Ginnya yaya' diraginya' kanyijaavagi nim i diraginna maredaave. Dame diraginna maredaa'na yadi aane pwai kwari myagalya'mayi. Sara yadi kir i gave pwai yagalya'masabwi kininnakei yagalya'mavadelyira. Sarerina kigaakuna gimirre Bukuya' sara dinike'nanyi. ¹³ Diraginna maredaa'na yena dahaa' giminyawinna bivanigeinyi. 'Kuminyi yunebanna nimirre yilaayabwi yeku'nana!' dena Kwaakevak i yagaala sa sara gitihvanige. ¹⁴ Gimire yagaalya' nimirreraavina nayaa wijaawa. Kwaakevakiyaraav i sahwaraavina sinna ti ka wida'mani!. Kwaakevakiyainyi mamwaalyigevaabi' sahwara Kwaakevakiyara mamwaalyigasa'na sinna ti ka wida'mani!. ¹⁵ 'Nimirreraav i kayaaka nyigaibithika!' dena kwaaka davakidaa'nyi dimakilaawa!' magiziwanige. Aawa. 'Kayaa'nanaangei Saataan i kayaaka nyadika! Davaki nimirrera mwaaidapiti'yaraav i dimaredaaka!' Sara gyiwaara'manige. ¹⁶ Kwaakevakiyainyi mamwaalyigevaabi' sahwara Kwaakevakiyara mamwaalyigasarera. ¹⁷ Gimire wawinya'na nayaa yipi'de'na sahwara tewaanyara giri ka maayara nebulyaburi yima'nipi ka! Gimire yagaalya' nebulyasira. Yagaala sa' widwest. ¹⁸ Kwaakevakina nyidasaabahinyabai Kwaakevak i mwaalyaraav i wijiwaakya'na widaase nimirreraav i. ¹⁹ 'Gimirre wawinya'na nayaa yipi'de'na tewaanyara nebulyaburi yima'nipi ka!' dena gimirre wawinya'na nayaa yide'na kuminyine'na tewaanyainyi giri ka maayainyi wimwaalyige.

²⁰ Nimirrera sahwara gaveraav i Gotiyaiginyi magyiwaarayiwa. Aawa. Divi kumi pwareav i nimirryina widina kyapiji kumire yagaalyav i nyilimwabi'dera kwaraavijnaj i yawirena gitihwa. ²¹ Nmwai, 'Yuyara avaalyara mwaabibka!' dena gyiwaara'manige. 'Giminyi wilagimwaaaihe', nimirnyi wilanyimwaanihinyabaaibi' avaalyara mwaabibka!' dena gitihwa. Nabaai, 'Kwaakevak i mwaalyara dara limwabi'de'na "O, Gotiyai Jizaazari widaabakelyira," sara limwabika!' da'gizi 'Naariminyi wilanehimwaaibika!' dithathe'na 'Avaalyara mwaabibka!' dena gyiwaara'manige. ²² 'Naarimi avaalyainaai mwaaiholabaaibi' sahwara avaalyara mwaabibka!' dena byaannya' mena nyijaavagi'na sa' wijaawa. ²³ 'Kuminyi wilamwaalima! Nimirnyi kuna dulanyimwaala!' gitihwa. Gim i nyidasaabah i. Nabaai gimirnyi nimirnyina tewaanya gi vu'nadevaabi' kuminyina gi vu'naderera. 'Yi Kwaakevakiyara sare' yawipi ka!' dapiji 'Sahwara avaalyaraav i yune'na wimwaaikhaka!' dakwoihiji kuminyi wilamwaalima! Nimirnyi kuna dulanyimwaala!

²⁴ Nmwai, nimirreraav i nyijaavagi'nyaraavina 'Nimi mwaalideva nimirji mwaabibka!' da'muj i simunya sara yawi'manige. Kwaaka dava' mwaki yaginegaa' nimirnyina tewaanya gi vu'nyaake'na byaanna diraginya' nyijaye. 'Byaanna sa' wangabika!' da'muj i 'Sahwara nimirji mwaabibka!' gitihwa. ²⁵ Nmwai, yida'maraangebwi kininnakeig i, Kwaakevakiyara gimirnyi myawiryadiv i kir i nimi sainyi gimirnyi yawi'dinyainyi. Nabaai gimi nimirnyi nyidasaabahinya'na a'mwe dara nimirrera sara yawi'mwaa'. ²⁶ Giminyina gimirre yayavina sahwaraav i yibwaridaakwenda nabaai, kuna yibwaridaakwidene. 'Giminyi nimirnyina

tewaanya ḡivu'nadevwi kum̄nyi warana! Nabaai kum̄nyi w̄l̄imwaal̄ima' da'muj̄ ȳbw̄arıdaakw̄ideinyi sahwaraav̄."

18

Aaw̄ilasara Jizaazar̄i w̄ila pw̄iȳina yesa'nesi.

(Mat̄yui 26:47-56; Maak̄ 14:43-50; Luk̄ 22:47-53)

¹ Jizaazai sare mena w̄idakegaa' gam̄rerari saba yagalya'maveva Aalya Kid̄ron̄iyav̄ ga'ma'na ye'. Saba ȳiwaw̄inya p̄ij̄i' wa'dis̄iyaba. Aalya Kid̄ron̄iyav̄ ga'ma'na yeva waw̄inya sav̄ w̄lamwaaina. ² Kigaa' waw̄inya sav̄ Jizaazalyi gam̄rerari ȳikabadīvi' mwaalesa'na Juthaazai ȳikamaangeraav̄ina Jizaazar̄i wibwar̄ıdaakwakei waw̄inya sav̄ yaw̄i'nīkei. ³ Sarev̄idaa'nyi sai waw̄inya sawinna w̄ina. Nabaai aaw̄ilasaraj̄ Got̄yare Angev̄ine dameraj̄i kwara kaanna w̄ina ye'. Got̄yar̄ina mub̄ith̄ika ȳra'div̄ita naangeraj̄i Per̄iz̄yaraj̄i sara aaw̄ilasaraav̄iji dameraj̄i w̄idasaaw̄ina. W̄idasaaw̄ina kye' kum̄re kwaari'mas̄ram̄nya k̄ilīka maar̄na yeva laamuyaj̄i ȳi'baaka l̄ivamakuna. L̄ivamakuna yesaraav̄ina Juthaazai Jizaazaryawinna ȳibwaramakuna. ⁴ Sarev̄idaa'nyi Jizaazai gam̄nyi'ne yuyanḡi ȳma'nyi'ne yaw̄i'na yakei, bādaapiyaraayabanna b̄na. Bādaapiyaraayabanna b̄na yaka w̄id̄ina "Aar̄ina b̄i'man̄iga?" ⁵ Kum̄i ja'naw̄id̄ina "Naazaret̄i mwaalyai Jizaazar̄ina b̄iwoinera." Jizaazai w̄id̄ina "Sahwainȳi n̄im̄nȳra." Sagaa' kum̄nyaba Juthaazai ȳibwar̄ıdaakwiai daavakelyi. ⁶ Jizaazai "Sahwainȳi n̄im̄nȳra," w̄id̄ina yakev̄idaa'nyi kum̄i samwi ȳiḡi'daa'na yeva kwaakewinna walakuna ye'. ⁷ Sarev̄idaa'nyi sai aȳna ȳiwaara'na "Aar̄ina b̄i'man̄iga??" Ȳiwaara'na kya' kum̄i sara w̄id̄ina "Naazaret̄i mwaalyai Jizaazar̄ina b̄i'man̄go." ⁸ Jizaazai ja'naw̄id̄ina "Mena ȳih̄ith̄iwa. Sahwainȳi n̄im̄nȳra. N̄im̄nȳi b̄i'man̄gasav̄idaa'nyi a'mwe dara n̄im̄rera w̄ip̄ika!" ⁹ Mena w̄idake' "Yune'na nebulya'na ȳi'ma'nana!" daka sara w̄id̄ina ya!. Dara w̄idakesi. A'mweraav̄i nȳijaavaḡnyaraj̄i ya aane pwai kwar̄i myagalya'maȳwa.

¹⁰ Sarev̄idaa'nyi munnaanyav̄i Saaimoni Pitai kwaari'mas̄ram̄nya' maruzaainȳina yakei. Kwaari'mas̄ram̄nya sa' labwa'nyi'na yaka pwar̄i dav̄ina. Got̄yar̄ina Ȳira'de Naangere yaasiwa'waw̄inya damerari b̄na yaka daav̄ina. Sai daav̄ina kya' Pitai gam̄re kad̄iki' aangas̄imaḡnyi' yuna daku'na. A'mwe sar̄ne yaya' "Maalikaazala." ¹¹ Kad̄iki' yuna daku'na yakev̄idaa'nyi Jizaazai Pitar̄ w̄id̄ina "Ḡinnya kwaari'mas̄ram̄nya' aȳna duzaainana! Gara yaw̄i'man̄ḡina! N̄imaamaangei daanga naanga nȳiv̄inade'ne kaap̄i ya' nȳijaawaka sa' manyi ȳideinyi daa! N̄ide'nanyi."

A'mwe Anaazaryaba Jizaazai daavake'nesi.

¹² Sarev̄idaa'nyi aaw̄ilasaraj̄i kum̄re maremwaaidē naangelyi Juya dameraj̄i sara Jizaazar̄i galal̄imwanna yeva gam̄re asawaari w̄ila pw̄iȳina yeva ¹³ s̄innaw̄i a'mwe Anaazaryawinna makuna. Sare' dare'nesi. Sagaa' Got̄yar̄ina Ȳira'de Naangei Kaayapaazai mwaalakei. Kaayapaazari ganyaal̄imaangei Anaazai mwaalakelȳra. ¹⁴ Nabaai Kaayapaazai sai Juyaraav̄i w̄id̄ina "Gave pwai a'mweraav̄ina balaja' ȳi sa' tewaanyas̄ra." Sara w̄id̄ina yakelyi Kaayapaazai.

Pitai Jizaazar̄ina "Maavelyi," w̄idake'nesi.

(Mat̄yui 26:69,70; Maak̄ 14:66-68; Luk̄ 22:55-57)

¹⁵ Saaimoni Pitayi Jizaazare pwalyi saraai Jizaazar̄i mid̄inna. Gam̄rei pwar̄ina Got̄yar̄ina Ȳira'de Naangei nayaa yaw̄i'na yadelyi. Yaw̄i'na yadei angwaasav̄i kus̄ilaanna Jizaazalyi w̄ilaaw̄ina. Jizaazar̄i kuna mid̄inna yaḡilyai w̄ilaaw̄ina.

¹⁶ W̄ilaaw̄ina kya' mwas̄ilaat̄i t̄ikuryaba Pitai daav̄ina. Sarev̄idaa'nyi gam̄re pwar̄ina Got̄yar̄ina Ȳira'de Naangei nayaa yaw̄i'dei sai mwas̄ilaanna aȳna walyuna

yaka t̄ikuryav̄i maremwaaide s̄id̄raayav̄i w̄id̄ina yaka kus̄ilaanna Pitar̄ makuna.
¹⁷ Sarev̄idaa'nȳi t̄ikuryav̄i s̄id̄raaya' Pitar̄ w̄id̄ina "Pwaiḡji a'mwe sahareiḡi midaaka?" Sai kwaasi w̄id̄ina "Aawa, n̄im̄i m̄ika!"

¹⁸ Sagaa' ȳir̄ilyagaaki. Sare'na dameraji yaasiwa'wawinyaraj̄i d̄ika marira'na yeva sav̄i daav̄ina yeva ȳmwannȳina. Ȳmwannȳina yadaapi Pitai b̄ina yaka kum̄inyaba daav̄ina yaka ȳmwannȳina ya!.

Got̄iyar̄ine Tamira'de Naangei Jizaazar̄i ȳwaaravake'nesi.

(Mat̄iyui 26:59-66; Maaki 14:55-64; Luk̄i 22:66-71)

¹⁹ Sarev̄idaa'nȳi a'mwera d̄inȳina "Anaazai, Got̄iyar̄ina Ȳira'de Naanga pwalȳi." Nabaai d̄inȳina yesai A'mwe Anaazai Jizaazar̄i ȳwaara'na. Gam̄reraav̄inaj̄i gam̄ire w̄ij̄iwaakyav̄inaj̄i ȳwaara'a'na. ²⁰ Sara ȳwaara'a'na kya' Jizaazai ja'nawid̄ina "Yuya-gaa' Kwaakevak̄iyaraayaba yuyaraav̄i ku'maayaba w̄idad̄inyainȳira. Juyainaav̄ire lotuangenḡiji Got̄iyare Angev̄iji saba w̄ij̄iwaak̄ina. Juya yuyara ȳkabadi'v̄saba yuna w̄ij̄iwaak̄ina yad̄inyainȳi. L̄ika yulya'a'na yagaala aane p̄ir̄i' k̄ir̄i' mujadi'nyainȳi.
²¹ Sara yad̄inyainȳne'na baa'na nȳwara'mwaa? A'mwera kad̄ika nyu'nesaraav̄i ȳwaarava'ḡizi ḡithip̄i'derera. Ȳthaa, kum̄i yagaala sara w̄ide'na nayaa yaw̄i'na yesa'nanȳra." ²² Sai sara w̄id̄ina yakegaa' dame pwai Jizaazare maangw̄idaanyaba asasi j̄iri'bwararanna yaka w̄id̄ina "Am̄i, Got̄iyar̄ine Tamira'de Naanger̄i sara baa'na ja'nawid̄iwaana!"

²³ Jizaazai ja'nawid̄ina "N̄im̄i kayaa'na w̄idiw̄ij̄i kwaj̄i sa'n̄a dava yuyara mwaai-hasaraav̄i duziwaakya! Sa'n̄a n̄im̄i tewaanna w̄idiwe' baa'na nȳramwaana?"

²⁴ Sarev̄idaa'nȳi Jizaazai w̄ila kuna pw̄iȳinikeri Anaazai yaasina kya' Got̄iyar̄ina Ȳira'de Naangei Kaayapaazaryaw̄inna pwara makuna ye!.

Pitai Jizaazar̄ina "Maavelȳi," aȳina wid̄ake'nesi.

(Mat̄iyui 26:71-75; Maaki 14:69-72; Luk̄i 22:58-62)

²⁵ Sinnawi d̄ikeyaba Pitai daav̄ina yaka d̄ikevi kuna ȳmwannȳina. Kuna ȳmwannȳina yadaal'nȳi pwara Pitar̄ w̄id̄ina "Nabaai, a'mwe sahareiḡi midaaka?" Pitai kwaasi w̄id̄ina "Aawa, n̄im̄i m̄ika!"

²⁶ Saba Got̄iyar̄ina Ȳira'de Naangere yaasiwa'wawinya pwai mwaalina. Pitai a'mwera kad̄ikiki yuna daku'na gam̄ij̄iyaraj̄iyai mwaalina. Sai mwaalina yaka w̄id̄ina "Wawinyav̄i saliȳyaiḡinȳi t̄inna magwanganȳij̄wa?" ²⁷ Sarev̄idaa'nȳi Pitai kwaasi aȳina w̄id̄ina "Aawa." W̄id̄ina yakegaa' ȳme'nya'b̄i kukuraayai jika d̄ina ya!.

Ga'maan̄iyai Paailat̄imyaba Jizaazai daavake'nesi.

(Mat̄iyui 27:1,2,11-14; Maaki 15:1-5; Luk̄i 23:1-5)

²⁸ Sarev̄idaa'nȳi Kaayapaazare angev̄idaa'nȳi Ga'maan̄iya naangere anga kot̄iyav̄ina Jizaazar̄i makuna. Sagaa' byaaka mena yakegaaki. Jizaazar̄i makuna yeva Juyara d̄ina "Ga'maan̄iyaraav̄ire anga kot̄iyav̄ina w̄ilawaaaj̄i nem̄i k̄maakeina nȳima'naad̄ika! Aawa. Pari'ma'munne t̄ika naade'na," deva kot̄iyav̄i mw̄ilaawie!.

²⁹ Sarev̄idaa'nȳi mwasaw̄i daavesaw̄inna A'mwe Paailati walyuna yaka ȳwaara'na "A'mwe dar̄ina kot̄iyav̄i be kayaa'nanya'na d̄ivan̄igatavaka?"

³⁰ Kum̄i ja'nawid̄ina "Sai kayaa'nanya' myaj̄i kwaj̄i ḡim̄inyaw̄inna mamakabi kyaad̄ika!" ³¹ Sarev̄idaa'nȳi Paailati w̄id̄ina "Sahwaihi makwalyuna yapi sar̄innya k̄wi'nya'na kot̄iya' a'mweri ji'la!" Juyara w̄id̄ina "A'mwe Romiyaihi k̄wi'nya' nedakad̄iv̄i 'Kot̄iya'na aane pwai kwar̄i maramak̄ip̄inera!' Sara nedad̄iv̄isaih̄iliyi."

³² Sinnawi Jizaazai "A'mwera n̄im̄inȳi sara kyap̄iji bal̄ideinȳi," w̄idakesi. "Gam̄ire yagaala sa' yune'na nebulya'na ȳma'nana!" Got̄iyai kadoz̄i Juyara sara w̄id̄ina yesasi.

³³ Sarev̄daa'nyi Ga'maan̄yaraavire anga kot̄iyav̄ Paailati aȳna w̄il̄na yaka Jizaazar̄na dameraavi w̄id̄na "Dalyamaraawila!" Sara w̄id̄na yaka Jizaazar̄ w̄id̄na "Juyaraav̄ maremwaaid̄nya Kinḡyaiḡ daaka?" ³⁴ Jizaazai ja'nawid̄na "Nȳwara'mwaanya' ḡinnya yagaalya' d̄ingaka? Pwara n̄iminȳna ḡith̄waasa' d̄ingaka?" ³⁵ Paailati ja'nawid̄na "Juyainȳ daaka! N̄iminyawinna ḡinnya ȳsavaak̄yara Juyaraj̄ Got̄iyar̄na ȳra'd̄iv̄ita naangeraj̄ sara ḡimar̄mwaih̄waa!. Beri' yaḡineiḡnaka!" ³⁶ Jizaazai ja'nawid̄na "Kwaaka davak̄ n̄imire maremwaalyabwi maayas̄ra. Kwaaka davak̄ maremwaaid̄nyainȳ kwaj̄ nȳimid̄d̄iv̄isara d̄na 'Juyara sahwar̄ nagalalimwab̄ka!' kad̄ip̄ika! Sara d̄na ȳpij̄i kwaj̄ Juyaraav̄ mala karab̄ith̄ka! Sare' Kwaaka davak̄daa'nyi n̄imire maremwaalyabwi mwarika." ³⁷ Sarev̄daa'nyi Paailati w̄id̄na "Nabaai, sarev̄ maremwaaid̄nya Kinḡyaiḡ daaka?" Jizaazai ja'nawid̄na "N̄iminȳna nȳid̄waa 'Kinḡyaiḡnyi.' 'Nebulyabwina w̄ijal̄kurak̄ma!' d̄na yena n̄waa' nȳimaarakeinȳ, Kwaakevak̄ ȳma'neinȳ. Sareinȳ n̄imire waw̄nyas̄. Gazaizai nebulyav̄na w̄ivu'nadei n̄imire maanguraayav̄ kad̄ka nyu'n̄ivan̄kelȳra." ³⁸ Paailati w̄id̄na "Nebulyabwi ber̄vaka!"

Jizaazar̄ tamak̄ya'na Paailati w̄idake'nesi.

(Mat̄yui 27:15-31; Maak̄ 15:6-20; Luk̄ 23:13-25)

Sagaa' mwasaw̄i Juyaraayawinna Paailati aȳna w̄ina yaka w̄id̄na "Mena yaw̄rena d̄na ȳwa. Sai kayaa'nanya mȳiwakelȳ. ³⁹ Sa'na k̄iri' sar̄m̄irebwina Pari'ma'munnegaa' kalavuzari yagalya'ma'd̄inyainȳ. Sarev̄daa'nyi Juyaih̄re Kinḡyar̄ yagalya'mavij̄wa? S̄imunya gara yaw̄'mwaa'?" ⁴⁰ Sarev̄daa'nyi kum̄ jaka aȳna w̄id̄na "Aawa, sai mīka! Aawa. Baravaazar̄ nejaama!" Baravaazai sai kuka ȳpalamaa'delȳ.

19

¹ Sarev̄daa'nyi Paailati sara w̄id̄na kya' aaw̄lasara Jizaazar̄ maar̄ina yeva w̄ila lannakes̄ sara tam̄na. ² Mena tam̄na yeva taanya lannaka kave ḡih̄paina yeva yam̄ingaina yeva mwaaihi'nya lannake' gam̄ire m̄inyaḡnyav̄ ȳlak̄na. Gam̄ire m̄inyaḡnyav̄ ȳlak̄na yeva kwaab̄iȳv̄ita wayaake' egwewaari yewaa'bwa'na yeva ³ gam̄inyawinna b̄na yeva kwaasi yagaala w̄id̄na "Naangeigi! Yuyagaa' Juyaraavire Kinḡyaiḡ d̄imwaala!" Sara w̄id̄na yeva kunnya araraalyaj̄ gam̄ire s̄innyav̄ j̄ir̄'bwararanna ye'!

⁴ Anga mwasaw̄inna Paailati aȳna walyuna yaka kwala bwa'naanyav̄ w̄id̄na "Ȳtha, tamak̄ya'na gam̄ire kayaa'nanya' mwari!. N̄imi b̄ir̄na b̄ir̄na yena gam̄ire kayaa'nanya' mwanganȳwa. Daha'a' ' 'Paailati gam̄inȳ ȳwetawakya' mab̄ramaariwaka,' yawīpīka!' dena sar̄m̄inyabanna makab̄ivan̄ge." ⁵ Sarev̄daa'nyi Jizaazai mwaaihi'nya lannake' ȳlak̄in̄ke' kwaab̄iȳv̄ita wayaake' yewaa'bwa'n̄kei mwasaw̄inna walyuna. Mwasaw̄inna walyuna kya' Paailati kum̄nȳ w̄id̄na "Ȳthaanȳla! A'mwe dalaakana!"

⁶ Sarev̄daa'nyi Got̄iyar̄na ȳra'd̄iv̄ita naangeraj̄ dameraj̄ t̄inna wanganeva jaka d̄na "Ȳsav̄iri nil̄ya d̄ramo! Ȳsav̄iri nil̄ya d̄ramo!" Jaka d̄na kye' Paailati w̄id̄na "Nabaai, sar̄m̄i maarap̄iri ȳsav̄i nil̄ya d̄ramȳla! Sare' dare'nesi. N̄imi gam̄inȳ mab̄ramaariwa ȳwetawakya!" ⁷ Juyara ja'nawid̄na "Nem̄ k̄iw̄nya' k̄in̄nnakeine. 'Got̄iyar̄ Gawaal̄vaangeinȳra,' kwaasi sara ned̄van̄ke'na nem̄ire k̄iw̄nya' dara d̄ni' 'Balana!'"

⁸ Sarev̄daa'nyi Paailati yagaala sa' kad̄ka w̄i'nȳna yaka līka naanga ȳna yaka ⁹ Ga'maan̄yaraavire kot̄angevi aȳna w̄il̄na yaka Jizaazar̄ ȳwaara'na "Gawidaasaiḡnaka?" Sara ȳwaara'na kya' k̄iri' Jizaazai maj̄a'nawij̄na.

¹⁰ Sarev̄daa'nyi Paailati w̄id̄na "N̄im̄nȳ manyij̄waana? Jaw̄ka! A'mwe

naangeinyi, g̊im̊ire ẘilyabaai yaarina kya'muri d̊iwode d̊iragi'nya! k̊in̊innakeinyi. Nabaai, 'Yisaviri niliya d̊iramyl̊la!' kuda'muri d̊ivaide d̊iragi'nya! k̊in̊innakeinyira. Sare'na jawika!" ¹¹ Jizaazai ja'nawidina "G̊im̊ire d̊iragi'nya! S̊igunyavidaa'nyi Gotiyai magizaayaj̊i kwaj̊i d̊iragi'nya aane p̊iri' k̊iri' k̊in̊innakeig̊i mamwaalyi kyidika! Sarevi g̊im̊inyawinna a'mwe kwai nyimakabiwakei, kayaa'nanya naange! k̊in̊innakelyira. G̊imi' kayaa'nanya maalike' k̊in̊innakeig̊inyira." ¹² Sarevi Paailati kadika wi'nyina yaka dina "Jizaazar makwaasima!" Dina yaka yaamiji yaamiji yina. Yaamiji yaamiji yina yadaa'nyi k̊iri' Juyara jaka naanga widina "Sari makwaasija! Romiyaihiri yihimaremwaaide Sizaareig̊i m̊ika! Gazaizai dada 'Kingiyainyi,' a'mwe sai Sizaarina yikamaangelyira!"

¹³ Sarevidaa'nyi sa Paailati kadika wi'nyina yaka kusawidaa'nyi mwasawinna Jizaazar ẘilamaraawina yaka kotya' yadei yawibwa'deri namwaalyisavi walamaaaina. Saba Angwaata S̊ilaange' wo'nikesi. Nabaai, Yiviruyagaalya' Gavaatha wo'nikesi. ¹⁴ Sagaa' Pari'ma'munne wona sagaakt. Sagaa' kumire yuya yovirrawakyagaa!. Sirigwajahaa' aya kigaa' yima'nakegaaki. Paailati walamaaaina yaka Juyaraavwidina "Yithaanyila! Dai sarinnya Kingiyalyi." ¹⁵ Sarevidaa'nyi sahwara jaka naanga widina "Diramakya! Diramakya! Yisaviri niliya dirama!" Paailati yawaara'na "Sarinnya Kingiyari yisaviri niliya tamidei daaka! Sara danyidawaava!" Gotiyarina yira'divita naangera ja'nawidina "Nemire kingiya pwai mamwaalyi!. Sizaai gavei kingiyalyira." ¹⁶ Sarevidaa'nyi sagaa' Paailati "Sari yisaviri niliya tabika!" daka wimwangimwaaiahina ya!.

Yisaviri Jizaazar niliya tamesa'nesi.

(Matiyui 27:32-44; Maaki 15:21-32; Luk 23:26-43)

Sarevidaa'nyi aawilasara yisawa! Jizaazar ẘmaarina yeva Jizaazar makwalyuna. ¹⁷ Jizaazar makwalyuna yadi'v'i sai gannya yisawa' yikwa'na yaka Gilemnyaginyaba wo'nikewinna makuna. Saba Yiviruyagaalya' Golihota wo'nikesi. ¹⁸ Makuna kya' aawilasara yita saviri niliya tamina. Nabaai, yisawaariri a'mwe pwaraari niliya tamina yesaraalyi. Jizaazare aangasimagi pwarit niliya tamina, kwanaamimagi pwarit niliya tamina. Tinnyaba Jizaazai. ¹⁹ Paailati pikarya yida'na yaka aawilasaraavwidina "Jizaazar yisaviri yagaala da' jilakyila!" Sara widina kya' sara yilakina. Dara pikarya yida'na "Jizaazai, Naazaret mwaalyai Juyaraav maremwaaidei Kingiyai." ²⁰ Sara yida'nike' yisaviri Jizaazar niliya tamesaba Anga Jeruzaalemi aya kiba wara!. Jeruzaalemi maalikeba wa'nike'na Juya kwalaalyara pikarya sa' tinna wanganna. Pikarya sa' Yiviruyagaalyasi Romiyaraavire yagaalyasi Girkiyaraavire yagaalyasi yida'nikesi. ²¹ Sarevidaa'nyi Gotiyarina yira'divita naangera Juyara Paailatimi widina " 'Juyaraav maremwaaidei Kingiyai,' pikarya myavikaryinnersa! Aawa. Javikarya! 'A'mwe dai widadelyi "Juyaraav maremwaaaidnyainyi Kingiyainyireva."'" ²² Paailati ja'nawidina "Nimiri mena yida'mwe' yida'mwana! Mi'nanyira."

²³ Yisaviri Jizaazar niliya tamevevidaa'nyi aawilasara Jizaazar baazi'ma'nya saza maarina yeva yanga munne!. Piwa' pwai maarina, piwa' pwai maarina, aawilata pwaraai pwaraalyara maarina. Nabaai Jizaazar baazi'ma'nya saaminaange' maarina. Baazi'ma'nya sa' yavikaryagaa' magipwalyakesi. Sa' yuneba tilayalawakina yakesi. ²⁴ Sarevidaa'nyi baazi'ma'nya saaminaange' maarina yeva dinya'na "Baazi'ma'nya da' yuneba gave piri'na miwi'nike' lihivalawaaj̊i namunnaadika! Aawa. Nem saatuwa wasi'nyi wasi'nya yawaaji saatuwa' tewaanya wavlavajai maradesi." Sare'na Gotiyai "Nimire bukuya' dinike' nebulya'na yima'nana!" kada' sara ye!. Gotiyare bukuya' dara din'i! "Nimire kwaabihannya yivita saza yanga munne! "Nimire baazi'ma'nya'na saatuwa' yeva wavlavakei maara!."

Sarev̄idaa'nyi aaw̄ilasara sara ye'!

²⁵ Ȳisav̄iri Jizaazar̄i nil̄ya tamesaba maal̄ikeba ganaangesi ganȳiwanaangesi K̄ilopaazare balaange! Maar̄iyaasi Maah̄ithaala mwaalya! Maar̄iyaasi sa daav̄ina.

²⁶ Sarev̄idaa'nyi Jizaazai t̄inna wangananna. Nabaai gam̄irer̄ina tewaanya w̄ivu'nakei saba daa'di'nyi t̄inna wanganaka ganaangevi sar̄ina w̄id̄ina "A'mwe'gi, ȳithaa, sai j̄iv̄waalīvaangelyi." ²⁷ W̄id̄ina yaka gannyari w̄id̄ina "Ȳithaa! Dahaa' a'mwe sa' gīnnya gwaangest̄." Sara w̄id̄ina yakegaa'daasi gannya angevi a'mwe sav̄i maremwaala!"

Jizaazai balake'nesi.

(Mat̄yui 27:45-56; Maaki 15:33-41; Luk̄i 23:44-49)

²⁸ Sagaa' Jizaazai dara yaw̄irake! "Yuya mena daaka!" Sara kada' Got̄iyai "N̄imire Bukuya' d̄inike' yuneba nebulya'na ȳima'nana!" kada' w̄id̄ina "Aalya'na mij̄ika nȳwaka." ²⁹ Saba maa'gulyav̄i waain̄ya kayaa'nanya' ȳi'nīkesi. Sarev̄idaa'nyi waain̄ya sav̄i saalaalyav̄i ya j̄i'minya' paish̄ina yeva ȳita ȳizop̄iya taanyav̄i j̄i'minya' baazi'makuna yeva Jizaazar̄i marȳiki d̄ihaihirak̄ina. ³⁰ Sarev̄idaa'nyi mi'na d̄ihaihirak̄ina yesagaa' Jizaazai waain̄ya' yaamij̄i nȳina yaka w̄id̄ina "Yuya menanȳra."

Gannya mīnyaginya' tut̄naraka gannya kuryai w̄imwanḡmwaaiah̄ina ya'!

Jizaazar̄i liḡil̄iḡisaba aaw̄ilasai s̄iram̄inya saam̄inya' l̄ivap̄ina yake'nesi.

³¹ Sagaa' Juyara kunnya Kwazaakegaa'na yov̄irawak̄ina yad̄iv̄sagaaki. Nabaai, Kwazaakegaa' sagaa' Pari'ma'munnegaa' Kwazaaka naangeegaaki. Kwazaaka naangeega'a'na Juyara "Nemire tewaanyagaa' ȳisanḡi ḡilaayara war̄ina nȳip̄idīka!" d̄ineva Paailat̄im̄ ȳwaara'na " 'A'mwera baib̄ka!' ned̄waanyaraav̄i s̄iv̄ila kayaaka kar̄inḡrawaaaj̄i yarai kabalap̄iri ȳisanḡidaasi makwal̄ina yaadeina daaka?" ³² Paailat̄ "Yo," w̄idakev̄idaa'nyi aaw̄ilasara b̄ina. Pīri' daresi. Jizaazaryaba a'mweraari tameta pwari s̄iv̄ilyaraai tinḡi'na, pwari s̄iv̄ila tinḡi'na. ³³ S̄iv̄ila tinḡi'na kye' pīri' daresi. Jizaazaryaw̄inna b̄ina yeva dara wanganesa' "Ai, a'mwe sai mena davaimwaka!" Sara deva gam̄ire s̄iv̄ilyaraai mar̄inḡirina. ³⁴ Aawa. Gam̄ire s̄iv̄ilyaraai mar̄inḡiri kye' kiri' aaw̄ilata pwai Jizaazare liḡil̄iḡisaba s̄iram̄inya saam̄inyasi l̄ivadaakuna. S̄iram̄inya' l̄ivadaakuna kya' ȳime'nya'b̄i' tawesi aalyasi bwalaravaaw̄ina ya'. ³⁵ Sar̄imi w̄i'nīpīne'na n̄imi t̄inna sara wangane sara ȳih̄izalikurak̄iwa. Jal̄ikurakya sa' nebulyasi. "Sar̄imi d̄ili'mwagȳila!" dena sainyi dara yaw̄i'mwa "N̄imi nebulya'na ȳih̄ith̄ivan̄ges̄ira." ³⁶ Sare' dare'nesi. Sinnawi Got̄iyai "N̄imire bukuya' d̄inike' yune'na nebulya'na ȳima'nana!" kada' aaw̄ilasara sara ye'. Dara d̄in'i "Gamīre yaḡinya aane pīri' kiri' mar̄inḡiri yades̄ira." ³⁷ Nabaai Got̄iyare Bukuya gabinyaba d̄inȳna "A'mwera pwari s̄iram̄inya saam̄inyasi l̄ivadaakwapiji' sar̄i t̄inna wangabi'delyi." Sara d̄inikesi.

Jizaazai ḡilaayari wakaḡilya'nesi.

(Mat̄yui 27:57-61; Maaki 15:42-47; Luk̄i 23:50-56)

³⁸ Sa mena yesagaa' Paailat̄myaw̄inna a'mwe naangei Jozep̄iyai Aari'math̄ya mwaalyai wīna yaka ȳwaara'na "Jizaazar̄i ḡilaayari maar̄ij̄iwana?" Jozep̄iyai sai Jizaazarei mwaalakelyi. Kiri' Juya naangera Jizaazareraav̄ina s̄inna t̄ika w̄idavakev̄ina līka ya!. Sa'na Jizaazarei mwaalake! līka yulyarakei. Sagaa' nav̄ka mwaal̄ina yakei ȳwaara'na "Ḡilaayari maar̄ij̄iwana?" Sara ȳwaara'na kya' Paailat̄ w̄id̄ina "Yo, ḡilaayari dulamaraawa!" W̄id̄ina kya' Jozep̄iyai w̄ilaaw̄ina yaka ḡilaayari makab̄ina. ³⁹ Makab̄ina yadaa'nyi A'mwe Nikothimaazai Jozep̄iyalyi b̄ina. Nikothimaazai sai s̄innawi saw̄isavi Jizaazaryaw̄inna angȳiri'maata yakelyi. Sai maraz̄inanya wabat̄ir̄inya' makab̄ina. Maraz̄inanya mesi maraz̄inanya aloz̄iyas̄i yeḡir̄ilya' ḡilaayaraav̄i ȳid̄iv̄isa' Juyara. Nikothimaazai maraz̄inanya taanga teti (30)

kiloh̄raam̄ makab̄na. ⁴⁰ Sarev̄daa'nyi Jozepiyalyi Nikothimaazalyi saraai Jizaazare k̄laakej̄k̄ maraz̄nanya' wak̄na yadi' kwaab̄hannya saam̄nyaj̄i pw̄yina yagi. Sara ȳna yaḡlyabwi Juyara kum̄re ḡlaayaraav̄i wakya'ne'na sara yadiv̄sabulyi. ⁴¹ Ȳsav̄iri Jizaazar̄ nil̄ya tam̄na yesaba ȳwaw̄nya' war̄kebera. Ȳwaw̄nyav̄i ḡlaayar̄i wakya'ne' simaange' war̄!. Sagaa' simaangevi ḡlaaya aane pwai kwar̄ mwaki yadiv̄sas̄. ⁴² Sarev̄daa'nyi saba simaanga mud̄ke' war̄ke'na, mwanyavi Juyaraav̄ire Kwazaakegaa'na saraai Jizaazar̄ kave w̄lak̄na yaḡlyaraalyi.

20

Simaanga kune' wa'dis̄iyav̄inesi.

(Mat̄yui 28:1-8; Maaki 16:1-8; Luk̄ 24:1-2)

¹ Wik̄yav̄ine yir̄ika sinnaw̄inya' Saadehaa' yir̄ikunyagaa' j̄ih̄nyav̄i simaangevi na Maah̄ithaala mwaalya' Maariyaa' w̄na yaka t̄inna dara wanganake! "O, Niwaava, simaad̄kuryav̄i s̄ilaange' davas̄nadaav̄ka!" ² Sarev̄daa'nyi kaanyave'na kaanyave'na w̄na. Jizaazar̄ gannya pwar̄na tewaanya w̄vu'nadei salȳi Saaimon̄ Pitalȳi saraaryawi ȳ'ma'na yaka saraari w̄d̄na "Simaangev̄daa'nyi pwara Naangeri makwalyuna kȳwaa' nem̄ yaw̄'na 'Gaziyaka? Ḡlaayar̄i gaz̄i makuwaatabanaka? "

³ Sarev̄daa'nyi Pitalȳi Jizaazare pwalȳi ya'ma'na yaḡla walyaab̄na yaḡla simaangevi na yarai w̄na. ⁴ Saraii kaanyave'na wodaak̄lȳi k̄ri' Jizaazare pwai kaanyave'na naanga yaka Pitari wav̄la'na yaka sinnaw̄i simaangevi ȳ'ma'na. ⁵ Mi'na ȳ'ma'na yaka walaruta'nyi na yaka kusaw̄i kwaab̄hannya saam̄nya t̄inna wanganna. T̄inna wanganna yaka k̄ri' kusaw̄inna mulaawina. ⁶ Kusaw̄inna mulaawi yadaa'nyi d̄vidaasi Saaimon̄ Pitai b̄na yaka simaanga kusaw̄inna yarai bulaaw̄na. Yarai bulaaw̄na yaka sav̄i kwaab̄hannya saam̄nya wa'dis̄ t̄inna wanganna. ⁷ Nabaai Jizaazar̄ m̄nyaḡnyav̄i kwaab̄hannya saam̄nya gwavaaihi'nike' t̄inna wanganna. Kwaab̄hannya sa' kwaab̄hannya saam̄nya p̄in̄ngyaba mwari ya'. Aawa. Gabinyaba gwavaaihi'nike' wa'dis̄ t̄inna wanganna. ⁸ Pitai t̄inna wanganna yakev̄daa'nyi sinnaw̄i simaangevi Jizaazare pwai ȳ'mavakei sagaa' w̄l̄na yaka t̄inna wanganna yada Jizaazar̄na l̄mwanna ya!. ⁹ Sare' dare'nesi. Sagaa' Got̄yare Bukuya' d̄inike' "Sai mena balori aȳna d̄kaavadelyira," sa' d̄inike'na k̄irim̄i myawiri yaḡlyaraalyi. ¹⁰ Sarev̄daa'nyi k̄rinnyi angevi na saraai Jizaazareraai aȳna w̄na yagi.

Maariyaa', Maah̄ithaala mwaalyayaba Jizaazai daav̄ina yake'nesi.

(Mat̄yui 28:9,10; Maaki 16:9-11)

¹¹ Maariyaa' aȳna b̄na yaka simaangevi mwasaw̄i daav̄ina yaka kinna d̄na. Kinna kuna d̄na yadev̄daa'nyi walaruta'nyi na yaka simaangevi kusaw̄i t̄inna wanganna yaka ¹² Got̄yare mamaaya ejeliyaraari t̄inna wanganna. Ejeliyaraai baazi'ma'nya yaaka baazi'ma'naḡleraai. Jizaazar̄ k̄laakeji' warakeba saraai walamaaaina yagi. M̄nyaḡnyayaba pwai walamaaaina, s̄iv̄lyaraaryaba pwai walamaaaina yagi. ¹³ Maariyaa' t̄inna wanganna kya' saraai w̄d̄na "A'mwe'gi, kinna baa'na d̄vaniḡina?" A'mwe' w̄d̄na "Piwinna n̄mire Naangeri makuna kȳwaa' kumi wak̄na ȳwaasa'na n̄mi mwanganyiwe'nyi."

¹⁴ Sara w̄d̄na yakegaa' ḡnyima'nyi na yaka saba Jizaazai daa'dis̄iyari t̄inna wanganna ya!. Sa' k̄ri' dara myawiri yake! "O, Jizaazai daaka!" ¹⁵ Sa'na maj̄ kya' Jizaazai w̄d̄na "A'mwe'gi, kinna baa'na d̄vaniḡina? Aar̄na b̄id̄i d̄vaniḡi?" W̄d̄na kya' a'mwe' yaw̄'na yada "Ȳwaw̄nya' yadelyi," w̄d̄na "A'mwe naangeiḡi, ḡmi damakuwaana? Sara yaḡna nyidana! 'Ȳnagaavaihaba sabanna wakuwana.' Sara kanyida'ḡzi saw̄inna wawa'muri maraawide'nyi n̄mi." ¹⁶ Jizaazai w̄d̄na

“Maariyaa!” A'mwe' gaminyina gitnyiwanna yaka “Jizaazalyi,” daka Yiviruyagaala widiña “Raavoni!” Yagaala sa! “Nyijwaakadiinyaig!” dinikesira. ¹⁷ Jizaazai widiña “Manyigalalimwadiinna! Sare' dare'nesi. Nimbaryawinna mena ayina yimwaaweinyi daaka! Sa'na nya'mweraayaw i niminyine widiña ‘Nimbaryawinna ayina yilaawiideinyi. Sai Nimaamaangelyi. Sai Sirinimaangelyi. Sai Ninnnya Gotiyalyi. Sai sarimire Gotiyalyi. Saryawinna ayina yilaawiideinyi,’ sara duthana.”

¹⁸ Maariyaa' Maahithaala mwaalya' bina yaka gamireraavi widiña “Ai, Naangeri tinnna wangamwe'nyi,” widiña yaka Jizaazai widake' sara widiña yakesira.

*Gannyaraayaw i Jizaazai daavake'nesi.
(Matiyui 28:16-20; Maaki 16:14-18; Luki 24:36-39)*

¹⁹ Sarevidaa'nyi Saadehaa' sawisavi angevi Jizaazarera yikabina yeva kaanya lokiya nayaa tihi'na. Juya naangeraavina lika yina yadivi' kaanya lokiya nayaa tihi'na ye!. Tihi'nyina yadi'nyi Jizaazai yima'naabina yaka kuminyaba daavina. Tinnyaba daavina yaka widiña “Nya'mweihi, kwaamu'nanya' yihwarana! Tewaanya dimwaalyila!” ²⁰ Sara widiña yaka gannya a'araraalyawaalyi gannya ligiligsaba wiji'waainnyina ya!. Sarevidaa'nyi gamirera Naangeri tinnna wanganeva yilaaya naanga yina. ²¹ Sarevidaa'nyi Jizaazai ayawi widiña “Nya'mweihi, kwaamu'nanya' yihwarana! Nimbwai nyidasabakabaaib! sara yihithaasideinyira.” ²² Sa' widiña yaka kuminyi pwa'nyi makuraasina yaka widiña “Kuryai Tewaanyai sariminyi yihimwaalana!” ²³ Kyihimwaalori sarimi pwara kwaraavire yiwetawakya wasi'na kyapiji Gotiyai sara mena wasi'na yadelyi. Kwara pwaraavire yiwetawakya kuna ja'nayipi'ja Gotiyai avaaina mena ja'nayadelyira.” Sara widiña ya!

Jizaazalyi Tomaazalyi saraarinesi.

²⁴ Kuminyabanna Jizaazai bakegaa' Jizaazarera sivilyiraai ata puridaasi pwaraalyai Tomaazai kumi'ji mamwaalyina. Mamwaalyai Tomaazai gira'miraalyai.

²⁵ Sarevidaa'nyi sai ayina bina kya' sahwara widiña “Naangeri tinnna mi'na wangamworinera.” Widiña kye' Tomaazai widiña “Kwaasi nyidwaa!. Gamire asawaari niliya tamwa'daata yiwihwaaryawaari tinnna mwanganyi yiwija' yiwihwaarya sawaari ninnnya asai malakulayiwi'ja' gamire ligiligsaba ninnnya asai malakulayiwi'ja' malimwagyi yideinyi. Arikawinyi.” Widiña ya! Tomaazai.

²⁶ Wikiya ayawinya'riki angevi kusawinna Jizaazarera ayina yikabina yeva angevi bamwaaina. Nabaai Tomaazalyi mwaalina. Sagaa' kaanya yuya lokiya nayaa tihi'nikengi. Yuyara mwaalina yadapi kaanya tihi'nadi'nyi kirri' Jizaazai yima'naabina yaka tinnyaba daavina yaka wida! “Nya'mweihi, kwaamu'nanya' yihwarana!” ²⁷ Sara widaka Tomaazarri widiña “Davi ginnya asai dak! Nimirre asiraari tinnna dinyaangana! Ginnya asai yiwibwa'na ya'gizi nimirre ligiligsaba dinyaulakaa! Nimi' kwaihwaainateinyina kuna manyili'mwagyadinyaig mamwaaidinna! Aawa. Nyili'mwadiinyaig dimwaala!” ²⁸ Tomaazai wi'nyina yaka ja'nawidina “Ninnnya Naangeiginyi. Ninnnya Gotiyaiginyira.” ²⁹ Jizaazai widiña “Tinnna nyanganagina danyili'mwamwaa? Pwara tinnna manyanganyevara kibanna nyili'mwamwaa! Sarera yilaaya naanga yadivi' tewaanaanga winikeraavi Gotiyai wimwaaikhaderera.” Jizaazai sara widiña yakelyi.

Bukuya da'yida'nike'nesi.

³⁰ Sarevidaa'nyi piri' daresi. Bukuya dav Jizaazai yiji'waainya saji tewaanya saji yakengi yida'mwa. Gannyaraayaba Jizaazai naanga piniji tewaanya piniji kwalaalya yina ya!. Sangina bukuya dav myidayi yeweinyi. ³¹ Piri' daresi. Sara yida'mwe yawi'na yadi “Pwara yagaala da tinnna wanganapiri dara limwabika! Jizaazai Kiraazitlyalyira. Gotiyai Jizaazarri dahilakakelyira. Yithaa, Jizaazai Gotiyare

Gawaalivaangelyira.' ‘Sara l̄imwabika!’ dadì yida'mwa.” Nabaai yida'mwe yawi'na yadi “Sahwara sara l̄imwaga'div'i yuyagaa' gamire yayavi Jizaazarine gaalyabwi k̄ininnakera mwaabitka!” Sara dina yadi bukuya da' yida'mwa.

21

Jizaazai gamirera ata yuyi ata puridaasi pwaraalyaraavi wijiwaainnake'nesi.

¹ Sa mena yima'nakegaa' divi Aalibunya Taaiviriyaazav Jizaazai gannyaraavi ayina wijiwaainnyina. Dara wijiwaainnyina yakesi. ² Saaimoni Pitaly Tomaazai gira'miraalyiyali Nataanyali Kwaaka Galili Anga Kena mwaalyalyi Sevathiyari gawaalivaangeraalyi Jizaazare pwaraalyi sara yikabina yeva aalibunyavi mwaalina. ³ Mwaalina yadapi Saaimoni Pitai pwaraavi widina “Jawi'nya maarya'neinyi wideinyira.” Sara widina kya' kumi widina “Gimiji wawaana!” Sarera wina yeva aalyav i sipi'ya' yila'disi yilamwaaina. Yilamwaaina yeva sawita yuyavi jawinya gilya wasita yadaapi jawinya aane pwai kwai mabwalaminaawi yina. ⁴ Mabwalaminaawi yadaa'nyi nyiyai gaai byiliyiri'daasiyagaa' aalimaangevi Jizaazai daavina. Jizaazai daavina yadi'nyi kiri' gamirera dina “Mudikelyi. Jizaazai mika!” ⁵ Sarevidaa'nyi Jizaazai widina “Kaimiraayaihi, jawinya aane piri' kiri' k̄ininnakeihi daaka?” Kumi ja'nawidina “Aawa.” ⁶ Sai widina “Sipi'yav aangasimagi jawigilya' marasi'na yapi'ri jawinya bwalaminaap'i'dengi.” Sarevidaa'nyi aangasimagi jawigilya' marasi'na yeva jawinya naanga naanga minni'ke'na sipi'yavina ayina mamwagi'nyi yipi'nesi.

⁷ Sarevidaa'nyi Jizaazari gannyarina tewaanya wivu'nakei Pitari widina “Naangelyi.” Sarevidaa'nyi Saaimoni Pitai “Naangelyi,” kadika w'nyina yaka yara baazi'ma'nyina ya!. Sare' dare'nesi. Baazi'ma'nya yirainakei kunei mwaala!. Sara yaka aalibunyavi dikwosi'na. ⁸ Aalyav i dikwosi'na kya' sipi'yav Jizaazare pwara yilamwaaina yeva, jawinya minni'ke' mwagi'nyina yadaapiji aalibumaangevin sipi'ya' makuna. Sare' dare'nesi. Kwaakevidaa'nyi etaba mi!. Aawa. Mitaaya 100 (waani aadireti) sipi'ya' makuna. ⁹ Sarevidaa'nyi maangebaari sivila pahi'na yeva wapaasi dikwaagidikevi jawinya piraayakej sa tinna wanganna. ¹⁰ Tinna wanganna kye' Jizaazai widina “Jawi'nya ma'mwaata pin di makabyila!”

¹¹ Sipi'yavina Saaimoni Pitai wina yaka aalimaangevin jawigilya' mwagi'namaa'na. Gilya savi jawinya naanga minnyina. Jawinya 153 yuya sa minnyina yakengi. Jawinya naanga naanga sa minnaka kiri' gilya' mamumunyryakesi. ¹² Pitai gilya' mwagi'namaa'na kya' Jizaazai widina “Kaajila! Wapaaya dinyla!” Gamirerajya aane pwai kwai yawi'na “Naangelyi,” yaka “Aaihwaiginaka?” diraginna myiwaarayi, navika mwaalina. ¹³ Navika mwaalina yadi'si sangyawinna Jizaazai bina yaka wapaaya maarina yaka wijaavina ya!. Nabaai jawinyaj i wimaarina ya!.

¹⁴ Sare' dahasaai dhaaa' Jizaazai gannyaraavi wijiwaainnakelyi. Mena balakei ayina dikaa'na yaka dahasaai dhaaa' gannyaraavi wijiwaainnyina yakegaaki.

Jizaazalyi Pitaly saraarinesi.

¹⁵ Sarevidaa'nyi mena nesagaa' Jizaazai Saaimoni Pitari widina “Saaimoni, Jonimireig, a'mwe daraavi niminyina tewaanya wivu'nivan'i!. Gimire givu'nadevwi sahwaraavrebwi davila'manika?”

Pitai widina “Naangeig, yo, gimi' mena yawi'mwaa ‘Pitai niminyi nya'mwelyra.’ Sara yawi'mwaanyasi.”

Jizaazai widina “Nimire sipi'zipi'ya maalikeraavina wapaaya duzaama!” ¹⁶ Widina yaka pigasaai Jizaazai widina “Saaimoni, Jonimireig, niminyina tewaanya givu'nivanikeig daaka?” Widina kya' “Yo, Naangeig,” Pitai widina “‘Pitai

nya'mwelyi,' mena yawi'mwaanyaiginyi." Jizaazai wiđina "Nimire sipizipiyaraav iđimaremwaala!" ¹⁷ Dahasaai dahaa' Jizaazai wiđina "Saaimoni, Jonimireigt, nim ja'mweinyi daaka?"

Dahasaai dahaa' Jizaazai "Ja'mweinyi daaka?" wiđake'na Pitai kale wiadaa'nyi wiđina "Naangeigi, yuyangina yawi'mwaa. Nabaai 'Pitai nya'mwelyi,' sara yawi'mwaanyaiginyi."

Jizaazai wiđina "Nimire sipizipiyaraavina wapaaya duzaama!" ¹⁸ Naanga nebulya'na gitihvanige. Miginyaagi mwaalaginegaal ginnya munnaanya' marina yadi 'Yuyawinna wiđima!' dina yadi sawinna wawaginyaiginyi. Sare' yadi kiri' neig jima'nadehaa' ginnya asiraai yiwibwa'nyina kya'giri pwara giminnyi wiła pwiyina gyapiji 'Sawinna mwivinera!' yawidinyawi sawinna makuna gyipi'deiginyi." ¹⁹ Sa' Jizaazai wiđake' dara dina "Pitai sara balina kyori sare'na Gotiyai byaannakei yima'nadelyira." Pitari wiđina "Dinyimidinaama!"

Jizaazalyi gamire pwalyi saraarinesi.

²⁰ Pitai ginyiwannyina yaka dusimagi Jizaazare pwarit inna wanganna. Sarina Jizaazari tewaanya wiđvu'nakelyi. Sai kigaa' wapaaya tiķa nyina yesagaa' Jizaazaryaba walawaainike', Jizaazari kave yiswaara'na "Naangeigi, giminnyi yikamaangeraavina givwaridaakwodei aaihwalaka?" sara yakelyi. ²¹ Sarevidaa'nyi Pitai tinna mi'na wanganna yaka Jizaazari wiđina "Naangeigi, diwaanya'na a'mwe sarina berivaka?"

²² Jizaazai wiđina "Nimi' sarina yawi'na 'Kaanya ayina bidehaa'na sai kuna yemwaaladelyi.' Sara yawi'na yiwija' gimirre wawinya' daaka! Sarebwina madinneiginyi. Dinyimidinaama!"

²³ Jizaazai sara wiđakevidaa'nyi neya'mwera dara dinesa! "Ai, Jizaazarei sai mabalyi yadei daaka!" Sara kade' kiri' sa'na Jizaazai maji "Mabalyi yadelyi," Aawa. Maji yaka wiđina "Nimi' sarina yawi'na 'Kaanya bidehaa'na sai kuna yemwaaladelyi.' Sara yawi'na yiwija' gimirre' daaka!" Sara wiđina yakelyi Jizaazai.

²⁴ Jizaazarei sai dangina nejalikurakivanike', nabaai sai yagaala da yida'na yakelyi. Gamire wijalikurakyabwina nemi yawi'mwo "Nebulyasira."

Mi'nanya'nesi.

²⁵ Yithaa, Jizaazai yake pinj kwalaalyangine yagaala sa warikengi. "Yagaala yuya sa pikarya yida'na yiwiji kwaj Kwaaka yuyavaki maalikeba bukuya mwaki kyipidika! Bukuya naanga naanga kwaradikengi." Sara yawi'mweinyi.

Apozeliyara Jizaazare Widaasadera Apozeliyara Yigasangira.

¹ A'mwe Tiyopilaazaig, Bukuya piri' gimininyina wi'na yavikarye. Jizaazai yuya yaka yuya wijiwaakina yaka yagaala yuya sa wi'na yavikarye. Jizaazai aayawidaasi yaka ² Sigunyav i ayina yilaawaka sanna wi'na yavikarye. Sinnawi sagaa' milaawiagaa' Jizaazaly Kuryai Tewaanyai mwaaidori Jizaazai Widaasade Apozeliyaraavi kumire wawinya'na nayaa yijiwaaka' ata dahilakinikeraavi. ³ Sahwai balakegaa' sawita a'mweraare sivilatiraalya jinnadaa'nyi sahwai bada yuya diraginya yada kumi yuya tinna wangadiv' dara yawiresa! "O, nebulyasi. Sarennna Jizaazai ayina damwaalika!" Sara yawireva kumi mwaaidiv' Gotiyai a'mweraavi maremwaalade'na widakelyira. ⁴ Pigaa' kumi yikabesagaa' wida! "Anga Jeruzaalem myagalya'mapinera! Aawa. Nmwai gannya yangeri yihizaavade'na jemwaalyila! Gotiyai diraginna yihithake' nimti mena yihithe'na jemwaalyila! ⁵ Joni Bavitaaziya Yadei aalyavi bavitaaziya yake' kir'i divi maalikegaa' bavitaaziya'bisa' Gotiyare Kuryai Tewaanyai sariminyi munyikaavi yunebanna wilamwaaina yihyatheihilyira," wida!

*Sigunyavina Jizaazar makilaawake'nesi.
(Maaki 16:19,20; Luk 24:50-53)*

⁶ Sarevidaalnyi pigaa' Apozeliyara yikabesagaa' Jizaazai mwaaidi'nyi kumi wide' "Naangeig, dhaaasagaa' Maremwaide' Yizirelyainaavina ayina dnejaade'na daaka?" ⁷ Sara kude' wida! "Sare'na yima'nade'na myawipinera! Sariminyine'na mika! Nmwai sahwai sara yawrajai sagaasi yuyagaasi sagaa' wakadelyira. Sare'na gamire diraginya'na gavei yawi'manikesira. ⁸ Sa'na kir'i Kuryai Tewaanyai sariminyi bayihimwaaidozi diraginya naange' kihizaavoji Anga Jeruzaalem dava Kwaaka Juthiya yuyabanna Kwaaka Sameriya yuyabanna Kwaakevaki tiyawi anga yuya dawinna niminyina pwaraavi duzalikurakyideihilyira." ⁹ Mi'na kuda' gamirera baihana'dapi Sigunyavineri makilaawina ya!. Makidawadaa'nyi yiraaya' galayewaa'mwanna kya' tinna mwanganyage!. ¹⁰ Makidawadaa'nyi Sigunyav tinnna kuna wangadaapij, yithaa, a'mweraai baazi'ma'nya yaaka baazi'ma'nagileraai kwaraayaba bima'nyina yagi. ¹¹ Mi'na bima'nyina yagila widahi "Kwaaka Galili mwaalyaihi, saba daaveva Sigunyav tinnna be'na baihanakava? Sare'na simunya kwalaalya myawipinera! Sariminyabadaasi Sigunyavinei Jizaazar makimwaawikei sahwai Sigunyav sara yimwaakabaaibi' ayina walaabathelyira," widahi.

Juthaazare wawinya' a'mwe mudikei maarake'nesi.

¹² Sagaa' Mugunya Wolividaasi Jeruzaaleminera ayina wawe!. Mugunya sa' angeba esaba kilomitaaya piri' warikesi. (Juyaraavire Kwazaakevi kaanya wodivisabe.)

¹³ Wawesara Jeruzaalem wileva ku'dikev munyaba kigaa' aya mwaalesabanna yilaawe!. A'mwe sarajya pwai Pitai, pwai Joni, pwai Jemizai, pwai Ediruyai, pwaraai Pilipi Tomaazaly, pwaraai Baatolomyuly Matiyuly, pwai Alipiyaazare gawaali' Jemizai, pwai Saaimoni gannya kwaakevinna yawi'dei (Selotiyai), pwai Jemizare gawaali' Juthaazai, sara yuyara mwaale!. ¹⁴ A'mwe sahwaraj i amwej Maariyaa' Jizaazar ganaangesi gya'mweraji avaaizimunya yawireva yuyagaa' Gotiyari wida'na yikabadi' Gotiyari wide'.

¹⁵ Yirka sagaa' kwiya'mwera kwalaalyara yavinakera (120) yikabeva mwaaidapiyaraayawi tinnyaw i Pitai daavaka yagaala wida'na ya! ¹⁶ "Nya'mweihi, kigaakuna

Kuryai Tewaanyai Ne Devitimi kujiwakyaa! Deviti sara yidayaa'. Sara yidayake' nebulya' yunebanna yima'nya'ne' mena yima'na'. Juthaazai kyibwaridaakwa' a'mwera Jizaazar i wiila pwiesai Juthaazarina nebulya' yima'na'. ¹⁷ Juthaazai nemijiyar Naangei dahilakakelyi. Nemijiji gamiji avaaiwawiya widaayo, Apozeliyaina," wida' Pitai.

¹⁸ Kayaa'nanya'na yibwaridaakwia'ne'na Juthaazai niggia tivikisa maarakenna wawinya piji' mube'. Sajiki walaraawaka gannya munya kayaaka yina yaka gannya li'gilya' mwasaba kabwalyara' sahwai bala'. ¹⁹ Savina Jeruzaalem i mwaalyara yuyara kadika wi'neva wawinya saji' kunnya yagaala "Akelithaama," wo'nike' "Wawinya tawanake!", dinikesi.

²⁰ Pitai wida' "Sare' dare'nesi. Bukuya Saamya (Yiledaata) yida'nyina 'Gami're ange' kune' yima'nana!

Savi a'mwera mulamwaalyi yipika!
Nabaii yagaala piri' yida'nika
'Gotiyarina yade' a'mwe pwai yana!'

²¹⁻²² Sara yida'nikevdaa'nyi Juthaazare wawinya yiya' pwai maarana! Sahwar i kadahilakawaaj Naanga Jizaazai baryai dikaavake' tinna wanganakelyi pwaraavi wijalikuraadeinera. Kigaa' nemijiyai Naanga Jizaazalyi kaanya yamariori dahilakaana! Sinnawi Joni Bavitaaziya Yadei widakegaasi pigaasi Sigunyav i Jizaazar i makyimwa'daawadikegaa'na nemijiyari dahilakaana!" ²³ Pitai sara kuda' piba a'mwera a'mweraari wi'mwaaaihe'. A'mwe pwai Baazavaazai Jozepiyai wo'nikei yaya piri' Jaazitazai wo'nikelyi. A'mwe pwai Mataayazai wo'nikelyi. ²⁴ Wimwaaaiheva dahilakya'na Naangeri wide' "Naangeigi, a'mwe yuyaraavire kuryaraj i sidusaj i yawi'mwaa. Sa'na, Naangeigi, a'mwe daraarin gawari dahilakaajiwona? ²⁵ Sai Juthaazai gitthaayake' apozeliyare wawinya' yana! Juthaazai gitmi're wawinya' ya'mavaka gannya kayaa'nanyabanna wawaka. Wawinya sa' pwai yana!" ²⁶ Mi'na wideva kirrimire yaya yidaveva Mataayazare yaya' yida'nike' wnganeva dne' "Sare'na Mataayazai dahilakiwo. Jizaazai Widaaasade atiraai siivilyiridaasi pwaraalyai Apozeliyaraayaba wi'mwaaaihiwo," dne'.

2

Kuryai Tewaanyai walaabake'nesi.

¹ Ti'ka Munne Pedikoziyagaa' mena kavura' anga gavevina Jizaazar i wi'nadivita yuyara yikabe'. ² Kyikabe' sigunyavidaa'nyi yihu'jake'bisa' yarai yaka anga yunevi buzaaimwaalesav i naanga ya' jaka sa!. ³ Sara yakegaa' dara wanganesa' "O, piwinna piwinna dtaalitabiswa wawaka nemi yuyainaav i daneyime'niwaka!" ⁴ Sara kade' Kuryai Tewaanyai kumire simunyangi yunebanna wilamwaalaka yagaala tewaanya' wi'na diraginna kujaava' Maaveraavire yagaala ge' ge' gaai wide'.

⁵ Sagaa' Anga Jeruzaalem i Juyara ajimya yuyangya gazavasavakidaasara mwaale'. Pwara Juyaraavire kiwinya limwadivisarer. ⁶ Sahwara yihu'jake' kadika wi'neva kwala bwa'naanya yarai yi'bwa'naabina. Yarai yi'bwa'naabina yeva Jizaazarera ajimya yuyangyaraavire yagaala widadivisi'na kadika wi'neva yi gazaizai gannya yagaalya' wi'naka atika maru'na'na. ⁷ Yuyara maru'na'div i dne' "Niwaava, berivaka? A'mwe dara nemire yagaala ge ge nedivanigasara Kwaaka Galili mwaalyara yuyarer. Niwaava!" ⁸ Garanevaka? Nem i yuyainaav i gazaizai kadika dara wi'nivanike' 'Ai, nenny aangyagaala danedivanigava!' ⁹ Sahwaina Kwaaka Paatiya mwaalyainaji Kwaaka Mithiya mwaalyainaji Kwaaka Yilaam i mwaalyainaji Kwaaka Mezopotemya mwaalyainaji Kwaaka Juthiya mwaalyainaji Kwaaka Kapathoziya mwaalyainaji Kwaaka Podaazi mwaalyainaji Kwaaka Eziya mwaalyainaji ¹⁰ Kwaaka Piriziya mwaalyainaji Kwaaka Paabilya mwaalyainaji Kwaaka Yizipi

mwaalyainajि Kwaaka Liyya Anga Saairini pimagि mwaalyainajи Anga Romи mwaalya pwainajи mwaaaiho. ¹¹ Nabaai Juyainajи Maaveina Juyaraavirebwi yadaanyainajи pwaina Ahu'manna Kирити mwaalyainajи Kwaaka Areviya mwaalyainajи yuya saina bamwaalona Gotiyai tewaanya yakenna nennya yagaalya nedivangasa' kadika wti'nivangone!" ¹² Simunya kwalaalya yawidiv'i atika maru'na'div'i yiwaara'ne' "Gara yiwaara?" ¹³ Sara kyiwaara'ne' kiri' pwara kadika wti'nya'ne' sinna tika wida'daasi birala wie! "Biayaaya naanga neva kunya maayara mwaaishava sara divangasara."

Pitai widake'nesi.

¹⁴ Sagaa' Pitai Jizaazai Widaaasadera atiraai siyilyiridaasi pwalyarajи daavaka kwalla bwa'naanyavи yagaala naange' gaai wida' "Kwaaka Juthiya mwaalyaihilyи Anga Jeruzaalemи mwaalyaihilyи yuyaihi yihithiwija' kadika nayaa du'nyila! Ni'mire yagaalya' jawirila! ¹⁵ Sare' dare'nesi. Nyidwaasa'na a'mwe dara biyaaya manyeva sidu'nakera mwaaisha'. Sawisaburi daaka! Sawisavi daaka! Mwanyavи naaini kiliokiyagaa' biyaaya'na a'mwera kumaayara mwaaidivisara daaka! ¹⁶ Arikawi. Da' Gotiyari wti'navijiwakyaakei Ne Jowel'i yidayaake' yima'nivani'. ¹⁷ Dara yida'nika 'Gotiyai dinikesira. Aayagaa' dara yideinyira,
Kilaa'naka yuyaraavina Ninnya Kuryari widingikideinyira.

Kujaava'mujи Kuryai Tewaanyai kumire simunyangи kulamwaaloji
Siriiraavaangeji siribwaaliwaangeraji niminyi nyu'navijiwakipi'desira.
Sarimire miginyara se mwaryapiji a'mabaaitinna wangabi'derera.
Sarimire nera se warapiji waja ya'nipi'derera.

¹⁸ Yo, sagaa' Ninnya Kuryari widingikidengira,

Nyidaayadivita a'mweji a'mwerajи samilika.

Kuryai mena kulamwaaloji sagaa'

Niminyi nyu'napi pwaraavi wijiwaakipi'derera.

¹⁹ Munyaba sigunyavи diragiyyangiji gengiji yideinyi.

Kwaakeba Kwaakevakи kujiwaaaina'mujи atika maru'napi'derera.

Tawesi dikesi jita naangesi wangabi'derera.

²⁰ Nyilyai mavuri yoji jihinyai yima'nadelyi.

Lawei wayaaka tawe'b'i yima'nadelyi sagaa'.

Kwanganapiri Naangere diragiyyagaa' naangeega' yima'nadehaaki.

²¹ Gazaizai gaimwange'na Naangeri jaka kadanganori

Naangei kavadaihasamaaroji Naangerei yima'nadelyi sahwai.'

Sara dinikesira.

²² Yizi'reliyareihii yagaala dangi kadika du'nyila! Gotiyai yawi'na 'A'mwera dara yawipi'de! "O, Gotiyai Naazaretи mwaalyai Jizaazarи widaasiwaabikei daaka!" ' Sara yawiraka gannya diragiyya' sahwarи kujaava' sai diragiyyajи atika maru'nasa'neji wijiwaainya'neji yina ya!. Sara yada dava sariminyaba yadaasiya'na sahwaihi mena yawi'mwaasaihilyи. ²³ Kigaa' Gotiyai sidu'nakei diraginna yawiraka 'A'mweraavire kayaa'nanyanna Nyibwaaliwaangei balade'na widaasi'deinyi.' Gotiyai sara dakei Jizaazarи kyihmaarya' sarimi 'Aala!' dina yeva dinya 'Yisaviri Gotiyare kitiwnya maayara sahwarи niliya tabika!' Dinya kye! Romiyara sahwarи tamaketa sarimire wawinyasira. ²⁴ Sarimi sara yesa' kiri' Gotiyai sari ayina yidikaava'. Jizaazai yuyagaa' baryai mwari kyadike'na gileangeba taanga kininnakeba padaihasamaa'na yaka yidikaava!. ²⁵ Sare' dare'nesi. Ne Deviti gaminyina yida'nika wija'a! 'Yuyagaa' sinnyimagi Naangei mwaaida wangadinyainyi.

Nimire aangasimagi mwaaide'na lika myiwineinyi.

Sai "Likayadikajt," diragiyyainyi nyimwaaishawa'!

²⁶ Savina nimire simunyavи yilaaya yadi

Nimire taalisasi yileyagaainakeinyi widadienyainyi.

Nimire kilaakeji' wakadehaa! Gotiyari yemwaalidezikti.

²⁷ Gilaayaraavireba nimire kuryai myagalya'mayi jitheiginyi.

Jiwaalivaanga tewaanyainyire kilaakeji' bwia maburannejikti.

²⁸ Gaalyaburine tusanna nawi'nyina nyijiwainwaana.

Niminyaba mwaaidinya'na yilaayabwi dinyekudeinyyira.'

Ne Devit sara yida'nikesira.

²⁹ Nya'mweihi, Ne sinnawinyai Devitimina nayaa nebwina yihithima! Deviti gaminyina myidayaa'. Aawa, sahwai kabala' kwakya' sai madikaayi yaa'. Madikaayi kyaa' dhaasagaa'na dava neminyaba gamire wakinikevi wangkanadaanyainera. ³⁰ Devit piropetiyai Gotiyari wi'navijiwakyaakei mena yawiryaa'. Gotiyai Devitim yagaala diragiya' wijaal 'Gimi kingyaigi maremwaaidinyaabaabib' ginniyai a'mweraavt maremwaaladeri wimwaaihideltyi.' ³¹ Sarevidaa'nyi yawiraka dara wanganyaake! 'O, Gotiyai sara yadei daaka!' Daka Kiraazitiyai baryai ayina dikaasa'na dinikesi.

'Gotiyai gilaayaraavireba myagalya'mayi yakelyi.

Gamire kilaaka bwia maburyakelyi.'

³² Sara dinike'na Gotiyai Jizaazari yidikaavakelyi a'mwe dai baryai. Kyidikaava' nemi yuyaina sahwari tinna wanganorina yihizalikurakivanigoinera. ³³ Sigunyavt Gotiyare aangasimagi diragiinakeba kamwaala' Gotiyai Ganimaangei sara widake' gannya Kuryai Tewaanyari sara kujaava' Jizaazai Kuryari yange'na neminyina yaasiwakevidaa'nyi sarimi kadika wi'niwanigasajti tinna wangamanigasajti Kuryai Tewaanyarinna sara yivanikelyi. ³⁴ Sare' dare'nesi. Sigunyavt Jizaazai yilaawaka kirri' Ne Devit yida'nika sahwai mylawiaa'. Aawa. Sinnawi Devit dara wijaal'

'Naangei nimire Naangeri wida'

"Nimire aangasimagi dava mwaaida'gizi

³⁵ Gimire sivilyiraari yikamaangeraavi marulawakidehaa'nanyi.

Diraginaangeigti nimire nawi'nyaba gimwaaihidelhaa'nanyi."

Ne Devit sara dinikesira.

³⁶ Sarevidaa'nyi Yizireliya yuyaihi nayaa jawiramaremwaalyila! Jizaazai darina yihithivanigori yisaviri niliya wiramesaihilyi. Sarimi sara yeta Naangeri Kiraazitiyari wimwaaiha' Gotiyai." Pitai sara widakesi.

³⁷ Savi a'mwera kadika wi'neva simunyangi kale naanga wiadaa'nyiyagaa! "We!" deva Pitariji Apozeliya pwaraaviji wide! "Nya'mweihi, gara yaajjwo? We!" ³⁸ Pitai wida! "Sarimiijya gazaizai kayaananyabwi myanna! Simunya mudike Gotiyarebwi yiwiainyi, kadapijti Kiraazitiya Jizaazare yayavina aalyavti bavitaaziya' kyihyawaajti sarinnya kayaananyabwi Gotiyai marasi'nadelyi. Kamarasinnoji Gotiyare yangeri Kuryai Tewaanyari dimaaryideihilyi. Nabaai, Gotiyai dinii' Nimire Kuryari gizaavideinyi." ³⁹ Sare' dare'nesi. Yagaala yune naanga nebulya'na wija savi giminyninajti gimirre kaimiraayaraavijnajti menyawi'nyaraavijnajti dinikesi. Yi gaminyawt nemire Gotiyai Naangei yuyaraavt jaka wiji'vwaramaarojtya sahwaraavina gannya Kuryari wijaavadelyira."

⁴⁰ Pitai tewaanna widaka yagaala pin diragiinna wikalikurakada widihaa'bware! "A'mwe dhaasa dara kayaan'a yadivisaraavi kayaaka yoji giminyyiji kayaaka nyihyadika! Gotiyari jaka duthana! Yihivadaihasamaarana!" ⁴¹ Sarevidaa'nyi a'mwe gamire yagaala nayaa wi'nesaraavi Jizaazarera bavitaaziya yina ye!. Bavitaaziya yina kye' yirika sagaa! Naangei kurinaka kwala naanga 3,000 saraavt gannyaraayawt ye'mwannawimwaaiha! ⁴² Sarera Widaaasadera Gotiyare yagaala wiji'waakadivisagaa! kadika diragiinna wi'nibainadivit!

yavada'galya'na yuyara nayaa dinya'na yadiv'i "Jizaazai neminyineba balakely'i," dadiv'i gave pi'ba girkula gunyina, nadiv'i yuyagaa! Gotiyari widadiv'ki.

Kiraazitiyarereraavirebwinesi.

⁴³ A'mwe yuyara Gotiyarina lika ye!. Gotiyai gannya diraginya Widaasaderaavina kujaava! kumt diraginyaji nawi'nya wijiwaainyaji kye! a'mwera atika maru'nareva lika ye!. ⁴⁴ Lika yadaapiji witnadivisara avaazimunya yawi'div'i kuna yikabadi'i Naangerina didiv'i kumtre wapaayaji gilyvisaj jaapaina yadiv'i yanga yinyina. ⁴⁵ Yanga yinyina yadivisara kumtre kwaakeji gilyvisaj mubadiv'i "Nigwiamaaya damwaalika!" dadiv'i nigwiamaaya sahwaraavi wimudaasakeraavi wimunna. ⁴⁶ Wimunna yadiv'i yirika gazarisariki Gotiyare Angevi kuna yikabadi'i yilaaya yadiv'i kumtre angengi girkula gunyina, namwaaina. Namwaaina yadivisara pwaraavina yawi'na yadiv'i simunya yida'nanyangti yilaaya yadiv'i wapaaya jaapalanamwaaina. ⁴⁷ Jaapalanamwaaina yadiv'i Gotiyarne yayavi munyaba makidiv'i a'mweji a'mweraj sa dinya'na "Jizaazarera tewaanyarera." Dinya'na yadiv'i yirika gazarisariki Naangei a'mweraavij a'mwengiji padaihasamaa'da gannyaraayaba kusilaanyaaraayaba wimwaaiahada mwaale!

3

Sivila kayaa'nanyari yavada'galake'nesi.

¹ Pi'gaa! sawisiri tiri kilokiyagaa! Gotiyari wijahaa! Gotiyare Angevina Pitaly'i Jonij'i wogi. ² Saba tikurya piri' "Tikurya Nawi'nyava," wo'nikevi sivila kayaa'nanyai mudangegaa'daasi sarei yima'nakei mwaala!. Yuyagaa! tikurya savina pwara makabeva walammwaihi na yadiv'i Gotiyare Angevi widaawadaapiyaraavi naanga yidaangadely'i nigwianna. ³ Sarei mwaalaka dara wanganake! "O, a'mwe saraai duimanaabihila!" Daka wida! "A'mweraaihi, nigwia yanga dinya'jaayila!" ⁴ Tinna baihana'na yagila Pitai wida! "Tinna dinehwangana!" ⁵ Sara kuda' sai yawi'na "Nigwia nyijaayikadera." Yawi'na yaka tinna wanganna ya!. ⁶ Wangadaasi Pitai wida! "Nimi nigwia aawa! Kiri' pibwi tewaanyabwi kininnakeinyi yanga gitima! Naazareti mwaalyai Kiraazitiya Jizaazare yayavina gitima! Kaanya jamarya!" ⁷ Mi'na widaka gamire aangasavi maaraka yiri'bwarai. Yiri'bwa'daasi gamire sivilyraaly'i naba'jangeraaly'i diraginya yarai kyima'na! ⁸ yladikwosi'naawina yaka gannya sivilyraaly'i daavina yaka kaanya gaai yamarina ya!. Kaanya gaai yamaryaka Gotiyare Angevi Pitaly'i Jonij'i saraaly'i ye'mwannawilaka yamaryada dikwosi'nada Gotiyari yilaaya maryada mwaalina ya!. ⁹ Mwaalina yaka kaanya yamaryada Gotiyari yilaaya maryadaasi a'mwera bwanganeva ¹⁰ dara wanganesa! "Ai, a'mwe sai Tikurya Nawi'nyav walammwaiha yada nigwianna nedadei daaka!" Sara deva sahwari yima'nakevi na ni'nika yadiv'i atika maru'na'na ye!.

Gotiyare Angevi Pitai widake'nanyira.

¹¹ A'mwe sai Pitaly'i Jonij'i saraari limwadaasi a'mwe yuyara atika maru'na'div'i kumi'nyawi yihuliviliyavina binna ye!. Gotiyare Angevi yihuliviliya sa' Solomonimire yihuliviliya' wo'nikesi. ¹² Bina kye! Pitai yuyaraavi tinna wanganaka wida! "Yizireliyaihi, da'na atika baa'na maru'na'manigava? Baa'na nengamanigava? Kiri'nya diraginyasi tewaanyabuly'i sasara yagila a'mwe dai kaanya yamaryaderi wimwaihwaai, sara jawi'manigava! ¹³ Aawa, davwina Eviraamiji Aazakiji Jaikopiji saraavire Gotiyai nemire sinnawinyaraavire Gotiyai gannya widaayadei, Jizaazar'i yidikaavaka gannyaba byaannakeri wimwaaikhake'nesi. Sare'na yiwolya'nesi. Gannya widaayaderi Romiyaraavire kotiya'na sarimi makuna kye! a'mwe Paailati yihitha! 'A'mwe tewaanya dar'i wila kulayaara'muj'i wawadely'i.' ¹⁴ Sara kyihitha' Paailatimyaba 'Arkewinyi. Sahwai aala!' widesaihiliy. Sahwai tewaanyai

yıda'maraangei nayaa yadei kırı' sarımı' 'Arıkewinyi. Balana!' wıdeva Paailatımi wıde! 'Sai balana! A'mwe pwari wılya' jaaka!' A'mwe sai kıgaa' tamakakei kayaa'nanyalyi. ¹⁵ Sara wıdına yeva Gaalyaburine Aaya Kaavılyarı Romıyaraavına wıjaavına kye' tamakına ye!. Mi'na tamakına kye' dıvi Gotıyai yıdikaavake'na tınna wanganolyainaai savına yıhızalıkurakıvanıgoi. ¹⁶ A'mwe dai Jizaazarı lımwagarakevına Jizaazare dıraginya' sahwari yavada'gaimwa!. Yıthaanyi, tınna wangamanıgasası sıduta yawı'manıgasası a'mwei sıvıla tewaanyaraalyıyarına Jizaazai sara yıwa!. Naarımı' dına 'Jizaazai dıragınaangelyi,' dına yola Jizaazare yaya' a'mweri wıdına kyıwoi sarımınyaba dai tewaanna mwaalıkelyi.

¹⁷ Nya'mweihi, sarımınyına yawı'mwa. 'Juyara sıduta myawıri yeva Jizaazari kayaa'na ye!. Sabaabi' kumıre a'mwe naangera sara ye!', nımi' sara yawı'mwa. ¹⁸ Yesa'na sınnawı Gotıyai pıropetıvara wı'nawıjıwaakyaraavıre maangengı wıjaa!. Dara dıni' 'Gotıyare Kıraazıtıyai, Gotıyai dahılakakerı daanga wıvınadelyi.' Sara dınike'na Jizaazarı sara tamake!. Sare'na Gotıyare yagaala nebulya'na yakesıra. ¹⁹ Sarevıdaa'nyı' dahaa' sarımıre sımunyabwi mudıkebwı jawıramaarila! Dıhınyıwannyıla! Gotıyari' kudapıji sahwai sarımıre kayaa'nanya marası'nade'nanyi. ²⁰ Marası'nojı gamınyabadaa'nyı' tewaanyagasa sarımınyı maryasaabathelyi. Nabaai sarımınyına Gotıyai yawıraka sınnawı Kıraazıtıyari' dahılakakerı maryasaabathelyıra Jizaazai. ²¹ Kıgaakuna Gotıyai pıropetıya tewaanyaraavıre maangengı wıjaake sara yıda'nıke'na 'Sıgunyavı Jizaazai yemwaaladelyıra.' kada' yuya mudıke yavada'galojıyagaa'na walaa-bathelyıra. ²² Jizaazarı dahılakakerına Ne Mozızai yıda'nıka 'Nyıdasaabakabaaibı' Naangei sarımıre Gotıyai sırya'mwerajıyari' pıropetıyari' dahılakoji' sarımınyına wıdasaabathelyıra. Sai Gotıyare yagaala yıhıthathelyi. Yuya sa mi'na kyıhıthozı kadıka wı'napiji' sara jideihılyi. ²³ Pıropetıya sıri kurınaka gazaizai kadıka mu'nyı kyoji Gotıyare a'mweraayawıdaası Gotıyai mu'nyade sıri jaapaina yoji kayaaka yıgaladelyıra.' ²⁴ Ne Mozızai sara yıda'nıkesi. Sara kyıdava' Gotıyari' wı'nawıjıwaakadıvita pıropetıvara A'mwe Saamyıwelıji yuya dıviyarajı sara yırıka daryaavı dangına nejaa!. ²⁵ Gotıyai sara wıjaake nelımwagarake' pıropetıvara nejata dıniča sarımınyınenengıra. Gotıyai Ne sınnawınyaraavı naanga wıjaake' nelımwagarake' sarımınyıne yagaalyasıra. Yagaala sa' Gotıyai Evıraamımi' wıjaa' 'Gımıre yısiwıai tewaanna kyoji sare'na Kwaakevakı jılıkaimıraaya yuyaraavına tewaanya naanga yanga wideinyi.' ²⁶ Savına Gotıyai gannya wıdaayaderı dahılakaka sınnawı sarımınyawınnıa kudasaaba' Jizaazai yıhıthıvanı' 'Gazaigızaigı gımıre kayaa'nanyabwi jahalya'maka!' Sara yıhıthıvanıke' Gotıyare dıraginya' yıhıgaimwagozi tewaanya naanga yanga yıhyadelyi." Pitai sara wıda!'

4

Kaajoliyaraayaba Pitalıji Jonıji wıdahılyı'nesi.

¹ Pitalıji Jonıji saraai a'mweraavı kuna wıdadaakılyıyagaa' Gotıyarına mubıthıka yıra'dıvisarajı Gotıyare Angevına dameraavı maremwaaidelı A'mwe Sazuzıyarajı sara bına ye!. ² Bına yeva sınnı tıka wıda'daasıyara. Sahwara dınyına "Jizaazai balaka ayına dıkaavakelyi," wıdıvanıgılya'na a'mwera sımunya nyawıpıdıka! 'Sınnawı Jizaazai kadıkaava' nemı kabalawaajı dıvi dıkavaade'nanyı, nyawıpıdıka!' Dınyına kye' sınnı tıka wıdavakerera. ³ Sınnı tıka wıda'daası nyılyai walakyagaa' a'mwe naangera yawı'na yeva "Sawısa'ni kotıya' madaannera!" Pitalıji Jonıji saraarı wıla pwıyeva dınyına "Sawısa'na kalavuzangevi wakawaajı mwanyavı kotıya' yaana!" Dınyına yeva kalavuzavı wımwaaihına ye!. ⁴ Wımwaaihına kye' kırı' a'mwe kwalaalyara wıdahılyavı kadıka wı'neva Jizaazarı lımwagare!. Sagaa' a'mwe sara sahwari lımwagesara kwala naanga naanga 5,000 mwaale'.

⁵ Mwanyagaa' Anga Jeruzaalemi saba Juyaraavi maremwaaidivisaraji a'mwe naangerajि Juyaraavire K̄iwijarajि yikabina ȳna ye'. ⁶ Yikabina ȳna kye' Gotiyarina Ȳra'de Naangei Anaaazalyि Kaayapaazalyि Jonijि Alekizaadalyि Gotiyarina Ȳra'de Naangere jilikaimiraayaraji bamwaaina ȳna ye'. ⁷ Bamwaaina ȳna kye' t̄nnyaba Kaajoliyara Pitarijि Jonimijि saraari w̄mwaaaiheva ȳwaarave! "Sa' gara yawaaihila? Be diragiyyavaka? K̄irimire jawaaihila sa' aarine yayavaka?" ⁸ Sara kȳwaarave! Pitari Kuryai Tewaanyai yunebanna w̄lamwaaidi'nyi wida! "Nemaremwaaidivisaihilyi a'mwe naangeihilyi saihi, ⁹ sivila kayaa'nanyari tewaanya yike' gamire sivilyiraai tewaanyiraai yavada'galyawaaiholya'na danehitthiwaava! ¹⁰ Sa'na sarimi yuyaihilyi Yizireliya yuyarajи saihi dara yawipija! 'Ai, K̄iraazitija Jizaazai Naazaret'i mwaalyare diragiya' kyawaalil a'mwe dai maamidaryai yima'naka neminyaba daa'manikei daaka!' Yihithiwoyai Jizaazar'i yisaviri sarimi niliya karame' baryari Gotiyai ayina yidikaavakelyi. ¹¹ Sahwarina dinike' 'Silaangerina madivisaihi "Waryaanyasi," dneva wasi'ne', Gotiyai simidaangeri nayaa marayilamwaaihakelyi.'

Sa' dinikesi sahwarina. ¹² Kayaa'nanyanna Jizaazai gavei nevadaihasamaa'delyi. Kwaaka yuyavaki aane pwai kwar'i Gotiyai madahilakyaka nemire kayaa'nanya wasi'nya'neri Jizaazar'i w̄mwaaaiha!. Aane pwaina kwaina mi!. Sahwai gavelyira, "sara wida! Pitai.

¹³ Kaajoliyara dara wanganesa! "N̄waava, Pitalyि Jonijि saraai lika myivanigilyaraai daaka! Saraai a'mweraai nemire sikuliyav'i myadisaraai daaka!" Deva atika maru'nare!. Atika maru'nareva dara yawiresa! "O, a'mwe saraai Jizaazalyि kaanya jamaryagila!" ¹⁴ Sara deva Pitalyि Jonijि saraaryaba a'mweri yavada'gainikeri wanganeva dinya'na ye! "Tewaanyai mena daa'manike'na saraari maiyagaala aane piri' kiri' mudaanna!" ¹⁵ Mi'na dinya'na yeva "Mwasawinna dimwaalyila!" diraginna widina ye!. Mi'na widina kye' kwalyawe! Kaajoliyara dinya'na ye!. ¹⁶ Dinya'na yadi'vi' pwara ywaara'na yna ye! "A'mwe saraari gara yaajiwona? Sare' dare'nesi. Jeruzaalemi dava yuyara mwaaihasara yawi'maniga! 'Saraai tewaanya' diragiya' yawaaihila.' Sara yawi'manigasa' majina 'Sa' nebulya' mikal' muj'i yaanneinera. ¹⁷ Aawa. A'mweraayaba yuneba yagaala sa' nudipidika! Diraginna widaathera. Sahware yayavina a'mwe aane pwai kwar'i mujikanera! Savine'na mala nayihiramaadika!" ¹⁸ Mi'na dneva saraari jika wida kye' saraai ayina w̄ladaa'dakilyi wida ye! "A'mweraaihi, yuyagaa' a'mweraavi Jizaazare yagaala mujikanera! Jizaazarina mujawaakyikanera!"

¹⁹ Saraavi Pitalyि Jonijि ma'maaragi "Sarimi sahwaihi tewaanna jawibwaryila! Gotiyai kanengaman'i Gotiyare yagaalya' yagalya'mavakwolyi sari'mire yagaalya' yakade'na tewaanyabwi daaka! Gara jawiryijwaava? ²⁰ Sare' dare'nesi. Naarimi sahwainaai t̄nna wanganolyajи kadika wi'nolyajи sangina wida kajainaai w̄jalikurakakaneinaalyi." ²¹ Sara kudahi Kaajoliyara diraginna ayina wida "Newi'nakilyi yagaala sa' mujwaakyikanera!" wida! "Dalyula!" Sahwara a'mweraavina lika yesare. A'mwera sivila kayaa'nanyai tewaanya yima'nake'na Gotiyarina "Byaannakela," dina ye!. Sara dina yadaapijि Kaajoliyara yawi'na kye' "Aane piri' kiri' mabiramaariwo. Maramaannera!" Pitariji Jonimij'i saraari daanga muvinya!. ²² Sare' dare'nesi. A'mwe sai w̄jwaainya' yima'naka sai tewaanna yavada'galagilyai miginyaai mi!. Kwarame a'mweraare ata siviliaraalya wavila'nikelyi sagaa!.

Jizaazar'i wi'nadivisara Gotiyari widesa'nesi.

²³ Pitalyि Jonijि ya'ma'na yagiла kirimireraayawinna widaawina yagiла Gotiyarina mubithika yira'divita naangerajи a'mwe naangerajи wida 'wida. ²⁴ Kudahi yuyara simunya gavevi yawi'div'i Gotiyari wida! "Nemaremwaaidiinyaig'i Sigunyasi

Kwaakevasi saalaalyasi sa wakaka yuya sangi mwaaihasaraaviji yuyangiji wakaginyaiginya. ²⁵ Kigaakuna gitire Kuryai Tewaanyai Ne sinnawinya Devitimi simunya' wiijaavina Kiraazitiyarina. Wiijaavina kyaa' Deviti gitire widaayadei gitire yawisa'na pikarya dara yida'na

'Ajimyangiyaraavire sinna tika be'na widaava!?

Kumire a'mwera kayaa'na be'na yawire!?

²⁶ Kwaakevakire kingiyara malya' maryamihe!.

Maremwaaidivisara gaidaasa'na yikabeva dine!

"Naangeriji gamire Kiraazitiyariji yigalaana!"'

²⁷ Sara yida'nike'na nebulya' dara yima'nakesi. Anga dava A'mwe Erotiyalyi A'mwe Podiyaazai Paailatiji ajimya pinigiyarajt Yizireliyarajt yikabeva Jizaazai gitire widaayadei dahilakaginyaarina dinya 'Tamakaana!' ²⁸ Savine'na diraginaangeigt sahwaigti yawi'na 'Sara yideinyi.' Yawi'na yagi'na sara yikabeva kunnya simunya myawiryeva kiri' gitire simunya' sara yina ye!. ²⁹ Naangeigt, maiyagaala nemijiyaraari widaawaasa' dahaasagaa' yawira'gizi gitihayadaanyainaavi ginnya diraginya' kanejaava'gizi lika myadaa gitire yagaalya' widaatthe'nanyira. ³⁰ Ginnya diraginya' kanejaava'gizi nabalinakeraavi yavada'galawaajt nabaai gitthaayade tewaanyai Jizaazare yaya' widaawaajt diraginya atika maru'narya'nejti yaadeiginti." ³¹ Gotiyari mi'na kude' Kuryai Tewaanyai yina kya' angevi wilamwaaleta ange' yonyi yonyi yidaasi Kuryai Tewaanyai yuyaraavi yunebanna wilamwaaina yada diraginya wiijaavina ya!. Wiijaavina kya' Gotiyare yagaalya' diraginna widadivit lika myesare.

Jizaazarera avaazimunya yawiresa'nesi.

³² Jizaazarit limwaga'divita yuyara simunya avaalyasi kurya avaainanyasi yawidivit yuyaraavi kale wiadaasi tewaanna mwaalina ye!. Pwai myawirina "Nimire piri' kiri' niminyinesi. Jizaazare pwaraavine' mika!" Aawa. Yuyara kunnya gilyivita yuya pwaraavinengira. ³³ Yanga yinyina yadivit widaasadera a'mweraavti Naangei Jizaazai dikaavake'na diraginna wikalikurake!. Diraginna wikalikurakesa' Gotiyai Jizaazareraavi nayaa kamaremwaala' yanga gaimwangebwi kuminji warakesi. ³⁴ Sare' darest. Nayaa mwaalina kye' wimudaasaka aane pwai kwai mamwaalya!. Sare' dare'nesi. Pwara nigwimaayaraavina yawi'na yeva wawinyaingire kwiyakwaravajt angengire kwiyakwaravajt sara kunnya yaasadivit nigwia makabina yeva ³⁵ Widaasaderaavina wiijaavina kye' Widaasadera nigwimaayaraavina wiijaavina ye!. Wiijaavesa'na nigwimaayara mamwaalye!

³⁶ Sagaa' savina Jozepiyai Ahu'manna Saaipiraazi mwaalyai sara ya!. Gamti sare yisavaa' Livaayai wo'nikesi. Sai mwaalaka kirimire wawinya piri' yaasaka ² gannya a'mwevi widina "Naariminyine nigwia pin wakaka!" Widina yaka Widaasaderaavti pin makuna yaka wiijaavina. ³ Sara wiijaavina kya' Pitai wida' "Ananaayazai, Saataani kagithiwa' sara baa'na yiwaa? Kwaasi yagaala Kuryai Tewaanyari widaawa 'Nimire wawinya' yaasiwe nigwia yuya warika!" Kwaasi yagaala sa' baa'na widaawaana? ⁴ Sinnawi wawinya myaasiwaanyagaa' gitiresi. Yaasa yagi'na nigwia gitirengi. Ginnya sidusavti kwaasiya sarebwi baa'na widaawaana? A'mweraavti

5

Ananaayazali Sapairasi sayorinesi.

¹ Baanavaazai sara kujaava' kiri' A'mwe Ananaayazai mwaala!. Sare balaange' Sapairas'i yaya' wo'nikesi. Sai mwaalaka kirimire wawinya piri' yaasaka ² gannya a'mwevi widaawa "Naariminyine nigwia pin wakaka!" Widina yaka Widaasaderaavti pin makuna yaka wiijaavina. ³ Sara wiijaavina kya' Pitai wida' "Ananaayazai, Saataani kagithiwa' sara baa'na yiwaa? Kwaasi yagaala Kuryai Tewaanyari widaawa 'Nimire wawinya' yaasiwe nigwia yuya warika!" Kwaasi yagaala sa' baa'na widaawaana? ⁴ Sinnawi wawinya myaasiwaanyagaa' gitiresi. Yaasa yagi'na nigwia gitirengi. Ginnya sidusavti kwaasiya sarebwi baa'na widaawaana? A'mweraavti

kwaasi yagaala majahi. Aawa. Gotiyari kwaasi yagaala wiidiwaana.” ⁵ Sara kuda' Ananaayazai kadika wi'nakegaa' balina yaka wala'na ya!. Wala'na yake'na kadika wi'nesara lika naanga yesa'nanyira. ⁶ Baryai wala'na kya' miginyara daavina yeva gilaayari yi'v'i'dibuya pwiyina yeva makuna yeva likyirakina ye!.

⁷ Divi maalikegaa' (3 aawaaya) gamire balaange' sa'na kadika mu'nyaka angevi wiilina. ⁸ Wilina kya' Pitai wida' “Nyidana! Kirinnya wawinya'na niggia da yuya dama'mwaai?” A'mwe' wida' “Yo, yuyangira.” ⁹ Sara wida'na kya' Pitai wida' “Sayoihi avaaina baa'na yawi'mwaala? Naangere Kuryai navika mwaaladelyira, dathwaala? Yaamijiya'na dathwaala? Yithaa, gimirre a'mweri likyirakwaasaraavire sivilyangti kuryaba du'nivaana! Sara gimatkwalyipi'de'ginyira.” ¹⁰ Mi'na kuda' sagaa' gamire sivilyaraaryaba yarai wala'na yaka balina ya!. Balina kya' miginyara dara wanganesa! “O, mena davaimwaka!” Sara deva makwalyuna yina yeva gamire kwalaangeryaba wilalikyirakina ye!. ¹¹ Wilalikyirakina kye' Jizaazare kusilaanyavija yuyarajt a'mwe pwara kadika wi'nesarajt Gotiyare diraginya' yawi'div'i lika dikwosif'na ye!.

Diraginyaaji atika maru'nasajj sanginesi.

¹² A'mweraayaba Apozeliyara Jizaazai Widaasadera wiijwaainyajt atika maru'nasajj yina ye!. Sagaa' Gotiyare Angevi Solomonimire yihuliviliyavina Jizaazarera yikabina yadivisare. ¹³ Yikabina yadiv'i lika wiridaasi pwara kuminyabanna myikabi yina ye!. Kiri' a'mwera a'mwemilika din “Sahwara a'mwe tewaanyarerera.” ¹⁴ Myikabi yina yadaapijt a'mwe pwara Jizaazarera yima'nyina ye!. Pigaal pigaa' a'mwe kwara kwara a'mwe kinikini Naangeri wi'nesara Jizaazarera yima'nyina ye!. ¹⁵ Widaasadera yesa'na tusangt nabalinakeraavt makwalyaabina yeva yi'binyangijt lamulyangijt wakinna yeva a'ba yilawimwaaihina ye!. A'mwera simunya yawi'na “Pitai kaanya kyamaryojt gamire a'mabaalyai nabalinakeraavt kima'bwa'nya yirina kyojt sahwara tewaanyara yima'nipi'derera,” yawi'na yeva sara yilawimwaaihina yesarera. ¹⁶ Anga Jeruzaalemi saba anga piningidaasi kwala naange' kunnya nabalinakeraavijt yimaka widivisaraavijt makabina kye' yuyara tewaanyaraavt yavada'gaina yina ye! Widaasadera.

Apozeliyaraavt kayaa'na yesa'nesira.

¹⁷ Sagaa' Gotiyarinna Mubithika Yira'de Naangelyi gamijiyyara Jeruzaalemi mwaalyara Sazuziyarajt Widaasaderaavina sinna tika wida'daasi dinya'na ye!. Mi'na dinya'na yeva wina yeva ¹⁸ Widaasaderaavt wila marapwiyina yeva a'mweraavine kalavuzangevi wiimwaaihina ye!. ¹⁹ Wiimwaaihina kye' kirijt sawisavi Naangere ejeliyai mamaayai kalavuzangeviya kaanya' baasina yaka mwasawi kuminyijiwaramakwalyina yaka wida' ²⁰ “Gotiyare Angevinna wawopijt saba daavapijt a'mweraavt Gaala davwina duzila!” ²¹ Sara kuda' sahwara yawi'na “Yo, sara yaana!” yawi'na yeva yirikevit Gotiyare Angevi wilaawina yeva wiijwaakina ye!.

Gotiyarinna Yira'de Naangelyi gamijiyyarajt sara Juyaraavire a'mwe naangeravina jiwaramakabina “A'mweihi, nemt Yizireliyaraavt Kaajoliyaina yikabaana!” Jiwaramakabina kye' yuyara mwaaleva kalavuzavt dameraavt widaase! “Davanna Jizaazare yagaala wida'visaraavt dimakabyila!” ²² Kudaase! pwara kaanna wina yeva dara wanganesa! “O, sahwara mamwaalyi jihava!” Deva Kaajoliyaraayawinna ayina waweva ²³ wide! “Kalavuzangevi yi'mavona dara wangamwo! ‘Kaanya lokiya mena tihi'nadji'nyi kaanyangyaba damera nayaa daavina jawaava!’ Sara dona kirijt nemt kaanya baasona dara wangamwo! ‘Ai, pwara midaaka!’” ²⁴ Sara kude! Gotiyare Angevinna dameraavt maremwaaidelyi Gotiyarinne tamira'divita naangerajt kadika wi'neva yawi'na “Sahwara gava mwaighthava? Gawnneraavaka?” ²⁵ Yaamiji kuna yawi'daapijt pwai wilaabina yaka wida' “Yithaanyila! Dinyu'nyila!

Sarimti a'mweraavt kalavuzangevi wimwaihyawaaihasara Gotiyare Angevi daadivit a'mweraavt wijiwaakivaniqava." ²⁶ Sara kuda' Gotiyare Angevinna dameraavt maremwaaidelyi gamire damerajt sara waweva kumintyayi ayina makabina ye!. Damera Widaasaderaavt mala maramyt ye!. "A'mwera sita nemintyina naneliwakipika!" deva mala maramyt ye!.

²⁷ Angevinna kumintyayi makulaabina yeva Kaajoliyaraayaba wimwaanihina ye!. Wimwaanihina kye! Gotiyarinna Yira'de Naangei yawaara'na ya! ²⁸ "A'mwe darina mujawaakipinera!" diraginna diraginna yihithwa'do kiri' gevwi gevwi yawaasaihila. Be'nana? Jeruzaalem'i yuneba a'mwe yuyara sarinnya wijiwaakyabwi kadika wi'niwaasaihilyira. Sabwina din'a, 'Sai balake'na Kaajoliyara yesa'ne'. Gamire tawe' sahwaraavine tivikisa!, dathivaniga?' ²⁹ Mi'na kuda' Pitaliyi Widaasade pwarajt wida'e "Gotiyai sara kanedozi sara yaanneinera. Gotiyarinna a'mwera sara kanedapijt sara myaanneinera! ³⁰ Yisaviri sarimti Jizaazarit niliya tamarimwina kye' mena kabala' Ne sinnawinyaraavire Gotiyai yidkaavakelyi. ³¹ Kwaihwaaainakei mena kamwaala' Gotiyai gannya aangasimagi diraginyaba wimwaanihina kya' sai maremwaaideti nabaai kayaa'nanyaburi padaihasamaa'dei yima'na!. Kyima'na! Yizireliyaina 'Nennyayaa'nanyaburina simunya mudikebwi yawiramaraana!' dawaaji Gotiyari ginya'ra'na kyawaaji nennyayaa'nanya marasi'na neyadelyi. Sa' Gotiyai nayaayawati'manit'. ³² Sangina nemti tinna wanganona nayaayawirona yagaala sa wijalikurakivaniqo. Nabaai, nebulya'na Kuryai Tewaanyai avaaina wijalikurakivani!. Kuryai sari Gotiyai gannya yagaala mididivisara yuyaraavina yanga wijaavadelyi," wida'e!

³³ Sa' Kaajoliyara kadika wi'neva sinna tika naanga wida'daasi din'a "Saraavt tamakaana!" ³⁴ Sara din'a kye' kiri' pwai Kaajoliyaraavt tinnyaba daavina ya!. Sai Periziyai Gameliyalit wo'nikelyi. Juyaraavire Kiwin'a wijiwaakaderina a'mwe yuyara simunya yawti'na "Sai Gotiyare kiwin'a nayaayawati'manit", yawti'na yeva gamire yaya' munyaba maklesalyi. ³⁵ Sai daavina yaka wida' "A'mwe saraavt mwasawinna marakaana!" Kuda' Widaasadera mena kwalyawe' Kaajoliyaraavt wida' "A'mweihi, Yizireliyaihi, a'mwe daraavina jide'na nayaayawirona!" ³⁶ Sare dare'nesi. Kigaa' a'mwe pwai Tiuthaaazai baka wida'na 'A'mwe naangeinyira.' Wida'na kya' a'mwe kwalaalyara (400) gamijit gaiddaa'na kye' kiri' aamiyara Romiyara Tiuthaaazarit tamakina kye' piwinna piwinna gamire midinesara yiwina'mana'na yina yeva yimaanyina ye!. ³⁷ Yiwina'mana'na yina kye' divi Ga'maaniyara yaya maaresagaa' diviyai Juthaaazai Galili mwaalyai 'A'mwe naangeinyi,' kuda' a'mwe kwala naanga midinaabina ye!. Kwala naanga midinaabina kye' kiri' Juthaaazarit tamina kye' sai balina. Balina kya' piwinna piwinna gamire midinesaraavt tamayiwinaasina ye!. ³⁸ Sara yesa'na yima'nike'na dahaa' yihithima! A'mwe daraavina myaanneine! Mwaaibika! Kumire yawisajt wawinyajt a'mweraavtreburidaasa sara yetabaaibi' kayaaka yadengira. ³⁹ Kiri' Gotiyareburidaasa kayaaka myigalyi yaadeinera. Dara nyawiraadika! 'O, nemti Gotiyari mala wiramwoina daaka!' ⁴⁰ Gameliyalit sara wida'k sara yina ye!. Widaasaderaavt jaka wida' deva pwaraavt wida' "A'mweraavt wilyabaalyi duramyila!" Mena kurame' Kaajoliyara naanga wida'na "Jizaazarit yaya'na yagaala mujawaakyi jideihilyira." Wida'na yeva kumire angengi yaasina ye!. ⁴¹ Sarevidaa'nyi Kaajoliyaraayawidaasi sahwara wina yeva dinyna "Gotiyai nemintyina dara yawti'mwa! 'Sahwara tewaanyara mwaaihasa'na Jizaazarine yayavina kayaa'na yipi'de' wi'nanyaraavi.' Sara daka diraginna nemwaanihwakeina yilaaya yivanqoinera." ⁴² Sara dinyna yeva yirika gazagaasagaa' Gotiyare Angevijt a'mweraavire angengijt saba Kraazituya Jizaazarina yagaala tewaanya' kuna wida'divikti. Nemintyina Jizaazarit Gotiyai dahilakake'na kuna wijiwaakadivikira.

6

Widaayadivita atina ata puridaasi pwaraalyaraavinesi.

¹ Dìvi yìrìka sangi Jizaazare mìdìdìvìsara kwala naanga naanga yìma'nadaapiyagaa' Gìrikìyagaala dadìvìsara Yìvìruyagaala dadìvìsaraavìna kìnìmyagaala dìnyìna ye'. Gìrikìyagaala dadìvìsara dìnesa'nanyì "Nìgwìmaayaraavì yanga wìjaavadìvìsara, nemire sìgìraayangì wapaaya maalìka wìjaavadìvì' kìri' Yìvìruyagaalya' dadìvìsangì naanga wìjaavadìvìsarer." ² Sara dìdaapìjì atìraai sìvìlyìrìdaasi pwaraalyara mìdìdìvìta yuyaraavì jìvwaramaa'na "Yuyaihi, jìkabyìla!" Jìvwaramaa'na kye' yìkabìna kye' wìdìna ye' "Gotìyare yagaalya' ya'mavaaja' yì'binyavi wìdayaade' wapaaya yanga wìjavaade' yìlaaya myìvanìgo. ³ Aawa, nya'mweihi, nemire wawìnya naange' Gotìyare yagaalya wìdadaanya savìna a'mwe ati ata puridaasi pwaraalyaraavì kadahìlakapìjì sahwara wapaaya yange'na maremwaaibì' deraavì sara wìmwaihaana! Sarìmìjìyaraavìna 'A'mweraavì yunebanna Kuryai Tewaanyai wìlamwaaidera sìdu'nakera damwaaihava! Sahwara a'mwe tewaanyarera, jalìkurakadìvìsaihi yawìrapìjì sahwaraavì dìthahìlakyìla! ⁴ Sara kyapìjì yuyagaa' nemì sahwaina Gotìyarì wìjavulyì Gotìyare yagaalya' wìdaayabulyì kuna yaadeinera." ⁵ Wìdaasadera sara kude' yuya kwala naange' dìnyìna "Yo, tewaanyasira." Dìnyìna yeva Sìtivenìmì dahìlake!. A'mwe sai Jizaazarì yuna dìragìnna lìmwaga'delyì. Gamìre sìmunyavì Kurya Tewaanyai yuna wìlamwaaida dìragìnna wìmwaihakelyìra. Sìtivenìmì dahìlakeva Pilipìmìjì Pìrokoraazalyì Naaikenaamìjì Taaimonìmìjì Paamenaazalyì Nikolaazalyì dahìlakìna ye'. Nikolaazai sai Anga Aadìyokì mwaalyalyì. Sìnnawi sai Maavei mwaalaka dìvi Juyaraavìrebwi wì'naka aayagaa' Jizaazarì wì'nakelyìra. ⁶ Mi'na dahìlakìna Wìdaasaderaayawìnnna makabìna kye' sahwara Gotìyarì wìdeva kumìre wawìnya'na dìragìnya wìmwaihyà'na kumìre mìnyagìnyangì ata dathìwanna yìna ye'!

⁷ Jeruzaalemi yunebanna Gotìyare yagaalya' kadìka kuna wì'ne!. Kadìka kuna wì'nadaapijì Jeruzaalemi mìdìdìvìsara kwala naanga naanga yìma'nnyìna ye!. Nabaai Gotìyarìna mubìthìka yìra'dìvìta kwalaalyara Naangerì lìmwageva gamìrebwi mìdìnna ye!.

Sìtivenìmì wìla pwìyesanesi.

⁸ Sìtivenìmì yunebanna Gotìyare yanga gaimwangebulì dìragìnyabulyì kìnìnnakelyì. Sìtivenì dìragìnaangei a'mweraayaba atìka maru'nasa'nejì wìjìwaainya'ne dìragìnyajì yìna ya!. ⁹ Sara yaka yagaala wìdadaasi gamìre yagaala sìnnà tìke'na a'mwe pwara maanga wìde!. Maanga wìdesara kìgaa' Romìyaraavìna kalavuzìwawìnya yesa' dìvi kalavuzìwawìnya yagalya'mave!. Yagalya'maveva dìnyìna "Nemì lotuanga mudìkevìna yìkabaatheinera." Sara dìnesara Anga Saairini mwaalyarajì Anga Alekìzaadìriya mwaalyarajì sara yìkabadivìsarer. Sara maanga wìdadaapijì Juya pwara Kwaaka Sìlìzìyadaasarajì Kwaaka Ezìyadaasarajì sara Sìtivenìmì maanga wìdìna ye!. ¹⁰ Maanga wìdìna kye' Kuryai Sìtivenìmìna sìduta naange' kujaava! Sìtivenì dìragìnna wìdaka kumìre yagaalya wavìla'na ya!. ¹¹ Wavìla'na yake'na sìnnà tìka wìda'daasi pwaraavì kwaasi yagaala wìja'na nìgwia wìjaavìna kye' sahwara kwaasi yagaala wìdìna "A'mwe dai Sìtivenì Ne Mozìzarìnajì Gotìyarìnajì bìrala wìdadaasi kadìka wì'nìwoinera." ¹² Kwaasi yagaala wìdìna kye' a'mwerajì a'mwe naangerajì Kìwìjarajì sìnnà tìka davìna ya!. Sìnnà tìka davìna yadaasi Sìtivenìmyawìnnna yarai bìna yeva galalìmwanna yeva Kaajoliyaraayabanna makuna ye!. ¹³ Makuna yeva kwaasi yagaala wìja'neraavì makulaabìna kye' sara kwaasi yagaala wìdìna "A'mwe dai Gotìyare Anga tewaanya davìnajì Ne Mozìzare kìwìnyavìnajì bìrala wìdadelyìra. ¹⁴ Sare' dare'nesì. Kadìka wì'nyìna 'Jizaazai Naazaretì mwaalyai Gotìyare Ange' wo'dalasi'na yojì Ne Mozìzai

k̄iwyabulyiya nedinike maryovimaa'nadelyira,' sara kadika w̄i'niwo." ¹⁵ Mi'na w̄idina kye' Kaajoliyaraavireba walamwaaina yesara S̄itivenim̄ baihana'na yeva dara wanganesa! "Ai, dare s̄innya! Gotiyare mamaayare s̄innya'bisa' dangamanigona byaanna yidaasi!"

7

S̄itiveni widake'nesi.

¹ Gotiyarina Mubithika Ȳira'de Naangei S̄itivenim̄ ȳwaara'na ya! "Ned̄waasa' ḡim̄nyina nebulya'na dingaka?" ² Ȳwaara'na kya! S̄itiveni w̄ida! "A'mwe naangeihi, nya'mweihi, d̄nyu'nyila! Gotiya byaannakei Kigaakuna Ne s̄innawinya Ev̄raami Anga Aaran̄ mamwalaawi yaakegaa! Kwaaka Mezopotemya kuna mwalyaakegaa! Ev̄raamim̄ ȳma'naabi'na yaka ³ w̄idina 'Ginnya kwaakevij̄i ḡinnyaraavij̄i ya'mava'ḡizi kwaaka p̄ir̄i' givvaridaakwidewinna diwodeiḡnyira.' ⁴ W̄idina kya' savina Kwaaka Kaalithiyadaasi Ev̄raam̄ ya'ma'na yaka Anga Aaran̄ mwaalina. Mwaalina kya! Ev̄raamim̄ ganimaangei mena balyaakegaa! Gotiyai w̄idina 'Givvaridaakwidewinna diwona!' W̄idina kya' kwaaka davaki sarimi' mwaaihasawinna bin'a. ⁵ Mi'na bin'a kya' sagaa! Gotiyai kwaaka yarai mujaayi yaa!. Kwaaka naangeva' mujaayi, kwaaka maalikejij̄i yarai mujaayi yaakesira. Mujaayi yake' kiri' yune naanga nebulya'na w̄idina 'D̄vi kwaaka dav̄ kagizaava'muj̄i ḡim̄ire' diwiyara ḡimirreraavire' waragothesira.' Sagaa! Gotiyai yune naanga nebulya'na sara w̄ijaakegaa! Ev̄raam̄ kaim̄raavim̄aayai mwalyaakelyi. ⁶ Gotiyai da' w̄idina 'Menyaraavirewi ḡimirrera mwaalina yapiji' kalavuziwawinya' yip̄iderera. Kalavuziwawinya' yadaapiji' pwara kayaalna yip̄iderera. Kwarame naanga naanga (400) wavila'daawori kayaalna mwaaiib̄iderera. ⁷ A'mwe anga naanga pimaginyara ḡimirreraav̄i diraginna maremwaaiib̄iderera. Sara kamaryawibwara'muj̄i kwaaka savaki ḡimirrera yagalya'ma'na yapiji' dava bamwaalapiji' yileyagaala nyidip̄i'devanyi.' ⁸ W̄idina yaka yagaala p̄ir̄i' w̄idina 'N̄im̄ire yagaalya'na ḡim̄nyiji ḡim̄ij̄yaraavij̄i kilaakejij̄i davina jila!' Gotiyai sara w̄idina kya' ganaange! Aazakim̄i maryaakegaa! yiri'ka ati ata puridaasi daryaaai darik̄i Ev̄raam̄ gamire kilaakejij̄i davina. Mi'na davina kya' d̄vi Aazaki gamirei Jaikopim̄re kilaakejij̄i davina kya' d̄vi Jaikopi Ne s̄innawinya atiraai sivila puridaasi pwaraalyaraavire kilaakejij̄i davina yaakebulyi Juyainaavirebwi.

⁹ Ne s̄innawinyaaraav̄i kumire kuvigwaalaangei Jozepiyarina t̄iganaarya kya' s̄inna t̄ika kudayaal pwaraav̄i yaasina kyaa' sahwara Kwaaka Ȳz̄ip̄ina yaasiwa'wawinya'na makuna. Wi'na makuna kya' kiri' Gotiyai gamij̄i mwaalina. ¹⁰ Mwaalina yaka Jozepiyari kayaalna yaasagaal Gotiyai diraginna wimwaaihina yaa!. Kwaaka Ȳz̄ip̄i maremwaidei Peroyaryaba Jozepiyai daa'd̄i'nyi Gotiyai tewaanna wina kya' Peroyai dara wanganyaake! 'Ai, a'mwe dai nawi'nyai sidu'nakei daaka!' Sara daka w̄idina 'N̄im̄nyina Kwaaka Ȳz̄ip̄i davaki'ji a'mweraavij̄i nyidaayadiv̄isara nim̄ire angevi mwaaihasaraavij̄i dimaremwaala!' ¹¹ W̄idina kya' Jozepiyai maremwaaidi'nyi Kwaaka Ȳz̄ip̄ij̄i Kwaaka Kenaanij̄i yuya sabanyaai mij̄ika naange' ȳma'nyina. Mena ȳma'nyina kyaa' a'mwera mij̄ika naanga wiadaa'nyi Ne s̄innawinyaaraav̄i t̄ika munne'na birina birina kyaa' mij̄ika wina. ¹² Mij̄ika wina kya' sagaa! Jozepiyari ganimaangei Jaikopi dara w̄i'nyaake! 'O, Kwaaka Ȳz̄ip̄i wapaaya witizila darika!' Daka pigaa' gawaalivaangera Ne s̄innawinyaaraav̄i widaasina. ¹³ Ȳz̄ip̄ina widaasina kyaa' ayina bin'a kyaa' pigasaaai widaasina kyaa' Jozepiyai gya'mweraav̄i nayaa w̄idina 'Jozepiyainyi. Sarinnya s̄rya'mweinyi.' 'Jozepiyainyi,' w̄idina kyaa' Peroyai dara yawiryaaake! 'Ai, Jozepiyare yisavaakiyara sara daaka!' ¹⁴ Mi'na din'a kyaa' Jozepiyai ganimaanga Jaikopim̄na yagaalya' widaasina 'N̄mwai, Kwaaka Ȳz̄ip̄i davanna ḡim̄ij̄i ḡim̄ire

yuyaj† sahi d†videih†ly†ra.' Sagaa' Jaikopim†re j†likaim†raaya 75 mwalyaasang†ra. ¹⁵ Widaas†na kya! Kwaaka Yizip† saba Jaikopi w†na kya! d†vi saba gamij† Ne sinnaw†nyaraj† bal†na. ¹⁶ Bal†na kya! d†vi ayaba Anga Sikkem† kumirera kumire yag†nya makuna yeva simaangev† wak†na yaa!. Simaange' kigaakuna Eviraami Yisavaakiya Emoyaraav† n†gwia mubyaakes†.

¹⁷ Gotiyai Eviraam†mi yagaalya' wijaaka nebulya' yima'nya'na aya kigaa' yima'ny†na kya! Kwaaka Yizip† nemirera kwala naanga naanga yarai yima'ny†na. ¹⁸ Yima'ny†na kya! King†ya gei Kwaaka Yizip† gaai maremwalyaakegaa'nany†. King†yai sai Jozepiyarina myawiryaaekely†. ¹⁹ Gaai maremwaaaina yaka nemireraav† kwaasi yaka kaya!na y†na kya! Ne sinnaw†nyaraav† daanga naanga wina yadaasi King†yai wid†na 'A'mwemilki, sarinnya a'mwe bwaranyaraav† kamaarapij† mwasawinna sahwaraav† dimaras†ny†la baibizaraav†! Yarai dimaras†ny†la!' ²⁰ Mena wid†na kya! sagaa' ganaange' Mozizar† maar†na. Mozizar† bwaranya naw†nyaly†. Mozizar† maar†na kya! lika yulyak†na kyagi lawe dikaa di‡i ganmaangere angev† kave mwaal†na. ²¹ Kave mwaal†na kya! gamire angevidaasi pi‡i wak†na kyagi King†yai Peroyare garaavaange' maranganna yaka 'Ninnyaly†ra,' daka gannyari maremwaaaina. ²² Maremwaaaina yadisi Yizip† mwaalyaraav†re siduta yuyabwi wij†waak†na kya! a'mwe naangei waw†nya' yadei yima'ny†na yaka ya-gaala naw†ny† dadei yima'ny†na yaakely†ra.

²³ Kwareame a'mweraare ata sivili†raai Mozizar† wav†la'na kya! sai simunyav† yaw†'na 'Peroyare angev† yuyagaa' namwaaimudika! Ninnyara Yizireliyaraav† angyiri'maata yima!' d†na yaka kaanna w†na. ²⁴ Kaanna w†na yaka dara wanganake! 'O, Yizip† mwaalyai nimirer† kayaa'na jivanika!' Sara daka 'Padaihasamaasa'nana,' daka minya maarak† Yizip† mwaalyari tamak†na. ²⁵ Wi'na tamak†na yaka yaw†'na 'Ninnyya nya'mwera dara yaw†'na "Gotiyai Mozizar† yasaabina ky†wa' Mozizai nevadaihasamaaradely†ra,' " Sara yaw†'na kya! kir†' kumi gaminy†na sara myawirina. ²⁶ Sara myawiri kya! mwanyav† Yizireliyaraai tanny†na yadaakily† Mozizai tinna wanganaka. 'Munya yir†la d†wag†ma!' daka wid†na 'A'mweraaihi, d†nyu'nyi! Kirimidaraaihi mwaaihi†ya'na be'na tannivanigilyaraaihi'laka?' ²⁷ Wid†na kya! pwai gya'mwer† kayaa'na yakei Mozizar† yitavaka y†waara'na 'Nemaremwaaidinyaig†, kotya! neyawibwarya'neig† aai gitahilakakeiginaka!' ²⁸ Wona Yizip† mwaalyari tamakyawaaih†nyabaaib† d†nyiramakij†waana?' ²⁹ Y†waara'na kya! Mozizai kadika sara wi'ny†na yaka 'Yuyara sara wi'n†waasara daaka!' daka Kwaaka Yizipidaasi likaanya w†na yaka maavew† Kwaaka Mithyan† mwaal†na. Saba mwaal†na yada kaim†raayaraari yawak†ny†na yaa!'

³⁰ D†vi kwareame a'mweraare ata sivili†raai wav†la'na kya! a'mwe maayaba Mugunya Saainaaya simagi Mozizai mwaal†na. Saba mwaal†na yadi'ny† Gotiyare mamaayai ejel†yai walaabaka yisiki wili†na kya! yis†' di‡i yid†na yada d†taalita wany†na. ³¹ D†taalita wany†na yadaa'ny† Mozizai tinna wanganaka ni'ni†ka yaka d†na 'Sa! ber†' dingaka? Tinna nayaa wanganima!' d†na yaka yisikyabanna kaanna w†na. Kaanna w†na yaka kir†' Naangere maanguraaya' kadika wi'ny†na ³² 'Gimire Ne sinnaw†nyaraav†re Gotiyainy†ra. Eviraamij† Aazakij† Jaikopij† saraav†re Gotiyainy†ra.' Kadika sara wi'ny†na yaka lika di‡kwosi'nya'nei bi'bita y†na yaka yisiki tinna mwangany†na. ³³ Tinna mwangany† kya! sagaa' Naangei wid†na 'Mwaaiheiny†na kwaaka da' girikita maaya' warike'na kwaabizivilyawaari dilabwa'mwagakya!' ³⁴ Kwaaka Yizip† nimire a'mweraav† daanga naanga wividaa'ny† wangamwa. "Aakai, aakai," jaka kad†waa' kadika wi'n†wa. Kadika wi'nena padaihasamaasa'na waimwaabe. Yarala! Sare'na Kwaaka Yizip†na gitthaas†deiny†ra.' Sara wid†na yaa! Gotiyai.

³⁵ Mozizai dari Yizireliyara birlala wijaasalyi. ‘Nemaremwaaidinyaig Kotiya’ neyawibwarya’neigi aai gitahilakakeiginaka!’ yitarayaasalyi. Sahwar Gotiyai widahilakaka widaasina ya!. Yizireliyaraav maremwaaiidei padaihasamaa’deri widaasina yaakelyi. Yisiki dikta yidadaasi yisiki mamaayai wilamwalyaakei Mozizar wogaimwagyaakelyi. ³⁶ Gotiyai widaasina kyaa! Kwaaka Yizipiidaasi Mozizai a’mweraav jivwaramakabina. Kwarame a’mweraare sivilatiraalyagaa! Mozizai a’mweraav wogaimwange’na atika maru’narya’nej wiijwaainyaj sa yina yaakelyi. Kwaaka Yizipi sabaji Saalaalya Wayaake! wo’nikebaj a’mwera maayaba kayaananyabaj saba sara yina yaakelyi. ³⁷ Nabaai sai Yizireliyaraavwidina ‘Gotiyai nyidasaabakabaaibi’ sarinnyai sryamwei piropetiyai Gotiyari wi’nawijwaakaderi sariminyina widasaabathely Gotiyai,’ widina yaakelyi Mozizai. ³⁸ Wawnya maayaba sai Gotiyare kusilaanyasi mwalyaakelyi. Saba Mugunya Saainaayav ejeliyai widina kyaa! Mozizai Ne sinnawinyaraav sara widina yaakelyi. Gotiyai yagaala gaalyabwine nejaaya’ne Mozizai wijaake neminyina dinikengira.

³⁹ Ne sinnawinyara Mozizai wijaake! kadika mu’nyi, mamidinyi yaa!. Aawa. Gaminyi galazekivaina yevera kumire simunyangi yawi’na ye! ‘Kwaaka Yizipi tewaanyabanna ayina wawaanneinera! We!’ ⁴⁰ Yawi’na yina yeva Mozizai mugunyav mwaalakegaa! A’mwe Eronimi widina ‘Neminyine Naangei a’mwa’mweri kyavikarya’gi A’mwa’mwei nejvwaramakwona! Sare! dare’nesi. Kwaaka Yizipiidaasi Mozizai sai nejvwaramakabakei gawi mwaalika? Nem myawirywona.’ ⁴¹ Sara widina yeva a’mwa’mwei bulimakaawoya diwinyar yavikaryeva yikunaabitika wijaaya’ne’na kwaasi naangeri widina ‘Naangeigit, yikunaabitika da! giminyyine tamwona.’ Widina yeva sahwara yavikaryaasar yilaaya yina yadivti tika munne nyina. ⁴² Tika munne nyina kyaa! Gotiyai kuminyi ginywanna yaka tewaanna myi yaka dina ‘Kayaananyara kwaasiya’na nyilyarit laweriti silingaaminyaraaviji yilaaya yipika! Sara yilaaya yapiji waryaanyara yima’nipi’dere.’ Gotiyai dina yaakabaaibi dividaaasi Gotiyari wi’nawijwaakyara pikarya yida’na

‘Yizireliyaihi, niminyine mika!

A’mwamaayaba kwarame potiyagaa!

Bulimakaawoyaraav tameva manyijayaa!

⁴³ Kwaasi naangei Molokimi’ne yivikanga! yikwa’divti!

Pwai Repaanimi’ne silingaaminya a’mwa’mwe! yikwa’divti!

A’mwa’mwe sa yavikaryeva yileyagaala widina yadivisaihilyi.

Sabwine’na Anga Baviloni aagimagi menyabanna yihmakudeihilyira.’

Sara dinikesi.

⁴⁴ Dividaa’nyi a’mwamaayaba Ne sinnawinyara Gotiyai saraayaba mwaalake’ne jalikurakya’ne kwaabiyivikange yavikarina. Gotiyai Mozizar sara wijaakabaaibi sara yavikaryaasasi. Gotiyai pikizaaya’bisa wijiwaainyina yaake! Mozizai tinna wanganyaakabaaibi yavikaryaasasi. ⁴⁵ Yavikarina kyaa! diviyara Ne sinnawinyara kwaabiyivikange yikwavaabin. Sagaa! Gotiyai ajmya piningiyaraav yirawaasina kyaa! diviyaraj Jozuwaasi sara Maaveraavire kwaaka maarina yaasara davanna Gotiyare kwaabiyivikange yikwavaabin ye!. Yikwavaabin kyaa! kwaaka dava kuna wa’di’nyi Ne Deviti mwalyakegaa’na. ⁴⁶ Deviti mwaaidi’nyi Gotiyai wanganaka dina ‘Deviti a’mwe tewaanyalyira.’ Dina kyaa! Deviti Gotiyari yawaara’na ‘Jaikopimire Gotiyaigi, giminyyina ange! madima! “Yo,” kanyida’gi madideinyira.’ ⁴⁷ Yawaara’na kyaa! Gotiyai gevwi kyawiryaa! Gawaalivaanga Solomon ange’ gaminyina madina yaakelyi.

48 Sa'na kiri' a'mwera angengi madivisangi Gotiyai Munya Ke'mwewinyai yuyaraavijj yuyangijj wavyila'dei mamwaalyadelyi. Angengi mamwaalyade'na piropetiyai Gotiyari wi'nawijjwaakadei dinikabaaibisasi.

49 Naangei dinikesi. Sığunya naangeba maremwaaidinyainyi.

Kingiyare namwaalyisa'bısavı Sığunyavı walamwaaina yadinyainyi.

Paihısa'bıta Kwaaka maalika davakı maremwaaidinyainyi.

Nımiре sıvıla Kwaaka yuyavakı paihıremwaaidinyainyi.

Nımi Naangeinyine ange' gara madivitaihılaka?

Nawı'nyaba kwaamu' mwaalıdeva gava warıka?

50 Yuyangı kaavılyai aaihwalaka? Nımi sahwainyıra!

Sara dinikesi.

51 Ne sınnawinyarabısaihi Kurya Tewaanyai yihihada yuyagaa' wanganakına yadıvisahılyi. Sarınnnyabwi dıragınna yawı'dıvı' Gotiyarebwi navıka yadıvisahılyi. Sarınnnyaya yawıta Maaveraavıre yawı'dıvısahılyi. Sıryakwalaangera Gotiyare yagaala yuya pihadıka yına yaatabaaibı' sarımi sara yadıvisahılyi. **52** Sarımiре Ne sınnawinyara Gotiyari wi'nawijjwaakade aane pwai kwarı yuyagaa' kayaa'na yaasara midaa!! Sara kayaa'na yaasara Gotiyai widaasaderaavi tamakına ye!. Kıgaakuna Gotiyarerera wıdına 'Dıvi yıda'maraangei Gotiyari widaayadei bathelyi.' Sara wıdına yaasaraavi sarımirera tamakına. Tamakına kyaa' Gotiyari widaayadei mena bına kya' sarımi kotiyavına makuna yeva sahwarı kayaa'na tamakına yıwa'daa!. **53** Gotiyare Kıwinya ejelıyara Gotiyai widaasadera kyıhızaave' kırı' sabwi myıvanıgasahılyıra," sara wida' Sıtiveni.

Sıtivenimi silyajı livaramakesa'nesi.

54 Kaajoliyara Sıtiveni widaadaası kadıka wi'nadaapıjj kumıre sınnna tıka wida'daası dıragınna maadıthıwı'nya ye!. **55** Dıragınna maadıthıwı'nya kye' kırı' Sıtiveni Kurya Tewaanyai yunebanna wilamwaaidı'nyıyai Sığunyavı maranganaka dara wanganake! "Gotiyare byaannyabwi tınnna wangamanıge. Gotiyare aangasımagı Jizaazai dathaavıka!" **56** Mi'na daka wida' "Yıthaanyı, Sığunya' baasınıkevi wangamwa. Gotiyare aangasımagı A'mweraavıne Kaimıraayai daavıkeri wangamwa." **57** Wıdına kya' sınnna tıka wida'daası jaka naanga deva kadıka mu'nya'na asa kadıkengi tilavalımwaga'nyına yeva gamınyawınnna avaaizımunyasıya yuyara yarai kaanyave'na bına. **58** Kaanyave'na bına yeva Sıtivenimi galalımwanna yına yeva makuna yına yeva anga naangeba mwasılaa wası'na yına yeva silyajı gamınyı lıwakına. Kotiyavı kwaası yagaala wıjalıkurakesara kunnya yıvıta taapainyına yeva Mıgınya Solı wo'nıkkeryaba yarai wakına yeva silyajı gamınyı lıwakına. **59** Yarai lıwakına yadaapıjj Sıtiveni Naangeri jaka wida' "Naanga Jizaazaigı, nımiре kuryarı dimaaka!" **60** Wıdına yaka kwadaai gılinıa yaka jaka naanga wida' "Naangeigı, kumınyıne kayaa'na nyıvanıgasa'na myawi'dınnera!" Wıdına yaka se balına ya!.

8

1 Sıtivenimi tamakına kye! Solı yawıra! "Yo. Tewaanyasıra."

Solı Jizaazareraavi kayaa'na yake'nesi.

Sıtivenimi tamakesagaa' yırıka sagaa' Anga Jeruzaalemı Kıraazıtıyare kusılaanyavıyara mwaalesaraavi pwara kayaa'na kayaa'na yına. Kayaa'na kayaa'na yına yadaapıjj Jeruzaalemı Wıdaasadera gavera kuna mwaaidapi Jizaazare pwara yuyara Kwaaka Juthıyajı Kwaaka Samerıyajı pıwinna pıwinna yıwınama'na ye!. **2** A'mwera Sıtivenimi karamake! Gotiyari yılaaya yadıvisara kale kwia' Sıtivenimi makuna yeva lıkyırakına yeva yıkwaraamaya yadıvı' kınna naanga dına ye!.

³ Soli dina “Jizaazarebwi kayaaka yigalima!” dina yaka kayaa’na yina. Angeng wili’na yaka Jizaazare kusilaanyaviy a’mweraavij i’mwengij i’lamwagi’nyina yaka kalavuzangevi marimwaaihina yaka sara kayaa’na yina ya!

Kwaaka Sameriyaya yagaala tewaanya’ wijiwaakake’nesi.

⁴ Jizaazarit wi’nadivisara yi’wina’na yevevidaa’nyi gazabazaba mwaalina yadi’v! Gotiyare yagaala tewaanya’ wijiwakamarina ye! ⁵ Anga Sameriyaya sawinna Pilip i’na yaka Kiraazit’iyari Gotiyai dahilakakerina a’mweraavi wi’dinna. ⁶ Widina yadaa’nyi kwala bwa’naanya kadika nayaa wi’nyina. Nayaa wi’nyina yadi’v! Pilip diraginya wijiwaainya’neji yada yuyara wanganna. ⁷ Sare! dare’nesi. Wanganna yadaapij i’mwe kwalaalyara yimakera kininnakeraavire munyikaavi yimakera bwalyuna yadi’v! jaka naange! wi’dinna yeva kaanna i’na. A’mwera kunnya kilakejika kwaayakwaaya myadivisaraavij yaginya bainkeraavij sara a’mwe kwalaalyaraav yavada’gaina kya! tewaanyara mwaalina. ⁸ Tewaanyara mwaalina yesa’ Sameriyaya mwaalyara yilaaya naanga yadi’v! mwaalina ye!

⁹ Anga saba a’mwe pwai Saaimoni wo’nikei mwaalina. Sai kulakei gannya kwalya yaderina anga naanga simagi’nya Sameriyaya mwaalyara atika maru’na’na yesalyi. Saaimoni wi’dinna “A’mwe naangeinyi. Sidu’nakeinyi,” wi’dinna yada ¹⁰ anga saba mwaalyara yuyara a’mwe naangeraj i’mwe maalikeraj sa kadika nayaa wi’nyina yeva wi’dinna “Gotiyare diraginya siyalalyira. ‘Yi’ diraginya sa’ naangesi,’ dadaanyasi,” sara wi’desalyi. ¹¹ Naangegaa’ kwalyaj i’ri’nyaj yada atika maru’na’na yadi’visangina yuyara kadika nayaa wi’nyina yesalyira. ¹² Saaimoni sai mwaalina yada sara yada kir! Pilip Kiraazit’iyai Jizaazarinaj Gotiyai nemaremwaalya’naj sawaarina yagaala tewaanya’ wi’dinna kya! kumi wi’nyina yeva “Sabwi nemi midinaana!” di’nyina yadi’v! Kiraazit’iyari limwanna kye! Pilip aalyavi bavitaaziya yina a’mweraavij i’mwengij sangi. ¹³ Bavitaaziya yina kya! Saaimoni sahwai limwanna kya! Pilip bavitaaziya’ kya! Pilip myaba mwaaida Pilip wijiwaainya naangeji diraginya’ji yina yadaa’nyi Saaimoni atika maru’na’na ya!

¹⁴ Anga Jeruzaalem apozeliyara Jizaazai Widaaasadera dara wi’nesa’ “Sameriyaya mwaalyara Gotiyare yagaalya’ dama’mwaava!” Deva kumi nyawinna wigaimwange’na Pitariji Jonimiji saraari yaasinna. ¹⁵ Yaasinna yesaraai Sameriyaya sabanna yi’mavaawina yagi’la Jizaazarit wi’nadivisaraavina Gotiyari wi’dinna “Gotiyaig, a’mwe yuya dara ginnya Kurya Tewaanyari maapika!” ¹⁶ Sare! dare’nesi. Sagaa’ Pilip Naanga Jizaazarit yayavina bavitaaziya’ yakegaa’ Kurya Tewaanyai yuyaraavina mabwalaw minaawi yakerera. ¹⁷ Pitalyji Jonijji saraai Gotiyari wi’dinna yagi’la kumire mi’nyag’nyangi ata dathiwanna kyagi Kurya Tewaanyari maarina ye!

¹⁸ Saaimoni dara wanganake! “N’waava, widaasdisaraai ata kadathwamwaai Kurya Tewaanyari kumi maarina jiwaava!” Sara daka gannya ni’gwia maaraka Pitariji Jonimiji wi’dinna “N’mi’re ni’gwia yi’hi’mub’ma! ¹⁹ N’minyina ‘Sai a’mwe pwai kwari’ ata kadathwagozi sahwai Kurya Tewaanyari maarana!’ dakiri sare diraginya’ di’nyijaay’la!” ²⁰ Widina kya! kir! Pitai wi’dinna “N’nnya ni’gwianna Gotiyare yange’ mub’ma!” yawi’mwaanya’na gimi’ji ginnya ni’gwiaj Dikebanna diwodeiginya’ra. Yawita sa’ kayaa’nanaangesira. ²¹ Yiwolya’na nemire wawinya’ gimi’re’ daaka! Sare! dare’nesi. Gotiyai gimi’re simunya yawisavi gwangamwa!. Simunya kayaa’nanyav gwangamwakeig’nyi. ²² Sarevidaa’nyi ginnyabwi kayaa’nanyabwi dasika! Mudikebwi jawiramaaka! Wasin’na’gizi Naangeri duthana! ‘N’mi simunya yawi’mwe’na ni’mi’re kayaa’nanya’ di’marasi’na! Nayaa mwaalima!’ ²³ Sare! dare’nesi. Giminyina’ dara wangamwe! ‘O, a’mwe dai wabarinna diraginna yadei daaka! A’mwe simunya kayaa’na yawi’dei daaka!’ Dena gitihwa,” wi’dinna. ²⁴ Pitai

widina kya! Saaimoni saraari widina “ ‘Nyidiwaala aane piri' kiri' niminyina nanyima'nadika!’ dena yihithiwe'na dakilyi Naangeri duzila!” widina ya! Saaimoni.

²⁵ Jizaazai yake'na tinna wanganagilya'na Pitalyi Jonji saraai yuyaraavi wijalikurakina, yi, Naangere yagaalya! widina yagila dinya'na “Jeruzaalemi sawinna ayina wawakadera,” dinya'na yagila kaanna wi'na. Kaanna wi'na yadi' Kwaaka Sameriya anga mannikeba yagaala tewaanya! damarina yagila Jeruzaaleminna wawagi.

Pilipi Murija naangeri wida' Kwaaka Yithiyopiya mwaalyari.

²⁶ Naangere mamaayai ejeliyai Pilipimi widina “Yovirava'gizi tusa' Jeruzaalemidaaasi Anga Gaazanevit dalaawa!” Tuta sa' a'mwe maayaba makwalaawinikesira. Sara widina kya! Pilipi sara yi'na. ²⁷ Sara yi'na yadaasi, yi'thaa, Kwaaka Yithiyopiya mwaalyai a'mwe naangei gannya angewinna wi'na. Kwaaka Yithiyopiya a'mwe naangei Kaadeziya' maremwaaidesi Kwin'ya'. A'mwe sai Kaadeziya' kwin'ya savire ni'gwiaji ni'gwilalaakaji yuya sa maremwaaidel'i a'mwe naangei. Anga Jeruzaalemi Gotiyari yilaaya'na wiakei gannya kaariziyavi ayina wi'na. ²⁸ Ayina wi'na yada Gotiyari wi'navi'jywakyaakei Piropetiya Aazaayai pikarya yida'nike' tinna wanganna. ²⁹ Tinna wanganna yadaasi Kurya Tewaanyai Pilipimi widina “Kaariziyava savina wirata'na'gizi avaaina di'wila!” ³⁰ Widina kya! sawinna Pilipi kaanyave'na wi'na yaka dara dina “Piropetiya Aazaayai yida'nike' bukuya' wanganaka di'vanika.” Sara dina yaka yi'waara'na “A'mweig'i, yagaala sa' dangamaniginya! jawi'mwaana?” ³¹ Yi'waara'na kya! “Aawa, pwai mujiwaainskyajara' gara yawiri'jywana?” A'mwe naangei sara widaka Pilipimi widina “Davina yilaaba'gizi niminyaba mwaala'gizi sarevina dinya'jywakya!” Widina kya! kaariziyavwi wilamwaaina. ³² Gotiyare bukuya' wanganake' dare' dinikesi.

Sipizipiya pwar'i tamya'na makwodivtabaaib'i

A'mwera tamakya'na makuna yesalyi.

Diwinyare arila wir'i'deryaba jaka majadevaab'i

Kaya'a'na kye' sai yagaala majake'nanyira.

³³ Birala wiedeva kotiyav'i sarina kwaasi widesalyi.

Karame' Kwaaka davaki gamire gaalyabwi maaresa'

Gamireba sara yesaraavire kayaa'nanyabwi aai wi'adelaka?

Piropetiya Aazaayai sara dinikesi. ³⁴ Dini'ke'na a'mwe naangei Pilipimi widina “Piropetiya'ni'ke' aarinna dinikavaka? Gami' sahwarina dingaka? A'mwe pwarina dingaka? Dinya'dana!” ³⁵ Sara widina kya! Pilipi Aazaayare yagaala savidaa'nyi nayaa widaka Jizaazarina yuya yagaala tewaanya! nayaa widina. ³⁶ Widina kya! tuta piba wi'na yadi' aalibunya maalike' di'nike'winna yi'mavaawina kyagi a'mwe naangei widina ya! “Yithaa, dava aalya' di'nii!. Aalyav'i bavitaaziya dinya'jywana? Ni'mi wi'na daaka?” ³⁷ Pilipi widina “Ginnya simunya yuya! Jizaazarina kalimwaga'gizi bavitaaziya gyideig'nyi.” Widina kya! wida' “Sara li'mwamanige. ‘Kiraazit'i yai Jizaazai Gotiyare Gawaalivaangelyira,’ sara yawi'mweinyi.” ³⁸ Widina yaka a'mwe naangei gannya widaayaderi widina “Kaariziyava' muda'na yana!” Widina kya! aalyav'i a'mwe naangelyi Pilipi' saraai bwalaawina kyagi Pilipi bavitaaziya wi'na. ³⁹ Bavitaaaziya wi'na kya! aalyav'i saraai bwalaawina kyagi Kurya Tewaanyai Pilipimi yarai galamakuna. A'mwe naangei Pilipimi tinna ayina mwanganyi yada yilaaya naanga yada gannya angewinna wi'na yakelyi. ⁴⁰ Kurya Tewaanyai Pilipimi makuna kya! Pilipi' saraai bwalaawina kyagi Kurya Tewaanyai Pilipimi makuna kya!

Sizaariyana yi'mavaawina yakega'ananyi.

9

*Soli Jizaazar i wi'nakə'nesi.
(Apozeliyara 22:4-16; 26:9-18)*

¹ Sagaa! Soli Naangere mīdīdīvīsaraavīna sīnna tīka naanga kuna wīda'daasi dīnyīna "Jizaazar i mīdīdīvīsaraavi tamakīma!" ² Dīnyīna yaka Gotiyarīna Mubīthīka Yīra'de Naangeri wīdīna "Anga Damaazīkazi Juyainaavīre lotuan-gengī maremwaa idīvīsaraavi nīmīnyīne pīkarya jīthaka!" 'A'mwe Soli Jizaazarebwi līmwadīvīsaraavi bīramaaraaja' asangi wīla pwīyoji Jeruzaalemī davanna a'mweraavījī a'mwengījī sangī ayīna makabana!' da'gīzī pīkarya sara kanyīdaya'gīzī kotīya'na maraawi deinyīra," sara wīdīna ya! Soli.

³ Anga Damaazīkazi sawīnnei tutaaanyavī kaanya woda ange' aya kība mannadī'nyī Sīgynyavīdaasi baaka naange' gamīnyabanna yarai yīme'nya'bī! wannaabīna ya!.

⁴ Yarai wannaabīna yadaa'nyī kwaakewīnna Soli wala'na yaka maanguraaya' kadīka wī'nyīna "Soli, Soli, kayaa'na be'na nyīvanīgīna?" ⁵ "Naangeigī, aaihwaigīnaka?" kyīwaarava' wīdīna "Jizaazainyī kayaa'na nyīvanīgīnyainyīra." ⁶ Sahwainyī kīrī! daava'gīzī anga naanga davīna kulaawa'gīzī gīmī yīnnenna pwai gīthathē'nanyīra."

⁷ A'mwera Soli jīt wawesara daaveva yagaala majara maanguraaya' kadīka wī'neva kīrī! pwarī tīnna mwanganyesare. ⁸ Naangei mena wīdīna kya' kwaakevīdaasi Soli daavaka gannya tīnnyaraai yenaka dara yawīrake! "We!", nīmī tībaryainyī daaka!" Sara daka aane pīrī kīrī! tīnna mwanganyī kya' pwara gamīre asīrī līmwanna yeva Anga Damaazīkazi sawīnna jīvwaramakuna. ⁹ Jīvwaramakuna kye' saba mwaalaka yīrīka daryaaai darīkī tīnna mwanganyī yada sagaa! tīka manyī yada aalya manyī ya!.

¹⁰ Damaazīkazi saba Jizaazare pwai Ananaayazai wo'nīkelyī. Sai mwaalaka a'mabaaitīnna baihana'na yadaasi Naangei wīdīna "Ananaayazaigīno!" Wīdīna kya' sai wīdīna "Naangeigī, yīthaa, gīmīnyī gyemwaaihena." ¹¹ Wīdīna kya' Naangei wīdīna "Daava'gīzī Aduta Yīda'nanya' wo'nīkevīna wawa'gīzī Juthaazare angevī Soli Anga Taazazi mwaalyarīna dīvīramaaka! Sare' dare'nesi. Yīthaa, Gotiyarī dada ¹² a'mabaaitīnna dara wangamwake! 'Nīmīre tīnnyaraarīna "Tewaan-yaraai yīma'nana!" dozī a'mwei Ananaayazai wo'nīkei wīlaabaka gannya asīraai nīmīre mīnyagīnyavī dathathīwamanīka!" " ¹³ Naangei sara wīdīna kya' Ananaayazai wīdīna "Ai, Naangeigī, a'mwe darīna a'mwe kwalaalyara mena nyīdīwaa!. Anga Jeruzaalemī mwaalyara gīmīre tewaanyaraavī kayaa'nanya yīna yīna yawalyaadīkerīna nyīdīwaa!. ¹⁴ Sara yada Damaazīkazi dawīnna gīmīnyī yagaala gīthadaanyainaavī wīla pwīya'na bīwakelyī. Gotiyarīna mubīthīka yīra'dīvīta naangera pīkarya kalavuza'na sara yīdaveva kujawa'daa! bīwakelyīra." ¹⁵ Mi'na wīdīna kya' Naangei wīdīna "Sai nyīdaayaderī dahīlakīweryawīnna dīwona! Sai nīmīnyīne yaya' ajīmya yuyangīyaraavījī a'mwe naanga Kingīyaraavījī Yīzīrelīya yīsavaakīyaraavījī wījīwaakade'na dahīlakīwana. ¹⁶ Sare' dare'nesi. Sai nīmīnyīne yaya'na naange' sara yade'na gamīnyī daanga wīvīnaja'na wījīwaainīdelyīra."

¹⁷ Ananaayazai kaanna wīna yaka angevī wīlīna yaka Solīmīre mīnyagīnyavī ata dathīwanna yaka wīdīna "Nya'mweigī, Solīgi, gīmīnyawīnna Naangei nyīdasīwaabīkeinyī. Tusavī kaanya badī Jizaazai sahwari tīnna wangamwa'dīnyai nyīdasīwaabī!. 'Gannya tīnnyaraai tewaanyaraai wanganna yana! Gamīre munyīkī yunebanna Kurya Tewaanyai wīlamwaalana!' daka nyīdasīwaabī!." ¹⁸ Wīdīna kya' sagaa! yīme'nya'bī! Solīmīre tīnnyaraarīdaasi jawīpadasa'bīsa bwala'na kya' gamīre tīnnyaraai tewaanyaraai yenyīna ya!. Tewaanya yenyīna kya' Soli daavīna kya' Ananaayazai bavītaaziya yīna ya!. ¹⁹ Bavītaaziya yīna yaka Soli wapaaya nyīna yaka gannya kīlaaka dīragīnya' ayīna maarīna ya!.

Anga Damaazīkazi Soli wījīwaakake'nesi.

Yırıka pıningi wavıla'daa'nyi! Anga Damaazıkazi mwaalyara Jizaazarı mıdıdıvısarayaba Solı mwaalına. ²⁰ Mwaalına yaka yıme'nya'bı! Ju-yaraavire lotuangengi wına yaka Jizaazarına wıjıwaakına "Sahwai Gotiyare Gawaalıvaangelyıra." ²¹ Wıjıwaakına kya! yuyara kadıka wı'nyına yeva nı'nıka yeva dınyına "Jeruzaalemi saba a'mwe dai yaya davına yagaala wıdadıvısarayavı kayaa'na yakei daaka! 'Kumınyı! wıla pwıya'mujı Gotiyarına mubıthıka yıra'dıvısarayawınna makwıma!' daka dava davıwaka? A'mwe dale!" sara dınyına ye!.

²² Solı kuna wıjıwaakına yaka dıragınna wıjıwaakına yada Gotiyare bukuyavıdaası dıragınnaanga wıdına "Kıgaakuna Jizaazarı Gotiyai dahılakyaaakei Kıraazıtıyalıyıra." Dıragınnaanga sara wıdına kya! yagaala nebulya'nanya Juyara Damaazıkazi mwaalıyara yagaala pıni murıvıtkıri ye!.

²³ Sawıta pıjaakuna kwavılavı! Juyara yıkabına yeva jamungajakına "Solımi tamakya'na nemı dara yaadera." ²⁴ Mena jamungajakına kye! pwai Solımi sare'na wıdına kya! naya wanganna yada mwaalına. Sara mwaalına kya! Juyara dınyına "Solımi tamakaana!" dınyına yeva sawısagaası yırıkegaası adıkuryangı damerı tınnı baihanarya'neraavı wımwaaihına. ²⁵ Sahwara baihana'na yına yadıvı! sawıta pıgaa! Solımirera gamınyı makuna yeva amaangebaarı sikurıka saamınyavı daavına yeva soigılyavı Solımi yılawımwaaihına yeva sikurıka lo'masavı kavena marala'mwagaasına kye! Solı kaanna wına ya!.

Jeruzaalemina Solı ayına bake'nesi.

²⁶ Anga Jeruzaalemi na Solı yı'mavaawına yaka yawı'na "Naangere mıdıdıvısarajı ye'mwannamwalaana!" Yawı'na yaka yaamıji yına kya!, aawano. Kumı "Solı mıdıdelyı," yawı'na myeva yuyara lıka yına kye! Solıji mye'mwannamwaalyı ye!. ²⁷ Mye'mwannamwaalyı kye! kırı! A'mwe Baanavaazai Wıdaasaderaayawınna makuna yaka wıdına "Tusavı Solı Naangerı kwangana! Naangei gannya yagaalya! wıda!". Sai Naangerelyıra. Nebulyasıra. Damaazıkazi saba Solı Jizaazarı yaya'na dıragınna wıjıwaakına. Dıragınna wıjıwaakına yada lıka myakelyı Solı."

²⁸ Baanavaazai wıdına kya! Solı naya mwaalına yaka Jeruzaalemi yuneba kaanya yamaryada Naangere yaya'na dıragınna wıjıwaakına. ²⁹ Jizaazarına wıjıwaakına yada Juyara Gırıkıyagaala dadıvısarajı dınyına. Dınyına yadıvı! Solı naya wıdına kya! Juya sahwara yawı'na "Solı kayaa'nanyabwi nedıwakelyı. Sarı tamakaana!" ³⁰ Yawı'na kye! gya'mwera kadıka dara wı'nesa! "O, Juyara sara dathımanıgava!" Deva Anga Sizaariya saalaalyavı manıkebanna Solımi makwalyuna yeva gamıre anga Taazazına yaasına ye!.

³¹ Sareviðdaa'nyı! saga! Jizaazare kusılaanyangıyara Juthıya yuyabajı Galıli yuyabajı Samerıya yuyabajı saba kwaamu'na mwaalına ye!. Pwara kayaa'na myı kye! tewaanna mwaalına ye!. Naangerı naya wı'nadıvı! Kurya Tewaanyai gannya dıragınya! wıjaavada sahwara dıragınyara yıma'nyına ye!. Tewaanna mwaalına yadıvı! dıragınyara yıma'nadıvı! a'mwe pwara kwala naangera ye'mwannamwaaina ye!.

Anga Litha, Anga Jopa Pitai yake'nesi.

³² Gazabazaba Pitai kaanya yamaryada Anga Litha mwaalesara Gotiyare tewaanyaraavı angyırı!maata yına. ³³ Saba a'mwe pwai Anıyaazai wo'nıkei mwaalakelyı. Sai yagınya bainıkei nalabwaryavı mwaaidı'nyı! kwarame pıjaakuna (8) wavıla'na yakelyı. ³⁴ Pitai angyırı!maata yada Anıyaazari wanganaka wıdına ya! "Anıyaazaigı, Kıraazıtıya Jizaazarı gımınyı gyavada'gaimanıka! Dıkaava'gızı! gınnya nalabwaryı! naya javada'galakya?" Sara wıdına kya! Anıyaazai dıkaa'na. ³⁵ Wilna dıkaa'na yaka

tewaanyai mwaaida Anga Litha mwaalyaraj† Waraata Seroni mwaalyaraj† yuyara gamiñ† wanganeva Naanger† limwageva gamirera y†ma'ny†na ye!.

³⁶ Anga Jopa saba a'mwe' Taavita' wo'nike' Naanger† midinaka mwaalina. Gannya yaya' Girikiyagaala Dokaaza' dinikesi. A'mwe sa' tewaanyanna yada n‡gwimaayaraav†na w‡gaimwadesi. ³⁷ A'mwe' mwaalina yaka sagaa' nabalinake' y†ma'naka balina. Mena balina kya' gilaayav† aalya' yeva ku'dike' munyabanna gilaaya' makilaaw†na yeva kave wak†na. ³⁸ Anga Litha sabadaasi Anga Jopa etabera. Maalikeba warike'na Jopa mwaalyara mididivisara kale wiadaa'ny† dara w†'nesa' "O, Anga Litha Pitai damwaalika!" Sara deva a'mweraari widina "Pitar† duzila! 'Myemwaaidiñnera! Yarai, neminyaw†nna d‡vama!" Widina yeva widaasina. ³⁹ Mi'na widaasina kye' sav† Pitai kadika w†'ny†na yaka yov†rawak†na yaka saraaly† kaanna w†na. Kaanna w†na yaka sabanna y†ma'na kye' munyaba ku'dikev†na j‡vwaramakuna y†na. J‡vwaramakuna y†na kye' yaanyiwaaka yuya mwaaleva kale wiadaa'ny† kinna dadiv† Dokaaza' baaz†'ma'nyangij† kwaabit†v†sangij† sazang† yavikaryakeng† Pitar† w†j†waainy†na yeva "A'mwe tewaanyasi," widina. ⁴⁰ Sara widina kye' ku'dikev† mwasawinna Pitai maryasina yaka kwadaai gilaka Gotiyari widaaka gilaayayabanna g‡nyiwanna yaka widina "Taavita!, dithikaaka!" Sara widina kya' a'mwe' gannya t‡nnyaraai yeny†na yaka Pitari tinna wanganaka dikavamwaaina. ⁴¹ Wi'na dikavamwaaina kya' sai gamire asa' maarina yaka y‡dikaa'na yaka yaanyiwaakengij† Naangere tewaanyaraavij† jaka widina yaka a'mwe' kwaihwaainateke† w†j†waainy†na. ⁴² Sav†na Jopa yuneba yagaala d‡w†na yadiv† a'mwe kwala naangere Naanger† limwanna yesarera. ⁴³ Pitai mena yaka Anga Jopa saba a'mwe pwai Saaimoni†re angevi mwaaid†'ny† yiri†ka p†jaakuna wavila'na ya!. Saaimoni† sai bulimakaawoyang†re kilaake yadely†ra.

10

Pitarinaj† Koniliyaazarinaj† saraarinesira.

¹ Anga Sizaariya a'mwe pwai Koniliyaazai mwaalina. Sai aawilata maremwaaiidei Romiya aawilatara Yitaali aamiyaraav† maremwaaidely† Romiyai. ² Sai Gotiyarina nayaa yaw†'na, nabaai gamij† gamire angevi mwaaidiv†saj† Gotiyari yagaala widaadiv†sang†ra. Juyara n‡gwimaayaraav† yanga w†jaavadely†. Gotiyari yagaala widaadely†. ³ Koniliyaazai sai mwaalina yada p†gaa' t†ri kilok†yagaa' a'mabaaitinna wanganna yada Gotiyare mamaayai bwina yaka widina "Koniliyaazaig†!" Widina yake' tinna wanganna. ⁴ A'mabaaitinna wanganna yada mamaayar† baihana'na yada li†ka yada widina "A'mwe naangeig†, baa'na bah†neka?" Widina kya' mamaayai widina "Gotiyari yagaala widaadinya" Gotiyai kadika gu'n†wa!. N‡gwimaayaraav† w†jaavadinya' tinna gwangamwa!. Sare'na Gotiyai g‡myny†na gyawi'deig†ny†. ⁵ Dahaa' Anga Jopa sawinna a'mweraav† a'mwe pwai Saaimoni Pitai wo'niker†na duthaasa! ⁶ Sai saalaalyayaba pware angevi angyiri'maata y†van†!. A'mwe pwai Saaimoni giryawo'nyai bulimakaawoyang†re kilaakeng† yavikaryadei. Y† sare angevi mwaalit†!". ⁷ Sara widina yaka mamaayai w†na kya' Koniliyaazai gannya angevi widaayadisaraarij† aawilata pwarij† jaka widina. Aawilata sai Koniliyaazaryaba mwaaida Gotiyari yaw†'dei. ⁸ Jaka widina yaka kuminy† yuya y†ma'nake' widaaka Anga Jopana a'mwe saraav† widaasisa ya!.

⁹ Yiri†ka piri†ki tusav† kaanna w†na yadiv† Anga Jopa aya kibanna y†ma'na yadaapij† Pitai yaw†'na "Gotiyari widima!" Daka sirigwajahaa' anga munyaw† kwav†ta waraasav† y†lamwaaina. ¹⁰ Y†lamwaaina kya' sagaa' Pitar† mij†ka widaas† wapaaya yov†ra'na yadaapij† tika munnenne yaw†'da a'mabaalyav† tinna wanganna. ¹¹ Tinna wanganna yada Sigunya' basnadaa'na yadaa'ny†

kwaabiyivita divaniginya'bisajik makwalaabina. Kwaakewi Pitaryawi mamaayara kwaabiyivisa'bisi' kwaraka dawaai dawaalyangi limwageva makwalaabina. ¹² Mena makwalaabina kye' Pitai dara wanganake' "Ai, yikuruyaawia ge geji malakayaawarya ge geji kamaala ge geji yuta ge geji daminarika!" ¹³ Sara kada' maanguraaya' widina "Pitai, daava'gizi' sa diramanana!" ¹⁴ Widina kya' kir'i Pitai widina "Naangeigit, arikewinyira. Juyainaavire kitiwinya' dinike' Kimaakengi maninnera!" Sara dinike'na giriika kininnaka aane piri' kir'i manyi yadinyaainyira." ¹⁵ Sagaa' pigasaii maanguraaya' widina "Gotiyai 'Sa tewaanyangira,' dinikengina gitmi 'Sa girkita'nanyangira,' madinnera!" ¹⁶ Tinna wangadaa'nyi dahasaai dhaa' kwaabiyivisa'bisi' makwalaabina yeva yagaala mena widakegaa' munyaba Sigunyavina ayina makilaawina ye!

¹⁷ Pitai yawi'na "A'mabaaitinna sa' wangamwe' berivi' wangamwana?" Yawi'na yaka simunya ayahi ayahi yawi'na yadaa'nyi Koniliyaazai widaasakeraavi Saaimonimire angevina jivvaridaakuna yesara tikuryaba daavina. ¹⁸ Tikuryaba daavina yeva jaka widina "Angyir'i'maasa'nei Saaimoni Pitai damwaalika?" ¹⁹ Jaka widina yadaapij'i Pitai kuna yawi'na "Berivi' wangamwana?" yawi'na yadaa'nyi Kuryai widina "Kadika dinyu'nana! Dava gwangabi'de'na a'mwe daraai dalyara mwaaihava. ²⁰ Daava'gizi' walaawa'gizi' lika myadi nimti widasiwaabe'na kumij'i diwodeiginyi." ²¹ Sara widina kya' Pitai walaawina yaka a'mweraavi widina "A'mwerina jaka widivanigasai niminyira. Be'na biwaataihilaka?" ²² Widina kya' sahwara widina "Aawilata maremwaadei Koniliyaazai nedasiwaabkeinera. Sai a'mwe tewaanyai Gotiyarina yilaaya yadelyi. Anga naangengiya Juya yuyara dara jalikurakadiviki 'A'mwe tewaanyalyi.' Gotiyare ejeliya tewaanya pwai widina 'Pitai yagaala gitthathe'na gitnya angevina wilabathei'na Pitarina duthaasa!' Widina yiwa'dikerina biwoinera." ²³ Sarevidaa'nyi Pitai widina "Dava se wa'mwaraana!" Widina kya' se wa'mwa'na ye!

Mwanyavi yovrawakina yina yaka kumiiji' wi'na ya!. Nabaai Jopa mwaalyara Naangere pwara gamiji' kaanna wi'na. ²⁴ Kaanna kaanna wi'na yaki piri'ki Anga Sizaariyana yi'mavaawina. Koniliyaazai gamireraavij'i gya'mwe pwaraavij'i jaka wi'jivwaramaa'na kya' gamire angevi yuyara Pitarina yemwaaina. ²⁵ Yemwaaina yadaapij'i Pitai yi'mavaawina yaka yawi'na "Angevi wilawima!" Yawi'na kya' Koniliyaazai wi'jimaa'nyi'na yaka "Naangelyira," yawi'na yaka gamire sivilyaraaryaba walaraka kwadaai gilina. ²⁶ Kwadaai gilina kya' kir'i Pitai gaminyi yiri'bwa'na yaka widina "Aawa, sarebwi minna! Nitmi sahwainyi a'mwe gaveinyira." ²⁷ Widina yaka angevi wilina yaka Koniliyaazar'i kuna widaka dara wanganake' "O, a'mwe kwalaalya damwaaihava!" ²⁸ Sara daka widina "Juyainyi. Sarimi Menyaihilyira. Sahwaihi nayaara dara yawi'mwaava 'Juyaraavirebwi dinya'na "Menyaraav'i angyir'i'maata minnera! Sahwaraayaba tika munne maninnera!"' Dinkie'na kir'i Gotiyai dara nyijiwaa'niwa'di' 'Menyara Juyaraavirebwi myadi'saraavina "Gerera!" madinna! A'mwe yuyara kumi avaalyarerera.' ²⁹ Sara kanyijiwaainiwa'di' niminyi'na kudasawa'daavad'i yarai bweinyi. Sarevidaa'nyi yarai bena yiwaara'manige. Nitmi'nyi'na be'na widasiwa'daavadina?"

³⁰ Koniliyaazai widina "Mwa'niga tiri kilok'yagaa' Gotiyari' wi'jahaa' dhaaa'bisagaa' ninnya angevi Gotiyari' widiwa'de. Widadaazi, yithaa, a'mwei baazi'ma'nya wi'vitiratabisa' baazi'ma'nikei niminyaba daavaka ³¹ nyidiwa'di' 'Koniliyaazaig'i, gitmi Gotiyari' yagaala widadinya' Gotiyai kadika gu'niwaka. Ni'gwimaayaraavina yanga wi'jaavadinya' mena gyawi'deiginyi. ³² Sarevidaa'nyi Anga Jopana a'mwe pwai Saaimoni Pitai wo'nikerina duthaasa! Saalaalya maangebaari Saaimoni pwai bulimakaawoyangire kilaaka yavikaryadere angevi angyir'i'maata mwalaawaka sai.' ³³ Sara widina kanyiwa'di' yarai

widasiwa'daavade'na gitni biiwaa. Tewaanyasi. Kaimala! Su! Sarevidaa'nyi dava neminyaba Gotiyai mwaaidi'nyi Naangei gitihwaka yagaalya' kadika gu'naade'na yemwaaimanigo."

Pitare yagaalya'nesi.

³⁴ Pitai yarai widina "Mena nayaayaw i'mwa. Gotiyai yuyaraavivi avaaina wiadelyi Juyaraaviji pwaraaviji. Nebulyasi. ³⁵ Gotiyai ajimya yuyangiyi gazavasavakiyari nayaayaw i'delyira. A'mwe sai Gotiyarinna 'Tewaanyalyi. Naangelyi,' dada yida'maraangebwiyade'na Gotiyai maarina yivanikelyi. ³⁶ Gotiyai Yizirelyainaavivi nedasaabaka yagaalya yaw i'mwaava. Yagaala tewaanya sal din 'Kiraazitiyai Jizaazai tewaanna yaka Gotiyarinaji a'mweraavinaji kwaamu'nanyabwi waka!' Sahwai a'mwe yuyaraavire Naangelyira. ³⁷ Joni Bavitaaziya Yadei widakegaa'daasi Kwaaka Galilidaasi Kwaaka Juthiya yunebanne yagaala sal din 'nesa'na yaw i'mwaava. ³⁸ Jizaazai Naazaret mwaalyarina yaw i'mwaava. Gami nyi Gotiyai dahilakaka Kurya Tewaanyariji gannya diragi nyaviji wijaava! Wijaavaka gamiji Gotiyai mwaalake'na gazabazaba sahwai tewaanna yada Kayaa'nanyai Saataani kayaa'na wiadera tewaan-yaraavi wi'mwaaiha'. ³⁹ Sara yada Kwaaka Juthiya Anga Jeruzaalem yuya Jizaazai yake tinna wanganona yuyaraavivi wikalikurakadaanyaine. Yisaviri niliya wirameva karamake' balina. ⁴⁰ Mena balina kya' kirri' yirika daryaai dariki Gotiyai baryari yidikaavaka gamireinaayaba wijiwaaina!. ⁴¹ Yuyara gaminyi mwanganyi ye!. Aawa. Gotiyai nedahilakakeina wikalikurakya'ne gaveinaav nejiwaaina!. Bainikeraayaw Naangei kadikaava! gamiji aalya nona gamiji wapaaya noinera.

⁴² Diraginna widina neyal 'Nimire yagaala tewaanya' a'mweraavivi duzila! Dara neb-wina duzalikurakyila! "Gotiyai Jizaazar dahilaka!. A'mwera mwaaihasaraavinaji a'mwera mena bainikeraavinaji kotiya' yawibwaryaner i wi'mwaaiha' Gotiyai." Sara neda!. ⁴³ Nabaai, Gotiyari wi'nawijiwakyaasara gaminyina jalikurakinikelyi. Sahwarina dara yida'nikesi. Gazaizai sahwari ku'noji Gotiyai gamire kayaa'nanyang marasi'nadelyi. Sahwarine yayavina marasi'nya'nebwi maaradelyira."

Menyara Kurya Tewaanyari maaresa'nesi.

⁴⁴ Pitai kuna widadaasi Kurya Tewaanyai yuyara yagaala sal kadika wi'nesaraavivi walaabina yaka kumire munyikaavivi wi'lamwaaina. ⁴⁵ Wi'na wi'lamwaaina kya' Anga Jopadaasara Juyara Jizaazar lwmwadivisara dara wanganesa! "O, Gotiyai gannya Kurya Tewaanyari ajimya yuyangiyaraavivina yanga mena duzaawaka!" Sara deva ni'ni'ka yina ye!. ⁴⁶ Sare' dare'nesi. Menyara yagaala ge ge widiva Gotiyari yilaaya yina yadiivivi widina "Gotiyai diragi naangelyi." Widina kye' ni'ni'ka yina ye!. ⁴⁷ Ni'ni'ka yina kye' Pitai widina "Kurya Tewaanyai neminyi wi'lanemwaalakabaaibi' dahwaraavivi Kuryai wi'lamwaaimwa!. Sare'na pwara 'Aalyavivi bavitaaziya myaan-nera!' dinipinera daaka! ⁴⁸ Aawa, kumi nyi Jizaazar yaya'na bavitaaziya jila!" Widina kya' sara kye' sahvara Pitari widina "Yirika piniji neminyaba angyirri'maata ja!" Menyara sara widina kye' saba angyirri'maata ya!.

11

Anga Jeruzaalem Pitai a'mwera Kiraazitiyare kusilaanyaviyaraavivi wijiwaakake'nesi.

¹ Widaaasaderaj kuya'mwera Kwaaka Juthiya yuneba mwaalyaraj dara wi'nesa! "Ajimya yuyangiyara Gotiyare yagaala wi'neva dalimwagakava!" ² Mi'na kade' Jeruzaalemna Pitai yilaawina kya' kilakevi da'divisara Juyaraavirebwi diraginna yadiivisara maanga wide! ³ "A'mwera kilakevi madayadivisaraavivi angyirri'maata yawa'dinyaiginyi. Nabaai, sahwaraj wapaaya niwa'daasaiginyi. Be'na yawaana!" ⁴ Sara kude' Pitai aayawiдаasi sara yake' sara wijiwaaka!. ⁵ Dara wijiwaaka!

"Anga Jopa mwaalena Gotiyari wiðena a'mabaaitinna wanganyawalyaade. Yi daresi. Gotiyareba mwaalyara kwaabiyivita naangevaki dawaai dawaalyangti limwageva Sigunyavidaa'nyi niminyabanna makwalaabina yawalyaadaasa' wanganyawalyaade. ⁶ Makwalaabina kyawalyaadaa' kwaabiyivita kusawi malakayaawaryarajt yikuriyaawiarajt kamaalyarajt yuta yihusavinerajt gera gerajt wiłamwaaidapi nayaa yiwaryawalyaade. ⁷ Mena wanganena maanguraaya' wi'nyawalyaade. Pitai, diðhaaka! Saraavt tama'gizi yarai dinana! ⁸ Sara wi'nena wiðina 'Naangeigti, arikawinyira. Miwita kimaaka aane pirti' girkita'nanya aane kiri' manyadinyaainyi.' ⁹ Wiðina kyawalyaade Sigunyavidaa'nyi maanguraaya sa' ja'nanyijawalyaadit 'Yuya Gotiyai tewaanya wakiwake "Kayaan'nyangira," madinntera!' ¹⁰ Kanyijawalyaadit pigasaai pigaa' sara kadinyawalyaadoi Sigunyavi ayina makilaawina yawalyaadaasa' wanganyawalyaade. ¹¹ Tinna wangadaazi yithaanyi, niminyawinna a'mwe daraai dalyaraavt Sizaariya mwaalyai wiðasawalyaadikera angevit wiłamwalyawalyaadevena yitmayawalyaadaa'. ¹² Gotiyare Kuryai nyijawalyaadit 'Simunya myawidinntera! Sarajt diwona!' Mi'na kanyijawalyaadit Anga Jopana neya'mwera a'mwe atina ata puridaasi pwalyara mwaaihasarajt wiawalyaade. Kaanna kaanna kaanna a'mwe sare angevit wiłina yawa'do. ¹³ Wiłina kyawa'do sahwai nedawa'dit 'Nimi' dara wangamwa'de' "Ai, nimire angevit Gotiyare mamaayai davuladaavika!" Kadawa'de ejeliyai nyidawa'dit "Anga Jopana duthaasa! 'Saaimonit Pitai wo'nikerina yarai diðmaaryila!' ¹⁴ Davanna bozi yihithathera. Yagaala sa' Gotiyai gimiiji gimiijiyarajt saihire kayaa'nanya marasi'nojti yihivadaihasamaaradeihilyira," nyidawa'dit ejeliyai, a'mwe sai sara nyidawa'dit. ¹⁵ Nimi Gotiyare yagaala gaai wiðadaari Kurya Tewaanyai walaabaka kumire munyikaavi bulamwaaimwa'dit sinnawi nemire munyikaavi bulanemwaalakabaaibi'. ¹⁶ Sara wanganena dara yawimwa'de 'Naangei Jizaazai neda' "Jonit aalyavt bavitaaziya yake' kiri' sariminyi munyikaavi yunebanna Gotiyare Kuryai wiłayihimwaaladeihilyira." Naangei sara nedake' sara yawimwa'de. ¹⁷ Sinnawi Naangei Kiraazitiyai Jizaazarit limwagohaa' Gotiyai gannya Kuryari nejaavakabaai sara Menyaraavt avaainanya' wiðaawa'dit. Sa'na yawi'na 'Sarevidaa'nyi Gotiyari be'na tihi'muneinyaka! Aawa. A'mweinyira.' Sara yawirena kaanya' marihrye," wida'. ¹⁸ Sahwara Pitari sara wi'neva "Yagaala wikira," deva maanga aaya' wiðesa' majara Gotiyari byaannyabwina yileyagaala wiðeva dina "Nebulya", Gotiyai ajimya yuyangiyaraavina kale wiwaka. Kumire simunyabwi mudikeburit kyawiramaarapiri Gotiyai gaalyaburit tewaanna wi'mwaaihina yaderera. Tewaanna wi'mwaaihina neyadevaabi' sahwaraavt tewaanna yaderera."

Angaba Aadiyoki Gotiyarerera mwaalesa'nesira.

¹⁹ Sitivenimi tamakesagaa' Jizaazare yagaala wi'nadivisaraavt kayaa'na yadivit' piwinna piwinna yiwinama'na. Piwinna piwinna yiwinama'na yadivit' pwara Kwaaka Pinizitya menyabanna yi'mavaawina, pwara Ahu'manna Saaipiraazi menyabanna yi'mavaawina, pwara Angeba Aadiyokt menyabanna yi'mavaawina yeva Juya gaveraavt Gotiyare yagaala wiðeva a'mwe kwara pwaraavt mujina. ²⁰ Sara muji' kye' pwara Saaipiraazi mwaalyarajt Saairini mwaalyarajt sara Aadiyokina waweva Menyaraavijt yagaala tewaanya' Naanga Jizaazarina wiñiwaake!. ²¹ Sara wiñiwakadaapijt Naangei gannya diraginya' kujaava' a'mwe kwalaalyara a'mwe kwalaalya sahwarit limwanna, gaminyi ginyima'nyina, midinna ye'!

²² Jeruzaalemi Jizaazare kusilaanyavyara kadika dara wi'nesa! "Ai, Menyara Jizaazarit wi'nadivisara daaka!" Sara deva Aadiyokina Baanavaazarit wiðaasina ye!. ²³ Wiðaasina kye' Baanavaazai Aadiyokina yi'mavaawina yaka dara wanganake! "Su! Su! Gotiyai a'mwe tewaanyaraavt damwaaihivanika!" Sara daka yilaaya ya!. Yilaaya

yaka yivaimwange'na wida! "Gotiyare yagaalya! nayaa jawika! Gamirebwi nayaa dilimwana! Yuyagaa! Naangeryawi dimwaala!" ²⁴ Sara widakei a'mwe tewaanyalyi. Gotiyare Kuryai gamire simunyav i diraginna wilamwaalakelyi. Naangeri diraginna limwadei wijiwaakada a'mwe kwala naangeri midine!

²⁵ Sagaa! "Solimi biramaarima!" daka Baanavaazai Angeba Taazazina wina ya!. ²⁶ Mi'na wina yaka biramaa'na yaka Aadiyokina ayahi makabina ya!. Makabina kya' kwarame piri' kwavilava' saraai kusilaanyaviyaraj mwaalagila a'mwe kwalaalyaraavi wijiwaakina yagi. Wijiwaakina yadaakiy Aadiyoki saba pwara Jizaazar mididivisaraavina "Kiraazitiyarera," gaai widine ye!. Dividaasi pwara neminyina "Kiraazitiyarera," dadiviki.

²⁷ Yirika sarikaavi Aadiyoki sawinna Jeruzaalemidaasara Gotiyari wi'nawijiwaakadivisara bina ye!. ²⁸ Wi'na bina kye' pwai Aahavaazai wo'nikei daavina yaka Gotiyare Kuryai diraginya wijaavakei wida! "Divi Kwaaka yuyavaki mijika naange yima'nadesira." Sara widake divi A'mwe Kilothyaazai Romiyaraav maremwaalakegaa' mijika yima'nyina yakesi. ²⁹ Mididivisara Aadiyoki mwaalyara yagaala sa' wi'neva dinya'na ye! "Nemireba wikira. Pwaraav wigaimwagaana! Kwaaka Juthya mwaalyara neya'mwera mijika nuyadika! Nem gilyivikiravinateina nigwia naanga wijavaana! Gilyivita maalikajyaina nigwia maalika wijavaana!" ³⁰ Sara dinya'na yeva nigwia wakina yeva Baanavaazaly Solij saraari wide! "Nigwia da mijike'na Kiraazitiyareraavire naangeraayawinna dimakwila Jeruzaaleminna!" wide!.

12

Erotiyai pwai kayaa'na yake'nesi.

¹ Sagaa! Kingiya Erotyai Kiraazitiyare kusilaanyav i pwaraavi kayaa'na yina ya!. ² Erotyai gannya awilasaraavi widaasina kya' Jemizai Jonimi gya'mweri kwaari'masiraminyasi dawakina ye!. ³ Erotyai sara yaka dara wanganake! "Ai, savine' Juyara yillaaya jivaniga!" ⁴ Sara daka nabai Munne Girikula liwinya pamidakina myadehaa! Pitari wila pwiyina ya!. Mi'na pwiyina yaka kalavuzangevi wimwaaihina yaka dameraavi wida! "Li ka nawodika! Sinnawi a'mwe daraai daraalyaihi divaihanaryila! Divi daraai daraalyaihi divaihanaryila! Divi pwaihi sara jila! Divi pwaihi sara jila! Yuyagaa! sana sana jideihilyira." Erotyai dara yawira! "Pari'ma'munne' mena kyawaaji balya'na Juyaraayaba wimwaaihima Pitari!" ⁵ Sarevidaa'nyi kalavuzangevi Pitai mwaaidi'nyi Kiraazitiyare kusilaanyav i yara Gotiyari yagaala diraginna wide! Pitari.

Kalavuzangeviidaasai Pitai wawake'nesi.

⁶ Munne aaya' yima'nadaa'nyi Erotyai yawi'na "Mwanyagaa! Pitari kotiya' yidera." Sara yawi'na kya' sagaa' sawisavi Pitari seniyabaraalyi wila pwiyina yagi se warina yadisi dameraai kwaryaba mwaalina. Kwaryaba mwaalina yadakilyi kalavuzangeviire kaanyav dame pwaraai daavina yagi. ⁷ Daavina kyagi, yithaa, angevi Naangere mamaayai buladaa'na yakega! baake! wanniyina ya!. Wannyina kya' ejeliyi "Dikaavana!" daka Pitare egwevi tamina yaka wida! "Yarai, dithikaaka!" Sara kuda' seniyabaraai Pitare asiraaridaasi bwalaraawina ya!. ⁸ Bwalaraawina kya' mamaayai wida! "Munnaanya' padathivaina'gizi kwaabizivila divaazi'makuna!" Sara kuda' Pitai sara yina kya' wida! "Ginnya yivisa' marabwaaya'gizi dinya'midinaama!" ⁹ Kuda' kalavuzangeviidaasi Pitai midinaabina ya!. Midinaabina yakega! Pitai dina ya! "Nebwina mika. Mamaayai yivanike'na waja ya'nivanige." ¹⁰ Sara dadaa'nyi kalavuzikurita gavinyawaari wavila'na yagi kwaari'makaanyavina yima'na kyagi kaanya' gami sa' kabaasina' mwasawinna

walyuna yagi. Mwasawinna walyuna yagila tuta piriwodisagaa' yithaa, mamaayai Pitaryawiadaa'nyi yimaanyina ya!

¹¹ Sagaa' Pitai yawiraka din "Nebulya'nanyasira. Naangei gannya ejeliyar kudasawaabi' Erotiyare kalavuzangeviadaa'nyi nyimaa'mwaka. Juyarajt Erotiyalyi saraavire kayaa'nanya' niminyina myima'nyi yadesi."

¹² Nayaa yawi'na yakegaa' Maakiyai Jonimire ganaange' Maaruyaavire angewinna wiina ya!. Anga savi a'mwe kwalaalya mwaaleva Pitarina Gotiyari yagaala widesangira. ¹³ Pitai wiina yaka kaanyav mal tamina kya' widaayade' Rotha' wo'nike' wi'naka "Kaanya baasima!" daka walyuna ya!. ¹⁴ Mi'na walyuna yaka Pitare maanguraaya' wi'naka yilaaya naanga yina yaka navika yada kaanya' mabaasi yaka ayina kaanyave'na wiilaabina yaka wida! "Mwasawi Pitai daavika." ¹⁵ Pwara wide! "Gimire simunya kayaa'nanaangesira," Taaya! wida! "A'a. Nebulya'na mena biwaka." Pwara wide! "Pitai mamwaalyi'. Gamire ejeliyai mwaali!." ¹⁶ Didaapi Pitai kaanyav mal kuna tamina ya!. Tadaa'nyi kaanyav baasina yeva Pitari wanganeva atika maru'na'na ye!. ¹⁷ Atika maru'na'na kye! Pitai daka "Kadika nyu'nipika!" gannya asa' bamakilaawina kya' yagaala mi'na kude! Pitai wijiwaakina "Naangei kalavuzangevi nyimaa'mwa!." Sana sana wijiwaakina yina yaka wida! "Yagaala da! Jemizarijt neya'mwe pwaraavijt duzila!" Mi'na widaka mwasawi walyuna yaka piwinna wiina ya!

¹⁸ Mwanyagaa' nyila bilyiri'daa'nyi damera dara wanganesa! "Akai, Pitai mamwaalyijika!" Sara deva lika yeva atika maru'na'na yeva dinya'na ye! "Pitai gawi mwaalika?" ¹⁹ Sara dinya'na kye! Erotiyai wida! "Yarai diviramaarila!" Wi'na kuda' birina birina yeva aawa. Mamaari kye! Erotiyai dameraavi kotiya' yaka saraavina wida! "Kayaa'na ywaasara baibi'derera." Sara kuda! yuyaraavi tamakina ye!

Sagaa' Erotiyai Kwaaka Juthiya ya'ma'na yaka Anga Sizaariyana walaawiina yaka mwaalina ya!

Erotiyai balake'nesi

²⁰ Anga Taayaa mwaalyaraavinaji Saithoni mwaalyaraavinaji pibwina Erotiyare sinna tika naanga wida'daa'nyi sahwara dinya'na ye! "Neminyina Erotiyari sinna tika wida'manike'na gamirebadaasa tika wapaaya gara mubaatheinaavaka? Erotiyaryawinna wawaaji narya' wakaana!" Dinya'na yeva kaanna waweva a'mwe Bilaazitazai Erotiyare angevi maremwaaderi wida'na kye! Bilaazitazai ye'mwanna ya!. Ye'mwanna kya' yuyara Erotiyaryawinna wiina yeva wida!. Kude! Erotiyai wida'na ya! "Pigaa' yinagaavaihagaa' yihithideinyi."

²¹ Sagaa' Erotiyai widaegaa' kyima'na' kingiyaraavire baazi'ma'nya nawi'nyasi yivita nawi'nyasi bwaayaka namwaalyita tewaanyav walamaalaka a'mweraavi kiwinya naanga wida'na ya!. ²² Mi'na wida'na kya' a'mwera jaka wida! "Nedivanikei a'mwei mi'ka! Gotiya pwalyira." ²³ Sara jaka kude! jaahwasa'bii! Erotiyai yilaaya yaka yawi'na "Nimi Gotiyaibisainyi," yawi'na ya!. "Sabwi mipinera! A'mweihi Gotiyai gaveri byaannakeri yilaaya dumaryila!" sara majarina Naangere mamaayai yarai walaabina yaka Erotiyari tamina ya!. Tamina kya' gumilikera Erotiyare kilakejiki nyina kye! Erotiyai balina ya!

²⁴ Kiri! Naangere yagaala piwinna piwnna kujawaake! a'mwe kwalaalyarajt a'mwe kwalaalyajt sahwari limwanna ye!

²⁵ Baanavaazalyi Soliji saraari dahilakeva yaasesa'nesi.

¹ Aadiyoki mwaalyara Kiraazitiyare kusilaanyaviya pwara Gotiyari wi'navijawaakadivsara. Pwara Gotiyare yagaala wijiwaakadivsarera. Sahwara pwai Baanavaazai, pwai Simyon Dikwaagilyai, pwai Luzyaazai Anga Saairini mwaalyai, pwai Maanayan malikelyyagaa! Naanga Erotiyalyi mwaalagilyai, pwai Soli. ² Sahwara kamwaale! Kiraazitiyarera yikabeva wapaaya manyara Gotiyari yagaala widadadaapiji Kuryai Tewaanyai wida! "Wawinya mudike! saraai yika!" dena yihithivanige. Nimiinyine Baanavaazalyi Soliji saraari kadahilakapiji yikaderaalyi." ³ Sara kuda! wapaaya kuna manyeva Gotiyari wida "Sahwaraai yikadesira," deva saraare miyaginyawaar ata dathiwanna yeva widaasina ye!

Ahu'manna Saaipiraazi sawinnesi.

⁴ Sarevidaa'nyi Gotiyare Kuryai widaasina kya! Baanavaazalyi Soliji saraai Anga Seluziyana kaanna walyuna yagi sipyav i lamwaaina kyagi Ahu'manna Saaipiraazina sipyia! makuna ya!. ⁵ Makuna kya! Anga Saalamizina yi'mavaawina yagi Juyaraavire lotuangengi Gotiyare yagaala wijiwaakina yagi. Saraare widaayadei Maakiyai Joni wigaimwagakelyi saraalyi kaanya yamarye!

⁶ Ahu'manna savi yuneba wjalotaveva Anga Paipozi na yi'mavaawina ye!. Saba Juyai mwaalina. Baajizaazai wo'nikei mwaalina yakelyi. A'mwe sai giri'nyajj kwalyajj yunebanna limwagarikelyira. "Nimi Gotiyari wi'na'mujj yagaala tewaanna yihiziwaakadinyainyi," kwaasi dadei mwaalina yakelyira.

⁷ Ahu'manna savi maremwaaiidei Ga'maaniyaryaba Baajizaazai mwaalina. Maremwaaiidei Seziyaazai Polaazai wo'nikei sidu'nakelyira. Sidu'nakei "Gotiyare yagaalya! kadika wi'ni'ma!" daka Baanavaazalyi Soliji saraarin widaasabina ya!. ⁸ Widasaabina kya! saraai wilamwaaina kyagi Kulakei Baajizaazai saraar birala yina yaka a'mwe naangeri wida! "Jizaazareburine yagaalya! mu'ninnna!" Kulaka sai Girkiyagaala yaya! Elimaaazai wo'nikelyi. ⁹ Girkiyagaala Solimina yaya! Poli wo'nikelyi. Elimaaazai kayaa'na kuda! Kurya Tewaanyai Polimi yunebanna wilamwaaida gannya diraginyasi yawita tewaanyasi sahwari wijaavina kya! Poli kulakeri baihana'na yaka ¹⁰ wida! "Kotiya Maryadere kaimiraayaigi, yuya yida'maraangebwina yikamaangeiginyi. Kwaasi yagaalyasi kayaa'nanaangebulyi sazangi gyakwalaangeiginyi. 'Naangere yagaala tewaanyavina kwaasi yagaala yima'nana!' dad'i kayaa'nanyabwina mamarasi nyi be'na jitheiginaka? ¹¹ Yithaa, dhaasagaa! Gotiyare asa! diraginna giramana! Tibinyaigi yima'na'gizi nyiliyarit inna mwanganyi jitheiginyi. Dividaasi dangadeiginyi." Sara widaina kya! Elimaaazare tinnyaraari yiraayasi jihinyasi jaahwasa'bii bwalaraawina kya! tinna mwanganyi ya!. Tinna mwanganyi yaka "Pwai nimire asiri nyilimwagozi nyibwaramakwona!" daka kaanna kaanna yamarina ya!. ¹² Kaanna kaanna yamaryina yadaa'nyi maremwaaiidei diraginya! tinna wanganna yaka Poli Naangere yagaala wijiwaakake'na n'i'ka yaka Kiraazitiyari limwanna ya!.

Kwaaka Pizithiya Anga Aadiyoki sawinnesi.

¹³ Poliji gamijiyaraalyi Anga Paipozi ya'ma'na yeva sipyav kaanna waweva kwaaka piva! Paabillya Anga Peahaana yi'mavaawina ye!. Yi'mavaawina kye! Maakiyai Joni kirimi nyi yagalya'mavaka Jeruzaalemina ayina wina ya!. ¹⁴ Ayina wina kya! pwaraai Peahaadaasi Anga Aadiyoki Kwaaka Pizithiya mannikkebanna kaanna wina yagi Kwazaakegaa! Juyaraavire lotuangevi wilina yagi walamaaaine yagi. ¹⁵ Walamwaaina kyagi Kiwin Ne Mozizai yavikarinikeviji Piropetiyara Gotiyari wi'navijiwakyaasara yavikarinikeviji tinna wanganna yadiyi yagaala sa widaina ye!. Widina kye! lotuangevi maremwaaidivita naangera Polimi yagaala widaase! "Neya'mweraaihi neminyine yagaala yivaimwagya'ne' waraja! a'mweraav dujawaakyila!" ¹⁶ Sara kudaase! Poli daavaka asa! makilaka

wida' "Nya'mweihi, Yizireliyahiliyi Menyaihi Gotiyari yilaaya maryadivisaihiliyi sahi di'nyu'nyila! Gotiyai Yizireliyainaavire Gotiyalyira. ¹⁷ Gotiyai nemire Ne sinnawinyaraavii dahilaka Kwaaka Yizipi Mwaalyaraavireba Menyaraavireba mwalyaata Yizireliyara kwala naanga wimwaihyaa! Gotiyai. Diraginna yaka Yizipidaasi Gotiyai Ne sinnawinyaraavii makabina kya! ¹⁸ a'mwamaayaba kwarame a'mweraare atiziviliraalya wavila'daa'nyi kumi sara kayaa'na yadaapiji Gotiyari kale wia!. ¹⁹ Kale kwia' Kwaaka Kenaani anga naanga pimaginya atina ata puridaasi pwaraalya yirawaasina yaka kumire kwaaka yanga wijaavina kya' kwaakevi kwiyakwara kwarame naanga naanga 450 mwaale!. ²⁰ Sagaa' a'mweraavina sidu'nakera yagaala yawibwa'divisaraavii dahilakaka dahilakaka kadahilaka' Gotiyari wi'nawijwaakadei Saamyiweli mwaalina ya!. ²¹ Mwaalina yadi'nyi a'mwera Gotiyari wide' 'Neminyine Kingiyai nemaremwaaladeri dineaama!' Sara kude' Gotiyai Kiziyare gawaalivaangei, Ne sinnawinya Bejaminimirei, Solimi wijaavina kya' kwarame 40 wavila'daa'nyi Soli kingiyai maremwaaina. ²² Maremwaaina kya' divi Gotiyai sari wasi'nyina yaka Kingiyai Devitimi wimwaanihina ya!. Sahwarina Gotiyai wida' 'Deviti, nimire simunyavinei Jeziyare gawaalivi yilaaya wimariwelyira. Nimi simunyavii widadaari gamizai yadelyira.' ²³ Sara widaka pigaa' Devitimi wida' 'Divi Diraginya Yizireliyahire kayaa'nanya marasi'nadelyira.' Yune naanga nebulya'na widaka savine'na Naanga Devitimirei Jizaazai nevadaihasamaa'deri Yizireliyainaavina diraginna wimwaanihina ya' Gotiyai. ²⁴ Sinnawi Jizaazai mabyaha! Joni Bavitaaziya Yadei Yizireliyaraavii wi'jijaaka! 'Ginnya kayaa'nanya minnera! Gotiyarinajigamireburinajisimunya mudikebwi nayaa kyawiramaara'gizi bavitaaziya gyideiginya.' ²⁵ Joni gannya wawinya' aaya yakegaa' a'mweraavii wida' 'Sarimire yawisa'na bewainyaka? Yemwaaihata sainyi sahwainyi mik! Aawa. Yithaanyi, sahwai yarai bathelyi. Nimi a'mwe maalikeinyina gamire kwaabizivilyawaari myaari yideinyi. Savina maalikeinyi balideinyi dingaka?' wida' Joni.

²⁶ Nimi'reihi, Eviraamijiyaihiliyi Menyaihi Gotiyari yilaaya maryadivisaihiliyi sahi, neminyina Gotiyai wijaake', a'mwe pwai nevadaihasamaaraderine yagaalya' neminyinesi. ²⁷ Sare dare'nesi. A'mwe sarina Jeruzaalem mwaalyarajigumire naangerajigmyawiri ye!. 'Sahwai pwainaavire kayaa'nanyanna nevadaihasamaaradelyi,' myawiri yeva, nabaii, Kwazaakegaa' yuyagaa' Gotiyari wi'nawijwaakadivisaraavire yagaapijkarya tinna wanganeva kirif' myawiri ye!. Yagaala sa' yida'nike'na myawiresara sahwari jida'na kye' yunebanna nebulya'na yima'naka Piropetiyaraavire yagaala sa!. ²⁸ Kumire yawita 'Gamire kayaa'nanyabwi biramarawaajigtamakaana!' yawireva birina birina yeva aawa. Mabiramaari yeva Paailatimi yaasiwa'na wide' 'Yisaviri tamakya'na sahwari niliya dirama!'

²⁹ Sahwarina Gotiyare bukuya' yuya yida'nike sara wina kye' sai balina kya' yisavidaasi makwalaabeva simaangevi wakina ye!. ³⁰ Sara wakina kye' bainkeraayabadaa'nyi Gotiyai ayina yidikaava' baryari. ³¹ Yidika'a'na kya' yirika kwalaalya Galilidaasara sahwalyi Jeruzaaleminna yilaawina yesara sahwari nayaa tinna wanganna ye!. Nayaa tinna wanganna yesara dahaa' sarina a'mweraavii wikalikurakadivisare. ³²⁻³³ Nabaii, naarimi yagaala tewaanya' yihithivanigoi. Gotiyai Ne sinnawinyaraavii yune naanga nebulya'na wijaake' Jizaazar yidikaavake' dhaasagaa' neminyina, sinnawinyaraavireinaavina ya' Gotiyai. Savine'na Gotiyare bukuyavi Saamiya daraari Gotiyai yida'nikabaaibisast.

Gimi nyibwaalivaangeig
Daha'a diraginya gizaaweig
A'mwera yawi'na gyipi'deig
Gotiyainyi gimaamaangeinyi.

³⁴ Bainikeraayawi sahwari yidikaavake'na yuyagaa' ayina mabalyi yoji bwia maburi yaderina Gotiyai wida'

'Davit ligmwaga'deri diraginna widahe

Yuya tewaanyi giri'maaya gizaavima'

³⁵ Sarevi nabaai, Saamiya piri'i yida'ni! 'Widaayade nawi'nyari giri'maayar tewaanna kamaremwaala'gizi sai bwia maburi yadelyira.' ³⁶ Sare' dare'nesi. Devitimi'na yawi'mwo. Mwalyaakegaa' Gotiyare simunya yawsaburi midinaka kabala' sinnawinyaraavire wakyaba kwake' gamire kilaakeji' bwia burake' sara yawi'mwo.

³⁷ Devit bwia kabura' kiri' Gotiyai yidikaavakei dikaavaka Naangei bwia maburya'.

³⁸ Sarevidaa'nyi nya'mweihi, dara jawiryide! "O, a'mwe dai nemire kayaa'nanyabwi marasi'nakelyi," saraai danedivanigila! Jizaazai diraginya wida'waabi'kei daaka!

³⁹ Ne Mozizare kiwinya gimirre kayaa'nanya mamarasi'nyi yinike' kiri' gazaigzaig a'mwe dari ku'nalimwaga'gizi yuya marasi'nadelyira. A'mwe yida'maraangeiginyi gimwaaishadelyira. ⁴⁰ Sarevidaa'nyi mala nayaa jiwannana! Gotiyare bukuyav wida'navijiwakyaasa' gimirryina nyima'nadika! Dara wija'

⁴¹ 'Yithaanyi, birala yadi'saihi wanganapi divalyide

Mwaaidapiji'yagaa' nimire wawinya naange' yivanige'nanyi.

Kwai nayaa yihiziwaakaja' kiri' mu'nalimwagi jideihilyi.'

Pol sara wida'na ya'.

⁴² Lotuangevidaasi Poliji Baanavaazalyi walyuna yadaakilyi a'mwera wide! "Kwazaakegaa' pigaa' yagalaawakilyi nedawaala yagaala pinijji dnejideihilyira."

⁴³ Widina kye' mwasawinna a'mwera walyabina kye' Juya pwaraji Menyara Ju-yaraavrebwi yadi'vita pwaraji sara "Polimire yagaalya' tewaanyasi," deva Polimiji Baanavaazariji kaanna midinna ye'. Apozeliyaraai "Diraginna mwaabitka!" dahila diraginya yivaimwange'na wida'na yagi "Gotiyari limwamanigasaihi dara jawirila 'Gotiyai gannya yanga gaimwangebur tewaanna kuna nemaremwaaladelyira.' "

⁴⁴ Divi Kwazaaka piri'i angeba mwaalyara kwala bwa'naanya naangevaakiyara "Pol Gotiyare yagaala nedadaawori kadika wida'naana!" deva Lotuangevi yikabina yina ye!

⁴⁵ Yikabina yina kye' Juyara pwara kwala bwa'naanyangit inna wanganna kye' jikurya yina yeva wide' "Pol nedivanike' kayaa'nanaangesi." Widerva Polimi birala yina ye!

⁴⁶ Birala yina kye' Poliji Baanavaazalyi lika myagila diraginna widaahi "Juyahi, Gotiyai nehittha! Sinnawi Juyaraavi yagaala da' duziwaakyi!"

Sara kanehittha' sinnawi Gotiyare yagaalya' kyihithiwa'doi 'Aalo,' dneva 'Yuyagaa' nemire kuryara tewaanna mamwaabitnera!' navika kyawi'mwaa' sariminyi yagalya'ma'na yakwoihiji ajimya yuyangiyaraavi wida'kadeinaalyira.

⁴⁷ Sare' dare'nesi. Gotiyai kiwinya neja'

'Ajimya yuyangiyaraavine baakeigi gimirwaaishawa.

Kwaaka yunewinyaraavine padaihasamaasabwi dimakwona'

Yuyara gimirryina tewaanna mwaabitdera.'

⁴⁸ Sara wida'na kya' ajimya yuyangiyara yilaaya yeva "Naangere yagaala sa' tewaanyasi," dinryina kye' Gotiyai "Sahwara tewaanyara yima'nipika!" dahilakyaakera Naangeri limwanna ye'.

⁴⁹ Kwaaka saba yunebanna Naangere yagaalya' divina ye!

⁵⁰ Divina kye' kiri' Juyara Menya naange Lotuangevi wodivisangiji Anga mwaalyara naangeraaviji wihiwaakina kye' Polimiji Baanavaazariji kayaa'na yeva kunnya kwaakevidaasi widaasina ye!

⁵¹ Widaasina kye' Apozeliyaraai a'mweraav kumire kayaa'nanyabwi wihiwaainya'na tarya sivilyangti wa'di'nyiya purakirasinagila Anga Aadiyokidaasi Anga Aaikoniyaamina wina yagi.

⁵² Aadiyoki mwaalyara Naangeri mididivisara Gotiyare yagaala nayaa limwanna yadi'vi' yilaaya yadi'vi' kumire munyikaav Kuryai Tewaanyai wlamwaaidera diraginna mwaalina ye'.

14

Anga Aaikoninyaami sabannes.

¹ Aadiyokti Politi Baanavaazalyi sara yagiyla' Anga Aaikoninyaami ayina yagi. Juyaraavire Lotuangevi wilina yagiila tewaanna wijiwaakina kyagi Juya pwarajti Girkiya pwarajti kwala bwa'naanya naange' wi'nalimwanna ye'. ² Wi'nalimwanna kye' kiri' Juya pwara malimwagi yevera kwaasi kude' ajimya yuyangiyi pwaraavti nedaa'negwaaravaavina sinna ti ka davina wia!. ³ Sinna ti ka wida'daa'nyi sareviada'nyi naangegaa' Aaikoninyaami saraai mwaalina yagiila lika mi yagiila Naangerina diraginna wida'na yagi. Diraginna wida'na kyagi Gotiyai yawi'na "A'mwera nayaayawipika! 'Gotiyareraai 'Gotiyai yange'na tewaanna yihigaimwagathe'nanyi," nejalikurakivanigiyi nebulyasi, sara yawipika!" Gotiyai daka gannya diraginya' wi'jaavina kya' saraai wijiwaainya tewaanyaji atika maru'nasajti yina yagi. ⁴ Sara tewaanna yina kyagi Angeba mwaalyara jaapaina yesa' pwara widaasaderaarinna gaidaa'na yesa' pwara Juyaraavti gaimwanna ye'!

⁵ Divi ajimya yuyangiyarajti Juyarajti kunnya a'mwe naangerajti dinya'na ye' "A'mwe saraari kayaa'na yawaaji siyajti liwakaana!" ⁶ Dinya'na kye' sa'na Widaasaderaai kadika wi'nyina yagiila Anga Litzitiraaji Anga Devijti Kwaaka Likiyoniyi mannikebanyaalyi kwaaka avaalyavti angengiji likaanya wina yagi. ⁷ Likaanya wina yagiila yagaala tewaanya' wijiwaakina yagi.

Anga Litzitiraa sabannes.

⁸ Anga Litzitiraa a'mwei sivilyiraai bainkei mwaalina ya!. Sai mudangegaa' ganaange' sivila kayaa'nanyari kamaara' yuyagaa' kaanya myamaryadei mwaalina ya!. ⁹ Mwaalina yakei Polimire yagaalya' kadika wi'nyina ya!. Kadika wi'nyina kya' Poli dara wanganake! "A'mwe sai Naangeri mena wi'nalimwamwaka savine'na Gotiyai a'mwe tewaanyari wi'mwaaihathei daaka!" Daka baihana'na yaka ¹⁰ naanna wida' "Sivilyi dithaaka!" Mi'na kuda' a'mwei yarai yiladikwosi'naka saba kaanya yamarina ya!. ¹¹ Kaanya yamaryadaa'nyi kwala bwa'naanya Poli yakevit tinnna wanganeva kunnya Likiyoniyagaalyavti jaka dinya'na ye' "Gotiyara mwaaihasaraavidaasi daraai a'mweraaibisaraai neminyawinna waimanaabihile!" ¹² Jaka dinya'na yeva kumire gotiyaraare yaya' Baanavaazariti Polimijti yaya wida'. Baanavaazarina Suzai wida'eva Polimina yagaala widaaderina Emizai wida' yaya!. ¹³ Sara kude' Suzare yileanga angeba maangebaari madakevidaasi Suzare yileanga maremwaaiide bulimakaawoyaraavijti puriryangijti adikuryabanna makwalyuna ya!. Maremwaaiide saliyi kwala bwa'naanyajti yawi'na "Bulimakaawoyaraavi tamawaajti gotiyaraari yikunaabudike'na wijavaana!" ¹⁴ Sara yawi'na kye' savina Baanavaazalyi Politi saraai wi'nyina yagiila "Sabwi kayaa'nanaangebuliyi," dahila kirinnya baazi'ma'nyawaari lihivaina yagiila kwala bwa'naanyavti tinnnyawinna kaanyave'na wina yagiila ¹⁵ jaka widahi "A'mweihi, sabwi baa'na yivanigava! Naarimi a'mweinaalyira. Sarimibisainaalyira. Yagaala tewaanya' yihizawaakya'na biwolyainaalyira. Yihithivanigoi. Waryaanya da marasi'napi Gotiya nebulyai yuyagaa' yuyagaa' mwalibainya'neri duziла! Gotiya nebulyai sigunyas Kwaakevasi saalaalyajti yuya sangi mwaaidivisajti wakyaakelyira Gotiyai. ¹⁶ Kigaasi a'mwe ajimya yuyangiyara kunnyabwi yadi'vi' Gotiyai wanganakina yaka 'Daha'a' a'mwera kunnyabwi yagalya'mavapi nimirebwi yipika!' da!. ¹⁷ Kigaasi dahaasi yuna lika yulya'na myada yuyagaa' sariminyina tewaanna yadelyira. Sigunyavidaasi burika yihizaavaka ti ka munne tewaanya yiriya'ne wakivani'. Wapaaya sarimire munyikaavina yihizaavanike'na munya yihidaasi sarimire siduta yilaaya yivanigasaihilyi. Yuya daza gaminyina nayaayawipika!" ¹⁸ Yagaalya' sara kudahi kuna yaamiji wida'na wida'na "Sahwaraaihiri'na yikunaabudike'

yiravaana!" wîdîna kye' saraai wîdîna wîdîna "Aalo! Aalo!" wîdahi. Saamînyagaa' wîdîna kyagi a'mwera navîka mwaalîna ye!

¹⁹ Dîvi Juya pwara Aadîyokî Kwaaka Pîzîthîya manni'kebadaasarajî Anga Aaikonîyaamîdaasarajî bîna yeva Wîdaasaderaarîna bîrala wîdîna kye' a'mweraavî sînna tîka wîda'daa'nyî a'mwera Polîmî sîlaangeji lîwakîna ye!. Lîwakîna yeva "Mena baimwaka," dîna yeva angeba mwâsilaa mwagi'namakwalyuna yîna yeva yagalya'ma'na yîna ye!. ²⁰ Yagalya'ma'na yîna kye' Naangerî mîdîdîvîsara kale wiadaa'nyî gamînyabanna yîkabîna kye' kîrî! Polî daavîna yaka angebanna ayîna wîlaawîna ya!. Ayîna wîlaawîna yaka sawî se wa'mwa'na yagîla mwanyavî dîkaa'nâ yagîla Anga Devina kaanna wîna yagi Baanavaazalyî.

Kwaaka Sirîya Anga Aadîyokîna ayîna wawagîlya'nesî.

²¹ Anga Devi saraai yagaala tewaanya' wîjîwaakîna kyagi a'mwe kwalaalyara mîdîdîvîsara yîma'nyîna ye!. Yîma'nyîna kye' Anga Lîzîtîraana ayîna wîna yagîla Anga Aaikonîyaamîna wîna yagîla, Kwaaka Pîzîthîya Anga Aadîyokî manni'kewinna ayîna wîna yagi. ²² "Yuyaba mîdîdîvîsaraavî nayaa mwaai'bîka!" dahîla kumîre sîmunyangî dîragînna wîjîwaakîna yagi "Gotîyare yagaalya' nayaa dîlîmwana! Naangerî kuna dîlîmwagaka! Gamîre dîragînya' nayaa dîlîmwagaka! Kwaaka davakî mwaaida'gîzî daanga pînya'nejî kale ya'nejî kagyozi sare'nâ kîrî! dîvi Gotîyai maremwaaidevî nawî'nyabanna dîmwalaawîdeigînyîra," sara yîvaimwanna yagi. ²³ Yîvaimwanna yagîla anga yuyangî a'mwe sîdu'nakeraavî Kîraazîtiyare kusîlaanya gazasavîne a'mwe naangeraavî wîmwaaihîna. Mi'na wîmwaaihîna yagîla "Gotîyai yuyaraavî dîragînyaraavî wîmwaaihana!" dahîla tîka munne manyî yagîla a'mweraavîna Gotîyarî yagaala wîdîna yagi "Naangeigtî, a'mwe dara gîlîmwamanîgasâigî, nayaa dîmaremwaala!" sara wîdîna yagi.

²⁴ Kwaaka Pîzîthîya kaanna yamaryadi! Kwaaka Paabilîyana yî'mavaawîna yagîla

²⁵ Anga Pehaana yî'mavagîlegaa' saba mwaalyaraavî Gotîyare yagaalya' wîdîna yagi. Wi'na wîdîna yagîla Anga Atelyana walaawîna yagi. ²⁶ Walaawîna yagîla sîpiyavî yîlamwaaina yagîla Aadîyokîna kaanna wîna yagi. Kîgaa' Anga Aadîyokî sawîdaa'nyî Naangerera saraarî dara wîdaase! "Neya'mweraaihi Gotîyare yagaalya' wîdadaakîlyî Gotîyai yîlaaya yadei yanga nayaa yîhîgaimwagana!" Sara wîdaasesa' sara yagi.

²⁷ Aadîyokîna yî'ma'na kyagi Kîraazîtiyare kusîlaanyavîyara yîkabîna kye' Gotîyai kîrîmînyîna sara wiake' sara wîjîwaakîna yagi. "Gotîyai kaanya' tihi'nîke' kabaasa' ajîmya yuyangîyara Naangerî wî'nalîmwagesa'nesîra," sara wîjîwaakîna yagi.

²⁸ Wîjîwaakîna yagîla Aadîyokî saba naangegaa' mîdîdîvîsarajî mwaalîna ye!.

15

Jeruzaalemi yagaala naanga wîdesa'nesî.

¹ A'mwe Juya pwara Kwaaka Juthîyadaasara Aadîyokîna bîna yeva neya'mweraavî dana wîjîwaakîna ye! "Ne Mozîzai kîlaaka daya'nâ kîwînya wîjaakevî mi yîpija' Gotîyai mavadaihasamaari yîhyannelyîra." ² Sara wîjîwaakîna kye' Polîjî Baanavaazalyî saraai maanga wîdîna kyagi maanga wîdadaapijî Kîraazîtiyarerâ dînyîna ye! "Jeruzaaleminâ Polîjî Baanavaazalyî nemîre Aadîyokî mwaalya pwarajî kwawapijî Wîdaasaderajî a'mwe naangerajî yîwaarata da' nayaa dîzavada'galyideihîlyîra."

³ Sarevîdaa'nyî Kîraazîtiyare kusîlaanyavîyara kudaase! kaanna wîna yeva tînnyaba Kwaaka Pînîziyajî Kwaaka Samerîyajî sabanyaai neya'mweraavî wîdîna "Pîba pîba ajîmya yuyangîyara sînnawînyaraavîrebwi bikwalyîna yeva Naangerî lîmwamanîga!." Sara wîdîna kye' a'mwera yîlaaya naanga yîna ye!. ⁴ Yîlaaya naanga yîna yadaapijî Jeruzaaleminâ yî'mavaawîna kye' kumîjî Jeruzaaleminâ

mwaalya Kiraazitiyare kusilaanyaviyarajt Apozeliyarajt a'mwe naangerajt yilaaya yina yeva ata bwa'nyina kye! Aadiyokidaasara "Gotiyai wigaimwanna kaneya' sana sana yoinera," wijiwaakina ye!. ⁵ Wi'na wijiwaakina kye! Periziyara Naangeri limwadivisara pwara daavina yeva widina ye! "Menyara kilaaka da'nipijaraav 'Ne Mozizare Kiwinja! jila!' duzidesira."

⁶ Savine'na pigaa' Widaasaderajt a'mwe naangerajt yagaala savi yawibwata'nera yikabina ye!. ⁷ Yikabina yeva yiwaara'nyina yawaara'nyina yeva kuna didaapi Pitai daavina yaka wida' "Nya'mweihi, sinnawi nimaasit ajimya yuyangiyaraav yagaala tewaanya' kude sahwara kadika wtneva Naangeri limwagesa'na Gotiyai nyidahilakake' yawi'mwaava. ⁸ Gotiyai a'mweraavire simunyangi yawirangadei 'Ajimya yuyangiyi kwaraaviji maarideinyi,' daka gannya Kurya Tewaanyari nejaavakabaaibi' Menyaraavina yanga wijaava!. ⁹ Neminyina ge' myake' kuminyina ge' mya!. Aawa, kumi sara Gotiyari ku'nalimwage! Gotiyai kumire simunyangi girikitda duimwagasi'na!. ¹⁰ Sarevidaa'nyi sariminyina Gotiyari kale wiwaka. Sahwari yaamiji be'na yivanigava? 'Kiwinja naange jila!' dadivit taanga Menyaraavire egweyaba wakinna wakinna yadivitabaaibisira. Kigaal taanga sa! Ne sinnawinyarajt nemiji nayaa mamakwiyi yaawoinera. Mudikeraavina be'na wakivanigava! Sa' aawa. ¹¹ Nemidara yawiralimwamanigo. Naangei Jizaazai nemi yuyainaavina yanga negaimwagakevi nevadaihasamaara!. Savine nayaa wti'niwanigo! Gotiyai nemaal'mwakeine. Nabaai Menyara yanga wigaimwanga saburina Gotiyai avaaina wividaihasamaa'manikere."

¹² Sagaa' kwala bwa'naanya' kave mwaaidapijt Baanavaazalyi Poliji saraai wijiwaakina, Gotiyai gannya diragiya' kujaava' wijiwaainya'nejti atika maru'nasajt ajimya yuyangiyaraavireba yagilya'na wijiwaakina yagi. Wijiwaakina yadaakilyi yuyara kadika nayaa wti'nyina ye!. ¹³ Kadika wti'nyina kye' dividaa'nyi Jemizai yuyaraavti wida' "Nya'mweihi, nimirre diwija' dinyu'nyila! ¹⁴ Sinnawi sagaa' Gotiyai ajimya yuyangiyaraavina kale kwia' sahwaraavt gamire yaya' kininnakera yima'nya'neraavt gaminyineraavt maarake'na Saaimoni Pitai mena nejwaakiwa!. ¹⁵ Sara nejwaakiwake' piropetiyara Gotiyari wti'navijiwakyaasara sara yidayaa!. Savina Gotiyare bukuya' dara dinikabaaibisasi.

¹⁶ Naangei nedawa! 'Divi yagalaawina ya'muj!

Ne Devitimire seli angeviyaraavina diragiya' wijaavideinyira.

Sahwara bwalaraawesara yima'nyina kye'

Sahwainyi nawi'nyaraavt nayaa wimwaanihideinyira.

¹⁷ "Dahaal' a'mwe yivainera Naangeinyi nyibiramaapika!

Ajimya yuyangiyi pwaraavina nimirre yaya' dahilakiwera!

Sahwara nyibiramaapika!" dena nayaa wimwaanihideinyi.

Nimirrinera ajimya yuyangiyara pwara nyibiramaaptdeinyira.'

¹⁸ Sara nedawa! Naangei kigaakuna danejwaainakela."

¹⁹ Jemizai yagaala pirti wida' "Sa! dinikevina da' yawi'manigesira. Ajimya yuyangiyara Ne sinnawinyaraavirebwi mipijara Gotiyarebwi limwagapijt sahwara navika mwaaiibika! 'Juyainaavine Ne Mozizare Kiwinja jila!' madaannera! ²⁰ Aawa. Pikeriyikwiavi dara yavikaryaana! Sarimi tewaanna yivanigasaihilyi. Yagaala maalike' yihithaana! A'mwera yikunaabudike'na jilikeyaawaryaraavt karamapijt miwita kimaaka sa maninna! Nabaai, Nyiliyariji Laweriji yisaraaviji sazangine miwita maninna! Ata maralimwanna minna! Jilikeyaawaryaraavt giraadivwannike tawanake maninna! Tawe maninna! Gave'na sara yavikaryaana! ²¹ Sare dare'nesi. Kigaakuna Juyaraavire Kwazaakegaa' yuyagaa' Lotuangengi Ne Mozizare Kiwinja wijiwaakina wijiwaakina yadivti' dhaasagaa' anga yuyangit gamire yagalya' widadivisa'ne'na yavikaryaana!" wida' Jemizai.

Menyaraavi p̄ikariȳikwia' yavikaryesa'nesi.

²² Sagaa! W̄idaasaderaj̄i naangeraj̄i K̄iraazit̄iyare kusilaanyav̄ya yuyaraj̄i d̄inȳina "Tewaanyasi. Aad̄iyok̄ina nem̄ijiyaraari dah̄ilakawaaji Pol̄ji Baanavaazalȳ w̄idasaana!" Dinȳina yeva Juthaazai yaya piri Baazavaazai wo'n̄ikelȳ Saailaazalȳ saraari dah̄ilakina ye!. Dah̄ilakina yesaraarin̄a neya'mwera w̄idad̄iv̄i "A'mwe nemaremwaaidisaraai tewaanyaraalȳra." Dah̄ilakina yeva p̄ikariȳikwiavi yavikarina ȳna yeva w̄idaasina ye!. ²³ Ȳikwia sa' ȳida'n̄i"

"Nedaasadeinaj̄i a'mwe naangeinaj̄i s̄irya'mweina p̄ikariȳikwia dav̄i sar̄iminȳina yavikarivan̄igona. Aj̄mya yuyangiyaihi neya'mweihi Aad̄iyok̄i mwaalyaih̄ilȳ Kwaaka S̄ir̄ya mwaalyaih̄ilȳ Kwaaka S̄iliz̄iya mwaalyaih̄ilȳ ȳih̄ith̄van̄igo 'Neya'mweihi!' ²⁴ Dara w̄i'n̄van̄igo. Nem̄irera pwara kaanna waweva Menyaih̄ri ȳih̄itheta yagaala sanna Menyaihi s̄imunya kwalaalya yawi'na kye' kale ȳih̄ya'. Sara w̄i'nona ȳih̄ith̄van̄igo. Yagaala sa' ȳih̄ith̄wa'daasaraavi mudaasiwa'do. ²⁵ Dahaasagaa! ȳikab̄ina yona yagaala da' jawibwarakiwo, yuyaina. 'Tewaanyasi, dona a'mwe s̄idu'nakeraari dah̄ilakona sar̄iminyawinna saraari w̄idasaade. Saraalȳ Baanavaazalȳ Pol̄ji saraavi w̄idasaadera. Baanavaazalȳ Pol̄ji saraarin̄a ȳlaaya nevu'n̄van̄ikeraalȳra. ²⁶ Anga yuyanḡ Baanavaazalȳ Pol̄ji saraai K̄iraazit̄iyai Jizaazai Naangere yagaala w̄ij̄iwaakagi'lyaraai balya'na l̄ika myadisaraalȳ. Saraar̄ w̄idasaadera. ²⁷ Sarevidaa'nȳi nabaai, sar̄iminyawinna Juthaazalȳ Saailaazalȳ saraari, s̄idu'nakeraarin̄a ȳih̄ith̄woraari w̄idasaadera. Saraai yagaala avaalya' j̄ithawakiwo' ȳih̄iz̄iwaakikaderaalȳ.

²⁸ Sare' dare'nesi. Kurya Tewaanyalȳ nem̄ij̄i mena yawi'na yobwi taangayabwi mi'. Aawa. Daazabwi davwi d̄im̄id̄inȳila!

²⁹ 'A'mwera ȳikunaabudike'na j̄ili'kyaaawaryaraavi karamapij̄i m̄iw̄ita sa maninna! Nȳilyarij̄i Lawerij̄i ȳisaraavij̄i dazangine wapaaya maninna! Tawe maninna! J̄ili'kyaaawarya ḡiraa'diwanna ȳipiija maninna! Ata malimwadinna! Kayaa'nanya sanḡi mya'ḡizi tewaanya j̄itheiḡinȳ. Mi'na ȳih̄ith̄wo.' P̄ikariȳikwia' sara yavikarin̄ikesi.

³⁰ Sarevidaa'nȳi w̄idaasesara kaanna w̄ina yeva Anga Aad̄iyok̄ina ȳi'mavaawinna kye' Naangerera kwala bwa'naanya yuyaraj̄i ȳikab̄ina kye' p̄ikariȳikwia' w̄ijaav̄ina ye!. ³¹ Wi'na w̄ijaav̄ina kye' a'mwera paaziya' t̄inna maranganna yeva yagaala nawi'nya'na ȳlaaya ȳna ye!. ³² Ȳlaaya ȳna kye' Juthaazalȳ Saailaazalȳ saraai Got̄iyari w̄i'nawij̄iwaakadisaraai kuna w̄ij̄iwaak̄ina yaḡila k̄iryamweraav̄ s̄imunya d̄raginya' wivaimwanna yagi. ³³ Wivaimwanna yaḡila mwaalina mwaalina kyagi k̄iryamwera k̄ir̄im̄inȳna ȳlaaya yeva w̄ide' "Ayahi kwaamu'nanyaburi ȳih̄thaasesaraayawinna diwideih̄ilȳra." ³⁴ Sara w̄idina kye' Saailaazai yawiraka "Dava mwaalideinȳ, mwaalina kya' Juthaazai gavei aȳna w̄ina ya!"

³⁵ Anga Aad̄iyok̄i Pol̄ji Baanavaazalȳ mwaaidakilȳ saraalȳ pwara kwalaalyaraj̄i Naangere yagaala w̄ideva w̄ij̄iwaak̄ina ye!.

Pol̄ji Baanavaazalȳ yosinaḡilya'nesi.

³⁶ D̄ivi ȳir̄ka p̄in̄inḡi Pol̄i Baanavaazar̄i w̄ida! "Anga yuya gazabazaba Naangere yagaalya' w̄idolyabanna Neya'mweraavi angȳir̄i'maata yakadera. Tewaanna dahamwaaihava? Wanganakadera." ³⁷ Sara kuda' Baanavaazai w̄ida! "Maak̄iyai Jon̄ij̄i wawaadera." ³⁸ Pol̄i w̄ida! "Aawa, k̄igaa! Maak̄iyai Jon̄ij̄i kwawo yunewinna wawinya yuya myada Kwaaka Paabiliya saba naar̄im̄inȳ nehyagalya'mava!. Nehyagalya'mavake'na dahaa' sahwai kaanya mwawannelȳra." ³⁹ Sara kuda' sa'na maanga d̄inȳna yaḡila yosinna yagi. Baanavaazai Maak̄iyai Jon̄imi maaraka s̄ip̄yav̄i Ahu'manna Saaip̄raaz̄ina w̄ina ya!. ⁴⁰ W̄ina yadaasi Pol̄i Saailaazar̄i dak̄ilakina kya' k̄iryamwera w̄ide' "Got̄iyai k̄ir̄im̄ij̄i wawoj̄i yanga

yihigaimwagori kave maremwaaaina yihyathelyira." ⁴¹ Mi'na kude! Kwaaka Siryanaji Kwaaka Silzitanajit wawaka Kiraazitiyare kusilaanyangti wijiwaakina yada simunya diraginya wijiwakadaasi diraginya maaresare.

16

Polijit Saailaaazalyi saraalyi Timotilyi wawesa'nesi.

¹ Angeba Devinajit Angeba Litzitiraanajit Poli yit'mavaawina ya!. Saba Kiraazitiyari mididei Timoti wo'nikei mwaalina yakelyi. Ganaange! Naangeri wit'nade! Juya! mwaalaka kiri! ganimaangei Girikiyalysi. ² Neya'mwera Litzitiraa mwaalyarajit Aaikonnyaamit mwaalyarajit Timotirina jalikurakina ye! "A'mwe tewaanyalyira." ³ Poli simunyavida! yawi'na "Nimiji Timoti wawana!" yawi'na yaka Juyaraavirebwi Timotire kilaakejiti! davina ya!. Sare! dare'nesi. Juya yuyara saba mwaalyara yawire! "Timotiri ganimaangei Juyai mitka. Aawa, Girikiyalysi. Gawaaliwaangere kilaakejiti! mada'nyikelyi." ⁴ Wi'na davina kya! Polijit Saailaaazalyi Timotilyi anga yuyangina wina yeva Kiraazitiyarereraaviyagaalya! Jeruzaalemi Widaasaderajit a'mwe naangerajit jamungajakesa'na wijiwaakina ye!. Wijiwaakina yeva wide! "Yagaala sa' sara jideihiliyi." ⁵ Sareviidaa'nyi Kiraazitiyare kusilaanya sara yeva limwangebwina diraginna mwaalesa' yirika yuyagaa' a'mwe kwalaalyara Kiraazitiyarerera yima'nyina ye!.

Anga Tirawaazi Poli waja' wanganake'nesi.

⁶ Kaanna kaanna wina yeva Kwaaka Piriziya Kwaaka Galeziya sabanyaai yamarina yadaapiji Kuryai Tewaanyai wida! "Dahaa! Piroviji Ezya Gotiyare yagaalya! mujitwaakipina!" ⁷ Mi'na kuda! Kwaaka Miziya maangebaarina yit'mavaawina yeva yawi'na ye! "Piroviji Bithiniya wawaana!" Sara yawi'na kye! Jizaazare Kuryai kaanya tihinna yake'na "Sawinna mupinera!" wida'na ya!. ⁸ Widina kya! Kwaaka Miziya yuneba lota'na yeva Anga Tirawaazina walaabina ye!. ⁹ Walaabina kye! sawisavi Poli a'mabaaitinna wanganna yake! a'mwei Piroviji Maazathoniya mwaalyai daavikei naanga yidaangana! "Poligt, Kwaaka Maazathoniya ga'mava'gizi neminyina dinegaimwana!" ¹⁰ A'mabaaitinna mi'na wanganna yaka dara yawiro! "Gotiyai 'Maazathoniya mwaalyaraaviyagaala tewaanya' duzwakaawila!" danediwaka!" Mi'na dona Maazathoniya sawinneina gitlyivisa yime'nya'bisi yovirawakina yo.

Anga Pilipaai A'mwe Lithiya' Kiraazitiyare' yima'nake'nesi.

¹¹ Anga Tirawaazi sipyavidi lamwaaaina kyo sipyia! Ahu'manna Saamothirezina yida'na makuna neyaka yirika piri Anga Niyapolizi sabanna makuna neya!. ¹² Makuna kaneya! kaanna widaawina yona Anga Pilipaaina yit'mavaawina yo. Anga sa! Kwaaka Maazathoniya mwaalyaraavire anga naangebanyira. Anga Romidaasara kwala naange! mwaaihasabanyi. Sabanna yit'mavaawina yona yirika pijaa! mwaalina yo. ¹³ Mwaalina yona Juyaraavire Kwazaakegaa! "Aalimaangebaar Juyara Gotiyari yagaala widadivisaba dingaka?" dina yona aalimaangebaarina wida'na yo. Wina yona dara wangano! "A'mwe damwaaihava!" Sara dona walamwaaaina yina yona a'mwe yit'bwa'nemwaalesangi wida'na yo. ¹⁴ Widina yo! a'mwe piri! Lithiya! Anga Taayataairadaasasira. A'mwe sa! gitlyajit baazi'ma'nyajit kwaabit'hannyajit saza wangwaija'bisa! wanya'ne! divaina yada yaasadesira. Lithiya! Gotiyari yagaala widadesi. Poli yagaala tewaanya! widadaa'nyi Gotiyai siduta tewaanya wijaavina kya! Lithiya! nayaa wida'na ya!. ¹⁵ Nayaa wida'na yaka Naangeri limwanna kya! gaminyiji gamijiyaraavijit bavitaaziya yina yo. Bavitaaziya yina kyo neda! "Niminyina 'Naangere' sahwar nebulya'na wilimwaga'manikesi,' dinapijit nimire angevi dimwaalyila!" Sara naanga kaneda! gamire angevi widaamwaaaina yo.

Pilipaai kalavuzangevinesi.

¹⁶ Pigaal Gotiyari yagaala widadivisawinna wodaawoju tusavti sidiraaya' yaasiwa'wawinya yade' jimaata'na neya'. Sidiraaya sa' kamaala naanga pwai kintnnake' divi yima'nadengina dadesira. Sara dada gamire maremwaaidivisara nigungia naanga maarina yesasira. ¹⁷ Jimaata'na neyaka Polij sainaavi midida jaka widadesi. "A'mwe sara Gotiya Mena Ke'mwewinyare yaasiwa'wawinyare. Gotiyai sarimire kayaa'nanyanna yihivadaihasamaaradevwina yihithivanigasarera." ¹⁸ A'mwe' dada yirika pijaakuna jaka dada Poli maa'na kwina' gitnyima'nyina yaka yimakeri wida! "Kiraazitayai Jizaazarine yayavina naanga gitthima! A'mwevire munyikidaasi dalyona!" Sara kuda' sagaasagaa' yimakei yarai bwalyuna ya!. ¹⁹ Yarai bwalyuna kya' sidiraayavire maremwaaidivisara dara wanganesa! "Niwawa, diyi yima'nya'nenna yagaala maji kyoji nigungia mamaari yaadeina daaka!" Deva Polimiji Saailaazariji galalimwanna yeva a'mwe naangeraayaba yikabadivisabanna mwagi'namaa'na ye!. ²⁰ Sara yeva saba naangera kotiya' yawibwa'divisaraayabanna makuna yeva wida! "A'mwe daraai Juyaraalyi. Nemire anga davti kayaa'na yivanigilyaraalyi. ²¹ Daraai nemirebwi kayaaka neygaimwaalya' mudikebwi yaasiwa'na nejwaakivanigi. Romiyaina sabwi myaanneinera!" ²² Sara kude' kwala bwa'naanya' maanga jaka kude' naangera Polij Saailaazalyi saraare baazi'ma'nyangi maralihivalasi'na yeva pilizimaaniyaraavi wida! "Bajingisajidramyila!" ²³ Sara kude' tamina tamina yeva kalavuzangevi wimwaanihina yeva kalavuzangevi maremwaaideri naanga wida! "Nayaa dangana! Likaanya nabwalyuikadika!" ²⁴ Naanga mi'na kude' kalavuzangevi maremwaaideli yagaala naanga sa' maaraka ku'dika tinnnyabanyavi wimwaanihina yaka kirimire sivilyiraari yisavakaari tinnnyawi diraginna yagi'lakurakin ya!.

²⁵ Sawisavi kalawawegaa' Polij Saailaazalyi saraai Gotiyarina yagaalyasi yiledaatasi widdadaakilyi kalavuzara pwara kadika wt'nyina ye!. ²⁶ Wt'nyina yadaapiji sagaa' wintnya naange' yina kya' kurikeji sidihbyaj yonyi yonyi naanna yinyina ya!. Yonyi yonyi naanna yinyina kya' kaanya yuya baasinnyina yake kalavuzaraavire seniyabara pwinikebara bwalaraawina ya!. ²⁷ Bwalaraawina kya' kalavuzangevi maremwaaideli dikaa'na yaka kaanya yuya baasinike tinnna wanganna yaka dara yawirake! "Aakai, kalavuzara lika mena duwaava!" Sara daka "Sare'na wagila namaa'mudika! Nimi sainyi dabira'nima," daka gannya kwaari'masiraminya' maralimwanna ya!. ²⁸ Maralimwanna kya' kiril' Poli jaka naanga wida! "Maramakininnera! Sare' dare'nesi. Nemti yuyaina tihi'na mwaaihona." ²⁹ Jaka naanga kuda' kalavuzangevi maremwaaideli yibaake'na jaka widina yaka kaanyave'na bwina yaka lika naanga yina yaka bi'bita yada "A'mwe naangeraai nygaimwagikaji dahayiwaai?" daka Polij Saailaazalyi saraaryabanna bula'na ya!. ³⁰ Bula'na yakei daavina yaka mwasawinna saraari makuna yaka yawaara'na "A'mwe naangeraaihi, nimi gara kya'muj nyivadaihasamaaradeinyaka?" ³¹ Sara yawaara'na kya' saraai widaahi "Naanga Jizaazar kalimwaga'gizi tewaanya dimwaaideiginyi. Nabai, Naangei gimirre angeviyaraaviji wivadaihasamaaradeihiliy." ³² Widahila Naangere yagaalya' gaminyiji gamire angevi mwaalesaraaviji wijiwaakina yagi. ³³ Wijiwaakina kyagi sawisavi sagaa' kalavuzangevi maremwaaideli bajingisaj tameta ga'bwaralyang aalya yina ya!. Aalya yina kya' sagaasagaa' gaminyiji gamirreraaviji aalyavi bavitaazija yarai yina yagi. ³⁴ Bavitaazija yina kyagi a'mwei Polimiji Saailaazariji gannya angevina makwina yaka wapaaya wijaavina ya!. Salyi gamireraj Gotiyari limwagesa'na yilaaya yeva tewaanna mwaaidivi' mwaalina ye!.

³⁵ Mwanyavi Romiyaraav naangera pilizimaaniyaraav widaasina kye' sahwara wina yeva kalavuzangevi maremwaaideri wida! "A'mwe saraari

yidi' daala'gizti duthaasa!" ³⁶ Kude' kalavuzangevi maremwaaiidei Polimi wi'da "Naangera gimi'nyinajti Saailaazarinajti wi'dasawaal 'Saraarit duthaaso!' Sara kudasawaal kalavuzangevi' daasi yagalya'mavakilyi kave diwila!" ³⁷ Kuda' Poli pilizimaani'yaraavti wi'da! "Aawa, nediswaata sabwi kayaa'nanyabulyi. Naarimi Romiyainaalyi. Wona kayaa'na mi kyawaaihoi yuyara tinna nehwangadaapijiyaba nehi'ramyawaaiha!. Yagaala majidayi yeva kalavuzangevi yaasiwa'na wi'mwaaihina nehyawaaiha!. Dahaasagaa' nehi'thiwaa! 'Li'ka yulya'na kave diwila!' Be'nana! Romiyaraavti naangera sahwara bipi'jara mwasawinna kanehitmakwalyopiji wawakadeinaalyi." ³⁸ Naanga kuda' pilizimaani'yara ayina wi'na yeva Poli wi'dake'na Romiyaraavti maremwaaidivsaraavti wi'jwaakina ye!. Polimijnti Saailaazarinajti "Saraai Romiyaraalyi," wi'nyina yeva "A'mwe naangeraai mika!" dona tamyawaaihoraalyi," deva li'ka naanga ye!. ³⁹ Li'ka naanga yesara binna yeva wi'de! "Kayaa'na yi'hyawaaiho'na kale neyi'waka." Wi'deva kalavuzangevi' daasi kave makwalyuna yeva yi'waara'na ye! "A'mweraaihi, nemire angeba yagalya'mavakilyi diwijiwaala?" ⁴⁰ Yi'waara'na kye' Polijti Saailaazalyi saraai kalavuzangevi' daasi yagalya'ma'na yagi'la Lihiyavire angevi' wilina yagi. Wilina yagi'la neya'mwera yikabina yesagaa' kumi'nyi dihaabwasabwi yi'vaimwanna yagi'la kaanna wi'na yagi.

17

Anga Tezalonaaika sabannes.

¹ Kaanna wi'na yagi'la Anga Aabipolizi wavila'na yagi'la Anga Apolonuya wavila'na yagi'la Anga Tezalonaikana yi'mavaawina yagi. Anga saba Juyaraavire lotuange' mannikkeba. ² Yi'mavaawina kyagi Kwazaakegaa' lotuangengi Poli wi'dina yadei lotuanga savi sara wilina ya!. Sara wilina yaka Kwazaaka dawaai dasangi Gotiyare bukuya'na wi'jwaakina ya!. ³ Aangyagaalya' wi'da! "Gotiyare yagaalya' nedinike' 'Kiraazitiyai Juyara yemwaaidivisai daanga naanga kuvinoji mena balojo ayina dikavavadeleyira." Sara nedinike' Jizaazai sara ya!. Sara yakei Kiraazitiyarina yihi'thivanigelyira Jizaazai." ⁴ Sa'na kuda' Juya pwara Polimire yagaalya' wi'nyina yeva Polijti Saailaazalyi saraari ye'mwannyina ye!. Nabaai Girikiyara Gotiyari dadivita kwala naangerajti a'mwe simunya nayaayadivisajti sa ye'mwannyina ye!.

⁵ Juyara Kiraazitiyari malimwagyesa tiganaarya yeva jikurya yeva a'mwe kayaa'nanyara adusangi kaanya' yaasiwa'na yamaryadivisaraavti makabina kye' kwala bwa'naanya jaka naanga dadivti' kayaa'na yina ye!. Kayaa'na sara yina kye' angaba mwaalyaraavti sinna ti'ka davina kya' a'mwe kayaa'nanyara Jaizonimire angevi' kaanya' yipalabaasina yeva "Polimiji Saailaazariji a'mweraayabanna kotiya'na makwalyawaana!" deva bireva bireva yina ye!. ⁶ Nyinna biri'na yeva mabiramaari ye!. Mabiramaari yeva Jaizonimiji neya'mwe pwaraaviji angeba a'mwe naangeraayabanna diraginna mwagi'namaa'na yeva jaka wi'de! "A'mwe Kwaaka yuneva' maraginyiwagakagileraai nemireba davanna byi'ma'mwaalyaraai. ⁷ Dahaa' nemire angebanna kabahi Jaizoni gannya angevi' maremwaalika. A'mwe saraai A'mwe Naanga Sizaare kiwinja kayaaka yigaimanigi. Dara kwaasuya' nedivani'gi 'Kwaakevakti maremwaaiidei Sizaai mika. Kingiya pwai Jizaazai wo'nikei maremwaaidelyira.' " ⁸ Yagaala sa' kude' kwala bwa'naanyasi anga sabanya a'mwe naangerajti sinna ti'ka naanga wi'da'nyi "Kayaa'nanyasi," deva jaka naanga wi'de!. ⁹ Jaka naanga sara kude' a'mwe naangera Jaizonimiji pwaraaviji saraavti kotiya'najti kwaamu'mwaalya'najti nigwia mena maareva wi'de! "Wawapijaihi diwila!"

Anga Beriya sabannes.

¹⁰ Sawita kajinna' Anga Beriya neya'mwera Polimiji Saailaazariji saraari li'ka marulyakaasina ye!. Li'ka marulyakaasina kye' pigaa' anga sabanna yi'mavaawina

yagila Juyaraavire lotuangevi wilina yagi. ¹¹ Anga Beriya mwaalyara sidu'nakera pwaraavire yagaalya' kadika wi'nadivsarera. Anga Tezalonaaika mwaalyarabisara mi'ka. A'mwe sara Naangere yagaalya' kadika nayaa wi'nadiv! "Polimire yagaalya' nebulya'na dingaka?" deva Gotiyare bukuyavi tinnna wangadiv! nayaa yawiresare. ¹² Gotiyare bukuyavi tinnna wangadivsavidaa'nyi Naangeri limwagesa', nabaai a'mwe Girkiya naangeji a'mwe Girkiyaraj limwanna ye!. ¹³ Nayaa limwanna kye' Anga Tezalonaaika mwaalyara Juyara dara wi'nesa! "O, Anga Beriya Pol Gotiyare yagaalya' duthiwaka!" Sara deva sabanna bina yeva kwaasi yagaalya widdadaapi kwala bwa'naanya' yikabina yeva Polimivaavina sinna tika wida'daa'nyiyara jaka naanga wide!. ¹⁴ Sara kye' sagaal yime'nya'b'i saalaalyav maangebaarina neya'mwera Polimi waasina ye!. Waasina kye' kirii Anga Beriya Saailaazaly Timotilyi mwaalina yagi. ¹⁵ Saba mwaalina kyagi a'mwera Polimi makwalyuna yadaapi Anga Aathenizi na wina yeva yi'mavaawina ye!. Yi'mavaawina kye' Poli widdina "Saailaazai, Timoti saraaihi yihithwa'de' mena yakilyi yarai divila!" duzideihilyira." Sara widaasina yina kya' a'mwera Anga Beriya kunnya angebanna ayina yeva yagaala sa' wide!.

Anga Aathenizi yake'nesi.

¹⁶ Anga Aathenizi Poli Saailaazariji Timotiriji yemwaaida dara wanganake! "O, anga dava yuneba a'mwa'mwe a'mwera yilaaya iwanigasa daaka!" Sara kada' kale naanga naanga wia!. ¹⁷ Sarevidaa'nyi Kwazaakegaa' Juyaraavire lotuangevi wilina kya' Juyaraj Menyara Gotiyari dadivsaraj Poliji dinyina ye!. Dinyina yesa' yirika yuyagaa' a'mwera yikabadivsabanna a'mwe pwara bina kye' Poliji dinyina ye!. ¹⁸ Nabaai Epikuriyaazarebwu dadivsaraj Sitoiyikiyagaala dadivsaraj sidu'nakeraj Poliji dinyina ye!. Dinyina yeva pwara maanga wide! "Sidu'maayai yagaala pijaakuna dadei be yagaala nedivanika?" Poli Jizaazarinajidikaasavinajidijwaakake'na a'mwe pwara wide! "Menyaraavire kulakeji a'mwa'mwewaalyi widivanike dingaka?" ¹⁹ Sara yawi'na yeva Aariyopahaazi sawi kaajoliyara mwaaihasabanna Polimi makuna yeva Polimi wide! "Yagaala mudika da' nedivaniginya'na yawiraana! ²⁰ Sare' dare'nesi. Gimire yawita mudika pinj kadika wi'nona myawirivanigona. Sarevidaa'nyi sabwine dnejawaakya!" wide!. ²¹ Yuyagaa' Anga Aathenizi mwaalyaraj Menyara saba mwaaidivsaraj sara yagaala ge ge kadika wi'nyina yadivi' yagaala mudika sa dinyina yadivi'sare. Sarera yadivi' yilaaya yadivi'ki.

²² Aariyopahaazi kaajoliyara mwaaidapiyaba Poli daavina yaka wida' "Aathenizi mwaalyaihi, a'mwa'mwe kwalaalyangi yilaaya yadivsaihiri yihwangamwa. ²³ Sare' dare'nesi. Sarimire angeba kaanya yamaryena a'mwa'mwengi yilaaya yadivsabannengi tinnna wanganena dara bi'mwa'de' 'O, kwaraanyaba pikarya "Naangeri myawirivanigo'nesira," yida'nike' daaka!' Sara dena Naangeri myawirivanigasar yaasiwa'na yilaaya iwanigasa'na yihizwaakima! ²⁴ Naangei Gotiyai Kwaaka davakiji yunebanna mwaaihasaraj kwaakevi yuya yi'naanya kurivaariya yuya wakakelyira. Sigunyasi Kwaakesi yuyangi maremwaaidely Naangei. A'mwera yileange madina yadivsang mamwaalyika. Aawa. ²⁵ Naangei sahwai a'mwe yuyaraavine mwaalya'nebulyi smudinyasi yuyaji sangi wijaavade'na a'mwera gaminyne gara yapiji wijsang'i delaka! Aawa, Naangei yuyangi wakakengira. ²⁶ Yuyangi wakaka sinnawinyari yavikaryaakeridaa'nyi anga naanga pimaginya gazavasava' Kwaaka yunebanna wi'mwaanihina ya!. A'mwera maayagaa' Naangei a'mwe yuyainaavina yawi'na 'A'mwe gabinyaraavire kumire bwaibwalyaj kwaakeji kumiregaasi wakima!' yawi'na yaka divi wi'mwaanihina ya!. ²⁷ 'A'mwera niminyi yawrapiji yaamiji nyanganapiri nyibrimamaapi deinyi daaka?' sara daka

sara wimwaaihina yaa!. Sara yaake' kiri! Gotiyai neminyi maavewi mamwaalyika. Aawa, a'mwe yuyainaayaba mwaaidelyi. ²⁸ Savine'na pwai pikarya yidava!
 'Sahwarina kwaihwaaainakeina kurinakeina mwaaiho nemire kaavilyai.
 Sai mamwaalyi yadori kwajem nemi mamwaalyi kyaadit!'

Sarimire sidu'nakera sara kyihizaa' yida'nikesi

'Nemijji gamire kaimiraayainera.'

²⁹ Sarevidaa'nyi, gamire kaimiraayaina mwaaiho'na dara myawiraanna!
 'Gotiyai a'mwa'mwe goloya'bisalyi. A'mwa'mwe silivaaya'bisalyi. A'mwa'mwe silaange'bisalyi. A'mwa'mwengi a'mwera nayaa yawireva yavikarigasangira. Sara myawiraannera!' ³⁰ Kigaa' a'mwera Gotiyarina navika mwaalesara kayaa'na kye' sagaa! Gotiyai yagaala yarai majai mwaala!. Yagaala majai mwaalake' kiri! dahaasagaa' yunebanna yuyaina mwaaihoinaav nedivani! 'Sarimire simunyabwi mudikebwi jawiramaaryila! (Nayaa dinya'midinya'la!)'³¹ Gotiyai sara nedivanike' a'mwe yuyainaavina kotiya naange' yida'maraangebwina nayaa yade yirika sagaa' wakikelyira. Nabaai, a'mwe yawibwa'deri dahilakakei kotiya'na mena wimwaaiha!. A'mwe sai mena kabala! Gotiyai ayina yidikaavakelyi. Sare' nemi tinna wanganona yawi'na 'Ai, nebuliyasi. Sai kotiya' neyawibwaradelyi, 'yawi'na yivanigo,' Poli sara wida' Jizaazarina.

³² Sagaa' baryaraavi yidikaasabwine yagaalya'na pwara kadika wi'neva "Kwaasiya'nesi," deva birala wida' kiri! pwara "Nebulya' dingaka?" deva wida' "Pigaa' sa'na ayawi kaneda'gizi kadika gu'naadeinera."³³ Sara kude' pwara Polimire yagaalya' ku'ne! Poli yikabesaraavi ya'ma'na ya!. ³⁴ Polimi wida'nesara ye'mwannamwaaina yeva Naangeri limwagevera yima'nyina ye!. A'mwe pwai Daayonizyaazai kaajoliyai Aariyopahaazi saba yadelyi a'mwe piri! Damaariza' wo'niokesi pwaraji Naangerera yima'nyina yesarera.

18

Anga Koridi yake'nesi.

¹ Dividaa'nyi Aathenizina ya'ma'na yaka Anga Koridina wida ya!. ² Koridina yimavaawi'na yaka Juyai Aakwilaa wo'nikeri wiji'maa'nyina ya!. Aakwilaami ganaange' Anga Podaazi maarakelyira. Sagaa! A'mwe Naangei Kilothiyaazai wida' "Juyara yuyara nimire Angeba Romidaasi wipika!" Sara kuda' Kwaaka Yitaalidaasayoi Aakwilajji gamire balaange' Pirizilas Anga Koridi gaai mwaalina yagi. Gaai mwaalina yagilyayori Poli tinna wanganna yaka angyiri'maata yina ya!. ³ Sai kwaabiyivikange yavikaryamaryada nigwia yaasadelyira. Sayoi avaaiwawinya yadisa'na Poli sayoryaba mwaalina kya' sayolyi gamiji kwaabiyivikange yavikarina ye!. ⁴ Yavikarina kye' Kwazaakegaa' yuyagaa' Juyaraavire lotuangevi pwaraji dinya'na ye!. Sai yawi'na "Juyarajj Girikiyarajj Jizaazarji wida'pika!" yawi'na kya' pwaraji dinya'na ye!.

⁵ Kwaaka Maazathoniyadaasaraai Saailaaazalyi Timotilyi bamwaaina yagilyagaa' gamire kuryari yibwakinaka yuyagaa' Poli Juyaraavvi Gotiyare yagaalya' wiji'waakina ya!. Dara wijalikurakina "Kiraazitiyai kigaakuna Gotiyai dahilakakei Jizaazarili."

⁶ Kuna wida' yadaa'nyi Juya pwara gaminyina gaidaa'na yeva Polimi birala yina kye' yawi'na yaka "Gotiyare yagaala mu'nyi kyiwaa' nimiji pwaraji yosinaade'nanyira." Sara yawi'na yaka gannya kwaabihannyavire tiryu purakirasi'na yaka wida' "Sarinnya kuryarajj tawesi wasi'nivanigasa'na sarimi saili sara yivaniga!. Nimi sainyi sara myivanige. Gotiyare yagaala nayaa yihithiwa. Dahaa' sariminyi mena yihya'mava'mujj ajimya yuyangiyaraavvi wiji'waakideinyira."

⁷ Sara wida'na yaka ya'ma'na yaka Tizyaazai Jaazitazare angevina wida'na yaka saba wida'kya'na mwaalina ya!. A'mwe sare ange' Juyaraavire lotuangeyaba

mannikebanyi. A'mwe sai Menyai Gotiyari yilaaya yadelyira. ⁸ Gamire angevi Poli mwaalina kya! Kiriizipaazai lotuangevi maremwaidei Polimire yagaalya' wi'naka gamijiyaraj Naangeri limwanna ye!. Wi'na limwanna kye! Koridi mwaalya kwalaalyara gaminyi kadika wi'neva sara limwanna kye! Kiraazitiyarera aalyavi bavitaaziya yina ye!.

⁹ Sawita pigaa! Poli a'mabaaitinna wanganna ya!. Tinna wanganna yadaa'nyi Naangei wida! "Nimire yagaalya'na jikurya ivanigasaraavina lika minnera! Aawa. Kuna duthana! Maadinna minna! ¹⁰ Gimiji mwaaida' kagihaimwaga'muj a'mwera kayaa'na mi gyipi'de'nanyi. Anga dava nimirera kwalaalyara yima'nipi'de'nanyi. Sare'na yawira'gizi ginnya wawinya' diraginna kuna jitheiginyi." ¹¹ Naangei sara kuda! kwarame pir! lawe atina ata puridaasi pu'na wavila'daa'nyi anga savi mwaalaka a'mweraavi Gotiyare yagaalya' wijiwaakina ya!.

¹² Romi mwaalyai Gaaliyo Kwaaka Giriza maremwaidei Ga'maaniyai yima'nakegaa! Juyara yikabina yeva "Sari kotiya yaana!" dinneva Polimi kotiangebanna makuna ye!. ¹³ Makuna yeva Gaaliyomi wida! "A'mwe dai a'mweraav widaada 'Mudikebwi Gotiyari yila!' widadelyira. Sara yaaja' nemire Kiwinya' kayaaka nyaadi'de'nanyi." ¹⁴ Wi'na widina kye! Poli "Savina widima!" daka yakelyi. Gaaliyo Juyaraav yarai wida! "Juyaihi, sai kuka yajj kwajj kayaa'nanya yajj kwajj sarimire kotiya' nimi nayaa kajawibwarakiwidika. ¹⁵ Aawa, kir! sarimire yagaalyanna, yayanna, sarimire kiwinyanna sarimi saihi dizawibwarakyila! Nimire wawinya' daaka! Sare majawibwarakiwineinyi." ¹⁶ Sara widina yaka kotiangevidaasi widaasina ya!. ¹⁷ Widaasina kya! a'mwera Sozithenizai Juyaraavire lotuangevi maremwaideri galalimwanna yeva kotiangeyaba asajj mala tamina ye!. Mala tamina yadaapijji Gaaliyo Ga'maaniyai "Kumiresi," daka navika mwaalina ya!.

Anga Aadiyoki ayina wawake'nesi.

¹⁸ Sawita kwalaalya jinnadaa'nyi Anga Koridi Poliji neya'mweraji mwaalina kye! sabadaasai ya'ma'na kya! Kwaaka Siriya sawinna sipiya' gamiji Pirizilaviji Aakwilaamiji makuna ya!. Gotiyari yagaalya' sara widake'na Anga Segiriya Poli gannya mijata da'nyina yakelyira. ¹⁹ Kwaaka Eziya Anga Epazaazi sawinna yi'mavaawina kye! saba Pirizilaviji Aakwilaamiji mwaalina yagi. Mwaalina kyagi sai saba Ju-yaraavire lotuangevi wilina yaka Juyaraji Naangerina dinya'na ye!. ²⁰ Dinya'na kye! Juyara yidaanganna "Naangegaa' gimiiji mwalaadeina daaka?" Sara kye! kir! "Aala!" wida ²¹ wida! "Gotiyai kanyidaasoji sariminyawinna ayina bideinyira." Widaka saba ya'ma'na kya' sipiya' Anga Epazaaziidaasi makuna ya!.

²² Kwaaka Juthiya Anga Sizaariyana yi'mavaawina yaka Anga Jeruzaaleminna yilaawina yaka Kiraazitiyare kusilaanyaviyaraav wida'na yaka Anga Aadiyokina kaanna wi'na ya!. ²³ Kaanna wi'na yaka saba saaminyagaa' mwaalina yaka pigaa' ya'ma'na yaka Kwaaka Galeziya Kwaaka Piriziya kaanya yamarina yada Kiraazitiyar mididivisaraav yagaala diraginna yivaimwanna kya' sahwara tewaanna mwaalina ye!.

Anga Epazaazi Anga Koridi a'mwe Aapolizai mwaalake'nesi.

²⁴ Juya pwai Aapolizai wo'nikelyi. Anga Alekizaadiriya ganaange' mudanga maarakelyira. Gotiyare bukuyavi nayaa yawi'dei Gotiyarina yagaala nawi'nya! widaadelyi. ²⁵ Pwara Naangerebur wida'na yesai yilaaya naanga yada Jizaazarine sara yawi'da sara nayaa wijiwaakina ya!. Nabaai Joni a'mweraav bavitaaziya yakebwi yawi'da Jizaazarina yuyabwi myawiri yadei wijiwaakina ya!. ²⁶ A'mwe sai Anga Epazaaziina bi'na yaka Juyaraavire lotuangevi yagaala sa' diraginna wida'na ya!. Widina kya! Pirizilasi Aakwilaajj kadika wi'nagila kirinnya angevin a'mwe sari yibwaramakuna yagi Gotiyarebwi yuyabwi wijiwaainyina yagi.

²⁷ Dìvi sagaa' "Kwaaka Girizana wìdera," dìna kya' neya'mwera Epazaazi mwaalyara "Aapolızai nayaa yamaryade'nanyi," deva Kwaaka Giriza mwaalyara mìdidiivisaraavì paaziyi' yavıkarina ye!. Ada' yavıkarina yesa' "A'mwe dai Aapolızari duzila 'Nimire angevi angyırı'maata ja!'" Sara yavıkarina kye' Aapolızai kaanna wìna yaka yi'mavaawìna yaka a'mwe saraavìna Gotıyai yanga wìgaimwagakevìna Naangeri lìmwagesaraavì dıragınna gaimwanna ya!. ²⁸ Sare' dare'nesi. Dıragınna gaimwanna yakelyi Juyara malımwagyesarajì a'mweraayaba dìnyìna ye!. Sara dìnyìna yadaapıjì Aapolızai dıragınna yawıraka kumire yawıta sangı wavıla'na ya!. Gotıyare bukuya' wìjıwaainyìna yaka wìda' "Bukuya' yıda'nıke'na Gotıyai dahılakakei Kıraazıtìyai Jizaazalyıra," sara dıragınna wìda'.

19

Anga Epazaazi Poli mwaalake'nesi.

¹ Kwaaka Giriza Anga Koridì Aapolızai mwaaidi'nyiyagaa' Ezıya kwaakevakı mugunyaba Poli lo'mavamaryìna yaka Anga Epazaazi na yi'mavaawìna ya!. Yi'mavaawìna yaka Kıraazıtìyari mìdidiivita pwaraavì wìjımaa'nyìna yaka ² yiwaara'na ya! "Naangeri na lìmwagesagaa' Gotıyare Kuryarı damaarage??" Yiwaara'na kya! "Aawa, Gotıyare Kuryarı nedıwaanyai aaihwalaka? Kadıka mu'nyadaanyainera," wìde!. ³ "Sahırı'na aaihware yi'hyetavaka bavıtaaziyı sava?" yiwaara'na ya! Poli. Yiwaara'na kya! wìde! "Joni'mire bavıtaaziyabwi neye!." ⁴ Sara kude' Poli wìda' "Kıgaa' Joni wìjıwaakına yada a'mwera mudıkebwı yawıramaa'dıvı' bavıtaaziyı wiada Yızırelıyareraavì wìjıwaakına ya! 'Niminyi dıvidaa'nyi batheri na jawıralımwagyıla!' Joni sara wìjıwaakakei Jizaazalyıra." ⁵ A'mwera kadıka sara wì'nyìna kye' Naanga Jizaazare yaya'na bavıtaaziyı yi'na wia!. ⁶ Bavıtaaziyı mena yi'na wiaka Poli kumire mìnyagınyangı ata dathıwanna kya! Kuryai Tewaanyai bulamwaaaina kya! yagaala ge gengi wìdına yeva, nabaai, Gotıyari wì'nawıjıwaake!. ⁷ Wì'nawıjıwaakesara yuyara sıvılyıraai ata purıdaası pwaraalyarera yi'laaya yesara.

⁸ Juyaraavìre lotuangevi Poli wìlinına yada lawe dıkaai dıki dıragınna wìjıwaakına yadei "Juyarajì Gotıyari wìdadıivisarajì Gotıyai a'mweraavì maremwaideri na wì'nıpika!" daka wìjıwaakına ya!. ⁹ Wìjıwaakına kya' kırı' pwara myawıri yadıvı' mu'nyi yeva yuyaraayaba Naangerebwina bırala ye!. Bırala yi'na kye' Poli saraavìre lotuangevi ya'ma'na yaka Kıraazıtìyari mìdidiivisaraavì makuna. Makuna yaka yırıka yuyagaa' Tiraanazare wìjıwaakıangevi Jizaazare yagaalya' wìjıwaakına yakelyi. ¹⁰ Wìjıwaakına yada naangegaa' kwarame pırıwaai wavıla'daa'nyi sagaa' Kwaaka Ezıya mwaalyara yuyara Juyarajì Menyarajì sara Naangere yagaalya' kadıka wì'nyìna ye!.

A'mwe Sivaayare gawaalıvaangeraavinesi.

¹¹ Gotıyai gannya dıraginya! Polımına wìjaavìna kya! Polı nawı'nya kya! a'mwera atıka maru'na'na yadıvıki. ¹² Pwara aagızipıyajı kwaabıhannyajı Polımire kılaakevi yewaa'bwa'nakengı makuna yeva nabalinakeraavì dathıvalakına kye' nabalinakera tewaanya mwaalına ye!. Nalaaya mena yi'wına kya' nabaai pwaraavìre munıkaavıdaası yımakera bwalyuna ye!. ¹³ Poli sara yadaa'nyiyagaa' Juyara kaanya yamaryadıvı' yımakeraavì wìdaasadiivisara pwara yawı'na "Naanga Jizaazare yaya'na yımakeraavì wìdasaana!" Sara yawı'na yesara yımakeraavì wìde! "Poli wìjıwaakıvanıkei Jizaazarıne yaya'ne'na dıragınna gitıhaasıma! 'Dalyona!'" ¹⁴ Sara wìdesara Juyai Gotıyari na mubıthıka yıra'de naangei Sivaayare gawaalıvaanga ata yuyi ata purıdaası pwaraalyarera. ¹⁵ Sahwara sara kude' yi'makei wìda' "Jizaazarı yawı'mwe! Polımına yawı'mwe! kırı' sarımi bewaihlaka?" ¹⁶ Mi'na kuda' a'mwei yi'maka widei sahwaraavì yarai pılawası'naabına yaka dıragınna tamına yaka

kayaaka yigalaka dathiwanna ya!. Dathiwanna kya' gamire angevi yarai bwalyuna yeva wa'wenakera kannyimaaayara likaanya wi'na ye!. ¹⁷ Likaanya sara wi'na kye' sa'na Juyaraj Epazaazi mwaalyara yuyara kadika wi'nyina yeva lika dikwosi'na yeva "Jizaazai Naangelyira. Gamire yaya' naangesi. Gamire yaya' nayaa kavena daana!" di'nyina ye!. ¹⁸ Nabaai savine'na Jizaazar lwmwagesara kayaa'nanyabwi yesa'na a'mweraayaba kunnya kayaa'nanyabwina wi'dina ye!. ¹⁹ Pwara bulaasangiji kwalyangiji giri'nyangiji yadivisara kunnya pikariyikwiaj kunnya bukuyaji sanginebwi yida'nikengi makabina makabina yeva a'mweraayaba dika marira'na ye!. Bukuya sangine nigwia ata gileva pwara di'nyina ye! "Niwaava, kigaa' a'mwera kinaaya 50,000 mubesarera. Niwaava." ²⁰ Kiraazitayarera sara tewaanna kye' Naangere yagaalya' diraginya' yima'nyina kya' saba yunebanna a'mwe yuyara kadika wi'nyina yadiv'i a'mwe kwalaalyara Naangerera yima'nyina ye!.

Anga Epazaazi a'mwera kayaa'na yesa'nesi.

²¹ Sa yima'nakegaa' Kurya Tewaanyai Polimi nayaa kyiwirya' Poli diraginna yawi'na "Pirovij Maazathoniya Pirovij Giriza kaanya yamarya'mujit Anga Jeruzaaleminna wi'deinyira." Yawi'na yaka da! "Savina wawa'mujit Anga Romina wanganaawi'ra." ²² Mi'na daka Timotilyi Yirazitaazalyi saraai Gotiyare wawinya'na widaayadivisarajiyaraar wi'dina "Maazathoniyana bwaanyila!" widaasina yaka Kwaaka Ezija pizi'gwa mwaalina ya!.

²³ Sagaa' Epazaazi mwaalya pwara Naangerebwina gamireraavi kayaa'na ye!. ²⁴ Sare' dare'nesi. A'mwe pwai Dimitriyaazai silivaaya yavikarina yadelyi gamijiyaraj sara Kwaasi Naanga Aatemizavire ange'bita maalikengi yavikaryadivisarera. Pwara dara wanganesa! "Ai, silivaaya anga nawi'nya darika!" Deva nigwia naangeji mubina ye!. ²⁵ Nigwia naangeji mubadaapiji Dimitriyaazai gamijiyaraaviji avaaiwawinya yadivisaraaviji wida! "Jikabyila!" Wi'na kuda' yikabina kye' wida! "A'mweihi, nemire wawinyaavina nigwia naanga ma'daanyasira. ²⁶ Nayaa yawi'manigasaihiliyi. Poli yivanike' tinna wangadiv'i kadika wi'nadivisaihiliyi. Dara wijiwaakivan 'Naangeraavi sarinnya asaji yavikaryesara gotiyara mi'ka. Sabwi kwaasiyasi.' Wijiwaakada anga daviji Kwaaka Ezija yunebaj a'mwe kwala bwa'naanya naange' kadika wi'neva nemirebwi yagalya'maveva sabwi midimaniga!. ²⁷ Kwalaalyara sara yadaapiji Poli ayina wi'dina wi'dina kyoji a'mwe pwara nemire wawinya'na di'nyina 'A'mwera sa yavikaryadiv'i kayaa'nanaangesi,' dinipi'desi. Nabaai sa' gave' mi'ka. Nemire Naanga Aatemizavire yileanga' yaasiwakanga' yima'nade' dingaka? Naangevire diraginya' waryaanya yima'nade' daaka? Naange' Kwaaka Ezija mwaalyaraj Kwaaka yuyavaki mwaalyaraj yilaaya yivanigasa' waryaanya' yima'nade' midaaka Aatemiza!!"

²⁸ Kwala bwa'naanya' kadika wi'nadiv'i "Aala!" di'div'i sinnna tika davina kwia' jaka naanga wi'de! "Aawa! Epazaazi mwaalyainaavire Aatemiza' diraginya'sira."

²⁹ Jaka naanga sara di'wi'na kye' pwara anga yuneba jaka sara wi'de!. Jaka wi'dadiv'i Gaayaazalyi Aarizitaakazalyi saraari galalimwanna ye!. A'mwe saraai Kwaaka Maazathoniya mwaalyaraalyi. Polij sara yamaryadisaraalyi. Saraari galalimwanna yeva yikabadivisabanna yarai makuna ye!. ³⁰ Makuna kye' Poli yawi'na "Kaanna wawa'mujit kwala bwa'naanyavi widaawima!" Yawi'na kya' mididivisara lwmwanna yeva wi'de! "Arkawinyi. Nagirabithika! Dava mwaaidinneigi kave dimwaala!" ³¹ Nabaai, kwaaka savi maremwaaidivita pwara Polimi gya'mwera gaminyi yagaalya' widaase! "Poli, naange' gitihivanigo. Yikabadivisabanna mwidiinnera!" ³² Kudaase' sagaa' kwala bwa'naanya sidu'maayara jaka kuna wi'dina ye!. A'mwe kwalaalyara "Sasare'na mwaaihosira,"

majara yaasiwa'na mwaalina kye' pwara jaka ge' wiđadaapiji pwara jaka ge' dīna dīna ye'. ³³ Jaka dīna dīna kye' Juyara Alekižaadari yagaala wījīwaakya'na wīrīvīta'na kye' pwara kwaasi yawi'na ye' "Sarīna jaka naanga dīvanīgo." Yawi'na yadaapiji Alekižaadai yawi'na "A'mweraavī Juyainaavīna 'Nemī kayaa'na myadaanyainera, wījīwaakīma!" Yawi'na yaka a'mweraavī ata wiđathīwaga!. ³⁴ Ata dathīwanna yadaa'nyi' dara wanganesa! "Ai, a'mwe sai Juyai daaka! Saibisara nemīre Naangevi kayaa'na dadīvisara daaka!" Sara deva yuyara jaka naanga dīna "Epazaazi mwaalyainaavīre Aatemiza! Naangesīra," dīna yadaapiji jaka naanga bazīwawesara naangegaa! (tu aawaaya) wavīla'na ya!

³⁵ Dīvi a'mwe naangei Anga Epazaazi pīkariyīkwia yavīkaryadei kwala bwa'naanyavī kuda! "Yagaala madīpi'na!" a'mwera kave mwaaidapiji wiđa! "Epazaazi mwaalyaihi, a'mwe yuyara yawi'manīgasa' 'Epazaazi mwaalyara Naanga Aatemizavīre yīleangesi sigunyavīdaasi sīlaanga dīragīnya' bwalaryaakesi maremwaaidīvisarera, sara yawi'manīga' yuyara. ³⁶ 'Savī nebulya'na mīka,' majīvanīgasare. Arīkewī. Sarevīdaa'nyi' kave dīmwaalyīla! Sīdu'nakeihi kayaa'na mipīnera! ³⁷ Sare' dare'nesi. A'mwe daraari makabīwaasaraai Aatemizavīre yīleangevi kuka mipalamaryīwaala. Nemīre Naangevīna bīrala myīwaala! ³⁸ Sarevīdaa'nyi' Dīmitīriyaazalyi gamījīyaraji dīnyīna 'A'mwe pwarī kotīya'na wiđadaana!' dīnyīna yīpija' kotīyagaa' a'mwe naangeraayawīnna kwawapiji yagaainaka salyi sahwaraji kamwaalapiji jawībwarakipi'dera. ³⁹ Yagaala pīrī' warīke' daakaji a'mwera nayaayi kyīkabapiji, sagaa' dīzīla! ⁴⁰ Sare' dare'nesi. Dahaa' sara yīvanīgasare'na ga'maanīyara 'A'mwera kayaa'na yīvanīgasara daaka!' dīnīpi'lījīwaava? Jaka naange' wiđīvanīgasaihīrīna naangera kanedapiji 'Baa'na dīvanīgasaihīlaka?' nemī gara wiđaaiziwona! Aawano, nemī yagaala mujī yaadeinera." ⁴¹ Sara wiđaka wiđa! "A'mweihī sarīnnya angengī dīwila!" Kuda' kaanna wīna ye'.

20

Kwaaka Maazathonīyana Kwaaka Girizana wawake'nesi.

¹ A'mwera kayaa'na yesagaa' wavīla'na kya' miđidīvisara yīkabya'na Poli pwaraavī wiđaaśīna ya'. Wiđaaśīna kya' miđidīvisara yīkabīna kye' yīvaimwagya'najī dīhaa'bwsa'najī yagaala wiđaka wiđa! "Kaanya wiđera. Tewaanya dīmwaalyīla!" Mi'na wiđaka Maazathonīya sawīnnei ya'ma'na ya'. ² Ya'ma'na yaka kwaaka sangī yagaala naanga a'mweraavī dīragīnya' dīhaa'bwsa'nā wījīwaakada kaanya yamarina ya'. Kaanya yamarina yaka Kwaaka Girizana yī'mavaawīna yaka ³ saba lawe dīkaai disa wavīla'daasi mwaalīna ya'. Mwaalīna yaka "Sīpiya' Kwaaka Sīriyana nyīmakwodera," yawīraka dara wi'nake! "O, Juyara Polinyi nyīramakipi'dera daaka!" Sara daka "Maazathonīyana ayīna wiļaawīdeinyīra." ⁴ Yawi'na kya' gamījī Sopaatai Pīraazare gawaalī! Beriya mwaalyalyi Tezalonaika mwaalyaraai Arīzītaakazalyi Sekaadazalyi saraalyi Devi mwaalyai Gaayaazalyi Timotilyi Kwaaka Ezīya mwaalyaraai Tīkikaazalyi Tīropimaazalyi saraalyi wīna ye!. ⁵ A'mwe ati ata purīdaasi pwaraalyara sīnnawī waanyīna yeva Anga Tīrawaaazi nemīnyīna yemwaaina neye!. ⁶ Yemwaaina neyadaapiji Munne Girīkula līwīnya pamidakīna myadehaa' mena wavīla'na kya' sagaa' Anga Pilipaa siđiyavī yīlamwaaina kyo sawīta atina wavīla'daa'nyi' siđiyā' nemakwawa!. Mi'na kanemakwawa! Anga Tīrawaaazi yemwaalesaraavi wījīma'naawīna yona yīrīka ati ata purīdaasi pīrīkaai kanevīlavā' mwaalīna yo.

Aayagaa' Anga Tīrawaaazi Poli angyīri'maata yake'nesi.

⁷ Sagaa' wikitya mudike' yima'nyina kya' Naangeri dinya'nerajt yikabina yona gitikula gunyina, nyina yo. Wapaaya tivi nyina kyo Poli a'mweinaavi wijiwaakina neya!. "Mwanyavt kaanya wida," daka wijiwaakina wijiwaakina kya' kalawawet yima'nyina ya!. ⁸ Anga sa' mnye dawaai dasa' laannikevi ku'dika munyabanyavt wilamwaaloba ditbaaka naanga warakeba. ⁹ Dibaaka naanga warake'najt Poli yagaala naanga kuna wida'ke'najt Miginya Yutikaazai widiwaayaba ylamwaaina yaka se'na naanga winyina kya' amamaze waraka munya ke'bevadaasi kwaakevinabwalabaihnyina ya!. Bwalabaihnyina kya' pwara yarai walaawiya yeva dara wanganesa! "O, baryai daaka!" ¹⁰ Sara kade' kirti' Poli walaawiya yina yaka gaminyt maramujire'na yaka pwaraavt wida' Kinna madipinera! Sare' dare'nesi. Kwaihwaaainakei mwaali!. Mabaihnyiwa!." ¹¹ Widaka anga munyabanyavtina ayina yilaawaka wapaaya gunyina yaka nyina ya!. Mi'na nyina yaka yagaala pin wida'na yaka yirika mi'na purakegaa'na ya'ma'na ya!. ¹² Ya'ma'na kya' pwara miginyai balaka ayina dikaavakeri gamire angevi mare'na yeva yilaaya yina yeva mwaali'na ye!.

Anga Tirawaaziadaasi Anga Maalitaazi sawinnesi.

¹³ Poli neda! "Sipiavt kwawapijt kwaakaanya wawa'mujt Anga Aazozina yihizima'naabideinti." Nedakei wina kya' sipiavt ylamwaaina kyo Anga Aazozina sipiya' makuna neya!. ¹⁴ Makuna kaneya' Anga Aazozit Poli newira'nijimaa'naka sipiavt ylamwaaina kya' Anga Mitlinina nemakwawa!. ¹⁵ Sabadaa'nyt nemakwawaka yirika piri Ahu'manna Kaayozt wavilavaka yirika piri Ahu'manna Semozina nemakwawaka yirika piri Anga Maalitaazina yimavaawiya ya!. ¹⁶ Sare' dare'nesi. Poli neda! "Jeruzaalemt yarai wawa'mujt Munne Pedikoziyagaa' saba mwaaldeinyt dingaka? Pirovijt Eznya naangegaa' mwaalina mwaalina mywijainyt Anga Epazaazi wavilavaadera." Nedakei Maalitaazina yimavaawiya yo.

Epazaazi mwaalyara Kiraazitiyarereraavire naangeraavt wida'nesi Poli.

¹⁷ Maalitaazidaasi Epazaazina yagaalya' widaasina ya! "Naangeihi, Kiraazitiyare kusilaanyavt yara Epazaazi mwaaihasaraavt maremwaaidivisaihi jikabyila!" ¹⁸ Sar widaasina kya' a'mwe sara bina kye' wida' "Yirika aayagaa' Pirovijt Eziyana gaai bena yuyagaa' saba mwaideriyagaa' sarimijt mwaalena yuya sabwi yeinyina yawimwaava. ¹⁹ Nabaai, Naangere wawinya' widaayadinyainyt diraginna yena 'Nimi maalikeinti,' dadit a'mwera kayaa'na kanye' nimti kinna daheinyira taanga nyadaasina. Juyara yawi'na 'Polimi tamakaana!' yawi'na yeva kayaa'na kanye' taanga naanga nyake'na yawi'mwaava. ²⁰ Yuya kadika wtnipija'na sariminti yihigaimwanga yuya sara yihiziwaake. Yagaala pin mwarika. A'mweraayaba yihiziwaakadi sarinnya angengi yihiziwaake'na yawi'mwaava. ²¹ Juyaraavijt Menyaraavijt avaaina naya wikalikurake. Sarinnya kayaa'nanyabwi marasi'naptijt Gotiyarebwi yawramaarapijt Naanga Jizaazarit dilimwagyila! Sara myt yapijti Dikevit namwaalibithika! ²² Sara kude dahaa' Kuryai Tewaanyai sara kanyidiva'dit 'Jeruzaaleminat dwona!' ythaanyi, wila nyivwiyinikeinti sara yivanige saba nimintina pwara nyipi'de'na myawiryivanigeinti. ²³ Gave piri'na yawi'mwa. Anga yuyangi wa'mwa'dezit Kuryai Tewaanyai diraginna nyida' 'Kalavuzangevi g'mwaaihipi'de'nanyi. Gimintina kayaa'na yipi'de'nanyi,' sara yawi'mwa. ²⁴ Dara wangamanige 'Mwaaihe'na maalike' daaka!' Nimire kilaakejti'na myawirivanige. Naanga Jizaazai nyidaasake'najt Naangei gannya wawinya' kanyijaava' sa' yuya yide'najt yawi'manige. Wawinya sa' yagaala tewaanya' jalikurakya'ne' 'Gotiyai a'mweraavt yange'na wigaimwagathelyi,' widadinya'ne' nimire wawinya sasaresira.

²⁵ Sarimintyaba kaanya yamaryegaa' Gotiyai nemaremwaide'na tewaanyabwina yihiziwaakage. Ythaanyi, dahaa' dara yawi'mwa. Dividaasti aane pwaigti kwaigti tinna manyanganyi jitheiginti. ²⁶ Sarevit dahaasagaa' nebulya'na yihizalikurakima!

Ginnya kuryar! marasi'naja' ḡimire tawevina n̄imire' mi!. Aawa. Gimiresi.
²⁷ Sare' dare'nesi. Gotiyai yade yuyanginaj! gamire simunyavinaj! yihitheiny!. Yagaala piri! lika myulyakye. ²⁸ Mala nayaa jiwanneyila! Sarinnya kuryaraavi nayaa maremwaaina jila! Nabaai, Kuryai Tewaanyai sarimire wawinya' kyihizaava' sare'na Naangereraavi sipzipiyaraavi nayaa dimaremwaalyila! Sipzipiyaraavi maremwaaidivisara maremwaaidivitabaaibi! Gotiyare kusilaanyaviyaraavi nayaa dimaremwaalyila! Jizaazai gannya gawaali' kabala! Gotiyai Kiraazitayareraavi mubina ya!. Naangere tawesi mubina ya!. ²⁹ Dara yawi'mwa. Kaanya kwawa'muj! sariminyabanna a'mwera kavijilkerabisara bapiji! sipzipiyaraavi kayaa'na wipid'erera. ³⁰ Divi sarimijiya pwara yawi'na 'Jizaazar! mididivisara gevwina nyimidibika! Mwagi'namaari'ma!' Yawi'na yapiji! daavina yapiji! kwaasi yagaala widiipi'de'nanyi. ³¹ Savine'na nyipidika! Mala nayaa jiwanneyila! Dara jawirila! 'Kwarame dawaai dasa wavila'daasi yirikeji sawisaj! Poli nimire kuryarina kinna daka nemijiya pwar! kwar! nayaa nejwaaka'!

³² Dahaa! Gotiyare asirina yihimwaaahivanige. Gotiyai a'mweraavina yange'na wigaimwadere yagaalya'na tewaanya yihimwaaahivanige. Sigunyavi Gotiyai diraginyaiahiri! yihimwaaahade'na sarimiij! pwaraavi Gotiyai dahilakakeraavi kayaa'nanyanna duimwagasi'nakeraj! gannya yuya tewaanaanga yihizaavadengira. ³³ Aane pware kware nigwiaj! kwaabihannya baazi'ma'nya sazaj! wabarinna mwanganyeinyira. ³⁴ Arikewi!, sarimi! saihi mi'na nyawi'mwaava. Ninnya asilyi yina yena nigwia maarena niminyineji Gotiyare wawinya yadaanyaraavineji mube'na nyawi'mwaava. ³⁵ Yuyagaal! sara ye'na yihizwainyawaaiheiny!. Nimi sara yebwina jila! Diraginna yapiji! nigwiaj! asilyi a'mwe waryaanyaraavi duhaimwagyideihili. Savina sinnawi Naanga Jizaazai neda! 'Pwara daapina yipi'de'na yilaaya maalika yadivi! tewaanya winadere. Pwara yanga wijsavipi'de'na yilaaya naanga yadivi! tewaanaanga winade'nanyi.' Sara nedake'na nayaa jawirila!"

³⁶ Poli mena widakegaa! kumi!ji gamiji! kwadaai gilina kye! Gotiyari yagaala wida!. ³⁷ Mi'na kuda! kinna deva galamuj!na yeva yilaaya marina ye!. ³⁸ Gannya yagaalya! "Dividaasi tinna mwanganyi dinyideihili," wida'na kale wia!. Kale wiadaa'nyi sipyavina gaminyi yenaasina yesare.

21

Anga Jeruzaalemina Poli wawake'nesi.

¹ A'mwe naangeraavi ya'ma'na yona sipyav! yilamwaaina kyo sipyaya! makuna neyaka Ahu'manna Kozina yida'na nayaa makuna neya!. Makuna neyaka yirika piri Anga Rozina yimavaawina yaka sabadaasi Anga Pataarana makuna neya!. ² Makuna kaneya! dara wangano! "Kwaaka Piniziyana sipyaya piri! wawade! daaka!" Sara dona sipyaya savi yilamwaaina kyo makuna neya!. ³ Makuna neyadaasi Ahu'manna Saaipiraazi tinna wanganna kyo pimagi kwanaamimagi wavila'na yaka Kwaaka Siriyana makuna neya!. Anga Taayaa saba gilyivita yuya sipyav! wa'di'nyiya wakya'na sabanna makuna neya!. Makuna kaneya! Anga Taayaa sipyavidaasi bwalaawina yo. ⁴ Bwalaawina yona Jizaazar! mididivita pwaraavi birina yona kuminyaba wikiya piri! mwaalina yo. Saba mwaalina yadozi Kuryai Tewaanyai Taayaa mwaalyaraavi Polimina pwara kayaa'na yipi'de'na wijiwaainyina kya! sahwara Polimi wide! "Jeruzaalemina yilaawina minnera!" ⁵ Sara kude! kir! kaanyagaa! wikiya! mena wavila'na kya! ya'ma'na yoinera. Angaba mwasabanna Kiraazitayarera a'mweraji kunnya a'mweji kunnya kaimiraayaj! yuya makuna neye!. Makuna kaneye! aalimaangebari kwadaai gilona Gotiyari wida'na yo. ⁶ Mi'na widina yona dinyina "Nemireihi tewaanna divila!" Dinyina kyo sipyav! yilamwaaina kyo kunnya angengina wina ye!.

⁷ Anga Taayaa sipiya' ya'ma'na yaka Anga Tolimezina kuna makuna kaneya' Kiraazitayarine neya'mweraavt ata bwa'nona kuminyawi sawita piriivi se wa'mwa'na yo. ⁸ Se wa'mwa'na yona sipyavt yilamwaaina kyo saba ya'ma'na yaka Anga Sizaariyana yi'mavaawina ya!. Yimavaawina kya' Jizaazarina yagaala tewaanya' widdadei Pilipimire angevi wawona saba wa'mwa'na yo. Jeruzaalemi a'mwe atina ata puridaasi pwaraalyaraavt dahilakesalyi Pilipi. ⁹ Gamire sidiraaya dawaai dawaalyangt kwala mamaa'nya Gotiyari wi'nawijwaakesangira. ¹⁰ Saba mwaaidozt yirika pini wavila'na kya' Aahavaazai wo'nikei Kwaaka Juthiyadaasai walaabina ya!. Walaabina yakei Gotiyari wi'nawijwaakadelyi. ¹¹ Walaabina yaka neminyawinna bina yaka Polimire munnaanya' maarina yaka gannya asiraalyi gannya sivilyiraalyi sangt marayegipwiyinyina yaka wida! "Kuryai Tewaanyai kanediwakira 'Munnaanya davire gyakwarti Jeruzaalemi Juyara dara marayegipwiyapiji ajimya yuyangiyaraavire asiraavt marimwangipi'delyira.' "

¹² Sara kuda' kadika wi'nona nemijt saba mwaalyarajt saina kinna dona Polimi wida, "Jeruzaaleminna milaawinnera!" ¹³ Sara kudo sai nedai! "Be'na yivanigataihilaka? Kinna sara kanyimarediwaa! kale naanga nyiwake'na be'na divanigava? Sare dare'nesi. Jeruzaalemi kalavuza pwiyina nyipi'de'na nimti diraginna mwaaihe. Sa' wikira. Nabaai Naanga Jizaazarine yayavina nyiramakipt'de'na diraginna mwaaiheinyira." ¹⁴ Sara nedaka kuna diraginna yawt'na kya' yagaala pini ayina mujt yona widina yo, "Gotiyai simunyavt yawirade' sara yima'nana!"

¹⁵ Sizaariya saba mi'na mwaalina yona nemire gilyivisa yovirawakina yona Jeruzaaleminneina ya'ma'na yo. ¹⁶ Kiraazitiyare mididivisara Sizaariya mwaalya pwarajt yilaawina yona Minezonimire angevina makwina kaneye' mwaalina yo. A'mwe Minezoni Ahu'manna Saaipraaziadasai sinnawt sagaa' Kiraazitayarit midinyaakelyira.

Polijemizar angiyiri'maata yake'nesi.

¹⁷ Jeruzaalemina yi'mavaawina kyo neya'mwera tinna wanganna neyeva yilaaya nemarye!. ¹⁸ Yilaaya kanemarye' yirika piriivi Polijt nemijt Jemizarit tinna wanganyna'na wina kyo Jemizai mwaalakeba Kiraazitayareraavire a'mwe naangerajt mwaalina ye!. ¹⁹ Mwaalina kye' Poli "Nya'mweihi!" wida gannya wawinyavina ajimya yuyangiyaraayaba Gotiyai yake yuyanna wida!. Mi'na kuda' kadika wi'nyina yeva Gotiyarinna "Byaannakeigt!" yilaaya yina ye!. ²⁰ Yilaaya yina yeva Polimi wida! "Neya'mweigt, davanna nayaa yawt'maniginyaiginyi. Juyara kwala naange! Naangeri limwadivt nabaa, Ne Mozizare Kiwinja diraginna limwamanigasare. ²¹ Sahwaraavt pwara giminynina kwaasi wide! 'Poli ajimya yuyangiyaraavireba Juya yuyaraavt wijiwaaka!' "Mozizare Kiwinja' dasi'nyila! Sarimire kaimiraayaraavire kilaakejti' madapinera! Juyaraavirebwi mipinera!" ' ²² Sara kwaasi kude' dara wi'nipi'de! 'Davanna Poli jit'ma'mwaabika!' Sara dapijiyyavidaanyt gara yaadeinaavaka? ²³ Sarevidaa'nyi gitthaade' ja! Nemirera daraai daraalyara Gotiyari diraginna wija' kininnakera kigaa' widesa' sara yipi'derera. ²⁴ A'mwe saraavt makwo'gizi kumiji Juyainaavirebwina gitrika maayaigt yima'nya'na baaka mwadana! Kuminyine nigwia kwaka'gizi kunnya mijata da'nipi'dengira. Sara kya'gizi a'mwera tinna gwanganapiji dara yawipi'de! 'O, pwara Polimina yuya nedeta kwaasi yagaalya' daaka! Gamit sahwai Ne Mozizare Kiwinja' nayaa yivanikei damwaalika!' ²⁵ Sara widipi'de! kirijt ajimya yuyangiyara limwadivisaraavina paaziya' mena widaaso. Pikarya dara yavikarinike! 'Nemit mi'na yawt'mwo! "Nyiyariji Laweriji pwaraaviji wijaavipi'ja mitwita wapaaya maninna! Yisaraavine wapaa yilaaya'ne maninna! Tawe maninna! Yikuruyaawia gitraabimwannike tawanake mavireninna! Ata limwagya'nebwi minnera!' sara wida, "wide! ²⁶ Mi'na

kude' yiri'ka piri'vi Poli a'mweraav'i makuna kya' kumi'ji giri'kita'nanya wasi'nya'ne yina ye'. Mi'na kye' Gotiyare Angevi wila'ka Gotiyarina mubithika yira'divisaraavi wi'da! "Wikya mena kwavilavojoj a'mwe dara giri'kita'nanya wasi'nya'ne yuna kyima'noj sagaa' pwai sipizip'ya piri' wakina. Pwai piri' wakina, yuyaina Gotiyarina wakaadengira."

Gotiyare Angevi Polimi wila pwivesa'nesi.

²⁷ Yiri'ka atina yaka ata puridaasi piri'waalyagaa' aya kigaa' mena kwavilava' Gotiyare Angevi Juya pwara Kwaaka Eziyadaasara Polimi tinnna wanganna ye'. Tinnna wanganna yeva "Aakai, aakai," kude' kwala bwa'naanya' yarai yikabina yeva yuyara jaka dina yeva gaminyi asaj galalimwanna ye!. ²⁸ Gaminyi galalimwanna yeva jaka wide' "Yizireliyaihi, dinegaidaayila! A'mwe dai yuyaba kaanya yamaryada yuyaraav'i wijiwaakina 'Yizireliyara kayaa'nanyarera. Mozizare Kiwinja' waryaanya'nesi. Gotiyare Ange' tewaanya' mi'ka,' sara wijiwaakadelyi. Nabaai, dahaa' Gotiyare Angevi kayaa'nanaangei Menyara pwaraav'i makulaabina yaka sara kayaa'na kyawa' nemire Anga tewaanya' giri'kita'nanya' yima'niwakesi." ²⁹ Widesa' dare'nesi. Pigaal angeba Jeruzaalem sahwara Polimi' Tropimaazai Anga Epazaazi mwaalyariji tinnna wanganesara kwaasi dara yawiresa! "O, Gotiyare Angevi Poli Menyari bamakwimwakei daaka!" ³⁰ Sara kude' Jeruzaalem mwaalyara yuyara jaka dina yeva yarai yikabina yeva gila'mwannemwaaina yeva gaminyi galalimwanna yeva Gotiyare Angevi'daasi mwasawinna mwagi'namaa'na ye!. Mwagi'namaa'na kye' sagaa' kaanyang yarai tihi'na ye!. ³¹ Yarai tihi'na kye' kwala bwa'naanya' tamakya'na sahwar tamina yadaapij'i pwara Romiya aawilasaraav'i maremwaaidive'saraj'i aawilata kwalaalyaraj'i yarai makuna yaka kwala naangeyawinna yarai walaawina ya!. Walaawina kya' a'mwera gamij'i gamire aawilasaraaj'i saraav'i tinnna wanganna yeva sahwar ayina muramyi ye!. ³² Ayina muramyi kye' aawilasaraav'i maremwaaid naangei Polimywainna wi'na yaka limwanna yaka gannyaraav'i wi'da! "Seniyabaraalyi divvityila!" Widaka kwala bwa'naanyav'i wi'da! "A'mwe dai aaihwalaka? Beri' yiwakalaka?" ³⁴ Kwala bwa'naanyav'i pwara yagaala piri' jaka kude' pwara yagaala ge' ge' jaka widina yesare. Avaalyagaa' jaka dina dina yadaapij'i Poli yake'na naangei kadika mu'nyi yaka gannyaraav'i wi'da! "Nemire aawilasainaav're angevin'a a'mwe dari dimakilaawila!" ³⁵ Kuda' yitaavakulayaba makuna yeva a'mwera Polimi tamya'na besa'na aawilasara Polimi marikwalimwanna yeva makuna ye!. ³⁶ Sare' dare'nesi. Kwala naanga yuya' midinaabina yeva jaka naanga wide' "Tamakaana!"

Gannyabwina Poli widake'nesi.

³⁷ Aawilasaraav're angevin'a Polimi makwodaapij'i tikuryayaba sai aawilasaraav'i maremwaaid naangeri wi'da! "Githiwijainyi daaka?"

"O, Giri'yagaala dadinyaig daa?" naangei yiwaaravaka ³⁸ wi'da! "Kigaa' Kwaaka Yiziipi mwaalya sai "A'mwera kwaaka maremwaaidive'saraav'i yirawasaana!" daka a'mwamaayawinna yikamaanga kwalaalyara (4,000) kilinakeraav'i makuna yakei daaka!" sara yawi'mwana." ³⁹ Poli wi'da! "Aawa, Juyainyi sahwainyi Kwaaka Siliziya Anga Taazazi mudanga nyimaarakeinyi. Anga naangeba mwaalyainyi. Nya'mweig, 'A'mwe daraav'i duthana!' kanyida'giri wi'dideinyi." ⁴⁰ A'mwe naangei "Wikira," kuda' sahwai yitaavakulyayaba yiladaa'na yaka gannya asi a'mweraav'in'a bathamakina kya' a'mwera yagaala majara kave mwaalina kye' Yiviruyagaalya' wi'da!"

22

¹ “A'mweihī, nya'mweihīlyi n̄maamaangeihīlyi, yadīnyainyrebwi yīhīthīde' kadīka dīnyu'nyīla!” ² Yīvīruyagaalya' wīdakevi kadīka wī'neva kadīka nayaā wī'nabala'na yīna yadaapijī pīnijī wīda'

³ “A'mweinyi Juyainyi. Kwaaka Sīlīzīya Anga Taazazi mudanga nyīnaange' nyīmaarakē' kīrī' Jeruzaalemi davanna yīlaabena gīryadaaveinyīra. Dava a'mwe sīdu'nakei Gamelīyalī wo'nīkei nyījīwaaka'. Nyījīwaakada nemīre Ne sīnnawīnyaraavīre kīwīnya dīragīnna wījīwaakīna. Wījīwaakīna kanya' dahaa' dava mwaaihasaihi Gotīyare yagaalya' nayaā līmwadīvītabaaibī' sahwainyī līmwanna ye. ⁴ Sareinyi a'mwera sabwi mīdīdīvīsaraavī kayaa'na yīna ye. Kayaa'na yīna kye pwara balīna ye!. Pwaraavījī pīningījī ata pwīyīna yena kalavuzangevi yarai wīmarīmwangīna ye. ⁵ Nebulya'nā yīhīthīvanīge. Gotīyarīna Mubīthīka Yīra'de Naangelyi Kaajolīya yuyarajī yīhīthīvanīge' nyījalīkurakyīpīnera. Nīmī saraavī kude naangera nyīgaimwagesara Juya neya'mweraavī Damaazīkazī mwaalyaraavīna paaziya' yavīkarina yeva nyījaave!. Sara yeva nīmī yebwi yīhīthīpi'desīra. Paaziya' kanyījaave! 'Sawīnna a'mwe dara sabwi līmwaga'dīvīsaraavī senīyabarajī pwīya'mujī "Daanga naanga wīvīnana!" da'mujī Jeruzaalemi ayīna makabīdeinyī', dena sawīnna wīna ye.”

Poli Kiraazītiyarei yīma'nake'nesi.

(Apozeliyara 9:3-19; 26:12-18)

⁶ Poli wīda' “Kuna wodīnyagaa' sīrigwajahaa' Anga Damaazīkazī aya kībanna badaazi sīgungayīdaasi baaka naange' yarai mwadīna nya!. ⁷ Yarai mwadīna kanya' kwaakevakīna wala'na kye maanguraaya' nya! 'Solīgī, Solīgī, kayaa'na be'na nyīvanīgīna?’

⁸ ‘Naangeigī, aaihwaigīnaka?’ Jizaazainyi Naazaretī mwaalyainyi kayaa'na nyīvanīgīnyainyi,’ nyīda!. ⁹ A'mwera nīmījī wawesara baaka naange' tīnna wanganeva maanguraaya' nyakevi myu'nyesarera. ¹⁰ Nīmī yīwaara'na ye, “Naangeigī, berī' yījīwana?” Sara yīwaara'na kye Naangei nyīda' 'Daava'gīzī Damaazīkazīna dīwona! Saba pwai Gotīyai gīmīnyīna gyawī'mwake' yuya' gīthathera.’ ¹¹ Kanyīda' baaka naange'na tībaryainyi pwarajī wawora nīmīre asīri nyīmaareva Damaazīkazīna yībwaramakuna nye!.

¹² Saba a'mwei Ananaayazai wo'nīkei mwaala!. Sai nemī Juyainaavīre Kīwīnya mīdīdelyīra. Juyara Damaazīkazī mwaalya yuyara sarīna jalīkurakīdīvīki 'A'mwe tewaanaangelyīra.' ¹³ Mwaalakei nīmīnyawīnna bīna yaka nīmīnyaba daavīna yaka nyīda' 'Nya'mwe Solīgī, tīnna ayīna dangana!' Sara kanyīda' sagaa' tīnna tewaanyaraai yarai yenyīna yena sari tīnna wanganna ye. ¹⁴ Tīnna wanganna kye Ananaayazai nyīda' 'Ne sīnnawīnyaraavīre Gotīyare sīmūnyavīna jawī'de'na Gotīyai gīmīnyī sīnnawī dahīlaka!. Gannya Yīda'maraangerī tīnna dangade'najī gannya maanguraayavī gīthathe' kadīka du'nade'najī sīnnawī gīthahīlaka'. ¹⁵ Dīvi gamīre yagaalya' duthatheiñyī. A'mwe yuyaraavī tīnna wangamwaanyajī kadīka wī'nīwaanyajī sa duzalīkurakīdeigīnyīra. ¹⁶ Sare'na dahaa' be'na jemwaañjīwaana? Gīmī daava'gīzī gīmīnyī bavītaazīya gyīdeigīnyī. Jizaazarīne yaya' kuda'gīzī gīmīre kayaa'nanyangī marasī'nadelyīra,' nyīda' Ananaayazai.

Gotīyai "Poli Menyaraavi wīdatathelyi," wīdaasake'nesi.

¹⁷ Jeruzaalemi ayīna bīna yena Gotīyare Angevi Gotīyari dadī a'mabaaitīnna dara wangane' 'Naangerī dangamwana!' ¹⁸ Sara kade a'mabaalyavī Naangei nyīda' 'Yarala, nīmīnyīna duzalīkurakīde' dava mwaalyara mamaari gyīpī'de'na Jeruzaalemi daasi jahalya'maka!'

¹⁹ N̄imi wide. Naangeiḡi, mena nyawi'mwaava. Lotuangenḡi wawena ḡilimwadiv̄isaraav̄i kalavuzangevi marawimwaaihena naanna wiramenna sara yawi'mwaava. ²⁰ Nabaai, S̄itiveni ḡiminȳna wijalikurakaderi tamakadaapij̄i saba n̄imi sainyi mwaalena tamakya'na yilaaya yadi wiramesaraavire yiv̄isanḡi maredaavena. ²¹ Sara kude Naangei nȳida! 'D̄iwona! N̄imire yagaalya' w̄ij̄waakya'na git̄haasidera aj̄mya yuyangiyaraav̄ina.' "

²² Poli widadaasi a'mwera kadika nayaa wi'nȳina kye' yagaala Menyaraavine' kadika wi'nȳina yeva jaka naanga d̄ina ye! "Tamakaana! Kwaaka davaki a'mwei sareri marasi'nannelyi. Sare' dare'nesi. Gaala mwaalannei mwaalade' tewaanya'na mi'." ²³ Jaka sara dadiv̄i' kunnya yiv̄isaj̄i purak̄i'na yeva t̄rya asa maariña yeva yilamarasi'naawina ye!. ²⁴ Yilamarasi'naawina kye' Romiyai aawilasaraav̄i maremwaaidae naangei yawi'na "Juyara a'mwe sarine jaka kayaa'nanya' be'na divanigava? Sare'na sari tamaana!" daka gamireraav̄i naanga wida! "Kaavilya' be'na divanigava jakeva? Angevina yarai makwopij̄i wiliyabaalyi duramyila sare'na!" ²⁵ Kuda' aawilasara Polimi tamya'na pw̄iyina kye' sai aawilata maremwaaidae daavakeri wida! "Sari'mire kiw̄inyabwi jivanigava? Romiyari kotiya' myivanigasar̄i wiliyabaalyi duramyide'na sari'mirebwina daaka?" ²⁶ Sara kuda' aawilata maremwaaidae yarai wiña yaka aawilasaraav̄i maremwaaidae naangeri yawaarava! "Be'na yivanigina? Sare' dare'nesi. Sai a'mwemili' mīka! A'mwe sai Romiyala!" ²⁷ Maremwaaidae naangei kadika sara wi'nȳina yaka Polimywinnaya rai wiña yaka yawaara'na ya!, "Nyidana! 'Romiyai' daaka?" Yawaara'na kya! "Yayo," wida! Poli. ²⁸ Sara kuda' maremwaaidae naangei wida! "N̄igwia naanga naanga wakena Romiyainȳi yima'ne." Sai wida! "N̄imi sainyire n̄imaamaangei Romiyai kyima'na! n̄imire mudangegaa! Romiyainȳi yima'nȳina ye." ²⁹ Sarevidaa'nyi yime'nya'b̄i a'mwera yawi'na "Polimi tamaana!" yesara gaminyyawidaasi ayina sara wiña kye' aawilasaraav̄i maremwaaidae naangei yawi'na "Poli, a'mwe Romiyalyi. Sa'na myawiriwe tamya'na n̄imi sahwar̄i pw̄iywa. Aakai!" yawi'na yaka lika yina ya!"

Kaajoliyaraayaba Poli daavake'nesi.

³⁰ Aawilasaraav̄i maremwaaidae naangei yawi'na "Juyara Polimina 'Sai kayaa'na sara yiwakelyi,' nyidip̄i'devwi kayaa'nanyabwi yawiri'ma!' Yawi'na yaka yirika p̄iriv̄i Polimi seniyabaraai yaarinä yaka yagaalya' Gotiyarina mubithika yira'divita naangeraj̄i Kaajoliya yuyaraj̄i saraav̄i "Jikabyila!" widaasa!. Sara widaasaka gaminyyi makwalaawaka kuminyabanna walamaredavaawina ya!"

23

¹ Poli Kaajoliyaraav̄i tinna diraginna baihanaraka wida! "Nya'mweihi, kigaasi dahaasi yuyagaa! Gotiyai nyangadaasi n̄imire simunya padaihirakyavi dara yawi'di 'Gotiyarina n̄imirebwii tewaanyabulyi,' sara yawi'dinyainȳi." ² Mena kuda' Gotiyarina Mubithika Yira'de Naangei Ananaayazai Polimyaba daavesaraav̄i wida! "Gamire maangebur̄i diramyila!" ³ Poli wida! "Kwaasi yadi'nyai' kurika kayaa'nanya pewinakegi Gotiyai ḡiramadeiḡnyi. Saba K̄winyabwina kotiya walimwaalagina n̄iminyina 'Diramyila!' diwaanya'na K̄winyaburi kayaaka yigaimwaana." ⁴ Sara kuda' a'mwera gaminyyaba daavesara wida! "Gotiyarina Yira'de Naangei Gotiyarer̄i b̄irala yawaana!" ⁵ Sai wida! "Nya'mweihi, Gotiyarina Yira'de Naangei mwaalikerina myawiriwe sa'na wida. Dare'nesi. Gotiyare bukuya' dinike' 'Yagaala kayaa'nanya' ḡimire a'mweraav̄i maremwaaiderina madinnera!' wida!"

⁶ Sahwai dara wanganake! "Ai, Kaajoliya pwara Periziyara mwaaidapiji pwara Sazuziyara damwaaihava!" Sara daka Kaajoliyaraayaba jika wida! "Nya'mweihi,

Periziyainy. Periziyaraavi kuvibwaalivaangeinyira. A'mwe baryara divi dikaapi'devwina yawi'dinyainy na dava kotiya' nyawibwa'manigasainyira." ⁷ Sara kuda' Periziyaraj Sazuziyaraj maanga dneva Kaajoliyara jaapainy na ye!. ⁸ Sare' dare'nes. A'mwe Sazuziyara dadivik "Baryara kwaihwainakera madikaayi yipi'derera. Ejelyara mamwaalyiga". Kuryara mamwaalyiga!. Sara dadivii kiri' Periziyara dikaasa'naji ejelyaraavijnaji kuryaraavijnaji widadivisarera. ⁹ Sare'na maanga dinyina ye!. Maanga kuna dinyina yeva jaka naanga dinyina dinyina kye' pwara Periziyaraav Kiwijara daavina yeva diraginna wide! "A'mwe dai kayaa'nanyai mika! Kuryai dahawidaka? Ejelyai dahawidaka?"

¹⁰ Maanga naange' yima'nyina kya' aawilasaraav maremwaide naangei "Akai, Polimi nagalapiripalakipidika!" daka Polimi na lika yaka aawilasaraav diraginna wida! "Yarala, a'mweraayabanna walaawapiji kuminyidaasi sahwari maarapiji aawilasaraavire angevina dimakilaawila!"

¹¹ Sagaa' sawisavi Polimyaba Naangei daavaka wida! "Diraginyaigji jima'nana! Sare' dare'nes. Jeruzaalemi dava niminyina nayaawijalikurakaginyabaaibit' Anga Romi menyaba avaaina duthatheiginyira."

"Polimi tamakaana!" widesa'nesi.

¹² Mwanyav Juya pwara yikabeva jamungajakina yeva dne! "Gotiyarinadraginna divanigo. Poli mwaaidori nemi wapaayaji aalyasi manyi yaadeinera. A'mwe sari milna tamakawaaj dvidaasi naadeinera. Sara mi kyawaaji Gotiyai Dikevi nemarasit'nanneinera." ¹³ A'mwera sara dnesara a'mweraare ata siviliraalyaraj (40) pwaraj mwaalesarera. ¹⁴ Mi'na dneva Gotiyarinadubithika yira'divita naangerajt a'mwe naangerajt saraayawinna waweva wide! "A'mwe yuya daina Gotiyai kadika newi'nadaasi dwo. Wapaaya manaanneina Polimi tamakaadeinera. Sare' 'Gotiyai Dikevi nanemarasit'nadika!' draginna dona nebulya'na yihithiwo. ¹⁵ Sara dovidaa'nyi sarimi ji Kaajoliya pwaraj Romiyai aawilasaraavide maremwaide naangeri kwaasi yagaalya' duthaasila! 'Polimi yagaala pin'i widaathe'na neminyawinna dimakwalaabidelyira.' Kiri' makwaidavadaapiji lika yulyarawaaji sahwari karamakawaaji davanna mwalaabi yadelyira," wide!.

¹⁶ Polimi gyamwevire gawaali' kadika dara wi'nake! "O, Juyara aapyari tamakipi'dei daaka!" Daka wawaka aawilasaraavire angevi wilaaka savina Polimi widithaakuna. ¹⁷ Sara widithaakuna kya' sai aawilata maremwaide pwarjaka wida! "Kaajo!" wida! "Ginnya maremwaide naangeryawinna miginya dari dimakwona! Sare' dare'nes. Yagaala piri' widithaakwadelyira."

¹⁸ Sarevidaa'nyi aawilata maremwaidei aawilasaraavide maremwaide naangeryawinna jivwaramakuna yaka wida! "Poli, kalavuzai jaka nyidaka nyidiwa! 'Miginya dai yagaalyav wida'na ginnya maremwaaideryawinna dimakwona!'" ¹⁹ Sara kuda' maremwaide naangei miginyaare asiri' maaraka saraai gaveraai mwaaidakiyabanna jivwaramakuna yaka yawaara'na ya! "Be yagaala dnyidithaakwidewaka?" ²⁰ Miginyai wida! "Juyara mena yawireva mwanyagaa' yaamiiji gyiwaarapi'de 'Kaajoliyara Polimi yagaala pin'i nayaaw i'niipi'de'na Kaajoliyaraayawinna dimakwalaawa!" ²¹ Sara gyiwaarapi'de' kiri' kadika mu'niinnera! Sare' dare'nes. A'mwera a'mweraare sivilatiraalyara lika yulyarapiji gaminyina yemwaaibiderera. Sahwara yuyara Gotiyarinadraginna widiwaa! 'Wapaayajt aalyasi manaanneina mwaiddaa Polimi mena tamakawaaji dvidaasi naadeinera. Sara myi yaaja! Dikevi dinemarasika!' Gimti kuda'gizi 'Yo, Polimi waasi'ma!' tusavi tamakya'nera tavaravana yemwaimaniga!'" ²² Sarevidaa'nyi maremwaide naangei wida! "Sa' nyidwaa'na pwaraavide mudinna!" Sara daka piwinna miginyari widaasi na ya!.

Ga'maanıya naangei Pilikızaryawınna Polımı waasesa'nesi.

²³ Sagaa' maremwaaiide naangei aawılata maremwaaideraarı jaka wıdaka wıda' "Anga Sizaarıyana aawılata kwala naangesi (200) yovırawakapıji ozıyaraavı yılamwaaidıvıta pijsakuna (70) sıramınya saamınya limwadıvıta kwala naangesi (200) yovırawakapıji sawısavı naainı kılıkıyagaa' dava ja'mayıla! ²⁴ Nabaai 'Oziya pwara Polı yılamwaaladeraavı yovırawakwoihıji Ga'maanıyai Pilikızaryawınna a'mwe sarı nayaa makwalaawaka!" dakılıyı sara jıla!" ²⁵ Sara wıdaka paazıya' yawıkarina ya!. Dara yawıkarina yakesi.

²⁶ Lızıyaazai Kılıothıyaazainyi paazıya da' tewaanyai Ga'maanıya naangei Pilikızıaiginyıne' yawıkarivanıge. "Nınnıa Pilikızai naangeigı!" gıthıwa. ²⁷ Juyara a'mwe darı galalımwanna yeva tamakya'na "Tamaana!" de!. Sara dadaapıji dara wı'nıwa'de! "A'mwe sai Romıyai daaka!" Dena nımire aawılasarajı walaawena kumınyı walayıpalamaa'na yena padaihasamaa'na yıwa'de. ²⁸ Nımi yawi'na 'Juyara a'mwe darına be'na dıvanıgava? Kayaa'nanya' be'na dıvanıgava?' Yawi'na yena Kaajolıyaraayabanna sarı makwaimwa'daawade. ²⁹ Makwalaawena kadıka dara wı'nıwa'de! "Ai, tamakya'najı kalavuzangevi wımwaaiphyı'najı kayaa'nanyabwi myawaalıkei daaka! Kumıre kıwınyabwına gamınyı maanga duthıvanıgava!" ³⁰ Sara yawi'mwa'deinyı yagaala pırı' pwai nyıdıwaka "Juyara sarı tamakıpı'derera." Saburi kadıka wı'nena gımınyawınnı waasıvanıge. Gamınyı maanga wıdıvanıgasaraavı wıdıwa "Gamıre kayaa'nanyangi Ga'maanıya naangeryabanna duzideihılyı." Pıkarya sara yawıkarina ya!.

³¹ Aawılasara kadıka sara wı'neva sara ye!. Sawıta savı Anga Adipaatırızına Polımı makwalaawına ye!. ³² Makwalaawına kye' yırıkevı aawılasara kwaakaanya kunnya angevına ayına wına kye! Anga Sizaarıyana ozıyaraavı yılamwaalesara aawılata pwara gamınyı makwalaawına ye!. ³³ Sizaarıyana makwalaawına yeva Ga'maanıya naangerı paazıya' wıjaavına yeva nabaai, Polımı gamınyabanna wımwaaiphyına ye!. ³⁴ Wi'na wımwaaiphyına kye! Ga'maanıya naangei paazıya' tınnı wanganaka gamınyı yıwaara'na ya! "Gımıre pırovıji gavanaka?" Sai wıda! "Kwaaka Sılızıya." ³⁵ Sara kuda! "Gımınyına yagaainakera kwalyaabapıji kotıya' yıhu'nıdeinyıra." Wıdaka gamıjıyaraavı wıda! "Erotıyare anga naangevi wımwaaiphıji kalavuzangevi dameihi dımwaalyıla!"

24

Juyara Polımı kotıya yesa'nesi.

¹ Sawıta atına kajınnı! Anga Sizaariya Gotıyarına Mubıthıka Yıra'de Naangei Ananaayazalyı a'mwe naanga pwarajı pwai kotıyagaala dadei Tetalaazalyı walaawına ye!. Walaawına yeva Pilikızai Ga'maanıya naangeryaba daavına yeva Polımına wıde!. ² Sara kude! Ga'maanıyai gamınyına jaka kuda! sai wılaabına kya! Tetalaazai Polımına kotıya' wıda'

"A'mwe naangeigı Pilikızıaigı, gımı nemaremwaaidınyagaa' narya tewaanyagaa' dahaakıra. Gımıre sıduta sara yawıragına sara yadaa'gi nemıre anga naanga dimagınya' tewaanya yıma'nıvanı!. ³ Yuyagaa' yunebanna sangıne'na yılaaya yona yıvanıgınyanna 'Su! Su!' dıragınnı dıvanıgoinera. ⁴ Naangegaa' nadınaadıka! Dahaa' kave mwaala'gızı nemıre yagaala maalıka kadıka wı'nya'na dıragınnı githanganaana! ⁵ Sare! dare'nesi. A'mwe dai Juyainaavına kayaa'na yadelyıra. Kwaaka yuyavakı Juyara mwaaihasabanna dai kwawa' maanga dıneva mala tannyına yesalyıra. Naazaretı mwaalyarerajıya naangelyı, a'mwe dala. ⁶ Nemıre Yıleange'na 'Gırıka yıma'nana!' kada! saba nayaa galalımwanna yo. 'Sarı nemıre Kıwınyabwına kotıya' yaana!' yawı'na kyo ⁷ aawılasaraavı maremwaaiide naangei Lızıyaazai bına

yaka neminyabadaasi a'mwe dari diraginna yipalamakuna ya'. ⁸ Yipalamakuna yaka naanga nedai 'Yagaainakeihi Ga'maaniya naangeryabanna kotiya'jila!' neda!. A'mwe dari yawaarava'gizi gimi saigi dara yawi'na jitthesi 'Juyara sara nyidivaniqasa yune nebulyangira.' " ⁹ Tetalaazai mi'na kuda' Juyara avaaina yawireva wide! "Githiwake yuya sasarengira."

Pilikizaryaba Poli widake'nesi.

¹⁰ Sagaa' Ga'maaniya naangei Poli yagaala wi'ja'na ata yi'da'na kya' sai wida'

"Kwarame pijaakuna yawibwa'dinyaigii nemire anga naanga dimaginyainaavii yagaala jawibwarakina yadiinyaigii, yawi'mwe'na yagaala gitihide'na yilaaya yivanige. ¹¹ Jeruzaalemi Gotiyari yilaaya'na gaai kyilaawe sagaa'daasi sawita atiraai si'ila puridaasi piriwaalya nejinna!. Sare'na gimi saigi dara wangadiza! 'O, Poli sara nyidivake' nebulya'na daaka!' ¹² Gotiyare Angevi pwarajii maanga madinyi yadaawojo Juyara nyangane!. Nabaai, Juyaraavire lotuangengiji Jeruzaalemi adusangiji kwala bwa'naanya mumwaaifiye. ¹³ Tewaanya gavebwi yeinyi Juyara nyangane!. Ni'mi myeinyina kwaasi yagaalya' gitihwaasa' nebulya'na magiziwaa!. Aawa. ¹⁴ Yagaala piri' gitihwaasa' nebulyasi. Gotiyari nemire Ne sinnawinyaraavirerit yilaaya yadi kumi mudikebwi kwaasiyaburi dimanigasabwi mididinyainyira. Sara yadiinya' kirri' Ne Mozizare kiwinya yuya yi'da'nikeji Gotiyari wi'navijiwakyaasaraavire yagaala yi'da'nikeji limwadinyainyira. ¹⁵ Gotiyari'na kumi sahwara sara yawi'manigasa' yemwaalyabwi sara yawi'manige. A'mwe yuyara a'mwe yi'da'maraangerajt a'mwe yi'da'na myadivisarajt sara baryara dikaapi'de'na sara yawi'daa yemwaaimanigo. ¹⁶ Sare'na Gotiyalyi a'mwerajii tinna nyangadivii yuyagaa' tewaanna mwaaidinya'na 'Ni'mire simunya padaihtrakya' tewaanyabwi daaka?' siduta sara yawi'di yivanigeinyira.

¹⁷ Jeruzaalemi ya'ma'na yena piba piba kaanya yamaryadaazi kwarame kwalaalya kanyavilava' ni'nyia anga naanga dimaginyaraavine nigwia makwiya'naji Gotiyari' sipzipiya wi'jaaya'naji Jeruzaaleminna ayina yimwa'daawade. ¹⁸ Yilaawena girikitainanya wasi'nya'ne mena yena Gotiyari' wi'javadaazi Gotiyare Yileangevi nyangamwa'daa!. Nyangamwa'daasagaal kwala bwa'naanya' mamwaalyiwa'daa!. Jakeji malyasi sa myiwa'do. Ni'mi sa myadaazi Juya pwara Kwaaka Eziya mwaalyara mwaimwa'daa!. ¹⁹ Sahwara ni'minyina 'Yagaainakeina daaka!' yawi'piji kwajidavanna mulaabi be'na yeva giminyyaba madaayeva yagaala sa' manyijivaniga? ²⁰ Davanna mulaabi kyiwaa' Kaajoliyaraayaba daa'dezit Kaajoliyara ni'minyina 'Sai kayaa'nanya sara ya!', beriva dimwa'daava? A'mwe dara nyidipi'ka! Ni'mi kayaa'nanya yeinyi daaka? ²¹ Yagaala gave da' dingaka? Kuminyaba daa'di jaka dara widiwa'de. 'A'mwera balyasara dikaapi'dererera,' limwamanige'na dahaa' kotiya' nyijivanigasaihilyira. Sara widiwa'de'na maanga dahanyidivaniqava?"

²² Sagaa' Pilikizai Kiraazitiyareraavirebwi siduta yawirakei Juyaraavidi 'Wikira. Jemwaalyideihilyi. Aawilasaraav maremwaaiide naangei Liziyaazai kwalyaabozit sarimire yagaala jawibwarakina yideinyira.' ²³ Sara widaaka aawilasaraav maremwaideri Polimina wida' "Poli'ni damera wangabika! Kalavuza' diraginna nujaavipidika! Gamire gyamwera angyiri'maata yapiji wi'jaavipika! Sare'na tewaanyasira."

Poli Pilikizalyi Diruzilasi sayori widake'nesi.

²⁴ Sawita pin kajinna' Pilikizai gannya balaange' Diruzilasi bina ya!. A'mwe Diruzila' sa' Juyasira. Mi'na bina yaka Polimina kudaasa' a'mwera Kiraazitiyi Jizaazarit limwangebwina Poli widaadasi Pilikizai kadika wi'nyina ya!. ²⁵ Kadika wi'nyina kya' kirri' yi'da'maraangeburinaji nayaa maremwaainyaburinaji Gotiyai kotiya nejidavade' yima'nadevurinaji kuda' Pilikizai lika yaka ja'nawidina "Wikira.

Dahaan' ja'mavadera. Pi'gaa' navika kamwaala'muj'i yagaala pini dakadera." ²⁵ Widaaka yawi'na ya! "Pol'i dina 'Pilikizai niminyina tewaanna yana!' dina yoji nigwia yanga nyijaavadei dingaka?" Sara yawi'da kwalaalyagaa! Polimina widaasaka saraai dinya na yagi.

²⁷ Kwarame piriwaai kwavilava! Ga'maan'ya naanga mudikei Pezitaazai Poziyaazai bi'na yaka a'mwe Pilikizare kwaakevi maremwaaideryaba maremwaaina ya!. Pilikizai wawakegaa' sai yawi'na ya! "Juyara niminyina yilaaya yipi'ka!" Yawi'na yaka kalavuzangevi Polimi kuna wimwaihitwina ya!.

25

Pol'i widake! "A'mwe naangei Sizaari'otiya'na widideinyi."

¹ Sarevidaa'nyi Kwaaka savakina Pezitaazai bi'ma'na kya' yirika dawaai dasa wavila'na kya' Sizaariyadaasi Jeruzaaleminna yilaawina ya!. ² Jeruzaaleminna yilaawina kya' Gotiyarina mubithika yira'divita naangeraji Juyara a'mwe naangeraji sara Polimina yagaala wide!. ³ A'mwe sara yawi'na "Tusav Polimi kiwale livaramaadera," yawi'na yesara Pezitaazar kwaasi yagaala diraginna widaangane! "Neya'mweig, neminyina kale kagyozi Jeruzaaleminna Polimina duthasaadeiginyira." ⁴ Sarevidaa'nyi Pezitaazai wida! "Aalo. Anga Sizaariya kalavuzangevi Pol'i kamwaaimwa' maalikegaa' nim'i sainyi ayina walaawideinyira." ⁵ Sarevidaa'nyi 'A'mwe sai kayaa'na yakerinera, dipija' Sizaariyana nimiji sarimire a'mwe naangera walaawapij'i kotiyaba gamire kayaa'nanya'na nyidipide'nanyira."

⁶ Yirika pijaa! (8 dingako? 10 dingako?) Jeruzaalemi kuminyaba Pezitaazai mwaalina yaka Sizaariyana walaawina ya!. Walaawina yaka mwanya piriwi' kotinamwaalisaba walamaaaina yaka wida! "Polimi dimakabyila!" ⁷ Kuda! sai bi'ma'na kya' Juyara Jeruzaalemidaaasara gaminyaba daavina yeva gaminyina wide! "A'mwe sai kayaa'nanya naanga kwalaalya ya!. Sana sana yina ya!" Sara yesara yagaala nebulya'na Pezitaazar mujawaaki ye!. ⁸ Mujawaaki kye' sahwai kumire yagaalya'na wirivikira! "Nimi' kayaa'nanyabwi myadinyainyira. Juya Ne sinnawinyaraavire Kiwinja kayaaka migalye. Gotiyare Angevi giri'ka myigalakte. Romi' maremwaidei a'mwe naanga Sizaariya kaya'a'na migalye." ⁹ Sara kuda! Pezitaazai yawi'na "Juyara yilaaya yipi'de'na!" Yawi'na yaka Polimi yawaara'na ya! "Jeruzaaleminna wawa'gizi' saba niminyaba kotiya dinaadeigi daaka?" ¹⁰ Sai wida! "Romiyaihire kotiyaba daamanige. Kotiya da! daana! Gim'i saig'i nayaa yawi'mwaana 'Juyaraavina Pol'i kayaa'na migalyakelyira.' ¹¹ Sarevidaa'nyi Romiyaraavire kiwinja kayaaka yigaimuj'i kwaj'i 'Ginnya kayaa'nanya'na giramakaanneigi,' nyidipiji' kwaj'i yagaala mujainyi kabaimudikeinyira. Sa'na kir'i kumire yagaala niminyina kwaasi yagaala dimanigasa'na manyijaavinnera! Kwaaka yuyangi' maremwaidei Sizaai nimire yagaala wi'nana!" ¹² Sara kuda! Pezitaazaly'i gamire sidu'nakeraji' dinya'na kye' Pezitaazai wida! "'Sizaai nimire yagaala wi'nana!' nedivaanya'na Sizaaryawinna kagithaasa'muj'i dwodeiginyira."

Aahiripaaji Benaazasi sawaaryaba Pol'i daavake'nesi.

¹³ Dvi pi'gaa! Anga Sizaariyana Kingi'ya Aahiripaaji a'mwe Benaazasi Ga'maan'ya Pezitaazar angiyir'i'maasa'na yi'ma'na yagi. ¹⁴ Yi'ma'na kyagi sawita pini jinnadaasi Pezitaazai Kingiyar Polimina wijiwaakina ya! "Dava Ga'maan'ya Pilikizai a'mwei kalavuzari ya'ma'na kya' sai mwaalit!. ¹⁵ Jeruzaalemi yilaawegaa! Juyara Gotiyarina mubithika yira'divita naangeraji a'mwe naangeraji sarina nyide' 'A'mwe kayaa'nanyari duthathera "Kaya'a'na yigalaginya'na giramakaadeiginyi." ¹⁶ Sara kanyide' kir'i wide, 'Romiyaina sara myadaanyainera. Pwara kotiya' pwarina dinapiji' a'mweryaba madaayapij'i kotiyagaala sa' muj'i kyapij'i a'mwe

sari yaasiwatamya myaancheinera! Aawa, a'mwerajि a'mwelyि kotiya' nayaa dınapijि tewaanyabwi yıma'nadevulyıra'. Sara wıde. ¹⁷ Sareviдаa'nyi davanna walaabesagaa' myemwaalyi yena kırı' yırıka gave pırıvı kotınamwaalısaba yarai walamaaaina yena aawılasaraavı wıdiwa'de, 'A'mweri dımakabyıla!' ¹⁸ Sara wıdena 'Gamıre kayaa'nanya naangenna kotiya' wıdıpı'lera,' yawı'muneinyi kamwaaimwa'de gamınyi maanga wıdıvanıgasara daaveva kayaa'nanaange'na manyıjıwa'daava. ¹⁹ Aawa, kumırebwinı maanga wıdiwa'daava. Sai kumi sahwaraavıre Gotıyarına yılaaya gevwi yıvanı!. A'mwe pwai baryai Jizaazai wo'nıkerına maanga wıdiwa'daava. Sarına Polı 'Jizaazai mwaalıkelyıra,' dadelyıra. ²⁰ Yuya dangına yawı'na ye, 'Yagaala nebulya' garane' dıngaka?' Yawı'na yena Polımi yıwaara'na yıwa'de, 'Jeruzaalemiна kwawakwoihıjı yagaala savına kotiya' yıhu'nıdeinyi daaka?' ²¹ Sara yıwaara'na kyıwa'de kırı' sai nyıdiwa'dı' 'Aalo, sawınna muwıneinyi. Kwaaka yuyangi maremwaaiidei Sizaai nımire kotiya' wı'nana!' Sare'na kalavuzangevi wothaayaraavı wıdiwa'de, 'Kalavuzangevi darı nayaa dumwaaihyıla! Dıvi Sizaaryawınna waasıdehaa'nanyıra.' " ²² Kuda' Aahıripaa Pezıtaazarı wıda! "Nımire sımunya' daresi. Nımi sainyı a'mwe nyıdiwaanyarı kadıka wı'nıma!" Pezıtaazai wıda! "Mwanyavı kamakaba'mujı kadıka du'nadeigınyıra."

²³ Sareviдаa'nyi yırıka pırıvı Aahıripaaji Benaazası sawaai baazi'ma'nya nawı'nya marabaazi'ma'nyına yagıla nıgwılalaaka nawı'nya mararinna yagıla yagaala wı'nya'nebanna wına kyagi aawılasaraavı maremwaaidıvıta naangerajı angaba mwaalya naangerajı sawaarına yılaaya marina wieva angevına nayaa jıvwaramakuna ye!. Jıvwaramakuna kye! Pezıtaazai sara kuda' pwara Polımi makabına ye!. ²⁴ Makabına kye! Pezıtaazai wıda! "Kingıya Aahıripaagi, pwaihi dava mwaaihasaihi a'mwe darı dangamanıgava! Juya yuyara dava mwaalyarajı Jeruzaalemi mwaalyarajı sara gamınyına kotiya' nyıdiwa'daa!. Jaka naanga nyıdiwa'daa! 'Sai mamwaalanner!' ²⁵ Jaka sara kanyıdiwa'daa! dara bı'mwa'de! 'Ai, a'mwe dai tamakya'na kayaa'na migalyawalyaadıkei daaka!' Kadıwa'de sahwai nyıdiwa'dı' 'Kotiya' Sizaai wı'nana!' Sare'na mena yawı'mwa'de. Sizaaryawınna waasıdeinyıra. ²⁶ Sara yawı'mwa'de kırı' gamınyına Sizaarı pikarya gara yavıkaridelaka? Savına Kingıya Aahıripaagiјı yuyaihılyı saihıryabanna sarı makabına yıwana. Gamıre yagaalyavı kadıka wı'napijı nyıjıla! 'Sana sana Sizaarı pikarya javıkarya!' ²⁷ Sare' dare'nesi. Nımi dıwa 'Kalavuzarına gamıre kayaa'nanyabwi myavıkari yıde' yaasiwa'na yaasıde'na tewaanya' mıka!' sara dıwana," wıda!.

26

Aahıripaamyaba Polı gannyabwi wıjıwaakake'nesi.

¹ Aahıripaa Polımi wıda! "Gımınyıne yagaala dınedana!" Kuda' sai gannya asi makina yaka gannya yagaala wıda!

² "Kingıya Aahıripaagi, dahanı nınnya yagaalya' gıthıde'na yılaaya yıvanıge. Juya nımınyına kotiya' wıdadıvısa'na gıthıde'nanyı. ³ Juyainaavırebulyı Juyainaavıre yawıta ge geji sangına sıdu'nakeigınyı. 'Sara yawı'dınyavı nımire yagaala naanga nayaa du'nana!' dıragınna githaangamanıge.

⁴ Maalıkeinyi mwaalegaası yuyagaası dahanı mwaaidınya'na Juya yuyara nyawı'mwaava. Anga Jeruzaalemi nımire anga naanga pımagınyaraayawı mwaaleinyi. ⁵ Sareinyı yawı'mwaava. Nabaai 'Wıdaana!' dıpija' dara nedıpıka! 'Sınnawıdaa'nyı Polı Perızıyaraavırebwi dıragınna mıdıdelyı.' Perızıyaraavırebwi naangebulyı. Pıbura maalıkeburera. ⁶ Gotıyai Ne sınnawınyaraavı yune naanga nebulya'na wıjaake'na yemwaaimanıge'na dahanı kotiya' nyıdıvanıgası'na

daa'manige. Sarevi Juya yuyaina yemwaaimanigo. ⁷ Sawitagaal' yirikagaa' Ne sinnawinya siviliraai ata puridaasi pwaraalyaraavireina Gotiyari yilaaya yadaanyainera. Yadaanya'na Gotiyai Ne sinnawinyaraavi wijaake nebulya'na yima'nya'na yemwaaimanigo. Nabaai, nimti sara yemwaaimanige'na, Kingyaigti, Juyara kotiya be'na nyimarivanigava! Kumirebwina! ⁸ Juyaihi, Gotiyai baryara yidikaavade'na be'na yivanigava myawirinanyava! (Naange! daaka!)

⁹ Kigaa' dara yawi'na ye, 'Jizaazai Naazaret mwaalyare yayaviji gamireraaviji kayaal'na yuyanna wima!' Sara yawi'na yena Jeruzaalemi sara yina ye. ¹⁰ Sara yina kye Gotiyarinna mubithika yira'de naangera widaasina kanye' kalavuzangevi Gotiyare tewaanya kwalaalyaraavivi mwaanihina ye. Pigaal' pwara dinya'na 'Jizaazarera baibizara,' dinya'na kye' nabaai nimti 'Baibiderera,' wide. ¹¹ Sara widena naangegaa' Juyainaavire Lotuanga yuyangi pwara saraavina widina 'Diramyila!' Jizaazareraavivi wide 'Jizaazarbirala widapiji gamire limwangebwi marasi'nyila!' Divi sahwaraavina nimtre senna tika nyidaadaa'nyi Menyaraavire angebanna yiwnama'na kyapiji sabanna kuminyina kayaa'na yigalya'na kaanna wina ye."

Pol Kiraazitiyarei yima'nakei widake'nesi.

(Apozeliyara 9:3-19; 22:6-16)

¹² Pol kuna wida! "Jizaazareraavivi kayaaka yigalima!" dena sare'na kude Gotiyarina yira'divita naangera paaziya' nyijaaveva Anga Damaazikazina kumire wawinya'na widaasina nye!. ¹³ Widaaasina kanye' Kingyaigti, sirigwajahaa' tusavivi dara wanganage! 'O, sigunyavidaasi baaka naange' nimiji a'mwera ye'mwannigwodaanyaraj sainaayaba damwadiwaka!' Nyiliyi maalikelyi. Baaka sa' naangesira. ¹⁴ Sara kade kwaakevina yuyaina wala'na kyo Yiviruyagaala maanguraayavivi wi'ne, 'Soligi, Soligi, kayaa'na be'na nyigaimanigina? Bulimakaawoyai "Aala!" dina yaka gyakware yita yesa yinike' sivilyasi tamina kyawa' daanga wivimwakabaabi' gimirre Gotiyari kayaa'na kyiwaa gimininyina daanga givimanika.' ¹⁵ Widena yawaara'na ye 'Naangeigi, aaihwaiginaka?'

'Kayaaka nyigaimaniginya'na Jizaazainyira. ¹⁶ Sahwainiyi kiriri' gimi dithaaka! Sare' dare'nesi. "Niminyi nyidaayideigti nyijalikurakideigti jima'nana!" dena gitthahilakiide'na biweinyira. Wawa'gizi dahaa' niminyine diraginya wangamwaanya'na pwaraavivi duzalikurakideiginya. Sara ya'gizi divi pininna giziwaainide'na duthatheiginya. ¹⁷ Yizirelitarajt ajimya yuyangiyarajt saraayawinna kagithaasa'mujt giminiyi kayaaka kagyapi givadaihasamaarideiginya. ¹⁸ Widaaasina kagya'mujt gimi wawa'gizi pwaraavire siduta mudike duzaadeiginya. Saataanimire jihinyavi mwaaidivisaraavivi nimire baaka nawi'nyavina yibwaramakuna jittheiginya. Saataanimire kwaasi diraginya wasinapiji Gotiyare diraginaanga limwabiderera. Niminyi kanyilimwagapiji kumire kayaa'nanya marasi'ni'derera. Kamarasi'na'mujt Gotiyai dahilakakeraayabanna sahwaraavivi mwaaihadelyira, Naangei sara nyida!'

Pol gannya wawinya'na wijiwaakake'nesi.

¹⁹ Sarevi'daa'nyi Aahripaa Kingyaigti, sigunyavidaa'nyi sara wi'ne' sara midimweinyira. Sabwi mamarasi'nyiwa. ²⁰ Aawa. Sinnawi Anga Damaazikazijt Anga Jeruzaalemi sabinna wijiwaakina ye. Divi Kwaaka Juthiya yuyabajt ajimya yuyangiyaraavirebajt avaaina wijiwaakina ye. Ayabwi wasinadivt mudikebwi Gotiyarebwi jawiramaarila! Sara yapiji 'Mudikebuliyaina sare yaana!' dapiji a'mwera tinna wanganya'na nayaa sara jila! ²¹ Sareinyi ye'na Gotiyare Angevi Juyara galalimwanna nyeva nyirame!. ²² Kigaa' yuyagaasi dahaasi Gotiyai nyivainadevida'nyi dava daavina yena a'mwe naangeihiriji a'mwe maalikeihiriji yuya sahwaihirji Gotiyare yagaalya' yihzalikurakivige. Yagaala sa' mudike'

daaka! Aawa, Ne Mozizalyi Gotiyari wi'nawijiwaaakadivsaraj sara avaaina mena nejaasasira. ²³ Dara nejaa! 'Gotiyai dahilakakei Kiraazitayar daanga naanga kuvinoji baloji sinnawinyai kwaihwaaainakei dikaavadelyira. Divi a'mwe yuyara dikaapi'dererera. DiKaavoji a'mwe sainaavijnaj ajmya yuyangiyaraavijnaj sainaavina nedathe! "A'mwera Gotiyare nawi'nyaba baakeba mwaabibidrerera." Yit sahwai baaka naange' a'mweraavina wijiwaainadelyi.' Poli sara wida!

²⁴ Poli kotiya'na sara widaadaa'nyiyagaa! Pezitaazai jaka wida! "Poligaa'neiginyi. Bukuya naanga wanganagila naanga yawiragiila sidu'maayaig dahayima'nivanigina?" ²⁵ Sai wida! "A'mwe naangeigit, Pezitaazaigit, aa'neinyi mikaa! Aawa. Yagaala yihithiwe nebulyasira. Yagaala sidu'nakenna yihithiwa. ²⁶ Kingiya Aahiriipaagit, sare' dare'nesi. Sahinenna yawi'mwaanya'na diraginna gitthiwa. Yuya, yihithiwe dara yawi'mwaanya! 'O, sara sara daaka!' Lika myulyaryakengira. Sare' dare'nesi. A'mwera tinna wanganyaba ku'maayaba yakengira. ²⁷ Kingiya Aahiriipaagit, Gotiyari wi'nawijaasaraavtre yagaala dilimwamanigina? Sare'na dara yawi'mwe! 'Aahiriipaa kumire yagaalya! mena wi'nivanikei daaka!' ²⁸ Kuja! Aahiriipaa sahwari yarai wida! "O, nyidiwaanya'na Kiraazitiyareinyi yarai yima'nijiwana!"

²⁹ Poli wida! "Gotiyari wida'vanige. Maalikegaa' dingaka? Naangegaa' dingaka? Aahiriipaaji pwara kadika nyu'nivanigasaraj sara nimibisara yima'nipiika! Sara kiri' seniyabaraj nyivwiyinikeinyira. Sahwara senimaayara Kiraazitiyarerera yima'nipiika!"

³⁰ Sagaa! Kingiyalyi Ga'maanlya naangelyi Benaazasi pwara yuyaraj daavina yeva ³¹ ya'ma'na yeva dinya'na ye! "Tamakya'naj kalavuzangevi mwaalya'naj a'mwe dai kayaa'na myadelyira." ³² Sara dinya'na kye! Aahiriipaa Pezitaazar wida! "Pezitaazaigit, a'mwe dai 'Sizaai nimire yagaalya' wi'nana!' mujazi kwaji 'Ginnya angevina diwona!' kuditthika!" wida!

27

Anga Romina sipyia! Polimi makwawake'nesi.

¹ Ga'maanlya naangei neminyina dina "Kwaaka Yitaalina sahwara wipika!" Dina yaka Juliyaaazar Polimiji kalavuzaraavtji marimwangina neya! A'mwe Juliyaaazai Ohazitaazare Aawilasaraav maremwaaideleyira. ² Wijaavina kaneya' sipyia' Anga Athiraamityaamidaasavt yilamwaaina yo. Yilamwaaina kyo Kwaaka Ezya maangebaarine sipyia sa' nemakwawo!. A'mwe pwai Arizitaakazai Kwaaka Maazathoniya Anga Tezalonaaika mwaalyai nemijiyaly nemakwawo!. ³ Nemakwodaasi Anga Saaithonina yimavaawina yo. Yimavaawina kyo Juliyaaazai Polimina kale kwia' bwiwanna wida'na ya! "Dava mwaalyara gya'mweraayawi angyir'i'maata ja!" Kuda! Poli kwawa! gya'mwera wapaayaj pinitji wijaavina ye!. ⁴ Wijaavina kye' divi sabadaasi sipyia' kaanna wina yaka Ahu'manna Saaipiraazi pimagi yihuta naange! yake'na sina mwiyi yaka Saaipiraazi pimagi yihuta maalike! yakeba wavila'na ya!. ⁵ Wavila'na yaka Kwaaka Silizya Kwaaka Paabililya saalaalyavi ga'ma'na yaka Kwaaka Liziya Anga Maaira mannikebanna makuna neya!. ⁶ Makuna kaneya' aawilasaraavt maremwaaidei dara wanganake! "Ai, sipyia piri! Anga Alekizaadriyadaasa! Kwaaka Yitaaline! daaka!" Sara daka sipyia savt yilawimwaanihina neya!

⁷ Sawita pijaa! yihuta'na sipyia sa' kave kave makuna neyaka sipyavt wawinya yadivisara wawinya naanga yina yina kye! Anga Naaithaazi sabanna kave makuna neya!. Kave makuna neyaka simagi yihuta naanga'na mamakwiyi neyaka pimagi Ahu'manna Kiritina yihuta naanga maayaba makuna neyaka kwaaka maalika Saalmoni wavila'na ya!. ⁸ Wavila'na yaka saalaalyavi maangebaar maalikeba wavila'na kya! sipyavt wawinya yadivisara wawinya naanga yina yina kye! Sipyia

Wila'de Nawi'nyaangebanna kavena yi'ma'na ya!. Sipiya Wila'de Nawi'nyaangeba Laaziya aya kiba warikebanyira.

⁹ Saba yemwaaina yemwaaina kyo Juyara wapaaya manyadivisagaa' mena wavila'na kaneya' yiraaya wanangegaa' yi'ma'nyina ya!. Wanangegaa' yi'ma'nyina kya' sipiya yarai kayaakegaa'na Poli wida' ¹⁰ "A'mweihi, dara wangamwe! 'O, dahaasagaa' sipiya kayaaka yadehaa' mena jiwaka! Nabaai, nemire sipiysi sipiav'i gilyivisa wila'di'nyiyaji sa gave kayaaka yade mi!. Aawa. Nemt a'mweinaaviji kayaaka neyade'na daaka!" Sara dena mwawaanner!" ¹¹ Sara kuda' kiri' aawilata maremwaaidei sipiya' maremwaaide naangelyi sipiav'i gyakwalyi saraai widahilya' wi'nyina ya!. Polimire yagaalya' mu'nyi ya!. ¹² Saba burikeviji yihusaviji sagaa' sipiya' warya' kayaa'nanyasira. Sa'ne' sipiaviyara naangevaakiyara yawi'na ye! "Kayaaka naneyigaladika! Sipiya' saalaalyav'i wawaka anga nawi'nya! Pinikizina nemakwona! Saba yihusagaa' mwalaadeinera." Anga saba yihusanna lika yulayarkebera. Nyila walakadimagi warikeba.

Saalaalyav'i yihuta naange' kayaa'na yake'nesi.

¹³ Divo saalaalyavidaasi yihuta maalike' yadaa'nyi a'mwera yawi'na "Tewaanyasi. Dimwo'na kaanyaana!" Yawi'na yeva wila yaarinna kye' Ahu'manna Kiriti maangebaari sipiya' makuna neya!. ¹⁴ Maalikegaa' makuna neyadaa'nyi sagaa' yihu'maanarya' Notizita wo'nike' ahu'mannyavidaasi yarai yina. ¹⁵ Yarai yina yaka sipiav'i yitavamakuna kya' sipiya' si'na yina mwiyi kya' nemt yawi'na "Yihuta naange'na sipiya' yitavamakwawana!" Yawi'na kyo yihusa' yitavamakuna ya!. ¹⁶ Yitavamakuna kya' Ahu'manna maalika Kothaa yihuta kibaweyaba a'mwera "Botiya maalike' kayaaka nyadika!" deva botiya maalike' dusmagi warake'na wawinya naange' yona yilamaarakina yo. ¹⁷ Nemijiyara botiya maalike' mwagi'namaa'na yeva sipiya' naangevi yilamarakina ye! Yilamarakina yeva "Sipiya' diraginya yivaimwagaana!" deva wilyaj iunebanna pwiyina ye!. Pwiyina yeva "We!, siwekeyaba Kwaaka Livya (Kwaaka Aprika) nemire sipiya' kayaaka nyadika!" deva sipizeliya' yivita naangevabis'a marapwiyina kye' yihuta sa' sipiya' yitavamakuna ya!. ¹⁸ Yitavamakuna yaka yirika pirkiki yihuta naange' kuna kya' "Sipiya' tewaanya warade'nanyi," deva saalaalyavina sipiav'i wila'di'nyiya gaai marasi'na marasi'na yeva ¹⁹ yirika pirkiki kunnya asaji sipiavire gilyivita taanga marasi'na ye!. ²⁰ Marasi'na kye' kayaa'nanyagaa' yirika piningi nyilyalyi silingaaminyarikaj saraavi tinna mwanganyi mwanganyi kyo yuyagaa' yihuta naange' kuna yina yina ya!. Kuna yina yina kya' nemt yawi'na "We!, yuyaina mwalaadeina mika! Balaadeinera nemt, we!"

²¹ Sawita piyaakuna a'mwera manyadaapiji kuminyi tinnayaba Poli daavina yaka widina "Nya'mweihi, yihithiwija' wi'napiji kwajt Ahu'manna Kiriti mya'mayi kyipidika. Sara yipiiji kwajt kayaaka kaneyadi' mi!. Sara yipiiji kwajt sipiav'i gilyivisa mamarasi'nyi kyaadika!" ²² Sa'na kiri' naanga yihithima! Lika mipinera! A'mwe yuyaina mabalyi yaadeinera. Sipiya gave' kayaaka yinadesi.

²³ Sare' dare'nesi. Nimi Gotiyareinyi Gotiyari yilaaya yadinyalyi. Sawisavi Gotiyai sare ejeliyai niminyawinna baka ²⁴ nyijawaali' 'Polig, lika minna! Kayaaka gyathei' mi!. A'mwe naangei Sizaaryaba dithaad'eiginyira. Nabaai, Gotiyai gimininyina yange'na yihigaimwamanike'na sipiav'i wilamwaaihata yuyarajt tewaanna dimwaalyideihilyira." ²⁵ Sara nyijawaali'ke'na lika mipinera! Sare' dare'nesi. 'Gotiyai nyijawaali'ke' nebulya'na yi'ma'nadesira,' sara limwaga'manige. ²⁶ Sa'na kiri' ahu'manna piri'i nemire sipiya' kayaaka yinadesira," wida' Poli.

²⁷ Yihu'maanarya' kuna yadaasi sawita kwalaalya (14) nevilavakegaa' sawita savi saalaalya Methitiranian sabanna yihusa' nemire sipiya' yitavamakuna ya!.

Yitavamakuna yadaa'nyi sawita kalawawegaa' sipiyyavi widaayadivsara simunya dara yawiresa! "Ai, aya kiba kwaakeva' darika!" ²⁸ Sara deva aalyavi wilyabaai taanginya pwiyinikebaai makwaasina yeva yaamiji wanganeva aalya damwineba saaminaanga mitaaya 36 tinna wanganna ye!. Tinna wanganna yeva divi maalikgaa' wilyabaai ayawi makwaasina yeva aalya damwineba saaminya kibawe mitaaya 27 tinna wanganna ye!. ²⁹ Tinna wanganna yeva lika yina yeva "Silaangengi nemire sipiya! kayaaka nyadika! Dava sipiya! warade'nanyi. Sipiya! nawodika!" deva sipiyyavi dusimagi kwaari'mayaginya nadiya dawaai dawaalyangi makwaasina ye!. Makwaasina yeva "We!, yirike! yarai purana!" deva tibariyagaala dina dina ye!. ³⁰ Tibariyagaala dina dina yeva sipiyyavi wawinya yadivsara dinyina ye! "Nabalaadika! Davidaasi kaanyaana!" Dinyina yeva pwaraav kwaasi widina "Sipiya sinnyimagi kwaari'mayaginya nadiyangi wakaana!" Kwaasi widina yeva aalyavi botiyavi lika yulya'na walakina yadivt yadaapiji ³¹ Poli tinna wanganaka aawilasaraav maremwaaidelyi aawilasaraaj saraavt widina ya! "Sipiyyavi wawnya yadivita dara milamwaalyipija! tewaanya myivainyi jideihilyira." ³² Sara widina kya! aawilasara botiya' pwiyinike wilyangi yarai yesiw'i na kye! aalyavina gami sa' wina ya! botiya!.

³³ Yirikunyagaa' wapaaya tika nya'na Poli yuyaraavt naanga widaangana! "Yirika atiraai sivila puridaasi dawaai dawaai nevila'daasi simunya kwalaalya yawi'divt wapaaya manyadivt mwaaimanigasaihilyira. ³⁴ Naange'nanyabwi yihithima! Wapaaya dinyila! Sare! dare'nesi. Napiji diraginya dimwaalyidera. Yuyaihi, kayaaka jinyidehi mi!. Sare! dare'nesi. Sarimire mijata aane piri' kirii' kayaaka yade! mi!." ³⁵ Widina yaka Poli girkula maarina yaka kumiynyaba Gotiyari "Su! Su!" widina yaka girkula gunyina yaka nyina ya!. ³⁶ Nyina yadaasi yuyara pwara Poli yakabaaibi' diraginna yina yeva wapaaya nyina ye!. ³⁷ Sipiyyavi nemi yuyaina a'mwe 276 mwaaloiner. ³⁸ Yuyara wapaaya mena neva "Sipiya taanginya! daaka!" dinneva aalyavt witizila yuya marasi'na marasi'na ye!.

Sipiya! kayaaka yigalake'nesi.

³⁹ Yirika mena purina kya! sipiyyavi wawinya yadivsara kwaakeva' tinna wanganeva dinyina "Kwaaka be kwaakavakaka?" Dinyina yeva dara wanganesa! "Keiba tewaanyaba daaka! Siweka gaveba daaka!" Deva "Maangebaarit nawi'nyabanna sipiya' wilaawana!" dinyina ye!. ⁴⁰ Dinyina yeva kwaari'mayaginya nadiya pwiyinikebara yesiw'i na kye! aalyavt wa'di'nyi palaaniya saaminyawaai sipiya' giyiwannakewaa piwiyinikebaraavt yaarina. Mena yaarina yeva "Yihusa! nemakwawana!" dina yeva sinnyimagi seliya maalike' timudaakuna kye! maangebaarina sipiya' wina ya!. ⁴¹ Wina yadaasi aalya amwinevi ahu'manna wekejiki tamaka pibanna mwiyi yina ya!. Sipiya sinnya' diraginna warina yadi'nyi dusimaginya' aalyasi yihusasi diraginna diraginna tamina yina kya! sipiya dusimaginya' kayaaka yinyina yaka warina ya!.

⁴² Aawilasara yawi'na "Maangebaarina kalavuzara li'napiji likaanya nupidika! Tamakaana!" ⁴³ Yawi'na kye! kirii' aawilasaraavt maremwaaidi yawi'na "Polimi yivainima!" Yawi'na yaka "Saraavt maramakipinera!" Widaka yuyainaavt neda! "A'mwe pwaihi li'nadivsaihi, aalyavt dikwosinapiji maangebaarina dilinigulaawila! ⁴⁴ Pwaihi, palaaniyajt yisajt kalimwagapiji maangebaarina yihusa! yihitawaasadera." Sara widina kya! sara yona maangebaarina yuyaina tewaanna yimana yo.

¹ Kwaakevakı tewaanya mwaalogaa' dara yawiro' "O, ahu'manna da! Molita wo'nike' daaka!" ² Burika nevadaa'nyi yırıla nedadaa'nyi saba mwaalyara a'mwe tewaanyara neminyina kale maalı'na myua!. Sare' dare'nesi. Sahwara dika yıra'na yeva "Yuyaihi, dıkevi jımwannyıla!" nede!. ³ Kanede' dika savı kamwaalo Polı dıkewaka marikwa'na yaka dıkevi bulyıra'na yadaası naawınaanyai dika kwi'na' dıkewakıdaası bwalyuna yaka Polımire asavı tıka bwalyada'na ya!. ⁴ Tıka bwalyada'daası naawınaanyai gamıre asavı lıngwıre'na kya! Maavera saba mwaalyara tınna wanganeva dıne! "A'mwe dai a'mwe pwarı tamakakei kırı' naawınaanyai kada'mwa' kayaa'nanyai balannelyıra. Saalaalyavı balanne kwai yıwakei baladelyıra." ⁵ Kadıne' Polı naawınaanyarı dıkevi marırıkurasi'na yaka kayaa'na myıma'nyi yaka tewaanyai mwaalına ya!. ⁶ Tewaanyai mwaalaka mwaalaka kya! "Sare asa' mılamakina yade' dıngaka? Yarai balına yadei dıngaka?" Sara deva yemwaaina ye!. Yemwaaina yemwaaina yeva dara wanganesa! "Ai, tewaanyai kuna damwaalıka!" Deva sıduta pıbwi yawı'na yeva dınyına ye! "A'mwe dai Gotıyaibısalıyıra."

⁷ Sabadaasıaya kıba wawınya pıni warına ya!. Wawınya sangı gyakwai Pavılaazai ahu'manna savı maremwaaidelıyıra. A'mwe sai kale wiadaa'nyi neda! "Nımiре angevi angyırı'maata nyıla!" Kaneda' sawıta dawaai dasavı wa'mwa'na yo. ⁸ Pavılaazare ganiımaangei kılaakejı' dı'mudınakıe lıkulya tınameki warına ya!. Gannya yı'bınyavı wa'dı'nyi ku'dıkevi Polı wılaka gamınyına Gotıyarı wıdaka asawaai kadathıwaga' nabalya yarai yıwına ya!. ⁹ Sara kya! ahu'manna savı mwaalyara nabalınakera kadıka wı'neva neminyawınnı bına kye! Polı tewaanna yına ya!. ¹⁰ Savıdaası yanga naanga wıjaavına neyeva dıvi sıpıya' nemakwawakegaa' sıpıyavı neminyıne wapaayajı aalyası yıvısaçı saza wılakına ye!.

Molitadaası Anga Romınesi.

¹¹ Lawe dıkaai dı' ahu'manna savı mwaalonı sıpıya pırıvı yılamwaaaina kyo makuna neya!. Sıpıya sa' Anga Alekızaadıriyadaasa' burıkegaa' ahu'mannyavı warakesıra. Sıpıya sa' yaya' Kaazıtıcı Polaakızıalyı gıra'mıraalyaraalya' wo'nıkesıra. ¹² Makuna neyaka anga Saairakyuzına yı'mavaawına kya' saba sawıta dawaai dasavı mwaalına yo. ¹³ Mwaalına kyo sıpıya' makuna neyaka anga Rızyaamına yı'ma'na ya!. Yı'ma'na kya' yırıka pırıvı dusıdaası yıhusa' yına kya' sawıta dawaai kajınnıa' anga Pyutıyolaaina sıpıya' yarai makuna neya!. ¹⁴ Makuna kaneye' dara wangano! "Anga davı mwaalyara pwara neya'mwera daaka!" Sara kado sahwara yıwaara'na neye! "Wikıya pırı' dava dımwaalyidehi daaka?" Yıwaara'na kaneye' saba mwaalına yo. Mena mwaalına yona Romıneina kwaakaanya wına yo. ¹⁵ Kwaakaanya wına yadaawoju Romı mwaalyara neya'mwera neminyına kadıka dara wı'nesa' "Polı' pwara Kıraazıtıyarerajı jınígava!" Sara deva pwara Maaketıya Aapıyaazına wıjımaa'nyına kaneye' pwara anga Se Warya Dawaai Dasabanna wıjımaa'nyına neye!. Wıjımaa'nyına kaneye' Polı kumınyı tınnı wanganaka Gotıyarı "Su! Su!" wıdına yaka gamıre sımunyavı yıvaimwangebwı maaraka yılaaya yına ya!.

Anga Romı Polı mwaalake'nesi.

¹⁶ Romına yı'mavaawına kyo ga'maanıyara nede! "Polı kalavuzangevi mamwaalyı yade'na ange'na bırojı savı mwaaladelyıra. Aawılata pwai damelyı mwaaladelyıra."

¹⁷ Yırıka dawaai dasa kavura! Polı Juya naanga mınyagınyaraavına yıkabya'na yagaala wıdaasına ya!. Wıdaasına kya' a'mwera yıkabına kye' wıda! "Nya'mweihi, nemıre Juyaraavına kayaa'na myeinyıra. Nemıre Ne sınnawınyaraavırebwi kayaa'na myeinyıra. Sara mi kye kırı' Jeruzaalemi nyıvwıyeva kalavuzainıyı Romıyaraavı nyımarımwange!. ¹⁸ Kanyımarımwange! Romıyara nyıwaaraveva dara yawıresı! 'O, a'mwe dai balya'na kayaa'na myakei daaka!' Sara deva dınyına 'Kalavuzangevi daası'

yune'na w̄dasaana!' ¹⁹ D̄nyina sara kye' Juyara w̄de' 'Ar̄kawinyi.' Sara kude' n̄mire anga naanga s̄maginya sahwaraavina 'Kot̄ya' yagaainakeinyi ȳderera,' mujena 'Gave p̄bwina darika?' dena w̄de 'A'mwe Naanga Sizaai kadika nyu'nana!' ²⁰ Sarev̄daa'nyi ȳhwanganide'naji ȳhithide'naji 'Jikabyila,' sara w̄dasaabiwa. Sare' dare'nesi. Ȳzireliyaina pwai s̄igunyavidaasarina yemwaidaanyarina seniya nȳvwiyinikeinyi mwaaihe." ²¹ Kum̄ w̄de' "Gim̄nyina Kwaaka Juthiyadaasa paaziya mamaaryona. Sabadaasara neya'mwera gim̄nyina maneje'. Gim̄nyine kayaa'nanyanna sahwara maneje!. ²² Manejesaina ḡmire yawisa' kadika w̄naanneinera. Sare' dare'nesi. Yuyaba a'mwera ḡmire K̄raazit̄yareraavina kayaa'na w̄dadiv̄i!, nabaai, kaneda'ḡizi kadika w̄naadeinera."

²³ Pīgaa! Pol̄ji Juyaraj̄i dahilakesagaa' ȳma'nyina kya' gam̄nyawinna a'mwe kwala naangera b̄na ye!. Mena b̄na kye' sagaa' mwanyavidaa'nyi sawit̄riyagaa'na Got̄yai d̄raginna nemaremwaaiden Pol̄ w̄jalikurakina w̄jalikurakina ya!. Sana yada Ne Mozizare k̄winyangji Got̄yari w̄nawijiwakyaasaraavire yagaalyangji Jizaazar̄i nayaalimwagasa'na w̄jawaaka!. ²⁴ Kuj̄waaka' pwara gam̄ire yagaalya' w̄nesa' k̄iri' pwara mu'nye!. ²⁵ Sara yeva yagaala kwalaalya d̄nyina kye' yagaala piri' Pol̄ wida' "Kigaakuna Kuryai Tewaanyai Got̄yari w̄nawijiwakyaakei Piropet̄ya Aazaayar̄i nebwinakuaa' sarim̄re Ne s̄innawinyaraavina Aazaayai sara w̄jaa!. ²⁶ W̄jaake' dara d̄nike'

'Wawa'ḡizi a'mwe daraav̄i duthathera

"Kad̄ke'na w̄nyina yapiji

myawiramaari jideihilyira.

T̄nna wanganna wanganna yapiji myawiranganyi jideihilyira."

²⁷ A'mwe daraavire siduta kayaaka yinike'na

Kunnya kadika taanga t̄la'nyina yesara

Kunnya t̄nnya t̄barya ya'na yesarerera.

Sara myesa' kunnya t̄nna kwangabithika!

Sara myesa' kunnya kadika ku'nipidika!

Sara myesa' kunnya siduta kyawipidika!

Got̄yai dinika

'Kunnyabwi yagalya'mapiji kwaj̄i

N̄m̄nyawinna ḡnyiwanniipi ji kwaj̄i

Kum̄nyi nayaal kyavada'gaimudika!" "

²⁸ Yagaala p̄risi Pol̄ wida' "Sarev̄daa'nyi dara jawiryide' 'O, Got̄yai a'mweraavine padaihasamaasabwine yagaala aj̄mya yuyangiyaraav̄i duthaasiwaka!' Ȳhithivanige. Sahwara Got̄yare yagaalya' kadika w̄nipid̄erera." ²⁹ Pol̄ sara kuda' Juyara pwara "Pol̄ nebulya'na nediwaka," dadiv̄i' pwara "Sai kwaasi nediwaka," dadiv̄i' maanga kuna didiv̄i' ya'ma'na ye!"

³⁰ Kwarame p̄riwaai wavila'daasi Anga Romi Pol̄ ange'na mubada saba mwaaida pwara angiyiri'maata yadiv̄isa'na Got̄yare yagaalya' w̄nya'ne'na Pol̄ ȳlaaya yadelyira. ³¹ Ȳlaaya yada Got̄yai a'mweraav̄i maremwaaide'na w̄dada Naanga K̄raazit̄ya Jizaazarina w̄jawaakadelyira. D̄raginna w̄dada pwara gam̄nyi mujadiv̄iki "Yagaala sa madinna!" Muj̄i yadiv̄ikira.

Rom Rom Mwaalyaraavina Poli Pikarya' Yidavake'nesi.

¹ Nya'mweihi, Rom mwaalyaihi,

Poliyi nimirre paaziya' yihiyasiwaabe. Yuneinyi Kiraazitiyai Jizaazareinyi gamire yaasiwa'wawinyaainyi. Kiraazitiyai jaka nyijivwaramaaraka nyidahilakakeinyi nyidaasakeinyi Apozeliyainyi. Sareinyi Gotiyai yagaala tewaanya' maryasaabake' wijiwaakya'neinyi nyakakeinyi. ² Yagaala tewaanya daza'na sinnawi Gotiyai yune naanga nebulya'na kujaa' gaminyi wi'nawijiwaaakya'nnera piropetiyara pikarya nawi'nya giri'maaya yidayaasasi. ³ Sa' yagaala tewaanya' gamire Gawaalivaangerinesi. Sahwai yi, kilaa'nakei yima'nakevinna, Ne Devitimirre yisiwialyira. (Devitimirre yita savaakidaasalyira.) ⁴ Yi gamire kurya tewaanyarina, Gotiyare Gawaalivaangernera. Sarei bainkeraayabadaa'nyi Gotiyai yidikaavake'na diraginna wijiwaainyina "Sahwai Gotiyainyire Nyibwaalivaangelyira." Sahwai Jizaazai Kiraazitiyai nemire Naangelyira. ⁵ Gotiyai sara yawirakevi sahvari yanga gaimwangebuliyi widaasakebuliyi maaroine. Gaminyineba ya'neina ajimya yuyangiya yuyara gaminyi limwabizavidaa'nyi kumi wimidinya'ne'na sara maaroine. ⁶ Nabaai sarimi kwaihiriij Jizaazai Kiraazitiyai jaka yihiziwaramaarakeihiliy. ⁷ Yi sasareihi, Rom mwaalyaihi Gotiyari sariminyina wi'vu'nadeihi Gotiyai jaka dara yihiziwaramaarakeihiliy "Nimirreih, giri'maayaihi jima'nyila!" Yi yuya saihiri Gotiyai Nenimaangelyi Naangei Jizaazai Kiraazitiyalysi sanidaai yange'na nayaa yihgaimwagyika! Nabaai sarimire simunyavi kwaamu'nanyabwi tewaanya yihwakyika!

Poli "Rom mwaalyaraavi wanganaawima!" yawirake'nesi.

⁸ Sinnawi davidaasi "Sarimi Kiraazitiyari nayaa limwamanigasa'na Kwaaka yuyimagi mwaalyara diwina yesaihiliy," dena Jizaazai Kiraazitiyarina, nimirre Gotiyari sua wi'divanige. ⁹ Sa' nebulya' dare'nesi. Gotiyai nimirinyina "Nebulyasi," jalikurakannelyi. Sahware Gawaalivaangerine yagaala tewaanya' wijiwaakadi nimirre kuryari Gotiyari na widaayadinyalyi. Yi sahwai dara jalikurakinna "Nimirinyi nyija'ne gazagaasagaa' Poli Rom mwaalyaraavina nyidadelyi." ¹⁰ Yuyagaal Gotiyari widadinyagaa' dara wi'dina "Gotiyaigi simunyavi sara yawi'dizaigi 'Romna wawana!' nimirinne tusa' kyavada'gala'gizi sagaa' sahwaraayawinna yilekaanya wi'deinyi." Sara wi'dina yadinyainyi. ¹¹ Sare' dare'nesi. Sariminyi yihwanganide'na nyivu'nivan! Sariminyina "Kuryaraavi diraginya pada'galayvaimwagima!" dada Gotiyare Kuryai yanga kanyijaavoji nawi'nya sa' yihizaavideinyi. ¹² Sa' da'dare'na "Nimi' dara yawi'manige. Nimirinyi Rom mwaalyaraavij yuyainaav negaimwadaawori nimi' Kiraazitiyari limwadinyabulyi nabaai sarimi limwadivisabulyi nemire simunyavi diraginya pada'galayvaimwanga neyadesi."

¹³ Nabaai da'mujiyainyi "A'mwe nya'mweihi dara nyawipidika! 'Poli' dara muvu'nyivan! "Rom mwaalyaraayawinna wi'laawima!" , , Nimi' sainyi kwalaalyagaa' "Romna wi'laawima!" wi'di wija yena yiweinyira. Yisila mari'bwarakadi'visabwibi' ajimya yuyangiya pwaraavi kujwaake sahwara wi'limwagetabaaibi' sariminyawinna wi'laawa'muji "Kiraazitiyari limwabika!" dena Romiyavaakidaa'nya pwaraavi wijiwaakideinyi. ¹⁴ A'mwe kunya yawi'nika kwaraavijnaj kunya myawarya kwaraavijnaj yi yi'wiridivisaraavijnaj miwirinyadivisaraavijnaj nimi'tivikita kinnnnakeinyi. Tivikita sa' Gotiyai "Pwaraavi duziwaakya!" nyidakevine tivikisasi. ¹⁵ Nabaai sasare savidaasi nimi' sainyi

yawisabwi m̄idinya'neinyi ȳ Romi mwaalya saih̄ilyiyaraavij̄i yagaala tewaanya' w̄ij̄iwaakya'ne saburi s̄imunya kuna naanga yawi'maniḡ.

¹⁶ Yo, sare' dare'nesi. Nīmi yagaala tewaanyav̄na waḡla manyiv̄wa'nyadeinyi. Sare' dare'nesi. Yagaala tewaanya sa' gazarazara l̄imwaga'b̄izaraav̄ Got̄yai w̄ivadaihasamaarya'ne sa' Got̄yare d̄ragin̄ya d̄i'nakesi. D̄ragin̄ya Juyaraavidaasi nabaai Juyara mamwaalyigasaraavij̄i w̄ivadaihasamaarya'nesi.

¹⁷ Sare' dare'nesi. Yagaala tewaanya sah̄irisavi Got̄yai gam̄nyina a'mwe ȳda'maraangeinaav̄ nemwaaiphy'a'nebur̄ yoima'desi. Kiraazit̄iyari l̄imwagawaari nemire s̄imunyar̄ yavada'galakade'nanyi. L̄imwangebwi gave sabwine'nanyi. Aayawidaa'nyi yunegaa'nannev̄ l̄imwangebwine'nanyi. Sare' Got̄yare bukuyav̄ dara din̄ikabaaib̄i'nanyi "Pwai Got̄yari l̄imwade sarer̄na 'Ȳda'maraangeri w̄imwaaiphy'wa,' doziyai yuyagaa' gaala mwaaladelyi."

A'mwe yuyaraav̄na Got̄yari sinna t̄ika wida'de'nesi.

¹⁸ Sare' yuya dare'nanyi. Got̄yari myaw̄ryaraav̄re s̄imunyanḡ kayaa'nanyabwi wīla'dennaj̄i ȳda'maraangebwi maayanna yadivisannaj̄i Got̄yai gam̄rebadaasi, Sigunyavidaasi gam̄ire s̄inna t̄ikebwi daanga w̄ijaaya'nebwi yoima'devulyi. A'mwe sarera kumire saburaj̄i Got̄yare nebula sabwi dath̄vaina yadivisarera.

¹⁹ Daanga w̄ijaaya'nebwinanya'na yih̄ith̄ma! A'mwera Got̄yari yaw̄ramaata sabura līka yulyarīka' mī!. Sare' dare'nesi. Got̄yai sahwaraav̄ s̄imunyav̄ mena yibwar̄daakwakenḡ. ²⁰ Sare' dare'nesi. Sinnawi sagaa' Got̄yai yuya sa wakyaakegaa'daasi a'mwera Got̄yare d̄ragin̄ya di'nake' waragothevij̄i gam̄ sahwai Got̄yare aaya kaav̄ilya' a'mweraav̄re'b̄isa' mwarikevij̄i yaw̄ramaapi'nerera. "Sahwai Got̄yalyira," yawipinerera. Sarewaari t̄inna wangadaanyawaai mī!. Kir̄i' Got̄yai yuyanḡ wakyaakenna t̄inna wangadiv̄i' yaw̄ramaapi'newaalyi. Sasare savidaasi "N̄mi myaw̄iriwa," dipinera mīka! Kumiresira. Yagaainakera mīka!

²¹ Daanga w̄ijaaya'nebwinanya'na p̄ir̄i yih̄ith̄ma! Got̄yarin̄a yaw̄rangadiv̄i' k̄ri' "Sai nebwina Got̄ya naangelyira," yaw̄rangadiv̄itara mī!. Sara yadivi' gam̄inne yaya' munya ke'ba makidiv̄itara mī!. "Su! Su!" dadiv̄itara mī!. Aawaawa. Kumire yawita sabwi wana nav̄i'nav̄ika wiadere. Sara yada kumire s̄imunya sa' kayaa'na yima'nyina yada jih̄inya' yima'nyina yadere. ²² Kum̄i kayaa'na yadivi' d̄raginna d̄ina "Nem̄i sidu'nakeinera." Sara yadivi' k̄ri' sare'na sidu'maayara mwaalina. ²³ Sasarera Got̄yai mabalyi yaderi, byaanna naanga k̄ininnakeri yaya' makina yadivisabwi bule'na w̄ijaavadiv̄i' yivan̄iga!. Sara yadivisagaa' yilaaya'ne a'mwa'mwe, a'mwe balya'ne saraavij̄i yusaraavij̄i yikur̄yaawiaraavij̄i kamaala saraavij̄i a'mwa'mwenḡi yaya makina yadivisare.

²⁴ Sasare sav̄i yawibwa'dei yi'naraderi pilizimaaniyaraav̄ marimwanḡna yadevaabi' Got̄yai sahwaraav̄re kayaa'nanya kaav̄ilyaburi yidiv̄valamwaaih̄ina kya' kunnya s̄imunya kayaa'nanya saburi mwagi'namakabada ḡir̄ikita'nanyabwi waḡla w̄ivwa'nadewwi marimwanḡna yadivisare. Sare yadivi' kum̄i sara pwaraav̄ ḡir̄ikita'nanyabwi yidiv̄i' kunnya kilaakej̄ik̄i kwaakeba makwaidaawadiv̄isare.

²⁵ Sasarera Got̄yarin̄e nebuliyabwi yagalya'ma'na yadivi' kwaasiyabwi maralimwanna yadivisare. Got̄yai yuyanḡ wakyaakeri yaya' mamakiilyi yadivi' Aaya Kaav̄ilyarī yilaaya yadivitara mī!. Aawa. Wakyaaka yuya sanḡna yilaaya yadivisare. Wakyaaka sahwai yuyagaa' yuyagaa' gam̄inne yaya sa' munya ke'banna nem̄i makilya'nei nawi'nya naangelyira. Naanga nebuliyasi.

²⁶ Nabaai kayaa'nanya sarevi Got̄yai sahwaraav̄i kayaa'nanya kaav̄ilyaburi yidiv̄valamwaaih̄ina. Sara kya' waḡla w̄ivwa'nya'nera kayaa'nanyabwina dik̄a widevwi yadivisarera. Sare' dare'nesi. Yi kumire a'mwe samilīka a'mweraav̄rebwina marasi'na yeva p̄imilīkaj̄i kwaiyagaala didiv̄samilīke. ²⁷ Nabaai sabaaibi' kumire a'mwe kwara a'mwenḡi ya'nebwi yagalya'ma'na yadivi' kumire munya si' kumire

pwaraavina dika naange' widada kwala sara kwala pwarajı gevvi kayaa'nanyabwina wagıla kınınnaka sa pwarajı yadıvisare. Nabaai kumi saraavı gırıkita'nanyabwina Gotiyai wırıvıkırıya'ne daanga kayaa'nanya maa'dıvisara.

²⁸ Sareraavı Gotiyai kayaa'nanya kaavılyaburı yı'dıvalamwaaihına. Kunnya sımunyaburı Gotiyarınna "Nayaa yawıralımwagaana!" myawıri yadıvitabaaibı' Gotiyai "Sahwara sımunya pinabısa' maapıka!" dada yı'dıvalamwaaihına. Sara kya' a'mwe sara mya'ne yuya kayaa'nanya dala pınınna pınınna yadıvisangı.

²⁹ Yı dara yadıvisangı. Kumi yuya kayaa'nanya sa, yuya gırıkita'nanya sa, yuya tıganaarya sa, yuya wana kayaa'nanaanga sa yadıvisare. Gılyıvıkıravınakeraavına munıyı' kayaa'na wiadere. A'mweraavı tamakına, mayagaala yaasıwa' damarina, kwaasiya dınyına, pwaraavına kayaa'na yawı'na. Yuya sasare kayaa'nanya sa kumınyı yunebanna warıkengı. Yı bulayagaala dadıvisara, ³⁰ "A'mwe pwaraavıre yaya kayaaka yıgalaana!" dına, ku'maayaba wıdadıvisara, Gotiyarınna sımlılıka wimwaidera, yagaaibıraizıka wıdadıvisara, "Nımı pwarabıtainyı mı!", yawı'dıvisara, kumınnne yaya' munya ke'banna makinyına yadıvisara, kayaa'nanya mudıka sabwi wakına yadıvisara, kuvıñımaangeyuraavıre yagaala sangı galazekıvaina yadıvisara, ³¹ sımunya maayara, kunnya yune naanga nebulyava'nanyangi nayaa mamıdınyadıvisara, kunnya avaaitawanakeraavı nayaa myadıvisara, a'mwe pwaraavına kale mwiaderera. ³² Sasarera Gotiyare yagaalya' dakınıke' nayaa yawı'dıvisare. Dara dıni! "A'mwe sasare sabwi yadıvisara tıvıkısa'na yuna naanga baibıka! Daanga maapıka!" Sara yawı'dıvi' kırı' kayaa'nanya sabwi sara yadıvıta gavenna mı'. Aawa. A'mwe kayaa'nanya sasara yadıvıta kwaraavı "Tewaanna yıvanıga!. Kuna sana jıla!" wıdadıvisare.

2

Gotiyai a'mwe yuyaraavı yıda'maraangebwina yawıbwarade'nesı.

¹ A'mweigı, sasare savıdaası kayaa'nanya sasarebaaibı' yıvanıgınyaigı a'mwe pwaraavı nyawıbwa'dıka! Pwaraavı jıda'dınyaigı Gotiyai gyawıbwaradehaa' be yagaala duthatheigınaka! Aawa. Sare' dare'nesı. Gımı pwaraavı jıda'dınyaigı gımı kwaigınyıne'na jıda'nınneigınyı. Sare' dare'nesı. Gımı saigı jıda'dınyaigı avaala sasare sabwi yadınyaigınyıne'nanyı. ² Nemı yuyaina yawı'manıgo. A'mwe sara yuya kayaa'nanya sara yıptıja sabwina Gotiyai daanga wıjaavına yadevwina Gotiyai nebulyaburına sara yawıbwa'devulyı. ³ A'mweigı, a'mwe sara sasarebwi yadıvisaraavı jıdata yıvanıgınya gımı kwaigı avaala sara yıvanıgınyaigı kunya gara yawı'mwaa! Gotiyai yawıbwata savı yıñıga wi'na wavıla'na yıja' lıkaanya yıñıga wına yıñneigı daa! ⁴ Gotiyai yange'na tewaanna bwiwanna gyada saamınyagaa' gyemwali'maa'da tıvıkısa'na yıme'nya'bı' gızaavadei mı'. Sasara gyade'na "Yaasıwakengıra," jawı'manıgı! Gotiyai "Sımunya mudıkebwi jawıramaaka!" yawı'manıke' myawırijıvanıgı! Yı sarevıdaası tewaanya nawı'nyabwi gyıvanıke'nanyı. ⁵ Gımıre sımunya' gımıre kayaa'nanyanna kaanya tıhıremwaaaina yagına gımı myawıramaarivanıgınyaıvına Yırıka Pırıkına sasareigınyıne'na gırıvıkırıya'ne marayıngakingıla yıvanıgınyaigınyı. Yırıka sagaa' Gotiyare sınnı tıke' ku'maayaba yıma'naabatıe', yıda'maraangebwina yawıbwarade savı daanga kayaa'nanya sası pınıji dımaa'dengı. ⁶ Gotiyai a'mwe gazarızarı gamıre yade sabwina wırıvıkıradelyı. ⁷ Pırı' daresı. Pwara Gotiyai kumınyına byaanna dıragınyası kumıre yaya makılade'nesı gaala kayaaka minya'ne sabulyı sa wıjaaya'ne bı'dıvı' tewaanya sabrı dıragınnı kuna mwaalına yadıvıta saraavı gaala yuyagaa' yuyagaa' mwaalya'ne sabwi wırıvıkıradelyı. ⁸ Pırı' daresı. Pwara yune kumınyıne'na yawı'dıvı' nebulyabwi galazekıvaina yadıvı' yıda'maraanga myabwinanya savı mıdımanıgata saraavına Gotiyarı sınnı tıke' wıdavadesı daanga kayaa'nanya

sabulyi wirivikiradelyi. ⁹ Yt a'mwe kayaa'nanya' yadivita yuya saraavire kuryaraavti taanginaangebulyi daanga naangebulyi dathwaaladevulyi. Sare' Juyaraavidaasi yt kumi Anga Pimaginya (Girkya) pwara kwaraaviji dathwaaladevulyi. ¹⁰ Yt a'mwe gazarazara nawi'nyabwina yadivita saraavina Gotiyai byaanna diraginyas yaya makilyasi munyi' kwaamu kave warina yadevulyi wijaavadelyi. Yt Juyaraavidaasi Anga Pimaginyaaraavina yina. ¹¹ Sare' dare'nesi. Gotiyai kunya dara yawi'dei mi! "A'mwe Juyari nayaa maryawibwarima! A'mwe Anga Pimaginya kayaanamaryawibwarima!" Aawa. Sara majai a'mwe sara yadivita sabwina avaaina maryawibwa'delyi.

¹² Yt sare' da'dare'nesi. A'mwe yuya sara Ne Mozizare Kiwinja' kunera pivakaavyara kayaananya wagila sabura yadivit yti sahwaraavina Kiwinja sa' Gotiyai myawiri yada kyawibwaroij sahwara yiwipi'dere. Nabaai a'mwe yuya sara Kiwinja sa' kininnakera Juyara kayaananya wagila sabura yadivit yti sahwaraavina Kiwinja sa' yawi'na yada saburina maryawibwaradere. ¹³ Sare' dare'nesi. A'mwe sara Kiwinja sabwi kadika yaasiwa' wi'nadivisara Gotiyarina yida'maraangera Gotiyarerera yima'nadivit mi!. Aawa. A'mwera yune Kiwinjabwi midibizi kwajti a'mwe dazaraavina Gotiyai kudathikere "A'mwe yida'maraangelyi. Ni'mirelyi." Kiri' sarera mamwaalyigasare.

¹⁴ Nabaai sare' dare'nesi. Ajmya yuyangnya pwara Kiwinja sa' maayara kunya simunya sabwi mididivit Kiwinja pimaginya sa' dinike' midinapjiyagaa' yti Kiwinja sa' maayara sara yadivisa'na kumire simunyai gami sai kumire Kiwinjabulyi.

¹⁵ Sahwara kumire mwaalyabwina dara wijiwaainadesi. Kumire simunyav Gotiyai Kiwinja' dinike'ne yidavakengi simunyav wakakengi. Yti kumire simunyai tewaanyai wivadaihirakya' jalikurakaderera. Yti pigaa' kumire yawisa kumire yadivita sabwina "Kayaan yiwaa," jida'nadengi. Pigaa' kumire yawisa kumire yadivita sabwina "Tewanya yiwaa," widathengi. ¹⁶ Gotiyai divi yirika pirkayawibwarya'neri Kiraazitiyai Jizaazar kumwaaihoj sasarebaib'i sahwai yuya lika yulya'de sabura a'mwera sara yawi'divisanna maryawibwaradelyi. Ni'mi yagaala tewaanya' dadinya' yagaala sa' kininnakevinyi.

Juyaraavinaji kumire Kiwinjavinaji dinike'nesi.

¹⁷ Nabaai gimi, "Juyai," wo'nikeig daaka! Gotiyare Kiwinja sabwi kininnakeig Gotiyarina diraginna daa'dinyaig daaka! Saiginya yaya munyaba ke'banna makidi "Nemi Gotiyareinera," dadinyaig daaka! ¹⁸ Gotiyare Kiwinja saburiada'nyi giziwaakesa'na yawirangadinya'na Gotiyare simunya sidu'nakeig, nabaai yida'nanya sabwina piburaavi wavila'devwina gima'nadeig daaka! ¹⁹ Gim Juyaig diraginna dara yawi'dinyi "Simunya sabwi tivi'na maa'mwa. Gotiyari myawiryaraavti tibinyaraavvi tuta tewaanyari' wi'na yibwaridaakwideinyi. A'mwe jihinyav mwaaihasaraavina ni'mi kumire di'baakeinyi. ²⁰ Gotiyarina a'mwe simunya maayaraav yiwiryamaryadinyainyi. Ni'mi Kiwinjaburine kaimiraaya maalkebisaraavire wijiwaakadinyainyi. Gotiyare Kiwinja saburi aaya kaavila kunya yawita sasi yti nebulya'nanyasi kininnakeinyi mwaaihe'ne'nanyira." Sara dadinyaig daaka! ²¹ Sasarevidaa'nyi sasareig a'mwe pwaraav wijiwaakadinyaig gimi saiginya yijiwaakidinyaig midaaka! "A'mwe sara kuka nyipika!" dadinyaig gimi kwaig kuka myadinyaig daa! ²² "A'mwera a'mwengi ata nalimwabithika!" dadinyaig nabaai gimi kwaig ata malimwagyadinyaig daa! Gim gotiya kwaasiyaraavina a'mwa'mweraavina similika wimwaaihinyaig gimi saig a'mwa'mwa-angengi giyivita kuka myijivanig? Sare'na girikita'nanya kininnakeig midaaka! ²³ Ginnya yaya munyaba ke'banna makinadi yilaaya'na "Ni'mi Gotiyare Kiwinjabwi kininnakeinyira," divaniginyaig Kiwinja sabwi sekivalapari'ma'maniginya sasare saburi Gotiyarine yaya' kwaakeba

bamakwalaawia myijiwanig? ²⁴ Sare' dare'nesi. Sarim sara yivanigasa'na Gotiyare bukuya' dara dinkabaaibik "Sarinnyaburina ajimya yuyangiyara Gotiyarine yayavi yagaabiraizika yivaniga!"

²⁵ Sare' dare'nesi. Gim Juyaigi Kiwinyyaburi mididizaigi "Gotiyarelyira" yibwaridaakwia'ne' gimirre kilaakeji' gurya daya sabwi nawi'nyabulyi. Kiri' gimi Kiwinyyabwi sekivalapari'ma'dizaigi gimirre kilaakeji' gurya madaya yinikejibita saji' yima'nadezikira. ²⁶ Yt sarevidaan'nyi a'mwe pwar kilaakeji' gurya madaya yipijai, sai Kiwinyya tewaanya sabura midinajai yt Gotiyai "Sahwai kilaakeji' gurya da'nikeri wimwaaikhwa!" dathei midaaka! ²⁷ Gim Kiwinyyavine pikarya' kininnakeiginyi. Nabaai giminyyi kilaakeji' gurya githevesaiginyi. Sare kirivi Kiwinyyabwi pari'ma'dinyaiginyi. Yt savidaasi a'mwe pwar kilaakeji' gurya madaya yipija' gami sai Kiwinyya sa' nayaa pada'galamidinajai giminyyi jidata gyatheiginyira. ²⁸ Sare' dare'nesi. A'mwe pwai Yita Juya savaakidaasai kilaakeji'na ku'maayaba Juya mwaaside sai Juya nebulai mi!. Yt ku'maayaba kilaaka gurya daya yadivita sai Juya nebulai mi!. ²⁹ Aawa. A'mwei simunyavina ki'ma'nyawi Juya mwaalajai, sai Juya nebulya'nanyalyi. Yt nabaai kilaaka gurya daya sabwi simunyavinebuliyi. Gotiyai pware simunya' wanganaka "Nimirelyi," yawi'dei kilaakevinna mi!. Sa' yune pikarya yida'nika saburina mi!. Sa' Gotiyare Kuryarinanyira. A'mwei sara yojiyar a'mwera yilaaya mwi yipi'de kirii' sar Gotiyai yilaaya wiadelyira.

3

Gotiyai nebulyabwi diraginna limwadevurinesi.

¹ Sarevidaasi Juyara a'mwe pwareav gareburidaasi wavila'manigava? Kilaaka gurya daya sangi nawi'nya beri' yima'nadengaka? ² Akai! Nawi'nya dala pininna pininnanya warikengi. Aaya pirinnya' daresi. Juyara kumi sara maremwaalya'ne Gotiyai gamire yagaalya wijayaakengi. ³ Sare' gatha'darevinaka? Juya pware malimwagyara yagaala dangi mamidinye!. Sasare'na kumire kayaa'nanya dazabwi Gotiyare nebulya'nanya' dathiwagathevwi daaka! Gotiyai nebulya'nanya' diraginna kuna malimwagi yadei daaka! ⁴ Arikewinyi. A'mwe gazaizai kwaasi dazai kirii' Gotiyai nebulya'nanyalyi. Sabaabi' gaminyyina Gotiyare bukuya' dara dini' "Gimi wida'giziyyagaa! Yida'maraangelyi," A'mwe yuya sara yawipi'de'nanyi.

Gimirre yawibwasa'negaa!
Yiniga davila'deiginyi."

⁵ Nemire kayaa'nanya sabwi Gotiyare nawi'nya yida'maraanga saburi ku'maayaba marima'naabazabwine'na beri' gara daaziwona! Nimi a'mweinaavire kunya nemire saburina mididi' dara dideinyi daaka! Sare'na Gotiyai nerivikirya'nei nemire kayaa'nanya sabwina sinna tika widasana'ne daanga be'na nejaavadelaka? Sahwai yida'maraangei mi'ka! ⁶ Sasarebwi arikewinyi. Gotiyai yida'maraangebwi mya yajt kwajt Kwaaka davakiyaraav sasara myai gara yawirannelaka! ⁷ Sare' dare'nesi. Pware dara dina "Nimire kwaasi yagaala sa' Gotiyare yagaala nebulya'nanya' ku'maayaba marima'naabathesi. Yt daza' sara yoji gaminne yaya' munyaba makiladesi. Sare'na ga'dareburi nyidivani? 'Gimi waginakeiginyira.' Sara jidavaka niminyi daanga nyijaavanike' be'neka?" ⁸ Sara dipija' sarevidaan'nyi kwaasi yawita dara dipi'de'nanyi "Yarala, nemi kayaa'nanya sabwi yaana! Yt savi tewaanya sabwi yima'nade'na kayaa'nanya sara yaana!" Nabaai sasare sabwi nawi'nya' daa! A'mwera pware neminyina biraifyagaala kwaasi dara nedivana' "Yagaala Kiraazitiyareraavire' yt sasaresi." Sasareraav Gotiyai daanga wijaavadelyi. Nabaai tivikita sa' yidasasi.

"Yuyagaa' a'mwe aane pwai kwai yida'maraangei mi!," dñike'nesi.

⁹ Yt gatha'darevñaka! Nemt Juyaina a'mwe pwaraavt wavilavaanneina dñgaka! Aawa nebulyasi. Sare' dare'nesi. Nemt jidasa'na tivi'na diwo "Yt yuyaina wagilyavi kwaakewt mwaaihoinera Juyainajt Anga Pimaginya (Grikya) kwarajt." ¹⁰ Sabaabibt dara dñikesi.

Gotiyaryaba yida'maraanga aane pwai kwai mi!.

Arkewnyi. Aane pwai kwai mamwaalyt!.

¹¹ A'mwe pwai sñmunya witarkei mi!.

Gotiyarina pwai birtibrya yivankei mi!.

¹² Yt yuyara Gotiyari yagalya'ma'mwaasare.

Yuyara yirakureva waryaanyara yima'nawaasare.

Nawi'nyabwi yade aane pwai mi!.

Sasarei aane pwai kwai mamwaalyt!.

¹³ Taalisavidaa'nyt gitlebutirinya'bti newinivanika widadivisare.

Taalisaasi kwaasi yagaala widadivisare.

Naawinaanyare kwaaminya' a'mweraavt tamakadevaabit!

Yagaala nabinabinya kayaaka yigalya'ne widadivisare.

¹⁴ A'mweraavt kayaaka diraginna yigalya'ne

Yagaala kayaa'nanyanna paasiyagaala widadivisare.

¹⁵ Yihukaannakera a'mwe tamya'nera

Yarai kaanyave'na yamaryadivisare.

¹⁶ Kayaaka yigalakya'nera wina yadivt!

Taanginya kwalaalya wijaaya'nera wodivisare.

¹⁷ Kwaamu'nanyaburine tusa' yawiramaa'divitara mi!.

Pwarajt avaaizimunyabwi ye'mwannamwaaidivitara mi!.

¹⁸ "Gotiyai Naangelyra," myawiri yadivt!

Kumire tinnyaraavt Gotiyarine likebwi mwarika.

Gotiyare bukuyavt sara dñikengt.

¹⁹ Nabaai sara dñikenna nemt yawit'mwo. Yuya Kiwinja dñike nemt Juyaina saburt dalaangewt wila'nata yigoina sara ya'ne dñikengt. Sare' kirt' Juyainaavt na dazabwi yihithiwebwi yiwetawakya warkesi. Sarevdaasi Gotiyai yawibwata'negaa' nemirebwina "Juyarajt maanga bipaina yipika! Nabaai a'mwe yuyawinyara niminyina yiwetawakya sabwi kininnakera mwaabitka!" daka Kiwinja kininnakeinaavt dalaangewt nemarulawakakeine. ²⁰ Sare'na darevnyi. Gotiyare yawibwata'nebwina Kiwinja sabwi midinyavt na "A'mwe yida'maraangeiginti. Niñireiginti," Gotiyai kilaa'naka aane pwarit kwari wdathe' mi!. Aawa. Sare' dare'nanyt. Kiwinja sabwi nemire wagila saburt yune'na neyibwaridaakuvankesi sahitrit'na.

A'mwei Kiraazitayarit limwagazai yida'maraangei yima'nade'nesi.

²¹ Nabaai dahaa' Gotiyai a'mweraavt gamire yida'maraanga sabwi gaminti yida'maraangeraavt wimwaihyat'nebwi mi'na neyibwaridaakwakebuliyi. Sa' kwinjabura midinya'nevidaa'nyt mima'nyakesi. Aawa. Sa' pitrit' yima'nakesi. Kirt' pikarya Kiwinjasit' Wtnawijtwakyaasaraavtre dñikesi nawit'nya yida'maraanga dazabwina jalikurakintkesi. ²² Yt Jizaazai Kiraazitayarit limwabizaraavt na Gotiyai "Yida'maraangeraavt nimireraavt wimwaihyat'" dathelyt. Yt limwabiza yuyaraavt. Sare' padaihasamaasabwi dare'nesi. A'mwe Juyarebwi nabinyabwi mi!. Anga naanga pimaginya pwai kwarebwi nabinyabwi mi!. ²³ Sare' dare'nesi. Yuya a'mwera Juyarajt ajmya yuyangiyarajt wagilya'nebwi yadivisare. Gotiyai byaanna diragintiyaryaba menyaba mwaaihasare. ²⁴ Sasareraavt Gotiyai yange'na tewaanna wigaimwada Kiraazitayarit

Jizaazar† kamaryasaaba' sahwai ayahi mubya yamaarya'nei sara kya' Gotiyai "A'mwe yida'maraangeihilyira. Nimi'reihilyira," wida. Sa'na sahwara mamubyadivisare. Sa'na Kiraazitayar† sihumalesi. ²⁵ Sinnawi Gotiyai Kiraazitayar† dahilakakei balaka gamire tawe' a'mweraavire wagila sa' mubya'ne' walaabakesi. Gotiyari a'mweraavire wagilyabwina sinna tika wida'devulyi. Kiraazitayar† limwabizaraavina sinna tika sabwi mubamarasi'nya'nei balakelyi. Yi nabaai sasare saburi Gotiyai "Nimi yida'maraangeinyi yida'na yadiyainyti," neyibwaridaakwakebuli. Sare' darevinyi. Kigaa' Gotiyai kwaamu' kave yemwaaida a'mweraavire kayaananyanna yeta sabwina wanganakina. ²⁶ Kir† "Gotiyai yida'maraangei mi'ka!" nadipidika!" daka dathahaasagaa' Gotiyai "Nimi yida'maraangeinyi yida'na yadiyainyti," daka sara neyibwaridaakwia'nei Kiraazitayar† maryasaabakelyi. Sasare saburi Gotiyai gami sai yida'maraangerina neyibwaridaakwada yi a'mwe yuyara, Jizaazar† limwagazarina "A'mwe yida'maraangelyi. Nimi'relyira," dadelyi.

²⁷ Sarevidaasi Gotiyai "Yida'maraangeihilyi," nedake'na yi tusa' a'mweraavine yaya' makilya'nebwi gava warika! Yi wana aawaawa. Tuta sari' kaanya mena tihinikesi. Tuta dazariki beri' daharihi'nari'? Gotiyare Kiwin'yabwi midinya savi dingaka? Aawa, savina mi!. Aawa. Kiraazitayar† limwanga saburi sahir† tuta sari' galalimwaman!. ²⁸ Sare' dare'nesi. Nem'i diraginna dara dadaanyi "Gotiyai a'mwei Kiraazitayar† limwagazar† divanikelyi 'A'mwe sai yida'maraangelyi. Nimi'relyira.' " A'mwe Kiwin'yaburina yaamijti yune midinajarina Gotiyai sara majadelyi. ²⁹ A'mweraavine yaya mamakilya'ne' pi'bwi darika? Dare' jawirila! Gotiyai sai Gotiyai Juyaraavnannei daaka! Ajimya yuyangiyarajiyaraavine Gotiyai midaaka! Yayo! Gotiyai sai ajimya yuyangiyapwara kwaraavijinelyira. ³⁰ Gotiyai gave pwaina naangelyi. Sarevi Juyara kilaakekji' gurya da'divisara Kiraazitayar† limwabizaraavina "Yida'maraangerera," dada nabaai ajimya yuyangiyara kilaakekji' gurya madayadivisara Kiraazitayar† limwabizaraavinaji' avaaina divanikelyi. ³¹ Sarevidaasi limwanga dazavi yida'maraangeina yima'nadaanya'na Kiwin'yabwi sabwi dathathivaimanigona? Arikewinyira. Aawa. Kiwin'yabwi nebulya'na yida'na maridaakwia yivanigo.

4

Eviraami Gotiyari limwagyakeri Gotiyai "Yida'maraangeiginyira," wijaake'nesi.

¹ Sarevidaan'y† kilaa'naka Juyainaavire Ne sinnawinyai Eviraamimi "Yida'maraangeiginyi. Nimi'reiginyi," wijaakebwina gara daaziwona? ² Sare' dare'nesi. Ne Eviraami tewaanya yaakenna Gotiyai "Yida'maraangeiginyira," dazi kwajt Eviraami gannya yaya' munyaba kamakiladika! Sare' mi'ka! Aawa. Yi Gotiyarina aawa. ³ Sare' Gotiyare bukuya' gara dinikavaka? Sa' dara dinijt "Eviraami Gotiyari wi'nalimwanna kya' yi Gotiyai gaminyina yawirakelyi 'Sare'na sahwai yida'maraangeri wimwaanihwa.' " ⁴ Nem'i yawi'daanyi "A'mwei pware wawinya yada niggia maa'de tivikita sa'na nem'i 'Sihamalesira,' yawi'daa mi!. Aawa. 'Sa' wawinya yadivisabanna wijaavadiviki,' yawi'daanyi." ⁵ Yi nabaai a'mwei Gotiyai yilaaya wia'nei yida'maraangei yima'nya'nei kiwin'yaburina wawinya mi yajai sai, gami Gotiyari yawiralmwanna "Kiwin'yaburina yuna navikerina Gotiyai 'Yida'maraangeiginyi gimpwaanihma!' dannelyi." Sahwai sara yawiralmwagaza'na Gotiyai yawi'delyi "Yawiralmwamwake'na sahwai yida'maraangeri wimwaanihwana." (Sare' sihamalesira.) ⁶ Nabaai Ne Deviti kwalyi a'mwei wawinya yakenna myawiryarin Gotiyai "A'mwe yida'maraangeri wimwaanihwa," yawi'derina "A'mwe sai yilaaya yada tewaanaanga yinkelyira," jaakabaaibisasi. ⁷ Dara dinijt

“A'mwe datha'darera yilaaya yivanigasare.
 ‘Gotiyai kumi're yiwetawakya marasi'nakere.
 Kumire wagilyangti duimwagasi'na yakere.’

⁸ Naangei ‘Wagilyabwi kinnakelyi,’ diraginna myawiryajai
 Yti sare'na a'mwe dazai yilaaya yada tewaanaanga yinikelyi.”
 Sara dinikesi.

⁹ Sarevidaasi yilaaya sasarebwi a'mwe kilaaka gurya da'nadiita gaveraavine' daaka! Nabaai kilaaka gurya madayinika sara kwaraavine' midaaka! Sare' dare'nesi. Nemti dara dadaanyi “Eviraami limwagaryaaake'na Gotiyai jaakelyi ‘Yawiralimwamwake'na yida'maraangeri wimwaaiahwana.’” ¹⁰ Gotiyai sara jaakegaa! Eviraami ga'dara mwalyaakelaka? Kilaakeji' gurya mena da'nikeri dingaka? Kilaakeji' gurya madayarri dingaka? Yti kilaakeji' gurya da'nikeri mi'. Aawa. Kilaakeji' gurya madayarriyira. ¹¹ Kilaakeji' gurya madayavti Eviraami Gotiyari yawiralimwagake'na “Yida'maraangeri wimwaaiahwana,” jaakevne dakya'ne', yti dividaanyyi a'mweraavi wijiwaainya'ne' sahwai kilaaka gurya daya'nebwi maryaaake'nanyi. Yti sarevidaai'nyi a'mwe yuyara, limwabizara kilaaka gurya mada'nyaraavine aaya mudi'nanyai aatalyi. Sahwara Eviraami yaakabaaibti Gotiyari limwabizara Gotiyai “Yida'maraangeihiri yihimwaaiahima!” widatherera. ¹² Nabaai a'mwe kilaaka gurya da'nadiit'saraavti pwaraavti kwiyakwalaangelyi. Yti kumi' kilaaka gurya yaasiwa'na da'nadiit'taraavina mi'. Aawa. Gurya da'nikeri Eviraamimire sivikwajikevi mididivti' yti neyakwalaanga sahwai gurya madayavti Gotiyari limwagyaakabaaibti yti sahwara diraginna limwamanigasaraavinvanyi.

¹³ Sare' dare'nesi. Kiwin'yaburina mi'. Gotiyai yune naanga nebulya'na Eviraamimiji gamire yisiwiaraaviji' dara widina “Kwaaka yuyava' yihizaavideinyi.” Yune naanga nebulya'na wija' kiwin'yabwi mididivinna mi'. Aawa. Gotiyari yawiralimwanna yada Gotiyai “A'mwe yida'maraangelyi. Ni'mirelyi,” dake'na yune naanga nebulya'na wijaake'nanyi. ¹⁴ Yti sare' dare'nesi. Kiwin'yabwi mididivisara dazahwarana yuya sa Gotiyai yune naanga nebulya wija maapijti' kwajti limwange'ne' yaasiwa' warina yadesi. Nabaai yune naanga nebulya'nanya daza' kayaaka kyigaladika! ¹⁵ Sare' dare'nesi. Gotiyare Kiwin'ya' galazekivaibizaraavina Gotiyari sinna tike' wida'da daanga wijaaya'ne' Kiwin'yas. Nabaai kiwin'ya pin' maaya savti yti nabaai kiwin'ya galazekivalyabwi mwarika.

¹⁶ Sarevidaai'nyi a'mwera Gotiyari yawiralimwangebwi yune naanga nebulya'na widadelyi. Gotiyai “Yange'na gaimwanna yima!” daka Eviraamimi gyakwalaanga yuyaraavina sihumale' wijaaya'ne'na yune naanga nebulya'na wija' diraginna wa'de'nanyi. Sahwara limwabizara maapi'dere. Daza' Eviraamimire yisiwiara Kiwin'yabwi kinnakaka gaveraavine'na mi'. Aawa. Eviraami sara yaakabaaibti' yuyara limwabizza'na Eviraamimirera yima'nigata kumi' sara kwarajti maapi'dere. Eviraami sai aaya mudi'nanyai limwagaazaina yuyainaavti aatalyi. ¹⁷ Gotiyare bukuya' dinikabaaibisasi. Giminyi anga naanga pimaginya kwalaalyangina kwiyakwalaanga'neiginyi gitthakiwa. Sare' Gotiyai dara yawirakelyi “Limwabizaraavine kwiyakwalaangelyira.” Gotiya sari Eviraami yawiralimwagakelyi. Draginya sahwai a'mwe bainikeraavti gaala sabwi wijaavadelyi. Nabaai sahwai diviya'nengina dahaa' tivi'na yima'niwakabaaibisangina diraginna dadelyi. Yti sasareri Eviraami yawiralimwagakelyi. ¹⁸ Eviraami Gotiyari winalnaka sare' a'mwe gazarazara myemwaalyadapi kiriti' sahwai yemwaaida yawiralimwagakevidaa'nyi a'mwe anga naanga pimaginya kwalaalyangiyaraavire kwiyakwalaangei yima'nyina. Yti sarevi Gotiyai silingaaminyangina mena dakesi. Sabti' gimire jakwarava kumi' sara yima'nipi'derera. Sara dinikevina sara yima'nyina yakesi. ¹⁹ Eviraami

gamire kwarame waani aadiretiya aya kigaa'na gamire kilaakeji' bwaranya yawakinya'ne buwiku'nikeji' yawi'na. Yit Seraavire kilaakaji' kaimiraaya mamaari yanneji' yawi'na yaka kiri' limwanga sabwina makwaasa myakelyi. **20** Limwangebwu yagalya'mavakei mika. Sarevi Gotiyai yune naanga nebulya'na wija' sahirri'na yawiraka simunya piri'waai yawirakai mi'. Aawa. Diringinna limwagakelyi. Sarevi diringinna yivaimwannyai mwaalaka "Gotiyai byaannakelyi," dakelyi. **21** Yit dara diringinna mena yawirakelyi "Gotiyai yune naanga nebulya'na nyidwake' yiniga yannelyi. (Sare'na kaimiraayarit yawakina'mujit kwalaalyaraavire kwiyakwalaangeinyi yima'nideinyi.)" **22** Nabaai diringinna limwagakevi'daasi Gotiyai dakelyi "Yida'maraangei nimrerit wimwaaifiwa." **23** Yagaala daza! "Yida'maraangei nimrerit wimwaaifiwa," gami gaverine'na yida'nika'na mi'. **24** Aawa. Gami kwarinajit nemi kwainaavijnajit yida'nike'nanyi. Nemt saina Gotiyai Jizaazarit nemire Naangerit mena baryarit ayahi yidikaavakerit limwagaazainaavina Gotiyai dannelyira "Yida'maraangeraavit nimreraavit wimwaaifiwa." **25** Jizaazai sahwai nemire wagila sa marasit'nya'nerit balya'nerit maryasaabakei bwalabalakelyi. Yaka Gotiyai neminty "Yida'maraangeihi nimreihilyira," neja'nerit ayahi yidikaavakelyi.

5

Kwaamu'nanya'nesi yilaaya'nesi sawaarinesi.

1 Kiraazitiyari mena limwagovi Gotiyai nemintyina "Yida'maraangeihiri nimreihiri yihimwaaifiwa," nedakevidaa'nyi Gotiyare kwaamu'nanyavt avaaizimunya Gotiyalyi ye'mwannamwaaaho. Yit nemire Naangei Jizaazai Kiraazitiyai nayaa yakevit avaaizimunya Gotiyariji neye'mwamanit. **2** Kiraazitiyari limwagovi sahwai yange'na gaimwanga sihumalevit nemt daako savit gave pwainanyai nemire tusa' basamakulakelyi. Nabaai Gotiyare byaanna diringinyavt nayaa pada'galaye'mwannamwaala yaade'na yilaaya yadaa Gotiyarina diringinna yemwaaimanigo. Sarevi neminty yilaaya neygaimanit. **3** Nabaai nemt yune savinanna yilaaya myi yaanneinera. Aawa. Neminty taanga neyima'nivanika sabwi kibwinajit yaanne'na nemt yilaaya yina. Nemt yawi'manigo. Taanga maa'manigo daza neminty diringinya yivaimwanga neyivanikengi. **4** Yit nabaai nemt diringinya dara mwalaaja' yit nabaai Gotiyai dara wanganannelyi "Yaamijiya saburi yiniga wi'nanyara midaaka!" Yit nabaai Gotiyai "Yaamijiya saburi yiniga wi'nanyarera," dina yaja' yit Gotiyaibisaina yima'nya'neina yemwaala yadaanyi. **5** Nabaai nemt yemwalaaja' yit nemire simunya savina wagila nevwa'nadeina mi'. Kurya Tewaanyai, Gotiyai yanga nejaavadei dara neybwaridaakuvant "Gotiyai gamire kale nawi'nyabwi nemire simunyavt neyekuramwaaifiwanit." Sare'na yemwalaaja simunya sa' wagila nevwa'nade mi'. Sara yima'nadesi.

6 Nemt tewaanya ya'neina diringinya maayaina kuna mwaaidori Gotiyai sara dahilakaka dazahigaasagaa' nemt Gotiyari bule'na wijavadaanyainaavina ayahi nemaarya'nei nemintyineba Kiraazitiyai balakelyi. **7** Sare' dare'nesi. Pwai kwai a'mwe Kiti'nya mididerineba baladei dingaka! Naangaangesi. Dare'nesi. A'mwe pwaina pwainanyai a'mwe nawi'nyarina pwaraavt yiniga wigmaderina sai simunya diringinna yojit padaihasamaarya'nei sahwarineba baladei dingaka? **8** Sare' kiri' Gotiyai gamire kale wia'nebwi nemintyinebwina dara neybwaridaakuvantkesi. Sahwara kayaa'nanyanna yadi'sara kuna mwaaidapi yit Kiraazitiyai kumintyineba balakelyi. **9** Yit Kiraazitiyare tawe' dima'nakevit Gotiyai nemintyina "Yida'maraangera nimreraavit wimwaaifiwa," dakevidaa'nyi yit diringinna nebulya'na yawi'manigo. Gotiyare sinna tike' yawibwata'neriki Kiraazitiyai nevadaihasamaarade'nanyi. **10** Sare' dare'nesi. Sinnawi nemt Gotiyari yikamaanga mwaaidori gamire Gawaaliavaangei balakevi, yikamaanga sabwi aaya wo'dalasi'na yaka yit neminty

Gotiyalyi' avaaizimunya' ye'mwagakya neya'. Avaaizimunya' ye'mwagakya neyakevidaa'nyi' diraginna nebulya'na yawi'manigo. Kiraazitiyai gaalyai mwaalikevi Gotiyare sinna tikevina kuna nevadaihasamaaradelyi. ¹¹ Nabaai yune sahirri'nanna mi'. Aawa. Nemire Naangei Jizaazai Kiraazitiyai neminyi Gotiyariji' avaaizimunya mena neye'mwagaka sarevi' dhaaa' nemi' a'mweraayaba Gotiyari' yilaaya yivanigo.

Aataami balyabwi kyimavadaakwa' Kiraazitiyai gaalyabwi yimavadaakwake'nesi.

¹² Sarevi' nemi' yawi'manigo. A'mwe pwai kayaa'nanyabwi yaaka sasare saburi'na Kwaakevak'yainaavire simunyavi' kayaa'nanyabwi yima'nakesi. Nabaai kayaa'nanyabwi balyaburi makabakesi. Sabaaibti' a'mwe yuyara kayaa'nanya yadivisavi' balyabwi a'mwe yuyaraav'i maa'desi. ¹³ Sare' dare'nesi. Gotiyai Kiwinya' mujaayadi'nyiyagaa'na yi' dazagaa' Kwaakevak'i kayaa'nanyabwi waryaakesi. Kirri' Gotiyare Kiwinya' maayav'i, yi' kumi' kayaa'nanya yadivisanna Kiwinya' jida'da mi'. ¹⁴ Aawa. Sare' kirri' balyabwi Aataamimi'regaa'daa'nyi' waraka Mozizaregaa'na kuna bwarakesi. Yi' balyabwi a'mwe yuyaraav'i galavila'nikesi. Yuyaraav'i maremwainikesi. Aataam Gotiyai diraginna wija' pari'mavakabaaibisavi' ne sinnawinya kutabanya mavari'mayi' yaata sara kwaraavij'i balyabwi galavila'na yaakere. Aataam sahwai a'mwe dazai dividaasi yima'naabyarinna Kiraazitiyarina ke'ba'nanya'bisalyi.

¹⁵ Kirri' yi' Aataamimi' yaaka yiwetata sasi' yi' Gotiyai gaimwanga yade sihumale sa' yange' Gotiyai "Yida'maraangeihi nimireihiri' yihimwaaiahiliwa," nedadesi' avaainanyawaai mi'. Aawa nebulyasi. Sare' dare'nesi. A'mwe gave sare wagilyav'i yi' a'mwe kwalaalyara baidiviki. Gotiyare yanga gaimwanga tewaanyasi' sihumale' yanga wijaayasi' balya saburi' naanna wavilavikewaalyi. Yada a'mwe kwalaalyaraav'i naangaanga yima'nigodesi. Gaimwanga yada sihumale' yanga wijaaya sa' a'mwe gave pwainanya Jizaazai Kiraazitiyai saharevi' maa'manigo. ¹⁶ Nabaai a'mwe gave sare wagilya' yaake'bti' sihumale' wijaaya sa' avaainanya' mi'. Aawa nebulyasi. Sare' dare'newaalyi. Pirri' daresi. A'mwe dazai yi'wetata pirri'na yaakevi' yawi'bwasa'na Gotiyai jidata dakina. Pirri' daresi. A'mwera yi'wetata kwalaalya yadaapiyangi Gotiyai gaimwanga yade sihumale'na marasi'nada "A'mwe yida'maraangeihiliyi," wividiani'. ¹⁷ Sare' dare'nesi. A'mwe gave sare yi'wetasavi' yi' gave sari'na balyabwi yima'naabaka gaai maremwaida yi' a'mwe yuyaraav'i galavilawakivani'. Kirri' nemi' diraginna nebulya'na yawi'manigo. Yanga gaimwanga tewaanya naangaangevi'ji sihumale' savi' Gotiyai "Yida'maraangeihiliyi," nedivanikevij'i a'mwera maapijara gaala mwaaidivisavi' a'mwe gave pwainanyai Jizaazai Kiraazitiyarina kingiya mwaaibibidere. Yi' daza' balyaburi' wavila'da yi' naangaangesi.

¹⁸ Yi' sarevi'idaasi' yi'wetata gave sa' yaakevi' a'mwe yuyaraav'i Gotiyai jidata dakina. Sarebaaibi' yida'maraanga gave sa' yakevi' a'mwe yuyaraav'i Gotiyai "Yida'maraangeihi nimireihiliyi," dakina yada gaala mwaaihasare. ¹⁹ Sare' dare'nesi. A'mwe gave sai yagaalya' galazekivalyaakevi' a'mwe kwalaalyara kayaa'nanyaraav'i wimwaaiahake'nanyi. Sarebaaibi' a'mwe pwai Gotiyari' midinakevi' a'mwe kwalaalyara yida'maraangeraav'i wimwaaiahade'nanyi. ²⁰ A'mwera kumire kayaa'nanyanna "Yiwetata naangaanga naanna yadaanyaine. We!!" dinya'ne'na Gotiyai Kiwinyabwi dakina. Sara dakina kyaa' kayaa'nanya naangaanga yima'nakevi' yi' Gotiyare yanga gaimwanga tewaanyabwi sasarengi' naanna wavilavikebulyi. ²¹ Kayaa'nanyabwi balyaburi' marima'naabada yi' dazavi' a'mweraav'i maremwaaide'vaabi' Gotiyare yanga gaimwanga tewaanya sa' Gotiyai "Yida'maraangeihiliyi," yawisa' marima'naabada yi' dazavi' sa' maremwaaalanesi. 'mire Naangei Jizaazai Kiraazitiyar'i nemi' gaalyabwi ma'daa yuyagaa' yuyagaa' mwalaade'na yanga

gaimwanga sa' maremwaala'nesi. Sara ya'ne' yanga gaimwanga tewaanya sabwi sasarengi wavilavikebulyi.

6

Kayaa'nanyaburine diraginyavina baidaa Kiraazitiyari gaala mwaaiho'nesi.

¹ Sarevidaa'nyi nemi be yagaala daathevaka? “ ‘Gotiyare yanga gaimwanga tewaanya’ naangaanga yi'ma'nana!’ dawaajii nemi kayaa'nanyabwi kuna yaade'nanyi,’ daathe' daaka! ² Arikewinyira! Nemi Kiraazitiyari limwagona kayaa'nanya saburine diraginyavina baloina navika myawiriyadaa pi'zi'gwa sareburii kuna gatha'dara mwalaadeinaavaka! ³ Dara myawiranganyadivitaihi daa! Kiraazitiyai Jizaazar'i bavitaaziya mena neyeta saina, sahwalyi mena ye'mwannayirakuro saina yi' sasare sabwi yuyaina bavitaaziya ma'daa gamire balyabwi mena yirakuroinera. ⁴ Sarevidaa'nyi bavitaaziyavi nemi gamiji ye'mwannabaidaa yi' Kiraazitiyariji ye'mwannayirakuralikirakya neya!. Niimware byaanna diraginyasi kavi'ninnyavi Kiraazitiyari yidikaavakabaaibi! “Gaala mudikevi kaanya yamaryipi'ka!” daka neye'mwannayirakuraneyidikaavakeinera.

⁵ Sare' dare'nesi. Nemi gamiji yiraku'daa gami balakabaaibi! ye'mwannayirakurabaloina yi' nabaai gaminyi yidikaavakabaaibi! nebwina neyidikaavadeinera. ⁶ Sare' nemi dara yawi'manigo. Gotiyai neminyina “Kumire kilaakejikii kayaalnanyabure diraginya kayaaka yi'wawana!” kada' nemire simunya aya yawaka sa' yi'saviri Jizaazar'i tamesalyi ye'mwannabalakesi. Sarevi yi' nemi kayaa'nanyabure widayadaanyaina ayahi mamwalaanne'nanyi. Kayaa'nanyaburine diraginya ayahi manemaremwaalanne'nanyi. ⁷ Sare' dare'nesi. A'mwei mena baloijiyai kayaa'nanyabwi mamuwii'ma'nyi yadelyi. (Kiraazitiyari limwagabalojiyari kayaa'nanyabwi ayina mamaremwaalyi yannelyi). ⁸ Yi' nemi kayaa'nanyaburine Kiraazitiyalyi mena yiraku'na, baloina mwalaajaina dara yawiralimwadaanyainera “Nemi gami kwalyi gaala yiraku'na, mwalaadeine.” ⁹ Sare' nemi dara yawi'manigo. Kiraazitiyari bainikeraayawi mena yidikaavakei ayahi mabalyi yadelyi. Gaminyina balya' diraginya maayasi. Ayahi galavilavadei mi!. Gami'nyi maremwaaladei mi!. ¹⁰ Sare' dare'nesi. Sahwai balakevi nemire kayaa'nanyabwine'na gave pi'gaal mena yune'na balakelyi. Yi' balya dazav'i gami kayaa'nanyabure diraginyavi kayaaka yi'galakelyi. Nabaai gaala mwaalikevi, Gotiyarine yaya' munyaba makilya'nei gaala mwaaidelyi. ¹¹ Sarebaabi' sarimi' kwaihi sariminyine'na nayaa dara jawirila! “Kayaa'nanyabure diraginyavina nemi bainikeinera. Diraginya sav'i kwaakewi mula'naraanneine. Aawa. Kiraazitiyai Jizaazar'i wilamwaidaa Gotiyarine yaya' munyaba makilya'neina gaala mwalaadeine.”

¹² Sarevidaa'nyi sarimi're simunyav'i kayaa'nanyabwi midinya'neihi kayaa'nanya sabwi sarimi're kilaakeji' baladezi' mamareyi'himwaalanna! Kayaa'nanya sabwi nayihimwagi'nadika! ¹³ Nabaai sarimi're kilaaka yuyajikiiya sa kayaa'nanya saburi'na wana kayaa'na ya'ne sangi kuna mujaavipina! Aawa. Sarimi're kilaaka yuyajikiiya sa yida'maraanga saburi'na wana nawi'nya ya'ne sangi duzaavinyila! Yi' mena bainikehi kuna mamwaalyeva ayina gaala mwaihasarabisaihi Gotiyarina sariminyi nayaa duzaavinyila! ¹⁴ Sare' dare'nesi. Kayaa'nanyabwi sarimi're naangebwi mwaranna! Ayahi mamareyi'himwaalannera! Sare' dare'nesi. Dahaai' sarimi' Kiwinyaburi kwaakewi mamwaalyiga!. Aawa. Sarimi' Gotiyare yanga gaimwanga tewaanyaburi kwaakewi mwaaiha'!

Nemi'ida'maraangeburine widayadaanyaina mwaaiho'nesi.

¹⁵ Sarevidaa'nyi gara yaanneka? Nemi Kiwinyaburi kwaakewi mamwaalyigo. Aawa. Gotiyari yanga gaimwanga tewaanyaburi kwaakewi mwaaiho. Yi'

sare'na kayaa'nanyabwi yaadeina d̄ngaka! Ar̄kewinyi. **16** Sare' dara myawirij̄van̄gava! Sar̄iminyi a'mwe pware yagaalya' m̄dinya'neihi yaasiwa'wawinya'neihi w̄ijaav̄inapij̄ ȳ sahwari m̄dib̄zaihi sahare yaasiwa'wawinya'ihi d̄mwaalyideih̄lyi. Kayaa'nanya sabwi m̄dib̄zaihi sah̄rivi balyabwi yuna naanga d̄maaryideih̄lyi. Got̄yar̄i m̄dib̄zaihi sah̄rivi "Ȳda'maraangeiḡ n̄mireiḡnyi," w̄ja' d̄maaryideih̄lyi. **17** "Su! Su!" Got̄yar̄i dare'na wīdaana! Sinnaw̄i sar̄imi kayaa'nanyabure yaasiwa'wawinya'ihi mwaalesaih̄lyi. Kayaa'nanyaburine d̄raginya' ȳh̄maremwaalakeih̄lyi. K̄ri' yagaala nebulya' ȳh̄iziwaakesa' sar̄innya simunyavi wakadiv̄isav̄ nayaa pada'galamididiv̄ik̄. **18** Got̄iyai kayaa'nanyaburine kalavuziwan̄nya sabwi ȳhyarasi'laka "Ȳda'maraanga sabure kalavuziwan̄nya'ihi d̄mwaalyila!" ȳh̄thakeih̄lyi. **19** A'mweihi re siduta yawita sabwi d̄raginya nayaa myasi. Sar̄imi Got̄iyare yawita yarai myawiranganya'ihi mi!. Sarev̄ina a'mweinaav̄re kunya yawita sabwi mididi yaasiwa'wawinyaaraav̄reburine ke'ba'nanya' ȳh̄thiwest. Sare' dare'nesi. Sinnaw̄i sar̄imire k̄laakej̄k̄ya sa k̄iw̄nya galazek̄ivala ȳma'nya'neihi ḡrik̄ita'nanya saburaj̄i k̄iw̄nya galazek̄ivala saburaj̄i saburine yaasiwa'wawinyaaj̄ka wakesaih̄lyi. Ȳi dahaa' sar̄imire k̄laakej̄k̄ya sa tewaanya nawi'nyaanga ȳma'nya'neihi Got̄iyareihi, ȳda'maraangeburine yaasiwa'wawinyaaj̄ka nayaa dakyila!

20 Sare' dare'nesi. Kayaa'nanyabure yaasiwa'wawinya'ihi mwaalesagaa' ȳda'maraangeburine yaasiwa'wawinya'ihi mamwaalyesaih̄lyi. **21** Sarevidaa'nyi kayaa'na yesagaa' sar̄imi ȳsilya'b̄i beri' maaretavaka! Dahaa' yeta sa' yawireva wagila ȳh̄ivwa'n̄van̄ka! Sare' dare'nesi. Dazabwi yune naanga balya'nebwina marima'naabadevulyi. **22** Dahaa' kayaa'nanyabure kalavuzikurisav̄ Got̄iyai mena ȳhyaramaarakeih̄lyi. Sara yada gam̄i sare yaasiwa'wawinya'ihi mena ȳh̄mwaaikhakeih̄lyi. Ȳi sasareihi tewaanya nawi'nya' ȳsilya'b̄i dara d̄maaryide "Tewaanya nawi'nyaanga ȳma'nya'neihi Got̄iyareihi mwaaidiv̄isasi. Ȳi dazabwi yune yuyagaa' yuyagaa'ne gaalyabwina marima'naabadevulyi." **23** Sare' dare'nesi. Kayaa'nanya' gannya yaasiwa'wawinyaaraav̄ kumire wawinya'ne t̄vik̄ita w̄jaavadesi. T̄vik̄ita sa' yune naanga balya sah̄ri'na. Nabaai Got̄iyare gaimwanga tewaanya' yange' w̄jaav̄na neyadelyi. Sa' gaala yuyagaa' yuyagaa' mwaalya'ne'na. K̄raazit̄yi Jizaazai nemire Naangeri wīlamwaalajav̄ gaala daza' nejaavade'nanyi.

7

Kwala maaryabwine ke'ba'nanyavinesi.

1 Nya'mweihi, a'mweinaav̄re k̄iw̄nyabwi yawi'manigasaih̄ri ȳh̄thiwan̄ge. Sasareihi, dara jawirila! "A'mwe kwai gaala kuna mwaadehaa' ȳi dazahigaasagaa' gam̄i a'mweinaav̄re k̄iw̄nyabur̄ kwaakew̄i mwaaidelyi." **2** Sare' dare'nesi. A'mwe' kwala maa'noj̄i gannya a'mwei gaala kuna mwaaidoz̄i ȳi k̄iw̄nya sabwi gam̄ire a'mwei kwarij̄i galalimwagathesi. Nabaai gam̄ire a'mwei balajai ȳi k̄iw̄nya sabwi a'mwerij̄i ye'mwannalimwagathe' gam̄inyi ayahi limwagathe' mi!. **3** Sarevidaa'nyi a'mwei gaala kuna mwaaidoz̄i a'mwe' a'mwe pwar̄ maa'naja' gam̄inyi w̄idipi'desi. Akai! Pwar̄ tidaakumanikesi. Nabaai a'mwei mena balaja' k̄iw̄nya sabwi gam̄inyi ayahi limwagathe' mi!. Ȳi savidaasi a'mwe pwar̄ kwala maa'naja' ȳi gam̄inyi "Pwar̄ tidaakumanikesi," w̄idipi'de' mi!.

4 Sarevi, n̄innya nya'mweihi K̄raazit̄yiareihi, sar̄imi K̄raazit̄yiare k̄laakej̄isi mena ye'mwannayirakure!. Ȳi sah̄rivi balakega'a' sar̄imij̄i mena bale!. Ȳi sare'na Got̄iyare K̄iw̄nyabwi sar̄iminyi ayahi ȳh̄limwagatheihi mi!. Ȳi sar̄imi gaala mudike' maareva A'mwe pwai K̄raazit̄iyalyi kwala maa'nya'ne'b̄saihi ye'mwannamwaalya'neih̄lyi. Ȳi A'mwe dazai mena kabala' ayahi ȳdikaavakerinyi.

Neminyina Gotiyai “Niminyine yisilya yiripi! kada' nawi'nyabulyiyaina yuna yima'nya'neina mena ye'mwannamwaalo'nanyi. ⁵ Sare' dare'nesi. Sinnawi a'mweraavire simunyaburi kuna mwaaidori Kiwinyabwi nemire kilaakevi wabahilaaka ya'ne kayaa'nanyajikiya yawita neyidikaava!. Sara neyadaasi nemi yisilyabi! kayaa'na yadaa mwaaloinera. Yi balyabure sasareina kayaa'nanyabulyiyaina yune naanga balya'neina yima'nya'neina mwaalo'nanyi. ⁶ Sarevi nemi Kiraazitiyalyi mena baidaa baryaina Kiwinyabwi nelimwagarake' mena kyagalya'mavo Kiwinyabwi ayahi nelimwagathe' mi!. Yi sarevidaa'nyi dahaasaga! kiwinya sabwi pikarya yida'nika ayangti midinya'neburit myona Kurya Tewaanyi gaalyaburine yaasiwa'wawinya'neina mwaaihoinera.

Kiwinyabwinaji kayaa'nanyabwinaji sa'nesi.

⁷ Sarevidaa'nyi be yagaala daathevaka? Dara daathe' daaka! “Kiwinyabwi gami sabwi kayaa'nanyabulyira.” Arkewinyi. Aawa. Kiri' kiwinya' nimiriyi kayaa'nanya' manyibwaridaakwia nyaja! “Nimi yadinya' kayaa'nanyabulyi,” yawirangadinyainyi mi!. Sare' dare'nesi. Kiwinya' dara dinii “Gimi a'mwe pwaraavire gilyivisangi tiganaarya minnera!” Sara dinika sa' mwaryaja' yi “Tiganaarya ya sabwi kayaa'nanyabulyi,” yawirangamuneinyi mi!. ⁸ Nabaai kayaa'nanyabwi Kiwinyavire tusariki bi'desi. Sara yada yuya tiganaarya pininna pininnanya sa nimiriyi simunyavi nyidikavemwaaihadeinyi. Sare' dare'nesi. Kiwinya' mwaryajj kwajj kayaa'nanyabwi navika warina kyad!. ⁹ Sinnawi maalikegaa! kiwinya “Sana minna!” dinikebwi maaya'nyi mwaale dazagaa' navika mwaalageinyi. Nabaai dividaasi Kiwinya' yawi'na yadinya'nyi yi sare' kayaa'nanyabwi dikaa'na kya! “Kayaalnanya yima!” diraginna yawirena ¹⁰ dara yawire, “We!, Gotiyarina nimiriyi kuryai baimwakelyi.” A'mwera kiwinya' yune' midibizara gaala kamaapidi!. Kiri' a'mwera sara mi. Gotiyai Kiwinya' gaala wi'jaaya'ne'na dakake' nimi' dara baramaa'mwe! “O, sara myi yiwineinyi balya', Gotiyarina kimata yremwaalya' maarya'neinyi dingaka!” ¹¹ Sare' dare'nesi. Kayaa'nanyabwi Kiwinyavire tusariki birina yada yi nimiriyi kwaasi nyakesi. Yi sasare saburi kayaa'nanyabwi kiwinya' maaraka dara nyibwaridaakwada “Gimi'nyi gizda'mwakeiginyi,” nyiramakakesi. ¹² Sarevidaa'nyi nemi yawi'manigo. Kiwinya' mwaryajj sabwi tewaanya nawi'nyabulyi. Nabaai Gotiyare yagaaikiwinya gazasa'yi sa' kirisi tewaanya' giri'ka maaya' yaka yida'maraange' yaka nawi'nyasira.

¹³ Sarevidaa'nyi nawi'nya dazahiri' nimiriyi dahanyiramaka!! Arkewinyi. Aawa. Kayaa'nanya sahibwi sabwi nyiramaka!. Yi kayaa'nanyabwi ku'maayaba yima'naabya'nebwina neminyina “Kayaa'nanyabwi wana kayaa'nanaangebwi war!,’ yawipi! kada' kayaa'nanyabwi nawi'nya daza' maa'da yi dazavi balyabwi, Gotiyarina kimata yremwaalyaburi marima'naabinikesi. Yi dasasare saburi kiwinya daza' wibwaridaakwia'nesi. Kayaa'nanyabure aaya kaavilya', gami wana kayaa'nanaangesi. Neminyina “Sara yawipi! kada' Kiwinya' wakakesi. ¹⁴ Sare' dare'nesi. Nem'i dara yawi'manigo. Kiwinyav Kuryai Gotiyare sabwi neyibwaridaakuvani!. Sare' kirii' nimi simunya sinnawi'nyi kininnakeinyi. Kilaakejikiya yawisa nyimaremwaalikeinyi. Gotiyare sabwi mamidinyainyi. Kayaa'nanyabwi nimiriyi wil galanyi'daa'nyi gamire wawinya' yivanige. ¹⁵ Sare' dare'nesi. Aaya kaavila nimi yadinya sabwina myawirivanige. Sare' dare'nesi. Nabaai pibwi nimiriyi kuna yigunna nyadevwi sa' nayaa myadinya'nyi. Aawa. Pibwi nimiriyi simili'ka nyuimwaaidevwi sabwi yuyagaa' yina yadinya'nyi. ¹⁶ Nimi sabura “Aala,” dadinya sara yadinya'nyi. Yi nimiriyi sasare saburi sa' dare'nesi. Nimi simunyav i davanige. Yo, Kiwinyabwi tewaanyabulyi. ¹⁷ Sarevi nimi sainy' kayaa'nanya daza mivanige. Aawa. Kayaa'nanyabwi nimiriyi wilanyarikebwi gami sahibwi sabwi nyivanikebulyi. Sare'na wil galanyi'daa'nyi yivanige. ¹⁸ Sare'

dare'nesi. N̄iminyi d̄raginya' nayaa nawi'nya' ya'ne' mulanyari!. N̄iminyi k̄laa'nakeinyi a'mwe gaveinyi'na d̄ivanige. Sare' dare'nesi. N̄imi "Tewaanyabwi ȳma!" dena ȳweinyi. Tewaanya sa' mi ȳwīneinyira. ¹⁹ Sare' dare'nesi. N̄imi "Nawi'nyabwi ȳma!" dad̄ ȳvanige!, sabwi mivanige. Aawa. N̄imi "Waḡlyabwi mȳwīnera!" dad̄ ȳvanige!, yi sabwi ȳna yadinyainityi. ²⁰ Nabaai "Aala," dad̄ ȳvanigevevi, yi sabwi ȳvanige sarevi yi n̄imi sainyi mi!. Daza' mivanige. Aawa. Kaya'a'nanyabwi n̄iminyi w̄lanyarika gami sahirisa' nȳvanikesi.

²¹ Sarevi'daasi n̄imi davwi yabwi b̄iramaa'd̄inyainyi "N̄imi 'Tewaanyabwi ȳma!' dad̄ yadaari waḡlyabwi nyarikebwi n̄imire tusa' kaanya nȳrihi'man'i!."

²² Sare' dare'nesi. N̄imire s̄imunyaburi Gotiyare k̄wīnya'na n̄iminyi tewaanya nȳvu'n̄van'i!. ²³ Nabaai n̄imi dara yawirangamanige, "N̄imire k̄laakejikiyang p̄ibwi w̄lanyarikebulyi." Yi sabwi dazabwi Gotiyare k̄wīnya' n̄imire s̄imunyav nyarikevi mala tadevulyi. Yada kayaa'nanyabure sabwi n̄imire k̄laakejikiyang nyarikevi, yi sabwi n̄iminyi wiла galȳralimwagata nȳvan'i!. ²⁴ Ako! N̄imi a'mwe kayaaka nȳgaideinyira. K̄laaka n̄imire dazi' balyabwi Gotiyarina k̄mata ȳremwaalyaburina ȳvanikenna aaihwai nȳvadaihasamaaradeinyaka? ²⁵ Gotiyari "Su! Su!" wiđivanige! Jizaazai K̄raazit̄yai nemire Naangeri gami sahwai nȳvadaihasamaaradelyi.

Sasarevi'daa'nyi yi piri' daresi. N̄imi dareinyire s̄imunyabulyi Gotiyare K̄wīnyabwi w̄idaayi'vanige yaasiwa'wawīnyainyi. Piri' daresi. N̄imire k̄laakejikiyawisasi kayaa'nanyaburi sabwi w̄idaayi'vanige.

8

K̄raazit̄yai kayaa'nanya nemarasid'a Kurya Tewaanyari nejaavanike'nesi.

¹ Sarevi'daasi yi dhaaasagaa' K̄raazit̄yai Jizaazar w̄lamwaaihasaraavina yagaala yawibwata'ne jidata'ne mwari!. ² Sare' dare'nesi. K̄raazit̄yai Jizaazai yakevi Kuryai gaala ḡzaavaderebw i kayaa'nanyabulyi yune naanga balyabulyi saburaari mena wiла gȳi'dalamaraa!. ³ Yi sare' dare'nesi. A'mweraavire k̄laakejikiyaya yawita savina k̄wīnyabwi ya'neina waryaanyaina mwaaiho'na K̄wīnyabwi kayaa'nanyaburi padaihasamaa'na neyannebwi mi!. Sara mi yade' Gotiyai sara yakesi. Gotiyai gannya Gawaalivaangeri maryasaabakelyi. Sarei a'mwe kayaa'nanyaibti' k̄laa'nakei ȳma'nakelyi. Gami a'mweraavire kayaa'nanya bwalamarasid'nya'nei walaabakelyi. Yi a'mweraavire kayaa'nanyabwi w̄larikeburi Gotiyai jida'na kya' K̄raazit̄yai a'mweraavineba kayaa'nanyanne t̄vikita'na balakelyi. ⁴ Gotiyai neminyina "Sahwara k̄wīnyabwi dakint̄ka ȳda'maraangengi yuna yadivisaraavi w̄mwaanihima!" kada' sara balakelyi. Sareina a'mweraavire k̄laakejikiyaya yawita savi kaanya myamaryadaanyi. Aawa. Nemiri Kurya Tewaanya sari kaanya yamaryadaanyainaavinesi.

⁵ Sare' dare'nesi. A'mwera a'mweraavire k̄laakejisiyara kumire s̄imunyangi k̄laakejikiyanna yawiririkidivisare. Nabaai Kuryalyiyara kumire s̄imunyangi Kuryarennaya yawiririkidivisare. ⁶ Sare' dare'nesi. K̄laakejikiyaya s̄imunyav a'mwe sara yune naanga balyabwi Gotiyarina k̄mata ȳremwaalyabwi maa'manigasare. Yi nabaai Kurya Tewaanyare s̄imunyav a'mwe sara gaalyasi s̄imunya kwaamu'nanyasi maa'manigasare. ⁷ Sarevi k̄laakejikiyaya yawita sa' s̄imunyangi maremwaala-jara Gotiyare ȳkamaangera ȳma'n̄waasare. K̄laakejikiyaya s̄imunya Gotiyarina ȳkamaangesi. Sare' dare'nesi. Sahiri' Gotiyare K̄wīnyav w̄la'na'de' mi!. Dare'nesi. Yi nabaai sahiri' sara yiniga yanne' mi!. ⁸ K̄laakejikiyangi mwaaidiv'i a'mwe sarera Gotiyari ȳlaaya wigalya'nera mamwaalyi yipinere.

⁹ Sarimi k̄laakejikiyangi mamwaalyiga!. Aawa. Gotiyare Kurya Tewaanyai sariminyi w̄layihimwaaidori Kurya Tewaanyari w̄lamwaaihasaihilyi. Nabaai, yi pwai kwai K̄raazit̄yare Kurya Tewaanyai maayai a'mwe sai K̄raazit̄yarei

mi!. ¹⁰ Nabaai Kiraazitiyai sariminyi wiliayihimwaalajai yi piri! daresi. Kayaa'nanyabwine'na sarimire kilaakejji' baladezikira. Yi piri! daresi. Sariminyina Gotiyai "Yida'maraangeihi nimireihiliyi," mena yihithake'na Kuryai gaala mena yihimwaaihakeihiliyi. ¹¹ Gotiyai Jizaazar'i bainikeraayawi yidikaavakere Kuryai sariminyi wiliayihimwaaidori Kiraazitiyai Jizaazar'i baryari yidikaavakei sarimi balapijyagaa' sarimire kilaakejji' gaala yihizaavadelyi. Kuryai sariminyi wiliayihimwaaidevi kilaakejik'i gaala yihizaavadelyi.

¹² Yi sarevidaasi, nya'mweihi, nemti tivikita wijaaya'ne kininnakeine. Tivikita sa' Kurya Tewaanyari mwaalya'nesi. Kilaakejik'iya yawisangina tivikita aawa. Nemti kilaakejik'iya yawisangina mwaalya'ne tivikita mwari!. ¹³ Sare' dare'nesi. Sarimi kilaakejik'iya yawisangina mwaibiza' yi sarimi yune naanga divalyili! Kiri' Kuryare diraginya sarimi kilaakejik'iya yawisa ya tamakipiija' yi gaala dmwaalyidehiliyi.

¹⁴ Sare' dare'nesi. Gotiyare Kurya Tewaanyai gazarazaraavi wibwaridaakuvanikera yi sahwara Gotiyare gawaalivaangere. ¹⁵ Sare' dare'nesi. Sarimi Gotiyarina lika ayahi ya'ne' kalavuziwawinyavi yigidiwagamaremwaala yihyade Kuryari mamaaryesalyi. Aawa. Gawaalivaangeihiri yihimwaaihaka Kuryari maaresalyi. Yi sahwari, nemti Gotiyari jaka dadaanyi "Tataala! Nimwala!" ¹⁶ Kuryai gami sahwai nemire kuryaraji nemti Kiraazitiyari limwadaanyaainaavina dara jalikurakivan! "Gotiyare kaimiraayaihiliyi." ¹⁷ Nabaai Gotiyare kaimiraayaina mwalaaja! Nimwai sare yuya tewaanya maraadeinera. Piri! daresi. Gotiyare yuya tewaanya maraadeinera. Piri! daresi. "Kiraazitiyalyi byaanna diraginya maraana!" dawaaji Kiraazitiyalyi taanginya ye'mwannamaraaja' Kiraazitiyai yuya tewaanya maarade ye'mwannamaraadeinera.

Divine' byaanna diraginya'nesi.

¹⁸ Sare' dare'nesi. Ni'mi yawi'manige. Divi sagaa'ne Gotiyai byaanna diraginya'ku'maayaba wakaaboz'i nejaavade' naangaangesi. Dahaasa'ne taanga sa' maa'manigo datha' wana maalikesi. ¹⁹ Sare' dare'nesi. Yuya Gotiyai wakyaaka a'mwerabiso yemwaaidiv'i "Gotiyai gamire gawaalivaangeraavi ku'maayaba wimwaihaabya'ne' tiljaaya baihanaraana!" dadivisangi. ²⁰ Sare' dare'nesi. Yuya wakyaaka sa dividaa'nyi waryaanyabwi maremwaalya'ne wakyaakengi. Kumire kunyaburina mi!. Aawa. Gotiyai kumi nyi ya'nenna nawi'nyanna maarya'ne yemwaalya'nengina waryaanyabwi maremwaalya'nengi wakyaakengi. ²¹ Yemwaalya sa' daresi. Yuya wakyaaka kum'i sa dahaasa bwia burya'ne kalavuziwawinyavi yirika piri'ki Gotiyai kyarakoj'i ayina bwia burya'nebwi diraginya mwarina. Nabaai wakyaaka sa nemti Gotiyare kaimiraayainaavire byaanna diraginya' tewaanya ye'mwannayarakadesi. ²² Sare' dare'nesi. Nemti yawi'manigo. Dahaai' kigaasi yuya Gotiyai wakyaaka daza a'mwe' kaimiraaya maarya'negaa' daanga wivdevaaibi' daanga wividaawori simuyiwaala yawi'mwaainadivisangi. ²³ Nabaai yuya gave dahininnanna mi!. Aawa. Nemti Gotiyai yisilyabit'a sinnawinya sihumale nejaavaka Kuryai kininnakeina nemti kwainaj'i daanga nevidaasi simuyiwaala yawi'daa yemwaidaanyi. "Gotiyai sasare sabwi yasi'nana!" dadaa "Yune gamire gawaalivaangeinaavi nemwaaihya'ne' yi nemire kilaakejji' ayina nemuba'nev'i tiljaaya baihanaraana! Nemire kilaakejji' mudikejji' yima'nana!" dadaanyaine. ²⁴ Sare' dare'nesi. Gotiyai nemire kilaakejik'a nawi'nyajika wakadevi'na yemwaalya'neinaav'i nevadaihasamaarakelyi. Dahaai' nemire kilaaka nawi'nyajika yima'nya'nejikaavina yemwaidaa dividaa mena wanganawaajyajikaavina yemwaalya' mi'ka! Sare' daresi. Pwai kwai piri' mena wanganaka ayahi yemwaalka' mi!. ²⁵ Nabaai piri' tinna mwanganyadaanya' yemwalaaja' yi "Sahiri'na tiljaaya baihanaraana!" dadaa diraginna yemwaaimanigo.

²⁶ Sasare sabwibisav† Kuryai dīraginya maayainaavi negaimwadely†. Nem† Gotiyar† wijsa' nengina myawiyadaanya' na dadaany† “Naya Gotiyari widaaza' na gara widaazihywona!” Sare' simumaayainera. Aawa. Sasare saburi Kuryai gami sai yune simunyav†na simuyiwaala yaw†da neminy†na marewidaada negaimwadely†. ²⁷ Nabaai Nimwai a'mweraavire simunyav† tinna nebulya' na yawirangadei Kur-yare simunya dazaburi yawirangadely†. Kuryai Gotiyare simunyaburi mididevina Gotiyare tewaanyaraav†na naya Marewidadely†.

²⁸ Nabaai nem† yaw†manigo. Taanga gazaza Gotiyarinna wivu'naderaav† yima'nyangi Gotiyai naw†nya ya'ne yadely†. Da kumi Gotiyai kuminyne yawisa' yima'nya'nevina Gotiyai jaka wijiwaramaarakere. Y† sahwaraav†ny†. ²⁹ Sa'dare'nany†. Gotiyai kuminyi sinnawi mena yawiranganaka nabaai sinnawi mena dahilakyaakerera. Y† gamire Gawaaliavaangeib† avaaina yima'nya'neraav† dahilak†na. Y† Gawaaliavaangere gya'mwe kwalaalyaraav† aaya kuvidaakaanga y† aaya siraanga Naangei yima'nya'ne'na y† sahwaraav† dahilak†na. ³⁰ Nabaai a'mwe sara sinnawi mena dahilakakera y† sahwaraav† jaka wijiwaramaarakere. Nabaai jaka wijiwaramaarakera y† sahwaraav† “Yida'maraangeihi nimireihily†ra,” widakere. Y† nabaai sara widakera y† sahwaraav†na gami sare gannya byaanna dīraginya' wijsavakere.

³¹ Sareviдаasi yuya dazanna be yagaala daathevaka? Gotiyai neminy† negaimwagazav†, y† Gotiyarinna neminy† yikamaanga gazaizai nevilavadeina daaka!

³² Gotiyai gannya Gawaaliavaanger† lika sangina maribwaayakai mi!. Aawa. Nem† yuyainaav†na sahwar† neminy†neba balya'ner† maryasaabakely†. Y† sarev† gami kwarij† yanga nejaaya'ne yuya pin† kinij† yanga nejaavadei midaaka!

³³ A'mweraav† Gotiyai dahilakaka gaminnersaav† y† saraav† kotiya' aaihwai jatheraava!! Gotiyai gami sai nedivanikely† “Yida'maraangeihi nimireihily†.” ³⁴ Aaihwai jida'na yadelaka! Kiraazitiyai Jizaazai neminy†neba balake'nany†. Y† sarev† dare' wavila'desi. Barya sahwar† yidikaavakely†. Y† sahwai dīraginyaba Gotiyare aangasiri yilamwalaawakely†. Y† nabaai sahwai neminy†na Gotiyar† marewidadely†. ³⁵ Kiraazitiyare kale sav† neminyij† gew† gew† yiniga jaapalya'ne ben† warika! Neminy† taanginya kaneyima'noj† dingaka! Daanga kanevinoj† dingaka! A'mwera kayaa'na kaneyapij† dingaka! Neminy† mijika naanga kaneyoj† dingaka! Baazi'ma'nya kannya sazanna kanegainoj† dingaka! Kayaa'nanaanga neminy†na “Kayaaka yigalima!” dozi yaamij† lika kaneyir†galoj† dingaka! Kwaari'masiraminya mala kaneramakipij† dingaka! Kum† dasasare sabwi Kiraazitiyare kale sav† neminyij† gew† gew† nejaapaladevwi daaka! ³⁶ Sare sabura neyima'najanna Gotiyare bukuya' dara dinikabaaibisasi.

“Giminy†ne'na yirika yunegaa' neramakiwanigasaine.

‘Sipzipiyaraav† tamaana!’ dadiv† nemwaihiwaasaine.”

Sara dinikabaaibisasi. ³⁷ Sasare sabura Kiraazitiyare kale sav† neminyij† gew† gew† nejaapaladevura mi!. Aawa. Dazasare yuyaburaav† nem† dīraginaangeina yima'naanneine. Kiraazitiyar† neminy†na wivu'naker† dīraginaangeina yima'nivanigo. ³⁸ Sare' dare'nesi. NiMi nebulya' dīraginna yaw†manigo. Kiraazitiyare kale sav† neminyij† gew† gew† yiniga nejaapalanne aane pin† kin† aawa. Pin† mi!. Balyabwi aawa. Gaalyabwi aawa. Yimakera aawa. Gilaayara aawa. Dahaasanna aawa. Divinenna yima'nade aawa. Kulatika aawa. Giri'nya aawa. Kulaa'nya aawa. ³⁹ Munya ke'mwewinyanna aawa. Kwaaka kewewinnyanna aawa. Yuya wakyaaka pin† aawa. Aane pin† kin† Gotiyare kale sa' neminyij† gew† gew† yiniga nejaapalanne mi!. Kiraazitiyai Jizaazai nemire Naangei yakevit† dara yaw†manigo. Neminy†na Gotiyar† kale dīraginna wiadaa'ny† neminy†na wivu'nadely†.

9

Polî Yîzîrelîyaraavîna taanga nebulya'na wiake'nesi.

¹ Kîraazitîyari wîlamwaaiheinyi sareinyi yagaala nebulya'na dîvanige. Kwaasi majîvanige. Nabaai nîmire sîmunyai padaihîrakyai nebulya'na dîvanigelevîna avaaina jalîkurakîvanikelyi. Yî Kurya Tewaanyai sara maremwaaidisi nîmînyîna sara jalîkurakîvanikelyi. ² Sare'na nebulya'na dara yîhîthîvanige. Nînnya yîsavaakiyara avaaitawera Kîraazitîyarera mamwaalyigasa'na taanga nebulya'na nyada yuya-gaa' sîmunyavî daanga yîbwakîdînyainyi. ³ Sahwaraavî wîgaimwagya'neinyi nîmire sîmunyavî Gotiyari yagînna dara wîdîvanige "Nîmî sahwainyi Dîkevi nyîmarasi'nîja!", Kîraazitîyari nîmînyîji gewî gewî jaapaidiza' nya'mweraavi avaaitaweraavî dîvadaihasamaa'de' nawî'nyasi." ⁴ Kumî Gotiyai dahîlakaaka yîta savaakiyara Yîzîrelîyarera. Kumînyîne'na Gotiyai nawî'nya kwalaalya kwia' kîri' kwalaalya sahwara Kîraazitîyari malîmwagye!. Gotiyai gamîre gawaalîvaangeraavî wîmwaihyakere. Gamîre byaanna dîraginya' wîjîwaainakera, yagaala wîlîmwagakenna ye'mwannawîdakera, gamîre Kîwînya' wîjaavakera, Gotiyari yîlaaya nebwina wiesara, yune naanga nebulya'ne yagaalya maaresara, ⁵ Ne sînnawînyara kwîyakwalaanga naangera kînînnakera, nabaai kîlaakevîna Gotiyai dahîlakaakei Kîraazitîyai kîlaakevîna sahwaraavîre sahîvaakîdaasi yîma'nakelyi. Yî gamî sahwai yuyangî maremwaalikelyi. Sai Gotiyai nebulya'nanyalyi. Sahwarî yuyagaa' yuyagaa' nemî yîlaaya kuna maryana! Naanga nebulyasîra.

⁶ Nabaai Yîzîrelîyaraavîna Gotiyai yune naanga nebulya'ne yagaalya' yaasiwa' mena yîwîya myakevinera. Sare' dare'nesi. Yîzîrelîyarîdaa'nya yuyara Yîzîrelîyara mi!. ⁷ Nabaai Evîraamîmîdaa'nyara gamîre yîsiwiara yîma'neta yuyara Gotiyare kaimîraayara mi!. Aawa. Gotiyai dara wîdakelyi "Aazakîmî gîmîre yîta savaakiyara yîsiwiara yîma'nîpi'dere." ⁸ Sare' daresi. Kîlaakejîkîya kaimîraayara dazara Gotiyare kaimîraayara mi!. Aawa. Gotiyai yune naanga nebulya'na dakera yîma'nîpijara dazara "Evîraamîmîdaa'nyara yîsiwiara nîmîrere," yawîrakere. ⁹ Sare' dare'nesi. Yune naanga nebulya'ne yagaala dara dînîkesi. Dathagaa' ayahi yîma'nadehaa' ayîna bîdeinyi. Sara kya'muri Seraa' jîwaalîvaangei maa-raadesi. ¹⁰ Nabaai yune sahîri'nanya' mi!. Aawa. Rîvekaa' bwaramunya' maryakevînyi. Nemîre neyakwalaangei Aazakî gave pwainanyai munya makuna yakelyi. ¹¹ Kaimîraayaraai kîrînaange' mamaaryakegaa' nabaai saraai tewaanya pîni kîni myadisaraai kayaa'nanya pîni kîni myadisaraai mima'nyadakîlyîyagaa' ¹² kîrînaangevi dara wîdakesi, "Sarîmîre sîraangei dîviyaraavî maremwaaiide kîri' gîmîre sîraangei aaya dîviyari wîdaayadei yîma'nadelyi." Sare' dare'nesi. Gotiyai "Sara dahîlakyabwina nîmîre yawîsa' waragwona!" daka sara wîdakesi. A'mwei wawînya nayaa yadewina sara yîma'naka' mi!. Aawa. Gami sai jaka wîjîvwaramaarake'na sara yîma'nakesi. ¹³ Dîvidaanîyî dara dînîkabaaibisasi. Nîmînyi Jaikopîmîna tewaanya nyîvu'nîvanî!. Yîzorîna tewaanya manyîvu'nyîvanî!.

¹⁴ Sarevîdaa'nyi nemî be yagaala daathevaka? Nemî dara daanne' daaka! Gotiyai yîda'maraangebwî yadei mi!. Arîkewînyi. ¹⁵ Sare' dare'nesi. Sahwai Ne Mozîzarî wîdakesi. Nîmî yawîra'mujî "A'mwe sarî kale'na wîgaimwagi'ma!" yî sahwarî kale'na wîgaimwagîdeinyi. Nabaai "A'mwe pwarîna kale nyana!" da'mujî yî sahwarîna kale nyadeinyi. ¹⁶ Yî sarevîdaa'nyi Gotiyai a'mwerî dahîlakadevwi a'mweraavîre yawîsaburî mi!. Nabaai a'mwera yagîyagînyaburî mi!. Aawa. Sai tewaanya kale'na wîgaimwangei Gotiyai dahîlakadevurînyîra. ¹⁷ Sare' dare'nesi. Gotiyai Peroyarî wîdake' dara dîni' "Gîmi nîmîji mala je'mwannabwa'dehaa' 'Nîmîre dîraginya' yuyaraavî yîbwarîdaakwana!' dena, nabaai, 'Kwaaka yuyawi nîmînne yaya' wîdamaryîpîka!' dena gyathîkaavena kingîya gîmwaaiheinyi." ¹⁸ Yî

sareviðaa'nyi sahwai yawiraka "Sari tewaanya kale'na wígaimwagim!" yi sara yina. Nabaai yawiraka "Pwai pihadika yadere sümunya' tihiroma!" yi sara yina yadelyi.

¹⁹ Sareviðaa'nyi gimi nimiñyi yaamiji dñyidattheiginyi "Sarevi gazaizai Gotiyare sümunyavina yiniga magalazekivaly iþpiñe'na a'mweraavina 'Kayaalnanyaburi yiwetawakadivisarera,' kuna be'na dadelaka!" ²⁰ Nabaai, a'mweig, Gotiyari ayina yiniga aaigi diza'nawidattheiginaka! Gyavikaryakeig midaaka! Kwadika kwaaka lavigiri'mwannikei a'mwe kwadika sahwai yavikarinikeri dara wiðannei dingga! "Ber'i garevi nyavikariwaana?" ²¹ A'mwe kwadika yavikaryadei yasaaka maremwaidei midaaka! Yt sahwai kwaaka piþi maaroji yi kwadika pwarina tewaanya ya'nei yavikarina. Yt kwadika pwarina yaasiwa' waramarya'nei yavikarina. Nabaai daza' maremwaalya' kininnakei midaaka! ²² Gotiyai kwalyi sa'bti yivanit. Sahwai kayaalnanyanna gamire sinnna tike "Ku'maayaba marima'naabitma!" dazai nabaai "A'mwe yuyara nimirre yiwinevi yawirangabika!" dazai kiri sara mi. Kwadika waryaanyara, yt kumire kayaalnanyangina Gotiyare sinnna tike'na diraginna yawibwarya'nera kayaaka dilamwivalya'neraavina yarai maramiyi yada saaminyagaa' yemwaaina. Sare' yagaainakeig daa! ²³ Nabaai kwadika tewaanyara, Gotiyai "Nimirre byaanna diraginya' naangaange' nimirera yawirangabika!" daka sara wiemwaaina. Byaanna diraginya sa' kwadika Gotiyai tewaanya kale'na wígaimwangeina sinnawi neminyi mena yovirawakakeinaavi nejaaya'nesi. ²⁴ Yt neminyi jaka nejivwaramaarakeine. Yune Juya yita savaakinnanna mi!. Aawa. Ajimya yuyangiya kwaraavij i jaka nejivwaramaarakeine. Sare' yagaainakeig daa! ²⁵ Wozayare pikarya kiriivi ajimya yuyangiyaraavina dinikabaaibisasi.

A'mwe nimirera mamwaalyigasaraavina

"Nimirera," sahwaraavina dideinyira.

Yisavaakina tewaanya manyivu'nyi wakevaakina

"Tewaanya nyivu'niwakevaa'ginyi," dideinyira.

²⁶ "Nimirreihi mi!", wídeva sahibeva

"Gotiyainyi gaalyabwi kininnakeinyre nyibwaali'vaangeihili,"

Kumiñyina yange'na sara dideinyira.

Ajimya yuyangiyaraavina sara dinikabaaibisasi.

²⁷ Nabaai Aazaayai Yiziðiyaraavina jaka dake' dara dini "Yiziðiyarerera kwalaalyara saalaalyavire siwekamili'kabi' mwaalibiza' kiri' a'mwe yivainojyara maali'kejikyaraav Gotiyai padaihasamaaradelyi. ²⁸ Sare' dare'nesi. Naangei a'mwe Kwaakevakiyaraavina yagaalya' yarai yesimavoji gamire yawibwasa'na yuneba yime'nya'bti' yadelyira." ²⁹ Nabaai sinnawi Aazaayai dahiriñina dake' dara dini'

"Naangei Díraginaangei mivainyi neyaji kwaj

Neminyine yisiwia pwaraav maneyivainyaj i kwaj

Sothomti mwaalyarabisaina kayaaka kaneyigaladika!

Gomora mwaalyarabisaina yune kabalaadika!"

Yiziðiyara Kiraazitiyar malimwagyesi'nesi.

³⁰ Sareviðaa'nyi nemi be yagaala daathevaka? Nem i sara daana! Ajimya yuyangiyara "Gotiyai neminyina 'Yida'maraangerera,' dana!" majanera yagiag wawinya myadivisara yt, Gotiyai "Yida'maraangeihi nimirreihi," mena wiðivanikere. Yt daza' yidata sabwi Naangeri limwange'nebulyi. ³¹ Nabaai Gotiyai dahilakyaakera Yiziðiyara yida'maraangebwi maarya'nev Kwiñyav yagiag wawinya yadivi' kiri' Kwiñyaviyaburi yunebanna yimadiv mi!. ³² Sare' berivinaka? Yida'maraanga sabwi maarya'nevina Naangeri malimwagi kyipidike'nanyi. Sara mi. Aawa. "Wawinya kwalaalya sara yadaanya'na maraadeinera," kwaasi yawi'divisa'nanyi. Silaanga sivilyangi muda'dei kumire

siviyang i muda'daasi yi kumi kayaaka ya'nera wala'divikti. ³³ Gotiyare bukuya' dara dñikabaaibisasi.

Yithaa! Saayon Silaangei wakiwelyi.

A'mweraavire siviyari mudavayidhwaki'narya'nei wakiwelyi.

Silaanga walamudavamaarya'neri nimi wakiwelyi.

Nabaai sahwari limwagoziya dawhai

Savina simunyavi jikuritinnna yannei mi!

Savina wagila wivwa'nadei mi!

10

¹ Nya'mweihi, nimirre simunya' tewaanya nyvu'nivanike', Gotiyari widadinya' yi daresi. Gotiyaig Ydzi reliyara limwabiza' divadaihasamaaka! ² Malimwagivanigata sare' dare'nesi. Kuminyina dara jalikurakivanige. "Gotiyari yilaaya yaana! Sare'na Gotiyare saburi yaamiji diraginna midinaana!" dadivisarera. Kirri' sare kirivi' kumi simunya yawita maayara yivaniga!. ³ Sare' dare'nesi. Gotiyai yivanika sabwi "Yida'maraangerera," neja'nev navinavika yadivt kunnya yida'maraanga saburana kwaasiya'bii yivaniga!. Yadivit Gotiyai "A'mwe yida'maraangeihilyira," widannevi dalaangewi wila'nadivitara mi!. ⁴ Sare' dare'nesi. Kwinya' yida'maraangeburine' Kiraazitiyarina mena yiwinkesi. Yi a'mwe yuyara Kiraazitiyar limwabiza'na sahwaraavi Gotiyai "Yida'maraangeihilyi," widathelyi.

⁵ Sare' dare'nesi. Ne Mozizai Kwinya' midinya'ne' "Yida'maraangerera," ja'nevina dara yidavakesi. A'mwei yuya dathavura yajai nabaai gaalyabwi maa-radelyira. ⁶ Sare' kirri' a'mwera yuya myadivisa'na a'mwei Naangeri limwada dazarina Gotiyai "Yida'maraangelyira," dathelyi. Sasare sabwina dara dini' "Ginnya simunyavina dara madinna! 'Sigungyavina aai yilaawadevaka?' Yagaala sa' daresi. Kinaraazitiyar makwalaabya'nesi. ⁷ Nabaai piri' dara madinna! 'Kewewin bainkeraavrebanna aai walaawadevaka?' Yagaala sa' daresi. Kiraazitnnaiyari bainkeraayawi ayina makilaabya'nesi. ⁸ Sare' madinna! Aawa. Dare' midiaka! Yagaalya' giminyyaba gidikuta nebulya' war!. Gimire maangiki wilarakka gimirre simunyavi wilarkesi." Yi yagaala daza' nemi widadaanya' Naangeri limwangebwine yagaalyasti. ⁹ Gimire maangisi ku'maayaba "Jizaazai sai Naangelyi," jalikurakya yija'naji nabaai gimirre simunyavi dara limwadiza'naji "Gotiyai sahwari bainkeraayawi ayina yidikaavakelyi," Gotiyai gitvadaihasamaaradeiginyi. ¹⁰ Sare' dare'nesi. Gazaizai gannya simunyasi kalimwagozi Gotiyai "Yida'maraangeig nimirreiginyi gmwaihiwa," widathelyi. Yi gannya maangisi kajalikurakoj Gotiyai wivadaihasamaaradelyi. ¹¹ Sare' dare'nesi. Gotiyare bukuya' dini' "Gazaizai sahwari limwagoziya dawhai yi savina simunyavi jikuritinnna yannei mi!." ¹² Sare' dare'nesi. Sarevi padaihasamaata'nebwi Juya kwaraavine pibwi mwari!. Sarevi Anga Pimaginya (Girikya) kwaraavine pibwi mwari!. Sare' dare'nesi. Yuyaraavire Naangei gave pwainanyai mwaalikei gaminyi jaka widipi ja yuyaraavi tewaanaanga wiadelyi. ¹³ Sare' dare'nesi. Gotiyare bukuya' dara dinkesi. Gazaizai Naangeri jika widazai yi sahwari wivadaihasamaaradelyi.

¹⁴ Sarevi' daa'nyi sahwari malimwagyesari jake' ga'dara widipineraavaka? Nabaai gaminyina kadika mu'nyesar ga'dara limwabineraavaka? Nabaai pwai yagaala sa' widaawadei maayara ga'dara wi'namaapineraavaka? ¹⁵ Nabaai Gotiyai a'mwe yagaala wija'neraavi mamaryasaabya yaja' ga'dara widawipineraavaka? Widawadivisaraavina dara dinikabaaibisasi. A'mwera yagaala tewaanya' makabivanigasaraavire sivila tewaanya nawi'nyaraave! ¹⁶ Sare' kirri' Juyara yagaala tewaanya sa' kadika wi'neta kwalaalyara midineta' mi!. Sare' dare'nesi. Aazaayai dara dakesi. Naangeig, newi'niwanigata dav aai limwamanika! ¹⁷ Sarevi "Yagaala

tewaanya' wi'nadivisavidaa'nyi Kiraazitiyarı limwadivikı. Nabaai Kiraazitiyare yagaalya' widadivisavi kadıka wi'nadivikı."

¹⁸ Sare' kırı! dara diwa. Sahwara yagaala tewaanya da' kadıka mu'nyıjıhyeva! Kırı! dare' warıkesi. Mena wi'nesare. Nabaai Gotiyare bukuya' dara dınikabaaibisasi. Kwaaka yuyawınna kumıre yagaalkunya' mena widaawakesi.

Anga yuyawı yunebanna kumıre yagaalya' widaawakesi.

¹⁹ Piğasaai dara diwa. Yızireliyara yagaala tewaanya da' myawıranganyetara daaka! Aayagaa' wırivıkırya'nei Mozızare yagaala Gotıyarına dara dıni!

"Anga naanga pımagınyara mamwaalyıgasaraavı ya'mujı

Sarımi sahwaraavına tımkırıkyı jideihılyı.

Sımagınyara sımunya maayavaakıyaraavı ya'mujı

Sahwaraavına sınnıa tıkesıyaihıri yıhımwaaaihıdeinyı."

²⁰ Nabaai Gotıyarı wi'nawıjıwaakadei Aazaayai yagaala jalıkurakya'na lıka yakai mı!. Sai Gotıyarıneba dara dakelyı

"A'mwera nıminyına bırıbırya manyadıvitara

Sahwara nıminyı mena nyıbırama'mwaasare.

A'mwera nıminyı yıdaanganya manyadıvitara

Sahwaraavı nımi ku'maayaba yıma'naabiweinyı."

²¹ Kırı! Yızireliya sahwaraavına Gotıyarıneba dara dakelyı "Yuna saamınya naange-gaa' nımi a'mwe sahwaraavı jaka widaadaazi nımi yagaalya' galazekıvaidıvı! yi yagaala kayaa'nanya ja'nanyıdadıvisara nıminyawınna mabyıwaasare."

11

Yızireliya pımagınya maalıka pıvaakıyaraavınesi.

¹ Sareviðaa'nyı dara diwanıge. Gotıyai gannyaraavı gewı mena marakakei dıngaka! Arıkewınyı. Sare' dare'nesi. Nımi kwainyi Kiraazitiyarı limwadınyainyı a'mwe Yızireliyainyıra. Nımi Evıraamımire yısiwiainyı avaaitawejı'nyı. Bejaminımire yısavaa'nyı. ² Gotıyai sınnawi a'mwe sahwaraavı mena yawırangeanakeraavı gewı mena marakakera mı!. Yagaala Yılaajare' Gotıyare bukuyavı dınike' sarımi myawıryadıvı! daa! Yılaajai Gotıyarı Yızireliya sahwaraavına kotıya ja'neraavı widaakelyı. Dara dıni! ³ "Naangeigı, pıropetıya gımınyı gu'neva wıjıwaakadıvisaraavı sahwara mena tamake!. Gımire kwaraanya kayaa'nanyanna bulımakaawoyaraavı dıka nası'nya'nengı kayaaka mena lıkayıgalası'ne!. Sarevi gımıreinyı gaveinyı kuna mwaahei. Nabaai nıminyına 'Tamakaana!' dadıvı! bırıbırya! kuna yıvanıga!".

⁴ Sara widaaka kırı! Gotıyai be yagaala ja'nawıdakavaka! Sai dara da' "Nımi nınnıra pwarana pwarana a'mwe sevenı taawızanıyaraavı (7,000) yıvaineinyı nyılimwadıvisare. Sahwara gotıya kwaasıya Baa'aalıyarı kwadaai gılına myeva mıdıdıvitara mı!. Pwara kwalaalya kwalaalyara sara mi." ⁵ Sareviðaa'nyı nabaai dahaakıgaası Juya yıta pımagınya maalıkevaa' limwadıvı! mwaaisha!. Sahwaraavı Gotıyai gannya yanga gaimwangeburı dahılkakera mena yıma'nesare. ⁶ Gannya yanga gaimwangeburına Jizaazarı limwangeburına sahwaraavı dahılaka!. "Sahwara wawınya yadıvisanna," kunya myawıryaka dahılaka!. Yı kumi wawınya yadıvı! yadaapi Gotıyai sahwaraavı dahılkakajı kwajı yı yanga gaimwange! wana yuna yanga gaimwanga nebulya! mima'nyı kyadıka!

⁷ Sareviðaa'nyı yı nabaai nemı gara daazıwo? Yızireliya kwalaalyara dıragınnıa bırıbırya yıvanıgata sa!, yı sa! mamaaryesasi. Kırı! Gotıyai a'mwe pwaraavı dahılkakaka sarera maaresasi. Yuya pwara Gotıyai kumıre sımunyavı tihıralımwagarakere. ⁸ Gotıyare bukuya' dara dınikabaaibisasi. Gotıyai kumıre sımunyavı kırıbıbınya wakakelyı. Kumıre tınnıyarı myawıranganya'na wiakelyı.

Kumire kadika mu'nya'na wiakelyi.
 Sinnawijit dahaasi avaaina mwaaihasare.
⁹ Yit Deviti kwalyi Gotiyari sahirivina dara widakelyi
 "Kumire tika munne mwa'dainaanya'bii yima'nana!
 Kumire tilinnyangti naanya sa' livapana!
 Nabaai kumire sivilya dahe paakupika!
 Sare' kumire kayaa'nanyaburi tivikita maapika!
¹⁰ Kumire tinnyari jihinya divenwaakya!
 Sahwara tenna mwanganyi yipika!
 Sahwaraavire bule' lingwila'nata yana!
 Yawita kwalaalya taange'na winarana!"

Gotiyai ajimya yuyangiyaraavi padaihasamaarake'nesi.

¹¹ Sareviadaalnyi nimti divanige. Gotiyai "Sahwara yinahu walayidihwaki'naraawi'ka!" kada' mudavesara daaka! Kiraazitiyari "Aala," divanigasara yunegaa'nannerdaaka! Arikewinyi. Aawa. Sahwara tuta tewaanyavti kyagalya'mave' yi dazahirivi Gotiyai ajimya yuyangiya pwaraavti padaihasamaa'manikelyi. "Yizireliyara tewaanya davwi wangabika! A'mwe ajimya yuyangiyaraavina wabarinnaya'pijti Kiraazitiyari limwabika!" yawiraka sara ya!.
¹² Sahwara tusa' yagalya'maveta sahirivi Gotiyai Kwaakevakiya pwaraavti yuna kuna naanga naanga wigaimwadelyi. Yit Yizireliyara Kiraazitiyari malimwagyeta sahirivi Gotiyai ajimya yuyangiyaraavti yuna kuna naanga naanga wigaimwadelyi. Sare' naangesi. Yit sara yajai Yizireliyaa yuyabanyara Gotiyaryawinna ayina kabapi Kiraazitiyare yuyara tewaanna nawi'nyaanga mwaaibinere. Yit sare' naanga wavilavadesi.

¹³ A'mwe ajimya yuyangiyarajiyaihi, dahan' sariminyi yihithivanige. Sarimti ajimya yuyangiya pwaihiri'ne wawinya ya'neinyi Apozeliyainyi Gotiyai nyimaryasaabakeinyi. Sarevi yadinya davine yaya' munyaba makidi' yivanige.

¹⁴ Wawinya dazavti nimtre avaikwaa'nakera Yizireliyaraavti dihaabwaride'na sariminyi wabarinnaya'nevina tewaanya nyivu'nivan'. Sarevi Gotiyalyi tewaanya ye'mwannamwaaihata savi Yizireliyaraavidaalnyi pwara Naangeri limwabizara sahwaraavti padaihasamaarde'na wawinya daza' munyaba makidinyainyi. ¹⁵ Sare' dare'nesi. Gotiyai Yizireliyaraavti marasi'naka, yi dazavti sahwai a'mwe Kwaaka yuyawi pivaakiyaraavidaa'nyara gamiji' avaaizimunya'na ye'mwannayima'ne!. Yit nabaai Gotiyai Yizireliyaraavti ayahi maaraja' yi daza' kwalaalyara baryara ayina dikaasa'bisa' daaka!

¹⁶ Biretuya naanga yavikaryeva girkula maalikeji' Gotiyari wijaave!. Yit girkula maalika saji' Gotiyareji' warajazi' yi girkula naanga kirisi' Gotiyaresi. Nabaai yisare pwipula sa Gotiyare waraja yi yitaanya kinjiti sa avaala Gotiyarengi. (Yit sare' daresi. Juyaraavire Ne sinnawinya'ra Gotiyarerera mwalyaasavti, yi sahwaraavina divi kwiyakwalaangera Gotiyarerera mwaaibinerera.) ¹⁷ Gotiyai wawinyavtya yita woliviyare yitaanya pinjti Yizireliyarabisangti livimwagaka yi marasi'naka giminyyi pivaakiyagi'nyi yi'daryawinya woliviyta yitaanya'ginyi gimaarakta yitaanya piningti tinnyawti giminyyi kagye'mwagaka' dahan' gimi' tewaanya mwaaihi. Sarevi woliviyta minarya' woliviyare yipwipulyavire' maa'manigi. ¹⁸ Sarevi yitaanya nebuluya'nanyangina gimirre yaya' munyaba mamakilyadi biraivagaala madangadinnna! Yit gimi' birlala dangadiza' nayaa pada'galayawi'na ja! Gimti yipwipulyavti minarya' wijaavadinya' mi!. Aawa. Pwipula sahirivti giminyyi gizaavadeiginyi. ¹⁹ Sareviadaalnyi gimi' dara dithathe' "Yitaanya daza Gotiyai livimwagakengi. Nabaai sahwai 'Kumireba pivaakiyari ye'mwagakima!' daka niminyina livimwaga'!" ²⁰ Yo, nawi'nyasi. Sare kiri'vi Yizireliyaa sahwara Naangeri limwadivitara mi!. Yit da

sah̄risav̄i mena l̄iv̄'mwagasi'nadenḡi. Ȳi ḡim̄i Naangeri l̄imwadiinya'na sare'na nayaa daa'maniḡinyaiḡnyi. Sare k̄irivi mala nayaa j̄iwanana! Ḡim̄i pihadika minna! Aawa. Ḡim̄i l̄ika nayaa j̄i! ²¹ Sare' dare'nesi. Gotiyai ȳitaanya nebulya'nanya kunnya kaav̄ilyav̄i m̄iw̄'n̄ikenḡi ȳivainȳna yakai mi!. Ȳi sasare sah̄baaib̄i ḡim̄i kwaiḡinȳji ȳivainadei mi!. ²² Ȳithaa! Sarev̄idaa'nyi Gotiyai tewaanna bwiwanga gyazav̄iji gamire sinna t̄ka saburīji nayaa d̄ivada'galangana! Pwaraav̄ine' daresi. Gamirebwi mena yagalya'mavesaraavi sahwai sinna t̄ka w̄ida'delȳi. Ḡim̄inȳne' daresi. Ḡim̄i gamire tewaanna bwiwanna gyazav̄i kuna mwaaidizaiḡi, Gotiyai tewaanna ḡivwiwaman̄i. Gamire tewaanna bwiwanga gyazav̄i mamwaalȳi ȳija' ḡim̄i kwaiḡinȳji ḡithawaasadelȳi. ²³ Nabaai ȳitaanya s̄innaw̄inya p̄in̄i daza, ȳi kumi mal̄mwagyabur̄i kuna mamwaalȳi ȳipīja' ȳi Gotiyai waw̄inyav̄iya ȳisav̄i aȳna marye'mwagathenḡi. Sare' dare'nesi. Gotiyai d̄iraḡinnakei sahwaraavi ȳin̄iga wi'na aȳna marye'mwagannelȳi. ²⁴ Sare' dare'nesi. Ḡim̄i kwaiḡi ȳidaryaw̄inyare woliv̄ya ȳitaanyaiḡi mwaalaḡinyaiḡnyi. Ȳi Gotiyai ḡithawaasaka waw̄inyav̄iya woliv̄ya naw̄i'nȳik̄i ḡim̄arye'mwaga'. Ȳita si' yune ḡim̄iri'na mi!. Sare' nebulya'nanya' warike' ȳi nabaai p̄ibwi naanga nebulya'nanya' waradesi. Woliv̄ya naw̄i'nȳik̄ire ȳitaanya daza aȳna maar̄na yajai kunnya yita s̄iki aȳna marye'mwagakannelȳi.

Ȳiz̄ireliya yuyaraavi padaihasamaarade'nesi.

²⁵ Nya'mweihi aj̄imya p̄in̄inḡyaihi, sare' dare'nesi. "Gotiyai nebulya' yoimavajal̄kurakya dav̄i sar̄imi s̄imumaayaihi kuna mamwaabiñera!" yaw̄rena ȳih̄th̄van̄ige. Sar̄im̄inȳna yawi'nadiñi' dara nadip̄ika! "Nem̄i s̄imunya k̄in̄nnakeinera. Juyara s̄imumaayarera." Gotiyai nebulya' yoimavajal̄kurakya daza' ȳi daresi. Ȳiz̄ireliyaraavi yunegaa' s̄imunya' tihiral̄imwagata yadera mi!. Yunegaa' "Naangeri mal̄mwagaanna!" d̄ip̄idera mi!. Ȳi a'mwe aj̄imya yuyanḡiyara Naangeryaw̄inna mena w̄ilaabap̄iji w̄ilaab̄ip̄ijara yuyaraavi Gotiyai yaw̄rakera kal̄mwagap̄iji ²⁶ ȳi sare saburī dazagaa' Gotiyai Ȳiz̄ireliya yuyaraavi padaihasamaaradere. Gotiyare bukuya' d̄in̄kabaaib̄i"

"Saayon̄ Ȳiz̄ireliyaraaviðaa'nyai

Padaihasamaa'dei walaabathelȳi.

Sahwai Jaikop̄im̄ireraavi galazek̄ivalyabwi marasi'nadelȳi.

²⁷ Sara kyoj̄i nayaa Gotiyainyi ȳideinȳi.

Sahwaraavi yagaala w̄il̄mwagar̄kebwi ye'mwannaw̄id̄ideinȳi.

Kum̄ire kayaa'nanya marasi'na'muj̄i ȳideinȳi."

Sara d̄in̄kabaaib̄isasi. ²⁸ Yagaala tewaanya' bule w̄ijaavan̄gasav̄ina sahwaraav̄ina Gotiyai yawi'na "N̄im̄ire ȳikamaangera mwaaiha!". Sare' sar̄im̄inȳi mena ȳih̄gaimwagake'nanyi. Kiri' Gotiyai dah̄lakakev̄ina s̄innaw̄inya kw̄yakwalaangeraav̄ina yaw̄rake'na Gotiyarī sahwaraav̄ina kale wivan̄kerera.

²⁹ Sare' dare'nesi. Gotiyai gamire w̄igaimwanga yanga w̄ijaayanḡinaji gamire jika w̄ij̄ivwaramaasav̄inaji s̄imunya mud̄ikebwi yaw̄ramaaradei mi!. ³⁰ Sare' dare'nesi. S̄innaw̄i sar̄imi Gotiyarī galazek̄ivaleva nabaai dahaa' Ȳiz̄ireliyara galazek̄ivaiman̄gasav̄i sar̄imi kale'na gaimwanga tewaanya' ma'mwaatabaaib̄i'

³¹ sar̄imi kale'na gaimwanga tewaanya' maa'maniḡgasav̄i nabaai dahaa' kumi kale'na gaimwanga tewaanya' maarya'nera sahwaraji mena galazek̄ivalesare. ³² Sare' dare'nesi. Galazek̄ivala saburī kalavuza' Gotiyai a'mwe yuyaraavi Juyaraji aj̄imya yuyanḡiyaraji saraavi ȳrakere. Gamire kale'na gaimwanga tewaanya' w̄ijaaya'ne yuya kwaraavi sara yakere.

Gotiyarie yaya' munyaba makilaade'nesi.

³³ Ai! Gotiyai yuyaraavi yange'na wiadelle! Gotiyai s̄imunya naangaanga k̄in̄nnakele! Yuyanḡine yunebanna yaw̄rakadele! Ȳi saalaalyav̄i kewewin̄i

yinigwalaawikebisalyi. Gamti yawibwasaburi kaavilya' a'mweina mabitramaari yaanneine. Gamire ya saburaavi kaavilya' myawiranganyi yaanneine. Wana yuna aawa nebulyasi. ³⁴ Sare' dare'nesi. Gotiyare bukuya' dara din'i!

"Naangere simunyavi aaihwai yawiramaa'nikelaka!

Sahwari simunya' aaihwai wijaavadelaka!"

³⁵ "A'mweri gilyivisa ayahi wirivikrya'nenna

Gotiyari gilyivita yuyangine gyakwarina

Gotiyari gilyivisa aaihwaidaasi wijaavakalaka!"

³⁶ Aawa. Sai yuyangine'na aaya kaavilyalyi. Yti sahwai yuyangi wakyaakengi. Gamire diraginyavi yuya yinikengi. Gaminyi yilaaya ya'ne yuya yima'nakengi. Nemti yuyaga'a yuyagaa' gaminne yaya' munyaba naanga nayaa makilaana! "Byaannakeigii" widaana! Naanga sahirisira.

12

Nemire kilaakejii' Gotiyari nayaa wijaaya'nesi.

¹ Nya'mweihi, yuya sarevidaa'nyi Gotiyare kale naange'na yawi'divisavi kavena diraginna nayaa dara yihithivanige. Juyara Gotiyarina sipzipiyaraavi tamira'divitabaaibi' sarimire kilaakeji' gaalyaji' Gotiyari nayaa duzaavinyila! Yti sarimi saihi Gotiyarinehi sahwari yilaaya ya'nehi tewaanna duzaavinyila! Yti sarimi sara wijaavidivisavi Gotiyarina yilaaya nebulya'nanya' nayaa jideihili.

² Yti dhaasara sara ya'ne kumirebwri sarimire simunyavi nayihwilakipidika! Aawa. Gotiyai sarimire simunyangi mudike yihwakajavi yi' sarimire kibwi mudikebwri yihima'nade'nanyi. Yti sarevi Gotiyai simunya' yawi'devwi yiniga nebulya'na yawiramaapineihili. Yti Gotiyarine tewaanya nawi'nyabulyi Gotiyari yilaaya wigalya'ne sabulyi Gotiyai nemti ya'ne yawi'de tewaanya naanga yune nebulya'nanyabulyi jawiranganyideihili.

³ Sare' dare'nesi. Gotiyai niminyi yanga gaimwanga nyijaavakeburri, sarimijiya gazaigizaiginyi dara gitihima! Gimti saiginyina nayaa yawi'diza' yi' sara jawika! Yti gimi kwaasi' dara nyawi'di! "Nimi sainyi naanga nebulya'nanyainyi." Aawa. Gimti Naangeri limwagahinya'na Gotiyare wawinyangine diraginya' sara gitzaavakabaaibi' yune sabanna gimi' saiginyina nayaa sara divada'galayawika!

⁴ Sare' dare'nesi. Nemire kilaakejikiya kwalaalya warkejikiya. Sare kiriwi yuya sa wawinya' avaaina mivani!. ⁵ Sasarebaaibi' nemti a'mwe kwalaalyaina Kiraazitiyarri wlamwaidaanyaina gaimwannya'neina gamire kilaaka pijikiyainera. Kilaakejikiya gazaizai kilaakejikiya pwaraavinelyi. ⁶ Sareina neminyi Gotiyai yanga gaimwanga sabwi nejaavakevina gamire yanga sihumale dala pininna dala pininnanya kininnakeinera. Neminyidaa'nya gazaizai gamire yanga sihumale' pwaraavina yana! Sarevi Gotiyari wi'nanejiwaakadivisaraavine sihumale' a'mwe pwari wijaavada yti Naangeri limwadevne yune sabanna sara widaana! ⁷ Nabaai pwai kwiya'mweraavi widaaya'ne sihumale' kininnakei yi' nayaa sara widaayana! Nabaai pwai wijiwaakya'ne sihumale' kininnakei yi' nayaa sara wijiwaakana! ⁸ Nabaai Kiraazitiyareraavire kunya yawisangi maradihaabwarya'ne sihumale' kininnakei yi' nayaa sara maradihaabwaranai! Gya'mweri gilyivisa wijaaya'ne sihumale' kininnakei yi' yange'na nayaa wijaavana! Wawinya piriwi maremwaalya'ne sihumale' kininnakei yi' yiniga sara yana! Taangesiya pwaraavina wigmwanga kale ya'ne sihumale' kininnakei yi' yilaaya yada sara yana!

Pwaraavina tewaanya wivu'na devwinesi.

⁹ Yti yuyangti ya'ne gimi pwaraavina kale kwaasi gyadeigti mi'. Kale naanga nebulya'na gyana! Nabaai kayaa'nanya saburina similika gulana! Tewaanyabwi

nayaa nebulya'na dili'mwagaka! ¹⁰ Gazaigizaigji ja'mwe pwaina pwainanyaraavina gathaakaangei gahwaalaangeraavina kale wiajavaaibii' kale tewaanya gyana! Gimidaa'nyi gazarizarine yaya' munyaba nayaa dimakila! ¹¹ Naangere wawinya' ya'na maa'na maginanna! Aawa. Yuyagaa' diraginna nayaa ja! Gotiyare Kuryai gimirre kuryari kagithikaavojji dimakeigji gimirre simunyasi ja! ¹² Naangeri limwadi sahwarina yemwaaimaniginyavi, yi yilaaya nayaa ji! Giminyi taanginya piri' kagima'noji yi savi diraginna dithaaka! Yuyagaa' Gotiyari nayaa jithaangana! ¹³ Gotiyare a'mwe pwara gilyivisanna kugainojoji yi gimi nayaa ye'mwannawijaavina ji! A'mwe anga piwinyara giminyyabanna kabi'mavapiri yi sahwaraavii nayaa pada'galamaremwaaina ji!

¹⁴ Giminyi a'mwera kayaa'na kagyapi Gotiyai sahwaraavii tewaanna wiade'na sahwari nayaa duthana! Sahwaraavii kayaaka yigalya'nenna mudinna! Aawa. Sahwaraavii nawi'nya wiade'na Gotiyari nayaa duthana! ¹⁵ A'mwera yilaaya yadaapi gimi sahwaraaviji yilaaya nayaa je'mwannayi! Sahwara kinna kadapiji nabaai sahwarajji kinna nayaa je'mwannadana! ¹⁶ Pwaigji ja'mwe pwarina pwaigji ja'mwe pwarina avaaizimunya jawi'nyila! Gimti saiginyine'na yawi'nadinyabaaibii' jawika! Gimti "Naangeinyi a'mwe naanga gaveraji mwaalima!" kunya myawi'dinna! Aawa. A'mwe yaasiwakerajji nayaa je'mwannayamarya! Gimti giminyyine'na nadithika! "Nimi sainyi simunya' kininnakeinyira." ¹⁷ Giminyi a'mwe gazaizai kayaa'nanya kagyozi yi sahwari kayaa'nanya mi'nya maarya nyidi!" "A'mwe yuyaraavire tinnyaryaba nayaa nawi'nyabwina yima!" dadji! ¹⁸ Gimti saigi malyabwina simunya myawi'dinna! Nabaai giminyyine'ne tusa' yidori yi gimi yuya a'mwerajji avaaimunyijji nadi' nayaa pada'galaye'mwannemwaaina ji! ¹⁹ Nya'mwe nebulya'nanyaigji a'mwei kayaa'na givanike ayahi tivikita nyidi!" Aawa. Gotiyare sinna tike' sahwari yadaawori gimi kave baihana'na ji! Sare' dare'nesi. Gotiyare bukuyavii dara dinikabaaibisasi. "Kayaananyaburi ayahi dilari'vikita sabwi yi sa' wawinya' nimiresira. Nimi sainyi sahwaraavii kayaa'nanya' tivikirideinyi," Naangei sara divani!. ²⁰ Tivikita minna! Aawa. Gimire yikamaangei mijika yajai, yi sare' wapaaya nayaa duzaama! Gamire kulalya' yaalika wihirajai yi sare' aalya' nayaa duzaama! Sare' dare'nesi. Gimti sara yija' yi gamire yade sabwina wagila nebulya'na duzaadelyi. ²¹ Gimti tivikirya'neigji gimirre kayaa'nanya sabwi mwanganakinna! Kayaananyabwi giminyyi nagwavilavadji! Aawa. Gimti tewaanyabwina nayaa pada'galayadi yi kayaa'nanyabwi dithathiwadeiginyi.

13

Nemi ga'maaniyaraavii kwaakewii nayaa wilanaraade'nesi.

¹ Gazaizai ga'maaniyaraavii kwaakewii nayaa wilanaranai! Sare' dare'nesi. Ga'maaniyai saba sana yaasiwa' yima'nyina yikai mi'. Aawa. Yuya wawinya ga'maaniyare sa Gotiyare simunyavii yima'nadengi. Nabaai yuya ga'maaniyara mwaaihata sahwaraavii Gotiyai gami sai wi'mwaaihakera sarera mwaaiha! ² Sarevi yi a'mwe ga'maaniyare yagaalya' galazekivalajai, sai Gotiyare kibulyi galazekivaimwa'. Yi a'mwera dazavi galazekivaibizara kumire yipija saburi tivikita kayaa'nanya maapi'dere. ³ Sare' dare'nesi. A'mwe nawi'nyabwi yadaapiyaraavii ga'maaniyara lika yiri'galya'nera mamwaalyiga'. Aawa. A'mwera kayaa'na yadaapiyaraavii lika yiri'galya'nera mwaaiha! Gimti "Ga'maaniyarina lika myi yideinyi," jawi'manigii! Yi sarevi yune nayaa nawi'nyabwina kya'gizi yi gami giminne yaya' munyaba gmakiladelyi. ⁴ Sare' dare'nesi. Giminyi tewaanyavii ghaimwagya'nei Gotiyare widaayadei mwaalii!. Kirii' gimi kayaa'nanyabwi yija' yi lika nayaa ji! Sare' dare'nesi. Ga'maaniya sahwai kwaari'masiraminya' tivikirya'ne' gazare limwagi'kei mi'. Sare' dare'nesi. Nabaai sai a'mwe kayaa'na yaderi Gotiyare sinna tike'ne

tivikirya'ne! wijaaya'nei Gotiyare widaayadei mwaali'. ⁵ Sarevi sahwari kwaakewi nayaa dimwaala! Gotiyare sinna tike' tivikisa'na kwaakewi nayaa dimwaaiide gave'na mi!. Aawa. Gimire simunyai padaihirakyai sara gitthathe'na kwaakewi dimwaala! ⁶ Sahirivine'na taakiziya kirisi dakya! Sare' dare'nesi. Gotiyare widaayadivisara yune wawinya dazavina diraginna maremwaaidivisa'na dakya! ⁷ Gimti a'mwe saraavina dala pininna pininna wijaavija kininnakeiginyi. Sareigti sahwaraavina gimi nayaa duzaama! A'mwe taakiziya maa'derina yi sahwarina taakiziya' nayaa duzaama! Taakiziya piningine maa'derina nayaa duzaama! A'mwe pwarit "Gimti a'mwe naangeiginyi," widizaigti mwaala'gizi yi "A'mwe naangeiginyi," nayaa duthana! A'mwe pwarine yaya' munyabanna makidizaigti mwaala'gizi yi sahwarine yaya' munyabanna nayaa dimakila!

A'mweraavina kale neyaja'nesi.

⁸ A'mwe aane pwai kwarina gilyivita tivikirya'ne aane piri' kirii' wijaavija' malimwaga'dinna! Wijaavija' tivikita gave dahiri'na waribainagothesi. Yi daresi. Kiraazitiyare gazaizarina kale gyana! Sare' dare'nesi. A'mwei a'mwe pwarina kale wiajai yi Gotiyare Kiwinyyavi yunebanna nayaa midimwakelyi. ⁹ Sare' dare'nesi. Gotiyare Kiwinyya' dara din'i "Gimti pware a'mwevi ata malimwadinna! A'mwe pwaraavti maramakinna! Kuka mamaa'dinna! Tiganaarya myinna!" Kiwinyya daza, yi kiwinyya yuya piniji yuya sanna yi kiwinyya gave piri'nanya' avaaina dara dinikesi. Gimti saiginyina tewaanya gima'nadevaabit yi a'mwe pwaraavina tewaanya nayaa gima'nana! ¹⁰ A'mwe pwaraavina kale tewaanya wiadei sai sahwaraavti kayaa'nanyabwi yadei mi!. Sareviada'nyi a'mwei pwaraavina kale tewaanya wiadei, sahwai yune Kiwinyya' pada'galamididelyi.

¹¹ Dathahaasagaa' dahaa' mwaaihoya da'na mena yawi'manigasa'na yihihiwe yihiyu'nade sasarebwii nayaa jila! Dahaa' sarimiregaa' se waryabwi yagalya'madiv'i jathiikaavinyidehaaki. Sare' dare'nesi. Sinnawi nemti Naangeri limwagohaa' yi sagaa'daasi yune nevadaihasamaaradehaa' saaminyagaaki. Yi dahaa', maalikegaaki. ¹² Sawisa' mena yiawojo mena yirike purya'negaa' kibawegaa' yima'nawa!. Sareviada'nyi yuya sawitavinya sa yagalya'mavaana! Yirikevitya sabwina limwagaraana! Sare'na Kayaa'nanyalyi mala bwa'nya'ne siraminyasi kilikesi piniji maraana! ¹³ A'mwera nyiliyavti yamaryadivitabaaibi' nemti kaanya nayaa yida'na yamaryaana! Yaasiwa'na kayaa'na myamaryi yadaa yimaka kayaa'na mulaanna! A'mwe piningi kayaa'nanya dathiwangebwi myaanna! Yi girikitina'nanya saburiyi yaasiwa' avaanna mulamaryaanna! Yaasiwa' yagaaikevinyanna jarinadaata myaanna! A'mwe pwaraavire gilyivisangti tiganaarya myaanna! ¹⁴ Aawa. Naangei Jizaazai Kiraazitiyari divaazi'ma'na! Kilaakejikiya simunya kayaa'nanya sangina dikti yidade sangina midinya'na simunya myawi'dinna!

14

Neyamweraavi majidavaanne'nesi.

¹ Kiraazitiyare pwara, yi sahwara limwangevine yawisa' yune sidu'nakara mi!. Sareraavidaa'nyai Naangeri diraginna limwada kirii' piburaavina yawita kwalaalya yivanikelyi. Yi sareri kave maara'gizi Kiraazitiyarerayaabanna Gotiyari yilaaya'na dimakulaama! Nabaai saliyi gamire yawita sangina maanga nye'mwannadithika! ² A'mwe pwai limwangevine yawisa' yune sidu'nakei yi sahwai yuya dala pininnanya sa nadelyi. Kirii' pwai limwangevine yawisa' sidu'nakai mi!. Sare'na sahwai dara yawi'delyi "Aawapaaya, sigya nimti miwitaa nya'neinyi kimaaka nyidakiwakeinyi." ³ Yi a'mwei yuya nadei a'mwe miwitaa manyaderina simunya kayaa'na nyawiradika! Yi a'mwe miwitaa manyadei dara najidavadit! "Sai wagila

kayaa'na yiwaka!" Sare' dare'nesi. Gotiyai a'mwe nadie sariji mena maarakelyi.
⁴ A'mweigti, pware wiidaayaderi aaihwaigti diziada'deigina! Yti gannya Naangei gamire wawinyavina wiidina "Yo, tewaanna yiwaa." Nabaai wiidina "Aawa, kayaa'na yiwaa." Gannya Naangeresira. Nabaai nadie sahwai diraginna daavadelyi. Sare' dare'nesi. Naangei gami sai sahwari diraginya yivaimwagazai yi diraginna daavadelyi.

⁵ A'mwe pwai Gotiyari yilaaya'ne yirika kiri'na yawi'mani! "Sa' naangesira. Yirika piri'kaavi wavyila'desira." Nabaai sare' a'mwe pwai yawi'mani! "Yuya yirikerika avaainanyangira." Sarebwina a'mwe gazaizai gannya simunyavt nayaa pada'galayibwakida nayaa yiwiryinina! ⁶ A'mwei "Yirika piri'na sar'i aaya mudi'na nawi'nyaangerikira," yawi'manikei yi sai Naangerina yawi'da Gotiyari yilaaya sara yivanii!. Nabaai a'mwei yuya ti ka wapaaya sa nadie, yi sai Naangerina yawi'da sara nadelyi. Sare' dare'nesi. Sai Gotiyari "Su! Su!" wiadadehaa' yi nadelyi. A'mwei yuya sa manyadei, yi sai Naangerina yawi'da ti ka wapaaya pin kiamaaka dakadelyi. Sai kwalyi wapaaya piningina Gotiyari "Su! Su!" wiadadelyi. ⁷ Sare' dare'nesi. Neminyidaa'nya aane pwai kwai gannya yawita gavevina mamwaalanneyi. Yti nabaai aane pwai kwai gannya yawita gavevina mabalannelyi. ⁸ Aawa. Nemti gaala mwalaaja', sa' Naangere simunyavt mwalaana! Nemti balaaja', sa' Naangere simunyavt balaana! Sarevi gaala mwalaajavt, nabaai balaajavt yi nemti yuna Naangereinera. Yti gamire simunya' midinaana! ⁹ Sare' dare'nesi. Kiraazitiyai balaka gaala ayahi mwaalake' dare'nesi. Kiraazitiyai "Niminyi nyilimwadvisara mena bainika sahwaraavine Naangeinyi yima'nima! Nabaai a'mwe gaala kuna mwaaihata kwaraaviji Naangeinyi yima'nima!" daka balaka ayahi mwaalakelyi.

¹⁰ Yti manyadinyaigti ginnya ja'mweri berivi jida'maniginyaigtnaka! Yti nadinyaigti ginnya ja'mwerina simunya kayaa'na be'na yawi'maniginyaigtnaka! Sare' dare'nesi. Nemti yuyaina Gotiyare kotiyavt davaadeinera. Yuyainaavt nemaryawibwaradeinera.

¹¹ Sare' dare'nesi. Gotiyare bukuya' dara din!

"Naangei dara da! 'Gaala mwaaihevi,

Yuyara kwadaai gidiivi! "Naangeigti!" nyidipi'derera.

Yuyara yivanigasaburina Gotiyainyi nyijalikurakipi'dere.' "

Sara din!. ¹² Yti sareviadaa'nyi neminyidaa'nya gazaizai gamire yade aaya kaavila yuya saburana Gotiyari nayaa jalikurakadelyi.

¹³ Jalikurakaadeviadaa'nyi nemti neya'mwe pware sabwina kuna majidavaanna! Aawa. Nemti simunyavt nayaa dara yawiraana! Neya'mwei bwalaraawia'nei, kayaa'nanya yaamiji ya'nerina yti kayaa'na ya'ne pibura nyaadikta! ¹⁴ Naanga Jizaazai sahwari wilamwaihe'na nayaa dathavina yawi'manige. Yti aawa. Nya'ne aane piri' kiri' gami sa' kiamaake' gave piri' mi!. Kiri' a'mwei "Kiamaake' kininnakesi," yawi'daasi yune gamire simunyavt yi daza' kiamaake' yima'niwakesi.

¹⁵ Sare' dare'nesi. Gimti ti ka wapaaya piri' niya! yi ja'mwei giminyyi gwanganojti simunyavt "Sa' kiamaakesira," yawi'da kiri' najai gamire simunyari kayaaka jihide'nanyi. Yti sara yima'naja' gimirre ja'mwerina kale gyadevina myivanigi. Neya'mwe dazarineba Kiraazitiyai mena balaka a'mweri gimirre wapaayayaba kayaaka migaidinna! ¹⁶ Sareviadaa'nyi gimi nadinyaigti dara yawi'dinya! "Sa' tewaanyasi," yti savina ja'mwei kayaa'na yaja'na a'mwera biraifyagaala nadipidika!

¹⁷ Sare' dare'nesi. Ti ka wapaaya nyabulyi aalya pin nyabulyi dazabwi Gotiyai a'mweraavt maremwaaidevwina mi!. Aawa. Davurananyi. Yti yida'maraangebuliyi, kwaamu'nanyabulyi, yilaayabulyi sabwinanyi. Sabwina Kurya Tewaanyai neyade dazabulyi. ¹⁸ Sare' dare'nesi. A'mwei dazaburina Kiraazitiyari wiidaayajar gamire sabwina Gotiyai yilaaya wigaladelyi. Nabaai a'mwerajti yawipi'delyi "Sahwai a'mwe tewaanyalyira." ¹⁹ Sareviadaa'nyi neminyi kwaamu'nanyabwi neyade sangiji pwai gya'mwe pwar pwai gya'mwe pwar yivaimwannadivita sangiji yuya sabura nayaa

pada'galamidinaana! ²⁰ Gim̄i wapaanna ja'mweri myawiri yaasiwa'na nya'neiḡ Gotiyare wawinya' limwangebwi kayaaka nyigaidi!! Nebulya' daresi. Yuya sa t̄ka tewaanya nya'nengi. K̄ir̄i gave p̄ni kana'ḡizi ȳi a'mwe pwai gwanganoj̄ sarevi "K̄imaakesi," yawi'da k̄ir̄i kaya'a'na yaja' ȳi sabwina ḡim̄i kaya'a'nanyabwi j̄itheiḡnyi. Sare' kaya'a'nanyasi. ²¹ M̄iwita manyasi waainiya' manyasi ja'mweri walamarakya'ne p̄ibura kaya'a'nanya ya'ne p̄ibura myas̄i sare tewaanyanḡ. ²² Gim̄i yuya t̄ka wapaaya nya'nebwi limwadi k̄imaakebwi maayaigi Gotiyaryaba ḡim̄i saiḡi gaveiḡi nayaa ja! A'mwei "Sa' nawi'nyasi," yawi'dei sara yajar̄i gya'mwei manyadei wanganaja' simunyai kayaaka nyigaladikaj̄i s̄nnawinyai gam̄i sai "We!! Kaya'a'na ȳiwa," myawiri yajai ȳi sahwai ȳilaaya yada tewaanaanga ȳinana! ²³ Nabaai a'mwei simunya p̄ir̄iwaai ȳima'noj̄i t̄ka najai sahwai ȳiwetawakiwa!. Gami sar̄na j̄ida'n̄iwa!. Ȳi sai d̄raginna malimwagaryada t̄ka sa' n̄iwake'na gam̄i sar̄na j̄ida'n̄iwa!. Yuya sabura a'mwei d̄raginna malimwagaryada yade sa ȳi kaya'a'nanyabulyi.

15

¹ Nem̄i a'mwe limwangev̄ine yawisa' yune si'du'nakeina a'mwe limwangev̄ine yune yawisa' si'du'maayaraav̄i gaimwagya'neina wawinya' kininnakeine. Ȳi sahwaraav̄i nayaa gaimwadaa kum̄re k̄imaakebwine taanginya maraana! Nem̄i sainaav̄ina yune myigainaanna! ² Nem̄inyidaa'nya gazaizai K̄iraazit̄iyarer̄i nem̄inyaba mwaaliker̄i gaimwangebwi nayaa yaana! Sarer̄i wigalaana! Nabaai sarebur̄i sahwar̄i d̄raginya ȳivaimwagaana! ³ Sare' dare'nesi. K̄iraazit̄iyai kwai gam̄i sar̄na yune ȳigainakai mi!. Aawa. "Gotiyar̄na a'mwera b̄irala nyija'ne' wikira," yawi'na kya' sara wie!. Sahwar̄i ȳima'nakebwi ȳi K̄iraazit̄iyai Gotiyari w̄idake! Gotiyare bukuyav̄i dara d̄nikabaaib̄ki "A'mwera b̄iraizika git̄hadiv̄ita yagaala daza ȳi nim̄inyi bilanya'denḡi." ⁴ Sare' dare'nesi. Gotiyare bukuyav̄i yuya yagaala s̄nnawi ȳidaveta sa, ȳi nem̄inyi ȳiwrya'ne ȳida'n̄ikenḡi. Gotiyai nem̄inyina "Yagaala daza ȳi kum̄re simunyav̄i d̄raginya wivaimwagana! Nabaai w̄imaredaa'dori kumi kuna d̄raginya daa'div̄i' ȳi nim̄i yune w̄imaara'muj̄iyar̄ine d̄raginna yemwaalyabwi maap̄ika!" kada' yagaala sa ȳida'n̄ikenḡi. ⁵ Gotiyai d̄raginya daaya'ne aaya kaavilyalyi. Nabaai nem̄inyi neyivaimwadelyi. Ȳi sasarei K̄iraazit̄iyai Jizaazai sara yakebur̄i pada'galamidinya nebulya'na sar̄im̄inyi gazaihizaihir̄ina avaaizimunya' yanga ȳihizaavana! ⁶ Sarevi sar̄im̄inyina "Aavaizimunya'na mwaalyara avaaimaangi'na jara nim̄inyina 'Byaannakeiḡne!' dip̄ika!" daka yanga ȳihizaavana! Sai Gotiyalyi. Sai nem̄ire Naangei Jizaazai K̄iraazit̄iyari Gan̄maangelyi.

⁷ Sarevi sar̄im̄i yuyaihi s̄irya'mwe pwaraavi nayaa maarapi ȳi sahwaraji avaaimunyina je'mwannemwaalyila! "Gotiyai byaanna kininnakelyi," dinya'neinaav̄i K̄iraazit̄iyai nemaarakabaaib̄i nayaa dimaaryila! ⁸ Sare' dare'nesi. Dara d̄ivanige. K̄iraazit̄iyai k̄ilaaka gurya da'nadiv̄isara Juyaraav̄i gaimwagya'nei wi'daayadei ȳima'nakelyi. Sara yaka sa! Gotiyare yagaala nebulyav̄i sara din̄ike'nesi. Ȳi Gotiyai kwiyakwalaangeraavi K̄iraazit̄iyar̄na yune naanga nebulya'na wi'jaake yunebanna ya'nennanyi. ⁹ Nabaai aj̄imya yuyangiyara Gotiyare kale'na gaimwangebwi wangadiv̄i' gam̄inyina "Byaannakelyi," ja'neraav̄ina K̄iraazit̄iyai ȳima'nakene'nyi. Ȳi sare' Gotiyare bukuya' dara d̄nikabaaib̄ki "Sarevi aj̄imya yuyangiyaraavi ḡim̄inyina jalikurakideinyi. Ȳiledaasav̄i ḡim̄inne yaya' munyabanna makilideinyi."

¹⁰ Nabaai yagaala p̄ir̄i' dara d̄nikabaaib̄ki "Aj̄imya yuyangiyaihi Gotiyarer̄a Ȳizireliyaraj̄i ȳilaaya je'mwannayideihiliȳi." ¹¹ Nabaai pimaginyav̄i dara din̄ikesi. "Aj̄imya yuyangiyaihi Naangerine yaya' munyaba dimakilyila! Nabaai a'mwe yuyaraj̄iyaihi gam̄inne yaya' munyaba dimakilyila!"

12 Nabaai Aazaayai kwalyi dakesi.

“Devitimire ganimaangei Jeziyarevaakidaa'nyai yima'nadelyira.
Ajimya yuyangiyaraavimaremwaalya'neri dahilakadelyira.
Wigaimwagya'ne sahwarina ajimyangiyara yemwaaibi'derera.”
Sara dakesi. **13** Gotiyai nemire yemwaalyabwine aaya kaavilyai sarimi gaminyi
diraginna limwadivisavi yilaaya naangeji kwaamu'nanya naangeji yiniga wi'na
yihiana! Yi sariimi Kurya Tewaanyare diraginya' maarapiji Gotiyari yemwaalyabwi,
yi daza' sariimi nyi yunebanna naange' yihwarade'na sara yihiana!

Poli ajimya yuyangiyaraavina yake'nesi.

14 Nya'mweihi, nimii sainyi nimire simunyavim nebwinayawimaniige. Sarimi
saihi yuyagaa' tewaanyabwina yunebanna yadivisaihili. Nabaai yuya yawita
dala pininnanya kininnakeihili. Yi sarevi nabaai sariimi sirya'mweraavim
simunya tewaanyabwi yiniga wi'na wivaimwabineihili. **15** Sare' kiri'
yagaala diragikibawenna paaziya davim sariiminne yida'mwengi.
Nabaai pikarya yida'mwe'na lika miwa. Gotiyai yanga gaimwangebur
sariimi re simunya dihaabwata yihide'nanyi. **16** Gotiyai tewaanna sara nyada
ajimya yuyangiyaraavim neinyi Kiraazitiyai Jizaazarim widaayadinyainy
nyimwaaihakelyi. Nimii Gotiyarinamubithika yira'deibisainyi Gotiyare
yagaala tewaanya' ajimya yuyangiyaraavim widaivanige. “Gotiyaryawinna ajimya
yuyangiyaraavim makulaabima!” dadim Kurya Tewaanyai sahwaraavim nawi'nyaraavim
kumwaaihoji “Gotiyai sahwaraavina 'Niminyina mubithika tamiraya'ne sipizipi
nawi'nyarabisara ajimya yuyangiyara nawi'nyaraavim maariima!” yawirya'neri
yanga widaavide'nanyi,” dadim yivanige. **17** Sareviidaa'nyi nimii Kiraazitiyai Jizaazarim
wlamwaaihe'na Gotiyarinene yivanigengina yilaaya yiniga wi'na yiwineinyi. **18** Sare'
dare'nesi. Yagaala diragikibawenna yihithima! Likamywina! Pwaraavire
wawinyanna nimii myenenna majalikurakiwina! Aawa. Kiraazitiyai gamire
diraginya' niminyi kanya' sara yadenna jalikurakima! Kiraazitiyai sara kanya'
nimii yagaala sannajiyadinya sannajiyajimya yuyangiyara Gotiyari midinya'nera
limwagya'neraavim sara sara yadinyainyi. **19** Yi nimire yagaalyangidiraginya
nyigaimwada nimire wawinyangi diraginya nyivaimwada yi yijwaainya atika
maru'narya'ne dala pininna pininnanya yadennajiy Kurya Tewaanya kwalyi
diraginya nyadennajiy sahwara Gotiyare diraginya' tinna wanganna. Sareinyi aaya
mudi'na yamaasaba anga Jeruzaalemidaasi Kiraazitiyarinene yagaala tewaanya'
nimii yuna wijiwaake. Sareinyi anga yuyawi yunebanna yamaryena aaya'nanya'
Piroviji Yilirikaami saba yidaakwe. **20** Yi sarevi anga piwi Kiraazitiyarinene
yaya' mu'nyadivisaraavrewi yagaala tewaanya' wijiwaakyavina nawi'nyina
nyivu'nadeinyi. Amwe pwai amwe kware likilaja' milamajiy yadevaabi' nimii
Kiraazitiyarinapwai mi'na wijiwaakaja' saba mujwaaki yideinyi. **21** Aawa. Gotiyare
bukuya' dara dinikabaaibi' niminyi dara nyivu'nivani'
“Gaminne yagaalya' mujwaakyesara wangabi'delyi.
Gamire yagaalya' mu'nyesara yawirrangabi'delyi.”

Poli “Rom mwaalyaraavimangiyiri'maata yima!” dake'nesi.

22 Sarevi wawinya daza' kwalaalyagaa' nimire tusa' wila nyiralimwaga'daasi yi
sariimi nyawinna mabi yiwineinyi. **23** Kiri' dahaa' dimagi sara wijiwaakena ayahi
wawinya' maayainyi. Nabaai kwarame kwalaalya nimii sainyi sariimi nyawinna
wiya'na tewaanya nyivu'nada **24** sarevi divi sagaa' Piroviji Sipenina wide
dazagaa' sariimi nyabanna wideinyi. Yi sare' dara yawi'manige. Sarimi nyabanna
bi'mava'muri yi sariimi nyi mena yihwangana'muriyagaa' yi sagaa' wideinyi.
Sarimi ji' maali'na piji' yihye'mwannamwaala'muri nimire simunya' nawi'nyi

mena kanyima'noj i sagaa' sarimi Sipenine tusavine gilyivita tika wapaa dnyigaimwagamakwideinyi. ²⁵ Kiri' daahaasagaa' Jeruzaalem mwaalya tewaanyara Gotiyare a'mweraavina nigungia makulaawia'neinyi Jeruzaalemina wide'nanyi. ²⁶ Sare' dare'nesi. Piroviji Maazathoniya mwaalyaraj Piroviji Giriza mwaalya kwaraji yeva yagaalya' mena wi'na jovirawakina yevegaa' kumire nigungia Jeruzaalem Gotiyare tewaanyaraav giyivisanna wigainaderaavina maryasa'ne avaala piba yi'bwaremadakina yiwa'daa'. Sarengi makulaawidengi. ²⁷ Sare' dare'nesi. Kumire simunya' nawi'nya wiadaasi sara yivaniga'. Nabaai sahwara Jeruzaalem mwaalyaraav wijsaya'ne tivikita kininnakerera. Sare' dare'nesi. Gotiyai Juyaraavina kumire kuryaraavine yanga wijsavaka sa ajimya yuyangiyara ye'mwannamaare'. Yi sarevi ajimya yuyangiyara kilakejikya giyivisa Juyaraav gaimwagya'ne yanga wijsaya' tivikisa' kininnakere. ²⁸ Sarevi'daa'nyi wawinya sa' yune'na yi'mwanna'muj, yi nigungia nawi'nya yuya yisilyabi' dadivit' yi'bwaremadakwa'daasa sahwaraavina wijsava'muj sarimi'nyawinna kaanya wideinyi. Yi Sipenine tusav ya'mujiyagaal sarimi'nyi yune'na yhwanganideinyi. ²⁹ Nabaai mena yawi'manige. Ni'mi sarimi'nyawinna biwija', yi Kiraazitiyare nawi'nyabwi sarimi'nyiji yunebanna neyalnev bideinyi.

³⁰ Nya'mweihi, nemire Naangei Jizaazai Kiraazitiyariji Kurya Tewaanyai wivu'nya saburi neyimavidaakuvanikeviji sarevi kavena draginna yihithaangamanige. Ni'mi'nyi nyigaimwagathe'na, ni'miji' yagi'yagi ye'mwannawidaathev Gotiyari duzila! ³¹ "A'mwe Juthiya mwaalyara Naangeri galazeke'vaidivisaraavire asiri duvadai hasamaaka! Nabaai ginnya Jeruzaalem mwaalya a'mwera tewaanyara Polimire wawinya yivanika dathavina 'Yi negainadeinaavine' tewaanyabulyi, yawi'pi'ka!' dapiji' duzila! ³² Nabaai "Gotiyai simunyavi sara yawirajavi sarimi'nyawinna bathehaa' gami yilaaya yada neminyaba gamire kuryar gaala vivaimwada ye'mwannamwalaana!" dapiji' sara duzila! ³³ Gotiyai kwaamu'nanyaburi aaya kaavilyai sarimi'ji yinahu yi'hye'mwannamwalaana! Naanga sahirisi.

16

Pol kwalaalyaraav 'Nya'mweig! Nya'mwe'gi!' widake'nesi.

¹ Ni'mi dara yihithivanige. Neya'mwe' Piviya' sarimi'nyawinna bathevina yihithima! Sare' Segiriya Naangere kusilaanyaraav wi'daayade' yi daza' a'mwe tewaanyasi. ² "Gotiyare tewaanyara kwija'mweri maapi'javaibi' sarimi' Naangerina a'mwe sarevi dimaaryila! Sarimi'ji yi'hye'mwannemwaalana! Nabaai pininna kugainoj, taanga kwioji sahiriv nayaa dihaimwagila!" dena yihithivanige. Sare' dare'nesi. Sahiri' a'mwe kwalaalyaraav gaimwadesi. Yi nabaai ni'mi'nyi kwainyiji nyigaimwamwa'dikesi.

³ Piri'zilaviji Aakwilaami'ji sayor "Nya'mweyoohi!" ni'mi'nyina duzila! Sahi'yo ni'miji' wawinya Kiraazitiyai Jizaazarevi avaaiwawinyayolyi. ⁴ Kirimi' sayoi nyivadaihasamaarya'neyoi balyabisayoi karamakipidkeyolyi. Sarevi sua' yune ni'minna mivanige. Aawa. Yuya Naangere kusilaanya ajimya yuyangiyi kwaraji yuya sahwara sayorina sua' wi'dadivisarera. ⁵ Nabaai sahi'lore angevi Naangere kusilaanyaraav "Nya'mweig! Nya'mwe'gi!" ni'mi'nyina duzila! Epanitaazai Piroviji Ezija saba yisila aaya mudi'nanyai sinnawi gamidaasi Kiraazitiyari'nei yi'ma'nakerina nyivu'nadelyi. Yi sasareri ni'mi'nyina "Nya'mweig!" duzila! ⁶ Maarjaa' sarimi'nyi gaimwange'na wawinya kwalaalya naanga yakevi ni'mi'nyina "Nya'mwe'gi!" duzila! ⁷ Aadironikaazaly Juniyaazalyi saraai ni'miji' avaaitawejikiyaraalyi. Kigaa' ni'miji' kalavuzavi ye'mwannayi'naroraalyi. Apozeliyaraav naanga sinnawinya sahwaraarin kwala naangera yawi'manigasaraalyi. Yi sahwaraai Kiraazitiyari sinnawi

kyimagi sahwaraari dīviyainyi. Sareraari nīmīnyina "Nya'mweraaihi!" duzila! ⁸ Aabiliyataazarina Naangeri nyivu'naderi nīmīnyina "Nya'mweig!" duzila! ⁹ Wīrivanaazai Kiraazitiyari nemire avaaiwawinyalyi Sitaakizai kwarina nyivu'nadelyi saraari nīmīnyina "Nya'mweraaihi!" duzila! ¹⁰ Aapelizari kayaa'na kyare! Kiraazitiyari kuna dīraginna limwagakeri nīmīnyina "Nya'mweig!" duzila! Aarizitovulyaazarangeviyaraavri nīmīnyina "Nya'mweih!" duzila! ¹¹ Erothiyoni nīmīji avaaitawejikiyai nīmīnyina "Nya'mweig!" duzila! Naazizaazare angeviyara Naangeri wīlamwaaihasaraavri nīmīnyina "Nya'mweih!" duzila! ¹² Tīraaipanaasi Tīraaipozasi sanadaai Kiraazitiyari wawinya mīraagikidisawaari nīmīnyina "Nya'mwewaaihi!" duzila! Pezīza! sahirivina tewaanya wīvu'nade! Naangeri wawinya kwalaalya mīraagikirakevi nīmīnyina "Nya'mwe'gi!" duzila! ¹³ Rupaazai Naangeri a'mwe tewaanaangei, dahilakinkei yi sahwari nīmīnyina "Nya'mwei!" duzila! Nabaai sahware ganaange!, yi sahiriri nīmīnyi tewaanya nyade'na nyinaange! yima'nakevi "Niwaava!" duzila! ¹⁴ Aazigiritaazalyi Pīlihoniji Emizalyi Patirovaazalyi Emaazalyi sarajt nabaai saraavri kwīya'mwe yīlaaya ye'mwannayivanigasarajt saraavri nīmīnyina "Nya'mweih!" duzila! ¹⁵ Pilolohaazalyi Juliyaasi Neriyaaazalyi gamire ganyaabulaangesi Wolibaazalyi sarajt nabaai Gotiyare tewaanyara yīlaaya ye'mwannayivanigasarajt saraavri "Nya'mweih!" duzila! ¹⁶ Sarimi gazaihizaihi sīrya'mweraavri "Nya'mwei!" wīdadiv'i tewaanyaihi maangwidaayilaaya dīmarinyila! Kiraazitiyare kusilaanya yuyaba mwaaihasara sarimi'nyi "Neya'mweih!" yīhīthivaniga!

¹⁷ Nya'mweih, dīhaabwata yīhide'na dīraginna yīhithaangamanige. Naangereraavri tangivalya'nera Naangeri limwangebwi kayaaka yīgaidivisara kwaasi yīhīzīwaakadivisaraavrina mala nayaa yīwannadiv'i dīmwaalyila! Yi sahwara sarimi'nyi yagaala nayaa mi'na yīhīzīwaaketa nawi'nya savi galazekivaleva yagaala pīni yīhīzīwaakadivisarer. Sasare saraavrina sarimi' gīnyira'nyina jīla! ¹⁸ Sare! dare'nesi. A'mwe sasarera nemire Naangei Kiraazitiyari wīdaayadivitara mi'. Aawa. Sahwara kunnya yune kīlaakejikine sangina mididivisare. Yi wabwiwayagaalyajt nawi'nyabisajt a'mwe simunya kayaa'nanyabwina myawiryadivisaraavire simunyavri kwaasi yagaala wīdadivisare. ¹⁹ Dare'nesi. Sarimi' Gotiyare yagaalya' mididivisaburina a'mwe yuyara mena wī'nīvaniga!. Sareviada'nyi yi nīmi' sarimi'nyina yīlaaya naanga yīhīmarivanige. Nabaai sare kīrīvi simunya dara yawi'manige. Sarimi' nawi'nya sabwina ya'ne simunya kīninnakeihi dīmwaalyila! Kayaananyabwina ya'ne simunya maayaihi dīmwaalyila! ²⁰ Yi sareihirina Gotiyai kwaamu'nanyaburi aaya kaavilyai maalikegaa' yadehaa' Saataanimi' yīlapaihīrojti sarimi're sīvīlyiri kwaakewi wakadevaabi! Saataanimi'rera kwaasi wījīwaakadivisaraavri dīthathīwagyideihīlyi. Nemire Naangei Jizaazare yanga gaimwangebwi sarimi'ji yīhye'mwannarana!

²¹ Timoti, nīmire avaaiwawinyai yīhīthivan'i! "Nya'mweih!" Nabaai Luziyaazalyi Jaizoniji Soziapaataliyi sara nīmīji avaaitawejikiyara "Neya'mweih!" yīhīthivaniga!.

²² Nīmi Tetiyaazainyi Polimire maangikti yagaalya' maarena pīkarya da' yīda'mweinyi. Yi nīmi Naangeri wīlamwaaiheinyi "Nya'mweih!" yīhīthivanige.

²³ Gaayaazai, gamire angevi nawi'nya nyimaremwaaimani!. Yi nīmīnyi, Naangere kusilaanya yuyaraavijti nayaa sara maremwaaidelyi. Yi sahwai "Nya'mweih!" yīhīthivan'i!. Yīrazitaazai anga naanga davanya kaajoliyaraavire wawinya ya'ne nīgwia maremwaaidelyi Kwaataazai neya'mwelyi saraai "Nehīrya'mweih!" yīhīthivanigi.

²⁴ Nemire Naangei Jizaazai Kiraazitiyare yanga gaimwangebwi sarimi' yuyaihīlyi yīhye'mwannarana! Sara kuna yīma'nana!

²⁵ Gotiyai, sai yagaala tewaanya' dadinya savine diraginyasi wi'na yivaimwagnerine yaya' munyaba nayaa pada' galamakilaana! Yı yagaala tewaanya sa' Jizaazitıyarine wijiwaakyası. Yoimavajalıkurakya' yuya sinnawı kigaası lıka yulyaryaake' Gotiyai ku'maayaba mena wıjalangasakıwaabıkesı. ²⁶ Kigaakuna lıka yulyaryaaka kırı' dahaasagaa' Gotiyarı wi'nawijıwaakadıvisara pikarya yıdavesavı nebulya'nanya sa' ku'maayaba yıma'nıwaabıkesı. Naangerı yawıralımwadıvıta yuyara sahwarı midinya'nei Gotiyai yuyagaa' yuyagaa' mwaasidei "Gazabazaba a'mwera wi'nıpıka!" sara wıdakevı ajımya yuyangıya kwalaalyara sahwarına sıdu'nakeraavı wımwaaihıvanı!. ²⁷ Gotiyai dazai sımunya yuya yawıta yuya aaya kaavıla sa nebulya'na kınınnakelyı. Yı sarei gave pwainanaangerına Jizaazai Kiraazıtıyarı yuyagaa' yuyagaa' "Byaannakela!" daana! Naanga sahırisıra.

Polı

1 Koridit

Koridit Mwaalyaraavina Poli Pi karya Aaya Mudit'nanya' Yidavakesit.

¹ Nya'mweihi, Koridit mwaalyaihi,

Polinyi paaziya' yihyasawaabe. Gotiyai simunya sara yawirakevi Kiraazitiyai Jizaazai nyidaasadeinyi apozeliyainyi yima'nya'neinyi nyihivwaramaarakeinyi. Nabaai Sozithenizai neya'mwei nimijit mwaalikelyi. ² Gotiyare kusilaanyaviyaihi Koridit mwaalyaihiri na yihithawasivanaabhe. Kiraazitiyai Jizaazarit sarimire girkita'nanya duimwagasi'nikeihiri Gotiyai yihizivwaramaarake'na Gotiyareihi yuna tewaanyaihi yima'nesaihilyi. Nabaai anga yuyabanya yuyara nemire Naangei Jizaazai Kiraazitiyari ne yayavti ylaaya widadivsara Gotiyare tewaanyara yima'nesare. Yi sahwai kuminyi Naangei yaka neminyi Naangelyi. ³ Nemire Nenimaangei Gotiyalyi Naanga Jizaazai Kiraazitiyai kwalyi tewaanya yange'na yihigaimwagika! Kirimire kwaamu'nanyabwi yihwarana!

Poli Gotiyari "Su! Su!" widake'nesi.

⁴ Kiraazitiyai Jizaazarit wilamwaaihasa'na Gotiyai gamire tewaanya yangebwi shumale yihizaavakelyi. Sarevi yuyagaa' sariminyina Gotiyari "Su! Su!" widadinyainyi. ⁵ Sare' dare'nanyi. Kiraazitiyari wilamwaalesavi Gotiyai sariminyine yuya yunebanna yihyakelyi. Yi yuya yagaala wijiwaakya saji yuya kunya yawita saji kinnnnakeihilyi. ⁶ Kiraazitiyari na yihizalikurakobaaibit' sarimire simunyavi mena diraginya yihwarake'na sahinii kinnnnakeihilyi. ⁷ Sarevidaa'nyi nemire Naangei Jizaazai Kiraazitiyai ku'maayabanna yima'naabathei' sarimi yemwaaihasagaa' Kurya Tewaanyare shumale aane piri' kiri' yihigainadeihi mi'. ⁸ Nemire Naangei Jizaazai Kiraazitiyai sariminyi diraginya yivaimwanga yihyathelyi. Sara kuna kihyoji aayagaa'nanyi. Yi sagaa' Yirika Naangegaa' sahwai walaabathehaa' Gotiyai yihivaimwade'na sarimi kayaa'na yiwtawakya maayaihiri Gotiyai yihizidavadei mi'. ⁹ Sare' dare'nanyi. Gotiyai gamire Gawaalivaangei Jizaazai Kiraazitiyai nemire Naangelyi yihye'mwannamwaalya'neihiri jaka yihizivwaramaarakelyi. Yi sahwai sara dake' "Sara yideinyi," yi sara neyivanikelyi. Nebulya'nanyalyi. Sare'na diraginna yihivaimwannkeihi, yi, yiwtawakya maayaihi dimwaalyideihilyi.

Kiraazitiyare kusilaanyaviyara jaapainesa'nesi.

¹⁰ Nya'mweihi, nemire Naangei Jizaazai Kiraazitiyare diraginya' nyijaavake'na diraginna dara yihithima! Sarimi yuyaihi yagaala avaainanyanna nayaadizi! Sarimi kuna jaapainadiv'i yagaala ge ge madibinera! Simunya avaainanyaburiyi yawiwbwarya'ne avaainanyaburiyi je'mwannamwaalyila! ¹¹ Nya'mweihi sara yihithwe' darevinyi. Kilowiyavirera sariminyina dara nyidiwa'daa' "Sahwaraav mayagaalya kuna warika." ¹² Nyidiwa'daata yuyangina divanige. Sarimijiya gazarazara ge gengi dara divaniga'. Pwara dinna "Yi, nimti Polimireinyira." Nabaai pwara dinna "Yi, nimti Aapolizareinyira." Nabaai pwara dinna "Yi, nimti Pitareinyira." Nabaai pwara dinna "Yi, nimti Kiraazitiyareinyira." ¹³ Kiri' nimti yihithima! Kiraazitiyari japalaannei daaka! Sarevi be'na jaapainwaa!! Polinyi sariminyineba yisaviri maratamarimwesainyi daa! Polinyine yayavti bavitaaziyabwi maaresavi daaka! ¹⁴ Sariminyawti nimti Kiri'zi paazalyi Gaayaazalyi yune saraarinna bavitaaziya' ye. Yi amwe pwara aawa. Daza'na Gotiyari "Su! Su! Sare' tewaanna ye," widivanie. ¹⁵ Sarevi yi aane pwai kwai yagaala yiniga wi'na dara nadathika! "Polimine

yayavi bavitaaziya' nyake'na sahareinyi." Sara maji ya'ne'na yilaaya yivanige.
¹⁶ O, navika nyiwaka! Nabaai Sitepaanazare angeviya pwaraaviji bavitaaziya' yeinyi. Yena ayahi pwariji kwaraariji bavitaaziya' yeinyi dingaka? Sa' nimti myawiriwa. ¹⁷ Sare' darevinyi. Nimti a'mweraav bavitaaziya' ya'neinyi Kiraazitiyai nyimaryasaabakeinyi mit!. Aawa. Gamire yagaala tewaanya wijiwaakya'neinyi nyimaryasaabakeinyi. Yagaala sa' widadinyavina a'mwe simunnakera Kwaaka davakiyangina dadivitabaaibit' nimti sara majiwana. "Kiraazitiyai yisav balake' saba sana yaasiwaka nyima'nadika!" dena a'mweraavire yawisabwi sara madiwineinyi.

Kiraazitiyai Gotiyare diraginaangei simunyavi yune aaya kaavilyarinesi.

¹⁸ Sare' darevidaa'nyinyi. Pir'i daresi. A'mwe pwara, Dikevinera kayaaka yinikevi tusavivivanigasara Kiraazitiyai yita yovihirrarannikevi balakevine yagaalya'na dara yawi'divisare "Yagaala sa' simumaayasi." Pir'i daresi. Nemti a'mweina, Gotiyai neminyi nevadaihasamaa'manikeina dara yawi'daanyaine "Yagaala sa' Gotiyare diraginaange' neybwaridaakuwanikesi." ¹⁹ Sare' darevidaa'nyinyi. Gotiyare bukuyavi sinnawi Gotiyai jaake' dara din'i
 "Simunnakeraavire simunyabwi kayaaka yigalideinyi.

Simunya yawi'nikeraavire sidusabwi yaasiwa'nanya yibwariidaakudeinyi."

²⁰ Sarevit dahaasara simunnakeraavina gatha'darevaka! Bukuyangi pada'galayawirangadivita sidu'nakeraavina gatha'darevaka! A'mwe dathahaasara gavamarasi'nyiyagaala didivisaraavina gatha'darevaka! A'mwe Kwaaka davakiyaraavire simunya' Gotiyai simumaaya' wakake' midaaka! ²¹ Sare' darevidaa'nyinyi. Gotiyai simunya nebulya' kininnakei dara yawi'na "A'mwe Kwaakevakiyara yune simunya kunyabwina niminyi myawiramaari yipinere." Sara yawi'na yakevi, Gotiyari dara wivu'nakesi. Nimirera nimire yagaalya' wijiwaakipi'devi pwara Kiraazitiyari limwabi'deraav padaihasamaardeinyi. Kwaakevakiyara wijiwaakya dazavina kwaasi dara yawi'maniga' "Yagaala sa' simumaayasi." ²² Juyara yijiwaainya atika maru'nasangi yidaangadivit' yawi'divisare "Sahini tinna wanganawaaji yagaalya' limwagaraadera." Girikiyara simunya' bi'divit' "Sarinire yagaalyavi aaya kaavilya' nemire simunyavi yawiramarawaaji 'Nebulya' dingaka? Nebulya' midingaka?" yihithaadera."

²³ Nabaai sare kiriwaari nemti saina Kiraazitiyari yita yovihirrarannikevi maratamarimwesari ne yagaalya' wijiwakadaanyaine. Pir'i daresi. Yagaala daza' Juyara kayaasimunya wima'naderera. Nabaai pir'i daresi. Ajimya yuyangiyara yawi'divisare "Simumaayasira." ²⁴ Kir'i a'mwe pwara Gotiyai jaka jivwaramaa'nikera sahwara Juyarajt Girikiyarajt saraavine Kiraazitiyai sai Gotiyare diraginaangei yaka Gotiyare simunyavi aaya kaavilyalyi. ²⁵ Sare' dare'nanyi. Yagaala daza' "Simumaayasireva," Gotiyare yagaala sa' simunya naange' kininnakesi. Yi a'mweraavire simunya savi wavilavikesi. Nabaai "Waryaanyasireva," Gotiyare yagaala sa' diraginya naange' kininnakesi. Yi a'mweraavire diraginya wavilavikesi.

²⁶ Sare' aaya kaavila daresi. Nya'mweihi, Gotiyai jaka yihizivwaramaarakegaa' sarimire mwaalyabwine'na ayina jawiranganyila! Sarimijiya a'mweraavire kilaakejikya simunyabwi kininnakera a'mwe kwalaalyara mwaalesara daaka! A'mwe naangera diraginnakera sarimijiya sara a'mwe kwalaalyara daaka! Yaya munyaba yinikera sarimijiya sara kwalaalyara daaka! ²⁷ Aawa. "Simunnakeraavina makinyaburi bwalawiekirakima!" daka Gotiyai a'mwe Kwaaka davakiyara sariminyina "Simumaayarera," dadivisaihiri yihithahilakakelyi. Nabaai "Diraginyaaraavina makinyaburi bwalawiekirakima!" daka Gotiyai a'mwe Kwaaka davakiyara sariminyina "Waryaanyare," dadivisaihiri yihithahilakakelyi. ²⁸ "A'mwe

naangeraavi kuneraavi wimwaaihima!" daka Gotiyai a'mwe Kwaakevakiyara sariminyina "Yaya kwaakebanyaara yaasiwakere," yi "A'mwe angwangwere," yi "Kunerera," dadivisaihirri yihithahilakakelyi. ²⁹ Sarevidaa'nyi Gotiyaryaba a'mwe kilaa'naka yuyarajiya aane pwai kwai gaminne yaya' munyabanna mamakilyi yannelyira gamire simunya piburina, gamire diraginya kiburina. ³⁰ Kiraazitiyai Jizaazarwi lamwaaihya'neihirri Gotiyai yihimwaaihakelyi. Gotiyari neminyine'na Kiraazitiyai Gotiyare simunyav'i aaya kaavilyai yima'nakelyi. Yi sahwar neminyina Gotiyai dadelyi "Yida'maraangeihi nimtreihilyi." Yi sahwar nem a'mwe tewaanyaina Gotiyareina yima'nya'neinaav'i nemwaaihakelyi. Yi sahwar nemire kayaa'nanyangina ayahi nemubamaarakelyi. ³¹ Sarevidaa'nyi "Sara yaana!" daanneinaavina Gotiyare bukuya' dara dinikabaabisasi.

A'mwe gaminne yaya' munyaba makidei
Naangerina gaverina nayaa sara makilana!

2

¹ Nabaai, nya'mweihi, nimti kwainyi sinnawi sariminyawinna wawegaa' Gotiyarine jalikurakya' yihiziwaakadi yagaala simunya yawirirkisaj mamakabyeinyi. Sarimi "Ai, a'mwe sai simunyav'i neminyi newavila'delyi,' nadipidika!" dena sara mihiziwaakyeinyi. ² Sare' aaya kaavila daresi. Sariminyawinna mwiyagaa' nimti mena dara yawibwarayawiramaramake, "Sahwaraayaba Jizaazai Kiraazitiyarinna simunya' yune sahwarine'na nayaa yawirideinyi. Yi yita yovihirrarannikevi mararamarimwesarinna nayaa yawirideinyi. Simunya aane piri' kiri' yawirideinyi mi!." ³ Yi nimti sinnawi sariminyaba yihye'mwannamwaalegaa' nimti sainy waryaanyainyi. Nimti "Gotiyare wawinya naange' nayaa yiwineinyi dingaka?" dadit wawinya sa'na lika naanga yadi b'bita yadi yihiziwaakeinyi. ⁴ Nabaai yagaalya' yihithadinyasi nimire yihiziwaakadinyasi yi dazawaai a'mwe simunya yawinikeraavire yagaalyabur mihiiziwaakye. Nimire simunya savi sarimire sabwi marima'nya ya'nev'i mihiziwaakye. Aawa. Kurya Tewaanyai gannya diraginya yihibwaridaakwakesi. ⁵ Kiraazitiyari limwagya'neihirina waryaanyaibisainy mwaale. Yi nimti "A'mweraavire simunya saburi sarimi nebulya'na limwagata nyipidika! Aawa. Yune Gotiyare diraginya nayaa limwabika!" dena sara yihyeinyi.

Gotiyare Kuryai simunya nejaavanike'nesi.

⁶ Sara yihithiwe kiri' a'mweraav'i Gotiyare sabwi diraginya mena yivaimwannikeraav'i nem simunya yawinike' wijiwakadaanyaine. Sare kiri' sa' a'mwe dahaasiyaraavire simunya yawita' mi!. Nabaai dahaasara maremwaaidivita sahwaraavire simunya yawita' mi!. Dahaasara yiwiya'nere. ⁷ Aawa. Nem Gotiyare simunya' wijiwakadaanyasi. Yagaala daza' Gotiyai lika yulyaryaakesi. Daza' nebulya' yoimavajalikurakyavinanayasi. Gotiyai Kwaakeva' mwakyaakegaa' yi sahawai simunya daza' mena dahilakakelyi. Nem byaanna diraginya nawi'nyav'i mwaalya'ne'na sara dahilakina yakelyi. ⁸ A'mwe dahaasaraav'i maremwaaidivita sarajya aane pwai kwai simunya savi aaya kaavila dazav'i yawiramaa'nikrei mi!. Sare' diwevi aaya kaavilya' daresi. Simunya sa' yawinikara mwaabitzi kwajt yi sahwara Naangei Sigunyaviyai byaanna diraginya' kininnakeri yita yovihirrarannikevi mamararamarimwi kipidika! ⁹ Aawa. Sahwara savina myawiryesara yeta dazanna Gotiyare bukuyav'i sanna dara dinikabaabisasi.

Pinngi tinnyai mwanganya

Nabaai kadiki' mu'nyaja

A'mweraav'i simunyangi mima'nyaja

Gaminyna tewaanya wivu'naderaavine

Nabaai sahwaraav'i wigaimwagya'neraavine

Gotiyai mena yovirawakakengi.

¹⁰ Sare' aaya kaavilya' daresi. Yi gamire Kuryari nevu'nadeinaavina Gotiyai lika yulyaryaake neyibwaridaakwakengi. Sare' aaya kaavilya' daresi. Kurya Tewaanyai kaavila yuya sangi wijalangasakadelyi. Yi Gotiyare sabwi neminyi lika mena yulya'de sangiji Gotiyare simunyavi wijalangasakiwaidaawadelyira. ¹¹ Sare' darevinyi. Amwe pware simunyaburi be amwei yawirangadelaka! Aawa. Amwe dazare gannya kuryaina, sai gaminyi kusawi wilamwaide sarei yawirangadelyi. Sabaaibi Gotiyare simunyabwi yawirangadei amwe pwai mi!. Aawa. Gotiyare gannya Kuryaina gave sahwaina yawirangadelyi. ¹² Yi nemi Kwaaka davakiya simunya mamaaryo. Aawa. Gotiyaryawidaa'nya simunya Kuryari maarolyira. Yi Gotiyai neminyina "Sahwaraavina yange'na wijaave yuya gaimwanga sanna yawirangabika!" daka kaneya' Kurya sahvari maarolyira. ¹³ Yi gaimwanga dazangi nemi yagaalya' widadaanyi. Amweraavire simunyabwine yagaalya neywiriyadivisangji widadaanyangira. Kurya Tewaanyai yagaalya nejaavadej Kuryare nebulyanna wijiwakadaanyaine. ¹⁴ Amwe kwai, Kurya Tewaanyai maayai Gotiyare Kuryare yagaalya maa'dei mi!. Sare' aaya kaavilya' daresi. Sai dara yawi'delyi "Daza'na yagaala simumaayasira." Yune Gotiyare Kuryai negaimwada nayaa yawibwarama'daanya'na dazai Kurya Tewaanyai maayai dazavire aaya kaavilya' myawiranganyi yannelyi. Myawiranganyi yanne'na "Simumaayasira," sara yawi'dei. ¹⁵ Kir!, pir! daresi. Amwei Kurya Tewaanyai kininnakei sai yuyangi nayaa yawibwarangadelyi. Pir! daresi. Amwe aane pwai kwai Kurya Tewaanyai kininnakerina yiniga wi'na yawibwarangadei mi!. ¹⁶ Sare' darevidaa'nyinyi. Dara dinikabaibiki

"Naangere simunya' aaihwai yawirangadelaka!

Yiniga wi'na yawirayannei aaihwalaka!"

Nabaai sare kirivi nemi Kiraazitiyare simunya' kininnakeine.

3

Kiraazitiyare kusilaanyaviyara Koridi mwaalyara jaapainesaraavinesi.

¹ Nya'mweihi, nabaai ni'mi amwe Kurya Tewaanyai kininnakeraavi widadinyabaaibi' mihibzi yiwineinyi. Aawa. Simunya sinnawinya' kininnakera kilaakejikya yawisa maremwaalikeraavii widadinyabaaibi' yihithiweinyi. Kiraazitiyari wilamwaaihata bwaranyarabisaihiri yihithiweinyi. ² Nya'ne aamunya yihizaaveinyi. Wapaaya diraginya mihibaayeinyi. Sare' darevidaa'nyinyi. Dazaga'a' wapaaya diraginya tika pilmaanganya ye!. Yune sare'na mi!. Aawa. Dahaal kigaasi sarimi kuna mi yipineihili. ³ Sare' darevidaa'nyinyi. Kilaakejikya yawisajiyaihi kuna mwaaiha!. Darevinyi. Sarimi jya pwai gya'mwerina tiganaarya sabulyi yi nabaai maimaangebulyi sasare sabwi kuna yihwari. Sareyaba kilaakejikya yawisajiyaihi midaaka! Amweraavireburina kaanya yamaryadivsaihi midaaka! ⁴ Yihithiwe sare' aaya kaavilya' daresi. Yi sarimi jya pwai dara dina "Nimi Polimreinyi." Yi pwai dina "Nimi Aapolizareinyi." Sana sana yivaniga!. Yi sasare dazaburi sarimi Kwaaka davakiyah kuna damwaaihava!

⁵ Sarevidaa'nyi Aapolizai sai bewalaka! Polinyi sainyi bewainyaka! Naarimi sainaai yuna widaayadasainaalyi. Naangei naariminyi wawinya' saripiri'na pwainyi piri'na nehibaavakabaabi' widaayadasainaai sara kyagoi naarimire yagolyavi sarimi Kiraazitiyari limwagaresaihili. ⁶ Nimi tika wapaayavire wia burideinyi. Aapolizai wia sangi aalya' wijaavakelyi. Sare kirivi Gotiyaina yadaasi ariwinya bilyadengi. ⁷ Sarevi a'mwei tika wapaayavire wia buridei sai maalikelyi. Nabaai a'mwei aalya wijaavadei sai kwalyi maalikelyi. Naangeraai mi!. Aawa. Sai

yadaasi ariwinya bilyadei Gotiyai sai gave sahwainanyai naangelyira. ⁸ Yit a'mwei wia buridelyi yit a'mwei aalya wijaavadelyi saraai kirimire wawinyaavina yune avaainanyaraalyi. Saraaridaa'nyi pwai tivikita piri'na pwai piri'na saraare wawinya yadisawaarina maarikaderaalyi. ⁹ Sare! aaya kaavilya! darest. Naarimi sainaai Gotiyare avaaiwawinyaainaalyi. Sarimi Gotiyare wawinyaihilyi. Sahwai sariminyi yivanikelyi.

Nabaai Gotiyare anga mannikiehilyi. Sahwai sariminyi yihimadithaakwadelyi. ¹⁰ Gotiyai niminyina yanga gaimwangebwi nyijaavakevina anga majavine maremwaaidi sidi'nakei yadevaabibti' nimi tivi'na likileinyi. Sara likilevi a'ba a'mwe pwara ye'mwannayilamadivisare. Sarevit nabaai sahwaraavt gazaizai mala nayaa yiwannada nayaa ye'mwannayilamadana! Yagaala nawi'nya wijiwaakana! ¹¹ Sare! aaya kaavilya! darest. Angeviya likilya nebulya'nanyai mena war!. Sai Jizaazai Kiraazitiyalysi. Nabaai likilya pin a'mwe aane pwai kwai yiniga wi'na likilannei mi!. ¹² Yit nabaai a'mwe pwai likilya dazar "Ange! munyawit yilamadima!" dazai goltyaj madathei dingaka? Silivaayaj madathei dingaka? Sila nawi'nya mubya naanga yadivisaj madathei dingaka? Nabaai yisaj madathei dingaka? Yannyaj dingaka? Kwavisaj dingaka? Kaabinnaj dingaka? ¹³ Yit a'mwera sara mabiza'divi gazarezare wawinya' ku'maayaba yima'naabathesi. Sare! aaya kaavilya! darest. Kotiya ya'negaa' yirikeri' yijiwaainadesi. Yit diketevi wijalangasakade'nanyi. Dika daza' yawranganya'ne' a'mwe gazarezare wawinya' sara kanoj dara wijalangasakade "O, ange! madakegaa' wawinya savine diraginya' sasare! daaka!" ¹⁴ A'mwe pwai kwai likilya dazar nayaa madazavt dika many kyoj yit gamire wawinya'na tivikita nawi'nya' maadaradelyi. ¹⁵ A'mwe pwai gamire wawinyavt dika sa' kanasi'noj yit sarei tivikita sa' mamaari yadelyi. Sare kir'i angadiketevi pwari magiropalama'daanyabaabibti' diketevi kusawi Gotiyai sar padaihasamaaradelyi.

¹⁶ Sarimi Gotiyare anga tewaanyasira. Yit Gotiyare Kuryai sariminyi wiliyihimwaalikeihilyi. Sarimi daza'nna myawirijwaa! ¹⁷ A'mwe pwai kwai Gotiyare anga tewaanya' kayaaka yigalajai yit a'mwe dazar Gotiyai kayaaka yigalakadelyi. Gotiyare ange!, sa' tewaanaange'nanyi. Gamiresira. Daza' yit sarimi saihilyira.

¹⁸ Aka, a'mwe aane pwai kwai gami sari'ne'na kwaasi madinanna! A'mwe pwai sariminyi tinnyabanyai dahaasa saburi midinajai yit gannya simunyavt "Nimi simunya naangebwi kininnakeinyi yima'nima!" dozi sahwai ginyiwanna yoj Kwaakevakiyaburina simumaayai yima'nana! ¹⁹ Sare! darevinyi. Gotiyaryaba Kwaaka davakiya simunya yawita sabwi yit sa' siduta maaya navinavikebuluyi. Daza'nna Gotiyare bukuya Gotiyarina dara dinikevinyi.

"A'mwe siduta yawi'nikeinera," dadivisara kwaasiya yadaapiji
Kwaasiya sabwi ynahunyabulyi Gotiyai kayaaka yigaladelyi.

²⁰ Nabaai yagaala dare kirisidinti!
"Naangei nayaa dara yawi'mani'
'Siduta yawi'nikeraavire simunya
Yit sa yaasiwa'nanyangi."

²¹ Sarevidaa'nyi a'mwe aane pwai kwai a'mweraavine yaya namakladika! Sare! darevinyi. Yuya yuya yit sariminyinengi. ²² Yit Polinyi dingaka? Yit Aapolizai dingaka? Yit Pitai dingaka? Yit Kwaaka datha' dingaka? Yit gaalyabwi dingaka? Yit baryabwi dingaka? Yit dahaa' warke dingaka? Yit divi yima'nade dingaka? Ai, yuya sa, yit sariminyinengi. ²³ Nabaai sarimi Kiraazitiyareihilyi. Sabaabibti' Kiraazitiyai sai Gotiyarelyi.

4

Gotiyare wawinya'yadivisaraavinesi.

¹ Sare'na neminyi'na Kiraazitiyare yadaanyainaavina a'mwei dara yawirana! "Sahwara Kiraazitiyare widaayadivisare. Yi Gotiyare yagaala kuku'nya, nebulya' yoimavajalikurakya maremwaaidiv'i wijawaakadivisare." ² Sarevi' maremwaaiide wawinya' kiti' kini'nnake' dara warikesi. Gyakwai maremwaala dare pwai kwarib' b'i'delyi "Maremwaalyabwina nayaa pada'galalimwaga'dei daaka!" ³ Nabaai niminyi' sarimi' kwaihi a'mwe pwara a'mweraavire kotiya' maryawibwarya'neinyi' yi nimiyi' daza'na yawirideinyi "Sa' maalitaayasira." Nabaai nimiyi' kwainyi' ninnya sabwi maryawibwa'di "Tewaanyasira," dadinyainyi' mi'. ⁴ Sare' aaya kaavilya' daresi. Nimire wawinya'na yiwetawakya aane piri' kiri' myawi'nyainyi. Sare kiri' nimiyi' wi'na dara madiwina! Nimiyi' a'mwe yida'maraangeinyira. Niminyi'na maryawibwarya'neinyi' daaka! Aawa. Sabwi sa' wawinya yune Naangeresi. ⁵ Sarevida'an'nyi' Naangei walaabathehaa'na sinnawi' sarimi' aane piri' kiri' mamamaryawibwapina! Walaabathehaa' sahwai sawisavi lika kima'nyawi yulyarike yi baakebanna marakadengi. Yoj sahwai yuyaraavire simunyabwi ku'maayabanna marima'naabathelyi. Yi dazagaa' sari'ki Gotiyari' gazaizai yakevine tivikita maa-radelyi.

⁶ Nya'mweihi, sarimi're yagaala dazangi ke'ba'na diwengi. Yi nimiyi' sainyiji' Aapolizalyi' sainaarina ke'ba'na diwa. Sarimi' saihi naari'minyi'na yawi'div'i yi yagaala gavenna dinike mwavilapina! Nawi'nya yidasabwi dimidinyide'nanyi. Sara yadi'vi' pihadika nyipi'ka! Wijawaakadivisarajya yaya pwarine'na makina, pwarine yaya' walamarakin'a yadi'visa'na pihadika jideihi dingaka! ⁷ Sare' darevinyi. Giminyi' a'mwe naangei aaihwai gwakakaiginaka! Gotiyari' mamaaryagi'nya kini'nnakeigire benignaka! Yi yuya sanna "Gotiyai yanga nyijaavadeinyi daakaji," yune giminne yaya'na makimaniginya' be'na yivanigi! Gotiyari' mamaaryadivitabaaibi' be'na yivanigi!

⁸ Daha'a' sarimi're kuryaraavi yunebanna tivi'na mena yihwakeihi daaka! Daha'a' Gotiyare yuya kini'nnakeihiri' kwaala piningi'na mena mihi'mudaasiwakeihi daaka! Nem Apozeliyainaji' maneye'mwannyadiv'i' kingiyaibi' Gotiyarina maremwaaimanigasaihi daaka! Aka! Nimiyi' sahirin'na nyivu'niva!. Sarimi' kingiyaibisaihi maremwaabi'z kwaj "Apozeliyaina sarimi'ji' yihye'mwannamaremwalaana!" dona sara kamwalaadika! ⁹ Sare' darevinyi. Nimiyi' dara yawi'manige. Gotiyai nem Apozeliyainaav'i maalikeinaavi nemwaaiha'. A'mwe pwaraav'i kwaakewi nemwaaihakeine. Nem dareinabisaine. A'mwera kotiya' mena yadi'vi' yi nemiyi' nayaa balaade'na nejidavesaine. Sarevi' yi sahwara neramaki'pi'de'na avaangwaasavi yuyaraavire tinnyari ejeliya kwaraavirerij a'mwe kwaraavirerij sara nemwaaihake'nanyi. ¹⁰ Kiraazitiyarina wijiwakadaanya'na "Simumaayarera," nedadivisaine. Kiri' sarimi' "Kiraazitiyarina kunnakeinera," didivisaihili. Nem waryaanyaina, yi sarimi' diraginaangeihi. Sarimi'nyine yaya makidi'visaihili. Yi neminyi'ne yaya mamaki'lyadivisaine. ¹¹ Yune dathahaa'na nemi' wawinya yivanigo'na mijika mwaaimanigo. Yadaa nemire kulalyang'i wana yaalika neyihirasimani'. Nabaai neminyi' kwaabihannyanna negainivan'i. Asa gwaamwadi'vi' neminyi' yaasiwa' maina neramamarivanigasaine. Yi sara neyadaapi nemi' anga nayaa mwaalya'neba piba aawa. ¹² Nem saina pwaraav'i nemire wapaayanna myidaanganyadaa yagiyagi wawinya nebulya'na yune nennyia asirajina yadaanyaine. A'mwera paasiyagaala nedangadaapij'i yagaala nawi'nyanna ja'nawidadaanyaine. Sahwara neminyi' wana kayaa'na neyigaidaapiri nemi' kave nayaa tinnaina wanganna yadaanyaine. ¹³ A'mwera walapapalakya yagaala kayaa'nanya yinahunya sawinne saza nedadaapij'i nemi' yagaalya kave widadaanyi.

Kwaaka yuyawinna nemî wana yaaye tîrita'nanya nebulya' yîma'nadaanyaine. Yuyaraavîre gîrikita'nanyaina mwaaiho. Nemî Apozelîyainaavîre wawînya yadaanyavî sara kuna mwaaiho yîmabaka nabaai dahaa'nanyîra.

¹⁴ Yagaala daza sarîmînyî wagîla yîhîzaaya'nîle' yîda'mwe mi!. Aawa. Nîmîre kaimîraayaihîrîna tewaanya nyîvu'nîvanîke'na yî "Kumîre sîmunya nîmî yawîrarîlaaya yîma!" dena yîda'mwengî. ¹⁵ Sare' darevînyî. Kîraazitîyarî wîlamwaaihasavî nebulya'nâ sîrîgihiavaanga kwala naanga naangera kînînnakeihi mwaaiibîzaihi kîrî' sîrînîmaanga kwalaalyara maayaihîlyî. Aawa. Gave pwalyî. Darevînyî. Nîmî yagaala tewaanya' yîhîzîwaakevi Kîraazitîyai Jizaazarî wîlamwaaidîvîsaihîrîne sîrînîmaangeinyî yîma'neinyî gaveinyî. ¹⁶ Sarevîdaa'nyî dara dîhaa'bûtta yîhîma! Sarîmînyîne ke'ba'nanyaînyî nîmîre sabwina lîmwadîvî' jamarila! ¹⁷ Yî dazahîrîsavîna sarîmînyawînna Timotirî marayîhyasaabiwelyî. Sahwai Kîraazitîyarîne nîmîre kaimîraayayarîna tewaanya nyîvu'nâdelyî. Naangerîna lîmwannîkelyî. Sahwai nîmî Kîraazitîyarî wîlamwaaiheinyîre tuta mîdîdînyangî sarîmîre sîmunyavî ayahi maradihîaa'bûtta yîhyathelyî. Anga yuyabanya yuya Kîraazitîyare kusîlaanyavîya gazasavî nîmî wîjîwaakadînyabaaibî' nîmîre sasare dazabwina yîhîthathelyî. ¹⁸ Sarîmîjîya pwara "Nemînyawînna Polî mabi yaka maneyavada'galyî yadelyîra," yawi'dîvîtabaaibî' pihadîka yeva kunnya yaya munyaba makinyîna yîwaasare. ¹⁹ Kîrî' Naangei sîmunyavî sara yawîraja' sarîmînyawînna maalîkegaa' bîdeinyî. Bi'mava'mujî pihadîka yadîvîsaraavîre yagaala sannanîku' yaamîjî wî'nîde' gave' mi!. Aawa. Kumîre dîragînya' yîdakwasanganîdeinyî. ²⁰ Sare' darevînyî. Gotîyai nemaremwaaidêvî yune yagaala gave' kadîka mu'nyadaanyî. Aawa. Dîragînaange' yadengîjî tînna wangadaanyaine. ²¹ Sarîmî be yaawiabwina yîhîvu'nîvanî? Dare da'na dahayîhîvu'nîwa'? "Yîsarî' nemînyî yavada'gala neya'nerî' lîmwagozi nemînyawînna bathe'nanyî." Dara dahayawî'mwaa'? "Nemî saina kyavada'gainawaajî sahwai tînna nengada kale yada kwaamu'nanyabulyî nemînyawînna bathe'nanyî."

5

Gîrikita'nanyabwi Koridî mwaalyaraavî warake'nesî.

¹ Nîmî nebwina dara wî'nîwa. Koridî mwaalyara lîmwadîvîsaraavî gîrikita'nanyabwi warîkesî. Yî nabaai gîrikita'nanya sa' nabinyabulyî. Yî sasare sabwi ajîmya yuyangîyara mu'nyadîvîsara "Aala!" dadîvî' yadîvîtabwi mi!. Sa' daresî. A'mwe pwai sarîmîjîyai ganîmaangere a'mwe' maarîna. ² Sarelyîyaihi mwaalîna yadîvîta kîrî' "Nemîrebwi tewaanya gavesîra," dadîvî' pihadîka yadîvî' sarînnya yaya munyaba yaasi'wa'na makinadîvîsaihîlyî. Sare' mipîna! Aawa. Kayaa'nanya sabwi yagalya'ma'na yapi sarîmî kînna dîzîla! Yî "Nemî sasare sabwi yade sari nemînyawîdaasi wîdasaana!" dapîjî kînna dîzîla! ³ Sare' darevînyî. Nîmî sainyî sarîmînyî menyaba mwaaidînyainyî mena maryawîbwa'mwesi. Yî sarîmînyaba mwaaihebaabî' yî a'mwei sarei dazabwina "Sai kayaa'na wagîla yadelyî," dena tîvî'na maryawîbwa'mwesi. ⁴ Nîmî tîvî'na dara diwa. Naanga Jizaazai Kîraazitîyarîne dîragînyavi a'mwe dazarî Saataanîmîna marîmwangîna jîla! Yî sarîmî yî'bwa'nawî'nadaapiyagaa' nîmîre kuryalyî nemîre Naangei Jizaazare dîragînyasî yîhye'mwannamwaaladeihî ⁵ Saataanîmîre maremwaalyabanna a'mwe dazarî marîmwangîna jîla! "Gamîre yawîsa' yavada'galakoji Naangere yîrîkerîki Gotîyai a'mwe dazare kuryari padaihasamaarana!" dapîjî dîmarîmwangyîla! Saataanî daanga wîjaavadevîdaa'nyî gamîre kîlaakejîkîya yawîsangî kayaaka yîgalade'na duthaasîla!

⁶ Sarimti Koridi mwaalyaihi sarinnya yaya munyaba makinadivii! “Nemti yida'nanyainera,” dadivisaihilyira. Kiri' yaasiwa'na sasara dadivisa' nawi'nyabwi mi!. A'mwe dadivita dare'na myawirijivaniga! “Yiziya maalike' girkula yuyavina liwinya mimwadesi.” Nabaai, sabaaibti' kayaa'nanya wanganakipi ja sarimti yunebanna nayihiladawaradika! ⁷ Sarimti “Biretiya gaala mudike'na yiziya maaya'neina mwalaana!” dapijt yiziya aya kigaasa nayaa dimaras'i'nyila! Yt yiziya maayaihi mwaaihatabaaibti' sara dimwaalyila! Sare' darevinyi. Yt Kiraazitiyai neminyine Pari'ma'munnevire sipizipiyai nemire kayaa'nanyabwi marasi'nya'nei balya'neri tamiravetabaaibti' neminyine'na mena balakevi mudikeihi dimwaalyila! ⁸ Sarevidaa'nyi nemi munnevri biretiya yiziya aya kigaasa maaya tika naana! Yt yiziya simili ka wilya'nesi yiziya wana kayaa'nanyasi tika manaanna! Aawa. Biretiya mamimwannyike' nayaa naana! Yt daresi. Nemire simunyavi yida'nanyabwi yunebanna newarana! Nemti yagaala nebulya'nanyanna nayaa daana!

⁹ Pitkariyikwiaivi nimti sarimti yihithave. Dara de. A'mwe a'mwengi ata limwadivisarajt nya'mwana madinyadivii mye'mwannamwaaibinera! ¹⁰ Nimi yuyaraaviv wana yune nebulya' yagalya'mata'na majivanige. Yt a'mwe yuya Kwaaka davakiyara a'mwengi ata limwadivisaraavina dingaka? Tiganaaryarajt kuka yipalamaa'divisarajt saraavina dingaka? A'mwera kwaasiya gotiya yita, sila saraavirebwi mididivisaraavina dingaka? Yt sarimti “Sasare saraaviv nebulya'na yagalya'mavaana!” dipija' yt sarimti Kwaakevakidaasi nayaa jahalya'mayideihi daaka! Yuya saraavina myihizivanige. ¹¹ Nabaai kiri' nimti yagaalyaviv aaya kaavilya' yihithave' yt sa' daresi. A'mwe pwai kwai sarimti “Kiraazitiyarine neya'mwela!” dadivisari jahalya'mayila! Yt sarina a'mwengi ata limwadei dingaka? Sai tiganaaryai dingaka? Sai kwaasiya gotiya yita, sila saraavirebwi mididei dingaka? Sai bireiyagaala dadei dingaka? Sai nada yimaka widei dingaka? Sai gilyivita a'mwe pwaraavirengi mwagi'nadei dingaka? Yt sasarebura yajai saliv sarimti nya'mwana mye'mwannayipina! Tika wapaaya a'mwe sasarelyi mye'mwannanipina! ¹²⁻¹³ Sare' darevinyi. A'mwe mwasilaanyaraaviv maryawibwary'a'neinyi nimire wawinya' daaka! Sahwaraaviv yune Gotiyaina maryawibwaradere. Kusilaanyaraaviv sarimti maryawibwa'divisara midaaka! Yt sarimiresi. Dara dinikabaaibti' jila! “Sarimti saihiridaa'nyi a'mwe kayaa'nanyabwi yaderi dimaras'i'nyila!”

6

Kiraazitiyari limwaga'divisara kotiya mamarinipine'nesi.

¹ Sarimtjya pwai kwai sarimtjya pwariv wija'na yagaalya' kininnakei Gotiyare tewaanyara yawibwary'a'neraaviv pari'ma'dei dingaka! A'mwe Gotiyarina yida'maraangera mamwaalyigasara mu'nyadivisaraayabanna kotiya' yaawadelyi. Sai sasare sabwina wagila muvwa'nyadei dingaka! ² “Gotiyare tewaanyara a'mwe Kwaakevakiya yuyaraavire sabwi maryawibwaranganya'neraaviv sahwai wimwaaiahaderera,” sarimti daza'na myawirijihivaniga!! Nabaai divi sarimti a'mwe yuya Kwaakevakiyaraaviv maryawibwapija' dhaaa' yagaala maalika sarimtjyaremili' dasasare samili'na sarimti yiniga wi'na maryawibwapineihi daaka! ³ Yt “Nemti limwaga'daanyaina ejeliyaraavire sabwi kibulyi maryawibwaraadeinera,” sarimti dazaviv myawiryivanigasaihi daa! Yt sarevi dhaaasagaa' nemire mwaalya davuriya yagaalyangina nemti wi'na nebulya'na maryawibwaraanneine. ⁴ Yt sarevidaa'nyi mwaalya davuriya yagaalya' kininnakeihi mwaaihibzaihi yagaala savi mwasilaanyara maryawibwary'a'neraaviv nadahilakipi'dika! Kiraazitiyare kusilaanyaviyaihi yawi'na “Sahwaraavire kuryara bainikera waryaanyarera.” Yt sahwaraaviv sarimire kotiya'na be'na wimwaanihivanigataraavaka! ⁵ Yagaala diwe daza' kadika wi'nipi ja' sarimtirebwina

wagıla yıhiwva'naja' yı sa' tewaanyası. Sarevi sarıminyıdaa'nyı sırya'mwe saraarı yagaalyavı yıniga maryawıbwarannei aane pwai kwai midaaka! Sımunnakiei sarıminyı tınnýaba mwaalıkei pwai kwai midaaka! ⁶ Sarımi yıda'nanyabwina mamıdınıvanıga!. Aawa. Neya'mwe pwai neya'mwe pwarı kotıya maryadelyı. Yı nabaai Kıraazıtıyari malımwagyadıvisara kotıya maryawıbwarya'neraayaba sara yadelyı. Tewaanyabwi daaka! ⁷ Sarımi saihi kotıya marinadıvisaihılyı. Yı sasare sabrıdaa'nyı Saataanı yune yıhihathıwamanıkeihılyı. "Nemı kave baihana'na yadawaari kayaa'nanya' neya'mwe pwai kwai gamınnı neyana!" majı baa'na yıvanıga! "Baihana'na yadawaari nemire gılıyıvisa neya'mwei nemwagi'nana!" majı be'na yıvanıga! ⁸ Sarımi sırya'mwerına yavada'galya'nebwi mabırramaarivanıga!. Aawa. Yune sarımi saihina kayaa'nanya' yadıvisaihılyı. Pwaraavı kayaa'na yıbwaaakya' yadıvı' gılıyıvisa wımwagi'nadıvisaihılyı. Yı sasare sabwi sarımijıya sırya'mweraavı dazahwaraavı yadıvisaihılyı.

⁹ Sarımi dathavına myawırijıwaa!! "A'mwe kayaa'nanyabwi yadıvisara Gotıyare maremwaide' sa' maapı'dera mı!". Akai, sarımi yune sarınnıa sımunyangına kwaası nadakınpıdıkı! Yı darebulyı. A'mwe yaasıwa'na marıdaakunadıvisarajı yı a'mwe kwaası gotıya yıta, sila saraavı midıdıvisarajı yı a'mwe pwaraavıre a'mwengı ata lımwadıvisarajı yı a'mwera kayaa'nanya wagıla wıvwa'nya'ne a'mwe pwarajı ye'mwannayadıvisarajı ¹⁰ yı kukerajı yı tıganaarya yadıvisarajı yı biyaaya pıni nadıvı' yı maka widıvisarajı yı a'mwera a'l'mwe pwaraavı yagaaibıraizıka wıdangadıvisarajı yı kuka yıpalamaa'dıvisarajı a'mwe sasare yuya dazara Gotıyai maremwaide' maapı'dera mı!. ¹¹ Nabaai sınnawi sarımijıya pwara dazabwi sasara mwaalesihılyı. Kuna kayaa'nanya sangı mamwaipıneihılyı. Aawa. Naanga Jizaazai Kıraazıtıyari'ne yayavıji nemire Gotıyare Kuryai kwariji Gotıyai aalya mena yıhyada gamınnıe tewaanyaihıri mena yıhiimwaaikhıdaa gamınyıne yıda'maraangeihıri mena yıhihahılakakeihılyı.

Gırıkitı'nanyaburinesi.

¹² "Yuya yıwıja nımi ya'neinyı kımaakıya madakınyıkengı." Kırı' nabaai nyımaremwaaloji yuya sa a'mweraavı wıgaimwade mı!. "Yuya ya nımi ya'neinyı kımaakıya madakınyıkengırevı." Kırı' nabaai nıminyı aane pırı' kırı' yıwıja dıvi wıla nanyıradıkı! ¹³ "Tıka wapaaya sa yı munyıkiınenyi. Yı munyı' wapaaya maarya'niki." Sare kırıvi nabaai Gotıyai wapaayası nemire kılaakejısı yuyawaai yası'nadelyı. Kılaaka sajı'na yıhihıma! Kılaakejı' yaasıwa'na marıdaakunyına ya'nejı' mı!. Aawa. Sajı' yune Naangerına wıdaaya'nejıki. Yı Naangei sai kılaakejıkına maremwaalya'nelyı. ¹⁴ Gotıyai bainıkerayawıdaa'nyı Naangerı yıdıkavakelyı. Yı nabaai dıragınya' yune gannyavına nemire kılaakejıka baidezıkaavıji avaala sasara neyıdıkavadelyı. ¹⁵ Sarımi dara myawırijıwaa!! "Sarımirere kılaakejıka yı Kıraazıtıyare kılaakejıkiya pımagınyajıkera." Sarevi daa'nyı nımi Kıraazıtıyare kılaaka pımagınya pıjı' maara'mujı a'l'mwe kwalawa' ganaangevıne kılaaka pımagınyajı' mıwırıdezi' daaka! Arıkevınyı. ¹⁶ Aawa. Sarımi davına myawırijıvanıga! "A'mwei a'l'mwe yaarıdaa'ne sası yıraku'nemwaaloji yı sai a'l'mwe savıji avaai kılaaka yıma'nadelyı." Sare' darevınyı. Gotıyai sare sa'na mena dara dakelyı "A'mwelyı a'l'mwesi sawaai kılaaka gave pıjı'na yıma'nyıkadezıkıra." ¹⁷ Nabaai a'l'mwe pwai Naangelyı yıraku'nemwaalojiyai yı sai kuryai gave pwainanyai yıma'nyıkadelyıra. ¹⁸ Kayaa'na gırıkitı'nanyabwi sarımi yagalya'ma'na yapıji lıkaanya dıwıla! Wagıla yuya pıni a'l'mwera yıpija, sa kılaakejıki mwasiımagınyangi. Kırı' a'l'mwe yaasıwa'na marıdaakunyına yadei yı sai gannya kılaakejıki kusawınyavı kayaa'nanyabwi wıjaavınadelyı. Sare'na sabwi mipınera!

¹⁹ Sarımi da'na myawırijıwaa!! "Sarımirere kılaakejı' yı Kurya Tewaanyai wılayıhımwaalıkere anga nawı'nyası." Gotıyarıneba Kurya sai

kìninnakeihìlyì. Sarìmì sahwaihi yune sarìmìnyìneihi mì!. ²⁰ Aawa. Sare' darevìnyì. Gotiyai nìgwia naangesì sarìmìnyì ayahi yìhìmubamaarakelyì. Sare'na sarìnnya kìlaakejìkaavì Gotiyarìne yaya' munyaba nayaa dìmakìlyìla!

7

A'mwe kwala maarya'nebwinesi.

¹ Daha'a' pìkariyìkwiaavì sarìmì yìda'mwa'daata a'mweraavìre mwaalyabwina nìmì dara ja'nayìhìthìde'nanyì. A'mwei a'mwevi kwala mamaarya'ne' sa' yaasìwa' mwaalyabwi tewaanyasìra. ² Sare kìrìvì dala pìburana pìburananya yaasìwa'nà marìdaakunanyìnyabura a'mweraavì kayaaka ya'nebura warìke'na gazaizai gamì sarìne gannya balaange! kìninnakeinanyai mwaalana! Yì nabaai a'mwe gazasa' gannya a'mwei kìninnake'nanya' mwaalana! ³ Gamìre a'mwevi kwala maaryabwine tìvìkìsa' kwalaangei nayaa wìjaavana! Sasarebaaibì! gamìre kwalaangerì tìvìkìta sa' balaange! nayaa wìjaavana! ⁴ Sare' darevìnyì. A'mwe' yune gannya kìlaakejìkìna maremwaidezì! mì!. Aawa. Kwalaangei maremwaalì!. Yì sasarebaaibì! kwalaangei gannya yune kìlaakejìkìna mamaremwaalyì!. Aawa. Gamìre a'mwe' maremwaalì!. ⁵ Kìrimì sayoiji kwaiyagaala dadisabwi nawì'nyabulyì. A'mweigì gìnnya a'mwevi "Aala!" madìnna! A'mwe'gì gìnnya a'mwerì "Aala!" madìnna! Sara yìkajavwi yì sa' kukebulyì. Kìri' pìgaal'na pìri' yìma'nadehaa' dingaka? Kìrimì sawaaihi avaazìmunya'na yakìlyì kìbawegaa' kìrinnya kìlaakejì' yìtaata jì'nakìlyì "Gotiyari' wìja'negaa' yune mwaalaka!" dakìlyì geva geva dìmwaalyideyoihìlyì. Sa' wikira. Nabaai sara yakìlyì dìvidaa'nyì sayoiji kìrinnya kìlaakejì' ayahi jìraku'nemwaalyideyoihìlyì. Akai, sara mi yakìlyì kìrinnya kìlaakejìkì wi'na nayaa mamaremwaalyì yìkaja' Saataani yaamìjì yìjìwaala nayìhyadìka! Nabaai sarevì ata lìmwangebwi nyìkadìka! Sare'na Gotiyari' mi'na wìdakìlyì ayahi jìraku'nemwaalyideyoihìlyì. ⁶ Dìwe sa' kìwìnya'bìta' mì!. "Sara jìla!" madakyìvanìge. ⁷ Kìri' "A'mwe yuyara nìmì yadiyabaaibì' mwaabibì'de' tewaanyasi," sìmunya yawì'manìge. Sara nyìvu'nìvanì!. Sare kìrìvì Gotiyai tewaanya sìhumale dala pìñinna pìñinnanya yanga wìjaavakengì. A'mwe gazaizai Gotiyarìna gannya sìhumale' kìninnakelyì. Pwarìna a'mwe' kìninnakei mwaalya'nebwi wìjaavakesi. Pwarìna a'mwe' maayai mwaalya'nebwi wìjaavakesi.

⁸ Kwala mamaaryarajì yì a'mwe yaanyìwaakemìlikajì sangì nìmì dara dìwa. Sangihi nìmìbì' kwala mamaaryaihi mwaabibìza' yì sa' tewaanyasi. ⁹ Kìri' kunnya kìlaakejìsì sìmunyasì nayaa mamaremwaalyìpi'ja' yì kwala maarìna yìpi'ka! Sare' darevìnyì. Yaasìwa' mwaalìna yapijì kumìre munyì' dìka widathe' kayaa'nanyasi. Yì kwala maapi'ja' sa' nawì'nyasi.

¹⁰ Kwala maaryarajì kwala maa'nyajì sangìna nìmì kìwìnya datha' wìjaavìma! Kìwìnya sa' nìmìre'na mì!. Aawa. Kìwìnya sa' Naangeresìra. Sa' yì dare'na "A'mwe' gannya kwalaangerì myagalya'mavanna!" ¹¹ Kìri' a'mwe sa' gannya a'mwerì mena yagalya'mavaja' yì daza' yaasìwa' mwaalìna yade' dingaka? Gannya a'mweryawìnnna ayìna wawojì kwalaangelyì avaaimunyì'na ayìna ye'mwannamwaalyìkade' dingaka? Pìbwi aawa. Nabaai kwalaanga kwalyì gannya balaangevi mudaasanna!

¹² Nabaai kwaala piyuraavì nìmì sainyì dara dìwa. Yagaala sa' Naangei wìdaka' mì!. Nìmìresìra. Yì Kìraazìtiyarìne neya'mwe pwai kwai, yì gannya balaange! Kìraazìtiyarì malìmwagyade' kìninnakei mwaalajai yì a'mwe sa' "A'mwe salyì kuna ye'mwannemwaalìma!" daza' yì neya'mwe dazai a'mwe sa' malìmwagyà'na savì myagalya'mavanna! ¹³ Nabaai a'mwe pìri' gannya kwalaangei Kìraazìtiyarì malìmwagyadei kìninnake' mwaalaja' yì a'mwe sai "A'mwe sasì kuna ye'mwannemwaalìma!" dazai yì neya'mwe daza' a'mwe sai malìmwagyà'na myagalya'mavanna! ¹⁴ Sare' darevìnyì. A'mwei Naangerì

malimwagyada gannya balaangesi ye'mwannemwaalajarina balaanga sa' Gotiyare tewaanya' mwaalake sasare savi kirimire mwaalyabwi tewaanyabwi yima'nake' Gotiyai tinna wangadelyi. Nabaai a'mwe' Naangeri malimwagyada gannya kwalaangelyi ye'mwannemwaalajavina neya'mwe sai Gotiyare tewaanyai mwaalake sasare savi kirimire mwaalyabwi sabwi tewaanyabwi yima'nake' Gotiyai tinna wangadelyi. Sare' mi waraji kwajti yi sarimire kaimitraaya girikita'nanyara kamwaaibithi!. Kiri' dahaa' tewaanyara Gotiyareraavi wimwaaiahaderera. ¹⁵ Sare kirimivi a'mwe pwai a'mwe kiri' Naangeri malimwagyada gannya a'mwe pirimivi a'mwe kwari yagalya'mavaja' yi sa' wikira. Yagalya'mavana! Sasarebwi yima'najavt neya'mwe pwai neya'mwe kiri' yaasiwa'wawinya'bisavi mamwaalyi!. Aane piri' kiri' wila myiryinikesi. Kwaamu'nanyaburi mwaalya'neihir Gotiyai sariminyt jaka yihizivwaramaarakevinyi. ¹⁶ Sare' darevinyi. Sarere balaange'gi, nebulya'na gara yawi'manigti! "Ninnya kwalaangeri yiniga padaihasamaaride'nyi dingaka?" Sa' myawirivanigti. Nabaai kwalaangeigt, nebulya'na gara yawi'manigti! "Ninnya balaangevi yiniga padaihasamaarideinyi dingaka?" Sa' myawirivanigti. Sare'na madahalimwadinnna!

¹⁷ Sare' kiri' Naangei gazarizari yanga mudakabaaibi' yi sahwai sara mwaaidi'nyiyavi Gotiyai jaka wijivwaramaarakegaa' mwaalakebur iyi sai yune sahirisavina kuna yamaryana! Yuya Kiraazitiyare kusilaanyangiyaraavt nimi kiwinya sara wakadinyainyi. ¹⁸ Dara diwa. A'mwe pwai kwai kilaakejti' gurya davesarina Gotiyai jaka wijivwaramaarakei dingaka? Sahwai gannya kilaakejti' ayahi mamariwibwa'nanna! A'mwe pwai kilaaka gurya mada'nyinikeri Gotiyai jaka wijivwaramaarakei dingaka? Sahwai gurya da'nikei mima'nanna! ¹⁹ Kilaaka gurya daya sabwi, yi sabwi gevulyi. Yi kilaaka gurya madaya sabwi, yi sabwi kibulyi gevulyi. Aawa. Gotiyai Kiraazitiyarinne yagaala wakake midinyabwi yi sa' naangaangebulyi. ²⁰ A'mwe gazaizai wawinya pirimivi mwaideri yi Gotiyai jaka wijivwaramaarakegaa' sai sahirivt yinahu nayaa mwalibainyina yana! ²¹ Yaasiwa'wawinya widaayadinyaig mwaaida'gizi Gotiyai jaka gizivwaramaarakeigdaaka? Dazavina gimi simunytaanga maginanna! Aawa. Kiri' yaasiwa'wawinya widaayadinya yagalya'maya'ne' tusa' kininnakeigti yima'nija' yi tuta dazavt midinna jit! ²² Sare' darevidaa'nyinyi. A'mwei yaasiwa'wawinya widaayaderi Naangei jaka wijivwaramaarakei yi dahaa' Naangere tewaanya mwaaidelyi. Yi Naangeri tinnyari sai kayaa'nanyabwine yaasiwa'wawinya ayahi widaayadei mit!. Sasarebaaibi' a'mwei tewaanya mwaalina, yaasiwa'wawinya mudayadaawori Naangei jaka wijivwaramaarakei yi dahaa' Kiraazitiyare yaasiwa'wawinya widaayadelyi. ²³ Gotiyai niggia naangesi ayahi mena yihimbamaarakeihilyi. A'mweraavire yaasiwa'wawinya widaayadivitaihi mima'nipina! ²⁴ Nya'mweihi, gazaizai wawinya pirimivi mwaideri jaka wijivwaramaarakei yi sai wawinya yune sahirivtina Gotiyalyi mwaalana!

²⁵ Nabaai sidiraaya kwala mamaa'nyangine' nyida'mwa'daasa'na dima! Nimi Naangere kiwinya sarevine' kuneinyi. Sare kirimivi nimire simunyavina yawibwaride'nanyi. Naangei nimirinyi kale tewaanya nyada yi nimirinyi yiniga wi'na nyada nebulyabwi limwaga'dinyainyire yagaala nyu'nipineihilyi. ²⁶ Sarevidaa'nyi dara yawi'mwa. Dahaa' dathahaasagaa' taanginya warkevi kwala mamaarya sare sabwi tewaanyabulyira. Yi dahaa' sarimi mwaaihatabaaibi' kuna dimwaalyila! ²⁷ Yi gimi a'mwe' kwala tivi'na maaraginyaig a'mwevi yagalya'maya'ne'na tusa'na biribiryu minna! Yi gimi kwala mamaaryaig a'mwe' kwala maarya'na myawi'dinna! ²⁸ Kiri' gimi a'mwe' kwala maa'diza' sa' kayaa'nanyabwi jittheig mit!. Nabaai sidiraaya' kwala maa'naja' sa' kayaa'nanyabwi yade' mit!. Sare kirimivi "A'mwe kwala maa'napiji yi sahyuraavt Kwaaka davaki taanginya nyima'nadika!" dena sariminyi yihivainya'neinyi diwa. ²⁹ Nya'mweihi, sarevina

nimī dara diwa. Yirikerī' yima'nadehaa' maalikegaa' yesima'nikegaaki. Yirika dathahaal kuna war!'. A'mwe pwara a'mwe kininnakera kumī a'mwe maayarabi' Gotiyarina simunyavi yuneba nayaayīpika! ³⁰ Nabaai a'mwe kinna diwanigasara kinna majivanigasarabi' Gotiyarina nayaayīpika! Nabaai a'mwe yilaaya yivanigasara yilaaya myivanigasarabi' Gotiyarī nayaayīpika! Nabaai a'mwe gilyivita mubamaa'manigasara kumī gilyivita maayarabi' Gotiyarina nayaayī mwaabibika! ³¹ Yī a'mwe sahwara Kwaakevakineburana yadivisara yuya sahiningī yune'na mamarayipina! Sare! darevinyī. Kwaaka dathavakine yuya warike daza yiwivankengi. Sarevidaa'nyī yawita kwalaalya yawīdivilsaihi mwaabibina!

³² Nīmire simunya sariminyīne yī darengira. Yuyangina simunya kwalaalya myawiryadivisaihi dimwaalyila! A'mwe kwala mamaaryai sai Naangere sabwina simunya nayaayī yawīdelyī. "Naangerī wivu'nivanika sabwi yima!" dadelyī. ³³ Kirī' a'mwe kwala tivī maarakei sai Kwaaka davakine saburana simunya kwalaalya yawīdelyī. Yī "Nīmire a'mwevījī wivu'nivanika sabwi yima!" dadelyī. ³⁴ Sarevidaa'nyī gamire simunyabwi milikita yadewaalyī. Yī Naangerinajit gamire a'mwevinajī yuyawaarīna yawīdelyī. Nabaai a'mwe' kwala mamaa'nyasi sidiraayasi Naangere sabwina simunya nayaayī yawīdisawaalyī. "Nīmire kilaakejikijit nīmire kurya kwarijī tewaanya! Gotiyare! yuna mwaalya'ne' sara yima'nana!" dadi' sara yawīdisawaalyī. Kirī' a'mwe kwala tivī maa'niket' sa' Kwaaka davakine saburana simunya kwalaalya yawīdesi. Yī "Nīmire kwalaangerijī wivu'nivanika sabwi yima!" dadesi. ³⁵ Nīmī yagaala diwanige datha' yī sarimī tewaanya mwaalya'nev'ī yihigaimwagya'nesi. "Kwala maaryabwina sariminyi nyigidiravemwaaimudika!" dena yihithiwa. Aawa. Sarimī nayaayī yida'na mwaalya'nesi. Yadivī' yuyagaa' Naangerī duthaayide'na sarimīre simunyangī pinijit piburajī yaasiwa' mwagi'namarya yihyadeihi mī'.

³⁶ Kirī' a'mwe pwai gamire sidiraayavina dara yawiraja! "Nīmī kwainyine sidiraaya' dahilakinkevī yida'nanyabwi mivanigeinyī. Yaasiwa'na mwaaiheinyī," nabaai sahwai yune miginya naangei mena yima'naja' yī tusa' gaminyine pirī minyadori gamī sara wanganaja' yī sai gannya simunyaburī midinana! Sarevī gaminyī kayaa'nanyabwi mī'. Kwala maa'nyina yika! ³⁷ Kirī' a'mwei gannya simunyav'ī diraginna yawīda sahwar! "Yarala! Sara ja!" wīja'ne mwari yada gannya simunyaburī gamī sai yiniga wīna maremwaalaneei mwaaida yī sai gannya simunyav'ī tivīna dara yawiramihakada "A'mwazidiraaya nīminne dahilakinika sa' yaasiwa' saba kuna mwaalana!" yī sa' tewaanyasīra. ³⁸ Sarevī a'mwei gannya a'mwazidiraaya' maaraja' yī sai tewaanyabwi yadelyī. Nabaai a'mwei kwala maaryajai yī taanginanyagaa'na sai tewaanaangebwi yadelyīra.

³⁹ A'mwe kirivire kwalaangei gaala kuna mwaaidori yī sagaa' a'mwe sa' gannya a'mwelyī yiraku'nemwaaidesi. Kirī' gannya kwalaangei se kabalojī a'mwe' ayahi pirī yiraku'nemwaalaneei mī'. Sa' "A'mwe pwarī kwala maa'nīma!" dozī yī sa' kwala maa'nyina yade'na mwaaladesi. Nabaai sare kiripī mwasilaanyarī mamaa'nanna! Naangerinerī kwala maa'nana! ⁴⁰ Kirī' sabwina nīmī sainyī dara yawīmanige. Taanginya neyivanike'na sa' yaasiwa' kuna mwaalina yaja' yī gamī yilaaya naanga yada tewaanaanga yinike' mwaaladesi. Nīmī Gotiyare Kuryai kininnakeinyī. Yī nīmī kwainyijī Kurya Tewaanyai wilanyimwaalikeinyī diwa.

8

Miwisa kwaasigotiyari, yitaziyaraavi tamawijaavadivisaburinesi.

¹ Kwaasigotiyaraavina mubithika tamira'divita miwita pimaginyangina, nyida'mwa'daasangina, ja'nawidima! "Nemī yuyaina simunya' kininnakeinera," yawīdaanyireva. Yī simunyabwina pihadikebwi yada yaya munyaba makinyaburi

neyidikaa'desi. Kiri' nabaai kale neyabwina kuryaraavi yivaimwadesi. ² A'mwe pwai kwai gannya yaya' munyaba makinada dara yawirajai "Yi piri' kiri' nimti simunya mena yawi'nikeinyira," yi a'mwe sare simunya yawisa nayaa yawirya'nei Gotiyai sara dakadevaabi'na myawiryadelyi. ³ Kiri' a'mwe pwai kwai Gotiyarina tewaanya wivu'najai yi sarina Gotiyai dara yawi'nikelyi "A'mwe sai wavila'dei nimirelyi."

⁴ Sareviidaa'nyi sasare miwita tika nya'ne sabwina yi kwaasigotiyaraavina tamira'divita miwita pimaginya tika nyabwina nimti dima! Nemti dara yawi'daanyi. Kwaakevaki kwaasigotiya aane pwai kwai mamwaalyi. Sa' yaasiwa' saba sana yavikaridaakwia yaasiwa'nanyangi. Sarevi yi gotiya kwalaalyara mi!. Aawa. Gotiyai gave pwainanyaina mwaali!. Pwara mi!. ⁵ Sare' darevinyi. Sigunya piriiv Kwaaka kivaki kwalaalyanna Gotiyari mu'nyadivisara "Yi sahwara gotiyarerera," dadivsa mwaaidivisangira. Yi gotiya kwalaalyaraji maremwaaidivita kwalaalyaraji mwaaihata ⁶ kiri' nemti Kiraazitiyareina dara yawi'daanyi. Neminyine Nmwai Gotiya yune gave pwainanyai mwaali!. Sahwai yuyangina aaya kaavilyalyi. Yi nemti gaminyineina mwaaiho. Nabaai Jizaazai Kiraazitiyai Naanga yune gave pwainanyai mwaali!. Sahwai yuyangi wakyaakelyi. Yi sahwai nevadaihasamaarakeinera. Yi sahwari nemti gaalyabwi kininnakeinera.

⁷ Kiri' nabaai a'mwe yuyara pwaraavi Kiraazitiyareraavine simunya daza' muwarikesi. Pwara kigaa' mwalyaasaburina sinnawinya kwaasigotiyarebur mi'dinibainesare. Sarevi sahwara kuna yawi'divisare "Miwita da' kwaasigotiyarine yidi'ka yivanigasa' nebulya'nanyasira." Sara dadiv'i kiri' miwita sa tika nyina yivanigasare. Kumire simunya waryaanya' yune nayaa myawiryada sara nadiv'i simunya kwalaalya yawi'div'i kumire simunyai dada "Kwaasigotiyarine miwisa' gimirre yiwetawakya sanna yiwaa," kumire simunyai girikewbi maa'manikerera.

⁸ Kiri' tika wapaaya nya'neina neminyi Gotiyarina gidikusaba nemakwode mi!. Tika wapaaya sa nemti nya'na Gotiyare simunya kwalaalya yawi'dei mi!. Nabaai nemti tika manyaaja' yi nemti Gotiyare tinnyari' kayaa'na mwalaadeina mi!. Yi nemti tika naaja' yi nemti Gotiyare tinnyari' nawi'nya mwalaadeina mi!. ⁹ Kiri' sarimi mala nayaa jiwannyila! Akai, sasare sabwi sarimi're diraginya' waryaanyaraavi nyadi'de'na sa' a'mweraavire sivilyangi wirinadaasi diraginya mi yadiv'i yi sahwara wagilyavina walaraawina nyipidika! Sare'na mala nayaa jiwannyi! ¹⁰ Sare' darevinyi. A'mweig simunya' kininnakeigi, yi gimi kwaasigotiyarina yi'bwa'nemwaaidivisabanna mwalaawija' miwita nadaa'gizi yi a'mwe pwai kwai gamire simunyai waryaanyalyiyai sai gimi'nyi gwanganaja' yi sare sa' kwaasigotiyarine tika sa niya savi gamire simunyari yidikaata jithei daaka!

¹¹ Sare' darevinyi. Sarei pibwi yawi'dei kiri' tika naja'na yi gimirre simunya diraginya sa' a'mwe sari, diraginya maayarit kayaaka jihaidelyi. Yi sai neya'mwe dazarina Kiraazitiyai mena balakelyi. Yi dazahwarit padaihasamaarya'nei mena balakelyi.

¹² Neya'mweraavi kayaa'nanyabwi dazara yapiji yi kumire simunya waryaanyai yaderi jinga tamajirakapiji yi sasare saburi Kiraazitiyariji kayaa'nanyabwi sara jidelyi. ¹³ Sasare'na tika wapaaya nya'nebwi niminyi nya'mweri wagilyavi walamarakaja' yuyagaa' aaya yi'wawajahaa'na miwita sa tika maniwina! Arikewi. Akai, niminyi nya'mweri mi yiwi'ja' sai wagilyavi nalaraawadika!

9

Apozeliyaraavire diraginya yi'pi'neji sanginesi.

¹ Sareinyi Polinyi Kiraazitiyarina aane piri' kiri' wila nyipwiyadeinyi daaka! Nimti Apozeliyainyi midaaka! Jizaazari nemire Naangeri tinna mena wanganeneinyi midaaka! Naangeri, nimti wawinya yevidaa'nyi yi sarimi gamirehi midaaka! Sare'na a'mwera nimire simunyavi yide' madahalanylimwabinenyi. ² A'mwe

pwara n̄iminyina yawi'divikti "Sai Apozeliyai m̄ika!" Kiri' n̄imi diwa "Ges̄ra." Aawa. Sar̄imi n̄imi Apozeliyainyina t̄vi'na nyawiramaa'divikti. Sare' darevinyi. Sar̄imi Naangeri w̄lamwaaishas' yi sa' d̄raginna dara w̄ij̄iwaainyasi. Sar̄imi n̄iminyine' Apozeliyaraavire yavikwajikesiyaihiliyira. Yi "Naangei nyidasaawadeinyi," nebulya'nanyaihiliyi.

³ A'mwe pwara n̄imire wawinya'na kotiya maanga didivisaraavi n̄imi kumire yagaalyangina ja'nawidadinya' daresira. ⁴ Nem̄i Apozeliyaina neminyine wawinya'na a'mwera nerivikrya'neraavi wapaayaji aalyaji maraannenna yidaanganya'ne d̄raginya' kininnakeina midaaka! ⁵ Apozeliya pwarajt Naangere gahwaalaangerajt Pitalyt sara kumire balaange neya'mwe Kiraazit̄yarejti ye'mwannayamarivanigatabaaibit̄ d̄negaimwagyide'na nem̄i sara yaanne' d̄raginya' kininnakeina midaaka! ⁶ N̄imi gaveinyiji Baanavaazalyi sainaai asasi wawinya' yagalyamavakwoihiji sar̄imire n̄igwia maarakane' d̄raginya' kininnakeinaai midaaka! ⁷ Aamiyav̄i mwaaidehaa' aawilasai gannya n̄igwiajti gilyivisajt̄ b̄ramaa'de bewalaka! Pwai wapewawinya burida gannya t̄ika wapaaya pimaginya mamaranyade be a'mwelaka! Pwai bulimakaawoyangi maremwaaida gannya maremwaaaidengire aamunya pimaginya manyade be a'mwelaka! Sabaaibit̄ n̄imire wawinya'na maa'mujavwi nawi'nyabulyi.

⁸ Sarengina n̄imi a'mweraavreburaavina mididi dahathivanganiga. Yi nabaai Kiwinya kiri' sara madinyike' dingaka! ⁹ Yi sare' darevinyi. Ne Mozizare Kiwinyavi dara yida'nikesi. Bulimakaawoyara witiziila bwalaraawinya ya'nera witiyangti sivila liliivivainada'daapi t̄ika manya'neraavi maangevit̄ wiла mavwiyinnera! Sare' jaakegaa' simunya' yune bulimakaawoyaraavina yawiryaakei daa! ¹⁰ Aawa. Yi nem̄i kwainaavinaajt̄ yune d̄raginna dakakei daaka! Yo, neminyine'nanyi. Sare' darevinyi. Pitkarya sa' dinike' nem̄i dara yawiranganya'nanyi. A'mwei wawinyaav̄i likiliyka yadaaworiyalyst̄ yi a'mwei t̄ika wapaaya mya mena yinnike maarojyalyi saraai dara yawirikaja! "N̄innya wapaaya pimaginya n̄iminyine maarya'neinyi wawinya yima!" ¹¹ Neminyine' darenesi. Nem̄i sar̄imire simunyangi Kuryarennayihiburidovaibaibit̄ kuryaraavinya tewaanyanna yihimakabyo. Sarevit̄ivikisa'na sar̄imi neminyi kilaakejiktya negaimwagya'neihi mari'bwarakaajavaaibit̄ gilyivisa nejaavipine' naange' daaka! ¹² A'mwe pwara gilyivisanna sar̄iminyi yihyidaangadivita d̄raginya' kininnakerwa mwaaihasa'na nem̄i sareina sinnawi yihyoina naanga yiniga maraanneina daaka!

Sare kiri' gilyivita daza nem̄i yiniga wi'na maraannengi sare nem̄i mamaaryagongi. Aawa. Nem̄i dara do. Neminyina pwai kwai nyawiradika! "Polimiva n̄igwia mwagi'namaarya'nera Kiraazit̄yare yagaala tewaanya' nyidadivisarera." Sarevidaa'nyi yagaala sa'na "Aala!" dima! "Yi yawita savi tusa' kaanya tihraana!" dona negainadennajt̄ taanginya pininna pininnanyannajt̄ d̄raginna daako. ¹³ Ayina yihithima! A'mwera Gotiyare Angevi wawinya yadivisara Gotiyare Angeviya wapaaya maa'divisare. Kwaraanyaba Gotiyarina mubithika yira'divisavire wawinya yadivisara saviya miwit̄a pimaginya maranadivisare. Yi sar̄imi dazavina myawirijivangi!! ¹⁴ Sasarevidaa'nyi, nabaai Naangei kiwinya da' wakakesi. A'mwera yagaala tewaanya' wijawaakadivisarajt̄ yagaala sa' maa'manigasaraav̄ gilyivita kilaakejikti gaimwagya'ne maapika!

¹⁵ Sare kiri' n̄imi d̄raginya aane pir'i kiri' marayadinyainyim̄i. Sar̄iminyi myihidaanganye. Yi nabaai "Dahaakiagaasi sar̄iminyi pin̄i sara maari'na!" dena yagaala daza pitkarya midayiwa. Aawa. Sare' darevinyi. N̄imi mamaarya'na yilaaya yivanigeinyi. "A'mwe pwai n̄imire yilaaya yadinyavire aaya kaavilya' namarasinadika!" dadit̄ mijike'na mena balide' yi sa' nawi'nyasi. Kiri' yagaala tewaanya' wijawaake'na tivikita maa'mujit̄ kwajit̄ sa' n̄imire yaya munyaba makinyabwi kayaaka

kigaladike' yi sa' kayaa'nanyasi. ¹⁶ Sare' darevinyi. Ni'mi yagaala tewaanya' wijiwaakadinya'na ni'mire yaya' munyaba makimujavire aaya kaavilya' mwari'. Sare' darevinyi. Sa' mujawaakya'ne' tusa' piri' minyi'. Aawa. Naangei wawinya sa' nyakakeinyi. Sare' darevinyi. We! Yagaala tewaanya' mujawaakiwi'ja' kale nyadeinyi. Yi sara myiwi'ja' wana kayaa'na mwaalideinyi. ¹⁷ Sare' darevinyi. Ni'mire simunyavidaasi wawinya daza' yiwiji kwaj iyi ni'mi tivikita maarya'neinyi kyidaangamudika! Kiri' wawinya daza' ni'mire simunyavidaasi mivanigeinyi. Wawinya sa' ya'neinyi Naangei kanyidahilaka' sara yivanigeinyi. ¹⁸ Sareviadaa'nyi ni'mire tivikita berivaka! Ni'mire simunya' "Gimi yadiya' tewaanyasi," divanike tivikita daresi. Yagaala tewaanya' wijiwaakadinya'avine gilyivisa yiniga wi'na maa'muneinyi yi sa mamaari yadinyainyi. Yagaala tewaanya' wijiwaakadinya'avire diraginya kininnakeinyi kir'i sare' "Aala!" dena "A'mweraavi yagaala sa' yanga wijaavideinyi," dena sara yitwa. Yi sara yadinya'avine yawita daza' ni'mire kuryarine tivikisasi.

¹⁹ Sare' darevinyi. Ni'mi tewaanya mwaaiheinyi. A'mwe aane pwai kwareinyi mi'. Sareinyi kir'i yuyaraavine yaasiwa'wawinyainyi sara wakineinyi. "Yi a'mwe Gotiyarie kwallalyaraavi naanga mijama'muma!" dad'i sara yadinyainyi. ²⁰ Sarevi yi "Juyaraavi maarima!" dad'i Juyaraavire tinnyari kumirebwina Juyainyib'i mwaale. Ni'mi sainyi Mozi'zare Kiwin'yav kwaakewi mula'narige kir'i "Kiwin'yav kwaakewi mwaaihasaraavi maarima?" dad'i sahwaraayaba Kiwin'yav kwaakewi wilamwaaiheinyib'i yima'niveinyi. ²¹ Sabaaibi' ni'mi Gotiyare kiwin'ya' maayaINYI mi'. Aawa. Kiraazitiyare kiwin'yav kwaakewi wiла'na'dinyaINYI. Sareinyi kir'i a'mwe Kiwin'ya' maayaraavire tinnyari mwaaidi "A'mwe Kiwin'ya' maayaraavi maarima!" dena ni'mi sainyi a'mwe Kiwin'ya' maayaINYI b'i yima'neinyi. ²² "Nabaai a'mwe diraginya maayaraavi maarima!" dena sahwaraayaba ni'mi diraginya maayaINYI yima'niveinyi. Ni'mi a'mwe yuyaraayaba sahwaraavirebura yadi "Pwaraavi padaihasamaarima!" dena tutanya yuyangi yaamiji yadinyaINYI. ²³ "Yagaala tewaanyaviya nawi'nyaburaavi a'mwe pwarajt ye'mwannamaarima!" dad'i yagaala tewaanya savina yuya daza yadinyaINYI.

²⁴ Sarimi davina myawirijivaniga!! Gavamarasi'nyikaanyabanna a'mwe yuyara sara kaanyave'na wodivita kir'i gave pwaina wavila'nikere' maa'delyi. Kaanyave'na wodei kaanyave'na nayaa diraginna wodevaabi' "Gotiyari wavila'nikere tewaanya' maraana!" dapiji kaanyave'na diwila! ²⁵ Yi a'mwe gazaizai gavamarasi'nyikaanyangina "Wavilavima!" dada kilaaka diraginyaj'i yima'nya'nei yuya kilaakejik'iya sabwi walamarakadelyi. A'mwe dazai tivikita kayaaka yigainade'na "Maarima!" dada sasara yadelyi. Nabaai kir'i nemi tewaanaange' kayaaka minyade' maarya'neina kwaasi kwaasi yaadeina daaka! ²⁶ Sarevina ni'mi sainyi yaasiwa' maranganamarya myadi kaanyave'na wodinyaINYIra. Gavamarasi'nyiramyaavi asa gwaamwada asa yihusav yaasiwa' malivaramamaryadevaabi' Gotiyari'na diraginna yadinyaINYI. ²⁷ Sara yaasiwa'na myadinyaINYI. Aawa. Ni'mire kilaakej'i nayaa diraginna ya'nejisi malya' nebulya'na tadinyi. Ni'mire kilaakej'i ni'mire kuryare yaasiwa'wawinya yadei yima'nya'nejik'i diraginna walamarakadinyaINYI. Akai, a'mwe pwaraav wijiwaakadi "Kiraazitiyareihi yunebanna diraginna limwagarapiji wavila'nikere tewaanya' Gotiyare' dimaaryideihili'i," wijiwaakadinya kir'i kanyawiranganoji mamaari nyiwidi'de'na ni'mire kilaakej'i diraginna walamarakadinyaINYI.

10

"Nemi yijiwaalyaburi nalarawaadika!" dinike'nesi.

¹ Sare' darevinyi. Nya'mweihi, yagaala dangi sarimi navika ya'na nim simunyavi "Aala!" diwa. Yuya nemire aataravaav Ne Mozizai Kwaaka Yiziipiidaasi makabadaa'nyi sahwara yiraaya' maremwaalakevi kwaakewi wila'div'i kaanya yamaryesare. Yadiv'i yuyara yune sivilyajina saalaalyavi tewaanna wilaawesare. ² Sara yadiv'i yuyara sahwara bavitaaziya' maaresare. Yiraaya saviji saalaalya saviji sawaar iyi bavitaaziya daza! Mozizalyi ye'mwannamwaalya'ne' wakinikesi. ³ Yi yuyara sahwara wapaaya Gotiyare Kuryai wjavadaasiya nesare. ⁴ Yi yuyara sahwara aalya Gotiyare Kuryai wjavadaasiya nesare. Sare' darevinyi. Sahwara Kuryare aalya sillaangeri nyina. Sillaanga sahwari Gotiyare Kuryai wjavadaasiya sillaanga sai kuminyi midinna yada yi sai Kiraazitiyalyira. ⁵ Gotiyai nawi'nya yada sare kir'i kumirebwina sahwai kuminyidaa'nyi kwala naangevaaki yilaaya mwigalya!. Sare' darevinyi. Kwaaka a'mwera maayavi saba gazabazaba balesare.

⁶ Yi yuya daza neminyine ke'ba'nanya yima'nakengi. Kuminyi kayaa'nanyabwina sara wivu'nakabaaibi' neminyi kayaa'nanyabwina nevu'nadeina kyima'naadikevi ke'ba'nanya yima'nakengi. ⁷ Sahwaraav tinnyyabanya pwara yetabaaibi' sarimi kwaasigotiyare sabwi mamidibina! Yi sahwaraavina dara dinikabaaibisasi. A'mwera ti ka munne wapeyidi ka naanga savi walamwaaidiv'i ti ka wapaaya aalya nadiv'i kwaasigotiyarine yilaaya'na kwarame avaanna giry'a'nera daavesera. ⁸ Sahwaraav tinnyyabanya pwara yetabaaibi' nemi kayaa'na girkita'nanya sabwi myaanna! Yi Gotiyai sinna ti ka wida'daa'nyi yirika gave pirk'i serra kwala naangera 23,000 saba sana balaramarina yesarera. ⁹ Nabaai sahwaraav pwara "Kwaamu'na kuna mwaaladei dingaka!" deva Naanga kwar iyi jiwaaletabaaibi' sar yune yijiwaala myaanna! Sareraav kamaalyara ti ka davina kye' sahwara saba sana yu'daramarina yesa'nanyi. ¹⁰ Nabaai sahwaraav pwara kinmyagaala detabaaibi' sarimi Gotiyarinna maamayagaala madipina! Sareraav ejeliya a'mweraav tamakadei karamaka' yi sahwara saba sana yu'daramarina yesa'nanyi. ¹¹ Yuya daza ke'ba'nanya yawarya'neinaavina kigaakuna a'mwe sahwaraav yima'nakengi. Kayaa'nanya avaalya nyaadi'de'na neminyi simunya nejaa'yane yagaala daza Gotiyare bukuyavi yida'nikengi. Yi yuya kigaasa milnanyi. Neminyina dividaa'nyainaavina dhaaa' mwaaihoinaavi dazagaasa aaya kaavilya neyima'nakeinera. ¹² Sarevidaa'nyi a'mwei gami sai yawi'manikei "Nimi sainyi diraginaangeinyi. Diraginya nayaa yadinyainyi daa'dinyainyi." Sai kayaa'nanyaburi nalaraawadika! Sai nayaa mala yiwannana! ¹³ Yaamiji yijiwaalyabwi yihima'naabadevwi yi sa' mudika piri'bita' mi!. Aawa. Sa' avaainanya a'mwe yuyaraav yima'nadevaabisasi yijiwaalya!. Yi yijiwaala savina Gotiyai gannya nebulya'nanya diraginya' mididelyi. Sahwai limwaga'delyi. Sahwai sarimi re diraginya' nayihwavi lavadi'de'na yijiwaala piri' wanganakadei mi!. Aawa. Yijiwaalyabwi sariminyi kayihima'naaboz iyi sarimi savina dithathivalyide'na gaimwanga yihya'ne tusa! Gotiyai biryakadelyi. Tuta daza' yi sa' dare'na. Sahwai diraginya pada'galayvaimwanga yihyadelyi. Yi sarimi yijiwaalyaburi diraginya yiniga wi'na dithaayideihiliy.

Kwaasigotiyaraavire ti ka munnesi Naangere nadaanyasi sawaariesi.

¹⁴ Nya'mweihi'na tewaanya nyivu'nadeihi, sasarevidaa'nyi kwaasigotiyare sabwina likaanya dwila! Bule'na duzaayila! ¹⁵ Sarimi simunya' kininnakeihiri' dara yihithivanige. Sareihi nimire yagaala kwaasigotiyare yilaayavina nayaa dimarayawibwarila! ¹⁶ Naangere yibinyavi nadaanyagaa' kaapiya tewaanya naanga yanga kininnakerina nemi Gotiyari "Su! Su! Gimire yaya' makimanigo," widadaawori yi kaapiya sai Kiraazitiyare tawesi neminyi maraneyi'bwarayrakurakadei midaaka! Yi biretiya gunyanadaanya daza' neminyi Kiraazitiyare kilakejis ye'mwannaneyi'bwarakade' midaaka! ¹⁷ Biretiya sa'

gave piri'nya' warike'na nemi a'mwe kwalaalyaina yune kilaaka gave pii'na mwaaihoinera. Sare' darevinyi. Nem i yuyaina biretiya gave piri'nya sahirivina nadaanyainera. ¹⁸ Sarimi Yizireliyare Kilaakejikidaa'nyaraavina jawiranganyila! Gotiyarina mubithika yira'divisara kwaraanyabanne miwita nadivisara yi sahwara Gotiyalyi ye'mwannemwaaidivisara midaaka! ¹⁹ Sarevidaa'nyi nim i yagaala gara divanige? "Kwaasigotiyare tika wapaaya sa' nebulya piri' kiri' dingaka? Ge' dingaka?" nabaai "Kwaasigotiyai gami sai nebulya'nanyai pwai kwai dingaka?" ²⁰ Aawa. Nimi dara divanige. Naangerina mu'nyadivisara ajimya yuyangiyara yidika yira'divita tika munne sa yi Saataanimire yimakeraavina yira'divitangi. Gotiya nebulya'nanyarina yira'divita mi!. Yimakeraj i sarimi ye'mwannemwaalya'neihi jima'nyide'na nimi simunyavi "Aala!" diwa. Sareihi nyima'nipidika! ²¹ Naangere kaapiyariji yimakere kaapiyariji aalya ye'mwannanya'na sarimi yiniga wi'na nipineihi mi!. Aawaawa. Nabaai Naangere wapeyi'binyaviji yimakere wapeyi'binyaviji wapaaya ye'mwannanya'na yiniga wi'na nipineihi mi!. Aawa. ²² Yi sara yaaja' neminyi naangei similika wilade' yaade'na daa! Nemire diraginya' gamire diraginyavi wavlavade' dingaka?

²³ "Yuya ya kimaakiya madakinyikengireva," kiri' yuya sa a'mweraav wi'gaimwade mi!. "Yuya ya kimaakiya madakinyikengireva," kiri' yuya ya sa diraginya pada'galayivaimwange' neyade mi!. ²⁴ Sarevina a'mwe aane pwai kwai naya pada'galamaremwaainya' yune gami sarina myanna! Aawa. "Nimi sara yiwijav i a'mwe pwaraji naya mwaibikaji," a'mwe yuyara naya pada'galamaremwaainipi ka! ²⁵ Yuya miwita sa sitiwaayavi mubadivita sa sarimi navi'na nyina jila! Sarimi're simunyara padaihirakaderaavina yidaanganya aane pimili' kimili' mipina! Yuya sa dinya! ²⁶ Sare' darevinyi. Dara dinikesi. Kwaaka dathavasi yuya yunewinna waraka yunebanna mlemwaalikeji sa yune Naangerennanyang. Sare'na yuya naanne' wikira. ²⁷ Nabaai a'mwe pwai kwai Kiraazitiyari malimwagyadei "Wapaaya naade'nana!" dazai kagithoz i yi gimi' sar kadika yina ya'gizi wi'na yaja' gimi'nyi gizaavaja gazasa' tika wapaaya miwita sa' navi'na nyina ja! Gimire simunya padaihirakaderina "Miwita da' gawidaa'nyavaka?" yidaanganya minna! Yuya sa dinana! ²⁸ Sare kiri'i a'mwe pwai kwai dara yihihaza! "Miwita da' nemi naade' davanyaraavire gotiyaraav wi'jawaasasi," yi sare sa'na yihihatha a'mwe dazarinaj i simunyai padaihirakyarina' sarimi tika sare' manipina! ²⁹ Nimi yune gimire simunyai padaihirakyarina majivanige. Aawa. A'mwe sahwai gitthazai yi dazarerina divanige. Sare' darevinyi. Kiraazitiyareinyi yuya yiniga wi'na niwineinyi kiri' a'mwe pware simunyari kayaaka nyigaimudikaji sagaa' maninna! Sare'na nimir diraginyabwi yiwiya' pware simunyai maranyawibwaraja' tewaanya beri'na maarideinyaka! ³⁰ Yi nimi Gotiyar "Su! Su!" wida'muji niwne' tewaanyasi. Kiri' "Su! Su!" wida'ni ja daza'na pware biraiyagaala nyidipi'de' tewaanya' beri'nanaka!

³¹ Sarevidaa'nyi sarimi tika wapaaya nadaapiji dingaka? Aalyaj i nadaapiji dingaka? Nabaai pin i yadaapiji dingaka? Yi Gotiyarine yaya' munyaba makilya'ne'na yuya sa jila! Sarimi piri' kiri' yipi'na Gotiyarine yaya' munyaba makilaja' gave' sara jila! ³² Yi Juyaraavinaj i Girikiyaraavinaj i Gotiyare kusilaanyaviyaraavinaj i kave jila! Sahwara kayaa'nanyabur walarya'nebwi kininnakeihi nyima'nipidika! Sahwara kayaa'nanyabwi yawiryaa'neraav numwaaihpidika! Sahwara Gotiyarerera yima'nya'neraavina sarimi sasarebwi nyipidika! ³³ Nimi kwainyi a'mwe yuyara yiniga wi'na yuya sabwina tewaanya wi'nu'nade yuya sara yadinyainyi. Yune nimi sainyina gaimwannya'ne yadinyainyi mi!. Aawa. Nimi "Gotiyai a'mwe kwalaalyaraav padaihasamaarana!" dad i sahwaraavina gaimwagya'ne yadinyainyi.

11

¹ Nimi kwainyi Kiraazitiyari yawirangadi ke'ba'nanya sahwari wimididinyainy. Sasarebaaib! niminyi nyawirangadiv! ke'ba'nanya sahwainy dinya midinyila!

Gotiyari yilaayagaa' a'mwe kawaaka yitnadivisa'nesi.

² Sarimi yuyagaa' niminyina yawi'div! yuya yagaala daza maa'di yihizaavadinyabaabib! naya ldmwaga'divisa'na yi nimi diwa. Sarimi tewaanya nebulya'nanyabwi yadivsaihili. ³ Nabaai sare kir! "Sarimi yagaala datha' yawipi!" simunyavi yawi'manige. A'mwe gazaizare minyaginya sai yi Kiraazitiyaly. Yi a'mwevire minyaginya yi gannya a'mwelyi. Yi Kiraazitiyare minyaginya yi Gotiyaly. ⁴ Nabaai a'mwe gazaizai gannya minyaginya bwakinaroji pigaa' Gotiyari yagaala widazai, yi pigaa' Gotiyarie yagaalya' wi'navijwaakajai, a'mwe dazai gannya minyaginya wagila wijaawa!. Aaya kaavilya' daresi. Sara yajai gamire minyaginya Kiraazitiyari bwakakaja'na pwar kwaakewi mwaaladely. Kiraazitiyari kwaakewi mwaaladei mi!. ⁵ Nabaai a'mwe gazasa' gannya minyaginya mabwakaki yaja' pigaa' Gotiyari yagaala widaza!, yi pigaa' Gotiyari wi'navijwaakaja!, sa' kirisi gannya minyaginya (gannya kwalaangerina) wagila wijaawa!. Sare' dareviny. A'mwe sare' a'mwe kayaa'nanyavina wagila wijaaya'ne'na mijata yuya davakwikwiryadivtabaaib! avaaina yiwa!. ⁶ Sare' dareviny. A'mwe' Gotiyari widatthehaa' gannya minyaginya mabwakakya yaja' yi nabaai savi gamire mijasa' tu'na dawasi'niipi! Kir! a'mwevire mijasa' tu'na dawasi'nya piri' davakwikwiry kiri' yipi'na wagila nuvwa'nadi'de'na yi sa' gannya minyaginya bwakinarana! ⁷ Sare' dareviny. Yi a'mwei gannya minyaginya mabwakakanna! Sarei Gotiyare ke'ba'nanya nawi'nyimaraangely. Gotiyare byaanna diragiya' yijiwaainadely. Sare kir! a'mwe' a'mwere byaanna diragiya' yijiwaainadesi. Sare' a'mwe' gannya minyaginya bwakakana! ⁸ Sare' dareviny. Gotiyai a'mweri a'mwevire kilaakejikidaa'nyi myavikarya!. Aawa. A'mwevire a'mwere kilaakejikidaa'nyi yavikaryaakesi. ⁹ Nabaai sare' dareviny. Gotiyai a'mwevina yawiraka yavikaryaakai mi!. Aawa. A'mwerina "Sahvari wigaimwagatheva!" daka yavikaryaakesi. ¹⁰ Sarevi ejeliyara tinna wanganya'ne' a'mwevire minyaginya diragiya' kininnake' mwaalana! Sa' a'mweri dalaangewi mwaalikesi. ¹¹ Sare kir! Naangeri wilamwaaihovi a'mwenna mwaaidiv! a'mweraavine maaya mi!. Yi a'mwerana mwaaidiv! a'mwengine maayara mi!. ¹² Sare' darevidaa'nyiny. Gotiyai a'mwev a'mwere kilaakejis yavikaryaakabaaib! Gotiyai sara dakakevinna dahaa' a'mwevire kilaakejik a'mweri maa'desi. Yi Gotiyai sai a'mweraj! a'mwej! piniji sa yuyangi aaya kaavilyaly. ¹³ Sarimi sahi yagaala daza' naya dmaryawibwaryila! Yi yilaayagaa' a'mwe' gannya minyaginya mabwakaki yoj Gotiyari widaza!, yi sa' nawi'nyabwi daaka! ¹⁴ Nabaai nemi Kwaaka davakine a'mweinaavire sabwi yi sarimi nyi dara yihibwaridaakuvani! "Nabaai a'mwei mijata saamnyas! yida'nanyai daaka! Wagila wivwa'mankei midaaka!" ¹⁵ Nabaai a'mwe' mijata saamnyas! yi mijata daza' gannya byaanna diragiya' midaaka! Gotiyai gamire minyaginya bwakinarya'ne' mijata saamnaange' naya wijaavakesi. ¹⁶ A'mwe pwai kwai a'mwe mabwakinarya'ne sahiri'na "Gavamarasi'nyiyagaala dima!" dazai, yi nimi dara widideiny. Gotiyari yilaaya yaadehaa! nemi sasare sabwi kuneine. Nabaai Gotiyare kusilaanyangiyaraji sasare sabwi kunerera.

Naangei balakevine yawisa'ne aalya, wapaaya nadivisa'nesi.

¹⁷ Sinnawi yihithiwa. Tewaanya nebulya'nanyabwi yadivsaihili. Sarimi nyine yaya' munyaba yihimakimwa. Kir! dare'na sara myihizivanige. Sarimire yi'bwa'nawi'nya savina tewaanya kwalaalya mima'nyadengi. Aawa. Kayaananya

kwalaalya yima'nadengi. ¹⁸ Sare! darevinyi. Aayagaa' nimi savidaasi da'mujiyainyi. Sarimi Naangere kusilaanyaviyaihi yirakuramwaaaidivti yaasiwa' milikasamarya yadivisaihilyi. Nimi yagaala daza' sara wi'nivanige. Sara wi'nena yagaala dazavina maalit'na limwamwa. ¹⁹ Sare! darevinyi. Gotiyai "Sariminyidaa'nya pwaraav ni mi yawiрадахилакыра ку'мааябаннын yima'naabipika!" kadozi sarimire tinnyari sahwara tewaanyara mwaaiibide'nanyi. ²⁰ Sarevdaa'nyi sarimi yuyaihi Naangeri yilaaya'na avaalyaba yi'bwa'nemwaaidivsagaa' Naangere wapaaya dinyaide'ne wapaaya mi!. ²¹ Sare! darevinyi. Sarimi yuyaihir gazaizai yime'nya'bii yada yi gannya wapaaya maa'da ti'ka nadelyi. Sara yadivti mye'mwannanyadivti pwai mi'ji'na mwaaidaasi yi pwai wapaayaj aalya waainya nyina yada yimaka widelyi. ²² Gatha'darevinaka! Yi' sarimi wapaaya aalya nya'ne ange kuneihi dingaka! Sarimi dara dahayawi'maniga!! "Gotiyare kusilaanya sa' yaasiwa'nanyasira." Yadivti neya'mwe pwara wapaaya maayaraavina sarimi wagila wijaavanigasaihi daaka! Sa'na nimi yagaalya' gara yihithijiwana! Nimi' sariminne yaya' munyabanna yihimakilijihywa! Aawa! Yuya dazanna yadivisa'na sariminne yaya' makilideinyi mi!. Sariminyi yihizidavideinyi.

²³ Sare! darevdaa'nyi. Ni'mi Naangeri yagaala da' maarena sariminyi mena yihzaave. Yagaala daza' yi' daresi. Yi sawisav Juthaazai Jizaazar yikamaangeraavire asiri marimwangakegaa' yi' dazagaa' Naanga Jizaazai biretiya' maaraka ²⁴ Gotiyari, suya widakekaa' gunyina yaka dara wida! "Datha' yi' sariminyineba nimire kilaakejikira. Ni'minyina yawiryaa'nehi kuna sara jidevulyi." ²⁵ Aya sahibaaibinna kumi tivi'na nevegaa' yi' sai kaapiyai maarina yaka wida! "Kaapiya dathai yi' ninnya tawe' yagaala yihlimwagarika mudikesi. Gazagaasagaa' sarimi sahwariya' dinyaidehaa' ni'minyina yawiryaa'nehi nayaasara jidevulyi." ²⁶ Sare! darevinyi. Gazagaasagaa' ni'pijaha' sarimi biretiya daza' nadivti yi' kaapiya dazariji nadivti yi' dazagaasagaa' Naangei mena balake'na wibwaridaakwadivsaihilyi. Sarimi sana sana yiwi'na yapiji yune gami bya'negaa'nanyi.

²⁷ Sarevi yi' nabaai a'mwe simunya' nayaas myawiryojiyai Naangere biretiya daza' yaasiwa' ti'ka maranajai Naangere kaapiya dazariji yaasiwa' maranya yajai sai sa' dara yadelyi. Naangere kilaakejikinajt tawejikinajt kayaa'na yadelyi. Sara yaja dazavina yi' gami yi'wetawakya kininnakelyi. ²⁸ A'mwei gannya simunyav nayaas yawiramaarana! Tewaanya yavada'galayawiroji biretiya daza' sai yiniga wi'na nana! Yoj kaapiyariji wi'na nyina yana! ²⁹ Sare! darevinyi. Naangere kilaakejiti'na nayaas mamaryawibwari yaja'na, "Sa' naangaangesira," myawiri yaja'na sai wapaayasi aalyasi ti'ka yaasiwa'na nyina yada sarei yi'wetawakya' maaradelyi. Yi' sahwari jidavadelyi. ³⁰ Sarevi sariminyi a'mwe kwalaalyara wirita mwaaidivti nalaaya kininnakere. Nabaai pwara baryavi se mena wakasare. ³¹ Ti'ka manyagaa' nemire simunyav nayaas maryawibwaraaja' yi' yi'wetawakya sa' neyima'nade' mi!. Nejidavade' mi!. ³² Yi' Naangei nemire sabwi maryawibwa'da yi' kayaa'nanya' nerivikiraja' yi' daza' sai neminyi marayida'mata neyivanikelyi. Sara neyaja sa' "A'mwe Kwaakevakiyabulyiyaraaviji maneye'mwannajidaya'nei nye'mwannajidavadika!" dozi sara neyavada'galadelyira.

³³ Ni'mire nya'mweihi, sarevi yi' sarimi "Ti'ka naajit," yi'bwa'nemwaalapiji yuya pwaraavina nayaas pizi'gwa jemwaalyila! ³⁴ Nabaai pwari mijika wiyaja' sai gannya angevi nadelyi. "Neminyi nanemaryawibwaradika!" dapiji' sarinnya yi'bwa'nemwaalyagaa' nayaas sara jila!

Yagaala pimaginya kuna warikenna dividaa'nyi sariminyawinna bi'mava'mujit yi' ni'mi yi'da'mawakideinyi.

12

Kurya Tewaanyare s̄ihumale dala p̄in̄inna p̄in̄innanyannes.

¹ Nya'mweihi, nyida'mwa'daasa'na Kurya Tewaanyai yanga nejaavade sanna sarimti navika ya'na simunyavi nimti "Aala!" diwa. ² Sarimti mena dara yawi'maniga'. Sinnawi sarimti ajimya yuyangiyaihi mu'nyadivisaihi kuna mwaaleva yi dazagaa' Saataani kwaasigotiyaraayawinna yagaala majadivisaraayawinna yihimwagi'namakwawakeihili. Sara yihyadaa'nyi sarimti likadike' galarilavimwaaikhinkeihi midinna yesaihili. ³ Sarevi nimti sariminyina simunya' dara yihizaavanige. Aane pwai kwai Gotiyare Kuryai wlamwaaidei yagaala widadei dara dannei mi! "Jizaazar Dikevi Gotiyai wimarasinya'nelyira." Nabaai a'mwe aane pwai kwai dara maji yannelyira "Jizaazai Naangei." Aawa. Kurya Tewaanyari wlamwaalajai yi sai sara dannelyira.

⁴ Kurya Tewaanyare s̄ihumale dala p̄in̄inna p̄in̄innanya jaapainya'ne warikengi. Sare kiri' s̄ihumale sa yanga nejaavadei Kurya gave pwainanyalyira. ⁵ Yi widaaya dala p̄in̄inna p̄in̄innanya jaapainya'ne warikengi. Naangei gave pwainanyari yuya sa widayadaanyalyi. ⁶ Wawinya ya'ne diraginya dala p̄in̄inna p̄in̄innanya jaapainya'ne warikengi. Sare kiri' Gotiyai gave pwainanyai a'mwe yuyaraavinya diraginya sa wijaavadelyi. Yi sahwai yuya saraav'i yuya wawinya sa yiniga wi'na yannelyira. ⁷ Yuyaraav'i gaimwagya'ne'na Gotiyai gazarizar Kuryare diraginya' marima'naabadeleyi. Yange wijaavake ku'maayabanna yibwaridaakkwadelyi. ⁸ Sare' darevinyi. A'mwe kwarina Kurya Tewaanyai a'mweraavina simunya tewaanyabwi yibwaridaakkwia'ne diraginya' wijaavadelyi. Nabaai a'mwe kwarina Kurya gave pwainanya dazai yagaala wijiwaakya'ne diraginya' Gotiyare sabwina a'mwera nayaa yawramaapi'de'na sa' wijaavadelyi. ⁹ Nabaai Kurya gave pwainanya dazar a'mwe kwai diraginya limwangebwia maaradelyi. Yi sahwai "Sasare' ya Gotiyare diraginyav'i yaanneinera," dada sara yadelyi. Nabaai gave pwainanya Kurya dazar a'mwe kwai nalaavinakeraav'i nawi'nya yavada'galya'ne diraginya s̄ihumale maa radelyi. ¹⁰ A'mwe kwarina diraginyangi wawinya ya'ne wijaavina. A'mwe kwarina Gotiyari wi'nawijwaakya'ne diraginya' yanga wijaavina. Gotiyare Kuryai yagaala wijaaya nedadivisaraaviji yimakera yagaala wijaaya nedadivisaraaviji siduta maryawibwaranganya'ne' a'mwe kwarina wijaavina. Yagaala ge gengi aaya kaavilya myawiryade marija'ne' a'mwe kwarina wijaavina. Yagaala ge gengi aaya kaavilya myawiryade marija'ne' a'mwe kwarina wijaavina. ¹¹ Yune Kurya gave pwainanya dazai s̄ihumale yuya daza marima'naabya'nei yadelyi. Yune gannya simunyavinya mididehaa' yanga piri' a'mwe pwarina yi yanga piri' a'mwe pwarina sana sana maryawibwa'devaaiib'i jaapaaidelyi.

Nemiyuyaina kilaaka gave piyi'nanyajikiyainaavinesi.

¹² Gotiyare Kuryai diraginya yanga nejaavade sare' darevinyi. Kilaakejikine ke'ba'nanya' daresi. Kilaaka saji' gave piyi'nanyaj'i yaka kiri' a'mwe pwar kwalaalya warikejiki. Yi kwalaalya warika kiri' sa yuya kilaaka gave piyi'na warikejiki. Sasarebaabi' Kiraazit'iayi kwai kilaaka gave piyi'nanyai kwai kwalaalya kininnakei mwaalikelyi. ¹³ Sare' darevinyi. Kurya gave pwainanyai bavitaaziya' neyakevidaa'nyi kilaaka saji'na gave piyi'na yima'noinera. Yi Juya pwara Girikiya kwara, yi yaasiwa'wawinya pwara kumire wawinya maremwaaaidivita kwara, yi nemt geina geina kilaaka gave piyi'na yima'noinera. Nabaai Kurya gave pwainanyari aalyabisari yuna nya'neinaavina sahvari nejaavakeinera.

¹⁴ Sare' darevinyi. Kilaakej'i saji' gave pimaginya'nanyaj'i mi!. Aawa. Kwalaalyimagi'nya kininnakejikira. ¹⁵ Yi sivilya' dara daza! "Nimi' ata'nyi mi!. Sarevi yi nimti kilaakejikya pimaginya'nyi mi!," yi sarevina daza' kiri' sa' kilaaka

pimaginya' kuna waradesi. Yagaala sare' daza'na mi!. ¹⁶ Nabaai kadiki' dara daza' "Nimi tinnainyi mi!. Sarevidaasi nimi kilaakejikya pimagineyainyi mi!," yi sarevina daza' kiri' si' kilaaka pimagineyi' kuna waradiki. Yagaala sarevina mi!. ¹⁷ Kilaaka yuyaji' saji' yune tinnayainayai waraji' kwaji' kadika gatha'dara ku'nadikejikaka! Kilaaka yuyaji' yune kadiki'na yima'naj' kwaji' tirinyavi gatha'dara kwinnadikejikaka! ¹⁸ Kilaakejii' sasareji' mi!. Aawa. Gotiyai simunyavi sara yawirakabaaib' kilaakejikti pimagineya gazarizarit nayaa wakaka yuya kumi sangi kumirebanna wakakejiki. ¹⁹ Nabaai kilaaka yuyaji' yuyimagine avaala pimagineya' yima'naj' kwaji' yi kilaaka nebulyaji' gawi warikejikaka! ²⁰ Kiri' sasare' mi!. Aawa. Kilaaka pimagineya kwalaalya kininnakejiki. Sara yaka kiri' kilaaka gave piyi'nyajiki. ²¹ Nabaai tinnayai asiri yiniga wi'na widdannei mi! "Yi gimi mwarija' gaveinyi warideinyi wikira." Nabaai mnyagineya kiri' sivilyavi widdanne' mi! "Gimi mwarija' nimi gave'nyi waride'nyi wikira." ²² Aawa. Kilaaka pimagineyanna nemi yawi'daanya "Kumi diraginya mi!," daza mwaryadori yi kilaakejii' nawi'nya waradezi' mi!. Aawa nebulyasi. ²³ Yi nemire kilaaka pimagineya nemi yawi'daanya "Kumi waryaanyangi. Maalikengi," nemi yiwaala naanga nayaa baazi'ma'nadaanyi. Nabaai kilaaka pimagineya "Nawi'nya mi!. Sangina majadaanyangi," wagila mamaarya'neina nemi yuyagaa' yulyakadaa nawi'nya maremwaidaanyaine. ²⁴ Nemire kilaaka pimagineya nawi'nyangina sarebwina mugainyadengi sara myadaanyangi. Aawa. Gotiyai yuya kilaakejii' ye'mwagakya yakelyi. Yi kilaaka pimagineya' yi savine yaya' kwaakebanna warike' yi savine yaya' munyaba naanga makidelyi. ²⁵ Sara yade sa' yi kilaakejii' pimagi pimagi najaapainadi'de'nanyi. Aawa. Yuya kilaaka pimagineya yuya kilaaka pimagineyangine'na avaaina nayaa maremwaibaiza sara yipi'de'nanyi. ²⁶ Nabaai kilaaka pimagineya' daanga wi'vnaja' kilaaka yuyaji' daanga yunewinna bavinigulina yadezikti. Nabaai kilaaka pimagineyavine yaya' munyaba makilaja' kilaaka yuya pimagineya sa yilaaya ye'mwannamaaradezikti.

²⁷ Yi sarimi saihi Kiraazitiyare kilaakejikira. Yi sarimi yuyaihire gazaigizaigamire kilaaka pimagineyajiginyi. Yi yuyaihi pimagineyajiki.

²⁸ Nabaai Gotiyai Kiraazitiyare kusilaanyavi pwaraaviv wakakelyi. Aaya munyabanyara Apozeliyara Naangei Widaasadera, ayawidaasara Gotiyari wi'nadiv'i a'mweraaviv wijiwaakya'nera, dahasaai dahaasara wijiwiryal'nere. Sahwaraaviv dividaasara diraginya ya'nera, ayahi dividaasi nalaavinakeraaviv tewaanya yavada'galya'nera, yi a'mweraaviv gaimwanga ya'nera, yi wawinya dala pininna pininnanyangi maremwaalya'nera, yi yagaala nabinabinya myawiryadiv'i kiri' ja'nera. ²⁹ Gatha'darevaka! Yuyara Apozeliyara daaka! Yuyara Gotiyari wi'navijwaakadivisara daaka! Yuyara wijiwiryadivisara daaka! Yuyara diraginya ya'ne diraginya' kininnakera daaka! ³⁰ Yuyara nalaavinakeraaviv nawi'nya yavada'galya'ne yanga kininnakera daa! Yuyara yagaala myawiryara dadivisara daa! Yuyara yagaala sa yiniga wi'na maridadivisara daa! Aawa. ³¹ Sare kiri' yanga naanga sanna "Diraginna yawiramaraana!" dadiv'i dimwaalyila!

Tewaanya wivu'nadevurinesi.

Yi dhaaa' gave piri'nanyabwi nebulya'nanya nawi'nyaangebwi sinnawinyabwi davwi yhibwaridaakuma!

13

¹ Nimi Gotiyare yagaalya' a'mweraavire yagaala dala pininna pininnanyangiji yi ejeliyaraavire yagaala kinngiji myawiryadivnyangina a'mweraaviv widiwija' kiri' sahwaraaviv tewaanya manyivu'nyaja' yi nimi sareinyi beloya giringidevaibisainyi. Gwarewa' jaka yaasiwa'na yinngodevaib' aaya kaavilya maayainyi waryaanyainyi widdidevaibisainyi. ² Nabaai nimi Gotiyari wi'nadiv'

pwaraavī wījīwaakya'ne yange kīnīnnakeinyī mwaaimuja', yī yuya sīmunya Gotīyare nebulya, yagaala kuku'nya yoimavajalīkurakya sa yawī'muja', yī yuya yawīta pīnī kīnījī kīnīnnakeinyī mwaaimuja', yī nīmī yawī'na "Gotīyai mugunya sa makwannelyī," sara wīja'ne dīragīnaanga līmwanga nebulya'nanya' kīnīnnakeinyī mwaaimuja', sare kīrī' a'mweraavīna tewaanya manyīvu'nyaja' yī sarevī saba sana yaasīwa'nanyainyīra. ³ Yī nabaai nīmī "Nīmīre yaya' munyaba makinīma!" da'mujī nīmīre gīlyīvīta yuya a'mwe gīlyīvī'maayaraavīna yanga mudīna yīwīja', yī nīmī nīmīre kīlaakejī'na "Gotīyare yīkamaangera dīkevī maranyīrapīka!" dīwīja' marīmwangīnyīna yīwīja', sare kīrī' a'mweraavīna tewaanya manyīvu'nyaja' yī sarevī aane pīrī' aane kīrī' yīnīga wi'na nyīgaimwagatheyī mī'.

⁴ A'mwe pwai pwaraavīna wīvu'nadei sai kwaamu'nanyabwi wiadelyī. Yī wīvu'nade sai pwaraavī bwiwanna wīgaimwadelyī. Yī sai pwaraavīrennajī pwaraavīreburanajī tīganaarya myadelyī. Yī wīvu'nade sai gamīnne yaya' makinadei mī'. Yī sai pihadīka yadei mī'. ⁵ Yī sai kayaa'na mi, wagīlyabwina yadei mī'. Yī sai yune gannyanna, gannyabwina sīmunya kwalaalya yawī'dei mī'. Yī sai sīmīlikā yarai widei mī'. Yī sai gamīnyī kayaa'na wiadīvīta sanna ata magīlyada sanna kuna yawī'dei mī'. ⁶ Yī sai pwara kayaa'nanyajī yīwetawakyajī yadīvīsanna yīlaaya yadei mī'. Aawa. Nebulya'nanya yadīvīsanna yīlaaya yadelyī. ⁷ Yī sai gamīnyī yuya kayaa'na wiadīvīta sabwi yarai tīvīkī'dei mī'. Yuyagaa' sai dīragīnna līmwaga'delyī. Yuyagaa' Gotīyarīna "Nyīgaimwagana!" dada kave yemwaaidelyī. Yuya taanginya sangī dīragīnna daa'delyī.

⁸ Gotīyarīnajī pwaraavīnajī wīvu'nya dazabwi yīwawodevwi mī'. Aawa nebulysī. Sabwi kuna waragodevulyī. Yī Gotīyarī wī'nawījīwaakadīvīsabwi Gotīyai kunebwi wakadevulyī. Yī yagaala nabinabinyangī myawīryadīvī' dadīvīsabwi jī'mwannadevulyī. Yī sīmunya tewaanyabwi yawīrama'a'dīvīsabwi Gotīyai kunebwi wakadevulyī. ⁹ Sare' darevīnyī. Daha'a' nemī pīmīlī'na maali'na yawīrangamanīgo. Nabaai Gotīyarīna pīmīlī'na maali'na wī'nawījīwaakīvanīgo. ¹⁰ Sare' kīrī' dīvidaa'nyī yīnīga wi'nanyabwi yīma'naabathehaa' yī dazagaa' Gotīyai yuya pīmīlī'na maali'nya kune wakadelyī. ¹¹ Sīnnawī nīmī kaimīraaya maalīkeinyī kuna mwaalena yī dazagaa' kaimīraayai dadevaabī'na yagaalya' daheinyī. Nīmī kaimīraayai yībwakīdevaaibī'na sara yībwakīneinyī. Nīmī kaimīraayai sīmunya' yawī'devaabī'na sara yawīreinyī. Yī nabaai a'mwe naanga mena yīma'nena kaimīraayamīlīkaavīre sabwi mena yagalya'maveinyī. Yī sabwi kunebwi wakeinyī. ¹² Sare' darevīnyī. Daha'a' Gotīyarebura nayaay myawīranganyīvanīgo. Yī sīnīmwavananya kayaa'nanyavī nemīre sīnnyī' kayaa'na yennadaanyabaaibī' nayaay myawīranganyadaanyī. Dīvidaa'nyī aayagaa' yī nemī Gotīyare sīnnyīkī nebulya'nawaanganaadēhaa' Gotīyarebura nebwina yawīranganaadelyī. Daha'a' nīmī pīmīlī'na maali'na yawī'manīge. Dīvi gamī nīmīnyī nebulya'nawaanganaakabaaibī' nīmī nebulya'nawaanganaideinyī. ¹³ Daha'a' dīvi dīragīnna līmwagasabulyī, Gotīyarīna yemwaalyabulyī Gotīyarīnajī pwaraavīnajī wīvu'nyabulyī dawaai data daza yuyagaa' waragothengī. Nabaai dawaai data sangīya wana naangebwinanyabwi sa' yī Gotīyarīnajī pwaraavīnajī nevu'nadevulyī.

14

Kurya Tewaanyare yangewaarinesi.

¹ Pwaraavīna tewaanya yīhīvu'nyabwi yuyagaa' kuna dīragīnna dīmīdīnyīla! Nabaai sarīmī Kurya Tewaanyare sīhumalenna maarya'na "Dīragīnna yawīramaraana!" dadīvī' dīmwaalyīla! Nabaai sare kīrī' yanga naange' "Gotīyarī wī'nawaaaji pwaraavī wījīwaakya'neina yīma'naana!" dīragīnna dadīvī' dīmwaalyīla! ² Sare' darevīnyī. A'mwe yagaala nabinabinyavī sīhumale'

kintinnakei dadei sai a'mweraavi yagaalya' mujadelyi. Aawa. Sai yune Gotiyarina widivani'. Sare' darevinyi. Yagaala dazav i a'mwe aane pwai aane kwai mu'namaaryadivisasi. Gamire kuryari nebulya'nanya kuku'nya yulyakaja dadelyi.

³ Kiri' a'mwe Gotiyari wi'nawij iwaakadei sai a'mweraavi widadelyi. Yi a'mwe dazare yagaalya' sa' diraginya pada'galay i vaimwadesi. A'mwera tewaanya ya'ne sabwina dihaa'bwa'desi. Kale wiadaa'ny i yaraavij i taanginya wiadaa'ny i yaraavij i wigaimwadesi. ⁴ A'mwe yagaala nabinabinyavi sihumale' kintinnakei gami' sar i diraginya pada'galay i vaimwannadelyi. Kiri' a'mwe Gotiyari wi'nawij i waakadei sai aangyagaala Kiraazit i yare kusilaanya yuyavi diraginya pada'galay i vaimwadelyi.

⁵ Nimi' simunyavi dare'na yawi'manige. Sarimi' yuyaihi yagaala nabinabinya wi ja'neihi jima'nyide' tewaanyasi. Kiri' nabaai diraginna dare'na yawi'manige. Sarimi' yuyaihi "Nemi Gotiyari wi'nawij i wakaana!" dapiji' jima'nyide' nawi'nya tewaanaangesi. "Kiraazit i yare kusilaanyav i yara pada'galay i vaimwangebwi maapika!" dozi a'mwe yagaala nabinabinya dadei yagaala daza maridazai yiniga wi'na yadelyi. Sare kiri' yagaala daza pwaraavine'na mamariji' yajai yi Gotiyari wi'nawij i waakadeibisai yiniga wi'na yadei mi'. Aawa. Gotiyari wi'nawij i waakadei sai gave pwainanaanga nawi'nyaangelyi.

⁶ Nya'mweihi yagaala datha'na nayaajawirila! Nimi' sarimi'nyawinna wiwi jainyi yagaala nabinabinya yihithiwi ja' gatha'darevi yihigaimwagi deinyi! Aawa. Gotiyai nyibwaridaakwade piri', simunya nawi'nya' yawiranganya'ne kiri', Gotiyari wi'nayihiziwaakya piri', yihiziwaakya kiri' yihithiwi ja' nayaajahigaimwagi deinyi.

⁷ Darebaaibisasi. Gaala maaya, gware piri' p iradaza kiri' nabaai sa kini'ji avaala sasarengi. Nabaai a'mwei gware piri' p iradaza kiri' kayaa'na dina yada sa' yagaala yaasiwa'na dina yadengina "Akai, savire yagaalya' nemi kadika nayaajahigaimwagi deinyi."

⁸ Sare' darevinyi. Yi nabaai pwara jaka ge'bii' kayaa'na danganna "Yarala! Mala pinaana!" yipi'ja' kadika wi'noji malya'na maryoviravalimwagata yadei aaihwalaka! ⁹ Sarimi' kwaihili' sasarebaaibisasi. Sarimi' taalisasi yagaala nawi'nya yida'na muji yipi'ja' sarimi're yagaala dazavire aaya kaavilyavi gatha'dara yawirangabi' deraavaka! Aawa. Sare' darevinyi. Sara mi yipi'ja' sarimi're yagaalya' yhusavi saba sana yaasiwa' yiwina yadevaabibisasi. ¹⁰ Nebulyasi. "Kwaakevak i yagaala kwalaalya ge ge dahawarikajinyira." Yagaala aane piri' aane kiri' yaasiwa'nanya' mi'. Yagaala yuya sangina aaya kaavilya' kintinnakengi. ¹¹ Sarevi' daa'nyi a'mwe pwara yagaala aaya kaavilya' nimi' myawiranganyi yiwija' yi sai nimi'nyina dara yawiradelyi "A'mwe maa'maataali' minnyalyira." Yi nabaai nimi' kwainyi yawiri deinyi. A'mwe yagaala diwaka dazai sai maa'maataali' minnyalyira. ¹² Sarevi' sarimi' kwaihili' yagaala pwara nayaajahigaimwagyidevina kyihivu'noji Kurya Tewaanyare sihumale yanga maarya'neihiri nawi'nya yihivu'ni vani'. Yi sareihi "Nawi'nya nebulya'nanya sa naanna yaana!" dapiji' Kiraazit i yare kusilaanyav i yaraav i diraginya diwada'galay i vaimwagyidevina kyihivu'noji Kurya Tewaanyari' sara jitthaanganyila!

¹³ Sarevi' daa'nyi yi a'mwe yagaala nabinabinya' widazai sai "Yagaala sa' maridi ma!" dozi Gotiyari diraginya savina nayaajahigaimwagyidevina! ¹⁴ Sare' darevinyi. Nimi' yagaala nabinabinya' Gotiyari wi diwi ja' yi nimi're kuryai sai Gotiyari widathelyi. Sare kiri' nimi're simunya' sa' kune' yaasiwa' warina yadesi. Pwaraav i wigaimwagya'ne' yima'nade' mi'. ¹⁵ Sarevi' daa'nyi nimi' gara yijiwana? Nimi're kuryalyi Gotiyari wi diwi ma! Nabaai kiri' simunyasi Gotiyari kaavinake' nayaajahigaimwagyidevina! Nimi're kuryalyi Gotiyari daata dima! Nabaai kiri' simunyasi daata kaavinake' nayaajahigaimwagyidevina! ¹⁶ Sarevi' yi'bwa'namwaaidivisagaa' gimi' sara mi yija' yune ginnya kuryalyi kaavimaaya' Gotiyari sua wi diza' a'mwe pwai angwangwei mwaaloji' yagaala daza' myawiranganyi yadei gimi're sua daza'na "Naanga nebulya' sahirisi,"

gatha'darevi dathelaka! Sai yagaala wi'diza daza' myawiranganyi yade'na sa' yiniga wi'na yade' mi'. ¹⁷ Sare' darevinyi. Gimti sua' tewaanna wi'dawaanya' kiri' wi'dawaanyavina a'mwe kware simunya' diraginya mavada'galayivaimwagi yi'waa. ¹⁸ Kwalaalyagaa' yagaala nabinabinyangi dadinyainyi. Pigaa'na pigaa'na sarimi yagaala sangi dadivisaihilyi. Yi sarevi nimti Gotiyai nyigaimwadaa'nyi sahwari sua' wi'diwa. ¹⁹ Sare kiri' dara yawi'manige. Kiraazitiyare kusilaanyavi "A'mwe kwaraavi wi'jwrima!" da'mujt yagaala simunyavinvana ata pwinanya dide'na "Yo," diwa. Yagaala nabinabinyaviva kwala naanga naanga (10,000) dide'na "Aala!" diwa.

²⁰ Nya'mweihi, yagaala nabinabinya dadivisavina sarimi sarinnya simunyangi kaimiraayamili'kabi' kuna mamwaaibina! Aawa. Kayaa'nanyaburina yadivisa'na sarimi bwaranyamili'kabi' nayaadimwaalyila! Sare kiri' sarimire simunyangina a'mwe naangerabi' yuneihi nayaajima'nyila! ²¹ Gotiyare bukuyavi, Kiwinyavi, dara jida'nikesi.

Naangei dara divani'

"A'mwe yagaala pinjijyaraavire maangevidaasi
Menyaraavire maangevidaasi nimti wi'dideinyi.

Davanya datharaavi nimti wi'dideinyi.

Sarevi kiri' sahwara nyimidi'bidera mi'."

²² Sarevi'ada'nyi yagaala nabinabinya ja sabwi yiniga wi'na yijiwaainya daza' Gotiyari diraginna limwadivisaraavina mi'. Aawa. A'mwe diraginna malimwagyadivisaraavine yakesi. Kiri' Gotiyari wti'napijt pwaraavi wi'jijiwaakya sabwi yiniga wi'na yijiwaainya daza' Gotiyari malimwagyadivisaraavina yaka' mi'. Aawa. Sa' yune limwadivisaraavine yakesi. ²³ Sarevi'ada'nyi Kiraazitiyare kusilaanyaviva yuyaihi yikabina yapijti yiraku'nemwaaibiza' yi yuyaihi yagaala nabinabinyangi dipija' a'mwera angwangwe pwara malimwagyadivita kwara wi'laabipijara kadika yihu'nipi'ja' dara dipide' midaaka! Sarimi yimakyagaala divanigava! ²⁴ Kiri' sarimi yuyaihi Gotiyari wti'navijjiwaakipija' a'mwe malimwagyade pwai angwangwe kwai kusawinna kulaabozu yuyaihire yagaalya a'mwe dazare simunyavi wi'loji yi yuyaihire yagaalya sari' kotiya maryadaa'nyi sahwai gannya kayaa'nanyanna yawiradelyi. ²⁵ Sahware simunyavi yuya lika yulyarike yi ku'maayabanna yima'naabathe sarimire yagaalya!. Yi nabaai sarevi sai gannya sinnyiki' kwadaai giloji yi Gotiyarine yaya' munyaba makiladelyi. Yi dara jalikurakadelyi "Naanga nebulyasi. Gotiyai sariminyi tinnyaba mwaalika!"

Yuyabwi Kiraazitiyare kusilaanyavi nayaayida'na yima'nade'nesi.

²⁶ Sarevi'ada'nyi, nya'mweihi, nayaagara jijiwaava? Sarimi yibwa'namwaaidivisagaal gazaigizaigi ya'ne piri' kininnakeiginyi. Pwai yiledaata kininnakelyi. Yi pwai yihiziwirya'ne yagaalya' kininnakelyi. Yi pwai Gotiyari wti'noji yagaalya' yihiziwaakya'ne' kininnakelyi. Yi pwai yagaala nabinabinya' kininnakelyi. Yi pwai yagaala dazavi marija'ne' kininnakelyi. Sarimi yuya sa kusilaanyaviyaraavvi pada'galayivaimwagya'neihi nayaasara jila! ²⁷ A'mwe pwai kwai "Yagaala nabinabinya' myawiryadinya' dijt," yi "A'mwe pwaraai daakaji," "A'mwe pwaraai pwai daakaji," sara yiniga wi'na dipidere. Sa' wi'nanyi. Pwaraji aawa. Yi yuyara yagaala ye'mwannadilaawia mipina! Pwai yagaalya' mena tivi'na kadozi yi pwai dividaasi dathelyi. Nabaai yuyagaa' a'mwe pwai yagaalya' nayaamridana! ²⁸ Yi nabaai a'mwe yagaala marija'nei maayawi, yi a'mwe yagaala nabinabinya' dadei sai gannya maangi' nayaabipalemwaaaina yojti Kiraazitiyare kusilaanyavi kave mwaalana! Sai gavei yagaalya' yune Gotiyalyina ye'mwannadathelyi. ²⁹ Gotiyari wti'navijjiwaakyara, yi pwaraaina daraai dinanya kwara widipika! Yi wti'navijjiwaakya pwara yagaala sa' maryawibwapika! ³⁰ Yi nabaai pwai mwaalina yadori yi Gotiyai sari' yagaala piri' wibwaridaakkaja' yi

a'mwei aayagaa' daavojit yagaala gamidaasi dathei, sai gamire yagaalya' yarai jit'mwannana! ³¹ Sare' darevinyi. "Yi nemire a'mwe yuyara simunya' nayaa yawiramaapika! Yuyara kumire kuryaraavine diraginya' maapika!" dapiti sarimi yuyaihi Gotiyari wit'napiji yagaala sa' pwaigidaasi pwaigidaasi yiniga wi'na wijiwaakipineihili. ³² A'mwe Gotiyari wit'nawijawaakadivisaraavire yanga sihumale sanna sahwara maremwaaainadivisare. Pigaa' dina, pigaa' jit'mwannyina yadivisare. ³³ Sare' darevinyi. Gotiyai gavamarasi'nyiyagaala, maihuri'nyiyagaala kininnakei mi!. Aawa. Sai kwaamu'nanyabwi kininnakelyi. Sare'na yawi'daa nemire yi'bwa'namwaidaanyanna nayaa maremwainaade'nanyi.

Yuyaba Gotiyare tewaanyara Kiraazitiyare kusilaanya yuyangi yadivtabaaibit ³⁴ kusilaanyangit a'mwe yagaalya' madipina! Sare' darevinyi. Sahini maange bipalemwaaina yipi! Yagaala madipina! Aawa. Gotiyare kiwinyavi dinikabaaibit sahini dalaangewi nayaa mwaabika! ³⁵ Nabaai sahini yagaala wit'nadivt "Yagaala savire aaya kaavilya' yawiranganaana!" dipija! yi dividaan'yit kunnya angengit kunnya kwalaangeraavt yidaangabika! Sare' darevinyi. Kusilaanya savi yagaala daza' nawi'nya yida'nanyabwi mi!. Wagila kininnakebuliyi. ³⁶ Gatha'darevaka! Gotiyare yagaalya' sariminyawidaa'nyi yima'nake! daa! Sarimi gaveihiryawi yi'mavake! daa! "A'mwe pwaraayawi aawa," sara dimanigasaihi daa! Yida'nanyabwi mamidinyi be'na yivaniga!!

³⁷ A'mwe pwai gami sarina "Nimi Gotiyari wit'nawijawaakadivainyit." Sai "Kurya Tewaanyare yanga sihumale' kininnakeinyi." Yi sai yawirajai nayaa dara yawiramaarana! "Yilaaya yadaanyabwi neminyina Poli yida'mwake! yi sabwi Naangere kiwinyasi." ³⁸ Yi nabaai a'mwe pwai kwai sasara mibwakinti yajai, yi sarina "Gotiyari wit'nawijawaakadelyi," nemi yibwakinaadei mi!. Sarikadika mu'naanna! ³⁹ Nimirre nya'mweihi, sarevi "Gotiyari wit'nawaaji pwaraavt wijiwakaana!" diraginna dadivt dimwaalyila! Nabaai yagaala nabinabinyangit ja sabwina kimaakiya madakipina! ⁴⁰ Yi yi'bwa'nawi'nadivisagaa' nayaa yida'na jila! Pirit' mena yapi pirit' jila! Sarevi Gotiyari yilaaya nawi'nyaanga nebulya'nanya' yima'nana!

15

Kiraazitiyai mena balaka ayina dikaavake'nesi.

¹ Nya'mweihi, yagaala tewaanya' yihiziwaake' sarimire simunya ayina maradihaa'bwata yihima! Yagaala tewaanya sa' sarimi mena maaresasi. Yi dazavt diraginna daadivisasi. ² Yi yagaala tewaanya dazahirivina Gotiyai sariminyi yihivadaihasamaa'desi. Yi yagaala yihiziwaake' sarimi yaasiwa' limwagapija' yi sarimire simunyavt diraginna kuna mwakyipija' myihivadaihasamaari yadesi. Aawa. Kiri' yaasiwa' malimwagari yipija' simunyavt diraginna kuna wakipija' yihivadaihasamaa'desi.

³ Sare' darevinyi. Yagaala aaya mudi'nanya' nimiri sariminyi yihimari'mwange', yi sinnawi yagaala daza' maarageva. Yi yagaala diraginya sa' daresi. Gotiyare bukuyavt dinikevina nemire kayaa'nanyanna marasi'nya'nei Kiraazitiyai balakelyi.

⁴ Yi simaangevit pwara sahwari wilakesalyi. Yi Gotiyare bukuyavt dinikevina yirika darikaai dariki Gotiyai sareri gaalyari yidikaavakelyi. ⁵ Yi sarei dividaasi Pitari yijiwaainnyina ya!. Yi sarei ayahi dividaasi gamire atiraai sivila puridaa'nyi pwaraalyaraavt yijiwaainnyina ya!. ⁶ Nabaai dividaasi gave pigaa' neya'mwe kwalaalyaraavt yijiwaainnyina. Sahwara paaivi aadiretiyaraji pwarajt mwaalesare. Yi neya'mwe dazaraavtya kwalaalya naangera sara kuna mwaaiha!. Mwaaihasara yihithipinere. Kiri' pwara se mena bale!. ⁷ Yi nabaai dividaasi sahwai Jemizarit yijiwaainnyina. Nabaai dividaasi yuya Apozeliyaraavt yijiwaainnyina. ⁸ Yi

wana sahwaraavt dīvidaasi saaminyagaa' bwaranyari ganaange' kayaa'na maarak-abaaibti' sahwai nīmīnyi yījīwaainnyi'na nyakeinyi'. ⁹ Sare' darevīnyi. Apozelīya yuyaraavt daa'nya nīmī wana maalīkeinyi. Yī nīmī Gotīyare kusīlaanyaraavt kayaaka yīgalake'na nīmīnyi'na yīnīga wi'na nyīdīpīneinyi mī' "Sai Apozelīyalyīra." ¹⁰ Sare kīri' Gotīyai yanga gaimwanga nyadevt nīmī mwaaiheinyi yī Apozelīyainyī sareinyīra. Yī gamīre yanga gaimwange' nīmīnyi'ne' yī sa' kune' mī'. Aawa nebulyasi. Sai nyīgaimwadaa'nyi nīmī wawīnya dīraginna mīraagīkīreneinyi. Nabaai Apozelīya pwaraavire wawīnya mena wavīlaveneinyi. Sare kīri' nīmī sainyī myīvanige. Aawa. Gotīyare yanga gaimwange' nīmīji nye'mwannamwaaida sa' sahīrisa' yīvanikesi. ¹¹ Sarevīdaa'nyi nīmī yīhye kwainyī dīngaka? Apozelīya pwara yīhyeta pwara dīngaka? Dazavīna yagaala maayasi. Nemī yuyaina Gotīyare yagaala sahīrisa'na wījīwakadaanyaine. Yī sarīmī yagaala sahīri'na dīraginna sara līmwagaresaihīlyi.

Dīvida'nyi yuya bainīkera ayīna dīkaapi'de'nesi.

¹² Yuyagaa' nemī yagaalya' dara yīhīzīwakadaanyaine. Kīraazītīyarī bainīkeraayaba Gotīyai yīdīkaavake'nanya. Sare'na sarīmīnyi pwara dara gatha'dara yīhīthadīvīka! "A'mwe mena bainīkera, sara ayahi ayīna yīnīga wi'na dīkaapi'devwi mwarika!" ¹³ Nabaai yī nebulya'nanya' warajī kwajī yī a'mwe bainīkera ayīna yīnīga wi'na madīkaayi' yapijī kwajī Gotīyai Kīraazītīyarī ayīna yīdīkaavake' nebulya'nanya' mwari kyadīka! ¹⁴ Nabaai Gotīyai Kīraazītīyarī ayīna midīkaayi' yajī kwajī yī savīdaa'nyi nemī wījīwakadaanya yagaala daza kune saba sananya kwaradīka! Yī sarīmīre Kīraazītīyarī līmwanga sa' kīrisi kune saba sananya kwaradīka! ¹⁵ Yī nabaai sara yajī kwajī yī nemīnyīna dara kabīramaapīdīke! "O, Apozelīyara Gotīyarīna kwaasi jalīkurakadīvītara daaka!" Nemī ku'maayaba dara jalīkurakadaanyaine. Gotīyai Kīraazītīyarī yīdīkaavakelyi. Sare'na Gotīyai a'mwe bainīkeraavt midīkaayi' yade' nebulya'nanya' warajī kwajī yī sai Kīraazītīyai kwarijī midīkaayi' kyadīke'nna nemī kwaasi kyīhīzalīkurakaadīka! ¹⁶ Sare' darevīnyi. "Dīvi sagaa' bainīkeraavt midīkaayi' yadelyīra," daaza' nabaai Kīraazītīyarī midīkaayi' kyadīka! ¹⁷ Nabaai Kīraazītīyarī midīkaayi' yajī kwajī yī sarīmīre dīraginna līmwangebwī waryaanyabwi kyīma'nadīka! Yī sarīmī sarīnnya kayaa'nanyangī kuna kamwaaibīthīka! ¹⁸ Sarevīdaa'nyi a'mwera Kīraazītīyarī dīraginna līmwadīvī' se mena baidīvīsara sara kwarajī kayaaka mena kyīgainīpīdīka! ¹⁹ Yune nemī Kwaaka davakī gaala mwaidaanyagaa' gavegaa' Kīraazītīyarī līmwadaa dahaa'ne sahwarīna yemwalaaji' kwajī dīvi balya'negaa' manegaimwagyī yojī kwajī yī a'mwera nemīnyīna kale naanga wiadeina kamwalaadīka! Yī a'mwe yuya pwaraavīna kale maalīka wia' kwaradīkesi. Nemīnyīna kale naanga naanga wia' kwaradīkesi.

²⁰ Kīri' sasare' mī'. Kīraazītīyai mena balakerī yī Gotīyai ayīna yīdīkaavakelyi. Yī tīka munne yabwarya'negaa' nanyīne tīvi'na wa'da mala wa'devaabitī Kīraazītīyarīne a'mwe se bainīkeraavt sai aaya yībwaradīkaata yakei yuyagaa' mwaaidelyi. ²¹ Sare' darevīnyi. A'mwei, Aataamī, yaakevi balyabwi wakyaa'. Yī a'mwei Jizaazai yakevi a'mwe bainīkera ayīna dīkaaya'nebwi waka!. ²² Yī daresi. Aataamīre yīta savaakīre yuyara sahwara baidīvītabaaibī' Kīraazītīyarī wīlamwaaidīvīta yuyara sahwara gaalyabwi maapī'dere. ²³ Nabaai gazaizai yune gannya sagaa' ayīna dīkaa'na, yī gaalya' maaradelyi. Aaya mudī'nanyai tīka munne mya gaai yadebisai sai Kīraazītīyalyi. Gaalya' mena ayīna maarakelyi. Yī nabaai dīvida'a'nyi sai ayīna walaabathevī nemī yuya Kīraazītīyare saina yī nemī gaalya' maraadeine. ²⁴ Yī dīvida'a'nyi aayagaakīra. Yī maremwaaide gazarīzarīji marahuzī'bwaremwaaide gazarīzarīji dīraginna gazarīzarīji saraavire dīraginya' Kīraazītīyai mari'mwagasī'nojī sai Gotīyarī Nīmwarī gannya maremwaaide'

marimwangadelyi. ²⁵ Sare' darevinyi. Kiraazitiyai kuna maremwaaladelyi. Gotiyai gamire yikamaangeraavi gamire sivilyiraaryaba galawilawakadehaa'na kuna maremwaaladelyi. ²⁶ Gotiyai yuya yikamaanga pwaraav mena marasi'noji yi nabaai yikamaanga aayaangebwi barya kibulyi yasi'nadelyi. ²⁷ Sare' darevinyi. Dara din'i "Gotiyai yuya sahwaryawi kwaakewi marulawakengi." Sara dinika kir'i yi nemi mena yawi'manigo. Gotiyai yuya, yuyara Kiraazitiyari dalaangewi marulawakakei gami sai dalaangewi sahiñiji mye'mwannamwaalyikelyi. Arikewi. ²⁸ Nabaai divi Kiraazitiyari dalaangewi yuya yiniga wi'na marulawakina kyoji yi sagaa! Gotiyare Gawaalivaangei gami sai Gotiyari sahwai yuya marulawakakeri dalaangewi wilawaknadelyi. Yi "Gotiyai yuyangi yiniga wi'na maremwaaidi nebulya'nanyai mwaalana!" dozi dalaangewi sara wilawaknadelyi.

²⁹ Nabaai yagaala yidikaasaburine daza' nebulya'na mi yajj kwajj a'mwe bainikeraavi gaimwagya'ne' a'mwe pwara bavitaaziya' maa'manigasara beri' yip'i'devaka! A'mwe bainikeraavi nebulya'na midikaayi yanne' kwajj sahwara a'mwe baimwa'daasaraavi gaimwagya'ne' bavitaaziya' be'na maa'manigataraavaka! ³⁰ Yi nemi kwainajj gazagaasagaa' a'mwe pwara neminyina "Kayaaka yigalakaana!" dadiv'i yaamiji neyadivisaine. Nabaai a'mwe bainikeraavi ayina midikaayi yanne' kwajj nemi Kiraazitiyari mididaanyaina sara be'na mwaaiho! ³¹ Nya'mweihi, yuya yirikerikaavi nimti taanginya maa'di mena bainikeinyibisainyi. Sariminyine yaya munyaba makimunebaibi' daza' nebulya'na dadinyi. Nebulyasi. Kiraazitiyai Jizazai sai nemtre Naangeri wilamwaaihevi yaya munyaba makila sa' kinnnnakeinyi. ³² Nimti a'mweraavirebwina dide'nanyi. Anga Epazaazi nimti sigyaawaryaraji mala tanneinyi. Yi dazavt nimti tewaanya beni maa'mune'na! Nabaai yi a'mwe bainikeraavi ayahi midikaayi yanne' kwajj pwara dara dipide' tewaanya' beri' kwaradi'kaka! "Baa'nana! Nemti tika wapaaya naana! Aalya naana! Sare' darevinyi. Mwanyagaa' nemi balaadeina dingaka? Nemti yune menanyaina yima'naadeina dingaka?" ³³ Akai, sahwara kwaasi kuna nayithipi'dika! Dara jawirila! "Nemti a'mwe kayaa'nanyaraji ye'mwannayamaryadawaari yi sahwara nemtre tewaanyabwi kayaaka nyigalaki'p'idi'ka!" ³⁴ Sarimi navinavikebwi nayaagalya'ma'na jila! Yapiji yidasabwina jawirila! Sarimi kayaa'nanya' aya kir'i ayawi nyipi'ka! Sare' darevinyi. Sariminyidaa'nya pwara sahwara Gotiyarina wana myawiryadivisare. Sarimi wagila maarya'ne'na yagaala daza'na yihithiwa.

Kilaakeji' ayina dikaavadezikinesi.

³⁵ Kir'i nabaai a'mwe pwai dara yidaanganadelyi "A'mwe bainikeraavi gatha'dara yidikaavaderaavaka? Yi sahwara be kilaakeji' maarapiji ayina yima'naabi'pi'deraavaka?" ³⁶ Ai, navika dara yivaniginyaigi dingaka! Gimti kwaigi siyla' mena buridinya' gamire kilaakeji' mabalyi yaja' yi sa' Gotiyai gaala marakade' mi'. ³⁷ Nabaai gimti buridiza daza' dividaasi kilaake yima'naabathe avaala' mi'. Aawa. Gimti yune wiaina buridinyi. Witizila dinga'? Tika wapaa piningire siyla dinga'? ³⁸ Yi Gotiyai gannya simunyavi mena yawiraka gamire kilaakeji', yi yaginya kiwata saza wijaavadezikira. Yi sai wia gazaizai gamire kilaakeji' giryadezi' wijaavadezikira. Pwari gannya kilaakeji' pwari gannya kilaakeji' wijaavadezikira. ³⁹ Miwitazaza' avaainanya' mi'. Aawa. A'mweraavire gave nabinanyasi. Yi jili'kyawaryaraavire kumire miwitazaza' nabinyangi. Yi yikuriyaawiangire kumire miwitazaza' nabinyangi. Yi yusaraavire kumire nabinanyasi. Yi jawinyaraavire nabinanyasi. ⁴⁰ Nabaai sigunyavi yilarika sa kilaaka kininnakengi. Yi Kwaakevakir warika sa kilaaka kininnakengi. Sare kir'i sigunyavlya byaanna diraginya' ge' war'i. Yi Kwaakevakir byaanna diraginya' ge' war'i. ⁴¹ Yi sigunyavlyangina nyiliyare byaanna diraginya' piri'si. Lawere byaanna diraginya' piri'si. Silingaaminyarikaavire byaanna diraginya' piri'si. Sare'

darevinyi. Siliingaaminya piriikire byaanna diraginya' nabinyasi. Siliingaaminya piriikire byaanna diraginya' nabinyasi. Sana sana yadengira.

⁴² A'mwe bainikeraavire dikaaasabwi sa' avaaina sasaresi. Kilaaka nemi likirakadaanyaj!, saji! sila buridaanyabaaib! bwia bu'deziki. Kilaaka Gotiyai ayina yidikaavadezi!, mudika saji! bwia buradezi! mi!. ⁴³ Kilaaka nemi likirakadaanyaj!, saji! yaya munyaba makilya'neji! mi!. Kilaaka Gotiyai ayina yidikaavadezi!, saji! byaanna diraginya' kininnakejiki. Kilaaka likirakadaanyaj!, saji! wirisajiki. Kilaaka yidikaavadezi!, saji! diraginaange' kininnakejiki.

⁴⁴ Kilaaka likirakadaanyaj!, saji! yi kwaakevnejiki. Aagilaakejiki. Kilaaka yidikaavadezi!, saji! Kuryai maremwaaladeziki. Yi kwaakevakine kilaakeji! a'mweraavirej! waraja! yi Kuryarine kilaaka kiji! waradezikira. ⁴⁵ Sarevi Gotiyare bukuyavi dara din! "A'mwe aaya mudi'nanyai, Aataami, a'mwei Kwaakevakinei yima'naka gaalya' kininnakei." Yi Aataami aaya diviyai a'mweraavire kuryaraavi gaala wijaaya'nei sai kuryai kininnakelyi. ⁴⁶ Kiri! sinnawi kuryare kilaakejiki wilamwaalyaj! gamidaasi yima'naka' mi!. Aawa. Kwaaka dathavakiya kilaakeji! sinnawi gamidaasi yima'nakesi. Yi kuryare kilaakeji! sa' dividaasi yima'nakesi.

⁴⁷ A'mwe aaya mudi'nanyai sai kwaakevakiyalyi. Sar Gotiyai yune kwaakesina yavikaryaakelyi. A'mwe ayawidaa'nyai sai Sigunyaviyalyi. ⁴⁸ A'mwe kwaaka dazavakiya dazaibi! nemi dividaa'nyi yima'nadaa yuya Kwaakevakiya a'mweina avaainanyaine. A'mwe Sigunyaviyaya dazaibi! nemi dividaa'nyi yima'nadaa Kiraazitiyarina a'mwe Sigunyaviyaina yi nemi avaaina yima'naadeine. ⁴⁹ A'mwe Kwaaka dazavakiyeare ke'ba'nanyasiyaina mwaaihobaabi! yi nabaai divi a'mwe Sigunyaviyare ke'ba'nanyasiyaina mwalaadeine.

⁵⁰ Nya'mweihi, nim yagaala yida'nanya' yihithivanige. A'mwe misasisi tawesi kininnakei Gotiyare maremwaalade' yiniga wi'na maarannei mi! Nimware!. Nabaai bwia burya'ne sa' bwia maburyade savi yiniga wi'na maaranne! mi! Nimware!.

⁵¹ Yithaanyi, sare'na Gotiyare nebulya' yoimavajalikurakya' yihiziwaakima! Yi nemi a'mwe yuyaina neina yima'nadaa balaadeina mi!. Nabaai kir! yi nemi gaainakeinaj! bainkeraj! yuyaina, mudikeinaavi Gotiyai nemwaaihadeine. ⁵² Yime'nya'b'i'na, yune tibaaliku'nya piv'a'na yadehaa!, aayagaa'ne gware! jaka dathehaa! sara yadelyi. Sare' darevidaa'nyinyi. Gware! jaka widina kyoji a'mwe mena bainikeraavi bwia maburya'neraavi yidikaa'na yoj! nemi gaainakeinaj! yuyainaavi mudikeinaavi nemwaaihadeine.

⁵³ Sare' darevidaa'nyinyi. Dare Gotiyai dakakesi. Kilaaka bwia bu'de dazaj!, saji! yade nayaa yaraaibwa'noji yuyagaa' bwia maburya'neji! nebaazi'makwadeziki. Kilaaka baide dazaj!, saji! nayaa yade yaraaibwa'noji yuyagaa' gaala mwaalagothezi! nebaazi'makwadeziki. ⁵⁴ Yi kilaaka bwia bu'dez! saji! yade nayaa yaraaibwa'noji yuyagaa'ne bwia maburya'neji! kanebaazi'makwoji yi kilaaka saji! baidezi! nayaa yaraaibwa'noji yuyagaa'ne gaala mwaalagothezi! kanebaazi'makwoji yi sagaa' Gotiyare yagaalya' yunebanna yima'naabathesi. Dara din! "Gotiyai malyavi wavlavaka baryaburi galavilawakakelyi. Yaka yuya yunebanna yi'mwagasi'nakelyi." ⁵⁵ Yagaala piri! dara din!

"Balyabwigi gimirre sike! gava warika!

Balyabwigi gimirre tamakya'ne lisinnyari! gavanaka!"

⁵⁶ Baryabure lisinnyari! sa' kayaa'nanyabwi yadivisasi. (Yi daresi. A'mwera kayaa'nanyabwi yadivisa'na baryabwi naawiinaanyaibisabwi yuna da'devulyi.) Nabaai kayaa'nanyabure diraginya' sa' Gotiyare Kiwinysira. (Yi daresi. Gotiyare Kiwinysa' a'mwera kayaa'nanyabwi yadivisabwi wibwaridaakwada kumirebwina kumiynine yi'wetawakya' diraginna wijalikurakadesi.) ⁵⁷ Sare kiri! nemi Gotiyari "Su! Su!" widaana! Yi sahwai nemire Naangei Jizaazai Kiraazitiyar!

neyavada'galanemwaaihaka neminyine'na baryaburijj̄ kayaa'nanyaburijj̄ galavilawakakelyi. Ȳi sahwai s̄ika sa' yanga nejaavanikelyi.

⁵⁸ N̄innya nya'mweihi, sar̄iminyina tewaanya nȳivu'nadeihi, sarev̄i sar̄imi nayaa d̄raginna d̄ithaayila! Ȳi sangina maal̄i'na ȳibwaaya k̄iri' nȳipidika! Sar̄imi Naanger̄ wawinya naange' yadivisa', sa' Naanger̄ina kune' saba sana ȳiwina yade' m̄i!. Aawa. D̄raginya' waragothesi. Sar̄imi sara yawi'div̄i' yuyagaa' Naangere wawinya sa' naanga naanga d̄raginna nayaa j̄ila!

16

Gotiyare a'mweraavi Jeruzaalemi mwaalyaraavi gaimwanga ya'ne nigwiannesi.

¹ Dahaa' sar̄imi ȳida'mwa'daasav̄ina Gotiyare tewaanyaara Juthiya mwaalyaraavine n̄igwia dazanna wijsaaya'ne d̄imari'bwarakyidev̄ina ȳihithima! N̄imi Galeziya mwaalyaraavire K̄iraazit̄yare kusilaanyanḡ mena w̄idakagevaabi' sar̄imi kwaihiliyi nayaa sasara j̄ila! ² Yuya Saadehasa sar̄imij̄ya gazaizai wik̄ya p̄irikine n̄igwia maa'denna nayaa yawirana! "Gotiyai nayaa nȳigaimwade'na aawawiya nayaa yena n̄igwia naanga maa'mweinyi dingaka!" yawi'da kwaala naanga marajaapaloji gave pība nayaa pada'galakana! Ȳi "Gotiyai nayaa nȳigaimwade'na aawawiya'ne n̄igwia maal̄ka maa'mweinyi dingaka!" ȳi kwaala maal̄ka nayaa pada'galakana! Sarev̄i divi "Pol̄ bi'mavoj̄yagaa' sahwaraav̄ina wijsaaya'ne n̄igwia yarai namari'bwarakaadika!" dap̄iji sara j̄ila! Ȳi sarev̄ina mi'na jide'nanyira. ³ Divi n̄imi kabi'mava'muj̄i ȳi sagaa' sar̄imi saihi a'mwe pwara Anga Jeruzaaleminna sar̄imire yanga daza' makulya'neraavi nayaa d̄ithahilakyideihiliyi. Ȳi n̄imi sahwaraavine paaziya! "Ȳi dahwara n̄igwia makab̄waasara a'mwe tewaanyarerera," d̄inike' wijsaava'muj̄i maryasawijara wīpi'dere. ⁴ Ȳi nabaai n̄imi dara yawi'mujainyi "N̄imi kwainyij̄i wiwineinyi dingaka!" ȳi sahwara n̄imi'ye'mwannigwawaaderera.

Pol̄ "Koridi mwaalyaraavi wanganima!" daka kaanya yamaryake'nesi.

⁵ D̄vidaa'nyi n̄imi kaanya wawa'muj̄i Maazathoniya s̄magidaasi yalotakudehaa' ȳi sar̄iminyawinna bi'mavideinyi. Sare' darevinyi. Ȳi Maazathoniya saba kaanya t̄ivi'na yamarya'muj̄i ⁶ ȳi sar̄imij̄i pīgaa'na ȳihye'mwannamwaalideinyi dingaka? Ȳi sar̄imij̄i kuna mwaaida'muj̄i aalīmavaj̄naake' mena ȳiwawoj̄yagaa'neinyi dingaka? Nabaai d̄vidaa'nyi anga pībanna wīdehaa' ȳi sar̄imi "Nemi tusavine wīmakwawaana!" d̄ipīja' n̄iminyina sara jideihiliyi. ⁷ Sare' darevinyi. N̄imire simunyav̄i daresi. Maal̄kegaa' n̄imi sar̄iminyi yune tusagaa'na wanganya'na "Aala!" diwa. Sare' darevinyi. Naangei avaaina yawiraja' n̄imire simunya' daresi. N̄imi saaminyagaa' sar̄imij̄i ȳihye'mwannamwaalideinyi. ⁸ Nabaai "N̄imi dava anga Epazaazi kuna mwaalideinyi. Ȳi yune Juyaraavire Munne Pedikoziȳa' mena kyoji kaanya wīdeinyi," yawi'manige. ⁹ Sare' darev̄idaa'nyinyi. Gotiyai tuta naange' n̄iminyine' mena baasiwa!. Ȳi n̄imi wawinya ȳiniga wi'na ya'ne' warit!. "Naangerera ȳima'nipika!" dena nabaai dava Naanger̄ine ȳikamaang kwallaalya kwaraji mwaalina yigasa'na wawinya sa' maremwaalideinyi.

¹⁰ D̄vidaa'nyi sar̄iminyawinna Timoti bi'mavajai "Gamire munyij̄i kave mwaalana! Nemireba lika myanna!" dap̄iji tewaanya nayaa duwila! Sare' darevinyi. N̄imi sainyi ȳivanigevaabi' sai Naangere wawinya' yadelyi. ¹¹ Sarev̄idaa'nyi ȳi pwai kwai sar̄ina dara nyawiradi!! "A'mwe mīginyalyi. Yaasiwa'nanyalyi. Sar̄i wanganakima!" Ȳi sahwar̄i nayaa maarapiji "Pol̄myawinna nayaa yagalaawana!" dap̄iji sar̄imi nayaa kwaamu'na yadiv̄i' d̄ividaa'nyi sahwar̄i tusavi d̄makwidelyi. Sare' darevinyi. Sahwar̄ina neya'mwe kwaraav̄inaj̄i yemwaalidelyi.

¹² Neya'mwei Aapolizarina ȳida'mwa'daasa' daresi. N̄imi sahwar̄i yagaala d̄raginna wīdeinyi. Saihwaiḡi nya'mwe pwaraji saraayawinna diwia! Dena k̄iri'

sahwai dahaa' kaanya wiy'a'na "Aala!" diwa'di!. Sai "Dìvi sagaaku' nabaai nayaan-nanyagaa' wangamuneinyi dìngaka!" dozi yì sariminyawinna sai kaanna wi'na yadelyi.

¹³ "Kayaaka nyigainaadika!" dadiv'i' sarimi' mala nayaa yi'wannadiv'i' sarinnya Kiraazitiyari lìmwangevi dìraginna di'thaayila! Sarimi' a'mwe nebulya'nanyaihi nayaa dimwaalyila! Nayaa yi'hivaimwadaa'nyi' dìraginna dimwaalyila! ¹⁴ Gazaza yadiv'i' yì Gotiyarınajı a'mwe kwaraavınajı tewaanya yi'hiyu'nadevi' sara jila!

¹⁵ Nya'mweihi, sarimi' mena dara yawi'maniga!. Sìtepaanazalyi gamire angeviyaratı aayagaa' kumidaasi yuya Gıriza mwaalyaraavi Kiraazitiyareraya yima'nesare. Yevera nabaai kunnya yune simunyangına a'mwe Gotiyare tewaanyaaraavi wi'daaya'nera mwaaihasare. Yì sahwaraavina dìraginna yi'hihi'de'nanyi. ¹⁶ "Dazaraavıji yì a'mwe yuya sahwaraavi gaimwadiv'i' wawinya dazavi mìraagik'i'divisaraavıji' dalaangewi mwalaana!" dapıji' sara jila! ¹⁷ Sìtepaanazalyi Posunaatazalyi Aakaikazalyi sara niminyawinna bi'wa'daasare. Yì daza'na nimı' yilaaya naanga yi'vanige. Davanna yi'bwa'nadiv'saihiri'neba sarimi'ji'ya sahwara bama'mwa'daasa'na yilaaya yi'vanige. ¹⁸ Sare' darevinyi. Sahwara nimire kuryari gaalya'na nyigaimwamanigasare. Yì kigaa' sarimire kurya kwaraavıji' wi'gaimwamwaa!. Sarevidaa'nyi' sarimi' sasareraavi yaya' munyaba makilya'ne' tewaanyasi.

¹⁹ Pirovijı Ezıya mwaalyara Kiraazitiyare kusilaanyangıvara "Neya'mweihi!" yi'hihi'waa!. Aakwilaaejı Pirizilası sayolyi' sayore angevi' kusilaanyavıyarajı Naangerına "Neya'mweihi!" dìraginna yi'hihi'waa!. ²⁰ Davanya neya'mwe yuyara "Neya'mweihi!" yi'hihi'waa!. Gotiyare saburi yuyaihi pwai pwarı pwai pwarı tewaanya'na maangwidaayılaaya dimarinyila!

²¹ Ni'mi Polinyi' pikarya nyidayıvanıkeri' pikariyısarı' maarena ninnya asılıyi' dara yi'da'mwesi. Nya'mweihi! ²² A'mwe pwai Naangerına tewaanya muvu'nyi' yajai Dìkevi Gotiyai wi'marası'nadelyi. Nemire Naangei neminyawinna walaabana! ²³ Naanga Jizaazare kale'na gaimwange' sa' sarimi'ji' yanga yi'hye'mwannamwaalana! ²⁴ Kiraazitiyai Jizaazarı wi'lamwaaihasaihi yuyaihiri'na nyıvu'nadevwi yi'hye'mwannamwaalana!

Poli

2 Koridit

Koridit Mwaalyaraavina Poli Pikkarya Pigasaalya! Yidavakesi.

¹ Koridit Mwaalyaihi, nya'mweihi

Poliñyit Gotiyare s̄imunyavit Kiraazit̄iyai Jizaazai gamiñyineba nyidaasadeinyit nyidahilakakeinyit pikkarya da' yihithawasiwaabe. Niñiji neya'mwei Timotilyit sainaai Gotiyare kusilaanyaviyaihi anga Koridit mwaaihasaihiliyit Pirovijit Giriza yuneba Gotiyare tewaanyara mwaaihasarajit sahirinna yihithiwoi. ² Gotiyai Nenimaangelyit Naanga Jizaazai Kiraazit̄iya kwalyi yanga gaimwange'na tewaanna yihika! Yakilyiyagaa! kwaamu'nanyaburi tewaanna yihimwaaihika!

Gotiyai kugaimwaga' Poli suya widake'nesi.

³ Gotiyari yilaaya nayaa maryana! Sai Gotiyai nemire Naanga Jizaazai Kiraazit̄iyari Ganimaangelyit. Yit sai Niñwai kale'na gaimwanga naange'na aaya kaavilyalyit. Yit sai Gotiyai a'mwe yuyaraavire s̄imunyavit taanginya yuyanna yivaimwadelyit. ⁴ Sahwai yuya taanginya neyima'nadengina nemire s̄imunyavit nayaa neyvaimwadelyit. Sarevidaa'nyit Gotiyai nemire s̄imunyavit neyvaimwadevaibisavit yit nemit sareina a'mweraavire s̄imunyavit taanginya gazasa' kininnakeraavit yiniga wi'na yivaimwagaanneine. ⁵ Neyvaimwade sa' dare'nanyit. Daanga naange' Kiraazit̄iyai maarakesi. Nabaai nemit kwaitainajit ma'daanyasi. Yit daange' yune naanga neyima'nadevaibaibit yit nabaai Kiraazit̄iyari nemire s̄imunyavit yivaimwangebwit yune naanga neyima'nade'nanyit. ⁶ Nabaai nemit taanginya maraaja daza! Gotiyai sariminyine s̄imunyavit yihivaimwagya'nesi sahwai yihivadaihasamaarya'nesi sara yima'nade'nanyit. Yit nabaai Gotiyai nemire s̄imunyavit neyvaimwagaza' yit sa' sarimire s̄imunya kirivijit yivaimwagathesi. Nabaai Gotiyai sarimire s̄imunyangit kave kihyoj it nemit daanga ma'daanyabaaibit sarimi sasare maapija' diraginna daavapijiti nayaa jide'nanyit. ⁷ Nemit dara yawi'manigo. Sarimi daange' nemiti ye'mwannamaa'manigatabaaibit nabaai sarimire s̄imunyavit neminyiji yivaimwangebwi dineye'mwannamaaryideihiliyit. Yit sare'na nemit diraginna dara yemwaidaanyit. Yit sarimi diraginna dithaayideihiliyit.

⁸ Sare' darevinyit. Nya'mweihi, nemire s̄imunyavit dara yawi'manigo. Neminyit Pirovijit Ezhya dazavit neyima'nake' taanginya dazavina sarimi jawiranganyila! Taanginya naanga sa' nemarulawakakesi. Yada yit nemire diraginyavit nebulya'na wavyilava!. Sarevidaa'nyit yit nemit dara yawiro. Nemit gaalyaina mwalaadeina daaka! Nemit balaadeinera. ⁹ Naanga nebulya'nanyasi. Nemit saina taanginya yibwakimanigo. Yawibwa'dei mena dakabaaibit nemit balaade'na. Yit Gotiyai "Kumi kunnya diraginya sabwina nyawiralimwagapidika! Aawa. Niñiti a'mwe bainikeraavit ayahi yidikaa'dinyainyit nayaa yawiralimwagapika!" kada' sasare sa' yima'nakesi. ¹⁰ Kayaa'nanaanga daza neminyit kayaa'na neramakadaasi Gotiyai sahwai neminyit ayina nevadaihasamaarakelyi. Yit nabaai dahaa' sahwai kuna nevadaihasamaa'manikelyi. Yit nemit sahwarina diraginna limwadaa nayaa dara yemwaaimanigoinera "Yit nabaai divi kigaasi sahwai ayina nevadaihasamaaradelyi." ¹¹ Yit sarimi Gotiyari wija'na neminyit nayaa ye'mwannanegaimwadaapijiti sara nevadaihasamaaradelyi. Sarevidaa'nyit Gotiyai a'mwe kwalaalyaraavire yidaanganya kadika wi'nada yit sahwai yanga tewaanna neyaja'na yit yuya kwalaalya dazara wi'napijit yit neminyina Gotiyari "Su! Su!" widipitderera kwala naangera. Yit "Sare' yima'nana!" dona yihithiwo.

Polit Koridit mwaalyaraavi kwaasi mujake'nesi.

¹² Sare' darevinyi. Nemti neminyine yaya' munyaba makinya' yaasiwa'na mit'. Aawa. Sare' daresi. Nemire simunyai padaihirakyai dara jalikurakadelyi. Kwaaka davaki mwaalyaraayawi nemti kaanya yamaryadaanyanna nawi'nya yagoinera. Yi nabaai sarimi nyi nawi'nya naanga yagoinera. Yi daresi. Gotiyai neminyi tewaanaanga sabwinaj iida'nanya nebulya'nanyabwinaj nejaavadevuri sara yagovulyi. A'mwe kilaakejikiyabulyi yaraavire sidusabwi nemarima'naabadevwi mit'. Aawa. Gotiyare yune yanga gaimwange'na negaimwadaasi nemti kaanya sasara yamaryoinera. ¹³ Sare' darevinyi. Nemti sarimi nyina yagaala ge' iida'daanyaina mit'. Aawa. Yagaalya' sarimi yiniga wi'na dangadivisagaa' yagaala savire aaya kaavilyavi jawiranganyideihili sa' sahiri'na. Yunegaa' sarimi neminyina nebulya'na jawiryideihili yemwaaihe. ¹⁴ Sinnawi sagaa' neminyina maali'na yawiretabaaibi' yi yunegaa' nebulya'na jawiryideihili. Yi daresi. Nemire Naanga Jizaazare Yirikeriki sarimi re nayaa dimwaalyide'na nemti sarimi nyine yaya' munyaba makilaadevaabi' yi sarimi nemti Gotiyare yagaalya' makaboinaavine yaya' munyaba dimakilyideihili.

¹⁵ Yi simunya dazasarevi diraginna dara yawirakwa'de. Sinnawi sarimi nyawidaasi wideinyira. "Yi pigasaai yanga gaimwange' maapika!" da'mujt sarimi nyawinna ayina wideinyira. ¹⁶ Yi saba nimti mwaala'mujt yihyahalya'mava'mujt Maazathoniyana kaanya yamarya'na wideinyi. Yi Maazathoniya yagalya'mava'mujt pigasaai sarimi nyawinna ayahi bideinyi. Yi nimti sarimi nyina yawi'manige. Niminyi kamaranyaasapiji nimti Juthiyana wide'nanyi. Sara yawirakwa'de. ¹⁷ Gatha'darevaka! Sara yawirakwa'de kiri' sarimi nyawinna mabiwa'de. Sareviada'nyi nimti yagaalya' gazare diwa'deinyi daaka! Aawa. "Sara yideinyi," nebwina dadinyainyi. A'mweraavire kilaakejikiyabwina yawirakadinya "Nimti yagaala dad 'Yo! Yo!' kiri' 'Aawa! Aawa!' simunyavi yawiri'ma!" dadit yawirakadinya daa! Aawa. "Sara yideinyi," dena yiwa'deinyi. ¹⁸ Gotiyai nebulyabwi limwaga'devi nemti kwainaj nebulya'na widadaanyainera. Yi yagaala sa' sarimi nyine' yihi thadaanya' maangevi "Yo!" wa'dori kiri' simunyavi "Aawa!" yawi'manigo' mit'. ¹⁹ Sare' darevinyi. Gotiyai nebulya'na yadere Gawaalivaangei Kiraazitiyai Jizaazarina sarimi nyaba nemti yihiziwaakolyi. Yi nimiji Saailaaazalyi Timotilyi saina yihiziwaakoi sahwai pigaa' "Yayo!" pigaa' "Aawano!" kininnakei mit'. Aawa. Yuyagaa' sahwai gamire yune naanga nebulya'na daka yuya sangina "Yayo!" kininnakelyi. Yuyagaa' nebulyabwi kininnakelyi. ²⁰ Sare' darevinyi. Gotiyai yune naanga nebulya'na wijaake gazasa' yi Kiraazitiyai "Yayo!" daka yunebanna sara yakelyi. Sahwari kumire "Yayo!" wiar'i. Sareviada'nyi Kiraazitiyari Gotiyai yune naanga nebulya'na wijaake yunebanna yima'nake'na Gotiyarie yaya' makilya'neina Gotiyari widadaanyi. Nebulyasi. Sara yima'nana! ²¹ Yi Kiraazitiyari wilamwaaihovi neminyi yi sarimi kwaihiri'ji diraginya neyvaimwadei yi yune gami sai Gotiyalyi. Yi sai neminyi dahilakya'nei gannya Kuryari nemire mi nyagi nyang dingakelyi. ²² Sahwai neminyina yawi'na "Sahwara diraginna dara yawipi'ka! 'Nebulyasi. Nemti Gotiyareinera. Neminyi diraginna nemaredaa'deinera.' " Sara yawi'na yaka gamire yavikwajike' nejaavada nemti sara yima'nya'neinaavina gannya Kuryari yanga nejaavakelyi. Nabaai nemire simunyangi sinnawi'nya'bisai Kurya Tewaanyari nejaavakelyi. Gotiyai gannya yuya nejaaya'nenna Kurya Tewaanyai pimaginya naangeva' mena nejaavakelyi. Yi nemti dara yawi'daanyi. Naanga nebulya'nanyasi. Gotiyai gannya Kurya Tewaanyari nejaavake'na divi yuya nejaavadelyi.

²³ Nabaai nimti sainyi Gotiyai sasarei niminyine jalikurakya'neri jaka widiwa. Yi nimti kwaasi diwija' nimire gaalyabwi yiawadesi. Kiri' aawa. Nimti naanga nebulya'na divanige. Nimti sarimi nyi yavada'gaidi taanginya ayina wijaaya'na

“Aala!” diwa’de. Sarevidaasi “Sariminyawi Koridina bideinyi,” diwa’de kiri! nimi yarai wiwa’deinyi mi!. ²⁴ Sare kiri! nemi sarimire limwangeburu diraginna mamareyihimwaalyigo. Aawa. Sarimire yilaayabwi marima’naabya’na nemi yihye’mwannayihivaimwadaanyaine. Sare! darevinyi. Kiraazitiyaru diraginna limwangeburu sarimi diraginna mena daalmanigasaihili.

2

¹ Yit ninnya yune simunyavinnaya’ mena wi’na dara diwa. Nimi sariminyawinna sariminyi munyi’ taanga yivalakya’na ayahi mwiyi yideinyi. Dena mwiyiwa’de. ² Sare! darevinyi. Nimi sariminyi munyi’ taanginya yihizaavwija’ yi nimirre simunyayi’ yilaaya ya’na yiniga wi’na aaihwai yannelaka! Aawa. Sarimire munyi’ taanga mena yihivalakwija’ yi nimirre simunyayi’ yilaaya nyivalya’nera a’mwera pwara mi!. ³ Sarimi a’mweihi nimirre yilaaya nyigaibineihili. Sarevi sariminyawinna sarimire kayaa’nanya’ wanganaawiwiji’ kwajisariminyina nimirre munyi’ taanga kamaamudika! “Mi’na kyavada’galapiri wideinyi,” dena sariminyawinna wiwa’deinyi mi!. Sahirisavine’na kigaa’ paaziya’ nimi yihithave. Yit nimi sarimi yuyaihirina diraginna dara limwamwa’de. Nimi pininna yilaaya yiwija’ yi sarimi yuyaihi yilaaya avaaina yadivisaihili. ⁴ Sare! darevinyi. Sagaa’ sarimire mwaalyabwina nimirre munyi’ taanginya naangesi nimirre simunyayi’ daanga naangesi kininnakeinyi nabaai kidalaalya kwalaalyangipikarya yihithave. Paaziya daza! “Sariminyi munyi’ yune taanga wivalaki!” majena yihithave’na mi!. Aawa. “Sarimi ‘O Polimi neminyina tewaanya naanga wivu’nivanikelyi,’ yawirangabika!” dena yihithayes.

Pwai gannya yiwetawakya’ wiagalya’mavakeri ayina maaresa’nesi.

⁵ A’mwe akwai gamirebwina kya’ kale neyadaa’nyi sai yune nimi gaveinyi kale sa’ manyivan!. Aawa. Sahwarina kale kibawenna yuyaihiru yihivan!. Nimi “Savina taanginya naanga nujaavwidika!” yagaala dena “Kibawenna,” yihithiwe’nanyi. ⁶ A’mwe dazareri a’mwe kwalaalyaihi mi’na yeve! yi sa’ sarwi’nanne’ tivikimwadadasi. ⁷ Sarevidaasi yi dahan sarimi mudika piri’ pibwi jila! Yit sahwai gannya kayaa’nanyaburina kale nayaa wiadaa’nyi gamire kayaa’nanya sa’ yange’na marasi’naptiji’ sahare simunyavi kave nayaa jivaimwagila! Munyi’ taanga naanga naange’ nebulya’na nagalavilawakadika a’mwe dazar! ⁸ Sarevidaasi yi nimi yaamijit diraginna dara divanige. Sahvari sarimire kale ya sabwi ayina jivvaridaakwila! ⁹ Sare! dare’nanyi. “Sarimi nimirre yagaalya’ yuna midibizaihi daaka?” dena sariminyi yaamijit yijwaalya’ne! “Yawiranganide’nanyi,” dena sinnawi pikarya piri’ a’mwe sarinaji nimi yidavesi. ¹⁰ Yit nabaai sarimi a’mwe sarwigilya’ marasi’niva’dasa’ yi nimi kwainyi marasi’niveinyi. Sare! darevinyi. Nimi wagilya marasi’nya’ne kininnakeinyi daakaji yi sa Kiraazitiyare tinnyari gaimwanga yihya’neinyi nimi marasi’nivengi. ¹¹ Nemti nayaa sara yaana! “Saataani neminyi kwaasi neyoji nanewilawakadika!” dawaaji sara yaana! Sare! darevinyi. Sahware simunyayi’ kayaananyabwi mena yawidaa’na tewaanya. Sare’na taanga naanga sarine nayaa marasi’naana!

Gotiyare nelimwagarika mudikevinne widaayadivisaraavinesi.

¹² Pigaasagaa’ anga Tirawaazina Kiraazitiyare yagaala tewaanya’ wijiwaakya’neinyi bi’mavema yit Naangei nimirre tusa’ yiniga wi’na wijiwaakya’na kanyibaasiwa’di’ wijiwaakwa’de. ¹³ Kiri! nimirre simunyayi’ kave mwariwa’di’. Nimirre nya’mwei Taaitazai anga sabanna sariminyine yagaala mamakabyakeri tinna mwanganyiwa’de. Aawa. Simunyayi’ kwallaalya yawiditirawaaz mwaalyaraav’ nayaa yagalya’ma’na yena Piroviji Maazathoniyana bena bi’ma’mwa’de.

14 Kırı'! saba Taaitazar! sarıminyine kadıka wi'niwa'de'na Gotiyarı nimi suya wıdıvanige. Kiraazıtayı yuya kayaa'nanyangiji yuya kayaa'nanyaraaviji malyavi mena dathıwagakeviðaa'nyi yuyagaa! Gotiyai Kiraazıtayıji yaaraya neyadaa'nyi yılaaya yıwadaanyaine. Yı sahwai gamire yagaalya! nejıwaakada yı yuya pimagi wıjıwakamaryadaawoj a'mweraavına Kiraazıtayıji wibwarıdaakwadelyi. Yawıta daza' sa' wabatırinya! yuneba winıgode'bısası. **15** Sare' dare'nanyi. Kiraazıtayına wıjıwakamaryadaanya! wabatırinya! Kiraazıtayıji yıma'naabada yı Gotiyaryawınna wawode'bısaine. Nemi wıjıwakamaryadaanyaga! Kiraazıtayı wıvadaihasamaa'manıkeraaviji pwara kayaaka yıgainıvanıgasaraaviji saraayawınna tırinya! wawodesi. **16** Yı pırı' daresi. Sahwara kayaaka yıgainıvanıgasaraavı yı sa' barya'ne tırinyası. Yı sa' baryabwi sahwaraavı marima'naabathesi. Yı pırı' daresi. Pwara wıvadaihasamaa'manıkeraavı sa' gaalyabwine tırinyası. Yı sa' sahwaraavı gaalyabwi marima'naabathesi. We!! Wawinya daza' gannya dıragınyavı yıniğa wi'na aaihwai yannelaka! **17** Sare kırı' darevinyi. A'mwe kwalaalyara nıgwia maa'nya'nera Gotiyare yagaalya! yaasıwa' wıjıwaakadıvıtabaaibıtaina mı!. Aawa. Nemi Gotiyare wawinya daza' ma'daa yı nemi yaasıwa' kwaası yagaala damaryadaanyaina mı!. Aawa. Nemi gamire yagaala yuya yıda'na mıjıwodaanyangi. Nemi Kiraazıtayıji wılamwaaihoina yı Gotiyare tınnyarı Gotiyarıne jalıkurakadaa wıjıwaakıvanıgo.

3

1 Nemi ayahi yamaasa' yadaa yune neminne yaya'na munyaba dahamakimanıgo! A'mwe pwara paazıya' kumınnne yaya' makılıya'ne' lımwamanıgatabaaibi' a'mwera paazıya sabısa' neminyine' yıhidavesa' negainıñıkeina dingaka! Sarımi sasare pikarya neminyine' nayaa jıthavide' negainıñıkeina dingaka! **2** Paazıya neminne yayavı munyaba makılıya'ne sa' yı sarımi sahwaihılyıra. Yı paazıya dazavıre pikarya sa' yı nemire sımunyavı wıları!. Yı dara yawı'dınyainyi. Sarımi yıvanıgasabwi paazıya'bısbıwinı dara dıni! "Polı Gotiyare wawinya' nayaa yadelyıra." A'mwe yuyara paazıya daza' yawırangadıvı! yı sahwara dandıvısalıhılyı. **3** Sarıminyawı nemi nayaa yıhithaayo sahi Kiraazıtayıji pikarya yıdavakeihi ku'maayaba marima'naabahesasi. Yı paazıya daza' sahwai yıgıyası yıdavaka' mı!. Aawa. Gotiyai gaalya' kınınnakere Kuryalyı sahwai pikarya yıdavakesi. Sahwai sipadasıkaarı Gotiyai yıdayaakabaibı' pwaipwairiramaaraka yıdavaka' mı!. Aawa. Gannya yıkwıa' kılaakejıkıya sımunyangı yıdavakesi. Yı sarımiре sımunyangı yıdavakesi.

4 Aaya kaavıla dazavıre yagaalya' yı daresi. Kiraazıtayı negaimwagya'nei gannya dıragınya' nejaavanı!. Sare'na lıka mi yadaa Gotiyarı nebulya'na lımwadaa sara nayaa yoinera. Nemire sımunya dıragınya' sasareviðaa'nyınyı. **5** Nebulyası. Yune nemi sainana yıniğa wi'na yaanneina mı!. Sarevi yı "Yune nemi sainaavıdaa'nyı nawı'nya pıni marima'naabadeinera!" madaanna! Aawa. Gotiyai gave pwainanyai sahwai neminyine yıniğa wi'na yaanne' wakadelyı. **6** Yı nemi Gotiyare yagaala nelımwagarıka mudıkevi wıdayadaanyaina yıniğa wi'na yaanneinaavı nayaa neyımavımwaaikhadelyı sahwai. Yagaala nelımwagarıka daza' Kıwınyavıne pikarya yıda'nıka sa'bıta' mı!. Aawa. Sa' yune Kurya Tewaanya sarengi. Sare' darevinyi. Kıwınyavıre pikarya a'mweraavı dara wibwarıdaakwadesi. Galazekıvaimwaana! Dıvaideiginyı. Kırı' Kurya Tewaanyai yagaala tewaanyavına a'mweraavına gaalyabwi wıjaavadelyı.

Gotiyare yagaala nelımwagarıka mudıkevi wıdayadaanyaina dıragınyavınesi.

7 Yı Kıwınya dazavıne' Gotiyai sılyarı yıdayaake' yı dazavıre wawinya' baryabwi marima'naabakebulı. Nabaai wawinya daza' Gotiyare byaanna dıragınya kırısı

yıma'nakesi. Sarevi'adaa'nyı Ne Mozizare sınnı'yı byaanna dıraginya' wannakiki. Yızireliyara byaanna dıraginya dazavına sahare sınnı'ki yınıga wi'na baihanareta'mı!. Byaanna dıraginya daza' maalıka wannyına yaka dıvi yıwawaka, kırı' yınıga wi'na baihanareta' mı!. ⁸ Yı kıgaa' wawınya sare' byaanna dıraginya' kınınnakesi. Yı Gotiyai Kurya Tewaanyarı a'mweraavına wıjaaya'ne wawınya' yı sa' dazavı wavıla'da Gotiyare byaanna dıraginya' naanga naanga maa'de' daaka! ⁹ Sare' darevınyı. Kıwınya dazavıre wawınya' dıragınna nejıda'daa'nyı nemı dına "Kayaalnanyabwina nemı baryabwi maraanneinera." Yı sare' kırı' Gotiyare byaanna dıraginya' kınınnakesi. Sarevi'adaa'nyı yagaala mudıka dazavıre wawınya' dade' "Kurya Tewaanyarına sahwara yıda'maraangerera," yı daza' Gotiyare byaanna dıraginya naange' kınınnake' wavınya pırıvı naanna wavıla'desi. ¹⁰ Sare' darevınyı. Yı Kıwınyavıre wawınya' byaanna dıraginya' maryakesi. Yı sare' dahaa' kunesıra. Wawınya mudıka daza' yı savı yune dıragınna wavıla'da nemı yawı'daanyı. Yagaala mudıkevıre byaanna dıraginya yune naange' warıkevıdaa'nyı Kıwınyavıre' mwarika! ¹¹ Sare' darevınyı. Kıwınyavı wawınya daza' Gotiyare byaanna dıragınyası yıma'nake' mena yıwia'nesi. Kırı' Kuryarına wawınya daza' Gotiyare byaanna dıraginya' kınınnake' yuyagaa' waragwothesi. Sare'na sahıri' ayavı yune naanga naanga wavıla'desi.

¹² Sarevi'adaa'nyı yagaala sare' kınınnakeina "Byaanna sa' waragode'nana," dıragınna lımwadaa nemı lıka mi yadaa ku'maayaba yagaala sa' nayaa yıda'na jalıkurakadaanyaine. ¹³ Nemı Mozizaibı' yadaanyaina mı!. Sahwai gannya sınnı'ki kwaabıhannyabaalyı kawaaka yırakınakelyı. Yı byaanna dıraginya daza' maalı'na yıwına yaka yınahu naanga yuya' yıwına yaake'na "Yızireliyara sa' tınnı nanyangabıthıka!" daka kawaaka yırakınakelyı. ¹⁴ Yı Mozizare wawınya' sahwara nayaa myawıri. Aawa. Kumıre sımunya nebulya'na bıpale'na yakengı. Sare' darevınyı. Yuyagaa' sahwara Gotiyare yagaala wılimwagaraka ayavıre yagaalya' dangadıvı' yı yagaala savı kwaabıhannyı daza' kuna warı!. Yı dahaakıgaası kuna mu'nyadıvıki. Sahwara kwaabıhannyı sa' mamarası'nyası. Yı Kıraazıtıyai gave pwainanyarı sahwarına Gotiyai daza' marası'delyı. ¹⁵ Aawa. Gazagaasagaa' sahwara Mozizare yagaalya' dangadıvı' kwaabıhannyabaai kumıre sımunyangı bwakalımwagarı!. Sahwara myawıryadıvıki. Yı dahaakıgaası kunanyı. ¹⁶ Kırı' gazagaasagaa' pwai kwai Naangeryawınnı kagınyıwagozi yı sahwarı sımunyayı kwaabıhannyı daza' marası'nadelyı. ¹⁷ Yı Naangei sai Kuryalyıra. Nabaai Naangere Kuryai a'mwe pwari mwaalı!. Yı aawa, yuya pıni yagaala wıjımwagaraka ayavı a'mwe sahwarı wıla yırakıvanıkai mı!. Aawa. Sai sahıbanna tewaanna mwaalı!. ¹⁸ Yı nemı yuyaina nemıre sınnı'kaavı lıka yulyakya'ne maayaina mwaaihoinera. A'mwera sıntımwavananya yennadıvıtabaaibı' nemı Naangere byaanna dıraginya' wangadaa Naangere a'mabaalyaina yıma'nıvanıgo. Yı Naanga sahwai, Kuryai gannya byaanna dıraginya daza' nayaa marima'naabya neyadaa'nyı yuyagaa' nemı byaanna dıraginya' naanga naanga ma'daanyaine. Yı Naangere a'mabaalyaina kuna yıma'nadaanyaine.

4

¹ Sarevi Gotiyai kale'na negaimwagakabaaibı' wawınya nawı'nya daza' wıdayadaanyainaavına nejaavakesi. Savı yı nemı wawınya daza'na dıragınna dadaa maa'na neyıdeina mı!. ² Aawa. Nemı wagıla kınınnakebwı lıka yulyarıkeburı' bule'nanya' mena wıjavadaanyaine. Nemı kwaasıya saburı yamaryadaanyaina mı!. Sara myadaa yı nemı Gotiyare yagaalya' maravıla'nya yadaanyaina mı!. Aawa. Nemı Gotiyarı tınnıyarı yagaala nebulya'nanya' ku'maayabanna marima'naabya yadaanya' yı a'mweraavıre sımunya gazarızarı

dara yibwakidivisasi. Yit apozeliyara sareraavine yaya' munyaba makilaana! ³ Kiri' nemi yagaala tewaanya daza' wijiwakadaanya savi kawaaka yiraknaja' yi sa' a'mwe saba sana yiwin'a ya'neraavina kawaaka yirakivanikesi. ⁴ Yit dathahaasaraavire gotiyai Saataan'i a'mwe sahwara Kiraazitiyari malimwagyadivita dazaraavire simunyangi gidiravalimwagata yadelyi. Yit yagaala tewaanyavine' Kiraazitiyare byaanna diraginyavire baake' kumire simunyangi yiniga wi'na wannade! mi!. Yit sarevi tihiralimwagata yadelyi. Yit sahwara Kiraazitiyari tinna mwanganyadivisalyi. Yit sai Gotiyare a'mabaala nebulya'nanyalyi. ⁵ Sare' darevinyi. Nem'i yagaalya' yune neminyine' wijiwakadaanyaina mi!. Aawa. Nem'i yagaalya' dara jalikurakadaanyaine. Kiraazitiyai Jizaazai sai Naangelyi. Yit Jizaazarina nem'i sarimire yihithayadaanyainera. ⁶ Sare' dare'nanyi. Sinnawi Gotiyai mena jaakelyi "Jihinyavidaasi baake' mwadana!" Yit Gotiyai sarei gamire baake' neminyine simunyangi banemwadakesi. Gotiyare byaanna diraginya' Kiraazitiyare sinnyiki warike' nem'i yawiranganya'neinaavina baaka sa' banemwadakesi.

⁷ Nabaai kiri' nawi'nya daza' kininnakeina, kwadika yaasiwa'nanyaraavi Gotiyai nawi'nya daza' maradingsikakabaaibi'saine. Gotiyai "A'mwe yuyara diraginya nawi'nyaange' yawirangabika!" kada' dara yima'nakesi. Diraginya naanga daza' yune nawi'nya' yi sa' Gotiyare diraginyasi. Sa' yi nemire' mi!. ⁸ Yit nemire wawinya' yadaa yuyanna neminyi taange' neyima'nadeine. Sare kiri' sa' kayaaka nebulya'na neyigalakadeina mi!. Yawita kwalaalya nemire simunyangi nerihiralimwaga'dengi. Sare kiri' nemire simunya yunebanna yiwiya yada mi!. ⁹ A'mwera "Sahwaraavi kayaaka yigalaana!" dadivit' nega'mijamakwodivisaine. Sara neyadaapiri kiri' Gotiyai neminyi neyagalya'ma'dei mi!. Sahwara neminyi mala neradaapiri wala'daanyaine. Sare kiri' Gotiyai negaimwadaa'nyi nem'i kayaaka nebulya'na yidaanyaina mi!. ¹⁰ Yuyagaa' nennyi kilaakejikaavi Jizaazare baryabwi ma'daanyaine. Yadaa kaanya yamaryadaanyaine. Gotiyai neminyina "Jizaazare gaala sabwi kibulyi kumire kilaakejikaavi ku'maayabanna yima'naabana!" kada' sareina kaanya yamaryadaanyaine. ¹¹ Sare' darevinyi. Yuyagaa' gaala mwaidaanyainaavi Jizaazarina a'mwera a'mwatamakya saza baryaburi nemarimwangadivisaine. Gotiyai neminyina "jizaazare gaala kibwi yi kumire kilaakeji' balya'nejiki ku'maayaba marima'naabana!" kada' nemarimwangadivisaine. ¹² Sarevi barya sabwi neminyi neyadesi. Kiri' Gotiyai gaalyabwina sariminyi yihyadevulyi.

¹³ Neminyina Kuryai diraginna limwangebwi nejaavakeine. Yit sasare dazabwi Gotiyare bukuya' yida'nikabaaibisari avaaina wijayaakesi. Yit dara din'i "Nimi Gotiyari diraginna mena limwagevi yi yagaalya' wideinyi." Limwanga avaalyabwi maaroina kwainaji diraginna limwadaanyavi yagaalya' widadaanyaine. ¹⁴ Yit nem'i mena diraginna yawi'manigo. Gotiyai Naanga Jizaazar'i yidikaavakei yi sahwai nem'i Jizaazalyi'ya kwainaavi neyidikaavadelyi. Yit neminyiji' sariminyiji' sainaavi nemakwawoj' gaminyaba gidihusaba nemwaaihadelyi. ¹⁵ Sare' darevinyi. Yuya daza sariminyi gaimwagya'ne neyima'nivanikengi. Gotiyai "Nimire yanga gaimwangebwi a'mwe kwalaalya naanga naangeraavi yunebanna wiwarana!" kada' sara neyima'nivanikengi. Yit yuya sahwara Gotiyari sua naanga naange yipi'de'nanyi. Sara yadivit' gaminyine yaya' munyabanna makibidere.

¹⁶ Dazahirivi yi nem'i Gotiyare yagaalya' diraginna dadaa maa'na neyideina mi!. Aawa. Nemire kilaakeji' kayaaka kuna yade kiri' yuya yirika sariki yuyagaa' nemire kuryai mudikei diraginya yi'ma'nadelyi. ¹⁷ Yit daresi. Gotiyarina nem'i dara yawi'daanyi. Taanga neminyi neyima'nade daza' wana maalikesi. Yit sa' wana kibawe maalikegaa' waradesi. Nabaai taanga wana maalika sa' divi sagaa' neminyine wana nawi'nya' byaanna diraginya naange' kininnake' marima'naabathesi. Nabaai wana nawi'nya' taanginya maalitaaya savi yuna wavila'de' yi yuyagaa' yuyagaa'nesi.

18 Yı nemı Kwaaka davakıyangı taanginyangı tınnyalıdı wangadaanyangi dıragınna myawıranganyadaanyaine. Aawa. Sıgonyavıyangı tınnyalıdı mwanganyadaanyangi dıragınna yawırangadaanyaine. Sare' darevınyı. Yuya nemı tınnyalıdı wangadaanya sa yune maalıkegaa'na waradengı. Yı daza tınnyalıdı mwanganyadaanya sa, sa yuyagaa' yuyagaa' waradengı. Sara yawı'daa dıragınna dadaa maa'na neyıdeina mı'.

5

1 Sare' darevınyı. Nemı Apozeliyaina mena dara yawı'manıgo. Kwaaka davakıya kılaakejı' sımnangebiتا savı wılamwaiho. Nabaai sa' wo'dalası'na yınjaja' yı nemı ange' pırı' kınınnakeine. Yı sa' Gotıyai nejaavadesı. Anga daza' a'mwera asajı mannıka'na mı'. Sa' Sıgonyavı warıke'na yada yuyagaa' yuyagaa' waragwothe'na.

2 Sare' darevınyı. Dahaanı nemı anga davi sımuyıwaala yawı'mwaainıvanıgo. Nemı tewaanya dıragınna dara nevu'nıvanıke'nanyı. Nemıre anga daza' Sıgonyavı warıka daza'na sara wa'da nemıre kılaakejıki baazi'ma'nya'bı' bwakalımwagata neya'ne'na sımuyıwaala yawı'mwaainıvanıgo. **3** Nebulyası. Dıvi anga daza' Gotıyai tıvi'na bwakalımwagata neyaja' nemıre kuryara kunera yaasiwa'na mwaaihoinera mı'. **4** Sare' dare'nanyı. Nebulyası. Nemı sımnanga dazavı kuna mwaaihoina Sıgonyavıyavına taanginya yıbwakıdaa sımuyıwaala yawı'mwaainıvanıgo. "Nemı kılaaka sınnawınyajı' yagalya'mavaana!" myawırvıvanıgo. Aawa. Sa' maalıkesı. Nemı "Kılaaka gaala nebulya'nanya dazajı' kılaaka barya ya'ne dazajıki naanga naanga galawılawakana!" dawaajı baazi'ma'nya mudıke'bı' baazi'ma'naade'nanyı. Yı sare' naangesı. **5** Gotıyai gamı sai nemınyı gaala dazahırı' maarya'neinaavı mena neyovırvıvamwaaikhakelyı. Yı sahwai Kurya Tewaanyarı mena nejaavakelyı. Kurya Tewaanya sai dıvi Gotıyai yuya nejaaya'ne pımagınya aaya mudı'nanya sa'bı'salyı. Yı Gotıyai sahwarı mena nejaavake'na nemı dara yawı'manıgo. Naanga nebulyası. Sahwai gamıre yuya nayaan nejaavadelyı.

6 Sarevıdaa'nyı yı nemıre kılaaka mudıkejı' nejaavade daza' yuyagaa' nemıre sımunya dıragınya neyıvaimwadesı. Nemı dara yawı'manıgo. Dahaanı nemıre kılaakejı' ange'bısavı mwaihıo'na Naangerı yıbwa'nona sahwalyı gamıre angeba mye'mwannamwaalyıgo. **7** Sare' darevınyı. Dahaanı nemı gamınyı lımwaga'daa yamarivanıgo. Nemı sahwarı tınnıa mwanganyadaa yamarivanıgo. **8** Yı nemı dıragınya neyıvaimwanniñeine. Sara tıvi'na dıwo. Nabaai nemınyı tewaanya dara nevu'nıvanı! "Kılaaka dathazıkiдаası yıbwa'nawaaajı Naangeryawınnıa gamıre angebanna sahwalyı tewaanna ye'mwannamwalaade'nanyı. Yı sa' tewaanyası."

9 Sarevı nemı sımunya dıragınna yawı'daanyaine. Yı nabaai nemı sahwalyı ye'mwannemwalaaja' yı nemıre anga nebulya'nanyayı yıbwa'naaja' Naangerına yuya sabura ya'na sahwarı yılaaya wigalaade' naangesıra. **10** Sare' darevınyı. Kıraazıtıyai yawıbwarya'ne namwaalyısavı nemı yuyaina ku'maayabanna nayaan yıma'nabaatheine. Yı nabaai nemıjıya gazaizarına Gotıyai "Tewaanyabwina yadei yı sai kılaakejıki wılamwaaida yakebwina tıvıktıta nawı'nya maarana! Nabaai pwai sagaa' kayaa'nanyabwi yadei yı gannyabwina tıvıktıta kayaa'nanya maarana!" kadozı sahıba davaadeine.

Apozelıyara Kıraazıtıyai Gotıyarıji avaazıımunya'na neye'mwagakeburı wıdaayadıvisavınesı.

11 Sarevıdaa'nyı Naangere dıragınyavına lıka yabwi yawı'daa a'mweraavıre sımunya dıhaa'bwata yadaanyaine. Yı Kıraazıtıyayı dıragınna lımwabı'de'na wıdadaanyaine. Kırı' Gotıyare tınnıyarı nemıre tewaanyabwi ku'maayabanna mena yıma'naaba!. Yı nabaai nımi dara lımwamanıge. Sarımi kwaihıre sımunyara padaihırakyaraavı sabwi ku'maayabanna yıma'naabake' dıngaka? **12** Yagaala dazavı sarımi nemınyına "A'mwe nawı'nyarera," dıneyawıryide'na mihiızıvanıgo.

Aawa. Yi daza' sarimi neminne yaya' munyaba makilya'neihire tusa' baasivanigo. Kiri' sarimi sahihri na mi'. A'mwe pwaraavinnanyi. Yi sahwara yune kunnya sinna mwasimaginyavina kumire yaya' munyaba yaasiwa' makinadivisare. Sahwara simunyavina yaya' munyaba nayaa mamakinyadivisaraavinnanyi. Yi sahwaraavi yiniga wi'na wirivikipine'nanyi. ¹³ Sare' darevinyi. Pwara neminyina dara yawipi'ja' "Sahwara siduta maaya navinavikera sara yivaniga!", kiri' nemi Gotiyarine'na yadaanyaine. Kiri' nemi simunya yida'na yawi'daa nemi sariminyi gaimwange'na yivanigo. ¹⁴ Sare' darevinyi. Kale Kiraazitiyare yune sa'na wawinyavi neyidi'kaal'bwa'desi. Yi nemi mena dara yawibwa'manigo. Pwai kumi'nyineba yunebanna wivadaihasamaarya'nei mena balina yakevidaa'nyi yi dazav kumi yuyara mena bainkerabisare. ¹⁵ Gotiyai "A'mwe gaala mwaaihata sara yune kumi saraavina yawi'div'i mamwaaibina! Aawa. Yune sahwai kumi'nyine'na mena balakeri ayina yidi'kaavei yune sahwarina yawi'div'i gaminyi yadi'visa'na mwaai'bika!" kada' yuyaraavine'na mena balina yakelyi.

¹⁶ Sarevi sagaa'daasi nemi kilaakebuliyi simunya savire saburina a'mwe aane pwar kwari mamaryawibwarivanigo. Nebulyasi. Sinnawi nemi simunya savire saburina Kiraazitiyari sara maryawibwaroina dingaka? Kiri' dahaa' sahwari nemi sasara kuna mamarayawibwarivanigo. Aawa. Gamire nawi'nyabwina nayaa yawirangamanigo. ¹⁷ Sarevi yi nabaai a'mwe kwai Kiraazitiyari wlamwaalajai yi Gotiyai a'mwe sahwari yuna mudika tewaanyari mena wimwaaihadelyi. Gaminyina sinnawinya ayabwi yuya yiwiya yadengi. Yithaanyi! Gaminyina yuya mudikebwi mena yima'naabadengi. ¹⁸ Yuya dazangi aaya kaavilyai Gotiyalyi. Yi sahwai Kiraazitiyari kigaa' yikamaangeina mwaaloinaj gamiji' avaaizimunya'na neye'mwannamwaaihakelyi. Yi nabaai sahwari gaimwagya'ne' gamire yikamaangeraav sahwariji' avaaizimunya'na ye'mwannayima'nya'ne' wawinya' mena nejaavakelyi. ¹⁹ Nemire yagaalya' daresi. Gotiyai a'mwe Kwaaka davakiyara yikamaangeraavne yuya yi'wetawakya yikamaangeraji' avaaizimunya'na ye'mwannayima'nakesi. Yi Kiraazitiyari sahwai yuya yi'wetawakya sahvara yetasanna simunya ayahi yawirakai mi'. Yaka sai neminyi gamire yagaala daza' wijiwaakya'ne', yikamaanga sara gamiji' avaaizimunya'na ye'mwannayima'nya'ne' newakakesi. ²⁰ Sarevida'an yi nemi Kiraazitiyare maangi' ma'daa sahwarineba a'mweraavi wijiwakawadaanyaine. Yi dare!. Gotiyai gami sai a'mwe yuyaraavi nemire maangisi wijiwvaramaa'mani'. Kiraazitiyai gami sarine'na sahwaraav dari yidangadaanyi. Akai, sarimi Gotiyarina yikamaanga sabwi yagalya'mavapi Gotiyalyi avaaizimunya'na yima'napiji' je'mwannamwaalyila! ²¹ Sare' darevinyi. Kiraazitiyai kayaa'nanyabwi maayai kiri' Gotiyai yuya kayaa'nanya nemire sa mari'bwaraka yune sarina munyaba yilakaka yi sahwari kayaa'a'mwe nebulya'nanyari wimwaaihakelyi. Neminyina Gotiyai "Kiraazitiyari wlamwaalya'nera nimire yida'maraangebwi kininnakera yima'nipi'ka!" daka neminyineba sara wimwaaihakelyi.

6

¹ Nem Gotiyalyi wawinya ye'mwannayadaanyaina sariminyi diraginna dara yihithivanigo. Gotiyare yanga gaimwangebwi mena daape!. Akai, gaimwanga sa' sarimi yaasiwa' saba sana yagalya'ma'na nyipi'dika! ² Sare' darevinyi. Gotiyai jaa!. Dara din!

"Nimire nawi'nyagaa' kadika gu'neinyi.

Yirika wivadaihasamaasa'neriki gihaimwageinyi."

Nimi yihithivanige. Yithaanyi! Dathahaasagaa' gami nawi'nyaangegaaki. Yithaanyi! Daha'a' yirika wivadaihasamaarya'neriki.

³ Yि a'mweraavire sivilyangि kurinojि sahwara walarya'ne nemि kayaa'nanya aane pিrि' kিrि' yadaanyaina mi'. "Nemि kayaa'na yaaja' a'mwera tିnna wanganapिjि nemि Gotiyare yagaalya' wିjିwakadaanya wawinya dazavina sahwara yagaala kayaa'nanya' nadipidika!" dona kayaa'nanya aane pিrि' kিrỉ' yadaanyaina mi'.

⁴ Aawa. Yuyangि Gotiyare wିdaayadivisara nayaa yadivitabaaibi' nemि yuyaraavina Gotiyare yagaalya' wିdadaanyavina tewaanyabwi wibwaridakwadaanyaine. Yि yuyangि dara yadaanyaine. Kwalaalyagaa' kayaa'nanyangि dିraginna nebulya'na da'daanyi. Yि taanga neyima'nadaasi, yi taanginya neyima'nada, yi kayaaka yିnିgirasina mwaidaanyi.

⁵ A'mwera neminyi malyajि neradivि' kalavuza neyirakadivisaine. Yିkamaangera nega'mijamakwodivि' jaka kayaa'nanya nedadivisaine. Nemि yagiyagi wawinya'ne nebulya'na marulawakidaanyaine. Sawita kwalaalyangи se mwaryadaanyaine. Nemि mij'i'na mwaidaanyaine. Sareviadaa'nyi pwara dara yawiranganya'nanyi "Taanginya wiadaa'nyi kিrỉ' Gotiyare wawinya' kuna yadivita sahwara Gotiyare wିdaayadivita nebulya'nanyarera."

⁶ Nemि tewaanya yida'nanyabwina yadaanyaine. Yadaanyagaa' yawita nawi'nyabwi lିmwaga'daa mayagaala yarai dadaanyaina mi'. Nemि a'mweraavi tewaanya nawi'nya pada'galayadaanyaine. Nemि Kurya Tewaanyare yange kininnakeine. A'mwe Kiraaziyyareraavina tewaanya nevu'nya sabwi yune maangi'nanya'na mi'.

⁷ Nemि yagaala nebulya'nanya' wିjିwakadaanyaine. Nemि Gotiyare dିraginyavi gamire wawinya' yadaanyaine. Sareinaavina pwara nayaa dara yawipine'na "O, sahwara Gotiyare wିdaayadivita tewaanyara daaka!" yi nemि sara yadaanyaine. Nabaai tewaanya yida'maraangebwi lିmwaga'daa, aangasirikwaari'masiraminya' wa'da kwanaamiri saabya' wa'devaabi' kayaa'nanyabulyi nemि mala tannadaanyaine.

⁸ Neminyine wawinya'na a'mwe pwara neminne yaya munyaba makidivisaine. Yि pwara neminne yaya kwaakewi marulawakadivisaine. Neminyina pwara yagaala kayaa'nanyajи bulayagaalyajи dadivisaine. Yि pwara a'mwe pwaraavи neminyina wିdadivisaine "Sahwara wawinya' tewaanya yadivisarer." Apozeliyaina Gotiyare wawinya' kuna nayaa yadaanyaine. Yि a'mwe pwara neminyina yagaala ge dipija' nayaa yadaanyaine. Pwara neminyina dara yawi'divisaine "A'mwe sara kwaasi yagaala dadivisare." Kiri' aawa. Nemि yagaalya' nebulya'na dadaanyaine.

⁹ Pwara neyawirangadivitaina mi'. Kiri' a'mwe kwalaalyara neyawiranganamaa'divisaine. Nemि baidaa kিrỉ', yithaanyi, nemि gaala kuna mwaaiho. Gotiyai neminyi yavada'gala ya'nei tamamwaaihaderabisaine. Kiri' sahwai yuna maneramakyadeine.

¹⁰ Neminyi kale neyivan'i. Kiri' yuyagaa' nemि yilaaya yadaanyaine. A'mwe gିlyivita maayainabi' mwaidaanyaine. Kiri' nawi'nya kininnakeina nebulya'nanya a'mwe kwalaalyaraavina wିjavadaanyaine. Nemि gିlyivita aane pimili' kimili' kininnakeina mi'. Kiri' yuya nawi'nya gazaza lିmwagakoine. Yि yuya sanna yadaa dara wibwaridaakkivango. Sahwaina Gotiyare wିdayadaanya nebulya'nanyaine.

¹¹ Sarimi Koridi mwaalyaihi, nemि sariminyi yagaalya' ku'maayaba jalikurakya'neina maanga naangeva'na tavadiwo. Nemि sariminyi maarya'neba nemire kale naanga yima'niwa! ¹² Nemire simunya' sariminyina tihirakamaremwaala miwo. Aawa. Neminyi sariminyina tewaanya nevu'niwan'i. Kiri' sarimi saihi sarinnya simunya' tihirakamaremwaaiha'. Yि nemiji' avaaizimunya nebulya'na mamwaalyga'! ¹³ Ganmaangei gannya kaimraayangи wିdadevaabi' dahaa' yihithivanige. Nemire dazabwina ayina tivikiry'a'ne' neminyi maarya'neba sarimi kwaihili' sarimire kale naanga yima'nana!

¹⁴ Mu'nyadivisara sahwara yi pwarabisare. Sarimi kumrebwina mye'mwannayamaripina! Yadiv'i kunnya sahwaraavire saburi gaimwanga mipina! Sare' darevinyi. Yida'maraanga sabulyi kivinyavi galazekivala

sabulyi sawaai gatha'dara ye'mwannayikadewaalaka! Baakesi jihinyasi gatha'dara ye'mwannayirakurikadewaalaka! ¹⁵ Nabaai Kiraazitiyai Kamaalyalyi avaaizimunya'na ye'mwannadathei dingaka! A'mwe Kiraazitiyaridiraginna limwadelyi Kiraazitiyarim malimwagyadelyi saraai simunya gave piri'na limwagikaderaai daa! ¹⁶ Gotiyare anga tewaanyasi kwaasigotiyaraj marirakurakipi'de' daaka! Sare' darevinyi. Nem Kiraazitiyareina Gotiyai gaala kininnakere anga tewaanyasira. Gotiyai jaakabaaibisasi. Yi' dara din!

"Nimi sahwaraavwi wlamwaalideinyi.

Sahwaraayaba kaanya yamarideinyi.

Kumire Gotiyainyi mwaalideinyi

Niminyine a'mwera mwaabibidere."

¹⁷ Sarevi Naangei ayahi piri'ja'

"Pwaraavti tinnayaba nayaahalyamayila!

Sahwaraavwi menyawi sarimi' dimwaalyila!

Girkita'nanya aane piri'kiri'malimwabin!

Nimi' sainyi sariminyi yihimaarideinyi."

¹⁸ "Nimi' sariminyi Sirini'maangeinyi mwaalideinyi.

Sarimi' nyigwaalaangeihilyi nyiraavaangengihilyi dimwaalyideihilyi!"

Naangei diraginya yuya kininnakei sasara dadelyi."

7

¹ Sariminyina tewaanya nyivu'nadeihi, yuya daza, Gotiyare yune naanga nebulya'na wija daza mena kininnakeine. Sarevi'ada'nyi yi nemi yuya girkita'nanya kilaakejikiyaj kuryariyaj duimwagasina! Sara yawaaji tewaanya yida'maraangeina mwalaana! Sare' nemi Gotiyare diraginyavina lika yadaa nawi'nya giri'maayabwi yuyagaa' yunebanna neyima'nade'nanyi.

² Sarimire simunyai neminyneba dinnebasamarimwaaihila! Nem sarimijya a'mwe aane pwar kwar iwtawakya piri' myadaanyaine. Nem aane pwai kwar kayaaka migalakyadaanyaine. Nem aane pwai kwar kwaasi widadaa gamire gilyvissa mamwagi'nyadaanyaine. ³ Nimi' sariminyi yaasiwa' yagaala yihizidayane majivanige. Sare' darevinyi. Nimi' mena dara diwa. Nemire simunyavi sarimi' wlamwaaiha'. Sarevi yihigaimwaga'neina sarimi' kabalapi nemi' sarimijie ye'mwannabaina yaade' tewaanyasi. Yi nabaai sarimi' gaala kuna kamwaalapi nemi' sarimijie gaala ye'mwannamwaaina yaade' tewaanyasi. ⁴ Nimi' sariminyina yilaaya yadi diraginna yawid'i ku'maayaba yihizalikurakyivanige. Nimi' sariminyina wi'nena sariminyine yaya' munyaba makimanige. Yuya taanginya neyima'nade sangi' sarimi' yawa'daasa'na nimire kuryari yunebanna nyvaimwaman!. Nabaai yilaaya naange' niminyi yuneba yeku'nawiresi'mani'.

⁵ Taanginya sare' darevinyi. Sinnawit Pirovij Maazathoniyana bi'ma'mwa'dohaa' dazimagi kimagi'ji nemire kilaakejik kwaamu'na mamwaalyiwa'do. Aawa. Taanginya dala pininna pininnanya neyima'nawa'dikengi. Yi mwasimagi neminyi maiyagaalyaj maangeji warina. Yi kusimagi nemi lika yina. ⁶ Sare' kiri' taanginya kininnakeraavi yvaimwadei Gotiyai neminyi neyvaimwamwa!. Yi sai Taaitazar maryasaabakei neminyabanna bi'ma'mwakevi sai nemire simunyavi neyvaimwamwa!. ⁷ Taaitazai neminyabanna bi'ma'mwake'na yune dazahirivina Gotiyai neyvaimwamwak mi ywa!. Aawa. Sarimi' Taaitazare simunyavi yvaimwanna kiwa'daa' sahwai yagaala datha' makabiwakevi Gotiyai nemi' kwainaavire simunyavi neyvaimwamwa!. Taaitazai dara nedwa!. Sarimi' niminyi tinna wanganya'na tewaanya yihivu'nada yi' sarimire simunya' kinna divani!. Sara yadi'vi' nimiji' avaaizimunya'na ye'mwannamwaalya'na sarimi'

sımunya kwalaalya yawi'manıga!. Sarevıdaa'nyı nımtı yılaaya naanga naanga yıvanıge. ⁸ Sare' dare'nanyı. Nımire pikariyıkwiavı yagaala dıragınya' sarımirre kale yıhigaimwa'dıka kırı' yi nımtı yagaala dazavına nımire sımunya' taanga manyıvanı!. Nebulyası. Kigaa' sagaa' sımunya' taanga nyakeinyı. Kırı' dahaa' aawa. Nımtı dara yawırangamanıge. Paazıya daza' sarıminyı sımunya' kale yıhigaimwa'dıkesi. Kırı' nabaai sa' maalıkegaa'nesi. ⁹ Dahaa' nımtı yılaaya yıvanıge. Sarımirre sımunyayı kale yıhigaimwa'de'na yılaaya mivanıge. Aawa. Sımunya' kale yıhigaimwa'de' sarımirre sımunyayı mudıkebwı yawıramaamwı'daasa'nanyı. Sare' darevınyı. Sarıminyı sımunyayı kale daza' Gotıyai marayıhima'nıwa'daavadıkesi. "Nemire paazıyayı yagaalya' Koridit mwaalyaraavı kayaaka aane pımlı' kımlı' nyıgalakadıka!" kado Gotıyai sara yıwa'dıkesi. ¹⁰ Sare' darevınyı. Kale daza' Gotıyai marima'naabade daza' yi nemı a'mweinaavı sımunya mudıkebwı neyadesi. Yi sasare dazaburı Gotıyai nemınyı nevadaıhasamaa'delyı. Sarevı sımunya mudıkebwına nemire sımunyayı taanga maneyanna! Kırı' kale wiabwi yaasıwa'nanyabwi a'mwe Kwaakevakıyaraavırebwi yi daza' baryabwi gavebwı marima'naabadesi. ¹¹ Sare' darevınyı. Yıthaanyı, Gotıyare kale daza' yi dazahırisa' sarıminyı dala pınnına pınnınnanya tewaanya nawı'nyabura yıhımarima'nıwa'daavadıkesi. Yava'dıgalya'na sarıminyı mwolavalımwagata yıhiwa'dıkesi. Yi yagaainakeihi sarımirre yagaalya yavada'gaimwa'daasange! Yi Gotıyai yıhidıkaa'bwa'de' yi sarımirre yıwetawakya'na wagıla maa'mwa'daasave! Yi Gotıyare dıragınyavına lıka naanga yıwa'daasave! Nemınyı tınnı wanganya'na sarımirre sımunya' sımuyıwaala yıwa'dıkeve! Yi tewaanya'na dıragınnı yadıvı' kayaalnanya'na dıragınnı nayaalı yıwa'daasave! A'mwe dazai yıwetawakya'na tıvıktıta naange' yıwa'daasave! Yuya sangı sarımirre sabwi gamıre yıwetawakya savına ku'maayaba dara yıma'nıvanı! "Sarımtı yıwetawakya' maayaihılyı."

¹² Sarevı, sınnawı sarıminyı paazıya' yıdave' daza', yi a'mwe dazai yıwetawakya mena yaka gave sarına yawırena yıdave' mı!. Nabaai sahwai a'mwe pwarı kayaa'nanyabwi yıngakakerına gaverına yawıreinyı mı!. Aawa. Nımtı sarımirre sımunya dıragınyabwi ku'maayabanna marima'naabya'na yıdavesi. Yi Gotıyare tınnıyarı sarımtı tewaanya nawı'nyabura neya'neihi nemınyına tewaanya yıhıvu'nıvanıke'nanyı. Sarımtı sara yawıramaata'ne' yıdave'nanyı. ¹³ Sarevı nemire sımunyayı tewaanya neyıvaimwadıvısaıhılyı. Sare kırı' neyıvaimwange' gave' mı!. Nemı yılaaya naanga yuna yıvanıgo. Sarımtı yuyaihi tewaanna yadıvı' Taaitazare kuryai kave mena yımwaaıhıvanıgası'na sahwai yılaaya yıvanı!. Gamıre yılaaya sasare dazabwi wangadaa yi nemıji yılaaya naanga yuna yıvanıgo. ¹⁴ Sare' dare'nanyı. Sınnawı nımtı Taaitazarı wıdadı sarıminne yaya' munyaba makıle daza'na, yıwetawakya mye'na, nımire yagaala dazavı wagıla mamaariwa. Aawa. Yuya yagaala nemı yıhıtho daza yi naanga nebulya'nanya warıkabaaibı' yi savı Taaitazaryaba sarıminne yaya' munyaba makılo yagaala daza' yagaala naanga nebulya'nanyası. ¹⁵ Taaitazai sarıminyawınnı kabi'mava' yi sarımtı "Yıwetawakya nyaadıkajı," lıka yıwaaineva sahwari maaresalyı. Yi sarımtı yuyaihi sahware yagaalya' mıdınnı yesaihılyı. Sahwai yune dazahıbwına yawı'da yi gamıre sımunyai yawırirıkkıräkyai sarıminyawınnı yuna wa'daawadelyı. ¹⁶ Dahaa' nımtı nebulya' dıragınnı dara lımwamwa. Sarımtı saihi yuya yıdata sabura nayaalı nebulya'na jideihılyı. Yi sasare sabrı nımtı yılaaya yıvanıge.

nawī'nyi'na yīwaasare. ² Kīraazītiyarīna sahwaraavī taanga naange' kima'na' yī sahwaraavīre sīmunyavī taanginya sabwi yaamījī yījīwaala yakebulyī. Yījīwaala dazaburī sahwara kayaa'na nebulya'na mwaalesare. Kīrī' sahwara yune yīlaaya naanga nebulya'nanya' kīnīnnakere. Nabaai sahwara yune kewewīnī gīlyīvīta maayare. Yī sarevī dazahwara pīwīnya kwīya'mweraavī gaimwagya'ne sīmunya dīragīnna nayaa yawīramaa'dīvīsare. ³ Sare' dare'nanyī. Nīmī nayaa wangadī jalīkurakīvanīge. Kumīre nīgwia maalīkengī nīgwia yanga wījaaya'ne kīnīnnakera yune sara wījaavadīvīsare. Yo, sahiburī wavīlā'dīvī' nīgwia pīnījī wījaavadīvīsare. Kunnya sīmunyaburī mīdīdīvī' nīgwia daza wakadīvīsangī. ⁴ Yī sahwara nemīnyī dīragīnna nedadīvī' yīdaanganna "Wawīnya Gotīyare tewaanyara Juthīya mwaalyaraavīne yanga gaimwange' nemī wījaaya'neinaavī dīnejīla! 'Naanga sabwi mi nyaadīka!' dona yīhīthīvanīgo. Kave mwaaihasa' aawa! Kusīlaanyangīya pwarajī sara yīrakurayaana!" ⁵ Sīnnawī nemī dara līmwagaro. Sahwara nīgwia pīnī pwareaavīna wījaavīpī'derera. Sare kīrī' yune sasare yīpīne'na mī'. Aawa. Aayaga'a' Naangerīna kumīnyīdaasī wījaavīneva Gotīyare sīmunyavī mīdīdīvī' yī sara ya'nera nemī kwainaavīnajī kumīnyī wījaavīnīwaa!. ⁶ Maazathonīya mwaalyaraavīne sare' nemī Taaitazarī yaamījī wīdīwo. "Yī sīnnawī sagaa' sahwai pwareaavī nīgwianna wawīnya wīgaimwanga daza' Koridit mwaalyara ya'neraavī gaai wīdakabaaibī' wīdīhaa'bwarana! Sarevī sahwaraayaba yanga gaimwanga nawī'nyi'na sa' nayaa yī'mwannana!" yawīrona sara yaamījī wīdīwo. ⁷ Yuyaburaavī sarīmī yunebanna tewaanna yadīvīsaihīlyī. Yī Kīraazītiyarī dīragīnna yunebanna līmwadīvī', yī Kīraazītiyarīne yagaala yuna dīragīnna wījīwaakadīvī' yī yune sīmunya nawī'nyi'na kīnīnnakeihīlyī. Yī sarevī sarīmī Gotīyare wawīnya ya sabwina yunebanna nebulya'na dīkaa'dīvī' yī nemīnyīna yunebanna nebulya'na yīhīvu'nadeihīlyī. Yī sasare saihi yunebanna tewaanna yadīvītabaaibī' dahaa' "Yanga gaimwanga nawī'nyi'na dazabwi yī, yunebanna wījaayabwi yaana!" dapījī sara jīla!

⁸ Savīna nīmī kīwīnya dakya'ne' mihibīvanīge. Aawa. Maazathonīya mwaalyara a'mwe pwareaavīna nebulya'na dīkaa'dīvī' tewaanya yadīvīsanna jalīkurakena sarīmīre kale saburī yaamījī yīhīvanīge. Sa' nemī yawīraade'na sarīmīre kale sabwi sa' naanga nebulya'nanya' sahwaraavīre'bīsasīra. ⁹ Sare' darevīnyī. Sarīmī mena dara yawī'manīga'. Nemīre Naangei Jizaazai Kīraazītiyare yanga gaimwanga nawī'nyi'naange'na yake'nanyī. Yī sahwai nawī'nyi'naa angengī aaya kaavīlyalyī. Kīrī' sarīmīnyī gaimwanga yīhya'nei gīlyīvīta maayai yīma'nakelyī. Yī sarīmīnyīna "Waryaanya sabwi līmwadīnyavī nawī'nyi'naa kīnīnnakera yīma'nīpīka!" daka sarei yīma'nakelyīra. Sara mena yawī'manīga'. ¹⁰ Yī yīhīthīvanīge' kīwīnya'na mī'. Dahaa' daza' nīmīre sīmunya' yīhīzīwaakīvanīge. Sare' darevīnyī. Yī dare' sarīmīnyīne tewaanyasīra. Kwaramē menanyarīkī sarīmī wawīnya daza' mena dīhaa'bwareta gave'na mī'. Aawa. Sareihi sīnnawī sarīmīre sīmunyavī wawīnya ya'na tewaanya kuna yīhīvu'nakeihīlyī. ¹¹ Yī nabaai dahaa' wawīnya daza' ya'ne' sarīmī nayaa yī'mwannyīna jideihīlyī. Kīgaa' daza'na sīmunyavī yīme'nyi'bī' dīhaa'bwaretabaaibī' sarīnnya gīlyīvīsangīna yīnīgevanna wi'nanya'na sarīmī yunebanna yīme'nyi'bī' jīwagyīla! ¹² Sare' darevīnyī. A'mwei nīgwia wījaaya'na tewaanna wīvu'najai yī Gotīyai dazare sabwina tewaanya wīma'nadelyī. Gotīyai yuya a'mwe dazari wīwarajanna kunya yawī'da yī sahware wījaavade sanna maryawībwa'delyī. Sahwari nīgwia naanga muwarikenna marayawībwa'dei mī'. ¹³ Sare' darevīnyī. "Sarīmīnyī taanginya yīhyana! Pwaraavī wīvwa'bwarakanā!" dena yīhīthīvanīge' mī'. Aawa. Sarīmīnyījī pwareaavījī avaaina yīma'nyi'ne'nanyī. ¹⁴ Yī dathahaasagaa' sarīmīre gīlyīvīta kwalaalya yī a'mwe gīlyīvīsanna yīnahune yīma'nadīvīsaraavī yunebanna wiadengī. "Yī sarevīdaa'nyī dīvi sarīmī gīlyīvīsanna kune yīma'nīpīja' yī sahwaraavī kwalaalya naanga wīwaradera sarīmīnyī gīlyīvīsa

yunebanna yihipika!" dena yihithivanige. Yit sasare dazabwina sariminyiji sahwaraavijti avaaina yima'nade'nanyi. ¹⁵ Sara yapijti yit dare' Gotiyare bukuyavti dinikabaaibisasi. A'mwei wapaaya manaaya kwalaalya maaraka sai kwalaalya naange kinnnnakai mit!. Nabaai a'mwei maali'na maaraka sai wigainadei mit!. Yit sasarebaaibit naange kinnnakeihi mwaabitzaifi wigainaderaavina yanga duzaayila!

Taaitazalyi pwaraalyi yange'ne wawinya'na Koridina wawesa'nesi.

¹⁶ Nitmi Gotiyari sua widiyanige. Sahwai Taaitazare simunyavti yidikaalmanikelyi. Sara yadaanyyi Taaitazai nemibit avaaina yawi'mani!. Yit sai kwalyi sariminyine'na tewaanya wivu'nivani!. ¹⁷ Sare' dare'nanyi. Sai nemire yivaimwange' maa'mwa!. Nabaai sai kwalyi wawinya savina tewaanya yaginna wivu'nivani!. Sarevidaa'nyi yune gannya saburinanya' sariminyawinna wiwaka. ¹⁸ Yit nemi neya'mwe pwai maryasitwoyai saliyi ye'mwanniguuuai. Yuya kusilaanya sangi neya'mwe dazai yagaala tewaanya' wijiwaakyarine yaya' munyaba makimanigasalyi. ¹⁹ Nabaai yune sasare'nanya' mit!. Aawa. Kusilaanyangine a'mwera widahilakiwa'daata sai diyi nemiji ye'mwannayamarya'nelyi yanga gaimwanga daza' Jeruzaalemne Kiraazitiyaraavina makwawaade'nanyi. Yit nemi wawinya widayadaanya daza' yit Naangerine byaanna diraginya' a'mweraavi yibwaridaakkwia'nesi. Nabaai nemire simunya' gilyivi'maayaraavi wigaimwagya'ne daza' ya'na neyiwirivanike' yibwaridaakkwia'nesi. ²⁰ Nem i yanga naanga maremwaala'na yivanigo savine yiwetawakya'na nyima'nadika! Sare' a'mwe aane pwai kwai yagaala kayaa'nanya' nadathika! Sarevidaa'nyi yit nemi neya'mwe dazai ye'mwannigwikade'na maryasitwo. ²¹ Sare' darevinyi. Tewaanya nawi'nya yade sabwina nemi yawirona yune Naangere tinna sarinanna mit!. Aawa. A'mwe kwaraavire tinna kwariji nayaa yivanigo. ²² Nabaai nemi neya'mwe pwai maryasitwoyai sarei saraalyi ye'mwannigwu!. Kwalaalya saaminyagaa' nemi sari wawinya dala pininna pininnanyangi yidakwasangadaanyalyi. Yit nemi sari tinna wangadaawoj Naangere wawinya ya'na diraginna yadelyi. Dahaa' sai "Sarimi Koridi mwaalyaihi yune nawi'nyaangebwina jide'na," diraginna limwaga'manikei wawinya daza' ya'na dikaa'da diraginya yaginna yivanikelyi. ²³ Taaitazarina sarimi dara jawiranganyidelyi. Sai nitmiji ye'mwannayadasalyi. Sariminyine'na nitmiji avaaiwawinyalyi. Yit neya'mwe pwaraai saraarina sari mi dara jawiranganyide. Kiraazitiyare kusilaanyangine yawsanna yadisaraalyi. Yit saraai kirinnya wawinya savina pwara Kiraazitiyarinne yaya' byaannake' munyaba makidivisaraalyi. ²⁴ Sarevidaa'nyi sari mire kale' saraavi nayaa jivwaridaakkwila! Nabaai sari mi nawi'nya ya'ne' sari minyine yaya' munyaba makimwo sa' nebulya'nanya' jivwaridaakkwila! Yit sahwarajt kusilaanya anga geva gevanya a'mwerajt naanga nebulya'na ythyawirangabide'na sara jila!

9

¹ Sare' da'darevinyi. Yanga wijaaya' Gotiyare tewaanyaraavi widaaya'ne'na sari mi mena yawi'maniga'. Savina yit nitmi yagaala saaminya' mida'muna! Sarevin manyigainyadesira. ² Sare' darevinyi. Nitmi sari mire simunya' yihithikaa'manike' tivi'na yawi'manige. Yit Maazathoniya mwaalyara Kiraazitiyarereraavi sari minne yaya' munyaba makidinyainyi. Yit dara widiyanige. Kwarame sinnawinyavti Pirovij Giriiza mwaalyara daza' aaya mudi'na yamaasa'na mena yoviravalimwagata yesare. Yit sahvara sari minyina kadika wi'neva wawinya dazahiri' ya'na diraginya yadaapi yit daza' sahvara kwalaalya kwaraavi yidikaavakesi. ³ Sare kirijt yanga wijaaya'ne wawinya savina sari minyina yaya' munyaba makiliya'na sa' yaasitwa'nanya' nyima'nadika! Sare'na sari minyawinna nya'mweraavi maryasitwaabe. Yit sinnawi nitmi widevaabi' yit sari mi nayaa

sara yoviravalimwagata jemwaalyide'na maryasiwaabe. ⁴ Sariminyawinna Maazathoniya mwaalyara nimij nyelmwannigupijara sarimi nayaa yemwaala myadapi tinna yihwangabiza'na yi nemi wagila namaraadika! Yi nabaai sarimi kwaihiliyi wagila yihye'mwannamaraadeihi dingaka! Nem i sariminyina diraginna nebulya'na yawirakadaa sariminyina diraginna sara wido. ⁵ Sarevidaa'nyi nim i dara yawi'mwa. Nya'mwe saraav i nim i nayaa diraginna widima! Kum i sinnaw i niminyi waanapiji sariminyawinna bi'mapi'de'nanyi. Yi sarimi tewaanya naanga yanga wia'neihi mena dahesa' nayaa tivi'na yovirawakapiji ba'mujiyagaa' nigwi'maaya saraavina maryasaabya'ne' mena waradesi. Yi yanga daza' tewaanya naanga yanga wia'b i yi yemwaala yadesi. Nem i yihimwagi'nadaanya' nigwiabit a mi'.

⁶ Yi pwaraavina yanga wijaayabwi daresi. A'mwei tika munne maali'na buridei, nabaai sai yune tika munne maalikenna maaradelyi. Yi a'mwe tewaanya naanga yange'na buridei, nabaai sai kwalaalya naanga yange'na maaradelyi. ⁷ Sabaaib i sariminyidaa'nya gazaizai gannya simunyavi mena yawirakoj i yi yune sahiburina midinoji sara wijaavana! Yi sai yanga wijaaya'na simunya' taanga nuyadika! Sahwai dara yawi'da "A'mwera diraginna nyivanigasa'na yi sasare sahiburi wijaavanigeinyi," nujaavadika! Sare' darevinyi. Nigwiyange'na a'mwei yilaaya yaderina yi Gotiyari tewaanya wivu'niyanike'nanyi. ⁸ Yi Gotiyai sahwai sariminyine'na yiniga wi'na yannelyi. Yi sariminyina yanga gaimwanga yuya wijaavada yi sarimi nebulya' yunebanna yihyadeihiliyi. Sahwai "Yuyagaa' yuyang i gilyivita yuyanna kininnakeihi myihigainyadeihi yiniga nebulya' wi'nanyaihi yuna mwaalina jila! Yi wawinya tewaanya yuya sa ya'neihi dimwaalyila!" dada yunebanna yihyadeihiliyi. ⁹ Gotiyare bukuyavi yangeraavina dara dinikabaaibisasi. A'mwera wia burija'ne p iraih i ray i winas i namaryadi vitabaaib i A'mwei gilyiv i maayaraavina naanga yanga wijaavakelyi.

Yuyagaa' yuyagaa' sahware yida'maraangebwi waragothelyi.

¹⁰ Gotiyai wia burija'ne a'mweraavina yanga wijaavadei yi sahwai wapaaya dala pininna pininna nya'ne yihizavadaawori sareihi yuyaihi tika nayaa dinyideihiliyi. Yi Gotiyai gilyiv sangi (wiangi) sarimi yiniga wi'nanya pwaraavina wijaaya'neihirina yihizaavadelyi. Yi a'mwera tika wapaaya wia buridivisa yi sare naanga yima'nadevaabib i sarimire gilyivisa naanga (sila naanga, wapaaya naanga) yima'nadaa'nyi yanga nawi'nyabwi yida'maraangebwi naanna kuna jideihiliyi. ¹¹ Yi gazazangi sarimi gilyivita kwalaalya yunebanna yihwakadeihiliyi. Gilyivita kwalaalyang i daa'nya pwaraav i yanga yiniga wi'na wijaaya'ne yihwakadeihiliyi. Yi nemire wawinya savi sihumale sarimire daza' neya'mweraav i gaimwagathe'na Gotiyari "Su! Su!" widipi'dere. ¹² Sare' dare'nanyi. Gotiyare a'mwe tewaanyaraav i gaimwanga ya'ne' jide wawinya', sasare saburi sahwaraavire gilyivisanna mudaasaderaav i yunebanna yivan i!. Nabaai yune sasare' mi!. Aawa. Sasare dazaburi kwalaalyara yadaapiya'na yilaayasi Gotiyari "Su! Su!" wijasi maanga yuneba wiresi'nawidihiita yade'nanyi. ¹³ Yi sarimi wawinya yivanigata daza' sarimire yadivita sabwi ku'maayaba marima'naabathesi. Yi sarimi Kiraazit i yare yagaala tewaanya' nayaa jalikurakadivisaburi kwaakewi mwaaihasa'naj i yi nabaai Juthiya mwaalyaraavina yanga naange' nayaa wijavadaapi sahwaraj i a'mwe yuya pwara kwaraj i sarimire ye'mwannayivanigasa' wangabi'de'naj i yi sahwara Gotiyarine yaya' byaannake' munyaba makibi'dere. ¹⁴ Nabaai sahwara yawipi'de'na "Gotiyare yanga gaimwange' wavia'nike' yihwaradesi." Sarevi yi nabaai sahwara sariminyi wanganya'nera sariminyina tewaanya wivu'naderera. Yi sara yadiv i Gotiyari "Su! Su!" widadiv i ydaanganna kyapiji sahwai tewaanya yihyatheihiyi. ¹⁵ Gotiyai gannya Gawaalik i yanga nejaavakelyi. Yanga sa' naangaangesi. Nem i daza' yiniga

wi'na yunebanna yawi'daa daathe' mi'. Yi yanga daza'nna nemi Gotiyari "Su! Su!" diraginna widaana!

10

Apozeliyaraavi kayaakyagaala wi'desa' Poli walamarakake'nesi.

¹ A'mwe pwara niminyina kwaasi yagaalya' dara dadivikti "Sahwai nemiji neye'mwannemwaaida gami sarine yaya' kwaakewi marima'nadelyi. Kirti' nabaai gami menyaba mwaaida sahwai yagaala diraginnaange nedasaabadelyi." Polinyi nimti sainyi Kiraazitiyare kwaamu'nanyabulyi bwiwanna maremwaalyabulyi nayaa mididit sareinyi kave diraginna yihithivanige. ² Yi dara yihidaangamanige. Dividaa'nyi nimti sariminyawinna kabi'mava'muji yi a'mwe sahwara mala nayaa yiwanniipi ka! Akai, a'mwe sahwaraavvi nimti yagaala diraginya nudiwika! Sahwara neminyina dara yawi'divisa'na "Kilaakejikiya yawita saburi yamaryadivikira," nayaa diraginna widede'nanyi. Sara diraginna yawirangamanige kiri' baa'nana! Simunya yarai kyavada'galayawrapiji sara myavada'galyi yihywineinyi. ³ Kilaakejikiya yawita saburi myamaryadaanyi. Sare' darevinyi. Kilaakejikiya yamaryadaa kiri' kayaa'nanya neyima'nadaa'nyi kilaakejikiya yawita saburina kayaa'nanya dathiwadaanyaine. ⁴ Sare' darevinyi. Yuyajti mala tannya'ne sa nemi limwagako sa kilaakejikiya yawita saburiyanna mi!. Aawa. Sa Gotiyare diraginya' kininnakenna yikamaangeraavire maihurita diraginya yiniga wi'na wo'dalasi'nade'na. ⁵ Nemti sahwaraavire simunya wo'daidaanyaine. Nabaai yuya sabura munya ke'beva daa'da a'mwera "Gotiyari yawiranganaana!" dadivit yadivisaraavine tusa' kaanya tihi'devura, sabura kiburajti wo'daidaanyasi. Yi sara yadaa nemti a'mweinaavire yawita yuya sa Kiraazitiyari midinya'nengina kalavuza yiralimwaga'daanyaine. ⁶ Yi nemti mena yawi'bwa'nona sariminyina yemwaala yigo. Sarimi nemire yuya yagaala sa dinemidinyidehaa' yi nabaai nemti yagaalya' galazekivaidivita a'mwe yuyaraavti kumire kayaan'nyabwina wirivikiraadeine. Sareina yawiralimwagata yivanigoinera.

⁷ Sarimi re tinnyangi yihwarika dazanna Apozeliyainaavinenza nayaa jawiranganyila! Yi a'mwe pwai kwai yune gami sarina diraginna limwaga'da "Nimi Kiraazitiyareinyi mwaaihe," yi sai simunya' ayahi yawirana! Gannya simunyavine'na yojti dara yawirana! "Yi nimti Kiraazitiyareinyi mwaaihebaibti Polijti Apozeliyi pwarajti Kiraazitiyarerera." ⁸ Sare' darevinyi. Naangei neminyina sarimi re diraginna limwangebwi diraginya yihiwagaatthe'na gannya diraginya' nejaavakeine. Sa' sariminyi kayaaka yihigalakaade'na mi!. Yi diraginya sa'na nimti yune neminne yaya sanna makilaaja' yi sa'na wagila maarideinyi mi!. ⁹ Kiri' nimti "Aala!" diwa. Sarimi niminyina dara yawi'maniga! "Gamire paaziyangti neminyi lika dahaneyiri'gaimani!." Sare' sarimi yawisa'na "Aala!" dadit mi'na yihithiwa. ¹⁰ Sare' dare'nanyi. A'mwe pwara niminyina dara dadivisare "Yo, gamire paaziyi naanga kininnake yi yagaala diraginya kininnakengi. Kiri' gami sai kabi'mavoji nemti gamire kilaakejiki tinnna wangadaawori diraginya maayalyi. Yi sagaa' gamire yagaalya' yaasiwa'nanyasi." ¹¹ Sasarera nayaa dara yawipika! Nemti sariminyi menya keibeve yibwa'nadozi yune yagaalya' sariminyina pikarya yida'daanya' yi nabaai nemti sarimi ji yihye'mwannamwalaaja' nemti avaainanyabwi yagaala sa' sara yihyadaanyasi.

¹² Sare' darevinyi. Nemti simunya kwalaalya yawi'manigo. Yi "A'mwe pwarabi' avaainanyainera!" nemti yiniga wi'na daanneina mi!. Sahwara yune kuminne yayanna munyaba makinadivisare. Yi nemire sabulyi akwaraavire sabulyi yiniga wilna maryawibwaraanneina mi!. Aawa. A'mwe dazara yune

kumi're saburine yaamijita wakadiv'i "Tewaanyainera," maryawibwa'divisare. Sahwara kumi're yawisangina maryawibwa'nadivisare. Yit sarera simunya maa-yare. Kwaakevakiyara kunnya yawisabwina nayaa maryawibwa'nadivisara mi!. ¹³ Sahwara sara yadi'vi' kiri' Apozeliyaina neminne yaya' munyaba makilyavina nemire yitaasavi wavilavaadeina mi!. Aawa. Yitaata savi Gotiyai yaamijita wakada yitaasa' maryawibwaraka yanga nejaava'. Nemti yitaata yune dazahirivina mididaanyaine. Nemti sahiriv'i kusawi midinona sarimi' kwaihryawinna bi'mavoine. ¹⁴ Sare' darevinyi. Nemti sariminyawinna mabi'mayi yaajikwajti nemire yitaasav'i kavari'mavaadikebaaib'i pilaanna nemti saina diraginna wavila'manigoina mi!. Aawa. Sare' darevinyi. Sinnawi sariminyawinna bi'mavona sariminyawinna Kiraazitiyarine yagaala tewaanya' yihimakabovina sarimi' nemire yitaasav'i mwaaisha!. ¹⁵ Wawinya pinangi a'mwe pwara gaalya-gaa' mraagikiresangina neminne yaya' mamakilyivanigo. Nemire yitaasav'i Gotiyai dahilakaka wawinya savi mavari'mayona sara mi. Aawa. Nemti simunya diraginya dara yawirakivanigo. Sarimire diraginna lwmwangebwi sarimire simunyav'i diraginaanga mena kima'nojti nemire yitaasav'i yinigeva wawinya sa' yunebanna yi'mwannaade'nanyi. ¹⁶ Yit sariminyi bulyimagi mwaaihata kwaaka pimagine Naangerina kadika mu'nyadivisaraayawinna nemti yagaala tewaanya' wiywakamaryaae'nanyi. Nemire yitaasav'i pari'makwuya yaadeina mi!. A'mwe pwara yaamijita wakinikeba mena yakengina neminne yaya' yaasiwa' makilaanneina mi!. "Wawinya sa' nemti saina yagosira," majadaanyainera. ¹⁷ Aawa. "A'mwe gaminne yaya' munyaba makidei yi Naangerina gaverina nayaa sara makilana!" ¹⁸ Sare' darevinyi. A'mwe yune gannya yaya'na munyaba makilajai yi dazari Gotiyai yawiramaaradei mi!. Aawa. A'mwe Naangei gamire yaya' makilajai yune a'mwe sahwari yawiramaaradelyi.

11

Pol kwaasi apozeliyaraavirebwi ku'maayaba jalikurakake'nesi.

¹ Akai, dara nyivu'nivanikeinyi. Nimi simumaaya maaltnanya yagaala kave du'nyila! Maanga yarai manyidipinera! Kiri' yihithiwe' baa'neka! Sarimi' maanga maji, nayaa kave nyu'nadivisaihili. ² Sare' darevinyi. Gotiyaridaa'nya wivu'nyabwina sariminyine tewaanya nyivu'nadeihili. Gotiyai a'mweraavina "Ninnya'neraav'i dahilakima!" dada yi sasare dazahibur'i sariminyina diraginna yawi'manige. Sare' darevinyi. Gave pwariна kwala maa'nya'na sariminyi mena yihithahilakiweihi. Yit sahwai Kiraazitiyalyi. Yit sahwaihi a'mwazidiraaya tewaanya' mwaaside'bisihi Kiraazitiyarina yihimakideihili. ³ Kiri' nabaai nimi lika dara yiwa. Kamaala sai kwaasiya sabwina simunya naanga yawi'dei sinnawi kigaa! Yivavi kwaasi yagaala sa' wiyaakabaaib'i sasare sabwi nayihima'nadika! Sarimire simunyangi yune Kiraazitiyarine yawita dazabulyi yune gaminyina tewaanna yida'na yihivu'nya dazabulyi yihwarikebulyi. Akai, sarevina sarimire simunya sa kayaaka nayihigalakadika! Nimi daza'na lika yivanige. ⁴ Sare' darevinyi. A'mwe kwai sariminyawinna yima'naabada Jizaaza pwarina yihiziwaakadei. Nemti yihiziwaakoyai yi Jizaazai sahwarina mi!. Yit sasare dazaburi sarimi' kurya nabianyai maa'divisaihili. Sinnawi sarimi' maareta Kurya Tewaanya dazaina mi!. Yit sarimi' yagaala tewaanya nabinanya' maa'maniga!. Sinnawi sarimi' yagaala tewaanya maareta daza'na mi!. A'mwe sai sariminyi tinniyaba sasare sabwi yadei yi sahwari kave wi'nivangasaihile! ⁵ Sare' darevinyi. Nimi dara yawi'manige. Mudikera sara yihithadivi' nabaai, "Apozeliya nawi'nyaanga wavila'nikeine," dadivisaraav'i dalaangewi aane piburina kiburina maali'na wila'nata mijvanigena! ⁶ Kiri' yagaala wijav'i nimti nayaa miwirinikeinyi dahamwaaihe? Baa'nana! Sare kiri' nimi simunya

yawisa'na kuna manyimudaasiwan'i!. Aawa. Sariminyina yuya simunya yawita yuya sa nemi yadaanya yuya saburana yihibwaridaakwo.

⁷ Nimi Gotiyare yagaala tewaanya' yange'na yihiziwaakeinyi. Yt sara yadi nimi savina nigwia maareinyi mi!. "Yagaala nebulya' yihiziwaakadi sariminyi munyaba makili'ma!" dena nigwia mamaarya dazaburi nimi sainyi walamarake. Sara yene'na nimi dazabwi ye! yiwetawakyabwi dingaka? ⁸ Kiraazitiyare kusilaanya piningi sariminyi yihithaaya'nev'i nimi nyigaimwagya'ne nigwia maareinyi. Yt sasare saburi sahwaraavire gilyivisa nimi yaasiwa' mwagi'nya'bisisi. Kumire widaayavina mi!. Sariminyine'nanyi. ⁹ Sinnawi nimi sarimiji yihye'mwannemwaalena yt nimi gilyivisanna nyigainakegaa' yt dazagaa' sarimijiya a'mwe aane pwarina kwarina taanga wijaaveinyi mi!. Sare' darevinyi. Neya'mwerana Maazathoniyadaa'nyara anga Koridina yt'maveva gilyivita nyigainadaasiya sahwara yunebanna ye!. Yt gilyivita yuya nimi nayaa yavada'gainadi sariminyina nimi taanga pimili' kimili' mayihizaaye. Nabaai divi yuyagaa' yt nimi nayaa kuna sara yideinyi. ¹⁰ Yagaala nebulya'nanya Kiraazitiyare' sa' nimi nyi sahwainyi nyari!. Sareviadaa'nyi yuya Pirovij Giriya simagi nimirne yaya' munyaba makidi yadinya dazabwina a'mwe aane pwai nimirne tusa' yaya' makilya'ne' kaanya yiniga wi'na tihiradei mi!. ¹¹ Nimi sasare sa' baari'na yivanigena? Nimi sariminyina tewaanya manyivu'nyivankeinyi dingaka! Aawa. Gotiyai mena nyawi'mani!. Nimi sariminyi nyivu'nadeinyi. ¹² Sare kiri! "Pwara kumirne yaya' munyaba makilya'ne tusa'na 'Polimiva avaaina yadivtabaaibi' sabwina biraana!' dadiv'i yaamiji yina yadaapi 'Tuta sa' kaanya tihirima!' dena sarimire nigwia maa'dinyainyi mi!. Yt nabaai nimi yune sasara yideinyi." ¹³ Sare' darevinyi. A'mwe dazara kwaasiya apozeliyare. Sahwara kwaasi yadivisare. Sahwara kumirebwi marovinya yadiv'i yune kilakejikina "Kiraazitiyare Apozeliyainera," dahilakimaniga!. ¹⁴ Yt dazavine'na sarimti atika mamaru'napina! Sare' darenesi. Saataan i gami sai gannya kwaasiyabwi marovinada yune kilakejikinanya' sai baakeviya ejeliyaibi' yima'nadelyi. ¹⁵ Sasare savidaa'nyi gamire widaayadivita a'mwera kwaraji kumirebwi kwaasi marovinya yadiv'i a'mwe yida'maraangebwi yadivsarabisara kwaasi yima'nadivisa' naange' daaka! Yt a'mwe sahwara dividaa'nyi kumire kwaasi yadivita sabwina tivikita kayaa'nanya maapidere. Kumire aayagaa'ne' kayaa'nanya sahir'i war!

¹⁶ Sinnawi mena yihithiwe' nimi ayahi yihithima! A'mwe pwai kwai nimirne dara nyawi'rad'i! "Sai a'mwe simumaayalyi." Kiri! sare' yawirya'neihir'i yihivu'naja! "Nimi kwainyiji simumaayaibisainyi nimirne yaya' munyaba makili'ma!" kada'muj kave diriyu'naabyila! ¹⁷ Nimi Naangei yakebwi mamidinyadi yagaala dara majvanige. Aawa. Simumaayaibi' yagaalya' yaya' munyaba makilya'na nimi diraginna yivanige! dara dahathivanige. ¹⁸ A'mwe kwalaalyara kilakejikiyabwi mididiv'i yt kumirne yune yaya sangina munyaba makimanigasavi yt dahaa' nimi kwainyiji yaya' munyaba maali'na makili'deinyi. ¹⁹ Sare' darenesi. Sarimti a'mwe simumaayaraav'i kwaasi yagaala yihiziwaakadivisaraav'i yilaaya'na kave wi'nivaniga!. Sarevi simunya tewaanya'kininnakeihi daa! ²⁰ Sare' darevinyi. A'mwe pwai kwai gamire yaasiwa'wawinya'na yihimwagi'namakabaza' yt sai sarimire gilyivita yuya yunebanna yaja' yt sai gamire kwaasiya'na yihigalaja' yt sai kayaa'na yihibwaakaja' yt sai sarimire sidalengi mala yihiramaja' yt sara yihyadaawori sare sar'i kave nayaa wi'nivanigasaihile! ²¹ We!! Sasare kayaa'nanya sabwi ya'ne sahwara yadivisanna nemi diraginya maayaine. Sarevi yt nimi savina jalikurakewe' yt nimi wagilya' nyivwa'nanneinye!

Nabaai a'mwe pwai kwai diraginna yada gannya sabwina jalikurakadevurina yt dazahiburina nimi kwainyiji diraginya yadi jalikurakideinyi. Sara diwe' a'mwe simumaayainyb'i diwebaaibisasi. ²² Sahwara Yiviruyara dingaka? Yt nimi

kwainyijinyi. Ne Jaikopimidaa'nyara Yizireliyara dingaka? Yi nimti kwainyiji. Ne Eviraamimire yisiwiara dingaka? Yi nimti kwainyiji. ²³ Kiraazitiyari widaayadivitara dingaka? A'mwe wana sidu'maaya yune nav'i'navika nebulya'nanyaibisainyi dara dima! Yi nimti wavila'dinyainyi. Yagiyagi wawinya kwalaalya naangengina wavila'na. Nimirre wawinya'na kalavuza kwalaalya naangengi yirakesangina wavila'na. A'mwera nimnyi mala naange nyiradaapiri yi dazavi sahwaraavi nebulya'na wavila'na. Kwalaalyagaa' nebawa kabaimudikeinye! ²⁴ Yi yirika da-hasaaai dahasaai dahaa' sarevi Juyara wila kayaa'nanyabaalyi nyili'bware'. Kuna nyili'bwa'div'i aaya' teti naainiyavi (39) tamidaakuna nyadiviki. Sarevi aya kiba nimti baligrasainyi. ²⁵ Yirika dahasaai dahaa' Romiyara yisarikaji nyirame'. Gave pigaa' a'mwe pwara silyajit liwakina nye'. Gotiyare wawinya'na wodi yirika dahasaai dahaa' sipiya' kayaaka yinyina kya' nimti saalaalyavi yiwina kyiwidikeinyi. Yi sarevidaa'nyi pigaa' sawita piri' yirite piri' saalaalya naangevi a'ba yilaramaryeinyi. ²⁶ Nimirre widaayaburi kwalaalyagaa' nimti tuta saamnyavi waweinyi. Aalya yarai bwalyawodaa'nyi yiwina kiwidikeinyi sara yeinyi. Yi a'mwe kuka yipalamaa'divisaraavire asiri saba sana yiwina kiwidikeinyi. Yi nimtre yisavaakiyara Kiraazitiyarinna sinna ti'ka wida'daa'nyi nimnyina "Kayaaka yigalaana!" deva sara kanyiramakipidikeinyi. Yi a'mwe ajimya piningiya pwara sara kwarajit "Kayaaka yigalaana!" deva sara kanyiramakipidikeinyi. Yi anga naangeba sara yiwina kiwidikeinyi. Yi kwaaka a'mwamaayav sara yiwina kiwidikeinyi. Yi saalaalyav sara yiwina kiwidikeinyi. Yi a'mwe "Nemi Kiraazitiyareinera. Ja'mweinera," kwaasi dadivisaraavire asiri sara yiwina kiwidikeinyi. ²⁷ Nimti wawinya kwalaalya yagiyagi sara yeinyi. Diraginna miraagikireinyi. Kwalaalyagaa' sawi'wawinya yadi se wareinyi mi'. Miji'na mwaalina yadi aalya'na baleinyi. Kwalaalyagaa' Kiraazitiyare wawinya'na ti'ka wapaaya yagalya'maveinyi. Nimnyi yirila nyadaa'nyi baazi'ma'nyanna kune nyima'nakeinyi. ²⁸ Nabaai yune sahinannana mi'. Pin warike wavila'nikeinyina wibwaridaakuvantengi. Yuya yirikerikaav nimti Kiraazitiyare kusilaanya yuya sangi maremwaalya'na simunya kwalaalya yawidinyainyi. Yi daza' taanginya naanga nebulya'nanya' nyakivan'i. ²⁹ Yi a'mwei Kiraazitiyari limwadei gamire kuryai diraginya maayai yojya'na yi nimti kwainyigamibi'na najnanyainyi ye'mwannamwaalideinyi midaaka! Yi a'mwe kayaa'nanyav yidihwaki'naraawajai yi daza'na nimtre simunyav kale dusina, daanga naanga dike'b'i nyiginyiwannaradeinyi midaaka!

³⁰ Nabaai nimti yevina "Kwalaalyanna diji," yawi'mujainyi yi nimti dara dideinyi. Nimti diraginya maayainyi. Yi dazavina niminne yaya' munyaba nayaa makilideinyi. ³¹ Gotiyai, Naanga Jizaazar Ganmaangei sahwai nimnyina dara yawidelyi "Sai kwaasi majiwa!" Nemi yuyagaa'na sahwarine yaya' munyaba makidaanyai sara yawidelyi. ³² Yi sarimi nayaa yawiranganya'neihiri "Pol diraginya maayalyi," yihithima! Damaazikazi saba Aaretazai Kingiyai mwaala'. Sarei kiyaplya naangeri anga naanga Damaazikazi tikuryavi maremwaalya'neri dahilakakelyi. Yi sahwai dame daaya'nei nimnyina "Kalavuza yirimai!" daka nyakelyi. ³³ Sara kanya' nya'mwe pwara soigilya naangevi lika wilanyimarulakeva angebanya sikurkev munyaba dabu'nikev nimnyi wilyabaari makwasaabina nye'. Yithaa, sara kanye' nimti walaabina yina yena likaanya wina ye. Sarevidaa'nyi yi nimti kiyaplyare asiri makwasakena yi nimti likaanya wina ye. Saza yadinyainyi wirisainyi.

12

¹ Tusarti' piri' mi'. Nimti yune niminne yaya' munyaba makimujainyi. "Nebulyasi, sasare dazabwi negaimwagathe' mi'," yawi'daanyi. Sarevi kir'i

a'mabaaitinna pìninnajit lìka yulyakya pìniji Naangei marima'naabadennajit dìde'nanyi. ² Kìraazitìyarì wìlamwaalìka pwari nìmì mena yawìrangadìnyainyì. Yì sahwari kwarame potinìya (14) kigaa! Gotiyai gamireba Sìgynyavì mena ke'mwewinna yarai yìpalamakìlaawa!. Ai, sai kìlaa'nakei dahamwaala'? Nìmì myawìriwa. Sai kìlaakejìt yagalya'mata dahaya'? Nìmì myawìriwa. Gotiyai yune gave sahwaina yawi'dei. ³ Yì nìmì a'mwe dazarìna yawìrangadìnyainyì sahwari Gotiyai nawì'nyabanna Parathaazi wo'nìkebanna makìlaawakerìna. Sai kìlaa'nakei dahamwaala'? Sai kìlaakejìt yagalya'mata dahaya'? Nìmì myawìriwa. Gotiyai yawi'dei. ⁴ Sìgynyaba sai kadìka wì'naka yagaala sangi a'mwei yìnìga wi'na dannei mi!. Yì Gotiyai daza kìrit'na jìt kìmaakìya dakìna. ⁵ Sasarerì yìma'nakevìna nìmì gamìnne yaya' munya ke'ba makìlya'neinyì. Nìmìnyìne'na nìmìnnne yaya' munyaba mamakimuna! Kìrit' nìmìnyìna gave pìrit'na dara dìde'na "Nìmì dìragìnya maayainyìra," nìmìnnne yaya' yìnìga wi'na makìlìdeinyì. ⁶ Sara yìwìneinyì. Sare' darevìnyì. "Nìmìnnne yaya' makìlìma!" dìwìja' a'mwe navì'navìkeinyìbi' yìdeinyì mi!. Sare' darevìnyì. Yì nìmì yagaala nebulya'na dìwìneinyì. Kìrit' yune nìmìnnne yaya'na mamakìlyìvanìge. A'mwe pwai nìmìnyìna dara nyawìradìka! "Polì a'mwe wana nawì'nyaangelyìra." Nìmì yìvanìge sabwi sahwai tìnna wanganannejì nìmì yagaala dìvanìgengì kadìka wì'nannejì sasare sahìningì sìmunya nayaa yìda'na yawìrade'na tewaanyasi. Nebulya' dìngaka? Kwaasiya' dìngakajì? ⁷ Yì yuya daza Gotiyai nyìbwariðaakwake wana naanga nebulya'nanyanna "Yì gamìnne yaya' gamì saina naanna namakìladìka!" daka sareviðaa'nyì Gotiyai lange'bìsa' daange' nìmìre kìlaakejìkì nyìmulya'ne' nyìjaava!. Yì daza! "Saataanìmìre ejelìyai Polìmì mala wìramana!" daka nyìjaava!. Nìmì yune nìmìnyìne'na naanna namakimudi'de'na nìmìnyì marulawakya nya'nei daanga nyìvìdelyì. ⁸ Dazavìna "Naangei nìmìnyì marasi'nana!" dena yìrìka dahasaai dhaaa' dìragìnnna yìdaangane'nanyì. "Tewaanya mwaalìma!" dena yìdaangane. ⁹ Kìrit' nabaai sahwai dara nyìda! "Nìmìre yanga gaimwanga naangebwi gìmìnyì yìnìga wi'nannebuliyì. Darevìnyì. Nìmìre dìragìnya a'mwe dìragìnya maayaraavi wawinya yuna nebwina wiadesì." Sareviðaa'nyì "Taanga nanyadìka!" madìwìna! Nìmì dìragìnya maayainyìre wìrita savìne yaya' munyaba makidìnyainyì. "Kìraazitìyare dìragìnya yune nìmìnyì nyarana!" dadì sara yìde'nanyì. ¹⁰ Sareviðaa'nyì Kìraazitìyarìne'na wìrisangìjì bìräiyagaalyangìjì nyìgaiyangìjì kayaaka nyìgaidengìjì taanga dala pìnìnna pìninnanyangìjì nìmì wikìra. Sare' dare'nesì. Nìmì dìragìnya maayainyì mwaala'mujìyagaa' yì dazagaa' sagaa'na dìragìnya nebulya'nanya' kìnìnnakeinyì.

¹¹ Nìmì navì'navìkeinyì yìma'nìwa. Kìrit' nabaai nìmì yadìnyabwi nayaa myawìranganyìwaasavì sarìmì kyanyìdìka'mwa'daa' yì nìmì sara yìma'nena yagaala sa dìwa. Sare' darevìnyì. Sarìmì nìmìnnne yaya' munyaba makibìza' sa' yìda'nanyabulyì. Kìrit' sarìmì sasara yadìvitaihi mi!. Sare' darevìnyì. Nìmì geinyìra. Kìrit' mudìkera "Apozelìya nawì'nyaanga wavìla'nìkeine," dadìvìta dazaraavi dalaangewì nìmì mula'narige. Aane pìrit' kìrit' manyìmudaasadeinyì. ¹² Nìmìre sìmunya' dìragìnya yuya yìvaimwannadi sarìmìnyaba Gotiyare wawinya' yadi apozeliya kware wìjìwaainya nebulya nìmì marima'naabe. Sa yì darengì. Yìjìwaainya dala pìnìnna pìninnanyajì atìka maru'nasajì dìragìnya yajì sa yìma'nìkengì. ¹³ Sare' dare'nesì. Nìmì yìhye'na "Kìraazitìyare kusìlaanya pìnìngì naanga ya!. Nemìnyì maalìka ya!." Sara yawi'manìgasaihi daaka! Nìmì yadìnya'na sarìmìnyìne pìnìnna yìhìmudaasade dìngaka! Yì yìhìmudaasade' gave pìrit' nanya' daresì. Nìmì sainyì gaveinyì sarìmìnyì taanga yìhìzaaveinyì mi!. Sarìmìre gìlyìvisa yìhìmwagi'neinyì mi!. Nìmìre yìwetawakya dazawaai sarìmì nayaa dìmarasi'nyideihìle!

¹⁴ Yìthaanyi, dhaaa' sarìmìnyawìnnna dahasaai darìki bìde'na nìmì yemwaala

yiwa. Yi nabaai taanga mihiizaayadi sarimire gilyivisa yihimwagi'niideinyi mi!. Sare' dare'nesi. Sarimire gilyivisa maarya'na nimti mabiramaariwa. Aawa. Nimti sarimti sahwaihirri maarya'na nyivu'nivan!. Sare' darevinyi. Kaimiraayara sahwara kuvintimaangeyuraav gaimwagya'neyuraav gilyivisa mari'bwarakya'nera wawinya maayarera. Aawa. Yune kuvintimaangeyura kaimiraayaraav gaimwagya'neyura mari'bwarakya wawinya sa' kininnakeyurera. Nimti sirintimaangeibisainyi sara yihithiwa. ¹⁵ Yi yihigaimwagya'neinyi nimire gilyivita yuya wasisa'na, nimire gaala kibulyi wasisa'na. Yi sarevina nimti "Wikira," dadinyainityi. Nimti sariminyina tewaanya naanga naanga nyivu'naja sarevidaa'nyi sahirivitivikita ya'ne' niminyina sarimire yihivu'nyabwi yune maali'nanya' jivanika! ¹⁶ Kirri' nabaai pwara sahwara niminyina dara divaniga' "Nebulyasi. Sai sarimire gilyivisa ku'maayaba maarakei mi!. Aawa. Sai a'mwe nyili'nyilika dadelyi. Yi kwaasiyaburi sai sarimire sinnyikaavi lika yulya'mwagakya yada sariminyi yihimwagi'namaara!." ¹⁷ Mena maryasaabera a'mwe pwara sariminyawinna besaraavidaa'nyi kwaraavire asiri nimti kwaasi yena sarimire gilyivisa dahayihimwagi'ne! ¹⁸ Nimti Taaitazari kyadikaave yi sahwai sariminyawnna bakei, yi nimti neya'mwe pwai dazai maryasaabei salyi ye'mwannigwawa!. Taaitazai sai kwaasi yaka sarimirennna mwagi'nakei daaka! Gamiji sainaai simunya gave avaainanyavi kaanya yamaryolyainaai midaaka! Tuta yune gave piriwinna yibwaramakwadasainaai midaaka!

Koridi mwaalyara yavada'gainya'neraavi "Mala nayaajiwannyila!" widake'nesi.

¹⁹ Yagaala yuya dazangi sarimti danganapiji yi neminyina jawiryideihi dingaka? "Nemire tinnyari Polimivaavi marida'maya'ne' yida'mwakelyi." Kirri' aawa. Gotiyare tinnyari nemti Kiraazitiyari wilamwaaihoina yagaala daza divanigo. Kirri', sariminyina tewaanya nyivu'nadeihi, nemti yivanigo yuya sa, yi sariminyinenna diraginya yivaimwanga yihyadennanyi. ²⁰ Sare' darevinyi. Yi nimti lika dara yivanige nayhwangamudika! Sariminyawinna bi'mava'mujt "O, sahwaraavina simunya nayaayawirima!" diwija' kirri' sarimti nayaay mamwaalyi yadivit' sareihirri nayhwangamudika! Nabaai sarimti kawaihi "Pol neminyina yilaaya yana!" yawipi ja' kirri' nimti sainyi maanga yihiza'neinyi sareinyi nanyangabithika! Akai, sariminyabaya kayaa'nanya dala pininna pininnanya dare naradika! Maanga dinyna, tiganaarya yawi'na, sinna tika davina, pimaginyavakaav maiyagaala dina, kayaakyagaala dina, bulayagaala dina, pihadika yibwaakina, gavamarasi'nyi yagaala dadivit' yina. Nimti dazanna yipi ja'na lika yivanige. ²¹ Akai, sariminyawinna ayahi kaba'mujt yi sariminyina nimire Gotiyai niminyi nanyimarulawakadika! Yi a'mwe kwalaalyaraavi yavada'gaidi sahwaraavina kinna nadiwidika! Sahwara sinnawi kayaa'nanyabwi yesara simunya mudikebwi myawiramaariwaa!. Yi sahwara kayaa'nanya girkita'nanyabwi yina, ata limwangebwi yina, dik widadaasi yina, yi sara yadivisaraavina kinna nadiwidika!

13

¹ Dahaal' sariminyawinna nimti bide dahasaai dhaakira. Mi'na bi'mava'mujt yavada'galya'na dinike'na dara yideinyi. A'mwe pwaraai a'mwe kwaraai kwai avaaimaangi'na kajalikurakapiji yagaala daza' diraginya wa'da yagaainakeraavi yawibwarideinyi. ² Sinnawi sagaa' yiwetawakya yesaraaviji sariminyi a'mwe yuya pwara kwara sara yiwa'daasaraaviji yi pigasaalyagaa' sagaa' nimti sarimijt yihye'mwannamwaalena "Sarimire yiwetawakyangine tivikisa'na mala nayaajiwannyila!" yihithevaabi' yibwa'niveinyi ya'ne sabwina ayahi dara yihithivanige. Sariminyawinna ayahi ba'muri yiwetawakya yadivisaraavi yaasiwa' wanganakina yideinyi mi!. ³ Sare' dathare'nanyi. Sarimti "Naanga nebulya'na yawiranganaajj Kiraazitiyai Polimire maangevi dathei dingakajj," jawiranganyide. Kiraazitiyare

dıraginya yıhyıdeinyi. Sahwai sarıminyına wırısa'na yadei mi!. Aawa. Sahwai sarıminyına dıragınaangelyi. ⁴ Sare' darevinyi. Kigaa' sahwai wırıta kınınnakeri pwara yısaviri niliya wıramesalyi. Kırı' nabaai Gotıyarı dıraginya kınınnakei gaalyai mwaalı!. Sare' datharevinyi. Nemı sahwarı wılamwaaihovı nemire kılaakejıkaavı kwainajı dıraginya maayaine. Aawa. Kırı' Gotıyare dıraginya yıhyavada'galya'neina dıraginya daza' marima'nabaatheine. ⁵ Sarımi nayaa jawıryide'na "Nemı Kıraazıtıyarı lımwaga'manıgoina daaka?" sarınya sımunyangı yaamıji jıla! Sarımi sahi sahwaihıri nayaa jawıranganyıla! "Nemınyı Jizaazai Kıraazıtıyai sahwai wılanemwaalı!" myawırvanıgasaihi daa! Nabaai aawana. Yı savına sarımi kwaasıyaihıri jawırangannyidehi dıngaka? ⁶ Yı nımire yawıta yıvanıge. Sarımi nemınyına dıneyawıranganyide yawıbwata dazavı yıngıeva. Kwaasıyaina mi!. ⁷ Yı nemı Gotıyarı yıdangadaanyi. Yı sarımi kayaa'nanya aane pıbwi kıbwi mi jideihılyi. "Nemı yavada'galya'neina yıngı mi'nanyaina ku'maayaba nayaa yıma'nabaana!" dona sara yıdangadaanyaina mi!. Aawa. "Yı sarımi tewaanyabwi jıla!" dona yıdangadaanyi. Sare' nevu'nıvanı!. Nemı yıngı wi'nanyaina ku'maayaba yıma'nabaadeinaavı myawıranganya'ne'na wikıra. Sarıminyawınna bawaajı Kıraazıtıyare dıraginya yıhyavada'galaade' wikıra. ⁸ Sare' darevinyi. Nebulya' marulawakya'neina yıngı wi'na yaanneina mi!. Aawa. Nebulya' gaimwagya'neina yıngı wi'na yaanneinera. ⁹ Nabaai sare' darevinyi. Nemı wırıta kınınnakeibısaina mwalaaja gazagaasagaa' nabaai sarımi dıraginya' kınınnakeihi mwaabızagaa' nemı yılaaya yına yadaanyainera. Nabaai sarımi yavada'gainya'neihi tewaanya yıda'maraanga nawı'nyaihi yıma'nya'na yuya-gaa' nemı Gotıyarı wıdadaanyi. ¹⁰ Savıdaa'nyı "Nımi yıbwa'nıweinyı sarımiji bihye'mwannamwaala'muji Naangere dıraginya yarai davanganasa'na mihiżı yıma!" dena pıkarya datha' yıda'mwa. Dıraginya daza' Naangei nyıjaavake', yı daza' dıragınnı lımwangeburı dıraginya yıwagya'nesı. Sa' yawısangı kayaaka wo'dalası'nya'ne' mi!.

Yagaala pımagınya pıniñnesi.

¹¹ Nya'mweihi, dahaa' yagaala aaya' dıma! Tewaanya dımwaalyıla! Tewaanya yıda'maraanga nawı'nyaihi yıma'nya'neihi yavada'gainyına jıla! Nımiye yagaalya' nayaa wı'namıdınapıji sarınya sımunyangı dıraginya yıvaimwannyına jıla! Sımunya avaainanya' jawıramaarila! Kwaamu'nanyaburı dımwaalyıla! Sara yadıvı' yı Gotıyai tewaanya wıvu'nyaburı aaya kaavılyai, kwaamu'nanyaburı aaya kaavılyai, yı sai sarımiji yıhye'mwannamwaaladelyi. ¹² Sarıminyı gazaizai gya'mwe pwarı "Nya'mwei!" dada maangwıdaayılaaya tewaanya' yana! ¹³ Dava Gotıyare tewaanya yuyara sarıminyı "Neya'mweihi!" yıhıthıvanıga'!

¹⁴ Naanga Jizaazai Kıraazıtıyai sarımi yuyaihıri yanga gaimwange' kuna yıhwakana! Gotıyarı sarımi yuyaihıri na tewaanya kuna wıvu'nana! Kurya Tewaanyai sarımi yuyaihılyı kuna yıhye'mwannamwaalana!

Polı

Galeziya

Galeziya mwaalyaraavina Pi'kariyikwia' Poli yavikaryakesi.

¹ Nyidasaabadeinyi Polinyi yikwia da' yavikarivanige. A'mwera nyidasaabadi'vitaninyi mi'. A'mwe pwar Gotiyai kuda! "Polimi widaasaderi dumwaaihya!" kuda! sai nyidahilakakainyi mi'. Aawa. Jizaazai Kiraazitiyalyi Gotiyai Nenimaangelyi "Apozeliyayiginyi gitthaasakadeiginyi," nyidahila nyidahilakagilyainyi. Gotiya sai Kiraazitiyai balakeri yidi'kaavakelyi. ² Nimi'i neya'mwera Kiraazitiyari wi'nya'nera dava mwaaihasaraj Kiraazitiyare kusilaanyangiyaihiri yihithivanigo "Neya'mweihi!" Kwaaka Galeziya piwi piwi mwaaihasaihiri "Neya'mweihi," yihithivanigo. ³ Nabaai, Gotiyai Nenimaangelyi Naanga Jizaazai Kiraazitiyalyi yanga gaimwangebwina yihika! Sanidaare kwaamu'nanyabur kuna tewaanya yihimwaaihyika! ⁴ Kiraazitiyai sahwai nemire kayaa'nanyanne'na wijaavina bala!. Dahaasa kayaa'nanyaraavire kayaa'nanyabwina "Padaihasamaarima!" daka bala!. Nemire Gotiyai Nenimaangere simunyavina bala!. ⁵ Gotiyai tewaanyabwi sara kya' gamire yaya' munyaba makilaana! "Yuyagaa' yuyagaa' byaannakeig!" widaana! Naanga sahirisira!

Yagaala tewaanya' gave piri'na warike'nesi.

⁶ Akai. Sariminyina atika maru'na'manige. Gotiyai kyihithahilaka' Kiraazitiyai yange'na yihigaimwaga!. Sara kyihihaimwaga' maalikeega! "Sahvari yagalyamavaadeina dingaka?" yawidiv'i yagaala tewaanya ge' midinya'na yawi'manigasaihi daa! ⁷ Sare' yagaala tewaanya ge' mwari!. Aawa. A'mwe pwara sarimire simunyu kwalaalya yihizaavanigava. Kiraazitiyarine yagaala tewaanya'na "Nayaayavada'galaana!" yawireva kir'i maraginiywamanigava. ⁸ Sinnawi yagaala tewaanya' yihitho gavesira. Nem'i saina "Yagaala tewaanya aya' waramaryana!" daaza' yagaala tewaanya mudike' yihithaaza' Dikevi nemarasi'nana! Sigunyavidaasa ejeliyai mamaayai yagaala tewaanya mudike' yihithaza' Dikevi wimaras'i'nana! ⁹ Kigaa' mi'na yihitho kir'i dahaa' ayahi nayaayihithima! Sinnawi yagaala tewaanya' yihitho' mi'na yawi'mwaa!. Nabaai dahaa' a'mwe pwai "Yagaala aya' waramaryana!" daza' yagaala ge' yihithivanikeri Dikevi wimaras'i'nana!

¹⁰ Sare' yagaala yihithiwe'na din "A'mwera 'Poli tewaanyalyi,' yawipi'ka!" dadivinigeinyi daaka! Arikawti. Gotiyai niminyina "Nebulya' dadelyi,' yawiranana!" dadivinigeinyi. "A'mwera niminyina yilaaya yip'ka!" yawi'mujt kwajt Kiraazitiyare yaasiwa'wawinyainyi kamwaaimudika.

Poli Apozeliyari Kiraazitiyai widaasakei yima'nake'nesi.

¹¹ Nya'mweihi, sare' nayaayihithima! Yagaala tewaanya' widadinya' a'mweraavire yagaala' mi'ka. ¹² Sare' dare'nesi. A'mwe pwar mamaarye. A'mwe pwai manyijwaakya!. Arikawti. Jizaazai Kiraazitiyai sahwai nyibwaridaakwakelyi.

¹³ Sare' dare'nesi. Kigaa' yeinyirebwi mi'na wi'ne!. Juyaraavi Ne sinnawinyaraavirebwi diraginna mididi Gotiyare kusilaanyaraav naanna kayaana yadi "Sahwaraavirebwi yuna kayaaka yigalima!" dadivinna sara ye. ¹⁴ Juyainaavirebwi diraginna yadi nimire Yisavaakiyara nyinyakwalaangeraavi wavila'na ye. Ne sinnawinyaraavire kwi'nya sahwara maali'na mididaapijt sahwainyi naanna midineinyi. ¹⁵ Kir'i Gotiyai gevwi yawiraka nyinaangevire munyikti kuna mwaalega "Polimi yange'na wigaimwagideinyi," yawiraka nabaai,

"Nyidayaadei yima'nana!" daka nyijivwaramaarya'nei mena nyidahilakya'.
 16 Sara nyidahilakaka gamiregaa' a'mweinyi Gawaaliavaangerina nyibwaridaakwa'. "Niminyina navika yawi'divisaraav i ajimya yuyangiyaraav i yagaala tewaanya' Kiraazitayarine' widana!" daka nyibwaridaakwa!. Mi'na kanyibwaridaakwa' sagaa' Naangere yagaalya'na ywaarasa'na a'mwe pwaraayawinna mwiy. 17 Sagaa' pwara Widaaasadera mi'na yima'nyaasarera. Dividaasi Nyidaasakeinyi yima'neinyi. Sagaa' Jeruzaalemna Widaaasade sahwaraav i ywaarasa'na myilaawie. Aawa. Kwaaka Areviya a'mwamaayabanna wawena divi Anga Damaazikazina ayina yagalaawena bahe. 18 Naangeri kanyibwaridaakwa' kwarame dawaai da' kanyavilava' sagaa' Jeruzaalemna Pitari wija'neinyi angyir'i'maasa'neinyi yilaawena wikitya gave dawaai gaminyawi mwaale. 19 Sareinyi Widaaasade kwalaalyara tinna mwanganyena Jemizai Naangere gahwaalaangeriji Pitariji saraari tinna wangane.

20 Sareinyi yagaala da' yihithivanige' nebulyasi. Gotiyai kadika yuya nyu'nadaa'nyi "Kwaast yagaala myihizvanigeinyi. (Daaina!)" yavikaryiweinyi.

21 Kwaaka Juthiya Jeruzaalemidaasi Kwaaka Siriya Kwaaka Silizya anga mannekabanna wawe. 22 Sagaa' Kwaaka Juthiya mwaalyara Kiraazitayarilimwadivisara kusilaanyangiyara nimire sinnyiki manyanganye'. 23 Sarera pwaraavire yagaala dara wi'nesa! "O, a'mwei kayaa'na neyakei 'Kiraazitayarilimwabneihili,' widivanikei daaka! Sai 'Sabwi kayaaka yigalima!' dakei yagaala tewaanya' duthivanika!" 24 Sara wi'nesa'na niminyina Gotiyari "Byaannakeiginyira," widina ye!

2

Poliji Widaaasade pwaraji saraavinesi.

1 Kwarame piyaakuna (14) kanyavilava' nimiji Baanavaazalyi sainaai Taaitazar maarola Jeruzaalemna ayina yilaawo. 2 Gotiyai sara kanyibwaridaakwa' yilaawe. Yawi'na "Nimire wawinya yagesi wawinya kuna yivanigesi yaasiwa'na nyima'nadika! Kiraazitayar kusilaanyaraav i maremwaaidivitara daakaj i gaveraayaba kave widima! Sahwara 'Pol wi'dade' kayaa'nanyasi,' dipiji kwaj i ajimya yuyangiyara Kiraazitayar mu'nyi yipi'derera," sara yawi'na yena a'mwe naanga gaveraav i wide "Maaveraayaw i sana sana widadinyaainyi." 3 Sareinyijiyai Taaitazai Girikiyai mwaalaka kir i Juyara Kiraazitayar naangera diraginna mujina "Nemire Kiwinja' sara dinike'na gamire kilaakeji' davaana!" muj nehye!. 4 Muj nehyeta kir i pwara kwaasi neya'mwera neminyawinna kima'nyikaanya kave bahe' dame maa'divisarabisara. Kiraazitayar Jizaazai Juyaraavireburidaa'nyi kanevadaihasamaara' tewaanya mwaaiho. Damerabisara yawi'na "Kumirebwi tinna wanganawaaji Juyainaavirebwi ayina pwuyaana!" yawi'na yeva kave bahe!. 5 Kave bahesaraavire yagaala kadika diraginna mu'nyo. Nem i yawi'na "Juyaraavire kiwinja Maaveraav i nurihtradika! Naangere yagaala nebulya warana sahwaraavina!" yawi'na yona diraginna mamidinyo.

6 Yi, "A'mwe naangera Kiraazitayar wi'nadaanyainaav i maremwaaidivisara," dadivisara nimire yagaala tewaanya' aane pir i kirisi mye'mwagye!. Nabaai sahwaraavina nim lika myage. Gotiyai a'mwe yuyaraavire sinnyavina avaaina yade'na nim yuyaraavina avaaina yawi'dinya'na lika myage. 7 Sahwara yagaala mudika manyije!. Aawa. Kir i dara wanganasesi. Gotiyai Pitari "Juyaraav i kilaaka daya'neraav i yagaala tewaanya' duthatheiginyi," widaasakabaaibi' Poli Maaveraav i kilaaka madaya'neraav i wija'neri dahilakakelyira. 8 Sare dare'nesi. Gotiyai Pitari gannya diragiya' kujaava' Widaaasadei Apozeliyare wawinya yada kilaaka dayaraav i wijiwaakadevaabi' sahwai gannya diragiya' kanyijaava' Apozeliyainyire wawinya yadi ajimya yuyangiyaraav i wijiwaakadinyaainy. 9 Jeruzaalem mwaalyara

Kıraazıtıyarerera yawi'na "Jemizai, Sipaazai (Pitai), Jonı nemire a'mwe naangere. Sımyarera." Yawi'na kye' sahwara mwaaidiv'i dara yawiresası. Ya, Gotiyai Polimi Apozeliyare wawinya' dahılkaya'na yange'na wıgaimwagakela! Sara deva "Nemi avaaiwawinya yadaanyainera," deva Baanavaazalyı sainaari ata bwa'nyına nehye!. Nabaai dınyına "Yo, Polijı Baanavaazalyı saraai ajımya yuyangıyaraayawınna kuna wika! Nemi kilaaka dayaraayawı wawinya yaana!" Dınyına kyo naarımı "Tewaanyası," wıdına yoi. ¹⁰ Yagaala pırı' nehithe! "Nemijıyara nıgwımaayaraavına wıgaimwange'na jawırıla!" Nımi sara yadınyainyı wıde "Sare'na yılaaya yıwana."

Anga Aadiyoki Poli Pitarı maanga widake'nesi.

¹¹ Pıgaa! Anga Aadiyokına Sipaazai (Pitai) bına yaka kayaa'nanya' yake'na a'mweraayaba sahwarı maanga wıde. ¹² Sare' dare'nesi. Sınnawı Jemızaryabadaası pwara mabyesagaa' sai Kıraazıtıyarerera ajımya yuyangıyaraayaba wapaaya nyına. Wapaaya nyına yaka kırı' sahwara bına kye' sai Maaveraayaba wapaaya manyına. Sai yawi'na "Sahwara dıragınna dadıvı sare 'Maavera kunnya kılaakejıkaavı mada'nyadıvı saraayaba tıka manaannera!' " yawi'na yaka lıka yına yaka wapaaya manyına. ¹³ Wapaaya manyı kya! Juyara Kıraazıtıyarerera pwara yawıta kayaa'nanya yeva avaaina manyına. Avaaina manyı kye', nabaai, Baanavaazai tınnna wanganna yaka dıragınna mi yaka manyı yakelyı. ¹⁴ Manyı kye' tınnna dara wangane! "O, sahwara yagaala tewaanyayı nebulya' myadıvı' nayaa yıda'na myıvanıgasara daaka!" Sara dena a'mweraayaba Pitarı wıde "Juyaigınyıra. Juyaigı kırı' Maaveraavırebwina tewaanna mwaimwaana. Juyaraavırebwina mamwalyıwaana. Sareigı dahaanı ayına Juyaraavırebwi yıwaanya'na 'Ajımya yuyangıyaihi, Juyaraavırebwina dımwaałyıla!' sara dıvanıgıt. Sara be'na yıvanıgıt!" wıde.

Jizaazai Kıraazıtıyari wi'nya'nera Juyarajı Maaverajı saraavı Gotiyai avaaina padaihasamaa'de'nesi.

¹⁵ Nenımaangera Juyara mwaaidapıji mudangegaa! Juyaina yıma'no. Juyara dına "Ne Mozızare Kıwınya myadıvı sara kayaa'nanyarera." Sare' Juyaina mwaidaa ajımya yuyangıyaina kayaa'nanyaina mamwaalyıgoına ¹⁶ kırı' dara yawı'mwostı. O, pwai Gotiyare Kıwınyabwi yada Gotiyai mujına "Yıda'maraangeigınyı," mujına. Aawa. Pwai Jizaazai Kıraazıtıyari lımwaga'da Gotiyai wıdına "Yıda'maraangeigınyı," wıdıvanıkelyıra. Sare' nemı saina Kıraazıtıyai Jizaazarı lımwamwo. "Kıwınya dıñıkebwı mıdıdaa Gotiyai 'Yıda'maraangeigı,' manejadelyı. Kıraazıtıyari lımwadaa Gotiyai 'Yıda'maraangeigı,' nedana!" dona sara lımwamwo. Kılaa'naka aane pwai kwai Gotiyare Kıwınya mıdıdaa Gotiyai "Yıda'maraangeigı," mujıñike'na Kıraazıtıyari lımwamwo. ¹⁷ Nemi Kıraazıtıyari wılamwaidaanya'na tewaanyaina nemwaaihıvanıkeinera. Sara yadaası Juyara nenganeva nedıvanıga! "Juyaihi kıwınya' navıka yadıvı' kayaa'nanyaihi Maaverabısaihi yıma'nıwaa!. Sare' sarımirı Kıraazıtıyai kayaa'nanyabwi wakadelyı." Sara nedıvanıgasa! Gotiyai yawı'na "Arıkevınyıra. (Kıraazıtıyai nımırebwi yadelyı.)" ¹⁸ Sare' dare'nesi. Kıwınya'na Gotiyai "Yıda'maraangeigınyı," mujı neyake'na Kıwınyabwi wa'dı'nyı Kıraazıtıyari lımwadaa Gotiyai "Yıda'maraangesı," nedadelyı. Nımi ayına Kıwınyabwi yıwıjı kwajı kayaa'nanyabwi yadınyainyı kyıma'nıwıdıka! ¹⁹ Sare' dare'nesi. Kıwınya'na baimweinyı. "Yıda'maraangeinyı yıma'nıma!" dena Kıwınyabwi yaamıjı yaamıjı yena aawano. Tewaanyainyı myıma'nyıwe'na "Kıwınyabwi aalo," dena sabwina baimweinyı. "Gotiyarına gaala mwaalıma!" dena sabwina baimweinyı. ²⁰ Kıraazıtıyari wılamwaaıheinyına Kıraazıtıyai yısavı balakegaa' nımi bainıkeinyı. Sare' nımi sainyı mamwaalyıge. Kıraazıtıyai sahwai wılanyımwaaıkeinyı. Dahaanı kılaa'nakeinyı mwaaiheinyı. Gotiyare Gawaalııkı lımwadı mwaaiheinyı. Sai nımınyına tewaanya wıvu'nakelyı. Gamı sai nımınyıneba marımwangınaka

yarai balakelyi. ²¹ Gotiyai a'mweraavina yange'na w̄igaimwangebwı wanganakina myiwi'nera! (Kıraazitıyarına yawı'dınyainyı.) Sare' dare'nesi. A'mwe pwai K̄iwınyabwina nayaa yada Gotiyai "Yıda'maraangelyı," w̄idazi kwajı Kıraazitıyarı yaasıwa'na kabaladıka! (K̄iwınyabwina Gotiyai "Yıda'maraangeiginyı," mujı yanneyına Kıraazitıyarı neminyına bala!).

3

Gotiyai "Yıda'maraangeihılıra," nedathevwinesi.

¹ Galeziya mwaalyaihi sıdu'maayaıhi! Sarımirre sımunya ginyiwange' gara yıma'nıwaka! Sareihırı Jizaazai Kıraazitıyarı yısavı baimwake' nımi kave yıhıthe' sarımı dara desa! "O, sahwai baimanıkerı tınna dangamanıgo!" ² Gave pırı' yıhu'nıma! K̄iwınya dıñke' sara yesa'na Gotiyare Kuryarı maaresaihi daa! Aawa, yagaala tewaanya' kadıka wı'neva Kıraazitıyarı lımwaga'dıvı' gannya Kuryarı yıhızaava!. ³ Sare' sıdu'maayaıhi daaka! Sınnawı Gotiyai gannya Kuryarı yanga kyıhızaava' sarımı tewaanna mwaalesaihılyı. Dahaal! "Nınnya kılaakevı dıragınyası naanga yune nebulya'nanyainyı yıma'nıdeinyı," dathıvanıga! ⁴ Taanga naanga yıhyake' dıragınnıa mwaalesa' yaasıwa' jıma'nıwaka! "Aawa, yaasıwa'na mıka!" yawı'manıge. ⁵ Sareviadaa'nyı ayına yıhıthıma! K̄iwınya dıñkevıne wawınyanna sara yesa'na Gotiyai gannya Kuryarı wıjaavaka sarımınyaba atıka dıragınya wı'narya'ne yakei daa! Aawa, Kıraazitıyarı lımwagasaburıne wı'nya'na Gotiyai sara ya'!

⁶ Nabaai, Ne Evıraamı avaalyabaaibı' Gotiyarı lımwagyaakelyı. Da' dıñke! "Sai yawı'na 'Gotiyai nebulya' nyıdıwa!', yawı'na yaka Gotiyai dına 'Nıminyı nyılılmwamwake'na a'mwe yıda'maraangei wımwaaıhıwe'na dıwana,' dına ya'."

⁷ Sareviadaası sarımı yawı'na "Ne Evıraamı Gotiyarı lımwagyaakeibısaina Gotiyarı lımwagya'neina Ne Evıraamımirre gawaalıvaangeina nebwina mwaaiho," sarımı yawı'na yıpıneihılyı. ⁸ Nabaai Gotiyare bukuya' sınnawı sagaalı dıñke' ajımya yuyangıvara lımwabi'de'na "Yıda'maraangeihılyı," wıdıdeinyı." Sare'na sınnawı Gotiyare bukuya' Evıraamımirre yagaala tewaanya' dıñke' "Nyılılmwamwaanya'na ajımya yuyangıya yuyaraavına tewaanya naanga yanga wideinyı. Maarıderera," sara dıñkesi. ⁹ Sare' Evıraamı Gotiyarı lımwagyaakerıji nemı a'mwe Gotiyarı avaaina lımwamwoinaavına Gotiyai tewaanya naanga yanga nejaawakeinera.

¹⁰ Sare' dare'nesi. K̄iwınyaburıne wawınyangınera yi sahwara Dıkevı marası'nya'nevı dalaangewı mwaaiha!. Sare' dare'nesi. Dara dıni! "Gazaigızaigı yuyagaa! K̄iwınyayıya bukuyayı dınika yuya sa kuna myadınyaigınyı Gotiyai Dıkevı gımarası'nadelyı." Sara dıñke'na yuyara sara myadıvı! Dıkevinerera.

¹¹ Nabaai, Gotiyare bukuya' dıñke! "Pwai Gotiyarı lımwade sarerına Gotiyai 'Yıda'maraangelyı,' dozyıai yuyagaa' gaala mwaaladelyı." Sara dıñke'na nemı tınna dara dıragınnıa wangamanıgo! "O, K̄iwınya yıvanıke aane pwai kwarına Gotiyai 'Yıda'maraangelyı,' majı yıvanıkei daaka!" ¹² K̄iwınyabwi pıbulyı. Lımwagasa'nebwi pıbulyı. Avaalyaburaai mıka. Aawa. Dıñke! "K̄iwınya yuya ya'gızı gaala dımwaaide'nengıra mubyı'bı!." ¹³ Nemı K̄iwınya yuya myadaanya'na yuyainaavı Dıkevı nemarası'nya'neina mwaaiho. Sareinaavına Kıraazitıyarı ayına nemuba!. Sare' dara dıñke! "Gazaizarı yısavı maratamarımwıdaakwıpı'derı Gotiyai Dıkevı marası'nadelyı." Kıraazitıyarı yısavı neminyıneba kamaratamarımwıdaakwe! Gotiyai Dıkevı marasıtına neba sai yıma'naabaka ayına nemaarakelyı. ¹⁴ Gotiyai "Ne Evıraamımirre tewaanya naanga yanga wiaanya! Jizaazai Kıraazitıyarına ajımya yuyangıvaraavıne' yıma'nana!" daka, nabaai neminyına "Sahwara, Kıraazitıyarı kalımwagapıji Kuryai Tewaanyarıne yune naanga nebulya'na wıde sarı maapıka!" kada! Dıkevı marası'nya'nei yıma'naka ayına nemubakelyı.

Kiwiñya' Gotiyare yagaalyavi mwavilayi yannesi.

¹⁵ Nya'mweihī, a'mweinaavirebwinanya' yihiziwaakimā! A'mwei yawiraka wilimwagarike sare' yikwiavi yavikaryaka gannya yaya yavikaryake' pwara magazekivalyi yipinere. Yagaala piniji mye'mwagy'i yipinere. ¹⁶ Nemirebwi yigovaaib'i Gotiyai yagaalya Eviraamimi'gamire dinya'nei yisiwiariji yune naanga nebulya'na wijaake kuna war'i tewaanya'na. Gotiyare bukuya' majiny'i "Dinya'neraava." Kwalaalyaraavina majinyikesi. Aawa. Dara din'i "Dinya'nela," gave pwarina dinikesi. Nabaai, Kiraazitayarina dinikesi. ¹⁷ Kuna warike' dara divanige. Gotiyai Eviraamimi' yagaalya' yune naanga nebulya'na widaka wijaa' "Sara githiwe' sara yideinyi." Sinnawit sagaa' wilimwagarake sa' widaka kwarame dviyaj'i kwarame naanga naanga (430) wavilayaakegaa' dividaa'nyi Ne Mozizar Kiwinya' wijayaa'. Dividaa'nya' sinnawinyav'i magalazekivalyinikesi. Yaasiwa'nanya' mwakyinikesi. Aawa. Sinnawinya' Gotiyai Eviraamimi' yune naanga nebulya'na wijaake' kuna warikesi. ¹⁸ Sare' dare'nesi. Eviraam Kiwinya' yaakevidaa'nyi Gotiyai wijaake' wijaavaj'i kwaj'i Gotiyai yune naanga nebulya'na wijaakevidaa'nyi myima'nyi kyadika! Kir'i Gotiyai Eviraamimi' yune naanga nebulya'na wijaake'na wijaavakesi.

¹⁹ Gotiyai yune naanga nebulya'na wijaake' kuna warkevidaa'nyi dividaa'nyi Gotiyai Kiwiñya' be'na wijayaa'? Da'na yinikesi. A'mwera kunnaya kayaa'nanya wangadi'i dina "O, sarebur'i kayaaka galazekivaina yivanigoine. We!" Sare'na Kiwiñya' wijayaake'nanyi. Eviraamimi're yisiwi Jizaazar yune naanga nebulya'na wijaakei bakegaa'nanyi. Nabaai, Gotiyai diraginna wijaake' naangesi. Gotiyare Kiwiñyabwi maalikesi. Kiwiñya sa' Gotiyai ejeliyaraavi kujayaa' a'mwe pwai Mozizai tinnyaba mwalyaakeri mamaayara kujayaa' sai a'mweraavina wijayaakesi. ²⁰ Tinnyabanyai gave pwarina mi!. Gotiyai gave pwalyira. Yune naanga nebulya'na wijaake' Eviraamimi' Gotiyai gavei wijaakesi. Tinnyabanyai mamwalyaakesi. Sare'na yune naanga nebulya'na wijaake' naangesi.

Kiwiñya'nesi.

²¹ Sarevidaa'nyi Gotiyai yune naanga nebulya'na wijaakengi Kiwiñya' kayaaka yigaimanike' daaka! Arikawi. Sare' dare'nesi. Gotiyai yune naanga nebulya'na wijaake' gevinesi. Kiwiñya' gevinesi. A'mwera gaala mwaabi'de'na kiwiñya wijaavaj'i kwaj'i kiwiñya sa kyaadike' Gotiyai neminyina "Yida'maraangeiginyi," kanedathika! Sare' mi!. Kiwiñya sa mwarikengi. ²² Aawa. Gotiyare bukuya' din'i "A'mwe yuya kwara kayaa'nanyaburi kwaakev'i wila pwiyinikerera." Gotiyai "Eviraamimi' yune naanga nebulya'na wijaanya' a'mwe Jizaazai Kiraazitayar lwmwabizaraavina wijaavima! 'Yida'maraangeihilyi,' widima!" daka kayaa'nanyaburi marulawaka!.

²³ Kiraazitayar lwmwange'negaa' myima'nyakegaa' Kiwiñya' nevwiyinike' Juyainaav'i kalavuzav'i nemaremwaala!. Kiwiñya' wothaayaibisa' nemaremwaaidisi Gotiyai Kiraazitayar lwmwagaaza' kaneyibwaridaakwa' sagaa' nemaremwaalake' mi'nanyi. ²⁴ Kiraazitiyai mabyaha'a' Gotiyai Kiwiñya' kanejaava' Kiwiñya' neyigivaangeibisa' diraginna nemaremwaalakesi. Gotiyai yawi'na "Sahwara Kiraazitayar lwmwabi'de'na 'Yida'maraangeiginyi,' widima!" daka neyigivaangeibisa' wakakesi. ²⁵ Kiraazitayar lwmwagaazahaa' mi'na kyima'na' neyigivaangeibisa' manemaremwaalyikesi. ²⁶ Sare' dare'nesi. Yuyaihi Kiraazitayar Jizaazar lwmwamwaasavina Gotiyare gawaalivaangeihi mwaaihassaihilyi. ²⁷ Sare' dare'nesi. Sareihiri Gotiyai tewaanna yihyake'na Kiraazitayar bavitaaziya wiliyihimwaaiahaka yuyaihi yi sahwaihi Kiraazitayar kininnakeihilyi. ²⁸ Kiraazitayar Jizaazar wlamwaaiahasa'na Gotiyai yuyaihiri avaaina yihimaara!. Gotiyai myawiri "Sai Juyai, sai Girkiyalyi. Sai yaasiwa'wawinyai, sai maremwaainadelyi. Sai kwalyai, sa' balyasi." Sare' dare'nesi. Dazaraavina myawiri yada yawi'na

"Kiraazitiyai Jizaazarina sai nimirrei yima'nana!" yuya sahi gave pwaihilyi.
 29 Sare'na Kiraazitiyareihi mwaaihasavidaa'nyi Eviraamimi gawaalivaangeihi, yisiwiaihi mwaaiha!. Sare'na Gotiyai Eviraamimi yune naanga nebulya'na wijaake! yihzaavadelyi.

4

¹ Yagaalya! yihithiwe da'na yihithivanige. Kaimale pwai ganimaangere gilyivita yuya maaradelyi. Gamire yuya wa'di'nyi kiri' kaimalei kuna mwaalike'na mamaaryivanikelyi. Sare'na kaimalega' yaasiwa'wawinyaibisai mamaremwaalyikelyi. ² Kaimalei mwaaidi'nyi ganimaangei sara widake'na pwara gaminyi maremwaaina yadapiji nabaai, pwara gilyivisangt maremwaaiha!. Divi ganimaangei widakegaa' yima'nadehaa'na sagaa' gawaalivaangei sahwai maremwaaladelyi. ³ Sabaaibis mwaalosira. Kaimaleina mwaalogaa' Kwaakevakiyabwina mwaidaa "Sa! kimaakesira. Da' minna! Sa' minna!" yawidaa sana sana yadaa saburaavi yaasiwa'wawinyainera. ⁴ Gotiyai dahilakyaakegaa' yuna yima'nakegaa' Kwaakevakina gannya gawaalivaangeri widaasaabina. Widasaabina kya' a'mwe! maarakei yima'nakelyi. Nabaai, Gotiyare Kiwinayavt dalaangewi marulavemwaaidei yima'nakelyi. ⁵ Kiwinya' yaamijt mididivisara "Gotiyai niminyina yawiranana! 'Sai yida'maraangelyi.' Yawirade'na Kiwinyabwi yima!" dadivisaraavinesi. Yt neminyina "Nimi maryavima! Nimirre nyibwaalivaangera yima'nipika!" daka Kiwinayavt dalaangewinyaraavina "Nyibwaalivaangei ayina wimubana!" kada' sahwai Kiwinayavt dalaangewinyai yima'nakelyi. ⁶ Yt sarimi gawaalivaangeihi mwaaihasa'na Gotiyai Gawaalivaangere Kuryai Tewaanyari nemire simunyangi widaasaaba!. Kurya sai wlanemwaalaka nejiwiryadaa'nyi Gotiyari diraginna widaivanigo "Tataai! Nmwai!" ⁷ Sare' yaasiwa'wawinyaigti kuna mamwaalyigti. Aawa. Gawaalivaangeigt mwaaihi. Gotiyai sara yake'na gawaalivaangeigt mwaaidi Gotiyai gawaalivaangeraavt wiilaaya'ne dimaa'deiginyi.

Poli Galeziya mwaalyaraavina simunya kwalaalya yawirake'nesi.

⁸ Kigaal Gotiyari myawiryesa'na kwaast diraginyyara (kwaasigotiyara) mamwaalyesara wila yihivwiyadivt yaasiwa'wawinyaahi widaayadivisaihiri yihimaremwaalesaihilyi. ⁹ Kiri' dahaa! Gotiyari yawirangamanigasa'na, nabaai, diwija' piri', dahaa! Gotiyai yihyawirangamanike'na Gotiyari be'na yagalya'ma'maniga!! Sara yivanigasa! "Yimakera ayina nemaremwaabika! Kwaakevakiyabwi yaana!" dimanigatabaabasasi. Sahwara diraginya maayarera. Waryaanyarerera. "Sahwaraavire yaasiwa'wawinyaina ayina yima'naana!" be'na dimaniga!! ¹⁰ Sareihi ayabaabibis yawi'na "Gotiyai niminyina yawi'na 'Yida'maraangelyi,' yawirade'na Kiwinya' yima!" yawi'na yadi'nti yirikengijti lawengijti kwaramengijti kimaaka mwaaimanigasaihilyi. Simunya dazabwi nawi'nyabwi mikta! ¹¹ Sareihirina simunya kwalaalya yawi'manige. Mi'na yage'na tewaanyaihi mwaalina yesaihilyi. Nimi yuya sariminyina yage yaasiwa'na yima'nadika!

¹² Nya'mweihi, diraginna yihithivanige. Kiwinya'na nimibisaihi yima'nipineihilyi. Kiwinya' majesaihibisainyi yima'neinyina yihithivanige. Kigaal aane piri' kiri' kayaa'na manyesaihilyi. ¹³ Nabalnakeinyi mwaale'na sinnawit sagaa' sariminyawinna wawena yagaala tewaanya! yihithe yawi'mwaa!. ¹⁴ Dara wanganesa! "Akai, Polimire kilaakejiki nalaaya naanga wivanikei daaka!" Sara deva kiri' niminyina maji "Waryaanyalyi," maji yadi'nti nabaai, bule'na manyijaaye!. Aawa. Sariminyawinna ejeliyai bazar tewaanna wipinebaabibis tewaanna nyesaihilyi. Nabaai, Kiraazitiyai Jizaazai bazar tewaanna wipinebaabibis tewaanna nyesaihilyi. ¹⁵ Sarevidaa'nyi niminyina yilaaya naanga ye!. Dahaa'

yılaaya sa' gava warıkavaka! Sare' dare'nesi. Sarıminyına dara jalıkurakıvanıge. Ai, sahwara nıminyına yuya yıpıjara daa! "Wıgaimwange'na nennya tınnyangı jıwa'mwanna yawaajı Polımına wıjavaajainaava," sabaabi' yawırevi. ¹⁶ Nebulyabwi yıhıthıwe'na jawı'manıga!! "Polı nemire yıkamaangei mwaali!" (Yawita sasare sa' "Aala!" dıwa.)

¹⁷ Pwara yılaaya yıhımarivanıgasara tewaanya'na myıhızıvanıga!. Wabwiwayagaala yıhıthıvanıga!. Sahwara yawı'na "Neminyı yılaaya neyıpıka! Polımire yagaala mu'nıpınera!" deva sara yıwaasa'na wabwiwayagaala yıhıthıvanıga!.

¹⁸ Tewaanya'na a'mwera yılaaya wımaryadıvısa' yuyagaa' tewaanyası. Sarımiyılaaya nyesi' tewaanyası. Dahaa' sarıminyawı mamwaalyıgehaa' yılaaya nyıpıja' tewaanyası. ¹⁹ Nımi're kaimıraayaihi, a'mwe' bwaranyarı maa'dehaa' daanga naanga wıvıdevaaibi' sarıminyına ayına daanga naanga nyıvımanı!. Sarımi're sımunyangı sarımi're munyangı Kıraazıtayı yunebanna wılayıhımwaaladehaa'na taanga sa'mi'na mwi nyadesi. ²⁰ Sarıminyaba mwaaimujainy! Pıkarya myavıkarya'na nımi're maanguraaya' yıhıthıde'na sarıminyaba mwaaimujainy. "Gara wıdızıwana!" yawı'dı taanga nyıvanıkeinyi.

Ehaavinajı Seraavinajı wıdake'nesi.

²¹ Dınyıjıla! Sahwaihi dına "Kıwinya' nemaremwaalana!" dına yıvanıgasaihi dınyıjıla! "Kıwinya sa' dıni'ke' mu'nyıwaasaihi daa!" ²² Sare' dare'nesi. Dara dıni'ke'. Evıraamı' gawaalıvaangeraai kınınnakelyi. Pwai Yızımelı, pwai Aazakı. Wıdaayade' Ehaa' Yızımelimi maryaa!. Gamıre balaange' Seraa' Aazakımi maryaa!. Seraa' wıdaayade' mi!. ²³ Kırı' a'mweinaavırebürıne wıdaayade' Yızımelimi maryaa!. Gamıre balaange!, a'mwe ne' mwaaidı'nyı Gotıyai Evıraamı' yune naanga nebulya'na kujaa' Evıraamı Gotıyari lımwagyaake'na Aazakımi maryaa!. ²⁴ Yagaala sa' ke'ba'na dıni'kesi. Sare' dare'nesi. A'mwe sawaai yagaala wılimwagarıkewaaalyı. Ehaa' Mugunya Saainaayavı Gotıyai Kıwinya' wıjayaake' sahırisi. Ehaa' wıdaayade' yaasıwa'wawınya'bısa' mwalyaake'na savırera yaasıwa'wawınyara mwalyaasarera. Nabaai, Mugunya Saainaayavıya Kıwinya' a'mweraavı pwıyıñıkerı yaasıwa'wawınyara mwaaihasarera. ²⁵ Mugunya Saainaaya sa' Kwaaka Arevıya warıke' yı Ehaa!. Nabaai, Ehaa' Anga Jeruzaalemi' dıhaa' mannı'ke' sahırisi. Sare' dare'nesi. Juyara dınyına "Jeruzaalemi nemire anga naangebera," dınyına yıvanıgasara Kıwinya' mıdızıvısa'na Kıwinya sa' pwıyıñıkesi. Davakı Jeruzaalemi'jıyara yaasıwa'wawınyarerı. ²⁶ Sarera dıragınnına mamwaalyıga!. Aawa. Jeruzaalemi munyaba Gotıyarebanyaına Kıraazıtayıreina dıragınnına mwaaiho. Sabajıyaina yaasıwa'wawınyaina mi!. Aawa. Nenaange' Seraavıreinera. Gotıyai neminyına yune naanga nebulya'na dıni'keina Aazakıbısaına mwaaiho. Nemı Kıraazıtayıri lımwadaanyaina tewaanna mwaaiho Jeruzaalemi munyabajıyaina. ²⁷ Sare' dare'nesi. Jeruzaalemi sabanyaaina ke'ba'na dıni'kesi. Jeruzaalemi munyabanya'na dıni'ke'

"Kaimıraaya maaya'gı yılaaya ja!

Jakajı jıkajı 'Su!' dınyıdangana!

Mamaaryadınya'gı yılaaya naanga ja!

Gıthaasake'gıre kaimıraaya naanga mwaabi'dera."

Gotıyarına munyabajıyaina tewaanya dıragınnına mwaaiho'na dıni'ke'nesi. Jeruzaalemi davakıya'na dıni'ke'

"A'mwanakevıre pwai pwai mwaabi'demılıkerı."

Sara dıni'kesi.

²⁸ Nya'mweihi, Kıraazıtayıri lımwadıvısaıhi Aazakıbısaıhılyı. Gotıyai Evıraamı' yune naanga nebulya'na wıjaakei yıma'nyaakabaaibi' yune naanga nebulya'na wıjaaka sa' maa'dıvı' Gotıyai dına "Yıda'maraangeihılyı. Nımi'reihılyı," dına

yakeihiliy. ²⁹ Ehaa! kilaanaka a'mweinaavirebwina maryaakei Yizimeli Aazakim kayaanayi yaa!. Y Gotiyare Kuryai sara yaake'na maryakeri kayaanayi yaa!. Sabaabib! Kiwinyabwi yivanigasara Kiraazitayar limwadaanyaav kayaanayi neyvaniga!. ³⁰ Kir! Gotiyare bukuya' beri' din? Dara dinike! "Widaayades gawaalivaangelyi sanaari duthaaso! Sare' dare'nesi. Ganiimaangere yuyang wiidaayadevirei mamaaranner! Arikewi. Gamire balaangevirei gavei maaraade'na duthaaso!" sara dinkesi. ³¹ Sarevi, nya'mweihi, yaasiwa'wawinyavireina mi!. Aawa. Balaangevireinera. Gotiyai neminyina "Kiraazitayar limwamwaasara nimirere. Nimire tewaanya yuya maapi'dere," dinkeinera.

5

Kiraazitayar nevwiyinikeinaavi neyaramaarake'nesi.

¹ Nem tewaanya diraginna mwaalya'neinaavina Kiraazitayar bala!. "Yuyabura pwiyinikeraavi yaari'na!" daka nevadaihasamaara!. Sarevdaa'nyi kuna diraginna dithaaka! "Yaasiwa'wawinyabulyainyi ayina nyima'niwidi'ka!" da'gizi Kiwinyabwi myawi'dinna! ² Du'nana! Polnyi kave dara gitihivanige. Gimti yawi'na "Gotiyai niminyina 'Yida'maraangelyira,' dana! Sare'na nimti Kiwinya' yadi kilaakejiki nyidapi'ka!" Sara yija! Kiraazitayar yake'na gimininyina ghaimwagake! yaasiwa'nanya' yima'nade'nanyi. ³ Ayina diraginna gizalikurakima! Gazaizai yawi'na "Yida'maraangeinyi yima'nima! Pwara nimire kilaakeji' nyidapi'de'nanyi," yawi'na yoji sai Kiwinya yuneba yannei tivikisa'nei yima'nade'nanyi. ⁴ Gimti yawi'na "Gotiyai nyidana! 'Yida'maraangeiginyi.' Nyidathe'na Kiwinyabwi yima!" Sara yawi'na, yina ywaanya'na Kiraazitayar yagalya'ma'mwaa. Gotiyai yange'na ghaimwagakevi bwala'mwaawi. ⁵ Sare' dare'nesi. Nem Kiraazitayar limwadaa Gotiyare Kuryai gannya diraginya' nejaavada ylaaya yadaa yemwaaiho. Aayagaa! Gotiyai yuyaraayaba "Yida'maraangeihiliy," nedathe'na yemwaaiho. ⁶ Sare' dare'nesi. Nem Kiraazitayar wilamwaaiho'na kilaakeji' daya'nebwi yaasiwa'nanyasi. Nabaai kilaakeji' madaya'nebwi yaasiwa'nanyasi. Nem Kiraazitayar limwadaanyabwi pwaraavina tewaanya nevu'nadevina wawinya yadevvi naangaangesi.

⁷ Sinnawi Kiraazitayarina kaanyave'na nayaaw wawaginyaiginyi. Giminyi aai galagirihi'mwaka! Sare' nebulya' mamidinyi be'na yivanigina! ⁸ Midinya saburina Gotiyai givwaramaa'malikei sara magizi'waakyiwa!. ⁹ Dadaanya! "Pamidakade yiziya maalikemili' biretuya naange pamidakadesira." ¹⁰ Sare' kir! nimti sainyi Kiraazitayar wilamwaaihe'na diraginna yawi'mwa "Sara yawi'manige Galeziya mwaalyara sara yawipi'dera. Aane pibwi kibwi myawiri, avaaina yipi'dera." Nabaai, a'mwei gimininyina taanga gizaavankeri Gotiyai kayaa'na wiadelyi. A'mwe naangei dingaka? A'mwe malikei dingaka? Sareri Gotiyai wirivikradelyi.

¹¹ Nya'mweig, pwara niminyina kwaasi widina "Sai widina 'A'mwera kilaakejikaavi da'nyina kyapiji Gotiyai "Yida'maraangeihiliy,"' widathelyi." Sara widiwiji kwaji kayaanayi kuna mi kanyipidika! Savidaa'nyi nebulya' waraji kwaji yisavi Kiraazitayar balakevine wagila wivwa'nyabwi mena kyima'nadi'ka! ¹² A'mwera "Kilaaka ditha'nyila!" dadiv' gimirre simunya kayaaka yivanigasara kunnya kilaakejikaavi yune'na da'nipi'ka! ¹³ Sare' dare'nesi. Nya'mweig, sahwaiginyi Gotiyai gitihahilaka! "Wiila pwiyinikeri yaari'na!" Sara gitihahilakaka sara kagizi'vwaramaara' tewaanna mwaaihinyaiginyi. Mi'na gitihewe'na dara myawi'dinna! "O, Kiwinya' manevwiyyinka. Su! Su! Kilaakejikine yuya tewaanyaj kayaanayaj yima!" Sara myawi'dinna! Sara myinna! Aawa. Gyaarakeig ja'mweraavina kale gyada yaasiwa'wawinyaig wi'gaimwanna ja! ¹⁴ Sare' dare'nesi. Gotiyare Kiwinya yuyavi aaya kaavilya' dara dinike! "Gimti saiginyina kale

gyadevaalib! pwaraavina kale gyana! Duhamwana!" Yı yagaala sahırtı. ¹⁵ Sıwaaka, malakayaaryarabisaihi myıma'nıpına! Maanga, sıenna tıka daya, mala sazabwi myıpına! Sara yapıji, yıthaanyi, gazaihizaihırı kayaaka yuna nyıgainıpıdıkı!

Kwaakevakiya yawisabulyı, Gotıyare Kuryare yawisabulyı saburaarinesı.

¹⁶ Da'na yıhıthıvanıge. Gotıyare Kuryai sara kagıthozı kuna sara ja! Sara ya'gızı gımire sımunya ayabwi mi jıtheiginyı. Arıkawi. ¹⁷ Sare' dare'nesı. A'mweina sımunya yawı'daanya! Gotıyare Kuryai yawı'de' yaamıji dathıwanna. Nabaai, Gotıyare Kuryai yawı'de' a'mweinaavıre sımunya! dathıwanna yannesı. Sare' dare'nesı. Gotıyare Kuryare sımunyası a'mweinaavıre sımunyası yıkamaangewaalyı. Sare'na Kuryai gıthada gınnya sımunya! "Pıbwi ja!" kagıthozı sarebwi minneiginyı. ¹⁸ Sare'na Kuryai kuna gımaremwaalajaigı Kıwınya! mamaremwaalyı gyatheiginyı.

¹⁹ A'mweraavıre sımunyabwi yuyaina yawı'manıgovulyı. A'mweraavırebulyıyara dara yadıvisangi. Ata lımwangebwı yına. Yaawaryaraavırebwi yına. Gırıkitı'nanyabwi yına. A'mweraavı a'mwengı yaasıwa'na kayaa'na lımwangebwı yına. ²⁰ Yısaraavı, sılaangeraavı, nyılıyarı, lawerı, sılıngaamınyaraavı a'mwa'mweraavı yılaayabwi yına, kulaka maarya'nebwi yına. Gırı'nya, lakya, kwalya dazabwi yına. Yıkamaangebwı yına. Maangebwı yına. Pwaraavıre tıganaarya yadıvı! "Maa'mujainyı," dına. Sıenna tıka wıdaya'nebwi yına. Kunnya yaya makinyına yadıvı!, pwaraavına kale mwia'nebwi yına. Jaapaina yadıvı! pwaraavı wanganakına. Kumıjıyaraavı bırala yadıvı! "Nemı tewaanyaine," dına. ²¹ Pwaraavıre naangengına "Maa'mujainyı," dızabwi yına. Pwaraavı tamakına. Bıyaaya saza nadıvı! yımaka wılına. Nabaai bıyaaya nyına kwarame kayaa'nanyabwi yına, avaanna kayaa'nanyabwi yına. Sara yadıvisangi. Nabaai, sasarebura pıburajı yadıvisangi. Kıga! gıtheveaabı! dıragınnı ayına gıthıvanıge. Sasare sabwi minna! Pwara saza yadıvisaraavı Gotıyai naya mamaremwaalyı yadera Gotıyare yuyanna mamaari yıpı'derera.

²² A'mweraavıre sımunyabwına kayaa'na yadıvıta kırı! Gotıyare Kuryai nemıre sımunyanna maremwaaida yısıla nawı'nyabısanna tewaanyainaavı nemwaaihıvanıkelyı. Sare' dara yadaanyasıra. Pwaraavına kale neyada, sımunyangı yılaaya yadaa, kwaamu'nanyabwi yadaa, pwara kayaa'na neyadaapıji sıenna tıka yarai madayı neyade'na dıragınyaina mwaidaa, bwiwanna yabwi yadaa, pwaraavı tewaanna wiadaa, sara wıdadaanya yuyagaa! sara yadaa, ²³ kave yıgoina nennyı yaya mamakinyadaa, sımunya kayaa'nanya! "Aala," dıvanıgoina dıragınnı maremwainadaa Kuryai nemwaaihadelyı. Sara yadaanyainaavı Kıwınya yagaalyası manejiñikengı. ²⁴ Kıraazıtıyai Jizaazareina dara yawı'manıgo. A'mweinaavıre sımunya dıragınya myaannebwı Kıraazıtıyare yısavıri mi'na yeramwo. Sare'na kayaa'nanyabwi manemaremwaalyıkeinera. Yı sımunya kayaa'na dıka widaejı wıma'nadejı yısavıri mena yeramwo. Yuya dazabwi dıvanıgo. Aala! Sarebwi Kıraazıtıyai balake'nanyı. ²⁵ Sare' "Kuryarı mwaaiho," daaza! yı nabaai Kuryarı kaanya yamaryaana! Gamıre yagaalya! mıdınaana! ²⁶ "Nımi tewaanyainyı. Pwara kayaa'nanyarerı," madaanna! Pwara sımunya kwallaalya yawıpi'de'na myaanna! Pwara kanevılavapıji bırala myaanna! Aawa. Kuryare dıragınyavı mwalaana!

6

"Pware taanga dimakwona!" wıdake'nesı.

¹ Nya'mweihi, sarımi dara yennıpija! "O, nemıjıyarı yıwetawakya! jıma'nıwaka!" Gotıyare Kuryarı mıdıdıvisaihi sarı nayaayava 'gaina jıla! Bırala, maanga nudıpıdıkı! Aawa. Kave bwiwanna wıdına jıla! Gınnıa mwaalyabwi nayaayawıka!

“Nimi kave mwaala'muj! Saataan! avaalyabwi yide'na nanyimwaaihadika!” da'gizi Kuryari diraginyav! dimwaala! ² Da'na yihithivanige. Gazaizar! taanga widaa'nyiwigaimwange'na taanga sa dimakama! Duhaimwana! Sara ya'gizi Kiraazitiyarekiwinya! mi'na jithesti. ³ Sare! dare'nesi. Pwai myawiranna! “Pwara kayaa'na yivanigasara maalikera, nimi naangeinyi. Dazabwi myi yideiniyi.” Sara yawi'de sa' kwaasi yawi'devulyi. ⁴ Kiri! gazaizai gannya yivanikengi nayaa yawibwata yannelyi. “Tewaanyasi,” dozi sare'na yilaaya yannelyi. Sai myawirina “Pwai kayaa'na yivanike', sainyi tewaanna yivanigeinyi,” sabwi myawirannelyi. ⁵ Aawa. Gazaizai gannya yivanikengina Gotiyai yawibwata yadelyi.

⁶ Kiraazitiyare yagaala yihiziwaakadivisaraavi pwaihi kadika wi'nadivisaihi tewaanya yuya jaapaina yipineihili. ⁷ Simunya kayaa'nanya! myawipina! Gotiyari kwaasiyara pihadika yipijaraavina Gotiyai yuna yawi'manikelyi. Sare! dare'nesi. A'mwe pwai buridaza yi sahini maaradelyi. ⁸ Sai kayaa'nanya buridazai kayaa'nanya maaradevaabi! pwai a'mweraavire simunyabwina gamire kilaakevi yajai kayaaka yigainadelyi. Kiri! pwai tewaanya buridazai tewaanya maaradevaabi! pwai gamire kuryari tewaanya buridazai yi Kuryai Tewaanyari yuyagaa' yuyagaa'ne gaalyabwi maaradelyi. ⁹ Nemi tewaanyabwi yadaa simunya waryaanya myawiraanna! Sare! dare'nesi. Kuryari diraginna kuna yaajaina Gotiyai dahilakakegaa' tewaanyanna maraadeinera. Sare'na nayaanna yadawaaji maa'na maneyinanna! ¹⁰ Sarevidaa'nyi yuya'na yaajahaa' yuyaraavi tewaanna wiaana! Yi, Kiraazitiyar! limwadivisabulyiyaraavi kinidakaavi diraginna tewaanna wiaana!

Yagaala aaya'nesi.

¹¹ Pwai nimire yagaalya' kyavikaryiwa' dahaa' pikariyisari! maarena ninnya atas pikarya yihiyavikarivanige. Nimire pikarya naanga danganyila! Pikarya sa tinna wanganapiji “O, Poli nebwinneyavikariwaka!” dithinyide'nanyi. ¹² A'mwera kilaaka mwasimiginna yawi'na “Kiraazitiyarera yawi'maniga! Kiraazitiyai yisavi kabala' kilaaka daya'nebwi maalikebwi yima'niwaka!” Sare'na sinna tika wida'daawoj! Juyara kayaa'na naneyipidika!” Nabaai “Sahwara Kiraazitiyai Jizaazarine yita yovihirarannikevina maanga nanedipidika!” deva “Sarinnya kilaakejikaavi ditha'nyila!” wijiwaakina yihivanigasare. ¹³ Sare! dare'nesi. Kilaaka daya'nebulyiyara Kiwinya yuya' navika yadiv'i myadivisare. Aawa. Sahwara yawi'na “Juyara neminyina dinyina 'Kiraazitiyarera sahwara kilaaka daya'nebwi Galeziya mwaalyaraavi yivanigasara tewaanyarer!” dinyina yipiika!” Sara yawi'na yadivisa'na yihiziwaakivanga' kunnya yaya makimanigasara. ¹⁴ Sabaabi! ninnya yaya' makina myiwineinyi. Arikawi. Nemire Naanga Jizaazai Kiraazitiyai yisavi balakere yaya' makimanigesi. Yi, balake'na Kwaakevakiyabura kadathiwaga' sabura manyimaremwaalike'nanyi. Kiraazitiyai baidaa'nyi nimire simunya aya' balakesi. “Kwaakevakiyaburaavina mamwaalyi yideiniyi,” yawikeinyi, Naangei yisavi sara balake'na. ¹⁵ Kilaakeji! daya'ne' yaasiwa'nanya!, kilaaleji! madaya'ne' yaasiwa'nanyasi. Gotiyai mudikeinaavi nemwaaihade' naangesi. Sare'na, Kiraazitiyai yisavi balakeri yaya' makimanigesi. ¹⁶ Yihithiwe' yivanigasaihi Kiraazitiyarehi, Gotiyare Yizireliya nebulyaihiri Gotiyai gannya kwaamu'nanyaburi tewaanya yihimwaaihana! Gotiyai kale'na yihigaimwagana!

¹⁷ Aaya! yihithima! Aane pwai kwai taanga manyijaavanna! Sare! dare'nesi. Jizaazar! widaayadinyainyina pwara kayaa'na nyesa'na nimire kilaakevi yiwihwaarya naange warikengi. Sare'na Apozeliyainyi Kiwinyabulyiyara taanga manyijaavipina!

¹⁸ Nya'mweihi, nemire Naanga Jizaazai Kiraazitiyai yuyaihire kuryaraavi yange'na yihigaimwagana! Sahiris. Nebula naangesi.

Epazaazi Epazaazi Mwaalyaraavina Pi kar iyi kwia' Poli Yavikaryakesi.

¹ Polinyi yikwia da' pikarya yavikarivanigeinyi. Gotiyai gamire simunyavi mena kanyidahilaka! Kiraazitiyai Jizaazai Nyidaasadeinyi yima'ne Apozeliyainyi. Gotiyare tewaanyaihiri Gotiyai yihithahilakakeihi Anga Epazaazi mwaalyaihiri na yavikarivanige. Kiraazitiyai Jizaazar wlamwaaihasa'na Kiraazitiyari diraginna lwmwadivisaihiri na yavikarivanigeihili. ² Gotiyai Nenimaangelyi Naanga Jizaazai Kiraazitiyalyi sanidaai yanga tewaanna yihigaimwagika! Kirimire kwaamu'nanyabwi yihwarana!

Kiraazitiyarina Gotiyai nemire kuryaraavina tewaanya nejaavade'nesi.

³ Kiraazitiyarina Gotiyai Kiraazitiyari wlanemwaaihake'na Sigunyaviya tewaanya naanga yuya nemire kuryaraavina yanga nejaavakengi. Sare'na Gotiyari nemire Naanga Jizaazai Kiraazitiyare Ganimaangeri tewaanya yilaaya maryaana! ⁴ Sare' kigaakuna Gotiyai Kwaakeva' mwakyaakegaa' neminyina yawi'na "Sahwara nimirera yima'nipika! Nyibwaaliv wlamwaabi'de'na sahwara tewaanyara yima'nipidere. Niminyaba yiwetawakya maayara yima'nipidere." Neminyina sara yawi'na yakabaaibi' mi'na nedahilakyaa!. ⁵ Sarei kale wiada tewaanya wivu'nada sinnawi neminyina yawi'na "Kiraazitiyai Jizaazai balade'na niminyi nyibwaaliavaangera wimwaaihdeinyi!" Gotiyai nayaa yawi'na "Tewaanyabwi yima! Sara yideinyi," sara yawi'na yadei sara nedahilakyaa!. ⁶ Kiraazitiyarina yilaaya wivu'naderina Gotiyai yange'na tewaanna negaimwagakelyi. Yi sasarei sare yanga gaimwanga byaannakevina sahwari yilaaya naanga wiaana! ⁷ Kiraazitiyai sai balaka gannya tawevina wila nevwiyinikeinaavi nemubake!, nemire yiwetawakyanna marasi'nikesi. Sare'na Gotiyare yanga gaimwangebwine aaya kaavilyanna sara neyakengi. ⁸ Sai yanga yanga tewaanna naanga negaimwagakengi. Gotiyai simunya nawi'nyaviji siduta tewaanyaburij gamire yanga gaimwanga sabwi nejaava!. ⁹ Sarei gannya simunyavi yawi'na "Kiraazitiyarina tewaanna yima!" daka sinnawi sagaa' lika yulyasa' wa'di'nyi dahaasagaa' gamire yoimavajalikurakya sa' ku'maayaba neyibwaridaakwa!. ¹⁰ Pigasa yuyagasa mi'na yaka nawi'nyagaa' dahilakyakegaa' sinnawi yawi'na "Kiraazitiyai balade'na yuyangi Sigunyavijai Kwaakevakijai sangi kye'mwannemwaiha'muj Kiraazitiyai Minyaginyai maremwaalana!" Sara yawi'na yaakebwina dahaa' yuyangina Kiraazitiyai Naangei mwaali!. Sare' neyibwaridaakwa!

¹¹ Gotiyai yawi'na "Sara yideinyi. Simunya nayaa yawira'muj yideinyi." Sara yawi'na yake'na yuya yadelyi. Sare'na Gotiyai aayawidaa'nyi mena yawirake'na sare'na nedahilakyaa! "Sahwara nimire tewaanya maapika! Kiraazitiyari kwilamwaaiha'muj niimirera mwaabi'ka!" ¹² Sare'na nemi Kiraazitiyari w'nona dahaa' sinnawinyaina Kiraazitiyari nayaa yemwaaihoine. Gotiyai yuya sara tewaanna yaka byaannyavina Gotiyari yilaaya naanga wiaana!

¹³ Nabaai, sarimi Kiraazitiyari wilamwaaihasa'na avaaina yihya!. Sarimi yagaala nebulya' kadika wi'ne!. Sa' yagaala tewaanya! Gotiyai yihivadaihasamaarakesi yagaala sa'. Sarimi kadika wi'neva Kiraazitiyari kalimwagare' Kuryai Tewaanyari yi gamire yavikwajikeri yihizaava!. Yihizaavake'na "Gamireinera," widivani. Kurya saria Gotiyai yune naanga nebulya'na widakelyira. ¹⁴ Gotiyai yawi'na "Dahaan' sinnawinyaai Kuryai Tewaanyari wijaawe'na niimirera dara yawipi'ka! 'O, Gotiyai

nedake S̄igunyav̄i naanga tewaanya yuya nejaavadelyi.' " Gam̄reinaavi yuna neyaaroj̄iyagaa'na yuya daza nejaavadelyi. Sare' gam̄re byaannya'na ȳilaaya naanga wiaana!

Poli Gotiyari wi dake'nesi.

¹⁵ Yuya sarevi n̄imi sainyi wi'nyina "Anga Epazaazi mwaalyara Naanga Jizaazar̄i nayaa l̄imwamaniga!". Gotiyare tewaanya yuyaraavina tewaanya wi'nu'naderera," wi'nyina yena ¹⁶ kwadika mwamujainyi sariminyina Gotiyari ȳilaaya wiadi "Su! Su!" wi dadinyainyi. Gotiyari wi dadinyagaa' sariminyina yawi'di wi dadinyainyi. ¹⁷ Sariminyina "Nemire Naanga Jizaazai K̄raazit̄iyare Gotiyai, Nenimaanga byaannakei sahwaraavire kuryaraavina simunya nawi'nya' wi jaavana! Sahwaraavina gami sahwar̄i yunebanna wi jalangasakinana!" dena wi dadinyainyi. ¹⁸ Sarimire simunyangi gamire baake' kwakoj̄i gamire nebulya' nayaa danganyide'nanyi. Yī dara jawiranganyide'nanyi. Sahwai yīhīzivwaramaarakevina yemwaaidivisabule! Yemwaalya sabwi yawiramaapikaj̄i! Nabaai, Gotiyare byaannyavine nawi'nyannanya gamirenn̄a gannyaihirīna yīhīzaavadenge! ¹⁹ Nemil̄mange'neinaav̄i gamire diragīnya naange' neyivanikevina gannya di'naka naangaange' yuya wavila'de' wīj̄waainana! Diragīnya sa' naange' ²⁰ K̄raazit̄iyar̄ina yake' avaalyasi. Diragīnya sasi K̄raazit̄iyari bainikeraawayi yīdikaavaka S̄igunyav̄i diragīnyaba gamire aangas̄magi walawaaaiha!. ²¹ Saba munya ke'beva K̄raazit̄iyai Naangei maremwaalī!. K̄raazit̄iyare diragīnya' maremwaaidivita yuyaraji ga'maan̄ya yuyaraji diragīnya yuyaraji naanga yuyaraji saraavire diragīnyangi wavila'desi. Nabaai, yaya makinikeraavi kekyiri' munyaba maremwaalikelyi. Dahaasara, Kwaakevak̄ya yaya naangej̄iyara gaveraavina mi!. Aawa. S̄igunyav̄i mwalaadehaasa yaya naangej̄iyaraav̄i Naangei maremwaalikelyi. ²² Dahaasara, K̄raazit̄iyai maremwaideva Gotiyai yuyaraav̄i wīmwaaiahada K̄raazit̄iyare sīvilyiraari amwi yuyara mwaaiha' maalikera. Nabaai, Gotiyai K̄raazit̄iyare kusilaanyainaavina nemire Naangeri wīmwaaih̄wa' yuyanna. Sai nemire Mīnyaginyari wīmwaaih̄wa!. ²³ K̄raazit̄iyare kusilaanya' yī sa' gamire kilaakejik̄i. Sare' neminyi K̄raazit̄iyare kilaakejik̄yainaav̄i nemwaaih̄wakesi. K̄raazit̄iyai sara nedada gannya diragīnya' nejaavada gannya simunya'na yīvanigo inera. K̄raazit̄iyai S̄igunyav̄i, Kwaakevak̄i yuyangi yuneba wīlamwaaideri gamireina yuna wīlamwaaihoinera.

2

K̄raazit̄iyar̄ina baryaina mwaaiho'nesi.

¹ Kigaa' Gotiyarina sarinnya kuryara balesaihiliyi. Gotiyari wanganakina yeva kayaa'nanyanna, yīwetawakyanna balesaihiliyi. ² Saregaal' Kwaakevak̄iyabwi kayaa'nanyaburi kaanya yamaryadiv'i yīmakeraavij̄i kulakengij̄i maremwaidei yīhusavi mwaaside sarebwi l̄imwadiv'i mwaalesaihiliyi. A'mwera Gotiyari galyekivaiman̄gasaraav̄i maremwaali' kurya kayaa'nanya sai. ³ Sara galazekivalesaraayaba nemi yuyaina kayaa'na mwaalo. Nemire kilaakevina dīka neyidada nemire kilaakejik̄a "Sara tewaanya' nyiwaka," nemire yawita "Sara yīdeinyi," yawi'daa yago inera. Sareina sara yago'na Gotiyari a'mwera kayaa'na mwaaidivita yuyaraavina sinna tīka wīda'daasi tadevaabib̄i kayaa'na yoinaav̄i kaneramadkeinera.

⁴ Kiri' Gotiyai kale gaimwanga naangaangevi aaya kaavilyai gamire tewaanya wi'nu'nya naangebwi neminyina tewaanya wi'nu'nakeburina K̄raazit̄iyariji gaala nemwaaiha!. ⁵ Nemire Gotiyarina yīwetawakadaawojiyavina Gotiyarina nemire kuryara kuna baidiv'i kiri' "K̄raazit̄iyar̄i yīdikaaveri wīlamwaaihima!" dake'na Gotiyai neyidikavamwaaaiha!. Gotiyai sariminyi yange'na tewaanna

yihigaimwadevina yihivadaihasamaarakeihili. Yi yuyainaav i gaala nemwaaiha'.
 6 Gotiyai neyidikavamwaaihaka nabaai, Kiraazitiyari wilamwaaihoinaavijj Kiraazitiyai Jizaazarijj Sigureyav i maranemwaaih i wake'na maremwaaimanigoinera.
 7 Gotiyai "Divi sagaa! yuyagaa! gazagaasagaa! yima'nadehaa! nimire yanga wigaimwangeburine aaya kaavilya naangaange yuyaraavi wijiwaainima!" daka maranemwaaiha'. Sahwai yanga gaimwangebwina Kiraazitiyai Jizaazarina bwiwanna neyakebuli. 8 Sare' dare'nesi. Gotiyai sariminyi yange'na tewaanna yihigaimwadevina Kiraazitiyari limwadivisa'na yihivadaihasamaarakeihili. Sarimi wawinya yina yadivisa'na yihivadaihasamaarakehi mi!. Aawa. Sahware sihumalesira. 9 Sare' Gotiyai yawi'na "A'mwe pwai kwai dara nadathika! 'Wawinya diraginna kye Gotiyai nyivadaihasamaarakeinyi. Tewaanyainyi,' yawi'na yaka sahwai yange'na nevadaihasamaarakesi. 10 Sare' dare'nesi. Gotiyai mwaaihoinaav i mudikeinaav i newaka!. "Sahwara mi'na wakengi sana sana yamaripi ka!" daka Kiraazitiyai Jizaazar wilanemwaaihaka tewaanya yaadeinaav i mudikeinaav i nemwaaiha'.

Kiraazitiyari wilamwaaiho'na avaalyainaavinesi.

11 Sarevina yihithima! Sarimi Juyaraavidaa'nyaihi mi!. Aawa. Ajimya yuyangiyaihili. Juyara kunnya asaji kilaakejikaav i da'nyina yadivisara sariminyina din "Sahwara kunnya kilaakejikaav i mada'nyadivisarera. Maaverera." Kigaa' mwaalesaihirina ayina jawirila! 12 Sagaa! Kiraazitiyai maayaihili. Gotiyai a'mweraav i dahilakyaaka Yizireliya yita savaaki menyaba mwaalesaihili. Gotiyai gamireraavine yune naanga nebulya'na wilemwagarakejyaihi mika. Angavaayaihili. Kwaaka davaki Gotiyamaayaihi mwaale!. Nabaai yemwaalyabwi maayaihili. "Gotiyaryaba mwalaadeinera," majaihili. 13 Kiri' dahaasagaa' Kiraazitiyai Jizaazar wlamwaaihasaihi Gotiyaryawinna yihimakabiwakeihili. Kiraazitiyai balaka gamire tawe' bwalaravake'na menya keimwi mwaalesaihi Gotiyaryaba aya kibanna yima'naab i waasaihili. 14 Sare' dare'nesi. Kiraazitiyai sahwai narya' wakinikelyi. Nabaai, Juyainaj Menyaihili avaalyainaav i kanemwaaiha' nemire munya yirila nediwagakelyi. Sinnawi Juyara keiba mwaalesa' Menyara aagaiba mwaalesa' tinnenyaba yikamaangebwi kaanya tinike' warakesi. Sare'na sinna tika widavakerera. Kiraazitiyai sahwai gamire kilaakeji' yisavi balake'na kaanya tinike' wo'dalasi'nakelyi. 15 Juyainaavire Kiwin', kiwin' dinikeji' kimaaka dinikeji' yaasiwa'nanyabwi wakaka kaanya tinikebwi wo'dalasi'nakelyi. "Nimi narya' waka'muj i yita pivakaaai warikeraavi yita gavevakiyara niminyi wilamwaaihima!" daka wo'dalasi'nakelyi. Avaalyaina mwaaiho. 16 "Niminyi kaanya tinike', yikamaangebwi tamaka'muj i, yi, nimire yita yoviliraraninikevinna yuyavakaalyi Gotiyalyi yirakuramwaaihima! Yi nimire kilaakejisiyara avaalyara yima'nipika!" daka wo'dalasi'nakelyi. 17 Sare' Kiraazitiyai baka yuyaraav i yagaala tewaanya' narya'ne' widakesi. Menyaba Maaveihi Gotiyari myawiryaihiri yihithake' aya kiba Juyaina Gotiyari yawi'daanyainaav i nedakesi narya!. 18 Sare' Kiraazitiyai neyake'na Kuryari Juyainaavijnaj Maaveihirinaj nejaava!. Sare'na Nenmaangeryawinna wawaaj i dinaade'nanyi.

19 Sarevidaan y i sarimi Juya mamwaalygasaihi Gotiyari na kuna Maavera angavaayara mi!. Wa'mwa'divisaihi kuna mamwaalyiga!. Kuna gabinyaihi mi!. Aawa. Gotiyare angeba mwaalyaihi Gotiyare tewaanyaraj i mwaaihasaihili. Gotiyarenidakihili. 20 Nabaai sarimi Gotiyare angebisaihili. Nedaasadeinaj i Gotiyari wi'nawij i waakadivisaraj i miyne laannikeinaav i sarimi Gotiyare angest. Kiraazitiyai Jizaazai sahwai munyaba mijamaange' pwiyinikelyi Naangei. 21 Sahwai anga yuya' pwiyinika nem i yuyainaav i nelmwaga'delyi. Naangere anga tewaanya'na mannikineinaav i nemwaaihadelyi. Sara neyada yuyagaa' tewaanyaina

yıma'nadaanyainera. ²² Sahwari wılamwaaihasaihılyı nemıji pwarajı sainaavı mannıka angevi Kuryai wılanemwaalı Gotıyare angevi.

3

Polı Maaveraavına wawınya yake'nesi.

¹ Yuya sa'na Gotıyarı wıdıvanıge. Sainyi Polınyı ajımya yuyangıyaihırı wıdına "Kıwınya maayaihırı Gotıyai yıhımaaranneihılyı," wıdına yıhye'na sınnı tıka wıdavakera kalavuzangevi nyımwaaıhe!. Kıraazıtıyai Jizaazare kalavuzainyı. ² Kadıka mi'na wi'nıpija! "Gotıyai Polımi wıdına 'Maaveraavıne' nımire yanga gaimwangeburıne wawınya' ja!' wıdına yakei daaka!" ³ Gotıyai kıgaa' yawı'na "Maaverajı nımırera yıma'nıpi'derera," yawı'na yake' lıka yulya'dı'nyı Gotıyai nyıbwarıdaakwa!. Yoimavajalıkurakya sabwi pikarya maalı'na mi'na yavıkariwa. ⁴ Sarımi yagaala sa' tınna wanganapıji dara danganyide! "O, Kıraazıtıyai a'mweraavına yake' yoimavajalıkurakya'ne! Polı mi'na yawı'manıkei daaka!" ⁵ Dahaalı lıka yulyarya'ne! gamıre Wıdaasade gırı'maayaraavıji gamınyı wi'nawıjıwaakadıvısarayıji Kuryai wıjalangasakakabaabıtı kıgaa' mıjıyıma'nıgavya pıningı a'mweraavı sara myıbwarıdaakwia!. ⁶ Yoimavajalıkurakya! dara dıñkesi. Ajımya yuyangıyara yagaala tewaanya' wi'nadıvı! Kıraazıtıyai Jizaazarı lımwadıvı! sahwarı wılawımwaaıhade'na sahwarajı Juyarajı Gotıyare tewaanya yuyanna ye'mwannamaapı'dere. Nabaai kılaaka gavejıkıyara ye'mwannamwaaibı'de. Nabaai Gotıyare yune naanga nebulya'na wıja' ye'mwannajapalamaapı'dere. Sara dıñkesi.

⁷ Yagaala tewaanya sa' wıdadınyainyı. Gotıyai yange'na tewaanna nyıgaimwada yange' nyıjaavada gamıre wıdaayadınyainyı nyımwaaıha!. Sai dıragınna yaka wawınya sa' kanyıjaava' yagaala tewaanya' dıragınna wıdadınyainyı. Nımi yawı'manıge. ⁸ Nımi maalıkeinyı. Kıraazıtıyare tewaanya pwara naangerera. Maalıkeinyı kırı! Gotıyai yange'na tewaanna nyıgaimwada nyıda! "Kıraazıtıyare tewaanaanga naangenna ajımya yuyangıyaraavı duthathe'na gıthaasıwa. ⁹ Nımi tewaanyabwi sınnawıdaa'nyı nımınyı lıka yulyakyenya' dıhaa! yoimavajalıkurakyabwi yuyara wangabı'de'na gıthaasıwa." Gotıyai yuyangı wakyaakei sara yakelyı. ¹⁰ Lıka yulyaryaake' dıhaa! ku'maayaba warı!. Gotıyai "Kıraazıtıyari wi'nya'nera kusılaanyara mi'na maaresabwına Sıgunyavıya naangerajı dıragınyarajı dara wangabıka! 'Gazarazaraavı Gotıyai tewaanna yadelyı. Sımunnameki yawıta tewaanaanga yawı'dela!' " daka gannya yanga gaimwangebwi nyıjaava!. ¹¹ Nabaai, Gotıyai kwaaka mwakyaakegaa' mi'na yawıryaake'na sara yake'nanyı. Gotıyai sara kyawıryaa! Kıraazıtıyai Jizaazai nemıre Naangei sara yake'nanyı. ¹² Sarevı lımwadıa gamınyı wılamwaaiho'na nemı lıka myadaa Gotıyai mwaalıkevi gazagaasagaalı wıdadaanya'nanyı. ¹³ Sare'na dıragınna yıhıthıma! Maaveihırı yıhıgaimwamanıge'na pwara kayaa'na nyıvanıga!. Sare'na yawıta kwalaalya myawıpına! "Kıraazıtıyarebwi yagalya'mavaana!" myawıpına! Sarımi tewaanna dımwaalyide'na daanga nyıvımanıke' yı sa' sarımiре byaannyası.

Kıraazıtıyai nemınyına kale wiade'nesi.

¹⁴ Gotıyai tewaanna yaka sare'na kwadaai gılena Nenımaangerı wıdıvanıge. ¹⁵ Sai Nenımaangei mwaalıke'na Sıgunyavıya yuya kuvıñımaangerajı Kwaakevakiya yuya kuvıñımaangerajı saraavıne aaya kaavılyabwi wo'nıkesi. ¹⁶ Sarıminyına "Sarei gamıre dıragınya yuyangı gamıre byaannyaburıne aaya kaavılyanna sarımiре kurya kusawınyara dıragınna yıvaimwannemwaaibıka! Sarımiре munyıkaavı gamıre Kuryai dıragınya sa' yıhızaavoji sarımiре kuryaraavı dıragınyaraavı yıhımwaaıhana!" dena wıdıvanıge. ¹⁷ Kıraazıtıyari nayaı lımwadıvısavına

sarimire s̄imunyangi K̄iraazit̄iyai kuna w̄ilayihimwaalana! Ȳisare pwipula kwaakevi d̄iraginna waayikabaaibi', nabaai, ange' d̄iraginna widaakunkabaaibi' kale nayaa ȳihyada d̄iraginna jawiramwaalyila! ¹⁸ Sara yapiji Gotiyare tewaanya yuyarajt Gotiyare d̄iraginya' maa'div' dara jawiramaarila! "Ai, neminyina K̄iraazit̄iyari tewaanya w̄ivu'nade naange' daaka!" Yuya bwakulaawika bwakulaawika aagang w̄avilavikesira. Naangaangesi kale sa!. Sare'na sariminyina "Gotiyai gannya d̄iraginya' w̄ijaavana!" dena sahwari w̄idivaniye. ¹⁹ Kale yada yuya' ȳinahu myawiri ȳipine' K̄iraazit̄iyari kale yade' jawiramaarila! "Gotiyare yuya gami sari yuneba warikenna nemire munyikaavi, s̄imunyangi yuneba w̄ilanewarana!" dapiji sara jawiramaarila!

²⁰ Gotiyare d̄iraginya' nemire munyikaavi yade'na nemi Gotiyari widanganaaja yuyangiij yawiaraaja yuyangiij w̄avilavade naanga naanga yadelyi Gotiyai. ²¹ Sareri "Byaannakeig!" widaana! Gotiyai kuda' K̄iraazit̄iyai Jizaazai yuyaraavina balake'na Gotiyari "Byaannakeigi!" widaana! K̄iraazit̄iyari limwange'nera kusilaanya yuyara "Byaannakeig!" w̄idipi'ka! Divi yuyagaa' gazagaasagaa' waragothehaa' yuyaina sara widaana! Naanga sahirisira.

4

K̄iraazit̄iyareina K̄iraazit̄iyare k̄ilaaka gaveji'na avaalyaina mwaaiho'nesi.

¹ Sarevi'daa'nyi nimi Naangeri widaayadinya'na kalavuzangevi nyimwaaihesainyi yihithaanganima! Gotiyai kagithahilaka' jivwaramaata sarebur kaanya nayaa jamarya! ² Ginnya yaya' mamakiyadi kave yawi'nyaig kave yadi pwara kayaa'na gyadaapij s̄inna ti'ka yarai madayi gyada tewaanna dimwaala! Pwaraavina kale gyada kumire yagaala wi'nad nayaa duhaimwana kale'na! ³ Gotiyai narya' wakinike'na kwaamu'nanyaburi K̄iraazit̄iyarerajt je'mwannamwaala! Kuryai yuyaihiri yihye'mwannamwaaihake'na k̄ilaaka gavejikyaihi d̄iraginna kuna dimwaalyila! ⁴ K̄iraazit̄iyareina gamire k̄ilaakejt' gave pi'ji'na mwaaiho. Gotiyare Kurya gave pwai nemijiyai mwaali'. Nabaai, Gotiyai yihithahilakake'na yihizivwaramaarakabaaibi' nawi'nyaba tewaanyaihi dimwaalyide' yemwaaimanigata gavebwi war!. ⁵ Naanga gave pwai mwaali'. Naangeri limwadaanya gavebwi war!. Bavitaaziyabwi gavebwi war!. ⁶ Gotiyai a'mwe yuyainaavi Nenimaanga gave pwai mwaali' K̄iraazit̄iyareinaavina. Sai yuyainaavi munyaba mwaalikelyi. Sai yuyainaavi d̄iraginyainaavi nemwaaihada gamire wawinya yivanigo sahwarinera. Sai yuyainaavire munyangi w̄ilanemwaalikelyi.

⁷ Gannya wawinya'na K̄iraazit̄iyai yawi'na "A'mwerina sara w̄ijaavima! Pwarina dara w̄ijaavima!" yawi'na yada gazainyinazainyia yanga gaimwangeburine nejaawa!. ⁸ Sarevi Gotiyare bukuya' dara dinikesi.

Ke'mwewinna yilaawina yaka

Wiла pwiyinikeraavi makilaawa!

A'mweraavina sihumale yanga w̄ijaava!

⁹ Sara dinike' yagaala "Yilaawina yaka," be yagaalyavaka? Dara din! "Sinnawi walaaba!. Kwaaka kewewinna walaaba!", sara dinikesi. ¹⁰ Sai walaabakei avaalyai yilaawa!. Sai sigunyangina yilaawaka ke'mwewinna Sigunyavina yilaawaka "Yuya yuyangi w̄ilamwaalima!" daka yilaawa!. ¹¹ Sahwai K̄iraazit̄iyai "A'mweraavina sihumale yanga w̄ijaavakelyi." Sare'na gannya d̄iraginya' w̄ijaavada pwaraavi "Nimire yihithaadinyaaihi," dahilakina. Pwaraavi "Gotiyare wi'navi'jwaakadivisaihi," dahilakina. Pwaraavi "Yagaala tewaanya' mudikeraavi w̄idadivisaihi," dahilakina. Pwaraavi "Sipzipiya nimireraavi maremwaaina, w̄ijjwaakadivisaihi," dahilakina yakerera. ¹² K̄iraazit̄iyarerera tewaanyara

naanga yune nebulya'nanyara yima'nipi'de'na sara dahilakina. Widayaabwina gaimwannipi'de'na sara dahilakina. Kiraazitiyare kilaakejikiyaina gamireina diraginyaina simunnakeina yima'naade'na sara dahilakina ya'. (Anga nayaa mannikabaabisaine.) ¹³ Neminyine'na dahilakina yakera kunnya wawinya nayaa yadiv'i kilaaka gavejikiyaina yuyaina Gotiyare Gawaaliv avaaina limwagaraatheine. Gotiyare Gawaaliv avaaiizimunya yawiraade'nanyi. Nem a'mwe naanga yune nebulya'nanyaibisaina Kiraazitiyarina mwalaadeine gami kwaibi'. Kiraazitiyai tewaanyai simunnakei sahwai mwaalikabaabi' a'mweina avaalyaina yinahu mwalaadehaa'nanyi. ¹⁴ Sareinaavina "Kaimraayara kuna namwaabithika!" daka negaimwadivisaraavi nejaava!. Kwaasiyara kwaasi yagaala pin yihusa' pina pina do'mwadevaabi' nedadaapiji kaimraayaina namwalaadika! Kwaasiyara kayaa'nanyabwi yawidivisara wabwiwayagaala dadiv'i kwaasiya gevvi gevvi wijiwaakadivisare. ¹⁵ Kaimraayaina kuna mamwalaanna! Aawa. Kale neyadaawoj nebulya'widadaa tewaanna mwalaadeine! Kiraazitiyari yuna wilamwalaajaina yuya tewaanyabwina gryaadeine. Nabaai, Kiraazitiyai sahwai nemire Mnyaginyalyi. ¹⁶ Sai nemaremwaaliwei nayaa nedada sara yaade'nanyi. Kiraazitiyare kilaake' yakabaaibi' sara yaade'nanyi. Sivila, ata, kihita, kadika saza miwi'nika, dahaala yuya ye'mwannika, yuya sa tewaanna yinikejikira. Kilaaka yuyaji' nayaa yina yada girinikabaabi' nemi gamire diraginya' ma'daa Kiraazitiyare pwaraav wigaimwadaa "Diraginyara tewaanyara mwaabika!" dadaa nayaa wijiwakadaa Kiraazitiyare yuyaina kale neyada tewaanna mwalaade'nanyi.

Kiraazitiyari wilamwaaiho mudikebwinesi.

¹⁷ Sareviadaa'nyi Naangeri wilamwaaiheinyi Naangei dare nyidake'na diraginna dara yihizalikurakima! Nayaa kadika dinyu'nyila! Ajmya yuyangiyaraavirebwina mwaaidivtabaaibi' kuna mamwaabina! Sahwaraavire yawita waryaanya wari!. ¹⁸ Kumire yawiramaata jihinya'b'i wari!. Kumire simunya mi'na sillaange wilarikevina kuminyi sidu'maayabwi wilarikevina Gotiyai gaalyabwi wimwaaihaddevuri menyaba mwaaihasare. ¹⁹ Kumirebwina myawiri "Kaya'anayivanigeinyi. Sabwi myiwneinyi." Naangegaa' sara myawiryadivisara wagila muvwa'nyadera ata limwangebwi diraginna yina. Girikitainanyabwina mijike'b'i wiadere.

²⁰ Kiraazitiyarerera sabwi myihiziwaakesaihilyi. Kiraazitiyari ma'mwaasaihi gevvi yipineihilyi. ²¹ Sahwarina kadika mi'na wi'ne!. Sahwari wilamwaaihasaihiri yihiziwaake!. Jizaazar Nebulya' wiwarikabaaibi' yihiziwaakesaihilyi. ²² Sareihi, ayabulyiyaihi kigaa' sarinnya simunya yawidiv'i kayaa'na mwaalesabwi marasi'nipineihilyi. Simunya sa kayaa'nanyanna kwaasi yawi'na "Wabahilaake'nesi. Tewaanyasi. Yilaaya'nesi," kwaasi yawi'na yada kayaaka yihygaidaasi simunya sa marasi'nipineihilyi. ²³ Sarimire simunyajyawisajj kuryajt mudike yuna yihwakanneihilyi. ²⁴ Gotiyai mudikeihiri yihimwaaiahaka gamibisaihi simunya nawi'nya' yawipineihilyi. Simunya sara yawidiv'i nebwina mwaaidivisavi nayaa yida'maraangebwi yina, girimmaayabwi tewaanna yina yipineihilyi Kiraazitiyareihi.

²⁵ Sarevi kwaasi yagaala wija'nebwi dasi'nana! Wasin'na'gizi gazaigzaig nebulya' ja'mweri duthana! Yuyaina Kiraazitiyare kilaakejikiyaina mwaaiho'na nebulya' duthana! ²⁶ Pwai kayaa'na kyoji gitire sinna tika kagithavoji kirii simunya nayaa maremwaala'gizi saigi kayaa'na myinna! Naangegaa' sinna tika magithavanna! Sinna tika kuna kagithavoji nyiliyi gaai waidaawojyagaa' sare' kayaa'nanyasi. Sinna tika sabwi yarai dimarasini'na! ²⁷ Naangegaa' sinna tika kagithavoji Saataan gitire simunyav yawita kayaa'nanya nakadika! Sabwi myinnera!

28 Kukei maarakei kuna mamaaranna! Aawa. Sai wawinya nayaa yana! “Wawinya tewaanya' asiraalyi ya'mujit n̄igw̄maayaraavi wījaapalyi ma!” dozi nayaa yana!

29 Gīnnya maangevi yagaala kayaa'nanya mudinna! “Pwara yagaala nawi'nya' nyu'napiji yanga gaimwangebw̄i maapika!” da'gizi yagaala sa duthana! Sara kuda'gizi yagaala sa' wīgainikeraavi, kadika wīnya'neraavi diraginna vivaimwagathe'nanyi. **30** Pwaraav̄i kayaa'nanya kuda'gizi Gotiyare Tewaanyai Kuryari taanga nuyadika! Gotiyai dina “Nīnnya Kuryari kujaava'mujit n̄imirera yīma'nipika!” dina yaka gitahilaka!. Kuryari wīlamwaaikhinya'na diraginna yawi'na “Sagaa' yuna neyaarojiyagaa'na gamire yavikwajike' nejaava!.” Yawi'na yīvaniginyaiḡi nayaa dimwaala!

31 Jikurya myinna! “Pwara kayaa'nanyarera,” myawi'dinna! Sinnna tīka yaasiwa'na magithavanna! Maanga, maiyagaala mudinna! Birala mudinna! Yuya sabwi dimaras'i'nana! Nabaai kayaa'nanyabwi myinna! **32** Aawa. Ja'mweri bwiwanna yina ja! Sarina kale gyana! Kiraazitiyai balake'na Gotiyai gitimire kayaa'nanyabwi maras'i'nikabaaibit pware kayaa'nanya gazaigizaiḡi mīnya mamaa'dinna!

5

Baakeburi tewaanya mwaaiho'nesi.

1 Gotiyare kaimiraayaiginyi yilaaya gīvu'nadeiḡi mwaaihinyabaaibi' gamire mwaalyabwi ja! Gotiyari dimidina! **2** Kiraazitiyari neminyineba kale wiakei neminyina balakabaaibit' kale gyada dimwaaideiginyira. Juyaraavire Ne sinnawinyaara sipzipiyari yanga wījaaya'ne' dik̄a nasi'nadaasi Gotiyai wabatirinya' winada yilaaya yakabaaibit' Kiraazitiyai tewaanyabwina yuna balake'na yilaaya yakelyi.

3 Gotiyare tewaanyaihi mwaaihatabaaibit' ata limwangebuliyi girīkita'nanya yuyabulyi wabarinnyabulyi sare sabwina yīleyagaala madibina! Sarebwina pwara nyawipidika! “O, kayaa'na jivaniga!.” **4** Yagaala kayaa'nanyajit yimaka widivisaraavire yimakyagaalyajit kayaa'nanyabwina yipaa'nyi yagaalyajit madipina! Gotiyareihii wīja'ne sabwi madipineihili. Aawa. Gotiyari yilaaya'na “Su! Su!” wīdipineihili. **5** Sare! dare'nesi. Diraginna dara yawi'manigasasi. Amwera ata limwangebw̄i yadivisaraji girīkita'nanyabwi yadivisaraji pwaraavirengi wabarinnya yadivisaraji saraav̄i Kiraazitiyalyi Gotiyalyi mamaremwaalyi yikadera. Kirimire yovrawakitaalya mamaari yipi'derera. Pwaraavirengi wabarinnyabwi sabwi a'mwa'mwe, nyiliyi, yita naangera, silaanga sazangina yilaaya yadivisabulyi. Sare avaalyabwi wabarinnyabwina pwaraavirengi yawi'divisare. Gotiyari yilaaya myadivisare.

6 Aane pwai kwai yaasiwa'nanyanna wīdina “Sara ya'gizi tewaanna dimwaaideiginyi,” kwaasi sara nagithathika! Sare! dare'nesi. Kayaa'nanya dazanna yadivi! Gotiyari galyekivaidivisaraavina Gotiyari sinnna tīka wida'da wiramadelyi. **7** Sarevidaa'nyi sara yadivisaraji myinnera! Saraayawidaasi jahalya'makwodeiginyi. **8** Sare! dare'nesi. Kigaa' sahwaiḡi jihinyasyaiḡi kayaa'na mwaalaginya kiri'! dahaa! Naangere baakesiyaiḡi tewaanna mwaaihi. Sareiḡi baakesiyara yigatabaaibit' kuna nayaa dimwaala! **9** Sare! dare'nesi. Gamire baakebwina mwaaidi tewaanya yuyajit nayaa yida'maraanga yuyajit nebula yuyajit sangineiginyi ḡimwaaihatheiginyi. **10** Naangei Baakei sabwi yilaaya wigайдевви yawiramaa'na ja! “Sai Tewaanyabulyi, nyidathevvi yīma!” sara yawira'gizi sara ja! **11** Jihinyasya, yaasiwa'nanya yadivisa sara mye'mwannayinna! Aawa. Baakebw̄i nayaa ya'gizi kumire kayaa'nanyabwi jivwaridaakwia! **12** Sare! dare'nesi. Jihinyav̄i kayaa'nanya līka yulya'divit' yadivisanna warginaka yagaala madipinengi. **13** Baakevi yuya kyibwaridaakwa'gizi

yuyara dara wangabi'de! "O, aaya kaavilya' sasare' daaka!" Sare' dare'nesi. Baake' pu'daawojoj a'mwera sabwi yagalya'mavapiji yirikebwi yipinerera. ¹⁴ Sarevi dinnike! "Se wakinyaigji dithikaaka!
Bainikeraayawi ayina dithikaaka!
Kiraazitiyare baake' givuradesi.
Dikaava'giziyai ginyina simunya gitzaavadelyi."

¹⁵ Sarevidaa'nyi ginnya mwaalyabwi nayaa jawika! Simumaayaigji mamwaaidinna! Aawa. Simunnakeigji dimwaala! ¹⁶ Yirika kayaa'nanyagasa warke'na "Dahaa' tewaanna yiijhyiwana?" da'gizi nayaa sara ja! Yirika sa yaasiwa'na nabothika! ¹⁷ Sarevi sidu'maayaigji mamwaaidinna! Aawa. Naangei gimininyina "Sai sare' yana!" kyawirojji sare' ja!

¹⁸ Aalya waainiya biyaaya'bita naanga maninna! Sare' yimaka nuyidika! Sarebwi ya'gizi kayaaka jihainade'nanyi. Saza maninna! Aawa. Kuryai gimirre simunyav yuneba wilagimwaalana! (Sai simunya' nayaa yuna gimoremwaalana!) ¹⁹ Sareigji ja'mweri Gotiyare yagaaidaata, Gotiyarina yiledaata daata wijsnejji duthana! Ginnya simunyav Gotiyari yilaaya naanga yadi Naangeri daata, yiledaata duthana! ²⁰ Yuyagaa' yuyanna Gotiyari Nenimaangeri "Su! Su!" duthana! Nemire Naanga Jizaazai Kiraazitiyarina yawira'gizi sara duthana!

Kiyorinesi.

²¹ Yuna wilagimwaalanneigji Kiraazitiyarina yawi'na "Naangelyi. Kave yawirima!" yawi'na yivaniginya'na ja'mweraavi kwaakewi dula'naka! "Dara yawi'mwa. Ni'mi maalikeinyi. Nya'mweraavi kadika wi'nima!" Sara dinneiginyi.

²² Balaange'gi, nemi Naangeri midinna yivanigovaaibi' ginnya kwalaangeri kwaakewi dula'naka! ²³ Kiraazitiyai gamire kusilaanyainaavi nemaremwaaside Mi'nyaginyai mwaalikabaabi' kwalaangei gannya balaangevi wimaremwaaside Mi'nyaginyai mwaali'. Kiraazitiyai sahwai kusilaanyainaavi nevadaihasamaarakelyi. Gamire kilaakejikiyainera nemi. ²⁴ Sare'na kusilaanyaina Kiraazitiyari kwaakeba walawwaaina yivanigovaaibi' balaange'gi yuyangi ginnya kwalaangeri kwaakewi wilanana'na jithe'ginyi.

²⁵ Kwalaangeigi, Kiraazitiyare kusilaanyainaavineba kale wiada gannya tawei nemubya'nei wijsaaya'nei balakabaaibi' ginnya balaangevin Kale gyana! ²⁶ "Kumire kilaakengi aalya wiadinyabaaibi' Gotiyare yagaalya' kumire simunyangiji munyikaaviji kyavada'galojji Gotiyarina tewaanyaraavi wimwaaihima!" daka Kiraazitiyai bala!. ²⁷ "Aayagaa' ni'minyaba kusilaanyaaraavi wimwaaihima! Sagaa' byaannakeraavi wimwaaihima! Kumire simunyangi munyikaavi girikitina'nanya, nawi'nya mya'ne saza mwari yana! Aawa. Gotiyarerera tewaanyara, girikitina'nanya maayara mwaabi'ka!" daka balake'nanyi. ²⁸ Sare'na ginnya kilaakejikina kale gyada nayaa maremwaaidinyabaaibi' ginnya balaangevin Kale gyana! A'mwei gannya balaangevin Kale wiadei, yithaa, a'mwei gami sarina Kale wiadelyi. A'mwei balaangevin yawi'na "A'mwe sa' ni'nnya kilaakejikira." ²⁹⁻³⁰ Sare' dare'nesi. A'mwera kunnya kilaakejikaavina sinnna tika mudayaderera. Aawa. Wapaaya nayaa wijsavadiyi' yuyagaa' kave maremwaaidivisajikera. Kiraazitiyare kilaakejikiyaina mwaaiho'na kusilaanyainaavi kave nemaremwaalikelyi avaalyabaaibi'. ³¹ Sare'na dara dinike! "Sarevi a'mwei gamire ganimaangelyi ganaangesi sayori yagalyamavoj gannya balaangesi ye'mwannemwaaladelyi. Sara kyoji sawaai kilaaka pijji'nanyayoi yi'ma'nyikadedyolyi." ³² Sara gave dinike' nebulya' naange' neminyina dinikesi yoimavajalikurakya sa!. Sare' dara yawi'manige! "Yo, Kiraazitiyalyi kusilaanyaainaj sara dinike' daaka!" ³³ Sara dinike' kirji' gimininyina dinikesi. Kwalaanga gazaigizaiginyina kale gyadevaabi' ginnya balaangevin Kale gyana! Balaanga

gaza'giza'gi ginya kwalaangerina yawi'na "Sai niminyina a'mwe naangelyi," yawi'na jithe'ginya.

6

Kinidakaavinesi.

¹ Kaimiraaya kwaig, Naangeri wilamwaaikhinya'na gimaamaangelyi gwaangesi sayori dimidina! Sare dare'nesi. Sabwi yiya' yida'nanyasi. ² Dintke! "Ginnya gimaamaangelyi gwaangesi sayore yaya dimakila!" Kiwinha sa', kiwinya naange', yagaala yune naanga nebulya'na wija'ne' kininnake' sinnawinya' dinikesira. ³ Yagaala yune naanga nebula sa' dara dini! "Sare'na gimi'nyina 'Yuyangina tewaanna wima'nana! Kwaaka davaki saaminyagaa' mwaalana!' daka gitihwa!"

⁴ Kuvinimaangeigi, gimore kaimiraayaraavi yaasiwa'na karama'gizi yaasiwa'na sinna ti ka nudavadika! Aawa, kayaalna kyapiji Naangerebwii nayaayawira'gizi nayaanna dirama! Nayaanna duthana! Naangerebwina duziwaakya!

Yaasiwa'wawinyaraji maremwaaidivisaraji saraavinesi.

⁵ Widaayadinyaig, gimi'nyi kilaakejikinei gimaremwaidei sara kagihozi Gotiyarina lika yadi nayaay sara dimidina! Gimire simunyave piri'na nayaay yawid'i nayaay sara dimidina! Kiraazitiyar duthaayidevaabib'i nayaay sara ja!

⁶ Gavegaa' maremwaidei tinna gwangadaawojo! "Wawinya tewaanya'na yilaaya nymaryana!" da'gizi gavegaa' nayaay yijwaala nyidika! Aawa. Yuyagaa' nayaay ja! Kiraazitiyare widaayadinyaig mwaaihinya'na Gotiyare simunyave ginya kuryai nayaay yana! Sare' maremwaiderina nayaay ja! ⁷ Sareig widaayadinyaig simunyav "Nimi tewaanya yima!" yawid'i yilaaya'na nayaay ja! A'mwe gaveraavi duthaayidegi mika! Aawa. Naangerij duthaayidevaabib'i nayaay ja! ⁸ Dara jawi'des. Wawinya tewaanya'na Naangei gazai gazarina tewaanya ayina wijaavadely. Nigwawinyarajya yaasiwa'wawinyarajya wawinya'avaaina wijaavadely.

⁹ Maremwaaidinyaig, avaalyabaaib'i ginya gitthaayaderi nayaay ja! Maiyagaala kuna madinna! Nayaay dara yawi'mwaa. Sigunyav Nemaremwaide gavelyi. Gimiji gitthaayadivisarajj saihiri avaaina yihimaremwaalikelyi. Sai a'mweri sinnyasi yayasi yawisas yawid'a myikelyi. Aawa. Yuyaraavina avaaina yikelyi. Sara yawi'mwaa. Sare'na nayaay ja!

Nemire kuryara mala bwa'nya'ne'b'i yovirawakya'nesi.

¹⁰ Yagaala pin yihithima! Naangeri kuna diraginna wilamwaaida'gizi gannya diraginya' gizaavada diraginnakeigi gimwaihana! ¹¹ Kotiya Maryadei yawi'na "Sai kayaa'nanya kuna yana!" yawi'na yoji kwaasiya gyathehaa' diraginyaig dimwaide'na mwasaabya, pin Gotiyai gizaavade yuyajyaig diraginna ja! ¹² A'mwera kilaanakera tawanakerajj mala mabwa'nyivanigo. Aawa. Kurya kayaa'nanyara maremwaaidivisarajj diraginyarajj jihinya dahaa' yimakera Kwaakeva' kayaa'nanyava' maremwaaidivisarajj saraavi sigunyav kurya kayaa'nanyara mwaaidivisarajj sarajj mala bwa'nivanigo. ¹³ Sarevi Gotiyai saabya sasi gizaavade yuyajyaig malaya'na maarina ja! "Kayaa'nanyagaa' malyagaa' yima'nadehaa' yikamaangei kanyramoji diraginna daavima! Mala bwara'mujj aayagaa' diraginna dathiwagi ma!" da'gizi maarina ja!

¹⁴ Sareviada'nyi malaya'na yovirawaka'gizi Romiyai aawilasaibisaig gaidaa'na ja! Munnaanya' Nebulya' divadathivainana! Yida'maraangebwi kihisavi yuna diraginya'na divaazi'ma'nana! ¹⁵ Gotiyare narya'na yagaala tewaanya' yarai widdadaanya' sivilyraari divaazi'ma'nana! ¹⁶ Nabaai, Naangeri limwadaanyabwi

yuna saabya d̄raginya' d̄imaryi'la! Yikamaangei mwasaagala d̄ika nadaa-wojya padaawoju' ḡimire saabya' ḡimarulyakedaavadesi. ¹⁷ Naangei nevadai-hasamaarakewi miñyaginya'av̄ d̄imwaaiah̄'nana! Gotiyare yagaalya' Kuryai ne-jaavake' kwaari'mas̄raminya' gurimaanga yuneba woinke' d̄ilimwana! ¹⁸ Yuya sanna Gotiyari wijs ja! Kuryai ḡihaimwadaawoju' yuyagaa' Gotiyari d̄raginna duthana! Jithaangana! Dameiḡt nayaa tinna wangadi yuyagaa' Naangeri yuyanna d̄raginna duthana! Yuyagaa' Gotiyare tewaanyaraav̄na d̄raginna jithaangana! ¹⁹ Nabaai niñinyina Gotiyari duthana! "Gotiyaigt, 'Polimina yagaalya' kujaava'muj̄t nayaa d̄raginna wiðana! Sahwai lika mi yada yagaala tewaanya' yoimavaljalikurakya' nayaa d̄raginna wiñwaakana!' da'giz̄t yanga duzaama!" Sara duthana niñinyina! ²⁰ Yagaala tewaanya'na Kingiyai Kiraazit̄iyai nyidaasadere wawinya' yivanigeinyi. Kigaa' Kiraazit̄iyarina wiðahe'na wiла nyivwiyeta kiri' Kingiyare wawinya' yivanigeinyi. "Līka nyiwidīka! Niñire diwija' d̄raginna wiðima!" dad̄ git̄hvanige. Sareinyina Gotiyari duthana!

Yagaala aaya'nesi.

²¹ T̄ikikaazai neya'mwei sahwarina nevu'nadei tewaanyai Naangere wawinya' d̄raginna wiðaayadelyi. Sarei niñinyina yuya yihthathelyi. "Sahwara niñinyineji niñi yivanigeji yawipi'ka!" dena sariminyawinna wiðasiwaabe. ²² "Sarimi neminyinenna jawirila! Sara yawirapiji' sarimire simunya d̄raginya jivaimwannyila!" dena wiðasiwaabelyi.

²³ Gotiyai Nenimaangelyi Naanga Jizaazai Kiraazit̄iyalyi sanidaai neya'mweihiri' kirinnya kwaamu'nanyabwi yihimwaanihika! Kale yihyadewwi Naangeri limwangebuliyi d̄raginna yihizaayika! ²⁴ Nemire Naanga Jizaazai Kiraazit̄iyarina sarinnya tewaanya yihivu'nada, nabaai kuna d̄raginna sara yihyada, yi saihiri yanga tewaanna yihigaimwagika!

Poli

Pilipaa

Pilipaa Mwaalyaraavina Poli Pikariyikwia Yidavakesi.

¹ Pilipaa mwaalyaihi nya'mweihi,

Kiraazitayai Jizaazar wlamwaaihasa'neihi Gotiyare tewaanyaihi, Polinyiji Timotilyi sainaai Kiraazitayai Jizaazare yaasiwa'wawinyaainaa pi kariyikwia da' yihyasivanaabiholyainaalyi. A'mweihirina, kusilaanyaviyaihre maremwaalyaihirinajt widaayaihirinajt saihiri yihyasivanaabiholyainaalyi.

² Nemire Gotiyai Nenmaangelyi Naanga Jizaazai Kiraazitayalyi yanga gaimwangebwi yihika! Sarimire simunyavi kave kwaamu'nanya' yihwakika!

Poli Gotiyari "Su! Su!" widake'nesi.

³ Sariminyina yawidinyagaal gazagaasagaa' nimire Gotiyari "Su! Su!" widadinyainyi. ⁴ Yuya widadinya sangi, sariminyi gaimwanga yihya'ne widadinyangi yilaaya yadi Naangeri yidaangadinyainyi. ⁵ Sare' dare'nanyi. Sarimi yagaala tewaanya' yamaaresagaa'daasi dhaaa'nanneihi nimiji yagaala

sa' a'mwera maarya'na mena nye'mwannayivanigasa'nanyi. ⁶ Nimi mena dara yawi'manige. Gotiyai sariminyi wawinya nawi'nya' mena yihivanii. Sai wawinya' kuna kuna yiwawojt wawinya sa' yi'mwannyina yade Yirika yune Kiraazitiya Jizaazaregaa'na. ⁷ Yo, sarimi yuyaihirina simunya sara yibwakinna yivanige daza' yida'nanyasi. Sa' dare'na. Yuyagaa' nimire simunyaburi sariminyi yihilimwaga'dinyainyi. Yi sariminyina tewaanya nyivu'nivanike'nanyi. Nabaai yuyaihi yanga gaimwanga naangebwi nimiji ye'mwannamaa'maniga'. Yi yagaala tewaanya' a'mwera maarya'na yanga sabwi nye'mwannayivanigasa'nanyi. Nimi kalavuzavt mwaaidinyagaasi yagaala tewaanya sa' nebulya'na warya'ne' jalikurakegaasi a'mweraavire simunyangi yagaala tewaanya sa' diragiya yivaimwagehaasi yuya sagaa' sara yadivisaihili. ⁸ Sare' darevidaa'nyinyi. Kiraazitayai Jizaazar sariminyina tewaanaanga wivu'nivanikabaaai sahwar sara yuyaihirina tewaanaanga nyivu'nivanike' Gotiyai naya jalikurakanneinyi. Sariminyawinna yihwanganaawide'na yihithiwa.

⁹ "Sarimire tewaanya yihivu'nyabwi naanga naanga kuna yima'nana! Nebulya'na jawiranganyidesi yuya simunya tewaanya naangeji naanga kuna yihmaremwaalana!" dena nimi Naangeri sara yidaangadinyainyi.

¹⁰ Nabaai gevwi gevwi nayaayawiranganya'neihiri yihmaremwaaladengt. "Kiraazitayarine Yirikeriki sarimi nawi'nya tewaanyaihi yiwetawakya maayaihi dimwaalyideihili," dena Naangeri widadinyainyi. ¹¹ Yi Jizaazai Kiraazitayar yisi' yisila nawi'nya yi'nadevaabi' yida'maraangebwi sariminyi yunebanna kuna yihwaradevulyi. Yi sasare sabwi yadaapiji Gotiyarne yaya' munyaba makilya'najt "Byaannakei!" dadaa Gotiyari ylaaya widadinya'nanyi.

Poli kalavuzangevi mwaalake' daza' yagaala tewaanyavi gaimwanga yake'nesi.

¹² Nya'mweihi, sarimi yawiramaasavina dara nyivu'nivanii. Niminyi taanga nyima'nade datha kiri' yagaala tewaanya' yawiranganya'na marihiri. Aawa. A'mwe kwaala kwalaalyara yagaala sa' kadika kuna wti'nivanigasasi. ¹³ Yi sare'na dame maredaata yuyara Sizaare angevinna dame daa'divisarajt a'mwe pwara kwarajt sara "Kiraazitayarina widake'na kalavuzavt mwaaidelyi," niminyina mena nayaayawidivisare. ¹⁴ Nabaai kalavuzavt mwaideri Naangei niminyi nayaayivaimwade' Naangerine neya'mwe kwalaalyara tinna wangadivisa'na kuminyi

wigaimwange'na yawi'div'i' kumire simunya' diraginya maa'divisa'na lika yabwi yagalya'ma'div'i' Gotiyare yagaalya' wijiwaakya'na diraginna yadivisare.

¹⁵ Dare' nebulyasi. Pwara nimire wawinya Gotiyarine'na tiganaarya yadivi' niminyina "Sai kalavuzavina naya mujadei. Sahwar wavylavaana!" yawi'divita dazavi Kiraazitiyarine yagaalya' wijiwaakadivisasi. Kir'i pwara niminyina simunya nawi'nya kininnakera wijiwaakina. ¹⁶ A'mwe dazara niminyina wivu'nivanike'naji yagaala tewaanya' nebulya'na warya'ne wawinya naange' nyijaavakevina yawi'divisa'naji sara wijiwaakivanigasare. ¹⁷ Kir'i pwara sara "Polimina neminne yaya naangenna yaana!" deva Kiraazitiyarina wijiwaakina. Sahwara simunya tewaanya kininnakera yawita girkita'nanya maayara sara wijiwaakadivisara mika! Aawa. Nimire kalavuziwawinyavi "Taanginya pinji yibwa'mwagaana!" yawi'div'i' sara wijiwaakadivisa'nanyi. ¹⁸ Kir'i maajimunya myawiriwana! Baa'nana! Yuya saburaavi, niminyina yawita kayaa'nanyangnaji niminyina yawita tewaanyangnaji Kiraazitiyarina wijiwaakadivisare. Dazavi nimi yilaaya yivanige. Yo, nimi yilaaya naanga kuna yideinyi.

¹⁹ Sare' darevidaa'nyinyi. Nimi mena yawi'manige. Niminyi gaimwange'na sarimi Naangeri widadivisaviji Jizaazai Kiraazitiyare Kuryai niminyi diraginya nyivaimwadeviyi dahaa' nyima'niwaka daza sa kayaaka nyigalade mi!. Naangei nyivadaihasamaaradeinyi. ²⁰ Yi "Yima'nadenna tilijaaya baihanarima!" yawi'di dazanna yemwaaimanige. Dare' yemwaaimanigeinyi. Nimi wagila maalika aane pimili' kimiili' maarideinyi mi!. Aawa. Yuyagaa' sara yadnyabaaibi' dahaa' yuya nimire kilaakejiki yidevi Kiraazitiyarine yaya' makilya'neinyi diraginna daa'di naya jalikurakima! "Nimi gaala mwaaimujainy sara yideinyi dingaka? Nimi baimuja kwainy sara yideinyi dingaka?" dena naya yivanige.

²¹ Sare' darevidaa'nyinyi. Nimi gaala mwaala'mujyainy Kiraazitiyalysi ye'mwannamwaaihe. Nabaai nimi bala'mujyainy Kiraazitiyarine yaya' diraginna makiliideinyi. Yi sa' nimire mwaalyabwi wavylavade niminyine'nanyi. ²² Nabaai nimire kilaakejiki kuna mwaaimujainy Kiraazitiyarine'na tewaanya nawi'nyaanga yisilyabita yideinyi. Kir'i nimi be tutariki midinideinyaka? "Balima!" yawirideinyi dingaka? "Mwaalima!" yawirideinyi dingaka? Nimi myawiriwa. ²³ Yi savina nimi simunya piriwaai yawi'manige. Kwaaka davaki yagalya'ma'mujainy Kiraazitiyalysi ye'mwannamwaaimuja'. Darevinyi. Sa' tewaanya naangesi. ²⁴ Kir'i sara yiwijainy gara yihgaimwagideinyaka! Sare' kilaakejiki sarimi'nyine'na yihmudaasiyanike'na kuna mwaalima! ²⁵ Sare' diraginna yawi'manigevidaa'nyi dara yawiramaa'manige. Nimi kuna mwaaidi sarimi'ji wawinya yihye'mwannayideinyi. Naangeri diraginna limwangebwi naanga yima'nya'naji diraginaanga limwadiv'i yilaaya yihya'naji yihgaimwagide'nanyi. ²⁶ Nimi sarimi'nyawinna ayina mwaalidevi' sarimi' niminyina yilaaya yadivi' "Neminyaw i mena mwaalike'na Kiraazitiyai Jizaazarine yaya' munyaba naanna makilaana!" dizide' yihye'mwannamwaalide'nanyi.

Yagaala tewaanya' limwadivisara yabwinesi.

²⁷ Yuya yima'nadengi' sarimi' "Kiraazitiyare yagaala tewaanyav limwadaayaninera," dadiv'i Gotiyarerera yipinebwi naya yida'maraangebwina jila! Sarevi nimi yihwanganaawideinyi dingaka? Sarimi'nyi kuna yibwa'niideinyi dingaka? Yi sareinyi' sarimi'nyina kadika sara wi'nya'ne'na sara jila! Dara wi'nya'neinyi nyivu'nivanii! Sahwara avaaizimunya'na daa'div'i yagaala tewaanya' limwaga'manigasarera. Yi yuyara, yagaala tewaanya'na kwija'mwera diraginna limwange'na dihaabwata ymanigasarera. Malyavi ye'mwannadiv'tabaaibi' yuyara sara yivanigasarera. ²⁸ Sahwaraavina taanga wijaavadivisara aane piri'i kirivi' sahwaraavi lika wirgaimanigasara mika! Sahwara saraavina lika myivanigasara. Nabaai sarimi lika mi yipija' daza' yikamaangeraavt yibwaridaakwia dara yadesi.

Sahwara kayaaka yinipi'dere. Nabaai sariminyi dara yihibwaridaakuvan! Gotiyai sarimi tewaanya mwaalya'na yihivadaihasamaaradelyi. Y Gotiyai sahwaraavij sariiminyiji sara yihyadelyi. ²⁹ Sare' dare'nanyi. Sariminyina Kiraazitiyare wawinya ya'ne'na Gotiyai tewaanyabwi yihizaavanikelyi. Kiraazitiyar ddraginna limwagya'ne gavebwina yihizaavada mi!. Aawa. Gaminyi daanga maarya'ne kibulyi yihizaavanikelyi. Sarevidaa'nyi yagaala tewaanya' kuna dilimwagarila! ³⁰ Y sinnawi nimi Gotiyarinne mala bwa'daaziya' sariimi tinnna wangane!. Nabaai dahaakigaa' nimi mala kuna bwa'manige'na sariimi kadika wi'niwanigasasi. Mala yune gave savina avaainanyavina sariimi bwa'niwanigasaihili.

2

Pilipaa mwaalyara avaazimunya'na yawisa'na Poli yilaaya yake'nesi.

¹ Kiraazitiyai nemire simunya' neyvaimwadei daakaji, Neminyina gamire wivu'nyabwi nemire munyi' nayaa newa'devwi daakaji, Kurya Tewaanyalyi ye'mwannamwaaihoina daakaji, Nemijya pwaraavina kale neyada tewaanaanga nevu'nadeina daakaji, ² yi sarevidaa'nyi nimire yilaaya naangebwi yuna naanga jila! Y avaazimunya'na jawiryideviyi wivu'nya avaala saburi jideviyi kurya avaala gave pibwina dilimwagaryideviyi gave pibwi jawiryideviyi yuneba yilaaya dinigalyila! ³ Sarimi yune sariiminyine'na simunya yawidiv'i aane pimili' kimirli' mipinera! Sarinnya yaya munyaba makilya'na aane pibwi kibwi mipinera! Aawa. A'mwe pwaraavi dalaangewi mwaaidiv'i "Sahwara neminyi nevilapika!" jawirila! ⁴ Gazaigizaig ginnya yunenna mamaremwaaidinnersa! Aawa. Gazaigizaig pwaraavire sa kinngiji dimaremwaala!

⁵ Kiraazitiyai Jizaazar siumunya pibwi wiarakabaaibi' simunya avaainanya dilimwagarila! Darebulyi. ⁶ Sahwai Gotiya nebuliyai mwaalaka kir'i Sigunyav Gotiyalyi avaaina mwaalya sabwina kuna limwange'na yawirakai mi!. ⁷ Aawa. Sai sasare sabwi yagalya'ma'na yaka kunei yima'naka a'mwe yaasiwa'wawinyaaraavirebwib' maarina yakei yi a'mwei yima'nyina. A'mwei a'mweraavine avaainanyai yima'nyina yada ⁸ gami sari kwaakewi walamarakinyna. Sara yada Gotiyari yagaalya midinakelyi. Nabaai kuna sara yada yune gami balakegaa'na. Yo, yune yisaviri kamaratamarimwe' wagilyavine yisav balakegaa'na. Yi sarevi kwaakewi walamarakinakelyi. ⁹ Sare'na Gotiyai gaminyine yaya munya ke'ba makilaka sahvari munya ke'beva mwaaihakelyi. Sara yaka Gotiyai yaya nawi'nya' yaya pin wavylavike' wijaavakelyi. ¹⁰ "Sigunyav mwaaihata yuyaraj Kwaakevakiyaraj kwaakevi amwihiyaraj Jizaazarine yaya sa' dadiv'i gaminyi kwadaai gibika!" daka yaya nawi'nya sa' wijaavake'nyi. ¹¹ Nabaai a'mwe yuyara kunnya maangisi' dara jalikurakipi'de'nanyi "Jizaazai Kiraazitiyai sai Naangelyira." Sare'na "Gotiyai byaannakela!" dadiv'i Nimwarine yaya munyaba makibi'de'nanyi.

"Gotiyai yihivadaihasamaarakeihi yipinengi jila!" dake'nesi.

¹² Nimi nyivu'niwanigkeihi, Kiraazitiyai Gotiyari sara midida sariiminyine'na ke'ba'nanya' yakabaaibi' "Gotiyai sara nevdaihasamaarakei daakaji," yipi'dengi jila! Yi sinnawi yuyagaa' Gotiyari midinasesaihili. Sarimiiji yihye'mwannemwaaidinya yune sagaa'na midinetabaaibi'na myihizivanige. Aawa. Dahaa' menyawi nimi mwaaida'mwi sariimi naanga kuna dimidinyila! Gotiyarinne dara yawidiv'i "Sahwai naangaangei mena ke'ba mwaalikelyi," lika nayaa yiwainigulina yadivi' dahaakigaa' yihivadaihasamaarakeihi sareihi sara yipinengi jila! ¹³ Sare' darevidaa'nyi. Gotiyai sariiminyi kusawi yihyadelyi. Yi sariimire simunyaburi gami sai yhidikaa'bwa'delyi. Nabaai gami sare simunya nawi'nya kinnnakebwina wivu'nadevaabisisanna ya'neihiri yihimwaaikhadelyi.

¹⁴ Yuya yipija sa sarimi kinnmyagaalyaj i maiyagaalyaj i nayaa makwasakina yadivi! jila! ¹⁵ "Y wetawaka maayaina mwalaana! Nemire simunyav i kayaa'nyabwi mwaranna!" dapij i sara jila! Yi a'mwe yida'maraangebw i yagalya'ma'div i kumire simunya naadlya' yinikera kayaa'nyabwi yadivisaraav i tinnyaba mwaalyaihi sarimi Gotiyare kaimiraaya ihi kayaa'nanya maayaihi sara jila! ¹⁶ Sarimi yagaala gaalyabwi kinnake' maguzaavadiv i sahwaraav i tewaanya sa' wijiwaakadivisav i sari i a'mwe Kwaaka jihinya davakiyaraayaba baakeihi livamwaaidivisaihily i. Sara yipijaihirina Yirika Kiraazit i yaregaa' yilaaya yideiny i. Nimirre yaya' makib i de'nany i. Dara yawirideiny i. Kuminyawi nim i kaanyave'na gazare myadi nimire dirag i ny i yaasiwa' miraagik i na myeneiny i. ¹⁷ Aawa. Sarimire Kiraazit i yari dirag i nna limwangebwi yi sabwi Gotiyari wabatir i ny i yiravay i hu'divtabaaib i sabuly i. Nabaai nim i baimuja' nimire tawe' dimapija' waainya'b i Naanger i na wabatir i ny i yiravay i hu'divisav i dima'divtabaaib i yi sarev i yilaaya naanga yide'nany i. Yo, nim i sari i j i yilaaya yihye'mwannay i deiny i. ¹⁸ Sasare savi sari i yilaaya avaaina jila! Yo, nim i j i yilaaya d i ny e'mwannay i la!

¹⁹ Nabaai Naanga Jizaazai kyawiroj i maal i kegaa' sari i nyawinna Timotir i maryasaab i dely i. Sai ay i na kaboz i "Sari i ny i nenna yawiramaara'muj i nimire simunya' yilaaya naanga yima!" da'muj i maryasaab i dely i. ²⁰ Sare' dareviadaa'ny i ny i ra. A'mwe pwai kwai, Timoti nim i j i avaaiz i munya'na yadeib i sai kuneiny i. Sari i ny i gaimwange'na nebulya'na miremwaalya'ne pwai kuneiny i. Sarev i Timotir i dahilakiwely i. ²¹ Sare' dareviadaa'ny i ny i. A'mwe yuya pwara kunnya yune yawisannenna b i ramaa'divisare. Kiraazit i yai Jizaazarenna miremwaaidivitara mi!. ²² Nabaai sari i Timotir i na simunyabwi mena yawt'divtabaaib i sai a'mwe tewaanyaly i. Kaimiraaya i gan i maanger i gaimwadevaab i yagaala tewaanyav i na nim i j i ye'mwannawidaayolyaly i. Sarev i sahwar i dahilakiwely i. ²³ Sarev i daa'ny i nim i ny i ny i ma'nadev i mena yawira'muj i sahwar i yime'nya'b i sara maryasaab i dely i. ²⁴ Nabaai Naanger i nim i dirag i nna dara yawi'mwa. Maal i kegaa' nim i kwainy i j i sari i nyawinna b i deiny i.

²⁵ Nim i dirag i nna yawi'manige. A'mwe Epapirothaaitazar i sari i nyawinna yime'nya'b i ay i na maryasaab i ma! Sai nemire neya'mwely i. Nim i ny i avaaiwaw i nyaly i. Mala dazav i na nim i j i ny i gaida'dely i. Sari i kigaa' sahwar i nim i nyawinna ny i maryasaabesai sarei ny i mudaasakenna nim i ny i ny i gaimwagakely i. ²⁶ Gamire simunya' sari i ny i wanganya'na wabah i laaka wiadividaa'ny i sari i "Nalaaya kinnakely i ra," kadika wi'n i wa'daasa'na sahawai "Yawita kwalaalya ny i pidika!" kad i wa' sari i ny i na taanginya wiwa'man i!. ²⁷ Yi nebulyasi. Kigaa' nalaaya waraka kibawa mena kabaladi kely i. Kir i sahwar i na Gotiyai kale wiaka tewaanya yavada'galakely i. Nabaai Gotiyai kale yune gave sari na yakai mi!. Aawa. Sai nim i kwainy i naj i kale wiakely i. Nim i gamire nalaaya'na kale nyakeiny i sahawai balaj i kwaj i taanginya naange' nim i ny i yilasa'na kanyad i ka! Sarev i daa'ny i sarebwi "Aala!" yawiraka gam i ny i yivain i mwaaihakely i. ²⁸ Sarev i daa'ny i sari i kamaryaasa'muj i sari i t i nna ay i na kwanganapij i "Yilaaya jila! Nabaai sai sari i ny i na simunya kwalaalya yawi'man i ke' mi'na yima'nade'na nimire taanginya kir i st my i ma'nanna!" da'muj i nim i ny i tewaanya dirag i nna ny i vu'n i wa!. ²⁹ Sarev i daa'ny i kabi'mavoj i Naanger i limwaga'divisara kunnya limwaga'divita pwaraav i maap i nebaab i sari i yilaaya naanga yadivi sahwar i nayaa dimaary i la! A'mwe sasare saib i saraav i ne yaya' munyaba dimak i ly i la! Kuna sara jila! ³⁰ Kibawa mena kabaladikei Kiraazit i yare waw i nyav i sai gaala kuna mwaalya'na yawi'dei mi!. Aawa. Sai waw i ny i sari i yin i ga many i gaimwagi yip i ne'na yawi'da "Polim i wigain i wakev i yunebanna y i 'mwann i ma!" yawi'da ny i gaimwagakely i. Sarev i daa'ny i sahwar i nayaa dimaary i la!

3

¹ Nya'mweihi, yi nabaai Naangeri wiłamwaaihasa'na yiłaaya naanga jiła! Sariminyi na nimı yagaala da' pikarya ayına yidasa'na nimıre simunyav "Aala!" majiwa. Taanga manyivan! Sariminyi gaimwanga'nesi.

A'mwei Kiraazitiyarina diraginna limwagazai sai a'mwe yida'maraangelyi.

² Kavijilikerabisaraavina mala nayaa jiwanneyila! Sahwara wawinya kayaa'na yadivisaraavina mala nayaa jiwanneyila! Sahwara sarimire kilaakejikaav gurya kayaa'na daya'neraavina (Juyaraavina) mala nayaa jiwanneyila! ³ Sare darevıdaa'nyiırı. Gotiyai neminyi na neyawidelyi nemire kilaaka gurya madayainaavina "Kilaakeji niiminyi na gurya nebwina da'nikerera, yawi'manige." Sareinaav Gotiyare Kuryai nemwaaihake'na Gotiyari yiłaaya nebulya'na yadaanyi. Sareinaavina Kiraazitiyai Jizaazai yune yake'na gaminyine yaya' munyaba makidaanyi. Nem kilaakejikti yiniga negaimwagya'ne sanna diraginna malimwagivanigo. Yi nemire mwaalyabwina myawiri, nemire kilaakejikti na myawiri yadaa Gotiyai "Yida'maraangeihiliyi," nedadeina yune Kiraazitiyarina limwamanigoinera.

⁴ Sare kiri! "Nimı yima!" diwiji kwaj kilaakejikine saburana diraginna limwadinya sa' niiminyi yiniga nyigaimwagya'ne'na niiminne tusa' kininnakeinyi. A'mwe pwara kwara kilaakejikine saburana diraginna limwadiv "Sanna niiminyi yiniga nyigaimwaganneinyi," yawipijaraavi, yi kilaakejikine sabwina nimı sahwaraavi wavila'manigeinyi. ⁵ Yi dareinyi. Yirika ati ata purıdaa'nyi daryaa dariki nimıre kilaakeji gurya nyidavesainyi. Nimı a'mwe Yiviruyainyi. Yi nimı Bejaminimire yisavaakidaasainyi. Nimı Yiviruyainyi. Nabaai nimıre Ne sinnawinyara yuya sara Yiviruyarerera. Nimı Yiviruyaraavidaa'nyi avaaitawejii'nyi. Ne Mozizare Kiwinyavina Periziyara nayaa maremwaaidivtabaaibi' Periziyainyi nayaa midineinyi. ⁶ "Juyainaavirebwi Gotiyarebulyi," yawidit diraginna yina ye. Yi sareinyi "Gotiyai sara yawidelyi," dadı Naangere kusilaanyaraav kayaa'na yeinyi. Nabaai a'mwera niiminyi nyawibwapiji kwaj Kiwinyabwi midinya'na, sare' nimı yida'maraangeinyi. ⁷ Kiri! yuya sa kigaa! "Sa niiminne sa naangengira," yawire yuya daza dahaara yawi'mwa. Sa kune yaasiwa'nanyangi. Yi neminyi na yune Kiraazitiyai yake' sa' naangaanga gavesira.

⁸ Yune Juyaraavire gave sanne'na majivanige. Aawa. Nabaai nimı yuya piningina "Sa yune yaasiwa'nanyangi," yawi'manigeinyi. Nimı Kiraazitiyai Jizaazai nimıre Naangeri yawirangadi, yawita sa'na nimı yibwakidi sa yune naangesira. Sahwarina yuya sa mena yagalya'maveinyi. Nimı yuya sanna yawi'manige' mena yaayewi livarannikebisangi. "Nimı yune Kiraazitiyari maa'dit Nawi'nyi naangereinyi yima'nima!" dadı sara ye. ⁹ Sahwari nimı wiłamwaalya'neinyi sara yeinyi. Yi nimı Mozizare Kiwinya dinikebwi midine'na Gotiyai "Yida'maraangeiginyi," manyija!. Aawa. Kiraazitiyari limwadinya'na yida'maraangebwi kininnakeinyi. Yi Kiraazitiyari limwaga'manigevi Gotiyai "Yida'maraangeiginyi," nyidadelyi. ¹⁰ "Nimı Kiraazitiyari nebulya'na yawiranganima!" dadı mwaaiheinyi. "Yi ayına dikaaavake diraginyav yibwaki devaaibi' diraginya savi yibwakini ma! Gami daanga maarya saburi gamiji avaaina ye'mwannamaarima! Sai sara balakabaaibi'na avaaizimunya yawidit niiminyi na myawi'nyadi balideinyi! ¹¹ Sareinyi mwaaimujainyi Gotiyai bainkeraavi nimı kwainyiji ayına nyidikaavana!" jemwaaidi Kiraazitiyari nebulya'na diraginna yawirangamanigeinyi.

Tiyawinna yi'masa'na kaanyave'na gavamarasi'nyikaanya diraginna wodevwinesi.

¹² Nimı dara majivanige. Kiraazitiyari nebulya'na mena yawirangamweinyi. Mena maa'mweinyi. Nimı mena wi'nanyiırı. Gotiyai mena naanga yune nebulya'nanyainyi

nyimwaaihwakeinyi. Sara majivanige. Sare kiri' Kiraazitiyai Jizaazai gaminyineinyi nyimmaarakabaaib'i sara yima'nya'neinyi maa'mujainyi kaanyave'na diraginna wivanigeinyi. ¹³ Nya'mweihi, nim'i sainyi myawirivanige. Nim'i mena maa'mweinyi dingaka! Kiri' nim'i simunya yune gave piri'nanyainyi "Yuya sinnawi kigaasa sangina nim'i mena navika yadinyaang'i. Sara yadi dividaa'nya yuyabwi maarya'na yibwa'mwagayiwibwata yadinyaainyi. ¹⁴ Wijaaya'ne' maarya'neinyi daza' limwaderyawi tiyawinna kaanyave'na diraginna wivanigeinyi. Wijaaya'ne daza' yi dare'na. Naangeri nebulya'na yawiranganya'neinaav Kiraazitiyai Jizaazarina nem'i yilaawia'ne jika Gotiyai nejivwaramaa'manikesi."

¹⁵ Sarevidaa'nyi nemire simunyabwi Gotiyarinebwi a'mwe nebulyaina yima'nivanigoina yagaala divanige daza'na sara yawiraana! Nabaai pwaihi simunya pibwi kininnakeihi mwaabizaihi yi Gotiyai nayaa yihiziwaainada simunya dazabwi kibwi yavada'gala yihyathelyi. ¹⁶ Kiri' yuyaina simunya mena maa'manigovwi, saburi' sasara nayaa yamaryaana!

¹⁷ Nya'mweihi, sarimi nimire simunya saburi' dnye'mwannanyimidinyila! Nabaai nemire saburi' sara yamarivanigasara nemididivisaraavi nayaa baihana'div'i' sabaaib'i jila! ¹⁸ Sare' darevidaa'nyinyira. Kwalaalyagaa' sara myamari-vanigasaraavina mena yihitheinyi. Nabaai dahaakigaa' kale nyadaa'nyi kidalala purata'di ayina yihithivanige. A'mwe kwalaalyara "Nem'i Kiraazitiyareinera," dadivisara kayaa'na yivanigasavi Kiraazitiyai yita yovihiraranni'kevi balakevine yagaalya' tihimanigasarera. Kiraazitiyarine yikamaangerera. ¹⁹ Nem'i Gotiyari yilaaya yadaanyabaaib'i kunnya kilakejikine sabwi "Naangengira," dadivisarer. Kumire gotiyaibisangi. Sahwara yadivisangina kunnya yaya' makinadivisare. Kiri' sahitningina wagila wivwa'nivan!. Yune Kwaakevakya sabwina yawidivisare. Sareraavi Gotiyai kayaaka yigaladerera. Kayaa'nanyaba mwaabib'dere. ²⁰ Nimire simunya sabwi je'mwannanyimidinyide' darevidaa'nyinyi. Nem'i Sigunyav mwaalya'neinera. Nabaai sahibadaa'nyi yune nevadaihasamaaraderina yilaaya'na yemwaaimanigoiner. Sahwai Naangei Jizaazai Kiraazitiyalyi. ²¹ Sahwai nemire kilaka nagaazazi' barya'neji' gamire kilaka byaanna diraginya' kininnakej'i' neymavadelyi. Sai yuyaraaviji' yuyangiji' maremwaalya'nei gaminyi kwaakewi yiniga wi'na wakade diraginya dazavi sasara yadelyi.

4

¹ Nimire nya'mweihi, sariminyina tewaanya nyivu'nadeihi, sariminyina nyimma'nadeihi, sariminyina yilaaya naanga yadinyaahi, nimire kingimwaaihi'nya wavila'nikei maa'delbisaihi, sarevidaa'nyi nim'i divwebaaib'i Naangeri nayaa diraginna dithaayila! Sariminyina tewaanya nyivu'nadeihi diraginna dithaayila!

Yilaayabwina avaazimunya'na yadiv'i' simunya tewaanyabwi maarya'nesi.

² Yuwothiyyaa'gi nayaa dnyu'nana! Sidikiya'gi nayaa dnyu'nana! Naangeri wilamwaaihilyavi avaazimunyabwina ayina jawirila! ³ Yo, nabaai Sizhaazaig nebulyaig, githaangamanige. A'mwe dazawaari avaazimunya'na mwaalya'newaar nayaa dihaimwana! Sahiriwaai yagaala tewaanyavina nimij'i nyigaidaa'disawaalyi. Nabaai Kilemeniji' nimire avaaiwawinya pwaraj'i sawaalyi nye'mwannayadivisang. Yikuminyi ne yaya yuya Gotiyare bukuyavi mwaalikengi. Bukuya savi Gotiyai yuyara yuyagaa' yuyagaa'ne gaalyabwi kininnakeraavire yaya yida'nikengi. ⁴ Naangeri wilamwaaihasavi yuyagaa' yilaaya jila! Nim'i ayina divanige. Sarimi yilaaya naanga jila! ⁵ Naangei nebawa mi!. Yarai bathevi sarimi a'mwe yuyaraayaba bwiwangebwi yadaapiya sareihiri sahwara nayaa yihywirangabi'deihilyi. ⁶ Aane pemili' kimili' yawita kwalaalya myawipinera! Aawa. Yuya sanna Gotiyari nayaa

duzila! Yı yuyangına yıhıgainıvanıkenna Gotıyarı jıthaanganyıla! Sara yadıvi' sahwai yıhu'nade'na "Su! Su!" duzila! ⁷ Sareihırı Gotıyai kwaamu'nanyabwi nejaavadevwi nayaa yıhımaremwaaladeihılyı. Yı Kıraazıtıyai Jizaazarı wılamwaaihasavı dazabwi sarımıre sımunyangıji sarımıre yawısangıji nayaa yıhımaremwaaladevulyı. Kwaamu'nanya dazabwi nemı yune'na yawıramaraanneburaavı wavıla'nıkebulıyı.

⁸ Nya'mweihi, yagaala pıniyi dıde'nanyı. Sarımı sıduta nayaa da'dare davwina jawıralımwagarila! Yuya nawı'nya nebulyabulyı, kumınyıne yaya nemı yuneba makılya'ne sabulyı dazabura. Yı yuya sabura nebulyaburajı yuya sımunya nawı'nya kınınnakeburajı yuya yıda'maraangeburajı yuya tewaanyabura gırıka maayaburajı yuya wıvu'nadevurajı yuya "Sa tewaanaangengı," dıdıvısalburajı ⁹ sabura jawıralımwagarila! Yuya dazabwi nımi yıhızıwakadaari yı sarımı mena maaresabulyı. Yı sarımı kadıka nyu'nadıvı' nımi sara yadaariyainyı tınnna nyanganeta yuya sabwi dazabwi yuyagaa' sarımı jıwila! Sareviadaa'nyı Gotıyai kwaamu'nanyabwi nejaavadei sarımınyı yıhye'mwannamwaaladelyı.

Pilipaai mwaalyara Polımi gaimwange'na nigwia yasaabesa'na yılaaya yakebwinesi.

¹⁰ Dahaa' nımiyına ayına dıhaa'bwtata yadıvı' mena nyawi'manıgasaihılyı. Sare'na nımi Naangerına yılaaya naanga yıvanıgeinyı. Nebulyası. Kıgaa' sarımı nımiyına sımunya kuna yawıresaihılyı. Kırı' kıgaa' sarımı tuta maayaihi nyıgaimwagya'neihılyı. ¹¹ Nımi gılıyıvisanna nyıgainıvanıka majıvanıge. Aawa. Sare' dareviadaa'nyınyı. Nımi sımunya dara mena maa'manıge. Dala pıbwina pıbwınyabwi kanyıma'nojı yı wi'nanyainyı. Yuya dazanna nımıre sımunya' tewaanya nyıma'nadesı. ¹² Dara yawırangamwa. Nımi gılıyıvıta maayainyı yıniça mwaaimuneinyı. Nabaai dara yawırangamwa. Gılıyıvıta kwalaalya yıniça lımwaga'dı sara yıwıneinyı. Gazazangıji yuya kınıngıji yuya sanna yawı'nıkeinyı. Yı munya nyıdevıji mıjıka nyıdevıji sawaarına "Wikıra," dadınyainyı. Yı gılıyıvıta kwalaalya lımwagasabwinajı gılıyıvıta wıgainya sabwinajı "Wikıra," dadınyainyı. ¹³ Kıraazıtıyai nımiyı dıragınya nyıvaimwadere dıragınyayı yuya kınısa yıniça wi'na yıwıneinyı. ¹⁴ Nyıgainıwakenna yawıta kwalaalya myıvanıge kırı' nımıre taanginyaburı gaimwagya'neihi nye'mwannadıvı' nawı'nya tewaanyabwi nyıwa'daasaihılyı.

¹⁵ Pilipaai mwaalyaihi, nımiyına dara yawırangadıvıki "Yagaala tewaanya" yıhızıwaakaka nemıre Pirovıji Maazathonıya yagalya'mavakegaa' yune nemı saina wıjaayabwine gamınyı ye'mwagakoinera. Kıraazıtıyare kusılaanyangıya aane pıba kıbanyara sara myesare." ¹⁶ Nabaai sasareihi nımi yıhyagalya'mavena anga Tezalonaaika mwaideriyagaa' nımiyı nımıre nyıgainake'na pıgasaai maryasaabesaihılyı. ¹⁷ Yanga wıjaaya'na nımi jaka yıhıthadaarına mı!. Aawa. Nımi yawı'na "Sareviñe tıvıktıa sarımıre tewaanya naangebwi naanga kuna yıma'nana! Gotıyai tewaanya yıhyade' tıvıktıası," dena yıhıthıwa. ¹⁸ Dahaa' yuya kını maa'mwejıyainyı gılıyıvıta kwalaalya lımwaga'manıgeinyı. Sare'na nımi mena yunebannanyı. Yı sarımıre yange yasiwaabaasa Epapırothaaitazarı mena maa'mwengı. Yanga nawı'nya daza Gotıyarı dıka wabatırınya kınınnake' yıravayıhu'dıvıvıta dazabaabısangı. Yı nyıjawa'daasa! Gotıyarı wıjawa'daa!. Gotıyarı wıjaaya'ne yıravadıngı'dıvıvıta dazabaabısangı. Yı dazahınnına maa'da sahwarı yılaaya naanga yıgaidelyı. ¹⁹ Nımıre Gotıyai gılıyıvıta yuya tewaanyanna tewaanyannanyangi aaya kaavılyalyı. Sarei gılıyıvıta sarımıre kılaakejıknengına yıhıgainıvanıkenna yanga yuya yunebanna yıhyadelyı. Sare'na a'mwera "Gotıyai byaannakei," dadıvı' gamınyıne yaya' makibı'delyı. Yı Kıraazıtıyai Jizaazarı wılamwaaihasavı sara yadelyı.

²⁰ Gotıyai sai nemıre Nenımaangerıne yaya' yuyagaa' yuyagaa' munyaba makılaana! Nebula sahırisı.

Yagaala p̄innesi.

²¹ K̄raazit̄yai Jizaazar̄ w̄lamwaaihasara Gotiyare tewaanyaraav̄ “Nya'mweihi!” n̄m̄inȳna duz̄la! N̄m̄ij̄ya nya'mwera “Nya'mweihi!” ȳh̄th̄van̄ga!. ²² Gotiyare tewaanya pwara “Nya'mweihi!” ȳh̄th̄van̄ga!. Sahwaraj̄yara yunebanne maremwaal̄kei Sizaare angeviyara d̄raḡinna ȳh̄th̄van̄ga! “Nya'mweihi!” ²³ Naanga Jizaazai K̄raazit̄yare gaimwangev̄ne yange' sar̄imire kuryaraj̄ ȳhye'mwannamwaalana!

Poli

Kolozi Kolozi mwaalyaraavina Poli Piikariyikwia Yidavakesi.

1-2 Kolozi mwaalyaihi nya'mweihi,

Kiraazitayar i wlamwaaihasa'ne sarimi Gotiyare tewaanyaihi, neya'mwe Kiraazitayarina limwaga'manigasaihi. Sasareihirinimij neya'mwe Timotilyi sainaai yihithaka! Gotiyai Nenimaangei yanga naange'na yihigaimwagana! Sarimire simunyavi kave kwaamu'nanya' yihwakana! Polinyi yune gamire simunyavi yawiraka Gotiyai kada' Kiraazitayar Jizaazai Apozelyainyi nyidahilakakeinyi. Sareinyi piikarya da' yihyasivanaabtheinyi.

Poli "Su! Su!" daka Kolozi mwaalyara nebwina yawiramaarya'neraavina Naangeri wiidake'nesi.

³ Sariminyina Gotiyari yidaangada' yuyagaa' naarimi "Su! Su!" wiidadasainaalyi. Sahwai nemire Naangei Jizaazai Kiraazitayar Ganimaangelyi. ⁴ Naarimi sariminyina kadika mena dara wi'niwa'dolya'nanyi. Kolozi mwaalya sara Kiraazitayar Jizaazaridiraginna limwadiv'i Gotiyare tewaanya yuyaraavina tewaanya wivu'naderera. Sare'na sua wiidadasainaalyi. ⁵ Sasareihirina Gotiyai mena yovrawakake Sigunyaviya yihyemwaalikennanyi. Sinnawti yagaala tewaanyaviya nebulya' sariminyi kihima'na' sarimi kadika mena wi'ne'. Yi sagaa' nayaa yemwaalya' kadika mena wi'nesasi. ⁶ Yagaala tewaanya daza' Kwaaka yuyavaki yuneba naanga yima'nadevaabi' sariminyi yima'nakesi. Daza' a'mwera limwagaresa'na tewaanya nawi'nyabwi marima'naabada a'mwe kwalaalyarajt kwalaalya pwarajt daza' limwaga'manigasa' sariminyi yihivanikebaabisasi. Sa' aayagaa'daasi yihyamaaraka sariminyi aayagaa' yagaala tewaanya savi kadika wi'neva Gotiyare yanga gaimwangebwi nayaa nebulya'na yawiranganna yeva sara yihivanikesi. ⁷ Yagaala tewaanya daza' Epapiraazai yihiziwaakakabaaibi' yi nebulya'na yawiranganesasi. Sarina naariminyi nehivu'nadelyi. Sahwai Kiraazitayar naarimij ye'mwannewiidaayadelyi. Sarei sariminyi gaimwange'na Kiraazitayar diraginna limwaga'dei kuna nayaa wiidaayadelyi. ⁸ Nabaai sai nehithiwakelyi "Kurya Tewaanyai Kolozi mwaalyaraavina sara wiijaavade'na Gotiyarereraavina tewaanya wivu'naderera." Yuya sare'na Gotiyari "Su! Su!" wiidadasainaalyi.

⁹ Sarevi aayagaa' naarimi kwainaai yagaala sa' kadika wi'niwa'dola yirika dazarikidaasi sariminyi gaimwange'na Gotiyari wiidina. Naarimi yidaangayidaanganya yada' yagalyamata myadasainaalyi sariminyina. "Sahwara gimirre simunya' nebulya'na yawirangabika! Yi kumi sara yune sidu'nakera yima'nipika! Yi Kurya Tewaanyai yawita nawi'nya piniji simunya yawiramarakya'neji wiijaavana! Dazabwi kumi nyi yunebanna nebulya'na wiilamilelimwagarana!" dola sara wiidadasainaalyi. ¹⁰ Naangere a'mwe nebulyara nayaa yiniga wilna yamaripi nebaabi' sarimi sara yamarya'na wiidadasainaalyi. Sara yipjav Naangeri yilaaya wigalade'nanyi. Sarevi sarimi tewaanya gazangizangi yadi'vi' yisila yi'nadevaabi' tewaanya nawi'nyabwi marima'naabathe'nanyi. Nabaai sarimi Gotiyari nebulya'na yawirangadiv'i yawita daza' naanga yihima'nade'nanyi. ¹¹ Gotiyari byaanna nawi'nyavina Gotiyai diraginya yuya wiijaavada diraginna yihivaimwagathe'nanyi. Sarimi yiniga diraginna maredaa'div'i taanginya yuyangti maredaapineihi sarimire simunya' yawa'nadikaata yade' mi'. Sarevi sarimi yilaaya jide'nanyi. ¹² Nimwar "Su! Su!" duzide'nanyi. Sai sariminyine yihithahilakaka gamire sa sariminyne kuryaraavine sa maarya'na yiniga wilna

yihimwaaihadelyi. Sarevi Baaka naangevi mwaalya'nera Gotiyare tewaanyarajje'mwannamaaryideihilyi.

Kiraazitiyarinaji gamire wawinyabwinajinesi.

13 Gotiyai Saataanimire jihnyavya diraginyaivi ayina nemaaraka gamire Gawaalivaangerine maremwaaidevi yisava'naavi nemwaaihakelyi. Gawaalivaanga dazai gaminyi tewaanna mena wima'nakelyi. 14 Sahwai neminyine'na yakevi Gotiyai mena neyatavamaarakeinera. Nemire kayaa'nanya mena nemarasinakeinera. Yt sare' Gawaalivaangerinyi. (Gawaalivaangerina Gotiyai ayina nemubya'nebwi kininnakeinera. Gotiyai nemire kayaa'nanya nemarasinya'nebwi kininnakeinera. Yt sare' Gawaalivaangei yakevinyira.) 15 Gotiyare Gawaalivaangei Gotiya nemitinnna mwanganyadaanya saibisai avaainanyalyi. Sahwaritinnna wangadaa yt dazagaasagaa! Gotiyari wangadaanyi. Yuya wakyaaka gazasavivahwai munyaba mwaalikelyi. Yt sangine aaya kaavilyalyi. Sinnawi mwalibainyaakelyi. 16 Sare' dare'nanyi. Gotiyai sara kyawiryaa' Gawaalivaangei sigunyaviji Kwaakevakijira. Nemitinnna wangadaanyajitinnna mwanganyadaanyajiyuva sa wakyaakengi. Nemitinnna wangadaanyajiyuva sa wakyaakengi. Mwanganyadaanyaraavidaa'nyara ejeliyara maremwaaidivisara dingaka? Diraginnakera dingaka? Ejeliya naangera dingaka? Ai yuyaraavivakyaakere. Yt Gotiyai sara kyawiryaa' gamire yuya dazahini wakaka gaminyiyilaaya yigalya'ne wakyaakengi. 17 Nabaai sinnawi gami saliyi. Dividaa'nyiyuva dazahiningira. Sahwarit yuya yinya'ne warikengi. Yuya sa limwadaa'nyi kumi sa kumireba warikengi. Sarennayuva munyaba mwaalikelyi. 18 Gami sai gamire kilaakejiki Minyaginyalyi. Gamire kilaakejiji gamire kusilaanyavijikira. Yt sahwareraavina aaya kaavilyalyi. Sai aaya mudinanyai bainkeraayawiyina yidikaavakelyi. "Sahwai yuyaraavivuna wavilavana! Yuyaraavine sinnawinyai yuna yima'nana!" daka ayina yidikaavakelyi. Sarevi yuyangi munyaba mwaalikelyi. 19 Gotiyai dara wigalake! "Nimi yuneinyi Nyibwaalivaanga dazarikuna wimwaalima!" Daka sahwarit yunebanna wimwaalakelyi. Sare'na sahwarotiyare kima'bwa'nya ke'ba'nanyalyi. 20 Yunebanna wimwaalaka sahwarit Kwaakevakija saji Sigunyavija kinijiyuva sangina yune avaaimunyijina wie'mwannakelyi. Gamire Gawaalivaangere tawel yisaviri walaabakevi Ganimaangei yuya sangina narya wakakelyi. Sarevi Gotiyai ayina nemaaraka gamire Gawaalivaangerine maremwaaidevi yisava'naavi nemwaaihakelyi.

21 Nabaai sarimi sinnawi kigaakuna Gotiyari menyaba kengirij mwaalesaihilyi. Sarimire simunyabwi yada girkita'nanyabwi yesavidaa'nyi sarimire simunyangi sahwarit yikamaangeihi mwaalesaihilyi. 22 Sasareihi kiri' dahaa' Gawaalivaangei kila'anakei yisaviri mena balakevi avaaizimunyabwina yihimwaaiha!. Sai sasara yaka sa' gaminyawinna makabya yihya'negaa' sarimi nawi'nya tewaanyaihi girkita maayaihi gaminyaba yiwetawakya maayaihi sahi mwaalya'neihiri' avaaizimunyabwina yihimwaaiha!. 23 Yt diraginna limwangebwi nayaa kuna pada'galalimwaga'na yipijaihi nawi'nya tewaanyaihi dimwaalyide'nanyi. Nabaai simunya kuna diraginna yawi'divi' diraginna nebwinadithaayila! Kwaasiya pin'i nayihimwagi'nadika! Sarevi sarimi yagaala tewaanya savine yemwaalya'nebwi nyagalya'mapika! Yagaala tewaanya sa' sarimi kadika wi'nesasi. Nabaai a'mwe yuyara Kwaakevakija yuneba mwaaihasaraaviv Kiraazitiyarerawijiwakamarivanigasasi. Yt nabaai nim'i Polnyi yagaala tewaanya dazavina widaayadinya tewaanyainyi yima'nageinyira.

Poli Kiraazitiyare kusilaanyaraavividaayakebwinesi.

24 Dahaa' nim'i yilaaya yivanige. Sarimi'nyi wigaimwange'na daangebwi maa'dinya'na yilaaya yivanige. Nabaai Kiraazitiyare kusilaanyaraaviv

gaimwanga ya'neinyi. Sahwara gamire kilaakejikira. Kusilaanyara sahwaraav i gaimwaga'neinyina daanga pin kuna war! "Kiraazitayar widaayadinya'na daanga dazabwi yunebanna yi'mwannima!" dad i daanga yune nimire kilaakejik kuna maa'manige. ²⁵ Nimi sahwainy Naangere kusilaanyaraav i widaaya'neinyi yima'neinyi. Sare' darevinanyi. Gotiyai sariminyine maremwaaidinya'nyi nyidahilakakeinyi. Gotiyarine yagaalya' sariminyi yune'na yihibwaridaakwia'neinyi yuna widaayadinya'nyi yima'neinyi. ²⁶ Gotiyari yagaala sa' nebulya' yoimavajalikurakyasi. Yuya sinnawi kigaasi a'mwe yuyaraav i mwalibainyaasaraav i nebula sa' lika yulyarakesi. Kiri' dahaa' ku'maayaba Gotiyare tewaanyaaraav i mena wijiwaaina!. ²⁷ Gotiyai dara yawirakesi. Sahwaraav i nebulya' yoimavajalikurakya savine sidusabwi wijaavima! Nebula daza' daresi. Ajmya yuyangya a'mweraav i wana nawi'nyaanga yanga yiniga yadesi. Yi Kiraazitaya sariminyi. Sare'na Gotiyaryaba byaanna nawi'nya kininnakeihi je'mwannamwalaawide'na sarimi diraginna yemwaaimaniga!. ²⁸ Kiraazitaya sahwarina wijiwakamaryadaanyaine. A'mwe yuya kwaraav i "Mala nayaa jiwannyila!" dadaa pada'galemwaihadaanyi. Nabaai nemi yawita dala pininna pinnanyanna yawidaa a'mwe yuya kwaraav i wijiwiryadaanyaine. "Gotiyaryawinna a'mwe yuya kwaraav i makabya yaadehaal sahwara Kiraazitayar wlamwaaishasara gamire a'mwe yune nebulya'nanyara yuna mwaabika!" dona sara wijiwakamaryadaanyaine. ²⁹ Sara yima'nya'neinyi nabaai yagiyagi naanga yadinya'nyi. Kiraazitaya gamire diraginya naangevi nyidikaa'bwa'devi diraginya daza' kininnakeinyi diraginna yawid i yagiyagi naanga yadinya'nyi.

2

¹ Sare' dare'nesi. Nimi sariminyina "Dara yawipika!" nyivu'nivankeinyi. Sariminyi wigaimwange'naji a'mwe anga Layothiziya mwaalyaraavij i niminyina wi'nesara nimire sinniyiki manyanganyadivita a'mwe yuyaraavij i saihirina nyidikaa'bwa'deinyi diraginna yawid i yagiyagi naanga yadinya'nyi. ² Sareihirina "Sahwara kale yaburi ye'mwannamwaaibi'devi kumire simunyangi Gotiyai diraginya yivaimwagana!" dena yihithivanige. Nabaai nebulya' yoimavajalikurakyavine tewaanya nawi'nyaanga yuyangina aaya kaavilyavina sarimire simunyangi jawiramarakinyide'nanyi. Yi Gotiyare nebulya' yoimavajalikurakya savina aaya kaavilyalyi. ³ Sahwari yunebanna yawita dala yuya pininnanyaj i simunya kima'nyawi wa'dej i yuya sa wiarikelyi. Nigwia wakadivita bengiyavi nigwia yunebanna wa'devaabi' wiarikelyi yuya sa. ⁴ Sare' "A'mwe aane pwara kwara sariminyi kwaasi wabwiwayagaalyabwina wija'na kwaasiyav i namarulawakipidika!" dena yihithivanige. ⁵ Sare' dare'nesi. Nimire kilaakejik i sarimi i mihye'mwannamwaalyige. Aawa. Nimire kuryai sarimi i yihye'mwannamwaalika. Sareinyi ylaaya yadi dara wangamanige! "Ai, avaaizimunya ye'mwannamwaaidiv i Kiraazitayar i diraginna kuna limwaga'manigasaihi daaka!" Sara dad i diraginna yawid i sariminyina yagiyagi naanga yadinya'nyi.

Nemi Kiraazitiyalyi avaaimwaalya yadaa gaala nebulyabwi maraadevwinesi.

⁶ Sarevidaa'nyi Kiraazitaya Jizaazai Naangeri mena maaretabaai sahwari nayaa kuna jamarila! ⁷ Yi yisai kwaakevak i diraginna yinigidavadaa'devaai sahwari nayaa diraginna kuna dithaayila! Yi ange' kutayita diraginyaaraav i a'ba diraginna maredaa'devaai sahwari naanga jivaimwannyila! Yi sinnawi Epapraazai yagaala yuya' yihiziwaakakabaaib i yagaala daza' diraginna kuna dana jawirila! "Naanga nebulyasi." Gotiyari yuyagaa! "Su! Su!" kuna diraginna wid i wija jila!

⁸ Mala nayaa jiwanneyila! A'mwe aane pwai kwai gaminyi midinya'neihiri wila nyihiramwaaihadika! Sariminyi yihusinna yagaala yawsabwi yihiziwaakade' kwaasi nayihithathika! Yawita sabwi kunebulyi. Kwaasiyabulyi. Kune sare' darevnyi. Aanga'mwe gaveraavrebulyi. Kwaakevakya dala pibwina piwinanyaji kimaakiyaburaj sabwi wijiwaakyabulyi. Kwaasiya sare' darevnyi. Kiraazitiyarine majadivisabulyi. ⁹ Kiraazitiyar Gotiyai yunebanna wimwaalake'na kwaasiya sa wila nayihiramwaaihadika! ¹⁰ Sahwar wlamwaaihasa'na sarimire simunyav yunebanna yihimwaalike'nanyi. Kiraazitiyai maremwaaidvita yuyaraj diragiya yuyaraj saraavi munyaba mwaalikelyi. ¹¹ Sahwar wlamwaaihasav srimire kilaaka gurya da'nikerabisaihi yima'ne!. Sa aagilaakajikne mika! Asasi gurya yihithavetaihi mika! Aawa. Kiraazitiyai srimire kilaakejikya yawita yuyabwi simunya yawakevine sabwi mena yuna dawasi'nakelyi. Yi simunya dazabwi kuna mihi maremwaalyikeihili. Yi daza' kilaaka gurya daya nebuliyabulyi. ¹² Srimire bavitaaziyavi Kiraazitiyal yi'mwannabaleva sahwalyi ye'mwannayihiliyirakaka sahwalyi ye'mwannaydikavmwaaihyi yihyakeihili. Gotiyai diraginna yake' limwagaresav sara yihya!. Yi sahwai Kiraazitiyar bainkeraayawi ayina yidikaavake! limwagaresavnyi. ¹³ Srimi sinnawi yiwetawakya yesaviji srimire kilaaka gurya da'nikeihi mamwaalyadiv' srimire kilaakejikya yawsabwi yihimaremwaalakeviji srimire kuryara bainkeihili. Sare' kiri' Gotiyai Kiraazitiyal gaala ye'mwannamwaalya'neihiri yihimwaaihakeihili. Yi Gotiyai nemire yiwetawakya yuya nemarasinadelyi. ¹⁴ Kiwinya yuya dinikengiya neminyi "Walamarakima!" dada pikariyikwia neminyine tivikisa' kotiyav wlagalapwelimwagata sa' neduumwagasi'nakesi. Pikariyikwia sa' neminyij gaminyiji tinnyaba wa'disiya' makwokesi. Sahiri' yisaviri maratamarimwia neyakesi. Kiraazitiyai yisavi balakevi yunebanna yi'mwannakesi. ¹⁵ Diragiya maremwaaidvita kayaa'nanyaraavireji ejeliya naangera kayaa'nanyaraavireji marasi'nakelyi. Nabaai yita yovihrarannikevi Kiraazitiyai sahwaraav wavylavaka yuyaraayaba maalikeraav wimwaaihakere.

¹⁶ Sarevidaa'nyi a'mwe pwai kwai yaasiwa'na kuna yihizidavaja' sahwar kadika mu'nipina! Kiwinya dinika wapaaya tika nyabwinaji aalya piniji nyabwinaji kwarame munnegaa'naj lawe mudikikinaj kwazaakegaa'naj dihinyirayila! ¹⁷ Yuya daza Kiraazitiyarine diviya'ne nawi'nya yima'nenna a'mabaalyangi. A'mwere kilaakeji' widavadaa'nyi gamire a'mabaala saaminya' sinnawi waamanike'bissasi. Yi Kiraazitiyai kilaakejikira. Sahwai nawi'nya nebulya'nanya aaya kaavilyali. ¹⁸ Nabaai pwai kwai yaasiwa'na kuna yihizidavaja' dihinyirayila! Gamire simunyav yawi'da sriminyi marulawakya'na "Ejeliyaraav yilaaya jila!" yihithazar dihinyirayila! Sare sai wajav tenna bangana'de pininna dazaviji gamire kilaakejikya simunya yawakebur sara yawi'de'na yaasiwa'na pihadika yajaviji sahwar dihinyirayila! ¹⁹ Sahwai sara yada Kiraazitiyai nemire Mi Nyagi'nya nebulyar diraginna limwaga'deri yagalya'mavakelyi. Mi Nyagi'nya kumire kilaaka yujikaavina wigmawada dhaalyaji wirilyaji kilaakejikaavya yunebanna yi'nikengi yunebanna nayaa yadevaabi' Gotiyare simunyav nemire Mi Nyagi'nyai gamire kilaakeji'na gaminyi kusilaanyainaav kuryara naanga yima'nip'de'na sara nemwaaihadelyi. Kiri' Mi Nyagi'nya sar yagalya'mavakelyi.

²⁰ Srimi Kiraazitiyal mena ye'mwannabalesava'nyi Kwaaka davakya kimaakiyabwi midinya'neih mamwaalyigasaihili. A'mwe bainkei gamire tivikita yuyanna yagalya'mavakabaaibi' mamwaalyigasaihili. Sarevidaa'nyi a'mwe Kwaaka davakiyara mwaaihatabaaibi' mamwaalbinera! Kiwinya sasara dinikengi dalaangewi dula'naride' be'nanaka! ²¹ Pwai dara kwaasi yihithivan "Sare malimwadinnna! Sare aalya' sare tika wapaaya managaangadinna! Asi mime'ninna!"

Sasara yihithivanička kimaakiya ya'nehi mamwaaibinera! ²² Yuya daza nemi nadaawori mena yimaanyina yadengira. Siwalikevinengi. Kuryaraavine mička! Yuya kiwinya dinčka daza yune a'mwerana yadiči! yune a'mweraavire wičiwaakyangira. Gotiyare mička! ²³ "Kiwička sasara dinčka sa wawinya diraginna yade, yi yune a'mweraavire simunyaburi lotuyavina neminyi yidikavimwaaihya'najt yi nemi saina kwaakewi mwaalya'najt yi neminyi marulawakya'neina nemire kilaakejti! mala tannya'najt sare'na a'mwera 'Sabwi simunya tewaanya kininnakesi,' " yawipikajnyira. Sare' kiri! simunya yawakeburuya saburi walamarakya'na sabwi neminyi yiniga wi'na negaimwagathevwi mi!. Aawa. Sabwi kilaakejikiya simunya yawakebururi yidikavimwaaida pihadikebwi yima'naabadevulyi. Sare'na kadika mu'nipinera!

3

Nemi a'mwe mudikeina yima'nona yaannebwinesi.

¹ Sarevidaa'nyi Gotiyai Kiraazitayariji mena kihye'mwannayidikaava! sarimi gaala mwaaihasavi munya ke'banyanna divirila! Munya dazaba Kiraazitayi mwaalikelyi. Yi Gotiyare aangasiryaba nawi'nyaba diraginnakeba mwaalikelyi. ² Yuyagaa' munya ke'banyanna kuna jawirila! Kwaaka davakiya gavengina simunya kuna myawipina! ³ Sare' darevinyi. Sarimi mena bainkeihi, yawakebwi yagalya'mavesaihilyi. Sarimi're gaalyabwi Kiraazitiyalyi Gotiyaryaba kima'nyawi ye'mwannarikesi. ⁴ Kiraazitayi sarimi're gaalyabwina aaya kaavilyalyi. Divi sagaa' ku'maayaba yima'naabathehaa' sarimi' sahwalyi Gotiyare byaanna naangevina je'mwannayima'naabyideihilyi.

⁵ Sarevidaa'nyi sarimi're kilaakejikiya simunyav Kwaaka davakiyaburine yuya yihwarika sabwi yinahu diramakyila! Nimi dare sabwina divanige. Kayaa'nanya gitikitina'nanya yabulyi, jilikera yabulyi, simunya' dikaadaya kayaa'nanyannebulyi, kayaa'nanyangina wivu'nya'nebulyi gilyivisajti niggwiajti sangti tiganaarya diraginna yabulyi, sarengira. Tiganaarya diraginya sa' kwaasigotiyaraavi yilaaya maryabulyi.

⁶ Yuya sarennaya yadivisaraavina Gotiyai gamire sinna tikebwi tivikisa'ne daanga wijsaavadelyi. Sarevi sasare sabwi mipina! ⁷ Nabaai sinnavi kigaa' sarimi' kwaihi a'mwe sasare dazaraji ye'mwannamwaaeidivisagaa' sasare saburi yamaryesaihilyi.

⁸ Kiri! dahaa' sarimi' yuya darebwi nayaa dimarakyila! Sinna tikebulyi mayagaala yarai javulyi simunya' kayaa'na yabulyi biraifyagaala javulyi sarimi're maangevi maa'maayagaala javulyi. ⁹ Sarimi're srya'mweraavi kwaasi yagaala mudipinera! A'mwe yawakeburiyaihure yawisabulyi nabaai sasare yabulyi ¹⁰ mena yiraipurakeva a'mwe mudikeburiyaihure yawisabwi mena baazi'ma'nesavi yuya sabwi mipinera! Gotiyai a'mwe mudika dazar wimwaaideltyi. Sahware simunya mudike' wakada mudikeri kuna wimwaaideltyi. Gotiyari nebulya'na yawiranganya'neri Gotiyare kima'bwa'nya ke'ba'nanyaibti avaaina wimwaaihadelyi. ¹¹ Sareyaba yuyara mudikera yima'nyina. Girikiyai (Anga Pimaginyai) dingaka? Juyai dingaka? Yi kilaaka gurya da'nyabulyiyai dingaka? Kilaaka gurya mada'nyabulyiyai dingaka? Yi sikuliyi miwirinyakei dingaka? Yaalasabwi yadei dingaka? Yi yaasiwa'wawinya yadei dingaka? A'mwe tewaanna mwaaiidei dingaka? Yuya sare saraavi Gotiyai maa'derera. Naange'na daaka! Aawa. Kiraazitayi yuya maremwaaida yuyaraavina sabwi avaainanyabwi wiakelyi. Sarevine'na a'mwe dala nabinya yuya sareraavi wlamwaalikelyi Kiraazitayi.

¹² Sarevidaa'nyi Gotiyai sarimi'ni mena yihithahilakakeihi, gaminne tewaanyaihi sarimi'ni tewaanya wivu'nivankevi darebura divaazi'ma'nyila! Sarimi'ni'ya pwaraavina kale nayaa yihyana! Nayaa bwiwanna jila! Sarimi're simunyabwi kwaakeba walamarakina jila! Kave yadiči' sarinnya yaya mamakinyi

jìla! Sarimìjìya pwaraavì kwaamu'nanyabwi jìla! ¹³ Kumìre yagaala nayaa wi'nadìvì' kave jìla! Sarimìnyìdaa'nya pwai kwai gannya gya'mwerì kayaa'nanya yaja pìrì'na yagaala kìnìnnakei yìwetawakya daza' wìmarasì'nana! Yuyaihi sara jìla! Naangei Kìraazìtiyai sarimìre yìwetawakya mena yìhìmarasì'nakabaaibì' sarimì kwaihi nayaa sara jìla! ¹⁴ Yuya saburaavì wìvu'nya'nebwi wavìla'devulyì. Wìvu'nya'ne sabwi sarimìnyì yìhìvaazi'makwana! Sara yìhyade'na nawì'nya sabwi yuneba yì'mwannada avaaizìmunya yuyaihìri goya marirakurakya yìhyathesi.

¹⁵ Kìraazìtiyai sarimìnyìna narya wakakevi kwaamu'nanyabwi sarimìre sìmunityangì nayaa nebwina mareyìhìmwaalana! Sarimì Kìraazìtiyare kusìlaanyaihi kìlaaka avaala pìjì'na yìma'nya'neihìri Gotìyai kwaamu'nanyabwi maarya'neihìri jaka yìhìzìvwaramaarake'nanyì. Sare'na yuyagaa! Gotìyarì "Su! Su!" duzideihìlyì.

¹⁶ Kìraazìtiyare yagaalya' sarimìnyì nayaa nebwina yuna wìlayìhwarana! Sarimì yawìta pìnìnnna pìnìnnanya tewaanya yawì'dìvì' sarinnya sìrya'mweraavi nayaa wìjìwaakadìvìsavìjì "Nayaa kave jìla!" javada'gaidìvìsavìjì yuna wìlayìhwarana! Sarimìre sìmunityangì daata Gotìyarì "Su! Su!" yange'na nayaa wìdadìvì' daata Saamìjì yìledaasajì kuryaraavì dìraginya yìvaimwagya'ne daasajì sajì dizavada'galyìla!

¹⁷ Gazasa' daazajì gazasa' yaajajì sa Naanga Jizaazarìnevì nayaa jìla! Gamìnyì, Gotìyai Nenìmaangerì "Su! Su!" nayaa wìdadìvì' sara nayaa jìla!

Kìraazìtiyarerajì kumìnyì angevi mwaaihasarajì yìnyabwinesì.

¹⁸ Balaangengihi, sarimì Naangerì wìlamwaaihasavì Gotìyare yìda'maraangebwi yìpìnevì sarinnya a'mweraayawì dalaangewì nayaa dula'narila! ¹⁹ Kwalaangeihi, sarinnya a'mwengìna kale yìhyana! Yì sahìningì kayaa'na yadìvì' kumìre sìmunityangì kayaa'na nyuigaibìthìka!

²⁰ Kaimìraayamìlikì, sìrinìmaanga sìrinaangengìre yagaalyangì yuya sangìna nayaa dìmidìnyìla! Sare' darevìnyì. Sarimì Naangerì wìlamwaaihasavì sare' Gotìyarì wigadevìnyì. ²¹ Kuvìnìmaangeihi, maiyagaala mudìpìna! Sara kyapìjì nayaa mamidìnyì nyìpìka! Nyagalya'mapìdìka!

²² Yaasiwa'wawìnyaihi wawìnya wìdaayadìvisaihi, sarimìre kìlaakejìkìya maremwaalyaraavìre yagaalya yuya sangìna nayaa dìmidìnyìla! "Wawìnya nawì'nya yìvanìkelyìra," yawìranganya'nenna kumìre tìnnyarìna kwaasìkuna nyìpìka! Aawa. Naangerìna lìka nayaa yadìvìsavì sarimìre sìmunityabwi wawìnya'na nayaa yìda'na warana! Sareihi nayaa dìmidìnyìla! ²³ Wawìnya gazasa' yaaja sahìni wawìnya ya'na sarimìre kuryarajì dìraginna jìla! A'mweraavi wìdaaya'nebaaibì'na mi!. Aawa. Sarimì Naangerì wìdaaya'nehi jìla! ²⁴ Sarimì yawì'manìga! "Dìvi sagaa! Naangei nemìnyì tìvikìta nejaavadelyì." Tìvikìta sarimì maarya'ne daza' Gotìyai mena dahìlakakesì. Sare' darevìnyì. Kìraazìtiyai, sarimìre Naangerì wìdaayadìvisaihìlyì. ²⁵ Sare' darevìnyì. Wìdaayadei yìwetawakya yadei, sai gamìre kayaa'nanya yade dazabwine tìvikìta maaradelyì. A'mwe sara yadìvìta sabwina avaaina maryawìbwa'delyì. Pwaraavì gevwi maryawìbwa'dei mi!.

4

¹ Maremwaalyaihi, wawìnya yìhìthaayadìvìta yaasiwa'wawìnyaraavì tewaanya nayaa yìda'maraangebwinajì tìvikìta avaainanyajì jìla! Dara jawìrla! "Nabaai nemì Naangerì kwaakewì mwaidaa sahwaraavì nayaa maremwalaana! Nemìnyìjì Naangei nemìre marenemwaaidei Sìgunyavì mwaalìka!" Sarevì nayaa sara jìla!

Naangerì wìja'nebulyì mwasawìnyaraavì wìja'nebulyì sabwinesì.

² Sarimì Gotìyarì wìjavuri nayaa dìraginna dìlimwagarila! Naangerì yìdaanganyavì nayaa pada'galayawì'dìvì' Gotìyarì "Su! Su!" duzìla! ³ Nabaai

Gotiyari w̄ijahaa' nem̄i sainaav̄i dara negaimwagathe'na j̄ithaanganȳila! "Gotiyare yagaalya' Apozeliyara w̄ij̄waakya' neraav̄ine kaadih̄isa' w̄ibaasana! K̄raazit̄iyar̄ine nebulya' yoimavajalikurakya' w̄idip̄ika!" dapij̄i sara j̄ithaanganȳila! Nebula daza' w̄idev̄ina kalavuzav̄i w̄ila nȳrakesav̄i sara duz̄ila! ⁴ Nebula daza' w̄id̄wijavaaib̄i n̄im̄i ku'maayaba nayaayala jalikurakideinȳina Gotiyari j̄ithaanganȳila!

⁵ Sar̄im̄i s̄imunya nayaay yawi'div̄i' a'mwe mwas̄ilaanyaraav̄i Naangeri malimwagarigasaraayaba kaanya nayaay jamarila! Yuyagaa' sara jiila! Yir̄ikerika yaasiwa'na naboth̄ika! ⁶ Sar̄im̄ire yagaalya yuyagaa' yang'a'ne tewaanaange w̄idadaapi saaiyikunaabwia'b̄i' waburya kuna wima'nana! Sarevidaa'nȳi ḡim̄ire limwangebwina a'mwe gazarizar̄t̄ yagaalya aȳina ja'nawij̄a' sar̄im̄i kuna ȳiniga wi'na ȳip̄ineih̄ilȳ.

P̄ikarya aayagaa'ne yagaalyasi "Nya'mwana," w̄ij̄as̄i sanginesi.

⁷ N̄im̄inȳina nȳima'naabade yuya sanna T̄ikikaazai sar̄im̄inȳina bayih̄iz̄waakadelȳi. Sahwar̄ina tewaanya nȳvu'nadelȳi. Sai nem̄inȳine negaimwadevwi d̄raginna limwaga'delȳi. Sarei nem̄ij̄i Naangeri ye'mwannawidaayadelȳi. ⁸ Sar̄im̄inyawinna n̄im̄i maryas̄vanaab̄he yune dathahiriwaai ya'nei. Ȳi "Apozeliyara gatha'dara dahamwaaihava!" dapij̄i dineyawiranganyide'na. Ȳi sahwai sar̄im̄ire s̄imunyanḡi d̄raginya ȳvaimwanga ȳthyade'nanȳi. ⁹ Sahwar̄iji Won̄iz̄maazar̄i maryas̄vanaab̄helȳi. Sahwai neya'mwe nebulyalȳi. Sar̄ina nevu'nadelȳi. Sahwai sar̄im̄inyawidaa'nyalȳi. Sahwaraai adava ȳma'n̄iwaka yuya sanna sar̄im̄inȳi ȳih̄iz̄kaderaalȳi.

¹⁰ Aar̄iz̄itaakazai n̄im̄ij̄i kalavuzav̄i nye'mwannamwaalikei sar̄im̄inȳi "Nya'mweihi!" ȳih̄ithivani'. Nabaai Maakiyai Baanavaazare gahim̄ilaangei "Nya'mweihi!" ȳih̄ithivani'. Sahwar̄ina yagaala ȳih̄thasaabevi, sar̄im̄inyawinna bi'mavajar̄i nayaay dimaaryidelȳi. ¹¹ Jizaazai, Jaazitazai wo'n̄ikei kwalȳi "Nya'mweihi!" ȳih̄ithivani'. Juyaraavire yisavaakidaa'nȳi dazahwarana n̄im̄ij̄ Gotiyare maremwaaide' naanga ḡiriwange'na ye'mwannayadaanyarera. Sara nyadiv̄i' nȳvaimwad̄visainȳi. ¹² Epap̄iraazai sar̄im̄inyawidaa'nyai K̄raazit̄iyai Jizaazar̄ine yaasiwa'wawinayai "Nya'mweihi!" ȳih̄ithivani'. Yuyagaa' sar̄im̄inȳi gaimwange'na Naangeri ȳdaanganya'na yagiyagi naanga yadelȳi. Sai Gotiyari "Sahwara a'mwe nebulyara d̄raginna daaya'na w̄imwaaiahana! Sarevi kum̄ire s̄imunyabwi yuya Gotiyare yawita sanḡi nayaay nebwina yawiranganya'na w̄imwaaiahana!" dada ȳdaangadelȳira. ¹³ Sahwar̄i mena wangad̄nyainȳi dara jalikurakivanie. Sai sar̄im̄inȳine'naj̄i Layothiz̄iya mwaalyaraavinaj̄i Ȳyaraapoliz̄i mwaalyaraavinaj̄i yuna d̄raginna yawi'da yagiyagi yadelȳi. ¹⁴ Luk̄iyai, dotarinā tewaanya nȳvu'nadelȳi Dimaazalȳi saraai "Neh̄rya'mweihi!" ȳih̄ithivaniḡi.

¹⁵ N̄im̄inȳina neya'mweraavi Layothiz̄iya mwaalyaraav̄i "Nya'mweihi!" duthaawila! Nabaai Nibaavij̄i gam̄ire angevi Naangere kusilaanyav̄yaraavij̄i "Nya'mweihi!" n̄im̄inȳina duthaawila! ¹⁶ Nabaai p̄ikariyikwia daza' sar̄im̄inyaba mena dangapij̄i Layothiz̄iya mwaalyara Naangere kusilaanyav̄yaraav̄ina sara kwaraj̄i dangabi'de'na jaasidesi. Nabaai p̄ikariyikwia Layothiz̄iyaraav̄ine' yaasiwaniḡe' sar̄im̄i kwaih̄ilȳi nayaay d̄thanganȳila! ¹⁷ Nabaai Aakipaazar̄i dara duz̄ila! "Naangeri w̄lamwaaiahinyav̄i wawinya' maaraginya' nayaay javada'gainana! 'Yune'na nayaay nebwina ȳma!' da'ḡizi sara ja!"

¹⁸ Pol̄nȳi n̄im̄i sainȳi "Nya'mweihi!" ȳda'manigesi. "P̄ikariyikwia daza' Pol̄ neyas̄waab̄ka!" yawisa'na n̄im̄ire asasi ȳda'manige. Kalavuzangevi kuna mwaaiheinȳina nayaay yawi'div̄i' Gotiyari duz̄ila! Naangere yanga gaimwangebwi sar̄im̄ij̄ ȳhye'mwannarana!

1 Tezalonaaika

Tezalonaaika mwaalyaraavina Poli pikariyikwia sinawinya' yavikaryakesi.

Anga Tezalonaaika mwaalyaihi,

¹ Polinyi Saailaaazalyi Timotilyi pikariyikwia da' yavikariwa. Kiraazitiyar lwmwange'neihi kusilaanyaviyaihiri na yavikariwa. Gotiyai Nmwari wilamwaaidiv'i Naanga Jizaazai Kiraazitiyar wilamwaaidivisaihiri na yavikariwest.

Gotiyai yange'na tewaanna yihihaimwagana! Gotiyare kwaamu'nanyabwi yihiwarana!

Tezalonaaika mwaalyara Jizaazare yagaalya' diraginna limwagesa'nesi.

² Yuyagaa! Gotiyari widdadaanyagaa! "Su! Tezalonaaika mwaalyara gimirreraavina yilaaya gimirivanigo," widdadaanyi. Nabaai, yuyagaa! sarimi nyina Gotiyari widdadaanyi. ³ Sareina nemire Gotiyai Nmwari widdadaa "Kiraazitiyar sara lwmwadivisa'na tewaanyabwi sara yiwanigava. Giminyi yilaaya yadaapiji amweraavina kale wiadaa'nyiya'na tewaanya miraagikimanigava. 'Naangei Jizaazai Kiraazitiyai walaabathelyi, dadiv'i yemwaaeidiv'i diraginna daa'manigava. Su! Su!" Gotiyari sara widdadaanyi. ⁴ Sare' neya'mweihii nayaa dara yawimwo. "Gotiyari Tezalonaaika mwaalyaraavina kale wiadelyi. Nabaai sahwaraavina 'Ninnyarera,' dahilakiwakelyi," sara yawimwo.

⁵ Sare'na Gotiyare yagaala tewaanya' yihihongegaa' yaasiwa' yagaalya'na miti. Aawa. Kurya Tewaanyai diraginaangei diraginyainaav kanemwaaisha' diraginna kyitho "Yagaala nebulya yihihivanigo," sarimi Kiraazitiyar lwmwage!. Sagaa! sarimi dara yawire!, "Widasaabadera nemiji mwaaleva tewaanna negaimwamaniga!. Sarera neminyina neyivanigasare." ⁶ Sareina yadaawoju' sarimi avaaina yage!. Nabaai, Naangei yakabaaib' sarimi avaaina yage!. Sarimi Gotiyare yagaalya' maaresa'na kayaa'nanaanga yihiye!. Sare' kiriti' sarinnya munyikaav Kurya Tewaanyai wilayihimwaaidis gaminyina yilaaya yadiv'i yagaala sa' maare-saihili. ⁷ Sarevida'anu' tewaanna yadiv'i Kwaaka Maazathoniya mwaalyaraj Kwaaka Giriza mwaalyaraj Kiraazitiyarereraavi' sarimi tewaanna dara wijiwaainesa! "O, Kiraazitiyareina sana sana yaanneina daaka!" ⁸ Sare' dare'nesi. Naangere yagaala widdadaapiji' sarimireba Maazathoniya yagaala sa' diwin'a yaka Kwaaka Giriza diwin'a. Gavebanyaaina diwinya'ne'na miti. Aawa. Sariminyina amwera kadika wi'neta yuyaba dara wi'nesasi. "Tezalonaaika mwaalyara Kiraazitiyar diraginna lwmwamanigasare." Sara deva savina nemi yagaala pin' wi'ja'ne wawinya' mwari!. ⁹ Sare' dare'nesi. Kum' sara neminyi nedivaniga! "Sarimi Tezalonaaika mwaalyaraav angyiri'maata kye' tewaanna yihiima'mwa'daa!. Yihiima'mwa'daa' dasara kumire kulaka ge gengiji kwaasigotiyaraaviji yagalya'maveva Gotiyari midimwa'daa!. 'Gotiya Nebulyari widdayaadelyi yuyagaa' gaala mwaaidei. ¹⁰ Sigunyavidaasi Gotiyare Gawaali' walaabathe'na yemwalaana!' sara dadiv'i Gotiyari midimwa'daa!. Gotiyare Gawaali' Jizaazalyi. Sai kabala' Gotiyai yidikaava!. Yidikaavakei 'Divi Gotiyai sahwaraavina similika nuladi'ka!' daka padaihasamaara!." Yuyara sara nedivaniga!.

¹ Sare' dare'nesi. Neya'mweihi, sahwaihi dara yawi'mwaa! "Neminyawinna Widasabadera Apozeliyara angyiri'maata beva yagaala diraginya kanede' dinona 'Yagaala kune' mi'. Nem i midinaana!' " ² Nabaai dara yawi'mwaa! "Anga Pilipai a'mwera Apozeliyaraav i kayaa'na yeva biraala wiesarera." Sagaa' daanga kanevin'a kiri' sariminyawinna bona nemire Gotiyai diraginya nemwaaihakeina lika myi yona Gotiyare yagaala tewaanya' ihietho. Pwara nede' "Sabwi mujawaakipina! Mala nayihiramaadika!" Sa'na yawirona kiri' lika myona diraginna ihietho. ³ Sare' dare'nesi. Sareina yawita kayaa'nanya' malimwagyadaa girkita'nanyabwi myadaa kwaasi myihizadaa Gotiyarinna ihiiziwaako. ⁴ Nem i kayaa'na myo. Aawa. Gotiyai dina "Sahwaraav i yaamiji mi'na a'mwe sara nimire wawinya' tewaanna yipi'de'nanyi," dakabaaib i gamire yagaalya' damaarya'neina nemwaaiha!. Sare'na damaryadaa myawiri "A'mweraav iylaaya wigalaana!" Aawa. "Gotiyai nemire simunya wangader iylaaya wigalaana!" dadaa wijiwakadaanyaine. ⁵ Sare' dare'nesi. Sariminyawinna wabwiwayagaalyasi mabyo. Yuyagaa' wabwiwayagaala myihizo. Sara yawi'mwaava. Sarimire gilyivisa maarya'na kwaasi ihiethoina mi'. Wabarinya' lika yulyarya'na ihiethoina mi'. Sare' Gotiyai jalikurakivanikelyi. ⁶ Nabaai, majina "Tezalonaika mwaalyara yawipi ka! Widasabadera byaannakera.' A'mwe pwaraj sara yawipi ka!" sara maji yona ihietho. Nem i Kiraazitiyare Nedasaabadeinaavina "A'mwe naangere," wija' tewaanyasi Naangereinaavine'na. ⁷ Sara mwaaihoina kiri' sariminyawi mwaalonaa naya kave ihyo. Kuvinaange' gannya kaimiraayangi maremwaidevaabi'i naya kave ihyo. ⁸ Sariminyina iylaaya sara nevu'nade'na Gotiyare yagaala tewaanya' ihietho. Sare' gave'na mi'. Aawa. Sariminyina tewaanya nevu'nade'na dara do. Tezalonaika mwaalyaraav iwigaimwagaaza'na balaade'nanyi. ⁹ Sare' dare'nesi. Neya'mweihi, nem i yawi'na "Tezalonaika mwaalyaraavire wapaaya saza nagainadika! Aane pwai kwari taanga nujavaadika! Neminyine wapaaya sazanne nigwianna wawinya yaana!" Sara yawi'na yona Gotiyare yagaala tewaanya' ihiethadaawojit inna dara wanganesa! "O, Widasabadera, Apozeliyara wawinya naanga mraagi'ki'manigasara daaka! Sawisagaa' iyi kegaa' iwanigasara daaka!"

¹⁰ Sarimi tinna nengadiv i Gotiyalyi dara jalikurake' "Neminyina Widasabadera tewaanyabwi yadiv i yida'maraangebwi naya yadiv i iwyetawakyabwi myi vanigasarera." ¹¹ Sareina kyo yi, ganmaanga pwai gannya kaimiraayangi naya yadevaabi'i nem i sarimijiya gazarizari naya ihyo'na yawi'mwaa!. Sarimire simunya tewaanna ihihaimwagona sarimire kuryara diraginna mwaalya'na ihiethadaa diraginna dara ihihizalikurako. ¹² Gotiyai yawi'na "Sahwaraav i maremwaalideinyi," yawi'na yaka sariminyi ihiiziwwaramaarakelyi. "Ninnya byaannyaviji nawi'nyaba maremwaaidinyaviji wimwaaihima!" Gotiyai sara ihiethahilakakerina sarimi naya jamarila! Diraginna sara ihietho.

¹³ Sare' darevinyi. Sinnawi sagaa' Gotiyare yagaala kyihetho newi'neva myawirina "Yagaala a'mweraavinesi." Aawa. Yagaala sa' sarimi maarina yeva yawi'na "Gotiyare yagaala nebulyasi." Sara deva Gotiyare yagaala nebulya' warike'na sarimire simunyangi Gotiyai diraginna ihiiziwaakivani' Kiraazitiyari limwadivsaihi. Sara yesa'na iylaaya yona yuyagaa' Gotiyari widadaanyi. Su! Su! ¹⁴ Sare' dare'nesi. Neya'mweihi, Kwaaka Juthiya mwaalyara Gotiyare kusilaanyangiyaraavine mididivsaihi yi'ma'ne!. Yi sahwaraav i kayaa'na yetabaaibi' pwara kayaa'na sara ihyesaihi. Juyara kumireba Kiraazitiya Jizaazareraavi kayaa'na yetabaaibi' sarimire kwaakevi mwaaidivsara kayaa'na ihyesaihi. ¹⁵ Juya sahwara Gotiyari wi'navi'wakyaasara piropetiyaraav tamakeva Naanga Jizaazar tamakeva nabai neminyi neramaase!. Sare'na kumirebwi Gotiyai tinna wanganaka iylaaya mya!. Yi a'mwe yuyaraavine iikamaangere. ¹⁶ Sahwara yawi'na

“Ajimya yuyangiyaraavi Apozeliyara nudipidika! Gotiyai Maaveraavi navadai-hasamaaradika!” deva nede’ “Diraginna yihithiwo ‘Yagaala sa’ muji jideihilyi. Nayihiramaadika!” ” Sara yadivti a’mwe yuyaraavina yikamaangera yima’nesare. Sarera kunnya kayaa’nanya yune’na yesarera. Kirti’ sareraavina Gotiyari yune’na sinnatika wida’mwakerera.

Poli Tezalonaika mwaalyaraavi angyiri’maata’na yawirake’nesi.

¹⁷ Neya’mweihi, nemti yihyagalya’mavona maalkegaa! sarimijti mamwaalyo’na sigiraayarabisaina yima’noinera. Nemti maavewti mwaidaa kirti’ nemire simunya sariminyaba yuyagaa’ warit. “Sahwaraavi tinna wanganaana!” dona savina nevu’nada diraginna yaamiji yaamiji yo. Maavewti mwaihaisa’na kale neyada ¹⁸ sariminyina byiri’maasa’na diraginna yaamiji yaamiji yoine. Nabaai, sarevina Polinyi gazagaasagaa! “Tezalonaika wima!” dena yaamiji kyo Saataani kaanya nerihidaa’nyi sariminyi myihwanganyiwo. ¹⁹ Sare’ dare’nesi. Diti Naanga Jizaazai walaabathehaa’ gaminyawi daavina yadaa nemti yilaaya beri’na yaadevaka? Be yagaalya’ widaathevaka? Naangeri yemwaaimanigohaa’ yilaaya aaihwaravaavine’na yivanigona? Sariminyinanyira. ²⁰ Yo, sare’ dare’nesi. Gaminyawi sarimi daavina yadaapijti nemti yilaaya yaade’nanyi. Nabaai, “Nemti sara kyo dhaaa’ dava mwaihaha!,” yawirawaajti byaannakeina yima’naadeihilyi.

3

¹ Sarevidaa’nyi sariminyina yawi’daa din “Pizi’gwa mamwalaanna!” din yona naarimi yilaaya’na din “Anga Aathenizi gaveinaai mwaalaka!” ² Dina yola sariminyawi’na Timotiri widaasaabina. Sahwai Kiraazit’yarei neya’mwei mwaalaka Gotiyari widaayadei Kiraazit’yare yagaala tewaanyavine avaaiwawinyalyi. “Tezalonaika mwaalyara Kiraazit’yarit limwadi’vi’ kumire kuryara nayaa mwaabi’de’naji jivaimwade’naji duziwaakya!” widaasaabina yoi. ³ “A’mwera kayaa’na kyihyapiji nyagalya’mapidika! Gotiyare diraginya’ nayaa dilimwagyila!” duziwaakya!” widaasaabina yolyainaalyi. Sare’ dare’nesi. Sarimi dara yawi’mwaasa’ “Kaya’na kaneyapiji nemti ‘Wikira,’ daaza’na Gotiyai nedahilakakei daaka!” ⁴ Sare’ dare’nesi. Sinnawi sariminyawi mwaalonegaa’ dara yihitho, “Naangerina pwara kayaa’na neyipi’de’nanyi.” Sara kyihitho sara kayaa’na yihywaasa’ sarimi yawi’mwaas’. ⁵ Kaya’na yihywaasavti nimti din “Pizi’gwa sara mamwaaimuna!” din yena Timotiri widaasaabina. “Tezalonaika mwaalyara Gotiyare yagaalya’ nayaa dalimwamanigava?” din. “Yaamiji yadei Saataani sahwaraavi yaamiji yada kwaasi kudiwa’ kayaa’na yipija’na daaka? Nemire wawinya yaasiwa’wawinya nyima’nadika!” dena widaawaabe.

⁶ Dahaasagaa’ sariminyawi’daa’nyi Timoti neminyawi’na baka sariminyina yagaala tewaanya’ makabina. “Sahwara Naangeri nayaa limwadi’vi’ pwaraavina kale wiadere,” makabina yawa!. Nabaai nedawa! “Nemti byiri’maaro’na yawi’divi’ neminyina yilaaya kuna yivaniga!. Nemti diraginna yawi’na ‘Tezalonaika mwaalyaraavi tinna wanganaana!’ diraginna yawi’manigovaaibi’ sahwara diraginna yawi’maniga’ ‘Apozeliyaraavi tinna wanganaana!’ ” Sara nedawa!. ⁷ Sare’ darevinyi. Dava a’mwera kayaa’na kaneye’ taanga neyivanikesi. Taanga neyadaasi kirti’ neya’mweihi, sarimi Naangeri nayaa limwamanigasa’na yivaimwannadaa mwaihio. ⁸ Naangeri sarimi diraginna wilamwaaibiza’na nemti diraginna mwaihio’nanyi. ⁹ Sare’ dare’nesi. Sariminyina kadika sara w’nona nemire Gotiyari yilaaya naanga yivanigo. Sariminyina yilaaya naanga yivanigo’na “Su! Su! Yilaaya naanga naanga gimirivanigo,” Gotiyari diraginna widaadaanyaine. ¹⁰ Sawisavi yirikevti diraginna widaadaa “Tewaanyaraavi tinna wanganya’na sawinna dinemakwona! Nemti tinna

dara wanganaade! 'O, Naangeri l̄imwadivisabwi maali'na ȳvanigasabwi daaka!' Sara dawaajt̄ yavada'galya'na d̄inemakwona!" Sara w̄dadaanyainera.

¹¹ Gotiyai Nenimaangei gami saliyi nemire Naanga Jizaazalyi sariminyawinna kaanya basamakwika! Sariminyawinna nemakwika! ¹² Naangei diraginna yihigaimwagozi sarimire simunyangi yunebanna kale'ne sabwi diraginna wakana! Sara kyoji sariminyina neminyi kale naanga neyvanikabaaibi' sariminyi Kiraazitiyare pwaraavijnaji amwe pwaraavijnaji kale naanga yihyana! Nabaai, naangave'na kale kuna yihyana! ¹³ Sara yojti sarimire simunya diraginna wakina kyoji divi Naangei Jizaazai gannya tewaanyarajt̄ walaabathehaa! Gotiyai Nenimaangeryaba sarimi nayaa daavina jideihilyi. Sara kyoji yiwetawakya maayaihi tewaanaangeihi nayaa daavina jideihilyi.

4

A'mwere mwaalyabwina Gotiyai "Nawi'nyabulyi," dake'nesi.

¹ Neya'mweihi, sarevidaa'nyi yagaala pin diraginna yihithaana! Nem Naanga Jizaazar w̄lamwaalona k̄iwinya diraginna yihithivanigo. Sinnawi sagaa' dara yihiziwaako. Sara mwaalapijti sana yadiyi' Gotiyari yilaaya wigaibi'delyi. Sara yihiziwaakobaaibi' sara yivaniga!. Sara yivanigasaihi naanga sana sana jila! ² Sare' dare'nesi. Naanga Jizaazai kanejizaaka' yihithonna sarimi yawi'mwaa!. ³ Sare' dare'nesi. Gotiyare simunyabwi dara yawi'mani! "Gimi nimireigti tewaanyaigti dimwaala! Ata limwangebwi minna!" ⁴ Sara yawirapijti gazaigizaigti ginnya balaangevi tewaanna dimaaka! Yawita tewaanyajyaigti kwala dimaaka! "Nimire a'mwe kwala maake mwaalika nawi'nya! gave dasi mwaalima!" da'gizi' dimaaka! ⁵ Ajimya yuyangiyara Gotiyari myawiryara dik widadaa'nyiyara yaalivina maa'divitabaaibi' kwala mamaa'dinna! ⁶ Tewaanyabwi mamarasi'ninna! Ja'mwerek kuka maa'dinna! Sabwina sinnawi jalikurakya' naanga yihitho. Sabura pwara kyapijti Naangei wirivikiradelyi. ⁷ Sare' dare'nesi. Gotiyai myawiri "Sahwara ata limwangebwi yipika!" myawiryi!. Aawa. "Sahwara nimirera tewaanyara nayaa mwaabika!" yawiraka nejivwaramaarakelyi. ⁸ Sasarevidaa'nyi pwai yagaala da'marasinajai a'mweraavire yagaalya' mamarasi'nyivanii!. Aawa. Gotiyare yagaalya' marasi'nivanii!. Gotiyai sahwai gannya Tewaanyai Kuryari yanga nejaavanikerev yagaalya' marasi'nivanikelyi.

⁹ Kale wia'nebwina Gotiyai sahwihiri yihiziwaaka' "Saigt ja'mwerina kale gyana!" Sara kyihiziwaaka' sare'na nimi myavikariwina! ¹⁰ Sare' dare'nesi. Sarimireba Kwaaka Maazathoniya yuneba srya'mweraav yuyaraavina kale yihivanii!. Sareihiri diraginna yihithivanigo. Gazaigizaigti kale naanga naanga gyana! ¹¹ Diraginna dara jawika! "Nimi kave mwaalima! Nimire wawinya kuna maremwaalima! Pwaraavire wawinya kuna mamaremwaaimuna! Widaasadera diraginna nyidetabaaibi' ninnya asasi aawawinya yima!" ¹² "Pwara Kiraazitiyarerine mwasawinyaraavina wijiwaainya'na kaanya nayaa yamarima! Nabaai aane piri' kirivina nanyigainadika!" da'gizi' ginnya asasi ja! Sara jawi'deiginyi.

Naangei walaaboz i neyidiikaavade'nesi.

¹³ Neya'mweihi, nemi simunyavi yawi'na "Kiraazitiyarerera sidu'maayara namwaaibithika! Kiraazitiyare pwara baimwa'daasaraavina wijiwakaana! Naangeri mu'nyadivisara divi Naangei baryaraavi yidikaasa'na myemwaalyadivisaraav kunnya baryaraavina kale wiadevaabi' Kiraazitiyarereraav kale nyadika!" Yawi'na yona sare' yavikarivanigo. ¹⁴ Sare' dare'nesi. Nemidaara limwadaanyi. Jizaazai balaka ayina dikaavakelyira. "Nebulyast," dovidaa'nyi dara din "A'mwera Jizaazar l̄imwadiv'i bainikeraavijti Jizaazariji Gotiyai

makwalaabathere!" ¹⁵ Sare' dare'nesi. Naangei kanejiwaaka' yagaala sa' dīraginna dara yihithivanigo. Naangei walaabathehaa' nemi kwaihwaaainakeina mwalaajaina baryara wa'dapiri myagalya'mayi yawaaji sinnawi myilaawi yaadeine. Arikawi. Baryara dikaavapiji sinnawi yilaawipi'derera. ¹⁶ Sare'na Naanga sahwai Sigunyavidaa'nyi waidaavada jak naanga danganadelyi "Jikabyila!" Sagaa' ejeluya naangei jak kudozi Gotiyare gware' makuradesira. Naangei jak naanga kadanganoji sinnawi Kiraazitayarera baryara dikaapi'dere. ¹⁷ Nabaai, nemi kwaihwaaainakeina mwalaadeinaj sahwarajt sainaavi yarai nemakilaawadeinera. Sigunyav nemi Naangeri wijiamaata'na yraayang nemakilaawadeinera. Sara kyoji yuyagaa' Naangeryaba mwalaade'nanyi. ¹⁸ Sare'na pwaihilyiar gamire baryarina kale wiadaa'nyi wigaimwange'na yagaala da' kave duziла!

5

Naangei walaabathe'na yemwaalya'nesi.

¹ Neya'mweihi, sariminyi myavikaryaanna! "Sagaa' yima'nadehaaki. Sana yima'nadengi." Sara yawisaburina mihihainywa!. ² Sare' dare'nesi. Sahwaihi mena dara yawi'mwaa! "Sawisavi kukeibisai Naangei yarai walaabathehaa' yima'nadehaaki." ³ Pwara yawi'na "Dahaan naryagaa' kwaamu'nanyagaa' tewaanya-gaakira." Yawi'na yapiji navika mwaalapijyagaa' kayaaka yarai wigaladerera. Yarai wigalade'na a'mwe sara likaanya mwiyi yipi'derera. Arikawi. Mudangegaa' a'mwe' daanga yarai wividevaabi' a'mwe saraavi kayaaka yarai wigaladerera. ⁴ Sa'na kiri' neya'mweihi, sagaa' yima'nadehaa' sarimi maryaanga myipineihili. Jihinyawi mamwaalyigasa'na sidu'nakeihi maryaanga myi jideihili. Kukei bada a'mweraav maryaanga bivalakadevaabi' sagaa' sidu'nakeihiri maryaanga myihyanneihili. ⁵ Sare' dare'nesi. Sarimi Baakeihi Yirikeviyaihili. Sarimi Naangeregaasaihili. Nem i jihinyavyaina mi!. Nem sawisaviyaina mi!. ⁶ Sarevidaa'nyi pwarabi' se wakatabaaibi' naraadika! Aawa. Tinna nayaa baihana-naraana! Simunya nayaa yawiraana! ⁷ Sare' dare'nesi. A'mwera se wa'divisara sawisagaa' se wakasare. A'mwera biyaaya nadivi' yimaka widivisara sawisavi yimaka widivisagaaki. ⁸ Sare' nemi Naangeregaasaina mwaaihovina simunya nayaa yawiraana! Sareina Romiyara aawilasara saabya yividivi' mwaaihi'nya dīraginya mwaaihi'nadivi' malyagaa' tewaanna mwaaidivsarabisaina mwalaadeinera. Nemire saabya Gotiyari limwadaanyabulyi. Nabaai, a'mweraavina kale wiaddevulyi. Sahirisira. Nemire mwaaihi'nya dīraginya nemi dīraginna yawi'na "Gotiyai nevadaihasamaaradelyi," yawi'na yadaa yemwaaiho. ⁹ Gotiyai maji "Saraavi maanga widima! Mala wiramim!" maji yaka newakakelyi. Aawa. Gotiyai din "Sahwaraavire Naanga Jizaazai Kiraazitiyai padaihasamaaraderera," din yaka sabwi nejaavake'nanyi. ¹⁰ Kiraazitya sahwai neminyina balakelyi. Gotiyai neminyina yawi'na "Sagaa' walaabathehaa' Kiraazitiyare pwara baihana'divsarajt kwaihwaaainakerajt Kiraazitiyare pwara se baidivsarajt Kiraazitiyalyi mwaabibika!" kada'bala!. ¹¹ Sarevina gazaigizaigti yawita nawi'nya sa ja'mweri dīraginna jivaimwana! Kiraazitayareri dīraginyaridivada'galayvaimwana! Dahaan yivaniginyabaaibi' sara kuna ja!

Yagaala aayannesi

¹² Neya'mweihi, kiwinya dīraginna yihithangananaana! Naangei sarimi'jyaraav dahilaka! "Nimireraav nayaa dimaremwaala!" Sara kadahilaka! sahwara yihizwaakadivi' sarimire simunya yavada'gaidivisare. Sahwara sariminyawi Naangere wawinya yadivisa'na nayaa dara jawika! "A'mwe naangere. Nem i nayaa widaana!" ¹³ Wawinya yadivisa' yawira'gizi kuminyina yilaaya

yadî dîmaryawîka! “Sahwara nemaremwaaidîvisa' tewaanyasî.” Sareigî Naangereraavîna avaaizîmunya'na dîmwaala!

¹⁴ Neya'mweihi, kîwînya naanga yîhîthaana! Sarîmîjîyara wawînya myadîvisaraavi duziwaakya! “Yaasiwa'na namwaaqidîka! Wawînya ja!” Pwaraavîre kuryara dîragînya maayara lîka yadîvisaraavîre kurya dîragînyara dumwaaihya! Pwara sîmunya dîragînna myawîryadîvisaraavî wîgaimwange'nâ nayaa dîmaremwaala! Yuyaraavî kave ja! Nayaa duthana! ¹⁵ Da' jawîka! Pwai sarîmîjîyarî kayaa'na kyojî mînya mamaaranna! Mînya mamaa'dînna! Aawa. Sa' dîragînna jawîka! Tewaanyaburi dîmîdîna! Kîraazîtiyareraavî tewaanna ja! Yuyaraavî tewaanna ja!

¹⁶ Gazagaasagaa' yîlaaya ja! ¹⁷ Yuyagaa' Gotîyarî duthana! ¹⁸ Pwara kayaa'na gyîpijaha'a' pwara tewaanna gyîpijaha'a' yî yuyangi “Su! Su!” Gotîyarî duthana! Sare' dare'nesî. Sasareigînyî Kîraazîtiyai Jizaazai gannya dîragînya' kagîzaavojî Gotîyai sîmunya sara gyawî'daa'nyî “Nîmîrera nayaa yîpika!” gîmî sana sana ja!

¹⁹ Kurya Tewaanyarî myîgaa'mwadînna! ²⁰ Sare' Kuryai kudozi a'mwera Gotîyare yagaala kagîzîwaakapîji yaasiwa'na “Waryaanyasî,” madînna! ²¹ Aawa. Yuyangi kadîka wi'na'gîzi nayaa dîmaryawîbwaka! “Tewaanyasî,” da'gîzi dîlimwagaka! ²² “Kayaa'nanya gazasa',” da'gîzi dasî'nana!

²³ Gotîyai gamî sai kwaamu'nanyabwi kînînnakei gamîreihi tewaanyaihîri yuneba yîhîmwaaishana! Sarîmîre kuryaraavî sarîmîre sîmunyangî sarîmîre kîlaakejîkaavî nayaa maremwaalana! Yuyagaa' sara maremwaaida nemîre Naangei Jizaazai Kîraazîtiyai walaabathehaa' dara wanganade “Ya, nawî'nyarera. Yîwetawakya maayarera.” ²⁴ Sare' Gotîyai yîhîthahîlakîvanîkei gazagaasagaa' tewaanyabwi yadei sana yîhîmwaaishadelyî.

²⁵ Neya'mweihi, nemînyîna Gotîyarî duzîla!

²⁶ Kîraazîtiyarera neya'mwera yuyaraavî yîlaaya yadîvi' nemînyîne'na maangwîdaayîlaaya jînyîla!

²⁷ Naangere dîragînya'na naanna yîhîthîma! Pi karîyîkwia da' neya'mwera yuyaraavî duzîla!

²⁸ Yuyagaa' nemîre Naanga Jizaazai Kîraazîtiyai yange'na tewaanna yîhîgaimwagana! Gannya dîragînya' yanga yîhîzaavana!

Polî

2 Tezalonaaika

Tezalonaaika mwaalyaraavina Poli yikwia aaya! yavikaryakesi

Anga Tezalonaaika mwaalyaihi,

¹ Polinyi, Saailaazai, Timoti saina sariminyi pikariyikwia da' yavikariwo. Kiraazitiyare kusilaanyaviyahirina yavikariwo. Gotiyai nemire Nmwari wlamwaaidiw Naanga Jizaazai Kiraazitiyari wlamwaaidiwsaihirina yavikariwo.

² Gotiyai Nmwalyi Naanga Jizaazai Kiraazitiyalyi sariminyi yange'na yihigaimwagika! Gotiyare kwaamu'nanyabwi yihwakika!

Anga Tezalonaaika mwaalyaraavina yilaaya yesanesi.

³ Neya'mweihi, Gotiyari widaaza! "Yuyagaa! Tezalonaaika mwaalyara Kiraazitiyarereraavina 'Su! Su!' gitthaana!" Nemire widaazabwi sabwi tewaanyabulyi. Sarimi Naangeri yawirali mwangebwi naanna kuna yadivisa'naj gazaigizaig+ sariminyidaa'nyari kale naanga kuna gyade'naj nemire widaazabwi tewaanyabulyi.

⁴ Sareihirina nemi yilaaya yadaa Gotiyare kusilaanya anga geva gevanyaraavi yarai widina "Pwara kayaa'na yadaapiji Tezalonaaika mwaalyara Naangerina diraginna mwaaihasare. Sahwaraav taanga wiadaa'nyi Naangeri nayaa limwamanigasare." Sara widaadaa yilaaya yivanigoihili.

⁵ Sarimij+ nayaa dara dimanigo. Ya, Gotiyai neminyina yida'maraangebwina tewaanna yadelyi. Sarimi yawi'na "Gotiyai nayaa nemaremwaalana!" yawi'na yadiv+ pwara kayaa'na yihyivanigasaihili. Sare'na Gotiyai yawi'na "Ya, nebulyasi. Sahwara nimire maremwaaidinyaba maapinera tewaanyaraavi wimwaihere."

⁶ Pwara kayaa'na yihyivanigasara sahwaraav Gotiyai minya maa'da kayaa'na wiadelyi. Sara yade'na sahwai yawi'na "Yida'nanyasi." ⁷ Gotiyai minya maaradehaa' neminyiji kayaa'na yihyivanigasaihiri+ gannya kwazaakevi nemwaaihadelyi. Sigunyavidaa'nyi Naanga Jizaazai gannya ejeliya diraginayaraj+ yima'naabina yadehaa' gannya kwazaakevi nemwaaihadelyi. Yima'naabina yadehaa' ditaalita naangeng+ walaabina yoj+ ⁸ pwara Gotiyarina "Naangelyi," majaraav nabaai, nemire Naanga Jizaazare yagaala tewaanya' malimwagaryaraav yuna minya maa'da kayaa'na wiadelyi. ⁹ Sahwaraav yuyagaa'na Gotiyai marajawibwa'na kyoji sahwara tivikita maa'div+ Naangeryaba mamwaalyi yipi+dere. Naangei diraginna mwaaladevi byaannyavi tinna mwanganyi yipi+dere. (Yuyagaa' maavewi mwaaidiw+ daanga naangevi mwaabi+dere.) ¹⁰ Yirika savi walaabathehaa' gannya tewaan-yara yilaaya'na widina "Naangeiginyira. Byaannakeiginyi." Sagaa' gamire diraginya' tinna wanganapiji gamire yagaala tewaanya' limwaga'divisara atika maru'napi+dere. Sahwara yilaaya yadaapiji nabaai sarimi yilaaya jideihili. Nemire jalikurakya' Kiraazitiyarina limwagesa'na saba yilaaya jideihili.

¹¹ Sare' yawi'daa yuyagaa' sariminyina Gotiyari widaadaanya'nesi. Nemire Gotiyai sariminyina dara yawirana! "Sahwara nimire wjvwaramaarya'ne tewaanyara mwaabiika! Nabaai tewaanyabwi yilaaya nyigaide gazabwizabulyi Kiraazitiyari limwagasburine wawinya gazasasi nimire diraginyav+ yune'na yipika!" da'muj+ sareraav wimwaihima! "Sara yawirana!" dona widaadaanyi. Sara widaadaanyas+ sariminyina. ¹² Gamire diraginya+ sarimi nayaa yapijya'na pwara dara wangabi'de! "O, Jizaazai Naangei daaka! Byaannakei daaka! Gannyara naangera daaka! Byaannakera daaka!" Nemire Gotiyalyi Naanga Jizaazai Kiraazitiyalyi yange'na yihigaimwadi' tewaanna yihyadisa'na sara yawipi'devinyira.

2

Kayaa'nanaangerinesi.

¹ Neya'mweihi, nemire Naanga Jizaazai Kiraazitayai walaabazagaa' Naangelyi yuyaina yibwa'nawaajj yirakuraade'na nayaayihihaana! ² Pwai kwaasi yihithivanji "Naangere yirike' marajawibwarya'ne' mena yima'niwakegaaki." Sara kwaasi yihithivanikere yagaalya'na sarimi yarai lika myipina! Simunya kwalaalya yarai myawipina! Sai widina "Kuryai sara kanyidiwakira," yihithivanika. Sai yawiraka yihithivanika. Sai widina "Pikariyikwiavi Poli sara kanediwakira," yihithivanika yuya sa kadika mwipi'npina! ³ Sasarebwi kwaasiyabwi myihiziwaakanna! Arikewi. Naangei walaabya'negaa' yarai yima'nadehaa' mi!. Aawa. Snnawti sagaal a'mwera Gotiyarina maa'na wiada Gotiyare yawisabwi marasi'niipi'dehaa'na yima'nadesi. Nabaai, kayaa'nanaangei a'mweraayaba yima'naabina yadesi. Dividaanyp Naangei walaabyahaaki. Kayaa'nanaangei kiwinya kayaaka yigaideleyi. Diti sai Dikevi Kayaa'nanyaba yuyagaa' mwaaladelyi. ⁴ Sai dozi "Gaveinyi naangeinyi," dozi dina "Nyilyari yisaraavi silyaraavi yilaaya yadivisabwi kayaaka yigalima! Marasi'niidevulyi. Kwaiyima'nyajj sivuyajj kula'gilyajj saza marasi'nidengira. A'mwera naangeinyi yilaaya nyipi'ka!" Dina yojj sara yojj nabaai Gotiyare Angevi wilina yojj wilamwaaina yojj "Nimi Gotiyainyi," widathelyi. ⁵ Sariminyaba kuna mwaaidi sare' widiwija yihye'na myawiriji'waava! ⁶ Kayaa'nanaangeri timwaaimanike' yawi'manigasaihiliy. Dahaan yima'naabathika! Gotiyai yawi'na "Sagaa' yima'naabatthehaaki," kyawiroj j sagaa' yima'naabathelyi. ⁷ Sare' dare'nesi. Dahaasagaa' kayaak'nanaangebwi kave lika yulyasa'na yivanikebulyi. Pwai timwaaimanikei divi kaanna kwawoij ⁸ kayaa'nanaangei a'mweraayaba yima'naabathelyi. Sai mwaaidoz Naanga Jizaazai kayaak'nanaangeri maamudinya tamakadelyi. Naangei diraginna kyima'naaboz kayaak'nanaangei dara wanganaja! "Aka, diraginaangei daaka!" Sara kadozi Naangei kayaaka yuna yigaladelyi. ⁹ Kayaa'nanaangei gaai yima'naabyahaa' sai Saataanimire diraginya maaradei kwaasi diraginya yuya yadengira. A'mwera simunya yawisa'ne yadengira. A'mwera atika maru'narya'ne kwaasi kyoj a'mwera "Naangelyi," yawi'pi'dengira. ¹⁰ Sarei "Nimi kayaa'na yima!" dozi kwaasi yagaala naanga naanga kudozi a'mweraavi kayaaka yigalade sahwara "Nebulyasi," dibiti'de'nanyi. Sahwara "Gotiyare nebulya' nemire simunyangi mwaranner! Gotiyai baa'na nevadaihasamaaradeinaavaka!" yawi'pi'derera. ¹¹ Sahwara kayaak'na yawi'rapiji'yavina Gotiyai yawi'na "Niminyina a'mwe sara 'Aala,' didivti' kwaasiyabwi diraginyaabwi limwabika!" kyawiroj kayaak'nanaangere kwaasi yagaala wipi'npipi'desi. ¹² Sara yina yapij Gotiyai "Sahwaraavi kotiya' maryawibwarima!" dozi "Kwaasiyabwi limwabika!" yawi'radere. Yt sahwara nebulyabwina malmwagaryadivisare. Aawa. Yida'maraanga maayabwi yilaaya yadivisare.

Gotiyai Tezalonaika mwaalyaraavi padaihasamaasa'na dahilakake'nesi.

¹³ Neya'mweihi, yuyagaa' sariminyina Gotiyari yilaaya yivanigoihiliy. Tewaanyasi. Naangeri sariminyina kale wiadeihiliy. Aayawidaanyp Gotiyai dahilakya'a! "Tezalonaika mwaalya sahwaraavi yisila mudi'nanyaraavi padaihasamaarideinyi. Kuryai nimirera tewaanyaraavi wimwaaihade'nanyi. Sahwara nimire nebulya' limwagapiji tewaanna mwaabi'de'nanyi." Sara dahilakyaake'na yilaaya yivanigoiner. "Su! Su!" widivango. ¹⁴ Nemire yagaala tewaanya kyihitho Gotiyai yihivadaihasamaarya'nei jika yihizi'vwaramaara!. Nemire Naanga Jizaazai Kiraazitayare byaannya' diraginya' yihizaavade'na jika yihizi'vwaramaarakelyi. ¹⁵ Neya'mweihi, sarevidaa'nyi diraginna dithaayila! Diraginna mwaaidiv nemire

yagaala yuya naya dilimwagyila! Yagaala sa pini yihiziwaako, pini pikariyikwiavt yihiziwaakwa'do naya dilimwagyila!

¹⁶ Nenimaanga Gotiyari neminyina kale wiada yange'na tewaanna neyake'nanyi. Sarei yuyagaa'ne diraginyaainaavt nemwaaihada yanga negaimwada sara yake'na nemtara yemwaaimanigo! "O, Gotiyai tewaanaanga nejaavadeina daaka!" Gotiya sarelyi nemire Naanga Jizaazai Kiraazitiyai sahwalyi ¹⁷ sarimire simunya diraginya wakyika! Yuyagaa'ne wawinya tewaanya gazaza jide'najt yagaala tewaanya gazaza duzide'najt diraginyaihiri yihimwaaiphyika!

3

Tezalonaika mwaalyara Apozeliyaraavina Gotiyari wija'nesi.

¹ Neya'mweihi, yagaala pini yavikaryaana! Neminyina Gotiyari duzila! "Apozeliyaraavt wigaimwagana! Tezalonaika neminyaba Naangere yagaalya' kanede' 'Nebulyasi. Byaannakesi, dnona yarai maarobaaibti gazabazaba pwara yarai limwabika!" dapijt duzila! ² Nabaai "A'mwe kayaa'nanyara, a'mwe similikasiyara Apozeliyaraavt kayaa'na nyipidika! Apozeliyaraavt padaihasamaaarana!" dapijt sara duzila! Sare dare'nesi. A'mwe yuyara Naangeri malimwagyivanigasare.

³ Pwara Naangeri malimwagyivanigata kirti! Naangei dina "Sasara yideinyi," dada sasara yadelyira. Limwannikelyi. Sarei "Kayaananyai (Saataani) Tezalonaika mwaalyaraavt kayaaka nyadika!" dozi diraginyaihiri yihimwaaihade', dame mareyihidaavadeihiliyti. ⁴ Sariminyina Naangeri wilamwaaaho'na nemtira diraginna yawi'manigo. Ya, Tezalonaika mwaalyara nemire yagaalya' midimwaasarera. Nemtira widaaza' midibbi'derera.

⁵ Naangei sarimire simunya kyihibwaridaakwojt sarimi dara jawiryide "Ya, Gotiyari neminyina kale wiadelyi. Sare'na Kiraazitiyai diraginna mwaalakabaaibti nemtira diraginna mwalaadeinera." Naangei sara yihibwaridaakwana!

A'mwera wawinya ya'nesi.

⁶ Neya'mweihi, Naanga Jizaazai Kiraazitiyai gannya diraginya mi'na kanejaava' gamire yayavi diraginna yihithaana! Ja'mwei Kiraazitiyarei nemire kiwinya wido' mamidinyivanikeryawt mye'mwannamwaaaidinna! Sai wawinya myai yaasiwa'na mwaalikeryawinna mwinnnera! ⁷ Sare dare'nesi. Sariminyaba nemtira yobaabibti sahwaihi yipijsa'na naya yawi'mwaa'. Nemtira yaasiwa'na mwaalyara myo. ⁸ Aane pwai kwai wigaimwange'na wapaaya saza yanga nejaavake tika manyo. Yaasiwa'maarya myo. Aawa. "Pwara neminyine'na birirya nyida'gwaihnapidika!" dona nigwia widaavo. Sareina wawinya naanga yona. Yirikevi yina, sawisavi yina. ⁹ Nemtira "Tezalonaika mwaalyara negaimwabika!" yawi'raajit kwajit Naangei sare'na "Wikira," kadathika. Kirti! nemtira yawi'na "Tezalonaika mwaalyara nemtira yivanigovaaibti midibbi'ka!" dona sara yoinera. ¹⁰ Sare dare'nesi. Sariminyaba mwaalonegaa' kiwinya da' yihiziwaako. Pwai dina "Wawinya myiwineinyi. Aala," dina yaja' wapaaya mujaavinnnera! ¹¹ Sare dare'nesi. Sariminyina kadika dara witi'niwo! "O, Tezalonaika mwaalyara pwara wawinya myadivti yaasiwa'na mwaaihasara daa!" 'Pwaraavire wawinya maremwaalima!' dadivti kumire wawinya myivanigasara daaka!" Sara dona yihithiwo. ¹² Sareraavt diraginna widaana! Naanga Jizaazai Kiraazitiyai gannya diraginya kanejaava' kiwinya wijiwakaana! "Sahwara kunnya wawinya' kave yipika! Kunnya wapaaya saza maranipika!" dona wawinya'na gitihivanigoiginyi. ¹³ Neya'mweihi, tewaanya ya'nebwina maa'na myihyinanna! ¹⁴ Nemtira pikariyikwiavt davt yavikaryiwo'na pwai kwai yawi'na "Sabwi myiwineri!" yawi'na yojt sare' myi kyojti naya tinna wanganapijti gaminyaba mamwaaibinera!

“Sahwai wagila maarana!” dapiji mamwaaibina! ¹⁵ Sareihi dara myawiri jila! “Ai, sahwai yikamaangelyi.” Aawa, dara jawirila! “Sahwai nya'mwei mwaalike'na kave yavada'galideinyi.”

Yagaala aaya'nesi.

¹⁶ Naangei gami sai kwaamu'nanyaburine aaya kaavilyai yuyagaa' yuyabwina sariminyi gamire kwaamu'nanyabwi yihizaavana! Naangei sarimijit kuna mwaalana! ¹⁷ Polinyi ninya asilyi pikarya yida'manigesi “Neya'mweihi! Neya'mwengihi!” Pikariyikwia' yavikaryadi yuyagaa' yagaala aaya gave' ninya asilyi yavikaryadinyaainyi. Sareinyire pikarya tinna wanganapiji darajawiryide “Ya, Polimire paaziyasira.” ¹⁸ Nemire Naanga Jizaazai Kiraazitiyai sariminyi yange'na tewaanna yihgaimwagana!

Pol

1 Timoti

Timotirina Poli Pīkariyikwia Aaya Mudi'nanya! yidavakesi.

Timoti, nya'mweigi,

¹ Polinyi pīkarya yida'manigeinyi. Kiraazitiyai Jizaazai nyidaasadeinyi. Gotiyai nevadaihasamaa'delyi Jizaazai Kiraazitiyari yemwaidaanyalyi d̄raginna nyidahila "Apozeluyaiginyi gitthaasakadeiginyi," nyidahilakagilyainyi. ² Sareinyi Timotiginyi pīkarya datha' githawaswaabe. Kagithe Naangereigi yima'nagi na gamire yagaalya' mididinya'na ninnya kaimiraaya nawi'nyaigi mwaaihi. Sareiginyi Gotiyai N̄mwalyi Kiraazitiyai Jizaazai nemire Naangelyi yange'na tewaanya gitthaimwagika! Kale'na gitthaimwagika! Kirimire kwaamu'nanyabwi gitzaayika!

Kwaasiya wijiwaakadivita sabwi wasita'nesi.

³ Kigaa! "Maazathoniyana wima!" dena mena githe sasarevi nabaai dahaakigaa! ayahi d̄raginna gitthivanige. Anga Epazaazi kuna mwaala'gizi a'mwe pwaraav i d̄raginna dara duthathei ginyira "Kwaasiya ge sabwina nujwaakipi!" ⁴ Sahwara wajingyagaala yaasiwa'na wijiwaakina. Kumirebwine yaya sabwi yuyabwi wijiwaakina. A'mwe gazaizai mijima'nigaveta saraavine yayanna wijiwaakina. Wijiwaakina yivanigata kir'i yaasiwa'nanyangina yawita kwalaalya yivaniga!. Gengira. Sasareraavi d̄raginna duthathei ginyi "Sabwina mujwaakipi!" Gotiyarina d̄raginna limwanga saburi wigaimwade mi!. ⁵ Sare! a'mwe pimili kaav i wigaimwabi'de'naji kumire kale wiadewwi d̄raginya yune'na yima'nade'naji sara d̄raginna duthathei'nanyi. Kale wia'ne sa' simunya tewaanyavidaa'nyasi. Nabaai simunyai padaihirakya nawi'nyaridaa'nyasi. Nabaai Gotiyari wi'nalimwanga nebulyavidaa'nyasi. Yagaala d̄raginya saburi yidikavimwaihyo yadesi. ⁶ A'mwe sahwara sasare sabwi yagalya'ma'na yadivi' yaasiwa' yagaalyanna yiraataate yamaryadivisare. ⁷ "Gotiyare Kiwinya dinikengi naangeina mwalaana!" yawi'divi' d̄raginna dara dadivisare "Nemire yagaalya' nebulyasi." Kir'i kiwinya yagaala sa' myawiranganyara, aaya kaavilya' myawiranganyara.

⁸ Nem mi'na yawi'manigo. Gotiyare Kiwinya' tewaanna marayaaja! nawi'nyasi. Kir'i a'mwe sahwara kayaa'na dakadivisasi. ⁹ Kiwinya'ngine' yawiraana! Gotiyai kiwinya dinike a'mwe yida'maraangerinanenne'na mi!. Aawa. A'mwe kiwinya galazekivaidivi' Gotiyari yagaala mamidinyadivisaraavinesi. Gotiyari bule'na wijaavadivi' kayaa'nanyabwi yadivisaraavinesi. Gotiyarebwina "Aala!" dadivi' Kwaakevakiyabwi mididivisaraavinesi. Ganimaangeri tamakadivisaraavine', ganaangevi' tamakadivisaraavine', a'mwe pwaraavi tamakadivisaraavinesi.

¹⁰ A'mwengi ata limwadivisaraavine', a'mweraavi ata limwadivisaraavinesi. A'mwera a'mweraavij a'mwengiji kuka maa'divisaraavinesi. Kwaasi yagaala dadivisaraavine', kwaasi yagaala jalikurakadivisaraavinesi. Yi' dazabulyi pibulyi yadivi' wijiwaakya maamidaryavi yikamaangebwina yadivisaraavinesi. Sasareraavina kiwinya dinike'nanyi. ¹¹ Wijiwaakya tewaanya daza' yagaala tewaanyavi warikesi. Yagaala tewaanya sa' Gotiyai kanyijaava' wijiwaakadinyasi. Gotiyai byaanna d̄raginya kininnakei yilaaya yada tewaanaanga yinikei yagaala tewaanya' nyijaavakeinyi.

Polimi Gotiyai tewaanna wiake'na "Su! Su!" widake'nesi.

¹² "Su! Su!" yawi'di wawinya sa' yadinyainyi. Kiraazitiyai Jizaazai nemire Naangei niminyina d̄raginya kanyijaava' yadinyainyi. Sai niminyina

yawi'na "Nimire wawinya' kuna limwadelyira," sara yawi'na yaka wawinya widaaya dazavi nyimwaaikhakeinyi. Sare'na "Su! Su!" widadi yadinyaainyi. ¹³ Sinnawi kigaa' Kiraazitiyarina kayaa'nanyanna widadi gaminyi limwadivisaraavi kayaaka yigaidi biraifyagaala wideinyi. Sareinyi kirii Naangei niminyina kale'na nyigaimwagakelyi. Nimti nayaa myawiryainyi, gaminyina malimwagyadi sara ye'na kale'na nyigaimwaga!. ¹⁴ Nemire Naangei niminyi yanga naange'na yunebanna nyigaimwagaka Kiraazitiyai Jizaazarilimwangebuli yilaaya wivu'nyabulyi yanga nyijaavakelyi.

¹⁵ Yagaala gitihide datha' naanga nebulyasi. A'mwe yuya kwara kadika wipinapiji diraginna limwabi'de'na tewaanyasi. Da'dare!. Kwaakevakina Kiraazitiyai Jizaazai walaabakelyi a'mwe kayaa'nanyabwi yadaanyainaaviv nevadaihasamaarya'nei. Kayaa'nanyabwina aaya mudi'nanyainyi nimti sahwainyi. ¹⁶ Sareinyi kirii Naangei niminyina kale'na nyigaimwadei nayaa nyakelyi. Sare'na Jizaazai Kiraazitiyai "Nimnyi diraginna nyilimwagapi'dera yuyagaa' yuyagaa'ne gaalyabwina maapi'deraavine ke'ba'nanyai Poli yima'nana! Sarevi sinnawi Polimina sinna tika yarai manyidayadewvi sahwaraavi wijiwaainima!" daka gamire kale wigaimwangebwi nyijaava!. ¹⁷ Gotiyai kayaa'nanyaraavi padaihasamaa'deri maryasaabake'na sahwari yilaaya wiaana! Kingiyai yuyagasa maremwaaidelyi. Sahwai yuyagaa'nei mabalyadelyi. Sahwari tinna mwanganyadaanyalyi. Sahwai gave pwainanyai Gotiyalyi. Sahwari yuyagaa' yuyagaa' gamire yaya' makilaana! Sahwari yuyagaa' yuyagaa' "Byaannakeigit!" widaana! Naanga nebulyasi.

Timoti diraginna limwada kayaa'nanyabwi marativikirasinya'nesi.

¹⁸ "Diraginna duthatheiginyira," githeha wawinya sa' gizaawa nimire kaimiraayaigi Timotigi. Kigaa' Gotiyai Kiraazitiyareraavi dara kujiwaaka! "Divi Timoti Gotiyare wawinya' tewaanna yadelyi." Giminyina "Sahwai aawilasai yikamaangeraavi malya' diraginna bwa'devaabit' mala diraginna bwarana!" dena wawinya sa' gizaawa. ¹⁹ Gotiyare mala tewaanya' bwa'di Naangeri kuna limwadi simunyai tewaanyai kuna givadaihirakana! Pwara "Nimire simunyai tewaanyai nanyivadaihirakadika! Waramaryana!" yawireva sarevidaa'nyi kumire limwangebwi sipiya' silyavi kayaaka milki'devaabit' kayaaka yakebuli. ²⁰ Sasarerajiyaraai Aaimenaayazalyi Alekizaadelyi saraai sara yagiylaraalyi. "Saataani yihimaremwaaalanneraihilyi," kude Saataani taanga wijaavanit. "Taanga kujaavoj saraai Gotiyari'na kayaa'nanya maji yika!" dena saraarinna sara wide.

2

Gotiyari wijawwinesi yuyaraavina.

¹ Sinnawi'nya' dahaa' yagaala mudi'nanya' gitihide' daresi. Gotiyari widaana! "Pwaraaviv wigainivanika," dawaajt yidanganaana! Yuyaraavina widaana! "Gotiyai wigaimwagana!" dawaajt marewidanaa! Yuyaraavina "Su!" widaana! ² Sara yadaa yi Kingiyara maremwaaidiivisaraavijnajt a'mwe naangeraavijnajt ke'munyaraavijnajt widaana! "Nemti kwaamu'na mwaiddaa kave mwaiddaa Gotiyare yida'maraangebwi midinaana! Yaasiwa'na namwalaadika!" dawaajt sahwaraavina widaana! ³ Pwaraavina Gotiyari wija'nebwi tewaanaangebuli. Nabaai Gotiyai nevadaihasamaa'dei tinna yawirangadelyi "Tewaanyabulyi. Sabwi yilaaya nyigaidevulyi." ⁴ Sarei "A'mwe yuyaraaviv wivadaihasamaarima! Sahwara yagaala nebulya' yuna yawirangadiv'i nyilimwabi'dere," yawidelyi. Sara yawid'a sarevi wivu'najanna. ⁵ Sare dare'nesi. Yagaala nebula sa' dara dinikesi. Yuyainaavine Gotiyai gave pwainanyai mwaalike'nanyi. Nabaai yuyainaavine tinnabanya gave pwainanyai Gotiyari a'mweinaaviv nemariraku'manikei mwaalike'nanyi. Dazahwai Kiraazitiyai

Jizaazai a'mwelyira. ⁶ Dazahwai yawi'na "Kaya'a'nanyabwina yuyara nabaibithika! Ni'mi balideinyi." Sarei gamire tawe yuyaraavina mubakelyi. Gotiyai dahilakakegaa' sara balakevidaa'nyi jalikurakinikesi. Gotiyai "Yuyaraavi wivadaihasamaarima!" wivu'najanna! ⁷ Sare'na Gotiyai gamire wija'neinyi Nyidaasadeinyi nyakakeinyi. Nebulya'na divanige. Kwaasi majivanige. Nyakakeinyi ajimya yuyangiyara Naangeri limwabi'de'naji yagaala nebulya' yawirangabi'de'naji wiji'waakadinya.

Gotiyariyiilaaya ya'negaa' a'mwerajt a'mwejti ya'neburinesi.

⁸ Sarevidaa'nyi dara nyivu'najainy. Gotiyari yiilaaya ya'negaa' a'mwera yuya angebanyaara Naangeri widipi'ka! Kunnya asira Gotiyari makibiza asirajt kaya'a'nanyanna myadivisara widipi'ka! Sahwara sinna ti'ka mudayara, Gotiyari simunyangi nayaa limwadivisara Gotiyari widipi'ka! ⁹ Nabai sareinyi dara nyivu'najainy. Sabaabib'i a'mwe kannya tewaanya' kunnya yunebaainanya yira'nipika! Baazi'ma'nya mubya naangeji mabaazi'ma'nipinera! "A'mwera nyawirangabi'ka!" dapi mijasangti' waala miwannipinera! Kilaakejikaavii nigwilaalaaka dala pininna pininnanyaaj paida paide yitdeji miwannipinera! ¹⁰ Aawa. Kumire nigwilaalaaka da'daresi. Wigaimwange'na nawi'nya dala pininna pininnanya nayaa yipinengira. A'mwe "Gotiyari limwadaanyanner," yawi'divitabaaib'i sara yipinengira. Tewaanyasi. Dazabwi kumire yiwaala nawi'nyabuly. ¹¹ A'mwe' kave mwaalina yada Gotiyare yagaala kadika nayaa wi'nadesi. Yagaala madanna! "Kwaakewi mwaalima! Nayaa yiwirinima!" dada nayaa wi'nadesi. ¹² Davwi gitihide' manyivu'nyajavuly. A'mwe' a'mweraavii wiji'waakajavwi. A'mwe' a'mweraavii maremwaalajavwi. Sabwi aawano! A'mwe' maanga bipaina yada kadika wi'nyina yannesi. ¹³ Sare' dare'nesi. Aayagaa' Gotiyai Ataamimi' yavikarina yina yaka, dividaa'nyi Yivavi yavikarina. Sarevidaa'nyi a'mwe a'mweraavii kwaakewi mwaaihasangira. Sarevidaa'nyi maanga bipaina yipika! ¹⁴ Piriti' darevidaa'nyasi. Ataami' Saataanimire kwaasi yagaalya! "Yayo," wijaakei mi'. A'mwe' kwaasi yagaalya! "Yayo," widake'na Gotiyai wijaakevine yiwetawakyaakesi. Sarevidaa'nyi maanga bipaina yipika! ¹⁵ A'mwe sare' kiri' a'mwe kaimiraaya maapi'devi Gotiyare wawinya' nayaa yipi'dengi. Sahwai nayaa wivadaihasamaaradely. Gotiyari kuna limwadivii' kale wiade Gotiyare kaimiraaya tewaanna mwaaidivi' "Maalikennera," yawipi'ja Gotiyare wawinya kumi'nyine' yipi'dengira.

3

Naangereraavii maremwaaidivisaraavinesi.

¹ Yagaala datha' limwagaathe' gitihide' nebulyasi. A'mwe pwai kwai "Naangereraavii maremwaaidinya" mwaalima!" yawirajai wawinya nawi'nya'na wivu'nadely. ² Wawinya nawi'nya' warikevidaa'nyi a'mwe naangereraavina dara yawi'na. Naangereraavii maremwaaidi nawi'nyabwi yadelyira. Nayaa yida'na mwaaideri a'mwe gamire yiwetawakya pinngi mwanganyadivi' birlala widipi'dei mi'ka. Sai a'mwe gave pirivina mwaaidely. Simunya nayaa yavada'galayawidely. Sai simunya nawi'nyabwi mididely. A'mwera dara wangadivisalyi "Sahwai tewaanyalyi." Piwidaa'nyaraavii wapaaya wimaarina, se warya'nebajt wijaavina yadely. Nayaa wiji'waakadely. ³ Biyaaya nada yimaka mulannely. Sai simili'ka yarai mudayada mala yaasi'wa' maramamaryadely. Aawa. Sai a'mweraavii kave yadely. Kumire munyikaavii yirila widiwadely. Sai nigwianna simunya kwalaalya myawiryadely. ⁴ Sai gannya jilikaimiraayamili'kaavii nayaa maremwaaidely. Kaimiraayamili'ka gamire yagaalya' midibidely. Gaminyina "Ni'mwai naangelyi," yawipi'neli. ⁵ A'mwei gannya jilikaimiraayamili'kaavii nayaa mamaremwaalyi yadei

daaka! Sai sara yaja'na Gotiyare kusilaanyaviyaraavina gara yoji maremwaalan-nelaka! ⁶ Gotiyarit gaai limwade mudikei maremwaalyari namwaaihiipi! Mudikei a'mwe naangei mwaalajai "Pwara nimibitara mi'ka!" yawirajai Gotiyarina yagaainakei nyima'nadika! Kamaalyai sara yawiryaakei Gotiyarina yagaainakei yima'nakabaai nyima'nadika! ⁷ Maremwaalajarina Gotiyari malimwagyadivisara mwasiilaanyara "Sarei a'mwe tewaanyalyira," jalikurakipinelyi. Nayaa yida'na mamwaalyajari yiwetawakya piningi wanganapiji birlala nyipidika!

Sara yajai Kamaalyare naanyaviti nalivavwaradika! Sara yajai maremwaalyai mima'nannelyi.

Gotiyare kusilaanyaviyaraavine wigaimwangeraavinesi.

⁸ Sasarebaabib!, Naangereraavti wigaimwadivisara nayaa yida'na mwaaidivisarerera. Yagaala piriwaai gira'mwagadadivisara mamwaabina! Waainiya yimakaalya kwalaalya manyadivisare. "A'mweraavire nigwia gilyivisa sazangji maa'muneinyi," majadivisare. ⁹ Simunyai tewaanyai wivadaihirakadelyiyara sahwara Gotiyai nebulya' yoimavajalikurakya' limwadivisara wigaimwangera yima'nipi'dererera. ¹⁰ Aayagaa! "Gamirebwi tewaanyabwi daaka? Nayaa yadei daaka?" yibwakinapiji "Yo, sarei tewaanyalyi. Yuyara sara yawirrangadivisalyi," dinipi jaraavti wigaimwangeraavi wimwaaihiipi'dere. ¹¹ Sasarebaabib! kumire a'mwe nayaa yida'na mwaaidivisangira. Bulayagaala madipinengi. Aawa, sahini simunya nayaa yawipinengira. Yuyagaa! kumire wawinyanna tewaanna limwabinengira. ¹² Naangereraavine wigaimwangera a'mwe gave piriwinannerera mwaaidivisare. Kunnya jilikaimtraayamiliikaaviji kumire angengi mwaaihasamiliikaaviji nayaa maremwaaidivisare. ¹³ Sare! dare'nesi. Wigaimwangera nayaa widaayipijaraavti a'mwera tinnna wanganapiji "Sai a'mwe naangelyi. Tewaanyalyi," dinipi'de'nanyi. Wigaimwangera nayaa yadivita sarera lika myadivti limwangebwina Kiraazitayi Jizaazarit limwangebwina diraginna kujawaakapiji nayaa witnipi'de'nanyi.

Gotiyare yagaala aaya kaavilyabwinesi.

¹⁴ "Maalikegaa! gimiyyawinna wideinyi," diwe kiriti yagaala daza' pikarya githawasivanaabithe. ¹⁵ Gimiyyawinna yarai mabil'mayi yiwijahaa! "Gotiyarerera gamire angeviyaraavine yabwina yawiranganima!" da'gizi yagaala daza' dangade'nanyi. Gamire angeviyara Gotiyai yuyagaa! mwaaidere kusilaanyarerera. Kusilaanya! Gotiyare angevaakira. Nabaai simyai ange' yilarya'nei diraginna widaakunkabaaib! "Gotiyare yagaalya' nebulysi," diraginna widadivisavaakira. Nebulyavti pesavaakira. ¹⁶ Nebula sa! Gotiyare sabwina yagaala aaya kaavilya' naangaangesi. Nebula sa! Gotiyai yoimavajalikurakyasi. Naangerina aaya kaavilyarina yoimavajalikurakya'na naangaangesi. Sa! darest.

Sai a'mwei kilaa'nakei yima'naabi wakerinera.

Kurya Tewaanyai neyibwaridaakuwakerinera

"Sahwai tewaanyalyi. Yida'maraangelyi."

Sari ejeliyara tinnna yawirrangamwaasarinera.

Ajimya yuyangiyaraayawinna sarina diwawaasalyi.

A'mwe Kwaakevakiyara diraginna limwamwaasalyi.

Gotiyai byaanna diraginyavti makimwaawikerinera.

4

Wijawaakya kwaasiyaraavinesi.

¹ Kurya Tewaanyai dara jalikurakivan! "Divi sagaa! aayagasana pwara diraginna limwangeburine yagaala yagalyamapi'dererera. Sahwara aa'neraavti kwaasiyaraavti witnipi'dere. Yimakera wijawaakadivisaraavire yagaalya midibididere." ² Kwaasi

yagaala sa a'mwe kwaasi yadivisara maarapiji sahwaraav i wijiwaakipi' dera. Dike' kilaakejiki kayaaka wigaidevaabip' a'mwe kwaasi wijiwaakya' neraavire simunya tewaanyai padaihirakyai kayaaka yigainikere. Wagilyabwina yibwakidivitara mi'.
3 A'mwe dazara kwala maaryabwina kimaakiya dakadivip' a'mweraavine tika wapaayangina kimaakiya dakipi' derera. Kirip' Gotiyai wakaka daza a'mweina diraginna limwadaa nebulya'na yawirangadaanyaina Gotiyari "Su! Su!" widadaa sa dapaade'nanyi.
4 Gotiyai yuya wakyaake tewaannanyangi. Sareviidaa'nyi yuya maraadengira. Sangina dimaaryidehaa! Gotiyari "Su!" widipi'ja aane piri' kirip' nalivarabithika!
5 Sare' dare'nesi. Gotiyai yagaala "Nawi'nyasi," dinike'naji "Da' Gotiyai neminyina wijaavintkesi. Tewaanyasi," yawi'divip' Gotiyari "Su!" duzide'naji nawi'nyaange dimaaryidesira.

Timoti nayaayada yagaala nebulya'na wijiwaakaderinebwinesi.

6 Yagaala daza' nehrya'mwera Kiraazitiyareraav i duziwaakya! Sara wijiwaakijaig Kiraazitiyai Jizaazare widaayadinya tewaanyaig dimwaaideiginyi. A'mwei wapaaya nada gamire kilaakejip' diraginyajip' wa'devaabip' yagaala Naangeri limwangebulyiyangi jiji wijiwaakya tewaanyabwi midimaniginyaviji yawirangadi gimi're kuryai diraginyai gimaaladeiginyi. Sareig duziwaakya!
7 Wajingyagaala navi'navikyagaala myawi'dinna! Yagaala sa Gotiyarina yawiramaarya'ne mika. Aawa. Gotiyare saburi naya kuna yawiramaa'di Gotiyari diraginna dimidi' deiginyi.
8 Sare' dare'nesi. A'mwei Kwaaka davaki mwaidehaa' wawinya yade'na yagi'nya kilaaka diraginya yima'nadewwi tewaanyabulyi. Gotiyarina yawiramaa'de'na kuryai diraginya yima'nadewwi tewaanaangebulyi. Kwaakevak mwaaiho dahaa' Gotiyarebwi negaimwagathevulyi. Nabaai Gotiyaryaba kuna mwalaaja divi kigaa' sahibwi kuna negaimwagathevulyi. Sahiburidaa'nyi tewaanaangebulyi.
9 Yagaala daza' naanga nebulyasi. Daza' a'mwe yuyara yiniga wi'napiji yunebanna diraginna limwabi'de'nesi.
10 Sare' dare'nesi. Gotiyare wawinya yagi'agi miraagiki'manigo'nanyi. "Gotiyai nemire kayaa'nanyabwi marasi'naka naya nemaremwaalikelyi," yawi'daa sahwari yemwaidaa miraagiki'manigo'nanyi. Gotiyai sahwai yuyagaa' mwaaidelyi. A'mwe yuyaraav i padaihasamaa'delyi. Yti nabaai Naangeri limwagaanneinaav i nebulya'na nevadaihasamaa'mwakelyi.
11 Yagaala daza' a'mweraav i diraginna duthana! Naya midi'bip' de'na duziwaakya!

12 Aane pwai kwai giminipi' tinna wanganna gyada miginyaiginyi kirip' "Maalikelyi," nyawiradika! Aawa. Tewaanyabwi naya yinnebaabip' Naangerina limwadivisara gwanganapiji sara yipineigi dimwaaideiginyi. Yagaala nawi'nya dinneiginyi. Nawi'nyanna yinneiginyi. Kale gyada naya wigaimwadinneiginyi. Naangerina diraginna limwadinnneiginyi. Yida'maraangebwina yawi'di yinneiginyi. Sara ya'gizi giminipi'na "Maalikelyi," myawiri yipi'de'nesi.
13 Dazagaal kuna nyemwaaidi a'mweraayaba Gotiyai dinike' naya wangadi duthatheiginyi. Kumire yipi'javwi dihaabwata jitheiginyi. Naya duziwaakideiginyi.
14 Sare' Gotiyare diraginya' sihumalevin navika nagyathika! Kigaa' Gotiyai kuda' pwara giminipi'na "Gotiyare wawinya yannelyira," widesagaa' Naangereraav i maremwaaaidivisara asa yilagwakadaapi Gotiyai gannya wawinya'ne diraginya' gizaava'. Diraginya' gizaavake' ayina yawiralinwadi diraginyasi kuna jitheiginyi.
15 Sana diraginna yiya yadi yuya dazangi naya dimaremwaideiginyi. "A'mwe yuyara niminyina 'O, yuyagaa' gami naangei, tewaanyai kuna yima'naabivanikei daaka!' yawi'pi'ka!" da'gizi naya sara jitheiginyi.

16 Nabaai mwaaimaniginya saburiji a'mweraav i wijiwaakivaniginya saburiji naya dimaremwaala! Yuyagaa' dazahirivina kuna diraginna jitheiginyi. Sare' dare'nesi. Sara yija' naya yavada'gaina gyathesi. Nabaai a'mwe kadika

gu'nipijaraaviji yava'da'gaina wiadesi. Sagaa' tewaanyaihi dimwaalyideihilyira. Divadaihasamaa'nyideihilyi.

5

Naangere gera geraavina maremwaalya'nebwinesi.

¹ A'mwe nera kaya'a'na yipijaraavi mayagaala mudinna! Aawa. Ginnya gimaamaangeri yavada'gaidinyabaaibti' diha'bwsa'na kave duthana! Nabaai ginnya ja'mweraavi yavada'gaidinyabaaibti' miginyaaraavi kumire yipijavwi kave duthana! ² Nabaai nemilikaavi gwaange'bisanilikaavi yavada'gaina ja! Yi miginyangi ginnya ja'mwebisangina yida'maraangebwina yawidti kave yavada'gaina ja!

A'mwe sigiraaya yaanyiwaakemiliikaavinebwinesi.

³ Yaanyiwaaka nemili' mwaalike'na "A'mwe naangesi," dinneigi nayaa dimaremwaala! Nayaa duhaimwana!

⁴ Yaanyiwaaka piri' gannya kaimiraayaji gyakaangeji gyakwalaangerajti kininnake' mwaalajavina sahin'i nayaa dara yawipi'ka! "Nemire neyori wimaremwalaana! Kigaa' maalikennaavi wapaaya saza yanga nejaavagilyayolyi. Sare'na wirivikraana!" Sara yawirapiji sara yadi'viti kumire jili'kaimiraayamili'kaavina Gotiyarebwi yawiramaapide'nanyi. Sare' dare'nesi. Sara yipi'de sabwina Gotiyai yawirangamanit "Tewaanyasi." ⁵ Nabaai yaanyiwaaka nemili' kaimiraavimaaya' gyakaangeji gyakwalaangerajti sa maaya' yuna gave' mwaalaka yi a'mwe daza' dara yivanikesi. Gotiyarina diraginna limwada sahwarit nayaa yemwaaida yuyagaa' yirikeviji sawisaviji Gotiyari wigainya'ne kuna yidaangada kuna widivankesi. ⁶ Sare' kiri' yaanyiwaaka piri' wabahilaaka sabwi midida mena bainkesi. Kuna mwaalika kiri' Gotiyarina gannya kuryai mena bainkesi. ⁷ Yagaala daza' midinya'a'na a'mwemili'kaavti dithihaa'bwsaka! "Nayaa yida'na kamwaalapijti pwara tinna wangadivi 'Samili'ka kayaa'na yadi'samili'ke.' nadipidika!" da'gizi' dithihaa'bwsaka! ⁸ A'mwe pwai kwai Naangerei gannyamili'kaavti nayaa mamaremwaalyi yajai, yi nabaai gitihidei gannya jili'kaimiraayamili'kaavti nayaa mamaremwaalyi yajai Naangeri limwangebwina ginyira'mwakelyi. A'mwe malimwagyadei gannya neyori wigaimwagaza' yi sasarebwi Naangeri limwadei sara mugaimwagyvanika kayaa'nanyai malimwagyader wavilavikelyi.

⁹ Bukuyavti yaanyiwaaka nemili'kaavina Naangerera wigaimwange'na nigwia wijaaya'nemili'kaavire yaya pikarya yida'na ja! Yaanyiwaaka da'daremili'kaavire yaya yida'na ja! Yaanyiwaakemili'ki kwarame 60 (a'mwe daraai dalyaraavire sivilatiraalya) mena wavila'nike', a'mwe gave pware' mwaainikesi. ¹⁰ A'mwemili'ka samili'kinjalikurakadi'vi "Tewaanya yadesi," yi gannya kaimiraayangti tewaanya maremwaalakesi. Yi anga pibadaan'yaraavina tika wapaaya yanga wijaavakesi. Widaaya'ne' Naangeri limwadi'vita tewaanyaraavire sivila aalya yaka dazabwina yakesi. Yi a'mwemili'kaavti taanga wiadaa'nyi nawi'nya wigaimwagakesi. Sasare' yuya tewaanya saza yakevire yaya' yida'na ja!

¹¹ Yaanyiwaaka a'mwe miginyangi'na yaya' mida'dinnersi! Sare' dare'nesi. Kumire munyi' kwala maa'nya'na ayina kwima'noji Kiraazitiyarit ginyirapi'dengira.

¹² Sahini' sinnawi Kiraazitiyarit diraginna widesa' yesimapide'na yi wetawakya kininnakengira. ¹³ Nabaai sasare pibulyi yadi'sangti. Sahinengti maa'na widaasi anga yuyangi yamaryadivi'na aangaa'na yibainyina yadi'sangti. Nabaai a'mwe maa'na widengina mi'. Aawa. Pwaraavire yagaalya kadika wi'nadivti yaasiwa' widamarya yadi'vi' pwaraavire wawinyanna yaasiwa'na ji'wiryadivti yagaala madipine widadivisangti. ¹⁴ Sarevdaa'nyi gitihwija' nayaa kadika

dinyu'nana! A'mwe miginya kwala ayahi maa'napi kaimiraaya maa'divi' kunnya angengi mwaaidivisamilikaav i nayaa maremwaabi'dengira. Nabaai sara kyapijt yikamaanga kwai tinna nenganojt nemire kayaa'nanyabwina biraifyagaala mujt neyade'nanyi. ¹⁵ Sare' dare'nesi. Yaanyiwaaka pin Kiraazitayar mena mamidinyeva Saataanimti mididivisa'na sara gitihewe'nanyi.

¹⁶ Nabaai a'mwe Naangeri limwade piri' kirivire angevi mwaaidivita yaanyiwaakengi gamire jilikaimiraayaj kwallaangere jilikaimiraayaj sangiwigaimwagana! "Naangere kusilaanyaviyara yaanyiwaaka yune gave mwaabi'za samilikaav i yiniga wi'na maremwaabi'ka!" dozi maremwaaladesi. Y kusilaanyaviyara yaasiwa'na namaremwaibi'hi!

Naangereraavi maremwaalya'neraavina dinikebwinesi.

¹⁷ Naangereraavine a'mwe naangera wawinya nawi'nya'na maremwaaidapiyaraavire yaya makidivi' niggia tewaanya'na duzaayila! Sahwara maarya'nera Gotiyare yagaalya' yagiyagi nayaa widadivi' yagiyagi nayaa wijiwaakadivisaraavina naanga duzaayila!

¹⁸ Sare' dare'nesi. Gotiyare bukuya' dara dini' "Bulimakaawoyai witiya livilainadaaya'neri maangevi majibwiyinners! (Sai nana!)" Nabaai dara dini' "Gimire aawawi'nya yakei gannya niggia wirivikirya'nei yiniga wi'na maarana!" (Sara dinike'na sabaaibi' a'mwe naangeraavire yaya makidaapijt niggia maapi'ka!)

¹⁹ Nabaai a'mwe gave pwai widina "Nimire naanga dazai kayaa'na yi'wakelyi." Gavei widina yajare yagaala daza' mu'ninners! Pwaraai daraai dala kwara kagizalikurakapijt yagaala daza' kadika du'nadeiginyra. ²⁰ A'mwe naanga pwara kayaa'nanyabwi kuna kyapijt yuyaraayaba maanga duthatheiginyi. "A'mwe naanga pwaraji kayaa'nanyabwina lika yipika!" da'gizi ku'maaya maanga sara duthatheiginyi. ²¹ Gotiyalyi Kiraazitiyai Jizaazalyi Gotiyare mamaayara ejeliyaraav i dahilakinikeraj saraayaba diraginna gitihima! Yagaala dazangi nayaa pada'galamaremwaala jitheiginyi. "Simunyav a'mwe naangerina yarai madiwina! 'Nebulyasi. Sai kayaa'nanya' yi'wakelyi.' Nabaai yarai madiwina! 'Aawa, sai kayaa'nanya' mi yaja'na,' " da'gizi pada'galamaremwaaina ja! Aaya kaavilya' biramaa'na ya'gizi nayaa jawibwaka! Aane pwai kwari maanga yarai widadi aane pwai kwari wabwiwayagaala yarai widadinyabwina minna! Yuyaraav i nayaa avaaina jawibwaka!

²² A'mwe pwai kwari maara'gizi "Naangereraavina maremwaaladela!" da'gizi yarai madahilakinnna! Yime'nya'b'i ata madathiwadiinna! Sara yijaig sahwai kayaa'nanyabwi kyojt taanga nagingradika! Pwarebwina nayaa ywa'dinneig ati dakideiginyi. Sara yadi yida'maraangeigi kuna dimwaaideiginyi. ²³ Gimire munyiki daanga gi'manike' ayabaaibi' aalya gavesi maninna! Aawa. Waainya maalikemilisi dinana! Sara kya'gizi gaimwanga gyathe' nalaaya yuyagaa' gima'nade gitmarasi'nadesi. ²⁴ A'mwe naangeraav i wimwaaiphy'a'ne yagaala gitihewe'na gitihima! A'mwe pwaraavire kayaa'nanya ku'maayaba wa'dengi. Sara kayaa'na yadivi' yime'nya'b'i maryawibwa'daanyangi. Pwara kumire kayaa'nanya lika yulya'dengi. Sareraavire kayaa'nanya dividaa'nyi ku'maayaba yima'naabathengi. Sare'na nayaa jitwa'deiginyi. ²⁵ Kayaa'nanya sara yivanigatabaaibi' pwara tewaanya yivanigasare. Pwaraavire tewaanya ku'maayaba wa'dengi. Tewaanna sara yadivi' yime'nya'b'i yawirangadaanyangi. Pwara kumire tewaanya lika yulya'dengi. Sareraavire tewaanya dividaa'nyi ku'maayaba yima'naabathengi.

1 Yaasiwa'wawinya yadivisara nigwia mamaarya'nera pwaraavire wawinya yaasiwa'na yadivisaraavina. Sahwara Naangeri limwadivita yuyara dara yawipi'ka! "Nimire maremwaalyai sai a'mwe naangelyi. Sare'na gaminne yaya' makilima!" Sara myawi'ri yipijaraavi pwara tinna wanganna yadiv'i dara nyawi'pidika! "Gotiyar i limwadivisabwi 'Yaasiwa'wawinya sana sana yipika!' maja'na daaka! Kumire Gotiyai kayaa'nanyalyi. Gotiyarebwina yaasiwa'wawinya sara witiwaakivanike' daaka!" Sara nyawi'pidika! **2** Yaasiwa'wawinya pwara kumire maremwaalyara Naangeri limwadivisara mwaaihasa'na yaasiwa'wawinya sara nyawi'pidika! "Sai neya'mwelyira. Sarevidaa'nyi sahwar galazekivalideinyi. Malimwagyaderi midimujavaaib' sara mi yideinyi." Sara nyawi'pi'ka! Aawa. Sahwara nayaa dara yawipi'ka! "Nyimaremwaaidi Naangeri limwadelyi. Sarerina tewaanya nyima'nivanika. Nabaai sahwarina widaayivanige'na gilyivita tewaanya maarade'nanyi. Sa' tewaanyasi." Simunya sasarebwi nayaa yawrapiji' wawinya nebulyabwi yipika!

Pwaraavineji pimili'kaavineji yuyanginebwi yipi'de'na yuyagaal a'mweraavi duziwaakya! Yi nabaai sara yipi'de'na dihaabwata jitheiginyi.

Kwaasiyagaala witiwaakya'nera sidu'maayaraavinesi.

3 Kwaasiya ge sabwina witiwaakajai pwai kwai si'du'maayalyi. Sasarei nemire Naangei Jizaazai Kiraazit'iare yagaala maamidarya nemwaaihannej Gotiyare sabwine witiwaakya tewaanyasi daza mujwaakyadelyi. **4** Sahwai "A'mwe tewaanyainyi niminyira," dadei gannya yaya' makinadelyi. Gotiyarebwina waryaabaaasalyi. Sabwine aane piri' kiri' si'du'maayalyi. Aawa. Simunyav nabalinakelyi. Sai yagaala ge ge yaasiwa'na maanga widaada maihuri'nyi yagaala javwinaj nawi'nyina wivu'nadelyi. Sare'na simunyav nabalinakelyi. Yagaala sasarebwi da'darebwi yima'nadengi. Tiganarya yina, pwaraavina munyi' kayaa'na yina, maanga dinynina, biraifyagaala dina, kwaasi yawi'na "Sai kayaa'na yi'wakelyi," **5** yuyagaal yaasiwa' maiyagaala bathiwina. Sasarebwi yima'nadengi. Kwaasiya witiwaakadivita sahwaraavire simunya kayaa'nanya yima'nakera yagaala nebulya' limwagesa' yipalamaa'nikere. Sahwara kwaasi yawi'na "Gotiyare sabwi midinaajaina gilyivita maarya'nebulyi."

6 Nebulyasi. A'mwei Gotiyare sabwi midinajai tewaanaanga kininnakelyi. Gotiyarebwki kininnakelyi. Gannya kuryai yawi'na "Naangerina yuya maa'mweinyi. Ni'mi yiniga wikira." **7** Sare' dare'nesi. Nenaange kanemaa'ni' sagaa' gilyivita aane piri' kiri' mamakabyo. Nabaai divi Kwaakevaki yagalya'mavawaaji daza-gaa' gilyivita aane piri' kiri' makwawaadeina mi'. Sarevidaa'nyi gilyivisanna yawiribainyina myaanner! **8** Aawa. Nem wapaayaj baazi'ma'nyaj ki'nnakeneina dara daana! Sa ni'minyi yiniga nyadengira. **9** Pwara gilyivita kwalaalya maarya'na yawi'divisare. Sahwara yikuriyaawia wapetirinya' mwagi'namaa'da naanyav i'vapadevaabi' gilyivisa maarya'nebwi mwagi'namaa'da kayaa'nanya kwalaalya navi'navika galawiada kayaa'nanyabwi munyikidaa'nyi yidikaavaderera. Aalya' mihaasadevaabi' sasarebwi sahwaraavi kayaaka kigaloji yuna yi'wipi'derera. **10** Sare' dare'nesi. Ni'gwianna tewaanya wivu'nya sabwi yuya kayaa'nanya saburine kaavilyavinyira. Pwara ni'gwianna tewaanna wivu'nadera sasare sabwi wimwagi'nadaa'nyi Naangeri limwangebwi yagalya'ma'div'i kumire simunyangi yuneba daanga naanga yibwakidivisare.

Timoti yuyagaal ne mwaalyabwi diraginna limwange'na dinike'nesi.

11 Kiri' gimi Gotiyare a'mweig yuya dazangi'na bule'na wijaava'gizi likaanya jenada'makwona! Sara ya'giz' yida'maraangebwina mijamakuna ja! Nabaai Gotiyare sabulyi Naangeri limwangebulyi kale yabulyi taanginya gyadaa'nyi diraginna

kuna daayabulyi kwaamu'nanyabulyi sabwina mijamakuna ja! ¹² Naangeri limwangebwine mala tewaanya' diraginna tamarivaatawakina ja! Yuyagaa' yuyagaa'ne gaalyabwi maarya'neiginyi Gotiyai jaka gizivwaramaarakebuliyi. Sinnawia'mwe kwalaalya yawiranganyaraayaba "Naangeri limwamweinyi. Gamire yuyagaa' yuyagaa'ne gaalyabwi maa'mweinyi," naya jalikurakaginyabulyi. Sarevidaa'nyi sasarebwi kuna naya dilimwagaka!

¹³ Diraginna gitima! Gotiyai yuyangine gaalyaburi aaya kaavilyaryabaj Kiraazitiyai Jizaazai kotiyagaa' Podyaazai Paailatmyaba gaminyina tewaanna jalikurakinakeryabaj diraginna gitima! ¹⁴ Gotiyare yagaalyavi yunebanna naya maremwaaidi daza' naya dimidina! Galazekivaidzaigi girikitina'nanyaiginiyma'nidika! Naya yija' a'mwera yagaala savina kayaakyagaala dipi'dera mika. Naya dara maremwaaida'gizi yunegaa' ku'maayaba nemire Naangei Jizaazai Kiraazitiyai yima'naabathehaananyi. ¹⁵ Sagaa'ne Gotiyai mena dahilakake dazahigaa' Kiraazitiyar ku'maayaba marima'naabathelyi. Gotiyai sahwai yilaaya ya'ne aaya kaavilyalyi. Yuya diraginya kininnakei gave sahwalyi. Kingiyaraavine Kingiyalyi. Naangeraavine Naangelyi. ¹⁶ Mabalyi ya'ne aaya kaavilyai gavelyi. Sahwai baaka naangeba mwaali!. Baaka sayaba nemi aya kiba mwiyi yaannesi. Sahwari wangadei a'mwe aane pwai kwai mi!. Sahwari wanganadei a'mwe aane pwai kwai mi!. Sahwari na yilaaya wiaana! Gamire yaya' munyaba makilaana! "Yuyagaa' yuyagaa'ne diraginya' kininnakelyi," widaana! Naanga nebulyasi.

A'mwe gilyivita naangejiyaraavinesi.

¹⁷ Kwaaka davakiya gilyivita naangejiyaraav diraginna dara duthana! "Nimi naangeinyira. Sidu'nakeinyira, nyawi'dika! Pihadika nyidika! Gilyivita kayaaka yime'nya'b'i yima'nade yuya sanna gimirre simunyavi diraginna nyawira'nidika! Aawa. Gotiyarina naya diraginna dilimwana! Gam sai gilyivita kwalaalya nawi'nya neminyine wabahilaaka'na naanga nejaavadelyi. ¹⁸ Nabaai tewaanna ja! Yuya tewaanya yinna naanga kininnakeigdilimwaala! Yanga yarai duzaama! Gilyivisa wapaaya jaapaidi duhaimwana!" Sara duthana! ¹⁹ Nabaai sara yipi'ja!, Gotiyarina gilyivita kwalaalya mari'bwarakipi'dere. Sa aaya kaavilya'wigaimwagathesi. "Gaala nebulyabwi yiniga ma'daa nawi'nyaba tewaanya mwalaana!" dapiji sarennna mari'bwarakipi'dera.

Timoti wawinya'na naya maremwaalya'nesi.

²⁰ Timotigi Gotiyare yagaalya' maremwaaidinnevina dameigt dithaaka! Yagaala yaasiwakengi bule'na duzaama! Yagaala sa Gotiyarebwine mi!. Nabaai yagaalya kwaasi dara dadiviki "Simunya yawisa'nesi." Sasare yagaala daza Gotiyare yagaalyavine'na yikamaangengi. ²¹ A'mwe pwara yagaala yaasiwakengina kwaasi din "Nemi sidu'nakeinera." Sara yadivi' Naangeri limwanga nebulyavina menyaba sikwa yimwamwaasarera. Naangeri limwangebwii yagalya'ma'mwaasarera.

Gotiyare yanga naange' wigaimwangebwii sarimiji yihye'mwannamwaalana!

Poli

2 Timoti Timotirina Poli Pi karinyikwia Ayawidaasi Yidavakesi.

1 Timoti,

Polinyi pikarya da' yida'manigeinyi. Gotiyai gannya simunyavi Kiraazitiyai Jizaazare Nyidaasadeinyi yima'nya'neinyina yawiraka nyidahilakakeinyi. Nabaai Gotiyai yune naanga nebulya'na widake'na a'mwera Kiraazitiyai Jizaazarit wlamwaaibiza' yune gaalyabwi widaaya'nei Apozeliyainyi nyidahilakakeinyi. **2** Yt sareinyi Timotiginyi gimininyina nyivu'nadeigti nimire kaimraayaiginyi githawasiwaabeiginyi. Gotiyai Nenimaangelyi Kiraazitiyai Jizaazai nemire Naangelyi yanga gaimwange'na gika! Kale'na gaimwange'na gika! Kwaamu'nanyabwi tewaanya gwakika!

"Su! Su!" widaka yagaala tewaanyavina simunyavi yivaimwagake'nesi.

3 Gimti Kiraazitiyai Jizaazarit nayaa nebulya'na limwaga'dinyavina nimti Gotiyari "Su! Su!" widadinyainyi. Sahwarit nimire Ne sinnawinyara yilaaya yamaryaatabaaibi' nimti kwainyi yilaaya yamaryadinyainyi. Nimire simunyai padaihirakyari yibwaki'manige. Nimti Gotiyarina yivanige dazabwi nebwina yida'maraangebwi midaaka! Nabaai nimire Naangeri yidaangadinyaagaa' sawisaviji yirikegaasi yuyagaa' gimininyina yawi'di Gotiyari "Su!" widadinyainyi.

4 Nimti gimininyi yagalya'mavegaa' gimirre tinnyari kidalaalyai gwalaabake'na yawi'dinyavina "Nimti yilaaya yune nebwina yima!" dadit gimininyi tinna wanganya'na tewaanya nyivu'nadeinyi. **5** Nimti ayina gyawi'manige. Gimire diraginna limwagasa' nebwina limwaga'dinyi. Diraginna limwagata sasare sabwi aayagaa' gimirre Ne jakaanga Loyiziyavti gimirre gwaanga Yuniziya' kirivij warakabaaibisasi. Nabaai nimti nebwina yawi'manige. Diraginna limwagata dazabwi gimi kwaiginyi gwarikesi.

6 Sare'na nimti "Gimire simunya' dihaab'bwari'ma!" dadit yivanige. Yt Gotiyare yanga daza' sihumale' gwarike'na jawi'de'nanyi. Kigaa' nimti gimirre minyagi'nyavi asiraai kilagwake Gotiyari yanga daza' maaragi'nyaiginyi. Daha'a' gimi a'mwei dike' pwa'nyi ya'daa'nyi naanga yidamakidevaabi' Gotiyare wawinya ya'neigti ginya yanga daza' naanga giry'a'ne' yawiradi'kaa'na ja! **7** Sare' darevinyi. Gotiyai gamire Kurya Tewaanyari yanga nejaavakelyi. Kurya sai neminyi lika ya'neinaavi nemwaaihadei mi'. Aawa. Sai diraginya mwaalya'neinaavi, nevu'nya'neinaavi, simunyaa nayaa pada'galayawi'daa maremwaainya'neinaavi nemwaaihadelyi.

8 Sarevdaa'nyi nemire Naangerina jalikurakya'na gimi wagila magivwa'nanneria! Nabaai niminyinaj sahwarina kalavuzangevi nyirakesainyina wagila magivwa'nanneria! Aawa. Gimti Gotiyare diraginya' maara'giziya'na yagaala tewaanya' wiggaimwagya'neigti nimijti taanga dinye'mwannamaaka! **9** Gotiyai sai mena nevadaihasamaarakaei nemti tewaanyaina yima'nya'neinaavi jaka mena nejivwaramaarakeleyi. Yt nemti tewaanya yagongina myawiryada jaka sara nejivwaramaarakena mi'. Aawa. Yune gamire yawisavidaa'nyi neminyi yanga gaimwange'na neyada neminyi jaka sara nejivwaramaarakeleyi. Sinnawti kigaakuna, Gotiyai Kwaakeva' mwakyaakegaa' Kiraazitiyai Jizaazarina yanga gaimwanga daza' neminyina nejaaya'neinaavi nedahilakyaakelyi. **10** Dazagaa' dahilakake' kirii' dathahaasagaa' nemire nevadaihasamaa'dei Kiraazitiyai Jizaazai walaabakevi yanga daza' ku'maayaba mena yima'nawaabi'. Yt sarevina piri' daresi. Kiraazitiyai Jizaazai balya'ne diraginya' wavila'nikelyi. Yt piri' daresi. Yagaala tewaanyavi gaalyabwi kayaaka minyi ya'ne' marima'naabakelyi. Yt Kiraazitiyai Jizaazai sara

yoimavakesi. ¹¹ Yagaala tewaanya dazavina wawinyaivi nimi wiijiwakamarya'neinyi mwaaidi Apozeliyainyi wiijiwirayainyi nyidaasa'neinyi nyakakeinyi. ¹² Sare'na nabaai taanginya daza' a'mwera nyijaavadivisainyi. Kiri' nimi dazavina wagila nyivwa'nadeinyi mi!. Sare' darevnyi. Nimi diraginna limwaga'dinya dazarina mena yawi'dinyainyi. Nabaai yagaala tewaanya nimire asiri nyakaka dazavi sai dame yiniga wi'na daavannei midaaka! Yt nebwinara yawi'dinyainyi. Yt nabaai daza' yuyagaa' naya waribainada yune Yirika naanga yima'naabatthe sagaa'na. Waribainadesi.

¹³ Timoti, yagaala tewaanya maamidarya' nimire maangik kadika nyu'nagiya yi sa a'mweraav avaaina wiijaakya'ne kuna dilimwagaka! Yt gimi Kiraazitiyai Jizaazar naya diraginna limwadi Gotiyarnaj a'mweraav naji giyu'nada nabaai sasare sabwi yagaala sangi diraginna dilimwagaka! ¹⁴ Gotiyai yagaala daza' gimirre asiri gwakake' dameigti naya dithaaka! Nabaai Kurya Tewaanyai neminyi wilanemwaalikei wawinya dazavina yiniga wi'na ghaimwagathelyi.

¹⁵ Dare' mena yawi'manigi. A'mwe limwadivita yuya Piroviji Ezya mwaalyara sahwarajiya Pizelaazaly Emozenizalyi saraai kwaraalyi kalavuzainyina mena nyagalya'mavesainyi. ¹⁶ Kiri' pigasa Woneziporaazai nimire kuryari nyivaimwadelyi. Nabaai sai nimire kalavuzangevi mwaaidinya sa'na wagila wivwa'nadei mi!. Yt sare'na Naangei Woneziporaazariji gamire angevityaraavij kale'na gaimwanga wiana! A'mwe sahwai niminyina wagila wivwa'nadei mi!. ¹⁷ Aawa. Sai Anga Romi davanna bi'ma'na yaka biramasa'na yagiyyagi bi'da dividaa'nyina nyibiramaarakelyi. ¹⁸ Yirika naangegaa'na sahwai Naangeri kale'na gaimwange' biramhaarana! Nabaai Anga Epazaazi sahwai kwalaalyanna nyidaayada nyigaimwagake daza' gimi saigt naya mena yawi'maniginyarinerera.

2

¹ Sarevidaan'nyi, nimire kaimraayaigi, gimi saiginyi Kiraazitiyai Jizaazai yanga gaimwanga gyakevi Gotiyai diraginya givaimwagatheiginyi. Diraginya sa' di'maaka! ² Nabaai yagaala gimi kadika wi'nadinya sa a'mwe jalikurakya'ne kwalaalyaraayaba nimi wiijiwakadaari yi daza a'mwe pwara naya maremwaabi'deraavt naya jawirawijaama! Yt sahwara diraginna limwaga'divsara divi a'mwe pwaraavij naya wiijiwiripinerera.

³ Kiraazitiyai Jizaazare aawilata tewaanyaig kwaamu' mwaala'gizi taanginya nemi aawilata pwainaavt ma'daanyabaaibit wawinya yija dazavina taanginya dinye'mwannamaaka! ⁴ Sare' daresi. Aawilata aane pwai kwai wawinya dala nabinabinya piniji limwagathei mi!. Sai "Aawilasaraavt maremwaalyari niminyi nyidahilakakeri nimire wawinya yiwijanna tewaanya wigalima!" dozi yune aawilasaraavire tewaanya sabwina limwagaradelyi. ⁵ Nabaai ke'ba'nanya piri' daresi. A'mwei gavamarasi'nyi yada dazabwina kiwinya dinike' mami'dinyi yaja' yi sai gamidaasi wavlavajare' mamaari yadelyi. Aawa. Kiwinya dinike' naya midinajai yi sai maaradelyi. ⁶ Nabaai ke'ba'nanya aaya' daresi. A'mwei wawinya yagiyyagi yada wia buridehaa' maremwaalajai wawinya yaja sangi aayagaa' gamidaasi tika munne yabwaryagaa' sinnawi maarana! ⁷ Nimi yagaala diwe dazavina gimi simunya' naya jawika! Sare' darevnyi. Naangei gimirre yawisavt giwiryadelyira. Sarevi nabaai gimi yagaala yuyangiyi aaya kaavilya' jawirangadeiginyira.

⁸ Jizaazai Kiraazitiyarin siumunya naya jawika! Sai balakeri yidikaavakerina, sare sai Kingiya Devitmirre yisavaakidaasarina nimi yagaala tewaanya' dadinyarinera. Naya yawi'di diraginna kuna dithaaka! ⁹ Nimi yagaala tewaanya daza' wiijiwaake'na yune dazahirivina a'mwera kayaa'nanyabwi yaderina taanginya

wijaavadivitabaaibi' taanginya dala pиннna pинnnanya nyijaavadivisare. Yo, kalavuza kирiviji wila nyirakesare. Kiri' Gotiyare yagaalya' kalavuza yи'narade' mi'ka! Sa' yuneba kaanya kuna yamaryadesi. ¹⁰ Sareviдаa'nyi nимire simunyabwi diraginya yivaimwannadi taanginya yuya daza maa'manigeinyi. "Gotiyai yune gamинne dahilakinikeraavina gaimwagima!" dadи yivanige. Ni'mi yawi'di "Kiraazitiyai Jizaazai yuna wivadaihasamaata sa' gannya gaalyabwi sahwara kwarajи maapika! Sara yipijara yuyagaa' yuyagaa'ne byaanna diraginya nawi'nyavi mwaabibika!" yawi'di diraginna daa'manige. ¹¹ Nabaai diraginna dithaaka! Sare' darevinyi. Yagaala datha' diraginna nebwina limwaga'daanya'nanyi. Yи dara din'i "Nemи gamijи ye'mwannabaloina mwalaaja'

Nabaai sahwalyi gaala ye'mwannamwalaadeinera.

¹² Taanginya yuya sabwi maarya'na

Nemи diraginna mwaaihoina mwalaaja'

Nabaai sahwalyi kingiya ye'mwannemwalaadeinera.

Kiri' 'Gamtreina mi!', daatheina mwalaaja'

Nabaai neminyina 'Ni'mirera mi!', dathelyira.

¹³ Gaminyi diraginna kuna malimwagaryaaaja'

Sahwai gannya yagaalya limwaga'dei mwaaladelyi.

Darevinyi. Gami sarine ayina yawiradannei mi'."

Gotiyare wawinya yaderina Gotiyai "Tewaanyalyira," dake'nesi.

¹⁴ Yuyagaa' gимire a'mweraavire simunyangina yagaala dazangi yidikavimwaaihya ja! Gotiyare tinnyari yagaala dala pininna pininnanyanna mala jihurayi'nya nyipidi'de'na yagaala diraginna dizalikurakideiginyi. Sasare sabwi a'mwe aane pwai kwarj иniga wi'na gaimwagathe' mi'. A'mwera yagaala sasarengi kadika wi'nipijaraav i simunyangi yuna kayaaka yigalakina yadesi. ¹⁵ "Wawinya widaayadinya nebulyainyi Gotiyarinna wijaavini'ma!" yawi'di diraginna naya ja! Sara kya'gizi Gotiyai gимire wawinya yijaiginyina tewaanya wivu'nadelyi. Sarevi yagaala nebulya'naya yida'nanya'na duziwaakya! Sareviдаa'nyi "Gotiyaryaba wagila mamaari yivanigeinyira. Sabwina yilaaya nyadelyira," jawi'deiginyi.

¹⁶ Yagaala waramarina yanee dala pininnanyaji madinna! Gotiyarebwi maayanna madinna! Sare' darevinyi. Yagaala sasare sa Gotiyari bule'na wijaaya'ne tuta sariki a'mwera sara dadivisaraav kuna makwodengi. ¹⁷ Sarevi nabaai kumire yagaalya wa'waaya bwia bu'de tika da'de kilaakeji' kayaaka yigaide sabisang. Sara yada naanga yima'nadengi. Sara kayaa'na dadivita yita savaakidaasaraai yi Aaimenaayazalyi Paailitazalyi saraalyira. ¹⁸ Sahwaraai sikwa yirawakiwaai. Yagaala nebulyavi yiwetawakya yawaalyaraalyi. Saraai kwaasi dara dadisaraalyi "Gotiyai bainikeinaav kuryaraav mena neyidikaa'mwakesi. Divi kilaaka mudikejis madikaayi yaadeinera." Yagaala sasare dazav a'mwe pwaraavire yawita Kiraazitiyarinevi kayaaka yigaimanigilyaraalyi. ¹⁹ Sare' kiri' Gotiyai simya diraginya naangeri mena widaakkabaaibi' gamire a'mweraav vivaimwadelyi. Sara widaakkake diraginna daav'i. Simya dazar yavikwajike'b'i pikarya' dara dinkesi. Naangei gannya yune a'mweraav naya yawirangamanikelyi. Nabaai pikarya piri' daresi. A'mwe yuya gazarazara "Naangerineinyi," dadivisara kayaa'nanyabwi yida'maraanga mya sabwina bule'na wijaavipika!

²⁰ Anga naangevi maa'gula pin goliyaji silivaayaji wana nawi'nya yavikarinike kininnake gave daaka! Aawa. Pin yisangti yavikaryadivisajti pin kwaakengi yavikaryadivisajti warikengi. Yи pin wawinya nawi'nya ya'ne, pin wawinya waryaanya dala nabinabinya ya'ne. ²¹ Sareviдаa'nyi a'mwe pwai gami saris sasare kayaa'nanya sabwi duimwagasti'nojti nawi'nya gir'maayai mwaalajai wawinya

nawī'nya ya'nei mwaaladelyi. Nabaai sai gamire Naangeri yiniga wi'na gaimwagannelyi. Yuya wawinya tewaanya sanna yavutavemwaala yannelyi. ²² Sare'na gimi yuya kayaa'nanya yawita sabwi miginyaaraavire simunyangi yima'nade diraginya sabwina likaanya jenadakwona! Sara yadi yida'maraangebuliyi diraginna limwangebuliyi pwaraavina giyu'nyabulyi kwaamu'nanyabulyi dimijamakwona! A'mwera simunya yida'maraangebwi kininnakera Naangeri jaka widadivisaraj sabwi dimijamakwona!

²³ Yaasiwaka yagaala dala pininna pininnanya a'mwe navivnavika simunya muwarikeraji gavamarasi'nyiyagaalyangina "Aala!" dithana! Gim mena yawi'manig. Sasare yagaala sa' malyabwi marima'naabadesi. ²⁴ Kiri' Naangere yaasiwa'wawinyai mala tamamarya'nei mi!. Aawa. Sai a'mwe yuyaraavi bwiwanna mwaalana! Sai wijiwaakya'nei nawi'nyai mwaalana! Sinnatika daya sabwi myada a'mwera gaminyi kayaa'na wigaidaapi baihana'na wiana! ²⁵ Yi sai kwaamu'nanyabwi nayaa yada a'mwe yagaala galazekivaidivisaraavire simunyangi yavada'galana! Sai sasara yaja' Gotiyai sahwaraavir simunya mudikebwi yawiramaasabwi wijaavadera dingaka? Yi sara yapiji yagaala nebulya' nayaa yawirangabi'derera. ²⁶ Sinnawi Kayaa'nanyare naanyavir gamire yagaalya' midinya'neraavi wila yirakakere. Nabaai gimi kave wijiwaakya'ne sahwara yagaala nebulya' yawirangabi'za' naanyavir yagalya'mapi'devaabitumire simunyai ayina nayaa yawipi'dere.

3

Yiri'ka aaya'negaa' kayaa'nanya kwalaalyabura yima'naabathe'nesi.

¹ Kiri' gimi nayaa dara jawika! Yiri'ka aaya'nerikaavir taanginya kwalaalya kayaa'nanya yima'nadengi. ² Sare' darevinyi. Sagaa' a'mwera yune kumi saraavina wivu'nadere. Ngwianna tewaanya wivu'nadere. Yune kuminine yayanna makidivisare. Pihadika yadivisara yaasiwa' yamarina, Gotiyarinajibiraiyagaala widina. Kuvinimaangeyuraavire yagaalya galazekivaina. "Su! Su!" mujadivisara. Yuya tewaanya nawi'nyabwi maayara. ³ Kumire avaitaweraavina nayaa muvu'nyadera. Mayagaala javvi makwasakipi'dera mi!. Pwaraavir kwaasi diraginna jida'divitara. Kwaamu'nanyabwi maayara simunyabwi nayaa mamaremwaainyadivitara. A'mweraavir yaasiwa' kayaaka yigalamarina. Tewaanya yuya saburina simili'ka wimwaaidera. ⁴ Kumire kwiya'mwera yikamaangeraavire asir marimwangina. Kumire simunya yuya kayaa'nanya sabwi yime'nya'b'i midinna. Pihadikebwi yadivir "Nem a'mwe naangeine," yawi'na. Gotiyarinna "Aala!" dadivir muvu'nyaderera. Aawa. Wabahilaakeburina wivu'nadera. ⁵ Gotiyari kwaasi yune kilaakejikina mididivir kiri' Gotiyare saburiya diraginya sabwina bule'na wijaavadivir. A'mwe sasare saraavir yagalya'ma'na ja! ⁶ Sare' darevinyi. A'mwe sasare saraavidaa'nya pwara "A'mwe sangi kwaasi kave wabwiwayagaala widaana!" dadivir simunya nawi'nya myawiriyadivita sangire angengi kave widivi' kumire simunya wila galyirakidivisangi. A'mwe sasare kayaa'nanya yingakinike kininnake kumire simunyavir taanginya wa'demilike. Kayaa'nanya dala pininnanyanna mwagi'namarya'na kumire simunya dikaa'demilike. ⁷ A'mwe daza yuyagaa' yagaalya maa'divita kiniki' kiri' yagaala nebulya' yawirangadivita mika. Yi sahiningerire angengi bwidivi' kayaa'na wijiwaakadivisare. ⁸ Kigaa' Jaanizalyi Jaabirizalyi saraai Ne Mozizarina yikamaanga yima'nagila yelyabaaibi' a'mwe dazara kwaasi divanigasara yagaala nebulyavir yikamaange' yivaniga'. Kumire simunyabwi Saataani simunya kayaa'nanyari mena wakakera kayaa'na yawi'divisara. Sarevi sahwaraavina Kiraazitiyari limwangebuliyi kwaasiyabwi yima'nakesi. Gotiyai sahwaraavina yaamiji yidakwasanganaka gamire bule'na wijaavina. "Aala!" dina. ⁹ Kiri' kumire dazabwi naanga yima'nadevwi mi!. Sare' darevinyi. Sinnawi kigaa'

a'mwera Jaanızalyi Jaabırızalyi saraare navı'navıkebwi tınna wanganyaatabaaib'i a'mwe yuyara kumıre navı'navıka sabwi tınna nayaa wangabi'dere.

Gotiyare yagaalya' nayaa pada'galalımwangebwinesi.

10 Kırı' gımı saigı nımiji nye'mwannayamaryadı gımı nımirebwi mena yawırangadınyaigınyı. Yı nımire wıjıwıryabulyı, nımire mwaalyabulyı, nımire yuya saburi aaya kaavılyajı, Gotiyarı dıragınna lımwagasabulyı, kwaamu'nanyabulyı, a'mweraavına wıvu'nyabulyı, taanginya maa'dı dıragınna mwaalyabulyı. Yuya sa nyawırangadınyaigınyı. **11** Kayaa'nanya yuya sa a'mwera nyadaapi nabaai yuya daanga sa maa'dınyainyi Anga Aadiyokıji Anga Aaikonıyamıji Anga Lızıtırıajı mena nyawıranganagınyaigınyı. Yı kayaa'nanyajı daangejı sa nyıjavadaapi dıragınna daa'dı maa'dınyainyi. Nabaai sara kayaa'na nyadaapi Naangei taanginya yuya dazangi nyıvadaihasamaarakeinyı. **12** Yo, a'mwe yuyara Kıraazıtıyai Jizaazarı wılamwaaidıvısa'na "Gotiyarebwi mıdınaana!" dapi yıpijaraavi yıkamaangera kayaa'na wigaibi'dere. **13** A'mwe kayaa'nanyarajı kwaasıyarajı kumırebwi kayaa'nanya naanga yıma'nadesi. A'mweraavı kwaasıybwinı kwaası wıjıwaakıpi'dere. Nabaai sahwaraavı kumi kwaraavı Saataani Kayaa'nanyai kwaasıybwinı wıjıwaakadelyı. **14** Kırı' gımı saigı maaragińya yagaala dazası mena lımwagahınya dazası nayaa kuna dılımwagaka! Nemı a'mwe yagaala dazavına gızıwakadaanyainaavına nemire tewaanyabulyıyainaavına nayaa neyawırangadınya'na dıragınna kuna dılımwagaka! **15** Nabaai datha' kırısı yawırangadınyaigınyı. Sinnawi gımı kaimıraaya maalıkeigı kuna mwaalagına Bukuya Tewaanyavı sımunya gaai yawıramaaragınyaigınyı. Bukuya dazi sımunya tewaanya' yıníga wi'na gızaavannılıyı. Sara kagyozı Gotıyayı gıvadaihasamaarya'neigı Kıraazıtıyai Jizaazarı lımwadınnıeigınyı. **16** Gotiyare Kuryai Bukuyavıya yagaala yuya marima'naabakelyı. Nabaai yagaala daza' nemınyı sımunya wıjaaya'ne tewaanaangesi. Sara yada nemire kayaa'nanya yadaanya sabwina neyıbwarıdaakwada maanga nedade'nanyı. Nabaai nemire mwaalyaburi neyavada'gaide'nanyı. Sara neyada yıda'maraangebwina neywıryade'nanyı. **17** Sareviđaa'nyı a'mwe Gotiyarerı wımwaaihada dıragınya yunebanna yıníga wi'nanyarı. Sare'na wawınya yuya tewaanya sa ya'na yemwaala yıvanıkelyıra.

4

Gotiyare yagaalya nebwina wıjıwaakyabwinesi.

1 Kıraazıtıyai Jizaazai a'mwe yuyaraavı, gaala mwaaihasaraavıji bainıkeraavıji maryawıbwaradelyı. Yı sahwalyı Gotiyalyı saraaryaba yagaala dıragınna dara gızalıkurakıvanıge. Kıraazıtıyai Jizaazai a'mwe yuyaraavıre tınnıyarı yıma'naabozı Kingıya yuyagaa' yuyagaa' maremwaaladelyı. **2** Sareviđaa'nyı gımı dazahırı'na yawı'dı gamıre yagaalya' duzıwaakya! A'mwera yagaalya' kadıka wı'nya'na yılaaya yıpijahaası yılaaya mipıjahaası yuyagaa' yawıralımwagarya'neigı dıragınna ja! Kumıre yıwetawakya'na maanga duthana! Kumıre sımunyarı wıdıhaa'bwtıja ja! Gotiyarebwi mıdıbı'de'na kumıre sımunyavı yıvaimwagawımwaanihına ja! Sare'na ya'ne yuyagaa' gımı kwaamu'na yadı sahwaraavı nayaa jıwırideigınyı. **3** Sare' darevınyı. Dıvi sagaa' a'mwera yagaala maamıdarya mamaari yıpi'dere. Aawa. Yune kumıre yawıta kayaa'nanya saburına mıdıdıvı' kumıre wıjıwırya ya'ne kwalaalyaraavı maramadakıpi'dere. Sarevi wıjıwaakyara kumıre kadıikaavı sıka mwagi'nadıvı' yagaala pıñı kumınyı tewaanya wıvu'najanna maapı'dere. **4** Yı sare' pırı' daresi. Yagaala nebulya' kadıka wı'nya'nevına gınyıra'na yıpi'desi. Pırı' daresi. Yagaala yaasıwaka genna wajıngyagaala dala pıñınnıa kadıki' wakamaremwaabı'dere. **5** Kırı' gımı saigı yuyagaa' yuyangı sımunya nayaa

pada'gaina jawika! Naangerina taanginya dimaaka! A'mweraavi yagaala tewaanya' wijiwaakya'ne wawinya naya ja! A'mweraavi widaaya'na, gaimwange'na wawinya' kininnake'neiginyi. Wawinya daza' gimi naya yunebanna pada'gala ya ja! ⁶ Sare' darevinyi. A'mwera kwaraanyaba Gotyarine waainya dingadivitabaaib tamakya'neinyi nimire tawe' mena dimanade'nanyi. Nimiregaa' mena kibawa yiwawode'na yiwakegaaki. ⁷ Mala nawi'nyav Naangerina gaidaa'mweinyi. Naangerine wawinya'na gavamarasi'nyikaanya kaanyave'na mena naya wiweinyi. Dahaa' aayawinyavina mena yi'maveneinyi. Diraginna limwagasabwi mena diraginna limwamweinyi. ⁸ Nabaai dahaa' a'mwe gavamarasi'nyikaanya' wavila'divisaraavine tivikisa' yemwaala nyi' niminyina. Tivikita daza' dare'na. Yirika Naanga dazariki Naangei niminyi "Yida'maraangebwi yadiyaiginyira," nyidathesi. Naangei sahwai yawibwata'ne yida'maraangelyi. Yi naangegaa' tivikita daza' nyijaavadelyi. Nabaai kirri' niminyina gaveinyina nyijaavadeinyi mi'. Aawa. A'mwe gaminyi ku'maayabanna kima'naabozitinnna wanganya'na mena wivu'naderaavi yuya sahwaraavi widaavadeleyi.

Polimywinnna Timoti wiya'nesi.

⁹ Gim'i yime'nya'bii' ya'gizi maalikegaa' niminyawinnna yarai divadeiginyi. ¹⁰ Sare' darevinyi. Dimaazai dahaasa sabwina tewaanya wivu'nade', niminyi mena nyagalya'mavaka Anga Tezalonaaihana wiwakerina. Nabaai Kirezani Piroviji Galeziyana wiwa!. Taaitazai Piroviji Dalimeziyana wiwa!. ¹¹ Lukiyai gave sahwainanyai nimij nyel'mwannamwaali'. Gim'i Maakiyari maara'gizi dimakadelyira. Sare' dare'nesi. Sai nimire wawinyav i gaimwange'na tewaanya nyadelyi. Sare'na dimakadelyi. ¹² Nabaai Tikikaazar Anga Epazaazina mena maryasawa. Sarenna yarai divadeiginyi. ¹³ Gim'i "Wima!" da'gizi'yagaa' nimire yivita yirilyagaa'ne saaminya daza' dinyimaa'deiginyi. Yivita sa' anga Tirawaazi A'mwe Kaapazare angevi wakesi. Nabaai bukuya kiniji maara'gizi nabaai navika nyividide'na sipi'zipiyangire kilaakengi yavikarinkeji dinyimaa'deiginyi.

¹⁴ Alekizaadai, kwaari'mata biraaziya yavikaryadei, sai niminyi wana kayaa'na nyigalakelyi. Sara nyake sar dvi yiniga gami yake sabwina Naangei kayaa'nanya wirivikradelyi. ¹⁵ Nabaai gimi kwaig a'mwe dazarina naya mala jiwannadeiginyi. Sare' darevinyi. Dazahwai nemire yagaalya marulawakya neybainadelyi.

Yagaala pininnesi.

¹⁶ Aaya mudi'nanyagaa' kotiyav i yagaalya widadaari nimiji nyigaidaavaka nyigaimwagakei a'mwe pwai kwai mi'. Aawa. A'mwe yuyara yagalya'makuna nyesare. Sare'na nabaai nim Gotiyari ydaangadinyainyi "Kumire kayaa'nanya yivanigata sanna myawi'dinnera!" ¹⁷ Sare' kirri' Naangei niminyi yuyagaa' nyangada gamire diraginya' nyijaavakelyi. Sarevi "Nimi yagaala tewaanya yiniga wi'nanya' wijiwaakima! Sara wijiwakadaa'muri ajimya yuyangiyara yagaala sa' kadika wi'nipi'ka!" dena sara wide. Nabaai Gotiyai kavijilikere (laayonyare) maangevi nyurakasamaarakelyi. ¹⁸ Yuya kayaa'nanya sabura niminyina "Kayaaka yaana!" dadivt nyadaapi Naangei naya nyurakasamaaradelyi. Sare'na nabaai gamire maremwaaiide naangevi Sigunyavina nyimakwia'neinyi nyivadaihasamaaradelyi. Sahwarina "Byaannakelyi," dadaa gaminne yaya' yuyagaa' yuyagaa' nemi munya ke'ba makilaana! Naanga nebulyasi.

Pikarijkwiaiviya aaya yagaalya'nesi.

¹⁹ Niminyina Pirizilaviji Aakwilaamiji Woneziporaazare angeviyaraaviji duthana! "Pol yihithivan 'Nya'mweihi!' " ²⁰ Anga Koridi Eraztaazai kuna mwaali'. Nabaai Tiropimaazai nalaavinatekei mwaalakevi anga Maalitaazi saba kuna mwaalya'neri wimwaihena yagalya'mave. ²¹ Gim'i yime'nya'bii' ya'gizi divadeiginyi. Yihuta

kayaa'nanya p̄igaa'na nyemwaaidika! Yuvyulaazalyi Pyuthenizalyi Laainazalyi
K̄lothiyaasi neya'mwe yuya pwaraji ḡiminyi na "Neya'mweig!" gyas̄waabaa'.
²² Naangei ḡimire kuryalyi gye'mwannemwaalana! Gamire yanga gaimwange'
sarimijit yihye'mwannarana!

Polit

Taaitazai Taaitazarina Poli Pi kariyikwia' Yidavakesi.

¹ Taaitazai,

Poliñyipikarya da' yida'manigeinyi. Gotiyare yaasiwa'wawinyainyi, Jizaazai Kiraazitiyai Nyidaasadeinyi Apozeliyainyi mwaaihe. Gotiyai yune gaminne dahilakake a'mwera kwalaalyara Kiraazitiyari limwaga'neraavina nyimaryaaadeinyi. Nabaai Gotiyarebwi midibidivina yagaala nebulya' yawiramaarya'nevijnaji gaimwanga ya'neinyi nyimaryaaadeinyi. ² Yuyagaa' yuya-gaa'ne gaalyabwina sahwara yilaaya yadiv'i yemwaaibide'na wigmawadinyainyi. Sinnawi kigaakuna Gotiyai Kwaakeva' mwakyaakegaa' gaala daza' neminyi wiijaaya'na yune naanga nebulya'na mena wiijaakelyi. Sai kwaasiya dadei mi!. Sa' yanga nejaavadelyi. ³ Nabaai divi, dazagaa' gami sai dahilakajahaa' gaala dazavine yagaalya' ku'maayaba yima'naabakesi. Yi yagaala sa' a'mwera wiijaaka'y'a'neraavwidakesi. Sahwai neminyine padaihasamaasai Gotiyai kiwinya dakaka yagaala sa' limwagarawijawaaky'a'neinyi na nyijaavadelyi. ⁴ Taaitazaigt, gitminyi kagiiziwaake nim Naangeri limwagarebaibidi' gitmi limwagaragi. Sare' nimire kaimiraaya tewaanyaig yima'nagi. Yi sasareiginyi Gotiyai Nenimaangelyi Kiraazitiyai Jizaazai nemire nevadaihasamaa'delyi yanga gaimwange'na gyakilyi gitminyi kwaamu'nanyabwi tewaanya gwakika!

Ahu'manna Kiriti Taaitazare wawinyavinesi.

⁵ Ahu'manna Kiriti kuna mwaaidinyaiginyi gyahalya'maveiginyi "Wawinya pin ni nimi myengi ja! Nabaai anga gazabazaba Naangeri limwadivisaraav maremwaala'ne a'mwe naanga pwaraavt dakya!" dena sinnawi githevaabi' jitheiginyi. ⁶ Dara githe. A'mwe pwai a'mweraavtre tinnyari yiwetawakya pin myaderi wangana'gizi sai a'mwe yune gave piri'nanyari nabaai gamire kaimiraaya kimili'kaji Kiraazitiyari limwaga'divisamili'kaavi, kayaa'nanya sabwi ya'na yagaala pin maayamili'kaavi, kuvinimaangeyuraav galazekivala myadivisamili'kaavi, yi a'mwe sassare dazar maremwaala'neri dithahilakideiginyi. ⁷ Sare' darevinyi. Gotiyare wawinyavt maremwaala ya'ne mwaalikabaaibidi' Naangereraavt maremwaadei nayaayida'na yamaryadelyi. Sara yadaawori a'mwera yiwetawakya piri' kiri' mabiramaari yipi'delyi. Sarei mwaalana! Sai pihadi'ka mi yadelyi. Sai sinnatika yarai mudayi yadelyi. Sai biyaaya nada yimaka widei mi!. Sarei mwaalana! Sai a'mweraavt mala yaasiwa'na maramamaryadelyi. Sai nigwia gitlyivita kwalaalyanna tiganaarya myadelyi. ⁸ Aawa. Sai a'mwe anga pitbadaa'nyi angyiri'maakaanya bipijaraavt maa'da nayaaymaremwaaidelyi. Sai yuya tewaanya nawt'nya sabwina yada simunya yune nawt'nyaburina midinadelyi. Sai nayaayida'na nebwinamwaaida Gotiyare yuya sabwi midinadelyi. Girika maayalyi. Sai nabaai gannya sabwina nayaaymaremwaainadelyi. ⁹ Sai yagaala nebula tewaanya' gaminyi wiijaaka'ni'ke' nayaay diraginna limwaga'delyi. Gotiyai "Sai a'mweraavt wiijaaka'y'a'neraavt yivaimwagannei mwaalana! Sara yada a'mwe yagaalya galazekivaidivisaraavt diraginna yiniga widannei mwaalana!" kada' yagaala sa' limwaga'delyi.

Kiriti saba a'mwe kwaasiya kwalaalyara mwaaihasaraavinesi.

¹⁰ Sare' darevinyi. A'mwe kwalaalyara yagaala tewaamaraange galazekivaidivisara mwaaiha'. Sahwara yagaala yaasiwa'na dadiv'i a'mweraavtre simunyangina kwaasi widadivisare. A'mwe kwalaalya sasarera "Kilaaka gurya ditha'nyila!" dadivisare

Juyara. ¹¹ A'mwe sasarera "A'mweraavire n̄gwia mwagi'nya'neina sasarebura w̄j̄w̄ryaana!" yawi'divisara nem̄ myaanne sabwina n̄gwia wagila w̄jaaya'nenna w̄j̄w̄ryadivisare. Sasare sabwi pwaraavire simunyangi mwagi'nadaapi jil̄kaimiraaya yuyangire kwaamu'nanyabwi ȳw̄na ȳvanikere. A'mwe sasare saraavire maangengi b̄ipaibika! ¹² Ahu'manna K̄riti mwaaida'ḡiziyaba mwaalyai dazahibadaa'nyai siđu'naka akwai s̄innawit k̄igaa' gamireraavina dara d̄na "A'mwe Ahu'manna K̄riti mwaalyara yuyagaa' kwaasiyabwina dadivisarera. Malakayaawarya kayaa'nanyare. Sahwara t̄ka kwalaalya nadiv'i wana maa'na widere." ¹³ Jal̄kurakya daza' nebulyasi. Sareviđaa'nyi "Kumire diraginna l̄mwangebur̄ maamidaryara mwaibika!" da'ḡizi sahwaraav̄ maanga diraginna duthana! ¹⁴ Nabaai sahwara Juyaraavire waj̄ngyagaalyaji a'mwe yagaala nebulya' bule'na w̄jaavadivisaraavire yagaaike'winya dala p̄ininnna p̄ininnnayaj̄i kadiki' wakamaremwaala nyipika! ¹⁵ A'mwe Gotiyai simunyav̄ nawi'nyabwi yavada'galawakakera nawi'nyabwi kininnakeraavina yuya sa tewaanya ḡirika maayang. K̄iti' nabaai a'mweraavire simunyangi simunya ḡirikita'nanyabwi kininnakera "Kiraazi'tiyai yuya sa kimaakiya dakinkebwi wasi'nakebuliyi," myawi'ralimwagyadivisaraavina tewaanya aane p̄int k̄int mi. Aawa. Kumire simunyasi simunya padaihirakyalyi yuyawaai yuna ḡirikita'nanyawaalyi. ¹⁶ Kumire maangengidaa'nyi ku'maayaba dara dadivisare "N̄mi Gotiyarina yawi'dinyainyira." K̄iti' kumire yamaryabwina Gotiyarina bule'na w̄jaavadivisare. Sare sabwina Gotiyari yuna maa'na wima'nadelyi. A'mwe yagaala nawi'nya' galazekivaidivisare. Nabaai wawinya tewaanya ya yuya ya'nera yiniga wi'na yipinera mi!. Gotiyai sahwaraav̄ yawiramaaradera mi!.

2

Ge geraavine w̄j̄w̄rya nawi'nyaburinesi.

¹ K̄iti' ḡimi saiḡ ḡimire w̄j̄waakya maamidarya sasi yiniga wi'na yadevwina a'mweraav̄ nayaaduthana! ² Ȳi neraav̄ nayaaduthana! "A'mwe neihi waainiya nadiv'i ȳmaka muibinera!" Sahwara tewaanya yida'maraangebwina simunya nayaaduthana yawi'div'i kumire simunya nayaaduthana miremwaibika! Kiraazi'tiyari diraginna l̄mwangebur̄ maamidaryara pada'galemwaaibika! Pwaraavina tewaanya w̄vu'nyaburij̄i taanginya yuyangine'na diraginna daayaburij̄i tewaanya pada'galemwaaibika! ³ Sabaabii' a'mwe ne k̄imil̄kaj̄i tewaanna nawi'nya pada'gainyina yamaripi'ka! Bulayagaalyaji nadipidika! Kumire simunyangi aalya waainiya diraginya' numaremwaaladika! Tewaanyabura w̄j̄w̄ripika! ⁴ "A'mwe miḡnyikibawemili'kaavi tewaanyabwina yibwaridaakupika!" dena git̄hiwa. Dare yabwina nayaaduthana w̄j̄w̄rip'i'demili'ke. Kunnya a'mweraavina kunnya kaimiraaya kininginaj̄i tewaanya w̄vu'nyina wiade'na. ⁵ Nabaai kunnya simunyarij̄i nayaaduthana miremwaainyina yadi'vi' ḡirika maaya nebwinamwaib'i demili'ke. Sara yadi'vi' nabaai kunnya angengiji tewaanna miremwaaina yip'i'demili'ke. Sara yapi a'mweraavij̄i kunnya kaimiraayangiji nayaaduthana yip'i'demili'ke. Saremi'li'ka kunnya a'mweraav̄ dalaangewi mwaib'i'demili'ke. "Nemirebwina a'mwera Gotiyare yagaalya'na biraiyagaala nadipidika!" dadiv'i a'mwe tewaanyamili'ka sara mwaib'i'demili'ke.

⁶ Sasare'bii' a'mwe miḡnyikibaweraav̄ dihaabwata jitheiginyi. Nabaai sare kwaraj̄i kumire simunya nayaaduthana miremwaainipi'dere. ⁷ Gim̄i tewaanya yija yuya sabwi ḡimi saiḡ ke'ba'nanyaiḡ dimwaaideiginyi. A'mwera ḡimi tewaanya yijaiginyi ḡimididiv'i dala p̄ibwinanya tewaanyabwina yip'i'dere. A'mweraav̄ w̄j̄w̄rya sabwina n̄gwia mwagi'nya'na myawi'dinna! Nawi'nyabwi yawi'di nayaaduthana ja! Yuyagaa' nayaaduthana pada'galayawidu'nebulyabwina jitw̄rya! ⁸ Yagaala maamidarya

yavada'galya'ne' a'mwera yiwetawakya majidaya'ne' nayaa duthatheiginyi. "Nemire yikamaangera neminyi kayaakyagaala aane piri' kiri' nedipnevina 'O, yiwetawakya aane piri' kiri' mwari!. We!! Simunya' neyeki'mwaka!' yawipi'ka!" dadit sara duthatheiginyi.

⁹ Kiraazitiyarera yaasiwa'wawi'nyaraavi widaayadivsaraavi gimi nayaa dara duthana! Yuyangine'na kunnya maremwaalyaraavi dalaangewi mwaaiibika! Sahwara kunnya maremwaalyaraavina tewaanya wivu'nivanike wawinya dala pininnanya tewaanya nayaa yipi'ka! Yagaala kayaa'nanya kunnya maremwaalyaraavi ayina naja'nawidi'pi'ka! ¹⁰ Sahwaraavire gilyivita pimili' kimiili' yuina numaatapika! Aawa. Kumire yagaalya limwaga'divi' kunnya yida'nanyabwi wibwaridaakupika! "A'mwera yiwaala yiwannadivtabaaibi' nemire wawinyavina Gotiyai nevadaihasamaa'derine yagaala wijiwirinike' savine yaya naange' a'mwera munyaba makibika!" dapiri nayaa sara yipi'ka!

¹¹ Sare' dare'nesi. Gotiyare yanga gaimwange' a'mwe yuyaraavi yiniga wi'na padaihasamaaranne' ku'maayabanna mena neyima'naabakesi. Yi Kiraazitiyai baka nawi'nyina yakesi. ¹² Gotiyare yanga daza' Gotiyarina bule'na wijaaya saburi'ji Kwaakevakija yuya simunya kayaa'nanya saburi'ji makwasakaade'na wijiwirya neyivani'. "Dahaasav'i nemi simunya nayaa yawi'na yadaa yida'maraangebur'i nayaa yamaryadaa Gotiyarina nayaa yavada'galayawi'na yadaa mwalaana!" dawaajt wijiwirya sa' midinaade'nanyi. ¹³ Nem'i sara mwaiddaa yilaaya yadaa tewaanaanga yinike' diraginna limwadada yemwaaimanigo. Yi, Gotiya Naangei nemire nevadaihasamaa'dei Kiraazitiyai Jizaazarina yemwaiddaa "Sahwai Sigunyavija byaanna diraginyasi ku'maayabanna yima'naabathelyi," yawi'daa yemwaaiholyra. ¹⁴ Sahwai neminyi gamire gaalyabwi yagalya'mavakelyi. Neminyina "Ayahi mubya yamaarya'neinyi kiwinya dinika galazekivala yuya sangina wivadaihasamaarima! Aalya ya'muj'i girika duimwagasi'na'muj'i niminyine'na nimire tewaanyara wimwaaihiji'jara nimire yunera mwaaiibika!" daka gamire gaalyabwi yagalya'ma'na. Sare' wawinya diraginna yadi'vi' yuya tewaanyabwina yipi'ka!

¹⁵ Yuyagaa' yagaala daza a'mweraavi duziwaakya! Yagaala daza midibide'na gimi diha'bwtja! Sara yadi gimi maanga diraginna widadi Naangere diraginya' maara'gizi mamidinyadivsaraavirebwi dirivipalasika! A'mwe aane pwai kwai gimininyina "A'mwe yaasiwakelyira," nagyawiradika! Aawa. Naangere diraginya' kuna ja!

3

Tewaanyabwina nemi diraginna daaya'nebwinesi.

¹ Gim'i a'mweraavire simunyai kuna diha'bwti'mwaaihya jitheiginyi. Yi ga'maanijayarajt a'mwe maremwaaidivsarajt saraavi dalaangewi mwaaiibika! Sahwaraavire yagaalya nayaa midibid'erera. Wawinya yuya sa tewaanya ya'na tavaravana mwaaiibid'erera. ² A'mwe aane pwai kwari biraifyagaala nudipidika! Mala narannipi'ka! Pwara kuminyi kayaa'na kyapi'ji bwiwanga yabwi yipi'dere. Yuyaraavi kwaamu'nanya yuyabwi wipika! ³ Sare' yuyainaavine darevinyi. Sinnawi nabaai nemi kwainajt simunya nawi'nya kininnaka maayaine. Nem'i yagaalya galazekivaina yadaanyaina, Saataani Kayaa'nanyai kwaasiyabwina nedadaa'nyi yiraataate yamaryagoine. Nem'i yaasiwa'wawinya yadaa munyi' dikaata ya'ne dala pininnanyangiji wabahilaaka ya'ne dala pininnanyangiji mwaaloine. Kayaa'nanyaburiji tiganaaryaburiji yamaryoina. A'mwera neminyina simili'ka wimwaalakeina, nabaai nemi kwainaavnjt simili'ka wimwaalakeine. ⁴ Kir'i Gotiyai nemire nevadaihasamaa'dei a'mweinaavi tewaanya nayaa bwiwanna

neyaka yanga naange'na neyivanikelyi. Sahwari a'mweinaavina tewaanya wivu'nadelyi. Yi sasare sabwi ku'maayabanna yima'naabakebuliyi. ⁵ Sahwai nevadaihasamaarakelyi. Dare'na mi!. Nem i yuna yida'maraanga yadaanya sabwina yawidana mi!. Aawa. Gamire neminyina kale gaimwange'na sa'na nevadaihasamaarakelyi. Kurya Tewaanyai neminyi aalya neyakeine. Yi aalya ya sabwi neyake' nawi'nya mudikeinaavi nemwaaihada nemire simunyavij kuryariji mudikewaari wimwaaikhakelyi. Kurya Tewaanyai gaala mudikebwi nejaavakelyi. Sarevi Gotiyai nevadaihasamaarakelyi. ⁶ Jizaazai Kiraazitayai nemire nevadaihasamaa'dei yakevi Gotiyai Kurya Tewaanyari yanga naange'na naanna newakakelyi. ⁷ Sai gamire yanga gaimwangevina neminyina "A'mwe yida'maraangere. Nimirerera," nedakevi "Gaala yuyagaa' yuyagaa' mwaalya'ne daza' yemwaaibi'dera Kuvinimaangeinyire yuya'na maarya'nera yima'nipika!" daka sara nemwaaihakelyi. Sare'na naanna nejaavakelyi. ⁸ Yagaala daza' limwagasa'ne' naanga nebulyast.

Nimirerera simunyav i gimininyina dara yawi'manige. Dazahiningga gimi diraginna duthana! Sarevi nabaai a'mwe Gotiyari mena wi'nalimwagesaraavina "Kumire simunyangi wawinya tewaanya diraginna ya'nengi wakinipika! Tewaanya saburina diraginna daapika!" da'gizi sara duthana! Dazahini nawi'nya yaka a'mweraavi gaimwadengi. ⁹ Kiri' dala pininnanya yagaala simumaaya pinabisya yaasiwa' yidaanganyaj Ne sinnawinyaraavine yayaj maanga dinyaaji Mozizare Kiwinja dinikenna maihuri'nyiyagaala bathiwiaj sasare dazangi davila'deiginyira. Sare' darevinyi. Daza waryaanyangira. Daza kune neminyi yiniga wi'na negaimwagathe mi!. ¹⁰ Gotiyare yi'bwa'nawi'nadivisaraav jaapalawimwaaihya'nere simunyai nayaa javada'gala! Gave pigaa'na "Gimirebwina mala nayaa ji'wanna!" wida'gizi ayina sara yaja' pigasaa "Mala nayaa ji'wanna!" duthathei'ginyira. Nabaai sai kadika mu'nyi kyoji sarina bule'na duzaadelyi. ¹¹ Gim'i dara jawika! A'mwe sasarei tuta nawi'nya' mena yagalya'mavaka gannya kayaa'nanya yadevwi gam'i sari jida'nya'nelyi.

Yagaala aayannes.

¹² Divi nabaai nim'i Aatemazai pware Tikkikaazai kwar'i gimininyawinna kadamaryasa'muj'i gimi Nikopolizina niminyawinna yime'nya'b'i divadeiginyi. Sare' darevinyi. Nim'i mena diweinyi. Aalyav'i yihuta naangegaa'na anga Nikopoliz'i mwaaliideinyira. ¹³ Sinaazai kiwinyangina sidu'nakelyi Aapolizalyi saraari tusavine gaimwange'na yime'nya'b'i'na nayaa dumakwodeiginyi. "Yi saraari gilyivita kaanya yamarikade aane pir'i kiri' numudaasadika!" da'gizi dihaimwadeiginyi. ¹⁴ Nabaai nemire a'mwera diraginna daaya'na a'mwe gilyivisanna diraginna wimudaasivanikeraavi tewaanya gaimwange'na simunya nayaa yawramaapika! "Sahwara yaasiwa'na mwaabi'za' Gotiyare saburine nawi'nya mima'naabi naneyadika!" dapiji sara yawramaapika!

¹⁵ Nimij'i nye'mwannemwaihata a'mwe yuyara gimininyina "Neya'mweig'i!" gitthasiwaabaa'. Kiraazitayari limwangebur neminyina tewaanya wivu'naderaavi "Neya'mweihi!" duthana!

Yanga gaimwange' sarim'i yuyaihiriji kuna yihye'mwannamwaalana!

Poli

Paailimon† Pīkarya' Paailimon+m+nesi.

1-2 Paailimon†, neya'mweig†,

Kwaamu'nanyabwi gwarana! Gimnyina tewaanya nevu'nadeiginyi. Nemij† avaaiwawinyaiginyi. A'mwe Aap†ya', gimirre balaangevi wīdima! Neya'mwe'gi kwaamu'nanyabwi gwarana! Nabaai "Aakipaazaig† kwaamu'nanyabwi gwarana! Gimij† Kiraazit†yare aawiłasainera." Nabaai "Paailimonigire angevi Kiraazit†yare kusilaanyaviyaihi kwaamu'nanyabwi yīhwarana!"

Nim† Poliny† Kiraazit†yai Jizaazare yagaalya wīde'na kalavuzangevi mwaalena pīkarya githawasiwaabe. Neya'mwei Timoti nimij† mwaalikelyi. **3** Naarimire yawita "Gotiyai Nenimaangelyi Naanga Kiraazit†yai Jizaazai kwalyi yange'na pada'galagaimwanna yīhika! Yi nabaai sarimire simunyavi kwaamu'nanyabwi yīhwarana!"

Paailimonimi tewaanya wīvu'nyabulyi Kiraazit†yari limwagasabulyi saburaarinesi.

4-5 Nim† kadika dara wī'nadinyi. Paailimon† sai Naanga Jizaazar† diraginna limwaga'manikei daaka! Paailimonimi Gotiyare tewaanyaraavina kale naanga wivanikei daaka! Sara wī'nena saburiðaasi Gotiyari wīdadinyagaa' dara wīdina "Paailimon† tewaanna yīvanike'na yuyagaa! 'Su! Su!' githadi nimnya Gotiyaig† tewaanna wīgaimwamaniginyaiginyi. **6** Kiraazit†yarine yuya nawi'nya naanga kininnakeina nawi'nya sa kuna yawiramaraana! Nabaai Paailimon† yuya sa yawiramaa'da Kiraazit†yari kuna limwaga'devi pwaraavi sara wīdada sahwara nawi'nya sa wanganapiji gamiji Kiraazit†yarina je'mwannemwaaibika!" **7** Widadinya' dare'nesi. Nya'mweig†, Gotiyare tewaanyaraavire simunyangi munyikaavi gaala pada'galawimwaaihadinya'na gimirre wīvu'nyaburina wī'nadi yīlaaya naanga yīwa. Sarevi nimire simunyavi nyivaimwamwaanyaiginyi.

Paailimon† Wonizimaazar† gahwaalaangeribi' ayahi maarake'nesi.

8 Sarevi Kiraazit†yari diraginnakeinyi yīniga wī'na diraginna gitihwija' yi nabaai nayaajithe'na kiri† **9** yagaala diraginya sara majiwa. Aawa. Tewaanya wīvu'nya sabwi savina nim† kave yagaala gitaaangamanige gimirnyi. Yi dareinyi, nim† a'mwe neinyi, yi nabaai Kiraazit†yai Jizaazarine kalavuza sahwainyi. **10** Sareinyi nimire kaimiraayarina nayaakave gitaaangamanige. Kalavuzanga dav† kuna mwaalena sahwari Kiraazit†yarina kujwaake limwagaka nimire kaimiraayaibi' yīma'nakelyi. Yi sahwai Wonizimaazai. **11** Kigaa' sahwai gimirnyine waryaanyalyi. Gimnyi gaimwanga ya'ne wawinya tewaanya yaakai mi!. Sarevi dhaaa' sai wawinya tewaanya mi'na yannelyi gimirnyiji niminyiji sainaari gaimwange'na. **12** Sahwari gimirnyawinna ayina maragyasiwaabe. Sahwarina tewaanya naanga nyivu'nīvanike'na gyasaabena kale naanga nyivanikeinyi. **13** Sareinyi nim† sainyi "Yagaala tewaanya' wījwakadaari yi kumi niminyi kalavuzangevi marakin. Sarevi Paailimon+m+neba Wonizimaazai nyidaaya'nei nimij† ye'mwannamwaalakeri dalimwaga'na kyiwidikeynyi." **14** Kiri† gimi davina "Ya," nyidiza' kadika mu'nyena nabaai dalimwaga'manigei mi!. "Ginnya tewaanya dazaburina midinya'neiginyi nim† diraginna yīma!" dena kiri† myiwa. Aawa. Gim† simunyavi sara yawira'gizi sara jithe' nawi'nyabulyi.

15 Sare' dare'ne' dingaka? Sahwari Gotiyai yaka "Paailimon† yuyagaa' yuya-gaa'na ayina maarana!" kada' gimirnyi kibawegaa' gyahalya'mavake'nanyi.

16 Yaasiwa'wawinya yadei gimirnyi kuna mwaaladevaabisai mīka! Aawa. Sai dazasare

sabwi mi'na wavila'mwakelyi. Dahaal Kiraazitiyare neya'mwei gami' sarina nevu'nivankelyi. Yi nimi' sainyi diraginna sara yawi'dinyalyi. Sareinyi kiri' dazasare saburina gimi' naanga nyavila'dinneiginyi. Yi gimirre kilaakejikina sai nayaa gitthaayadelyi. Kilaakejikina gavevne'na mi!. Yi nabaai Naangerina sai ja'mwei gye'mwannamwaaladelyi. Dazasarerina tewaanya naanga giwu'nadeiginyi. ¹⁷ Sarevidaa'nyi "Kiraazitiyare Poli nyinyakwalaangelyi," yawi'diza' gimi' niminyi nyimaa'dinnebaabi! Wonizimaazar'i nayaa dimaaka! ¹⁸ Nabaai "Sahwai niminyina yi'wetawakya dahawarika! Nabaai niminyi nyirivikradei dingaka!" yawi'diza' yi gaminne yaya' maravila'nya ya'gizi sarine' yi niminne' yaya' sahir'i dak! ¹⁹ Nimi' Polinyi yida'mwesi. Yagaala da' nimire ata dathasi dara yida'mwesi. Nimi' sainyi tivikita daza' yidesi. "Nabaai gimi' saigt dinyiriviki'de. Yagaala tewaanya' kagiziwaake gaala mwaalyabwi yanga maaraqinya'nanyi,' nagithiwidika!" dena tivikita sa' yidesi. ²⁰ Yo, nya'mweigt, sareinyi Naangerina yilaaya dara dinyigala! Wonizimaazar'i nayaa dimaaka! Kiraazitiyari nimire simunyas munysi gaala dinyivada'galamwaaihy!

²¹ Nimi' diraginna dara yawiralimwagena "Sarevi Kiraazitiyare sabwi midinadelyi," pikarya githawasiwaabesi. Nabaai tivi'na dara yawi'manige. Githiwebwi sara jitheiginyi. Sare' gave' mi!. Sabwi wavilavikebwi tewaanaanga jitheiginyi. ²² Sasareigi nabaai avaalyagaa' ku'dika piri' nayaa kyovrawaka'gizi gimi'ji ye'mwannamwaalide'nanyi. Yi sare' dare'nesi. Nimi' yawi'di dara yemwaaiheinyi "Gotiyai sarimire yidaanganyangi yihu'naka kalavuzangevi nyimaraaka niminyi yanga ayahi yihzaavadeinyi."

²³ Epapiraazai gimi'nyi gitihivan'i "Nya'mweigt!" Sai Kiraazitiyai Jizaazare yagaala wijiwakmaryake'na kalavuzangevi nimiji ye'mwannamwaaidasalyi. ²⁴ Nabaai nimire avaaiwawinyara anga dava nimiji mwaaihasara Maakiyal'i Aarizitaakazalyi Dimaazalyi Lukiyalyi sara kwarajt avaaina gitihivaniga! "Neya'mweigt!"

²⁵ Naanga Jizaazai Kiraazitiyare yanga wigaimwangebwi sarimire kuryarajt yihye'mwannamwaalana!

Poli

Yiviru Pīkariyikwia' Yiviruyaraavinesi.

Gamire Gawaalivaangei dakevi Gotiyai nedake'nesi.

¹ Kigaakuna kwala naangegaa' Gotiyai gaminyi wi' nawijwaakyaraavi simunya pininna piri' widiña, pininna piri' widiña. Yi sara kujaa' sahwara nemire Ne sinnawinyaraavi simunya nabinabinya pibura wijsara kwallaalyare. ² Kir'i' nabaai dahaa' aayagasa Gotiyai yagaala nedake' gamire Gawaalivaangei nedakesi. Sahwar Ganimaangere yuya maarya'neri Gotiyai mena dahilakakelyi. Nabaai Gawaalivaanga sahwari Kwaaka dasi sigunya kirisi Gotiyai yavikaryaakengi. ³ Gawaalivaangei sahwai Gotiyare byaanna diraginya' livamwaja naangelyi. Yi neminyi Baaka naanga nemwadadelyi. Sahwai Gotiyari avaaina nebulya'nanyalyi. Gamire yagaala diraginya kininnake' dada yuyangi diraginya yivaimwada yuya sarengi lwmwaga'delyi. Kayaa'nanyangine tivikisa duimwagasita ya'ne' sahwai wawinya yunebanna yi'mwannaka Kingi'ya Naangei munya ke'beva mwaalikere aangasimagi diraginnakeba mwaala'.

Gotiyare Gawaalivaangei ejeliyara mamaayaraavi wavilavikerinesi.

⁴ Gawaalivaangei Ganimaangeri yaya tewaanya nawi'nyaange' mena maarake' yi mamaayaraavire yayav wavylavakabaaibi' yi sasare sahiriv'i gami sai mamaayaraavina naanga nebulya'na yi'ma'nakelyi. Yi sahwara sari kwaakewi wila'nakasalyi. ⁵ Sare' darevinyi. Sinnawi sagaa' Gotiyai mamaayarajiya aane pwai kwar' dara muja'

“Gimi niminyi nyibwaalivaangeiginyira.

Dahaa' gimaamaangeinyi gimwaaihweiginyi.”

Kiri' Gawaalivaangeri sara wida'. Yi sahwai mamaayarina ayahi muja'

“Gamiinyi ganimaangeinyi yi'ma'nideinyi.”

Niminyi nyibwaalivaangei yi'ma'nadelyi.”

⁶ Kir'i' Kwaakevak'i mwaalyaraayawinna sahwai gamire aaya mudikaimiraayar makwalaabakegaa' sarei da! “Mamaaya yuya Gotiyainyirera sahwari ylaaya naya maripi'ka!” ⁷ Nabaai sahwai mamaayaraavina dara wida'

“Gamire mamaayaraavi yihusa'bisaraavi wimwaaihadere.

Gamire widaayadvisaraavi ditaalisabisaraavi wimwaaihadere.”

⁸ Kir'i' Gawaalivaangerina dara wida'

“Gotiyaig, yuyagaa' yuyagaa'ne kinginamwaalyisav dimaremwaasideiginyi.

Gimire a'mweraav kingiyisaris iida'nanyabwina yawibwaramaremwaaidinyaiginyi.

⁹ Giminyi iida'maraanga sabwina tewaanya givu'nadeiginyi.

Kiwinyang galazekivalyabwina simili'ka gwimwaalikeiginyi.

Midinaginyavidaa'nyi Gotiyainyi gimir Gotiyainyi yleleweliananya gitthingeiginyi.

Yi welivananya daza' giminnyi ylaaya gihalakeiginyi.

Ja'mwera yivaniginyabaaibi' ylaaya yivanigatara mi!.”

¹⁰ Nabaai Gawaalivaangerina dara wida'

“Naangeig sinnawi Kwaaka datha' wakyeiginyi.

Nabaai sigunya ginnya asiraalyi yavikaryeiginyi.

¹¹ Yuyawaai yinahu kayaaka yinyina yadewaalyi.

Kiri' gimi aawa. Yuyagaa' mwaaidinyaiginyi.

Yuyawaalyi yuya pinijji aya yi'ma'nadengi.

Baazi'ma'nya piri' aya yi'ma'nadevaabisang.

12 Yi yivita aya' gi'mwagakina yadevaaiib!
 Gimti yuya sangi dihi'mwagakideiginyi.
 A'mwei baazi'ma'nya yadaihamaa'na yadevaaiib!
 Gimti yuya sangi yadaihamata jitengi.
 Kiri' gimi yuna sana dimwaaideiginyi.
 Gimire kwaramegasa mi'na yi'wawade mi'."

13 Pi'gaa' kigaa' Gotiyai mamaaya darajya bewari widakelaka! Aawa.
 Gawaalivaangerina dara din'i!
 "Gimi nimire aangasiri diraginyaba dimwaala!
 Giminyi dalaangewi wila'narya'negaa'na yikamaangeraavi gwakidehaa'nanyi."
 14 Aawa. Mamaayara yi sahwara kuryarera. Yi kurya sahwara Gotiyari widaayadivisare. Gotiyai a'mwera gamire yuna padaihasamaarya'neraavina gaimwagya'ne mamaayaraavi maryasadere.

2

Gotiyai nevadaihasamaata naanga nebulyasi.

¹ Sarevidaa'nyi yagaala nemi mena wi'no' nemi nayaa kuna limwagaraana! Nemire simunyangi diraginna yawi'daa midinaana! Yagaala daza'na diraginna mi nyaadika! Yi sara yawaaji yinahu nyagalya'mavaadika! ² Sare' darevinyi. Sinnawi Gotiyai mamaayaraavire maangiki'adaa'nyi Juyainaavire Ne sinnawinyaraavine kiwinya' jaakelyi. Yi yagaala daza' nebulya'nanya' diraginna daavikesi. Yi yagaala savine yi'wetawakya gazasavinaji yagaala savi galazekivala gazasavinaji tivikita kayaa'nanya' maryasa'a'nanyi. Kumire kayaa'nanya yadivita sabwina yinigeva tivikita yida'maraange' war!. Yi mamaayaraavire maangiki'adaa'nyanna tivikita sara maryasa'a'na ³ dahaa' nevadaihasamaata naanga nebulya'nanyavine' navika mwalaaja' yi nemi likaanya wawaaji kayaa'nanaangevi gatha'dara wavilavaadevaka! Yuna wana aawa nebulya'na. Sinnawinyaraavine tivikita sa' maalikesi. Dahaa' neminyine' tivikita naangesi. Yi mamaayara nedetara mi'. Sinnawi Naangei gami sai yagaala daza' mena widakesi. Nabaai a'mwera gaminyi kadika wi'neva sahwara neminyi dara nejiwaake! "Yagaala daza' yuna wana naanga nebulya'nanyasi." ⁴ Sara nedadaapi Gotiyai sahwaraji ye'mwannajalikuraka!. Yi sahwai yi'jwaainyaji atika maru'nasaji diraginya dala pininna pininnanyaji yada ye'mwannajalikurakina. Nabaai sahwai ganja simunyav i nayaa yawi'da Kurya Tewaanyare sihumale a'mweraavine yanga wi'jaavada ye'mwannajalikurakina. Yi sarengi ye'mwannajalikurakelyi.

Jizaazai padaihasamaasabwinevi makabakerinesi.

⁵ Sare' darevinyi. Divi yima'nade pi'bwinna divanigo'nanyi. Gawaalivaangei maremwaaidelyi. Gotiyai mamaayaraavi dazahirivi maremwaaalya'neraavi dahilakakera mi'. ⁶ Aawa. Gotiyare bukuyavi pikarya pitivi a'mwe pwai nayaa dara jalikurakin!

"A'mwe kwara bewaraavaka!
 Gotiyaigii sahwaraavine yawi'dinyaigii daa!
 A'mweraavine kaimiraayai bewalaka!
 Yi gimi nayaa be'na maremwaaidinyaiginaka!
⁷ Yune tusagaa'nana gimi wakaginyalyi.
 Sahwai mamaayaraavi dalaangewi wila'nari!.
 Byaannyav i sahwavine yaya' munyaba makilagii.
 Yi sahwari yaya naange' wi'jaavaginyalyi.
⁸ Sahware si'vilyiraari kwaaka dalaangewi yuya wakagi.
 Sahwai yuya sa diraginna maremwaaalkelyi."

Sara dñike' Gotiyai yuya a'mwe kwaraavi kwaaka dalaangewi wakakengi. Yt sarevdaa'nyt aane piri' kiri' kuminyt dalaangewi mula'narya'. Kiri' dahaa' kuminyt dalaangewi yuya warike nemt mwanganyinanyt. ⁹ Kiri' nemt a'mwe pwai Jizaazarit yawrangamanigolyt. Kigaa' maalikegaa' a'mwe sahwari mamaayaraavina maalikibawei wi'mwaaikhakelyt. Yt a'mweraavina gaimwagya'nei balya'ne'na Gotiyare yanga gaimwange' marima'naaba'. Sahwai daanga dazahrit maa'da yt bala'. Sarevdaa'nyt yt Gotiyai sahwari ne yaya' munyaba makida byaanna diragiya' wi'jaavakelyt.

¹⁰ Sare' darevintyt. Yuya Gotiyarinengira. Sarei yuya yavikaryaka yuyangina diragiya' kuna wi'jaavadelyt. Yt sahwai yawraka "A'mwera nimirre kaimiraayara yima'nipi'ka!" gannya kaimiraaya kwalaalyaraavina byaanna diragiyyavt makwia'nerit Jizaazarit daange' wi'jaava'. Yt daanga dazavt Jizaazai sahwaraavt yiniga wi'na padaihasamaarya'nei sahwai a'mwe naanga yune nebulya'nanyai yima'na'. Daanga wi'jaaya sasare sabwi Gotiyai yake' yt sa' yida'nanyasi. ¹¹ Sare' darevintyt. A'mwe dazai a'mwe yuyara Gotiyarerera tewaanya nawitnya yima'nya'neraavina ya'nelyt yt a'mwe dazarajt yuyaraavt kuvintimaangei yune gave pwainanyt. Sarevdaa'nyt Gawaalivaangei sahwaraavina dara widivanti' "Nya'mweihiyira." Saraavina sasara ja'na gamintyt wagila muvwa'nyakelyt. ¹² Sai Gotiyari' wida'. Dara dnt! "Gimintyt na nya'mweraavt 'Sasarelyira. Nawitnyaangelyira,' widaideintyt. Giminne yaya' makilya'ne' kusilaanyavt yaraayaba daata dideintyt."

¹³ Nabaai ayahi dara dinikesi.

Nimi' saraji sahwari diragiinna limwagaridelyt.

Nabaai dara dinikesi.

Yithaa, nimijt kaimiraaya Gotiyai nyijaavakera nye'mwannemwaaishasare.

¹⁴ Kaimiraaya dazara a'mwera mwaaiha'. Yt tawanakera yaka mitwi'nakere. Sarevit yt Jizaazai kwalyt sahwarabti' avaaina a'mwei yima'nakelyt. Yt sarei balakelyt. Nabaai "Balya dazavt balyaburine diragiya' kininnakeri' kayaa'nanyari' kayaaka yigalakima!" daka a'mwei yima'nakelyt. Yt balyaburine diragiya' kininnakei yt sai Yuyaraavt Kotiya Maryadei, Saataani. ¹⁵ Nabaai darenesi. A'mwerajt a'mweji' balya'na lika yadivisarera. Nabaai yuyagaa' Kwaakevakti sahwara mwaaidapiyaraavt lika daza' yaasiwa'wawintyt galyiralimwaga'desi. Sahwai balaka daza' yt sahwaraavt kalavuza sahirivti wo'dalamarasita ya'nelyt. ¹⁶ Naanga nebulya'nanyasi. Sahwai mamaayaraavt gaimwanga ya'nei sara myakelyt. Aawa. Sahwai yaka sa' yt Eviraamimire yisavaakiyaraavt gaimwagya'ne' yakelyt. ¹⁷ Sarevdaa'nyt yuyangt gamire gya'mwerabti' sai nayaa avaaina nebulya'na yima'nya'ne' titvikita warakesi. Yt darest. "Yt a'mweraavt Gotiyarereraavt kale gaimwanga wia'neintyt yima'nima! Yt Gotiyarinengi gamire wawintyt nayaa limwaga'dti Gotiyarina Mubithika Yira'de Naangeintyt yiniga wi'na mwaalima! Sareintyt a'mweraavt wagilyangt marasita'neintyt sinna tika widayabwina mubintima!" daka gya'mwerabti' nayaa avaaina nebulya'na yima'nakelyt. Gotiyari' wi'jaavintyt yiniga wi'na yannelyt. ¹⁸ Sare' darevintyt. Sarei taange' yuya taanga gamintyt yima'naka sangi maarakelyt. Nabaai Kamaalyai yijiwaala yaamijt wiaka kiri' diragiinna daavakelyt. Yt sarei a'mweraavt yima'nakengina sara yibwaknakevidaa'nyt sahwaraavt taanginyabwi kima'nojti sahwaraavt gaimwange' yt yuyagaa' sarei yiniga wi'na yadelyt.

3

Jizaazai Ne Mozizari wavilavike'nesi.

¹ Nya'mweihi Gotiyare tewaanyaihi Gotiyai Sigunyavt mwaalikei kwaihriti' jika yihizvwaramaarakeihi, sarevdaa'nyt Jizaazarina simunya nayaa dara

dívada'galayawírla! Sahwai neminyina Gotiyai Wídasaabakelyi (Apozeliyalyi). Nabaai sahwai Gotiyarina Mubithika Yíra'de Naangeri nemí díraginna límwamanigolyi. Yi gaminne yaya' jalíkurakívanigolyi. ² Sahwarí wawinya dazavina Gotiyai dahílakakei yi sarei Gotiyari naanga nebulya'na límwaga'delyi. Sínnawi Ne Mozízai Gotiyare a'mweraaví (Gotiyare angeviyaraaví) yaakeviná Gotiyari límwagyaakabaaibí' sara yakelyi. ³ Sarerina da'darevinyi. Jizaazarina Gotiyai yawi'daasi sai angevi madei mwaali!. Ne Mozízai angeviyai mwaala!. A'mwei ange' madina yaderine yaya naange' sa' yune angevine yaya naangevi wavila'devaabití Jizaazare yaya byaannaka naange' yiniga wi'na maarakere yaya sa' Mozízare yaya naangevi angeviyarinévi wavila'delyi. ⁴ Sare' darevinyi. Anga gazasa' yune a'mwerana madivisasi. Kíri' yuyangiji yuyaraaviji yavikaryaakei sai Gotiyalyi. Sai Mozízaríji Gotiyare pwaraaviji wimwaaishadelyi. ⁵ Mozízarine' daresi. Sahwai Gotiyare yuyaraaví (Gotiyare angeviyaraaví) wígaimwagya'nei Gotiyari wídayaakei díraginna límwagyaakelyi. Sara yada Gotiyai dívi Gawaalivaangerina neja'ne' jalíkurakyaake'nanyi. ⁶ Kíri' Kíraazítiyaríne' daresi. Sahwai Gotiyare Gawaalivaangei mwaaida Gotiyare a'mweraaví (Gotiyare angeviyaraaví) munyaba mwaalya'nei sahwaraaví maremwaalíkelyi. Yi nabai yuyagaa' nemí Kíraazítiyari kuna díraginna límwagaaza' yi nemí yilaayasi yadaa Naangerina kuna díraginna yemwalaaja' nemí kwainají Gotiyareina (Gotiyare anga saviyaina) mwaaihoina.

⁷ Sarevidaa'nyi Kurya Tewaanyai dake' dara dínkabaaibisasi.

Dahaan Gotiyare maangwiraayaví kadika wí'nípija'

⁸ Sarimire símunya' kaanya wana díraginna marihíremwaaibina!

Ne sínnawinyara galazekivala nyaatabaaibí' mipinera!

Sahwara kayaa'na yaasagaa' a'mwamaaymagi mwaaleva

Gotiyainyi yaamiji díraginna yijwaala nyadiví'

"Navíka mwaaladei dingaka!" deva nyaasare.

⁹ Sarimire síryakwalaangera nyawíranganya'nera yijwaala nyaasare.

Kwarame potiyangi ními yaangi wanganyaata kíri'

Níminyi kayaa'na yaamiji yijwaala nyaasare.

¹⁰ Sarevidaan'ni davaakina símilike' nyulyaake'na

Yi ními díraginna dara jaainyi

"Yuyagaa' kumire símunyaví nyagalya'ma'divisare.

Nímirre saburi kaanya myamary'a'nera manyawíryadivisare."

¹¹ Sare'na níminyi símilika nyuidaa'nyiyavi

Yagaala díraginya' dara jalíkurakya

"Kwaaka kave kwaamu' kujaavíwídikeba

Sahwara kusawi bwibi'dera miika!"

"Sa' wana naanga nebulya'nanyasi."

¹² Nya'mweihi, sarevidaan'ni mala nayaa jiwannyila! Sariminyidaa'nya pwai kwai Gotiya gaalyaburi aaya kaavilyari yagalya'masa'na gamire símunyaví Kíraazítiyari díraginna malímwagarya kayaa'nanyabwi nularadika! ¹³ Aawa. Yírika gazagaasagaa', Gotiyai kuna divankegaa' "Dahaaka!" sa' kuna waríkegaa' sarimi sírya'mweraavire símunyangi díhaa'bwtala jíla! Yi kwaasiya wagílyabwi sariminyidaa'nya pwarí kwarí kwaasi nudathika! Yojí gamire símunyaví díraginna narihíremwaaishadika! ¹⁴ Sare' darevinyi. Sínnawi nemí Kíraazítiyari díraginna límwadaa díraginyaina daavina yadaa yune nemí balajahaa'na kuna díraginna límwagaragwawaaja' yi nemí Kíraazítiyalyi ye'mwannamwaaishoina yima'naadeinera. ¹⁵ Díraginna límwagaragwokwia'neina Gotiyare yagaala dínika sa' yawíramaraade'nanyi. Yi dara díni!

"Dahaan Gotiyare maangwiraaya' kadika wí'nípija'

Sarimire simunya' kaanya wana diraginna marihiremwaabina!
Ne sinnawinyara galazekivala nyaatabaaib! mipinera!
'Navika mwaaladei dingaka!' deva nyaasare."

¹⁶ Sare' darevinyi. Sinnawi Gotiyare maangiki kadika wi'nyaata kwara kiri' sahwara kayaa'na yina yadiv'i gamire yagaalya' galazekivaina yaasara aaihwaravaavaka? Ne Mozizai makwiaakera Yizireliyara Yizipi saba yagalya'mayaata yuyara sasare dazabwi yaasara daaka! ¹⁷ Kwarame potiyangi (40) Gotiyai similike' aaihwaravaavina wilyaakalaka? A'mwe kayaa'nanyabwi yadivisa'na sahwara baidiv'i kumire kilaakej'i a'mwamaayimagi bwalaraawina yaakera daaka! Gotiyai sahwaraavina sinna tike' wilyaakere. ¹⁸ Gotiyai yagaala diraginya' naanga nebulya'na dara jalikurakyaa "Kwaaka nim kwaamu' kujaaviwidikeba sahwara kusawi bwibi'dera mika!" Wana naanga nebulya'nanya' sara dakyaake' aaihwaravaavina jaakava'? Da a'mwe dazara gamire yagaalya' galazekivalyaasara daaka! ¹⁹ Sarevidaa'nyi nemi dara yawirangamanigo. Kum diraginna malimwagaryadivisa'nanyi. "Aala!" dadivisa'nanyi. Yi dazahirisavina sahwara Gotiyare kwaamusabanna bwilyaatara mi'.

4

Gotiyare a'mweinaavina kwaamusabanna mwaalya'nebwinesi.

¹ Sarevidaa'nyi nayaajawirila! Gotiyare yune naanga nebulya'na yagaala dakini'ke' neminyine' kuna war!. Yi sai dara divani' "Sariminiku' nimire kwaamusaba wibineihilyi." Sare' kiri' nemi lika dara yaana! O, Gotiyai tinna nengada neminyidaa'nya kwai pwarina dara najidavadika! "Sahwai menyawi yalawakada dazavi yi yiwina yivanikelyi." ² Sare' darevinyi. Sinnawi a'mwamaayaba mwalyaasara Gotiyare yagaala kwaamusa'ne' wi'nyaatabaaib! nemi yagaala tewaanya sa' kadika wi'noinera. Kiri' nabaai sahwara kadika yaasiwa' wi'nyina yeva diraginna malimwagi yaa!. Yagaala daza' wi'neva diraginna mye'mwannalimwagaryaaasare. Sarevi yagaala daza' sahwara kadika wi'nesa', sa' yi sahwaraav'i gaimwanga mwiaa!. ³ Sare' darevinyi. Nem i diraginna limwaga'manigoina kave kwaamu' mwaalya'ne dazaba wi'laadeine. Yi sinnawi Gotiyai malimwagyadivisaraavina dara dinikesi.

Sare'na niminyi simili'ka nyuidaa'nyiyav'i

Yagaala diraginya' dara jalikurakyaa
"Kwaaka kave kwaamu' kujaaviwidikeba
Sahwara kusawi bwibi'dera mika!"
"Sa' wana naanga nebulya'nanyasi."

Sahwai sara daka kiri' nabaai sinnawi Gotiyai Kwaake' mena wakyaakegaa' kwaamusabwine' mena dakini'kesi. Sagaa' kwaamusavi mwaaida neminyina yemwaaideli. ⁴ Sare' darevinyi. Gotiyare Bukuyavi yirika asi ata puridaa'nyi daryaalyarikina dara din'i "Gotiyai gamire wawinya yuya sa mena yaka yirika asi ata puridaa'nyi daryaalyarik'i kave kwaamu' mwaala!." ⁵ Sinnawi mi'na yihithiwevi (3:11,4:3) Gotiyai Yizireliyaraavina dara wida'

"Kwaaka kave kwaamu' kujaaviwidikeba
Sahwara kusawi bwibi'dera mika!"

⁶ Yagaala daza' "Pwara gamire kave kwaamu' mwaalyaba wibidere," kuna war!. Nabaai sinnawi yagaala tewaanya' kwaamusaburine' wi'neta sahwara yagaala sa' galazekivala yesa'na kusawi wiletagaa' mi'. ⁷ Sarevidaa'nyi yi Gotiyai yirika piri' ayahi dahilaka!. Sahwai yaya da' yirika dazari'na "Dahaaka." Sinnawinyara galazekivala kye' kwarame kwalaalya mena kabwawa' Gotiyai Devitimire maangik yagaalya' da'. Mi'na yihithiwe' dara din'i

“Dahaan! Gotiyare maangwiraaya! kadika wi'niipi'ja!

Sarimire simunya' kaanya wana diraginna marihiremwaaibina!”

⁸ Sare' darevinyi. Sinnawi Jozuwaa' saraav kwaamu' mwaalyabwi wi'jaavajt kwajt sagaa'daa'nyi yirika piri'na Gotiyai mujt kyadika!

⁹ Sarevidaa'nyi dara yawi'manigo. Sinnawi Gotiyai yuya wakaka yirika ata puridaa'nyi daryaalyarik kwaamu' mwalyaakabaib' Gotiyare a'mweraavine kave kwaamu' mwaalya' kuna warit!. ¹⁰ Sare' darevinyi. A'mwei Gotiyare kave kwaamu' mwaalyaburit wtlajai sai gannya wawinya' mena yi'mwannoj kwaamu' mwaaladelyi. Sinnawi Gotiyai yune gannya wawinya' mena yi'mwannaka kave kwaamu' mwalyaakabaib' a'mwe sai kwaamu' mwaaladelyi.

¹¹ Sarevidaa'nyi kwaamu' mwaalya dazaba kusawi wi'lya'nev nemt nayaa diraginna yuyanna yawirayaana! Yt kigaa' sahwara ke'ba'nanya'na yetabaaib' a'mwe pwai kwai galazekivala ya'ne sabwi midida yt sai kayaa'nanyaburit walaraawojt yt yiwina nyadika! ¹² Sare' darevinyi. Gotiyare yagaalya' nemtrebwina biranemaaranne'nanyi. Yagaala sa' gaalyabwi kininnakesi. Yt sa' wawinya diraginya yiniga wi'na yadesi. Sa' guri'maanga dit'bwa'nike' yt kwaari'masiraminya guri'maanga pimaginyaala gazavizavi wavilavikesi. Yt sa' a'mweraav dabira'nigwida yune kuta ke'mwewi nebulya'na widesi. Sa' tinnyawi wi'lyi'ma'da gaalyaviji kuryariji yt sawaarit midaaithidesi. Yt sa' dahaalyangiji yagidilyangiji tinnyaba wi'lyi'ma'da yuya sangt dabira'desi. Yt sa' yuya simunya sangiji nemt ya'nengiji yune'na maryawibwa'desi. ¹³ Gotiyai wakyaaka aane pimili' kimili' gamire sinnyiki lika yiniga wi'na yulyaranne mi!. Aawa. Yuya kaanya yuya basinadaa'na yaka yt Gotiyari tinnyari wana ku'maayaba warikengi. Yt Gotiyai yune sahwaina nemt yadaanya sabwi maryawibwaradengira. Neminyi Gotiyai yagaainakelyira.

Gotiyarina Mubithika Yira'de Naangei kininnakeina diraginna jalikurakaanne'nesi.

¹⁴ Sarevidaa'nyi dara yaana! Nemire Gotiyarina Mubithika Yira'de Naangaangei Sigunyavt ke'mwewinyavt Gotiyaryabanna ytlayt'mavakei sai Jizaazai Gotiyare Gawaalivaangei kininnakeina mwaaihovt yt nemt sahwarine jalikurakyabwi nayaa diraginna limwagaraana! ¹⁵ Sare' darevinyi. Nemt saina wagilyavt walamaraka'neina diraginya maayaine. Nemire wirisangina Gotiyarina Yira'de Naangei yawi'daa'nyi neminyina kale mwi yanpei mi!. Aawa. Yuya yijwaala sa neminyi neyima'nadevaib' yuya daza gamt kwari yijwaala ya'ne mena yima'nakengi. Sare kiri' sahwai wagilya myakelyi. Sarei neminyina yibwakidevinna neyvaimwagannelyi. ¹⁶ Sarevidaa'nyi nemt lika myadaa Gotiyaryawi gamire kingnamwaalyisavina gaimakunna wilaana! Sahwai yt yanga gaimwangebwi kininnakelyi. Nemt gamire kale gaimwangebwi maarya'neina nabaai taanginya neyima'nadaaworiyagaa' gamire yanga gaimwangebwi neminyi neya'neina sahwaryawinna wawaana!

5

¹ Gotiyarina Yira'de Naanga gazarizarit dahilakyabwi sa' daresi. Gotiyai a'mweraayawidaa'nyi a'mwe pwarit dahilakada Gotiyare wawinyaanginei wi'mwaaihadelyi. Gotiyarereraavt gaimwagya'nei Gotiyaryaba sahwaraavine marewidadelyi. Yt sahwai Gotiyari yanga dala pininna pininna wi'jaaya'nejti wagila marasti'nya'ne'na Gotiyarine tamiravawijaaya'nejti wawinya kininnakelyi.

² Gamt sai piburaavina diraginya maayai mwaaidevina a'mwe simunya maayara Gotiyare tusavt yagalya'madivsaraavina yibwakida kave yiniga wi'na bwiwanna widannelyi. ³ Sahwai yune diraginya mamwaalyadevit a'mweraavire wagilya marasti'nya'nei Gotiyari tamiravawijaavadevaib' gamt kwarinajt

tamiravawijaaya'ne tivikita war!. ⁴ Mubithika Yira'de Naangere wawinya daza' yaya naange! kininnakesi. A'mwe aane pwai kwai yune gamire saburiadaasi wawinya daza' maa'dei mi!. Aawa. Gotiyai Ne Eronimi Yira'de Naanga sinnawinyari jaka wijaakabaaib! a'mwe sar! jaka widdadaasiyagaa' sahwai wawinya daza' limwadely!. ⁵ Sarebaaib! Kiraazitayai kwalyi sarelyi. Sahwai byaannyavi yune gaminne yaya'na munyaba mamakiyada Yira'de Naangei yima'nakai mi!. Aawa. Gotiyai gami sai sahwar! wawinya daza' ya'neri dahilakakelyi. Sarevina sahwar! dara wida'

"Gimi niminyi Nyibwaalivaangeiginyira.

Dahaal Gimaamaangeinyi gimwaaihweiginyi."

⁶ Nabaai sabaaib! pimaginyav! dara da!

"Yira'dinya yuyagaa' yuyagaa'neiginyi.

Melikizathekimiavaavirebwina avaainanyaiginyi gimwaaihweiginyi."

⁷ Kigaa' Jizaazai Kwaakevakina kilaa'nakei mwaalakegaa' sahwai Gotiyari widaada yidaanganakelyi. Y! sahwai jaka naangesi kideralaalyaj! Gotiyai balyavi yiniga wi'na maaranner! widakelyi. Sahwai gannyabwi kwaakewi marulawakada yi Gotiyar! dalaangewi wila'na'da sarevi yi Gotiyai gamire yagaala widakevi kadika wi'nakelyi.

⁸ Sahwai Gotiyare Gawaalivaangei kwai kir! sahwai daange' maarakevi Gotiyar! midinya'na sasare sabwina gamire simunyavi nebulya'na yiwirakelyi. ⁹ Daza' yi Gotiyar!ne yune nebulya'nanyari marima'na!. Sarevi sahwai a'mwe yuyara gaminyi mididivisaraavi yuyagaa'na wivadaihasamaarannelyi. ¹⁰ Y! Gotiyai sahwar! dahilakaka diraginna wida' "Gimi Mubithika Yira'dinya Naangeigt,' gitihwa! Melikizathekimiavaav! avaainanyaiginyira."

¹¹ Melikizathek! ke'ba'nanyar!ne yagaala kwalaalya war!. Y! nem! sanna yihthaathe'nanyi. Kir! dahaal sarimire simunya kaanya tihi'ni ka yi simunya yime'nya'b! yawirariilaaya myaihilyi. Sarevi sariminyi yibwaridaakwia'ne yagaala dazavire aaya kaavilyavi yi nem! yagiyyagi wawinya! kininnakeine. ¹² Sare! daresi. Kigaakuna Kiraazitayari limwagesaihilyi. Yrikerti! sarimi wijiwaakyaihi mwaalya'na yiniga wi'na yiwaa!. Kir! aawa. Y! a'mwei pwai sariminyi mudi'nanya aaya kaavila Gotiyare yagaalya' ayahi nayaa yihiziwaakyaiherina sariminyi simunya'na tuta yihimudaasivani!. Y! bwaranyai yune aamunya! maarya'neri wimudaasadevaab! mudi'nanyanna yihimudaasivani!. A'mwera wapaaya diraginiya nya'neraavi wimudaasadevaab! sarimi yagaala naangenna yiniga wi'na wtnamaapinehi mi!. ¹³ Sare! darevinyi. Gazaizai mudi'nanyanna kuna yaamiyi yawi'dei simunya yida'maraangebwina nayaa yawi'dei mi!. Y! bwaranyai yune aamunya! nadevaabis'a'nanyi. ¹⁴ Nabaai kir! wapaaya diraginiya a'mwe naangera nadivtabaaib! Gotiyar!ne aayanna a'mwe sidu'nakeraavinengira. Sahwara nawi'nyanna yadivisare. A'mwe sasarera yi kwalaalyagaa' kunnya simunyangi yiwirinya yadivisare. Y! sahwara nawi'nyabulyi kayaa'nanyabulyi mena wi'na maryawibwarya'nera kuna nayaa yadivi! yiwirinya yadivisare. Kir! sarimi aawa.

6

¹ Kaimraayarabisaihi kuna namwaaibithika! Sarevidaa'nyi nem! Kiraazitayari ne yune yagaala mudi'nanya sasare savina mamwalaanna! Aawa. Nem! kuna wawaaj! a'mwe naanga mena yinikerabi! yagaala naangebwina daana! Y! kwalaalyagaa' nem! angevinelikila ayina, ayina yadaanyabaaib! yagaala yune mudi'nanyanna madaanna! Mudi'nanya darengi. A'mwera kayaa'nanyabwi balyabisa'bwinaya galaya'maya'nera simunya mudika nayaa yawiramaapika! Y! sara yapiji Gotiyari nayaa limwabika! ² Nabaai pwara sahwaraav! dara wiwiripika! Y! aalya yinya'ne dala pininna pininnanya nayaa yawibwapide'nanyi. Y! Kiraazitayare kusilaanyav! wilya'nesi Kurya Tewaanyari maarya'nesi sahwaraav! ata dathiwabide'nanyi.

Yi Gotiyai a'mwe yuya bainikeraavi ayina yidiikaavade'nanyi. Yi Gotiyai a'mweraavi maryawibwaroji yuyagaa' yuyagaa'ne tiviksabwi wijaavade'nanyi. Sara wiwiripi'desi. ³ Nabaai Gotiyai "Ya!" daza' yi nemi mudi'nanya sasarennu mujt yawaaji naangenna yihithaana!

⁴ Sare' darevinyi. Jizaazarina nayaajawiranganyila! A'mwera Kiraazitayarine bule'na wijaavipija' sahwara simunyu mudike' maarya'neraavi yiniga wi'na ayina gara wimwaihaanneraavaka! Sahwara pigaa' Gotiyare baake' kumire simunyavi mena wannakera. Yi sahwara Sigunyavidaa'nyi walaabake yange' mena nagaanganesare. Yi Kurya Tewaanyari sahwara ye'mwannamaaresara. ⁵ Yi Gotiyare yagaalya' yaamiji yadivit' dara yawiresare "Yi sa' tewaanya nawi'nyaange!." Yi Gotiyare diraginya nawi'nya divi yima'nya'ne'na mena yibwakinesara. ⁶ Yi sarera sara mwaabitza' kirii' wala'daawadivit' Kiraazitayarit' bule'na wijaavipija' kumire tusa' simunyu mudikebwi ayina yawiramaarya'ne' yi aawa. Yi sasare dazabwi kumi kwara Gotiyare Gawaalvaangeri yisaviri ayina tamarimupi'devaaibisasi. Sahwara tamarimupijari ku'maayaba a'mwera birala dangabi'delyira. Sare'na mala nayaajiwannyila!

⁷ Sare' darevinyi. A'mwera darerera. Kwaaka kwalaalyagaa' burike' waidaavadevi tika munne maranya'ne nawi'nya yiri'devaki Gotiyai tewaanya naanga yanga yadevakira. Yi a'mwe Gotiyai nawi'nyangi wijaavadera nawi'nyabura nayaajadivisaraavi sahwai tewaanya naanga yanga yaderera. ⁸ Kirii', nabaai pwara nawi'nya myadivisara darerera. Kwaaka yune wila langa kininnaka dala pininna pininnanyaj kurivaariya dala pininna pininnanyaj yiri'deva' kayaa'nanyavak. Sava! Gotiyai kayaaka yadevina yi nebawa mi!. Dividaa'nyi yi dike' nakadevakira.

⁹ Sariminyina nyivu'nadeihi, dahaa' nemi yagaala taanginya daza' diwo. Kirii' nemi sariminyina nebulya' yawiramaa'manigo. Yi sarimi' sasare sabwi wavila'divit' kayaaka sasara jideihi mi!. Aawa. "Gotiyai padaihasamaarakeina mwalaaja' nemi sareina nawi'nyabwina yaadeinera," dihinyideihili. ¹⁰ Sare' darevinyi. Gotiyai yida'na myadei midaa!! Sahwai wawinya yuya sarimi' yeta sanna simunyu navika yadei midaa!! Sariminyi Gotiyarinayi'hili. Yi sasare sara kuna yadivisaihili. Yi daza' sariminyi Gotiyarinayi'hili. Sare' sahwai yida'nanyai sariminyina navika yadei mi!.

¹¹ Yi neminyi tewaanya dara nevu'nivan'. Sariminyidaa'nya gazaizai Kiraazitayarit' diraginna limwadevwi avaainanya' kuna wibwaridaakwana! Yi pada'galalimwanga yadivit' Gotiyai nedakenna kwaamu' jemwaalyila! Kuna yiwawagopijaihi yune yiwiya yaja sarimiregaa'na sasara yune diraginna jila! ¹² Sarimi' maa'na nayihinadika! Aawa. A'mwera nebulya'na diraginna limwaga'divisara maa'na yarai mwinyakera mwaaidi' divit' diraginna daa'divit' sinnawi Gotiyai yune naanga nebulya'na dake gamireraavi wijaaya'na yuya kuna maa'divisaraavirebwi sarimi' nayaajada'galamidinya jila! ¹³ Sare' darevinyi. Sinnawi Gotiyai Eviraamimi yune naanga nebulya'na wija' yagaala diraginya' wija'. A'mwei naangei yaka Gotiyari wavilavikei aawa. Yi a'mwei pwai mi!. Pwarine yayavi Gotiyai yagaala diraginya' wija'nei mamwaalyi!. Aawa. Sarevidaa'nyi yi Gotiyai yagaala diraginya' gaminne yayavina wijaakelyi. ¹⁴ Sahwai dara wija' "Nimi yagaala nebulyava'na diwa. Yi nimi gimiinyi tewaanya naanga yanga yune'na gideinyi. Yi nimi gimirere diviya jakwalaangeraavi kwalaalya kwalaalyaraavi gimavigimwaihidere." ¹⁵ Sarevidaa'nyi Eviraamit' diraginna limwaga'da maa'na winyakei mamwaalyada yemwaaina yaakevi dividaa'nyi "Sara gideinyi," wijaakabaaibi' sahwai sara maryakebuli. ¹⁶ Sare' darevinyi. Yagaala diraginya' nebulya'na javwi yi sa' daresi. A'mwera yagaala diraginya' ja'negaa' sahwaraavine wavila'dere yayavi nebulya'na dadivisare.

Nabaai yagaala d̄raginya sa' yuya yagaainakeburaavina yi a'mwe pwaraavire maangengi kaanya tihiralimwagata ya'nesira. Ȳi dazasa' yagaala sangi aaya kaavilya' t̄ivi'nanyasi. ¹⁷ Sarevi Gotiyai gamire kaimiraayainaavi gaimwange'na "N̄imire yagaala dazavi maravila'nya ya'neinyi mi!. Sahiri' wana ku'maayaba yibwaridaakuma!" dakelyi. Sara dada yi sahwai yune gannya yagaalyavi d̄raginya yiwagya'ne'na yagaala d̄raginya' nebulya'na dakelyi. ¹⁸ Nabaai sawaai yune naanga nebulya'na wijsi yagaala d̄raginya' sawaai maravila'nya mi ya'newaai kininnakeine. Yi p̄ir̄waala daza'na Gotiyai kwaasi dannei mi!. Arikewi. Ȳi dazawaai nebulya'na d̄raginya yivaimwanga neyadewaalyi. Nem i a'mweinaavire simunyangi likaanya wodaa Gotiyari gidikusaba lika yulya'daanyainaavi. Gotiyai neminyi na yune naanga nebulya'na dake'na nem Gotiyari nayaa pada'galimatwagata yadaa nem sahiri' kuna yemwaalyabwina maarya'neina sahwaryawi lika yulya'daanyaine. ¹⁹ Sipiya' wiла naangevasi yi'divaidevaabi' nemire Jizaazarı yemwaalyabwi sahwarı nevviyadevaabi' sahwarı d̄raginaanga limwaga'daanyaine. Gotiyarına Mubithika Ȳira'divita Naangera Gotiyare angevi kusawinya jannevı wiлаaweva kusawi yunewinna widivitabaaibi' Jizaazai Sigunyavyavi wiла!. Nabaai Jizaazarı yemwaalyabwi Gotiyaryabanna nemire simunyavı marima'naabadesi. ²⁰ Ȳi sahibanna Sigunyavı ku'dika yarinika dazavi sinnawi Jizaazai gamidaasi neminyi negaimwange'na wilakelyi. Ȳi sahwai neminyine'na Mubithika Ȳira'de Naangei yuyagaa' yuyagaa'nei Melikizathekimi'vaavı avaainanyai yi'ma'nakelyi.

7

¹ Melikizathekimina daresi. Sahwai Anga Selemi kingiyai maremwalyaa!. Ȳi sahwai Gotiya Munya Ke'banya Nebulya'nanyare mubithika ȳira'delyi. Sinnawi Eviraamimiva kingiyaraavi mala mena dathwanna yaka yi angebanna ayina yagalaawina yadaa'nyi yi tusavi Melikizathekı sai sahwarı wi'rata'nyina yaka tewaanya naanga yanga wi'dakelyi. ² Ȳi Eviraami gilyivita yuya kingiyaraavi maarake jaapalaka ata yuyiraalya pimaginya piri' Melikizathekimi wi'jaavakelyi. Nem Melikizathekima yaya maridaana! Daza' daresi. Tewaanya yida'maraangeburıya kingiyalyi. Sai kingiya Selemine kwalyi. Selemi aaya kaavila dazavire daresi. Kwaamu'nanyaburiya kingiyalyi. ³ Gotiyare bukuyavi ganimaangelyi ganaangesi sayorina madinyikesi. Nabaai sahwarı gyakwalaangeraavina madinyike'na sahwara kuneibisalyi. Nabaai avaainanya'na ganaange' maaraka yirikeri' kunelyi. Nabaai gami balya'ne yirikeri' kunelyi. Sarennia sahwai Gotiyare Gawaalivaangeibisalyi. Ȳi Gotiyarına ȳira'dei yuyagaa' yuyagaa' kuna mwaali'.

⁴ Melikizathekı dazarina nayaa jawirila! Sai yaya naanga nebulya'na yi'ma'nakelyi. Nemire neyakwalaanga aaya mudi'nanyai Eviraamı yuya gilyivita malyavı maarake yanga muda!. Ȳi sahwai Melikizathekimina ata yuyiraai jaapalaka yi atiraalya pimaginya tewaanyanna tewaanyannanya wi'jaava' aaya mudi'nanyai. Sarevi "Ȳi Melikizathekı a'mwe sai naangaangelyireva," dadaanyi. ⁵ Nabaai piri' daresi. Livaayaridaa'nya gyakwalaangera mubithika ȳira'divisare. Sahwaraavine kiwinya'dinikesi. Ȳi Gotiyare kiwinyavi dara din'i "Yizireliyaraavire gilyivita mudika yuya atiraalya pimaginya' maapika!" Yizireliyara sahwaraavı kwiya'mwe nebulya'nanyara yi Eviraamimire saanyavaakidaa'nyara mwaaleta kiri' Livaayara sahwara kwiya'mweraavire gilyivita atiraalya pimaginya' maa'divisare. ⁶ Piri' daresi. Melikizathekı sahwai sahwaraavire yisavaakidaasi yi'ma'nakai mi!. Menyalyi. Kiri' sai Eviraamimina gilyivisa atiraalya pimaginya' maarakelyi. Nabaai Eviraamı Gotiyare yune naanga nebulya'na wijsi kininnakeri Melikizathekı sahwai yagaala tewaanya naanga yanga wi'dakelyi. ⁷ Nem mena yawi'manigo. A'mwe yagaala tewaanya naanga yanga yadei sai munyabanyi. Ȳi a'mwei sahware yagaala tewaanya

naanga yanga wıdade' maa'dei, yi sai kwaakewinyi. Sareburına yagaainake' mwari'.
 8 Nabaai pıburaai warı!. Yi pırı! daresi. Livaayara atıraalya pimaginya maa'dıvıtara sahwara a'mwe balya'nere. Yi pırı! daresi. Melikızathekı atıraalya pimaginya maarakerına dara jalıkurakını! "Sai gaala mwaalı!" 9 Yi nemi yiniga dara daanneine. Nebulyasi. Livaayai sai yi a'mwe gılıyıvıta atıraalya pimaginya sa' maa'delyi. Kırı! sınnawı Melikızathekı atıraalya pimaginya! Evıraamıtmıre maara!. Yi dazarevi sai atıraalya pimaginya! Livaayai kwarejı maara!. 10 Sare' darevınyi. Melikızathekı Evıraamıtmıre tusavı wırata'nagi la Livaayai gannya gyakwalaangere saanyavaakı kuna yi'nadı'nyi Evıraamı wıjaavaka kırı! Livaayai wıjaava!. Sarevi Evıraamıtmıjı Livaaya revaakıyaraavıji wavıla'delyi Melikızathekı.

11 Sare'na dara jawırlı! Yızırelıyaraavına Gotıyai gamıre kıwinya' wıjaayaburı aaya kaavılya' yi sa' Livaayara Gotıyarına mubıthıka yıra'dıvıسابولي. Kırı! Livaayaraavırebwi sabwi Gotıyarına a'mweraavı yıda'maraangeraavı nebulya'na wımwaaihajı kwajı dıvidaa'nyi Mubıthıka Yıra'de Naanga geibi' yıma'nakerına a'mweraavı be'na wımudaasanneraaavaka! Gawaalıvaangei Yıra'de Naangei sai Melikızathekımıvaavıne avaainanyai. Yi sai Livaayarevaakıdaasa Eronıtmırevaakıdaasaraavı avaainanyaina mi!. 12 Sare' dara yıma'nakesi. Mubıthıka yıra'dıvısaraavıre savaa' wavıla'nya yake'na tıvıkıta dare' warı!. Yi nabaai kıwinya kırısı nayaa wavıla'nakesi. Yagaala mudıke! yıma'naabakesi. 13 Sare' darevınyi. Gotıyare bukuyavı dıniķıka dazai Yıra'de Naanga mudıkei yi sai yıta pıvaakıyalı. Eronıtmırevaakıyai mi!. Sınnawı kwaraanyaba yıra'dıvısavı wıdaayakei gamıre yıta savaakı a'mwei aane pwai kwai mi!. 14 Sare' darevınyi. Nemı mena yawı'manıgo. Nemıre Naangei sai Juthare yıta savaakıdaası yıma'nakelyi. Yi Mozızai yıta dazavaakına yıra'dıvısaraavıne yagaala aane pımlı! kımlı! majaa!. 15 Nabaai tamira'de dazai pwai yıma'naka yi sai Melikızathekımıvaavı avaainanyarına nemı mena yawırangamanıgo. Yagaala dazavıre aaya kaavılya' wana ku'maayaba warı!. 16 Sahwai Mubıthıka Yıra'dei yıma'na!. Gamıre kılaakevıne kıwinya'nanya' mi!. Gamıre yısavaakıre'na mi!. Aawa. Gaalya' yuyagaa' yuyagaa'nevıre dıragınya yune sahırısa' yakelyi. 17 Sare' darevınyi. Gotıyare bukuyavı dara jalıkurakınıkesi.

Gımi yuyagaa' yuyagaa'ne Yıra'dınyaigı

Yi Melikızathekımıvaavı avaainanyaigı mwaaidınyaigınyıra.

18 Sare' darevınyi. Pırı! daresi. Yıra'dıvısaraavırevaakıne dakınıke' sınnawınya' Gotıyai mena marası'nakesi. Yi kıwinya daza' dıragınya maaya' nemınyi yiniga wi'na manegaimwagyade'na marası'nakesi. 19 Sare' darevınyi. Ne Mozızare kıwinya' Gotıyarına yıda'maraanga aane pwarı kırıvı yune nebulya'na yıma'naabaka' mi!. Pırı! daresi. Gotıyai pıbwi dara yıma'naabakesi. Gotıyare kıwinya'avına maalıke yemwaalya'nengı. Gawaalıvaangei Yıra'derına naangaange yemwaalya'nengıra. Yi sahwarına nemı Gotıyaryaba gidıkusabanna wawaanneinera.

20 Nabaai sahwarı Yıra'derı Gotıyai dahılakakegaal' sai yaasıwa' dahılakya mya!. Aawa. Sai yagaala dıragınya' gamıne yayavına daka yi sahwarı dahılaka!. Sare' darevınyi. Pırı! daresi. Sınnawınya yıra'dıvıta sahwara Livaayaraavı sara mya!. Yagaalya' yune'na dıragınya' nebulya'na dake'na Livaayara sahwara yıra'dıvısara yıma'nya'nerıaavına aane pwai kwarı sara madahılakya!. 21 Pırı! daresi. Gotıyai gamı sai Gawaalıvaangerı yıra'dei yıma'nya'nerı yagaala dıragınya' gamıne yayavına dakelyi. "Daaina! Nyıgıvına!" wıdadıvıtabaaibı! dıragınnı sara dakakelyi. Sahwarı dara wıdakelyi

"Naangeinyi nımınne yayavına nebulya'na mena dena,

Yi sahwainyi sımunya' ayahi maravıla'nya mye.

'Yıra'dınya yuyagaa' yuyagaa'neigı dımwaalago'deigınyi.' "

²² Yuya sarevidaa'nyi yit nemti yawi'manigo'nanyi. Jizaazarina yagaala wilimwagarikewi yit sa' tewaanaangesi. Sa' yit kiwinya' daknika sinnawinyavt wavilavikesi. ²³ Nabaai piri' daresi. Sinnawi a'mwe kwalaalyara yira'divitara mwaalesare. Yit yuyara balya ya'nera yuyagaa' mamwaalyi yipinere. Gazaizai wawinya sa' maaraka balake'na yagalya'mavakelyi. ²⁴ Piri' daresi. Jizaazarai Yira'de yuyagaa' yuyagaa'nei kuna mwaaiden'a wawinya sa' yagalya'mavadei mi'. Yuyagaa' sa' limwagaradelyi. Sa' makwasakade' mi'. ²⁵ Sarevidaa'nyi yit sahwai a'mwera gaminyine'na Gotiyaryabanna gidiku' badivisaraavi yiniga wi'na padaihasamaarannelyi. Yit yuyagaa' yuyagaa' gaalyabulyiyai mwaaida sahwaraavina Gotiyari marewidadevi sahwaraavt yune'na padaihasamaa'delyi.

²⁶ Sare' darevinyi. Mubithika Yira'de Naanga sasare dazai neminyi negaimwagya'nelyi. Yunebannanyalyi. Sai Gotiyari yilaaya wigaidei giri'maayai nawi'nyaangelyi. Yit dazarit kayaa'nanya aane piri' kiri' warika' mi'. Yunebanna yune nawi'nyaangelyi. Yit yiwetawakya maayalyi. Yit kayaa'nanyara yadi'vatabaaib' sai yadei mi'. Sai nebulya'nanyai nabinyalyi. Sari Sigunyavt munya ke'bevanya'na Gotiyai makilaawakelyi. ²⁷ Sahwai Yira'divita Naanga pwarabisai mika! Sai kayaalnanyabwi myaddevina gamire yiwetawakya'na marasi'nya'nei kwaraanyaba sipzipiyari yirasa'na wimudaasadei mika. Sinnawinyara yuya yirikerikaavt aayagaa' kumire wagilya marasi'nya'na kwaraanyaba sipzipiyari kuminnedaas yira'na yadivisare. Yit nabaai ayahi dividaa'nyi a'mweraavire wagilyanna avaaina yadivisare. Sarei mika! Sare' darevinyi. A'mweraavire wagilyanna sai wijaavinya'nei gami' sari yuyagaa'ne gave pigaa'na yakelyi. Sahwai gamire gaalya' Gotiyarinna wijaavakelyi. ²⁸ Sare' darevinyi. Mozizare kiwinya' a'mwe yira'divitara yima'nya'nera diraginya maayara mwaaidivita kiri' sahwaraavt dahilakadesi kiwinya!. Kiri' Gotiyare yagaalya' gamire yayavina yagaala diraginyasi kiwinyavt dividaa'nyi yima'nake' yit sa' Gawaalivaangeri dahilakakesi. Yit Gawaalivaanga sahwai yuyagaa' yuyagaa'ne yune nebulya'nanyai yune yida'maraangei mwaaidelyi. Yit sahwai neminyina yuyagaa' yuyagaa'ne Yira'de Naangelyi.

8

Gotiyare anga nebulya'nanya Sigunyaviyavi Jizaazarai Mubithika Yira'de Naangei yivanikeburinesi.

¹ Yit, yagaala dazavnya minyagi'nya' nemti divanigo', sa' yit daresi. Dazai neminyine Yira'de Naanga sarei kininnakeine. Yit naangeba namwaalyisari aangasimagi Kingiya Aaya Mudinanya Sigunyaviyarevi sai mena walamaalakelyi. ² Sai Yira'de Naangei Gotiyare anga giri'maaya nawi'nyaavi widaayadelyi. Yit Selang anga daza' yileanga nebulya'nanyasi. Daza' a'mwe kwai maridaakkwaka' mi'. Aawa. Yune Naangei Gotiyai daakkakesi. Yit sahibanne widaayadelyi. ³ Sare' darevinyi. Yira'de Naanga gazaizai a'mweraavina Gotiyari yanga dala pininna pininna wijaaya'neji yiwetawakyanna Gotiyarinne tamiravawijaaya'neji wawinya'na dahilakinikelyi. Sarevidaa'nyi nabaai neminyinei dazai wijaaya'ne' kininnakerine wawinya' warikelyi. ⁴ Sarevidaa'nyi Kwaaka davaki kuna mwaaidori kwajit sai yira'dei mamwaalyi kyadika! Yit Kiwinyavi dinikabaaib' pwara Gotiyari yanga dala pininna pininna wijaaya'nera yira'divisara mwaaihasa'nanyi. ⁵ Sahwara Kwaakevakya Gotiyare Anga dazavt wawinya yira'divisa' limwaga'divisare. Anga sa' anga nawi'nya nebulya'nanya Sigunyavt mannikevi ke'ba'nanya' a'mabaalyinanya' warikesi. Ne Mozizai Gotiyare seli ange' maridaakkwagega' Gotiyai anga savina sahwari diraginna widakebisasi. Sare' darevinyi. Sai dara da! "Gimi mala nayaa jiwannana! Yiniga nebulya'na avaala daza' nimti gimi'nyi mugunyavt givwaridaakwebaaib' yit anga saviya yuyangi sara javikarideiginyira." Yit Sigunyavt nebulya'nanya daza' warikesi.

⁶ Nabaai dahaa' saba Kiraazitiyai Yira'de Naangere wawinya' mena maarakelyi. Yi wawinya daza' Yira'divita Naanga pwaraavirevi nebulya'na wavilavikesi. Yi sai Gotiyariji a'mweraaviji mariraku'dere yagaala wilimwagarika sa' yagaala wilimwagaraka sinnawinyaavi wavilavikabaaibi' Yira'divita Naanga pwaraavirevi nebulya'na wavilavikesi. Nabaai yagaala wilimwagarikebwi Kiraazitiyarine savi Gotiyai yune naanga nebulya'na wiya yi kiwinyaavi yune naanga nebulya'na wijangi wavilavike nawi'nya naanga warikesi. Yagaala wilimwagarika daza' yune naanga nebulya'na wiya dazangi Gotiyai yi'ma'naabakesi.

⁷ Sare' darevinyi. Yagaala wilimwagaraka sinnawinya' yi'wetawakya yune maaya' warajt kwajt yi Gotiyai "Yagaala wilimwagaraka dazavineba diviya piri' wakideinyira," myawiri kyadi!. ⁸ Sare' darevinyi. Yizireliyara gamire kiwinyaavi galazekivalesaraavire yi'wetawakyanna yawiraka Gotiyai gamire bukuyavi da!. Yi dara dinikesi.

Naangeinyi diwa "Yithaa! Divi yirikerika yi'ma'naabathegaa! Yizireliyaraavire yisavaasi Juthiyaraavire yisavaasi saraavina Yi nimti yagaala wilimwagarade mudike' dakideinyi.

⁹ Mudika daza' sinnawinya' dakage sa'bita' mi!.
Kwiyakwalaangeraav ni'mire asilyi wibwaridaakwia'neinyi
Yizipi Kwaakevi yagalya'mavesaraav makwawegaa!
Kwiyakwalaangeraav yagaala sa' dake sa'bita' mi!.
Ni'mire yagaala wilimwagaraka kuna mamidinyesi'na
Ni'mi sahwaraav wanganake," Naangeinyi diweinyi.
Sarevidaa'nyi yagaala wilimwagarade mudike' yi'deinyi.

¹⁰ "Sare' yirika sarika mena kyoji
Yizireliyaraavire yisavaasi mudika daza' ye'mwannayideinyi."
Naangeinyi diwa. Yagaala wilimwagarade sa' daresi.
Kumire yawisavina ni'mire kiwinyangt wilakidengi.
Kumire simunyavina dazangi pikarya yidavidengi.
Nabaai ni'mi kumi'nyi Gotiyainyi mwaalideinyi.
Nabaai kumi' ni'mi'nyi a'mwera mwaaiibi'dere.

¹¹ Sarevidaa' nyi gazaizai gamire angebanyari wijiwaakadei mi!.
Nabaai gazaizai gathaa'gahwaari wijiwaakya'ne' mwari!.
"Naangeri nayaa jawrangana!" widathei mi!.
Yi dazagaa' ni'mire a'mwe yuyara nayaa nyawirangabi'dere.
Maalikerajt a'mwe naanga kwarajt nyawirangadaapiya'na
Sara wijiwaakya'ne wawinya wi'mudaasadera mi!.

¹² Sahwaraav ni'mi' kale gaimwanga wide'
Kumire yi'wetawakyangine tivikita marasi'nide'nanyi.
Yi kumire kayaa'nanyabwina siduta ayahi yawirideinyi mi!.
Sareinyi yi'de sare'na yuyara nyawirangabi'deinyi.
Gotiyare bukuyavi sara dinikesi. ¹³ Dinikevina "Mudikeva!" dakevi yi sinnawinya' aya mena dakinikesi. "Yarai yi'maannadesi," yawirakesi. Yi yuya aya yi'ma'nivanike yi neibsangt. Sa yune maalikegaa'na waradengi. Yi yinahu yuya yi'wina yadengi.
Sarebaaibi' yagaala wilimwagaraka sinnawinya' sara yadesi.

9

¹ Sarevidaa'nyi yagaala wilimwagaraka aaya mudi'nanyavi Gotiyai yilaaya'na ya'ne kiwinya pin'i dakakesi. Nabaai yagaala savine ange' Kwaaka dathavakuya' mannikesi. ² Sare' daresi. Anga seli anga sa' maridaakwesa!. Yi aaya ku'dika yarinika pimaginya mudi'nanyavi laamuyalyi yi'binya Gotiyari wijaaya'ne girikula daza kininnakesi sawaai wari!. Ku'dika yarinika dazavina "Ku'dika Tewaanyava.

(Gırıkit'a'nanya maayava)," wo'nikesi. ³ Kusawinya janne naange' kurike'bı' tımudaakunıka bulyımagıdaası janne ayahidaası ku'dıka pırı! "Ku'dıka Tewaanya Nebulya'nanya," wo'nikesi. ⁴ Jıta wabatırınya yıravayıhurya'ne! dı'bınya golıya yavıkarınıke' ku'dıka dazavı sımagınyayı wa'desi. Nabaai kusawı bukuta yagaala wılımwagarakebwi kırı! warıkesi. Yunewinna bwakakınıke' bukuta sare yuya sımagınya yune golıyasına. Bukusavı kusawı maa'gula golıyayı wapaaya man-aaya' wıla'dı'nyıya' warı!. Nabaai bukusavı kusawı Eronımire yadisarı! yaalıka mena yınıkeri' kırı! kwaraka yırıvakeri' warı!. Nabaai sıla pwaraai sınnawi Gotıyai yagaala wılımwagarakeburıya sılyaraarı pıkarya yıdavakeraai warı!. Yı yuya sa bukusavı wılkakengi. ⁵ Bukuta savı Gotıyarı sınnı tıka wıda'devwi munyaba ejelıyaraaibı' pıvınakeraai byaanna dıragınyasıyaraai yılamwaalı!. Yı saraare pıyangı kwaakewı bukusavı bwakakya savı Gotıyarı sınnı tıka wıda'devwi marası'nya'ne tawe lıvirıkurya'nebe. Kırı! dahaa! yuya dazangıre aaya kaavılya' nımi' tıvi'nanya'na marima'naabıdehaa! mı!. Kunegaaktı.

⁶ Yuya daza mena kwara' yı pırı! daresi. Yuya yırıkerikaavı ku'dıka aaya mudı'nanyayı mubıthıka yıra'dıvisara kunnya wawinya Gotıyarıne ya'nera widaawadıvisare. ⁷ Pırı! daresi. Kwarame gazasavı yune gave pıgaa'na ku'dıka ayahidaasavı Yıra'de Naangei gave pwainanyai wılakelyı. Nabaai sai yaasıwa'wılya yakai mı!. Aawa. Sai tamira'dıvisavı tawe! maa'da wılakelyı. Yı tawe pırıvı gamınne wagılya myawıryade yake marası'nya'nenna yı tawe pırıvı wagılya a'mwera nayaa myawıryadıvı! yesa marası'nya'nenna Gotıyarına wıjaavakelyı. ⁸ Sasare dazaburı Kurya Tewaanyai dara neybıwarıdaakuvanı!. Yagaala wılımwagaraka sınnawınyayı angevıre wawinya kuna warakegaa' janne' kuna tımudaakwakegaa' yı nemire tuta Gotıyare Ku'dıka Tewaanya Nebulya'nanyayına yınıgulıke' sa' yı ku'maayaba mima'naabyakesi. ⁹ Yı anga sınnawınya sa' yı dathahaanıbı' dahılakake' ke'ba'nanyası. Sınnawı anga dazavı a'mwera Gotıyarına yanga dala pınnına pınnınnanyajı yıra'dıvıta sajı wıjaavadıvisare. Kırı! yuya sa wıjaavadıvıta sa Gotıyarı ya'ne pware sımunyai padaihıräkyarı yune nebulya'na yavada'galanne mı!. Yı sahwai gannya sımunyarı kuna yawı'na "Nımire yıwetawakya' kuna warı!". Sareibısara Gotıyare angevı wılaawetara mı!. ¹⁰ Yı sasare sabwi dara dıni! "Wapaaya sa dınanı! Sa kımaakıya manınnı! Aalya sa dınanı! Aalya pıni kımaakıyangı. Aalya yınya'nebwına sana sana ja!" Yı yuya sa kılaaka mwasımagınyayı duimwagasi'nya'nebulyı. Gotıyai dakake kıwınya yuya daza yı sahwara mıdınıya'neraavına yune aaya mudıkebwi sahwai nayaa yıma'naabazahaa'nanyı. Kıraazıtıyarına yagaala nelımwagarıka mudıke' dakajahaa'nanyı. ¹¹ Sare' kırı! dahaa! Kıraazıtıyai mena yıma'naaba!. Yı sahwai yuya nawı'nya yıma'nakenna nemı yıbwakımanıgongıne Mubıthıka Yıra'de Naangelyı. Sahwai Sigunyavı Gotıyaryabanna yı selı anga naangaange' yıda'nanya naangevı kusawı wılaawakelyı. Selı anga daza! Kwaakevakıya sınnawınyayı wavılavıkesi. Daza! a'mwera asırajı yavıkarya madeta' mı!. Yuya Gotıyai wakyaakejıya' sa' mı!. ¹² Kıraazıtıyai anga dazavı wılya'nei yıra'dıvisara yetabaaibı' memeyavıre tawesi bulımakaawoya dıwınyaresi maaraka' mı!. Aawa. Sahwai balakegaa' tamiraya'ne gannya yune tawevına yakelyı. Yaka sai anga tewaanyayı yuyagaa'ne gave pıgaa'na wıla!. Yı sai yuyagaa' yuyagaa'ne neminyı ayahi mubyı yanemaarake'nanyı. ¹³ Sare' darevınyı. A'mwe pwaraavıre kılaakejı! Gotıyare tınnıyarı gırıkit'a'nanya yıma'nadaası yı yıra'dıvisara sahwaraavı pıgaa' memeyavıre tawesi pıgaa' bulımakaawoya kwalyare tawesi lıvirıkureva nabaai pıgaa' bulımakaawoya balya' yune' dıka yıra'dıvı! kwaagıta yovırawakadıvisası aalyası gırıkit'a'nanyaraavi lıvirıku'dıvıktı. Sara yadaapi yı kumıre kılaakejı! tewaanyayı' yıma'naderera. Sara yanne' waraja' ¹⁴ yı Kıraazıtıyare tawe' ya'ne' dazahırıvı yune naanga wavılavıkesi. Yı sahwarı yuyagaa'

yuyagaa'ne Kurya Tewaanyai w̄igaimwagakei Gotiyarina tamira'divisa'b̄isa' gamire gaalya' w̄ijaavnakelyi. Ȳ K̄raazit̄yai sari kayaa'nanya aane p̄iri' k̄iri' w̄iwarikai mi!. Sarei w̄ijaavnaka sareviadaa'nyi gamire tawe' neminyi k̄laaka gavej̄'na miwaipwagi yannesi. Aawa. Sai nemire simunyar negaida ȳ dala p̄ininnanya balyaburi midinya'nebwi nemaras'nnanesi. Gotiyai gaalyavi aaya kaavilyari w̄idayaaade'na tawe sa' neduimwagas'nnanesi.

¹⁵ Sareviadaa'nyi K̄raazit̄yai yagaala nelimwagarika mudikevi ȳwagya'nei neminyij̄ Gotiyariji nemariraku'dei mwaali'. Ȳ sahwai ȳwetawakya a'mwera yeta yagaala wilimwagaraka mudi'nanya' kuna marerakegaa' yuya sa marasi'nya'nei sahwaraav ayahi mubyayamaarya'nei gannya tawesi mena balakelyi. Sarevi ȳ a'mwera s̄nnawi Gotiyai gannya yuyagaa' yuyagaa'nenna w̄ijaaya'ne kaimraayaraavi jaka w̄ijivwaramaa'dera yune naanga nebulya'na w̄ija' ȳ gaala daza' maapi'dererera. ¹⁶ Sare' darevinyi. A'mwera kumi balya'negaa' kumire ḡilyivisa maarya'neraavina "Yagaalya' yune'na darigusakima!" dadiv'i p̄ikariyikwir yagaala daza' yida'divisasi. Nabaai kaimraayara yagaala diraginya dazavine kuvintmaangere ḡilyivisa maarya'negaa' ȳ tivikita daregaaki. A'mwera naya mena dara kyawiranganapiji "Ganimaangei p̄ikariyikwir yidavakei nebulya'na baimwaka!" sagaa' kuvibwaalivaangera maa'divisagaaki. ¹⁷ Sare' darevinyi. Balya'negaa'ne p̄ikariyikwir yidavakei gaala kuna mwaalajai ȳ gamire yagaala diraginya' yaasiwa' warina yadevinyi. Ȳ sahwai mena kabaloji ȳ yagaala savire diraginya' yima'nadesi. Sara dinike' sara yipi'desi. ¹⁸ Sareviadaa'nyi Gotiyare p̄ikariyikwir yidavakei ȳ gamire yagaala wilimwagaraka s̄nnawinya' ȳ sa' diraginya' yima'naabya'ne'na aringa tameve gamire tawe' dimave'. Ȳ aane pwai kwai mabaly yaj̄ kwaj̄ yagaala sa' diraginnake' myima'nyi kyadit̄. ¹⁹ Sare' daresi. Aayagaal Ne Mozizai yuya k̄winyaviy yagaala gazasa' a'mwe yuyaraavi w̄ijivwaakkelyi. Ȳ dividaa'nyi sai tawe bulimakaawoya dwiynyaresi memeyaviresi maaraka aalyasi yegirilaka sipizipiyavire arila wayaake' ȳta yizopiyaviy taanya maalikengi yewaalbwaraka ȳ tawe' k̄winyaviy bukuyavi yirikuraka dividaa'nyi a'mwe yuyaraavi yirikurakelyi. ²⁰ Sara yada dara da! "Tawe da' Gotiyari midinya'neihiri yihithakwake' gamire yagaala yihilimwagarika dazav diraginya yivaimwanga ya'nesi." ²¹ Sarebaabi' seli angeviji yuya dazaviy widaayadivita yilaaya ya'ne sangi tawe' yirikurakengi. ²² K̄winyavire saburine nebawa yuya sa tewaanya nawi'nya yima'nya'nenna yune tawe savina yima'nadengi. Girikitainanya duimwagas'nadengi. Ȳ nabaai tawe' mwalaabi yaja' ȳ Gotiyai a'mweraavire wagilya marasi'dei mi!.

²³ Sareviadaa'nyi piri' daresi. Yuya dazabura Sigunyavine warikebanya ke'ba'nanya dazangi, ȳ Kwaakevak angesi angevitya yuyaji sangi ȳwaipwagasi'nya'ne yira'divita dazanna wawinya' war!. Piri' daresi. Sigunya gami saviya tusavi ȳwaipwagasi'nya'ne yira'de tewaanya nebulya'nya' Kwaakevakya dazangi wavilavike' ya'nevina tivikita naange' war!. Ȳ K̄raazit̄yai Sigunyaviy tusavi duimwagas'nya'nei gamire gaalya' w̄ijaavnakene. ²⁴ Sare' darevinyi. Anga tewaanya nebulya'nya' a'mwera kunnya asirajt madesavi sahwai wilakai mi!. Ȳ anga sa' Gotiyare anga nebulya'nya'ne yune kwaasi kwaasi ange!. Ȳ Kwaakevakya anga savi wilakai mi!. Aawa. Yune Sigunya kibeva wilakelyi. Sahibanna dahaa' neminyi gaimwagya'nei Gotiyaryabanna bi'mavamwaalaka neminyineba marewidadelyi. ²⁵ Yuya kwarame sangina Ku'dika Tewaanya Nebulya'nya' Yira'de Naanga kwai tawe gamire' mwaryade' w̄ijaaya'nei wilakabaaibi' K̄raazit̄yai kwalaalyagaa' gami sari w̄ijaavnya'nei Gotiyaryaba widaawadei mi!. ²⁶ Nabaai sai kwalaalyagaa' sara yaj̄ kwaj̄ aaya Gotiyai Kwaaka wakyaaka dazagaa'daasi yaka ȳ dhaasi ȳ sai kwalaalyagaa' daange' kamaaradi!. Kiri' aawa. Yuya-

gaa'ne gave piga'a'na yirika aaya darikaav'i sahwai wagilyangi tivikisa' sahwai tivi'na mubya'nei gami sari tamira'divitabaaib'i Gotiyarina wijaavinya'nei Kwaaka davaki ku'maayaba yima'naabakelyi. ²⁷ Yt a'mweraavina gave piga'a'na balya'nebwi war'i. Nabaai kabalapiri divedaa'nyi Gotiyai sahwaraav'i maryawibwaradevaab'i ²⁸ Kiraazitayi yune gave piga'a'na a'mwe kwalaalyaraavire kayaa'nanyanna makwiya'nei gami sari yira'divisa'bisari Gotiyarina wijaavinkelyi. Nabaai divi pegasaai sahwai bwaly'mavadelyi. Kiri' sai sagaal kayaa'nanya marasi'nya'nei ayina baladei mi'. Aawa. A'mwera "Sahwai walaabana!" dadiv'i yemwaimanigasaraav'i nebulya'na yune'na padaihasamaarya'nei ku'maayaba yima'naabathelyi.

10

¹ Sare' darevinyi. Mozizare kiwinya' yuya tewaanya yima'nya'nenna a'mabaalyai kininnakesi. Sa' dazanna ke'ba'nanya nebula' mi'. Kiraazitayi ke'ba'nanya nebulyalyi. Kwarame gazasav'i kiwinya'ya a'mabaalyaibisa yirayrata yadivita avaainanyangi aane pigaal kigaa' a'mwe yune nebulya'nanyaraav'i yiniga wi'na yavada'galanne mi'. Yt yira'divita avaainanya sangina Kiwinya sa' Gotiyaryawinna bipijaraav'i tewaanya yune nebulya'nanyaraav'i wimwaaihade' mi'. ² Sa' sahwaraav'i yavada'galawimwaaihaj'i kwaj'i yt yira'divisang'i ayahi mujaayi kipidika! Sare' dare'nesi. Yt a'mwera Gotiyari yilaaya wimaryadiv'i gave piga'a'na yune yirasa'ne piri'vina kumire kayaa'nanyangi tivi'na duimwagasi'ni'pij'i kwaj'i yt sahwara kumire simunyangi wagilya' ayahi piri'si mibwakinyi kipidika! Sare' midaaka! ³ Kiri' aawa. Kwarame gazasav'i yirata daza! "Yt sahwaraav'i ayahi yawipi'ka!" dada kumire kayaa'nanyanna yadesi. ⁴ Sare' darevinyi. Yira'divita bulimakaawoya kwalyaraavire tawej'i memeyangirej'i sa kayaa'nanya yiniga wi'na nebulya'na marasi'nanne mi'. Aawaawa. Kuna yawi'divisare.

⁵ Sarevi Kwaakevak'i Kiraazitayi divi yisavi balya'nei walaabakegaa' aya kigaa' sai Gotiyar'i dara wida'

"Bulimakaawoyaraav'i yirasa'naji wijaaya'naji gimi 'Aala!' yawi'mwaa.

Kiri' gimir'e simunyaburi midinya'neinyi kilaakej'i yovrawakiwaanyaiginyi.

⁶ Dikevi yuya nasi'nya'ne yira'divisaj'i

Kayaa'nanya marasi'nya'neji yilaaya gihaimwakeig'i mi'.

⁷ Sagaa' dara gitihwa. Yithaa! Gotiyaig'i,

Sinnaw'i bukuyav'i nt'minyina yida'nikabaaib'i

Gimi'rebwi midinya'neinyi mena biwa!"

⁸ Daza' sinnawinya' wida'kei "Gimi'nyine yirasa'neji wijaaya'neji sangina nebwina giyu'nadeigi mi'. Nabaai dika yuya nasi'nya'ne yira'divisaj'i kayaa'nanya marasi'nya'ne piniji yilaaya gihaiseigi mi'." Yt yuya dazangi kiwinya savire saburina wijaavadiv'i kiri' sara wida'kesi. ⁹ Mena sara wida'kagaalivaangei wida' "Yithaa, gimir'e simunyabwi midinya'neinyi a'mweraavire kayaa'nanyanna sahwaraavij'i giminij'i marirakuride'na mena biwa." Sarevi yt sai "Ayawidaasa' dazabwi diraginna maridaakwima!" daka sinnawinya sabwi marasi'nakelyi.

¹⁰ Jizaazai Kiraazitayi Gotiyare simunya dazabwi midida yt simunya avaalya' kininnakei gannya yune kilaakej'i yirasa'neji wijaava' yune gave piga'a'na. Wijaavakevi aalya neyaka Gotiyari simunya dazavina neminyi Gotiyare tewaainaava' neyavada'galakelyi. ¹¹ Piri' daresi. Yuya yirikerikaav'i yira'de gazaizai daa'da gannya wawinya yadelyi. Yt kwalaalya naangegaa' yirata sasare sa'na yadelyi. Kiri' yirata daza kayaa'nanya yiniga wi'na nebulya'na marasi'nanne mi'. Sinnawinya yira'de gazaizai sara daavina yada sara yadelyi. ¹² Kiri', piri' daresi. Kiraazitayi yira'de sai yuyagaa'ne yune yirata gave piri'na kayaa'nanyanna wijaavinkaka yt sai Gotiyare aangasiri' diraginnaakeba walamaaaina yakei mwaali'.

¹³ Sai kuna sara mwaalojì Gotiyaregaa' gamire sivilyiraarì dalaangewinna gamire yikamaangeraavì wakadehaa' yì yirika sagaa'na yemwaali'. ¹⁴ Sare' darevinyì. Yune yirata gave pwaina wijaavìnakevi neminyì tewaanyainaavi neyima'manìkeinaavi Kiraazitìyarì mena limwaga'daanyainaavi yuyagaa'ne yune nebulya'nanyainaavi yinìga wi'na yavada'galanemwaaikhakevinyìra.

¹⁵ Kurya Tewaanya kwalyì neminyì dara nejalìkurakìvanì!. Yì sare' darevinyì. Sinnawi' dara dìníkesì.

¹⁶ Kìwìnyavìya yirika sarika mena kwavilavojojì¹
Yagaala wìlimwagarade dare' sahwarajì ye'mwannayideinyì.
Naangeinyì dìwa. Yagaala daza' daresì.

Kumire sìmunyavì nìmire kìwìnyangì wìlakìdengì.
Kumire yawisavì dazangi pìkarya yìdavìdengì.

¹⁷ Dìvidaa'nyì yagaala jìvwa'mwange' dara dìníkesì.
Nabaai kumire kayaa'nanyaaji yìwetawakyajì tìvikita
Sìmunya ayahi yawiri'ndeinyì mìka. Arìkewì.

¹⁸ Yì Gotiyai wagìla daza mena marasi'nyabwi warìkevìdaa'nyì kayaa'nanyanne tìvìkìsa' yìrasa'ne wawinya' ayahi pìri' mi'. Tìvi'nanyì.

Nemì nebulya' naya dìraginna limwaga'daa dìraginna daavìna yaade'nesì.

¹⁹ Yuya sarevìdaa'nyì, nya'mweihi, Jizaazare tawe neminyìnevì Gotiyaryabanna gamire Ku'dìka Tewaanya Nebulya'nanyaavì nemì dìraginna da'daanyaina yinìga wi'na wìlaanneine. ²⁰ Yì daresì. Nemì wìlaanne dazaryabanne tuta dìraginna mudìke' Jizaazai gamì sai baasa!. Yì tuta daza' gamì sahwai gaalyavì aaya kaavìlyalyì. Sahwai nemì wìlya'neinaavìna janne naange' kaadihsa'bìsa' tìmunadaa'dìsiyavì wìlakelyì. Yì nabaai janne daza' gamire kìlaakejìki. A'mwera Ku'dìka Tewaanya Nebulya'nanyaavì wìlya'neraavì janne naange' tihi'nìke' baasakabaaibì' gamire kìlaakejì' mubìthìka yìrasa'neji' kayaaka yìgaina!. ²¹ Nemì Gotiyare angeviyainaavi gamireinaavì nemaremwaaideina Yìra'de Naangei munyawìnyai kìnìnnakeine.

²² Daza nebwina warìkevi' nemì yuya kwaasiya marasi'nadaa sìmunya nebulya'nanya' kìnìnnakeina yì nemì Gotiyari' naya dìraginna nebulya'na limwaga'daa yì sahwaryabanna naya gaimakunna wawaana! Jizaazai gamire tawejì' nemìre sìmunyai yuya yìwetawakya yìbwakìnikeri' yìwaipìwagasì'nya'na yìrikuraka nemìre kìlaakejì' aalya nawì'nyaangesì aalya neya'najì neyakeina. Yì sareina Gotiyari' wìja'na sara wawaana! ²³ Nemì yuya tewaanya yemwaidaanyabwi ku'maayaba jalìkurakya' dìraginna limwagaraana! Nemì lìka sangina myaanna! Sa' nemì naya pada'galalìmwagaraana! Sare' darevinyì. Yuya yune naanga nebulya'na Gotiyai mena dìníkengì ya'nenna sai yadelyì. ²⁴ Nemì nemìre neya'mwe kwaraavìnajì sìmunya naya yawiraana! Yì sìmunya yawisa'na saraavì yìdìkaasa' pwaraavìna wìvu'nade'najì wawinya nawì'nya wìgaimwabi'de'najì sara yaana! ²⁵ A'mwe pwara yadìvìtabaaibì' neya'mwerajì Gotiyari' yìlaaya ya'na kwaiyì'bwa'nya sabwi myagalya'mavaanna! Aawa. Neya'mwerajì sìmunya yìwange'na dìha'bwa'naana! "Yirika aayarì' mena nebwaa mìka!" yawiranganawaaajì sarevi' yì nemì wawinya sa' dìraginna naya yaana!

²⁶ Sare' darevinyì. Nemì yagaala nebulya'nanya Naangerevi' mena yawiramaaronà yì dìvi yune nennyà saburi' nemì kayaa'nanyaburi' yamaryadaanya'na kayaa'nanya daza' marasi'nya'ne yìra'dìvisa' aane pìri' kuna mwari!. ²⁷ Aawa. Sara yìpijaraavì yune yawibwasa' lìka yìri'galya'ne' yemwaaibi'dera mwaabi'de'nanyì. Yì wana dìkange'na na'nade' kayaaka yìgaidevaibi' yì Gotiyai sahwaraavi gamire yìkamaangera sara yìma'nìpìjaraavì yìgalade'nanyì. ²⁸ A'mwe pwai kwai Mozizare kìwìnya' mìdinya'na "Arìkewì!" yawiralìmwanna yajai, yì a'mwe

pwaraaina a'mwe kwaraai kwainanyara gamire yiwetawakyabwi tinna wanganeva sara jalikurakipi'ja'na a'mwe naangera a'mwe dazarina kale mwiannera tamakadivisalyi. ²⁹ Yi sarim i a'mwe Gotiyare Gawaalivaangeri bule'na wijaavajarina gara yawi'mwaava? A'mwe dazai yi taanga naanga Mozizarevi pari'mavajare tivikisa wavilavike maaradei midaaka! Yi dazai yagaala diraginya Gotiyai nemiji nelimwagarikevne tawe' sahwari tewaanyari wi'mwaaihya'ne kiri' sahwai "Yaasiwa'nanyasi," yawirakelyi. Yi sai kale gaimwange'ne Kuryari biraizike' wana kayaa'nanya nebulya'nanyabwi yakelyi. Yi sahwarina be tivikita' maa-radelaka! ³⁰ Sare' darevinyi. Nem Gotiyai dakerina mena yawi'manigo. Dara dinikesi. Kayaa'nanyaburi tivikisabwi yi sa' wawinya nimiresi. Nimi sainyi kayaa'nanya tivikirideinyi. Nabaai sai yagaala piri' da! "Yune Naangeinyi ninnya a'mweraav maryawibwarziderera." ³¹ Nabaai Gotiyai gaalyav aaya kaavilyai neminyi kayaa'nanyanna nerivikirya'nev'i gamire asiri galalimwagata neyaja' yi sa' wana lika neyiri'galade' naangaangest.

³² Sare kiri' sariminyi sinnawi saga'a'na simunya ayina nayaa jawirila! Yi Gotiyare baake' sarimire simunyav iihwannakegaa' yi dazagaa' Kiraazitayar limwagesa'na daanga kwalaalya maareva sahwari myagalya'mayeva kuna diraginna daaya'nehi yagiyaq wawinya naange' yesaihili. ³³ Yi piri' darest. Piqasa a'mwera sariminyi a'mwe yuyaraavire tinnyar marayihidaakkwadivisare. Yi sahwaru navaruyagaalya iihithadivisare. Yi taanginya iihizaavadivisare. Nabaai piri' darest. Piqasa sarim i srya'mwe taanginya sara maa'divisaraj avaaina ye'mwannamwaala yadi'i' sarim i gaimwanga yadi'ki. ³⁴ Sare' darevinyi. Kiraazitayar limwagesa'na kalavuzangevi mwaaidivisaraavina kale yihyadaa'nyi gaimwagya'nehi sahwareavre taanginyangi sahwaraj ye'mwannamwaalesaihili. Nabaai "Nemire nebulya'nanya Gotiyai yune naanga nebulya'na wija kuna war'i. Nabaai sa yuyagaal waradengi," mena yawireva a'mwera Kiraazitayarihire gilyivita yhipalamaareta kiri' sarim i yilaaya yina yadi'i yi wanganakina yesaihili.

³⁵ Sarevdaa'nyi sarimire diraginna limwanga diraginaanga dazaburi kuna daa'div'i myagalya'mapina! Aawa. Sa' yi gannya tivikita naange' kininnakesi.

³⁶ Sare' darevinyi. Gotiyare simunya midinapiji sahrai sinnawi yune naanga nebulya'na iihithake' maarya'nehi kwaamu'nanyaburi diraginna nayaa dithaayidevwina dimaaryila! ³⁷ Sare' darevinyi. Gotiyare bukuyavi dara dinikesi. Maali'kegaa'na, nebwana mi'!

Dazai nebwina walaabathelyi.

Sai yemwaala yadei mi'.

³⁸ Nimirre yida' maraangei nyilimwaga'devi mwaaladelyi.

Kiri' sai lika sangina yaja'

Sarinna nimirre Kuryai yilaaya nyigaladei mi'.

³⁹ Kiri' sarimiji saina a'mwe lika sangina myadaa Gotiyari maginyirayadaa yiwuya yadaanyaina mi'. Aawa. Nem a'mwe diraginna limwadaa gaalyabwi ma'daanyaine nemi.

11

Sinnawinyaara Gotiyari diraginna limwagesa' nejwaainivanike'nesi.

¹ Diraginna limwangebwi yi sabwi darebuliyi. Nemire simunyav diraginna mena limwagaraaja' yi sa' yuya nemi yemwaaimanigonna Gotiyai nejaaya'nenne aaya kaavilyasi. Yi daza nemire tinnysi tinnna mwanganyivanigo sa yi nemire simunya limwangebwi nebulya'na yawirangaman'i. ² Sare' darevinyi. A'mwe sinnawinyaara sahvara diraginna kalimwage!, sare' yi Gotiyai da! "Sahvara yi nawi'nyarera."

³ Nem diraginna limwadaa sarevi yi nemi mena yawiramaa'manigo. Gotiyai

yagaalya' wijaakevi sigunyası Kwaakesi yavikaryaa!. Yuya nemi tınna wangamanigo sanna Gotiyai piniŋgi tınna yiniga wi'na mwanganyi yaannengi maaraka yuya sa yavikaryaakengi.

4 Aivelı Gotiyarı dıragınna lımwaga'delyi. Sara yada yi sahwarına yırata tewaanya' wijsayaa!. Yi yırata daza' gathaakaangei Kenimire yırasavi wavılavıkesi. Yi tewaanya nebulyasi. Yo, Aivelı dıragınna lımwagaka dazavına Gotiyai "A'mwe yida'maraangeiginyıra," wijalıkurakakelyi. Gotiyarına yanga Aivelı wijsayaakenna Gotiyai nawı'nya wiwu'nakelyi. Yi Aivelı mena kabala' kırı' gamire dıragınna lımwanga dazavı sa' yagaala kuna dıvanıkesi.

5 Yınnoki Gotiyarı dıragınna lımwaga'delyi. Yi Gotiyai sahwarına daka "Mabalanna!" sahwarı maaraka Sigunyavına makilaawa!. Gotiyai mena maarake'na a'mwera sahwarına bıramaarya'nera yeva kırı' mwanganyi ye!. Sare' darevinyi. Yi sinnawi Gotiyai Yınnokımi mamaaryadı'nyi yi dazagaa'na Gotiyare Bukuyavi dara dınikesi. Yınnoki Gotiyarı yılaaya naanga wigalakelyırevi. **6** A'mwei Gotiyarı malımwagya sai Gotiyarı yılaaya wigalannei mi!. Sare' darevinyi. A'mwe pwai Gotiyarı yılaaya ya'nei sahwaryaba gaimakuwılya'nei yi sahwai dara yawırana! Yi Gotiyai mwaalı!. Sahwai a'mwera sahwarına bi'dıvisaraavı tıvıkıta nawı'nya' wijsaavadelyi. Sara yawırana!

7 Nowaai Gotiyarı dıragınna lımwaga'delyi. Sara yada yi Gotiyai yune'na wijsakevi "Mala nayaa jıwannana!" sahwai dıvi yi'ma'nadeviña kuna mwanganyada Gotiyare yagaalya' kadıka wi'namaa'na yaka sıpiya pırı' yavıkarina ya!. Sarevi yi gamıji gamire a'mwakaimıraayamılıkajı sıpiyavı kusawı yıkwina yeva wiłamwaaina yesa'na nawı'nya yıvainakenıdake. Gannya dıragınna lımwanga dazavı Nowaai Kwaakevakıya a'mwe yuya pwaraavı kotıya mena jıdavakesi. Sahwai Gotiyarı lımwaga'daa'nyi pwara aawa. Yi gamire dıragınna lımwangevi Gotiyai Nowaari "A'mwe yıda'maraangeiginyı. Yi nımire kaimıraayaigı yi'ma'nıwaa," wiđa!. Yi Gotiyai a'mwe yuyara gamınyi dıragınna lımwadıvisaraavı yadevaaiibısası.

8 Evıraamı Gotiyarı dıragınna lımwaga'delyi. Yi Gotiyai jaka wijsıvwaramaa'na kya! Evıraamı Gotiyare yagaalya' mıdınnna yakelyi. Sai gannya angeba yagalya'mavaka yi kwaaka pıbanna Gotiyai gannya yınahunya' wijsaaya'nebanna wawa!. Evıraamı myawırya! "Nımi gawınnna wiđeinyaka?" Kırı' sai dıragınna lımwada wawa!. **9** Sai dıragınna lımwada kwaaka dazavı sinnawi Gotiyai sarı yune naanga nebulya'na "Gızaavıdesıra," daka savı mwalaawa!. Yi sai kwaaka savıyaibı' kwaaka dazavı maaveibı' mwaala!. Sai selı anga sımınangebisangı Aazakı gawaalıvaangelyi Jaikopı gyakwalaangelyi mwaalagılabaaibı' mwaaidelyi. Yi a'mwe dazaraai kwaaka daza' sinnawi Gotiyai dakabaaibı' salı' yagaala yune naanga wijsa sa' ye'mwannamaaragılyaraalyi. **10** Sare' darevinyi. Anga naange' Gotiyai gave sahwaina anga naangeba majawwina yawıramaalına yaka gamı sai mada!. Yi anga naanga daza' yuyagaa'ne' mannıgunıkesi. Evıraamı anga naanga dazaba kusawı wılyı'ne gannya sagaa'na yemwaala yakelyi. **11** Nabaai Seraa' Gotiyarı dıragınna lımwaga'devi gamı sa' yagınya' mwaaida kırı' nabaai a'mwe ne' mena mwaaida kırı' kaimıraayarına munya wannya'ne dıragınya' wi'na maarakesi. Seraa' sımunya dara yawıramaarakevinyi "Yi Gotiyai yagaala yuna nebulya'na dadelyi. Sahwai lımwangebwi yıniķelyi. Sahwai nımi kaimıraayarına munya wannya'ne'nyi mena nyıdakıwake' yiniga wi'na yadelyi." **12** Sarevi yi a'mwe gave dazai nabaai sai yuna nei balya'neba kıbawa yada sai gyakwalaanga kwalaalya naangeraavína kwıyakwalaangei yi'ma'nakei. Nabaai sahwara sılıngaamınya sigunyavı yılarıka sabı', saalaalyavı maangebaarı siweka warıka sabı' kwalaalya naanga yi'ma'nıguvanıga!. A'mwera ata yiniga wi'na gibınera mi' sahwaraavı.

¹³ Yuya dazara kuna dıragınna lımwadıvı' mena bale'. Sahwara Kwaakevakı mwaalesagaa' nawı'nya daza sınnawı Gotıyai sahwaraavı yune naanga nebulya'na dake maaretara mı'. Aawa. Sahwara nawı'nya daza mena saamınyaba kuna daa'dıvı' sahıñı tınnna wangadıvı' yılaaya ye'. Yı ku'maayaba dara jalıkurake' "Nemı Kwaaka dathavakı mwaaihoina a'mwe anga pıwıdaasarabısaine. Nemı angavaayaina maalıkegaa' Kwaaka dathavakı bamwaaiho." ¹⁴ Sare' darevınyı. A'mwera yagaala sasare sa' dadıvısara dara neyıbwarıdaakwe' "Nennyä kwaaka Gotıyai nenımaangei mwaaiadeva nebulya'na bıramaraana!" ¹⁵ Pırı' daresı. Anga dazaba sınnawı yagalya'maveva besaba kumıre sımunyavı kuna warajı kwajı sahwara ayına wıya'nera yı tusa' kınınnakera kamwaaibıthıka! ¹⁶ Pırı' daresı. Kumıre sımunyavı kwaaka pıbanna yı sa' kumıre abwaibwalaasavı wavılavaka yı tewaanya nawı'nyaangevinə tewaanya wıvu'nakesı. Sa' yı yune Sıgunyabanna. Sarevi a'mwe dazarera dara desa'na "Gımı nemıre Gotıyaigınyı," Gotıyarı yılaaya wigaidıvısalyı. Gotıyarı sahwaraavına wagıla muvwa'nyakelyı. Sare' darevınyı. Sai anga naanga pıba a'mwe dıragınna lımwaga'dıvıta dazara mwaaiibı'deva mena yovırawakakere.

¹⁷ Sınnawı Gotıyai Evıraamımi yaamıji yıjıwaalakegaa' sara kuda' yı Evıraamı Gotıyarı dıragınna lımwaga'da "Nınnya Aazakımi tamiraya'nerı Gotıyarına wıjaavıma!" dakelyı. Gotıyai sahwari yune naanga nebulya'na wıdakei sahwai kaimıraaya gave pwainanya dazarı tamirasa'nei sara daka yakelyı. ¹⁸ Yı kaimıraaya dazai Aazakımina Gotıyai Evıraamımi wida' "Yıta yune Aazakımi savaa'na gımıre yıta savaa' yaya maapi'dere." ¹⁹ Evıraamı dara yawıraka "Nyıbwaalı' mena kabaloji baa'nana! Gotıyai ayahi yınıga wi'na yıdıkaavannelyı." Sareviada'nyı ke'ba'na yagaalya' daza'na sasare' nemı yınıga daanneine "Evıraamı gannya kaimıraayarı ayahi maara' kavi'nınnıyavıdaasaibısarı." ²⁰ Aazakı Gotıyarı dıragınna lımwaga'delyı. Sara yadevi sahwai Jaikopıji Yızolyı saraarı yagaala tewaanya naanga yanga ya'ne' wıdakelyı. Yı yagaala dazavı sahwai sahwaraarı dıvida'nyı yıma'nya'nenna dakelyı. ²¹ Jaikopi Gotıyarı dıragınna lımwaga'delyı. Sara yadevi yı gamı balya'ne kıbawegaa' Jozepıyare a'mwakaimıraayaraarına Gotıyai tewaanya naanga yanga yıma'naabya'ne yagaala wida'. Yı sai yadısarıkı yademavemwaaına yaka Gotıyarı yılaaya yakelyı. ²² Jozepıyai Gotıyarı dıragınna lımwaga'delyı. Sara yadevi yı yırıka gamı balya ya'negaa'ne yagaala daka'. Yı dıvına Yızırelıyara Yızıpı yagalya'mavapıri wıpi'dehaa' gamıre yagınyarı' kwaaka Gotıyai wıjaavadevına makabapi lıkirakya'na sahwaraavı wida'.

²³ Mozızare ganımaangeysi Gotıyarı dıragınna lımwaga'disawaalyı. Sara yadısavı ganaange! Mozızarı mudanga kya' yı sawaai kaimıraaya tewaanya nawı'nyarı wanganna yagılya'najı kingıyare yagaala dakınıke'na sawaai lıka myagılya'najı lawe dıkaai dı'nannela dahiła sahwari lıka yulyakına yagılyawaalyı. ²⁴ Mozızai Gotıyarı dıragınna lımwaga'delyı. Sara yadevi dıvida'nyı sai naanga mena yıma'naka "Aala!" da!. "Sahwai Yızıpı maremwaadei Peroyare garaavaanga savırelyıra, nanyıdıpıka! Peroyare dıragınya' maarya'neinyı mıka! 'Aala!' dıwa." Sara dakelyı. ²⁵ Gami sai "Gotıyarerajı taange' ye'mwannamaarıma!" daka kayaa'nanya savıre sabwi mıdinya'ne maalıkegaa'ne wabahılaaka bıramaarya'na "Aala! Sara yıwıja' naangegaa' savıre wagıla nanyıvwa'nadıka!" da!. ²⁶ Sai sara yawıraka nabaaı sai Kıraazıtıyarı bırala wıdıpı'devaabi' wagıla maarya'ne' daza' yı gılyıvıta nıgwılalaaka Yızıpı mwaalyaraavırengı nebulya'na wavıla'desı. Sare' darevınyı. Yı Gotıyai sahwari wıjaaya'ne tıvıkıta nawı'nya' yuyagaa'ne' yawıranganake'nanyı. ²⁷ Gotıyarı dıragınna lımwaga'devı yı sai dıkaavaka Yızıpı yagalya'mava!. Sai kingıya dazare sınnı tıka wıdavake'na lıka myaka yagalya'mava!. Sare' darevınyı. A'mweina Gotıyarı tınnıyalı wangadaanyaina mı!. Kırı' Mozızai Gotıyarı tınnna wanganya'bı' yakevına sai dıragınna mwaalakelyı. ²⁸ Gotıyarı

dıragınna lımwaga'devi Pari'ma'munne' yımavídaakwa'. Ejeliya tamakadei Yızırelıyainaavıre sıraangeraayaba gidıkusabanna nabathıkajı, Mozızare yagaala mıdineva sipızipiyare tawe' kaadihisavı yırıkuresa'nanyı. ²⁹ Yızırelıyara Gotıyarı dıragınna lımwadıvisavı yı Saalaalya Wayaakevi kwaaka yaalıkiryavakı wılaawe'. Nabaai Yızıpiyara sahırıvı yaamıjı sara yesa' yı aalya' maramina kwia' mena balına ye!. ³⁰ Yızırelıyara Gotıyarı dıragınna lımwadıvisavı sikurıka Jerikonyavı yırıka ata purıdaa'nyı pwaraalya gazarısarı' wavılavakegaa' kaanya gi'mave!. Yı sara kye' sikurıke' wala'na yakesi. ³¹ Rayaa' sınnawı yaasıwa' yamaryade' Gotıyarı dıragınna lımwaga'devi a'mwe pwaraarı gaimwaga!. Saraii Yızırelıyaraavıne damerai angeba Jerikona badi' kutınnna byadaakılıyaraarı. Sarevı yı sa' a'mwe Gotıyarı galazekıvalesarajı kayaaka mye'mwannayınya!.

³² Kırı' dahaa' nımi ayahi be yagaala je'mwagıjıwana? Aawa. Dahaa' yınigehıa' mı!. Sare' darevınyı. Nımi yagaaikıwınya dıwıne' Gıthıyonınnı, yı Baraakınajı yı Saamızonımınajı yı Jepitaazarınjı yı Devitıji Saamyıwelijı saraarınjı yı Gotıyarı wı'nawıjıwaakadıvisaraavinajı. ³³ A'mwe dazara Gotıyarı dıragınna lımwaga'dıvisare. Sarevıdaa'nyı yı pwara malyavı wavıla'dıvı' kingıya pwaraavıre kwallaalyaraavı aamiyaraavı walamarakadıvisare. Pwara tewaanya yıda'maraangebwına yadıvisare. Pwara Gotıyai yune naanga nebulya'na dake maaresare. Pwara kavıjılıka laayonıyaraavıre maangengı galabu'mwanna ye!. ³⁴ Pwara dıka naange' kyıda' yıgaapalesare. Pwara lıkaanya wodıvı' kwaari'masıramınya maramakya!. Pwara arakıjara mwaaleva yı dıvidaa'nyı dıragınya maare!. Pwara malyavı a'mwe dıragınaangera nebulya'na yıma'ne!. Yı sahwara menyaraavıre aawılata naangeraavı mıjamakwawe!. ³⁵ A'mwe Gotıyarı dıragınna lımwaga'dıvisangı. Kumıre mena bainıkerı ayına kidıkaava' sahını ayına maare!. Kırı' a'mwe pwara kalavuzavı mwaaidapi yıkamaangera kumıre kılaakejı' kayaaka nebulya'na yıgalake' kumıre yune balya'negaa'na. Sahwara Gotıyarı bule'na wıjaavıpjı kwajı yı nabaai yıkamaangera sahwaraavı makwaasına kyıpıdıka! Kwipıdıka! Kırı' sahwara yıkamaangeraavıre yagaalya' mıdinetara mı!. Aawa. Sahwara yawı'dıvı' "Kavi'nınnıyavı Gotıyai neyıdıkaavadeinera. Yı gaala nawı'nyaange' yuyagaalıne' maraadeinera," dıragınyara bale!. ³⁶ Pwara taanga maarına ye!. Yıkamaangera sahwaraavı yagaalıbraizıka wiadaapi, mala dıka wıgıda'dıvı' senıyabarajı wıla galyırakadıvı' yı kalavuzavı wımwaaihına yadıvisare. ³⁷ Yıkamaangera pwaraavı sılyajı lıwakına. Pwaraavı kısıkısıyası yune woripu'na. Pwaraavı kwaari'masıramınyası dabaina kye' bale!. Pwaraavıre kılaakejıkıne yuya sanna wımudaasakera kılaaka sipızipiyangırejı memeyangırejı kumıre kwaabıhannya yıra'ne!. Yeva kaanya yamarye!. Pwaraavı taanga wıjaavesare. Pwaraavı wana kayaa'nanya wiadıvisare. ³⁸ Sarevı yı kaanya yıwınama'na kwaakevi a'mwera maayabajı mugunyangıjı lıka yulya'na yadıvıki. Yı sılyangıya lınnyangıjı yı kwaakevi yırırılyangıjı wılamwaale!. Sarera tewaanyarera. A'mwe dıragınna lımwaga'dıvıta dazara sahwaraavı tınnyawı mwaalya'nera a'mwe Kwaakevakıyara yıniğa wi'na yıpınera mı!.

³⁹ A'mwe yuya dazara Gotıyarı dıragınna lımwaga'dıvisaraavına Gotıyai da! "Sahwara yı nawı'nyaarerera." Kırı' nawı'nya daza' sınnawı Gotıyai yune naanga nebulya'na dake maaretara mı!. ⁴⁰ Sare' dare'nanyı. Gotıyai yawıta pırı' yawıta sınnawınyavı wavılavıke' nemınyıne' yovırawaka!. Sınnawınyara yıbwaramakwaanya' nemınyı ya'nera yıniğa wi'na waanya'nera mı!. Aawa. Nemı sahwarajı yuyagaalıne yune nebulya'nanyaavı nebulya'na yavada'galanemwaaikhadeinera.

¹ Dathazarevi'ada'nyī dara yaana! A'mwe sinnawinya dazara gihipaledaaveva neminyawī yiraayanga naange'bisara diraginna limwagasabwi neyibwaridaakwe' neminyī. Yī yuya taanginaanga gazasasī yuya kayaa'nanya nemiw'īnika gazasasī nemī nayaa yagalya'mavaana! Yī nemire simunya' nayaa diraginya yivaimwadaa Gotiyai nemī kaanyave'na ya'ne' dahilakake' gavamarasīnyikaanya daza' kaanyave'na diraginna yaana! ² Sara yadaa nemire tinnyai nayaa banganaraa Jizaazar! Sai nemire diraginna limwangevī aaya kaavilyai yī divi nabaai sai limwanga savī yunebanna nebulya'na yadelyī. Sahwai yilaaya' dahilakinke' divi maarya'ne'na simunya yawīda diraginya mwaalaka yisaviri tamarimwesavine daange' maaraka balakelyī. A'mwera yita yovihrarannikevī balya'na wagila naanga wivwa'nade' kirī' sahwai "Gesira," yawiraka balya savī yakelyī. Sarei dahaa' naangeba Gotiyare maremwaaidere namwaalyisavī aangasimagi mwaalī! ³ Sare' darevinyī. A'mwe kayaa'nanyabwi yadivisara yikamaanga kayaa'na yesare Jizaazar! Kirī' sai kuna diraginna mwaala'. Sasare'na nayaa jawirila! Sarimire kuryaraav maa'na nayihinadika! Sarimire simunyavī maalika nayihima'nadika! ⁴ A'mwera sarimire limwangebw walamarakya'na kayaa'na yihyadiv'ī mala tannadivitabaaib'ī sarimī diraginna mwaaiha! Kirī' dahaa' dazavt sarimire tawe' mwalaabi yiwa!. Mabalyī yiwa!. ⁵ Yagaala Gotiyai sarimire simunyavī diraginya yivaimwange'na yihithake' ganimaangei gawaalivaangeraavt widakabaaibisa' navika mena dahayivaniga!! Dara dinikesī.

Nyibwaalī, Naangei gitmnyī yavada'gala ya'ne'na

Pibura gyaza' daza'na "Yaasiwa'nanyasira," myawt'dinna!

Taanginya gitzaavaja' gitmire simunyavī maalika magima'nanna!

⁶ Sare' darevinyī. Naangei a'mwe pwarina kuvu'nojī

Yī nabaai sai gamire sabwi yavada'gaideleyī.

Sai gawaalivaanga gazarizar! "Nimireiginyī," widamaarojī

Nabaai sai yisarī' kirisit dikalit'lbwaradelyī.

⁷ Gotiyai yihyavada'galya'neihi nayaa diraginya mwaaidiv'ī divaihanaryila! Gotiyai sarimnyī yihyaja sabwi yī gamire gawaalivaangehirinyī. Sare' darevinyī. Kaimraayai mwaaidīnyī gannya ganimaangei nayaa myavada'galyadei bewalaka!

⁸ Aawa. Yuya kuvintmaanga nawīnya sara kunnya kaimraaya yuyaraavt nayaa yavada'gaideyī sare. Nabaai Nimwai gamire kaimraaya yuya pwaraavt yavada'gaide kirī' sarimnyī yavada'gala mayihyaja' yī gamire kaimraaya nebulya'nanyaihi mī!. Sarimī yaasiwa' sigipwakisamilī'bisaihilī. ⁹ Sarimī daza' kirī'najit nayaa jawirila!

Nenya nenimaanga Kwaakevakiyara sahwara nayaa yavada'gala neyadivik. Yī nemī kuminne yaya munyaba makidaanyī. Yī dare' yune naanga wavilavike' midaaka! Nemt kuryaraavi Ganimaangeri kwaaka dalaangewī nayaa kuna wilanaraana! Yī nemī gaalya' maraadeine. ¹⁰ Sare' darevinyī. Nenya nenimaanga

Kwaakevakiyara kumire yinige saburina nemire sabwina yune maalikegaa'na neyavada'gaidevikt. Kirī' Gotiyai sai neminyī neyavada'gaide' yī neminyī nebulya'na negaimwagya'nesī. Yī nemī gamire nawīnya tewaanaanga sabwi maraade'nanyī.

Yī gamib'ī yima'naade'nanyī. ¹¹ Pir'ī' daresī. Nimwai neminyī yavada'gala neya'nei taanginya nejaavanike' yī dazagaa' nemī yilaaya myadaanyī. Aawa.

Nemire simunya' yune taange'na yibwakidaanyī. Pir'ī' daresī. Sai neminyī mena neyavada'galojt yī divi nawīnya tewaanya dara yima'nadengi. Nemt tewaanya yida'maraangebuliyaina yima'nadaanyaine. Yī nemire simunya' kwaamu'na waradesī.

¹² Sareviada'nyī yī nabaai sarimire astira diraginya maaya sira yaasiwa' timunadaa'na nyadika! Sarimī wirilya yaginya nayaa wididiv'ī Gotiyare wawinya kuna jila! Yī nabaai kwannya' mena barya'b'ī warika kirī' diraginna

nayaa dithaayila! ¹³ Sarimti kaanya sarimire sivilyajt nayaa yida'na jamarila! Sivila pimaginyi kayaa'nanyi yirota yunebanna yuya yakabaaibti' sarimintidaa'nya diraginya maayai Gotiyari nyagalya'mavadika! Aawa. Sai yi tewaanya ayina nawi'nya yavada'galayima'nade'nanyi. ¹⁴ Sarimti a'mwe yuya kwaraaviji munyi' kwaamu'nanya saburi midinya'na jila! Nawi'nyabwi girkita'nanya maayaburi dimidinya'la! A'mwei nawi'nya sabwi maayai yi sai Naangeri wanganadei mit!. ¹⁵ Sarimti nayaa divada'galemwaalyila! Neya'mwe pwai walaraawojo Gotiyare yanga gaimwanga sabwi nyagalya'mavadika! Nabaai kayaa'nanya neya'mwe pwai sarimintidaa'nyare simunyavt yima'naabozt kayaa'nanya sa yi sai yisari yisila yirika yade yi'nadevaibaibti' nyadika! Yt sarevi sariminti taanga yihizaavaja' yi sariminti Gotiyare tinnyari girkita'nanya nayihyadi!! ¹⁶ Yi Yizoi yaasawa' pinamaryabwi midida sai yakabaaibti' sarimijya pwai Gotiyari bule'na nujaavadii! Yizoi siraangei mwaalaka kiri' wapaaya yune gave pigaa'na yaasa'ne' siraangerebwina yakabaaibti' Gotiyarebadaa'nyabwi wasi'nakelyi. ¹⁷ Sare' darevinti. Sarimti mena yawi'maniga!. Divedaa'nyi sai "Diraginya dazabwi ayina maarima!" daka yake, kiri' Gotiyai da! "Aawana." Yizoi sai diraginya' maarya'na kinna kwalaalya da!. Kiri' simunya ayina yawramaarya'ne' gaminne tusa'piri' mit!. Aawa. Sare'na mala nayaa jiwanneyila! Kiraazitayar kuna diraginna dilimwagarila!

¹⁸ Sare' darevinti. Gotiyaryawinna sarimti bi'ma'manigasaga! Yizireliyara yetabaaibti' mivaniga!. Yi sahwara Mugunya Saainaaya a'mwera asa' yiniga wi'na dathiwanga yipinevi nabaai mugunya dikna angeyaba bi'mave!. Yi sagaa' wana sawisasi wana jihnyaanga nebulya'nanyasi jinnadaa'nyi yi yihuta gwavaaigwavaalya' yadaa'nyi ¹⁹ yi Gotiyare gware' naangave'na maku'na, yi Gotiyare maangwiraaya' yagaalyangi widake wi'nyina. Yagaala sa kadika wi'neva lika naanga yeva Mozizar i diraginna dara wide! "Yagaala dazanna nemi kadika ayahi mu'naanner! Nabalaadika!" ²⁰ Sare' darevinti. Gotiyai yagaala sa' dara daka! "A'mwe pwai asa' wakoj mugunya dazavi ata limwagaza' sila nayaa dilwakyila! Nabaai bulimakaawoya pwai sipzipiya kwai yaja' avaala sasaresi." Yi yagaala daza' sahwara lika naanga nebulya'na ye!. ²¹ Nabaai Mozizai kwalyi yuya daza tinna wanganaka da! "We!" Nimi lika naanga yadi bi'bita kayaa'na yiwaainiwa." Dazagaa' sahwara sara ye!. ²² Sarimti sasarengi mi'mayvaniga!. Aawa. Sarimti Sigunyaviyangna mena yi'ma'mwaa!. Yi Mugunya Saayont, yi Gotiyai gaalyavt aaya kaavilyare anga naange' mannikkevi Jeruzaalemi Sigunyavt warikebanna, yi ejeliyara taawizanlya kwalaalyara yi'bwa'neva yilaaya yemwaaihasabanna mena yi'ma'mwaa!. ²³ Yi kwaiyi'bwa'nyavt Kiraazitayar kusilaanyavt, Gotiyare kaimiraayara siraangeraavirevi Gotiyai kuminne yaya' mena yida'nike' Sigunyavt warikeviyaraayawinna yi'ma'mwaa!. Yi Gotiyaryabanna a'mwe yuyaraavire maryawibwarya'neriyabanna yi'ma'mwaa!. Yi Gotiyarerera yida'maraangebwi yadiyi' balesaraavire kuryaraavt yuyagaa'ne yune nebulya'nanyaraavt mena yavada'galawimwaaikhakeraayawinna yi'ma'mwaa!. ²⁴ Yi Jizaazaryabanna sai yagaala nelimwagarika mudikevi yi wagya'nei a'mweraaviji Gotiyariji marirakurakeryabanna yi'ma'mwaa!. Yi gamire tawevi a'mwera sari tamakesal' tawe sa' yiriku'nkeyabanna yi'ma'mwaa!. Tawe daza' yagaala nawi'nya dakesi. Sa' sinnawi Aivelimire tawe' dakabaaibti' avaainanya'na mit!. Aawa. Sa' Aivelimire tawe' wavlavaka yi nawi'nyaange' dakesi.

²⁵ Sarimti nayaa javada'gainyila! A'mwe dazai dahan diranikeri' sarimire kadike tla'narapi gamire yagaalyavina "Aala!" nadipika! Sare' darevinti. Kigaakuna Mozizaregaa' Kwaaka dathavak a'mweraavt yagaala diraginya' wijaavakelyi. Kiri' gamire yagaalya' galazekivala yesare. Nabaai sahwara likaanya yiniga wi'na wawetara mit!. Yi kumire wagilyavt tivikita yuna maare!. Daha' pwai Sigunyavt mwaalaka

yi yagaala diraginaange' nejaavani!. Nabaai nemi gaminyi bule'na wjavaaja' nemi wagilyavire tivikisavi likaanya wawaaji yiniga wavilavaanneina dingaka! Aawa nebulyasi. ²⁶ Sinnawti Mugunya Saainaaya Gotiyare maangi' kada' yi kwaake' wininya yakesi. Kiri' dahaa' sai neminyi yune naanga nebulya'na nedawa! "Yi nimti Kwaakevi ayahi pigaasi tivipalideinyi. Yi nabaai yune Kwaake'nanya'na mi!. Aawa. Yi nimti Kwaakesi sigunyasi sawaari tivipalideinyi." ²⁷ Yagaala daza! "Ayahi pigaasi," neminyi dara neyibwaridaakuvani! "Yuya sinnawti Gotiyai yavikaryaake yi dahaa' sai tivipalasi'nadengi. Yi daza sai marasi'nadengi. Yi ayahi pin warade mi!. 'Yuya Sigunyaviya sa marivipalasi'nyi yiwine yi sa warana!' dozi tivipalasi'nadengi." ²⁸ Sarevidaan'nyi nemi ma'daanya nemaremwaade' daza' marivipalasi'nyi yannevina nemi nayaa sua sua widaana! Yi yanga gaimwanga daza' limwadaa yi Gotiyarit wigalya'neina gaminyi yilaaya nayaa maryana! Gaminne yaya' munyaba nayaa makidaa yi gaminyina lika yaana! "Sahwai Naangelyi. Diraginaangelyi," yawiraana! ²⁹ Sare' darevinyi. Nemtre Gotiyai widayadaanyai diknaa angelyi. Yuya kayaa'nanyajyi grikita'nanyajyi dazangti diknaas'i'na yadelyi.

13

Aaya neyidikaa'bwayra'ne yagaalyanginesi.

¹ Nemti Kiraazitiyarit limwadaanyaina daakaji yuyagaa' srya'mweraavina kuna yihvu'nana! ² Sarimire angengina badaapiyaraavi gaimwange'na simunya navika myagalya'mapina! Sare' darevinyi. Sinnawti a'mwe pwara sasara yaasara yi sahwara a'mweraavti makabadivi' kunnya angengi yadivi' saraavi maremwaaina yesare. Kiri' aanga'mwera mi!. Navika mwaaidivi' kiri' Gotiyare mamaayaraavi maremwaaina yesare. ³ Sarimi' neya'mwe kalavuzavi mwaaihasaraavina simunya nayaa jawirila! Sarimi' sahi kalavuzavi saraji ye'mwannamwaihasaihibi' dhaimwagila! Nabaai neya'mwe kunnya kilakejikaavi taanginya maa'manigasaraavina simunya nayaa jawirila! Yi sarimi' sahi kilaa'nakeihi kumire taanginya ye'mwannamaa'manigasaihibi' nayaa jila!

⁴ Kwala maaryabwi yi sa' nawi'nyaangesi. Dazaburi yaya' yuyaihi munyaba nayaa dimakilyila! Sayoihi kwala maaryabwinebwi nayaa jila! Wana nebulya'na tirimaaya' warana! Sare' darevinyi. A'mwera pwaraavire a'mwengi ata limwabizaraavijti a'mwera a'mwe yaasiwa' pinamarya yadivisaraavijti tivikita kayaa'nanya widaaya'nei jidavadelyi Gotiyai.

⁵ Nigwiangti wabarinna ya saburi mamidibina! Gilyivita sarimi' limwamanigasa, sa yi nayaa dara jawirila! "Sa yi nawi'nyangira. Sa yiniga wilna neyadengira." Sare' darevinyi. Gotiyai mena divanti! "Yi nimti gmakwaasideinyi mi!. Arikewi. Yi nimti bule'na gizaavideinyi mi!. Arikewi." ⁶ Sarevi nemti nennyia simunya diraginya yi'wadaa dara daana!

Naangei niminyi nyigaimwadelyi.

Nimi lika miwina!

A'mwera beri' nyipideinyaka!

Yiniga wi'na gara nyipineinyaka!

Sara yawi'daa diraginya neyvaimwadeinera.

⁷ Sarimire Kiraazitiyarina maremwaaidivisaraavina simunya nayaa jawirila! Sinnawti sahwara sarimi'yi Gotiyare yagaalya' Kiraazitiyarine' yihiziwaake!. Sahwaraavire kaanya yamaryabulyi balyabulyi simunya nayaa jawirila! Yi sahwaraavire diraginna limwagasabwina dimidinyila! ⁸ Jizaazai Kiraazitiyai yi sai kuna avaainanyalyi. Yi wonajti yi dahaa' kigaasi yi yuyagaal yuyagaasi avaaina

mwaaidelyi. Sahware sabwi avaainanyasi. ⁹ Sare'na sarimire simunyangi yagaala dala nabinabinya nabulayihimwagi'nad'i! Yi sarimi Gotiyare tusavi nya-galya'mapika! Sare' darevinyi. Nemire simunya' Gotiyare yanga gaimwangevi diraginya' maarake' sa' yi nawi'nyasi. Nemire simunya' wapaayangire kiwinya nabinabinya diraginya' maarade' mi!. Sasare dazabwi saburi kaanya yamaryadivisaraavt gaimwadevwi mi!. ¹⁰ Nem Jizaazai kwaraanyaba mubithika yira'divisa'bisi kinnakeine. Yi yira'divita sari Juyaraavire yira'divisara Kwaakevakya Gotiyare Angevi widaayadivisara tika nya'nera diraginya sa' maayarera. Sai balake'na nawi'nyabwi maa'manigo. Sahwara ayabwi kuna yivanigasa'na aawa. ¹¹ Sare' darevinyi. Gotiyare Angevi Ku'dika Tewaanya Nebulya'nanyavi Yira'de Naangei tawe bulimakaawoyaresi memeyaresi kayaa'nanya marasi'nya'ne' makwide tawe sawaare kilaaka miwitata tika nadiv'i mi!. Yi sajikaari angeba mwasila makwalyuna kye' dikevi yuna nasi'na!. ¹² Nabaai mwasilaanyavine sarevi Jizaazai kwalyi "Ninnya tawevi a'mwera nawi'nya tewaanya yima'nipika!" daka angabanne kaaditha mwasilaanyavt daange' maarakelyi. ¹³ Sasareviadaa'nyi yi nemi kwainaj gaminyawinna angeba mwasilaabi' nayaawawaana! Yi Juyaraavire ayabwina yadivisaraavtrebwi yagalya'ma'na yawaajt sahwaraavt wagilya' sai maarakabaaibi' gaminyina nemi wagila sa' nayaawawaana! Sahwari kuna limwaga'daa sahwara yikamaangeraavina diraginna davaana! ¹⁴ Mwasilaanyavine sare' darevinyi. Kwaaka dathavak anga naanga piba yuyagaa' mwaalya'neba maayaine. Aawa. Anga naanga dividaa'nyi yima'naabatheva Sigunyavya nawi'nyabwi nemi biramaraade'nanyi. ¹⁵ Sareviadaa'nyi Jizaazai negaimwadevi nemi Gotiyari yilaaya nayaawya! Yi yuyagaa' yilaaya daza' yira'divisa'bii sahwari wijavaana! Yo, daresi. Nemire maangi' sahwari nayaaw dara wijavaana! "Gotiyai nawi'nyalyi. Sahwari Jizaazarina nemi diraginna limwaga'manigoine." ¹⁶ Nawi'nya tewaanyabwi a'mweraavt ya'naji sarimire gilyivisa nayaaw jaapaidiv'i kuneraavt wijaya'naji sarimi simunya navika myagalya'mapina! Sare' darevinyi. Yira'divisabi' sasare sa'na Gotiyari wigaimani!. ¹⁷ Sarimire maremwaaidivisaraavire yagaala nayaadivada'galamidinyila! Yi sahwaraavt dalaangevi dula'narila! Sare' darevinyi. Gotiyarin kumire wawinya yuyangi aaya kaavilyavina divi yagaalya' dipidera sarimire kuryaraavt maremwaala yihyadiviki. Sara kyapiri yi nabaai sahwara "Nenya wawinyanna yilaaya yadaa sara yaana!" dadiv'i limwagapitdere. Yi saraavt simunya' taanga mwinanna! Sahwara simuyawaala myipi'na! Sare' darevinyi. Sariminyi maremwaalya'na taanga winaja' yi daza' sariminyi yihigaimwagathe' mi!.

¹⁸ Sarimi negaimwagathe'na Gotiyari nayaaw duzila! Sare' darevinyi. Nemi dara yibwakmanigo. Gotiyare tinnyari nemire simunyai yida'maraangelyi. Yi yuyangi nemi nayaaw tewaanya yamaryaana! ¹⁹ Sarimi Gotiyari wija'na nyigaimwagathe'na yi nimidi dara yihithihaa'bwa'manige. "Sariminyawinna yime'nya'bii ayina bima!" dena yihithivangi.

²⁰ Gotiyai kwaamu'nanyaburi aaya kaavilyalyi. Sahwai nemire Naangei Jizaazarin bainkeraayawidaa'nyi ayina yidikaavakelyi. Jizaazai gamire sipizipiyainaavt Maremwaala Naangei yima'nya'nei gamire tawe' kabwalaraawa' yagaala nelimwagarikebwi yuyagaa'ne' diraginna dakake'nanyi. Yi sarevi Gotiyai gamire a'mweinaavt tewaanyainaavt tivi'nanyaina yima'nya'neinaavt yakelyi. ²¹ Sahwai gamire simunya sabwi yiniga wi'na dimidinyide'na yuya nawi'nya tewaanya gazabwizabwi yihizaavana! Jizaazai Kiraazitayi negaimwagathevi Gotiyai gami sari wigaimanikebwi nemi yuyainaavire simunyavi marima'naabathelyi. Jizaazai Kiraazitayi yuyagaa' yuyagaa'ne byaanna diraginya' kinnakei mwaalana! Sahwarine yaya' munyaba makilaana! Sahirisira!

²² Nya'mweihi, nimi sariminyi diraginna yihithihaa'bwa'manige. Yagaala dazavi

sarîmîre sîmunya' dîraginya yîwagya'ne nîmî dîvanîgevi sarîmîre kadîkiki nayaa dakyîla! Sare' darevînyî. Pîkarîyîkwia daza' nîmî sarîmînyîna yîda'mwe' yî sa' tu'nanyasi. ²³ Sarîmî dara jawîranganyîla! Nemîre neya'mwe Timotirî kalavuzavî mena makwasîwaa!. Nabaai sai nîmînyawînna yîme'nya'bî' bi'mavaja' yî naarîmî yuyainaai yakwoihîlyî yî sarîmînyî tînna yîhwanganaawakadeinaalyî. ²⁴ Nîmînyîna sarîmîre maremwaaidîvîta yuyaraavi "Nya'mweihi!" duzîla! Gotîyare tewaanya yuyaraavi "Nya'mweihi!" duzîla! Kwaaka Yîtaali mwaalyara Naangerînera "Neya'mweihi!" yîhîthîvanîga!

²⁵ Yanga gaimwangebwî sarîmî yuyaihîlyî yîhye'mwannamwaalana!

Jemizai

Jemizai Pīkariyikwia Yidavakesī.

¹ Yidzirelidaa'nya siviliiriidaa'nyi pwaraala yisavaakidaa'nyaihi,

Jemizainiyi Gotiyariji Naanga Jizaazitayariji yaasiwa'wawinya inyi yida'mwesi. Sarimi sarinnya anga naangeba yagalya'ma'div'i kwaaka maave piwi piwi mwaimanaawigasaihiriñes. Sareihiri yihithima! "Nya'mweihi!"

Yijawaalyabwi kir'i diraginya yivaimwanga neyadewwineti.

² Nimi re nya'mweihi, yaamiji yijwaala dala pininnanyabwi kayihima'noji yi sarimi dara yawipi ja "Sa nemi yune yilaaya ya'nennanyangira." ³ Sare' sarimi dara yawi'maniga!. Sariminyi yijwaala ya'ne yima'naabada sarimire diraginna limwangebwi yaamiji yihade. Sara yihaja sabwi "Taanginya yuyangine'na diraginna daavina yawaava!" nejwarya'nebulyi. ⁴ Nabaai Gotiyai "Sarimi naanga yune nebulya'nanyaihi jima'nyila! Simunyavi yunebanna pada'galemwaalya'neihi yuyagaa' diraginna daayabwi tewaanna tivi'na yihimwaaishana!" kada' sara yima'nivan!. Yi diraginya ihi mwaabibza' sariminyi Gotiyare aane pibwina aane kibwina yihimudaasadehi mi!. ⁵ Nabaai sarimnyidaal'nyi a'mwe pwai kwar si munya nawi'nyabwina wi'mudaasaja' sai simunya wijaavade'na Gotiyari yidaanganana! Sara yidaanganaja' Gotiyai sahwari wijaavadelyi. Gotiyai sai yuyaraavina yanga kwalaalya nayaa wijaavadei, nabaai sai a'mwe wi'mudaasaderaavina mayagaala dadei mi!. ⁶ Kir'i a'mwe dazai Gotiyari nayaa diraginna limwada yidaanganana! Dara nyawirralimwagathika! "Nimi yidaangamwe daza! Gotiyai nyijaavadeinyi dingaka? Aawa!" Sare' dare'nanyi. A'mwei simunya piriwaai kininnakei, saalaalyavi yihusa' pwladikaa'da aalimavajinaake' akinamuna yadevaabib' gamire simunya' sasarelyi. Sahwai taabiriwaizimunyasayi. ⁷ Sare' darevinyi. A'mwe sasarei kwaasi dara myawiranna! "Naangei nawi'nya pin nyijaavadeinyira." ⁸ Aawa. A'mwe dazare simunya' yaasiwa' yiwinkamarya yadesi. Yuya gami yade saburi sai tutu yune gave piriwinamidi dei mi!.

⁹ Neya'mwei gilyivita maayai dalaangevi mwaalikei Kiraazitayarina yilaaya yadelyi. Kiraazitayarina Gotiyai sahwari munyaba makimwake'na yilaaya yana!

¹⁰ Nabaai neya'mwe gilyivikiravinateki Kiraazitayarina yilaaya yadelyi. Gotiyai sahwari gamire gilyivisanna dalaangevi marulawakaka kir'i sahwari maa'mwake'na yilaaya yana! Kurivaariyangire pwata yi'nade bwalapiraihira'na yadevaabib' gamire gilyivisaji yiwawade'nanyi. ¹¹ Sare' darevinyi. Nyiliyai bilyiri'daa'nyi di'daanya naanga wi'nadaa'nyi kurivaariya daza yinahu yawaka balasi'na yadengi. Gamire pwata kiniji bwalaraawina yada gamire tewaanya wannade saji yinahu kayaaka yima'nyina. Sasare sahibaaib' a'mwe gilyivita kwalaalyajiyai sai tinnyaba gamire wawinya yade yuya sangi yiwawadelyi.

¹² A'mwei yaamiji yijwaala yuya sangi taanginya maarajai kwai diraginna daa'dei yilaaya yada tewaanaanga yinikelyi. Sare' dare'nanyi. Yijwaala yuya mena wavilavojiyai kuna diraginna limwagarojiyai, saria Gotiyai gaalyabwi wijaavadelyi. A'mwe gavamarasi'nyikaanya' wavila'divisaraavine tivikisa' wijaavadivitabaaib' Gotiyai mena yawiramaa'dei gaala sa' wijaavadelyi. Yi sinnawi Gotiyai gaala daza' a'mwe yuyara gaminyina wivu'naderaavina wijaaya'na yune naanga nebulya'na widakelyi. ¹³ Nabaai yijwaala sa a'mwe pwai kware simunyavi yidikaavoji kayaa'nanyabwi ya'na kumwagi'noji aane pwai kwai dara madanna!

"Dazabwi ya'na Gotiyai nyimwagi'niwake'nanyi." Aawa. Sare! darevinyi. Kayaa'nanyabwi Gotiyaridaa'nyi mwagi'nadevwi mi!. Nabaai Gotiyai a'mwei kayaa'nanya yajari mwagi'nadei mi!. ¹⁴ Aawa. Neminyidaa'nya gazaizare simunyavidaa'nyi dikaa'da wimwagi'nadelyi. Yune nennyaya yawita kayaa'nanya dazabwi neminyi wabwiwanga neyadevulyi. Sara yada neminyi kwaasi nedada kayaa'nanyabwi ya'na nedihaa'bwa'devulyi. ¹⁵ Nabaai simunya' dikata dazabwi, kaimiraavimunyabi! wannada dividaa'nyi gamire kaimiraavibwaranyabi! kayaa'nanya dala pininnanya maa'desi. Dividaa'nyi kayaa'nanyabwi naanga yima'nada barya ya'nebwi marima'naabadevulyi.

¹⁶ Nimirre nya'mweihirina tewaanya nyivu'nadeihi, kwaasiya sabwi sarimi wan-ganakina yadaapi sarimi nyi kwaasi nayihithathika! Gotiyai kayaa'nanya ya'na mwagi'nadei mi!. ¹⁷ Yuya tewaanya yanga wijaaya sabulyi yuya sihumale naanga yune nebulya'nanya sabulyi yuya daza Gotiyai Sigunyavi mwaalikeryawidaa'nyi waidaavadengira. Baaka yuya, yi nyilyalyi lawelyi silingaaminyajt yuyaraavine Gyakwalaangei daza neminyawinna maryasaabadengira. Nenimaanga dazai gamire sabwi yaasiwa' maroyimaa'nya yadei mi!. Sai pin nyilyayaba a'mabaala yi'devaabitai mi!. Saaminaanga wannada ayina tuta yibwa'mwadevaabitai mi!. ¹⁸ Sai yune gannya simunya saburina midida gamire yagaala nebulyav neyima'naabakelyi. A'mwe yuya gami wimwaaihade saraavina aaya mudi'nanyaina mwaalya'neinaavi neyima'naabakeine.

Nemikadika nayaa wi'nadaa nayaa sara yaade'nesi.

¹⁹ Nimirre nya'mweihirina tewaanya nyivu'nadeihi, darengi nayaa jawramaarila! Gazaigzaigi yagaalya' kadika wi'nya'na yarai yemwaala ja! Kiri! yagaala ja'na yime'nya'b'i nadithika! Nabaai mayagaalya' yime'nya'b'i nadithika! ²⁰ Sare! darevinyi. A'mwere sinna tike' Gotiyare yida'maraangebwi sahvari wivu'nadevwi marima'naabade' mi'ka. ²¹ Sarevi girikitainya yuya sabulyi kayaa'nanya kwalaalya naanga yima'nade sabulyi sasare daza dasi'nyila! Nabaai sarimi saihi kwaamu'nanyabwi nayaa mididiv'i yagaala Gotiyai sarimire simunyavi wia yihiburimanike nayaa dimaaryila! Yagaala daza! sarimire kuryaraavi yiniga wilna yihivadaihasamaaradesi.

²² Kiri! sarimi yagaala daza! nayaa jila! Sarimi yune kadiki'na mu'nakipinera! Kadiki'na wi'nakipija' sarimi saihirina kwaasi yimanigava. ²³ Dare'nanyi. A'mwe pwai Gotiyare yagaalya' yaasiwa'na wi'nakajai sai nayaa mamidinyajai sai darebisalyi. A'mwei gannya sinnyiki' sinimwavananyavi yennadevaabitisalyi. ²⁴ Sare! darevinyi. Sai gannya sinnyiki' yennaka sangiri' kibawebanna woda yime'nya'b'i navika yiwannyina yakelyi "Sinnyi' nimi gatha'dareinyi dingaka?" Sabaaibi' sai Gotiyare wija navika yarai yadelyi. ²⁵ Kiri! kitiwinya daza! kayaa'nanyabure kalavuziwawinyavi ayina nemaa'de' sa' yune yida'maraange' yi dinika dazavire aaya kaavilya' a'mwei nayaa yawiranganoji kuna midinajai yi a'mwe dazai yilaaya yada tewaanaanga yinikei mwaaladelyi. Sai yaasiwa' kadike'na mu'nakyada navika myanna! Aawa. Gotiyare yagaala tewaanya' sara yana! Yi dazareri Gotiyai tewaanya wiadelyi.

²⁶ A'mwe pwai kwai dara yawi'na "Nimi yida'maraanga tewaanyainyi. Gotiyar iylaaya nebwin yadinyainyira," kirii! gamire maangevi nayaa mamaremwaainyai sare sai gannya simunyavi kwaasi didelyi. A'mwe dazare diraginna limwangebwi, yilaaya maryabwi yaasiwakebuliyira. ²⁷ Yida'maraangebwi nawi'nya girii'maaya mwaalyabwi Gotiyai Nenimaangere tinnyari yiwetawakya maaya yima'nya' daresi. Sigiraayaraaviji' yaanyiwaakengiji' sare samili'ka taanginya maa'manigasamili'kaavina nemi nayaa gaimwagaatheine. Nabaai nemire kaanya

yamaryabwi nayaa maremwainaana! Kwaaka davaxiya dazabwi nemire simunyangi gitikita naneyigaladika! Sasaresi.

2

A'mwe yuyaraavina kale avaaina neyadevwinesi.

¹ Nimirre nya'mweihi, nemire Naangei Jizaazitiyi byaanna diraginya' kininnakeri diraginna limwadivisav sarimi a'mwe yaya kininnakeraavina nayaa yina, a'mwe gilyivi'maayaraavina bule'na wijaavina nyipidika! ² Sare' darevinyi. Sarimi re yi'bwa'nemwaaliangevi a'mwei baazi'ma'nya nawi'nya kininnakei nabaai nigwilalaaka nawi'nya kininnakei wilaabina yajai, nabaai a'mwe gilyivi'maayai baazi'ma'nya yune kayaa'nanya' kininnakei sai kwalyi wilaabina yajai, ³ sarimi a'mwe baazi'ma'nyaji kannyasi nawi'nya yira'nojya sarina nawi'nya yina yapiji sahwari duzide "A'mweig, namwaalyita nawi'nya dari bilamwaala!" Kiri' a'mwe gilyivi'maayarit dara duzide "Giminyineba piba mi!. Gimti aagaiba dithaa'deig dingaka? Mnyevi nimirre sivigi'nyiryaba saba dimwalaadeig dingaka?" ⁴ Yi sarimi sasare sabwi yipijsi' sarinnya srya'mweraavina dinya "Kumire nigwilalaaka danganyila! Pwara naangerera. Pwara waryaanyarera." Sara yipijsi' sahwaraavi jaapaina jideihi midaaka! Sarimi re simunyaburidaa'nyi kayaa'na myawibwapina! Sara yipijsi' avaaina yadivitaihi mi!.

⁵ Nimirre nya'mweihi tewaanya nyivu'nadeihi, nayaa dara du'nyila! Gotiyai mena dathareraavi dahilakakera midaaka! Yi a'mwe Kwaakevakiyabulyiyara "Gilyivi'maayarera," didivisara yi sahwaraavina Gotiyai dina "Nimirrerera." Sahwara Kiraazitiyi llimwaga'divisavina Gotiyarine kwalaalya naanga kininnakere. Sinnawi Gotiyai gamire maremwaaside' wijaavade' gamire kaimiraayaraavina yune naanga nebulya'na dakelyi. Yi sahwara gaminyina wivu'naderaavina sara dahilakakelyi. ⁶ Kiri' sarimi a'mwe gilyivi'maaya dazaraavi wagila wijawaasarera. A'mwe gilyivi'kiravnakera sariminyi yihmarulawakadivit taanginya yihwakivanigatara midaaka! Yune sahwarana sariminyi kotiyavina yihmakwodivitara midaaka! ⁷ Kiraazitiyarine yaya' sariminyi Gotiyai yaya tewaanya' yihwakakelyi. A'mwe dazazara yaya tewaanya dazavina biraifyagaala dadivitara midaaka! Sare' yawrapiji gilyivi'nakeraavine yaya yaasiwa'na mamakibina!

⁸ Nemire Kingiyai Bukuyav kiwinya pir'i dakelyi. Dara din'i "Yune gimi saiginyina givu'nadevaabi' sasare sahibaaibi' giminyyi a'mwe pwaraavina nayaa nebwina givu'nana!" Sarevi' daa'nyi kiwinya dinika dazavi nayaa nebwina midibiza' yi sarimi nawi'nyabwi yivaniga! ⁹ Kiri' sarimi a'mwe yaya kininnakeraavina nayaa yipijsi' a'mwe gilyivi'maayaraavina bule'na wijaavipijsi' sabwi kayaa'nanyabwi yadivisaihiliyi. Sarevi kiwinya daza' sarimi re simunyav maanga dara yihizidavadeihiliyi "Sarimi a'mwe kiwinya galazekivaimwaasaihiliira." ¹⁰ Sare' darevinyi. A'mwei kiwinya yuya piningji midinajai kir'i kiwinya dinika pirivina pari'ma'mwakei sai Gotiyare tinnyari yuya kiwinya dinikengina yiwetawakya yiwakelyi. ¹¹ Sare' darevinyi. Gotiyai dara din'i "Pwarevi ata malimwadinnra!" Piri' rereti ata malimwadinnra!" Sara dinika sai nabaai piri'si dara din'i "A'mweri maramakinna! A'mwevi maramakinna!" Sare' gimi a'mwevi ata malimwagi yija' kir'i a'mwe pwar tamakiya' yi gimi kiwinya dinike' mena pari'ma'mwaanyaiginyi. ¹² Kiwinya kayaa'nanyabure yaasiwa'wawinya' ayina nemaalde' yi dazavina Gotiyai marayihyawibwaradevaabi' yuyagaa' sarimi yagaala piniji yiniga wi'na dizila! Yi yuyaburaavi nayaa yiniga wi'na jit'mwannyila! ¹³ Sare' darevinyi. A'mwe pwai a'mwe pwarina kale'na gaimwanga mwiade sar nabaai Gotiyai kotiya' wiawibwaradehaa' sarina kale'na gaimwanga wiadei mi!. Kiri' a'mwei a'mwe

pwarina kale'na gaimwanga wiade kale'na gaimwanga sa' kotiya savi yiniga wi'na wavilavadesi. Gotiyai sahwari jidavadei mi'!

Dıragınna lımwangebulyı Kırıazıtıyarına yadaanyabulyı sawaarınesi.

¹⁴ Nımire nya'mweihı, a'mwe pwai kwai dara dazai "Kırıazıtıyarı dıragınna lımwadınyainyi," kırı' sai wana nawı'nyabwi myade a'mwe dazare dıragınna lımwangebwi yaasiwa'nanya' midaaka! Dıragınna lımwanga sasare sabwi sahwarı yiniga mi'na padaihasamaarannei dıngaka! Aawa. ¹⁵ Yı yaamıji yıhıthıma! Neya'mwe pwai neya'mwe kırı' kannya waryaanya' kınınnake' mwaalaja' nabaai wapaaya tıka nya'ne mwari yaja' ¹⁶ sarıminyıdaa'nyı pwai samılıki wıdına "Kwaamu'nanyaburi yılaaya dımwaala! Gimı wawa'gızı baazi'ma'nya' gımire kılaakejıkı dı'mudınya yınya'ne' dımarakaawa! Nabaai wapaayajı maraawa'gızı gımire munyıkı munya' yunebanna ginana!" Sara dıpjaihi kırı' baazi'ma'nya pıñtıjı wapaaya pıñtıjı gaimwanga ya'ne mujaayı yıpıja' yagaala daza' gaimwange' gatha'dara yannevaka! ¹⁷ Sarevıdaa'nyı dıragınna lımwanga kıbwi nawı'nyaburi mima'naabi yajavwi kırı' gave' waraja' yı sa' bainikesi. Yı dazabwi gevulyıra.

¹⁸ Sare kırı' a'mwe pwai dına "Kırıazıtıyare pwara dıragınna lımwadıvisare. Pwara wawınya tewaanyabwina yadıvisare." Sare'na nımı dara wırıvıki'mwa. Gimı gımire dıragınna lımwanga dazabwi dınyıbwarıdaakwia! Yı sabwi nawı'nya pıburaaví yıma'naabya'nebwi gavebwina dınyıbwarıdaakude' daaka! Kırı' nımı tewaanya sabwi yadınyangına nımire dıragınna lımwangebwi givvarıdaakudeinyı.

¹⁹ Gimı dıragınna dara lımwadınyaigınyı "Gotiyai yune gave pwainanyai mwaalıka." Sa' tewaanya' midaaka! Kırı' Saataanımirera yımakera kwarajı dıragınna avaaina yawı'dıvisare. Sahwara Gotiyarı mamıdınyadıvisı'na lıka yıwaainadıvisare. Sahwaraavı wavıla'mwaaigı daaka! ²⁰ A'mwe sıdu'maayaigı, gimı nawı'nya pıburajı myadı yune dıragınna lımwange'na lımwadınya' sabwi kuzı'nyabulyı. Yaasiwakesi. "Sare dazavıre kaavılya' yawıranganiıma!" dahıneigı daaka! ²¹ Nayaa du'nana! Kığaakuna nemire Ne sınnawınyai Evıraamı gannya gawaalıvaangei Aazakımı kwaraanya lıvalaanıkevi yılamarakakelyı. "Gotiyarıne dıka nası'nana!" daka dıka yıra'dıvıtabaaibı' Gotiyarı yaamıji wımaarya'nei mwaala! Yı dazahaa' sara yake'na Gotiyai gamıre dazabwi wanganaka "A'mwe yıda'maraangelyı," dakei midaaka!

²² Gimı yawırangamanıgı. Gamıre dıragınna lımwangebwi gamıre tewaanya yaka sabulyı ye'mwannayakelyı. Sasare dazabwi gamıre dıragınna lımwangeburi naanga yune nebulya'nanyaburi yunebanna yakebulyı. ²³ Nabaai sare' Gotiyare bukuyavı dınike' yunebanna yıma'nake'nanyı. Dara dıni' "Evıraamı Gotiyarı dıragınna lımwagaka sarevı Gotiyai dıragınna yawırawımwaaıha' 'Sahwai yıda'maraangelyı.' " Sare'na nabaai pımagınyavı dara dıni' "Evıraamı Gotiyare gya'mwelyıra." Evıraamımina sara dıniokesi. ²⁴ Nabaai sare' dahanı' sarımi yawırangamanıga'. Yune dıragınna lımwangeburi gaveburına Gotiyai "A'mwe yıda'maraangelyıra," dadei mi'. Aawa. Sai yawı'da "A'mwei dıragınna lımwade sasare dazavı nawı'nyabwina yaderına yı dazahwarına 'A'mwe yıda'maraangelyı,' " dadelyı. ²⁵ Sahıbaaibı' nabaai a'mwe yaasiwa'na maradakunamaryake' Rayaa' nawı'nyabwina yakevına Gotiyai "A'mwe yıda'maraangesıra," dakei midaaka! Sare' daresi. Yı a'mwe sa' Jozuwaalı a'mweraarı maryasaabakeraarına "Nuramakıpıdıka!" daka tuta pırıvı nayaa ayına maryaaasakeraalyı. ²⁶ Yuya sare' darevınyı. Kılaakejı' kuryalyı maayajı' sajı' mena bainıkabaabibı' a'mwei yaasiwa'na dıragınna lımwagazai kırı' nawı'nya kıbulyı myadei, a'mwe dazare dıragınna lımwangebwi mena bainıkebulyı.

¹ N̄im̄ire nya'mweihi, sar̄im̄inȳdaa'nȳi a'mwe kwalaalyara "Nem̄ Gotiyare yagaalya' w̄ij̄wakadaanyaina ȳma'naana!" nyaw̄ip̄id̄ika! Darev̄inȳ. D̄ivi sagaa' Gotiyai nem̄ w̄ij̄waakyainaav̄i maryaw̄ibwasa' yawi'na "Sahwara s̄du'nakera midaakaj̄i, d̄raḡinna maryaw̄ibwar̄ideinȳi sahwaraav̄i. A'mwe p̄im̄ilikaav̄i k̄ibawana ȳideinȳ." ² Sare' darev̄inȳ. Nem̄ yuyaina dala p̄in̄nnanyanḡi ȳwetawakya kwalaalya yadaanyaine. A'mwe pwai kwai gam̄ire yagaalya' ȳwetawakya myajai sai a'mwe tewaanya naanga yune nebulya'nanyalȳ. Nabaai sasarei gam̄ire k̄ilaaka yuya k̄ij̄i' ȳn̄iga wi'na maremwaainannelȳ. ³ Nem̄ a'mweina kwaari'mayaḡinya maalikem̄il̄i oziyare maangevi nem̄re sabur̄i m̄id̄ida kaanya yamarya'nebwina wakadaanȳ. Sarevidaa'nȳi gam̄ire k̄ilaakej̄i' naangej̄i' war̄ika k̄iri' yuya k̄ilaaka saji' tutaanya p̄ir̄iv̄i kwawoj̄i nem̄ ḡinȳwadaanȳ. ⁴ Nabaai s̄ip̄ya k̄ir̄iv̄inaj̄i jaw̄irila! S̄ip̄ya sa naangenḡira. Nabaai ȳhuta d̄raḡinya naange' ȳihu'maanarya wiadaa'nȳi saalaalyav̄i a'ba ga'n̄igwodenḡ. S̄ip̄yav̄ya' a'mwei ḡinȳwaḡinȳwange' yune maalikest̄. K̄iri' s̄ip̄yav̄i maremwaaid̄i "Pimaḡinna w̄ima!" dozi ḡinȳwaḡinȳwange' ḡinȳwadaa'nȳi s̄ip̄ya' sawinna wi'na yadesi. ⁵ Sasare sahibaaib̄i taalisa' k̄ilaakej̄ik̄na pimaḡinya maalikej̄ik̄. K̄iri' sa' gam̄i sav̄na yaya' munyaba makida naangenna naangenna dadesi. Ȳthaanyi, d̄ika maalike' naanga bidamakiloj̄i kur̄darya naangevi ȳnaadarya yuyavi d̄ika yuya nasi'na yadesi. ⁶ Nabaai taalisa' d̄ika sahir̄isasi. Yuya k̄ilaakej̄ik̄ne'na kusaba war̄ike' Kwaakevak̄iya kayaa'nanya dala p̄ibwina p̄ibwinanyabwi marima'naabadesi. Sara yada k̄ilaaka yuyaj̄ik̄i ḡir̄ikita ȳgalakadesi. Sarevi k̄ilaakej̄ik̄ya sabur̄i d̄ika naanga ȳdade sabi' d̄ihaa'bwa'devulȳ. Sarevidaa'nȳi nem̄re kaanya yamarya sabwi kayaa'nanyabwi ȳma'nadevulȳ. Ȳ Saataan̄ Kayaa'nanyare d̄ika daza' d̄ika sahir̄iv̄i yew̄itawakadesi. D̄ika naangebanne ȳmakera nem̄re taalisa' d̄ihaa'bwa'd̄iv̄isav̄na taalita sa' a'mwe Kwaaka yuyavak̄iyaraav̄i taanginya d̄ike'b̄i marima'naabadesi. ⁷ A'mwera malakayaawaryaraj̄i ȳkur̄iyawiaraj̄i yusaraj̄i kamaalyaraj̄i saalaalyav̄i wi'la'deraj̄i ȳi yuya dala p̄in̄nnanyaraav̄i nayaaȳn̄iga wi'na maremwaib̄inerera. Sahwaraav̄i dalaangew̄i wi'la'nad̄iv̄isara. Nabaai k̄igaasi dahaa' mena sara yadivisare. ⁸ K̄iri' gam̄ire taalisa' ȳn̄iga wi'na maremwaaladei a'mwe pwai kwai mi'. Aane pwai kwai sara myadelȳ. Yuyagaa' taalita sa' d̄ikeb̄i ȳdamaryada yagaala kayaa'nanya ȳn̄igidaavadesi. Naaw̄naanyara kum̄ire kwaam̄inya a'mweraav̄i tamakya'ne da'd̄iv̄tabaaib̄i taalisa' a'mweraav̄ire s̄imunyanḡi kayaaka yuna ȳgaid̄iv̄isanḡ. ⁹ Taal̄isasi Naangei Nen̄maangerine yaya munyaba makilya'ne dadaa "Su! Su!" dadaanyaine. Nabaai taalita sasi Gotiyai yune gam̄ib̄isaraav̄i yav̄ikaryaakeraav̄i nem̄ paasiyagaala sahwaraav̄i kayaaka ȳigalya'ne yagaala kayaa'nanya dadaanyaine. ¹⁰ Yagaala Gotiyar̄ina yaya munyaba makilya'neji paasiyagaala k̄in̄ij̄i yagaala p̄ir̄waala sasare sa yune maanga gave pukidaa'nȳi ȳma'nadenḡ. N̄im̄re nya'mweihi, nem̄ sasare sabwi sara nyaadik̄a! Naw̄i'nyabwi mi'. ¹¹ Aaliȳim̄inya p̄ir̄i p̄igaa' aangaalyasi yaka p̄igaa' aalya ȳir̄kesi ye'mwannaȳri'daavade' daaka! ¹² N̄im̄re nya'mweihi, ȳta pih̄ya p̄ir̄i ȳs̄ila woliv̄iyav̄ire ȳn̄iga tinade' dingaka! Nabaai wi'la ḡiraip̄yabaai ȳs̄ila pih̄ya ȳi'nadevaai dingaka! Ȳi saalaaliȳim̄inya aangaalya naw̄i'nya' miriȳi yannesi. Sarevidaa'nȳi nem̄re maangikidaa'nȳi Gotiyari ȳleyagaalyaj̄i a'mweraav̄i paasiyagaalyaj̄i sara nadaath̄ika!

S̄imunya tewaanya' Gotiyaryabadaa'nȳi ȳma'naabade'nesi.

¹³ Sar̄im̄inȳdaa'nȳi a'mwe kwai s̄imunya naw̄i'nyaj̄i yaw̄ita tewaanyaj̄i k̄in̄nnakei dingaka? Sasare sai gam̄ire kaanya yamarya sabwi tewaanya ȳma'nana! S̄idusabwine kwaamu'na yajai tewaanyabwina yoj̄iyabwi a'mweraav̄i s̄imunya naw̄i'nyabur̄ina ȳbwar̄idaakwana! ¹⁴ Pwaraav̄ireburana sar̄im̄tīganaarya d̄raḡinya' k̄in̄nnakeihi mwaabit̄za' nabaai sar̄im̄re yaya yuya sanḡina

dihaa'bwasabwina yawi'div'i' sarimire simunyangi "Pwaraav'i wavilavima!" yawipi'ja' sarimire yawita sabwina yilaaya mipinera! "Nimi sidu'nakeinyi," kwaasi nadipidika! Sarimi pihadikewbi yipi'ja' nebulyaburi kayaa'na yipi'ja' pwara "Sidu'nakeinyi midaakaji, gamirebwina 'Kwaasiyalyi,' neyibwari'daakuvani," nadibithika! ¹⁵ Simunya sasare sabwi Sigunyavidaa'nyi waidaavadevwi mi!. Gotiyare! mi!. Aawa. Yune Kwaaka dathavakiyabulyi. Simunya yawakeburidaa'nyi yima'nadevulyi. Kurya Tewaanyarinebwi mi!. Sare sahirivine'na Saataani Kayaa'nanyai gyakwalaangelyi. ¹⁶ Sare' darevinyi. A'mwe pwara a'mwe pwaraavireburana tiganaarya yadi'vi' kumire yaya makilya'nera dihaa'bwasabwina yawi'daapiya'na a'mwe sasare sara nayaa pada'galemwaaaidivitara mi!. Gavamarasi'nyiyagaala didivisare. Nabaai sahwara kayaa'nanya yuya dala pibwinanyabwi yadi'visare. ¹⁷ Kir'i a'mwe pwara simunya munyabadaa'nya' Gotiyari maa'divisara darebwi yadi'visare. Aaya mudi'nanya', simunya yida'maraangebwi midinna. Nabaai ayawidaasa', a'mwerajti avaaimunyi'na mwaalina, sara yadi'vi' kwaamu'na yina, pwaraavire yagaala dipija kadika nayaa wi'nyina. Kale'na gaimwanga naanga yina, tewaanyabwina yisila nawi'nyabisabwina yadi'visare. Sahwara yuyaraavi simunya avaainanyabwina yadi'vi' nabaai kwaasi myadiv'i kwaasi majadivisabulyi. ¹⁸ Nabaai sahwara avaaimunyi'na yipi'ja' "Pwaraav'i munya yirila diwangebur iwmwaaiahima!" yawipi'jara tika munne wia burijabi' yipinere. Kwaamu'nanya ya sasare sabwi yida'maraanga saburi tika munne tewaanya yibwaramadakya yima'nadevulyi.

4

Gotiyari dalaangevi marulawakinaade'nesi.

¹ Maimayagaala sariminyaba yihima'nivanika sangine aaya kaavilya' berivaka? Yi munyi' dikaata sabwi yihwa'devulyi. Sara yada sarimire kilaaka yuyajiki mala yihyadezik. Nabaai sasare dazahibwi maimayagaala sabwi dihaa'bwa'desi. Sasare mi yadevwi dingaka! ² Sarimi gilyivita dala nabinabinya maarya'neihiri tewaanya yihvu'nadeihili. Kir'i sarimi mamaari yipineihili. Sara yadi'vi' sarimi a'mweraavire gilyivita maarya'neihi sahwaraavi tamakya'na yawi'divisaihili. Sarimi gilyivisangina tiganaarya yadi'vita sare sangi sarimi mamaaryadivisaihili. Sare savidaa'nyi sarimi maimayagaala kayaa'na dadiv'i mala tannadivisaihili. Sarimi Gotiyari gilyivisa maarya'na yidaangadivitaihi mi!. Sara yadi'vi' sarimi mamaaryadivisaihili. ³ Pigaal' sarimi gilyivisa maarya'na yidaangadiv'i kir'i sarimi mamaaryadivisaihili. Gatha'darevinaka? Sarimire simunyabwi nayaa yida'na myadiv'i Gotiyari yidangadaapi "Nemi yune wabahilaaka ya'neina gilyivita sa maraana!" yawi'div'i yidaangadivisa'nanyi. ⁴ Sarimi a'mwe pwaraavirengi ata limwadivita sarabisaihili. Kwaan'nyi-a'mwebisaihili. Dara myawirijivaniga!! A'mwei Kwaaka davakiyabwina yilaaya yajai, sai Gotiyari yikamaangei yima'niwakelyi. Dazavi myawiranganyivanigasaihi daaka! Sarevidaa'nyi a'mwe pwai kwai Kwaakevakiya sabwi "Nya'mwana widima!" dozi yajai, yi sai Gotiyarin yikamaangei yima'nadelyi. ⁵ Gotiyare Bukuya' dara din'i "Kuryai dazai Gotiyai neminyi kusawi nemwaaihadei yune gamire saburina diraginna yawi'da yune diraginaangelyi. Piburaavi ya'nejti pwaraav'i yilaaya mary'a'nejti 'Arkewi!' yawiribainyina yada 'Gotiyai gave pwainanyari yilaaya marina jila!' yawi'delyi." Sarimi dara dahyawi'maniga? "Yagaala daza' yaasiwa'nanya' dingaka!" Woi! Naangesi. Sare'na kayaa'nanya dazabura jahalya'mayila! ⁶ Kir'i nemti kayaa'nanyabwi dathiwagya'neinaavi Gotiyai yanga gaimwanga naange' nejaavadelyi. Sarevi' Bukuyavi' dara din'i "Gotiyai a'mwe pihadika yadi'visaraavi tivipalasi'delyira. Sara yada kir'i a'mwe kumire

s̄imunya' walamarakya yadiv̄isaraav̄i yanga gaimwange' wiadelyi." ⁷ Sarevidaa'nyi sar̄im̄re s̄imunya' walamarakya yapij̄ Gotiyari dalaangewi d̄imwaalyila! Sar̄imi Saataani Kayaa'nanyari d̄iriv̄ipalas̄i'nyila! Sara kyapij̄ yihyagalya'mavoji l̄ikaanya wawodelȳra. ⁸ Sar̄imi Gotiyaryaba aya kibanna nayaa dulaawila! Nabaai sahwai sar̄im̄nyaba aya kibanna bathelyi. A'mwe kayaa'nanyabwi yadiv̄isaihi, a'mweiḡ giñnya as̄iraai aalya j̄inana! Taabir̄iwaiz̄imunya k̄in̄nnakeiḡ nawi'nya tewaanya wannadevaabib̄i' ḡirikita kayaa'nanya giñnya s̄imunyav̄i d̄ithuimwagasi'nya! ⁹ Sar̄im̄re kayaa'nanyanna sar̄imi s̄imunya' taanga maa'div̄i' kale yihyadeihi k̄inna kwalaalya d̄izila! Sar̄imi ji ka givanigasaihi sar̄im̄re ji ka gyavwi maroȳmaa'napij̄ k̄inna d̄izila! Sar̄imi a'mwe dahaa' yilaaya yivanigasaihi yilaaya ya sabwi maroȳmaa'nya kyapij̄ kale naange' yihyana! ¹⁰ Nabaai Naangere t̄innyari sar̄imi sahi kwaakewi d̄marulawakinyila! Nabaai sara yip̄ija' Naangei sar̄im̄nyi munyaba yihimakiladelyi.

¹¹ Nya'mweihi, sar̄imi sīrya'mweraav̄i yagaala kayaa'nanya mudip̄inera! A'mwei gya'mwe pwar̄i yagaala kayaa'nanya, yaasiwakyagaala wīdazai gannya gya'mweri jidavajai sai kiwinya dinikev̄na yagaala kayaa'nanya wīdozi K̄iwinya' jidavadelyi. Nabaai kiwinya dinike' jida'na yīja' yīgīti K̄iwinya dinike' nayaa mididinyaigi mī!. Aawa. Yawibwa'dinyaigi wījida'dinyaigi'nyi. ¹² Gotiyai yune gave pwainanyai kiwinya dinika daza wakadengi. Sai sara yada yawibwarya'nei mwaaidelyi. Sai yune gave sahwai a'mweraav̄i yiniga wīna padaihasamaarannei, a'mweraav̄i kayaaka yigalakannei mwaalit̄i. Sarevidaa'nyi a'mwe pwar̄i wījiday'a'neiḡ aai gīmwaaihakaiḡnaka!

Nemi pihadika myaannebwinesi.

¹³ Dara dīdiv̄isaihi nayaa dīnyu'nyila! "Dahaa' pigaa', mwanyagaa' kigaa' anga naanga pība wawaaji kwarame pīrīvi yiniga wīnanne' mubya'neina wawinya yaadeinera. Sarevi nabaai nemi nīgwia kwalaalya naanga maraadeinera." Yī sar̄im̄nyī dara yihithima! ¹⁴ Sar̄imi myawirivaniga'. Yirita mwanyagaa' benī yima'nade dingaka? Sar̄im̄re gaala mwaalyabwi gatha'darebulaka! Sare darevinyi. Sar̄imi jita yide sa'b̄isaihili. Jisa' yidehaa' kibawa maali'na wa'da yarai yimaanyina yadevaabib̄a sar̄im̄re gaala mwaalyabulyi. ¹⁵ Pigaa'na sara dahilakya'na madip̄inera! Aawa. Dara dīpijaihili "Naangei gannya s̄imunyaburi sara yawiraja' nemi gaala kuna mwalawaaji wawinya pīri' wawinya kiri' yaadeine." ¹⁶ Sare kiri' sar̄im̄re wawinya'na yaasiwa' yagaala naanga damaryadīvi' sar̄im̄ne yaya munyaba makinadīvisaihili. Sasare yuya pihadika yuya sa, kayaa'nanyangi. ¹⁷ Sarevidaa'nyī a'mwe nawi'nya ya sabwina Gotiyai wibwaridaakwoj̄yabwina yawi'dei, sasare sabwi mi yajai pībwi yajai yī a'mwe dazai wana kayaa'nanyabwi yadelyi.

5

A'mwe gilyivikiravnakeraavina dinikebwinesi.

¹ A'mwe gilyivikiravnakeraavina dinikebwinesi, dahaa' nayaa dīnyu'nyila! Sar̄im̄nyina "Taanginya yuya yima'nima!" dada yihivanika sanna sar̄imi s̄imunya nayaa jawirila! Sarevi sar̄imi k̄inna dadiv̄i jakinna dīthanganyila! ² Sar̄im̄re yuya gilyivikirayaj̄i yawaala yuyaj̄i mena bwia bu'nikenḡra. Nabaai yuya sar̄im̄re kwaabihannya yuya sa maa'nyaannyara mena dabu'div̄isangi. ³ Sar̄im̄re goliyaj̄i silivaayaj̄i mena napolika yinikenḡi. Napolika daza sar̄im̄re kayaa'na yadiv̄isabwi sar̄im̄re nīgwia nayaa mamaremwaalyadīvisabwi ku'maayaba marima'naabathengi. Sara yoj̄i napolika sa' sar̄im̄re kilaakej̄i' dike'b̄i' nadezik̄i. Sar̄imi gilyivisaj̄i nīgwiaj̄i kwalaalya yībwarakip̄ija' kiri' yirika aaya'negaa' yarai yima'nadehaaki. Gotiyai

a'mweraav† maryawibwaradehaaki. ⁴ Kadika nayaa du'nyila! Wawinya yadivisara sarimire wawinyang† tika wapaaya yabwaryadivita sare'na sarimi sahwaraav† kwaasi widadiv† kumire nigwia pin kaanya tihiremwaaidivisaihilyi. Nigwia sarimi kaanya tihiremwaaidivita daza jaka naanga dangamanikengi. Nabaai Sigunyaviya Kwalaalyaraavire Naangei jaka sa kadika mena wi'nivanikengi. ⁵ Yuya sagaa' sarimi Kwaaka davak† mwaaidiv† gilyivita yuya nawi'nyanna nawi'nyanna maa'divisa'na wabahilaaka naanga maa'div† yilaaya yadiv† mwaaidivisaihilyi. Sarimi bulimakaawoyara tika kwalaalya nadiv† sigunnaker yima'nadivisarabisaihi yima'nawaasaihilyi. Yi Gotiyare Yirika sari' sariminy tamakya ya'negaa' mena yima'nivan†. ⁶ Darevinyi. Sarimi a'mwe yida'maraanga kwar† kotiya mena maryeva jidaveva mena tamakwaasaihilyi. Sare sa'na nabaai sariminyi wanganak†na yihyada mala sa'na tivikita mihivan†. Sasareihi gilyivikiravinakeihi Gotiyai taanginya yihzaavade'na kinna dadiv† jakinna dithanganyila!

Taanginyaga'a' kwaamu'nanyav† mwalaade'nesi.

⁷ Nya'mweihi, sarevidaa'nyi sarimire simunyaburi nayaa diraginya yivaimwadiiv† yuya taanginya sang† dimaredaayila! Sara yapiji Naangei ayina bathegaa'na jemwaalyila! Yithaanyi, wawinyav† gyakwalaanga kwai tika munne tewaanya kima'nojina dada yemwaaidevaabisaihilyi. Wawinyaviya sai gamire simunyaburi diraginya yivaimwada burikevinaj† nyilyav†naj† burika diviyav†naj† yemwaaideltyi. Burika sawaai wawinya' yunebanna mena kyakilyi, sagaa' tika munne yabwaryadelyi. ⁸ Nabaai sarimi kwaihilyi simunyabwi diraginya yivaimwadiiv† taanginya yuyangi dimaredaayila! Naangere ayina bathehaa' ayahiba menanyira. Sare'na sarimire simunya' diraginna nayaa warana! ⁹ Nya'mweihi, sarimi srya'mwe pwaraavina mayagaala madipinera! Bulayagaala madipinera! "Sare sa'na Yawibwasai kayaa'nanya nanyirivikiradika!" dapi myipina! Yithaanyi! Yawibwata sai kaadihisavi mwasilaa daavikei yemwaiman†. ¹⁰ Nya'mweihi, yikamaangera a'mwe pwaraav† kayaa'na wigaidaapi kir† sahwara kumire simunya' diraginya yivaimwadiiv† taanginya daza maredaaveta ke'ba'nanyaraavina nayaa jawirila! Yi sahwara Gotiyari wi'neva pwaraav† wijiwaakesara Naangerine yayavina widesare. Sarimi sasare sabwi maarapiji nabaai sahiriv† mididiv† jamarideihilyi. ¹¹ Yithaanyi! Nem† dara dadaanyaine. A'mwera kumire simunyang† diraginya yivaimwannadiv† taanginya maa'divisara yilaaya yadiv† tewaanaanga yinikere. Sarimi Ne Jop kigaakuna mwalyaakerina yagaaikeiwina dinike kadika mena wi'nadivisaihilyi. Sai gamire simunyari diraginya yivaimwada gaminyi taanginya yuya sa wima'nakelyi. Nabaai dividaa'nyi aayagaal Naangei sahwar† tewaanyabwina wiakelyi. Sara yawirangamaniga!. Sahwar† sara wiake'na nem† dara yawi'manigo. Naangei neminyina kale naanga wiada nabaai yuyagaal kale'na gaimwanga neyadelyi.

¹² Kir† nimire nya'mweihi, aaya mudi'nanya sarimi jide darengi. Sarimi Sigunyavine yayasi Kwaakevakine yayasi piningine yayaji dadiv† nebwin yagaala diraginya yima'nya'ne' madipinera! Yi sarimi dina "Yayo," nabaai "Yayo daaza sa' wi'nanyi." Yi sarimi dina "Aawa," nabaai "Aawana daaza sa' wi'nanyi." Sarimi "Nebwin yagaala diraginya yima'nya'ne' yaasiwa'na mudiwina! Gotiyai nanyijidavadika!" dapi sara madipina!

Gotiyari limwaga'daa sahwar† widadaanya'nesi.

¹³ Sariminyidaa'nyi srya'mwe pwai kwai taanginya kininnakei dahamwaalika? Sai Gotiyari nayaa widana! Sirya'mwe pwai kware simunya' yilaaya dahayivanika? Sare'na sai Gotiyari yiledaasa' dana! ¹⁴ Nabaai sariminyidaa'nyi srya'mwe pwai nabalinakei dahamwaalika? Sare sai Naangere kusilaanyaviyaraavire naangeraav† jika widathelyi. Naangerine yayav† gamire kilaakejiki welivananya' purapiji

gamiñyaba sahwari tewaanya yavada'galade'na Gotiyari wi'dipika! ¹⁵ Nabaai sahwarina Gotiyari diraginna limwadiv'i yidaangabiza' Naangei nalaavinakeri tewaanna wiada ayina yidikaavadelyi. Nabaai sai kayaa'nanya pin yajanna Naangei kayaa'nanya yuya daza duimwagas'inadelyi. ¹⁶ Sarevidaa'nyi sarimi srya'mweraavi sarinnya kayaa'nanyanna dizalikurakyila! Sara yadiv'i sarimi srya'mweraavi nayaa yavada'galade'na Gotiyari nayaa jithaanganyila! A'mwe yida'maraangeraavire Naangeri yidaanganyabwi sa' diraginya yima'naabathesi. Yi sa' a'mweri yiniga wi'na gaimwagathesi. ¹⁷ Yilaajai Gotiyare wi'nawijawaakakei sai a'mwe nemibi' avaainanyalyi. Sai Gotiyari diraginna kidaangana! "Burike' nalaa-bathika!" daka sagaa' Kwaakevak'i kwarame dawaai da' yaka lawe ata puridaa'nyi pu'na burike' mwalaabyakesi. ¹⁸ Nabaai sai ayina kidaangana! sagaa' sigunya' burikevi maryasaabi'na kya' yithaanyi, sagaa' Kwaakevak'i tika munne ayina warina.

¹⁹ Ninnya nya'mweihi, sarimiñyidaa'nyi a'mwe pwai kwai Gotiyare yagaala nebulya'yagalya'mavoj'i gya'mwei pwai kwai wi'doz'i ayina makaboz'i ²⁰ nabaai neya'mwe dazai dara yawiradelyi. A'mwe pwai a'mwe kayaa'nanyabwi yaderi gaimwagozi sarevi a'mwe kayaa'nanya yadei tuta kayaa'nanya' yagalya'mavoj'i Gotiyaryawinna ayina kaboz'i sarevi a'mwe dazai gannya kuryai ayina maaradelyi. Gamire kuryai kayaaka yuyagaa'na yinadei mi'. Sasare dazaburi Gotiyai kayaa'nanya kwalaalya marasi'nadelyi.

Jemizai

1 Pitai Pitai Pikkarya Aaya Mud'i'nanya' Yidavakesira.

Gotiyai yihizivwaramaarakeihi yiwinamavesaihi,

¹ Pitainy Jizaazai Kiraazitiyi Nyidaasadeiny Apozeliyainy pikkarya daza' yihithawasiwaabe. Anga Naanga Podaazi, Galeziya, Kapaathoziya, Eziya, Bithinlya, sangi gazabazaba angavaayaihi mwaaihasihirina yihithawasiwaabe.

² Kigaakuna Gotiyai Nmwai sariminyina mena yawiraka yune gami sahwarina yihithahilakakeihili. Kurya Tewaanyai Gotiyareihi nawi'nyaihir iyi'mwaaikhakeihili. Jizaazai Kiraazitiyar midinya'na, nabaai gamire tawe' sariminyi aalya yihya'ne'na nawi'nyaihi yima'nya'na yihithahilakakeihili. Sareihirine yange'na tewaanna wigmawangebuli kwaamu'nanyabulyi naanna yi'mwaaiahana!

Sigunyavi mwalaade'na diraginna yemwaalya'nesi.

³ Nemire Naanga Jizaazai Kiraazitiyare Gotiyai Ganimaangeri yilaaya nayaa maryana! Neminyi kale naange'na negaimwagake'na Kiraazitiyarina Gotiyaridaa'nyainaav gaala mena nemwaaihakelyi. Sahwai Jizaazai Kiraazitiyar bainikeraayawi ayina yidikaavakevi mudikeinaav gaala mena nemwaaihakelyi. Nabaai sahwarinevi gaalyabwineina yima'nona "Yuyagaa' yuyagaa' mwalaade'nanyi," diraginna jemwaalya'neinaav mena nemwaaihakelyi.

⁴ Gamire kaimraayainaav mena nemwaaihake'na Nenimaangere yuya maraadenna diraginna yemwaaimanigo. Sarennna yuna kayaaka yinadenna mi!. Bwia buradenna mi!. Sarennna gwarakuradenna mi!. Yarai yiwodenna mi!. Sariminyine yemwaalya Sigunyavi Gotiyai dame daavikengira. ⁵ Sarennna sariminyinengi. Gotiyare diraginyavi sariminyina dame daavikeihili. Sahwarina diraginna limwabiza'na dame daavikelyi. Yinahu padaihasamaarya'nevdi dimwaalyide'na dame daavikelyi. Padaihasamaata sa' yemwaala yihivanike' Yirika aayagaa' ku'maayabanna yima'naabathesi. Sareburana yilaaya nayaa maryana!

⁶ Yuya sahinngina yilaaya naanga yivanigasaihili. Dahaa'ne' maalikegaa'nesi dala pininna pininnanya taanginyanna yijwaalyanna taanga yihizaavanigata kirii yilaaya yivanigasaihili. ⁷ Taanga yihizaavanigata sare'na yawita kwalaalya mipinera! Taanga sasare sabwi dara yibwariidaakuvani! "Taanga wiada kirii Naangeri diraginna kuna limwamanigasare. Sare'na kumire limwangebwi nebulysi." Nem "Goliya tewaanya nevu'nadesi," yawi'daa kirii dikevi yaamijya'na marapiraayadi' kwaake' nade goloya diraginya' maa'divtabaaibi' sarimire limwangebwina diraginyabwi yima'nade'na taanga yihivanikebuli. Goloya kayaaka yiwode kirii Naangeri limwangebwi goloya sahri'bita mi!. Aawa. Sa' goliyav wavylavaka yi tewaanya nawi'nyaangesi. Yuyagaa' waribainagwodesi. Sarimire diraginyabwi yivaimwagathe'na taanga yihivanike'nanyi. Divi Jizaazai Kiraazitiyi ku'maayaba yima'naabathehaa' Gotiyai "Limwagesaraavi yilaaya naanga wima! Byaannakeraavi wimwaanihima! Sahwaraavire yaya makilima!" kada' taanga yihivanii!. ⁸ Jizaazai Kiraazitiyar tinna mwanganyeta kwaihi kirii sahwarina yihivu'niyanikelyi. Dahaa' tinna kuna mwanganyadivita kwaihi kirii sahwar limwadivisalyi. Sarevidaa'nyi yilaaya naanga nebwina yivanigasaihili. Yilaaya daza' naange' tewaanaange' byaannake' warikesi. Sahrii nemire maangeji yiniga wi'na wijkwakaade' mi!. (Aawa. Naangaangesi.) ⁹ Sarimi Naangeri limwanga

yunevina dara yawi'mwaasaihiliy "Aayagaal Gotiyai nemire kuryaraavi yinahu nevadaihasamaaradelyira." Sare'na yilaaya naanga daza' yivanigasaihiliy.

¹⁰ Padaihasamaata saburine' Gotiyari wi'nawijiwakyaasara piropetiyara birina birina yeva yawiyawita yaasasi. Sinnawi sahwara yaata sariminyine yanga wigaimwanga naangevi yihizaaya'nevina neminyina dinikesi. ¹¹ Sinnawi Kiraazitiyare Kuryai piropetiyaraav simunyangi wilaraka yibwaridaakuna, Kiraazitiyari daanga wivinya'nesi dividaa'nyi byaanna diraginyaji maarya'nesi sinnawi jalikurakyaakelyi. Sahwara yawiyawita "Gathingaa' yima'nadehaakaka?" Nabaai "Beninna yima'nadengaka dazagaa?" ¹² Sahwaraav Gotiyai mena yibwaridaakuna "Birama'mwaata daza sariminyinenna mi". Aawa. Dividaa'nyaraavinnengira." Sara yibwaridaakuna wiada piropetiyara sa wideve dinikengi. Sa sariminyinengira. Yagaala tewaanya' Kiraazitiyai Widaasakera yihiziwaakesara daza yihithe. Gotiyai Sigunyavidaa'nya Kurya Tewaanyari maryasaabina kya' sahware diraginyavi yagaala tewaanya' wijiwaakina yihye. Nabaai tewaanya daza ejeliyara kwarajt yawramaasavina wivu'najarera.

Girikita'nanya maayaina nawi'nya mwalaadevwinesi.

¹³ Gotiyai yuya sa yakeburidaa'nyi sarinnya simunyabwi nayaa yavada'gainapi nayaa dadiv'i nayaa jemwaalyila! Jizaazai Kiraazitiyai ku'maayabanna yima'naabathev'i sahwai yanga wigaimwangebwi naanga daza' yihizavaabathesi. Sarevi' sarinnya simunya yunebanna yaw'div'i yuna jemwaalyila! ¹⁴ "Nem Gotiyare kaimraayainera!" dapiji' nayaa dimidinyila! Kigaa' sarimi yagaala tewaanyavina simunya kuneihi yihivu'nake'na kayaa'nanya yesaihiliy. Dahaasasare sabwi ayina namidibithika! ¹⁵ Aawa. Nawi'nya dimwaalyila! Gotiyai jika mena yihizivwaramaarakei sahwai nawi'nyaangelyi. Girikita'nanyai mika! Sahwai nawi'nyaangei mwaalikabaaibi' nawi'nya jide'na nawi'nyaihi jima'nyila! ¹⁶ Sarevi' Gotiyare bukuya' dara dinikesi. Nimi girikita'nanya maayainyi nawi'nyainyi. Sareburidaa'nyi nawi'nyaihi dimwaalyila! Sara dinike'nanyi.

¹⁷ Sarimi Gotiyari widadivik "Nimwai." Gotiya dazai a'mwe naangeraavina tewaanyabwina marayawibwa'dei mi'. A'mwe maalikeraavina kayaa'nanyabwina marayawibwa'dei mi'. Gazaizai sara yade sabwina nayaa marayawibwa'delyi. Sarevidaa'nyi sarimi "Nimwai," widipi'ja' "Naangelyi. Diraginaangelyi," yawi'div'i Sigunyavinehi kwaaka dathavaki angavaayaihi mwaaidivisagaa' nayaa yida'na jila! ¹⁸ Kigaakuna Ne sinnawi'nyaraavirebwi yihizaaveta waryaanyabwina yesaihiliy. Sareihi yaasiwa'na mwaaidiv'i Gotiyai yihimubaka kayaa'nanyaburi wila yihyaarakeihiliy. Sarimi mena yawi'maniga' "Kayaaka yinade nigwia piniji goloya kiniji manemubyakengi. ¹⁹ Aawa. Kiraazitiyare tawesi nemubamaarakesi. Tawe daza' mubya naangesi." A'mwera kumire kayaa'nanyabwina Gotiyarinna sipzipiya divinya yiwihwaarya saza muwarikeri tadivitabaaibi' Kiraazitiyai nawi'nyaangei girika maayai neminyine'na balakelyi. ²⁰ Gotiyai Kwaakeva' mwakyagaa' wawinya daza' ya'neri Kiraazitiyari sinnawi dahilakyaakelyi. Sare' kir'i aaya'ne dahasa sariminyine'na gaimwanga yihya'nei ku'maayabanna yima'naabakegaakira. ²¹ Sahwai gamireihiri yihimwaihadaa'nyi sarimi Gotiyari limwadivisaihiliy. Gotiya sahwai Kiraazitiyari baryari yidikaavaka byaanna diraginya' wijaavakelyi. Kiraazitiyai yihimwaaikhaka sarevidaa'nyi Gotiyari limwadiv'i Gotiyarinna yemwaaishasalyi.

²² Sarimi yagaala nebula daza' mididivisavi sarinnya kuryaraavi girikita'nanya duimwagasi'ningasaihiliy. Sareihi srya'mweraavina nebulya'na yima'nya'neihi srya'mwe pwaihiri simunya yuyangi diraginna yihivu'nana! ²³ Mudikeihi mena yima'nesa'na sara jila! Dividaa'nyi kayaaka yinya'neyuraavidaa'nyi mudikeihi mima'nye!. Aawa. Yuyagaa' yuyagaa' kayaaka minyaderidaa'nyi mudikeihi

yıma'nesaihılyi. Gotiyare yagaala yawıralımwanna yeva mudıkeihi yıma'nesası. Yagaala sa' gaalyabwi kınınnake' yuyagaalı warıbainadesi. ²⁴ Dara dıñike'nanyı "A'mwe yuyara kurıvaarıyarerá. Kumıre nıgwılalaaka yuya kurıvaarıyangıre pwasangıra. Kurıvaarıya sa yawaka baidengi. Pwasa sa bwalaraawına yadengi. ²⁵ Kırı! Naangere yagaalya' baide' mı!. Sa' yuyagaa' yuyagaa' warıbainadesi." Yagaala sa' sara dıñike'na "Yuyagaa' warıbainadesi," yawı'mwo. Yagaala daza' yıhızıwaakesa' yagaala tewaanya dazası.

2

¹ Gotiyarıdaa'nyaihi mwaaihasavıdaa'nyı kayaa'nanya yuya sabura dımarası'nyıla! Kwaası yagaala yuya sabulyı kwaasıya sabulyı gılıvıta kwalaalyajıyaraavına sımunya kayaa'na yawıta sabulyı bulayagaala yuya saji sasare sa dımarası'nyıla! ² Bwaranyamılıka aamunya'na mijika wiadevaabi! Naangere yagaalyavına mijika yıhyana! Sarevi "Yune'na nevadaihasamaaranan!" kadapıjı sarınnaya kuryara dıragınyara yıma'nıpi'de'nanyı. ³ Sare' dıni! "Naangei negaimwadelyi, yawı'manıgasa' waburya naange'na yıhyakesi." Sara nebulya'na yıhyanneihi gamıre yagaalyavına yıhvı'nana!

Naangei sıla gaala'ne tewaanyarinesi.

⁴ Kıraazıtayıyawınnı dıvidehılyı. Sılaanga gaala gamı sahwalyı. Neminyına gaalyabwi nejaavadelyı. Pırı! daresi. Sahwarına a'mwera "Waryaanyalyı," deva marası'nesalyı. Pırı! daresi. Kwarına Gotiyai "Nawi'nya nebulyalyı," daka wıdahılkakelyı. ⁵ Nabaai sarımi sahi gamıre gaalyabwi maareva sılaanga gaalyai kınınnakeihılyı. A'mwera siange' maja'nera sılya wakadıvıtabaaibi! Gotiyai gamıreihırtı yıhımwaaiahaka angeviyaihırtı gannya Kurya Tewaanyarı wılayıhımwaaiahıvanıkelyı. Nabaai sarımi pırizıyara Gotiyarına mubıthıka yıra'dıvıta tewaanyaihi gamınyına wıdaayadıvisaihırtı yıhımwaaiahıvanıkelyı. Sareihi pırizıyara Gotiyarına sıpızipıyaraavı yıravetabaaibi! sarınnaya kuryara Gotiyarına duzaayidehılyı. Sara nayaa yıpija! Gotiyai Jizaazai Kıraazıtayına yawı'da yıhımaaradelyı. ⁶ Kıraazıtayı sılaanga gaala'nerına Gotiyare bukuyayıda dıñikesi.

Yıthaanyı! Saayonı Sılaangerı wımwaaiahıvanıge.

Maja'ne simıjamaangei yıvaimwagya'nerına wıdahılkıwelyı.

"Nawi'nya nebulyalyı," dena wıdahılkıwelyı.

Sareviadaa'nyı sahwarı dıragınnıa lımwagazai

Wagiła kını maaradei mıka! Arıkevi.

⁷ Sareviadaa'nyı Naangerı lımwadıvısaıhırtına Kıraazıtayı wana nawı'nyalyı. A'mwe malımwagi yıpijaraavına dara dıñikesi.

Anga madıvisara sılaangerı marası'nesalyı.

Dazai Aaya Ke'banyai yıma'nıwakelyı.

⁸ Nabaai a'mwe malımwagi yıpijaraavına dara dıñikesi.

Sıla dazarı mudaya'nelyı.

Sılaangerı mudavamaarojı walaraawadelyı.

Sara dıñikesi. Gotiyare yagaalya' galazekıvaidaapiya'na Kıraazıtayı muda'manıgasare. Kıraazıtayı malımwagyadıvı' kayaaka yıgainıvanıgasare. Sınnawı kıgaa! Gotiyai sara dakakesi. Galazekıvalyara mudapı'derera.

⁹ Sare' kırı! Gotiyai mena kihıthahılaka' gamınyıdaa'nyaihi gamıreihı yıma'nesaihi sımya yısavaakı dahılakınıkeihılyı. Gotiyarına mubıthıka

yıra'dıvısavaakiyaihi Gotiyai Maremwaaideri wıdaayadıvisaihılyi. Sarımı anga naanga pimagineya tewaanyaihi gırıkita'nanya maayaihılyi. Gotiyare a'mweihı, Gotiyare gılyıvısaihılyi. Sareihırı yıhıthahılkake'na Gotiyai yake yuya nawı'nya ya sabwi duzıwaakyide'nanyi. Sahwai jako kihızıvwara' jıhınyı' mena yagalıa'ma'na kye' gamire baaka nawı'nyavı wılayıhımwaaikhake'nanyi. ¹⁰ Kigaa' a'mweihı mwaalaetaihi mı!. Aawa. Daha! Gotiyare a'mweihılyi. Kigaa' kale wıgaimwangebwı maaresaihi mı!. Aawa. Daha! Gotiyarı sarıminyına kale wıgaimwanga sabwi maakasaihılyi.

Kıraazıtıyareina yadaanyaburaavınesi.

¹¹ Nya'mweihı, tewaanya nyıvu'nadeihi yıhıthıhaa'bwarıma! Kwaaka davarı angavaayaıhi yıwınamavesaihi mwaaihasa'na sımunya ayabwi "Wabahılaake'na kayaa'na yıwıneinyi. Maa'mujainyi," yawıresabwi mamıdıbına! Sasare sabura sarımirre kuryarajı mala bwa'nadıvısa'nanyi. Sarımirre kuryara dıragınnı mwaaiibıka! ¹² Ajımya yuyangıyaraayaba nayaa yıda'na jıla! Sasarebwına sarımirre yadaapırı sahwara kwaası dınpıja! "Kıraazıtıyarerı kayaa'na yadıvisare." Kırıvı sarımirre tewaanyabwi dara yawırangabıde! "O, sahwai nayaa yıvanıke' daaka!" Gotiyai yawıbwarya'nei mu'nyadıvisaraayawınnı bozıyagaa' sarımirre "Malımwagyadıvisara Gotiyarına 'Byaannakelyi,' dıpıka!" dapıjı nayaa yıda'na jıla!

¹³ Naangerına sımunya nayaa yawı'dı a'mwe naangera yuyara gımaremwaaidıvisaraavı kwaakewı dımwaala! Kingıya naanga Sizaai mwaalıkerına sahwarı kwaakewı dımwaala! ¹⁴ Nabaai ga'maanıya kwaraavıji kwaakewı dımwaala! Sahwaraavı kingıya naangei Sizaai maryasaabakere. A'mwe kayaa'na yadıvisaraavı kayaa'nanya tıvıkırıya'ne'na kırı' nayaa yadıvisaraavı yaya wımakılya'ne'najı maryasaabakere. ¹⁵ Sasare gımi yadaa'gızıya'na Gotiyarı tewaanya wıvu'nıvanıkelyi. Nayaa yadaa'gi sıdu'maayara yawı'dıvı! "Kumırebwi kayaa'nanyabwi tınna wanganawaaji bırala wıdaatheinera," dara wangabi'de! "O, tewaanna jıvanıga!!" Sara gımi yadı gıminyınebwına kayaa'nanya yınıga wı'na majı yıpınerera. ¹⁶ Nayaa dımwaala! Pwaraavı yaasıwa'wawınyaigı wıdaaya'neigı mamwaaidınnıneigınyi. Gotiyai neyarakeinera. Dıragınyaigı gınnıya dıragınyabwına kayaa'nanyabwi mabwakakınnı! Sarevı dara myawi'dınnı! "Dıragınyaina mwaaiho'na kayaa'nanya yaaja' sara yaana!" Sara myawi'dınnı! Aawa. Gotiyare yaasıwa'wawınyaigı dımwaala! ¹⁷ A'mwe yuyaraavıre yayangi munyaba dımakıla! Kıraazıtıyare ja'mweraavına gıvu'nana! Gotiyarına yawı'dı "Naangelyi. Dıragınaangelyi," lıka nayaa ji! Kwaaka yuyavakıya Kingıya Sizaarıne yaya' munyaba dımakıla!

Yaasıwa'wawınyaaraavınesi.

¹⁸ Angevı wıdaayadınyaigı gınnıya maremwaaiderına "A'mwe naangelyi," nayaa yawı'dı lıka yadı kwaakewı nayaa dımarulawakınnı! Pwara tewaanna gımaremwaaidıvisarajı nayaa kave gyadıvisarajı gaveraavına mı!. Aawa. Kayaa'na gımaremwaaidıvıta kwaraavıji nayaa dımidına! ¹⁹ Sare! dare'nesı. Yaasıwa'wawınya gazaizai tewaanya yaderına daange yaasıwa'na wıjavadaapi Gotiyarına sımunyai tewaanyai wıvadıhırakade'na sahwai murıvıkırıdaa Gotiyarı kuna mıdınajawwına Gotiyarı tewaanya wıvu'nadelyi. ²⁰ Sare! dare'nesı. Gımi kayaa'na yıja'na asılyı mala kagıramapi murıvıkırı yıja saburıdaa'nyı Gotiyai be yılaaya gımaryadelaka! Aawa. Gımi tewaanyabwi yıja' kırı' asılyı mala yaasıwa'na kagıramapi daanga maara'gızı murıvıkırı yıja dazahıburıdaa'nyı Gotiyarı tewaanya wıvu'nadelyi.

21 Sare' dare'nesi. Sasare sabwi m̄idinya'neiginyi Gotiyai jaka mena ḡizivwaramaarake'nanyi. Kiraazit̄yai ḡiminyina gaimwange'na daanga maaraka murivikirya!. "N̄im̄i sara yebaabil'i n̄im̄ire sivila yibwarimakupika!" daka givvaridaakwa! **22** Sahwai kayaa'nanyabwi yakai mi!. Gamire maangiki kwaasi yagaala w̄i'netai mi!. **23** Sahwari b̄raiyyagaalyaj iwidina kye! b̄raiyyagaala ayina mujakelyi. Sarı daanga w̄ivinaka kiri' maiyagaala mujakelyi. Aawa. Gotiyai yuyangine yidasava'na yawibwa'dei sahwaraavi wirivikirya'ne'na Gotiyare asir iwmwanginakelyi. **24** Gami sai gannya kilaakejiki nemire kayaa'nanya maaraka yisav i munadaavakelyi. Neminyina "Sahwara kayaa'nanyanna balapiji yida'maraangebwina gaala mwaabitka!" daka balakelyi. Gamire kilaakejiki galbwaralyaj kayaaka kigale' daanga maarakelyi. Sasara gaminyi yima'nake'na ayina tewaanya yavada'gala gyakelyi. **25** Sare' dare'nesi. Kigaal' sipizipiyara tusa' yagalya'mavesarabisagi tewaanya mamwaalyagi. Aawa. Kiraazit̄yai ayina mena kagimakaba' dahaa' ḡimire kuryari maremwaalyai sipizipiyaraav maremwaaideryaba tewaanya mwaalagi.

3

A'mweyuraavinesi.

1 Sasarebaabib' kwala maa'nike'gi ḡinnya a'mweri kwaakewi dula'naka! Sarevidaa'nyi kwalaangei Kiraazit̄yare yagaalya' galazekivaina yajai kwai ḡimire nawi'nyaburi gwanganoyi Naangerei yima'nannelyi. Yagaala duthathe'na mi!. **2** Gim̄i "Ninnya a'mwei naangelyi," da'gizi nayaa wi'mididinya'gireburi tinna gwanganade'nanyi. **3** "Ninnya a'mwei nawi'nyi nyawiranganana!" da'gi ḡimire kilaakejiki mwasiimaginna yiwaala miwanninera! Mijasangi yiwaala yiwannadinyaj n̄igwilalaaka paidapaide yiddej baazi'ma'nya dala nabinabinyaj miwanninera! **4** Aawa. Kusimiginna ginnya simunya lika yulyarikevi yiwaala yiwanninne'ginyi. Yiwaala daza kayaaka yinadenna mi!. Yiwaala sa darebuliyi. Kuryara kwaamu'nanyara kave mwaaidivisabulyi. Kwaamu'na yadivi' nayaa dadivisabulyi. Sasare sabwi Gotiyai tinna wangada "Wana nawi'nyaangebulyi," dadevulyi. **5** Sare' dare'nesi. Kigaakuna a'mwe Gotiyari yemwaaidivi' nawi'nya mwaaleva sabwi sara yaasangira. A'mwe daza yiwaala sasare sabwi kave mwaalya'nebwi maa'divi' kunnya a'mweraav kwaakewi nayaa wila'naryaasangira. **6** Seraa' sasare sabwi yaakesi. Eviraamimire yagaalya' midinna yaka sahwarina "A'mwe naangeigit," widakesi. Nabaai ḡimi nawi'nyabwina sara yija' aane piri' kirivina lika yarai mi jithevuridaa'nyi Seraa' nawi'nyabwi yaakebwi ya'gizi Seraavire kaimraaya'gi jima'nade'ginyi.

7 Sasarebaabib' kwala maakinyaagi simunya nawi'nya yawidi ḡinnya a'mwesi nayaa dimwaala! Dara yawi'na "A'mwevire kilaakej'i diraginyaj'i mi'ka! Sarevidaa'nyi nayaa yideinyi." Nabaai dare'na yawidi "Gaalyaburine Gotiyare yanga wigaimwangevi a'mwesi yuna maarakade'naalyi. Sarevidaa'nyi ninnya a'mwevire yaya' makilima!" Sara jawika! Sara mi yija'na Gotiyari kuda'gizi magulnyi nagyathika!

Kiraazit̄yarerera nayaa yipinesi.

8 Dahaa' yagaala da' dara jitmwanniide'nanyi "Sarim̄i yuyaihi avaaizimunya jila! Pwai pwarina pwai pwarina yawidi' di'mwaalyila! Kiraazit̄yare siyra'mweraavina yihivu'nana! Kale yihyana! Pwaraavire yaya mamakwalaawi yapiji sarinnya yaya mamakilaapina!" **9** Nabaai a'mwera kayaa'na kihyapiji kumire sabwina murivikipinera! Nabaai b̄raiyyagaala kihithapiji b̄raiyyagaala sanna murivikipinera! Aawa. Kumire yadivita sabwi darebwi dirivikiryidehili "Gotiyai

tewaanya nejaavade'na Gotiyari wi'daana! ‘Sahwaraavina tewaanya duzaama!’ ” Sasare sabwi kyapiji Gotiyai “Nimirera yima'napiji tewaanya naanga maapika!” daka jaka yihizivwaramaara!. ¹⁰ Sare' dare'nesi. Dara dinikesi.

A'mwei dara yawiraja'

“Mwaalyabwina tewaanya nyivu'nana!

Yiri'ka tewaanyangi wanganima!”

Yagaala kayaa'nanya bpalana!

Kwaasi yagaala madanna!

¹¹ Kayaa'nanya' ginyira'na yana!

Tewaanyavi nayaa yana!

Munya yiri'la diwannana!

Sasarebwi diraginna midinana!

¹² Naangei yida'maraangeraavi wangamanike'nanyi.

Tinna wanganaka maremwaaidelyi.

Naangei yidaanganya wi'ni'vanike'nanyi.

Kadi'ka wi'naka wigaimwadelyi.

Kiri'kayaa'na yadaapiyaraavi

Jikuritinnna diraginna yivanike'nanyi.

Sara dinike'nanyi.

¹³ Nabaai sarimi diraginna nayaa yipi'ja' tewaanya sabwi midinya'na kayaa'na yihya'nei bewalaka! ¹⁴ Aawa. Kiri' yida'maraangebwina yipi'ja' sahirivine'na Gotiyarina taangesi daangesi damaa'maniga! Sare'na yilaaya yadi'vi' tewaanaanga yihyinanneihili. Nabaai lika ya'ne pini kihiziwaalapiji sahininna sarimi lika mipinera! Yawita kwalaalya mipinera! ¹⁵ Sarinnya simunyangi Kiraazitiyarina jawiranganyila! “Nemire Naangelyi. Tewaanyalyi!” Nabaai gazagaasagaa' ayina wija'na diraginna dimwaalyila! Gazaizai kihithaanganoji “Sarimi yemwaaimanigata saburi aaya kaavilya' berivaka?” Sarevi ayina wija'na nayaa jemwaalyila! Kiri' nayaa ja'nawidadi'vi' kwaamu'nanyaihi yagaala kaveyaji jideihili. ¹⁶ Sarimire simunyai tewaanyai padaihirakya' nayaa yida'na warana! Sareviada'nyi biraifyagaala yihithipijahaa' kayaa'nanya daza' divanigasara dara wangabi'de! “O, Kiraazitiyari mididivisara tewaanyabwi jivanigava!” Nabaai “Sahwara kunnya yagaalya'na wagila maapika!” dapi kave duzideihili. ¹⁷ Sare' dare'nesi. Gotiyai simunya yawiraja’ “Tewaanna yadaapi nimireraavi taanga wiana!” sarimi tewaanyabwi yadivisa'na taanga wia sa' tewaanyasi. Kiri' sarimi taangebwina maapija' kayaa'na yipi'ja sabwina sa' wana kayaa'nanyasi. ¹⁸ Kiraazitiyai tewaanna yada taanga wina yesa'na sarimi avaaina yipineihili. Yi yune gave pigaa'na sarimire kayaa'nanyanna Kiraazitiyai balake'nanyi. Sahwai a'mwe yida'maraangei sarimi a'mwe kayaa'nanyaihirineba bala!. “Gotiyaryawinna sahwaraavi makuma!” daka balakelyi. Pir'i' daresi. Sahwai kilaakevi a'mwei mwaaidi'nyi tamarimwesalyi. Pir'i' daresi. Kuryari ayina yidi'kaavaka gaalyai mwaalikelyi. ¹⁹ Nabaai kuryari kuryara kalavuzangevi mwaaidapiyaraavi widaawakelyi. ²⁰ Kigaakuna Nowaaregaa' Gotiyare yagaalya' galazekivaina yaasaraavi widaawakerera. Sahirin'na nabaai Gotiyai yarai murivikiryaka sahwaraavi yemwaaina ya!. Sagaa' Nowaai sipi'ya' yavikarina kya' kwala maalikera nayaa wilamwaaaina yina ye!. Sipi'ya savi kusawi a'mwe ata puridaa'nyi daraai dalyara aalyavi yivainyaakere. ²¹ Daza' bavitaaziya'na ke'ba'nanya' yakesi. Sariminyi bavitaaziya' yihyada kayaa'nanyabwi marasi'nada yihivadaihasamaarakesi. Jizaazai Kiraazitiyai ayina mena dikaavakeviada'nyi yihivadaihasamaarakenanyi. Mudikeihi mwaaihasaihili. Bavitaadziya' kilaakejiki giri'ka marasita'ne' mi!. Aawa. Bavitaadziya' Gotiyai sarimire yidaanganya wi'naka sariminyine simunyara tewaanyara padaihirakya'neihiri tewaanyaihiri

yihimwaaihakesi. ²² Kiraazitiyai dikaavakei Sigunyavina mena yilaawaka diraginyaaba Gotiyare aangasiri yilamwalaawi'. Ejeliyaraj naanga nabinabinyaraj diraginnakeraj yuyara sahwari kwaakewi wila'narya'nelyi.

4

Kiraazitiyarereraavine taangebwinaji widaaya'nebwinajya'nesi.

¹ Kiraazitiyai gamire kilaakejiki daanga maarakelyi. Sarevidaa'nyi sahwai simunyabwi limwagakabaaib'i nabaai sarimi avaaizimunyabwi diraginna nayaa dilimwagyila! Yi dare'na "Tewaanyabwina pwara a'mwere kilaakejiki daanga wijaavadivisa'na sahwai kayaa'nanyabwi ayina yadei mi!". ² Sarevi dazagaa' sahwai kilaakejikina kuna mwaaidehaa' dika widade kayaa'nanya sangi ayina midinadei mi!. Aawa. Sai Gotiyare simunyaburi mwaaladelyi. ³ Sare' dare'nesi. A'mwe ajimya yuyangiyara Naangeri malimwagyadivita saraavire "Kuna yaana!" dadiv'i yadiv'i yadivita saburi kigaa' sarimi yaata sa menanyira. Daha'a' ayawti mipina! Sahwara da'dare sabwi darebwina mwaaidivisare. A'mweraavi a'mwengi ata limwadiv'i girkita'nanyabwi yadivisare. Dika widadere. Biyaaya nadiv'i yimakaanya yamarina yadivisare. Ti ka munne naangengi saamnyagaa' mwalibainyina yadiv'i biyaaya diraginya kwalaalya nadiv'i kayaa'nanyabwi yadivisare. Kwaasi gotiyaraavina yilaaya yadiv'i kayaa'nanyabwi yaasiwa'na yadivisare. ⁴ Daha'a' sarimi sasare kayaa'nanya sabulyi yaasiwakebuliyi sabwina sahwaraj meye'mwannayivaniga'. Sarevidaa'nyi "Be'neka!" dadiv'i lika yiwaanidiv'i biraifyagaala yihithivaniga'. ⁵ Sahwara kumire yadivita aaya kaavila sa'na yawibwarya'neri yagaala widiipi'delyi. Sai yawibwasa'na mena yemwaalikelyi. Sai a'mwe mwaaihata kwaraaviji barya kwaraaviji yawibwaradelyi. ⁶ Sare' dare'nesi. Sarevi sinnawi yagaala tewaanya' a'mwe mena bainika kwaraaviji mena wijiwaakesesi. Gotiyai maryawibwasa' mena dinikesi. Kilaakej'i baloij kwaakevnejiki. Piri' daresi. "Yagaala tewaanya' wi'neta sahvaraavire kilaakejikana maryawibwarima!" kada' wijiwaakina. Piri' daresi. "Gotiyainyi kuna mwaaihebaab'i kumire kuryarana gaalya'nera mwaaihiba!" kada' wijiwaakina ye!

⁷ Yuya yiwawodehaa' aya kigaa' menanyira. Sarevidaa'nyi simunya nayaa jawirila! Sarimi nayaa pada'galayawi'na yadivisa'na yuyagaa' Naangeri nayaa duzideihili. ⁸ Yuyangi sinnawi'ya' da'daresi. Sirya'mweraavina yihivu'nana! Sabwi diraginna dilimwagarila! Kihivu'noji pwaraavire kayaa'nanya kwalaalya sariminyine dimaras'i nyideihili. ⁹ Sarimiiji byemwannamwaabi'neraavi sirya'mweraavi sarinnya angengi nayaa dimaremwaalyila! Sara yapiji maajimunya myawiipi'na! ¹⁰ Sarimiiji gazaigizaigi Gotiyare yangebwi maaragineigi pwaina pwainanyari dhaimwana! Gaimwanga sasare wawinya yadiya nawi'nyaigiji Gotiyare yanga pininna pininnanya wijaapalya'na sara jinya! ¹¹ Gotiyai yangenna diraginyanna yihizaavake'na dara jila! Yi' sarimiiji pwai yagaalya' wijiwaakajai nabaai yange'na sai Gotiyare yagaalya wijiwaakana! Pwai a'mwe pware widaayajai yange'na Gotiyai wijaavade diraginya sasi sara yana! Sana sana jila! Sarevidaa'nyi a'mwera yuya wawinya sa tinna wanganapiji "Jizaazai Kiraazitiyarina a'mwera 'Gotiyai byaannakelyi,' dipika!" dapiji sana sana jila! Sahwai byaannyasi yilaaya naangesi kininnakei yaka diraginaangei yuyagaa'nelyi. Nebulyasi.

¹² Nyivu'nadeihi, sarimiire limwangebwi yaamiji ya'ne'na dike' a'mweraavi nadevaab'i taanga kihyoji lika nyiwaanipika! Sanna dara nyawiipi'di! "Dala nabinya neyima'nivanika!" ¹³ Aawa. Daanga dazavina "Kiraazitiyar naanga wivinakabaaib'i nevimanike'nanyi," dapiji yilaaya jila! "Divi gaminne byaanna diraginya ku'maayaba yima'naabathev yi'ylaaya naanga kuna yadaa munyi' nayaa gaimakunna yaana!" dapi daangenna yilaaya jila! ¹⁴ Kiraazitiyarina biraifyagaala

yipija'na yilaaya yadi'i! tewaanaanga yihyinanneihilyi. Gotiyare Kuryai byaanna ddraginya' kininnakei yihimwaalike'na yilaaya jila! ¹⁵ Sare' dare'nesi. Sarimijiyari daanga wivinajai a'mweri tamakya'nei namwaaladika! Yt kuka maarya'nei, yt kayaa'nanya ya'nei, yt pwaraavire yaasiwa'na miremwaalya'nei, yt dazareri daanga wijsavipiddevaaibit' tivikisa'na sarimijiyari daanga nujaavipika! ¹⁶ Pwai tewaanyabwi yadei Kiraazitiyarei mwaalike'na taanga wijsavipija' wagila mamaaranner! Yaya nawi'nya sa' Kiraazitiyarerine'na Gotiyarin "Byaannakelyi," dana! ¹⁷ Gotiyai yawibwarya'nega' yarai yima'nadehaaki. Gotiyai gannya angeviyainaavidaa'nyi neyawibwaradelyi. Sinnawi ddraginna sara kaneyojoj Gotiyare yagaala tewaanya' galazekivaidivsaraav gatha'dara yannevaka! Maalike' mi! ¹⁸ Dara dinike'nanyi

"A'mwe yida'maraangeri taanga naanga kujaavapiji
Kiri' Gotiyai gamire kayaa'nanyabwi padaihasamaaraja!
Gotiyari ginyira'derina gatha'darevaka!
Kayaa'nanyari gatha'dara ya'nelaka!"

Kayaa'nanyaraavi yiniga wi'na mavadaihasamaari yaderera."

¹⁹ Sarevidaa'nyi Gotiyai simunya yawiranne daange maa'manigatabaaibi' Kiraazitiyareraya nayaa yida'na yadi'i kunnya kuryaraavi Gotiyarin wijsavinipika! Sahwai newakyaakelyi. Yuyagaa' gannya yagaala widadengina sara yadelyi.

5

Gotiyare kusilaanyabwinesi.

¹ Yuya sarengidaa'nyi sarimijiya a'mwe naangeraavi widihaabwarima! Nimi kwainiyiji Naangereraavire naangeinyi mwaaiheinyi. Nabaai Kiraazitiyai daange kamaara' nimi sainyit' tnnnyaraalyi wanganerina jalikurakadinyainyi. Naangere byaanna ddraginya daza' ku'maayaba yima'naabathe' nimi kwainiyiji kwaihilyi maraadeine. Sareinyi naangeihiri ddraginna yihithima! ² Sipizipiyyaraavi miremwaaidivtabaaibi' Gotiyare a'mweraavi sariminyabannerava nayaa dimaremwaalyila! Wawinya yivanigasangina a'mwera ddraginna yihyadivi' sahi yaasiwa'na nyipidika! Aawa. Gotiyai simunyavi "Sahwara nimireraavi miremwaabika!" yawiddevaaibi' nayaa jila! Yune nigwianna maarya'nenna wawinya sa' mipinera! Aawa. Sarimire simunyangi "Nayaa wigaimwagima!" dadivit' ddraginna nebwina jila! ³ Gotiyai a'mweraavineihiri yihithahilakaka saraav datiwanga mipinera! Aawa. Gotiyareraya sarimire mwaalyaburiji ya'neburiji tinnayihwanganapiji tewaanyabwina yibwaridaakwia'na sara midibide'na tewaanyaihi dimwaalyila! Sareihi dimaremwaalyila! ⁴ Sare' sipizipiyyaraavina Maremwaala Aaya Naangei ku'maayaba yima'naabathea' yihirivikirya'ne' byaanna ddraginya miwiyi yade' dimaaryideihilyi.

⁵ Sabaabi' a'mwe miginya kwaihi a'mwe naangeraavi nayaa dimidinyila! Sara yadi'i' sarimi yuyaihi nayaa kwaamu' mwaalyabwi maa'div' sirya'mweraavi nayaa duthaayila! Dara dinike'nanyi

"Gotiyai pihadika yipijaraavi tihiradelyi.

Kiri' kwaamusaraavina yangebwi wijsavadelyi."

Sara dinike'nanyi. ⁶ Sarevidaa'nyi yune gannyagaa' Gotiyai "Kumire yaya' munyaba makilima!" kadozi gamire ata ddraginaangiri kwaamu' dimwaalyila! ⁷ Sahwai sariminyina yawi'da nayaa yihimaremwaide'na yuya yawita kwalaalya gamire asiri dakyila!

⁸ Nayaa divada'galayawirila! Tinna nayaa jemwaalyila! Sarimire yikamaangei Kotiya Maryadei, kavijili ka pwai laayoniyai pwaka ddraginna dadevaabisalyi. Sai kaanya yamaryada a'mwe pwaraavi tika nya'neraavina biragaaziwadelyi. ⁹ Naangeri

dıragınna lımwangevi dıragınna mwaalapıji sahwari dırıvıktırası'nyidelyi. Sarımi yawi'manıga! "Nemi daanga ma'daanyabaaibi' neya'mwe yuyara Kıraazıtıyarera Kwaaka yuyavakı mwaaihasara daanga maa'dıvisare." Sare'na dıragınna dıthaayıla! ¹⁰ Gotıyai yuya yanga gaimwangeburi aaya kaavılyalyi. Kıraazıtıyarına jako yıhızıvwaramaaraka sahware byaanna dıragınya' yuyagaa! Kıraazıtıyarı warıbainade' yıhızzaavakelyi. Daange' maalıkegaa'nı dımaaryide', dıvi gamı sai yavada'galayıhımwaaikhadelyi. Yıhımarıdaakwadelyi. Sarımire sımunyangı dıragınya yıhivaimwagathelyi. Dıragınyaihıri yıhımwaaikhadelyi. ¹¹ Sahwai dıragınya' kınınnakei yuyagaa'ne yuyagaa' nemaremwaalana! Nebulyası.

Yagaala pıinınesi.

¹² Saailaazare asırı yagaala tuta damılılı yıhidawasıwaabe. Nımi sarına yawi'na "Neya'mwei nawı'nyalyi." Pıkarya dazavı "Sarımını dıhaa'bwarıma!" dena mena yawırangadı yıhızalıkurakıvanıge. Daza! Gotıyare yanga gaimwanga naanga nebulyasıra. Dazavı nayaa dıragınna dıthaayıla!

¹³ Naangerera Bavloni mwaaihasaraavıji mena yıhıthahıläkakera "Neya'mweihi!" yıhıthıwaa!. Nabaai nımirei Maakiyai sai kwalyı "Nya'mweihi!" yıhıthıwa!. ¹⁴ Sarımi yuyaihi sırya'mweraavına kale ya saburıne maangwıdaayılaaya dımarinyıla!

Kıraazıtıyarı wılamwaaihasaihi tewaanyaihi dımwaaalyıla! Gotıyare naryavı dımwaaalyıla! Sare' nyıvu'nıvanıkesi.

Pitai

2 Pitai Pitai Pikkarya Ayawidaasi Yidavakesira.

¹ Nya'mweihi,

Saaimoni Pitainy Jizaazai Kiraazitiyare yaasiwa'wawinyainyi. Sahwai gannya yagaalya! Nyidasaabadeinyi Apozeliyainyi. Sareinyi pikkarya daza' yihithawasiwaabe. Yt a'mweihirina, Kiraazitiyari diraginna limwanga nawi'nyabwi mena maaresalihirina yihithawasiwaabe. Sarinnya nawi'nya dazabwi nemi maaro diraginna limwanga avaala dazabulyi. Limwanga dazabwi nemire Gotiyai nevadaihasamaarakei Jizaazai Kiraazitiyare tewaanya yida'maraangevi mena yihizaavakebuliyi. ² Gotiyalyi Jizaazai nemire Naangelyi saraari nebulya'na yawiramaa'divisavi sariminyi yanga gaimwange'na tewaanna wia'nesi kwaamu'nanyabur tewaanya mwaalya'nesi naanna yihwarana!

Gotiyai jika nejivwaramaa sabulyi yune gaminneinaavi nedahilakyabulyi sawaarinesi.

³ Gannya diraginya Gotiyaridaa'nyavi Kiraazitiyai nemi gaala yiniga wi'na mwaalya'neji Gotiyareburineji sa yuya yanga nejaavakelyi. Nem Kiraazitiyai gami sari nebulya'na yawirangadaanya'ne'na yuya daza nemirengira. Yt gannya byaanna diraginyasi gannya tewaanaangesi nejaaya'neinaavi jika nejivwaramaaarak'e'nanyi.

⁴ Sawaaridaa'nyi neminyine yune naanga nebulya'na daka nawi'nyaangeji yune naangeji mena nejaavakengi. Sare' dara ya'na. "Yune naanga nebulya'na dena sangi yi munyi' dikaata sabwi a'mwe Kwaaka davakiyaraavi wiwa'deraavi wana kayaaka wigalakaddevuri gimi likaanya yenadaava'gizi kayaaka yima'nade sabwi davilaka!" daka naanga gizaavakengi. Nabaai sara ya'gizi gaalyasi yune Gotiyare yawisabulyi je'mwannamaa'de'nanyi. Yt Gotiyaibisaigji ma'nade'nanyi. Sare'na mena nejaavakengi. ⁵ Sabaabi nabaai gimi dakintike dazahirivinajit nayaa yawi'di diraginna yadi gimirre diraginna limwangeburiji tewaanyabwi je'mwagakya! Nabaai tewaanyaburiji Gotiyare sidu'nakebwi je'mwagakya! ⁶ Nabaai sidu'nakeburiji gimirre kilaakejikine saburi nayaa maremwaalyabwi je'mwagakya! Nabaai maremwaainyaburiji taanga gwa'di'nyi diraginna daayabwi je'mwagakya! Nabaai diraginna daayaburiji Gotiyainebwi je'mwagakya! ⁷ Nabaai Gotiyaineburiji neya'mweraji nya'mwana mwaalya sabwi je'mwagakya! Nabaai neya'mweraavi ye'mwannemwaala saburiji pwaraavinna tewaanya givu'nada tewaanna wiabwi je'mwagakya! ⁸ Sare' dare'nanyi. Giminyi yuya sa kuna gwa'di'nyi sasare sabwi kuna naanga yima'nadefulyi. Nabaai yawita sa' yaasiwa'na warade! mi!. Savitika munne kwalaalya yima'nadengi. Sarevidaan'nyi nemi Jizaazai Kiraazitiyai nemire Naangeri nebulya'na yawiranganaade'nanyi. ⁹ Nabaai sare' dare'nanyi. A'mwe sasare sabura maayai yuya Sigunyaba warike tinna wangadei mi!. Sai tinna tibinyalyi. Gotiyai gamire yuya kayaa'nanya sinnawi yake sa duimwagas'i'nakel navika mena yadelyi. ¹⁰ Nya'mweigi, sarevidaan'nyi sabwi minna! Aawa. Diraginaanga yadi dara jawiramaaka! "Gotiyai jika nejivwaramaaarak sabulyi gami sahwarineinaavi nedahilakaka sabulyi kuna diraginna yawiraana! Sareina dazaburaavi nayaa yamaryaan!" Sare' dare'nanyi. Gim sara yija' mwalaraawi jitheiginyi. Arikewi. ¹¹ Nabaai sare' dare'nanyi. Gim sasare sabwi mididiza' nemire Naangei nevadaihasamaa'dei Jizaazai Kiraazitiyai maremwaaidevi tikurya' yunebanna baasada nawi'nya sahirivti yanga naange'na gwmwaihozi gimi yuyagaa' yuyagaa'nev dimwaaide'nanyi.

Kiraazitiyarine Widaasadera tinna wanganesa'nesi.

¹² Sasareviðaa'nyi sarimi yuya dazangi mena yawirangadiv'i mena maa'div'i yagaala nebula dazavi díraginna daaveta kiri' sariminyi ayina yidikavimwaaihya' yuya sagaa' sa'na jawiryide'na "Sariminyi ayina yihithima!" dadí yihithawasivanaabhe.

¹³⁻¹⁴ Nemire Naangei Jizaazai Kiraazitayi nyibwaridaakwake' nimire kilaakeji' siminya'bisaj'i yagalya'mavidehaa' maalikegaa' wa'dozí yune maalikegaa'na balideinyi. Sara yawi'manige'naji nabaai nimi "Darebwi nawi'nyabulyi. 'Yuyagaa' kilaaka sajikina nimi kuna mwaaidi sarimire simunyangi yidikavimwaaihya'na ayina sara yihithideinyi," yawi'manige'naji kuna sara yihithideinyi. Sare' nawi'nyasi. ¹⁵ Sare'na sariminyi wijiwaakyi díraginna yide'nanyi. Nabaai divi nimi mena kabala'muri yuyagaa' sarimi yagaala daza' ayina jawiryide'nanyi. Yi sarimi tinna wanganapiji "O, Pitai sara nedakesi," jawiryide'na yihithawasivanaabhe.

¹⁶ Sare' dare'nesi. Nemî mena yîhîthîvanîgo nemîre Naangei Jizaazai Kîraazitîyare dîraginya'na, nabaai sahwai ayîna bathevwinesi sarîmi mena yawî'dîvisaihîlyî. Kîri' nemî yaasîwa' wajîngyagaala sîdu'nakebi' dînika mami'dînyadaa gamîre yagaala daza' mihi'zo. Aawaawa. Nemîre tînnyari Gotîyare dîraginya' maarakeri nemî tînna wanganorîna. Sarevidaa'nyî nemî jalîkurakîvanîgo. ¹⁷ Sare' dare'nanyî. Ganîmaangei Gotîyai sahwarîne yaya' munyaba makida byaanna nawî'nya' wîjaavaka gamîre Sîgunyavîya byaanna naange' gamîre maremwaalyaburîne' savî mwaalakebadaa'nyî Gotîyai dake yagaala datha' Jizaazarîna yasaaba "Dazai nîmîre Nyîbwaalîvaangelyî. Sahwarîna tewaanya nyîvu'nîvanî!. Sahwai yîlaaya nyigaidelyî." ¹⁸ Nemî gamijî mugunya nawî'nya' gîrika maaya' savî ye'mwannemwaalona yagaaimaangwîraaya daza' Sîgunyavîdaa'nyî kinnîgava' nemî kadîka mena wî'nagovînera.

¹⁹ Sareviðaa'nyi nemi Gotiyari wi'nawijiwakyaasaraavire yagaalya díraginna naanna yawirama'daanyaine "Yo. Sa' naanga nebulyasi." Nabaai sarimi kwhaihilyi kumire yagaalya díraginna lìmwabiza', sa' naangesi. Mugunyavi tìnna wangano sa' maalikesi. Gotiyari wi'nawijiwakyaasaraavire yagaalya wavila'nike' díbaakei jihinyawi baaka wìlaliwarikeibisasi. Yi sa' kuna liwa'da yune Kiraazitìyarine yirikegaa'na. Sara yada yirikevaki bilyiri'de kaabwe wannadevaabi' Kiraazitìyai walaabathehaa gamire byaanna sarimi sìmunyangi yuna wìlayihihikaavadelyi.

²⁰ Yagaala dazavine yawita sìnnawinya' daresi. Nayaa yawiranganna ja! "Gotiyare Bukuyavi Gotiyari wi'nawijiwakyaasaraavire yagaala gazasavi aaya kaavilyavina nennyia yune sìmunya gavengina mamidi naanna!" ²¹ Sare' dare'nanyi. Kigaakuna a'mwe pwai gamire sìmunyavidaa'nyi Gotiyari wi'nawijawaakiyagaalya dakai mi'. Aawa. Kurya Tewaanyai a'mweraav kadihaa'bwhara' yagaala Gotiyai wijaavaka sa a'mwe tewaanyara pwaraav wi'jwaakina yina yesangi. Sare'na Gotiyare Kuryai negaimwadaawoju aaya kaavila sa' yawiramaraade'nanyi.

2

Wij̄iwaakya kwaasiyaraavina mala nayaajiwannyide'nesi.

(Juthiyai 4-13)

¹ Nabaai kigaakuna sagaa' Yizi'reliyara Gotiyareraayaba Gotiyari wi' nawijwaakya kwaasiyara mwaalina. Sasare sabaaib' kwaasi yagaala ja'ne wijiwaakadivita pwara sarimi kwaihir' mwaalina yihip'dera. Sahwara kumirebwina lika yulya'div' "Nawi'nyainera. Kiraazitiyareina," dadiv' kwaasi yagaala pininna pininnanya a'mweraav'i kayaaka yigalakya'ne yawisa dip'derera. Naangei kumire maremwaaidei kumi nyi mubaka kwara kir'i sahwarina bule'na wijaavina yipi'derera. Nabaai sara yadiv'i kumi sara kayaaka yime'nya'b'i yima'nipi'derera.
² Sahwara kwaasiya' dadiv'i girkita'nanya yaasiwa' avaanna wilamaryadaapij'

² Sahwara kwaasiya' dadiv'i giriikita'nanya yaasiwa' avaanna wilamaryadaapiji

Kiraazitiyare pwara a'mwe kwalaalyara kumire kayaa'nanya sabura midibit'derera. Sara yipideraavina a'mwe Kiraazitiyar malimwagyara Naangere nebula nawi'nya sabwine tusavina braiyyagaala dipidere. ³ Kwaasi wijiwaakya dazara gilyivita pwaraavirengi wabarinnaya yadivita sarevi sarimire nigwianna "Mwagi'naana!" dadivit kwaasi yagaala kwalaalya yihithipi'dere. Kiri' nabaai kigaakuna saseraavina yawibwata ja'ne Gotiyai mena yovrawakyaakelyi. Sahwaraav kayaaka yigalakya'ne' se mwarika. Aawa. Sahwaraavina yemwaalika.

⁴ Sare' dare'nanyi. Mamaaya pwara kigaa' kayaa'na yaasaraavi, kirii Gotiyai mwanganakyaakere. Aawa. Yirorilyav kalavuza marapweyrakakera mwalyaasara yiroriла wana jihinyavi kuna mwaaiha!. Dahaal kalavuzavi kuna mwaaleva yawibwasa'na yemwaaiha!. Sabaaibi' Gotiyai kwaasiyaraavi sara yadei midaaka! ⁵ Nabaai a'mwe sinnawinyaara Gotiyari bule'na wijayaasaraavi sai mwanganakyaakere. Aawa. Aalyaka naange' yima'naka kamaramilyaa' sarera aalya naangevi yiwina yaa!. Kiri' Nowaai tewaanya yida'maraangebwina wijiwakyaakeri Gotiyai nayaa maremwaaaina wiaakelyi. A'mwe ata puridaan'yit pwaraalyara Nowaarenidakaaaviya sarerajt tewaanna mwaalina yaa!. Yi nabaai Gotiyai sara yadei midaaka! ⁶ Sai Anga Sothomiji Anga Gomoraji sabanyaalyaraavire kayaa'na yadivisabwina simunya jidayaakelyi. Anga naanga sabanyaai Gotiyai diket yira'na kyaa' yune kwaagisa'na warina. Sai sabanyaari kayaa'nanya' sara karivikiryaal anga naanga sabanyaai yuna kayaaka yima'nyina yaa!. Sarevi nabaai divi Gotiyarin a'mwe bule'na wijaavipjara pwiya sinnawinya daza'na yawarya'nesi. Sa' yawita dividaan'yit kumiyyi yima'nade'na tinna wanganya'ne yaamijit sa' yaakesi. Yi nabaai Gotiyai sara yadei midaaka! ⁷ Nabaai Gotiyai a'mwe yida'maraanga Lotim padaihasamaa'na kyaa' sai kayaaka minyaa!. Lotim a'mwe kayaa'nanyaraavire girikitita'nanya sabwina simunya' taanginya winaryaakelyi. ⁸ Sare' dare'nesi. A'mwe yida'maraanga dazai sahwaraav tinnyyaba wilawimwalyaakei, kumire kayaa'nanya yadaapiya tinna wanganna yada yuya yirikerikaavi kumire kayaakyagaala dadaapiya kadika wi'nyina. Gamire simunya' yida'maraangebwina yadei, sai lika yiwainada gamire simunyavi daanga wividelyi kiwinya dinikengi galazekivala sabwi yadaapi. Kiri' nabaai Gotiyai sara padaihasamaa'na yadei midaaka! ⁹ Yo, sara yada yaakevi a'mwe Gotiyari mididivisaraavi yijiwaala pin kwima'noji yijiwaala sabwi marasi'nya'na Naangei mena yawi'dei sara yannelyi. Padaihasamaarannelyi. Nabaai dhaakigaasi yirika yawibwarya'ne kigaasi a'mwe kayaa'nanyaraavire sabwina kayaa'nanya' tivikisa'naji mena yawi'delyi. Yi kayaa'nanya' tivikisa'na sahwaraav kuna diraginna marirakadelyi. ¹⁰ Tivikita naange' dareraavinesi. A'mwera munyi' dika yidade sabwi mididivit' kayaa'na girikitita'nanya sabwi yadivisare. Sara yadiyi "Gotiyare yagaalya'naji a'mwe naangeraavire yagaalya'naji yaasiwa'nanyasira," yawi'divisare.

A'mwe kwaasi dadivita sahwara yi navika yibwaakadivit' yune kunnyabwina mididivisare. Nabaai byaannaka kayaa'nanyaraavi braiyyagaala danganya'na lika maalika kirii myadivisare. ¹¹ Mamaayara diraginya naangejiyara a'mwe dazaraav wavyila'divisare. Kiri' sahwara Naangeryaba byaannakeraavi kotiya wimaryadivit' braiyyagaala widadivitara mi!. ¹² A'mwe dazara yikuriyaawiara yune kilaakejikina mididivita saraavire simumaaya kune sabisasiyare. A'mwera yikuriyaawiaraavi maa'divit' tamakya'nera ganaange' maarakerabisare. Yi sahwara myawiranganyadivisanna, sahininna braiyyagaala dadivisare. Yikuriyaawia bwia buradevaabi' a'mwe dazahwara kayaaka yima'nipi'dere. ¹³ Sahwara kayaa'nanya dala pininna pininnanya yadivisaraav kumire kayaa'nanyabwina kayaa'nanya daza wirivikiradere. Sahwara yawi'na "Tika munne nyabulyi biyaaya kwalaalya nibainyabulyi sawita gavegaa' aala! Nem nyiliyagaa' sara

yaana!" Sara yawi'na yadiv'i sabwina yilaaya'na yadiv'isare. Sarimire tika munne sarimijji yihye'mwannanadiv'i sariminyawti kwaasiya sahwara girikita'nanyara wiliyihimwaaidiv'isare. Sariminyi yiwihwaaryabisare. Sariminyawti sara yadiv'i' sariminyi kumire kwaasiya yadivita sabwina yilaaya yadiv'isare. ¹⁴ Kumire tinnyai yuyagaa' a'mwengi wangadiv'i ata limwangebwina ya'nera yawi'div'i sarevi kayaa'na yabwina mwakwasakipi'dera mit'. Aawa nebulyasi. A'mwera kumire simunyu' diraginya mwaryaderaavti wabwiwayagaala widadiv'iki. Sara yadiv'i' kayaa'na ya'neraavti makwodiv'iki. Pwaraavire gilyivisangti wabarinna yabwina simunyu mena maa'div'isara. Sare'na Gotiyai yuna Dikev'i marasit'nadera mwaaihasara! ¹⁵ Tuta tewaanya yida'nanya sarikina bule'na wijaavadiv'i' yaasiwa' yiraataatakaanya yamarivanigasa'na. Sahwara Beyomire kaimiraayai Belaamimire tusari' midimanigasare. Sai kayaa'nanyabwi yade niggwiti'vikita savina yima'nya'na nawi'nyina wivu'nakelyi. ¹⁶ Kir'i gamire kayaa'nanya' pari'mata yade sabwina maiyagaalya' yima'nyina. Jilikyaawarya dogiyara yagaala majadiv'isare. Kir'i Belaamimire dogiyai a'mweib'i yagaala dina yaka sahwar maiyagaala widina. Sasare sabwi, wi'nowijwaakya dazai gamire yiraataate yade dazabwi ayina ya'na dogiya dazai tusari' kaanya tihi'na yaakelyi.

¹⁷ Kwaasi wijiwaakadivita dazara aaliyimnya pin aalya mwalyuya saa'nya daa'devaabisare. Nabaai kwaakewinne yiraaya yihu'maanarya' tivipaiddaa'nyi yiwinama'na yadevaabisare. Yi waryaanyara. Yaasiwa'nanya widadiv'isare. Sare'na Gotiyai anga jihinyaanga naangeba mena yovirawaka!. Sahwara kayaa'nanya sahibbanna wipi'dere. ¹⁸ Sare' dare'nanyi. A'mwe dazahwara kuminne yaya' jaka naanga dadivita sa' yaasiwakebulyi. Yaasiwa'na yadiv'i' kumire yagaala waryaanyabulyi. Sahwara a'mwe pwaraavti wabwiwayagaala widadiv'i' kumire munyi' dika yidada kayaa'na girikita'nanya yiya sabwinajti dala pininnanya kilaakejiktya kayaa'nanya sabwinajti sasare saburi a'mwe dazaraavti mwagil'namaata yivaniga'. Wana dhaasagaa' diraginna malimwagyadiv'saraavire kwaasiya kayaa'nanyabwi mena yagalya'maveva Naangere tewaanyabwi gaai midinna yivanigasaraavi. ¹⁹ A'mwe kwaasiya wijiwaakadivita dazara yune naanga nebulya'na wija'na kwaasi dina "Sarimire yawita sabwi kayaa'nanya pin yihithathivalade mit'. Kayaa'nanya sa yapijji kayaaka myima'nyi tewaanya kuna dimwaalyideihilyi." Kir'i kumi sara kayaaka yinya'ne saburi yaasiwa'wawinyara mwaaidiv'iki. Yi dare'nanyi. Diraginya pin a'mweri mena wavilavojiyangi, a'mwe dazai diraginya gaminyi wavilavaja sangina yaasiwa'wawinyai mwaalina. ²⁰ Sare' dare'nanyi. Sahwara Jizaazai Kiraazitiyai nemire Naangei nevdaihasamaarya'neri mena yawiramaa'div'i' siduta yawita savina Kwaakevakti yuya girikita'nanya warika sangti yagalya'ma'na. Nabaai aya saburi ayina limwagapijji sa' wila yiralimwaga'dori dara mwaabi'dere. Aaya mudikegaa' Kiraazitiyar malimwagyahaa' kayaa'na mwaalina. Kir'i divi nabaai Naangeri yagalya'ma'na yipija' kayaa'nanya sabwi ayina maarapijji sagaa' wana kayaa'na mwaabi'dere. ²¹ Sare' dare'nanyi. Sahwara yida'maraanga saburine tusa' simunyu myawiramaaryi yipiji kwajti tewaanya' dingaka! Daha'a' tuta sariki mena yawirangadivita sara kiwinya nawi'nyaanga dinika daza' maareva kir'i bule ginyira'divisa' yi sa' kayaa'nanaangesi. Tivikita naangaange' maapi'dere. ²² Sahwaraavti yima'nivani'ka dazabwi, yagaaikeiwinya nebulya'na dinika pibwi dara din'i "Jilikei gannya kwadaake' ayina yiri'mwannanyina. Nabaai yaawaryai aalya mena yinakei kwaaka ara'bunyabanya taaka yemannamarina."

3

Naanga nebulya' "Naangei walaabatherinesi."

¹ N̄im̄ire nya'mweih̄ir̄ina tewaanya nȳvu'nadeihi, p̄ikarya datha' ayaw̄idaasi sar̄im̄inȳna ȳda'mwesi. P̄ikariȳikwia p̄iriwaala dazawaari sar̄im̄ire s̄imunya ȳda'maraange' ȳdīkav̄imwaaaihyā'ne' ȳh̄izaawesi. Yagaala da'na aȳna jaw̄iryide'nanȳ. ² K̄igaakuna Gotiȳari w̄i'navīj̄iwakyaata nawīnyara d̄in̄kenna d̄ividaa'nȳ K̄iraazit̄yar̄ina ȳma'nya'nenḡina aȳna jaw̄irila! Nabaai Naangei nevadaihasamaaraker̄ine k̄iw̄inya d̄in̄ke' sar̄im̄ire Nedasaabadeinaav̄re maangi' kad̄ika w̄i'nesa' aȳna jaw̄irila!

³ Yagaala dazav̄ine yaw̄ita s̄innaw̄inya' daresi. Ȳrika aayar̄ikaavi a'mwe puri'nyarabi' b̄iraiyagaala dadiv̄isara ȳma'nȳna yapij̄i kunnya s̄imunyav̄i d̄ika widade kayaalnanya sabwi m̄id̄id̄iv̄i ⁴ b̄iraiyagaala dara d̄ip̄i'dere "Sai yune naanga nebulya'na dake' aȳna bathei dingaka! Sarei gawī mwaalika! Sai mabivan̄ke!. Sare' dare'nanȳ. Ne s̄innaw̄inya se balevegaa'daasi dahaak̄igaasi yuya sa s̄innaw̄i waryaakabaaib̄i' kuna war̄ika Gotiyai wakyaakegaa'daasi." ⁵ "S̄innaw̄i waryaakabaaib̄i' kuna war̄ikeva," ja kwaas̄ya' dare'nanȳ. Sahwara s̄imunya daza d̄raginna yawīd̄iv̄i darev̄i kum̄ire s̄imunyav̄idaa'nȳ yaw̄irangad̄iv̄itara mī!. Sare' kum̄inȳna līka yulya'd̄i'nȳ myaw̄iri. S̄innaw̄i k̄igaakuna Gotiyai yagaalya' kajaa' s̄igunya' war̄ina yaakesi. Nabaai Gotiyare yagaala sav̄i aalya' sara kyaal Kwaakevak̄i aalyavi w̄ilaȳima'nȳna yaka aalyavi t̄innyaba war̄ina. Wakyaakegaa'. ⁶ K̄iri' nabaai d̄ividaa'nȳ Gotiyai yagaalya' kajaa' Kwaakevak̄i aalyaaka naange' ȳma'nȳna kyaal Kwaakeva' aalya sav̄i kayaaka ȳma'nȳna yaakevak̄i. Sare' myaw̄iri ȳvan̄ga!. ⁷ Yune yagaala dazah̄iri' s̄igunyası Kwaakevası dhaaa' war̄ikewaar̄i ȳtavalimwagar̄i!. Sara yaka d̄ike' ȳma'naabathehaa'na yemwaali!. Yī Ȳrika Aayagaa' Gotiyar̄ina bule'na w̄ijaavad̄iv̄isaraavi kotiya' yaw̄ibwary'a'na ȳtavalimwagar̄ikesi. Sagaa' sahwara kayaaka ȳma'n̄ipi'dehaa'nanȳ.

⁸ N̄im̄ire nya'mweih̄ir̄ina tewaanya nȳvu'nadeihi, yaw̄ita p̄iri'na s̄imunya nav̄ika nȳpīdīka! Naangere s̄imunyav̄idaa'nȳ yaw̄i'man̄i "Ȳrika gave pīgaa'na kwarame waani taawizan̄iyabisasi (1,000). Kwarame waani taawizan̄iya daza ȳrika gave pīgaa'b̄isanḡi." Nem̄ire yaw̄i'na "Ȳriker̄i' maal̄ikegaaki. Kwarame waani taawizan̄iya saam̄inyagaak̄ira." K̄iri' gam̄inȳi aawa. Avaalyagaak̄ira. Sare'na gam̄iregaa' walaabathelȳ. ⁹ S̄innaw̄i Naangei yune naanga nebulya'na daka sa'na sai ȳma'nya'nei kave kave mivan̄i!. Sarev̄ina a'mwe pwara yawīd̄iv̄tabaaib̄i' kave kave sabwina mivan̄i!. Aawa. Sai yaw̄i'na "A'mwe kwaala pwai nȳiwawod̄ika!" Aawa. Sai d̄ina "A'mwe yuyara s̄imunya mud̄ikebw̄i yaw̄ramaap̄ika! Nȳilimwab̄ika!" Sarev̄idaa'nȳi sahwai sar̄im̄inȳna yaw̄i'da sai kuna yemwaali!. ¹⁰ Sai yaw̄ibwary'a'nei walaaboz̄i k̄iri' Naangerine Ȳrikegaa' a'mwe kuka ya'nei badevaabib̄i ȳma'nadehaaki. Ȳrika sar̄iki sagaa' s̄igunya' ȳi'munya naanga piloji ȳw̄inama'na yadesi. Sahiba nȳilyalȳi lawelȳi s̄ilingaam̄inyaji sa d̄ike' nası̄'na kyoji aalya'b̄i ȳma'nȳna, ȳw̄ina yadenḡi. Yuya kwaaka k̄ivak̄i war̄ika saji sahivak̄i yad̄iv̄ita saji yuya sa Gotiyai ku'maayaba marima'naabathenḡi.

¹¹ Yuya sasare sa aalya'b̄ita mena sara ȳma'nadenna gatha'dareihi mwaabib̄neih̄laka! Sar̄im̄i tewaanyabur̄ina yamaryad̄iv̄i Gotiyare yuya sabwi nayaad̄im̄id̄inȳla! ¹² Sasare saburi Gotiyare Ȳrika sagaa'na nayaad̄iv̄i ȳi Ȳrika Naanga sagaa' yaraina ȳma'nade'na sar̄im̄i Naangere waw̄inya d̄raginna nayaaj̄ila! Naanga Ȳrika dazagaa' s̄igunya' d̄ika nası̄'na yadesi. D̄ikwara'munanga naange' gam̄ire yuya war̄ika saba sa d̄ika nası̄'noji aalya'b̄i ȳma'nadenḡi. ¹³ K̄iri' Gotiyai yune naanga nebulya'na mena jaakevī s̄igunya mud̄ikevası̄ kwaaka mud̄ikevası̄ sawaar̄ina yemwaaiho. Sahiba yune ȳda'maraangebwina waradevera.

¹⁴ N̄im̄ire nya'mweih̄ir̄ina tewaanya nȳvu'nadeihi, sarev̄idaa'nȳi dazanna yemwaaid̄iv̄i Naangerine nayaad̄iv̄na d̄raginna yadīv̄i nawī'nya ȳda'na mwaaid̄iv̄i Naangegaa' Gotiyare t̄innyar̄i ȳwetawakya p̄in̄ij̄yaihi namwaabib̄th̄ka! Sip̄zip̄i

ȳwihwaarya maayara ḡrikita'nanya maayarabisaihi d̄imwaalȳla! Nabaai sar̄im̄ Got̄iyalȳ avaaz̄i munya'na d̄imwaalȳla! Got̄iyare kwaamusabur̄ d̄imwaalȳla! Sar̄im̄ nawi'nya kuna sara mwaaidapi d̄ivi Got̄iyai ȳhwanganadelȳra. ¹⁵ Naangei nem̄inȳ kave neyada kuna yemwaali!. Sare'na nayaan dara jaw̄irila! "Sasare sabwi a'mwe kwainaav̄i kuna nevadaihasamaaradevwina." Got̄iyai s̄imunya tewaanya' kujaava' nem̄ire neya'mwer̄na tewaanya nevu'nadei Pol̄i sai kwalȳi sar̄im̄inȳna p̄ikarya avaala sah̄ibaaibi'na ȳdavakelȳ. ¹⁶ Yo, gam̄ire p̄ikariȳkwia yuyanḡi, dazah̄inna dadelȳ. Nabaai yagaala p̄in̄i p̄ikariȳkwia dazangi war̄ke nayaan yaw̄ramaarya'na yaḡiyagi waw̄nyasi. A'mwera s̄iduta maayara kum̄re s̄imunya d̄raginna mwaryades̄yara Pol̄im̄ire yagaala daza mariw̄nakadiv̄ Got̄iyare Bukuyav̄ya yagaala yuya p̄in̄ingiji mariw̄nakadiv̄tabaaib̄sasi. Nabaai sasare sara yadi' kum̄i dazahwara kayaaka ȳgainya'nerera.

¹⁷ Ni'mire nya'mweihi'na tewaanya nȳvu'nadeihi, s̄innawi mi'na ȳh̄ithiwe'na yuya dazanna mena yaw̄i'div̄saih̄ilȳ. Mi'na ȳh̄ithiwe yuya sasarev̄daa'nȳi sar̄im̄i saihi mala nayaan j̄wannȳla! A'mwe k̄iw̄nya galazek̄iavid̄visaraav̄re kwaasi yagaalya sar̄im̄inȳ ȳh̄imwagi'nadaawori sar̄im̄i nebulyav̄i d̄raginna madaayi nȳp̄ika! Nalaraawi'p̄ika! ¹⁸ Aawa. Sar̄im̄ Naangere yanga gaimwanga naangevi d̄imwaalȳla! Sahwai nem̄ire Naangei, nevadaihasamaa'dei, Jizaazai K̄iraazit̄yalȳ. Sarer̄i yanga gaimwanga dazav̄iji sahwari s̄imunya yaw̄ramaarya'nev̄iji d̄raginna d̄vada'galedaaȳla! Sarevi sar̄im̄i yanga naanga daza! aȳna p̄in̄iji kuna naanna d̄maarȳla! Sara yadi' sar̄im̄i K̄iraazit̄yar̄i yaw̄ita s̄imunyabwi kwalaalya kuna d̄maarȳla! Dahaasi yuyagaa'yuyagaa'ne ȳrikes̄ gam̄ire yaya' munyaba mak̄ilaana! Sai byaannakelȳ. Sarei yuyagaa'yuyagaa' kuna naanga mwaalana!

Pitai

1 Joni

Joni Pīkariȳikwia Mud̄'nanya' Ȳidavakes̄.

Gaalyaburi Aaya Kaavilyai, Gotiyare Yagaalyarinesi.

¹ Darei s̄innaw̄i k̄igaakuna Kwaaka dava' mima'nyawi aayawidaa'nyi mwalyaakerinesi. Sarer̄ Nedasaabadeina w̄im̄id̄inoi kadika wi'norina. Sarer̄ nem̄re t̄inna wanganorina. Sarer̄ yawiranganorina. Sarer̄ nem̄re asa mwanganorina. Sahwai Gotiyare Yagaalyai yuyagaa' yuyagaa'ne gaalyaburi aaya kaavilyarinesi. ² Gaalyaburi aaya kaavila dazahwai ku'maayabanna ȳima'naabina kya' nem̄ t̄inna wanganorina. T̄inna wanganon'a nayaa jalikurakadaa ȳih̄ithadaanyi. Yuyagaa' yuyagaa'ne gaalyaburi aaya kaavilyai k̄igaakuna Nimwalyi ye'mwannamwalyaakelyi. Sare sai ku'maayaba neyijiwainnadaa'nyi sar̄ t̄inna wanganorina. ³ Sahwari t̄inna wanganona kadika wi'no sar̄na sar̄m̄inyij̄i ȳih̄ithivanigo. "Nem̄ij̄i avaaizimunya ye'mwannamwalaana!" dona ȳih̄ithivanigo. Nabaai nem̄re ye'mwannamwaalya' daresi. Niwmalyi gam̄re Gawaali' Jizaazai Kiraazit̄iyalyi nem̄i avaaizimunya ye'mwannamwaaihoinera. ⁴ "Aavaizimunya ye'mwannamwaalya'nevina ȳilaaya naanga yunebanna newarana!" dona yagaala daza' ȳida'manigo.

Gotiyai Baakerinesi.

⁵ Yagaala da' Kiraazit̄iyai kaneda' kadika wi'nona ȳih̄ithivanigo. Sa' daresi. Gotiyai baakevi aaya kaavilyalyi. Sahwari jihinya maalika aane p̄im̄il'i k̄im̄il'i muwarikelyi. ⁶ Sare'na jihinya kayaa'na mwaidaa kwaasi daaza' "Sahwalyi avaaizimunya ye'mwannamwaaiheinyi," kwaasi yagaala dadaa yagaala nebwina ja'nebur̄i mivanigo. ⁷ Aawa. Baakevi tewaanna mwaaidervaabi' baakevi tewaanna mwalaaja'na Kiraazit̄iyare pwaraji avaaizimunya je'mwannamwaaiho. Nabaai tewaanna mwalaaja'na Gotiyare Gawaali'vaangei Jizaazare tawevi nem̄re kayaa'nanya yuyabwi nemaras'i'nada tawe sahiri' ḡirika nedimwagasi'nade'nanyi.

⁸ Nem̄i d̄inyina "Ni'mi kayaa'nanyabwi maayainyira," d̄inaaja' simunyangi kwaasi yawi'daanyainera. Sarevi nebulya' nem̄re simunyangi wi'lanewa'de' mi'. ⁹ Nem̄re kayaa'nanyanna jalikurakinaaja' Gotiyai "Kumire kayaa'nanya marasi'nima! Kumire ḡirikita'nanya yuya, yi ȳida'maraangebwi maaya yuyabwi duimwagasi'nima!" dozi "Kayaa'nanya marasi'nideinyi," dinike'na nayaa l̄imwanni'kei, ȳida'maraangei mwaalikei sara yadelyi. ¹⁰ Nabaai Gotiyai nedini' "Yuyaihi kayaa'nanya ȳigasaihiliy." Sarevi'daa'nyi nem̄i "Kayaa'nanya migeinyi," d̄inaaja' Gotiyarina d̄ina "Sahwai kwaasi yagaala dadelyi." Nem̄i kwaasi sara daaza' gam̄re yagaalya' nem̄re simunyavi wi'lanewa'de' mi'.

2

¹ Ni'mire kaimiraaya maalikeihi, yagaala daza' pīkarya ȳihithawasivanaabih. Sar̄mi kayaa'nanya mipine'na "Wijwaakima!" dena ȳihithawasivanaabih. Sare' kiri' a'mwe pwai kwai kayaa'nanya' yaja' nem̄inyine kayaa'nanyanna Ni'mwari marewidaadei mwaalit. Sahwai Jizaazai Kiraazit̄iyai ȳida'maraangelyi. ² Sarei nem̄re kayaa'nanyanna Gotiyari s̄inna tīka wi'da'devwi mubamarasi'nya'nei balakelyi. Nem̄renna gavenna mi'. Aawa. Kwaaka yuya davakiyaraavine kayaa'nanyannanyira.

Gotiyai nem̄inyina dinikej'i kale wia'nebuliyi midinya'nesi.

³ Naangere kīwīnyanna mīdīnaaja da'na nebulya'na nayaa dara yawī'daanyī "Kīraazītiyari nayaa yawī'manīgo. Sahwareinera." ⁴ Nabaai pwai dīna "Nīmī Kīraazītiyari nayaa yawī'dīnyainyī." Dīna yaja' kīrī' Kīraazītiyare kīwīnyanna māmīdīnya dazai Kīraazītiyari'na kwaasi yagaala dadelyī. Gotīyare nebulya' gamīre sīmunyavī wīlawa'de' mī!. ⁵⁻⁶ Aawa. A'mwe gazaizai gamīre yagaalya' mīdīdere sīmunyavī yunebanna Gotīyare yīlaaya wia'nebwi wīlawa'devulyī. A'mwe pwai dīna "Nīmī Kīraazītiyari wīlamwaa'ihe." Dīna yadei nabaai sahwai mwaalakabaabī! sara mwaalana! Sara yade darevī nebulya'na nayaa dara yawī'daanyī "Kīraazītiyari wīlamwaa'i!".

⁷ Nyīvu'nadeihi, kīwīnya mudīke' pīkarya yīhithawasīvanaabīhe' mī!. Aawa. Kīwīnya aya' sīnnawī sagaa' dīnīke' sarīmī maaresasi. Naangerī līmwagesagaa' yagaala daza' mena kadīka wī'nesasi. ⁸ Kīrī' kīwīnya sa' mudīke' pīkarya yīhithawasīvanaabīhesi. Sabwina Kīraazītiyai mwaalya tewaanyabulyī sarīmī mwaalya tewaanyabulyī yawīrangadaa dara dadaanyī "Kīwīnya sa' nebulyasi." Nabaai dara dadaanyī "Yīthaanyi, Kīraazītiyare baaka nebulya' mena wannadaa'nyī jīhīnya' yīmaanīvanī!"

⁹ Pwai "Nīmī baakevī mwaaiheiinyī," dīna yada kīrī' gannya gyā'mwerīna sīnna tīka wīda'daa'nyī yī a'mwe dazai jīhīnyavī kuna mwaalīkegaa'nanyī. ¹⁰ Pwai gannya gyā'mwerīna kale wiadei dazai baakevī mwaaidelyī. Sahwai tewaanna yada baakevī pwai midīhwakī'nariwakabaaibī! kayaa'nanya myada kayaaka migalyadelyī. ¹¹ Aawa. Gannya gyā'mwerīna sīnna tīka wīda'dei jīhīnyavī mwaaida jīhīnyavī yamaryadelyī. Jīhīnya' gamīre tīnnyaraarī mena wījīnnamaaraja'na tusavīna yīraataatakaanya wodelyī.

¹² Nīmīre kaimīraaya maalīkeihi, Kīraazītiyari'na (gamīre yayavīna) Gotīyai sarīmīre kayaa'nanya mena marasī'nake'na yagaala da' pīkarya yīhithawasīvanaabīhe'nanyī. ¹³ Nīmwaravaavihi, sīnnawī kīgaakuna aayawīdaa'nyī Naangei mwaaida kuna mwaalīkerī nayaa yawīrangamwaasa'na yagaala da' yīhithawasīvanaabīhe. Migīnyaihi, Kayaa'nanaangei Saataanīmī mena dathīwamwaasa'na yagaala da' yīhithawasīvanaabīhe.

¹⁴ Kaimīraayamīlīki, Nīmwarī nayaa yawīrangamwaasa'na yagaala da' yīhithawasīwaabe. Nīmwaravaavihi, sīnnawī kīgaakuna aayawīdaa'nyī mwaaida kuna mwaalīkerī nayaa yawīrangamwaasa'na yagaala da' yīhithawasīwaabe. Migīnyaihi, dīragīnyaihi mwaaidīvī! Gotīyare yagaalya' sarīmīre sīmunyavī yuna wīlayīhīmwaaidī'nyī Kayaa'nanaangerī mena dathīwamwaasanna yagaala da' yīhithawasīwaabe.

¹⁵ Kwaakevakīya sabwina mihiyu'nannerā! Nabaai Kwaakevakīya sanna mihiyu'nannerā! A'mwe pwai kwai Kwaakevakīya sabwina wīvu'najai gannya sīmunyavī Nīmwarīna nayaa wīvu'nya'ne' mularikelyī. ¹⁶ Kwaakevakīya yuyanna, kīlaakevīne dīka widadevulyī a'mwera tīnna wangadīvīsanna "Maa'mujainyī," yawī'dīvīsasī kunnya yaya munyaba makinadīvītara "Gīlyīvīsanna nīmeinyīra," yawī'dīvīsasī yuya sazanna Gotīyaryabadaa'nya mī!. Aawa. Kwaakevakīya saburīdaa'nyangīra. ¹⁷ Kwaakevakīya sabwi mena yīmaanyīna yīvanīkebulyī. Dīka widade sabulyī mena yīmaanyīna yīvanīkebulyī. Kīrī' Gotīyare sīmunyabwi mīdīnajai yuyagaa' yuyagaa' mwaalagothelyī.

Kīraazītiyari Yīkamaangerīnesi.

¹⁸ Kaimīraayaihi aayagaa'ne' aya kība warīkegaaki. Kīgaal' dara wī'nesaihīlyī "Kīraazītiyari'ne Yīkamaangei yīma'naabathelyī." Sara wī'netabaaibī! dahaa' Kīraazītiyari'ne yīkamaanga kwallaalyara mena yīma'nīwaa!. Sarevīdaa'nyī yawī'mwo "Aayagaa' aya kība yīma'nīwakegaaki." ¹⁹ Yīkamaanga sahwara mena neyagalya'ma'mwaa!. Sarera nemīrera mīka! Sare' dare'nesi. Nemīrera

nebwina mwaabizi kwajit nemijit kuna ye'mwannemwaaina kipidika! Kiri' Gotiyai neminyina "A'mwe yuya dazara nemirera mi!", yawipi'ka!" kada' mena neyagalya'ma'mwaa!. ²⁰ Sarimi' yikamaangerabisaihi mi!. Saihire simunyangi Gotiyare Kuryai wiliayihimwaalike'na yuyaihi nebulya' simunnakeihilyi. ²¹ Sare' sarimi' nebulya' myawirivanigasa'na pikarya da' midayiwa. Aawa. Saihi nebulya' yawi'divisa'na yida'mwa. Nabaai "Kwaasi yagaalya' nebulyavidaa'nya' mi'ka!" yawi'divisa'na yida'mwa.

²² A'mwe kwaasi yagaala dadei aaihwalaka? A'mwe dazai yi, dara dadelyi "Jizaazar Gotiyai dahilakaka maryasaabakei mi'ka! Kiraazitiyai mi'ka!" Yi dazai kwaasi yagaala dadelyi. Sara dade'na Kiraazitiyarine yikamaangelyi. Sara dadei Ni'mwarinaji Gawaalikinaj "Aala!" yawi'delyi. ²³ Gazaizai Gawaalikina "Aala!" yawirajai Ni'mwai kwarinaji "Aala!" yawi'delyi. Ni'mwalyiyai mi'ka! Pwai a'mweraayaba Gawaalikina "Gotiyai dahilakaka maryasaabakelyi. Kiraazitiyalyira," dazai Ni'mwalyi Gawaalitsi saraalyiyalyira.

²⁴ Saihi yagaala sinnawi sagaa' kadika wi'neve daza sarimire simunyangi kuna wilayihwarana! Sinnawi kadika wi'neve daza sarimire simunyangi kuna wilayihwaraja sarevidaan'nyi Gawaalikiji Ni'mwariji kuna dulawi'mwaalyideihilyira. ²⁵ Nabaai dare' Kiraazitiyai yagaala yune naanga nebulya'na dara neda' "Yuyagaa' yuyagaa'ne gaalyabwi yihizaavideihilyi." ²⁶ Kwaasi yihithipijaraavina pikarya daza yida'mwengi. ²⁷ Sarimire simunyangi Kiraazitiyai gannya Kurya Twanyaari kulayihimwaaiha' kuna wilayihimwaalit!. A'mwe pwara mihiwirivaniga!. Myihigainyadeihilyi. Aawa. Sarimire simunyangi Kurya Twanyaai wilayihimwaalikei yuyanna yihiwirivanit!. Kurya dazahwai yihiwirivanike' nebulyasi. Kwaasi yagaalya' mi'. Kuryai wilayihimwaalikei yihiwiryakabaaibi' Kiraazitiyar kuna dulamwaalyila! Sarevidaan'nyi sara jila!

²⁸ Sarevi kaimiraaya maalikeihi kuna dulamwaalyila! Sahwai Sigunyavidaa'nyi ku'maayabanna yima'naabathehaa! "Gamiyaba diraginna davaana!" dapi Kiraazitiyar kuna dulamwaalyila! Yimavaabathev gaminyina lika myadaa wagila mamaryadaa magwamwannaanne'na sahwar kuna dulamwaalyila! ²⁹ "Sahwai yida'maraangelyi," yawi'divisavidaan'nyi "Gazaizai yida'maraangebwina yajai Gotiyare kaimiraayai mwaalikelyi," yawirangabineihilyira.

3

Gotiyare kaimiraayainaavinesi.

¹ Yithaanyi! Ni'mwai neminyine kale naanga wiwakelyi. "Ni'mire kaimiraayara, dima!" daka Kiraazitiyar limwadaanyainaavina kale naanga wideine. "Gotiyainyire kaimiraayarera," dake' nebulyasi. Gamire kaimiraayainera. A'mwe Kwaakevakiyabwinera Kiraazitiyarina myawiryesavina "Gamire kaimiraayarera," maneyawirivaniga!. ² Nyivu'nadeihi, dahaa' nemi Gotiyare kaimiraayaine. Divi nemi bewarabisaina yima'naabatheinaavaka? Sa' myawiranganyaine. Kiri' nemi dara yawi'manigo. Divi sagaa' Kiraazitiyai ku'maayabanna yima'naabathehaa' gami sahwaibti yima'naadeine. Sagaa' dara wanganaadesi. Ai, Kiraazitiyai sasarei daaka! Sara Kiraazitiyar nayaa yawiranganawaajya'na sahwaibti yima'naadeine. ³ Nabaai sai tewaanyai girikita'nanya maayai mwaalikabaaibi' a'mwe gazaizai sahwarina sara yemwaalikei Kiraazitiyarina tewaanyai yima'nivanikelyi.

⁴ Gazaizai kayaa'nanyabwi yadei, Gotiyare kiwinya dinike' galazekivaidelyi. Kayaa'nanya sabwi kiwinya dinike' galazekivalyabulyi. ⁵ Nem i yawi'manigo. "Sai kayaa'nanyabwi makwawana!" kada' sahwar wijiwaainakelyi. Sahwar kayaa'nanyabwi yuna muwarikelyi. ⁶ Sarevidaan'nyi sahwar gazaizai wilamwaaidei kayaa'nanya sabwi yadei mi'. Gazaizai kayaa'nanyabwi yadei sahwar yawiranganna

ȳkei mi!. Sarina s̄imunnakei mi!. ⁷ N̄im̄re kaim̄raaya maal̄keihi, aane pwai kwai sar̄im̄re s̄imunyanḡ kwaasi nabaȳih̄thath̄ka! Mala nayaa j̄iwannȳila! Ȳda'maraangebwina yadei sai ȳda'maraangelȳ. Sahwai ȳda'maraangei mwaal̄kabaaib̄ sai ȳda'maraangelȳ. ⁸ Kayaa'nanyabwina yadei Kot̄ya Maryaderelȳ. S̄innaw̄i k̄igaakuna Kot̄ya Maryadei kayaa'nanyabwi ȳke'na Saataan̄im̄rebwina kayaa'nanyabwi avaaina yadei Saataan̄im̄relȳ. "Kot̄ya Maryadei Saataani kayaa'nanya yadenḡ kayaaka ȳgalasi'n̄ma!" daka Got̄yare Gawaalīvaangei ku'maayabanna walaabakelȳ. ⁹ Gazaizai Got̄yarei ȳma'najai kayaa'nanyabwina yadei mi!. Gam̄re s̄imunyav̄ Got̄yare mwaalyabwi w̄lamwaal̄ke'na sahwai kayaa'nanyabwina yadei mi!. Got̄yarei mwaal̄ke'na sahwai kayaa'nanyabwina kuna yannei mi!. ¹⁰ Nabaai yaw̄iranganaaja! "Got̄yarei aaihwai d̄ngaka? Kot̄ya Maryaderei aaihwai d̄ngaka?" nem̄i dara yaw̄iraade'nanȳ "Gazaizai ȳda'maraangebwvi mi yajai sai Got̄yarei mi!. Nabaai gya'mwer̄na tewaanya kale mwiadei sai kwai Got̄yarei mi!"

Neya'mweraav̄ina kale yabwinesi.

¹¹ S̄innaw̄i aayaw̄idaa'nȳi sar̄imi yagaalya' kad̄ka dara w̄i'nesa'nanȳ "Neya'mweraav̄ina tewaanya kale neyadeine. ¹² Ken̄ib̄i mamwalaannera!" Sai Kayaa'nanyarei mwaalaka gannya gahwaalaanger̄ tamakyaakelȳ. Be'na tamakyaakalaka? Sarei kayaa'nanya' yadaa'nȳi gahwaalaangei ȳda'maraange' yaake'na s̄im̄lik̄a wimwaaina kyaal tamakyaake'nanȳ. ¹³ Nya'mweihi, sarev̄idaa'nȳi sar̄imi ȳda'maraangebwvi ȳvan̄igasa'na Ken̄ibitara a'mwe Kwaakevak̄iyabwinera sar̄im̄nȳina s̄im̄lik̄a wimwaal̄ke'na at̄ka mamaru'napiṇa!

¹⁴ Nem̄i yaw̄i'man̄go. Neya'mweraav̄ina kale neȳvan̄ike'na dara yaw̄i'man̄go. D̄kev̄i maras̄i'nya'ne sabwi mena baryabwi yagalya'ma'mwona. Sara yona gaala sabur̄i mena w̄lamwaaiho. Kale mwivan̄ike D̄kev̄i maras̄i'nya'nebur̄i barya sabur̄i kuna w̄lamwaal̄i!. ¹⁵ Gazaizai gya'mwer̄na s̄im̄lik̄a widei sahwai a'mweraav̄ tamakadelȳ. Nabaai sar̄imi yaw̄i'man̄ga! "A'mwei pwaraav̄ tamakadei gam̄re s̄imunyav̄ yuyagaa' yuyagaa'ne gaalyabwi w̄iwa'dei mi!". ¹⁶ Kale wia'nev̄ne kaav̄ilya' yaw̄i'mwo dares̄. Sai gannya mwaalyabwi yagalya'mavakelȳ nem̄inȳneba. Sarev̄i nem̄inȳna kale wia'nebwina yaw̄i'man̄go. Nabaai sarev̄i nem̄i kwainaj̄i neya'mweraav̄neba nennȳ mwaalyabwi yagalya'mavaanneinera. ¹⁷ Sare' k̄ir̄i pwai Kwaaka davak̄iya mwaalya'ne k̄in̄nnakei mwaalajai nabaai gya'mwer̄ w̄mudasadaawori t̄inna wanganna yoj̄ k̄ir̄i gya'mwer̄na s̄imunya' tihi'na yoj̄ sahware s̄imunyav̄ Got̄yarine kale wia'ne' gara w̄war̄ka! ¹⁸ N̄im̄re kaim̄raaya maal̄keihi, kale wia'ne'na neya'mweraav̄ yune yagaalyanna nudaath̄ka! Yune maangi'na nudaath̄ka! Aawa. Nem̄inȳi kale neyadaawori sahwaraav̄ tewaanna yadaa w̄gaimwagaana! Nebwina w̄gaimwagaana! W̄mudaas̄van̄ke duzaaȳila!

Kiraazītar̄i limwadīvisara Got̄yarina lika myad̄iv̄isaraav̄inesi.

¹⁹ Sareina kale wia'neina sasare sabur̄i yaw̄iraade "Nebulyav̄idaa'nyainȳ. Got̄yaryaba n̄im̄re s̄imunya' kavena waradeinȳ. N̄im̄re kayaa'nanyanna myaw̄irvan̄geinȳ." ²⁰ Sa' dare'nanȳi. Nem̄re kayaa'nanya mena maras̄i'nyagaa' nem̄re s̄imunyanḡ "N̄imi kuna kayaa'nanyainȳ," yarai kwaasi yaw̄iraajahaa' Got̄yai yuyanḡna yaw̄irangadei nem̄re s̄imunya wav̄lawakadei yaw̄i'na "Ḡim̄re kayaa'nanya sa' mi'na maras̄i'neneinȳ." "Maras̄i'neneinȳ," sara yaw̄i'na yade'na nem̄re kayaa'nanyanna myaw̄iraanneine. Nem̄re s̄imunya kavena warades̄. Nabaai sara yaw̄i'de'na "Nebulyav̄idaa'nyaine," yaw̄iraadeine. ²¹ Nȳvu'nadeihi, sarev̄idaa'nȳi nem̄re s̄imunya kayaa'nanya sanna myaw̄iri yaaja' Got̄yarina d̄raginna da'daanȳ. ²² Nabaai gam̄re k̄iw̄nya d̄nīke kuna m̄did̄aa ȳlaaya w̄vu'nadenna yadaanya'na yuya p̄in̄nna ȳdanganaaja' sahwai w̄jaav̄na neyadelȳ.

23 Gamire kiwinya dñike' daresi. Nyibwaalivaangei Jizaazai Kiraazitiyari l̄mwabizaihilyi. Kiraazitiyai sara yihithakabaaib' "Sarimnyi pwara pwaraavina kale yihyana!" sara jila! ²⁴ Nabaai gamire kiwinya dñike midimanikei Gotiyari kuna w̄lawimwaaidelyi. Nabaai Gotiyai a'mwe sahwari kuna w̄lawimwaaidelyi. Gotiyai gannya Kuryai nejaavake'na Kuryai neybwaridaakwada da'na yawi'daanyi "Gotiyai w̄lanemwaalikelyi."

4

Gotiyare Kuryarinaji yimakei kwaasi widaderinajiya'nesi.

¹ Nyivu'nadeihi, a'mwe kwalaalyara kwaasi dadiv' "Gotiyare Kuryai simunyavi nyidada yihizwaakivanigeinyi." Sara dadiv' Kwaakevak i walyuna yadiv' yaasawa'na kwaasi wijiwakamarivanegasavidaa'nyi yuyara "Kuryai kininnakeinyi," yihithadiv'saraavi yaasawa'na malimwabin! Aawa. "Gotiyai gannya Kuryari wijaavakei dingaka? Kuryari mujaayakei dingaka?" dapij kumire kurya sahwaraavi yaamiji jawibwarila! ² Yawibwata sare' daresi. "Gotiyare Kuryai kininnakei daaka?" dapij dara jawiranganyide. "Jizaazai Kiraazitiyai kilaa'nakei yima'naabakelyi," jalikurakadei yi sahwai Gotiyare Kuryai kininnakelyi. ³ Gazaizai Jizaazai kilaa'nakerina sara majalikurakivanikei Gotiyare Kuryai kininnakei mi'. Sahwai yimakei kininnakelyi. Kiraazitiyarine Yikamaangerelyi. Mi'na dara w'inadiv' "Kiraazitiyarine Yikamaangei yima'naabathelyi." Daha'a' yimakei kininnakera kwaasi wijiwaakadivitara mena mwaaleva Kiraazitiyari Yikamaangere simunya yawi'divisare.

⁴ Ni'mire kaimiraaya maalikeihi, sarimi Gotiyareihilyi. Kwaasi wijiwaakadivita sahwaraavi sarimi mena dathiwamwaava. Kuryai wiliyihimwaalika dazai a'mwe Kwaakevakiyabwineraavi Kayaa'nanyai wlamwaalikeri wavilavikelyi. Sare'na wavilavikere diraginya' maareva mena dathiwamwaava. ⁵ Kwaasi wijiwaakadivita sahwara Kwaaka dazavakiyabwineraavrera. Sarevi kumire yagaalya' yune Kwaaka savakiyabwinesi. A'mwe Kwaaka savakiyabwinera yagaala sa' kadika wi'nadiv'sare. ⁶ Nem Gotiyareinera. Gotiyari yawirangadei dazai kadika newi'nadelyi. Gotiyarei mamwaalyikei kadika newi'nadei mi'. Sarevi'daa'nyi dare' yawi'daanyi "Newi'nadei sahwai Nebulya'ne Kuryai kininnakelyi. Manewi'nyadei sahwai Kwaasi Dadei Kayaa'nanyai kininnakelyi."

Gotiyai neminyina kale naanga wiadewwinesi.

⁷ Nyivu'nadeihi, kale wia'nebwi Gotiyaridaa'nya'na neminyi pwaraavina kale neyana! Gazaizai gya'mweraavina kale wiadei sai Gotiyarei mwaalikelyi. Gotiyari nebulyava'na yawirangadelyi. ⁸ Kale mwia'nei Gotiyari myawiranganyikelyi. Gotiyai, kale wia'nebur aaya kaavilyalyi. Sare'na sai Gotiyari myawiranganyikelyi. ⁹ Gotiyai yawi'na "Nyibwaalikina a'mwera gaalyabwina mwaabika!" daka gannya Gawaalivaangei gave pwainanyari Kwaakevakina maryasaabina yakelyi. Sarevi dare' yawi'daanyi "Ai, Gotiyai neminyina kale naanga wike' ku'maayabanna yima'naabakesi." ¹⁰ Kale naanga wia'nebwi da'darebwinanyi. Neminyi Gotiyarina tewaanya nevu'nadevwi mi'. Aawa. Sahwai neminyina kale naanga kwia' nemire kayaa'nanyanna Gawaali! Gotiyari sinna ti'ka wida'devwi mubamarasi'nya'nei balya'neri maryasaabakebulyi. ¹¹ Nyivu'nadeihi, Gotiyai neminyina kale naanga sara wiakevidaan'y i nabaai saina neya'mweraavina pwai pwarina kale neyanneine. ¹² Gotiyari tinna wangadei a'mwei aane pwai kwai mi'. Sare' kiri' saina neya'mweraavina pwai pwarina kale neyajainaavi Gotiyai kuna w̄lanemwaalikelyi. Nemire simunyavi yunebanna gamire kale naanga wia'nebwi naanga yune nebulya'nanyabwi w̄lanewa'devulyi.

¹³ Gannya Kuryari nejaavike'na dare' yawi'daanyi "Sahwari kuna w̄lamwaaiho. Neminyi kuna w̄lanemwaalit!." Ȳi sasarevinyi. ¹⁴ Nem̄i sahwaina t̄inna wanganibainona jalikurakivangi. N̄mwai Gawaalivaangeri maryasaabakelyi Kwaakevakiyaraavine padaihasamaa'deri. ¹⁵ Gazaizai jalikurakina "Jizaazai Gotiyare Gawaalivaangelyi," yi sara jalikurakina yajar Gotiyai kuna w̄lamwaalit!. Nabaai Gotiyar sahwai kuna w̄lamwaalit!. ¹⁶ Sare'na yawiralinmwadaanyi "Gotiyai kale naanga neminyina d̄raginna wiadelyi."

Gotiyai kale wia'nebur aaya kaavilyalyi. Kale wia'nebur w̄lamwaalikei Gotiyar w̄lamwaalikelyi. Nabaai sahwari Gotiyai w̄lamwaalikelyi. ¹⁷ Neminyina "W̄irivikirya'ne naangegaa' yiri'ka sariki kumi lika myadiv'i d̄raginna daapika!" daka nemire simunyavi yunebanna Gotiyare kale naanga wia'nebwi naanga yune nebulya'na w̄lanewa'de'nanyi. Kiraazitiyai Gotiyari w̄lamwaalikabaaibi' Kwaaka davaki Gotiyari w̄lamwaaiho'na lika myadaa d̄raginna davaadeinera. ¹⁸ Gotiyari kale wia'nebur lika myadaanyi. Aawa. Kale mena wia'nebwi nemire simunyav naanga yune nebulya'na w̄lanewa'de' lika ya sabur marasi'desi. Lika ya'ne kaavilya' daresi. N̄mire kayaa'nanyanna nyirivikirade'na lika yiwana! Sarei lika yadere simunyavi yunebanna Gotiyare kale naanga wia'nebwi naanga yune nebulya'na mularyade'nanyi.

¹⁹ Sinnawi Gotiyai neminyina kale naanga wike'na nem̄i tewaanya nevu'nadeine. ²⁰ A'mwe pwai kwai w̄idina "Gotiyarina tewaanya nyivu'nadeinyi," dazai nabaai gya'mwerina simili'ka wimwaalikei kwaasi yagaala dadelyi. Sare' dare'nesi. Sahwai gya'mweri t̄inna wangaderina kale mwivanikei Gotiyari t̄inna mwanganyaderina tewaanya gara w̄ivu'nannelaka! ²¹ Kiwinya dinika da' Kiraazitiyai dare' neda! "Gotiyarina tewaanya w̄ivu'nadei gya'mwe kwarinaji kale wiana!"

5

¹ Gazaizai "Jizaazai sahwai Gotiyai dahilakaka maryasaabakei Kiraazitiyalyi," limwadei dazai Gotiyaridaa'nyalyi. Nabaai gazaizai ganimaangerina w̄ivu'nadei gamire kaimiraayarinna w̄ivu'nadelyi. ² Nem̄i Gotiyarina tewaanya nevu'najaina gamire kiwinya dinike mididaanya'na dare' yawi'daanyi "Sareina Gotiyare kaimiraayaraavina tewaanya nevu'nivanikeine." ³ Sare' dare'nesi. Gotiyarina tewaanya w̄ivu'nya'nebwi da'darebwinesi. Gamire kiwinya dinike mididaanya'nanyi. Nabaai gamire kiwinya dinike taanginya maayangira. ⁴ Sarevidaa'nyi gazamili'samili' Gotiyare kaimiraayamili' yima'najamili' Kwaakevakiya sabwi dathiwamanikemilikira. Kwaakevakiya sabwi dathiwangebwi da'darebwina. Gawaalivaangeri limwadaanya'nanyi. ⁵ Kwaakevakiya sabwi dathiwamanikei aaihwalaka? Dazai dare' limwadelyi "Jizaazai Gotiyare Gawaalivaangelyi." Sarei gavelyi.

Jizaazai Kiraazitiyarina jalikurakya'nebwinesi.

⁶ Dazahwai Jizaazai Kiraazitiyai aalyavi bavitaaziya yavinesi gamire tawel walaabaka balakevinesi Sigunyavidaa'nyai walaabake'nanyi. Yune aalya w̄ivaihya sabwinevina walaabake mi'. Aawa. Aalyavinebwinaji tawevinebwinaji walaabakelyi. Kuryai nebulyavi aaya kaavilyariene'na Kuryai sahwai yagaala sa'na jalikurakadesi. ⁷ Jalikurakya dawaai data warikennanyi. ⁸ Ȳi pwai Kuryai, yi piri' aalya!, yi piri' tawel!. Dawaai data sa yagaala gave piri'nanya' jalikurakadesi. Jalikurakya sa' daresi. Jizaazai Gotiyare Gawaalivaangelyi. ⁹ A'mwera jalikurakipi'ja! "Nebulyasti," dadaanyi. Yithaanyi! Gotiyai jalikurakya' a'mweraavirevi wavilavikesi. Sarevidaa'nyi Gawaalivaangerina Gotiyai nejalikurakade' nebulyasti. Gotiyare jalikurakya dare'nanyi. Jizaazai Nyibwaalivaangelyira. ¹⁰ Gotiyare Gawaalivaangeri limwadei gamire simunyavi jalikurakya sa' w̄iwarikelyi.

Gotiyarine' malimwagyadei dadelyi "Gotiyai kwaasi yagaala dadelyi." Gotiyai Gawaalivaangeri'na "Niminyidaa'nyalyi," jalikurakya' malimwagyade'na dadelyi "Kwaasi yagaala dadelyi." ¹¹ Jalikurakya daresi. Gotiyai yuyagaa' yuyagaa'ne gaalya'nebwi nejaavakesi. Gaalya'ne saburi kaavilya' Gawaalivaangeri' wiliawiwari'ka. ¹² Sarevidaa'nyi Gawaalivaangei kininnakei gaalya'ne sabwi kininnakelyi. Gotiyare Gawaalivaangei maayai gaalya'ne sabwi maayalyi.

¹³ Yagaala daza yihihawasiwaabe. Gotiyare Gawaalivaangeri limwadivisaili "Yuyagaa' yuyagaa'ne gaalya'ne sabwi kininnakeine," dipika!" dena yihihawasiwaabe.

Yagaala aayannesi.

¹⁴ Gotiyaryaba diraginna da'daa widdadaanya da'daresi. Gotiyai simunya yawi'devina yidanganawaajiya piri' kiri' kadika newi'nada sara yaderinera. ¹⁵ "Yidanganaanne kadika newi'nadelyi," yawi'manigo' kiri'vinaji yawi'manigo. Sahvari yidangadaanya mena maa'mwona. Diraginna yawi'mwona. Sare' nebwina nejaavadelyi. ¹⁶ A'mwe pwai kwai dara wanganaja! "O, nya'mwei Kiraazitiyarei kayaa'nanya' jivanika! Kayaa'nanya sa' sahvari Dikevi marasi'nya'ne' daaka!" Sara wanganaja! Gotiyari kidaanganoji marasi'noji gaalya'ne' tewaanna wijaavadelyi. A'mwe kayaa'nanyanna Dikevi mamarasi'nya'ne yipijaraavina yihihithiwa. Sare' kiri' kayaa'nanya pibwi Dikevi marasi'nya'nebwi war'i!. Dazahiri'na jithaanganyide'na mihi'zi'vanige. ¹⁷ Yuya yida'maraangebwi kayaaka yigaide sabura sa kayaa'nanyabulyi. Kiri' kayaa'nanya pin a'mweraavi Dikevi yuna mamarasi'nya'ne war'i!.

¹⁸ Nem'i yawi'manigo. Gazaizai Gotiyare kaimiraayai mwaalajai kayaa'nanyabwi mididei mi'. Aawa. Sahvari Gotiyardaa'nyai nayaai maremwaalikelyi. Sarevidaa'nyi Kayaa'nanyai sahvari limwagathei mi'.

¹⁹ Nem'i yawi'manigo. Gotiyareina mwaaiho. A'mwe Kwaaka yuyavakiyabwinera Kayaa'nanyari wiliakasarera. Sahwai maremwaalikere.

²⁰ Kiri' nem'i yawi'manigo. Gotiyare Gawaalivaangei bakei simunya tewaanya' nejaavikelyi. "Gotiyai Nebulyari yawiralmwabika!" daka simunya' nejaavikelyi. Nebula Sahvari wiliwaaaihoine. Gawaalivaanga Jizaazai Kiraazitiyari' wiliwimwaaaiho'nanyi. Sahwai Gotiya nebulyalyi. Sahwai yuyagaa' yuyagaa'ne gaalya'neburi aaya kaavilyalyi.

²¹ Nimire kaimiraaya maalikeihi, a'mwa'mwe kwaasigotiyaraavina dameihi diphaayila! Sahwaraavi yilaaya mipinera!

Joni

2 Joni Joni Yidavakesi Pikarya' Pigasaalya'.

¹ Kiraazitiyareraavi a'mwe naangeinyi (Joniinnyi) pikariyikwia daza' yida'mwesi. A'mwe'ginyi Gotiyai gitthahilakake'ginyinajt gimirre kaimiraayanginajt yida'mwesi. Nebulyav iñakaavihirina nyivu'nadeinyi. Nabaai gaveinyi mi'. Aawa. Nebulya' yawirangadivita yuyara sariminyina tewaanya wivu'nivanikerera. ² Neminyi Kiraazitiyarine nebula sa' wilanewa'da nabaai yuyagaa' yuyagaa' neminyiji kuna wilanewa'devina sariminyina tewaanya nevu'nivanikeine. ³ Gotiyai Nimwalyi Jizaazai Kiraazitiyai Niware Gawaalisi yanga gaimwangebuliyi kale'na gaimwangebuliyi kwaamu'nanyabulyi kuna nejaayika! Nebulyaviji tewaanya wivu'nya'nevijt sara neyika!

Nebulya'nebwinajt wivu'nya'nebwinajt ya'nesi.

⁴ Ni'mi yilaaya naanga yiweinyi. Nimwai kiwinya dinike' maakobaaibti gimirre kaimiraaya pimilika tewaanya nebulyabwi sara midimanigasa'nanyi. Sara wi'nadi yilaaya naanga yiweinyi. ⁵ A'mwe'gi piri' diraginna gitthima! Kiwinya mudike' magithawasivanaabhe. Aawa. Sinnawi aayawidaa'nyi daza' maarosi. Kiwinya' dare' gitthima! Neminyi pwaina pwainaavina nevu'nana! ⁶ Kale ya sabwi darebuliyi. Nemire Gotiyare kiwinya dinikengina midinaanneine! Sinnawi aayawidaa'nyi kiwinya daza' sarimi kadika wi'netabaaibti kiwinya daresi. Kale ya saburi nayaa dimwaalyila! ⁷ Sare' a'mwe kwalaalyara kwaasi yagaala widadivisara Kwaakevakina walyuna yeva jamarivanigava. Sahwara dara majalikurakivanigasare "Jizaazai Kiraazitiyai kilaa'nakei yima'naabikelyi." Sara majadivisare. A'mwe sasara dazai kwaasi dadelyi. Sai Kiraazitiyarine yikamaangelyi. ⁸ Sare'na nayaa yawidivit mala nayaa jiwanneyila! Sarimi mena nayaa yesavine tivikita mamaari nyipidika! Aawa. Divi sarimi tewaanyanna tivikita yuya dimaaryide'na mala nayaa jiwanneyila! ⁹ Gazaizai Kiraazitiyare wijiwaakya' wavila'na yada wijiwaakya savi kuna mulamwaalyikei sahwai Gotiyai kininnakei mi'ka! Wijiwaakya savi kuna wilamwaalikei sahwai Niware Gawaalisi saraai kininnakelyi. ¹⁰ Pwai sariminyawinna bi'mavajai wijiwaakya sa' mamakabi yajar sarinnya angengi "Dulaama! Dava dimwaaideiginyi," mudipina! "Yilaaya ja!" mudipina! ¹¹ "Yilaaya ja!" widazai gamire wawinya kayaa'nanyangi nye'mwannamwaaladika!

Yagaala aaya'nesi.

¹² "Sariminyina yagaala kwalaalya widima!" dena kiri' "Pikariyikwiajti pikariyisaris yihithavima!" majiwa. Aawa. Sariminyawinna yihwanganide'na wawa'mujt sarimiji yagaala yuya dinademilikane. "Yilaaya naanga yune'na yaana!" dadit dinadesi.

¹³ Ja'mwevi Gotiyai dahilakakevre kaimiraayamiliha gitthivaniga! "A'mwe naange'gi!"

Joni

3 Joni Joni Yidavakesira Piñkarya Dawaai Dasa'.

¹ Kiraazitiyareraavi a'mwe naangeinyi piñkaryi kwia daza' yida'mwesi. A'mwe Gaayaazaiginya na nyivu'nadeigi nimti nebulyavina nyivu'nadeinyi yida'mwesi.

² Nyivu'nadeigi, Gotiyai yuyangine tewaanya gimi nyi nayaa yana! Maamidarya kuna dimwaala! Ginya kuryari tewaanya nayaa wivanikabaaibi' sara kuna divada'galamwaala! ³ Sare' dare'nesi. Yilaaya naanga yiweinyi. Nya'mwera pwara bi'maveva nebula savi mwaaidinyaiginya na jalikurakadivisaiginya. Gimti nebulyavi pada'galamwaaihinyaabaaibi' sara jalikurakadivisasi. ⁴ Yilaaya naanga nyade naange'ne' da'dare' wi'nadinyasi. Gimire kaimitraayamilika nebulyavi mwaai-hasamilike.

Gaayaazar i yaya' makilya'nesi.

⁵ Nyivu'nadeigi, Kiraazitiyarina wijiwakamaryadivisaraavi ja'mweraavi gaimwanga yadihya yuya sa diraginna limwadinyaangi. Nabaai a'mwe Menyara Kiraazitiyareraaviji avaala sara yadihyayi. ⁶ Sahwara Kiraazitiyare kusilaanyaviyainaayaba kumi nyi na givu'nadevuri jalikurakiwaava. Nabaai Gotiyare wawinya'na nayaa yawid'i neya'mweraavi tusavine gilyivisanna kuna dihaimwana! Sasare sa' tewaanyasi. ⁷ Sare' dare'nesi. Sahwara Jizaazare yaya sa' makilya'ne sa'ne'na walyuna yeverera. Ajimya yuyangiyara malimwagyadivisaraavi nigwia maarya'nera miña. ⁸ Sarevi'daa'nyi sa' tewaanyasi. Sare'na nemti a'mwe sasare saraavi nayaa gaimwagaanneine. "Sasare sabwina nebula saburi avaaiwawinya ye'mwannayaana!" dawaajt sara yaadeine.

Daayotrepizalyi Demitiriyaaazalyi saraarinesi.

⁹ Yagaala pinii piñkarya maalikevi kusilaanyaviyaihiri na yida'mwesi. Sare' kiri! Daayotrepizai "Kumire naangeinyi mwaali ma!" dade'na gaminyina wabahilaaka wiadei nemire yagaalya kadika mu'nyalyi. ¹⁰ Sarevi' sariminyawinna bi'ma'mujainyi gamire kayaa'na yade sabwina ku'maayaba jalikurakidelyi. Neminyi na yagaala kayaa'nanya dala pininna pininnanyanna yaasiwa'na divanke'na. Nabaai yune sa'na yivanika'na mi'. Aawa. Nya'mweraavi sahwai gamire angevina makwodei mi'. Nabaai pwara kunnya angengina "Makwawaana!" dadivit yadaapi sara kwaraaviji dahalalimwanna yadelyi. Sara yada sahwaraavi kusilaanyaviyaraayabadaa'nyi yunakaanna widaasina yadelyi. Sare'na jalikurakidelyi.

¹¹ Nyivu'nadeigi, sasarebwi mamididinnera! Aawa. Tewaanyaburina dimidina! A'mwe tewaanyabwina yajai sai Gotiyarelyi. A'mwe kayaa'nanyabwina yajai sai Gotiyari yawirangadei miña. ¹² A'mwe yuyara Demitiriyaaazarina nayaa jalikurakadivisalyi. Nabaai gannya mwaalya'nebwi dara jalikurakivan'i "Sahwai nebulyabwi mididelyi." Nabaai nemti kwainaji nayaa jalikurakadaanyalyi. Sare' "Nemire jalikurakya nebulyasi," yadaanya'na yawi'manigti.

Yagaala pininnesi.

¹³ "Giminyina yagaala kwalaalya gitihima!" dena yiwe kiri! piñkaryisaris yagaala sa' yidasana "Aala," diwa. ¹⁴ Giminyawinna gwanganide'na yime'nya'bii' wawa'mujti naari mi yagaala ye'mwannadakade'nana. Sara jemwaaimaniige.

15 Kwaamu'nanyaburi kuna g̊imwaaihade tewaanya mwaalya'neig! Neya'mwera
g̊ithivangu! "Neya'mweig!" Ni'minyina saba mwaalya neya'mwera gazarazaraav!
"Nya'mweihi!" duthana!

*Jon*i**

Juthiyai Juthiyai Pīkariyikwia Yidavakesī.

¹ Nya'mweihi,

Juthiyainyì, nìmì Jizaazai Kiraazitìyare yaasiwa'wawinyainyì, Jemizarì gahwaalaangeinyì. Sareinyì pīkariyikwia da' Gotiyai jaka yihizivwaramaarakeihirī yihithawasawaabe. Gotiyai Nìmwai sahwarì sariminyina wivu'nada Jizaazai Kiraazitìyai gami sahwai sariminyì yihimaredaa'manikelyì. ² Gotiyai sariminyina kale'na gaimwangebuliyì kwaamu'nanyabulyì sariminyina wivu'nyabulyì yihizaavana! Sasare sahibwi sariminyì naanga kuna yihima'nana!

Yagaala tewaanyavina yikamaanga yadivisaraavina dinikebwinesī.

³ Nìmire nya'mweihi'na tewaanya nyivu'nadeihi, aayagaa' sariminyì wija ya'ne simunya naanga yawirena "Gotiyare tewaanyaraavina Kiraazitìyai nemì yuyainaavi padaihasamaata sa'na pīkariyikwia' yarai yidavima!" dena yeweinyì. Daha'a' yawi'manige. Sariminyina yagaala piri' pīkarya dara yidavideinyì "Sarimì dìraginna jila! Nemìre dìraginna limwangebuli maremwaalya'na yagaala tewaanyavine yikamaanga yima'nadivisaraavi nayaatìvikirasi'naana! Yune gave pīgaa'na Gotiyai dìraginna limwanga dazabwi gamire a'mwe tewaanyainaavina nejaavakebuliyì. Sare'na yihithihaalbwari'na!" ⁴ Sare' darevinyì. A'mwe akwara Naangerina limwaga'daanyaiaayawinna "Nemì Kiraazitìyareina," dadiv'i kima'nyikaanya bwina. Sinnawi kigaakuna Bukuyavì a'mwe sasare dazara Gotiyarina bule'na wijaavadivisara Gotiyare jidasavi yimavapiji'yara yinahu yiwina yipi'deraavina dinikesi. Sahwara Gotiyare yanga gaimwanga sa'maroyimaa'nya yadiv'i nabinya pībwibì' yadiv'i yi kumire munyi' dika yidada kayaa'na girikitita'nanyabwi yadivisare. Darerera. "Gotiyai neminyina yanga gaimwangeburina nemire girikitita'nanyabwi yaasiwa'na nemarasif'nade'na sarebwi naanna yaana!" kwaasi dadiv'i yadivisaburi. A'mwe sasare dazara kwaasi sara yadiv'i nemaremwaaside gave pwai, nemire Naangei Jizaazai Kiraazitìyarina "Aala!" dadivisare. Navika yibwaakadivisare.

⁵ Sarimi yuya datha mena yawi'div'i kirì' "Dazangi ayina yawipika!" dena dihaabwata yihide'nanyi. Piri' daresi. Sinnawi kigaal Naangei gamire a'mweraavì padaihasamaarako Anga Yizipi yagalya'maveveraavì makwiaakere. Sara yaka kirì' dividaa'nyì gaminyì dìraginna malimwagyesaraavì tamakina ya'. Yi sahwara kayaaka yinyina ye!. ⁶ Nabaai piri' daresi. Kigaakuna Gotiyare mamaaya ejeliya pwaraji kumire wawinya aaya mudi'nanya savi nayaaw mwaale dara mi'. Aawa. Kunnya angeba yagalya'ma'na yesare. Sarevidaa'nyì Gotiyai kwaari'mawilyasi wiila pwiyaka kalavuzavì wimwaaikhakera yuyagaa' yuyagaa' mwalibainiga'. Seraavì jihinya yuna kayaa'nanaangewi kewewini wilawimwaaisha'. Sahwara Gotiyare Yirika Naangerikina yawibwarya'negaa' daapi'dehaa'na yemwaaiha'. ⁷ Nabaai piri' daresi. Kigaakuna a'mwe Sothomi mwaalyarajì Gomora mwaalyarajì anga naanga aya kiba mannikebajiyarajì sahwara avaainanyabwi yesare. Kayaa'nanya girikitita'nanyabwi midinna. Kumire simunyai widi'ka'daa'nyì avaanna kayaa'nanyabwi a'mwe yaasiwaka pwaraji wilaye'mwannayamarina. Sarevidaa'nyì Gotiyai kayaa'nanya' wirivikirakera dika yuyagaa' mwalibainya'nevì wimwaaikhina. Kayaa'nanya' wirivikita daza' nemì tinna wangadaa kumire sabwi mamidinyì yaade'na ku'maayaba simunya yawiramaarya'ne' yinikesi.

⁸ Sahibbaabib' a'mwe dahaa' sariminyawi mwaaihata dazara da'dare sabwina yadivisare. Kumire waja nabinabinya saza sahwaraav'i widihaa'bwa'da kumire kilaakejik' kayaa'nanya girkita'nanyabwi yadivisare. Sahwara naangeraav'i pi-hadika yadiv'i mamaaya byaannakeraav'i biraifyagaala widangadivisare. ⁹ Kiri' kigaa' mamaaya aaya mudi'nanyai Maaikel' sasara mi. Sai Saataaniji tivikita yinyelyagaa' "Ne Mozizare kilaakej'i aaihwai maaradezi' dingaka?" dahila yagaik-walaalya dinagileraalyi. Kiri' Maaikel' kayaa'na mi yaka Saataanimi biraifyagaala kayaa'nanya' ayina murivikryaakelyi. Aawa. Sai dara widina "Yune Naangeina maiyagaalya' githana!" ¹⁰ Kiri' a'mwe dazara kwaasi yagaala dadivisara biraifyagaala widadivisare. Yi yuya piningine aaya kaavilya myawiranganyadivisangina biraifyagaala dadivisare. Nabaai yuya kumi yawi'divita sabwi yikuriyaawia simunya maayaraavirebuliyi. Sarera kilaakej'i'na midinna yadiv'i sarevidaa'nyi sasare daz-abwi yuna kayaaka wigalakadevulyi.

¹¹ We! Sasare sara mala nayaa yiwanniipi! Sare' dare'nanyi. Ne Keni Gotiyari navika yibwakyaakabaaib' sahwara navika yibwaakivanigasare. Yi Ne Kenimire saburi yamaryadivisare. Nabaai Ne Belaami nigwia maarya sanne'na kwaasiyabwi wijiwakyaakabaaib' dazahwara yune nigwia maarya'na yawi'div'i Gotiyarereraav'i kwaasi wijiwaakadivisare. Yi yime'nya'b'i nigwia'na kwaasi wijiwaakya'nera kumire kilaakej'i wijaavadivisare. Nabaai sinnawi kigaa' Ne Koraa Ne Mozizariji maiyagaala wijaakabaaib' sahwara Gotiyari pi-hadika yadiv'i sasare dazaburi wana yiwina yipi'derera.

¹² Yuyagaa' sarimi yi'bwa'nemwaaidiv'i tika munnej'i yadiv'i avaazimunya yawisa'naji sryal'mweraav'i gaimwagya'naji yadivisagaal a'mwe dazara yi'bwa'nemwaala dazavi girkita yigaidivisare. Sahwara tika sarimi'i yihye'mwannanadiv'i kiri' sahwara kumire tika wapaaya sa maremwaainya'na yadiv'i lika aane pimili' kimiili' yadivitara mi'. Yi pwaraavina myawiryaadiv'i kumiinyina, kumiinyina yawi'divisare. Jarisagaa' yiraaya yihusa' yaasiwa' mariwinakamarya burike' mabwalari ya'ne yadevaabisarera. Sahwara yagaala deva kiri' nayaa sara myadivisare. Nabaai yisika kumiregaa' yisilya mi'nyadevaabisarera. Yi yita sika yawaka mena bainikikaav'i a'mwera kaavilyaw'i mena lamaipurasinikerabisare. Sasare sika pigasaai bainikerera. ¹³ Sahwara wagila wivwa'nya'ne kininnaka sabwi yadivisare. Sasare daza' saalaalya' aalimavajinaaka naange' yada aalimaagwalya' yima'nadevaabisabulyi. Nabaai sigunyav'i silingaaminyarika mwaaidiv'i kunnya tusa' yagalya'ma'div'i a'mweraav'i kayaa'na yibwaridaakwadivitabaaabisare. Sare'na Gotiyai anga jihinya kayaa'nanyaba mena yovrawakivankeba war'i. Yuna jihinya naangeba dazahiba yuyagaa' yuyagaa' mwaabi'deva.

¹⁴ Ataamimidaa'nyi mijiyima'nigaveva ata puridaa'nyi pwaraalyai Ne Yinok'i yima'nakelyi. Sare sai a'mwe dazahwaraavina sinnawi Gotiyari wi'nakenna a'mweraav'i wijiwakyaakelyi. Sai dina "Yithaanyi! Ni'mi tinna wangadaari Naangei gamire mamaaya tewaanya kwalaalya taawizaniyaraj'i ye'mwannigwalaabipi'delyi.

¹⁵ Sai a'mwe yuyaraav'i yawibwasagaa' kayaa'nanya' naanna wivikiradelyi. Sai a'mwe gaminyi bule'na wijaavadivisara jidavade'na sahwara kumire bule wijaaya sabwina yadivisanna nayaa yibwakibidere. Yi yuya sanna bule wijaayabwina jawibwarya'negaa'. Nabaai kayaa'nanya dazara bule'na wijaavadivisara Naangeri yagaala kayaa'nanya dala pininna pininnya mena widesanna jidavade'na walabbelyi." ¹⁶ A'mwe dazara naangeraav'i bulayagaala dadivisare. Sahwara yuya kumiinyi yima'nade sanna jikurya yina yadiv'i munyi' kayaa'na yadivisare. Kumire munyi' dikaa'da dikeb'i yidamaryadik'. Sara yadiv'i sahibwi mididi'visare. Sahwara yaasiwa' kuminne yaya' jika danganamaryadiv'i kuminne yayanna maki-

nadivisare. Piigaa' a'mwe pwaraavì wabwiwayagaala wiñadivi' kumìre gilyivisa mwagi'nya'nenna. Sarerera.

Dìraginna lìmwangebwì nayaa dìraginna lìmwagarya'nebwinesi.

¹⁷ Kìri', nya'mweihirìna tewaanya nyìvu'nadeihi, nemìre Naangei Jizaazai Kìraazitìyare wiñadasaderaavìre yagaalya ayìna nayaa jawirila! Sìnnawì kigaa' wiñwaakesasi. ¹⁸ Dara yìhìthesaihìlyì "Dìvi aaya yìma'nadehaa' a'mwe pwara puri'nyarabi' Gotiyare sabwina jìka gyangadivi' bìraiyyagaala dìpi'dererera. Sara yadi'vì Gotiyarìna bule'na wiñavaadivi' kumìre munyi' yaasìwa' dìke'bì' yìdamaryadiki." ¹⁹ A'mwe dazara Naangereraavì jaapaidivisare. Sahwara a'mwe Kwaakevakiyaraavìre sìmunyabwi mìdidi'vì, yì Kurya Tewaanyai maayara.

²⁰ Kìri', nya'mweihirìna tewaanya nyìvu'nadeihi, yuyagaa' sarìmìre dìraginna lìmwanga yune nawì'nyaanga saburìne'na yune sarìmìre sìmunya' dìraginya nayaa jìvaimwagila! Yì lìkìlyavì a'ba madìvìtabaaibì' yagaala Gotiyai nedake dìraginya je'mwagyìla! Sara yadi'vì nabaai yuyagaa' Kurya Tewaanyai wiñayihìmwaaidori ye'mwagakìyagaalyavìna nayaa jìthaanganyideihìlyì. ²¹ Sarìmì Gotiyai sarìmìnyìna wiñvu'naddevuri' nayaa kuna dìmwaalyìla! Yuyagaa' Gotiyare wiñvu'nya'nebwì nyagalya'mapidìka! Nemìre Naangei Jizaazai Kìraazitìyai gamìre kale gaimwange' ku'maayaba maryalìku'naraabathevìna jemwaalyidehaa'na kuna sara jìla! Sarevi' nabaai sarìmì yuyagaa' yuyagaa' nayaa dìvada'galemwaalyide gaala nebulyabwi maarya'neihìlyì. ²² Sarìmì a'mwe pwara dìraginna lìmwangebwì nayaa tìhu'na malìmwagi, maali'na yagalya'ma'dìvìsaraavìna kale nayaa yìhyana! Nayaa duhaimwagyìla! ²³ A'mwe pwara dìkevìbì' mwaaidapi sarevi' sahwaraavì yìme'nya'bì' dìvadaihasamaarila! "Nìmi kayaa'nanya sa' nyìwìdìka!" dìdìvì' lìka nayaa yadi'vì a'mwe saraavìna kale nayaa yìhyana! Kìri' mala nayaa jìwannyìla! Kumìre kìlaakevìya sìmunya sabwi kumìre baazi'ma'nya gìrikita'nanya sabisabulyì. Sahwaraavì wiñgaimwadivi' sasare dazaburìna sarìmì yuyagaa' menyaba dìmwaalyìla!

Gotiyarìne yaya' munyaba makìlya'nebwinesi.

²⁴ Gotiyai sai sarìmìnyì yìnìga wi'na yìhìmaremwaaidori yì yìhìmaredaa'dori sarìmì mwalaraawi jideihìlyì. Sai sarìmìnyì yìnìga wi'na yìhìmakwawoì gannyaba nawì'nya byaannakeryawi yìhìmwaaihadeihìlyì. Nabaai sarìmì yìwetawakya pìni mwari yìhyana! Sarevi'daa'nyì nabaai yìlaaya naangebwì yìhwaradeihìlyì. ²⁵ Gotiyai yune gavei sahwaina mwaalikei. Sare sai Jizaazai Kìraazitìyare wawìnyavìna nemìnyì nevadaihasamaarakelyì nemìre Naangerìna. Nemì gamìnyìne yaya' munyaba nayaa makìlaana! Sai nemaremwaaidie Kingìya gavei kuna mwaalana! Sarei dìraginya naange' kìnìnnakei kuna mwaalana! Yuya sangìne'na aaya kaavìlyai kuna mwaalana! Yuya sìnnawì kìgaasi nabaai dahaa' kìgaasi nabaai dìvi yuya kìgaakìgaasi sarei kuna mwalibainagwona! Sahìrisì. Nebula naangesì.

Juthiyai

Wijalangasakya¹ Jonim² Wijalangasakake'nesi.

¹ Sinnawⁱ yagaala datha' lika yulyarakesi. Yⁱ Jizaazai Kiraazitⁱyai ku'maayaba marima'naabakesi. Sahwai neminyⁱne'na yoimavakesi. Gotiyai daza' Jizaazarⁱ yⁱmwangakesi. Jizaazai gannya yaasiwa'wawinyaraavina yⁱbwaridaakwia'ne' yⁱme'nya'bⁱ yⁱma'nadenna wijaavakesi. Sai neminyⁱna kunya, yawisa nejaavanⁱ yuya dazanna dare. Sai gamire mamaayarⁱ ejeliyarⁱ Joninnyawinna maryasaaba'. Nimi gamire yaasiwa'wawinyainyⁱna yi sai yagaalya' nyijaava!. ² Nimi Joninnyⁱ yuya dazangi tⁱnna mena wangamwa. Yⁱ nimi tⁱnna wanganene yunebanna Gotiyare yagaalya' ku'maayaba jalikurakivanige. Yⁱ yagaala Jizaazai Kiraazitⁱyai nyijalikurakaka daza'na jalikurakivanige. Nimi dara divanige. Yagaala daza' yi nebulyasi. ³ A'mwei Gotiyare yagaala datha dividaa'nya yⁱma'nade wanganadadelyⁱ nabaai yagaala Gotiyari wi'nawijwaakadiya a'mwe yi'bwa'nawi'nadivisara kadika wi'nadivⁱ sahwara Gotiyare yagaala yida'mwe datha' sara mididivisarajⁱ yilaaya yadivⁱ tewaanaanga winaderera. Sare' dare'nanyi. Gotiyai mena dake yida'manige datha yⁱma'nadehaa' yi sagaa' maalikegaakti.

Kiraazitⁱyare kusilaanyangⁱya anga ata puridaa'nyi pwaraalyangina Joni yidavake'nesi.

⁴ Kiraazitⁱyare kusilaanyangⁱyihi anga ata puridaa'nyi pwaraalya sabanyaihi!

Nimi Joninnyⁱ yagaala datha' sarimi Eziya simagi mwaaihasaihirina yida'mwesi. Dahaa' Gotiyai mwaalikei, sahwai kigaakuna kuna mwaalakei, dividaa'nyi kuna yⁱma'naabathei yi sahwai sariminyⁱ yange'na yihgaimwagana! Sariminyⁱ kwaamu'nanyabwi yihyana! Nabaai Kurya ata puridaa'nyi pwaraalyara (Kurya Nawi'nya Naangei) Gotiyare kinginamwaalyisavⁱ daakasara sariminyⁱ yange'na yihgaimwabiⁱka! Sariminyⁱ kwaamu'nanyabwi yihyipiⁱka! ⁵ Nabaai Jizaazai Kiraazitⁱyai sai Gotiyare yawita yuya nebulya'na yida'na jalikurakadei sai aaya mudi'nanyai a'mwe bainkeraayawⁱ ayina dikaaavakei sai kingiya yuyara Kwaakevakⁱ mwaaihasaraavⁱ maremwaaidei yi sai sariminyⁱ yange'na yihgaimwagana! Sariminyⁱ kwaamu'nanyabwi yihyana!

Sai neminyⁱ kale yange'na neyadei, yi sai gamire tawe savi nemire kayaa'nanyanna marasi'nakelyi. Kayaa'nanya sa nevwiyinikeina mamwaalya'ne'na balakelyi. ⁶ Sai neminyⁱ maremwaidaanyainaavⁱ nemwaaihada yi Gotiyari gannya Ganimaangerⁱ widaaya'neina Gotiyarinna mubithika yira'daanyaina "Su! Su!" widadaa yilaaya wiadaa gaminyⁱ makidaa yadaanyainaavⁱ nemwaaihakelyi. Sasarerine yaya naange' byaanna naangesi diraginna ya'nebulyi yuyagaa' yuyagaa' kuna warana! Sahirisra. Nebula naangesi.

⁷ Yithaanyi! "Sai yiraayavⁱ waimanaabiko."

Yuyaraavire tinnyaraalyⁱ sahwarⁱ wangabi'derⁱnera.

A'mwata wilivadaakweta kwaraji wangabi'derⁱnera.

Malimwagyara yita yuyavakaavyara wangabi'dererera.

Sahwara siduta kwalaalya yawipi'dere.

We! Gaminyⁱne like'na jakinna dipi'dere.

Yo! Sahirisra. Nebula naangesi.

⁸ Naangei Gotiyai dara divani! "Nimi yune sahwainyⁱ aaya sinnawinne nebulya'nanyainyⁱ (A). Nabaai wana nebulya'na aaya divineinyⁱ (Z). Sinnawinyainyⁱ. Aayaangeinyⁱ." Yⁱ dazai dahaa' mwaalikei kigaakuna kuna mwaalakei dividaa'nyi

kuna yima'naabathei sai Diraginya Yuyang† Aaya Kaavilyalyi. Yuyang† Minyaginyalyi.

Kiraazitayar† A'mweraavine Kaimiraayari Jon† tinna wanganake'nesi.

⁹ Nimi Joninnyi sariminyi srya'mweinyi. Nimi sarimiji Jizaazar† taanginyaviji Gotiyai nemaremwaadeviyi taanga nejaavadiv† diraginna da'daanyaburiyi sangi ye'mwannamwaaaidinyainyi. Sareinyi Gotiyare yagaalya' wijiwakamaraye'naji Jizaazarina jalikurakene'naji Ahu'manna Paatimoz† wo'nikeba kalavuza nyimaaresainyi. ¹⁰ Yirika Naangeregaal (Kiraazitayarina yi'bwa'nawi'nadaanyagaa') Kuryai niminyina diraginna bulamwaaaina nyiwa!. Sara nyadaa'nyi niminyi dusdaasi nimi maangwiraaya piri' wi'nyina. Maangwiraaya sa' jaka diraginna dina pihulyavire jake'bisa!. ¹¹ Maangwiraaya daza' dara dina "Yuyang† tinna wangamaniginya, sa gimi naya pikarya jittha!. Pikaritwkwavi ya'gizi anga ata puridaa'nyi pwaraala dangine Kiraazitayar kusilaanyangiyaraavina jaasi! Yi Anga Epazaaziji Simenaaji Pehamaamiji Taayataairaj† Saathiziji Pilathelipiyaj† Layothiziyaj† anga sangina dimarayaasi!"

¹² Nimi "A'mwe yagaala nyidivanika sar‡ wanganima!" dena ginyiwannyina. Mena ginyiwannyina yena yi laamivananya' yilakya'ne goloya ata puridaa'nyi pwaraala sa wa'di'nyiya tinna wanganna. ¹³ Yi a'mwe pwai laamivananya' yilakya'ne dazangi tinityaba daa'di'nyi nimi tinna wanganna. Sai yi a'mweraavine kaimiraayaibisai. Sai baazi'ma'nya saaminaange' yune sivila kedivi yalawakinanya' baazi'ma'nakei, yi sai munnaanya goloya' gannya kihisavi pwiyinakei. ¹⁴ Gannya minyaginyavimijasa' yune nebulya'na yaake'nanya', sipi'zipiyavire arilya'bisa' yi wivitirata yaake'bisa!. Yi gamire tinityai ditaalisab† yidadaasi. ¹⁵ Yi gamire sivilyiraai wana nebulya'na di'baaka mwadadaasi, aringa kwaari'mata biraaziya' dik† naangevi yira'divitabaaibisiraai. Nabaai nimi kadika wi'nive' gamire yagaaimaangwiraaya' aali jaka naange' yinnadevaab† kinniwa' wi'niva. ¹⁶ Sai aangasiri silingaaminya ata puridaa'nyi pwaraalya limwagar†. Yi kwaari'masiraminya piri' gurimaanga yuyimaginyaai yinike' sa' gamire maangevidaasi waraka mwasaba walyaabinike'. Nyiliyai sirigwajahaa' nyila diraginna dadevaab† gamire sinnyi' baaka naange' wimwadiwa'.

¹⁷ Sahwar† nimi tinna wanganena lika yena gamire sivilyiraaryaba wala'na. Yi nimi wana a'mwe mena bainkeibisainyi. Sara kye sai nimiry aangasi yilanyakaka dina "Gimi lika kuna minnera! Nimi aaya sinnawinya nebulya'nanyainyi. Yi nimi aaya dividaa'nya nebulya'nanyainyi. ¹⁸ Yi nimi gaala mwaalya'nebwi aaya kaavilyainyi. Yithaa! Kigaa' nimi mena baleinyi, kir†, yithaa, yuyagaa' yuyagaa'ne gaala mwaaiheinyi. Nimi barya'ne kiya' limwaga'di Bainikeraavire Angebanne kiya' limwagake. Yi sareinyi diraginnakeinyi 'Aawa,' kada'muj† a'mwe pwai mabalyi yadelyi. Pwai bainkei bainikeraavireba yagalya'ma'na yadelyi. Nimi 'Yo,' kada'muj† pwai balna yadelyi. ¹⁹ Sarevidaa'nyi yi gimi pikarya naya jittha!. Yagaala gimi tinna wangamwaanyagine' yi dahaa' warikenginesi sahinidividaa'nyi yima'naabathennaj† jitthaka! ²⁰ Yi gimi tinna wangamwaanya silingaaminya ata puridaa'nyi pwaraala daza nimirae aangasiri wa'disiyannaj† laamivananya' yilakya'ne goloya kininnaka ata puridaa'nyi pwaraala dazannaj† yi Gotiyai yoimavaljalikurakya dazanne aaya kaavilya' daresi. Silingaaminya ata puridaa'nyi pwaraala daza yi sa Kiraazitayainyre kusilaanyangiyara anga ata puridaa'nyi pwaraalyang mwaalyaraavire mamaayara. Yi laamivananya' yilakya'ne golnaka ata puridaa'nyi pwaraala daza Kiraazitayainyre kusilaanyangiyara anga ata puridaa'nyi pwaraala sangi mwaalyare."

2

Anga Epazaazi na yagaalya' yida'ni ke'nesi.

¹ Kiraazitiiyainyire kusilaanyaviya Anga Epazaazi mwaalyaraavine ejeliyai mwaalikerine pikarya nayaa dara jittha!

Silinggaaminya ata puridaa'nyi pwaraalya gamire aangasiri limwaga'dei sahwai laamivananya' yilakya'ne golnaka ata puridaa'nyi pwaraalyangti tinnyyaba kaanya yamaryade sahwai yagaala datha gitthasivanaabti!. ² Gimti wawinya yadiya yuya sabwina mena gyawirangamanige. Yti gimiire yagiyagiwawinyannajti taangegaa' gimi ddraginna daaya'nebwinajti mena gyawitmanige. Yti gimi a'mwe kayaalnanyaraavina "Aala!" nebulya'na diwaa. A'mwe dazara gitminyti dara gitthadivisare "Nemti Apozeliya Nedaasade kwainera." Kiri! aawa! Sahwara Widaasadera mi!. Yti kumire yagaalya' mena yawibwarangamwaa. Yti kumi yadiita saburi kaavilya' mena barama'mwaa "Yti sahwara a'mwe yune kwaasiyare."

³ A'mwera tinna gwangadaapi, gimi niminne yaya' kuna limwamanigi. Yti sahwara wana kayaalna gyadaapi kiri! gimi ddraginna daal'di taanga daza' maa'dinyi. Yagiyagi wawinya daza'na maa'na ginnadeigti mi!. ⁴ Kiri! gitminyina nimti yagaalya' kininnaka dareinti. Sinnawi gimi muditi'na ddraginna limwagahinyagaa' yti dazagaa' niminyinajti nebulya'na gitvu'nakeiginti. Kiri! dahaa' aawa. ⁵ Sinnawi nawi'nya tewaanyabwi yaginyaiginti. Kiri! gimi daza' yagalyamavaginegaa' yti gimi mena wala'mwaawinyaiginti. Sarevidaa'nyi ayahi sinnawi gimi yaginya dazabwina nayaa jawi!! Yti gimiire simunyabwi mudikebwi nayaa jawiramaa!! Yti gimi aaya muditi'nanyagaa' yaginyaabaaibisabwi ji! Nabaai aawana, yti nabaai gimi simunya mudikebwi ayina yawiramaata mijai!, yti nabaai nimti gitminyawinna bi'mava'mujti yti gimiire laamivananya' yilakya'ne' warikebadaa'nyi marasi'ndesi. Simunya mudikebwi myawiramaari nyidika! ⁶ Kiri! dasare dathavwi kuna gwarit!. Gimti Nikolaazare mididivisaraavire saburi yikamaanga wiadinyaiginti. Nimti kwainyiji sahwaraavire saburi yikamaanga wima'nadeinti. ⁷ A'mwei kadit'nakei, sai yagaalya' kadika nayaa wi'nana! Yti yagaala daza' Kurya Tewaanyai Kiraazitiiyainyire kusilaanyangiya anga geva gevanyaraavi wijiwaakivanikesi. Nabaai a'mwei mala daza' wavilavajai, sahwari yti nimti "Ya," wididelyi. Yti sahwai a'mweraavina gaala wijaaya'ne yita dazaritika munne maaradelyi. Yita dazai Gotiyare wawinyaav Parathaazi waayi!.

Anga Simenaa mwaalyaraavina yagaalya' yida'ni ke'nesi.

⁸ Kiraazitiiyainyire kusilaanyaviya Anga Simenaa mwaalyaraavine ejeliyai mwaalikerine pikarya nayaa dara jittha!

Sahwai aaya sinnawi'nya nebulya'nanyai nabaai aaya dividaa'nya nebulya'nanyai aayaangei kigaa' mena balakei kiri! gaalyai ayina yima'naabakei yti sarei yagaala datha gitthasivanaabti!. ⁹ Taanginya gimalnivanikennajti nebulya'na gitlyivita wana kuneigt mwaiddaa'giyabulyi gyawirangamanige. Gitlyivita kuneigt kiri! gimi pini kwalaalya kininnakeiginti. Nabaai yagaabiraizika daza'na a'mwe pwara sahwara gitminyti givanigasa'na gyawirangamanige. A'mwe dazara sahwara din "Nemti sahwaina Juyaraavidaasaine." Kiri! sahwara nebulya'na Juyaraavidaasarana mi!. Aawa. Juya kwara kiri! sahwara yune Saataanimirevaasiyaraavina. ¹⁰ Divi maalikegaa' gimi daange dimaal'dengina lika minnera! Yithaa! Saataani sai Yuyaraav Kotiya Maryadei jida'daa'nyi sarimijiya pwaraavi kalavuza wimwaaihipidere. Sariminti yaamiiji yijiwaala'ne' sara yihyipi'deihiliyi. Yti yiriika ata yuyiraalya yinigehaa' sarimi Kiraazitiiyareihiri taanginya yihizaavipiddeihiliyi. Kiri! niminyina nayaa dilimwaga! Kuna kuna ytwo'gizi yune gimi baidizagaa'na yti nabaai gaalya' yivarula nawi'nya!

givvatavideinyi. (Kingimwaaihi'nya' gwakideinyi.) ¹¹ A'mwei kad'i'nakei sai yagaalya' kadika nayaa w'i'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijawaakivanikesi. A'mwei mala daza' wavilavajai sahwari yi ayahi barya sa' kayaaka yigalakadei mi!. Aawa nebulyasi.

Anga Pehamaami mwaalyaraavina yagaalya' yida'nikeynesi.

¹² Kiraazitiyainyire kusilaanyavinya Anga Pehamaami mwaalyaraavine ejeliyai mwaalikerine pikarya nayaa dara jitha!!

Kwaari'masiraminya piri' gurimaanga yuyimagiyyaai yinike' kininnakei yagaala datha gitthasivanaabi'. ¹³ Angeba mwaaihiinyaba anga dazaba Saataani kingiyai maremwaalikebanna nimti yawirangamanige. Maremwaalika kir'i gimi' niminne yaya' diraginna limwaga'dinyaigini. Yadi gimi' niminyina diraginna limwadi yi diraginna limwanga daza' lika yulyakadinyaigi mi!. Nabaai kigaa' a'mwe Adipazai niminyina nayaa nebulya'na jalikurakadei sarimiji ye'mwannayihimwaalaka sahwari sariminyaba tamakesagaan'a niminyi kuna diraginna limwagakinyaigi. Niminyina "Aala!" majahinyaigi. Anga dazaba Saataani mwaaida gannya wawinya' yivanikeba kir'i sara yadinyaigi. ¹⁴ Kir'i nimti gimininyina yagaala piri' piri' kininnakeinyi. Yi sarimijiya pwara kwaasiwi'nawijawaakya Belaamimrebwi limwaga'divisara kininnakeigini. Belaamimrebwi yi daresi. Sennawi kigaa' Ne Mozizagaa' sai maremwaaiide Belaakimi' dara yibwaridaakwa!. A'mwe Yizireliyaraavi kwaasi yijawaalyabwi dahe'bisabwi kya' a'mwe sara wagilyav walaraawe!. Yi Belaakijiya Yizireliyaraavi yidikaave!. Yi sahini kwaasigotiyaraavi yidika yesa tika nya'na sahwaraavi yina yeva yaasiwa' pamarinyabwi ya'na yidikaavesare. ¹⁵ Sasarebaaibi' gimiijiya pwara Nikolaazare wijawaakya' limwaga'divisaraji kininnakeigini. Baa'nana! ¹⁶ Sarevidaa'nyi yi gimiijiya pwara "Simunyabwi mudikebwi nayaa jawiramaa!" Nabaai aawana, sara myijaiginyawinna yarai bi'mavideinyi. Yi nimti a'mwe dazaraji kwaari'masiraminya nimire maangevi nyarika dasasi mala barannaadeinyi. Kir'i gimirre tewaanyabwina gyawirangamanige. ¹⁷ A'mwei kad'i'nakei sai yagaalya' kadika nayaa w'i'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavi wijawaakivanikesi. A'mwei mala daza' wavilavajai, sahwari tika wapaa manaaya Sigenyabanya pin dahaa' kima'nyawi lika yulyarike wijaavidelyi. Nabaai nimti sitihwawinya yaaka pimili' wijaavidelyi. Yi tihwawinya dazamilik'i yaya mudike' yida'nikemili' wijaavidelyi. Yi aawa, a'mwe pwai yaya daza' yawiranganadei mi!. A'mwe tihwawinyaamili' maarajai yi yune sahwaina yawiranganadelyi.

Anga Taayataaira mwaalyaraavina yagaalya' yida'nikeynesi.

¹⁸ Kiraazitiyainyire kusilaanyavinya Anga Taayataaira mwaalyaraavine ejeliyai mwaalikerine pikarya nayaa dara jitha!!

Gotiyare Gawaalivaangei sai tinna ditaalis naanga yidaderaai kininnakei sivilyi wana nebulya'na ditbaaka mwadadaasi kwaari'mata biraaziya' dika naangevi yira'divitabaaibisi kininnakei yagaala datha gitthasivanaabi'. ¹⁹ Gimti yivaniginya yuya saburana, gimi' a'mweraavina tewaanya giwu'nivanikebulyi niminyina diraginna limwaga'maniginyabulyi yi a'mweraavi gaimwagya'ne widaayivaniginyabulyi yuya taanginya gima'nivankengi diraginna daa'maniginyabulyi nayaa gyawirangamanige. Nabaai dala pibwinanya sabwi gimi' aayagaa' gaai nyilimwagahinyaagaa' yagiyya sabwi sa' tewaanyasi. Yi dahaa' diviya sa' yi sennawinyaavi wavila'mwaka wana tewaanya nawi'nyaangesi. Sare' gyawirangamanige. ²⁰ Kir'i gimininyina nimti yagaalya' kininnaka dareinyi. Gimti a'mwe daza' Jezeveliya' gimiiji ye'mwannemwaaidevi yaasiwa'na baihana'na

yadinyaşı. A'mwe daza' kwaası dara dadesi "Nimti piropetiya'nyi. Gotiyari wi'nadi a'mweraavı wijwaakadinya'nyi." Sara dada nimire yaasiwa'wawinyaaraavı kwaası wijwaakına. Yı sahwara yaasiwa' pinamarya sabwi midinya'najı yi miwitı kwaasigotiyaraavıne yidika yadivisa tıka nya'najı kwaası wijwaakına. Sasare dazaburi sa' wana kwaasıya' nimire pwara sara yadivisasi. ²¹ "A'mwe sa' simunya mudikebwi yawiramaarana!" yawirena pigaa'nevı yaamiji yena yemwaaimanige. Kiri' aawa. Sa' simunya mudikebwi yawiramaasa'na "Aala!" divani'. Gannya yaasiwa' gırıkita'nanya yade sangına bule' wijaaya'na "Aala!" dına. ²² Yithaa! Nimti nalabwaryavı a'mwe dazavına daangesi nalaaya naangesi wijaavidesi. Yı a'mwe dazara sahirisi gırıkita'nanyabwi yadivisara sahwara simunya mudikebwi yawiramaata myapiji gamı yade sabwina bule'na mujaayı yipija' yi nimti daanga naangeji taanginyajı wijaavider. ²³ Gamire kaimiraaya kwaraavıji yi nimti yuna tamakidere. Sarevi yi Kiraazitıyainyire kusılaanyangıya yuyavaka nayaa yawipi'de'nanyi. Yı nimti a'mwe yuyaraavıre munyıkaavıji simunyangıji nayaa maryawıbwa'dinyainyı. Yı nimti sarıminyi gazaigızaigınyı yiniga wi'na yadivita sabwine' yihirivikirideinyı. ²⁴ Kiri' sarımi pwaihıri yihithivanige. Sarıminyi kwaihi Taayataairia mwaalya pwaihi a'mwe savire yagaala daza' mididivitaihi mi!. Yı sarımi sasare dazabwi dara dadivisaburi "Yagaala yune kusawi nebulya'na Saataanımire sabwi," yawiramaa'divitaihi mi!. Yı sareihıri dara yihithivanige. Yı nimti naanga pırı' yihwakiideinyı mi!. ²⁵ Aawaawa. Sarımi limwaga'divita sabwi yi kibwi nayaa diragınna dilimwagyıla! Kuna yiwopıji yune nimti bilmava'mujıyagaa'na diragınna dilimwagarila!

²⁶ A'mwei mala daza' wavılavajai, a'mwe nimire wawinya midinoji yune gamire aya yiwiya yajahaa'nei yi sahwarına nimti diragınaange' wijaavıdelyı. Diragınya sa' daresi. Sai mınyagınyai ajımya yuyangıyaraavı maremwaaladevurınera.

²⁷ "Sai yıta kwaari'mayagınyarı' limwagozi

A'mwe saraavı diragınna maremwaaladelyı.

Maa'gula kwadıke mala tadaapi

Pwaktı'da yaaye liliya wa'devaaiibisasi."

Niminyına Nimwai diragınya' maremwaalya'ne' nyıjaavakabaabı' diragınya sa' wijaavıdelyı. ²⁸ Yı nabaai nimti silingaamınya mwanyagaa'ne kaabwe' wijaavıdeinyı.

²⁹ A'mwei kadi'nakei sai yagaalya' kadıka nayaa wi'nana! Yı yagaala daza' Kurya Tewaanyai Kiraazitıyainyire kusılaanyangıya anga geva gevanyaraavı wijwaakıvanıkesi.

3

Anga Saathızı mwaalyaraavına yagaalya'yıda'nike'nesi.

¹ Kiraazitıyainyire kusılaanyavıya Anga Saathızı mwaalyaraavıne ejeliyi mwaalıkerine pikarya nayaa dara jıtha'!

Sahwai ata purıdaa'nyı pwaraala Kurya Gotiyarerajı silingaamınya ata purıdaa'nyı pwaraala dazajı kınınnakei yagaala datha gımaryasıvanaabı!. Gimı yıvanıgyınya yuya saburana mena gyawi'manige. A'mwera gıminyıne yaya' dara dadivisare "Kiraazitıyarera angeba mwaalya dazara gaalya' kınınnakera mwaaiha!". Kiri' aawa. Mena Gotiyarına bainıkeigınyı. ² Naangevaa'gı se warya' yagalya'mava'gızı tınnı nayaa baihanarya'neigı dıthıkaaka! Gimire yuya sabwi kuna maali'na warıke yuna nabalandıka! Yuya sabwi baimanıkebwi nayaa diragınya jıvaimwa! Sare' dare'nanyı. Gimı yadinya yuya sabwi pırıvi sa' yuya yıda'nanya' nimire Gotiyare tınnıyarı nimti tınnı mwanganabırvanige. ³ Sareviada'nyı yagaala tewaanya dazavı kadıka mena wi'nagınyagaa' gımi limwagasabwi maaragınyabaaibısa' gınnya simunyavı nayaa ayına jawı!! Daza'na ya'gızı sabwi nayaa mididi simunya mudikebwi

jawiramaa!! Savidaa'nyi se' myagalya'mayija' tinna nayaa baihanarya'neig madikaayi yija' a'mwe kukei bi'ma'devaabi' ni'mi giminyawinna bi'mavideinyi. Nabaai giminyawinna bi'ma'mujahaa'na gimi jawi'deig mi!. Arikewinyi. ⁴ Kiri' maalikevaag'i yaya pinjiyara Saathizi mwaaihata pwai pwai kininnakeiginyi. Sahwara kumire baazi'ma'nya giri'ka yigalakadivisara mi!. Kumidazara yi nimire baazi'ma'nya yaake' baazi'ma'napi yi ni'miji ye'mwannayamaryaadere. Sahwara sahirivti yiniga wi'nannere. ⁵ Nabaai a'mwei mala daza' sara wavylavajai sahwari ni'mi avaainanya baazi'ma'nya yaaka dathavaaibisa' wakidelyi. Yi nabaai ni'mi bukuya gaala'ne sir'i gaminne yaya' iwaipiwagi'deinyi mi!. Arikewi. Yi nabaai Ni'maamaangeryaba gamire ejeliyaraayabajt ni'mi a'mwe dazarine yaya' jalikurakideinyi. "Ni'mirelyi," wididelyi. ⁶ A'mwei kad'i'nakei sai yagaalya' kadika nayaa wi'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavti wijawaakiwanikesi.

Anga Pilathelipiya mwaalyaraavina yagaalya' yida'nikeynesi.

⁷ Kiraazitiyainyire kusilaanyaviya Anga Pilathelipiya mwaalyaraavine ejeliyai mwaalikerine pikarya nayaa dara jitha!!

Sai nawi'nya nebulya'nanyai, yi nebulya'nanya sabwina aaya kaavilyalyi. Sahwai Kingi'ya Devitimine kiya' kininnakei kaadihita naange' baasadelyi. Basadaa'nyi gamire wawinya' naanna jithe'nanyi. Yi a'mwe aane pwai kwai kaanya sa' ayahi tihiradei mi!. Yi kaanya' tihi'delyi. Yi a'mwe aane pwai kwai ayahi baasadei mi!. Sarei yagaala datha gmaryasivanaabi'. ⁸ Gim'i wawinya yadinya yuya sabwina ni'mi mena gyawi'manige. Yithaa, gimir'e sinnyiki kaadihisa' basinadaavike' wakwest. Yi a'mwe kaanya tihiradei aane pwai kwai mi!. Ni'mi dara yawi'manige. Gim'i diraginya maalike' kininnakeig'i kiri' ni'mire yagaalya' mididiyi yi ni'minne yaya' lika yulyakadinyaig'i mi!. "Sahwareinyira," widadinyaiginyi. ⁹ Yithaa, ni'mi Saataanimire a'mwe yi'ta dathavaa' gimi'nyina gmwangideiginyi. Sahwara dara dadivisare "Nemi Juyaraavidaasi yisavaa'nyi." Kiri' sahwara Gotiyarerera mi!. Aawa. A'mwe kwaasi dadivisare. Yithaa! Yi ni'mi a'mwe dazara gimir'e sivilyiraaryawi kwaakewi bulawi'la'napi'de'na yi'deiginyi. Yi sahwara yawipi'de'na "Gotiyai sahwaraavina tewaanya nebulya'na mena wivu'nivan'i." ¹⁰ Ni'mi diraginna daavebaabib'i ni'mire yagaalya' nyimidiyi yuya taanginya gima'nade sangi gimi'draginna daa'dinyaiginyi. Yi sare'na yijiwaala daza' "Kwaaka yuyawi yima'nima!" dozi yajahaa' a'mwe yuyara Kwaaka yuyawinyaaraavti yijiwaalya'negaa' sa' yi gimin'y'i nagima'nadi!. Yi yadevi nayaa gimoremwaalideinyi. ¹¹ Yi gimin'yawinna yime'nya'b'i walaabideinyi. Yi aane pwai kwai kingimwaaihinya' gimir'e tivikisa' nagimarasinadi!. Gim'i dazabwi limwaga'maniginya sa kuna nayaa diraginna dilimwaga!. ¹² Nabaai a'mwei mala daza' sara wavylavajai, yi sari dihybya anga nawi'nya ni'mire Gotiyarev'i diraginya yi'wagya'neri ni'mi maridaakudelyi. Yi nabaai sai anga nawi'nya savi myagalya'mayi yoj'i ayahi mwasilaanna walyawodei mi!. Arikewinyi. Yi sari ni'mi ni'mire Gotiyarine yaya' yidavideleyi. Yi ni'mire Gotiyare anga naangebanne yaya' yidavideleyi. Anga naanga daza' yi Jeruzaalem'i mudikesi. Sa' yi ni'mire Gotiyaryabadaasi walaabathesi. Yi Sigunyav'i yagalya'mavoj'i walaabathesi. Yi ni'minne yaya mudike' sa' kiris'i yi sari pikarya yidavideleyi. ¹³ A'mwei kad'i'nakei yagaalya' kadika nayaa wi'nana! Yi yagaala daza' Kurya Tewaanyai Kiraazitiyainyire kusilaanyangiya anga geva gevanyaraavti wijawaakiwanikesi.

Anga Layothiziya mwaalyaraavina yagaalya' yida'nikeynesi.

¹⁴ Kiraazitiyainyire kusilaanyaviya Anga Layothiziya mwaalyaraavine ejeliyai mwaalikerine pikarya nayaa dara jitha!!

Sahwai Nebula Naangei, nebulya'ne aaya kaavilyai, Gotiyare yawita yuya nayaa l̄imwada nebulya'na ȳda'na jalikurakadelyi. Yuya Gotiyai wakyaakengina aaya kaavilyalyi. Sarei yagaala datha ḡmaryasivanaab! ¹⁵ Gim̄i ȳivaniginya yuya sabwina n̄imi mena gyawi'manige. Gim̄i ȳirila majivanigi. Ȳi n̄iminyina "Aala!" majivaniginyaiginyi. Nabaai ḡimi dika magiman! Ȳi n̄iminyina diraginna mȳvaniginyaiginyi. We! Dara gitihvanige. Gim̄i di'nakeiḡ mwaaidizi kwaj̄ wilki. Gim̄i ȳirijaiḡ mwaaidizi kwaj̄ wilki. ¹⁶ Kiri! aawa. Gim̄i di'naka maali'na gimanikeiginyi. Gim̄i di'naka nebulya'na maginyvan! Ȳi ḡimi ȳirija nebulya'na maginyvan!. Sareviadaa'nyi aalya di'mudinya maalika kininnake'b! sareiginya'ne'na n̄imire maangeviadaa'nyi wi'rya ḡmudakideiginyi. ¹⁷ Sare! dare'nanyi. Gim̄i dara dadinyaiginyi "N̄imi kwalaalya kininnakeinyi. Ȳi n̄imire ḡilyivita kwalaalya war! P̄inenna manyigainyvan!" Kiri! ḡiminyina aawa. Gim̄i wana kayaa'na mwaaihi. Ȳiniga wi'na ḡiminyina kale nyadeiginyi. Gim̄i wana ḡilyivi'maaya ȳnahune nebulya'nanyaiḡ mwaaihi. Ȳi ḡimi t̄inna tibinyaiginyi. Ȳi ḡimi kilaakejik̄ baazi'ma'nya'ne' n̄imire s̄imunya datha' ḡizaawa. N̄imire golya', sa' nawi'nya t̄rimaaya ȳma'nyavina dike' nake' diraginyasi. Ȳi ḡimi golya daza' dimubi! "Gotiyarine kwalaalya kininnakeinyi ȳma'n̄ima!" da'ḡizi sara dimubi! Ȳi ḡimire kilaakejik̄ baazi'ma'nya'ne' n̄imire baazi'ma'nya yaake' dimubi! "Ȳi baazi'ma'nya yaaka sa' yewaa'bwa'n̄ima! Ȳi nabaai kilaakejik̄'nanyainyi kuna mamwaalyi yadi wagila nanyivwa'nadika! A'mwera a'mwemilika t̄inna nanyangabithika! Ȳida'maraanga sabwi baazi'ma'n̄ima!" da'ḡizi sara dimubi! Ȳi ḡimi n̄imire minariwelivananya' ḡimire t̄innyaraari pu'nya'ne' dimubi! "Ȳi sareinyi t̄inna ȳiniga wi'na wanganima!" da'ḡizi sara dimubi! ¹⁹ Nabaai n̄imi a'mwe nȳvu'nadaasiya yuya saraavi maanga wi'dad sihwaraavi kumire yadivisabwi yavada'gaidinyainyi. Sareviadaa'nyi yi ḡimire sabwina s̄imunya mudikebwi jawiramaa! Nabaai s̄imunya nawi'nya' dike'b! kuna jawiribaina! ²⁰ Ȳithaa! N̄imi kaadihisav̄ daake. Ȳi n̄imi mala tamida'n̄ivanaabhe. Nabaai a'mwe pwai n̄imire maangiki nyu'noji yi kaanya sa' nȳbasamaraabazai yi nabaai gaminyi kusawi wi'lamuji salyi wileye'mwannamwaalidelyi. Salyi t̄ika ye'mwannanidelyi. Ȳi sai n̄imiji t̄ika ye'mwannanadelyi. ²¹ Nabaai a'mwei mala daza' wavilavajai, sihwari n̄imi "Ya," wi'didelyi. Sai namwaalyita kingiyavi nawi'nyaba n̄imiji nye'mwannamwaalade'na wi'didelyi. Sinnawi n̄imi kwainyi malya' wavilavebaaibi!, yi n̄imi N̄mwalyi gamire namwaalyita kingiyavi ye'mwannemwaalebaaibi! nye'mwannamwaaladelyi. ²² A'mwei kadik'nakei, sai yagaalya' kadika nayaa wi'nana! Ȳi yagaala daza' Kurya Tewaanyai Kiraazit̄yainyire kusilaanyangiya anga geva gevanyaaraavi wi'j̄waakivanikesi.

4

Gotiya Sigunyaviyarina yilaaya ya'nerinesi.

¹ Sa' mena kya' sagaa', ȳthaanyi, Sigunyav̄ kaadihita p̄ir! basinadaata yadiši n̄imi t̄inna wangamwe!. Ȳi maangwiraaya daza' sinnawi n̄imi kadika wi'ne sa' pihuliya'b! jaka diwa!. Daha! sa' dara nyidivani! "Munya davanna jiлаама! Giminyi yuya dividaa'nyi ȳma'nadenna givwaridaakudeinyi."

² Ȳi ȳme'nya'b! n̄iminyi Kurya Tewaanyai diraginna bulamwaaaina nȳwa!. Ȳthaanyi, Sigunyav̄ saba kingnamwaalyita p̄ir! daa'di'nyi'ya' t̄inna wanganna. Nabaai pwai yuyaraavi maremwaalya'nei namwaalyita dazavi ȳlamwaaidi'nyi wanganna. ³ Sahwai s̄ila nawi'nyai baake' ȳdada s̄ila nawi'nya wayaakei baaka ȳdadaa'nyi'ya'baaibisalyi. Kingnamwaalyisav̄ byaawila p̄ir! yagi'ma'n̄ikeri s̄ila nawi'nya ȳjuzai baaka ȳdadei t̄inna wanganna ȳwelyi. ⁴ Kingnamwaalyita dazayaba kingnamwaalyita p̄in yagi'ma'nata yadi'nyi wanganna. Namwaalyita

tⁱwedipoya sangⁱ a'mwe naanga tⁱwedipoyara mwaalina. Sahwara baazi'ma'nya yaake baazi'ma'nevera. Yⁱ kingⁱnamwaaihi'nya golⁱya kumⁱre miⁱnyagⁱnyangⁱ kⁱnⁱnnakera. ⁵ Yⁱ kingⁱnamwaalyisavⁱdaa'nyⁱ yⁱnamⁱraasavⁱre dⁱ'baake mwasabi'l lⁱvapⁱna yaka purinya yⁱnnynⁱna, yⁱ pa'da yⁱnnynⁱna, yⁱ yⁱ'munya pilⁱna. Nabaai kingⁱnamwaalyita dazavⁱ sⁱnnyⁱki dⁱ'baaka ata purⁱdaa'nyⁱ pwaraalya dⁱka yⁱda'nyⁱna. Dⁱ'baaka daza sa Gotⁱyare Kurya ata purⁱdaa'nyⁱ pwaraalyarera. ⁶ Yⁱ kingⁱnamwaalyisavⁱre kusⁱmagⁱ naanga saalaalya'bⁱsa' warⁱ!. Daza' yⁱ sⁱnⁱmwavanakurⁱka naangebis^a, yⁱ wana gⁱri'maaya nebulya'nanya' sⁱgujaaka sⁱrⁱmya'bⁱsasi.

Yⁱ tⁱnnnyaba namwaalyisavⁱ daraai daraala gaala kⁱnⁱnnakera daavⁱna. Yⁱ sahwara kingⁱnamwaalyita dazavⁱ dakwagi'maveva yⁱ daavⁱna. Daraai daraala dazara gaala mwaaleva kumⁱre tⁱnna kwalaalya kⁱnⁱnnakeraavi kusⁱmagⁱnyavijⁱ dusⁱmagⁱnyavijⁱ yunewinna bwakuke. ⁷ Gaala kⁱnⁱnnaka aaya mudi'nanyai yⁱ sai laayonⁱyaibⁱsai. Yⁱ sahwari ayawidaasi gaala kⁱnⁱnnakei yⁱ sai bulimakaawoya kwalyaibⁱsai. Yⁱ sahwari ayawidaasi gaala kⁱnⁱnnakei sai a'mwere sⁱnnyⁱbⁱsa' kⁱnⁱnnakei. Yⁱ sahwari ayawidaasi gaala kⁱnⁱnnakei yⁱ sai bwaangya pwai pⁱlavamaryadaa'nyⁱyaibⁱsai. ⁸ Daraai daraala gaala kⁱnⁱnnaka dazarajⁱya gazaizai piya ata purⁱdaa'nyⁱ pwainanya kⁱnⁱnnakelyⁱ. Yⁱ tⁱnna kwalaalya yunewinna mwasimagiⁱjⁱ kuta kimagiⁱjⁱ bwamwai-hukera. Yⁱ yⁱrikevijⁱ sawisavijⁱ sahwara daata dara dadivisare:

"Naangei, Gotⁱya Dⁱraginya Yuya Kⁱnⁱnnakei
Gⁱri'maayalyⁱ. Gⁱri'maayalyⁱ. Gⁱri'maayalyⁱ.
Tewaanyalyⁱ. Tewaanyalyⁱ. Tewaanyalyⁱ.
Gamⁱnyⁱ jaanna marinawaadelyⁱ.
'Gⁱmi gaveigⁱnyⁱ. Nemⁱbⁱtaigⁱ mi'.'
Sⁱnnewi kⁱgaa' sai mwalyaakelyⁱ.
Yⁱ dahaa' sai mwaalⁱ!.
Yⁱ nabaai sai yⁱma'naabathelyⁱ."

Sahwara yagaala daza' ja'na kwadiⁱka mudivitara mi'. ⁹ Gaala kⁱnⁱnnaka dazara yⁱlaaya yadivisare. Gotⁱyare kingⁱnamwaalyisavⁱ mwaaida yⁱ yuyagaa' yuyagaa' gaala mwaideri yⁱlaaya yadivisare. Yⁱ sahwara sahwari byaanna dⁱraginya' wiadivⁱ sahwari ne yaya' munyaba makidivⁱ! yⁱ "Su! Su!" wⁱdipi'dere. Yⁱ yuyagaa' gaala kⁱnⁱnnaka dazara sara kyapijⁱ ¹⁰ yⁱ a'mwe naanga (24) tⁱwedipoyara dazara Gotⁱyaryaba kingⁱnamwaalyisavⁱ mwaalikere sⁱnnyⁱki kwaakewi walamwaalibⁱdere. Yⁱ sahwai yuyagaa' yuyagaa' gaala mwaideri na sahwara lotuya yadivisare. Sahwara yawi'na "Nemire maremwaalya'nebwi gamiresira," kumⁱre kingⁱmwaaihi'nya golⁱya lⁱvaradivⁱ kingⁱnamwaalyisavⁱre gidikusaba wala'dengi. Sara yapijⁱ yⁱ daata dara dipi'dere:

¹¹ "Nemire Naangeigt, nemire Gotⁱyaigt!
A'mwe yuyara gⁱminyⁱna yⁱlaaya gya'neigⁱ
Gⁱmi saigt yⁱniga wi'na nebulya'nanyaigⁱnyi.
Yⁱ byaanna dⁱraginyabwi gⁱzaaya'na nawi'nyasi.
Yⁱ gⁱminne yaya' munyaba makilya'najⁱ
Yⁱ gⁱmi dⁱraginyabwi limwaga'dinne'najⁱ nawi'nyasi.
Sa' darevinyⁱ. Gⁱmi yuya wakyeigⁱnyi.
Yune gⁱmi're simunyaburina kwakye yⁱma'nyaakeigt.
Gⁱmi're simunyavidaa'nyⁱ yuya daza warⁱkengi. Mwaaihasangi."

¹ Yi kinginamwaalyisavi mwaaidi'nyiyare aangasiri nimi bukuya pwi tinna wangamwa. Si pikarya kinnake' kusawiji mwasimagi. Yi muritavayi'bwa'nika ata puridaa'nyi pwaraalya kinnaki. Yi yaasiwa'nanyai marilaaya'na sara muritavayi'bwa'nikilyi. ² Nimi ejeliya diraginnaka pwarit inna wangamwa. Sai gannya maangwiraayav iaka naangave'na dara diwa! "A'mwe tewaanyai bukuya diri yiniga wi'na tilaaya'nebwi kinnakei aaihwalaka? Tewaanyai diraginnakei bukuya diri pwiyinika diri yesivalasisa' ya'na aaihwalaka?" ³ Kiri' sasarei aane pwai kwai mi!. Sigunyav i mwaali kei aane pwai kwai mi!. Kwaakevaki mwaali kei aane pwai kwai mi!. Kwaakevi amwihi wilarikei aane pwai kwai mi!. Yiniga wi'na tilaayojo bukuya siri kusawi ja'na tinna wanganannei aane pwai kwai mi!. Arikewi. ⁴ Sarajiya a'mwe pwarit mabiramaari. Bukuya si tilaayojo kusawi tinna wanganannei tewaanyari mabiramariwaasa'na yi nimi konna kwalaalya diwa. ⁵ Konna dadaazi a'mwe naangerajya pwai nyidiwa! "Gimi konna kuna madinnera! Yithaa! Laayoniyai Juthare yita savaakiyai Ne Devitimore yita savaakidaasai, yisare pwipulyav i kwaraka yidevaabib' sara yima'nakei sai malya' wavilavakelyi. Sarevi yi sai bukuya si tilaaya'nei muritavayi'bwaterata puridaa'nyi saraala marapyasibwarakya'na yiniga wi'na yannelyi." ⁶ Sara kanyidiwa! nimi Sipizipiya Diwininyar i tinna wangamwa. Sahwai kinginamwaalyisavi gaala kinnakei daraai daraala dazaraayabaj a'mwe naanga dazaraayabaj tinnyaba daavina. Saba sai mena tamakesai ayina dikaa'nikabaaai daad'i'nyi wangamwa. Gamire minyaginyav i a'ba saanya diraginnaka ata puridaa'nyi pwaraalya kinnakei. Nabaai tinna ata puridaa'nyi pwaraalyara kinnakei. Yi tinna dazara yi Gotiyare Kurya ata puridaa'nyi pwaraalyarera. Gotiyai kwaaka yuyawi yunewinna maryasakere. Sipizipiya sasarer i tinna wangamwa.

⁷ Sipizipiya Diwininya dazai wawaka kinginamwaalyisavi mwaali kere aangasiri bukuya daza' ma'mwaawi!. ⁸ Bukuya mi'na kama'mwaawi sagaa' gaala kinnakei daraai daraala dazaraj a'mwe naanga tiwedipoya dazaraj Sipizipiya Diwininyaryaba gidikusaba kwaakewi wala'na. Sahwarajya gazaizai pirdazabisas diziya goloya piri si kinnakelyi. Yi diziya dazangi jitirinya yiravayihwia'ne yunebanna wilarikei. Wabatirinya daza' Gotiyare a'mwe tewaanyara Gotiyari widadivisangira. ⁹ Yi sahwara daata mudika piri' dara diwaa!:

"Bukuya daza' gimi maarya'neig"

Savire muritavayi'bwsa marapyasibwarakya'neig"

Yi yiniga wi'na nebulya'nanyaig nyi."

Sare' dare'nanyi. A'mwera giramesaig nyi."

Sasareigire tawevi a'mweraav i mubah."

Sahwara Gotiyarinna wijaaya'neraav i gimi."

Yita gazavaasavaakiyaraav ij yagaala ge gejyaraav ij

A'mwe kilaaka dala nabinabinyajiyaraav ij

Ajmya yuyangiya gazasavijyaraav ij mubamaaragi.

¹⁰ Nemire Gotiyarinna maremwaaidisaraav i wimwaihad i

Widaaya'nera Gotiyarinna yira'divisaraav i wimwaihagi.

Sahwara Kwaaka yuyavakijyaraav i maremwaabi derera."

¹¹ Nabaai nimi wangadi ejeliya kwalaalyaraavire maangwiraaya' kadika wi'niwa. Sahwara kinginamwaalyisavij gaala kinnakeraayabaj a'mwe naangeraayabaj gihipaledaa'na. Sahwara kwalaalya kwalaalyara mwaaiha'. Yi milion i milioniyaraji taawizani taawizaniyaraji kwalaalya naanga naangera mwaaihasare. ¹² Sahwara jaka diraginna dara diwaa!:

"Sipizipiya Diwininya dazar tamakesalyi."

Sai nawi'nya maarya'nei yiniga wi'nanyalyi."

Yि dazangि yilaaya maarannei yida'nanyalyi.
 Dıragınna maremwaalya'nebulyi gilyivikırvınakelyi
 Sıdu'nakebuliyi dıraginya naangebuliyi gamırengi.
 Gamıinne yaya' munyaba makılya'najı
 Byaanna dıraginya' yilaaya' wıjaaya'najı
 'Su! Su!' wıja'najı tewanya'nelyi.
 Yи sahwai gavei yiniga nebulya'nanyalyi."
¹³ Yи nımi Gotıyai yuya wakyaaka kwaraavı kadıka wi'niwe!. Yи Sigunyavı mwaai-hasaraavıji yи Kwaakevakı mwaaihasaraavıji yи kwaakevı amwihi wiłakasaraavıji yи saalaalyavı wiłamwaaishasaraavıji, yo, yuya sabanyaavı wiłamwaaihata kwaraavı wi'niwe!. Sahwara dara dıwaa!: "Kingınamwaalyıta savı mwaalıkelyi
 Sipızipıya Dıwınyıa kwalyı
 Saraai nawı'nya yuyabwi maarika!
 Yи su suyajı yaya makılyabulyi
 Byaanna dıragınyabulyi dıragınnakebuliyi
 Saraarı nawı'nya dazabwi kuna warana!
 Yuyagaa' yuyagaa' kuna warıbainana!"
¹⁴ Sara kadıwaa' gaala kınınnaka daraai daraala dazara yи dara dıwaa! "Yи sahırısi. Nebula naangesi." Yи a'mwe naangera kwaakewı walaruta'neva yи lotuya yıvanıga!. Yilaaya wivanıga!.

6

Sipızipıya Dıwınyai bukuyavıre murıtavayı'bwarake marapyasıbwarakake'nesi.

¹ Sipızipıya Dıwınyai bukuyavıre murıtavayı'bwaraka ata purıdaa'nyı pwaraalyangi aaya mudı'nanya' marapyasıbwarakına yadaa'nyı yи nımi tınnna wangamwa. Sipızipıya Dıwınyai marapyasıbwarakına kyıwa' gaala kınınnaka daraai daraalyaraavıdaa'nyı pwai yи sigunyavı yı'munya pidevaabi' gamıre maangwıraaya' jaka naanga dına "Kaaja!" ² Yи nımi tınnna ayahi wanganna. Yıthaanyı, ozıya yaaka pwarı tınnna wangamwa. Yи a'mwei yılamwaaidi'nyı mwaryagınyısi lımwamwakei. Sahwarına kingımwaaihı'nya pıri' wıjawaasa' malyavı wavılaya'ne!. Yи sai mala kwalaalya wavılaya'nei wawoka "Mala'na wavılavıma!" daka wına yıwa!.

³ Dıwınyai wıla ata purıdaa'nyı pwaraalya ayawıdaası bukuyavı pwıyıñike' pyaasıbwa'na kyıwa' nımi kadıka wi'nyına. Yи gaala kınınnaka ayawıdaasai dına "Kaaja!" ⁴ Yи ozıya pwai yı'mavaabına. Sai wayaakei. A'mwei ozıya dazarı yılamwaaidi'nyıyarına dıragınyabwi wıjawaasai. Sahwai dıraginya sabwi maaraka tewanyaagaa' yи naryagaa' yıñiga marası'nya'nelyi. "A'mwe Kwaakevakıyara tamakıñıpıka!" daka sara yıwa!. Sarevı yı sarına kwaari'masıramınya naanga pıri' wıjawaasa' wawınya dazahırı' ya'ne!.

⁵ Dıwınyai wıla ayawıdaasa' bukuyavı pwıyıñike' pyaasıbwa'na kyıwa' yи nımi kadıka wi'nyına. Gaala kınınnaka ayawıdaasai dına "Kaaja!" Yıthaanyı, nımi ozıya dıkwaagıla pwarı tınnna wanganna. Yи a'mwei yılamwaalakei gamıre asırı sikelıya pıri' tıka nya'ne maraya'ne' lımwamwa!. ⁶ Yи gaala kınınnaka daraai daraalyara mwaaihata saraavı tınnnyaba maangwıraaya'bı' nımi kadıka wi'nyına. Yи maangwıraaya daza' dara dına "Mıjıkegaakıra. Maalıtaaya witımaa'gula pwarı nıgwia yune paaivı kinaayavıne'na (yırıka gavevi wawınya ya'ne nıgwia!) gımi sikelıya dımarayı! Yи maa'gula maalıka daraai dalyangı baaliya (witıyabı!) nıgwia yune paaivı kinaayavıne'na sikelıya dımarayı! Aawapaaya wıgainajahaa' kırı' welivananya yıdike'nesi waainıyası kayaaka migalakınnna!"

⁷ Yı Dıwinyai wıla bukuyavı pwıyınike' dawaai dawaalya' pyaasıbwa'na kyıwa' yı nımi kadıka wınyına. Yı gaala kınınnaka daraai daraalyai aayai sare maangwıraaya' dına "Kaaja!" ⁸ Sara kyıwa' nımi ayahi tınna wanganna. Yıthaanyi, ozıya nabılıkılaa'naka pwarı wanganna. Yı, sari yılamwaalıkerı gamınnę yaya' "Baryabulyıyala." Yı sahwarı Bainıkeraayabanya' mıjamaridınyıyası. A'mwe yuyavakaavı Gotıyai marajaapaina yaka dına "Dıragınya dare' yıhızaawa. Yuyawı a'mwe daraai dalyaraavı tamıvainyına yakırı a'mwe gave pwarı dıramakyı! Gazawızawı a'mwe daraai dalyaraavı tamıvainyına, gave pwarı tamakına. Sana sana jidewaaihılyı. Yı sare'ne dıragınya' kihızaava'mujı yı pwaraavı kwaari'masıramınyası tamakına, yı pwaraavı mıjıka naangesı tamakına, yı pwaraavı nalaaya nabinabinyajı tamakına, yı pwaraavı laayonıyarajı sıgyaaryarajı dawakına jidewaaihılyı."

⁹ Yı Dıwinyai atılya' wıla bukuyavı pwıyınike' pyaasıbwa'na kyıwa' yı nımi tınna wanganna. A'mwe bainıka pwaraavıre kuryara Gotıyare kwaraanyaba kwaakewı mwaaidapiyaraavı wanganna. Sınnawı a'mwe dazara Gotıyare ya-gaalya' dıragınnı lımwagaresare. Yı sara yadıvı' yagaala daza' jalıkurakesare. Sare'na sahwaraavı Gotıyare yıkamaangera tamakına yesare. ¹⁰ Kurya dazara maangwıraaya jaka dıragınnı dara dıwaa! "Kingıya Naangeigi yuyangıneigi gımı nawı'nya mwaaihı. Gırıka maayaigı. Yı gımıre sabwi yı nebulya'na yunewınnanyası. Sareigı, mena gatha'daregaa' kyıwawojı gımı kotıya' a'mwe Kwaakevakı mwaai-hasaraavı jıtheigına?" Yı sahwaraavı nemıre tawenna gathıngaa' dırıvıki'deigına?" ¹¹ Sara dına kyıwaa' Gotıyai gazarınazarına baazi'ma'nya yaake' saamınya' wıjaavına. Yı wıjaavına yaka sahwaraavı wıdına "Sarımı maalıkegaa' kave kwaamu' dımwaaalyı! Dıvi yıkamaangera sarımıre avaaiyaasıwa'wawınyaraavı, sırya'mweraavı tamakıpı'dere. Yı yıhıramaketabaabı' tamakıpı'dehaa'nanyı. Yı nımi yawı'na yage yunegaa'nera yınıga sara baibı'dehaa' yı nabaai sarımıre tawejı'na tıvıkirideinyı."

¹² Dıwinyai wıla ata purıdaa'nyı dalya' bukuyavı pwıyınike' pyasıbwa'daa'nyı nımi tınna ayahi wanganna. Kwaakevakı wınińya naange' kyıma'nıwa' tınna wanganna. Yı nyılyai tınga naange' yıma'nyına. Sai yırıka mavuri. Yı lawei yuya wayaaka tawel'bısa' yıma'nyına. ¹³ Sıgunyayıya sılıngaamınya sa kwaakebanna bwala'na. Yısla yıta pihiyare mya milyadı'nyı yıhuta naange' purakı'daa'nyı bwala'daawadevaabı' kwaakebanna bwala'na. ¹⁴ Sıgunya kırısı sa' mena wına. Yı lamulyı' pwalagı'mwadıvı' wakadıvıtabaabı' sıgunya' gı'mwanniwake' yımaanyına. Yı yuya mugunyajı ahu'mannyajı kumıre wa'dıvısaba yagalya'ma'na, yı sangina gınyımwaaina yıwaa!. ¹⁵ Yı kingıya Kwaakevakıyarajı yı maremwaaidıvısarajı yı mala aawılasaraavı maremwaala naangerajı yı a'mwe nıgwıhırvınakerarıjı yı a'mwe dıragınaangerajı yı yaasiwa'wawınya wıdaayadıvıta gazarazarajı yı pwara kumıre wawınya yadıvıta gazarazarajı yuya sahwara Kwaakevakıya situsangı lıka yulyaramaripı'dere. Yı sıla mugunya naangengı kusawı lıka wılapı'dere. ¹⁶ Yı sahwara yuya mugunyajı sılaangeji jaka dara dıwaasare "We!" Sarımı nımińyı a'badaa'nyı jılanyılabwaraama! Gotıyare sınnıyıkı, kingınamwaalyısavı mwaalıkerıji yı Dıwinyare sınnı tıkevıji lıka dımaraneyulakya! ¹⁷ Sare' dare'nanyı. Yırıka naanga dazaraare dazagaa' yı sımlılıka wıladehaakı. Kayaa'nanya' tıvıkırya'ne' dahaa' sa' mena yıma'nıwa'. Sarevıdaa'nyı yınıga aaihwai daavojı yı daza' wavılavadelaka! Aawa."

dawaalya dīraginna līmwaga'na. “Dahaa' yīhuta sa yīhu'maanarya Kwaakevakījī saalaalyavījī yīta gazarīzarījī nyadīka!” deva dīraginna līmwaga'na. ² Yī ejeliya pwai nyīlyai bilyīrī'dimagī yidawadaa'nyīyarī nīmī tīnna wanganna. Ejeliya sai Gotīya gaala mwaalikere yavīkwajīke' līmwagaka yī sai maangwīraaya jika dīraginna naanga'na dīna. Yī ejeliya daraai daraala dazaraavīna Gotīyai dīraginna wījaavakera kwaakesī saalaalyasi kayaaka yīgalakya'neraavi yī sahwaraavī jika dīna. ³ Yī jaka dara dīwa! “Sarīmī dahaa' Kwaakevesī saalaalyasi yīsarajī kayaaka yīme'nya'bī' migalakīpīna! Nemī nemīre Gotīyare yaasīwa'wawīnyaraavīre yamengī gamīre yavīkwajīka pīkarya yaadehaa'nanyī. Sara kyawaajī sarīmī sahwaraavī migalaki yapijī gave pwaraavī jīhalakyidehīlyī.” ⁴ Yī a'mwe yavīkwajīka pīkarya' ma'mwaasaraavīne ata dahīlya' kanyīdīwa' nīmī kadīka wī'nīwe!. A'mwe sahwaraavī pīkarya wakīwaka kwala naanga (144,000) sara. Yī Yīzīrelīyaraavī yīta gazavaasavaakīya pwara yavīkwajīka pīkarya ma'mwaasara. ⁵ Yī Juthare yīsavaakīyara kwalaalyara (12,000) pīkarya ma'mwaasara. Yī Ruvenīmīre yīsavaakīyara 12,000. Yī Gaatīmīre yīsavaakīyara 12,000. ⁶ Yī Aazare yīsavaakīyara 12,000. Yī Napītalaare yīsavaakīyara 12,000. Yī Manaazare yīsavaakīyara 12,000. ⁷ Yī Sīmīyonīmīre yīsavaakīyara 12,000. Yī Livaayare yīsavaakīyara 12,000. Yī Yīzakaamīre yīsavaakīyara 12,000. ⁸ Yī Sevyulanīmīre yīsavaakīyara 12,000. Yī Jozepīyare yīsavaakīyara 12,000. Yī Bejaminīmīre yīsavaakīyara 12,000. A'mwe dazara yī Gotīyare yavīkwajīka pīkarya' ma'mwaasare.

A'mwe kwalaalya naangera baazi'ma'nya yaake baazi'ma'nīkeraavīnesi.

⁹ Yuya daza mena kya', yīthaanyi, a'mwe kwalaalya naanga naangera yī'bwa'nemwaaidapi nīmī tīnna wanganna. Yī kumīnyī a'mwei ata yīnīga wi'na gīlannerāavīna mī!. A'mwe dazara ajīmya yuyangīya gazasavīyaraayawījī yīta gazavaasavaasīyaraayawījī kīlaaka nabinabinyajīyaraayawījī yagaala ge gejīyaraayawījī yī sahibadaasare. Sahwara kingīnamwaalyīsavīre sīnnyīkījī Dīwīnya Sipīzipīyare sīnnyīkījī daavīna. Baazi'ma'nya yaaka saamīgwazaaya wakevera yī kumīre asīraavī maimunyarabī'ne līmwageva ¹⁰ maangwīraaya naange' jika dīraginna dara dīwaa! “Nemīre Gotīyai sai kingīnamwaalyīsavī mwaalikelyī yī Sipīzipīya Dīwīnyalyī saraai mena nevadaihasama'mwaalyaraalyī. Naangebulā!” ¹¹ Yī ejeliya yuyara kingīnamwaalyīsavījī a'mwe naangeraayawījī gaala kīnīnnaka daraai daraalyaraayawījī daaveva yunewīnna bathakulaawesare. Yī sahwara kingīnamwaalyīsayaba gidīkusaba kumīre sīnnyī' kwaakewī walaruta'nareva Gotīyarī lotuya'na yīlaaya yīwaa!. ¹² Sahwara dara dīna:

“Sahīrisī. Nebula naangesī.

Nemīre Gotīyarī yīlaayabwi wiaana!

Byaanna dīraginna' kuna warana!

Sīdu'nakeburī aaya kaavīlyala!

‘Su! Su!’ wīdaana!

Gamīnne yaya' munyaba makīlaana!

Dīraginna maremwaalya'nebulyī dīraginna naangebulyī

Yī saharebwī kuna kuna warana!

Yuyagaa' yuyagaa' dazabura waragwona!

Sahīrisī. Nebula naangesī!”

¹³ A'mwe naangerajīya pwai ja'nanyīdīwa! “A'mwe baazi'ma'nya yaaka saamīgwazaaya yīra'neve dazara aaihwaravaavaka? A'mwe saraavī jawī'mwaa gawīdaa'nyara?” ¹⁴ Sara kanyīdīwa! “Nīmīre naangeigī, bewara dīngaka! Nīmī myawīriwa. Saigī yawī'manīgī.” Yī sai nyīdīwa! “A'mwe dazara yīkamaangeraavī taanginya naangejī daangejī maare!. Yī taanginya naanga savīdaasare. Yī kumīre baazi'ma'nya Dīwīnyare tawevī aalya yesa'nanyī. Sarevī baazi'ma'nya daza yaaka

wannyina ya!. ¹⁵ Sarevidaa'nyi sahwara Gotiyare kinginamwaalyisav kusimagi daa'divisare.

Nyilyaviji sawisaviji lotuya yadivisare.

Gamire anga nawi'nyav sara yadivisare.

Kinginamwaalyisav mwaidei ye'mwannamwaaloji

Yi sahwaraav maredaa'da kimata bwakedaavadelyi.

¹⁶ Sahwara mijika ayahi yipi'dera mi!.

Nabaai aalya'na ayahi baib'i'dera mi!.

Nyilyai mala tamya'ne'b'i d'raginna widathera mi!.

Dika naanga gazasa' daanga wi'dathera mi!.

¹⁷ Dare' nanyi. Diwinaya Sipizipiyai wimaremwaaladelyi.

Kinginamwaalyisayaba kumire maremwaalyai mwaaladei.

Sahwaraav aaliyimnya nawi'nya yirijava wibwaridaakwadelyi.

Aalya gaala kininnake' nya'neraav makwawodei.

Nabaai Gotiyai kumire tinnyaraav yimwagatheli.

Kidalaalya gazasa' yaalika kave yimwagathei.

Yi sahwara kinna ayahi dipi'dera mi!."

8

Bukuyavi pwiyinika wilata puridaa'nyi pwaraalya' marapyisbwarakene

¹ Sipizipiya Diwinaya wilaya' bukuyavi pwiyinike' ata puridaa'nyi pwaraalya' mena marapyisbwamwa'. Yi Sigunyavi saba yagaala maayawi kuna yada nyitaka pimagineya'b'i' (aapi-aawaaya sagaa') wavila'na yiwa!. ² Wavila'na kyiwa' ejeliya ata puridaa'nyi pwaraalyara Gotiyare sinniyiki' daa'dapi nimti tenna wanganna. Yi sahwaraavina pihuliya ata puridaa'nyi pwaraalya wijaavina yiwa!. ³ Yi ejeliya pwai Gotiyare kwaraanyaba gidikusaba buladaa'na. Yi sai maa'gula goloya' wabatirinya yiravayhwia'ne' limwagakei. Sahwarina paawiraayana kwalaalya wabatirinya yiravayhwia'ne' wijaawakei sai a'mwe Gotiyare tewaanyaraavire wija Gotiyarineji mari'bwarakya ya'nei. Yi sahwai kinginamwaalyisav kusmaginya dibinya goloya warika dazavi Gotiyarina wija Gotiyarina wijaaya'bisa' wabatirinya mari'bwarakya ya'nei. ⁴ Yi paawiraaya dazangire jita wabatirinyasi Gotiyare tewaanyaraavire gaminyi wija yagaalyaji ejeliyare asiri limwagakevidaa'nyi yilaawaka munyaba Gotiyare sinniyiki' yi'ma'mwakengi. ⁵ Sara yaka sai yikunaabit'h'maa'gulya' maaraka dike' yi dikwaraka kwaraanyaba maaraka yi maa'gulyavi maradi'gwalaka yi sai dike' livaramwake' Kwaakevakina waimwaawi!. Sai mena kalivaramwa' yi sagaa' yi'munya pilina, purinya yinnyina, yinamiraasavire dibbaake mwasabi' livapina, yi sagaa' Kwaakeva' wininya' yi'na yakengi.

Ejeliyara pihuliya makuresa'nesi.

⁶ Ejeliya ata puridaa'nyi pwaraala dazara pihuliya ata puridaa'nyi pwaraala daza limwagarevera pihuliya pwa'nyi makusa'na yavada'galayovravalimwanna yiwa!.

⁷ Yi ejeliya aaya mudi'nanyai gamire pihuliya' pwa'nyi maku'na kyiwa' sirimyas dikesi tawe ye'mwannayima'naabina yaka Kwaakevakina walaraawina yiwa!. Kwaaka yuyangi dawaai dasmagi jaapaina yinikeba dawaalyaba tewaanya wa'di'nyi piba saba dike' nyina. Nabaai yita yuyaraav dawaai dasmagi jaapaina yinikeba dawaalyaba tewaanya wa'di'nyi piba saba dike' nyina. Yi kurvaariya yuyangi yi sa kinngiji dike' baihinyina yiwa!. ⁸ Yi ejeliya ayawidaasai (2) gamire pihuliya' pwa'nyi maku'na kyiwa' mugunya naange' nadasasya'bisa' dika naange' saalaalyavina walaraawina. Yi saalaalya dawaai dasmagi jaapaina yinika davanyaai tewaanya wa'di'nyi pimagineyavaa' tawe' yi'ma'nyina. ⁹ Saalaalyav gaala mwaaihasaraav maraligisivaina yinika dawaai dasmagi jaapaina yimana kyiwa' yi pimagineya pivaa'

mena balina yiwaa!. Yt sipi yangina maraligisivainika dawaai dasimaginya yima'nyina kyiwa! yt sipiya pimagineya pivaal kayaaka mena yinyina yiwaa!. ¹⁰ Yt ejeliya ayawidaasa pwai daraai dalyai (3) gamire pihuliya' pwa'nyi maku'na kyiwa' silingaaminya naanga piri' di'baake' wana dik Nebulyab'i yidiwake' yt sa' sigunyavt yilamakwasaawaka yt bwala'na. Aalya yuyangijt aaliyiminya yuyangijt sangi dawaai dasmaginya maraligisivainika davanyaai wa'di'nyi aalya pimagineya piningi silingaaminya' bwala'na. ¹¹ Silingaaminya dazavine yaya' dara wo'nike' "Yirike". Kayaakuryava." Aalya yuyangi pimagineya savaa' yirike' yima'nyina yiwaa!. A'mwe kwalaalyara aalya daza' neva yt aalya' kumire munyikti dik Kubaihinniwa' yt sahwara mena baimwaa!. ¹² Yt ejeliya ayawidaasa pwai daraai daraalyai (4) gamire pihuliya' pwa'nyi kamaku'mwa' yt nabaai nyiliyarijti lawerijti yuya silingaaminyangijt tamina yaka yt nyiliyare dawaai dasmagidaasa pimagi yigalakina. Yt lawere dawaai dasmagidaasa pimagi yigalakina. Yt silingaaminyangi dawaai dasmagidaasa pimagi yigalakina. Sarevdaa'nyi kumire baaka pade dahasaai nayaa wa'di'nyi baaka pade pimagineya' jihinya ya'na yina. Yt nyiliyai yirikevi dahasaalyagaa' naangeegaa' (2) nayaa purina yada yirikevi maalikegaa' (1) mavuri. Yt nabaai sawita pimagineya' sara mavuri yiwaa!.

¹³ Yt bwaangya naanga pwai sigunyavt tinnyaba pilavamaryadaa'nyi nimti tinnna wanganna. Yt nimti kadika wt'nyina yadaazi sai maangwiraaya jakat diraginna dara dina "We!! We!! We!! A'mwe Kwaakevakti mwaaihata kemwaraavina dahasaai dhaaa' kale nyiwa!. Ejeliya daraai dala pwara pihuliya pwa'nyi kamakurapi yt nabaai taanginya naange' sahwaraavt yima'nadesi."

9

¹ Yt ejeliya atilyai (5) gamire pihuliya' pwa'nyi kamaku'mwa' silingaaminya pwai Sigunyavidaa'nyi Kwaakevakina mena bwala'mwakeri nimti tinnna wanganna. Yt tinnna kuna wanganna yadaazi sahwariina kiya' wijaavina. Kiya daza' yirorila yune kewewinti yinigwalaawaka yt daanga maaya dazavine tikurya' baasa'nesi. ² Sai yirorilyavt tikurya daza' kabaasiwa' yt yirorilyavidaa'nyi jisa' yilina. Saaidika naangevire jita sa'b'i' yilina yaka nyiliyarijti yihusavaakijti galabi'ji'na kyiwa' yt nyiliyaltyi yihusasi jihinya yima'nyina yiwaa!. ³ Jihinya yima'nyina yadaa'nyi jita savidaa'nyi baarinnyara yima'naabina yeva yt Kwaakevakina walaawina yiwaa!. Yt sahwara diraginya' diraavalyyare diraginya'b'i' maarina. Yt Kwaakevakiyia diraavalyyara a'mweraavt kayaaka yigaidivitabaaibti' kayaa'na ya'ne diraginya' maarina yiwaa!. ⁴ Maarina yeva yagaalya' dara maarina "Sarimi kurivaariyangijti Kwaakevakti dala pininna pininnanya yiri'nade sangijti yita gazarizarijti kayaaka migalakipina! Aawa. A'mwe Gotiyare yavikwajika pikarya' kumire yamengi maayaraavt yt dazaraavt kayaaka nayaa jihalakyi! ⁵ Sarimi a'mwe dazahwaraavt daanga naanga jit'mwagyidere. Kuna yiwopiji yune lawe atinanyangina. Kirti' sahwaraavt tamakya mipina!" Yt baarinna dazara a'mweraavina daanga kayaa'nanya' wijaavadivisara. Yirivaburyara a'mweraavt tika da'divti' daanga wijaavadivitabaaibti' wijaavina. ⁶ Yt daanga dazagaa' a'mwera balya ya'ne tusa'na bi'divti' kirti' sahwara tinnna mwanganyadivisare. Arikawi. Sahwara "Balaana!" kuna yawi'divisare. Kirti' baryabwi sahwaraavt likaanya wodesi.

⁷ Baarinna dazara oziyara mala ya'neraayawinnra yawimwavedaa'divitabaaibisare. Kumire minyaginyang kingimwaaiah'i'nya goliyabis aylarikera. Yt kumire sinnyi' a'mwere sinnyi'bisi!. ⁸ Yt kumire mijasa saamnaange, a'mwe kinningire mijasabisa. Yt kumire maangerika kavijilikere maangebis, yt laayoniyare saanyabis. ⁹ Kumire kihisangi baazi'ma'nya kaapaayabis saabya' maredaa'nikengi. Yt kumire piya kaariziya kwalaalyabi' oziyara mwagi'namakwodaapi mala'nera pa'da pa'da

yinnadevaabi' woryaraavire piyangi pa'da pa'da yinikesi. ¹⁰ Kumire suyarika yirvaburyaraavirebaabi'sarika. Yi suyariki kumire langeri' kwaaminya daanga wijsaya'ne' kininnakeri' war! Nabaai kumire langerikajti daanga naanga daza' a'mweraavi kayaaka yigalya'nera. Sahwara daanga naanga daza' wijsaya'ne diragi'nya' yune lawe atinanyangina maa'nikere. ¹¹ Kuminyi munyaba kumire maremwaaiidei yi sai yirori'la yune kewewini yinigwalaawika yi daanga maayaviy ejeliyalyi. Sarere yaya! Yiruyagaalyavi Aavathoni, yi Girikiyagaalyavi Aapoliyoni. Yayavi aaya kaavilyasi, "Yuyangi Kayaaka Yigalakadei."

¹² Sinnawinya taanginya naange' sa' menanyi. We' sinnawinya daza' menanyi. Ythaanyi, taanginya piri'waai di'vidaa'nyi yima'naabathewaai kuna war!

¹³ Yi ejeliya ata puridaa'nyi pwai (6) gamire pihuliya' pwa'nyi kamaku'mwa' Gotiyare sinniyiki' di'binya goliyavti saanya dawaai dawaalyaba tinnyaba maangwiraaya piri' dina. Sa' dina yadaa'nyi nimti kadika wi'niwe'. ¹⁴ Yi maangwiraaya daza' ejeliya ata puridaa'nyi pwai pihuliya' limwagarikeri' dara widina "Aalya naanga Yupiretziyaviya ejeliya daraai daraala sara wila yi'nakasara saraavti dimakwaasa!" ¹⁵ Widina kyawa' ejeliya sai ejeliya daraai daraala saraavti makwaasina kyawa' Gotiyai a'mwe yuyaraavi yita davakaai dava'nevi jaapaina yada gave piva'a'na sahwara tamakya'neraavti dahilakinkera yovrawakigasare. Yi sarera aawaaya nyihaanya daza'na, yi yirika dazariki, yi lawe daziki, yi kwarame yune dazavina wawinya daza' ya'nera yovrawakinikere. ¹⁶ Yi ata gilyara aawlasara oziyaraavti mwaaihasara yi tu aadireti milioniyara. Kumire ata gilya'na nimti kadika wi'niwe'. ¹⁷ Yi nimti a'mabaaitinnya' ya'nena tinnna dara wanganna. Oziyaraavti oziyaraavti ylamwaaleveraavti kumire sabwi darera. A'mwera kihisangi baazi'ma'nya kaapaaya baazi'ma'nevera, yi kumire kalaaya dazangire sa dikevitya wayaaka, yi gwaagwaja yi saalipaayaviy awi'ja kininnakera. Oziyaraavire minyaginya yi kavijili'keibita laayoniyaraavire minyaginyabisangi. Yi kumire maangengi dikesi jisasi silla saalipaayasi yima'naka mwasabi' livapina. ¹⁸ Kayaa'nanaanga dawaai data daza a'mwe pimagineya savaa' tamakina. Yi yuyaraavtya davakaai mwaaidakilyiyaraavti maramaki yadiyi' yuyaraavti davaa' mwaaidi'nyiyaraavti tamakina. Yi dika dazasi yi jisasi yi silla saalipaayasi sahwaraavti tamakina. Oziyaraavire maangengidaa'nyi livapina yaka tamakina. ¹⁹ Sare' dare'nesi. Oziya dazaraavire diragi'nya' tamakya'ne diragi'nya' maangikiji' warina, likikiji' warina. Sare' dare'nesi. Kumire sua kamaalyarabisangi. Yi kamaaiminyaginya kininnakengi. Yi dazaji a'mweraavti kayaaka yigalakadivisare.

²⁰ A'mwe yuya pwara, kayaa'nanaanga daza tamakagihiwakera tinnna nayaa wanganeva kiri' kumire asaji yavikaryadivita sangina kumire simunyabwi mudikebwi kuna myawiramariwaa!. Arikewi. Yimakeraavi lotuya ya sabwi, yi kwaasigotiyaraavti sahwara yavikaryadivita goliyajti silivaayajti biraaziyajti silayarajti ysarajti saraavti yilaaya'na bule'na wijsavadivitara mi!. Yi kwaasigotiyada zara yi tinnna yiniga mwanganyadivti kadika yiniga mu'nyadivi' kaanya yiniga yamaryadivitara mi!. ²¹ Yi a'mwe dazara kumire a'mwe pwaraavti tamakyabulyigiri'nya yabulyi ata limwangebuliyi kukebuliyi sasare sabwi kiburina simunya mudikebwi yawramaa'divitara mi!.

10

Ejeliyai bukuya maalike' Jonimina kujaava' ti'ka nake'nesi.

¹ Ejeliya pwai diragi'naangei Sigunyabadaa'nyi waidavadaa'nyi nimti tinnna wanganna. Sai gannya kilaakejiki yiraayasi bwaakinkeri, yi gamire minyaginyavti byaawilya' widaadidi'nyiyai, yi gamire sinniyi' nyilyaibi' yidadaa'nyi, yi gamire sivilyaraai dihbya'bti ditaalita saaminyawa' yidadaasiya'bisaraai. ² Sarei gamire

asiri bukuya maalikaaya pwi limwagakei, yi bukuyi tilaayinaka warina yadi'nyiyai. Sai saalaalyav i gamire sivila aangasi yilakad i'nyi yi kwaakevak i sivila kwanaami yilakina yaka daavina yiwa¹. ³ Daavina yada kavijilikeibisai laayoniyai pwaka dadevaabib i sai jaka naanga diraginna dinna. Jaka sara dinna kyiwa sagaa' yi'munya ata puridaa'nyi daraala sa kumire maangwiraaya pilina. ⁴ Sara pilina kyiwa nimi yawi'na "Kumire yagaalya' yidavima!" yawi'na yena yiwe!. Nimi kadika wi'nyina yadaazi Sigunyavidaa'nyi maangwiraaya piri' dinna "Yi'munya ata puridaa'nyi pwaraalyangire yagaala pimwake' sa' gimirre simunyav i nayaa marabipalemwaaina ji! Pitkarya mida'dinna!" ⁵ Dina kyiwa ejeliya dazai saalaalyaviji kwaakevakiji daa'di'nyi nimi tinna wangamwei "Yagaala naange' dima!" daka Sigunyav i gamire aangasi munyaba makina yaka ⁶ dinna "Gotiyarie yayavi yagaala nebulya' warya'ne' dima! Yi Gotiyai sai yuyagaa' yuyagaa' gaala mwaaiidei, sai Sigunya' wakyakesi yuya Sigunyav i warikejt, yi kwaakesi yuya kwaakevi warikejt, yi saalaalya kirisit yuya saalaalyav i warikejt yuya sa wakyakei gamire yayavi yagaala nebulya' dima! Yirikeri' mena yaja sagaa!. Gotiyai yemwaala ayahi pizi'gwa yadei mi!. ⁷ Aawa. Divi ejeliya ata puridaa'nyi pwaraalyai pihuluya' kamakuroji, yi gamire jake' kinnoji yi dazagaa' sagaa' Gotiyare yoimavajalikurakya sa' menanyi. Yi sa' Gotiyai wana nebulya'na yadesi. Yi gamire yaasiwa'wawinyara, gaminyi wi'nawi'jiaakadivita saraav i nayaa sara widakabaaib i sara yi'ma'naabakesi!"

⁸ Yi maangwiraaya daza' sinnawi Sigunyavidaa'nyi kyima'niwa' nimi kadika wi'niwe' nimi nyi ayahi dara widina "Ejeliya saalaalyaviji kwaakevakiji daavakere asiri bukuya dazi tilaayinika si dimaraawa!" ⁹ Sara widina kanyiwa' nimi ejeliyaryawinna kaanna wi'na yena, yi sari nimi widina "Bukuya maalika dazi dinya'jaama!" widina kye, yi, sai nimi nyi widina "Di maara'gizi tika dinigu'na! Yi sa' gimirre munyiki yirika gima'nadesi. Kiri' nabaai gimirre maangiki kaamyoikwarakebi' waburya gyathesi." ¹⁰ Sai mena kanyidiwa' yi nimi ejeliyare asiri bukuya maalika dazi maarina yena yi nimi tika nyina. Yi nimirre maangevi yi sa' kaamyoikwarakebi' waburya yi'na. Kiri' nimi mena kaniwa yi sa' nimirre munyiki yirika nyiwa!. ¹¹ Yi nimi nyi wi'ja' dara din'i "Gimi Gotiyare yagaalya' (yikwia' niwaanya) yi'ma'nadenna nayaa ayahi duziwaaki! Yi kilaaka dala nabinabinya kwalaalyara, ajimya yuyangiyara kwalaalyara, yagaala ge gejiya kwalaalyara, kingiya kwalaalyaraj i saraavina duziwaaki! Sara ja!"

11

A'mwe pwaraai yagaalya' jalikurakagilya'nesi.

¹ Nimi nyina yannyari' wi'jaavina. Yanna sari' yaamiji yunebanna ya'neri!, yita kaanya yade mavamarya ya'neri'bisari!. Yi wi'jaavina nyaka nimi nyi widina "Gimi wawa'gizi Gotiyare anga nawi'nyavi Gotiyarie kwaraanya kirivi'ji yunebanna yaamiji'yi'ita dakya! Nabaai sahwarina lotuya (yi'laaya) yadivita a'mweraavina ata dihi! ² Kiri' anga nawi'nyavi kurita dazav i mwasilaa warikevi yaamiji'yi'ita mwakinna! Sa' yi gimi nayaa yagalya'ma'na ji! Waramaryana! Mwasimagi'nya daza' yi sa' ajimya yuyangiyara mu'nyadivisaraavire' yi'ma'niwa!. Yi sahwara anga naanga nawi'nyaba (Jeruzaalem) sivila paihipidere. Kuna yi'wopiji lawe 42 (yirika 1260) yidaakupi'dehaa'nanyi. ³ Yi nabaai nimi a'mwe pwaraala dazaraai nimi nyi jalikurakya'neraarina maryasaabi'deraalyi. Yi saraai bekoya kale'naji simunya mudikebwi yawramaarya'naji sa' baazi'ma'nakilyi yi nimi nyi nyu'nakilyi pwaraav i wi'jiaakikaderaalyi. Kuna yi'wokilyi yune yirika 1260 sagaa'nanyi." ⁴ Saraai yita woliviyawaalyi. Yi laamivananya' yilakya'newaalyi. Yi sareraai kwaaka yuyavaakine Naangere sinniyiki daakilyaraalyi. Wolivwelivananya' laamivananyav i dika yewita'div'i baaka wannadevaabib i saraai Gotiyare Kuryare

dīraginya' jalikurakikaderaalyi. ⁵ Nabaai a'mwe pwai kwai "Saraari kayaa'na yigalima!" dozi yajai, yi nabaai saraare maangeviadaa'nyi dike' yima'noji sahwaraare yikamaangeraav'i dika nakadere. Yo, a'mwei "Saraari kayaa'na yigalima!" dozi yajai yi sasare dazaburi sai balina yadelyi. ⁶ Saraai dīraginya' kininnakeraalyi. Yuya sagaa' saraai Gotiyare yagaalya' wi'nyina yakilyi pwaraavi wijiwakadaakilyiyagaa'na yiraaya' galalimwagya'ne' yi burike' maya'ne dīraginya' kininnakeraai. Yi saraai aalya yuya tawe yimawakya'neraai, yi a'mwe Kwaakevakiyaraav'i kayaaka yigalakya'neraav'i kayaaka dala pininnanyaji tamya'ne dīraginya'syaraalyi. Yuya sagaa' saraai "Sara yaka!" dakilyiya' yi saraai yiniga wi'na yina yikaderaalyi.

⁷ Saraai kirimire jalikurakiwawinya' mena kyi'mwannakiri yi sigyaarya dazai yi yiroriла daanga maayavi mwaidei savi yagalya'mavoji yilaabathelyi. Yi sai saraalyi mala bwa'nipidelyi. Yi sai saraari wavila'na yoj yi saraari tamakina yaderaalyi. ⁸ Yi nabaai anga naanga dazabanya tutaanya naangevaki saraare kilaakejikaai waradezikaaalyi. Anga naanga daza' Kuryai dadeva ke'ba'nanya'na "Sothomima, Yizipima," wo'nikesi. Sabanyaai Gotiyare yikamaangera mwalyaasa-banyaarina sara wo'nikesi. Da anga naanga dazahibanna saraare Naangei yita yovihirarannikevi balake!. ⁹ A'mwe yuya kilaaka dala nabinyajijiya pwaraji yi yita savakaaviyaraj i yagaala yuyangi'ne pwaraji ajimya yuyangi'ya pwaraji jalikurakya dazaraari tinna wangamanigasare. Yi yirika darikaai darit' yoj maalikegaasi yune sagaa'na wangamanigasare. Yi sahwara a'mwe pwara saraari maralikirakya'na "Ya. Gilekavi'nnnyavi wilakaana! Wagila nuvwa'nadika!" yiniga dipidera mi!. ¹⁰ Saraai mena baimwaalya'na a'mwe Kwaakevakiyara sahwara yilaaya yipi'dere. Yi nabaai sahwara kwarame yadi'vi', yi tika wapaa nadivti' sihumale kwiya'mweraavina wijaavipidere. Sare' dare'nanyi. Gotiyari wi'nadi' a'mwe Kwaakevaki mwaai-hasaraavina widiwaalya'na dazaraai taanga kayaa'nanya' wijaavagileraaalyi.

¹¹ Yirika darikaai darisi maalikegaasi mena kyiwa' yi nabaai Gotiyai pwa'nyi maku'nya gaala ya'ne' kamaryaaswa' saraari kwimwa' yi saraai dika'a'na yagiila, yi kirimire siviiliyi daavina yawaalyaraalyi. A'mwera saraari tinna wanganna yeva lika naanga yiwaa!. ¹² Yi saraai maangwiraaya piri' Sigunyavidaa'nya' kadika wi'nyina. Yi saraari jaka dīraginna dara widina "Kirim munya davanna jilaabila!" Yi saraai kadika wi'nyina yagiila munyaba Sigunyavina yiraayavi yilaawina. Yi saraare yikamaangera sara tinna wanganna yadaapi saraai yilaawi'na yiwaa. ¹³ Yi dazagaasagaa' winnya naange' yima'nyi'na kyiwa' yi anga naangebanya pimaginya pivaal' yi savaa' kayaaka yima'nyi'na. Yi anga pimaginya naangeba pimaginya ata puridaa'nyi' daraai daraalyavaka kuna warina. Nabaai winnya dazav'i a'mwe kwalaalyara (7,000) sara mena balina. Balina kyiwaa' a'mwe pwara yivainikeri lika naanga yadi'vi' yi sahwara Gotiya Sigunyaviyarine yaya' munyabanna makina ywaasaraavineri.

¹⁴ Taanginya naanga daraalya' we' pwaraalya' sa' menanyi. Yithaanyi! Yune maalikegaa'na yoj yi taanginya daraai dalya' yi yarai yima'nadesi.

Ejeliya ata puridaa'nyi' daraalyai pihuliya' pwa'nyi' makurake'nesi.

¹⁵ Yi ejeliya ata puridaa'nyi' daraalyai gamire pihuliya' pwa'nyi' maku'na kyiwa', yi nabaai, Sigunyavidaa'nyi' maangwiraaya pini' jaka naanga'na dīraginna dara dinna "Nemire Naangei Gotiyai gannya Kiraazitiyai Kingiya dahilakyaakeri maryasaabakelyi maremwaalya Kwaakevakiya yuya gamire yima'nipakengi! Yuyagaa' yuyagaa' sai kingiyai maremwaaidelyi." ¹⁶ Sara dinna kyiwaa' a'mwe naanga tiwedipoyara Gotiyare tinnyari kunnya kingnamwaalyisang'i mwaaidapi-yara kumire sinnyi' kwaakewinna walaruta'nareva Gotiyari yilaaya yina yeva ¹⁷ dara dinna

"Naangeigt, Gotiyaig Dīraginya Yuyangi Aaya Kaavilyaig"

Gimi^t dahan^t mwaaih^tnyaig^t kigaakuna kuna mwaalagineig^t
 Gimire diraginya naange^t maaragina king^tyaig^t mwaaih^tnya^t'na
 Y^t nem^t gimin^ty^t 'Su! Su!' gitihvan^tgo.

¹⁸ Aj^tmya yuyang^tyara mu'nyadiv^tsara gimin^tny^tna simili^tka wilakere.
 Kiri^t gimirre simili^tka naange^t mena yima'nivani^t.

Dahaa^t kotiyav^t y^tmaya'negaa^t bainkeraavina yima'nivani^t.
 Dahaa^t gimirre yaasiwa'wawinyaraavina tivikita nawi^tnya wijaaya'negaaki.
 Sara y^t Gotiyari w^tnawij^twaakadiv^tsaraj^t, y^t gimirre tewaanyaraj^t,
 Sahwara lika yadi^t gimin^ty^t dalaangewi wila'nadiv^tsara
 Y^t a'mwe kwaakewinyaraj^t y^t a'mwe munyabanyaraj^t.

Nabaai dahaa^t a'mwe Kwaakevak^t mwaalyaraav^t yigalakadiv^tsaraav^tna,
 Y^t sahwaraav^t kayaaka yigalakya'negaa^t mena yima'nivani^t."

¹⁹ A'mwe naangera mena devegaal^t y^t Sigunyav^t Gotiyare anga nawi^tnya^t
 baasi^tna ky^twa' baasi^tka kusawi^t y^t bukuta Gotiyare wilimwagarakev^tre^t y^t sa'
 ku'maayaba warina. Bukuta savi^t Gotiyare kiwinya ye'mwannajaake^t wilarike^t
 dara yawirya'nesi. Gotiyai nemij^t ye'mwannamwaalikelyi^t. Sa' ku'maayaba warina
 yadi^tny^t yinamiraasav^tre di^tbaake mwasabi^t l^tvapina, purinya yinnyina, y^tmunya
 pilina, kwaakeva^t w^tninya^t y^tna, sirimya naange^t bwala^tna yakeng^t.

12

A'mwesi kabaraawarya naangely^t sawaarinesi.

¹ Y^t sigunyav^t yibwaridaakwia naanga piri^t yima'nyina. Sa' da'dare'. A'mwe piri^t
 mwaalina. Y^t sa' nyiliyai gamire kilaakej^tki baazi^tma'nikesi. Y^t gamire sivilyiraari^t
 kwaaka dalaangewi lawei mwaalina. Y^t gamire minyaginya silingaaminya atiraai
 sivilyiridaa^tny^t pwaraalya kingimwaaihi^tnyangi. ² Sa' kaimiraavimunya kininnake^t
 y^t kaimiraaya maarya^tne daange^t savi^t yima'nyina y^twa!. Y^t daanga daza^t y^t wana
 kayaananya!. Y^t sara wiadaa^tny^t y^t sa' kaimiraaya maarya'negaa^tne jaka diraginna
 dina. ³ Kuna jaka dina yadaa^tny^t sigunyav^t yibwaridaakwia piri^t yima'nyina. Daza^t
 y^t dare'. Y^tthaanyi! Kabaraawaryai^tta naanga pwai mwaalina. Sai wayaaka yaka y^t
 minyaginya ata puridaa^tny^t pwaraalya kininnakei y^t minyagizaanya atiraalyajiyai.
 Y^t gamire minyaginya kingimwaaihi^tnya ata puridaa^tny^t pwaraalya warina. ⁴ Y^t
 gamire suyai sigunyav^tya silingaaminya pivaal^t wana pada'galabwaki^tna yasaabina
 yaka kwaakevak^tna maralivaramaab^tna. Y^t silingaaminya pimaginyaala savaa^tna
 sigunyav^t kuna warina. Y^t kabaraawarya dazai a'mwe maarya^tne dazavire sidaliki^t
 daavina, "Kaimiraayar^t maarima!" dada yadaa^tny^t. Y^t sahwai "A'mwe kaimiraayar^t
 mena kamaaroj^tya," daka "Sagaasagaa^t kaimiraaya dazai tika maranide^tna!" daka
 yemwaaina. ⁵ Kuna yemwaaina yadaa^tny^t y^t a'mwe^t gawaalivaangei kaimiraaya
 kwalyai maarina. Kaimiraaya dazai dividaa^tny^t y^tta aayiniyar^t limwagozi^t y^t sasi
 aj^tmya yuyang^tya yuyaraav^t diraginna maremwaaladelyi^t. Y^t a'mwe^t kaimiraayai
 mena maarina ky^twa^t y^t Gotiyai kaimiraayar^t munyabanna yarai yipalamakilaawina
 yiwakelyi^t. Kabaraawaryai "Maranima!" daka yiwakelyi^t. Yipalamakilaawina yaka
 gannya kingnamwaalyisavina makilaawina ky^twa^t kabaraawaryai maranwakei
 mi^t. ⁶ Mamaranyi ky^twa^t y^t a'mwe daza^t a'mwamaaya kunyimiginna likaanya wina.
 Dazimagi Gotiyai gaminnebanya^t mena yovirawakinikeba. A'mwe savi yiniga wi^tna
 1,260 yirikerikaav^t maremwaaidiv^t wapaaji^t wijaaya^tnesi.

⁷ Sigunyav^t mala naange^t yima'naabina. Ejeliya naangei Maaikelij^t gamire
 ejeliyaraji^t sara kabaraawaryalyi^t mala ye'mwannabwa'nyina. Y^t kabaraawarya
 dazalyi^t gannya ejeliyaraji^t y^t sahwara kumire malyang^t ayahi tivik^tna y^tna.
⁸ Yaamij^t tivik^tna y^tna yeva kiri^t sahwara malya^t wavilaya^tne diraginya^t maa-
 yare. Sareviadaa^tny^t y^t Sigunyav^t sahwara ayahi yiniga wi^tna mwaai^tdera

mi'. Arikewi. ⁹ Yı Gotiyare ejeliyara sahwara kabaraawarya naanga dazarı kewinınna maralıvaranna yıwaa!. Yı kabaraawarya dazai yı wana sinnawi kigaa' kamaalyai kunanyalyı. Yı "Yuyaraavı Kotiya Maryadela," wo'nikei, yı Saataani Yıkamaangei (Sıwaakei) wo'nıkelyı. Sai Kwaakevakıya a'mwe mwaaihata yuyaraavı kwaası yagaala wıdadelı. Maaikelijı gamıre ejeliyarajı Kwaakevakına kewinınna maralıvaranna. Yı gannya ejeliyara kwaraavıji maralıvaramwaasara sara salıye'mwannıgwalına yıwaa!.

¹⁰ Yı Sigunyavı maangwıraaya pırı' jaka dıragınnna kadıwa' nımi kadıka wı'nıwa. Yı dara dına

"Aawi! Dahaa' nemıre Gotiyai yuna nevadaihasamaa'mwa!.

Yı ku'maayabanna gannya dıragınya' mena yıma'naabıwa!.

Yı dahaa' sahwai Kingıyai mena maremwaaimwa!.

Gannya Kıraazıtıyai Kingıya dahılakyaakerebwı yuna maa'mwa!.

Sare' dare'nesi. Dahaa' kewewinınna mena lıvaramwaasa'nanyı.

Neya'mweraavı kotiya maryı'ne dazarı yuna lıvaramwaa!.

Nyılıyavıji sawısavıji nemıre Gotiyare tınnıyarı neyıdaanganaka

Sahwai nemınyı kotiya kayaa'na dıragınnna maryadelyı.

Kırı' sasarerı dahaa' ejeliyara nayaa lıvaramwaasarınera.

Sara kyıwaa' sai mena kewinınna waimwaawıkerınera.

¹¹ Neya'mwera Sipızıpıya Dıwınyare tawevına malya' wavıla'mwaa!.

Sahwara gamıre yagaalya' wıjalıkurakevevı malya' wavıla'mwaa!.

Kwaakevakı nawı'nya mwaalya'na sımunya kwalaalya myawıriwaa!.

Aawa. 'Yıkamaangera neramakıpıka!' deva baihana'na yıwaasare.

Sasare dazaburı malya' wavılavəva yıkamaangerı marası'nıwaasare.

¹² Sareviada'nyı, Sigunyagıji sahība mwaaihasaihılyı yılaaya ji!

Kırı' Kwaakeva'gıji saalaalya'gıji kırımınıyı mwaaihasaraavına we'!

Taanginya naange' sabanyaai mwaaihasaihi sarımınıyı yıhıma'nade'nanyı.

Sarımınıyawınnna Yuyaraavı Kotiya Maryadei mena waimwaabı'.

'Yune maalıkegaa'nanyainyı daakajı, 'sınnı tıke' kınınnakei

Sarımınıyı kayaa'nanya dala pınnına pınnına ya'nelyı."

¹³ Kabaraawarya dazai tınnına dara wangamwake! "O, Kwaakevakı kewinınna dawınnna nyımaralıvaramwaasainyı midaaka!" Sara daka a'mwe' kaimıraaya kwalyarı maaraka savı mıjamakuna. ¹⁴ Mıjamakuna yadaa'nyı a'mwe dazavına bwaangya kware pıya pırıwaai wıjaavına kyıwa' yı sa' a'mwamaaya kunyımagınnıa yıníga pılkwonnesı. Yı sa' Kamaala naangerı lıke'na menyabanna mwaalya'ne' pılkwonnesı. Yı nabaai sahība kwarame dawai da' yojı yı kwarame pımagınyası kuna yıwawojı wapaaya pada'galamaremwaaladelyı. ¹⁵ A'mwe' lıkaanya kuna wodaa'nyı yı Kamaala dazai gamıre maangeviada'nyı aalya' kwadaaka mudaasıya'. Aalya daza' yı aalyaaka naange' yada yı a'mwe' mıjamakuna. Kamaalyai dara yawıda "Aalyaake' a'mwe savı maramılojı saba yıwına yana!" sara yına yıwake'nanyı. ¹⁶ Aalyaaka naange' a'mwe daza' mıjamakuna yadaa'nyı Kwaakeva' a'mwevi gaimwanna. Kwaakeva' maanga taavına yada aalya daza' Kamaalyai gamıre maangeviada'nyı kwadaaka mudakade' nıgu'nyına. A'mwe' mamihaasa'na nıgu'nyına. ¹⁷ Sara nıgu'nyına kyıwa' a'mwe' yuna lıkaanya kyıwa' yı kabaraawarya dazai a'mwe dazavına sımlıka wılinına wiwa!. Yı sai "Sahırıvıre kaimıraaya pwarajı malya' mala yınaana!" daka kaanya wıwa!. Kaimıraaya dazara Gotiyare kıwınya mıdıdıvı' yı sahwara Jizaazarına jalıkurakadıvısara mwaaihasare. ¹⁸ Yı kabaraawarya dazai saalaalyavı maangebaarı daa'delyı.

13

Saalaalyavidaa'nyi Sigyaaryai yilaabina yake'nesi.

¹ Yि nimi tınna wanganna yadaazi sigyaarya pwai saalaalyavidaa'nyi yima'naabina. Sai minyagzaanya atiraalya kinnakei yaka nabaai mnyaginya ata puridaa'nyi pwaraalyajyai. Yि gamire mnyagzaanyang kingmwaaihi'nya atiraalya warina. Yि gamire mnyaginyang yaya pini warina. Yि yaya dazangire aaya kaavilya' yi sa' dare'na "Gotiyarine yagaabiraizika dala pinnna pinnnanya."

² Sigyaarya dazai nimi tınna wangamwei yi sai lepaatuyaibisai yi gamire sivilya' beyare sivilya'bisisiya' yi gamire maange' kavijilikeibita laayoniyare maange'bisa'. Yि kabaraawarya dazai sigyaaryarina gamire diraginya wijaavina. Sarı dahilakina yaka sari sarei kingiya mwaalina ya'na gami saibi'na, yi sara yaka sarina diraginya naange' wijaavina yiwa!. ³ Sigyaaryare mnyaginya piri' yi mena davaka baimwanike'bisa'. Kiri' mnyaginya dazaviya wa'waaya' sa' yaalika yinnike' yaka ayina tewaanya yima'nyina yinikerinera. Yि a'mwe yuyara sigyaarya dazarina lika yiwainigulina yadiv'i sari midinna. ⁴ Sara midinna yadiv'i kabaraawarya dazai gamire diraginya sigyaarya dazahwarina wijaawake'na a'mwera kabaraawaryari ylaaya yina yadivisare. Yि a'mwera Gotiyai gaveri ylaaya yipinebaibisahwara kabaraawarya dazari ylaaya yina. Yि sara yadiv'i sigyaarya kwariji ylaaya yina yadivisare. Yि sahwara dara dadivisare "Pwai avaainanyai sigyaarya dazaibi' aaihwalaka! Sahwalyi mala yiniga ye'mwannarannadei aaihwalaka! Sahwari wavilavadei daaka! Arikewi."

⁵ Yि Gotiyai sigyaarya dazar wanganakina yadaa'nyi jaka naanga yaasiwa' dina yada yamarivan'i. Yि sara yada Gotiyari yagaabiraizika yivani'. Yि sai diraginya kinnakei maremwaala sasare sabwi ya'ne yiniga wi'na lawe a'mwe pwaraare atizivilraai yaka piriwaalyang (42). Sai dare'bisi' dina "Yuyaraaviji yuyaburaaviji wavila'dinyainyi nimi." ⁶ Sahwai gamire maange' taa'da yi Gotiyarina yagaabiraizika yivanikelyi. Sai Gotiyarine yaya' yagaabiraizika dadelyi, yi Gotiyare angevinaji, yi Gotiyare yita dazavaa' Sigunyav'i mwaaihata saraaviji. ⁷ Yि Gotiyai dazar wanganakina yadaa'nyi yi sai Gotiyare a'mwe tewaanyaraji malya' ye'mwannabwa'man'i. Yि sara yada malya' wavila'da yi saraavi walamarakadere. Yि sai diraginya yiniga wi'nanya' maaraka sai kingiyai yita gazavaasavaakiyaraavijnaji yi kilaaka nabinabinyajiyaraavijnaji yi yagaala ge gejijaraavijnaji yi ajmya yuyangija gazasavijaraavijnaji kingiyai mwaalina. ⁸ Yि a'mwe Kwaakevak'i mwaaihata yuyara sigyaarya dazar lotuya yipi'dere. Yि gazaizai gamire yaya' bukuya gaala mwaalya'niri mida'nik ei dazar lotuya yadelyi. Bukuya dari yi bukuya Diwinya Sipzipiyari sinnawi Gotiyai Kwaakeva' mwakyaaakega tamakinika sahwarilyi.

⁹ A'mwei kad'i'nakeinyi daakaji sai yagaala dathavi kadika naya pada'galawi'nana!

¹⁰ A'mwe kwai kalavuzavina wiya'nei

Kalavuzavina naya wina yana!

A'mwe kwai kwaari'masiraminyav'i balya'nei

Kwaari'masiraminyav'i naya balina yadelyi.

Nabaai sasare dazabwi yima'naja' yi Gotiyare a'mwe tewaanyara sahwara diraginna daavapiji Gotiyari gamire diraginyasi kuna diraginna limwagapika!

Kwaakevaka'nyi sigyaarya pwai yima'naabina yake'nesi.

¹¹ Yि sigyaarya pwai kwaakevi kusawi dikaavaka munyaba yidavadaa'nyi yi sari nimi tınna wanganna. Sai mnyagzaanya piriwaai kinnakei mnyagzaanya sipzipidiwinyare'bisiaawaalyiyai. Yि kabaraawaryai yagaala dadevaabi' dadei.

¹² Ayahidaasa sīgyaarya dazai yī sai dīraginya yuya' maremwaala sīgyaarya aaya mudīkere' maaraka yī sai aaya mudīkere sīnnyīkī dīraginya dazasi wawīnya yadei. Sai wawīnya dīraginna yade'na sīgyaarya aaya mudī'nanya dazarīna Kwaakevakījī sahība mwaaihata saraavī sara lotuya yadīvīsa'nanyī. Sīnnawī kīgaa' wa'waaya kayaa'nanya' sahwarī yīnahu tamakya'ne' sa' mena yaalīka yīlakerī. Yī sahwarīna dīraginna yada Kwaakevakīyara yīlaaya yīna yadīvīsalyī. ¹³ Sīgyaarya ayahidaasai yībwarīdaakwia'ne, atīka maru'narya'ne dala pīnīnna pīnīnnanya naange yadelyī. Atīka maru'narya'ne pīrī' yī sa' yī dare'. A'mweraavīre tīnnyari dīke' yīra'daa'nyīya' sīgynyavī yagalya'ma'da kwaakevakīna walaabīna. ¹⁴ Sai sīgyaarya aaya mudīkere tīnnyari atīka maru'narya'ne dala nabinabinya yīvanīkelyī. Yī sasare dazabwi sai a'mwe Kwaakevakīyaraavī kwaasi yījīwaaidevulyī. Sai Kwaakevakīya a'mweraavī dara wīdada "Sīgyaaryarī' a'mwa'mwe' sarīne yaya' munyaba makīlya'ne' nayaa jīla! Yī sīgyaarya dazai sīnnawī kīgaa' kwaari'masīramīnya' dawakakei sari, kīrī' sai gaala ayīna mwaali'. Yī sarerī lotuya kuna nayaa jīla!" ¹⁵ Yī Gotīyai sari wanganakīna yadaa'nyī yī sai sīgyaarya pware a'mwa'mwevīna sīmudīnya' wījaavāni'. Yī a'mwa'mwe daza' yagaala ja'na wījaavīna. Yī nabaai a'mwe pwara sīgyaarya sare a'mwa'mwe dazavīna lotuya mi kyapījī yī a'mwa'mwe sa' saraavīna dīna "Sareraavī yarai dīramakyīla!" yī sara ya'na sīmudīnya' wījaavīna. ¹⁶ Yī sīgyaarya ayahidaasai "Sara jīla!" kadīwa' yī pwara a'mwe yuyaraavī "Aangasīrī mīdaakajī. Yamevī mīdaakajī." deva "Sīgyaaryarera daaka!" ja'ne baave pīrī' pīkarya yavīkaridīvīsa!. Yī a'mwe maalīkeraavījī a'mwe yaya' kīnīnnakeraavījī kwaraavī, yī a'mwe nīgwīnakeraavījī a'mwe gīlyīvī'maayaraavījī kwaraavī, yī a'mwe kumīrenna yadīvīsaraavījī a'mwe yaasīwa'wawīnyaraavījī kwaraavī, yī yuya sareraavī baave pīrī' pīkarya yavīkaridīvīsasī. ¹⁷ Sarevī yī nabaai "Kīmaakīya dakyīla!" kadīwaa' a'mwei baave daza' kunei sīgyaarya dazarīne yaya' pīrī', gamīnne yayavīne ata gīlya kīrī' yī sai gīlyīvīsa a'mweraavī mubathei mī!. Yī sahwara gamīnyī mubīpī'dei mī!. ¹⁸ Yī nemī daza'na sīmunya nayaa yawīraal! A'mwe sīdu'nakei sai sīgyaaryare nabaayavī ata nayaa dīhīla! Daza' yī a'mwe kwarīne ata gīlyasī. Yī a'mwe dazarīne ata gīlya' yī sa' 666.

14

Sipīzipīya Dīwīnyare daata mudīke' desa'nesi.

¹ Nīmī tīnna ayīna wanganna. Yīthaanyi! Mugunya Saayonī Sipīzipīya Dīwīnyai daa'dī'nyī yī a'mwe kwalaalya (144,000) sara sahwalyī ye'mwannadaa'dapi tīnna wanganna. Sahwara kumīre yamengī Dīwīnyarīne yayasī yī gannya Ganīmaangerīne yayasī yīda'nīkera mwaaiha!. ² Yī purinya nawī'nya Sīgynyavīdaa'nyī kyīnnīgavīwa' nīmī kadīka wī'nīwa. Purinya sa' aalya naange aalījaka yīnnadevaabītī, yī yī'munya pida jaka naanga yīnnadevaabīsa!. Nīmī purinya daza' kadīka wī'nīwe' yī sa' pīradaza'bīsavi. Yī sa' arīnga a'mwera gitāaya tadaapi pīradazīyagaala yīnnadevaabīsa!. ³ Sahwara Gotīyare kingīnamwaalyīsavi kusīmagījī yī daraai daraala gaala kīnīnnakeraavī tīnnyarijī a'mwe naangeraavī tīnnyarijī saba daata mudīka pīrī' dīna yīvanīga!. A'mwe Kwaakevakīyaraavī a'mwe (144,000) kwalaalya dazara ayīna mubīnīkera yune sahwara daata daza' yawīramaapīnere. Aane pwai kwai aawa. ⁴ A'mwe dazara sahwara a'mwe sajī gīrikita'nanya sabwi yevera mī!. Sare' dare'nanyī. Sahwara sīdīraaya nawī'nya mwaaidīvītabaaibīsara Gotīyarī yagalya'mavetara mī!. Kwaakevakīya kayaa'nanya saburaavī līmwagetara mī!. A'mwe dazara sahwara Dīwīnyai "Saburī kaanya wīma!" dada yadevanyarī mīdīnna yadīvīsare. A'mwe dazara sahwara a'mwe pwaraayawīdaa'nyī Gotīyai ayīna mubakere. Gotīyai gannyaaraavī maarakera, Dīwīnyai kwarījīnera. Yī tīka munne aaya mudī'nanya Gotīyarīna wījayaatabaaibī' sahwara Gotīyalyī Dīwīnya

Sip̄zip̄iyalyi saraarerera aaya mudi'nyanya mwaaiha!. ⁵ Sahwara kumire maangevi kwaasi yagaala kunera. Kwaasi yagaala majadivisara. Sahwara yiwetawakya maayara.

Ejeliya daraai dalyara desa'nesi.

⁶ Yi ejeliya pwai si gunyav i t̄nnyaba kavilakuwa' ni mi t̄nna wanganna. Sai yagaala tewaanya' yuyagaa' yuyagaa'ne' kininnakei. Yi sai yagaala daza' a'mwera kwaakevak i mwaaihasaraav i wi j̄i waakya'nei. Sai ajimya yuyang i ya gazasav i yaraav i ji yita gazavaasavaaki yaraav i ji yagaala ge geji yaraav i ji kilaaka nabinabinyaj i yaraav i ji wi j̄i waakya'nei. ⁷ Sai maangwi raaya jaka diraginna dara din "Yir ikegaa' mena yima'niwa". Gotiyai a'mwe yuyaraav i kotiyav i maryawi bwarya'ne'na sarina lika nayaa yadi vi gami nne yaya' munyaba dimakili! Byaanna kininnakeri yilaaya ji! Sigunya' sasi kwaakesi saalaalyas i aaliyi minya yuya kinij i yavikaryaakei Gotiyari lotuya nayaa ji!"

⁸ Ejeliya aaya mudi'nyanya mena pilakuna wi na ky iwa' munyaba ejeliya pwai midinaabina yaka din "Anga naanga Bavloni sa' kayaaka yada mena bwala'mwa'. Mena bwala'mwa'. Anga naanga Bavloni dazahiba yadevwi a'mwe ajimya yuyang i yara gamire giri kita'nanya diraginyaabwi midinya'na yi dare'bisasi. Sa' waain iya diraginya' w i javadaasi sahwara nyina. Kir i sare'na Gotiyai yuyaraav i na sinna t ike' wi daya'ne' yima'niwakesi."

⁹ Yi didivaa'nyi ejeliya pwai saraari midinaabina yaka jaka diraginna dara din "Nabaai a'mwe kwai si gyaarya aaya mudi'nyanya dazarina yi gamire a'mwa'mwerinaj i lotuya yajai yi 'Baave' yamevi maaride' dingaka? Asavi maaride' dingaka?" dada maaroji ¹⁰ yi yajai gami sahwai waain iya piri' nadelyi. Waain iya daza' yi Gotiyare sinna t ika wi daya'na. Gotiyai aayagaa' aalyasi waain iya sasi ye'mwagakya yaka mi!. Aawa. Nabaai sai waain iya sa' gamire sinna t ike' yi kaapiya kayaa'nanya' tivikirya'nevi dimavadelyi. Sara dimavawijaavina kyoji a'mwe dazai si gyaaryare baavanakei yune nadelyi. Yi a'mwe dazai daanga kayaa'nanya' maradelyi. Yi ejeliya nawi'nyaraav i re t̄nnyariji yi Sip̄zip̄ya Diwinyare t̄nnyariji dik a witalange'na warikevi s i la saalipaaya nadevi kayaa'nanya daza' maradelyi. ¹¹ Yi jisa' yida dik a dazav i yi sareraav i na daange' wi jaavina. Yi jita daza' nabaai yuyagaa' yuyagaa' yimwaaingotho!. Yi a'mwe dazara si gyaaryari gamire a'mwa'mweri j i lotuya yadi visaraj i baave' gami nne yayavine' marajai gazaizalyi sara nyilyav i sawisav i ji kave kwaamusabwi maap i dera mi!."

¹² Sasare dazabwi yima'najav i yi Gotiyare a'mwe tewaanyara diraginna daapika! Yi a'mwera Gotiyare kiwinja midinna, yi Jizaazar i diraginna limwagapijara diraginna daapika!

¹³ Yi ni mi kadika wi nyina yadaazi Sigunyavidaa'nyi maangwi raaya piri' dara din "Pikarya dara jittha! 'Dahaa'daasi a'mwera Naangeri diraginna wi lamwaaidiv i jalikurakadi v i yi balapiji a'mwe bainika dazara yi sahwara yadi vi tewaanaanga winadere.' " Kurya Tewaanyai kwalyi divan i "Yo, yi sahwara yadi vi ta yagi yagi wawinya daza, daanga maa'divita daza yagalya'mavapiji yi kave mwaabi'dere. Sare' dare'nanyi. Sahwara yaasiwa' wi ya yadi vi mi!. Aawa. Sahwara tewaanya yadi vi sabwi, yi daza' sahwaraj i ye'mwannigwiya yade'. Yi kumire diraginyaabwi ku'maayabanna yima'naabathesi."

Yirika Kwaakevak i t ika munne maaryagaa'nesi.

¹⁴ Nabaai ni mi t̄nna ay i na wanganna. Yithaanyi! Yiraaya yaaka piri' wa'disi yi pwai yiraayav i A'mweraavine Kaimraayaibisai ylamwaali!. Sai gamire minyaginyaav i kingimwaaifi'nya goloya' kininnakei. Yi sai gamire asiri kwaari'masi' wana lika guri maanga di'bwarakiniki' limwagakei. ¹⁵ Yi Gotiyare

Anga nawi'nyavidaa'nyi ejeliya pwai walyaabina yaka yiraayavi mwaalika dazar! jaka naanga dara dina "Gimire kwaari'masi witiya tika munne dithaka! Yuya tika munne Kwaakevakya mya mena yilake'na dithaka! Yi dahaa' yirika tika munne daza maarya'negaakti." ¹⁶ Sara kudiwa' a'mwe dazai yiraayavi mwaalikei sai gannya kwaari'masi limwagarakis tika munne Kwaakevakya mya yilake davina yaka maryibwarakin.

¹⁷ Yi ejeliya pwai Anga nawi'nya Sigunyavi manni'kevidaa'nyi walyaabina. Nabaai sai kwalyi kwaari'mata di'bwarakiniki' limwagakerinera. ¹⁸ Yi nabaai ejeliya pwai kwaraanyaba yagalya'mavaka kaanna bina. Yi ejeliya dazai dikevi maremwaalya'ne diraginya' kininnakei. Yi sai ejeliya kwaari'mata lika gurimaanga di'bwarakiniki' limwamwakeri jaka diragi'na wi'dina mu'nyadivisaraavina "Ginnya kwaari'mata dazi' lika di'bwarakiniki' maara'gizi yuya tika munne Kwaakevakya giraipi'wilyabaariya ditha!! Yi mari'bwarakin yija warina ya! Gimire tika munne yuya, giraipi'ya yuya mya mena yilake'na sara di'thavamari'bwarakya!" ¹⁹ Sara wi'dina kyawa' ejeliya dazai gamire kwaari'masi' limwagaka yi Kwaakevakya yuya tika munne wi'la giraipi'yav'iya yime'nya'b'i' kihimavamaa'na yaka yi mari'bwarakin. Yi sai kihimavamaa'na, sila naanga giraipi'ya tima'mwanga ya'nev'i kusawi tika munne daza mari'bwarakin. Sila naanga daza' yi Gotiyare sinna tika wi'dayasi. ²⁰ Yi anga naangeba mwasila warika sila dazavi pwai giraipi'ya yuya tima'mwanna. Sara yadaa'nyi sila savi mwasila tawe' walyaabina. Tawe walyaabina yada kaanya kuna kuna wawoka yune 1,600 sitaathiyamiya (300 kilomitaayavina) yaka munyaba oziyaraavire maangeyabanna (a'mwe tutaayai yunebanna) yiniga wi'na yilaabina yi'wakesi.

15

Ejeliya ata puridaa'nyi daraalyara kayaa'nanya aaya limwagesa'nesi.

¹ Yi nimti Sigunyavi yibwaridaakwia piri' warikevi tinna wanganna. Yibwaridaakwia sa' naange', yi atika maru'nakulya'ne'. Yi dara wanganna. Ejeliya ata puridaa'nyi daraalyara kayaa'nanya a'mweraav kayaaka yigalya'ne limwamwaasa'. Nabaai kayaa'nanya daza mena kyiwawoj kwaakevi ayahi piri' yima'naabathe' mi'. Kayaa'nanya ata puridaa'nyi pwaraala dazangi Gotiyare sinna tika wi'daya' sa' mena yi'wina yadesi.

² Yi nimti naange' saalaalya'bisa' tinna wanganna. Sa' sinimwavananya'bisa' di'kesi ye'mwagakinikabaaibisa'. A'mwera malya' wavila'na yadiyi' sigyaarya dazar marulawakina yi'waa'. Yi sahwariji yi gamire a'mwa'mweriji yi ata gilya gaminne yaya' dahilakakeviji marulawakina. Yi sahwara saburina "Aala!" yi'waasara. Sahwara saalaalya aaiziya'bita dazavi daavina. Sahwaraavna Gotiyai p'radazabisa mena wi'jaavake limwanna. ³ Sahwara Mozizai Gotiyare yaasiwa'wawinyare daasa', Sipizipya Diwinyarine daasa' dina. Daata daza' yi dare'na "Naangeig! Gotiya Diraginya Yuya Kininnakeig!"

Yuya yadi'nya naangengi! Atika maru'nakuidaanyang! Kingi'yaig! a'mwe ajimya yuyangiyaraav maremwaaidinyaig! Gimire saburaavt yida'maraangengi! Nebulya'na yunewinnanyang! ⁴ Naangeig! nawi'nya giri'maayaig gave yune pwainanyaig'nyine'na Giminyina yi lika mi yadei aaihwalaka! Giminyine yaya' munyaba mamakiyi yadei aaihwalaka! Gimire yida'nanya nawi'nyabwi ku'maayaba mena yima'n'wake'na Ajimya yuyangiyara giminayawinna lotuya bahip'deig'nyi."

⁵ Di'vidaasi nimti tinna ayina wanganna yadaazi yi Sigunyavi Anga nawi'nya' lotuanga seli ange' jalikurakya'ne' sa' baasinyina. ⁶ Yi baasinyina yikevidaa'nyi

ejeliya ata puridaa'nyi daraala dazara a'mweraavi kayaaka yigalya'ne kinnakera walyaabina. Sahwara baazi'ma'nya nawi'nyaange wana giri'maaya yaka livamwaja yadaasiya yira'nevera. 7 Yi sahwara munnaanya goloya pwiynevera, kumire kihisavi yunebanna pwiynevera. 7 Yi gaala kinnakara daraai daraalyaraavidaasai pwai ejeliya ata puridaa'nyi daraalyaraavina diziya goloya ata puridaa'nyi daraalya wi'jaavina. Yi Gotiyai yuyagaa' yuyagaa' gaala mwaaidere sinna tika widaya' yi sai' diziya ata puridaa'nyi daraala dazangi yunebanna maanga yeku'nari!. 8 Sagaa' Gotiyare byaannysa diraginyasi sawaaridaasi jisa' anga nawi'nya dazavi yunebanna wilari!. Yi anga dazavi kusawi yiniga wi'na wiladei aane pwai kwai mi!. Aawa. Pwara nayaa yemwaaibi'dere. Ejeliya ata puridaa'nyi daraalyara kayaa'nanaanga ata puridaa'nyi daraalya sangi kumire wawinya' mena kyimwannapi sahwara Anga nawi'nya dazavi wibidehaa'nanyi.

16

Gotiyare sinna tika widayavire diziya ata puridaa'nyi daraalyanginesi.

1 Yi anga nawi'nyav kusawi maangwiraaya naanga piri' kyima'niwa' nim kadika wi'niwa. Sa' ejeliya ata puridaa'nyi daraala dazaraav jakadikadika "Sarimi kaanya wawopiji' diziya ata puridaa'nyi daraala daza Gotiyare sinna tika widaya' kinnakake dithimayila! Nabaai Kwaakevakina walaawade'na!"

2 Yi ejeliya aaya mudinnyai gamire diziya' kwaakevina dimavaawina. Yi wa'waaya (sokwavaanya) diraginya wana kayaa'nanya, daanga pinya'ne a'mweraavi yima'nadere. Yi a'mwera sinyaaryare baave' kinnakera, yi sahwara a'mwa'mweri lotuya yadivisara sareraavi yima'nadere.

3 Yi ejeliya ayawidaasai (2) saalaalyav gamire diziya' dima'na. Yi saalaalya' a'mwe bainkerabita tawe' yima'nyina. Yi yuya saalaalyav gaala mwaaihasa, sa mena balina.

4 Yi ejeliya daraai dalyai (3) aalyangiji' aaliyimnyangiji' gamire diziya' dima'na. Yi yuya daza tawe' yima'nyina. 5 Yi nim kadika wi'nyina yadaazi ejeliya aalyang maremwaaidei dina

"Gimire kotiyav kayaa'nanya dazaburaavi maryawibwa'dinya'na
Nawi'nya nebulyaig! Yi yida'maraangeig mwaaihinyaiginyinera.
Dahaa' mwaaihinyaig, sinnavi kigaakuna mwalyeig!

6 Kayaa'nanyara gimirre tewaanyaraaviji' wi'nawiji'waakyaraaviji' tamakesare.
Yi tamakadivi' kumire tawejii' dimavesare.

Sarevi sahwara niipi'de'na aalitawe' wi'jawaanyare.

Kunnya kayaa'nanya tivikisa' ma'mwaasa' tewaanyasi."

7 Sara dina kyawa' yi nim kadika wi'nyina yadaazi kwaraanyaba gami' sa' jika dara diwa'

"Yo, Naangeig Gotiyaig Diraginya Yuya Kinnakakeig"

Sareraav maryawibwa'mwaanyanna nebulyabwi yunewinna yida'maraangesi."

8 Yi ejeliya daraai daraalyai (4) gamire diziya' nyiliyar dima'na kyawa' yi Gotiyai nyiliyar wanganakina yadaa'nyi sai a'mweraavi di'daananga wi'niwa'. 9 Nyiliyare dikanaanga daza' yi sa' di'daananga kuna yada yi a'mwe dazaraavi di'daananga wi'nyina. Yi sahwara Gotiyarine yayavi biraifyagaala dina. Yi Gotiyai kayaa'nanaanga dazangi yidikaa'devurine diraginya kinnakakei. Kiril sahwara biraifyagaala dina, simunya mudikebwu myawiramaaryadivi' yi gaminne yaya' byaannake' makidivitara mi'.

10 Yi ejeliya atiliyai (5) gamire diziya' sinyaaryare kinginamwaalyisavi dima'na. Sara dima'na kyawa' jihinya' sinyaaryai maremwaaideraavi jinnyina. Sahwara daanga kayaa'nanya' kuna maarina yawaasavidaa'nyi kunnya taalisa tika da'nivaniga!. 11 Sahwara kunnya daangennaj i wa'waayannaj i yawidivitara yi

Gotiya Sigunyaviyari yagaalibraizika yina. Kiri! sahwara simunya mudikebwi myawiramaaryadiv'i yi kumi yadivita saburaavina bule'na mujaayi yiwa!

¹² Yt ejeliya ata puridaasi pwainanyai (6) gamire diziya! Aalya naanga Yupiretiziav'i dima'na kyawa' yi aalya sa' yaalika yunewinna yilina yaka tusa' nyilyai bilyiridimagidaa'nya kingiyara kaanya bya'nev'i yawibwarakinna.

¹³ Yt nimti tenna wanganna yadaazi nyaabulyabisaraai dala yimakera bina. Yt kabaraawaryare maangevidaa'nyi yi sigyaarya sare maangevidaa'nyi yi wi'nawijawaakade kwaasiya sare maangevidaa'nyi daraai dalyara walyaabina.

¹⁴ Sare! dare'nanyi. Kulaka kayaa'nanya dazahinza yimakeraavire kulakengi. Nabaai yijwaala dala nabinabinya, atika maru'narya'ne yadivisare. Sahwara Kwaaka yuyavaki mwaaihasaraavi maremwaaidivita kingiyaraayawinna kaanya wi'na yiwa! Sahwaraavi "Mari'bwarakaana!" deva mala bwa'nya'nev'i Gotiya Diraginya Yuya Kininnakere yirika naanga dazagaa'nev'i makabina.

¹⁵ "Yithaanyi! Nimi a'mwe kukei bi'ma'devaabi' sariminyawinna bi'mavideinyi. Sarevi yi nabaai a'mwei se mwaryojo, yi gamire baazi'ma'nya kannyila gaminyaba nayaa maremwaaidi mwaalojiyai yi sai yilaaya yada tewaanaanga winikela! Yt sahwai yune kilakej'inanyai yamaryade'na mi!. Yt a'mwera gamire wagilya' wangabi'de'na mi!"

¹⁶ Yt yimaka sahwara simagi Yiviruyagaalyavi "Aamaahethoni," wo'nikebanna kingiya dazaraavi marirakurakinna yiwa!

¹⁷ Yt ejeliya ata puridaasi pwaraalyai (7) gamire diziya! sigunyavija yihusav'i dima'na. Yt Sigunyav'i Gotiyare Anga nawi'nyavi gamire kinginamwaalyisavidaa'nyi maangwiraaya naanga piri' jaka diraginna dada yt jaka daza' mwasabanna yinigwalyaabina. Sa' dara dina "Mena yima'niwaabi!" ¹⁸ Dina kyawa' yi ynamiraata baake mwasa'bti livapina, yi purinya yinnyina, yi ymunya pilina, yi wininya naange' yima'nyina. Wininya daza' yi sa' naangaange', yi yuyagaa'a'mwera Kwaakevak'i gaai mwalyaatagaa'daasi wininya pin aawa. Sinnawi kigaakuna wininya piri' daza'bti naanga sasara yaka mi!. ¹⁹ Wininya naanga daza' yima'nyina kyawa' anga naanga daza' davakaai dava' yima'nyina. Yt ajimya yuyangiyaraavire anga naanga sa wala'na yada yt kayaaka yinyina. Yt Gotiyai Anga naanga Baviloni dazavina simunya yawi'na yaka kaapiya waainiya kininnakei wijaavina kyawa' sa' yuneba nyina. Waainiya daza' yi sa' Gotiyare similika naangevine sinna tika widaya!. ²⁰ Yt ahu'manna yuyara likaanya mena wi'na, yi ayahi mugunya piri' mwaryawi. Mabiramaaryawi. ²¹ Yt liviku'jizirimya naange walaabina. Yt yuyawi sirimya pwaina pwainanyara taanga saaigilyavirebi' yi'na yaka. Daza sigunyavidaa'nyi walaabaka yi a'mweraavi a'ba bwala'na. Yt sahwara wana kayaaka naanga yinyina sirimyangi. Sarevidaan'nyi sirimya daza sahwaraavi kayaaka naanga yigalakiwakenna Gotiyari biraizika widina.

17

Yaasiwa'na maradakunamaryade naange' tivikita kayaa'nanya' maarake'nesi.

¹ Ejeliya pwai, ejeliya ata puridaa'nyi pwaraalyara diziya ata puridaa'nyi daraalya kininnakeraavya pwai yi sai baka nimnyi dara widina "Kaaja! A'mwe yaasiwa'na marapinamaryade naange' aalya kwalaalyangi yilamwaalike' gannya tivikita kayaa'nanya' maaradevina givwaridaakude'nanyi. ² A'mwe dazasi Kwaakevak'iya kingiyara girikit'a'nyabwi yadivisa!. Yt a'mwe yuya Kwaakevak'iya sara kwarajt a'mwe dazavire waainiya ye'mwannanadivisare. Yt waainiya sa' gamire girikit'a'nyabwi. Yt sara yeva a'mwei biyaaya nada yimaka widevaalib'i sahwara yiraataate lawalawe yima'nyina yesare."

³ Yि Kurya Tewaanyai n̄im̄nyi d̄raginna bulamwaaaina kanyiwa' ejeliya sai kwaaka a'mwe maayabanna n̄im̄nyi makuna. Yि daz̄magi a'mwe p̄iri' s̄igyaarya wayaaka pwar̄ munyaba ȳlamwaaaidi'nyi n̄imi t̄inna wangamwa. S̄igyaarya dazai yि sai yaya kwalaalya k̄in̄nnakei gam̄re k̄laakej̄ki. Yि yaya yuya daza yि Got̄yarina b̄raiyyagaala dala p̄in̄nna p̄in̄nnanya. Yि s̄igyaaryai m̄nyaginya ata pur̄daa'nyi daraalya k̄in̄nnakei yaka m̄nyagizaanya at̄raalyaj̄yai. ⁴ A'mwe daza' baazi'ma'nya kinḡyaresi wayaaka nabinnanyasi wakinike' yि dala p̄in̄nna p̄in̄nnanya n̄gwilalaaka gol̄ya k̄in̄nnake', yि n̄gwilalaake s̄ila nawi'nyaangeji turyaanga kwaalike'b̄ta paidapaide ȳra'nadej̄ya'. Sa' gam̄re asiri yि kaapiya gol̄yai l̄mwagarike'. Yि dala p̄in̄nna p̄in̄nnanya Got̄yare t̄innyari wana butirinya winni'kebwi yि a'mwe dazav̄re dala p̄in̄nna p̄in̄nnanya ḡir̄ke ḡir̄kita'nanya yadevvi kaapiya dazar̄ yunebanna ȳi'nadi'nyi. ⁵ Yि gam̄inne yayav̄na gam̄re yamevi pikarya' wa'di'nyi. Yaya daza' yulyak̄yagaalya' k̄in̄nnake', yि yaya yidasa' sa' daresi. Anga Naanga Bavitloni. Yaasiwa'na marap̄namaryadiv̄ita yuyanḡ kuvinaange!. Yि Kwaakevak̄ya wana butirinya winni'ke yuyaburaavi aaya kaav̄lya!. Yि yaya saresi. ⁶ A'mwe daza' Got̄yare tewaanyaraavi tamakadesi. Yि a'mwe Jizaazar̄ d̄raginna l̄mwaga'div̄i' gam̄inyina yune jalikurakadi'saraavi tamakina. Yि a'mwe daza' kum̄re tawe nada (tamakada) yimaka widaasi t̄inna wangamwa.

Yि n̄imi dazav̄ t̄inna wanganena yि l̄ka ȳwaainena at̄ka naanga maru'na'na. ⁷ At̄ka naanga maru'na'na kyiwa yि ejeliyi n̄im̄nyi wid̄ina "At̄ka be'na maru'na'mwaa? Yि sawaarine yoimavajalikurakyavi aaya kaav̄lya' givvaridaakudeinyi. Yि a'mwe dazav̄naj̄i yि s̄igyaarya m̄nyaginya ata pur̄daa'nyi daraalya k̄in̄nnakei yaka m̄nyagizaanya at̄lyaj̄yai a'mwe dazav̄ kaanya makuvanikerinaj̄i givvaridaakudeinyi. ⁸ Yि s̄igyaarya dazar̄ t̄inna mena wangamwaanyai yि k̄gaakuna sai mwalyaakei, yि dahaa' sai mamwaalyi'. Kir̄i' divi yि sai ȳrororila daanga maaya dazav̄idaa'nyi yidaavadelyi. Yि ȳlaabathei kayaaka yuya ȳwina yadelyi. A'mwe Kwaakevak̄yara Got̄yai Kwaakeva' wakyaakegaa' gam̄re bukuya gaala mwaalya'nir̄i kum̄inne yaya' myav̄karyaakera. A'mwe dazara s̄igyaarya dazar̄ wanganapij̄i sahwara at̄ka maru'na'na. Sinnawi sai mwalyaakei, yि dahaa' mamwaalyi'kei, yि divi ȳma'naabathe' at̄ka maru'na'na.

⁹ A'mwe s̄imunya k̄in̄nnakeinyi daakaj̄i, datha' ȳin̄ga wi'na pada'galayawirana! M̄nyaginya ata pur̄daa'nyi daraala daza mugunya ata pur̄daa'nyi daraalyanḡ. Yि a'mwe daza' mugunya dazanḡ ȳlamwaalikenḡ. ¹⁰ Nabaai m̄nyaginya daza kinḡya ata pur̄daa'nyi daraalyare. Maremwaaidiv̄isaraav̄ya at̄lyara kayaaka mena ȳneva (bwalareva) yि pwai dahaa' mwaalikei, yि pwai kinḡya mima'naabyinanyi. Divi sai mena ȳma'naaboz̄i yि sai yune maalikegaa'na nayaa mwaaladelyi. ¹¹ Yि s̄igyaarya dazai sinnawi mwalyaakei, yि dahaa' mamwaalyi'kei yि gam̄i sai kinḡya ata pur̄daa'nyi daraai dalyalyi. Kir̄i' sai kinḡya ata pur̄daa'nyi daraalyaraav̄ne kwai yि nabaai sai ȳinahu ȳwina yadelyi.

¹² Yि m̄nyagizaanya at̄raalyanḡ ḡimi t̄inna wangamwaanya, sa yि kinḡya at̄raalyara ȳma'nya'nerera. Sahwara kinḡya mamwaalyaraavi. Aawa. Sahwara s̄igyaarya dazalyi kinḡya d̄raginya' maapi'dere. Yि yune aawaaya p̄ir̄v̄na (maalikegaa'na) kinḡya mwaabib̄i'dere. ¹³ Dazara kumi s̄imunya avaala p̄ibwinanyare. Yि sahwara kum̄re d̄raginya'i kum̄re maremwaalya'ne d̄raginya'bulyi s̄igyaaryar̄na yanga w̄jaav̄ipi'dere. ¹⁴ Sahwara s̄igyaarya dazalyi gaidaa'na ȳipi'dera Sip̄zip̄ya Diw̄inyalyi mala bwa'n̄ipi'dere. Yि nabaai sahwaraavi Diw̄inyai malya' nebulya'na wav̄lavadelyi. Sai yuya naangeraav̄na Naangelyi. Yि sai yuya kinḡyaraav̄na Kinḡyalyi. Sare'na sahwai wav̄lavadelyi. Yि nabaai Diw̄inyai gannyaraj̄i mala daza' wav̄lap̄i'dere. Sahwara jaka j̄vwaramaa'n̄ikera, yune gannyara dahilak̄in̄kera, gam̄inyi d̄raginna l̄mwaga'div̄isare."

¹⁵ Yि ejeliya sai n̄iminyि w̄idina “Ḡimi t̄inna mena wangamwaanya aalya kwalaalya daza a'mwe yaasiwa'na marapinamaryade' munyaba ȳlamwaalike, yि a'mwe k̄laaka dala nabinyajि'jyarajि yि kwala bwa'naanyangjyarajि yि aj̄mya yuyangjyarajि yagaala ge gej̄jyarajि sarera. ¹⁶ Yि m̄nyagjzaanya at̄raala dazangj t̄inna mena wangamwaanya yuya dazarajj̄ s̄gyaarya dazalyि sara a'mwe yaasiwa'na marapinamaryadevina similika wimwaaladera gam̄nyi ȳkamaanga ȳma'n̄ipi'dere. Yि sahwara sah̄ri'i wana kayaaka ȳgalakapi yि gam̄re n̄gwilalaaka baazi'ma'nya marasipi'de' kannyimaaya mwaalade'. Yि nabaai gam̄re k̄laakejik̄ya m̄wisa t̄ika n̄ipi'dere. Yि d̄ikevi yuyajि marirapi'dezik̄. ¹⁷ Sare' dare'nanyi. Mu'nyadivisara kwara kiri Gotiyai kumire simunyangj gam̄re simunya w̄jaavadelyi. Yि sahwara daza ȳma'nade ȳpi'dengi, s̄nnawи sai mena dake' sah̄ri'i na. Yि sahwara simunya gave p̄ri'na wiwaradera, yि d̄raginya daza' sahwara kingjya maremwaalya'ne' maaresa' yि yuya daza s̄gyaaryarina w̄jaavip̄i'dere. Yि sahwara kuna ȳwopij Gotiyai yuya yunebanna yajahaa'na gam̄i sai dakenna. ¹⁸ Yि a'mwe daza' ḡimi t̄inna wangamwaanya', yि anga naanga dazaba kingjya Kwaakevakjyaraavina munyawи mwaaidevera.”

18

Anga naanga Babiloni kayaaka ȳinake'nesi.

¹ Sangj̄ d̄ividaa'nyi n̄imi t̄inna wanganna yadaazj ejeliya pwai Sigunyavidaa'nyi walaabina. Sai d̄raginya naanga nebulya' k̄ininnakei yि gam̄re byaanna Kwaakevakj livamwaja naanga ȳwa!. ² Sai maangwiraaya naange' jaka d̄raginna dara d̄ina “Mena bwala'mwa!. Anga naanga Babiloni mena bwala'mwa!.

Anga naanga Babiloni saba kayaaka mena ȳmwa!.

Dahaan' anga saba ȳmakera mwaaidivisaba ȳma'n̄wa!.

Kulaka kayaa'nanya gazaizalyi saba kave mwaaidivisaba

Yuta ḡrikita'nanya gazaizalyi kayaa'nanya gazaizalyi mwaaidivisabane!

³ Dare'nanyi. Aj̄mya yuyangjyara gam̄re waainiya' nesa'nanyi.

Waainiya d̄raginya sa' ḡrikita'nanya kwalaalya nadivisasi.

Kingjya Kwaakevakjyara a'mwe dasasi ḡrikita'nanyabwi ye'mwannayadivisa'nanyi.

Mubiwawinya Kwaakevakjyara dazavj n̄gwia kwalaalya maa'divisa'nanyi.

Dala p̄ininnaya p̄ininnanya ḡrikita'nanya sah̄ri'i saburi

N̄gwihiraya k̄ininnakeri n̄gwia naangejijyara ȳma'nadivisa'nanyi.”

⁴ Yि n̄imi kadika wi'nadaazj Sigunyavidaa'nyi maangwiraaya p̄ri' ȳnyina. Yि sai dara d̄ina

“Mwasilaanna dalyaabiyi! N̄imire a'mweih i dazavj dalyaabiyi!

Gam̄re kayaa'nanyajj̄ sah̄risi ye'mwannemwaala nyipi'ka!

Kayaa'nanyangjre t̄vikita sah̄risi giraku'nya nyipi'ka!

⁵ Gam̄re kayaa'nanya daza yaaye naange'b̄isangj.

Kuna ȳma'n̄goda yune Sigunyavina ȳvanj.

Gam̄re ȳwetawakyabwina Gotiyai mena yawiramaa'mani!.”

⁶ “Pwaihi, daza' t̄vikiti'devaabi' ȳniggevwina nayaa d̄rivik̄iri!

Gazabwizabwi yakenna t̄vikita p̄ri'waalya nayaa dimaragjra'mwagemwaalyi!

Sa' kaapiyari aalya kayaa'nanya d̄raginya' ḡnyiwadesi.

Kaapiyarine aalya gazasa' t̄vikita p̄ri'waalya' dimaragjra'mwagy!

⁷ Sa' yune gam̄inne yaya' munyaba makida

Kayaa'nanya dala p̄ininnanya kwalaalyabwi yadevaabi'

Sarim̄i a'mwe savina daanga kwalaalya duzaayila!

Ȳniga wi'nanya gam̄re yade kayaa'nanya dazabwina

Kale kwalaalya w̄jaaya'na sarim̄i nayaa d̄rivik̄irla!

Gamire simunyavina a'mwe sa' dara dadesi.

Kwinuya'nyi mwaaihe. Ni'mi kinginamwaalyisavi yilamwaaihe.

A'mwei kabaloji yaanyiwaake' mwaaidavaibit' sasare'nyi mi'.

Kinna javwi, taanginyabwi nyima'naabathevwi mi'. Arikewi.

⁸ Sarevidaa'nyi yune yirika gave pigaa'na wima'nadevulyi.

Kayaa'nanya dala pininna pininnanya sahirivti yima'nadengi.

Baryabulyi kinna kayaa'na jinaryabulyi mijikebulyi yima'nadevulyi.

Gotiya Naangei maryawibwaradei wana diraginaangei mwaalike'na

Dike' Anga naanga Baviloni savi nasi'na yadesi."

⁹ Kingiya Kwaakevakiyara sasi giriikita'nanyabwi ye'mwannayadivisara gamire kwalaalya wabahilaakebura ye'mwannayadivisara kinna, jakinna dipidere. Jisa' kyima'noji dikividaa'nyi yoji dike' savi winaadawoji yi kingiya dazara tinna wan-ganapiji yi nabaii sahwara kinna dadivti yi kunnya kihisangi mala tannipi'dere.

¹⁰ A'mwe sahirivti daanga kayaa'nanya' kamaaroji sahwara lika naanga yipi'dere. Sare'na yi sahwara sahirivti menyaba daavapiji yi dara dinna

"We!! We!! Anga Baviloniginya'na kale neyiwa!"

Gimi' anga naangebagi, anga naanga diraginya'bagi!

Yune aawaaya piriivina gimirre jidasa' yima'niwa!

Gimirre wagilyavina tivikita kayaa'nanya da' gima'niwa!"

¹¹ Yi a'mwe Kwaakevakiyara mubya yadivisara anga naanga dazabanna simunya yawrapiri kinna dadivti savina yi munyi' taanginyara mwaabi'dere. Sare' dare'nanyi. Kumire gilyivisa ayahi mubathei aane pwai kwai mi'.

¹² Gilyivita daza yi goliyasi silivaayasit silla nawi'nyaangeji kwaalituryaangeji yi nawi'nyaanga kwaabiyivita yaakeji kwaabiyivita kingiyareji kwaabiyivita paidapaide yi'de silikaayaji kwaabiyivita wana wayaakeji yi yuya yi'naanya dala pininnanya wabatirinya kininnakeji yi yuya tinna wangadivti wabahilaaka yadi vita elapaaniyaraavire saanyaburaavi yavikaryadivisajt yita mubya naanga wakadivisa yavikaryadivisajt biraaziya kwaari'mayaginya' silla bwaihira'bwalihirata yinike kininnake yavikaryadivisajt ¹³ yi dawaryaji wabatirinya aamona' mijata purya'nesi kwaagita wabatirinya yiravayihwia'neji marazinanya dala pininna pininnanya tirinya kininnakeji saadaaya nawi'nyajt yi waainyajt welivananya nya'neji pilawaaya giriikula ya'ne nawi'nyasit witiyasi yi bulimakaawoyerajt sipizipiyarajt oziyarajt oziyara mwagi'namarya'neji kilakejisiyara a'mwe gaala kininnakerajt. Yuya daza ayahi mubipi'dera mi'. ¹⁴ A'mwe mubya yadivisara dara dipidere "Tika munne daza maarya'na gimirre simunya' gitihikaa'de yi yuya sa giminyyi gyahalya'mavaka kaanya mena wiwa!. Yuya tika wapaaya nawi'nyanna nawi'nyannanya mubya naange kininnakeji gimirre yuya nigwilalaaka nawi'nyanna nawi'nyannanya yuya sa giminyyi mena gyahalya'mawakengi. Nabaai gilyivita daza giminyyi ayina magwaryadori a'mwera tinna mwanganyi yipi'dengi. Aawa. Arikawi." ¹⁵ Yi gilyivita dazangit mubya yadi vita dazara mubadivti gaminyi nigwia kwalaalya maa'divisara gamire daanga kayaa'nanya' maaradevina lika naanga yapiji gaminyi menyaba daapi'dere. Yi sahwara kinna dadivti yi munyi' taanginya mwaabi'dere. ¹⁶ Yi sara yadivit' dara dinna

"We!! We!! Anga Naangebaginya'na kale neyiwaka!"

Kwaabiyivita nawi'nyaangeji kingiyaraavirejti wana wayaakeji

Yuya saza gimirre kilakevit paidapaide'na baazi'ma'nike'gi!

Yi sa'gi yune kilakejiki yiwaala yiwanadit

Nigwilalaaka goliyajit silla nawi'nyajt kwaalituryaangeji!

¹⁷ Yune aawaaya piriivina gilyivikiravinakebwi gihaimwake'na we!!

Nigwia yuya dazajit nigwilalaakeji kayaaka yinyina!"

Yi sipiavì maremwaala gazaizalyì yi a'mwe gazaizai sipiya mubada piwinna kaanya wìya'nelyì yi yuya sipiavì yadivisarajì yi saalaalyavì a'mwe yuyara mubiawinya kìninnakerajì a'mwe dazara Bavilonì menyaba daaveva ¹⁸ dìkevire jisavì sahìrivì dìke' wìnadaasiya' tìnna wanganna yadivì' jake' dara danganna "Anga naanga dazaba avaainanyaba anga naangeba gava warika!" ¹⁹ Yi sahwara kwaakevire tìrya' kunnnya mìnyagìnyangi lìvama'nyìna yeva kìnna dìna yeva yi munyì' taanginya yìma'nyìna yeva mwaalìna yadivì' jaka dìna

"We! We! Anga naangebanna kale neyìwa".

Nìgwia naanga anga naanga dazabanyangìne ma'daanyaina
Saalaalyavì sìpìyangì kuvìnìmaangeina nìgwìhìravìnakeina yìma'nadaanyainera.
Yune aawaaya pìrivìna kayaaka yìnìwake'na we!"

²⁰ Sìgunya'gìjì Gotiyare tewaanyaihìlyì yi Widaasadeihìlyì wì'nawìjìwaakadìvitaihìlyì dahaa' yìma'nìwake'na sarìmi yuyaihi yìlaaya jìla! Gotiyai sahìrivì maryawìbwaraka kayaa'nanya' tìvikì'mwake'nanyì. Sarìmìnyì yìhyaka sasare dazabwi tìvikìsa' wiwake'nanyì.

²¹ Yi ejeliya dìragimaraanga pwai sìla pwai maarìna. Arìnga sìla naanga witìya gìla'mwadeibìsai. Ejeliya sahwai sìla dazai munyaba makina yaka yi saalaalyavì kewinìnna maralìvaranna yaka yi sai dara dìna

"Dìraginna maralìvaramwebaaibì' yìkamaangera maarìna yapı
Anga naanga Bavilonì kewinìnna dìraginna lìvarabi'devera.

Savì a'mwera tìnna ayahi pìrisì bìrawangabi'de' mi'.

²² Gìmìnyaba pìradayavìre jakesì daata dadìvìta yagaalyasi
Gwarengìrejì pihulìyarejì kadìka ayahi gu'nìpì'dera mi'.

Aawa nebulyasi. Arìkewì. Aane pìri' kìri' mu'nyìna.

Wawinya dala pìnninanyangì sìdu'nakeraavì ayahi bìrawangabi'dera mi'.

Gìmìnyì sasarei mwaaidoriyai aane pwai kwai mamwaalyìna.

Sìlyare jake' witìya gìla'mwadaawori ayahi gu'nìpì'dera mi'.

Gìmìre mìjìke'nà tìka wapaaya pìri' kìri' mwarina.

²³ Laamìvananyavìre dì'baake' gìmìnyì ayahi pìrisì gìvade' mi'.

Maangwìraaya kwala maarya'nere' maa'nya'nevìre' ayahi gu'nìpì'de' mi'.

Gìmìnyaba sasareyore aane pìri' kìri' mu'nyìna.

Dare'nanyì. Gìmìre mubiawinya kìninnaker Kwaakevakìya naangera!

Ajìmya yuyangìyaraavì gìmìre gìri'nyanna kwaasikuna wìjìwaalagìnya'gì!

²⁴ Gamìnyì yìwetawakyaba tawe wì'nawìjìwaakyaraaviresì Gotiyarereraaviresì warì'.

Anga naanga dazaba sahwaraavì yune tamakadìvisaba!

A'mwe Kwaakevakìya yuyaraavìjì tamakadìvisaraavìne yìwetawakya warì'."

19

Sìgunyavì "Aawi!" daata dadìvì' Gotiyarìna yìlaaya yesa'nesì.

¹ Sahìningì dìvidaan'nyì jaka naangebisa' Sìgunyavì kwala naangeraavìre' nìmì kadìka wì'nyìna. Yi sahwara dara dìna

"Nemì Gotiyarìne yaya' munyaba makìlaa! Aaleluya!

Nemìre Gotiyai yune gave sahwaina nevadaihasamaarya'nebulyìyai!

Byaanna kìninnakei dìragìnyabwi kìninnakei yune mwaalìkei!

² Dare'nanyì. Gotiyai maryawìbwa'denna nebulyabwi yunewinna yìda'maraangesì.

Yaasiwa'na maradakunamaryade naange' Kwaakevakìyaraavì kayaaka yìgalakadesì.

Gamìre gìrikita'nanya sabulyì sahwaraavì kayaaka yìgaidesì.

Sarevìdaa'nyì Gotiyai sahìrivì daanga kayaa'nanya' tìvikì'mwake'nanyì.

A'mwe daza' Gotiyare yaasiwa'wawìnya saraavì tamakadesì.

Kumìre tawe'na gannya yìwetawakya daza' tìvikì'mwakesì."

³ Yि sahwara piqasaai jaka ayahi dara dina
“Nemि Gotiyarine yaya' munyaba makilaan! Aaleluya!
Dikevire jisa' anga naangeba dike' nivan!”.
Yि jita daza' munyaba yuyagaa' yuyagaa' yimanaawii!”

⁴ Yि a'mwe naanga atiziviliiraai yaka pware asiri daraai daraalyaraj gaala
kininnaka daraai daraalyaraj sara kwaakewinna walaruta'neva Gotiyarina
kinginamwaalyisav mwaalike'na lotuya yina. Lotuya yina yadiv'i' dara dina
“Sahiris. Nebula naangesi.

Gotiyarine yaya' munyaba makilaana!”

⁵ Yि Gotiyare kinginamwaalyisavidaa'nyi maangwiraaya piri' jaka yinnigavina.
Dara dina

“Gotiyare yaasiwa'wawinya yuyaihi
Gotiyarina lika yadivisaihi
Kwaakewinyaihilyi munyabanyaihilyi saihi
Nemire Gotiyari munyaba dimakilyila!”

⁶ Yि kwala naangera yi'bwa'nemwaaidapiya jake'bii', saawila naange yidaa'nyiya
jake'bii', yi'munya naange pidaa'nyiya jake'bii' yi nimti kadika wi'nyina. Daza' jaka
dina

“Nemि Gotiyarine yaya' munyaba makilaan! Aaleluya!
Naangei nemire Gotiyai Diragiya Yuya Kinnakei
Dahaan' sai kingiya nebulyai yuna mwaalike'nanyi.

⁷ Dahaan' nemire munyi' nawi'nya yina yawaaji
Yि nemi yilaaya naanga kuna yawaaji
Gaminne byaannya' munyabanna nayaa makilaan!
Yirikegaa' Diwinya Sipizipyai kwala maarya'negaa' yima'niwa'.

Yi gamire a'mwe' gamiza' yavada'gainya yiwa'.
⁸ Gotiyai savina baazi'ma'nya yaake' wiijaavina yiwa'.
Baazi'ma'nya wana nawi'nya' wana livamwaja yadaasoya'
Wana tirimaaya nebulya' gannya kilakejik' wakiwa'.”

Sare' dare'nanyi. Baazi'ma'nya yaaka nawi'nya daza' yi Gotiyare tewaanyaraavire
wawinya yida'maraangengira.

⁹ Yि ejeliyai niminyi widina “Yagaala datha' pikarya jittha!! A'mwe dazara
Gotiyai jaka jivwaramaarakeru munne naangevi Diwinyai kwala maarya'nevina
biwaasara yilaaya yadiv'i tewaanaanga winadere.” Yि sai niminyi widina “Yagaala
daza yi sa yagaala nebulya'nanya Gotiyarengi.” ¹⁰ Sara widina kanyiwa' nimti
kwaakewi gamire sivilyiraaryaba gidikusaba walaruta'nyina. Yi nimti sahwarina
“Lotuya yima!” dena kirii' sai niminyi widina “Gimi' sasara minna! Gimiji
gimire ja'mwera kwaraji yaasiwa'wawinya ye'mwannawidaayadinyainyi. Sarimi
Jizaazarina diraginna limwadi'i yi wijalikurakadivisaihilyi. Sasareihire avaai-
wawinyainyi. Yि Gotiyai yune gave pwainanyari lotuya nayaa diraginna ji! Sare'
dare'nesi. Jizaazarina wijalikurakyabwi yi Kurya Tewaanyai wi'nawijwaakyaraavi
yidika'daa'nyi wijiwaakadivita sasare dazabulyi.”

A'mwei oziya yaakeri munyaba yilamwaalake'nesi.

¹¹ Yि nimti tinna wangadaazi Sigunya' kaanya basinadaa'na yinkevi, yithaanyi,
oziya yaaka pwai mwaalina. Sar'i a'mwei yilamwaaina. Gaminne yaya'
yi darei. Gotiyare yawita yuyangi nayaa limwaga'dei, yi nebulya'ne aaya
kaavilyai. Nabaai sai yune yida'maraangeburina pada'galamididevi yi a'mweraavi
kotiyavi maryawibwa'da yi sai malya' bwa'delyi. ¹² Gamire tinnyai ditaalisai'.
Gamire minyaginyav kinginmwaaihi'nya kwalaalya warike. Gaminne yayavine
piikarya' kininnakei. Yaya dazavi aaya kaavilya' gami gave yune sahwaina

yaw+i'delyi. Yt a'mwe pwara aawa. ¹³ Gamire baazi'ma'nya yunewinna yalawakya saamigwazaaya gami waki ka sa' tawevi jiwintkesi. Yt sahwarine yaya' dara wo'nikesi. Gotiyare gaminyina Yagaalyala! ¹⁴ Aamiya Sigunyaviyara kunnya oziya yaakerava yilamwaaina yeva sahwari dividaa'nyi midinna. Kumire kilaakejikaavi baazi'ma'nya yaaka wana giri'maaya nawi'nyaange yira'nevera. ¹⁵ Yt oziya yaakeri yilamwaalika dazare maangevidaa'nyi kwaari'masiraminya walyabinike'. Kwaari'masiraminya daza' saamigwazaaya' wana lika gurimaanga di'bwarakinike'. Yt nabaai dazasi sai a'mwe ajimya yuyangiyaraavi tamakade'nanyi. Yt nabaai gami sai yita aayiniyarit limwagaroji sahwaraavi diraginna maremwaaladelyi. Nabaai gami sai silla naanga giraipiya tima'mwanga ya'nevi waainiya' gila'mwagathelyi. Waainiya daza' yt Gotiyai Diraginya Yuya Kinnnnakere similika naangevine sinna tika widayi!. ¹⁶ Sai gamire baazi'ma'nyavi gamire ti'munyavi gaminne yaya' pikarya yida'nikei. Yaya daza' yt dare'

"Yuya kingiyaraavina Kingiyai yuya naangeraavina Naangela."

¹⁷ Yt nimti tinna wanganna yadaazi nyiliyari ejeliya pwai daavina yada yuta yuyara yiraayavi munyaba pilavamaryadaapiyaraavi maangwiraaya jaka naange' danganna. Yt sai dara dina "Sarimi yikabapi Gotiyare munne naanga dathavi dizibwa'nyi! ¹⁸ Yt a'mwe baimwaasaraavi tika naana! Yt kingiyaraavire kilaakejikaaviya miwisa, yt miwita aawilasaraavi maremwaaidivisaraavirej, yt miwita a'mwe diraginaangeraavirej, yt miwita oziyaraavirej, a'mwe oziyaraaviv yilamwaaihasaraavirej, tika naana!" dapi dizibwa'nyi! 'Yt nabaai a'mwe yuya pwara kwaraavire kilaakejikaaviya, a'mwe kave mwaaihasaraavirej, a'mwe yaasiwa'wawinyaraavirej, yt a'mwe maalikkeraavirej, yt a'mwe naangeraavirej, miwita daza tika naana!' dapi dizibwa'nyi!"

¹⁹ Yt nimti tinna wanganna yadaazi sigaarya dazalyi yt kingiya Kwaakevakiyaraj kumire aamiya aawilasara kwaraj sahwara mena yibwa'nyina. Sahwara "Mala bwa'naade'nana," deva "A'mwe oziyari yilamwaalika dazalyi gamire aamiya aawilasaraj sahwara mala ye'mwannabwa'naade'nana," deva mena yibwa'nyina. ²⁰ Yibwa'nyina kyiwaa' kirit oziyari yilamwaalikei sigaaryariji wi'nawijiwaakade kwaasi dadei sigaarya dazare tinnyari yijiwaala kwalaalya yaderiji wiла galyi'na yawa!. Yt kwaasi yijiwaide sasare dazaburi wi'nawijiwaakade kwaasiya dazai a'mweraaviv sigaaryare baave' maarevera yt gamire a'mwa'mwe savi lotuya yevera saraaviv kwaasi wiakebuliyiyaraai. Sigaarya dazariji kwaasiya wi'nawijiwaakade dazariji sara galyi'na yaka saraai gaala kuna mwaaihilyaraari di'bunya naangaangevi di'daanya naange' niwankevi silla saaliipaaya' niwankevi kewininnna maralivaranna yawa!. ²¹ Yt dazai oziyari yilamwaalika dazai a'mweraaviv kwaari'masiraminya daza' gamire maangevidaa'nyi walyabiniika dazasi tamakina yakere. Yt yuta yuya dazara a'mwe dazaraavire miwisa tika maranyina yeva yt kumire munyi' yunebanna winyina.

20

Saataani kalavuza' kwarame 1000 yitnamwaalade'nesi.

¹ Yt nimti tinna wanganna yadaazi Sigunyavidaa'nyi ejeliya pwai walaabina. Gamire asiri yiroriла daanga maayavire kiya' limwagarikei. Yt sai kwaari'ma'magazaawanya naange' kirisit limwagarikei. ² Sai kabaraawarya dazar galalimwanna. Kabaraawarya sai kamaala wana sinnawi kigaakunanyai. Sai Yuyaraavi Kotiya Maryadei. Yt sai Saataani, Yikamaangei (Siwaakei). Yt ejeliyai kabaraawarya dazar yune kwarame 1000 waani taawizanlya kalavuza' yiramwaaihyaner kwaari'ma'magazaawanyasi wiла galapwiyina yaka ³ sahwar yiroriла daanga maayavi kewininnna maralivaranna kyawa' sarei kewininnna

walaawina. Maralivvaranna yaka a'badaa'nyi kaanya' sahwari yilarihi'na yaka diraginna jibwekina, baave' wakinna. Saataanit kwarame 1000 bawodehaa'na ajimya yuyangiyi a'mweraav i kwaasi ayina muja'neri kaanya' jibwekina. Yit divi sagaa' kwarame 1000 mena kabwawoj ejeliyai yiralavadelyi. Yit sai yaasiwa' yamarina yadelyi yune maalikegaa'na.

⁴ Yit nimti tinnna wanganna yadaazi kinginamwaalyita pin wa'di'nyiyangi yit pwara yilamwaaiha'. Sara kitiyav maryawibwarya'neraav Gotiyai sasare wawinyavine diraginya' wijsawakera. Nabaai nimti tinnna wanganna yadaazi a'mwe kwalaalyaraavire kuryara. Sahwara Jizaazarina nayaa jalikurakevera, yit Gotiyare yagaalya' diraginna limwagarevera. Yune sahirivine'na yikamaangera sahwaraav pwaraavire tilinnya woripuresara. Yit sahwaraav pwaraav tamakina yesare. Yit sahwara sigyaaryar lotuya myadiv'i yit gamire a'mwa'mweriji lotuya mi. Yit sahwara gamire baave' kumire yamengiji kumire asangiji mamaaryevera. Yit sahwara balesara gaalya' ayina maareva yit kwarame yune 1,000 dazagaa' Kiraazitiyalyi kingiya mwaaiha'. ⁵ Daza' yit a'mwera ayina dikapidehaa' aaya mudi'nanyagaaki. Dazagaa' a'mwe bainika pwara gaalya' mamariwaa'. Sahwara yemwaala yiga' kwarame 1,000 sagaa' mena kabwajine'na. ⁶ A'mwera ayina dikapide aaya mudi'nanya dazagaa' sahwara yilaaya yadivi' tewaanaanga winadera mwaalapiji yit Gotiyare tewaanyara nawi'nya tewaanya mwaaibibdere. Yit nabaai baryabwi sa' pigasaalya' a'mwe dazaraav marulawakya'ne diraginya maayasi. Aawa. Sahwara Gotiyarina mubithika yira'divisare. Yit Kiraazitiyarina yira'divisare. Nabaai sahwara kwarame waani taawizaniya sagaa' Kiraazitiyalyi kingiya ye'mwannamwaaibidere.

Saataanit wavilavade'nesi

⁷ Divi kwarame 1,000 waani taawizaniya sagaa' mena kabwawoj gamire kalavuziangevija kaadihisa' kabaasoji' Saataanit gamire kalavuzav yagalya'mavadelyi. ⁸ Sarei mwasilaa walyaaboz a'mwe ajimya yuyangiyaraayawinna kwaasi yagaala wijsnei wiina. A'mwe kwaakevija tivimaginya dawaai dawaalyabanyara yit Kwaakevakija yunewinyara yit Gohiyaraji Maahohiyaraji saraayawinna wiina. Saataanit sahwaraav mala bwa'nya'neraav mari'bwarimwaaihadere. Kumire ata gilya saalaalyav maangebaariya siweka sabisang. ⁹ Sarera kwaaka saba yuneba yidaawadivi' Gotiyare tewaanyaraavire wa'mwaryaba, anga naangeba Gotiyari tewaanya wiwu'nivanikeba yit saba yuneba kurita gihi'mavamwaimwaataraaviner. Kiri' dike' Sigunyavidaalnyi walaaboz mala bwa'nadaapiya saraav diknakiwakeraaviner. ¹⁰ Yuyaraav Kotiya Maryadei sahwaraav kwaasi widade'na sare'na Gotiyai dit'bunya naange' dit'munange'na yadaa'nyiyav silla saalipaayav nade savi kewininnna maralivvaranna. Dit'bunya sa' sigyaarya dazalyi kwaasi witnawijjwaakyabwi dade dazalyi saraai mena mwaaidakiliy dazahirivi. Sarevi daraai dala sara daanga naange' maapi'dere nyilyaviji sawisaviji yuyagaa' yuyagaa'ne'.

Naangegaa' maryawibwata naange' yima'nadevwinesi

¹¹ Nit tinnna wanganna yadaazi kinginamwaalyita naanga yaake' wa'di'nyi nabaai namwaalyita savi pwai yilamwaali'. Sahwari Kwaakevasi sigunyavasi likaanya yenadaa'na yaka yimaanyina. Kirimi sawaareba kuneba. ¹² Nabaai nit tinnna wangaadaazi yit a'mwe bainikera, kwaakewinyaraji munyabanyaraji sara mwaaidapiyara kinginamwaalyita dazavire kusmagi daavina. Nabaai namwaalyisavi yilamwaalikei sai bukuya pinigti tilaayina. Sai bukuya piriisi maarina. Bukuya si gaala mwaalya ni. Bukuya sangi pikarya yida'nikengi tinnna wanganaka kumire yeta yuya sabwina a'mwe bainikeraav maryawibwa'mwakere. ¹³ Saalaalya' gaminyi a'mwe yuya bainika mwaaihasaraav ayina wijsavina. Nabaai Baryabulyi Bainikeraavire Angebaj sawaari a'mwe yuya bainika wijsaadapiya saraav ayina wijsavina.

Mena ayina wijaavina kyiwaa'i bainika saraavi gazaizar'i gamire yake yune sabwina maryawibwata yi'wakere. ¹⁴ Di'bunya naangevi dika nivanika savina Baryabulyi Bainikeraavire Angebaj'i sawaai marasi'na yi'wakelyi. Di'bunya naanga daza' barya pi'gasaalyasi. Ayawidaa'nyi balyasi daza!. ¹⁵ Nabaai Naanga maryawibwa'dei a'mwe pwarene kwarine yayavi bukuya gaala mwaalya'ne siri mabiranganyojo sarevi, yi'thaanyi, a'mwe sar'i marasi'na yi'wa' di'bunya naanga dika nivanikevina.

21

Sigunya mudikevakinaji Kwaaka mudikevakinaji dinike'nesi.

¹ Yi nimi sigunya mudikevasi Kwaaka mudikevasi warikewaa'i wangamwa. Sare' dare'nanyi. Sigunya aayagaasiyavasi Kwaaka aayagaasiyavasi yunakaanna wi'na. Nabaai saalaalya' kirisi mwarina. ² Nabaai nimi tinnna wangamwa anga tewanya dazaba Jeruzaalem'i mudikeba. Anga naanga dazaba Gotiyai yasaabina kyawa' Sigunyavidaa'nyi anga daza' walaabina. Ni'gwilalaa'baaka nawi'nyajiya', a'mwe' kwala maarya'ne' ni'gwilalaaka nawi'nyaange ti'da kwala maa'nya'negaal' gannya a'mwerina yemwaaidevaabi' walaabina. ³ Sare' nimi kadika wi'nyina yadaazi kinginamwaalyisavidaa'nyi maangwiraaya piri' yi'nyina. Yi jaka naanga diraginna dara dina "Yithaanyi! Daha'a! Gotiyare seli ange' a'mweraj'i ye'mwannamwaalika! Sahwaraav'i tinnnyaba waradesi. Yi gamire byaannya' kumi'nyi ye'mwannarika! Nabaai sahwara gami' sahwaraera mwaalib'i dere. Yo, Gotiyai gami' kwalyi ye'mwannamwaaladelyi. ⁴ Kumire kidalaaibiri'ka tinnnyaraavi wiwarike gazasa' yaalika yi'mwagathere. Baryabwi ayahi waradevwi mi'. Yi a'mwera ayahi baibi'dera mi'. Simunya' taanga ayahi winadera mi'. Jakinna ayahi dipi'dera mi'. Daangeji maapi'dera mi'. Sinnawinya sa mena yuya yi'wina yi'wake'nanyi."

⁵ Kinginamwaalyita dazavi yi'lamwaalike sai dina "Yithaanyi! Ni'mi yuya sa mudike yavikarivanigengira." Sara daka piri'si dina "Yagaala daza pikarya jitthaka! Yagaala daza yuyara diraginna limwabizannaji naanga nebulya'nanya warike'naji sara jitthaka!" ⁶ Sara daka ni'minyi ayahi wi'dina "Yuya sa mena yi'ma'nawaabikengi. Ni'mi sahwainyi, ni'mi aaya sinnawinyainyi (A). Aaya divineinyi (Z). Nabaai yuya sangine'na aaya kaavilyainyi. Yuya diraginya sa yunebanna yi'mwannadinyainyi. Ni'mi sahwainyi a'mwe aalya'na mijika baimanikerina aalya yanga naanga wijaavidelyi. Aalya sa' nade'na aaliyiminyavi gaala mwaalya'ne'. Ni'mire yanga naanga dazabwi sihumale yanga wijaavidelyi. ⁷ Nabaai a'mwei mala bwa'nyaburi yunebanna wavilavajai yi ni'mire yanga naanga daza' maaraadelyi. Ganmaangei gannya kaimiraayaraavina wijaavadevaabi' dathavwi maaraadelyi. Ni'mi gaminyi Gotiyainyi mwaalidelyi. Nabaai sai ni'minyi nyibwaalivaangei wi'mwaihiwiji mwaaladelyi. ⁸ Kir'i' a'mwera lika yina Kiraazitayarina 'Aala! Nabaimudika!' dina ayina ginyira'divisaraj'i a'mwe diraginna malimwagaryadivisaraj'i a'mwe girikit'i nanya dala pininna pininna yadivisaraj'i a'mwengi a'mweraav'i tamakadivisaraj'i a'mwe ata limwadivisaraj'i a'mwe giri'nya yadivisaraj'i a'mwe kwaasi'gotiyaraav'i lotuya yadivisaraj'i a'mwe yuya kwaasi' yagaala dadivisaraj'i sara kuminne tivikita daresi. Di'bunya naangevi silla saalipaayav'i di'munange'na yarikevi sahwaraav'i marasi'nadere. Sa' yi Baryabwi Ayawidaasasi."

⁹ Ejeliya pwai, ejeliya ata puridaa'nyi daraalyara diziya ata puridaa'nyi daraalyang'i maangengi a'mweraav'i kayaaka yi'galya'ne yeku'naka aaya kininnakeraj'iya pwai, yi sai baka ni'minyi dara wi'dina "Kaaja! Kwala maa'nya'ne sidiraaya' Sipizipiya Diwinyarina a'mwevi'na givwaridaakude'nanyi." ¹⁰ Sara wi'dina kanyiwa' yi Kurya Tewaanyai ni'minyi diraginya yi'vaimwanna kanyiwa' ejeliya sai mugunya naanga ke'mwewinya piri'vi'na ni'minyi makuna. Sara nyaka Anga Naange' Jeruzaalem'i Nawi'nya dazaba yi'bwaridaakuna. Anga daza' Gotiyai yasaabina

kyiwa! Sigunyavidaa'nyi anga daza' walaabina. ¹¹ Gotiyare byaanna naange' anga naanga dazaba mwadaavina. Savire baaka wanyiwanya' yuna nabinya piri'bisa' wanyina, sila niggia naanga mubadivita sangire baaka sa'bii' wanyina. Yt daza' sinimwavanahuri ka naangebis!, yi wana tirimaaya nebulya'nanya' sigujaaka sirimya'bisa' wanyina. ¹² Anga naanga dazaba sikurita naanga yinike' yune ke'mwewinanya!. Kurita savi tikurya atiraai sivilyiridaa'nyi pwaraalya warina. Sare' nabaai tikurya piri'i ejeliya pwai aya kiba gaidaa'na. Piri'i pwai, piri'i pwai gaidaa'na. Yt yuyangi ejeliya atiraai sivilyiridaa'nyi pwaraalya aya kiba gaidaa'na. Nabaai tikuryangti Yizireliyaraavire yisavaakidaa'nya atiraai sivilyiridaa'nyi pwaraalyavakaavine yaya pikarya yida'nikengira. ¹³ Sikurita nyiliyai bilyiri'dimagi kaadihiita dawaai dasa' daavina. Nabaai sikurita pimaginyavi kaadihiita dawaai dasa' daavina. Nabaai sikurita nyiliyai walakadimagi kaadihiita dawaai dasa' daavina. Nabaai sikurita nyiliyai walakadimagi kaadihiita dawaai dasa' daavina. ¹⁴ Sihurita anga naanga dazabanne sa' kaavilyawi sila diraginya yivaimwagenta'ne atiraai sivilyiridaa'nyi pwaraalya kininnakesi. Nabaai sila saraavi Sipzipiya Diwinyare Widaasade atiraai sivilyiridaa'nyi pwaraala saraavine yaya kininnakengira.

¹⁵ Ejeliya dazai nimiji yagaala ye'mwannadina yivanikei yita goliyaginyari' limwagi'kei. Anga naanga saba kaadihi'sangiji sikurisaviji yaamijiyita ya'neri' limwagi'kei. ¹⁶ Anga naanga dazaba yuna giri'la'nya yivanika. Gamire saaminyavasi gamire naangevasi yuyavakaai avaainanyavakaalyi. Sahwai gamire yisaris'i yaamijita yina kyiwa' anga naanga sabanya saaminyava' sitethiya tiwelivi taawizan'ya yima'nyina (2,400 kilomitaaya). Saaminyavasi sikurisavinya naangevasi anga naanga dazabanne yunebanya' munya ke'beva yilaawina yinkebajt yunebanya yuya sa avaainanya. ¹⁷ Nabaai sikurita kirivi'ji yaamijita yina yiwake' sikurisa' yune angajina 144 kyuvit'ya (72 mitaaya) yima'nyina. Metaaya daza' a'mwera yuyangi metaayim'ya yadi'visa' avaalyasi. Ejeliyi yaamijiyita sa' sikurisav'i yune metaaya sahirisina yiwakesi. ¹⁸ Anga naangebanya sikurisa' Gotiyai sila nawi'nya jaazi'paayasi yavikaryakesi. Nabaai anga naanga saba yune goliyasina yavikaryakebe. Sarevi anga naanga saba sinimwavanahuri'ke'bii' bwamwadiwina. ¹⁹ Anga naanga saba sikurikev'i kaavilyawi sila nawi'nya dala nababinbya niggia naanga mubadivsajt Gotiyai yawaala yiwagakengi. Aayagaasa (1) sila nawi'nya sikurisav'i kaavilyawinyai jaazi'paayai. Nabaai ayawidaa'nyai (2) sila gwaagwaaja sapaayai. Nabaai daraai dalyai (3) sila ahetyai. Nabaai daraai daraalyai (4) sila yikiwa'ja emeraliyai. ²⁰ Nabaai atilyai (5) sila wayaakejisi yaakejisi warike saathonikizi'yi. Nabaai ata puridaa'nyi pwaraalyai (6) wayaaka tawaja konyil'yaniyai. Nabaai ata puridaa'nyi pwainanyai (7) sila awi'ja kiri'zolaaitiyai. Nabaai ata puridaa'nyi daraai dalyai (8) sila saalaalyav'i yijuza beriliyi. Nabaai ata puridaa'nyi daraai daraalyai (9) sila nabinnanya awi'ja topaazi'yi. Nabaai atiraalyai (10) sila yikiwa'jajisi awi'jajisi'yi kiri'zopireziyai. Nabaai sivilyiridaa'nyi pwainanyai (11) sila nabinnanya gwaagwaaja aayazidiyai. Nabaai sivilyiridaa'nyi pwaraalyai (12) sila nabinnanya wayaaka ametizi'yi. ²¹ Kaadihiita atiraai sivilyiridaa'nyi pwaraala sa nabaai kwaalituryaanga mubya naanga yadi'vita sivilyiridaa'nyi pwaraalyangti. Kaadihiita gazasa' yt sa' kwaalituryaanga naanga yune piri'sina yavikarinikesi. Anga naangeba tuta yuyangi yune goloya'nanyasi. Goloya giri'maaya' widiwaayavire gilaaziya'bisisi.

²² Anga naanga dazavi Gotiyarine Anga nawi'nya' tinna mwanganyiwa. Mamannyika sare' dare'nesi. Naangei Gotiyai Diraginya Yuya Kinnnnakei, yi Sipzipiya Diwinyalyi Gotiyarine Anga nawi'nyasi. Gazabazaba yilaaya wiadivisa'nanyi. ²³ Nabaai anga naanga dazaba wanyiwanya ya'na nyilyalyi lawelyi saraarinna

wigainadeva mi!. Sare' dare'nesi. Wanyiwanya yune naanga Gotiyare'na wannadevanna anga saba. Yi gamire byaannya' wannadeva. Nabaai Diwinyai sahibanne wanyiwanya di'baakelyi. ²⁴ A'mwe ajimya yuyangiyara anga naanga dazabadaa'nya wanyiwanya baakevi kaanya yamaripi'deve. Nabaai kingiya Kwaakevakiyara sahibanne kumire nighwilaalaakeji byaannyaj makabipi'deve. ²⁵ Yirikegaa' sikurita saviya kaadihisangt kaanya tihipi'de mi!. Arikewi. Yuyagaa' basinadaa'na yade. Sare' dare'nesi. Anga naanga saba sawisa' jinnadeva mi!. ²⁶ Sahibanna ajimya yuyangiya byaannyaj yaya munyaba makilya yuyabulyi makwibi'dengi. ²⁷ Gilivita giri'naka aane piri' kiri' wiladei mi!. Gotiyare tinnyar wana butirinya winnikebwi yade aane pwai kwai aane piri' kiri' wiladei mi!. Kwaasi yagaala yade aane piri' kiri' aane pwai kwai wiladei mi!. Arikewi. A'mwe kumire yaya bukuya gaalya'nyiri Diwinyare bukuyiri yida'nikera, yune a'mwe dazahwarana wibi'dere anga naanga dazabanna.

22

¹ Nabaai ejeliya dazai aalya naange' walyivanika piri'vinna niminyi yibwaridaakuna. Aalya daza' aalya gaala'ne sa' yuna sinimwavananya'b'i aaiziya'b'i kimihiita yadaa'nyiya!. Yi aalya daza' Gotiyalyi Sipzipiya Diwinyalyi sanidaare kinginamwaalyita savidaa'nyi yima'naka ² anga naanga dazabanna tutaanya naangevi tinnayaba walyuna. Aalmaangebaar dihiriji kengihiri'ji yita gaala ya'nyi' waayi!. Kwareme piri'vi tika munne atiraai sivilyiridaa'nyi pwaraai yinadengi. Yuya lawe sikaavi yisila daza yinadengi. Nabaai yita sare yikiwasa ajimya yuyangiyaraav tewaanya nawi'nya yima'nya'nengi. ³ Nabaai Dikevi wimarasini'nya'ne gazasa' kunebe. Yuya daza ayina warade mi!. Gotiyalyi Diwinyalyi sanidaare kinginamwaalyisa' anga naanga dazaba waradevanyi. Nabaai Gotiyare yaasiwa'wawinyara gaminyi lotuya wimariipi'devanyi. ⁴ Nabaai gamire sinnyi' wangabi'devanyi. Nabaai gaminne yaya' kumire yamenginyira. ⁵ Sawisa' ayahi jinnade' mi!. Sarevi nabaai sahwaraav laamivananyavire baakesi nyiliyare baakesi sawaarina ayahi wigainade' mi!. Naangei Gotiyai sahwaraav baake' wijaavade'nanyi. Nabaai yuyagaa' yuyagaa' sahwara kingiya mwaabib'i'devanyi.

Jizaazai walaabatherinesi.

⁶ Nabaai ejeliyai niminyi dara widina "Yagaala yuya daza yuna naanga nebulyangira. A'mwe yuyara sahiningga diraginna lwmwabizang. Naangei Gotiyar wijnawijwaakadivisaraavire kuryaraavi dihaab'bwa'dei gamire yagaalya' wijiwaakya'na gamire ejeliyar maryasaabakelyi. Gamire yaasiwa'wawinyaraav wibwaridaakkwia'na yuya daza yime'nya'b'i yima'nya'nenna maryasaabakelyi. ⁷ 'Yithaanyi! Ni mi yime'nya'b'i walaabideinyireva.' A'mwei yagaala bukuya davir warike midinajai yi yagaala Gotiyai gitihwake wi'nama'mwaanya wi'nwijwaakiyagaala daza midinajai yi a'mwe dazai yilaaya yada tewaanaanga winadelyi."

⁸ Joninnyi yagaala dazahini kadika wi'nena yuya dazahini tinnna wangamweinyi ni mi. Kadika mena wi'nena tinnna mena wanganena "Sahvari lotuya yima!" dena kwadaai giliina yena ejeliyare sivigi'nyiryaw yuya daza nyibwaridaakwakeryaw walamaaaina. ⁹ Mena walamaaaina kyawa sahwai niminyi widina "Gimi' sasara minna! Gimiji gimir ja'mwera kwara wi'nwijwaakadivisaraji ye'mwannawidaayadinyainyi. Avaaiwawinyainyi. Nabaai a'mwe yuyara bukuya davire yagaalya mididivisaraji avaaiwawinyainyi. Yi Gotiyai yune gave pwainanyar lotuya nayaa diraginna ji!" ¹⁰ Nabaai sahwai niminyi widina "Gotiyare yagaala daza kadika wi'nama'mwaanya wi'nwijwaakiyagaala daza bukuya dathiri' warikeng mamarabiku'dinera! A'mwera wangabika! Sare' dare'nanyi. Gotiyare daza

ya'negaa' aya kigaa' mena yiwaka. ¹¹ 'Aayagaa' sagaa' a'mwei yida'maraangebwi marasi'ni'kei kayaa'nanyabwi yadei kayaa'nanyabwi kuna yana! A'mwei kayaa'na giri'kita'nanyabwi yadei kayaa'na giri'kita'nanyabwi kuna yana! Nabaai a'mwei tewaanya yida'maraangebwi yadei tewaanya yida'maraangebwi kuna yana! A'mwei nawi'nyai giri'maayai mwaalajai nawi'nyai giri'maayai kuna mwaalaneva!' ¹² Yithaanyi! Ni'mi yime'nya'b'i walaabideinyira. Ni'mire tivikisabwi limwaga'muj'i walaabideinyi. A'mwe gazarizar'i gamire yade yune saburine'na wirivikirideinyira. ¹³ Ni'mi aaya sinnawinyaainy'i (A). Aaya divineiny'i (Z). Yi ni'mi yuya sangine'na aaya kaavilyainy'i. Yuya diraginya sa yunebanna yi'mwannadinyaainy'i.

¹⁴ A'mwera kunnya baazi'ma'nya aalya yipijara yilaaya yadi'i' tewaanaanga winadere. Sarera 'Ti'ka munne yita gaala'nyiki yiniga maranaana! Anga naanga dazabanne kaadihisangi yiniga wilawaana!' deva yipinerera. ¹⁵ Gotiyare anga naangeba mwasi'laa jilkeraj'i a'mwe giri'nya yadivisaraj'i kayaa'nanya giri'kita'nanyabwi yadivisaraj'i a'mweraavi tamakadivisaraj'i a'mwe silaangeraavij'i yisaraavij'i kwaasigotiyaraavij'i widadivisaraj'i gazarazara kwaasiyabwina wivu'nadera kwaasi yadivisaraj'i a'mwe dazara mwalibainy'na yipi'dere mwasi'laa. Anga nawi'nya savi wilaabipi'dera mi'."

¹⁶ "Ni'mi Jizaazainy'i nimire ejeliyar'i sariminyawinna yihimaryasaabiwa. Ni'minyine kusilaanyang'ya anga geva gevanyaihirina yagaala daza jalikurakya'neri yihimaryasaabiweiny'i. Ni'mi sahwainyi Yita Devitimi aaya kaavilyav'i pwipulyainy'i. Ni'mi gamire Kaimiraayaainy'i. Ni'mi silingaaminya yirikwinyagaa' livamwaja yade' kaabwe sahiripi'nyi."

¹⁷ Kurya Tewaanyalyi Sipzipiya Diwinyare sidiraayas'i sawaai dina "Kaaja!" A'mwei yagaala daza' wi'noj'i sai dara dana! "Kaaja!" Nabaai a'mwei aalya'na mijika baloji sai bana! "Aalya' ni'ma!" yawiroji aalya gaala'ne' Gotiyare yanga naange' bamaaran!

¹⁸ Ni'mi yagaala diraginya' widivanige. A'mwe gazaizai Gotiyare wi'nawijiwaaakiyagaala daza bukuya diri warike kadika wi'nivani'keri diraginna dara jalikurakivanige. Saig'i yagaala dazangina yagaala piri' mijemwamwinya yijaig'i bukuya dathiri wana kayaa'nanya daza kayaaka yigalya'nenna yida'ni'ke sa Gotiyai gimin'y'i mijemwamwinya gyatheiginy'i. ¹⁹ Nabaai bukuya diri Gotiyare wi'nawijiwaaakiyagaala dazang'i yagaala piri' marasi'ni'jaig'i Gotiyai gimin'y'i gamire nawi'nyaanga bukuya dathiri yida'nikenna gimarasi'nadeig'i. Yi sasareig'i gimin'yine yita gaala'ne sik'i tika munne dimaranadeig'i mi'. Yi sasareig'i anga naanga nawi'nya dazaba yiniga wi'na dimwaaideig'i mi'. Aawa. Dazaburi gimarasi'nadeiginy'i.

²⁰ Yuya dazanna jalikurakivanika dazai dahaa' dara dina "Yayo, ni'mi yime'nya'b'i walaabideinyira!"

Sahirisi. Nebula naangesira. Naanga Jizaazai dalaama!

²¹ Yanga gaimwanga naanga Jizaazare' sarimi yuyaihily'i yihye'mwannamwaalana!